

ডাক্তার জিভাগে

ডাক্তর জিভাগো

[বরিস পাস্টেরনাক-এর নোবেল পুরস্কারপ্রাপ্ত উপন্যাস
'ডাঃ জিভাগো'-র অম্ববাদ]


অম্ববাদ

মীনাক্ষী দত্ত ও মানবেন্দ্র বন্দ্যোপাধ্যায়

কবিতার অম্ববাদ

ও

সম্পাদনা



বেঙ্গল পাবলিশাস' (প্রাইভেট) লিমিটেড

কলকাতা-১২

রূপা অ্যাণ্ড কোম্পানী

কলকাতা-১২

সম্পাদকের নিবেদন

“ডাক্তার জিভাগো”-র এই বাংলা অহুবাদ কী-ভাবে সম্পন্ন হয়েছে, এবং আমার এতে কতটুকু অংশ ছিলো, সে-বিষয়ে দু-এক কথা বলতে চাই।

দু-জন অহুবাদকের পাণ্ডুলিপি আমি পরিশোধন করেছি ; চেষ্টা করেছি ভাষার ভঙ্গি, বানান ও যতিচিহ্নের ব্যবহারে সমতা রক্ষা করতে, যাতে পাঠকের মনে হয় বাংলা পুস্তকটি একই হাতের রচনা। যাকে আক্ষরিকতা বলে অহুবাদে তা অসম্ভব বলে জেনে, আমি লক্ষ্য রেখেছি অহুবাদটি যাতে স্বপাঠ্য হয়, অন্ততপক্ষে পাঠযোগ্য ; কিন্তু জ্ঞানত একটি শব্দও বর্জন করিনি, বা জটিলকে সরল ও বন্ধুরকে সমতল ক’রে দিয়ে অলীক প্রাঞ্জলতা সৃষ্টি করিনি। আশা করি বাংলা ভাষার পাঠক এই পুস্তক অনায়াসে প’ড়ে উঠতে পারবেন—কিংবা যেটুকু আয়াস তাঁকে করতে হবে তা পাঠেরনাকের বৈশিষ্ট্যের প্রভাবে, অহুবাদের অপটুতার জন্ত নয়।

হয়তো বলা বাহুল্য, এই অহুবাদ “ডাক্তার জিভাগো”-র ইংরেজি সংস্করণ থেকে রচিত হয়েছে ; এর সঙ্গে সম্পৃক্ত ব্যক্তিদের রুশীয় সাহিত্য ও ইতিহাস বিষয়ে অল্প-বিস্তর অভিজ্ঞতা থাকলেও রুশ ভাষায় বর্ণপরিচয় নেই। আমাদের এই অক্ষমতা সত্ত্বেও এ-কাজে আমরা অগ্রসর হয়েছি দুটি কথা ভেবে : প্রথমত, অহুবাদের অহুবাদও অবস্থাবিশেষে প্রভাবশীল হ’তে পারে এবং হয়েছে ; দ্বিতীয়ত, রুশ ভাষায় জ্ঞান, সাহিত্য রসবোধ ও বাংলা ভাষায় রচনাশক্তি, এই তিন গুণের সন্নিপাত আমাদের দেশের পক্ষে এমনই বিরল যে তার কোনো সম্ভাবনা অদূর ভবিষ্যতে দেখা যাচ্ছে না। যদি কখনো সেই ‘আদর্শ অহুবাদক’ দেখা দেন, আমরা তাঁকে অভ্যর্থনা জানাতে প্রস্তুত থাকবো, কিন্তু ইতিমধ্যে একটি পূর্ণাঙ্গ সমকালীন যোরোপীয় উপন্যাসের সঙ্গে পরিচয় ঘটলে বাংলা ভাষার পাঠক ও বাংলা সাহিত্য লাভবান হবে বলে বিশ্বাস করি।

রুশীয় নামগুলির প্রতিলিখনে মোটামুটি জার্মান ভাষার উচ্চারণ-পদ্ধতি অবলম্বন করেছি ; যদিও কোনো-কোনো ক্ষেত্রে আমাদের ইংরেজি অভ্যাস প্রভাব পায়নি তাও নয়। এই বিষয়ে সঠিক বা যথাযথ হবার দাবি আমরা করছি না ; কোনোরকম ‘পণ্ডিতিয়ানা’ সতর্কভাবে এড়িয়ে গিয়েছি। ইংরেজি সংস্করণের পাদটীকাগুলি সবই রক্ষিত হয়েছে ; উপরন্তু, বাঙালি পাঠকের স্ববিধের জন্য, অনেক নতুন পাদটীকা যোগ করেছি—সেগুলো ‘অম্ববাদকের টীকা’ ব’লে উল্লিখিত হ’লো।

পাঠক লক্ষ করবেন যে এই গ্রন্থে ইংরেজি ‘z’ ব্যঞ্জননের স্থলে ‘জ’ ও ফরাসি ‘j’ বা রুশীয় ‘zh’-এর স্থলে ‘জ্জ’ অক্ষর ব্যবহার করা হয়েছে। ‘জ্জ’ শব্দের উচ্চারণ ইংরেজি ‘pleasure’ বা ‘measure’ শব্দে ‘s’-এর মতো ; বাংলা ভাষায় এই ব্যঞ্জন নেই, কিন্তু আমাদের পক্ষে তা সহজেই উচ্চার্য।

এই সম্পাদন-কর্মে আমাকে প্রভূতভাবে সাহায্য করেছেন শ্রী স্ববীর রায়চৌধুরী ; তাঁকে আমার কৃতজ্ঞতা জানাই। খৃষ্টীয় ধর্মসংক্রান্ত পরিভাষার অম্ববাদে ফাদার পিয়ের ফাল, এস. জে.-প্রণীত ‘A Glossary of Bengali Religious Terms’ নামক পুস্তিকার সাহায্য পেয়েছি। যথাসাধ্য মনোনিবেশ সত্ত্বেও হয়তো স্থলে-স্থলে ক্রটি বা অসংগতি থেকে গেলো ; কোনো সহৃদয় পাঠক সে-বিষয়ে আমাকে জানালে পরবর্তী সংস্করণে সংশোধনের চেষ্টা করবো।

অগস্ট, ১৯৬০

কলকাতা

বু. ব.

সূচিপত্র

প্রথম খণ্ড

	পৃষ্ঠা
পরিচ্ছেদ ১	৩
১ বেলা পাঁচটার গাড়ি	
২ ভিন্ন জগতের একটি মেয়ে	২৯
৩ স্তেনটিটস্কিদের বাড়িতে ক্রিসমাস উৎসব	৮৬
৪ অনিবার্ণের আবির্ভাব	১২৫
৫ বিদায়, অতীত	১৭৬
৬ মস্কোতে রাজিবাস	২২২
৭ যাত্রা	২৭৯

দ্বিতীয় খণ্ড

পরিচ্ছেদ ৮	আগমন	৩৪৭
৯	ভারিকিনো	৩৮১
১০	রাজপথ	৪২৫
১১	আরণ্যক ভ্রাতৃত্ব	৪৬০
১২	বরফ-দেওয়া জামফল	৪৯৩
১৩	স্তম্ভভবনের উন্টো দিকে	৫২৭
১৪	আবার ভারিকিনো	৫৮৪
১৫	উপসংহার	৬৪৮
১৬	পরিশিষ্ট	৬৯৮

জিভাগোর কবিতা

৭১:

অলুবাদ : বুদ্ধদেব বসু

উপজ্ঞাসের প্রধান চরিত্রাবলী

পদবী	নাম এবং পিতৃকুলের উপাধি	সংক্ষেপে	
জিভাগো	ইউরি আলেক্সেইয়েভিচ (আলেক্সেভিচ)	ইউরা, ইউরোচকা	
ভেডেনিয়াপিন	নিকোলে নিকোলেভিচ	কোলিয়া	ইউরি জিভাগোর মামা
ডুডোরভ গর্ডন		নিকি মিশা	ইউরি জিভাগোর বন্ধু
গ্রোমেকো	আলেকজান্ডার আলেকজান্ডেভিচ		আলেকজান্ডার
গ্রোমেকো (বিবাহ-পূর্বে ক্র্যেগার)	আনা ইভানোভনা		গ্রোমেকোর স্ত্রী
গ্রোমেকো	আনটনিনা আলেকজান্ডেভনা টোনিয়া		আলেকজান্ডার গ্রোমেকোর কন্যা
গুইশার	আমালিয়া কার্লোভনা		আমালিয়া
গুইশার	লারিসা ফিয়োডোরোভনা	লারা	গুইশারের কন্যা
গুইশার কমারোভস্কি	রডিয়ন ফিয়োডোরোভিচ ভিক্টর ইগ্নাটোভিচ	রডিয়া	পুত্র
আন্টিপভ	পাভেল পাভেলোভিচ	পাশেকা, পাশা	
গালিউলিন	গিমাঞ্জেন্দিন		
গালিউলিনা	কতিমা		গালিউলিনের স্ত্রী
গালিউলিন	ইউহুফ গিমাঞ্জেন্দিনোভিচ	ইউহুপকা	গিমাঞ্জেন্দিন গালিউলিনের পুত্র
টিভেরজিনা	মার্ক গাভ্রিলোভনা		
টিভেরজিন	কুপ্রিয়ান মাভেলিয়েভিচ	কুপ্রিক	
টিয়াগুনোভা	পেলাগিয়া	পোলিয়া মাসি	মার্ক টিভেরজিনের পুত্র
সামডেভইয়াটভ	আনফিম ইয়েফিমোভিচ		
মিকুলিৎসিন	আভেরসিয়াস		
মিকুলিৎসিনা	হেলেন		আভেরসিয়াস মিকুলিৎসিনের স্ত্রী
মিকুলিৎসিন	লিবেরিয়ুস আভেরসিএভিচ		আভেরসিয়াস মিকুলিৎসিনের পুত্র
টুকসেভা	গ্রাক্সিয়া	গ্রাশা	লিবেরিয়ুস
টুটসেভা	সেরাক্সিয়া	সিমা	মিকুলিৎসিনের মাসি

প্রথম খণ্ড

পরিচ্ছেদ ১

বেলা পাঁচটার গাড়ি

১

‘শান্ত স্বস্তি’ গান গাইতে-গাইতে তারা চলেছে। মাঝে-মাঝে গান থামে; আর যখনই থামে, তাদের পায়ের শব্দ, হাওয়ার ঝাপটা আর ঘোড়াগুলো মিলে যেন সেই গানকে এগিয়ে নিয়ে যায়।

এই মিছিলটিকে এগুতে দেবার জন্ত রাস্তার লোকেরা স’রে দাঁড়াচ্ছে, কেউ-কেউ ফুলের মালাগুলোকে গুনছে, কেউ বা ক্রুশচিহ্ন আঁকছে নিজের বুকে। কোঁতুলী কয়েকজন এগিয়ে এসে জিজ্ঞেস করলে, ‘কে? কাকে কবর দেওয়া হচ্ছে?’ ‘জিভাগো,’ কেউ হয়তো জবাব দেয়। ‘ও, তাই!’ সঙ্গে-সঙ্গে আর একজন ব’লে ওঠে: ‘না, না, জিভাগো নন; তাঁর স্ত্রী।’ ‘ঐ একই হ’লো। অন্ত্যেষ্টির আয়োজন চমৎকার হয়েছে। ঈশ্বর মৃতের আত্মাকে শান্তি দিন।’

শেষ মুহূর্তগুলি ঝলক তুলে মিলিয়ে গেলো। তাদের যেন গোনা যায়—আর কখনো তারা ফিরে আসবে না। ‘হে পরম প্রভু, তোমার এই প্রাণীসমাকীর্ণ, ঐশ্বর্যময়ী ধরণী, এই দীন প্রাণীও তোমার।’ পুরোহিত যারিয়া নিকোলাএভনার শব্দেহের ওপর মাটি ছিটিয়ে-ছিটিয়ে ক্রুশচিহ্ন এঁকে দিলেন। ‘সঙ্কনের আত্মা’ গান পাওয়া হ’লো। তারপর শুরু হ’য়ে গেলো এক ভীষণ ব্যস্ততা। কফিনের মুখে আঁটা হ’লো পেরেক, নাবানো হ’লো

কবরের ভিতর। চারটে কোদাল ক্রতবেগে ভরিয়ে তুললো কবর, আর সঙ্গে-সঙ্গে ফোঁটা-ফোঁটা বৃষ্টির মতো বুড়ি-বুড়ি মাটি কফিনের ঢাকনার উপর মৃদু শব্দে ঝরে পড়তে লাগলো। কবরের উপর উচু হয়ে উঠলো মাটির ঢিপি, একটি দশ বছরের ছেলে সেই ঢিপি বেয়ে উঠে দাঁড়ালো।

ষে-কোনো বড়ো অন্ত্যেষ্টিক্রিয়ার সমাপ্তির পর লোকেরা কেমন নির্বোধ ও নিঃশব্দ হয়ে পড়ে। সেইজন্য অনেকে ভাবলে ছেলেটি বুঝি তার মৃত মায়ের বিষয়ে কিছু বলতে চাইছে।

কিন্তু ছেলেটি সেই উচু জায়গা থেকে মাথা তুলে হেমন্তের রক্ত প্রকৃতির উপর চোখ বুলিয়ে নিলো; তারপর তাকালো মঠের চূড়োগুলির দিকে কেমন এক উন্নত দৃষ্টিতে। তার চ্যাপ্টা মুখ আর বোঁচা নাক বিকৃত হয়ে উঠলো; লম্বা ক'রে বাড়িয়ে দিলে গলা। যদি সে নেকড়ে-শিশু হ'তো তাহ'লে কাউকে ব'লে দিতে হ'তো না যে সে এখনই আত্ননাৎ ক'রে উঠবে। দুই হাতের পাতায় মুখ ঢেকে ফুঁপিয়ে কেঁদে উঠলো ছেলেটি। বাতাস নেমে এলো তার ওপর, ঝাপটে-ঝাপটে হিম বৃষ্টি ছিটিয়ে চাবুক মারলে তার মুখে আর হাতের পাতায়। আঁটো আন্তিনওলা কালো রঙের পোষাক পরা ঐক ভদ্রলোক ধীরে কবরের ওপর উঠে এলেন। ইনি মারিয়া নিকোলাএভনার ভাই; এই শোকাক্ত ছেলেটির মামা। এর নাম নিকোলে নিকোলেভিচ ভেভেনিয়াপিন। আগে ইনি ছিলেন পুরোহিত, সম্প্রতি স্বচ্ছায় সেই আলখাল্লা পরিত্যাগ করেছেন।

তিনি এগিয়ে এলেন ছেলেটির কাছে, তারপর তাকে নিয়ে কবরখানা থেকে বেরিয়ে পড়লেন।

২

সে-রাত মঠে কাটালো তারা। পুরোনো দিনের ঋতিরে কোলিয়া-মামাকে সেখানে একটি ঘর ছেড়ে দেওয়া হয়েছিলো। সেদিন ছিলো পুণ্যময়ী কুমারীর বরদানের পার্বণ। কালই তাদের চ'লে যাবার কথা দক্ষিণে, ভলগার তীরের এক মফস্বল শহরে—যেখানে কোলিয়া-মামা এক প্রকাশকের আপিশে কাজ

করেন। প্রকাশকটি স্থানীয় প্রগতিশীল খবর-কাগজের মালিক। টিকিট কাটা হ'য়ে গেছে, শুছোনো মালপত্রও মঠের কুঠুরিতে ভৈরি। কাছেই রেল-লাইন। শাটিং চলছে, এঞ্জিনের করুণ হুইসিলের আওয়াজ দূর থেকে ভেসে আসে বাতাসে।

সন্ধ্যাবেলা খুব ঠাণ্ডা পড়লো। কুঠুরির জানলা দুটি মেঝে পর্যন্ত নামানো। বাইরে দেখা যায় রান্নাঘরের পেছনে অবহেলিত ছোট্ট সজ্জি খেত, তারপর একফালি সদর রাস্তা, যেখানে গর্ভগুলিতে জল জ'মে বরফ হ'য়ে আছে— আর তারপর সেই কবরখানার একটি অংশ যেখানে আজই কিছুক্ষণ আগে মারিয়া নিকোলাএভনাকে কবর দেওয়া হয়েছিলো। রান্নাঘরের সজ্জিক্ষেত্রে বিশেষ-কিছু নেই, শুধু দেয়াল ঘেঁষে একেশিয়ার ঝোপ আর কয়েক সার বাঁধাকপি, শীতে নীল আর কঁকড়োনো। এক-একবার হাওয়া দেয় আর পাতা-হারা একেশিয়াগুলি নাচতে শুরু করে যেন তাদের দানোয় পেয়েছে। হুয়ে প'ড়ে পথের সঙ্গে চেপ্টে যায় তারা।

রায়ে সেই ছেলেটি, ইউরা, জানলায় যেন কার হাতের টোকা শুনে জেগে উঠেছিলো। কুঠুরির মধ্যে কাঁপছে এক শুভ্রতা, রহস্যময় অন্ধকার আলো হ'য়ে উঠেছে। সেই শীতে, গায়ে তার শাট ছাড়া কিছু নেই, সে ছুটে জানলার ধারে গিয়ে ঠাণ্ডা কাচের উপর তার মুখ চেপে ধরলো।

বাইরে রাস্তার কোনো চিহ্ন নেই, সজ্জিক্ষেত্রে আর কবরখানা মিলিয়ে গেছে, আছে শুধু তুষারের ঝড় আর বরফের ধোঁয়ার মতো বাতাস। সেই তুষার-ঝড় প্রায় যেন ইউরাকে দেখতে পেয়েছে, জেনেছে তার ভয় দেখাবার শক্তি কতোখানি। আর তাই যেন এতো গর্জন তার, এতো তীব্র চীৎকার; ইউরাকে বশ করার জন্ত চেষ্টার কোনোই ক্রটি করলে না, হাতে-হাতে ফল পেয়ে উল্লাসে মেতে উঠলো। আকাশে পাক খেয়ে ঘুরে-ঘুরে শুভ্রতার লম্বা-লম্বা বিরাট ফালি পৃথিবীতে ঝ'রে-ঝ'রে মাটিকে যেন কান্ডুনে ঢেকে দিলে। এই তুষার-ঝড় জগতে আজ একা, তার কোনো প্রতিদ্বন্দ্বী নেই।

জানলার তাক থেকে নেমে এসে ইউরার প্রথম ঝোঁক হ'লো কাপড় প'রে নিয়ে বাইরে যায়, কিছু-একটা করতে আরম্ভ করে। তার ভয় হ'লো পাছে ঐ বাঁধাকপির খেতটুকু বরফের তলায় ডুবে যায়—কেউ আর খুঁড়ে না তোলে।

ভয় হ'লো পাছে তার মা, খোলা মাঠে কবরে শুয়ে-শুয়ে অলহায় ভাবে মাটির গভীরে ডুবে যান—আরো গভীরে, তার কাছ থেকে অনেক দূরে।

আরো একবার কান্নায় শেষ হ'লো তার ভাবনা। মামা জেগে উঠলেন, যীশুর কথা ব'লে চেষ্টা করলেন তাকে সাহসনা দিতে। তারপর হাই তুলে চিন্তিতভাবে জানলার কাছে গিয়ে দাঁড়ালেন। তারা কাপড় পরতে শুরু করলে। ভোর হ'য়ে এলো।

৩

মা যতোদিন বেঁচে ছিলেন ইউরোপে জানতে পারেনি যে তার বাবা বহুপূর্বেই তাদের ত্যাগ ক'রে কখনো সাইবেরিয়ায়, কখনো অগ্নি কোথাও ঘুরে-ঘুরে তাদের বিপুল বিত্ত মদ আর স্ত্রীলোকের পেছনে উড়িয়ে দিচ্ছেন। তার মা তাকে বাবার কথা বলতেন, সে জানতো ব্যবসার খাতিরে বাবাকে অগ্নি বাস করতে হয়—তিনি কখনো থাকেন পিটার্সবার্গে, কখনো বা তাঁকে যেতে হয় বড়ো-বড়ো মেলার কোনো একটিতে, সাধারণত ইরবিট শহরে।

মা তেমন সবল ছিলেন না কোনোদিনই, কিন্তু যখন তাঁকে যন্মায় ধরলো, তখন থেকে চিকিৎসার জগৎ দক্ষিণ ফ্রান্স বা ইটালির উত্তরে যেতেন মাঝে-মাঝে। ইউরোপ ছ'বার তাঁর সঙ্গে গিয়েছিলো। কতো সময় অচেনা লোকদের সঙ্গে থাকতে হয়েছে তাকে, বদলি হ'তে হয়েছে এক থেকে অগ্নি কোনো সংসর্গে। এই সব বদলে তার অভ্যাস হ'য়ে গিয়েছিলো; আর এই অপরিচ্ছন্ন পটভূমিকায়, অন্তহীন রহস্যের পরিবেশে, তার বাবার অল্পপস্থিতিও তার মনে কোনো প্রশ্ন তোলেনি।

তার আবছা মনে পড়ে তার খুব ছেলেবেলার কথা, যখন তারই পদবির সঙ্গে কতো অসংখ্য জিনিসের নামই না সে যুক্ত হ'তে দেখেছে। জিঃভাঃগো-কারখানা, জিঃভাঃগো-ব্যাঙ্ক, জিঃভাঃগো-টাইপিন, জিঃভাঃগো-ভবন—এমনকি একটা জিঃভাঃগো-কেকও ছিলো, এখনো মনে আছে। 'জিঃভাঃগোর বাড়ি!' মস্কোর কোনো স্নেজওলাকে এটুকুর বেশি বলতে হ'তো না; যেন বলা হয়েছে—'টিথকটুতে নিয়ে চলো!' তখন সেই স্নেজ-গাড়ি আপনাকে নিয়ে

চ'লে যেতো পৃথিবীর প্রান্তে এক মায়াময় রাজ্যে। গ্রামের মতো শান্ত সেই বাড়ির বাগান ঘিরে ফেলতো আপনাকে; ফারগাছগুলোর ভারি-ভারি ডালে বসতে গিয়ে কাকেরা তুষারকণা ছিটিয়ে দিতো, তাদের ডাক প্রতিধ্বনি তুলতো চুল্লিতে কাঠ পোড়ার মতো শব্দ ক'রে, অভিজাত কুকুরের পাল রাস্তা পার হ'য়ে ছুটে আসতো সেই পরিষ্কার জায়গাটুকু থেকে, যেখানে বাড়ি তৈরি হচ্ছে আর আলো জ্বলছে ঘন-হ'য়ে-আসা সন্ধ্যায়। হঠাৎ মিলিয়ে গেলো সব। তারা গরীব হ'য়ে পড়লো।

8

১৯০৩ সালের এক গ্রীষ্মের সকাল। মায়ের মৃত্যুর ঠিক দু-বছর পরে ইউরা তার মামার সঙ্গে ঘোড়ায় টানা এক খোলা গাড়ি চ'ড়ে মাঠের মধ্য দিয়ে যাচ্ছিলো। ইভান ইভানোভিচ ভস্কোবয়নিকভের সঙ্গে দেখা করতে চলেছে তারা। ইনি একজন শিক্ষক, এঁর লেখা পাঠ্যবইগুলির খুব কাঁটতি; থাকেন ডুগ্লিয়ানকাতে। কলোগ্রিভভ, এক রেশম-ব্যবসায়ী আর শিল্পকলার পৃষ্ঠপোষক, তাঁরই জমিদারি এই গ্রাম।

কাজানের দিব্যকুমারীর স্মৃতিবার্ষিকী আজ। ধানকাটার মরশুম চলছে এখন, কিন্তু পরবের জন্ম, কি হয়তো দুপুরবেলার বিশ্রামের জন্ম, কাউকে কোথাও দেখা যাচ্ছে না। অর্ধেক-নিড়োনো খেতগুলো রোদ্দুরে ঝলসে যাচ্ছে, জেলখানার কয়েদির আধখানা-কামানো মাথার মতো। মাথার উপর গোল হ'য়ে উড়ে বেড়াচ্ছে পাখিরা। আর পাকা গমের শিষগুলি খাড়া হ'য়ে দাঁড়িয়ে আছে—একেবারে স্তব্ধ। সদর রাস্তা থেকে একটু দূরে কাটা শস্তের স্তূপের পেছন থেকে হঠাৎ কয়েকটি লম্বা শিষ মাথা উঁচু ক'রে দাঁড়িয়ে ওঠে, বেশিক্ষণ তাকিয়ে থাকলে মনে হ'তে পারে ওরা যেন ধীরে নড়ছে, জমির ঠিকেদার যেন ওরা, কোথায় কী কাজ হচ্ছে তার তদারকি করতে-করতে স্বদূর দিগন্তে হেঁটে বেড়ায়।

‘এই সব জমি জমিদারের, না চাষিদের নিজের?’ নিকোলে নিকোলেভিচ পাভেলকে জিজ্ঞাসা করলেন। পাভেল সেই প্রকাশকের কাছে ফাইকরমাস

খাটার কাজ করে। এখন সে গাড়ি চালাচ্ছে। কাঁধ উঁচু ক'রে, ঘাড় কুঁজো ক'রে, অদ্ভুত ভঙ্গিতে এক পায়ের উপর আরেক পা দিয়ে ব'সে যতোটা সম্ভব বুঝিয়ে দিচ্ছে যে গাড়ি চালানো আসলে মোটেও তার কাজ নয়।

‘মালিকের।’ পাইপে আগুন ধরিয়ে পাভেল তাতে টান দিলে। অনেকক্ষণ চুপচাপ। ঘোড়ার পিঠে চাবুক পড়লো, গাড়ির মুখ অঙ্গদিকে ঘুরতেই পাভেল বললে, ‘আর এই সব জমি আমাদের—। আরে ধূশ্ শালা—’ ঘোড়াগুলিকে গাল দিয়ে উঠলো সে। এঞ্জিনচালক যে-ভাবে তার কলকজার দিকে দৃষ্টি রাখে ঘোড়াগুলির ল্যাজ আর কাঁধের উপর সে ঠিক সেইভাবে নজর রেখেছে। কিন্তু পৃথিবীর অগ্র যে-কোনো ঘোড়ার যা স্বভাব, এই ঘোড়া দুটোরও তা-ই, সামনেরটি অতিশয় সরল হৃদয়ে শান্ত চিত্তে গাড়ি টানছে^১; আর পেছনের ঘোড়াটা রাজহাসের মতো এমনভাবে ঘাড় বেকিয়ে আছে যে অনভিজ্ঞের মনে হ'তে পারে সে একেবারে কুঁড়ের বাদশা—ঘণ্টার আওয়াজে তাল দিয়ে দিয়ে লাফানো ছাড়া যার আর কোনো কাজ নেই।

ভস্কোবয়নিকভের লেখা জমি ও কৃষি বিষয়ে একটি বইয়ের প্রুফ নিয়ে চলেছিলেন নিকোলে নিকোলেভিচ। এদিকে আবার সেন্সর ক্রমশ কড়া হচ্ছে: প্রকাশক লেখককে বলেছেন বইটা আর-একবার আগাগোড়া প'ড়ে দিতে।

‘এদিককার লোকেরা যা-সব শুরু করেছে,’ পাভেলকে লক্ষ্য ক'রে মামা বললেন, ‘এই তো সেদিন এক ব্যবসাদারের গলা কাটলো, আবার শুনছি জেমস্কি^২র আস্তাবলটা পুড়িয়ে দিয়েছে। কী মনে হয় তোমার? তোমাদের গাঁয়ের লোকেরা সব বলছে কী?’

কিন্তু পাভেলের মত, স্পষ্ট বোঝা গেলো, এ-বিষয়ে বড্ড কড়া—যে সেন্সরের ইচ্ছা-অনুসারে কৃষি-সমস্যা বিষয়ে ভস্কোবয়নিকভ-এর তীব্র মতামতগুলোকে নরম করার দরকার হচ্ছে—তার চেয়েও কড়া। ‘কী আশা করেন ওদের কাছ থেকে? নাগালের বাইরে চলে গেছে ওরা। বড্ড বেশি ভালো ব্যবহার করা হয়েছে ওদের সঙ্গে—আরে আমাদের জাতের লোকদের

^১ গাড়িটা ট্রাক জাতীয়, কিন্তু এক ঘোড়ার বললে দুই ঘোড়ায় টানছে।

^২ জেমস্কি (zemsky) গ্রামীণ বিষয়ে তারপ্রাপ্ত সরকারি চাকুরে।

সঙ্গে কি এ-রকম ব্যবহার করতে আছে? একবার লাই দিয়ে দেখুন না ওই চাষাদের, প্রত্যেকে প্রত্যেকের উপর ঝাঁপিয়ে পড়ে টুঁটি চেপে ধরবে—আরে চল ব্যাটা, চল।’

ইউরোপ আমার সঙ্গে আরো একবার ডুপ্লিয়ানকাতে এসেছিলো। তার ধারণা ছিলো সে রাস্তা চেনে—তাই যখনই দেখেছে পথের দু-পাশে, সামনে পেছনে, এলোমেলো কিছু গাছ নিয়ে ছোটো-ছোটো বন—চেনা লেগেছে তার, আশা করেছে এইবার রাস্তা ডাইনে বঁকবে, আর সে দূরে দেখতে পাবে অস্পষ্ট ছবির মতো কলগ্ৰিভভের জমিদারির দশ মাইল জোড়া উন্মুক্ত পল্লী-প্রকৃতি—দূরে নদীর জল রোদে কেমন ঝকঝকে, আর সেই নদীর পেছনে রেল-লাইন। কিন্তু প্রত্যেকবারই ভুল করেছে। মাঠের পর মাঠ, আর মাঠকে গ্রাস ক’রে বন। ক্রমান্বয়ে উন্মোচিত এই বিশাল প্রকৃতির দৃশ্যাবলী যাত্রীদের মনে এক বিপুল ব্যাপ্তির অহুভূতি জাগিয়ে তোলে—তাদের ভাবায়, স্বপ্ন দেখায় ভবিষ্যতের।

পরে যে-সব বই লিখে নিকোলে নিকোলেভিচ বিখ্যাত হয়েছিলেন তার একটাও এই সময়ে লেখা হয়নি, কিন্তু তাঁর ধ্যান-ধারণাগুলি সম্পূর্ণ আকার নিয়ে নিয়েছে। কিন্তু তবু, তিনি নিজেকে জানতে পারেন নি যে তাঁর সময় আসন্ন।

শিগগিরই তাঁর সমসাময়িক লেখক, বিশ্ববিদ্যালয়ের শিক্ষক আর বিপ্লবী আন্দোলনের সঙ্গে যুক্ত দার্শনিকদের মধ্যে তিনিও গণ্য হবেন, এমন একজন ব’লে স্বীকৃত হবেন যিনি ওঁদের সকলের সঙ্গে একই চিন্তায় অংশ নিয়েও শুধুমাত্র সেই চিন্তার ভাষা ছাড়া অল্প সকল বিষয়ে ভিন্ন। এঁরা প্রত্যেকে ব্যতিক্রমহীনভাবে একটা-না-একটা বুলি আঁকড়ে থাকেন, সন্তুষ্ট থাকেন কথা আর বাইরের খোলসটা নিয়ে; কিন্তু তিনি, সন্ন্যাসী নিকোলে, ধর্মযাজক নিকোলে, যিনি একই সঙ্গে টলস্টয়ের শিষ্য আর আদর্শবাদী বিপ্লবী, এখনো তাঁর প্রব্রজ্যা শেষ হয়নি। তাঁর আকৃতি এমন এক নীতির জন্ত, আবেগে যার জন্ম, অথচ মূর্ত যার অবয়ব, যা পথ দেখিয়ে দেবে, এই পৃথিবীকে বদলে দেবে, ডেকে আনবে মঙ্গলকে; এমন এক চিন্তা যা এমনকি শিশুর কাছে অথবা মূর্খ বোকার কাছেও বিদ্যুতের মতো, বজ্রের মতো স্পষ্ট। তাঁর আকৃতি মত্নের জন্ত।

মামার কাছে থাকতে ভালো লাগতো ইউরার। মামা তাঁকে তাঁর মায়ের কথা মনে করিয়ে দেন। মায়ের মতোই তাঁর মুক্ত মন আর অপরিচিতকে গ্রহণ করার উন্মুখতা। সমস্ত প্রাণীর প্রতি তাঁর অভিজ্ঞাত সমতাবোধ; তিনিও এক পলকে সব-কিছু বুঝে ফেলেন। যে-কোনো ভাবনার উন্মেষের সঙ্গে-সঙ্গে তাঁর অর্থ ও প্রাণ হারিয়ে যাবার আগেই তিনি তা প্রকাশ করতে পারেন।

মামা যে তাকে ডুপ্লিয়ানকাতে নিয়ে যাচ্ছেন ইউরা তাতে খুশি হয়েছে। সুন্দর গ্রাম ডুপ্লিয়ানকা। এই গ্রামও তার মাকে মনে পড়িয়ে দেয়—মা প্রকৃতি ভালোবাসতেন, ইউরাকে প্রায়ই গ্রামে হাঁটতে নিয়ে যেতেন।

নিকি ডুডোরভের সঙ্গে দেখা করার জন্তও উদগ্রীব হ'য়ে আছে সে, যদিও নিকি ইউরার চাইতে বয়সে দু-বছরের বড়ো ব'লে তাকে খুব সম্ভব অবজ্ঞার চোখেই দেখে। নিকি ইস্কুলের ছাত্র, ভক্সোবয়নিকভের বাড়িতে থাকে। ইউরার সঙ্গে হাত ঝাঁকানোর সময় শরীরের সব শক্তি খাটিয়ে এমনভাবে হাতটাকে নিজের দিকে ঝাঁকায় আর মাথাটা এতো নিচু করে যে কপালের উপর চুল এসে প'ড়ে আধখানা মুখই ঢেকে দেয় তার।

৫

‘দারিদ্র্য-সমস্যার স্নায়ুতন্ত্র হ'লো—’ নিকোলে নিকোলেভিচ পরিমার্জিত পাণ্ডুলিপি থেকে পড়লেন।

‘“নির্ধাস” আরো ভালো হবে—’ এই ব'লে ইভান ইভানোভিচ গেলি-প্রুফে সংশোধন করলেন।

ঢাকা বারান্দার আধো-অন্ধকারে ব'সে কাজ করছিলেন দু-জনে। চার-পাশে এলোমেলোভাবে ছড়িয়ে আছে ফুল গাছে জল দেবার ঝারি, খুরপি আর কোদাল, একটা ভাঙা চেয়ারের পিঠের উপর একটা বর্ষাতি রাখা, মস্ত ভারি-ভারি গলেশগুলো^১ কদমাস্ত্র অবস্থায় এক কোণে দাঁড়িয়ে আছে, মাথাগুলো বঁকে পড়েছে মেঝের উপর।

^১ গলেশ : বৃষ্টি ও বরফে ব্যবহারের জন্ত রবারের জুতো।

‘অপর পক্ষে, জন্ম ও মৃত্যুর হার প্রমাণ করে—’ নিকোলে নিকোলেভিচ প’ড়ে শোনালেন।

‘“এ-বছরের” কথাটা যোগ করে দাও,’ ব’লে ইভান ইভানোভিচ নিজের কাগজে কথাটা লিখে রাখলেন। কিছু নতুন খসড়া আবার তৈরি হ’লো। গ্রানাইটের টুকরোগুলি কাগজ-চাপার কাজ করছে।

কাজ শেষ হবার সঙ্গে-সঙ্গে নিকোলে নিকোলেভিচ বিদায় নিতে চাইলেন।

‘ঝড় আসছে। এখন যেতে হয়।’

‘না, না, যাবে কোথায়? তোমাকে যেতে দিচ্ছি না এখন। এসো, একটু চা খাওয়া যাক এবার।’

‘কিন্তু সন্দের আগেই যে আমার শহরে পৌঁছনো দরকার।’

‘ও-সব বাজে কথা ব’লে লাভ নেই। আমি শুনবো না।’

বাগানে চা দেওয়া হ’লো। তামাক আর সুঁধুমুখী ফুলের মেশানো গন্ধ ডুবিয়ে দিয়ে সামোভার থেকে হঠাৎ কাঠকয়লার ধোঁয়া পেঁচিয়ে-পেঁচিয়ে বেরিয়ে এলো। একটি দাসী ট্রে-তে সাজিয়ে নিয়ে এলো ঘন ক্রীম, জাম-ফল, আর পনিরের পিঠে। পাভেল নাকি নদীতে স্নান করতে গেছে, ঘোড়া দুটোকেও নিয়ে গেছে সঙ্গে। নিকোলে নিকোলেভিচ হুতরাং অপেক্ষা করতে বাধ্য হলেন।

‘চলো না, চা হ’তে-হ’তে নদীর ধার থেকে ঘুরে আসি’, ইভান ইভানোভিচ বললেন।

কলোগ্রিভভের সঙ্গে বন্ধুতার খাতিরে স্বয়ং নায়েব-মশাইয়ের বাড়ির দুটো ঘর ব্যবহার করার অধিকার পেয়েছেন তিনি। সামনে নিজস্ব এক টুকরো বাগান নিয়ে বাড়ি, পার্কের এক অবহেলিত কোণ ঘেঁষে। লম্বা রাস্তার পাশেই সাবেক কালের গাড়ি আসার রাস্তা, এখন ঘন ঘাসে আচ্ছন্ন। জঞ্জাল জমা করার নালার দিকে গাড়ি চলে এই পথ দিয়ে, তা ছাড়া অল্প কোনো কাজের জন্তু আর আজকাল কেউ ব্যবহার করে না। কোটিপতি কলোগ্রিভভ মাহুয়াট প্রগতিশীল, আজকের এই বিপ্লবের জন্তু দরদ আছে তাঁর প্রাণে—সঙ্গীক তিনি বাইরে থাকেন। এখানে আছে কেবল তাঁর দুই মেয়ে, নাভিয়া আর লিপা; তাদের সঙ্গে থাকেন তাদের শিক্ষয়িত্রী, আর পরিচারকবৃন্দ।

নকল হ্রদ আর হাঁটা ঘাসের জমি দিয়ে ঘেরা নায়েব মশাইয়ের বাড়ি আর বাগান। পুরু মেহেদির বেড়ায় পার্ক থেকে আলোনা হ'য়ে আছে। সেই বেড়ার ধার ঘেঁষে দুজনে হাঁটতে লাগলেন আর একটুকণ পর পর ঝোপ থেকে বেরিয়ে এসে ছোটো-ছোটো চড়ুইয়ের দল ডানা ঝাপটে উড়ে যেতে লাগলো তাদের সামনে দিয়ে। মোঁচাকে মোঁমাছির মতো মেহেদির ঝোপে বাসা পেতেছে এই পাখিরা, পরস্পরের কানে কতো কথাই না বলে, সন্ধ্যা নাটার মধ্য দিয়ে জল ব'য়ে চলার মতো শব্দে ওদের কিচিরমিচির ঝোপগুলিকে ভ'রে রেখেছে।

গাছপালার ঘর, মালির ঘর, ডাঙা পাথরের স্তূপ—কে জানে কোন আমলের—ছাড়িয়ে গেলেন দু'জনে। সাহিত্য ও চিন্তার জগতে নতুন কোনো প্রতিভার স্বাক্ষর পড়েছে কিনা এই নিয়ে কথা বলছেন তাঁরা।

‘প্রতিভাবান কেউ নেই, একথা বলা যায় না,’ নিকোলে নিকোলেভিচ বললেন, ‘তবে তাঁরা বড়ো নিঃসঙ্গ। এখন তো আবার “দলে”র হুজুগ উঠেছে, সাধারণ লোকের প্রধান লক্ষণই হ'লো এই যে তারা দল বেঁধে থাকে, তাদের গুরু সলোভিয়েভ, কাণ্ট বা মাক্স, যে-ই হোক না। কিন্তু সত্য যারা খোঁজে তারা একাই খোঁজে, এবং এই সত্যকে যারা যথেষ্ট ভালোবাসে না তাদের সঙ্গে এই প্রকৃত সত্যকামীদের সংযোগ বিচ্ছিন্ন হ'য়ে যায়। ক'টা জিনিসই বা আছে, বলা, এই পৃথিবীতে, যার আত্মগত্য আমরা মনে-প্রাণে স্বীকার করতে পারি? সত্যিই খুব কম। এইজনা আমার মাঝে-মাঝে মনে হয় শরীর ক্ষয়শীল, কিন্তু আত্মা যে অমর একথা বিশ্বাস না-করলে বাঁচা যায় না—কারণ অমরত্ব মানেই তো জীবন, অমরত্ব জীবনের আরো অর্থপূর্ণ এক নাম। আত্মার প্রতি, খৃষ্টের প্রতি আস্থা না-থাকলে সত্যকে জানা যায় না।—কিন্তু তুমি বিরক্ত হচ্ছে। একটা বর্গও তোমার মাথায় ঢোকেনি—জানি আমি।’

‘হঁ,’ ইভান ইভানোভিচ জবাব দিলেন। রোগা চেহারা, সোনালি রঙের চুল, ঈল মাছের মতো অস্থির স্বভাব, আর থুংনিতে ছোট্ট একটু দুষ্টু দাড়ি থাকায় তাঁকে দেখতে হয়েছে লিঙ্কনের সমসাময়িক কোনো আমেরিকান ভদ্রলোকের মতো। একটি হাত সর্বদাই গুস্ত আছে সেই দাড়ির ডগায়।

কেবলই সেই দাড়ি হাতে পাকিয়ে তার ডগাটা কামড়াতে থাকেন। ‘আমার কিছুই বলবার নেই অবশ্য। তুমি তো জানো, এ-বিষয়ে আমার মত তোমার থেকে ভিন্ন। কিন্তু তুমি যখন ঐ দলের কথা তুললেই তখন জিজ্ঞেস করি, পুরুষঠাকুরের আলখাল্লা ছাড়বার সময় কেমন লেগেছিলো তোমার? অন্তত তখনকার মতো একটু ভয় যে পেয়েছিলে এ-কথা আমি বাজি রেখে বলতে পারি। ওরা খুব শাপ-শাপান্ত করেনি তোমাকে?’

‘তুমি প্রশ্নটা বদলাতে চাইছো। তা যাই হোক—না, আমাকে শাপ-শাপান্ত করেনি ওরা; ও-সব আর হয় না আজকাল। তা খানিকটা বিজ্ঞী লেগেছিলো বইকি, কিছু-কিছু ফলও ভুগতে হয়েছে। যেমন ধরো, অনেকদিন পর্যন্ত আমাকে আর সরকারি চাকরি দেবে না, মস্কো বা পিটার্সবার্গে আমার যাওয়া বারণ। কিন্তু এ-সব খুব ছোটো কথাই। আমি একটু আগে বলছিলাম—যীশুর প্রতি আস্থা রাখতে হবে আমাদের। বুঝিয়ে বলছি কথাটা। এ-কথাটা তুমি বুঝতে পারছো না যে আমি নাস্তিক হ’তে পারি, ঈশ্বর যে আছেন বা কেন তাঁকে থাকতে হবে তা না-জানতে পারি—আর তবু পারি বিশ্বাস করতে যে মানুষের বাসা প্রকৃতির মধ্যে নয়, ইতিহাসের মধ্যে, আর ইতিহাস বলতে আমরা যা বুঝি তাব আরম্ভ যীশুতে, তাঁরই বাণীর উপর তিনি তাকে প্রতিষ্ঠা ক’রে গেছেন। এখন—ইতিহাস কী, বলো তো? ইতিহাস সেই কাজেরই আরম্ভের নাম, মানুষ অনেক, অনেক শতাব্দী ধ’রে ধারাবাহিকভাবে যা ক’রে যাচ্ছে—যার লক্ষ্য হ’লো মৃত্যুর হেয়ালির সমাধান করা, যাতে কিনা মৃত্যুকেও শেষ পর্যন্ত জয় করা যায়। সেইজন্তই মানুষ সিম্ফনি রচনা করে, আবিষ্কার করে ইলেকট্রো-ম্যাগনেটিক তরঙ্গ আর গণিতের অসীম। কিন্তু আত্মার জাগরণ ভিন্ন এ-ভাবে এগুলো সম্ভব নয়। আধ্যাত্মিক ক্ষমতা না-থাকলে এই আবিষ্কার করতে পারবে না তুমি, আর তার জন্ত যা-কিছু প্রয়োজন সব আমরা পাবো যীশুর বাণীতে। সেটা কী? প্রথমত, জীবনের পরম নির্ধার আপন প্রতিবেশীর জন্ত প্রেম। এই প্রেম যদি একবার আমাদের হৃদয় ভ’রে ভোলে তাহ’লে তাকে উপচে প’ড়ে নিঃশেষিত ক’রে ফেলতে হয় নিজেকে। আর দ্বিতীয়ত, যে-দুটি ধারণা আধুনিক মানুষের প্রধান আশ্রয় বলা চলে—যা ছাড়া আধুনিক মানুষকে কল্পনা করা যায় না—ব্যক্তির সম্বন্ধকে

স্বাধীন ও জীবনকে আত্মত্যাগ রূপে দেখা।—মনে রেখো, এই সমস্ত চিন্তা এখনো নতুন। প্রাচীন জগতে এই অর্থে কোনো ইতিহাসের চেতনা ছিলো না। তৎকালীন রক্তপাত আর পাশবিকতা, নিষ্ঠুরতা আর বিযাক্ত কালিগুলাদের মধ্যে আমরা এমন ধারণার আঁচটুকু পাই না যে যে-কেউ অপরকে দাসে পরিণত করে সে নিজেই অধম। সেকালের ব্রোন্জ ও মর্মরের স্তম্ভগুলির অমরত্বকে মনে হয় মৃত ও দান্তিক। তবু মাত্র খুষ্টের জন্মের পরই মানুষ ও মহাকাল সহজে নিখাস ফেলতে শুরু করলো। শুধুমাত্র তাঁর আবির্ভাবের পরেই মানুষ ভবিষ্যতে বাস করতে শিখেছে। কুকুরের মতো গর্তে প'চে আর তারা মরবে না। বরং তাদের মৃত্যু আসবে নিজের বাড়িতে, ইতিহাসের পাতায়। যখন তারা সেই মৃত্যুরই বিজয়ে রত—সেই লক্ষ্যের কাছেই নিজেদের তারা উৎসর্গ করেছে। . উঃ, আমি শূয়োরের মতো ঘামছি। এ তো প্রায় একটা বোবা দেয়ালের দিকে তাকিয়ে কথা বলবার মতো।'

‘তোমার ওই দূরদর্শন তত্ত্ব থেকে আমাকে রেহাই দাও—ডাক্তারের বারণ আছে—আমার ধাতে সয় না।’

‘নাঃ, তুমি একটা অপদার্থ। আচ্ছা, থাক এ-সব কথা। আরে—কী অপরূপ দৃশ্য! ভাগ্যবান বটে তুমি—অবশ্য যদিও এখানেই থাকো, কখনো বোধ হয় চোখ তুলেও তাকাও না।’

সূর্যের আলোয় নদীটা যেন জলছে, এতো উজ্জ্বল যে চোখে আঘাত করে। কৈঁপে-কৈঁপে বৈঁকে-বৈঁকে চলেছে যেন কোনো ধাতব পদার্থ। হঠাৎ ভাঁজের পর ভাঁজ পড়লো জলের বুকে : একটি ফেরি-স্ত্রীমার গাড়ি, ঘোড়া আর একদল চাষি নিয়ে এপার থেকে ওপারে পাড়ি দিচ্ছে।

‘আরে, মাত্র পাঁচটা বাজলো নাকি এতোক্ষণে! সিঁড়রান থেকে ট্রেন আসে—ঠিক পাঁচটা বেজে পাঁচ মিনিটে।’

অনেক দূরে সমতল জমির উপরে হলুদ আর নীল মেশানো পরিচ্ছন্ন একটি রেলগাড়ি দেখা যাচ্ছে, ডানদিক থেকে বাঁ দিকে চলেছে, দূর থেকে কতো ছোটো মনে হয়। হঠাৎ তাঁরা দেখলেন, গাড়ি থেমে গেলো। এঞ্জিনের মুখ থেকে শাদা বাষ্প বেরুতে লাগলো, পরমুহূর্তেই গুনতে পেলেন বিপদসূচক বাশি বাজছে।

‘আশ্চর্য ব্যাপার।’ ভ্রমোবয়নিকভ বললেন, ‘কিছু-একটা হয়েছে মনে হচ্ছে। এই জলার ধারে গাড়িটা দাঁড়িয়ে পড়লো কোন কর্মে? নিশ্চয়ই কিছু একটা ঘটেছে। চলো, চা খাওয়া যাক।’

৬

বাড়িতে বা বাগানে—কোথাও খুঁজে পাওয়া গেলো না নিকিকে। মামা আর ইভান ইভানোভিচ যতোক্ষণ বারান্দায় বসে কাজ করছিলেন, ইউরা নিক্কদেশভাবে ঘুরতে-ঘুরতে আন্দাজ করলো, অতিথিদের এড়াবার জন্যই গাঢ়া দিচ্ছে নিকি—আর তাছাড়া ইউরাকে তো সে নিজের সমকক্ষ বলেও ভাবে না।

আশ্চর্য জায়গাটি। এক মিনিট পর-পর ডেকে উঠছে হলুদ রঙের খুশ পাখি, তিন স্রের ডাক তার, তার পরেই একটু থামে, যেন সময় নেয় সেই স্বচ্ছ, ভেজা-ভেজা, বাঁশির মতো তীব্র মধুর স্বরকে প্রকৃতির সঙ্গে মিলিয়ে দেবার জন্য। বন্ধ বাতাসে মুহমান ফুলের গন্ধ যেন স্রের প্রবল তেজে মন্ত্রমুগ্ধের মতো আটকে গেছে শুধু মাত্র নিজেদের সীমাবদ্ধ এলাকাটুকুতে। আ—এরা তাকে মনে করিয়ে দেয় আন্টিবেস আর বর্ডিশের কথা। ডাইনে থেকে বাঁয়ে, বাঁ থেকে ডাইনে বেকে-বেকে ঘুরে বেড়ালো ইউরা। তার মায়ের গলার স্বর তাকে মায়ের মতো ঘিরে ধরলো, কলে-ছাঁটা ঘাঘের জমিতে, মোমাছির গুঞ্জে, গানের মতো মধুর পাখির ডাকে, তার মার গলা শুনতে পেলো সে। মা তাকে কাছে ডাকছেন, কখনো এখানে কখনো ওখানে দাঁড়িয়ে মা তার উত্তরের জন্য প্রতীক্ষা করছেন—এই মোহে ইউরার সমস্ত শরীর রোমাঞ্চিত হ’লো।

ইউরা খালের দিকে এগিয়ে গেলো। খাল-পাড়ের ছোটো-ছোটো গাছে সাজানো নকল পথ বেয়ে নিচে ঘনবদ্ধ অলডার ঝোপের কাছে এসে দাঁড়ালো সে। গাছের ছোটো ডালপালা ভেঙে পড়ে স্তূপাকৃতি হয়েছে সেখানে, কী অন্ধকার আর কী সঁগাতসঁগাতে জায়গাটা। ফুল খুব কম, মোরগঝুঁটি ফুলের লম্বা ডাঁটিগুলিকে দেখাচ্ছে যেন সচিৎ বাইবেলের পাতা থেকে এইমাত্র উঠে আসা কোনো মিশরসম্রাট।

ইউরো বিষন্ন থেকে বিষন্নতর হ'লো। কাঁদতে ইচ্ছে করছে তার। দুই হাঁটু মুড়ে ব'সে কান্নায় ভেঙে পড়লো সে।

‘হে ঈশ্বরের দূত, তুমি আমাকে সর্বদা ঘিরে থাকো,’ ইউরো প্রার্থনা করলে, ‘সত্যের পথ তুমি আমাকে চিনিয়ে দাও ; আর আমার মাকে জানিয়ে আমি ভালো আছি, তিনি যেন আমার জন্ত চিন্তা না করেন। মৃত্যুর পরণামে যদি অন্য জীবন থেকে থাকে, হে পরম প্রভু, তাহ'লে তোমার স্বর্গীয় ভবনে, যেখানে সাধু আর সৎ মানুষের মুখগুলি লষ্ঠনের আলোর মতো জ্বলে—সেখানে আমার মাকে তুমি আশ্রয় দিয়ে। কতো ভালো ছিলেন আমার মা, তিনি তো কখনো কোনো পাপ করেননি। তাঁকে তুমি দয়া কোরো, হে ভগবান, আমার মাকে যেন কখনো কোনো দুঃখ পেতে না হয়। মা—মা গো!’ বুক-ভেঙে-দেওয়া যন্ত্রণার চাপে সে চাইলো স্বর্গ থেকে তার মাকে ডেকে আনতে—যেন তার মা দীর্ঘ সন্ত হয়েছেন—তারপর হঠাৎ আর সহ্য করতে না-পেরে মুহুঁত হ'য়ে প'ড়ে গেলো।

বেশিক্ষণ অচেতন হ'য়ে রইলো না। যখন জ্ঞান হ'লো শুনতে পেলো মামা ওপর থেকে তাকে ডাকছেন। সাড়া দিয়ে সে খালের পাড় বেয়ে ওপরে উঠতে শুরু করলো। হঠাৎ তার মনে পড়লো তার হারিয়ে-যাওয়া বাবার জন্ত সে আজ প্রার্থনা করতে ভুলে গেছে—তার মা তাকে শিখিয়েছেন রোজ বাবার জন্ত প্রার্থনা করতে।

কিন্তু সাময়িক জ্ঞানহীনতা এমন নতুন এক আনন্দ আর হালকা হুতির আমেজ এনে দিয়েছে তার শরীরে, যে আবার প্রার্থনা করতে তার ভয় হ'লো, পাছে এই ভালো-লাগাটুকু হারিয়ে যায়। তাই মনে-মনে ভাবলো, আরেক সময় বাবার জন্ত প্রার্থনা করলে ক্ষতি কী? ‘বাবা অপেক্ষা করতে পারেন,’ বুঝি এমন কথাও মনে হ'লো তার। বাবাকে ইউরোর একটুকুও মনে নেই।

নদীর ধারের সেই মাঠে যে-গাড়ি হঠাৎ থেমে গিয়েছিলো, তারই দ্বিতীয় শ্রেণীর একটি কামরায় মিশা গর্ডন^১ বসে ছিলো। তার বাবার সঙ্গে ভ্রমণ করছে সে—তিনি একজন ওরেনবার্গ-নিবাসী আইন-ব্যবসায়ী। এগারো বছরের বালক মিশা, ভাবুকের মতো মুখ তার, গভীর আর কালো তার চোখ। স্কুলে ষষ্ঠ শ্রেণীর ছাত্র—তার বাবা, গ্রিগরি ওসিপোভিচ গর্ডন সম্প্রতি মস্কোতে এক নতুন পদে বহাল হয়েছেন। নতুন সংসার গুছিয়ে নিতে মেয়েদের নিয়ে তার মা তাদের আগেই মস্কো চলে গেছেন।

আজ তিন দিন হ'লো মিশা বাবার সঙ্গে বেরিয়েছে।

মাঠ, উপত্যকা, গ্রাম আর শহর নিয়ে রাশিয়া তাদের চোখের ওপর দিয়ে উড়ে চলেছে, স্বর্ষের আলোয় তার রং খড়ির মতো শাদা, উত্তপ্ত ধুলো মেঘের মতো ঢেকে রেখেছে।

পথে দেখা যায় সার-বাঁধা গাড়ি-ঘোড়া। ঘুন্টিঘরের কাছে এলোমেলোভাবে ঘেঁষাঘেঁষি ক'রে দাঁড়িয়ে অপেক্ষা করছে গাড়িগুলো। ছুরন্তগতি রেলগাড়ি থেকে মনে হয় যেন গাড়িগুলো অচল হ'য়ে আছে আর ঘোড়াগুলো দাঁড়িয়ে-দাঁড়িয়ে পা নাড়ছে।

বড়ো-বড়ো ইন্স্টেশনে গাড়ি থামলেই যাত্রীরা রূপঝাপ নেমে এলোমেলোভাবে ছুটোছুটি ক'রে কোনো-না-কোনো খাবার দোকানে ঢুকে পড়ে। স্বর্ষ তখন ইন্স্টেশনের বাগানের পেছনে অন্ত যায়, লাল রঙে ছুপিয়ে দেয় যাত্রীদের পা, রেলগাড়ির চাকাগুলিকে।

জগতে যতো রকম গতি আছে, তাদের আলাদা ক'রে দেখলে মনে হয় আত্মস্থ ও সূচিস্থিত, কিন্তু একসঙ্গে দেখলে সেগুলো হ'য়ে ওঠে স্বর্ষের ঘোরে মাতাল—জীবনের যে-স্রোত সেগুলোকে এক ক'রে দিয়ে ঠেলে এগিয়ে নিচ্ছে, তার নেশায় মাতাল। সবাই খাটে, সংগ্রাম করে, ব্যক্তিগত স্বার্থ আর উদ্বেগ তাদের টেনে নিয়ে যায়, কিন্তু তাদের সকল কর্মের এই উৎসগুলি শেষ ক'রে দিতো, থামিয়ে দিতো এই যন্ত্র, যদি না সর্বব্যাপী এক

^১ রাশিয়াতে সাধারণত গর্ডন একটি ইহুদি পদবি।

গভীর নিরাসক্তির অল্পভূতি বাধা দিতো তাদের। আর এই নিরাসক্তির কারণ এক সাস্থনাজনক বিশ্বাস যে তাদের স্বতন্ত্র জীবনগুলি এক সূত্রে বাধা, এক আনন্দময় আশ্বাস যে, এই পৃথিবীতে যা-কিছু ঘটে তা শুধু এই মর্ত্য-ভূমিতেই ঘটে না—যার মাটিতে কবর দেওয়া হয় মৃতদের—সব ঘটছে—অন্ত এক জগতেও, যে-জগতের নাম কারো কাছে ঈশ্বরের দেশ, কারো কাছে ইতিহাস, কারো কাছে বা অন্ত কিছু।

কিন্তু মিশার মনে হয় যে তার তিন্ত দুর্ভাগ্যবশত সে এই সাধারণ নিয়মের ব্যতিক্রম। এক অশাস্ত উদ্বেগ এই বালক দার্শনিককে প্রায়ই আচ্ছন্ন ক'রে রাখে, এ-পৃথিবীর অন্ত সকলে যে-নিরাসক্তি ভোগ করে তা তাকে স্বস্তি দেয় না, মহিমাম্বিত করে না। উত্তরাধিকারসূত্রে প্রাপ্ত তার চরিত্রলক্ষণ বিষয়ে সে সচেতন; অস্বস্থ এক আত্মচেতনার সঙ্গে নিজের চরিত্রের এই ব্যতিক্রমকে সে লক্ষ করে। তার নিজের স্বভাব তাকে স্বপ্ননা দেয়, নিজেকে ছোটো মনে হয় মিশার।

তার এমন সময় মনে পড়ে না যখন এই চিন্তা তাকে বিব্রত করেনি যে পৃথিবীর আর পাঁচজন মানুষের মতোই হাত আর পা, ভাষা আর জীবনযাত্রার পদ্ধতি নিয়ে কী ক'রে সে এতো ভিন্ন হ'তে পারলো—এমন একজন হ'তে পারলো যাকে এতো কম লোকে পছন্দ করে, যাকে কেউ ভালোবাসে না? সে বুঝতে পারে না, একবার অন্ত সকলের চাইতে খারাপ হ'লে আর কেন শত চেষ্টাতেও নিজেকে উন্নত করা যায় না। ইহুদি হওয়ার মানেটা কী? উদ্দেশ্য কী? অস্ত্রবিহীন এই প্রতিদ্বন্দিতার পুরস্কার কী, যুক্তি কী—এর জন্ত কেবলমাত্র শোক ছাড়া অন্ত কিছুই তো তারা পায় না।

সে তার সমস্যাটি তার বাবার কাছে উপস্থিত করেছিলো। তিনি জানালেন যে তার প্রতিপাত্তগুলি অবাস্তব, সে যেন তার মনে এমন তর্কের স্থান আর না দেয়, কিন্তু এমন কোনো সমাধান বাবা বলতে পারলেন না যার গভীরতা তাকে আকৃষ্ট করতে পারে, অথবা অনিবার্যকে নিঃশব্দে মেনে নেবার ক্ষমতা দেয়।

ক্রমে, নিজের মা-বাবা বাদে অন্ত সব পরিণতবয়স্ক ব্যক্তির প্রতি অবজ্ঞায় তার মন ভ'রে উঠলো—সমস্যার এই জট ঠরাই তো পাকিয়েছেন, অথচ খুলতে

পারেন না—এতোই অক্ষম। সে নিশ্চিত জানে বড়ো হ'য়ে সব সমস্যার সমাধান করবে সে।

বড়োদের অক্ষমতার উদাহরণও সে দিতে পারে। ঐ উন্মাদ লোকটি যখন হঠাৎ রেলের কামরা থেকে ছুটে বারান্দায় বেরিয়ে গেলো, তখন বাবার যে তার পেছনে ছোট্টাটা উচিত হয়নি সে-কথাটাও তো ওরা কেউ ব'লে দিতে পারতো? লোকটি ধাক্কা দিয়ে বাবাকে সরিয়ে দিলো, বিদ্যুতের গতিতে চলন্ত গাড়ির দরজা খুলে বাইরে লাফিয়ে পড়লো—প্রথমে বাড়িয়ে দিয়েছিলো তার মাথাটা, দেখে মনে হ'তে পারতো এক সঁাতারু তার সঁাতারের পাটাতন থেকে ঝাঁপ দিচ্ছে। বাবা চেন টেনে তক্ষুনি গাড়ি থামালেন—তখনো তো বড়োরা কেউ বারণ করতে পারতো বাবাকে?

অথচ এখন—বেহেতু গাড়িটা একযুগ ধ'রে থেমেই আছে, এবং বেহেতু গাড়ির সমস্ত যাত্রীর মধ্যে একমাত্র গ্রেগরি অসিপোভিচ-ই শেকল টেনেছিলেন, সকলের ভাবটা এখন এই রকম যেন গর্ডন-পরিবারই এই বিরক্তিকর ঘটনার জন্ত দায়ী।

এই দীর্ঘ বিলম্বের সঠিক কারণ কেউই বুঝতে পারছিলো না। কেউ বললে যে হঠাৎ ঝাঁকুনি খেয়ে থামার ফলে গাড়ির ব্রেকটা নাকি নষ্ট হ'য়ে গেছে, কেউ বললে, খাড়াই পাথরের পথের উপর নেমেছে ব'লে আবার চলবার মতো বেগ সংগ্রহ করতে পারছে না গাড়িটা। তৃতীয় মতটি হ'লো, যে যিনি আত্মহত্যা করলেন তিনি নাকি এক খ্যাতনামা ব্যক্তি; তাঁর উকিল, যিনি তাঁর সঙ্গে চলেছিলেন, জেদ ধরেছেন সবচেয়ে কাছের স্টেশন, কলোগ্রিভভকায় খবর পাঠানোর জন্ত—সেখান থেকে লোকজন আহ্বক, যথাবিহিত একটা বিবৃতি লেখা হোক। এঞ্জিন-ড্রাইভারের সহকারী সেইজন্ত টেলিগ্রাফ পোলের উপর উঠে গেলো: কলোগ্রিভভকা থেকে ওঁরা এতোকণে রওনাও হ'য়ে পড়েছেন হয়তো।

রেল-কামরার বাথরুম থেকে একটা স্ত্রীক দুর্গন্ধ ভেসে আসছিলো; ও-ডি-কোলনের সুগন্ধ তাকে ঢাকতে পারেনি—আর সেইসঙ্গে ভাঁজা মুরগির গন্ধ, একটু বাসি মাংসটা, নোংরা চর্বিতে মাখামাখি এক টুকরো কাগজে জড়ানো। পিটার্সবার্গ থেকে আগত কয়েকটি মহিলা—খাদের চুলে শাক

ধরেছে, কথা বলতে গলা কাঁপে আর সর্দি-বসা বুক থেকে ঘড়ঘড় আওয়াজ বেরোয়, এবং হাঁদের এখন ট্রেনের কয়লার কালি আর মুখের উগ্র রঙের মিশ্রণে জিপসিদের মতো দেখাচ্ছে—যেন কিছুই হয়নি এমনভাবে মুখে পাউডার ঘষছেন আর রুমালে আঙুল মুচছেন। যেন ট্রেনের বারান্দার সংকীর্ণতার জঞ্জাই, চপল ভঙ্গিতে কাঁধ মোচড়াতে-মোচড়াতে তাঁরা যখন গর্জনদের কামরার সামনে দিয়ে যাচ্ছিলেন, মিশার মনে হচ্ছিলো চাপা ঠোঁটের ফাঁক দিয়ে ওরা যেন ফোঁশফোঁশ করছেন: ‘ছাথো না! কী সব লজ্জাবতী লতা রে! নিজেদের কী আশ্চর্য জীবই না জানি ভাবে ওরা। বুদ্ধিজীবী! এ সব আবার ওদের সম্ব হয় না!’

আত্মহত্যাকারীর দেহটি নদীর তীরে ঘাসের উপর শোয়ানো আছে। কাটা কপাল বেয়ে রক্ত বেরিয়ে এসে সারা মুখে অসংখ্য উল্কি এঁকেছে। শুকনো সেই রক্ত দেখে ঐ ব্যক্তিরই দেহের অংশ ব’লে এখন আর মনে হয় না, বাসি রক্তটা এখন তার থেকে বিচ্ছিন্ন অগ্নি কোনো পদার্থ হয়ে গেছে, ষ্টিকিং প্লাস্টারের মতো, কাদার মতো, ভেজা বার্চপাতার মতো। জনতার কোতূহলী আর সমবেদনাশীল দল সারাক্ষণ ঘিরে আছে মৃতদেহটিকে। আর মৃত ব্যক্তির ভ্রমণের সঙ্গী ও বন্ধু—সেই হুটপুট রুক্ষ উকিল মশাই ভাবলেন হীন মুখ নিয়ে বিরক্তভাবে দাঁড়িয়ে আছেন,—তাকে দেখাচ্ছে যেন ঘামে ভেজা শার্ট গায়ে একটি স্নস্ভ জানোয়ার। গরমে ম’রে যাচ্ছিলেন ভদ্রলোক, টুপি খুলে হাওয়া করছেন নিজেকে। সব প্রশ্নের উত্তরেই কাঁধ ঝেঁকে একবারও ফিরে না-তাকিয়ে রাগি আওয়াজে বলছেন, ‘মাতাল ছিলো। এ ছাড়া আর অগ্নি কী আশা করা যায় এদের কাছে? ডিলিরাম ট্রিমেন্স—আবার কী?’

উলের পোষাক পরা লেসের রুমাল জড়ানো, রোগা একটি বৃদ্ধা দু’একবার মৃতদেহটার কাছে গিয়ে দাঁড়ালো। বিধবা সে, টিভেরজিনা তার নাম। তার দুই ছেলে রেলের ড্রাইভার, তাই পাশ পেয়ে তৃতীয় শ্রেণীতে দুই ছেলের বোঁকে নিয়ে সে চলেছে। গুরু-মার পেছন-পেছন সন্ন্যাসিনীদের মতো শাস্ত ভঙ্গিতে তার দুই বোঁও তার পেছন-পেছন মৃতের কাছে এলো, গায়ের কাপড় ঘোমটার মতো ক’রে তাদের মাথার উপর গুটোনো। ভিড় স’রে দাঁড়িয়ে তাদের জন্ত জায়গা ক’রে দিলো।

রেলেরই এক দুর্ঘটনায় টিভেরজিনার স্বামী আগুনে পুড়ে মারা গিয়েছিলো। মৃতের একটু দূরে এমন জায়গায় সে দাঁড়ালো, ভিড় সব্বোপ বেষ্টান থেকে দেহটি দেখা যায়। যেন অল্প মৃত্যুটির সঙ্গে এই মৃত্যুর তুলনা ক'রে দীর্ঘশ্বাস পড়লো: 'যার যেমন কপাল মনে-মনে সে এই কথাই যেন বললে: 'কেউ মরে ভগবানের ইচ্ছায়, কিন্তু জাখো না কাণ্ড! এই তো একজন, বিলাস-ভোগে ডুবে মাথা-খারাপ হ'য়ে মরলো।'

সব যাত্রীই বেরিয়ে এসেছে শব্দেহটি দেখতে। কামরায় ফিরছে শুধুমাত্র মাল চুরি যাবার ভয়ে।

রেল-লাইনের উপর লাফিয়ে নামছে তারা। ফুল তুলতে-তুলতে, অথবা পায়ের জড়তা কাটাবার জন্য পাইচারি করতে-করতে তারা অহুভব করছিলো যেন গাড়ি থেমেছে ব'লেই জায়গাটার সৃষ্টি হয়েছে: যেন দুর্ঘটনাটি না-ঘটলে এই পচা জলাভূমি অথবা বিস্তৃত নদী, ঐ অট্টালিকা এবং ও-দিকের খাড়া পাড়ের গির্জাটার অস্তিত্ব থাকতো না।

এমনকি স্বর্ঘও, আত্মহত্যার এই দৃশ্যের উপর সন্ধ্যার আলো ফেলতে-ফেলতে যখন গোয়াল থেকে বেরিয়ে-আসা শাস্ত লাজুক গোবর মতো ভিড়ের মধ্য দিয়ে উকি দিলো তখন তাকে মনে হ'লো যেন রক্তমঞ্চের পটে আঁকা, নিতান্তই এক স্থানীয় উদ্ভাস।

এই ঘটনা মিশাকে এমন গভীরভাবে নাড়া দিলো যে আকস্মিক আঘাতে ও সমবেদনায় সে প্রথমটায় কেঁদে ফেললে। তাদের এই দীর্ঘ রেল-পথে অনেকবার তাদের কামরায় এসে ঘণ্টার পর ঘণ্টা মিশার বাবার সঙ্গে আলাপ ক'রে গেছেন ঐ মানুষটি—এখন যিনি ম'রে প'ড়ে আছেন। বলেছিলেন, মিশার বাবার নৈতিক স্বরূচি, তাঁর জীবনের শান্তি, আর তাঁর বুদ্ধি তাঁকে স্বস্তির আশ্বাদ দিয়েছে।

ছাতি, সম্পত্তি বন্দোবস্তের দলিল, জোচ্চুরি, দেউলে হ'লে কী করতে হয়—এই সব আইন সম্বন্ধে খুঁটে-খুঁটে কতো প্রশ্নই না বাবাকে উনি করছিলেন। 'আমি বিশ্বাস করি না।' গর্ডনের জবাব শুনতে-শুনতে চোঁটেয়ে উঠেছেন ভদ্রলোক, 'আইনেরও তা'হলে দয়া আছে? আমার উকিলের কথা শুনলে তো বড্ড মন-খারাপ হ'য়ে যায়।'

এই অস্থির অস্থির ব্যক্তির ন্যায় যতোবারই শাস্ত হ'য়ে এসেছে, প্রথম শ্রেণীর কামরা থেকে বেরিয়ে তার ভ্রমণ-সঙ্গী তাকে ধ'রে প্রায় টানতে-টানতে নিয়ে গেছে খাবার কামরায় শ্যাম্পেনের সন্ধানে। সেই সঙ্গীটিই হুটপুটে, অতদ্রুত, নিখুঁতভাবে দাড়ি কামানো, স্মার্ট পোষাক পরিহিত ঐ উকিল—কোনো ঘটনাতেই অবাক হবে না এমন চেহারা নিয়ে যে এখন মৃতকে আগলে দাঁড়িয়ে আছে। কী জানি কেন, তাকে দেখেই এ-কথা মনে হয় যে তার মকেলের অন্তহীন উত্তেজনা তার কিছু সুবিধে ক'রে দিয়েছে।

বাবা মিশাকে বললেন যে আত্মঘাতী ব্যক্তিটি হলেন বিখ্যাত, সদাশয় অথচ অত্যধিক অমিতাচারী এক কোটিপতি—তঁার নাম জি ভা গো—প্রায় অর্ধ-উন্মাদ অবস্থায় দিন-রাপন করছিলেন ইনি। মিশার উপস্থিতি হঠাৎ এক অসংযম এনেছিলো তাঁর মনে, ভদ্রলোক তাঁর মৃত স্ত্রী আর মিশার সমবয়স্ক ছেলের কথা তাদের কাছে বলছিলেন; তাঁর দ্বিতীয় সংসারের কথাও বলেছিলেন—প্রথমটির মতো সে-সংসারও তিনি পরিত্যাগ করেছেন। এ-কথা বলতে-বলতে অল্প কী কথা তাঁর মনে প'ড়ে গেছে, কী এক অজ্ঞাত ভয়ে ফ্যাকাশে হ'য়ে গেছে তাঁর মুখ, কথার খেই হারিয়ে তোংলাতে শুরু করেছেন।

মিশার প্রতি অদ্ভুত তাঁর স্নেহ—তার অর্থ বোঝা যায় না—মনে হচ্ছিলো অল্প কারুর প্রাপ্যটা তাকে দিয়ে স্নেহাতুর হৃদয়কে শান্ত করবার চেষ্টা করছিলেন। বড়ো-বড়ো স্টেশনে, যেখানে প্রথম শ্রেণীর বিশ্রামাগারের বইয়ের দোকানে নানা রকমের খেলনা আর স্থানীয় জিনিষপত্র বিক্রি করে, গাড়ি থামলেই নেমে গিয়ে অজস্র উপহার কিনে এনে আচ্ছন্ন ক'রে দিচ্ছিলেন মিশাকে।

অবিশ্রান্ত মদ খেলেন ভদ্রলোক, অভিযোগ করলেন যে আজ তিন মাস ঘুম হয় না তাঁর; আর বললেন যে যদি কখনো একটু বা শান্ত হ'তে পারেন যে-অসহ্য যন্ত্রণা তাঁকে ভোগ করতে হয় তা অল্প কারো পক্ষে অকল্পনীয়।

শেষবার ঝড়ের মতো তাদের কামরায় এলেন তিনি, গর্ভনের হাত সজোরে চেপে ধ'রে কী ঘেন বলতে চাইলেন, কিন্তু নিজেই বুঝলেন যে সে-কথা বলতে পারবেন না; তারপর ছিটকে বেরিয়ে বারান্দায় চ'লে গেলেন, চলন্ত ট্রেন থেকে ঝাঁপিয়ে পড়লেন বাইরে।

মিশা ব'সে-ব'সে জিভাগোর শেষ উপহার, উরালের ধাতু ভর্তি ছোটো কাঠের বাস্কাটি ঘুরিয়ে-ফিরিয়ে দেখতে লাগলো। হঠাৎ বাইরে ব্যস্ততা জেগে উঠেছে। উন্টোদিকের সমান্তর লাইনের উপর একটা ট্রলি গড়াতে-গড়াতে এসে দাঁড়ালো। লাফিয়ে নামলেন একজন ডাক্তার, দু'জন পুলিশ ও চিহ্নিত টুপি মাথায় হাকিম-সাহেব। নিরস্ত্রাপ কেজো গলায় প্রশ্ন ক'রে জ্ঞাতব্য বিষয়গুলি টুকে নিলেন ওঁরা। পুলিশ আর রেলের গার্ড বালির উপর নেমে অনভ্যস্ত ভঙ্গিতে এগোলো, হেঁচড়ে সেই শব্দেই তারা টেনে তুললো। এক চাষির বোঁ সজোরে কঁদে উঠলো। যাত্রীদের অহরোধ করা হ'লো নিজের-নিজের জায়গায় ফিরে যেতে। গার্ড বাঁশি বাজালো, গাড়ি চললো।

৮

‘নীতিবাগীশ বুড়ো এসেছে—’ হিংস্রভাবে নিকি ভাবলো। চারদিকে চেয়ে দেখলো পালাবার পথ সব বন্ধ। দরজার বাইরে অতিথিদের গলার আওয়াজ, আজ্ঞা আর তাঁরা যাবেন না। ঘরে ছুটি খাট, একটি নিকির নিজের, অগ্নিটি ভস্কোবয়নিকভের। মুহূর্তমাত্র দ্বিধা ক'রে নিকি নিজের খাটের তলায় ঢুকে পড়লো।

খাটের তলা থেকে সে টের পেলো তার অল্পপস্থিতিতে অবাক হ'য়ে সবাই তার খোঁজ করছে। খুঁজতে-খুঁজতে শেষ পর্যন্ত শোবার ঘরেই এলো সবাই।

‘ঘাক—কী আর করা যাবে,’ নিকোলে নিকোলেভিচ বললেন। ‘ইউরা, তুমি যাও। একটু পরেই হয়তো তোমার বন্ধুকে পাওয়া যাবে, তখন তার সঙ্গে খেলা কোরো।’ ওঁরা ঘরেই বসলেন ; পিটার্সবার্গ আর মস্কো ছাত্র-আন্দোলন নিয়ে আলোচনা করতে-করতে জানতেও পারলেন না আধঘণ্টাখানেক কী এক অস্বাভাবিক আর লজ্জাকর অবস্থায় তাঁরা নিকিকে আটক থাকতে বাধ্য করছেন। অবশেষে বারান্দায় বেরিয়ে গেলেন ওঁরা। সন্তর্পণে ঘরের জানলা খুলে বাইরে লাফিয়ে প'ড়ে নিকি বাগানে চ'লে এলো। গত রাত্রে

একবারে ঘুম হয়নি তার, কিছুই যেন ভালো লাগছিলো না। বয়স তার চৌদ্দ, বিন্দুক হৃদয়, বালকস্ব মনে হয় অনন্ত ও ক্লাস্তিকর। সারা রাত নিশূর্ম কাটিয়ে ভোর না-হ'তেই বাইরে চ'লে এসেছিলো আজ। ঘাসের উপর ভেজা গাছগুলির ছায়ার রং তখনো কালো হয়নি—ঘন ছাইরং সেই ছায়ার, ভেজা পশমের জামার মতো। কেন জানি মনে হয়, সকালের এই মোহন গন্ধ, আলোর জাকরিকাটা ঐ ছায়ার ভিজে শরীর থেকে উঠে আসছে। হঠাৎ কে যেন এক জ্যোতির্ময় পারদবিন্দু ঘাসের উপর গড়িয়ে দিলে। ধারার মতো ব'য়ে গেলো সেই আলোর রেখা, মাটিতে উবে গেলো না। তারপর আচমকা এক বিদ্যুৎভঙ্গিতে একশাশে স'রে গিয়ে অন্তর্হিত হ'লো। সাপ! নিকি কঁপে উঠলো।

তার অদ্ভুত এক অভ্যাস আছে। উত্তেজিত হ'লেই সে নিজের মনে চেষ্টিয়ে কথা বলতে শুরু করে। তার মাকে নকল ক'রে বড়ো-বড়ো উন্নত বিষয় বেছে নেয়, আর নিজেই নিজের প্রতিবাদ করতে ভালোবাসে।

‘বেঁচে থাকাটা খুবই আশ্চর্য, কিন্তু এতো যত্ননা কি পেতেই হবে? ঈশ্বর আছেন—নিশ্চয়ই। কিন্তু যদি সত্যিই তিনি থাকেন তাহ'লে আমিই তিনি।’ এই ব'লে নিকি সামনের আস্পেন গাছটির দিকে চোখ তুলে তাকালো। ধরধর করে কাঁপছে সেই গাছ, ভেজা পাতাগুলি টিনের পাতের মতো চকচকে।

‘ওকে আমি থামতে বলবো।’ এক উল্লাস আবেগে মনে-মনে সে ইচ্ছে করলে, তার সমগ্র সত্তা দিয়ে, রক্তমাংসের প্রতিটি বিন্দু দিয়ে ইচ্ছে করলে, যে গাছটা তার কাঁপুনি থামাক। ‘থামো, বলছি!’ আর তকুনি গাছটি তার বাধ্য হ'য়ে যেন নিশ্চলতায় জ'মে গেলো। আনন্দে হেসে উঠলো নিকি খুব খুশি হ'য়ে নদীতে ছুটলো স্নান করতে।

নিকির বাবা হলেন একজন সম্ভ্রাসবাদী, নাম ডেমেক্সী ডুভোরভ। প্রথমে যুত্মদণ্ড হয় তাঁর—তারপর জার স্বয়ং সেই দণ্ড প্রত্যাহার ক'রে তাঁকে নির্বাসন দিয়েছেন। নিকির মা এরিস্টভ বংশজাত জর্জীয় রাজকন্তা, অপরিমিত প্রার্থনায় স্বৈচ্ছাচারী, হৃন্দরী এবং এখনো যুবতী। কোনো-না-কোনো হজুগ নিয়ে মেতে থাকেন তিনি—কতো রকম আন্দোলন, বিদ্রোহ আর বিদ্রোহী,

কতো চরম মতবাদ, বিখ্যাত জনপ্রিয় অথবা দুঃখী অসার্থক অভিনেতা—
তাঁর উৎসাহের তালিকা থেকে কিছুই বাদ পড়ে না।

ছেলেকেও খুব ভালোবাসেন। তার আসল নাম যদিও ইনোকেন্টী, আদর
ক'রে হাজার রকম আজগুবি সব নামে তাকে ডাকেন তিনি—কখনো হয়তো
ইনোচেক, কখনো নচেনকা। টফ্লিসে তাঁর পিত্রালয়ে ছেলেকে নিয়ে গিয়ে
সপর্বে দেখিয়ে এনেছেন। সেখানে নিকিকে সবচেয়ে আকৃষ্ট করেছিলো
বাড়ির উঠানের নিঃসঙ্গ গাছটি। গাছটি এক গরম দেশের দানব, দেখতে
খাপছাড়া, হাতির কানের মতো বড়ো-বড়ো পাতাগুলো দক্ষিণের তপ্ত
আকাশ থেকে উঠোনটিকে আশ্রয় দিয়েছে। ওটা যে গাছ, কোনো জন্তু
নয়—এই ধারণাটি নিকি কখনো মেনে নিতে পারেনি।

বিপ্লবী পিতার পদবি গ্রহণ করা নিকির পক্ষে বিপজ্জনক ছিলো।
ইভান ইভানোভিচের ইচ্ছে ছিলো সে তার মাতুলকুলের পদবি নেয়।
নিকির মারও তাতে অমত ছিলো না। ইভান ইভানোভিচ জারের কাছে
এই মর্মে আবেদন করতে চান। খাটের তলায় ব'লে নিকি যখন সমস্ত
বিশ্বব্রহ্মাণ্ডের উপর বিরক্ত হ'য়ে উঠেছিলো, তখন এই ব্যাপারটা নিয়েও
চিন্তা করেছিলো সে। ইভান ইভানোভিচ কোন অধিকারে তার ব্যাপারে
এমন অপমানজনকভাবে মাথা গলাতে আসেন? নিকি তাঁকে মজা টের
পাইয়ে দেবে।

আর ঐ এক নাড়িয়া! মাত্র পনেরো বছর বয়স হয়েছে ব'লেই কি
ও-রকম নাক উচু ক'রে থাকবার অধিকার জন্মেছে তার? এমন বিজ্রীভাবে
কথা বলে যেন নিকি এগনো সেই কচি খোকাটি আছে। ওকেও সে
দেখে নেবে। 'ওকে আমি ঘৃণা করি,' কয়েকবার মনে-মনে বললো নিকি।
'আমি ওকে খুন করবো। নোকো ক'রে নদীতে নিয়ে গিয়ে ওকে ডুবিয়ে
মারবো আমি।'

মা-ও একই রকম। নিশ্চয়ই এখান থেকে ষাবার সময় তাকে আর
ভস্কোবয়নিকতকে ষা-ষা ব'লে গেছেন সব মিথ্যে। ককেসাসে গেছেন না
ছাই, তাদের দেখিয়ে-দেখিয়ে গাড়িতে উঠে, গেছেন তো নেমে পরের
স্টেশনে, কিরে গেছেন হয়তো পিটার্সবার্গে; ছাত্রদের দলে ভিড়ে কোথাও

হয়তো দাঙ্গা বাধিয়েছেন পুলিশের সঙ্গে,—ফুর্তিতে আছেন আর কি! এদিকে নিকি এই পচা আঁস্তাকুড়ে দম আটকে মরছে। কিন্তু ওকে সবাই যতো বোকা ভাবে ততো বোকা সে নয়। নাড়িয়াকে সে খুন করবেই, ইঙ্কল থেকে নাম কাটিয়ে নেবে, তারপর সাইবেরিয়া চ'লে যাবে তার বাবার কাছে—দু'জনে মিলে নতুন এক বিপ্লব শুরু ক'রে দেবে।

৯

দিঘির কিনার ঘেঁষে শালুক ফুটেছে। ফুলের বোঁটা কেটে-কেটে তাদের নৌকো চলেছে, শব্দ হচ্ছে খসখস, ফুলগুলি স'রে স'রে যাচ্ছে জলের বুকে ত্রিভুজ এঁকে। ফুলের ফাঁক দিয়ে কালো জল দেখে মনে হয় ফালি-কাটা তরমুজের রস।

নিকি আর নাড়িয়া শালুক ফুল তুলছিলো। একই ফুলের শক্ত পিছল বোঁটা ধরলো দুজনে। এমনভাবে তারা দুজনেই একসঙ্গে সেই বোঁটায় টান দিলো যে মাথা ঠুঁকে গেলো তাদের, আর নৌকা এমনভাবে পারের দিকে ঘুরে গেলো যে মনে হ'লো যেন কাছি দিয়ে কেউ টানছে। সেখানে বোঁটাগুলি আরো ছোটো আর জড়ানো; শাদা শাদা ফুলগুলি, ভেতরে রক্তের রেখা-আঁকা হলুদ ডিমের কুসুমের মতো তাদের রং, ডুব দিয়ে-দিয়ে ভেসে উঠতে লাগলো সারা শরীরে জল মেখে। নৌকোর একধারে ঝুঁকে পড়ে বাচ্চারা এমনভাবে ফুল ছিঁড়ে চললো যে নৌকো ক্রমেই হেলে পড়তে লাগলো একপাশে।

‘স্কুলে যেতে অসহ্য লাগে আমার,’ বললে নিকি, ‘এবার আমার নতুন জীবন শুরু করার সময় হয়েছে—নিজের পায়ে নিজে দাঁড়াতে হবে আমাকে এখন।’

‘ও মা—আর আমি যে তোমার কাছে বর্গমূলের অঙ্কটা বুঝে নেবো ভেবেছিলাম। আলজেরায় আমি এতো খারাপ যে এবার আর-একটু হ'লেই ফেল করতাম।’

নিকি বুঝলো যে তাকে ঠাট্টা করা হচ্ছে। বর্গমূলের কথা ব'লে বুঝিয়ে দিচ্ছে যে আমি কতো ছেলেমানুষ—এখনো আলজেরার অঙ্কই শুরু করিনি।

কিন্তু আহত হয়েছে এমন ভাব সে দেখালো না। মুখে নিশ্চয় এক ভক্তি ফোটাবার চেষ্টা ক’রে—চেষ্টা করতে-করতেই অবশ্য বুঝছিলো কী বোকামি—জিজ্ঞেস করলো, ‘বড়ো হ’য়ে তুমি কাকে বিয়ে করবে?’

‘সে অনেক পয়ের কথা। করবোই না হয়তো কাউকে। এখনো ও-বিষয়টা নিয়ে চিন্তা করিনি আমি।’

‘ওঃ—তুমি বুঝি ভাবলে আমার কোনো কৌতূহল আছে তোমার বিয়ের খবর জানতে?’

‘তা না-থাকলে জিজ্ঞেস করতে এলে কেন?’

‘তুমি একটা হাবা।’

দু’জনের ঝগড়া শুরু হ’য়ে গেলো। সকালবেলার নারীবিদ্বেষের কথা স্মরণ ক’রে নিকি নাভিয়াকে ভয় দেখালো যে এই মুহূর্তে চূপ না-করলে সে তাকে জলে ডুবিয়ে মারবে। ‘চেষ্টা ক’রেই আঁখো না,’ নাভিয়া জবাব দিলো। অমনি নিকি নাভিয়ার কোমর আঁকড়ে ধ’রে তাকে জলে ফেলে দেবার চেষ্টা করতে লাগলো। মারামারি করতে-করতে টাল সামলাতে না-পেরে তারা দু’জনেই জলে প’ড়ে গেলো।

দু’জনেই সাঁতার জানে, কিন্তু শালুকে হাত-পা জড়িয়ে গিয়ে দম আটকে এলো তাদের। অবশেষে এক সময় পায়ের নিচে কাদা ঠেকলো। পাড় বেয়ে যখন ডাঙায় উঠে এলো তখন জামা-জুতো থেকে ঝর্নার ধারার মতো জল বেরুচ্ছে। নাভিয়ার চাইতেও নিকি বেশি ক্লান্ত হ’য়ে পড়েছে।

এমনকি গত বসন্তেও যদি এমন কাণ্ড ঘটতো, তাহ’লে এই উত্তেজনা প্রশমিত হবার পরেই তারা নিশ্চয়ই চীৎকার ক’রে গাল পাড়তো দু’জনে দু’জনকে; আর তারপরই হয়তো ভেজা গায়ে পাশাপাশি এলিয়ে প’ড়ে হাসতে শুরু ক’রে দিতো।

কিন্তু আজ তারা ব’সে থাকলো—পাশাপাশি, একটাও কথা না-ব’লে। সমস্ত ঘটনাটার অস্বাভাবিকত্ব মনে ক’রে তাদের নিখাস পড়ছে না। নীরব বিরক্তিতে নাভিয়া যেন ভেতরে-ভেতরে টগবগ ক’রে ফুটছে, আর নিকির সমস্ত শরীর যন্ত্রণায় অবশ, তার মনে হচ্ছে হাত-পা বুঝি কালো আর নীল হ’য়ে গেছে ব্যথায়, আর তার পাজর ভেঙে গেছে টুকরো-টুকরো হ’য়ে।

শেষ পৰ্শ্বস্ত নাড়িয়াই প্রথম কথা বললো। বয়স্কদের মতো শাস্ত গলায় সে বললে, ‘তুমি সত্যি একটা পাগল।’ ‘আমি অত্যন্ত দুঃখিত।’—ঠিক সেই একই রকম বয়স্ক ভঙ্গিতে নিকি জবাব দিলো।

জলের গাড়ির মতো সারা রাস্তা ভিজিয়ে বাড়ি ফিরলো দু’জনে। পথে সেই ধূলিধূসরিত সর্পসংকুল ঢালু জমিটা তাদের পার হ’তে হ’লো, যেখানে ভোরবেলা নিকি সাপ দেখেছিলো।

নিকির মনে পড়লো তার গত রাত্রে উত্তেজনার কথা। মনে পড়লো ভোরে সে ছিলো প্রাকাম্যের অধিকারী, তখন সে আদেশ করেছিলো প্রকৃতিকে। এখন কী আদেশ দেবো আমি—নিকি ভাবলে। সবচেয়ে বড়ো কামনা আমার এখন কী? হঠাৎ বুঝতে পারলো নাড়িয়ার সঙ্গে আবার সে জলে পড়তে চায়; এই মুহূর্তে শুধু এই তার পরম বাঞ্ছনীয়। আবার কবে এমন ঘটনা ঘটবে? উত্তরটা জানবার জন্ত কী না করতে পারে সে!

পরিচ্ছেদ ২

ভিন্ন জগতের একটি মেয়ে

১

জাপানের সঙ্গে যুদ্ধ শেষ হবার আগেই হঠাৎ অল্প-এক ঘটনার ছায়া পড়লো রাশিয়ার উপর। বিদ্রোহের ঢেউ ছড়িয়ে পড়লো এক প্রান্ত থেকে আরেক প্রান্তে, প্রত্যেক ঢেউ আগেরটির চাইতে শক্তিমান, অসাধারণ।

এই সময় এক বেলজীয় এঞ্জিনিয়ারের বিধবা স্ত্রী আমালিয়া কার্লোভনা গুইশার তার ছেলে রডিয়ন আর মেয়ে লারিসাকে নিয়ে উরাল থেকে মস্কোতে এলেন। ভদ্রমহিলা আসলে ফরাশি, এখন রুশ ব'নে গেছেন। মস্কোতে এসে সামরিক বিদ্যালয়ে ছেলেকে ভর্তি ক'রে দিলেন, লারা ভর্তি হ'লো মেয়েদের হাইস্কুলে। এই একই স্কুলে আর একই ক্লাশে নাভিয়া কলোগ্রিভভাও পড়তো।

শ্রীমতী গুইশারের স্বামী তাঁর জন্ত রেখে গেছেন কিছু কোম্পানির কাগজ, যার দর একসময় চড়া ছিলো, এখন পড়তে শুরু করেছে। হাতের টাকা খরচ হ'য়ে যাবার ভয়েও বটে, একটা-কিছু করতে হবে বলেও বটে, শ্রীমতী গুইশার জয়ন্তেশ্বর^১ কাছে লেভিটস্কায়ার দরজির দোকানটা কিনে ফেললেন। লেভিটস্কায়ার উত্তরাধিকারীদের কাছ থেকে দোকানের সঙ্গে দোকানের সুনাম, পুরোনো খদ্দের, দরজি ও অল্প কর্মনবিশদেরও পেয়ে গেলেন তিনি।

^১ একটা পরিচ পাড়া।

এই ব্যাবসা তিনি ফেঁদেছিলেন কমারোভস্কি নামে এক আইনব্যবসায়ীর পরামর্শে। ভদ্রলোক ছিলেন তাঁর স্বামীর বন্ধু এবং বর্তমানে তাঁর প্রধান সহায়। জাত-ব্যাবসাদার এই ভদ্রলোক, পুরো রাশিয়ার ব্যবসার জগৎ এঁর হাতের তালুতে। এঁরই সঙ্গে চিঠিতে যোগাযোগ ক’রে মস্কোতে এসেছেন শ্রীমতী গুইশার; ইনি স্টেশনে অপেক্ষা করেছেন, গাড়ি ভাড়া ক’রে মস্কোর আরেক সীমায় অরুজ্জাইনি^১ স্ট্রীটে, মটেনিগ্রো হোটেলে আগে থেকে ভাড়া-ক’রে-রাখা ঘরে পৌঁছে দিয়ে গেছেন, ইনিই শ্রীমতী গুইশারকে বুঝিয়ে-সুঝিয়ে রডিয়াকে সামরিক বিদ্যালয়ে আর লারাকে তাঁর নিজের পছন্দসই ইস্কুলে ভর্তি করিয়েছিলেন। রডিয়ার সঙ্গে আলগোছে হাসি-মস্করা করেন তিনি, আর লারার দিকে এমনভাবে তাকিয়ে থাকেন যাতে সে লাল হ’য়ে ওঠে।

২

দোকানের কাছাকাছি ছোটো তিন-কামরার একটি ফ্ল্যাটে উঠে বাবার আগে প্রায় একমাস মটেনিগ্রোতেই থাকলো তারা।

মস্কোর সবচেয়ে কদর্য পাড়া সেটা। বস্তি, সন্দেহজনক গলিঘুঁজি, লিখাচিদের^২ আড্ডা—পুরো তল্লাটটি পাপাসক্ত।

ঘরের ময়লা, বিছানার ছারপোকা, আসবাবপত্রের দীনতা—কিছু দেখেই ছেলেমেয়েরা মন-খারাপ করলো না। তাদের বাবার মৃত্যুর পর থেকে মা পথে বসার ভয়ে সর্বদাই কাঁটা হ’য়ে আছেন। তারা সর্বনাশের মুখে দাঁড়িয়ে আছে, রডিয়া আর লারা এ-কথা শুনতে অভ্যস্ত হ’য়ে গিয়েছিলো। রাস্তার ছেলেপুলেদের থেকে তারা আলাদা, এ-কথা বুঝলেও অনাথ-আশ্রমে পালিত শিশুদের মতো বডোলোকেদের বিষয়ে আতঙ্ক তাদের মজ্জায়-মজ্জায় মিশে গিয়েছিলো।

^১ অরুজ্জাইনি : অস্ত্রাগার সড়ক।

^২ লিখাচি : শৌখিন গাড়ির চালক, এদের বদনাম ছিলো বেছাদের সঙ্গে যোগাযোগ আছে ব’লে।

তাদের মা ছিলেন এই আতঙ্কের একটি জীবন্ত প্রতিমূর্তি। পয়তিরিশ বছরের গোলগাল সোনালি চুলের মহিলা তিনি। মাঝে-মাঝে হৃদরোগে ভোগেন, আর তা যখন ভোগেন না তখন তাঁকে ছাকামিতে ধরে। ভিত্তুর চূড়ান্ত, আর সবচেয়ে বোধহয় বেশি ভয় পান পুরুষমাতৃষকে। আর এরই জন্ত, শুধুমাত্র আতঙ্ক আর বিহ্বলতার ফলে, তিনি সর্বদাই এক প্রেমিকের আলিঙ্গন থেকে অল্প প্রেমিকের আলিঙ্গনে ছিটকে-ছিটকে পড়তেন।

মন্টেনিগ্রো হোটেলে ওঁরা ছিলেন তেইশ নম্বর ঘরে। এই হোটেলের পত্তনের সময় থেকে চব্বিশ নম্বর ঘরে বাস করছেন চেলো-বাদক টিশকেভিচ, তাঁর টাক-পড়া মাথা পরচুলায় ঢাকা, শরীর ঘর্মসিক্ত, কাউকে কিছু বুঝিয়ে বলতে হ'লেই ভদ্রলোক প্রার্থনার ভঙ্গিতে হাত জোড় ক'রে বুকে ঠেকান। ফ্যাশনেবল কনসার্ট-হলে বাজান ইনি, বাজাবার সময় আবেগে তাঁর মাথা পেছন দিকে হেলে পড়ে, চোখ গোল হ'য়ে ঘুরতে থাকে। ঘরে খুব কম সময়ই থাকেন ভদ্রলোক, তাঁর অধিকাংশ সময় কাটে বলশই থিয়েটার আর নাচগানের ইস্কুলে। প্রতিবেশী হিসেবে তাঁরা পরস্পরকে সাহায্য করতে-করতে ঘনিষ্ঠ হয়েছিলেন।

কমারোভস্কি এলে ছেলেমেয়ের সামনে শ্রীমতী গুইশার একটু বিব্রত বোধ করতেন ব'লে টিশকেভিচ তাঁকে তাঁর ঘরের চাবি দিয়ে যেতেন যাতে তিনি সেটা ব্যবহার করতে পারে। তাঁর এই পরহিতৈষণার উপর নির্ভর ক'রে-ক'রে শ্রীমতী গুইশার এমন অভ্যস্ত হ'য়ে গিয়েছিলেন যে অনেক সময় তিনি তাঁর দরজায় টোকা দিয়ে সাক্ষরিত পৃষ্ঠপোষকের হাত থেকে রক্ষা পাবার জন্ত অক্লরোধ জানাতেও ছাড়েননি।

৩

ভেরস্কায়া স্ট্রিটের এক কোণায়, যেখানে ব্রেস্ট রেলওয়ে এঞ্জিনের ডিপো, গুদোম আর কেরানিদের কোয়ার্টার বসিয়ে আস্তানা গেড়েছে, সেখানে একটি একতলা বাড়িতে শ্রীমতী গুইশারের শেলাইয়ের কারখানা।

রেলওয়ে কোয়ার্টারের একটিতে থাকতো ওলিয়া ডেমিনা, তাঁর অধীনস্থ একটি চালাকচতুর মেয়ে, তার কাকা রেলগুদোমের কেরানি। মেয়েটি খুব

তাড়াতাড়ি উন্নতি করেছিলো। দোকানের পুরোনো মালিক একে নেকনজরে দেখতেন, নতুন মালিকেরও পক্ষপাত জন্মাচ্ছে। লারা গুইশারকে খুব পছন্দ করতো ওলিয়া।

লেভিট্‌স্কায়ার আমলের পর দোকানের কিছুই বদল হয়নি। শেলাইয়ের কলঙলি মেয়েদের ক্লাস্ত পায়ের চাপে অথবা অশাস্ত হাতের ঘূর্ণিতে উন্মাদের মতো শব্দ করে। এখানে-ওখানে টেবিলের ধারে ব'সে মেয়েরা শেলাই ক'রে চলে, লম্বা সূতো-পরানো ছুঁচটা টেনে তোলার সময় অনেক উঁচুতে হাত উঠে যায় তাদের। টুকরো কাপড়ে ভর্তি মেঝে। শেলাই-কলের ঘড়ঘড় শব্দ আর জানলার ধারে খাঁচায় গোষা ক্যানারির (তার নাম কিরিল মডেস্টোভিচ) বাশির মতো পান ছাপিয়ে কথা বলতে হ'লে তারদ্বরে চাঁচানো ছাড়া উপায় নেই। পাখির পূর্বতন মনিব তার এই অবিস্মৃত নামের গোপন রহস্য কাউকে না-জানিয়ে সমাধিস্থ হয়েছেন।

বসবার ঘরের টেবিলে ফ্যাশান-পত্রিকাগুলো জুপ করা থাকে, তার চারধারে জড়ো হন দলবদ্ধ মহিলারা। কেউ দাঁড়িয়ে, কেউ ব'সে, কেউ বা পত্রিকার ছবির ভঙ্গিতে অর্ধশায়িত হ'য়ে মডেল আর জামার ছাঁট নিয়ে আলোচনা করেন। অল্প একটি টেবিলে ম্যানেজারের চেয়ারে ব'সে থাকে ফায়িনা সিলাস্টিএভনা ফেটিলভা, শক্তপোক্ত গড়ন, গালের মোটা চামড়ার ভাঁজে-ভাঁজে আঁচিল—সে হ'লো প্রধান দরজি এবং শ্রীমতী গুইশারের সহকারিণী।

হাড়ের তৈরি একটি সিগারেট-হোল্ডার তার হলদেটে দাঁতের ফাঁকে আটকে থাকে, নাক-মুখ থেকে নির্গত হলুদ ধোঁয়ার কুণ্ডলির আড়ালে তার চোখের হলুদ তারা দুটি ঘুরিয়ে-ঘুরিয়ে সে খাতায় লিখে রাখে গায়ের মাপ, অর্ডার আর খদ্দেরদের ঠিকানা।

দোকান চালাবার মতো কোনো অভিজ্ঞতাই শ্রীমতী গুইশারের ছিলো না। তিনি নিজেই বুঝতেন মালিক-জনোচিত ধরনধারন তাঁর আসে না, কিন্তু কর্মচারীরা সং আর ফেটিলভা খুবই নির্ভরযোগ্য। কিন্তু তা হ'লেও এখন দিনকাল স্রবিশেষ নয়, আর ভবিষ্যতের কথা ভাবলেই ভয়ে হিম হ'য়ে যান তিনি; কোনো-কোনো সময় হতাশা তাঁকে অবশ্য ক'রে ফেলে।

কমারোভস্কি প্রায়ই আসে দেখাওনো করতে। শ্রীমতী ওইশারের স্ন্যাটে ষাবার পথে সে যখন দোকানের মধ্য দিয়ে যায় কেতাহুরন্ত মহিলারা পোশাক ঠিক করা ছেড়ে লাজুকভাবে পর্দার ওপিঠে স'রে গিয়ে তার রসিকতা এড়ান। মেয়ে-দরজিরা অপছন্দ করে, আবার মজাও পায়; আপন মনে তারা বিড়বিড় করে, 'এই আসছেন নবাবজাদা,' 'এমিলিয়ার প্রাণনাথ এলেন,' 'বুড়ো ছাগল', 'রসের নাগর'! এমনকি কমারোভস্কির চেয়েও তারা আরো বেশি ঘৃণা করতো তার কুকুরটাকে—একটা বুলডগ, নাম জ্যাক, মাঝে-মাঝে মনিবের সঙ্গে শেকলে বাঁধা হ'য়ে বেড়াতে আসে; এমন সর্বনেশে ঝাঁকুনি দিতে-দিতে এগোয় যে কমারোভস্কি ট'লে-ট'লে হোঁচট খায়; দুই হাত সামনের দিকে বাড়িয়ে দিয়ে কোনোমতে যখন টাল সামলায় সে, তখন মনে হয় অঙ্ক চলেছে তার পথপ্রদর্শককে অহুসরণ ক'রে।

এক বসন্তের দিনে লারার পায়ে কামড় বসিয়ে জ্যাক তার মোজা টুকরো ক'রে ছিঁড়ে দিলে।

'আপদটাকে শেষ করবো আমি,' ওলিয়া কর্কশ কণ্ঠে লারার কানে ফিসফিস করলো।

'হ্যাঁ, কুকুরটা সত্যিই বদ; কিন্তু কী ক'রে শেষ করবে শুনি, বোকারাম?'

'শশ্—টেঁচিয়ে না, আমি বলছি কী ক'রে। তোমার মার দেবোজে ঈস্টারের জন্তু কতোগুলো পাথরের ডিম তোলা আছে না—'

'হ্যাঁ, আছে, ফটিক আর খেতপাথরের তৈরি ওগুলো।'

'ঠিক, ঠিক। মাথাটা নিচু করো না, কানে-কানে বলছি শোনো। ওগুলো নিয়ে খুব ক'রে চর্বিতে ডুবিয়ে দিয়ো—নোংরা জানোয়ারটা তখন গবগবিয়ে খাবে আর দম আটকে মরবে শয়তানটা। মরবে ওটা—এইভাবে মরবে—'

লারা হাসে, ওলিয়াকে হিংসে হয় তার। ও খেটে খায়, দারিদ্র্যের মধ্যে বাস করে। এই সব ছেলেমেয়েরা সাধারণত খুব অকালপক হয়। কিন্তু, ভগবান, কী নিষ্পাপ আর শিশুহৃদয় স্বভাব ওর! জ্যাক, ডিম—এই সব ভাবনা ওর মাথায় ঢুকলো কী ক'রে? 'আর এমন ভাগ্য আমার হ'লো,' লারা ভাবে, 'যে সব-কিছু আমাকে দেখতে হয়, সবই কেন এমন গভীরভাবে দাগ কাটে আমার মনে?'

জিভাগো—৩

‘মা হলেন ঠুঁট...কী যেন কথাটা?...উনি হলেন মার...। না, ও-সব খারাপ কথা, আমি বলবো না। কিন্তু তাহ’লে ও-রকম ভাবে আমার দিকে তাকান কেন উনি? হাজার হোক—আমি মারই মেয়ে তো!’

ষোলো বছর সবে ছাড়িয়েছে লারা, কিন্তু তার দেহটি পুরোপুরি ভ’রে গেছে। লোকে ভাবে তার আঠারো কি তারও বেশি। স্বচ্ছ মন তার, সরল স্বভাব; দেখতে সে খুব সুন্দর।

সে আর রডিয়া, দুজনেই বুঝে নিয়েছিলো যে তাদের জীবনে কিছুই সহজে আসবে না। অলস আর অকর্মণ্য শিশুদের মতো অকালপক চিন্তা বা বয়সের পক্ষে অপ্রয়োজনীয় কৌতূহলে সময় নষ্ট করার মতো অবসর ছিলো না তাদের। শুধু তা-ই নোংরা বা বাহ্যিক। লারা জগতের পবিত্রতম মেয়ে।

ছোটো-ছোটো দাক্ষিণ্যে কৃতজ্ঞ বোধ করতো তারা দুই ভাইবোনে। তারা তো জানে জিনিসপত্রের কী দাম, আর এ পর্যন্ত তারা যা পেয়েছে তার মূল্য কতোখানি। জীবনের পথে চলতে হ’লে লোকে যাতে ভালো ভাবে তার জন্তে চেষ্টা করতে হয়। স্কুলের পড়ায় লারা যে ভালো করতো তার কারণ এ নয় যে পড়াশুনোর প্রতি তার কোনো বিশুদ্ধ ভালোবাসা আছে—তার কারণ সবচেয়ে ভালো ছাত্রীদের মাইনে কম দিতে হয়। ঠিক সেই একই কারণে সে বাসন ধোয় আর মায়ের ফরমাশ খাটে। নিঃশব্দ এক লাবণ্য ছিলো তার—তার ভক্তি, গলার স্বর, দেহের গড়ন, তার ছাইরঙের চোখ, আর ঝকঝকে চুল—সব ছিলো সুসমঞ্জস, এক স্বরে বাঁধা।

সেদিন ছিলো মধ্য-জুলাইয়ের এক রবিবার। ছুটির দিনে একটু বেশিখণ বিছানায় প’ড়ে থাকলে ক্ষতি নেই। সে শুয়ে ছিলো চিং হ’য়ে, মাথার তলায় দুই হাত রেখে।

দোকান-ঘর থেকে কোনো শব্দ আসছিলো না। রাত্তার দিকের জানলাটি খোলা। দূরে একটা ছ্যাকরা-গাড়ি, পাথরের রাস্তায় চাকার শব্দ তুলে গড়িয়ে-গড়িয়ে গিয়ে ট্রাম-লাইনের খাজে কেমন মন্থণ একটা

নিঃশব্দতায় ডুবে গেলো। ‘আর একটু ঘুমোই,’ সে ভাবলে। শহরের বিচিত্র কলরোল যেন ঘুমপাড়ানি গানের মতো তাকে তন্দ্রাতুর ক’রে তুলছিলো।

বা কাঁধ আর ডান পায়ের বুড়ো আঙুলের সঙ্গে বিছানার চাদরের স্পর্শ অনুভব ক’রে শয্যার কতোটা অংশ সে জুড়ে আছে, তা লারা বুঝতে পারছিলো। তার কাঁধ থেকে পায়ের পাতার মধ্যস্থলটি পর্যন্ত সবটুকু যেন অস্পষ্টভাবে তার নিজের, আর তার আত্মা অথবা তার সত্তা নিপুণভাবে তার দেহের মধ্যে এঁটে গেছে, অর্ধৈর্ষ্যভরে তার সত্তা এখন আত্মপ্রাণ চেঁচা করছে ভবিষ্যতের জন্ত।

লারা ভাবলো, ‘আমাকে এখন ঘুমোতেই হবে,’ আর কল্পনায় এই মুহূর্তের স্বর্ধালোকে উজ্জ্বল কারেটনি রো-এর দিকে তাকাবার চেষ্টা করলো—বিরাত গাড়িগুলিকে মিস্ত্রিদের ছাউনিতে পরিচ্ছন্ন ক’রে ধোয়া-মোছা মেঝের উপর দেখানোর জন্ত রাখা হয়েছে, কাটা কাচের লণ্ঠন আর খড়ের তৈরি ভালুক, প্রাচুর্যে ভরা জীবন। সেই রাত্তাতেই আর কয়েক পা এগিয়ে জুনায়েনসি ব্যারাকের উঠানে অশ্বরোহী সৈন্যরা ব্যায়াম করে, লাফিয়ে উঠে ঘোড়া চালিয়ে দেয়, কখনো আন্তে, কখনো দ্রুততর গতিতে, কখনো বা কদমচালে,—আর বাইরে দাই আর স্তম্ভদায়ী ধাত্রীদের হাত ধ’রে সারি বেঁধে দাঁড়িয়ে বাচ্চারা হাঁ ক’রে রেলিঙের ফাঁক দিয়ে তাদের স্মৃতিতে।

আরো একটু দূরে, লারা মনে-মনে ভাবলো, পেটভুকা স্লিট। ‘ওঃ হো, লারা, ভালো কথা মনে পড়েছে। আমার ভয়ানক ইচ্ছে ছিলো তোমাকে আমার ফ্ল্যাটটা দেখাবো। খুবই তো কাছে—’

কমারোভস্কির এক বন্ধু, কারেটনি রোতে থাকেন তিনি, তাঁর ছোট্ট মেয়ে অলগার নামকরণ দিবস ছিলো সেদিন। এই উপলক্ষে নাচ আর শ্রাস্পেনের ব্যবস্থা হয়েছিলো। উনি মাকে নিমন্ত্রণ করেছিলেন, কিন্তু মার শরীর ভালো ছিলো না বলে যেতে পারলেন না। মা বলেছিলেন, ‘লারাকে নিয়ে যাও। আমাকে তো সব সময় বলো ওয় দেখাশোনা করতে, এবার তুমি একটু দেখাশোনা করো তো।’ আর তাকে দেখাশোনাই সে করলো—সেটাই হ’লো প্রহসন।

ঐ ওঅল্‌জ নাচ থেকেই সব-কিছুর শুরু। নিছক পাগলামি এই ওঅল্‌জ—তাছাড়া আর-কিছু না। কিছুই না-ভেবে অকারণে তুমি ঘুরতে থাকবে। যতক্ষণ বাজনা বাজে, ততক্ষণ যেন অনন্ত যুগ উপন্যাসের জীবনের মতো পার হ'য়ে গিয়েছিলো। কিন্তু যেই ধামলো, চমকে উঠতে হ'লো—যেন এক বালতি ঠাণ্ডা জল গায়ে ঢেলে দিয়েছে কেউ, কিংবা তোমাকে নয়দেহে কেউ দেখে ফেলেছে। অবশ্য কাউকে অতোটা ঘনিষ্ঠ হবার সুযোগ যে সে দিয়েছিলো তার একটা কারণ হচ্ছে শুধু দেখানোপনা—দেখানো যে তুমি কতো বড়ো হ'য়ে গেছো।

উনি যে এতো ভালো নাচতে পারেন তা সে কখনো কল্পনাও করতে পারতো না। কী চতুর ওর হাত, কোমর জড়িয়ে ধরায় কী আশ্চর্য দৃঢ়তা। কিন্তু আর কখনো সে কাউকে ও-রকম ভাবে তাকে চুমু খেতে দেবে না। সে কি স্বপ্নেও ভেবেছিলো নিজের ঠোঁটের ওপর অল্প একজনের ঠোঁট অতো দীর্ঘ সময়ের জন্য চেপে থাকলে তার মধ্যে অতোখানি নির্লজ্জ আত্মপার্থী খুঁজে পাওয়া যায়?

এ-সব বাজে ব্যাপার তাকে বন্ধ করতেই হবে চিরদিনের মতো। ঐ লাজুক-লাজুক ভাব, জ্বাকামি আর চোখ নিচু করা—সব বন্ধ করতে হবে—তা না-হ'লে সর্বনাশ হবে তার। এক ভয়ংকর সীমানার প্রাস্তদেশ এটা। আর এক পা বাড়ালেই মহাশূন্যে গড়িয়ে পড়তে হবে। নাচের কথা আর কখনো চিন্তাও করবে না সে। ঐ নাচই তো সব মন্দের মূল। খুব জোরের সঙ্গে ফিরিয়ে দিতে হবে তাকে—ভান করবে যেন সে কখনো নাচতে শেখেনি, কিংবা তার পা ভেঙে গেছে।

৫

সেই হেমস্কে মস্কোর রেলকর্মচারীদের মধ্যে দারুণ বিক্ষোভ শুরু হলো। মস্কো-কাজান লাইনের কর্মচারীরা ধর্মঘট করলো, মস্কো-ব্রেস্ট লাইনের লোকেরাও সম্ভবত তাদের সঙ্গে যোগ দেবার জন্য প্রস্তুত। ধর্মঘটের সিদ্ধান্ত তারা গ্রহণ করেছে, তবে ধর্মঘট-পরিষদের মধ্যে তারিখ নিয়ে তর্ক চলছে

এখনো। রেলওয়ের লোকেরা সবাই জেনে গেছে যে ধর্মঘট হবে, শুধু একটা ছুতো পেলেই হয়।

অক্টোবরের শুরু; মেঘ ঢাকা হিম এক সকাল—আজ মাইনের তারিখ। অনেকক্ষণ অ্যাকাউন্টেন্টের সাড়াশব্দ মিললো না; তারপর একটি ছেলে মাইনের হিশেব আর মাইনে থেকে কেটে নেবার জন্ত তুণীকৃত জরিমানার খাতা নিয়ে আপিশে এলো। খাজাঞ্চি মাইনের বাঙালিগুলি বার-বার হাতে দিয়ে দিতে শুরু করলো। অন্তহীন এক সারিতে দাঁড়িয়ে আছে গার্ড, জুইচম্যান, মিস্ত্রি, আর ফায়ারম্যান, আর বাড়ুদাররা দাঁড়িয়ে আছে কাঠের তৈরি রেলের আপিশবর আর কারখানা, গুদাম, এঞ্জিনের ছাউনি আর রেললাইন-ওলা ইন্সটেশনের মাঝখানকার পোড়ো জমিতে।

বাতাসে শীতের শুরুর আভাস। দলিত মেপল পাতা, গ'লে-বাওয়া বরক, এঞ্জিনের উত্তপ্ত ধোঁয়ায় কয়লার টুকরো আর এইমাত্র উভূন থেকে নামানো গরম যবের রুটির মিলিত গন্ধ ভাসছে বাতাসে (স্টেশনের খাবার দোকানের রোয়াকেই রুটি সেকা হয়)। ট্রেন আসে আর যায়, শান্তি হয়, নিশেনের ওড়া, না-ওড়া, শুটোনো আর খোলার সঙ্গে এক গাড়ি আরেক গাড়ির সঙ্গে যুক্ত অথবা বিচ্ছিন্ন হয়। এঞ্জিনের ভেঁপু গর্জন ক'রে ওঠে, গার্ড আর স্টেশন-মাস্টারদের হর্ন আর হুইসিল কম্পিত আর্তন্বর বের করে। অন্তহীন এক ধোঁয়ার সিঁড়ি আকাশে উঠে যায়, হুশহুশ শব্দে এঞ্জিন তার ফুটন্ত বাষ্পের মেঘ ছুঁড়ে-ছুঁড়ে শীতের ঠাণ্ডা মেঘকে আঘাত করে।

বিভাগীয় পরিচালক ফ্রুগ্লিন ও এই অঞ্চলের রেললাইন-পরিদর্শক পাভেল ফেরাপণ্ডভিচ আষ্টিপভ পাকা সড়কের ধার ঘেঁষে পাইচারি করছিলো। আষ্টিপভ এতোকণ কারখানাগুলিতে ঘুরছিলো; লাইনের সেরামতের জন্ত যে-সব বাড়তি অংশ আছে সেগুলো যথেষ্ট মজবুত কিনা দেখে নেবার জন্ত মিস্ত্রিদের ওপর জোর-জবরদস্তি করছিলো সে। ইম্পাতটা যথেষ্ট শক্ত নয় ব'লে রেল-লাইন অধিক ভার বহন করতে তো পারবেই না, এমনকি, আষ্টিপভের ধারণা, শীত শুরু হ'লেই লাইনগুলি কেটে যাবে। তাঁর অভিযোগে ব্যবস্থাপকেরা কান দিচ্ছেন না। বোঝা শক্ত নয়, ঠিকোদাররা প্রচুর টাকা করছে।

ফ্লিগিন পরেছে দামি কারের বর্ডার-দেয়। কোট, রেল-ইউনিফর্মের চিহ্ন তার ওপর শেলাই ক'রে দেওয়া হয়েছে ; বোতাম খোলা, ফাঁক দিয়ে তার নতুন অ-সামরিক সার্জের স্মার্ট দেখা যাচ্ছে। লাইনের ধারে উঁচু পাড় দিয়ে সতর্ক পদক্ষেপ করতে-করতে প্রভূত তৃপ্তির সঙ্গে তাকাচ্ছে নিজের কোটের বুক, পাংলুনের কড়া ইঙ্গি আর ছিমছাম জুতো জোড়াটির দিকে। আন্টিপভের কথা তার এক কান দিয়ে ঢুকে অগ্র কান দিয়ে বেরিয়ে যাচ্ছিলো। ফ্লিগিন নিজের ভাবনাতে মশগুল ; ঘড়ি বের ক'রে ঘন-ঘন সময় দেখছিলো ; চ'লে যাবার জন্ত ব্যস্ত সে।

‘ঠিক বলেছো হে, একেবারে ঠিক কথা,’ অধীরভাবে ব'লে উঠলো সে। ‘কিন্তু এ-সব কথা ওঠে মেন-লাইন অথবা খুব বেশি গাড়ি যাতায়াত করে এমন লাইনের বেলায়। কিন্তু এখানে কী-ই বা আছে? একটা সাইডিং মাত্র, লাইন তো এখানেই শেষ হয়েছে, আছে শুধু ঝোপঝাড় বনবাদাড়। আর গাড়ি? গাড়ি বলতে তো খুব বেশি হ'লে পুরোনো শাফ্টিং এঞ্জিন আসে খালি বগি বাছাই করার জন্ত। আর কী চাও তুমি? তোমার কি মাথা-থারাপ হয়েছে? ইম্পাত কী বলছো! কাঠের রেল হ'লেও দিব্যি চ'লে যাবে এখানে।’

ফ্লিগিন ঘড়ির দিকে তাকালো, ঝপ ক'রে ডালা বন্ধ ক'রে দিয়ে দূরে তাকিয়ে রইলো রেলপথের দিকে এগিয়ে-আসা রাস্তার দিকে। রাস্তার মোড়ে একটা গাড়ি দেখা যাচ্ছে। এইবার ফ্লিগিনের পালা এসে গেছে। তার জী নিতে এসেছে তাকে। কোচোয়ান রেলওয়ের বাঁধানো সড়কের প্রায় ওপরে ঘোড়াগুলিকে টেনে নিয়ে এলো—তীক্ষ্ণ মেয়েলি গলায় তাদের সঙ্গে কথা বলছিলো সে, দাইরা যেমন ভক্তিতে অবাধ্য বাচ্চাদের বকে। ট্রেন দেখে ঘোড়াগুলি ভয় পেয়েছে। গাড়ির এক কোণায় গদিতে হেলান দিয়ে নৈর্ব্যক্তিক ভক্তিতে একজন হুন্দরী মহিলা ব'সে আছেন।

‘আচ্ছা ভাই, আবার দেখা হবে,’ এমন ভক্তিতে হাত নাড়লেন বিভাগীয় পরিচালকমশাই যেন বলতে চাইছেন, ‘এই তুচ্ছ রেল ছাড়াও আরো অনেক দরকারি বিষয়ে চিন্তা করতে হয় আমার।’ দম্পতি গাড়ি ছুটিয়ে চ'লে গেলেন।

তিন-চার ঘণ্টা পরে, তখন প্রায় সন্ধ্যা হয়ে এসেছে, রেল-লাইনের একটু দূরের যে-মাঠটি এতক্ষণ জনপ্রাণীহীন ছিলো, সেখান থেকে ছুটি মানবদেহ যেন মাটি ফুঁড়ে উঠে দাঁড়ালো, তারপর পেছন কিরে তাকাত্তে-তাকাত্তে ক্ষিপ্ত গতিতে হেঁটে চ'লে গেলো।

‘আর-একটু জোরে হাঁটা যাক,’ টিভেরজিন বললে, ‘পুলিশ এসে পড়তে পারে ভেবে আমার ভাবনা হচ্ছে না, কিন্তু ভিত্তর দল যে কাজ শেষ হ’তে-না-হ’তেই মাটির তলা থেকে বেরিয়ে এসে আমাদের ধ’রে ফেলবে। ওদের অসহ্য লাগে আমার। এ-ভাবেই যদি তোরা চলবি তাহ’লে কমিটি গঠন করার অর্থটা কী?—আগুন নিয়ে একবার খেলতে নামলে কি পালানো চলে? আর তুমিও বেশ লোক—ঐ দলেই তো লেগে আছো।’

‘আমার ভারিয়ার টাইফাস হয়েছে। ওকে হাসপাতালে নিয়ে যেতে হবে। তার আগে কোনো কাজেই মন দিতে পারছি না।’

‘আজ নাকি মাইনে দিচ্ছে শুনলাম। একবার আপিশটা ঘুরে যাই। আজকে মাইনের দিন, নয়তো, ঈশ্বরের দিব্য নিয়ে বলছি, তোমাদের সব-কটাকে দূর ক’রে দিতাম—আর নিজের হাতে সব-কিছু শেষ করতাম আমি, এক মুহূর্তও অপেক্ষা করতাম না।’

‘কী ক’রে করতে, জিজ্ঞেস করতে পারি কি?’

‘কিছুই না। বয়লার-ঘরে নেমে যেতাম, হুইসিলটা বাজাতাম—বাস্, হ’য়ে গেলো।’

পরস্পরকে বিদায় জানিয়ে তারা দু’জনে দু’দিকে চ’লে গেলো।’

রেল-লাইন ধ’রে টিভেরজিন শহরের দিকে এগোলো। আপিশ থেকে টাকা নিয়ে ফিরছে সবাই—তাদের মধ্যে ঢুকে গেলো সে। অনেকেই ছিলো সেখানে। তাদের দেখেই সে বুঝতে পারলো যে অধিকাংশ কর্মচারীরা আজ মাইনে পেয়ে গেছে।

অঙ্ককার হ’য়ে আসছে, আপিশ-ঘরে আলো জ্বলছিলো। আপিশের বাইরের চাতালে অলস শ্রমিকদের জটলা। সেই চাতালে চোকার মুখেই

দাঁড়িয়ে আছে ফ্লিগিনের গাড়ি, আর গাড়ির ভেতর তাঁর স্ত্রী বসে আছেন—
এখনো সেই একই ভঙ্গিতে, যেন সকাল থেকে একবারের জন্তও নড়েননি।
স্বামী ভেতরে গেছেন টাকা আনতে, তাঁর জন্ত অপেক্ষা করছেন।

বৃষ্টির সঙ্গে বরফের কুচি পড়তে শুরু করলো। কোচোয়ান বাস্ক থেকে
চামড়ার ঝাঁপটা টেনে দিলো গাড়ির উপর। সে যতক্ষণ গাড়ির
পেছনে হেলান দিয়ে এক পা পাদানিতে রেখে চিকণলোকে আটকে দেবার
জন্ত টানাটানি করছিলো ততক্ষণ শ্রীমতী ফ্লিগিন বসে-বসে আপিশের
আলোর রূপোর ফোটার মতো চিকচিকে বরফের কুচি মুখ চোখে দেখছিলেন,
তাঁর পলকহীন স্বপ্নালু দৃষ্টি শ্রমিকদের মাথার উপর দিয়ে চলে গিয়ে একটি
স্থির বিন্দুতে স্থব্ধ হ'য়ে ছিলো—দেখে মনে হয় দরকারমতো তাঁর দৃষ্টি তাদের
ভেদ ক'রে চলে যেতে পারে, তারাও যেন বরফের আস্তরণ বা কুয়াশা ছাড়া
আর-কিছুই না।

তাঁর এই ভাব লক্ষ ক'রে টিভেরজিন অস্বস্তি বোধ করলে। কোনোরকম
সম্ভাষণ না-জানিয়ে সেখান থেকে চলে যেতে-যেতে সে ঠিক করলো পরে
এসে মাইনে নেবে, নয়তো আপিশে ঐ ভদ্রমহিলার পামীর সঙ্গে দেখা
হ'য়ে যাবে তার। সে চলে গেলো চাতালের অঙ্ককার অংশটায়, এজিন
ঘোরাবার মাচার কালো আকারটার দিকে, যেখান থেকে গোল হ'য়ে বেরিয়ে
রেল-লাইনগুলি ডিপোর দিকে চলে গেছে।

‘টিভেরজিন! কুপ্লিক!’ অঙ্ককার ভেদ ক'রে কয়েকটি গলা ডেকে
উঠলো। কারখানার বাইরে অনেক লোক দাঁড়িয়ে আছে। ভেতরে কে যেন
কাৎরাচ্ছে, একটা বাচ্চা কাঁদছে। ‘লক্ষ্মীটি, ভেতরে যাও—ছেলেটাকে
একটু জ্বাখো।’ ভিড়ের মধ্যে থেকে একজন স্ত্রীলোক বলে উঠলো।

চিরচরিতভাবে কোরম্যান পিয়টর্ খুডলেয়েভ শিক্ষানবিশ ইউহপকাকে^১
থ'রে পেটাচ্ছিলো।

খুডলেয়েভ অবশ্য চিরকালই শিক্ষানবিশদের উপর এই অত্যাচার
চালাতো না, এই রকম বেহেড মাতালও ছিলো না। এমন এক দিন গেছে
যখন এক উৎসাহী ছোকরা-শ্রমিক চাকুরে হিসেবে সে মস্কোর শহরতলিগুলির

১ ইউহপকা : জোসেফ নাবের তাতার সংস্করণ।

বাণিজ্যক্ষেত্রে ব্যবসায়ী আর পুরোহিত-কন্ডাদের মুখ দৃষ্টি আকর্ষণ করতো। কিন্তু মারফা—সে ভারোসেশন কনভেন্ট স্কুল থেকে গ্র্যাডুয়েট হ'য়ে বেরিয়ে খুডলেয়েভকে উপেক্ষা ক'রে তারই সহকর্মী এঞ্জিনচালক, সান্তেলী নিকিটিচকে বিয়ে ক'রে ফেললো। এই সান্তেলীই টিভেরজিনের বাবা।

সান্তেলীর ভয়াবহ মৃত্যুর পাঁচ বছর পর (১৮৮৩ সালের রোমহর্ষক রেল-দুর্ঘটনায় পুড়ে মারা যায় সে) খুডলেয়েভ পুনর্বীর মার্কীর পাণিপ্রার্থী হ'য়ে প্রত্যাখ্যাত হ'লো। সুতরাং যে-পৃথিবী তার মতে তার সকল দুর্ভাগ্যের জন্ত দায়ী সেখানে টিকে থাকার জন্ত সে মাংলামি আর শুগামির আশ্রয় নিলো।

টিভেরজিনের সঙ্গে একই ফ্ল্যাট বাড়িতে থাকে। রেল-মুটে গিমাভ্লেৎদিন^১, ইউহুপকা তারই ছেলে। টিভেরজিন এই ছেলেটিকে নিজের পক্ষপুষ্টে আশ্রয় দিয়েছে, সেটাই হ'লো খুডলেয়েভের ওর প্রতি বিতৃষ্ণার অগ্ন্যতম কারণ।

‘ঐভাবে উখো ধরতে হয়, ট্যারা ছোকরা?’ ইউহুপকার ঘাড় আঁকড়ে ধ'রে চুল টানতে-টানতে সে গর্জন ক'রে ওঠে, ‘ঐ ভাবে ছাঁচ বার করছো তুমি—টেরা-চোখো তাতারের ছা?’

‘আউ, আর কখনো করবো না গো, আউ, আর কখনো করবো না, আউ, আমার লাগছে যে গো।’

‘এক কথা হাজার বার বলতে হবে তোমাকে, না? প্রথমে মাগেলটা আটো করবি, তারপর চাকটা বসাবি, কিন্তু ও কি শোনার পাত্র? না, ঠিক নিজের মতো হাসিল ক'রে যাবে। আমার তকলিটা প্রায় ভেঙে দিয়েছিলো আরকি, বেজম্মা ভূত।’

‘আমি তকলিটা ধরিনি বাবু, সত্যি বলছি, আমি ধরিনি।’

‘ওর পেছনে লেগেছো কেন?’ কহুই দিয়ে ভিড় ঠেলতে-ঠেলতে টিভেরজিন এগিয়ে এলো।

‘তা দিয়ে তো তোমার কোনো দরকার নেই,’ খুডলেয়েভ দশ ক'রে উঠলো।

‘আমি জিজ্ঞেস করছি তুমি ওর পেছনে লেগেছো কেন?’

^১ মুলসান নাম দেশাল-এ২-দিনের রূপ সংস্করণ (গিমাভ্লেৎদিন একজন ভাতার)

‘আর আমি ব’লে দিচ্ছি ঝামেলা বাধার আগেই স’রে পড়ো তুমি, যতো সব সোশ্যালিস্টের দল—সব ব্যাপারে নাক গলানো চাই।’ ওকে খুন করলেও যথেষ্ট সাজা হয় না, কুস্তির বাচ্চা আমার তকলিটা প্রায় ভেঙেছিলো আরকি। ট্যারান্টা, শয়তানটা - এখনো যে ও বেঁচে আছে এইজন্ত ভাগ্যকে ধন্যবাদ দিক। শুধু একটু কান ম’লে চুল টেনে আজ ছেড়ে দিলাম ব’লে!’

‘ও, তুমি তাহ’লে মনে করো এই অপরাধের জন্ত মাথা কাটা যাওয়া উচিত ছিলো ওর? খুঁড়লেয়েভ, তোমার মতো পুরোনো ফোরম্যানের এ-রকম ব্যবহার করতে লজ্জা পাওয়া উচিত। চুলই খালি পেকেছে তোমার, বুদ্ধি পাকেনি।’

‘ভাগো, ভাগো এখান থেকে, এখনো আস্ত আছো, মানে-মানে কেটে পড়ো। মারের চোটে তোমার ওস্তাদি বের ক’রে দেবো—আমাকে উপদেশ দিতে এসেছো! কুস্তার পাছা কাঁহাকার। তোর বাপের নাকের তলায় এই রেললাইনে তুই তৈরি হয়েছিলি জানিস, মেরুদণ্ডহীন জেলিমাছ কোথাকার তুই! জানি না তোর মাকে, বেঞ্চা, কুঁচকোনো শায়ার তলায় ঘেয়ো বেড়ালনি।’

তারপরের ঘটনা এক মুহূর্তে শেষ হ’য়ে গেলো।

সামনেই লেদ-বেঞ্চের ওপর ভারি-ভারি যন্ত্র আর লোহার তাল প’ড়ে ছিলো; দুজনেই হাতের কাছে যেটা পেলো তুলে নিলে, ভিড়ের লোক তাদের মধ্যে প’ড়ে দুজনকে ছাড়িয়ে না দিলে পরস্পরকে খুন ক’রে ফেলতো তারা। খুঁড়লেয়েভ আর টিভেরজিন দাঁড়িয়ে আছে মাথা নিচু ক’রে, এতো কাছাকাছি যে তাদের কপালে-কপালে প্রায় ছুঁয়ে যাচ্ছে, ক্যাকাশে মুখ, রক্ত-চক্ষু। রাগে তাদের গলা দিয়ে শব্দ বেরুচ্ছে না। শব্দ ক’রে ধ’রে রাখা হয়েছে তাদের, দু’জনের হাতই পেছন থেকে চেপে ধরা। বার দুই তারা সমস্ত শরীর ঝাঁকিয়ে হাত ছাড়াবার চেষ্টা করেছে—সহকর্মীদের মধ্যে বার ধ’রে রেখেছিলো তাদের হিঁচড়ে টেনে নিয়ে কাবু ক’রে ফেলেছে। ছিঁড়ে গেছে জামার হুক আর বোতাম—কোর্তা আর শার্ট খুলে গিয়ে কাঁধ বেরিয়ে পড়েছে দুজনের। দুজনকে ঘিরে এক অন্তহীন কলরব।

‘হেনি! হেনিটা সরিয়ে নাও ওব হাতের কাছ থেকে, মাথাটা যে

একবারে ছুঁড়িয়ে দেবে ওটা দিয়ে। ওহে বুড়ো পিয়টর, খামো না তুমি, তোমার হাতটা যে ও ভেঙে দেবে তা না হ'লে। আর ওদের খামকা ঘিরে থাকার মানেকটা কী? হিঁচড়ে টেনে নাও, তারপর দুজনকে তালি দিয়ে বন্ধ ক'রে রাখো—বাস্, সব ঠাণ্ডা হ'য়ে যাবে।'

হঠাৎ এক অমানুষিক প্রচেষ্টায় টিভেরজিন সবাইকে ঠেলে সরিয়ে নিজেকে ছাড়িয়ে নিলে, তারপর ছুটলো দরজার দিকে; পেছনে ছুটতে গিয়ে সবাই বুঝলো সে মংলব বদলেছে, তাই তাকে একাই ছেড়ে দিলো। সে বেরিয়ে গেলো, দড়াম ক'রে বন্ধ করলো দরজাটা, একবারও ঘুরে না-তাকিয়ে হনহন ক'রে হাঁটতে শুরু করলো। অন্ধকার সঁাতসঁতে হেমন্তের রাত্রি লুফে নিলে তাকে। 'ওদের ভালো করতে গেলে ছুরি নিয়ে তাড়া করবে,' কোথায় চলেছে না-জেনে হাঁটতে-হাঁটতে আপন মনে বিড়বিড় করলে সে।

মিথ্যায় আর প্রতারণায় নিমজ্জিত এই জগৎ, যেখানে অতিভোজনপুষ্ট এক মহিলা কুলি-মজুরদের ভিড় ভেদ ক'রে একদৃষ্টিতে তাকিয়ে থাকবার স্পর্ধা রাখেন, আর মদে বেহাশ একটা জন্তু তার নিজেরই জাতের অসহায় এক বালকের উপর অত্যাচার ক'রে আনন্দ পায়, সেই জগৎ টিভেরজিনের কাছে এমন ঘৃণ্য আর কখনো মনে হয়নি। জ্বোরে পা চালালো সে, যেন তার দ্রুত গতি সেই সময়কেও এগিয়ে নিয়ে আসবে যখন পৃথিবীর বুকে সমস্ত কিছুই তার এখনকার উত্তপ্ত মস্তিষ্কের অভ্যস্তরের মতোই যুক্তিযুক্ত আর স্বসমঞ্জস রূপ নেবে। সে তো জানে, তাদের গত কয়েকদিনের প্রচেষ্টা—লাইনের গুণগোল, সভাসমিতিতে বক্তৃতা, ধর্মঘটের সিদ্ধান্ত গ্রহণ সব পালন করা না-হ'লেও কাজ বন্ধ হয়নি—এ সব-কিছুই তাদের সম্মুখবর্তী মহৎ পথে পৌঁছবার জন্ত ছোটো-ছোটো আলাদা-আলাদা ধাপ।

কিন্তু এই মুহূর্তে সে এতো উত্তেজিত যে ছুটতে ইচ্ছে করছে তার—দমটুকু নেবারও সবুর সইছে না। সে সচেতনভাবে বুঝে জ্ঞাধেনি লম্বা-লম্বা পা ফেলে কোথায় চলেছে, কিন্তু তার পা ছুটি ভালোই জানে কোথায় তাকে নিয়ে যেতে হবে।

এ-কথা জানতে টিভেরজিনের অনেক দেরি হ'য়ে গেলো যে সে আন্টিপতের মাটির তলার ঘর থেকে বেরিয়ে আসার পর সেই রাত্রে ধর্মঘট শুরু করার

সিদ্ধান্ত গ্রহণ করা হয়েছিলো। কাকে কোথায় যেতে হবে, আর কাকে-কাকে ডাকা হবে, তখন-তখনই স্থির করা হ'য়ে গেছে।

একদিন সারাবার কারখানায় গিয়ে বাঁশি বাজালো টিভেরজিন, সে-বাঁশির কর্কশ ধ্বনি ভেঙে পড়লো যেন তার হৃদয়ের তলদেশ থেকে উদ্ভিত হ'য়ে ; কিছুক্ষণ পরে বাঁশির শব্দ স্বাভাবিকতায় নেমে এলো। দলে-দলে লোক ইতিমধ্যেই ডিপো আর মালের উঠোন থেকে বেরিয়ে আসছে। টিভেরজিনের সিগনালে হাতের যন্ত্র নামিয়ে রেখে বয়লার-ঘরে কর্মচারীরা একটু পরেই এসে যুক্ত হ'লো তাদের সঙ্গে।

বহু বছর ধ'রে টিভেরজিন ভেবেছে যে সেই রাত্রে সে-ই রেলের সব কাজ, আর লাইনে গাড়ির যাতায়াত বন্ধ ক'রে দিয়েছিলো। সত্যটা সে জেনেছিলো অনেক পরে, যখন মামলার শুনানিতে সে অভিযুক্ত হয়েছিলো উত্তোক্তা ব'লে নয়, শুধু ধর্মঘটের একজন সাহায্যকারী হিসেবে। ছুটে-ছুটে বেরিয়ে আসছে লোকজন, প্রশ্ন করছে : 'কোথায় যাচ্ছে সবাই ? ছইসিল বাজলো কেন ?' —'আপনি তো কালা নন, মশাই,' অন্ধকারের মধ্যে থেকে কথা ভেসে আসে। 'আগুন লেগেছে। অ্যালার্ম বাজানো হচ্ছে। আগুন নেবাতে যেতে হবে আমাদের।' —'কোথায় আগুন ?'—নিশ্চয় আছে কোথাও, তা না-হ'লে অ্যালার্ম বাজানো হ'তো না।'

দড়াম-দড়াম ক'রে খুলে যেতে লাগলো সব কপাট, আরো লোক বেরিয়ে আসছে। অল্প অনেক গলার স্বর শোনা গেলো—'আগুন না ছাই। মুখ্য ছোঁড়াটার কথা শোনো একবার। আরে এ হ'লো ধর্মঘট, ধর্মঘট। ভাই সব, হাতের যন্ত্র নামিয়ে রাখো। ওদের নোংরা কাজ চালাবার জন্ত অল্প সব বোকাদের খুঁজে আছক না ওরা ! যাও, সব বাড়ি চ'লে যাও, ছেলেরা।'

আরো লোক এসে ভিড়ের সঙ্গে জুটে গেলো, আরো। ধর্মঘট করলো রেলের কর্মচারীরা।

হুদিন পরে বাড়ি ফিরলো টিভেরজিন, ঘূমের অভাবে ক্লান্ত, হাড় পর্বন্ত জ'মে গেছে শীতে। গত রাত থেকে হঠাৎ নিতান্ত অসময়ে হিম পড়া শুরু হয়েছে, টিভেরজিনের পরনে শীতের পোষাক কিছুই ছিলো না। সেই রেল-মুটে গিমাংজেন্দিনের সঙ্গে দরজার মুখে দেখা হ'লো তার।

‘অনেক ধন্যবাদ, কর্তা—’ ভাঙা-ভাঙা রুশ ভাষায় সে বললে, ‘আপনার জন্তাই ইউক্সপকা বেঁচে গেলো। আপনার মঙ্গলের জন্ত আমি সর্বদা প্রার্থনা করবো।’

‘মাথা-থারাপ হয়েছে নাকি তোমার, গিমাংজেন্দিন, কর্তা বলছো কাকে ? ও-সব ছাড়ো, দোহাই তোমার, যা বলবার ভাড়াভাড়ি ব'লে ফেলো, দেখছো কী ঠাণ্ডা।’

‘আপনি কেন ঠাণ্ডায় কষ্ট পাবেন, কুপ্রিয়ান সাভেলিচ ? আপনি এখনি গরম হ'য়ে যাবেন। আমি আর আপনার মা—মাক'। গাভ্রিলোভনা—দুজনে গত কাল মালের স্টেশন থেকে এক শেড ভর্তি কাঠ নিয়ে এসেছি—সব বার্চ গাছের ডাল—ভালো, শুকনো কাঠ।’

‘ধন্যবাদ, গিমাংজেন্দিন। আর-কিছু বলবার থাকলে চটপট ব'লে ফেলো। এদিকে যে জ'মে যাচ্ছি একেবারে।’

‘রাতটা যাতে বাড়িতে না কাটান—সেই কথা বলতে চেয়েছিলাম আরকি। গা ঢাকা দিতেই হবে আপনাকে। পুলিশ এসেছিলো, জিজ্ঞেস করলো, কে কে আসে এখানে—না তো, কেউ আসে না তো—আমি বললাম, কেবল ডিউটি বদলির লোক আসে, আমি বললাম, শুধু রেলের লোকেরাই আসে কিন্তু বাইরের কেউ আসে না, আমি বললাম, দিবিং গেলে বললাম সে-কথা।’

টিভেরজিন বিয়ে করেনি, মা আর বিবাহিত ছোটো ভাইয়ের সঙ্গে থাকে। পাশের হোলি ট্রিনিটি গির্জের সম্পত্তি তাদের বাড়িটা। ভাড়াটেদের মধ্যে জনকয়েক পুরোহিত আছেন, আর আছে রাস্তার কেরিগুলাদের ছুটি

আর্টেলি^১—একটি কসাইদের, অন্যটি সজ্জি-বিক্রেতাদের। এ ছাড়া বেশির ভাগই মস্কো-ব্রেস্ট রেল-আপিশের ছোটোখাটো কেরানি।

পাথরের তৈরি চকমিলানো বাড়ি, মাঝখানে নোংরা আ-বাঁধানো এক উঠোন। ঢাকা কাঠের সিঁড়ি উঠোনের দিকে মুখ করে বাইরের দেয়াল বেয়ে উঠে গেছে; নোংরা, পিছল ধাপগুলিতে বেড়ালের আর টক-দিয়ে-রাঁধা বাঁধাকপির গন্ধ; সিঁড়ির চত্বরে পাইখানা আর তাল-বন্ধ ভাঁড়ার।

জাপানের সঙ্গে যুদ্ধের সময়ে টিভেরজিনের ভাইকে সেপাই করে ধরে নিয়ে গিয়েছিলো, আহত অবস্থায় সে এখন আছে ক্রাসনোইয়ারস্কে সামরিক হাসপাতালে; দুই মেয়ে নিয়ে তার জী তাকে দেখতে গেছে—বাড়িতে নিয়ে আসবে স্বামীকে (বংশানুক্রমে রেলের কর্মচারী টিভেরজিনেরা সমস্ত রাশিয়া বিনা ভাড়ায় ভ্রমণের সুযোগ পায়)। তাদের ক্ল্যাটটি এখন চুপচাপ আর ফাঁকা, কেবল টিভেরজিন আছে, আর তার মা।

তারা থাকে তেতলায়। দরজার বাইরে সিঁড়ির চত্বরে একটা পিপে থাকে, ভিত্তিওলা মালি নিয়মিত এসে তাতে জল দিয়ে যায়। উপরে এসে টিভেরজিন লক্ষ করলো পিপের ডালাটা খোলা, টিনের মগটা জ'মে-বাওয়া জলের গায়ে আটকে আছে। 'প্রভ এসেছিলো নিশ্চয়ই,' ভেবে সে হাসলো, 'কেমন জল খায় লোকটা, পেটের নাড়িভুঁড়িতে আগুন জলে ওর।' প্রভ মানে প্রভ আফানা-সিয়েভিচ সকলভ, গির্জের স্তোত্রপাঠক, টিভেরজিনের মায়ের এক আত্মীয়।

বরফের মধ্য থেকে ঝাঁকুনি দিয়ে মগটা বের করে নিলো টিভেরজিন, তারপর দরজার ঘুন্টি বাজালো। রান্নার সৌরভের সঙ্গে একটি উষ্ণ ঘরোয়া গন্ধের ঢেউ অন্তর্ধান জানালো তাকে।

'কী, মা, হৃন্দর আগুন জালিয়েছো তো; আঃ, বেশ লাগছে, কী গরম এখানে।'

ছেলেকে জাপটে ধরে তার গলা জড়িয়ে কান্নায় ভেঙে পড়লেন মা। মার মাথায় হাত বোলালো টিভেরজিন, আর, একটু পরে আন্তে সরিয়ে দিলো তাঁকে।

১। মজুর অথবা ছোটো ব্যবসাদারের দল, যাঁরা একজনের অধীনে দলগতভাবে কাজ করে ও একই সঙ্গে বসবাস করে।

‘কষ্ট না-করলে কষ্ট মেলেনা, মা,’ নরম গলায় সে বললে, ‘মন্ডো থেকে ওয়ারস পর্যন্ত ট্রেন বন্ধ।’

‘জানি—সেইজন্তই তো কঁাদছি। কুপ্রিকা, তোর পেছনে ওরা ঘুরবে যে। এখান থেকে পালাতে হবে তোকে।’

‘তোমার চমৎকার প্রেমিকটি তো এদিকে আমার মাথা গুঁড়িয়ে দিয়েছিলো প্রায়,’ মাকে হাসাবার চেষ্টা করলো টিভেরজিন, কিন্তু মা গম্ভীরভাবে জবাব দিলেন, ‘ওকে নিয়ে হাসিস না, কুপ্রিকা, তাতে তোর পাপ হবে। ওর জন্ত কষ্ট হয় না তোর—বেচারি বড়ো দুর্ভাগা।’

‘আন্টিপভকে গ্রেপ্তার করেছে। রাত্রে এসে সব-কিছু ওলোটপালোট ক’রে ওর ঘর তল্লাস করেছে; সকালে ধ’রে নিয়ে গেলো। এদিকে ভারিয়া আবার হাসপাতালে, টাইফস হয়েছে। আর ওদের বাচ্চাটি, পাশা,—সেকেণ্ডারি স্কুলে পড়ে—কাল পিসির সঙ্গে সারা বাড়িতে একা সে। ওদের ও তাড়িয়ে দেবে। আমি ভাবছিলাম বাচ্চাটা আমাদের সঙ্গে এসে থাকলে কেমন হয়—প্রভ কী বলে?’

‘কী ক’রে জানলি ও এসেছিলো?’

‘জলের পিপের মুখটা খোলা প’ড়ে ছিলো, মগটা বরফের উপর দাঁড় করানো—দেখেই মনে-মনে বললাম, প্রভ জল খেয়েছে—তাই এই অবস্থা।’

‘তোর বুদ্ধি তো খুব, কুপ্রিকা। হ্যাঁ—সে এসেছিলো। প্রভ—প্রভ আফানাসিয়েভিচ। এসেছিলো আলানি কাঠ ধার করতে—দিলাম কিছু। কিন্তু কী যে সব বলছি বোকার মতো। প্রভ যে-খবর এনেছিলো সেটাই বলতে ভুলে গিয়েছিলাম এতোকণ। ভাবতে পারিস, কুপ্রিকা! জার স্বয়ং এক ইস্তাহারে নাম সই করেছেন—সব-কিছু ওলোটপালোট হ’য়ে যাবে। সকলে উচিত ব্যবহার পাবে, চাষারা জমি পাবে, আর আমরা সবাই তত্ত্ব-লোকদের সঙ্গে সমান-সমান হ’য়ে যাবো। সত্যিই নাকি সই করা হ’য়ে গেছে, এখন শুধু প্রচার করা বাকি। ধর্মদংসদ থেকে, গির্জাতে খবর এসেছে উপাসনার সময় জারকে যেন ধন্যবাদ দেয়া হয়, না কি তাঁর জন্ত প্রার্থনা করতে—কী যেন বলেছিলো আমাকে, ভুলে গেছি।’

পাশা আন্টিপভ, যার বাবা ধর্মঘটের একজন উচ্ছোক্তা হিশেবে হাজতে গেছে, টিভেরজিনদের সঙ্গে থাকতে এলো। তারি পরিষ্কার পরিচ্ছন্ন ছেলোট, কাটা নাক-চোখ, লাল চুলের মাঝখান দিয়ে সিঁধি কাটা; সর্বদাই সে হয় বুদ্ধি দিয়ে চুল পাট করছে, জামা টান ক'রে রাখছে, নয়তো স্কুলের বকলশ আটকে রাখছে বেণ্টে। খুব রসিক, আর অসাধারণ তার লক্ষ করবার ক্ষমতা। যা দেখতো এবং শুনতো তা সে এমন অভূতভাবে নকল করতো যে হাসির চোটে নিজের সঙ্গে-সঙ্গে অগ্নকেও মাতিয়ে রাখতো।

১৭ই অক্টোবর ইস্তাহার বেকবার পর এক বিরাট মিছিল বেরলো; ৭শের দরওয়াজা থেকে রওনা হ'য়ে মস্কোর অপর প্রান্তে কালুগা-দরওয়াজা পর্যন্ত যাবে সেই মিছিল। কিন্তু অধিক সন্ধ্যাসীতে গাজন নষ্ট—এ-কথা নিতান্তই সত্য। কয়েকটি বিদ্রোহী দল পরামর্শ ক'রে ঠিক করেছিলো এটা, তারপর ঝগড়া-ঝাঁটি ক'রে ব্যাপারটা সেখানেই চুকিয়ে দিয়েছে। কিন্তু তৎসঙ্গেও নির্দিষ্ট দিনে যখন লোকজন বেরিয়ে আসতে লাগলো, তাড়াহুড়া ক'রে কোনোমতে যে যার প্রতিনিধি পাঠিয়ে দিলে শোভাযাত্রায় অধিনায়কত্ব করার জন্ত।

টিভেরজিনের অনেক বারণ সত্ত্বেও তার মা মিছিলে যোগ দিতে গেলেন, আর পাশা, সদা-প্রফুল্ল আর সাহায্য করার জন্ত চির-উৎসুক পাশা—সেও গেলো তাঁর সঙ্গে।

ফোঁটা-ফোঁটা বরফ-পড়া শুকনো নভেম্বরের দিন, শুষ্ক, ঘেন সিসের পাতে মোড়া আকাশ, একের পর এক বরফের কুচি খ'সে-খ'সে পড়ছে। ছাইরঙের ফোলা ধুলোর মতো হ'য়ে তারা পাক খেয়ে-খেয়ে মাটিতে পড়তে লাগলো।

রাস্তায় জনতা বহুবার মতো ভেসে আসছে—মুখ, মুখ, মুখ, তুলো-ভরা শীতের কামিজ আর ভেড়ার চামড়ার টুপি, পুরুষ আর স্ত্রীলোক, ছাত্র, বৃদ্ধ, শিশু, ইউনিকর্ন-পর্যায় রেলওয়ের লোক, হাঁটু-পর্যন্ত ঢাকা জুতো আর চামড়ার জামা গায়ে ট্রাম-ডিপো ও টেলিফোন এক্সচেঞ্জের কর্মচারী, মেয়েরা, আর স্কুলের ছেলের দল।

প্রথমে কিছুক্ষণ লা মার্শাই, ‘ওয়ারস’ আর ‘শহীদ হ’য়ে করলে বরণ যুত্যা’ গাইলে সবাই। মিছিলের মাথায় পেছন ফিরে হাঁটছিলো একজন, হাতের টুপিটা বেটনের মতো ধরে তাল বোঝাচ্ছে আর গান গাইছে সে, এবারে মাথায় টুপি প’রে নিয়ে ফিরে দাঁড়িয়ে অগ্ন নেতাদের কথা শুনতে লাগলো। গোলমালের মধ্যে গান থেমে গেলো। জ’মে-যাওয়া পথে এখন তবু অগণিত পদশব্দ শোনা যাচ্ছে।

সমর্থকদের কাছ থেকে খবর পেয়েছেন যে কসাকরা^১ গা-ঢাকা দিয়ে আছে, মিছিল আরো কিছু দূর গেলেই ঝাঁপিয়ে পড়বে। এই অঞ্চলের এক রাসায়নিকের কাছে ফোন ক’রে তাই তাদের সতর্ক ক’রে দেয়া হয়েছে।

‘কী হয়েছে তাতে?’ দলের মাতব্বরেরা বললেন, ‘আমাদের উত্তেজিত হ’লে চলবে না, মাথা ঠাণ্ডা রাখতে হবে—সেটাই হ’লো আসল কথা। পথে যে-কোনো একটা সরকারি বাড়িতে ঢুকে পড়তে হবে আমাদের, সবাইকে সাবধান ক’রে দিয়ে ছড়িয়ে পড়বো।’

তখন তর্ক শুরু হ’লো কোন বাড়িতে ঢোকা উচিত হবে তাই নিয়ে। কেউ বললে দোকানি-সজ্জের আপিস, কেউ বললে হাতের কাজের স্থল-বাড়িতে, আর কেউ-কেউ আবার বৈদেশিক বাণিজ্য-বার্তা শিক্ষালয়ের নাম করলে।

তর্ক করতে-করতেই একটা স্থল-বাড়ির উঁচু দালানের কোনায় পৌঁছে গেলো তারা; তারা যা-যা সুবিধে চায় সবই জুটবে এই সুবৃহৎ দালানে।

ঢোকবার দরজার কাছাকাছি পৌঁছেই নেতারা একপাশে স’রে গিয়ে সিঁড়ি বেয়ে অর্ধচন্দ্রাকৃতি ঢাকা বারান্দায় উঠে দাঁড়ালেন; মিছিলের মাথায় যে ছিলো তাকে ইঙ্গিত করলেন আর যাতে না এগোয়, কিন্তু তাঁদের ইঙ্গিতের ভুল মানে বুঝলো সবাই। খুলে গেলো একাধিক দরজা, আর কোটে-কোটে টুপিতে-টুপিতে ঠেসাঠেসি ক’রে লোক ঘরের ভেতর ঢুকতে লাগলো, সিঁড়ি বেয়ে উঠে গেলো ওপরে।

‘লেকচার-হলে চলো, লেকচার-হলে,’ ভিড়ের পেছন থেকে কয়েকটি গলা চেঁচিয়ে উঠলো, কিন্তু অগ্ন সবাই এগিয়েই চললো—বারান্দা আর ক্লাশ-ঘর

১। এই ধরনের কাজ বারং করে তারা আসলে অব্যবহার্য সৈন্য, কসাক নয়, কিন্তু অশিক্ষিত লোকেরা যে-কোনো বোড়সওয়ারকেই কসাক বলতো।

ছড়িয়ে-ছিটিয়ে। অবশেষে এক সময় নেতারা কোনোমতে সবাইকে জমায়েৎ করতে পারলেন লেকচার হলে, অত্যধিক আক্রমণের জন্ত ফাঁদ পাতা হয়েছে এই ব'লে সাবধান ক'রে দেবার চেষ্টা করলেন কয়েকবার, কেউ শুনলো না। হঠাৎ থেমে প'ড়ে একটা বাড়িতে ঢুকে প'ড়ে তখন-তখনই এক সভা আহ্বান করার ইচ্ছে জেগেছে তাদের, আর সত্যিই সভা শুরু হ'তে খুব বেশি দেরিও হ'লো না।

এতোকণ ধ'রে হেঁটে আর গান গেয়ে সবাই কিছুক্ষণের জন্ত চূপচাপ ব'লে থাকতে হবে ভেবে খুশিই হ'লো—অন্তেরা এবার কিছু কলক তাদের হ'য়ে, চেষ্টায়ে গলা ফাটাক। বক্তারা, প্রায় সকল বিষয়েই একমত তাঁরা, সবাই যেন এক কথাই বললেন মনে হ'লো; বক্তব্যের কোনো তফাৎ যদি থেকেও থাকে, বসতে পারার, একটু বিশ্রাম পাওয়ার, স্বস্তিতে কেউ তা লক্ষ করলো না। নিকট বক্তাটি সর্বশেষে বললেন, এবং সবচেয়ে বেশি উৎসাহে ভরা অভ্যর্থনা লাভ করলেন শ্রোতাদের কাছ থেকে। তিনি কী বলছেন তা বোঝবার চেষ্টা করলো না কেউ, শুধু প্রতি শব্দের শেষেই চীৎকার ক'রে সম্মতি জানাতে লাগলো, এই ভাবে বাধা দেয়াতে কেউ কিছু মনে করলো না, আর প্রত্যেকেই কেবলমাত্র ধৈর্য হারিয়ে বক্তাটির সঙ্গে সর্ব বিষয়ে একমত হ'য়ে গেলো। 'ছি-ছি' রব উঠলো মাঝে-মাঝে; প্রতিবাদ জানিয়ে টেলিগ্রামের খসড়া প্রস্তুত হ'লো; তারপর এক সময়, বক্তার একঘেষে গলার শব্দে ক্লাস্ত হ'য়ে একযোগে উঠে দাঁড়ালো যেন একটিমাত্র মানুষ, তারপর তাঁকে সম্পূর্ণ বিন্মত হ'য়ে দলে-দলে বেরিয়ে গেলো—গায়ে গাঠকিয়ে—নামলো সিঁড়ি বেয়ে, তারপর বাইরে রাস্তায়। মিছিল আবার এগিয়ে চললো।

ভেতরে যখন সভা হচ্ছে বাইরে তখন বরফ পড়তে শুরু করেছে। রাস্তা এখন শাদা। বরফের আন্তরণ ক্রমেই পুরু হচ্ছে।

ঘোড়সওয়ারেরা যখন গুলি ছুঁড়লো, মিছিলের শেষে যারা ছিলো তারা অনেকেই প্রথমটায় কিছু বুঝতে পারেনি। কলকোলের এক ঢেউ গড়িয়ে গেলো তাদের দিকে, বিপুল ভিড় যেন 'হরে!' ব'লে চেষ্টায়ে উঠলো, কাদের আর্থবর উঠলো, 'বাঁচাও!' 'মেরে ফেললো!'—ডুবে গেলো তুমুল সেই

কোলাহলে। আর সঙ্গে-সঙ্গেই বেন শব্দের সেই ঢেউয়ে ভেসে এগিয়ে এলো সৈন্মদল, ভিড় হুঁভাগ হ'য়ে সৰু রাস্তা তৈরি ক'রে দিলে তাদের, সেখানে দেখা গেলো তাদের মাথা, ঘোড়ার অগ্রভাগ, আর ভিড়ের উপর নিঃশব্দ ও দ্রুত তরবারির সঞ্চালন।

সৈন্মদের অর্ধেক অংশ ভিড়ের মধ্যে ঢুকে পড়লো, ঘুরে দাঁড়িয়ে জনতাকে ঘিরে ফেললো, মিছিলের পেছন দিকটা ভেঙে দিলো। হত্যাকাণ্ড শুরু হয়েছে।

কয়েক মিনিটের মধ্যেই ফাঁকা হ'য়ে গেলো রাস্তা। অলিতে-গলিতে ছড়িয়ে-ছিটিয়ে পড়লো সবাই। বরফের চাপ একটু কমেছে। শুকনো সন্ধ্যাটাকে কেউ বেন কাঠকয়লার টুকরো দিয়ে এঁকে রেখেছে। বাড়িগুলির পেছন দিয়ে ডুবে যেতে-যেতে সূর্য তার আঙুল বাড়িয়ে রাস্তার সব লাল রং কুড়িয়ে নিলে—ঘোড়সওয়ারদের টুপির লাল ডগা, মাটিতে লুটিয়ে-থাকা একটি লাল পতাকা, আর বরফের উপর স্তরের মতো লম্বা রক্তের রেখা, লাল-লাল ফোঁটায়।

ফাটা মাথা নিয়ে গোড়াতে-গোড়াতে একটি লোক হামাগুড়ি দিয়ে ফুটপাথের ধারে এগিয়ে আসছিলো। জনতাকে তাড়া করতে-করতে রাস্তার স্তূপ প্রান্তে যারা চ'লে গিয়েছিলো সেইসব অস্বাভাবিক ধীর গতিতে এদিকে চ'লে আসছে। প্রায় তাদের ঘোড়ার পায়ের তলায় পড়লো টিভেরজিনা,^১ মাথার পেছনে লেপটে আছে তার গায়ের শাল, এদিক থেকে ওদিকে ছুটতে-ছুটতে উন্নতের মতো আত্মতরুর চীৎকার করছে : 'পাশা! পাশা!'

পাশা সারাক্ষণ তার সঙ্গে-সঙ্গেই ছিলো, সস্তার শেষ বক্তাকে নকল ক'রে তাকে কতো হাসিয়েছে, কিন্তু ঘোড়সওয়ারদের আক্রমণের সময় গুগুগোলির মধ্যে হঠাৎ কোথায় মিলিয়ে গেলো।

একজন ঘোড়সওয়ারের চাকুর বাড়ি এসে টিভেরজিনার পিঠে পড়েছিলো, পুরু জামার আবরণ ভেদ ক'রে সেই কশাঘাত তার শরীরে গিয়ে লাগেনি অবশ্য, তবু টিভেরজিনা ঘোড়সওয়ারের পিঠ লক্ষ্য ক'রে ঘুরে

^১ টিভেরজিনের বা।

পাকালো, গাল পাড়লো—অত্যন্ত রাগ হ'লো তার যে তার মতো এক বৃদ্ধার গায়ে আঘাত করতে সাহস পায় ওরা—আর তাও প্রকাশ্যে—সকলের চোখের সামনে।^১

উষ্ম হ'য়ে এধার-ওধার খুঁজতে-খুঁজতে অবশেষে ভাগ্যক্রমে রাস্তার উল্টো দিকে পাশাকে দেখতে পেলো। একটা পাথরের বাড়ির গাড়ি-বারান্দা আর এক মুদি-দোকানের মধ্যবর্তী ফাঁকা জায়গাটুকুতে পাশা দাঁড়িয়ে ছিলো। একদল পথচারী সেখানে ন যথৌ ন তথৌ অবস্থায় স্তব্ধ হ'য়ে আছে : একজন ঘোড়সওয়ার উঠে গেছে একেবারে ফুটপাথের ওপর। তাদের ভয় দেখে মজা পেয়ে অশ্চালনার নানান কায়দা দেখাচ্ছে সে, ভিড় ঠেলে-ঠেলে পেছনে হ'টে চ'লে যাচ্ছে তার ঘোড়া, কখনো বা গোল হ'য়ে পাক খেয়ে ধীরে-ধীরে শূঞ্জে দুই পা তুলে সার্কাসের ঘোড়ার মতো দাঁড়িয়ে পড়ছে। হঠাৎ ঘোড়-সওয়ারের খেয়াল হ'লো তার সঙ্গীরা সবাই ফিরে যাচ্ছে, দ্রুত গতিতে ঘুরে দাঁড়িয়ে সে কয়েক লাফে ওদের ধ'রে ফেললে।

ভিড় ভেঙে গেলো, আর পাশা ছুটে এলো বৃদ্ধার কাছে, এতো ভয় পেয়েছে যে গলা দিয়ে আওয়াজ বের করতে পারছে না।

বাড়ি ফেরার পথে টিভেরজিনা সারাক্ষণ গজগজ করলো। 'নোংরা খুনের দল! জার আমাদের স্বাধীনতা দিয়েছেন, আমরা সুখী হয়েছি—বদ খুনে-গুলোর তা সহিছে না। ওরা শুধু চায় সব ভুল করতে, সব কথার মানে বদলে দেবে ওরা।'

ঘোড়সওয়ারদের ওপর সাংঘাতিক চটেছিলো সে, সমস্ত পৃথিবীর ওপরই চটেছিলো, সেই মুহূর্তে এমন কি নিজের ছেলের ওপরেও। মেজাজ খারাপ হ'লেই তার কেবল মনে হ'তে থাকে যে কুপ্রিয়কার—তার ভাষায়—'অকেজো অকর্মণ্য দলটিই' সব নষ্টের গোড়া।

'কী চায় ওরা, ঐ হাবারা? কালসাপগুলো, কুকর্ম পেলে নিজেদের কথা ভুলে যায়। ঐ যে ঐ বাক্যবাগীশটার মতোই—পাশা, বাবা, আর-একবার

^১ Safe Conduot—আত্মজীবনী ধরনের এই বইটিতে দেখক এই রকম ঘটনার কথা বলেছেন। ১৯০৫ সালে এক আন্দোলনে বোম্ব দিয়ে ডিনি ষ্টিক এইভাবে চাবুকের বাড়ি খেয়েছিলেন।

দেখা তো কী ভাবে ওটা বকুতা করেছিলো, দেখা, সোনা আমার। ওঃ, হাসতে-হাসতে পেট যে ফেটে যাচ্ছে। একেবারে হব্ব নকল করেছিঁ।

বাড়ি ফিরেই সে ছেলেকে বকতে শুরু করলে। বাঁকড়া মাথার একটা ভূত ঘোড়ার পিঠে ব'সে-ব'সে তাকে চাবুক মারতে পারে এমন বয়স কি সে পার হ'য়ে আসেনি ?

'সত্যি মা, তুমি আমাকে কী পেয়েছো বলো তো ? তোমার কথা শুনে মনে হচ্ছে আমিই সেই কসাক কাপ্তান নয়তো পুলিশের বড়ো কর্তা।'

৩

৯

জানলা দিয়ে বাইরে তাকিয়ে নিকোলে নিকোলেভিচ ছত্রভঙ্গ আন্দোলন-কারীদের দেখতে পেলেন। তারা কারা, তা চিনতে দেরি হ'লো না তাঁর, ইউরাও এদের মধ্যে আছে কিনা দেখবার জন্ত ভালো ক'রে তাকালেন। কিন্তু তাঁর বন্ধুবান্ধবদের মধ্যে কেউই ছিলো না, যদিও ডুডোরভের ছেলেকে যেন একবার দেখলেন মনে হ'লো—নামটা ঠিক মনে পড়ছিলো না—মাথা-পাগলা ছেলেটা, এই তো ক'দিন আগেই ওর কাঁধ থেকে বন্দুকের গুলি বার করা হ'লো, আবার ফিরে এসেছে, আর এসেই যেখানে-সেখানে ওর কোনো কাজ থাকার কথা নয়, ঠিক সেখানে-সেখানে ঘোরাঘুরি শুরু করেছে।

নিকোলে নিকোলেভিচ সম্প্রতি পিটার্সবার্গ থেকে এসেছেন। মস্কোতে কোনো ফ্লাট নেই ওঁর. আর হোটেলে থাকতেও অনিচ্ছা—সুতরাং দূর সম্পর্কের আত্মীয় স্ভেন্টিট্‌স্কিদের কাছে উঠেছেন। দেড়তলায় কোনার দিকে একটি ঘর তাঁকে ছেড়ে দিয়েছেন ওঁরা।

স্ভেন্টিট্‌স্কি নিঃসন্তান ; তাঁর পরলোকগত পিতা প্রায় প্রাগৈতিহাসিক আমলে কুমার-বাহাদুর ডলগোব্‌স্কির এই দোতলা বাড়িটি ভাড়া নিয়েছিলেন, বাড়িটি তাঁদের পক্ষে খুবই বড়ো। নর-নর অলিগলি দিয়ে ঘেঁষা তিন-দিক-খোলা জমির ওপর তিনটি উঠোন ও একটি বাগানকে ঘিরে অপরিচ্ছন্ন, গায়ে-গায়ে-ঘেঁষা বিভিন্ন ঢঙের কতোগুলি বাড়ি ডলগোব্‌স্কিদের সম্পত্তির

অংশে পড়ে। এই বাড়িটি তারই একটি। নামটি সেই আত্মিকালের—
মুচনয়ঙ্গরোডক।^১

চারটি জানলা সত্ত্বেও পড়ার ঘরটি অন্ধকার। সারা ঘরে বই, কাগজ, ছবি আর কবলের স্তূপ। বাড়ির কোণের দিকে, এই ঘরের সামনে অর্ধচন্দ্রাকৃতি একটি বারান্দা। শীতের জন্ত বারান্দার কাচের কপাটগুলি বন্ধ।

দরজাগুলি আর দুটি জানলার মুখ এক সরু গলির দিকে। ভাঙাচোরা ছোটো-ছোটো বাড়ি, বেড়া, আর স্নেজগাড়ির চাকার দাগ বুকে নিয়ে রাস্তাটি বহুদূর চলে গেছে।

বাগানের বেগনি আভা ঘরে এসে পড়ে। কড়া হিমে আচ্ছন্ন গাছগুলির ডালপালা যেন ধোঁয়াটে মোমের ঝাড় : এমনভাবে ঊকি দেয় যে মনে হয় ওরা পড়ার ঘরে মেঝের ওপর বোঝা নামিয়ে বিশ্রাম করতে চাইছে।

দুয়ের দিকে তাকিয়ে দাঁড়িয়ে রইলেন নিকোলে নিকোলেভিচ। পিটার্সবার্গে গত শীতের কথা মনে পড়ছিলো—গাপোন,^২ গোর্কি, হিষ্টের^৩ সঙ্গে দেখা, আধুনিক, কে তাহরন্ত লেখকেরা। সেই পাগলা-গারদ থেকে প্রাচীন রাজধানীর শাস্তি ও নীরবতায় পালিয়ে তিনি তাঁর বইটি লিখে ফেলতে চেয়েছিলেন। কিন্তু লাভ হ'লো না কিছু—প্রতিদিন বক্তৃতা—মহিলাদের উচ্চতর শিক্ষার ব্যবস্থা,^৪ ধর্মীয় দার্শনিক সমাজ, রেড ক্রস, ধর্মঘটের জন্ত অর্থসংগ্রহ, সত্যিকার চিন্তা করার জন্ত এক মুহূর্তও হাতে থাকে না। তপ্ত কড়াই থেকে পালিয়ে তিনি যেন সরাসরি আগুনেই ঝাঁপ দিয়েছেন। আসলে তাঁর প্রয়োজন কোথাও চলে যাওয়া—সুইজারল্যান্ডে, কোনো স্বদূর প্রদেশে, হ্রদ, পাহাড়, আকাশ, আর উৎসুক প্রতিধ্বনিময় হাওয়ার শাস্তিতে।

১ মুচনয় গরোডক : ময়দা-শহর।

২ গাপোন ; একজন পুরোহিত ও বিপ্লবী নেতা, যিনি Winter Palace Square-এ ১৯০৫ সালে আন্দোলন করেছিলেন। সেই আন্দোলন পরে 'রক্তাক্ত রবিবার' নামে বিখ্যাত হয়েছিল। গুলুচর সন্দেহ করে পরে বিপ্লবীরা এঁকে হত্যা করে।

৩ হিষ্টেট (Witte) : ১৯০৫-এ ইনি প্রধান মন্ত্রী ছিলেন।

৪ বিশ্ববিদ্যালয়ে বে-সব মহিলা নিয়মমাত্তিক ভক্তি হতেন না তাঁদের জন্ত বিবিভাগলয়েই স্বতন্ত্র শিক্ষাকালের ব্যবস্থা ছিলো।

নিকোলে নিকোলেভিচ জানলা থেকে স'রে এলেন। ইচ্ছে করছিলো একটু বেড়িয়ে আসতে, দেখা করতে কারো সঙ্গে, কিংবা এমনিই একটু রাস্তায়-রাস্তায় ঘুরে আসতে, কিন্তু মনে প'ড়ে গেলো যে টলস্টয়-ভক্ত ভিত্তোলোচ'নভ আজ কী-একটা দরকারে তাঁর সঙ্গে দেখা করতে আসছেন। ঘরের এ-মাথা ও-মাথা পায়চারি করতে লাগলেন তিনি, ভাগনেকে নিয়ে ভাবনা শুরু হ'লো।

ভল্গাতীরের ব্যস্ত জীবন পরিত্যাগ ক'রে পিটার্সবার্গে যাবার আগে ইউরাকে মস্কোতে রেখে গিয়েছিলেন—মস্কোতে তাঁর অনেক আত্মীয়স্বজন—ভেডেনিয়াপিন, অস্ট্রোমিসলেনস্কি, সেলিয়াভিন, মিখাইলিন, স্তেননটট্‌স্কি আর গ্রোমেকো—এরা সবাই-ই আছে। প্রথমে ইউরাকে ঢিলে স্বভাবের বুড়ো বাক্যবাগীশ অস্ট্রোমিসলেনস্কির ঘাড়েই চাপানো হয়েছিলো—আত্মীয়মহলে সে ফ্রেডি নামে পরিচিত। ফ্রেডি ব্যভিচারী, তার আশ্রিত মেয়ে মোতিয়ার সঙ্গে সহবাস করে, তাই সে নিজেকে মনে করে প্রাচীন বিধানের শত্রু, নতুন চিন্তার ধ্বজাবাহক; তার প্রতি তার আত্মীয়ের বিশ্বাসের কোনোই মূল্য না-দিয়ে ইউরার জগু পাঠানো টাকা সে নিজেই খরচ করতো। ইউরাকে বদলি করা হ'লো বিদগ্ধ গ্রোমেকো-পরিবারে, এখনো সে তাঁদের সঙ্গেই আছে।

গ্রোমেকো বাড়ির আবহাওয়া ইউরার পক্ষে খুবই উপযোগী, নিকোলে নিকোলেভিচ ভাবলেন। ওঁদের মেয়ে টোনিয়া ইউরার সমবয়সী, আর ইউরার বন্ধু ও সহপাঠী মিশা গর্ডন তো অধিকাংশ সময় ওঁদের সঙ্গেই কাটায়।

‘এই তিনের জোটটি বেশ মজার,’ নিকোলে নিকোলেভিচ মনে-মনে বললেন। তিনজনে একেবারে ডুবে আছে ‘The Meaning of Love’ আর ‘The Kreu'z'r Sonata’ নিয়ে, কৌমার্যপ্রচার এক বাস্তব হয়েছে ওঁদের। বয়ঃসন্ধির এই সময়টার পবিত্রতার দিকে একটা অন্ধ ঝোঁক আসা অবশ্য ভালোই, তবে ওরা একটু বাড়িবাড়ি করছে, মাত্রা ছাড়িয়ে যাচ্ছে।

ছেলেমানুষ! আর কী পাগল! ‘ঘোন’ শব্দটা আচ্ছন্ন ক'রে রেখেছে ওঁদের, তাই বা-কিছু ঘোন ব্যাপারের সঙ্গে যুক্ত তার গায়েরই ‘অল্লীল’ হার্বা মেয়ে দিচ্ছে, আর শব্দটা ব্যবহার ক'রে যাচ্ছে বতকণ না গাণখিমখিম করে—

বলভে-বলভে কখনো লাল কখনো বা ফ্যাকাশে হ'য়ে যাচ্ছে। স্বাভাবিক প্রবৃত্তি থেকে শুরু ক'রে কাম-সাহিত্য, বৈজ্ঞানিক—আর বলভে গেলে সমস্ত শারীরিক জগৎটাই অলীল ওদের কাছে।

‘আমি যদি মস্কোতে থাকতাম,’ নিকোলে নিকোলেভিচ ভাবলেন, ‘এতোদূর গড়াতে দিতাম না। লজ্জারও দরকার আছে বই কি, কিন্তু একটা সীমা থাকা চাই তো ..এই যে, নিল্ ফেওকটিসোভিচ, এসো এসো।’ অতিথির আগমনে তাঁর চিন্তা ঐখানেই থেমে গেলো।

১০

মোটাসোটা এক ভদ্রলোক ভেতরে এলেন। পরনে ছাইরঙের টলস্টয় ঢঙের শার্ট, চওড়া চামড়ার বেন্ট, ফেন্টের জুতো, পাংলুনটা হাঁটু ব কাছে ঢলঢল করছে। দেখলে মনে হয় এমন একজন ভালোমানুষ যার মাথাটা একেবারে কল্লনার আকাশে গিয়ে ঠেকেছে, কিন্তু মোটা কালো ফিতের সঙ্গে বাঁধা চশমা নাকের ওপর বুলে থাকায় রাগি-রাগি দেখায়। হলঘরে ওভারকোট রেখে এসেছেন, কিন্তু গলাবন্ধ খোলেন নি, আর ঘরে যখন ঢুকলেন সেই গলাবন্ধের প্রান্ত তখন মেঝেয় লুটোচ্ছে আর গোল ফেন্ট টুপিটা তখনো মাথাতেই শোভা পাচ্ছে। এই সব অসুবিধে সামলাতে গিয়ে বন্ধুর সঙ্গে হাত ঝাঁকানো, এমন কি ‘কেমন আছো’টুকু বলা থেকেও বিরত হ'তে বাধ্য হ'লেন তিনি।

‘উম্-ম্-ম্,’ ঘরের চারপাশে তাকাতে-তাকাতে নিতান্ত অসহায় এক স্বর বেরলো ভদ্রলোকের গলা দিয়ে।

‘যেখানে হোক খুলে রাখো ওগুলো,’ ব'লে নিকোলে নিকোলেভিচ ভিভোলোচ'নভের আশ্রয়তা ও বাকশক্তি ফিরিয়ে আনলেন।

ইনি হলেন টলস্টয়ের সেই সব শিষ্যদের মধ্যে একজন, যাদের মনে গুরু শাস্তিহীন চিন্তাগুলি এমন অগভীর হ'য়ে গিয়েছে যে আর তাদের বাঁচানো যাবে না, দীর্ঘ, নির্মেষ বিশ্রাম ছাড়া আর তাদের গতি নেই। রাজনৈতিক বন্দীদের সাহায্যার্থে একটি সভা হচ্ছে কোনো-এক স্থল বাড়িতে, সেখানে নিকোলে নিকোলেভিচকে বক্তৃতা করবার জন্ত অমরোধ করতে এসেছেন ইনি।

‘আমি তো ঐ স্থলে বলেছি এর আগে।’

‘রাজনৈতিক বন্দীদের সাহায্যের জন্ত?’

‘হ্যাঁ।’

‘আবার বলতে হবে তোমাকে।’

একটু তা-না-না করলেন নিকোলে নিকোলেভিচ, তারপর রাজি হ’য়ে গেলেন।

কাজের কথা হ’য়ে যাওয়ার পর নিকোলে নিকোলেভিচ অতিথিকে আটকে রাখার চেষ্টা করলেন না। ভদ্রলোক তক্ষুনি চ’লে যেতে পারতেন, কিন্তু ভাবলেন সেটা ভালো দেখাবে না, তাই চিন্তা করতে লাগলেন বিদায় নেবার সময় কী বললে স্বতঃস্ফূর্ত আর স্বাভাবিক শোনাবে। ঠেকে-ঠেকে কথোপকথন চলতে লাগলো, হু’জনেরই খারাপ লাগছিলো।

‘তুমি তাহ’লে এখন ডেকাডেন্ট? মিষ্টিক হ’য়ে পড়ছো নাকি?’

‘তুমি কী বলতে চাইছো ঠিক বুঝতে পারলাম না।’

‘কোনো কাজে লাগে না, বুঝেছো। আমাদের গ্রাম-পঞ্চায়তের কথা মনে আছে?’

‘নিশ্চয়ই। আমার একসঙ্গে প্রচার-কার্য করিনি বুঝি!’

‘স্থল আর শিক্ষকদের কলেজের জন্ত আন্দোলন ক’রে কী খেটেছিলাম। মনে পড়ে?’

‘নিশ্চয়ই। সে এক আশ্চর্য লড়াই হয়েছিলো।’

‘সাধারণের স্বাস্থ্যমোয়নের জন্তও তো তুমি পরে কিছু কাজ করেছিলে?’

‘হ্যাঁ, কিছুদিনের জন্ত।’

‘হুম-ম। আর এখন সব উচকপালে ব্যাপার—কিনয়র আর নীলোৎপল আর ছেলেছোকরার দল আর “আমরা সূর্যের মতো হবো”।’^১ আমি বিশ্বাস করতে পারি না—হা ঈশ্বর—কিছুতেই বিশ্বাস করতে পারি না যে তোমার মতো একজন বুদ্ধিমান ও রসজ্ঞ লোক—অনসাধারণ সম্বন্ধে বার এমন জ্ঞান—নাও, বলো। কিন্তু তোমার মণিকোঠায় উঁকি দিচ্ছি না তো?’

১ কে. ডি. বালমন্টের লেখা একটি কবিতার বইয়ের নাম।

‘কথা বলার জন্ত কথা বলছো কেন ? কী নিয়ে আমাদের তর্ক ? আমার মতামত তো তুমি জানো না ।’

‘রাশিয়ার দরকার স্কুলের, হাসপাতালের—কিছর আর নীলোৎপলের দিন ফুরিয়েছে ।’

‘সে-কথা কেউ অস্বীকার করে না ?’

‘চাষিদের পরনে ছেঁড়া কাপড়, পেটে খাবার নেই ...’

এই ভাবে ঝেঁঝে-ঝেঁঝে কথা চললো দু’জনের। অর্থহীন জেনেও নিকোলে নিকোলেভিচ বোঝাবার চেষ্টা করলেন, কেন প্রতীকী গোপীকর কয়েকজন লেখককে তাঁর ভালো লাগে। তারপর কথার মোড় টেলস্টয়ের বাণীর দিকে ঘুরিয়ে নিয়ে গিয়ে বললেন, ‘কিছুদূর পৰ্যন্ত আমি তোমার সঙ্গে একমত, কিন্তু টেলস্টয় যে বলেছেন আমরা যতোই “হুন্দর”র উপাসনা করি, “শিবের” কাছ থেকে ততোই দূরে স’রে আসি—’

‘আর তুমি ঠিক তার উল্টো কথাটা মানো—“হুন্দর”ই এই পৃথিবীকে বাঁচাবে—তাই নয় কি ? ডস্টয়েভস্কি, রজ্জানভ^১ রহস্তনাটিকা—আর না কী ?’

‘দাঁড়াও, আমার মতটা আমাকেই বলতে দাও। প্রত্যেক মানুষের ভেতর লুকিয়ে-থাকা জন্তকে যদি ভয় দেখিয়ে ঘুম পাড়াতে চাও—কারাগারেরই হোক পরলোকেরই হোক, তাহ’লে মানবতার সব চাইতে বড়ো আদর্শ হ’য়ে দাঁড়াবে আত্মত্যাগী প্রচারক নয়, চাবুক হাতে সার্কাসের সিংহ-শিক্ষক। কিন্তু এই সহজ সত্যটা তোমরা দেখতে পাও না যে যুগ-যুগ ধ’রে মানুষকে জন্ত থেকে পৃথক হবার প্রেরণা দিয়েছে লাঠি নয়, তার নিজের মধ্যে নিহিত এক গান : অস্ত্রহীন সত্যের অনিবার্হ ক্ষমতা, তার উদাহরণের তীব্র আকর্ষণ। এ-কথা ধ’রেই নেওয়া হয়েছে যে যীশুর বাণীর প্রধান অংশ নৈতিক উপদেশ ও আদেশ। কিন্তু আমার কাছে সব চেয়ে বড়ো কথা এই যে খৃষ্ট আমাদের প্রতিদিনের জীবন থেকে সত্য আহরণ ক’রে তাঁর বাণী দিয়ে গেছেন ; সত্যকে তিনি দৈনন্দিন জীবনের পরিপ্রেক্ষিতে

১ ডি. রজ্জানভ, ১৮৫৬-১৯১২, যার ঐতিহাসিক ধারণাগুলি সত্যো এবং পিটার্সবার্গের কিছু বুদ্ধিজীবীদের প্রভাবিত করেছিলো। টেলস্টয়ের স্তম্ভের কাছে এঁর মত গ্রহণযোগ্য বলে বোধ হয় নি।

ব্যাখ্যা করেছেন। তাঁর সমস্ত বাণীর মধ্যে অন্তর্নিহিত হ'য়ে একটি কথাই শুধু আছে : মরণশীল প্রাণীদের মধ্যে যে-সংযোগ তা অমর, আর সমস্ত জীবনই প্রতীক মাত্র, কারণ জীবনের সব-কিছুই অর্থপূর্ণ।'

‘এক বর্ণও বুঝলাম না। এ-বিষয়ে একটা বই লেখা উচিত তোমার।’

অবশেষে ভিত্তোলোচন উঠলেন। নিকোলে নিকোলেভিচের মেজাজ অসম্ভব খারাপ হ'য়ে গেলো। নিজের উপর এক হিংস্র রাগ হ'লো তাঁর— একটা গর্দভের কাছে নিজের অন্তরঙ্গতম চিন্তাগুলি মেলে ধরেছিলেন তিনি— ওর মনে কোনো ছাপই তো পড়লো না। তারপর, মাঝে-মাঝেই বা হ'য়ে থাকে, তাঁর রাগ অত্র একটা বিষয়ের উপর গিয়ে পড়লো। বিরক্তির আর-একটা কারণ মনে প'ড়ে গেলো তাঁর, ভিত্তোলোচনতকে সম্পূর্ণভাবে ভুলে গেলেন।

ডায়েরি লেখার অভ্যাস তাঁর নেই, বছরে একবার কি দু'বার মোটা একটা নোটখাতায় তাঁকে বিশেষভাবে ধাক্কা দেয় এমন চিন্তাগুলি তিনি লিখে রাখেন। আজ সেই খাতাটা বের করলেন, বড়ো স্পষ্ট অক্ষরে তাতে লেখা শুরু করলেন। লিখলেন :

‘শ্রাকা প্লেজিংগার গিল্লির কুপায় সারাদিন বিশ্রী কেটেছে। সকালবেলায় এনে উপস্থিত, দুপুরের খাবার সময় পর্বস্ত বসে রইলেন, পাঙ্কা দু' ঘণ্টা ধ'রে কী-সব ছাইপাশ শুনিয়ে ক্লান্ত ক'রে দিলেন। তথাকথিত প্রতীকী কবি ক-এর লেখা পদাবলি থেকে শুরু ক'রে স্বরকার ‘খ’ এর বিশ্বব্যাপী স্বরঝংকার, গ্রহনক্ষত্রের আত্মা, পদার্থসমূহের কণ্ঠস্বর, ইত্যাদি ইত্যাদিতে কণ্টকিত।

‘হঠাৎ বুঝলাম এই ঢংটি এতো মারাত্মক, এতো অসহ্য, আর ক্লান্তিম কেন—এমনকি ফাউস্টেও। সবটাই হ'লো ভান, কারোরই এ-বিষয়ে কোনো সত্যিকার আগ্রহ নেই। আধুনিক মাহুষের জীবনে এর কোনো প্রয়োজন নেই আর। প্রকৃতির রহস্য যখন তাকে উভলা ক'রে তোলে, তখন সে পদার্থবিজ্ঞানের চর্চা করে, হেসিয়ডের ষট্‌মাত্রায় লেখা কবিতা পড়ে না।

‘ব্যাপারটা শুধু এই নয় যে রূপকল্পটি এ-যুগে অচল, কিংবা শুধু এও নয় যে বিজ্ঞান যাকে স্বচ্ছ ক'রে দিয়েছে তাকে আবার ঝাপসা ক'রে দেয় এই বায়ু আর ভুলোকের দেবতারা। পুরো ঢংটাই আধুনিক শিল্পকলার বিরোধী।

প্রাচীন জগতের উপযোগী ছিলো এই বিশ্বদর্শন। তখন মানুষেরা সংখ্যায় কম ছিলো, প্রকৃতি তাদের বশীভূত হয় নি; পৃথিবীর বুকে দানবেরা তখনো বিচরণ করতো; মানুষের মনে জাগ্রত ছিলো ড্যাগন আর ডিনসরের স্মৃতি। স্পষ্টভাবে নিষ্ঠুরের মতো চোখে আঙুল দিয়ে ঘাড়ে ধাক্কা দিয়ে প্রকৃতি যেন গলায় গামছা দিয়ে টেনে ধরে নিজেকে প্রত্যক্ষ করাতো, যেন তখনো এই প্রকৃতিতে দেবতারা বাস করেন। মানব-ইতিহাসের প্রথম কয়েক পাতা মাত্র, সেই সব শুরু।

‘এই প্রাচীন জগতের অবশ্যন হ’লো রোমে, জনসংখ্যার বৃদ্ধি এর ধ্বংসের কারণ হ’লো।

‘রোম ছিলো এক চোরাই মালের মাছিতে ঘিনঘিনে বাজার, বিজিত জাতি আর ধার-করা ঠাকুর দেবতার হাত-বদল হ’তো সেখানে; যেন এক দাগি মাল বেচার দোতলা দোকান। মর্ত্য আর স্বর্গ—ক্রীতদাস একদিকে, অপর দিকে দেবতা। ডেনীয় জাতি, হেরুলীয়, স্কিদিয়, সারমেশীয় আর হাইপারবোরীয়। ভারি নিরেট চাকা^১, চর্বিতে লুপ্ত চোখ, পাশবিকতার ভাঁজে-ভাঁজে গলকন্ডলের থলি, নিরক্ষর সম্রাটগণ, পণ্ডিত ক্রীতদাসের মাংসে পুষ্ট মাছেরা, নাড়িভূঁড়ির মতো তিন পাকে জড়ানো পাশবিকতা। পৃথিবীতে তখন যত মানুষ ছিলো তত মানুষ পরে আর দেখা যায় নি, কিন্তু সকলেই তারা অতি দুঃখী, আর সকলকেই ঠেসে দেওয়া হয়েছে কলোসিয়মের অলিতে-গলিতে।

‘আর তারপর সেই কুংসিত স্বর্ণ আর মর্মরের স্তূপের মধ্য থেকে তিনি এলেন লঘু পদক্ষেপে; সেই জ্যোতির্ময় পুরুষ মানবতার স্বরূপ নিয়ে। তাঁর স্বেচ্ছাবৃত গ্যালিলীয় প্রাদেশিকতা নিয়ে যে-মুহূর্তে তিনি আবির্ভূত হলেন সেই মুহূর্ত থেকে লুপ্ত হ’লো দেবতা আর মানুষের ভেদ—শুধু রইলো মানুষ—যে-মানুষ ছুতোয়, যে-মানুষ চাষা, যে-মানুষ রাখাল, গোষ্ঠীতে মেঘপাল নিয়ে যে ঘরে ফেরে। যে-‘মানুষ’ নামের মধ্যে গরিমার ধ্বনি নেই^২, কিন্তু

১ তখনো চাকার পলা আবিষ্কৃত হয়নি।—অনুবাদের টীকা।

২ গোকারি বিখ্যাত উক্তির প্রতি উল্লেখ রয়েছে : ‘মানুষ, যার নামের শব্দ এমন গরীবান।’

বাকে নিয়ে পাওয়া হয় ঘুম-পাড়ানি গান আর যার ছবি ঝোলানো থাকে সারা জগতের চিত্রশালায়।’

১১

পেট্রোভকা যেন পিটার্সবার্গেরই অংশ আসলে, ভুল ক’রে মস্কোতে ছিটকে পড়েছে। রাস্তার দুই পাশে একই ঢঙের বাড়ি, বহির্ভাগের একই শাস্ত্র অলংকরণ, বইয়ের দোকান, গ্রন্থাগার, মানচিত্রকর, ভালো তামাকের দোকান, ভালো-ভালো রেস্তোরা—তাদের দরজার হৃদিকে ভারি-ভারি হাতলে ঝোলানো গ্যাসের বাতি—সব মিলিয়ে রীতিমতো চমক লাগে।

শীতকালে পথঘাট যেন নিষেধের ভঙ্গিতে গনগন ক’রে তাকিয়ে থাকে। এখানকার বাসিন্দারা সবাই পদস্থ, আত্মসম্মানসম্পন্ন, সচ্ছল অবস্থার বুদ্ধিজীবী।

এখানেই ভিক্টর ইপ্সোলিটোভিচ কমারোভস্কির চারতলার ওপরে জমকালো ফ্ল্যাট। পুরু কাঠের রেলিং-দেওয়া চওড়া সিঁড়ি। অদৃশ্য ও অশ্রুত এমা এর্নেস্টোভনা তাঁর এই শাস্ত্র নীড়টির পরিচালনা করেন। সাংসারিক বিষয়ে যেমন তাঁর যোগ্যতা, তেমনই স্ববুদ্ধি, পুরো সংসার তাঁর নখদর্পণে—কমারোভস্কির ব্যক্তিগত জীবনের বৃত্তান্তে কখনো নাক গলাতে যান না। আর কমারোভস্কিও — তাঁর মতো ভদ্রলোকের কাছে যেমন আশা করা যায়—রাজহুশোভন স্বরূচির দ্বারা এর প্রতিদান দেন। বাড়িতে স্ত্রী বা পুরুষ এমন কাউকে ডাকেন না যার উপস্থিতিতে এই শাস্ত্র চিরকুমারীর জগৎ বিক্ষত হ’তে পারে। মঠের মতো এক শাস্ত্রি বিরাজ করে ফ্ল্যাটটিতে—জানালার খড়খড়ি নামানো থাকে, এককণা ধুলো নেই, অস্ত্রোপচারের ঘরের মতো পরিচ্ছন্ন। রবিবার সকালে ভিক্টর ইপ্সোলিটোভিচ তার বুলডগটির সঙ্গে পেট্রোভকা ছাড়িয়ে কুজ্জনেটস্কি মোস্ট ধরে হাওয়া খেতে বেরোয়। অভিনেতা এবং জুরাডি কমলটানটিন ইলারিনোভিচ সাটানিডি তাদের সদ নেত্র রাখপথে।

একসঙ্গে হাঁটতে-হাঁটতে যে-সমস্ত ঘটনার প্রতি উল্লেখ করতো তারা, যে-সমস্ত মন্তব্য করতো, তা এতো কাটাছাঁটা, পারস্পর্যহীন, জগৎ সবক্কে

এমনই অবজায় পরিপূর্ণ যে জন্মের গর্জনের মতো একটা আওয়াজ ব্যবহার করলেও কিছু ক্ষতি ছিলো না—যদি শুধু সেই আওয়াজ হ'তো তাদের কণ্ঠস্বরের মতোই প্রবল, গভীর, নির্লজ্জভাবে নিশ্বাসিত, যেন নিজের স্পন্দনে নিজেরই দম আটকে যাচ্ছে—যাতে কিনা রাস্তার এ-প্রান্ত থেকে ও-প্রান্ত পর্যন্ত ভরপুর হ'য়ে যায়।

১২

আবহাওয়াটা নিতান্তই অস্বাভাবিক। জলের ফোঁটাগুলি নর্দমার পাইপ আর কানিশের উপর টপটপ শব্দে প'ড়ে চলেছে, ছাদ থেকে ছাদে টের-টকায় বার্তা যাচ্ছে—যেন বসন্ত এলো। বরফ গলতে শুরু করেছে।

এক মুছ'র ঘোরে লারা সমস্ত পথ হেঁটে এলো, বাড়ি পৌঁছে যেন প্রথম উপলব্ধি করলো তার কী হয়েছে।

সবাই ঘুমিয়ে পড়েছে। আবার এক ঘোরের মধ্যে লারা ডুবে গেলো, আর সেই মগ্ন অবস্থায় সে ব'সে রইলো মায়ের ড্রেসিং টেবিলের সামনে, তখনো সে প'রে আছে তার হালকা-বেগনি, প্রায় শাদা রঙের লেসের ঝালর-দেওয়া জামা, আজকের সন্ধ্যার জন্ম দোকান থেকে ভাড়া-করা লম্বা গুড়না—এ যেন তার ছদ্মবেশ। দুটি হাত মুঠো ক'রে টেবিলের ওপর রেখে আয়নায় নিজের প্রতিচ্ছবির মুখোমুখি সে ব'সে আছে, কিন্তু কিছুই দেখছে না। একটু পরে হাতের পাতায় মুখ গুঁজলো সে।

মা জানতে পারলে তাকে খুন ক'রে ফেলবেন। প্রথমে তাকে খুন করবেন, তারপর নিজেকে।

কী ক'রে এমন হ'লো? কী ক'রে সম্ভব হলো? এখন অনেক দেরি হয়ে গেছে—এ-কথা আরো আগে ভাবা উচিত ছিলো তার।

এখন সে—কী যেন বলে?—সে পতিতা। ফরাসী উপভ্রাসের পাতা থেকে উঠে-আসা একজন জীলোক সে, যদিও কাল সে স্থলে বাবে, সেই সব ঘেরের পাশে বসবে যারা তার তুলনায় নিতান্তই শিশু। হা জগবান, হা জগবান, কী ক'রে এমন হ'লো?

কোনোদিন, অনেক, অনেক বছর পরে, যখন সম্ভব হবে, লারা ওলিয়া ডেমিনাকে সব কথা বলবে, আর ওলিয়া তাকে জড়িয়ে ধরে ভেঙে পড়বে কান্নায়।

জানলার বাইরে জলের বিন্দুগুলি যেন কিছু বলতে গিয়ে তোলাচ্ছে, গ'লে-বাওয়া বরফ বিড়বিড় ক'রে উচ্চারণ করছে তার মায়াবী মন্ত্র। নিচে রাস্তায় কে যেন তার প্রতিবেশীর দরজায় সজোরে ঘা দিয়ে চলেছে। লারা ব'সে রইলো, নিচু তার মাথা, কঁপে-কঁপে উঠছে তার দুই কঁধ, ফুঁপিয়ে-ফুঁপিয়ে সে কাঁদছে।

১৩

‘বাজে, সব বাজে, এমা এর্নেস্টোভনা। আমি বিরক্ত, ক্লান্ত হ’য়ে পড়েছি।’ কমারোভস্কি দেবাজটা একবার খুলতে একবার বন্ধ করতে লাগলো, টেনে-টেনে বের করলো ভেতরের জিনিস, কার্পেটের ওপর, সোফার ওপর ছড়িয়ে পড়লো কাফ আর কলার, কী সে চায় নিজেও বুঝতে পারছে না।

সে এখন মরীয়া হ’য়ে লারাকে চায়, কিন্তু এই রবিবারে তার সঙ্গে দেখা হবার কোনো সম্ভাবনা নেই। খাঁচায় পোরা জন্তর মতো ঘরের এ-মাথা থেকে ও-মাথায় সে পাইচারি করতে লাগলো।

লারা তার কাছে অনন্ত এক বৈদেহী আকর্ষণের প্রতিভূ। তার দুটি হাত মহান এক চিন্তার মতো তাকে বিম্বিত করে। হোটেলের দেয়ালে লারার দেহের ছায়া যেন পবিত্রতার রেখাচিত্র। বুকের ওপর আটকে থাকে তার অন্তর্বাণ, এরব্রয়ডারির ক্রেমে-আটা কাপড়ের টুকরোর মতো সহজে টান হ’য়ে।

নিচে অ্যাসফল্টের রাস্তায় ব্যক্ততাহীন ঘোড়ার খুরের শব্দের সঙ্গে তাল রেখে জানলার কাছে আঙুল ঠুকলো কমারোভস্কি। ‘লারা,’ চোখ বুজে কিসকিন ক’রে ডাকলে সে। কল্পনায় দেখলো তারই হাতের ওপর স্তম্ভ লারার মাথাটি; লারার দুই চোখ বুজে আছে, সে ঘুমিয়ে পড়েছে, জানতেও

পারছে না, ঘণ্টার পর ঘণ্টা না-ঘুমিয়ে কমারোভস্কি দু'চোখ ভ'রে তাকে দেখছে। ছড়িয়ে আছে তার কালো চুল, সেই অপরূপ কেশরাশি ধোঁয়ায় কুণ্ডলীর মতো কমারোভস্কির দুই চোখে জ্বালা ধরিয়ে দেয়, কুরে-কুরে খায় তার হৃদয়।

রবিবারের ভ্রমণটা সফল হ'লো না আজ। জ্যাককে নিয়ে কয়েক পা গেলো সে, কুজনেটস্কি মোস্টের কথা, সাটানিভির রসিকতার কথা, অগণিত পরিচিতদের কথা ভাববার চেষ্টা করলো—না, সে পারে না, আর সে সহিতে পারে না। ফেরার পথ নিলো সে, চমকে উঠে কুকুরটা মাটি থেকে চোখ তুলে অসম্মতির দৃষ্টিতে তার দিকে তাকালো, তারপর বিরক্ত হ'য়ে পেছন-পেছন চলতে লাগলো।

‘এর মানে কী, এর মানে কী?’ কমারোভস্কি ভাবে, ‘এ কোন শয়তানের জালে জড়িয়ে গেলাম?’ এ কি তার বিবেক, করুণা, না কি অহুতাপ? না কি লারার জন্ত সে উদ্বিগ্ন? না, সে জানে লারা নিরাপদে আছে, বাড়িতে আছে। তাহ'লে লারাকে ভুলে থাকতে পারছে না কেন?

বাড়ি ফিরে গেলো কমারোভস্কি। সিঁড়ির প্রথম ধাপে জানলার কোনার বিচিত্র অলংরণ তার পায়ের কাছে রঙিন আলোর ছোপ ফেললো। দোতলার সিঁড়ির অর্ধেকটা উঠে হঠাৎ দাঁড়িয়ে পড়লো সে।

এই শ্রান্তিকর, একঘেয়ে, উদ্বিগ্ন মানসিক অবস্থাকে আর প্রশ্ন দেওয়া চলবে না। আর যা-ই হোক, সে তো স্থলের ছেলে নয়। তার তো বোঝা উচিত যে নিতান্তই শিশু, তার মৃত বন্ধুর কথা এই মেয়ে তার হাতে নিছক খেলার পুতুল হ'য়ে না-থেকে যদি তাকে এমনভাবে মোহগ্রস্ত করে তাহ'লে তার ফল কী হবে। নিজেকে সামলে নিতে হবে তার। নিজের প্রতি অবিশ্বাসী হবে না সে, নিজের সব অভ্যেস ঠিক-ঠিক বজায় রাখবে, তা না-হ'লে তার সব-কিছু লীন হ'য়ে যাবে ধোঁয়ায়।

যতোকণ না হাত ব্যথায় টনটন ক'রে উঠলো, ওক কাঠের রেলিংটা কমারোভস্কি সজোরে চেপে রইলো, এক মুহূর্তের জন্ত চোখ বুজলো, তারপর দৃঢ়ভাবে ঘুরে দাঁড়িয়ে নেমে গেলো নিচে। সেই রঙিন আলোর ছায়া-পড়া সিঁড়ির ধাপে কুকুরটা তার জন্ত অপেক্ষা করছে। সমস্ত মুখ ভরা লাল

আর খুলে-পড়া চোয়াল নিয়ে যেন এক বামন অসীম ভক্তিতে মাথা তুলে তাকালো।

কুকুরটার প্রচণ্ড বিষেষ লারার উপর, ঘেউ-ঘেউ করে, দাঁত খিঁচিয়ে ওর মোজা ছিঁড়ে দেয়। হিংসে করে ওকে, যেন ভয় পায় লারার সংস্পর্শে তার প্রভুর মনুষ্যত্ব জেগে উঠবে।

‘ও, তাহ’লে তোমার ইচ্ছে আগের মতোই চলুক সব—সাঁটানিডি, মজার-মজার গল্প, আর নোংরা চালাকি?—বেশ, তাহ’লে এই নাও, আর এই, আর এই!’ লাঠি দিয়ে কুকুরটার পিঠে ঘা লাগালো কমারোভস্কি, লাঠি দিয়ে তাকে ছিটকে দিলো দূরে। জ্যাক কুঁইকুঁই করলো, ঘেউ-ঘেউ করলো, তারপর পেছনটা ঝাঁকিয়ে-ঝাঁকিয়ে সিঁড়ি বেয়ে উঠে গিয়ে দরজায় আঁচড়াতে লাগলো—এমা এর্নেস্টোভনার কাছে নালিশ জানাবে সে।

দিন যায়, সপ্তাহ যায়।

১৪

এ যেন ডাইনির চক্রান্ত! তার জীবনে কমারোভস্কির আগমন যদি লারাকে শুধু মাত্র বিতৃষ্ণায় ভ’রে তুলতো তাহ’লে সে কি বিব্রোহ ক’রে সব সম্পর্ক ছিন্ন ক’রে ফেলতে পারতো না? কিন্তু ব্যাপারটা মোটেও অতো সহজ নয়।

এ-কথা ভেবে গর্ব হয় বইকি তার। এমন একজন সুপুরুষ, যার চুল পেকে আসছে, প্রায় বাপের বয়সী। সভা-সমিতিতে যে উচ্ছ্বসিত হাততালি পায়, খবর-কাগজে যার নাম বেরোয়—সে তার জন্ত এতো অর্থ আর সময় ব্যয় করছে। তাকে নিয়ে যায় গান-বাজনার আসরে, তাকে বলে সে স্বর্গের দেবীর মতো দেখতে, আর, কী বলে গিয়ে—তার মানসিক উন্নতির চেষ্টা করে।

হাজার হোক, সে তো এখনো স্কলেরই ছাত্রী, ব্রাউন রঙের ইউনিফর্ম তাকে পরতে হয়, এখনো স্কলে ছোটোখাটো দুই-মুঠিতে আনন্দ পায়। খোলা গাড়িতে কোচোয়ানের পেছনে অথবা সমস্ত দর্শকের চোখের সামনে জিতাগো—

অপেরার বন্ধে ব'লে কমারোভস্কির লাম্পটো সে খুশিও হয়, আবার ক্ষুধাও হয়; ব্যাপারটার গোপনতা আর দুঃসাহস তাকে যেন প্রতিযোগিতায় আহ্বান করে।

কিন্তু এই ছেলেমানুষি রোমাঞ্চের মুহূর্তগুলি ক্ষণিক। ভয়াবহ এক আত্মগ্লানি তার ভয় হৃদয়ে শিকড় ছড়িয়ে দিচ্ছে। নিজের পড়াশুনো আর বিনিজ় রাত্রির সঙ্গে ক্রমাশয়ে যুদ্ধ ক'রে-ক'রে সে ক্লান্ত, চোখের জল শুকোতে পায় না, মাথা ধরা কখনো ছাড়ে না, সারাদিন সে ঘুমের ভারে অবসাদগ্রস্ত হ'য়ে থাকে।

১৫

ওকে ঘেমা করে সে, তার জীবনে ও অভিশাপ। রোজ একবার ক'রে এই কথা ভাবে লারা।

আজীবনের জন্তু লারা ওর বন্দী। কী ক'রে বাঁধা পড়লো? কেন লারা এমনভাবে মাথা নিচু করলো ওর ইচ্ছের কাছে, কেন ওর প্রয়োজন মেটাতে লারা এমন সব কাজ করলো যাতে পরে নিজেকেই লজ্জা পেতে হয়? ওর কিসের জোর তার ওপর? বয়সের? না কি ওর টাকার ওপর তার মায়ের নির্ভরতা? সেইজন্তু কি লারা বশীভূত হয়েছিলো বা ভয় পেয়েছিলো? না, হাজার বার না। বাজে—ও-সব বাজে কথা।

ওর না, বরং লারারই জোর ওর ওপর। সে কি জানে না ওর কতো প্রয়োজন তাকে? ভয় পাবার কিছু নেই, তার নিজের বিবেক তো পরিষ্কার। লজ্জা, ভয়, ওরই পাওয়া উচিত, পাছে লারা ওর হাতে হাঁড়ি ভেঙে দেয় সে-কথা ভেবে আতঙ্কে থাকা উচিত। কিন্তু লারা যে কখনো তা করবে না। দুর্বল আর অধীন মানুষদের সঙ্গে ব্যবহারে কমারোভস্কির যেটা প্রধান অস্ত্র, সেই বিশ্বাসঘাতকতা লারার জানা নেই।

এখানেই তাদের তফাত। আর এই কারণেই লারার সমস্ত জীবন এমন ভয়াবহ হ'য়ে উঠেছে। বিদ্যতে বা বজ্রপাতে যা হয় না, সেই সর্বনাশ ডেকে আনে চোরা চাউনি আর কিসকিস কুংসা। প্রতারণা আর স্বার্থকতায়

ভরা এই জীবন। জীবনের যে-কোনো বন্ধন মাকড়সার জালের মতো স্থল্ল, কিন্তু সেই জাল থেকে নিজেকে ছাড়াবার চেষ্টা ক'রে ছাখো,—আরো জোরে আঁকড়ে ধরবে তোমাকে।

এমনকি শক্তিমানেরাও দুর্বল আর বিশ্বাসঘাতকের শাসনের অধীন।

১৬

কুয়ুক্তি দিয়ে নিজেকে বোঝাবার চেষ্টা করলো লারা। যদি সে বিবাহিত হ'তো, নিজেকে সে প্রশ্ন করে, কী তফাৎ হ'তো তাহ'লে? কিন্তু মাঝে-মাঝেই এক আশাহীন যন্ত্রণা তাকে অভিভূত করে।

লোকটার কি লজ্জা নেই? কী ক'রে ও লারার পায়ে ও-ভাবে লুটিয়ে প'ড়ে অহুন্নয় করতে পারে?—‘এ-ভাবে আমরা আর চলতে পারি না। ভেবে ছাখো, তোমাকে আমি কী না করেছি! সর্বনাশের পথে এগিয়ে চলেছো তুমি। তোমার মাকে সব খুলে বলতে হবে, তারপর আমি বিয়ে করবো তোমাকে।’ কঁদতে থাকে লোকটা, আর এমনভাবে জোর করে যেন লারা তর্ক করেছে বা প্রতিবাদ করেছে। সে জানে এ-সব আসলে বাজে কথা, তাই কানে তোলে না।

আর কমারোভস্কি ওড়না-টানা লারাকে জঘন্ম সব রেষ্টোরার ভেতরকার ঘরে নিয়ে যেতে থাকে; খানসামা আর অস্ত্র খন্ডেররা সেখানে চোখ দিয়ে বিবস্ত্র করে তাকে; আর লারা শুধু নিজেকে নিজে প্রশ্ন করে, ‘ও যদি সত্যিই ভালবাসতো তাহ'লে কি এ-ভাবে অপমান করতে পারতো আমাকে?’

একদিন সে এক স্বপ্ন দেখেছিলো। মাটির ভেতর কবর দেওয়া হয়েছে তাকে, তার দেহের বাম অংশ ও ডান পা ছাড়া আর কিছুই যেন বাইরে নেই। তার বাম স্তনের বোঁটা থেকে একটি ঘাসের পল্লব গজিয়ে উঠলো, আর মাটির উপর দাঁড়িয়ে লোকেরা যেন গান গাইছে: ‘কালো চোখ, শাদা স্তন’, আর গাইছে, ‘মাশা নদী পার হবে না, হবে না।’

লারা ধর্মবিশ্বাসী নয়। আচার-অহুষ্ঠানে সে বিশ্বাস করে না। কিন্তু কখনো-কখনো নিজের জীবনকে সহ করার মতো শক্তি সঞ্চয় করার জন্য তার প্রয়োজন হ'তো কোনো অন্তর্নিহিত স্বর, যা নিজে তৈরি ক'রে নেওয়া সব সময় সম্ভব হ'তো না তার পক্ষে। তাকে সে-স্বর এনে দিতো ঈশ্বরের স্নসমাচার; লারা গির্জের যেতো শুধু ঐ সমাচার শুনে কাঁদবার জন্য।

ভিসেস্বরের শুরুতে একদিন লারার নিজেকে মনে হচ্ছিলো 'রড'² নাটকের কাটেরিনা চরিত্রের মতো; হৃদয়ে এমন এক ভার নিয়ে সে প্রার্থনা করতে গেলো যে প্রতি মুহূর্তে মনে হ'তে লাগলো তার পায়ের তলার মাটি বুঝি স'রে যাবে, ভেঙে পড়বে গির্জের গম্বুজাকৃতি ছাদ। তার উচিত শাস্তি হবে তাহ'লে: যাবে, সব শেষ হ'য়ে যাবে। শুধু এই ভেবে লারার মন-খারাপ হচ্ছিলো যে ঐ বাচাল মেয়ে ওলিয়া ডেমিনাকে সঙ্গে এনেছে।

‘ঐ যে প্রভ আফানাসিয়েভিচ,’ ফিসফিস করলো ওলিয়া।

‘শ্ শ্—শ্, অতো বিরক্ত কোরো না। কোন প্রভ আফানাসিয়েভিচ?’

‘প্রভ আফানাসিয়েভিচ স্কোলভ। ঐ যে একজন পড়ছে না—সে। সম্পর্কে আমাদের জ্ঞাতিভাই।’

‘ও, সেই স্তোত্রপাঠক। টিভেরজিনের আত্মীয়। দয়া ক'রে তুমি চুপ করবে?’

তারো এসেছে উপাসনা শুরু হবার সঙ্গে-সঙ্গে। তখন পড়া হচ্ছিলো: ‘আমার আত্মা পূজা করুক প্রভুকে, আমাকে বেঠন ক'রে যা-কিছু আছে তাঁর পুণ্য নামকে পবিত্র করুক।’

উপাসনারত ব্যক্তিরো ভিড় ক'রে দাঁড়িয়ে ছিলো অর্ধ-শূন্য, প্রতিধ্বনিতে গমগমে গির্জের এক প্রান্তে বেদীর কাছে। গির্জের বাড়িটি নতুন। মন্থণ কাচের জানলা বাইরের ধূসর বরফে আচ্ছন্ন কর্মব্যস্ত রাস্তার কোনো ছবি তুলে ধরে না। জানলার সামনেই গির্জের মালি উপাসনার দিকে বিন্দুমাত্র মনোযোগ না-দিয়ে সরবে এক কালা, হাবা ভিখারিনীকে গাল পাড়ছে, তার গলার স্বর জানলা আর রাস্তার মতোই নির্বোধ আর সাধারণ।

১ অস্ট্রোজক্সির লেখা একটি নাটক।

লারা হাতের মুঠোর পয়সা নিয়ে, উপাসনারত ব্যক্তিদের যাতে ব্যাঘাত না হয় এমনভাবে পাশ কাটিয়ে দিয়ে দরজার কাছ থেকে নিজের এবং গুলিয়ার জন্ত ছুটো মোমবাতি কিনে নিয়ে এলো ; প্রভ আফানাসিয়েভিচ ঐ সময়টুকুর মধ্যেই সেই নয় প্রকার মোমের মন্ত্র এমন গড়গড় ক'রে ব'লে গেলেন যেন সকলে সেগুলি এত ভালোভাবে জানে যে তাঁর সাহায্যের আর দরকার নেই।

‘ধন্য তারা যারা দীনায়া :...ধন্য তারা যারা শোকাভূর।...ধন্য তারা যারা সত্যের জন্ত তৃষ্ণার্ত ও বুভুক্ষু।’ ..

লারা শিউরে উঠে থমকে দাঁড়ালো।

তার...তার জন্ত বলা হচ্ছে কথাগুলো। প্রভ বলছে : তারাই স্বর্গী, যারা পদদলিত। নিজের কথা কিছু বলার আছে তাদের। সব আছে তাদের সামনে। এই ছিলো তাঁর বাণী। এই হ'লো খ্রীষ্টের মত।

১৮

তখন প্রেসনিয়ার বিপ্লব শুরু হয়েছে। গুলিশারদের ফ্ল্যাটটি বিদ্রোহীদের এলাকায়। তাদের বাড়ি থেকে মাত্র কয়েক গজ দূরে ৭ভের স্ট্রীটে এক ব্যারিকেড তৈরি করা হয়েছে। তাদেরই উঠোন থেকে বালতি-বালতি জল নিয়ে লোকেরা পাথর আর ভাঙা লোহার তাল বরফ দিয়ে জোড়া লাগাচ্ছে।

পাশের মাঠে বিদ্রোহীরা জড়ো হয়, সেটা তাদের রেড ক্রসের ঘাটি, লঙরখানাও।

লারার চেনা ছুটি ছেলে এই দলে গেছে। একজন হ'লো নিকি ডুডোরভ, তার সহপাঠী নাভিয়ার বন্ধু। ছেলেটি দার্ভিক, স্বল্পভাষী ও খুব স্বভাবের— সব মিলিয়ে এত বেশি লারার মতো যে লারার ওর প্রতি কোনো আগ্রহ নেই।

আরেকজন হ'লো পাশা আন্টিপভ—ছেলেটি হাই স্কুলে পড়ে, থাকে গুলিয়ার ঠাকুমা বুড়ি টিভেরজিনার সঙ্গে। টিভেরজিনের বাড়িতে যখনই দেখা হয়েছে তখনই তাকে দেখে ছেলেটির অবস্থা লক্ষ্য না-ক'রে পারেনি। শিশুর মতো সরল এই বালক তার আনন্দ গোপন করার কথা ভাবেনি, তার কাছে লারা যেন এক ছুটির দিনের তৃপ্ত, ঘাসে আর ঘেঘে

আর বার্চগাছের সারিতে সাজানো, যা দেখে খুশি হ'লে' লোকের চোখে হাস্তকর হবার ভয় থাকে না।

পাশার ওপর তার প্রভাব আছে, তা বোঝানো লারা অচেনতভাবেই তা ব্যবহার করতে শুরু ক'রে দিয়েছিলো, যদিও পাশার নমনীয়, খোলামেলা চরিত্রটিকে সত্যি-সত্যি হাতে নিয়েছিলো অনেক বছর পরে, তাদের সম্বন্ধের এক পরিণত অধ্যায়ে। ততোদিনে পাশাও জানতে পেরেছে যে লারার প্রেমে সে আকর্ষিত ভাবে আছে, জেনেছে সারা জীবনের জন্ত সে এখন লারার কাছে সমর্পিত।

এই দুই বালক বয়স্কদের ভীষণতম খেলায় মেতেছে, যুদ্ধ যার নাম। আর এই বিশেষ ধরনের যুদ্ধে সাধারণ লড়াইয়ের সমস্ত বিপদের আশঙ্কা ছাড়াও আরো অনেক ভয় আছে—নির্বাসনের, মৃত্যুদণ্ডের ভয়। অথচ তারা যে ভঙ্গিতে মাথার পেছনে উলের টুপিটাকে আটকে রেখেছে তা দেখেই মনে হয় এরা এখনো শৈশব পেরোয়নি—এখনো মা-বাবার সতর্ক দৃষ্টির আড়াল থেকে বেরিয়ে আসার সময় হয়নি এদের। লারা ওদের শিশু ছাড়া অস্ত্র কিছু ভাবতেই পারে না। এক নিষ্পাপ উদ্ভাস ওদের এই বিপজ্জনক আমোদের মধ্যেও লেগে আছে—ওরা তা সংক্রমিত করেছে সব-কিছুতে—এই সন্ধ্যায় যা হিমে এমন কলঙ্কিত যে শাদার চেয়ে বেশি কালো দেখাচ্ছে, উঠোনের ঘন নীল ছায়ায়, রাস্তার ওপারের বাড়িটিতে—ছেলেরা যেখানে গা ঢাকা দিয়ে আছে, আর সর্বোপরি ঐ বাড়ির ভেতর থেকে ভেসে-আসা রিভলভারের শব্দে। 'ছেলেরা গুলি ছুঁড়ছে,' ভাবতে গিয়ে লারার মনে হ'লো নিকি ছাড়া, পাশা ছাড়া, আরো অস্ত্র অনেকের কথা, সারা মস্কো ভ'রে যারা গুলি ছুঁড়ছে। 'কী ভালো, কী চমৎকার ছেলে ওরা,' সে ভাবে, 'ভালো ব'লেই তো গুলি ছুঁড়ছে।'

শোনা গেলো ব্যারিকেডটা বোমা মেরে উড়িয়ে দেওয়া হ'তে পারে : তাদের বাড়ির অবস্থা তাহ'লে বিপজ্জনক হবে। মস্কোর অস্ত্র কোনো অংশে

কোনো বন্ধুবান্ধবের বাড়ি গিয়ে ওঠার সময় আর এখন নেই, পুরো অঞ্চলটা ঘিরে ফেলা হয়েছে : কাছাকাছি আশ্রয় নিতে হবে কোথাও। মন্টেনিগ্রোর কথাই মনে হ'লো তাদের।

দেখা গেলো তাদের মতো অবস্থায় পড়েছে এমন বহু লোকই ঐ একই জায়গার কথা ভেবেছে। হোটেল একেবারে ভরা, কিন্তু পুরোনো দিনের খাতিরে চাদর রাখার ঘরে ঘরে কোনোমতে একটু ঠাই পাবার আশ্বাস পেলে তারা।

বাক্স-প্যাটরা নিলে পাছে নজরে প'ড়ে যায় সেই ভয়ে তারা নিতান্ত প্রয়োজনীয় জিনিসপত্রগুলি তিনটি পুঁটলিতে বেঁধে নিলে ; তারপর যাবার দিন রোজ পেছোতে লাগলো।

দোকানের হালচাল এমনিই সনাতন যে সাধারণ ধর্মঘট শুরু হবার পরেও বহুদিন পর্যন্ত দোকান খোলা ছিলো। কিন্তু এক ঠাণ্ডা, মন-মরা বিকেলে দরজায় ঘুটি বাজলো। কে যেন অভিযোগ নিয়ে এসেছে, আলাপ-আলোচনা করতে চায়। মালিকের খোঁজ করলে। মালিকের বদলে ফেটিসভাই গেলো ঘোলা জলে তেল ঢালতে। একটু পরে সমস্ত মেয়ে-দরজিদের হলঘরে ডেকে নিয়ে আগন্তকের সঙ্গে আলাপ করিয়ে দিলো সে। আগন্তক অনিপুণ ভঙ্গিতে আবেগের সঙ্গে সকলের করমর্দন ক'রে যখন চ'লে গেলো তখন মনে হ'লো ফেটিসভার সঙ্গে তার কোনো-একটা চুক্তি হয়েছে।

মেয়েরা সব শেলাইয়ের ঘরে ফিরে এসে যে ঘর শাল বেঁধে নিলে, তাদের ময়লা শীতের কোটগুলি তুলে নিতে লাগলো হাতে।

‘কী হয়েছে?’ সবেগে ঘরে ঢুকে শ্রীমতী গুইশার প্রশ্ন করলেন।

‘আমাদের ওরা বের ক'রে দিচ্ছে, মানাম, আমরাও ধর্মঘট করছি।’

‘কিন্তু আমি কিছুই বুঝতে পারছি না...তোমাদের কী ক্ষতি আমি করছি?’ শ্রীমতী গুইশার কঁদে ফেললেন।

‘আপনি অমন ব্যাকুল হবেন না, আমালিয়া কার্লোভনা। আপনার বিরুদ্ধে আমাদের কোনো অভিযোগ নেই। কতো কৃতজ্ঞ আত্মরা আপনার কাছে। কিন্তু এ তো শুধু আপনাকে আমাকে নিয়ে কথা নয়। সবাই এই

করছে, সারা জগৎ এই করছে। সকলের বিরুদ্ধে কি বাওয়া যায়, আগনিই বলুন ?’

ওরা সবাই চ’লে গেলো, ওলিয়া ডেমিনা পর্যন্ত, এমনকি ফেটিসভাও ; সে অবশ্য বিলায় নেবার সময় ফিসফিস ক’রে শ্রীমতী গুইশারকে ব’লে গেলো যে দোকানের মালিকের এবং দোকানের মঙ্গলের জন্তই ধর্মঘটের অভিনয় করছে সে। কিন্তু শ্রীমতী গুইশারকে প্রবোধ দেয়া অসম্ভব।

‘কী ভীষণ অকৃতজ্ঞতা ! উঃ—ভাবতেও কেমন লাগে যে এই সব লোককে আমি এমন ভুল বুঝেছিলাম। কী প্রশ্রয়ই না দিয়েছি ওই ছুঁড়িটাকে ! আচ্ছা, ওর না-হয় কৈফিয়ৎ আছে—বাচ্চা মেয়ে, কিন্তু ঐ বুড়ি ডাইনিটা ?’

‘শুধু তোমার জন্ত তো আর আলাদা ব্যবস্থা করতে পারে না ওরা—বোঝো না কেন, মা ?’ লারা তাঁকে শাস্ত করার চেষ্টা করে। ‘তোমার প্রতি কারো কোনো বিবেচ্য নেই। বরং ঠিক তার উল্টো। এখন যা-কিছুই করা হচ্ছে, সবই মনুষ্যত্বের খাতিরে, দুর্বলকে রক্ষার্থে, মেয়েদের আর শিশুদের মঙ্গলের জন্ত। ই্যা, তা-ই। মাথা নেড়ো না। তুমি দেখো, এরই ফলে একদিন তুমি-আমি অনেক ভালোভাবে বাঁচার সুযোগ পাবো।’

কিন্তু তার মার মাথায় কিছুই ঢুকলো না। ‘সব সময় এই হয়,’ ফৌপাতে-ফৌপাতে তিনি ব’লে চলেন, ‘যখনই আমি ঠিকমতো কোনো ব্যাপার বুঝতে পারি না, তুই এমন সব কথা বলতে শুরু করিস যাতে আমি স্তম্ভিত হ’য়ে বাই। আমার সঙ্গে এমন একটা জঘন্য চালাকি করলো সবাই, আর তুই কিনা বলছিস তা আমারই ভালোর জন্ত ? না, সত্যি আমি পাগল হ’য়ে যাবো।’

রডিয়া স্কুলে ছিলো। লারা মায়ের সঙ্গে শূন্য বাড়িতে ঘুরে-ঘুরে বেড়ালো। আলো-না-জ্বলা রাস্তা শূন্য দৃষ্টিতে তাকিয়ে রইলো তাদের ঘরের দিকে, আর ঠিক সেই একই দৃষ্টি ঘরগুলিও ফিরিয়ে দিলো।

‘অঙ্ককার হবার আগেই চলো আমরা হোটেলের চ’লে থাই, মা,’ লারা মিনতি করলো। ‘চলো না, মা। আর দিন পেছিয়ে না, এখনই চলো।’

‘ফিলাট, ফিলাট,’ তারা নরোয়ানকে ডাকলে। ‘ফিলাট, লক্ষী, মস্টেনিগ্রো হোটেলের নিয়ে চলো আমাদের।’

‘ঠিক আছে, মাদাম।’

‘এই পুঁটলিগুলো নিয়ে যাও। আর ফিলাট, যতোদিন না আবার সব ঠিকঠাক হয় বাড়িটার ওপর একটু নজর রেখো। কিরিল মডেস্টোভিচকে দানা দিতে ভুলো না, মনে ক’রে জল বদলে দিয়ে। এই যে চাবি। আচ্ছা, আর-কিছু বলবার নেই—আমাদের দেখতে যেয়ো কিন্তু মাঝে-মাঝে।’

‘আচ্ছা, মাদাম।’

‘ধন্যবাদ, ফিলাট। ভগবান তোমার মঙ্গল করুন। আচ্ছা, এবার একটু বস।’ তারপর আমাদের রওনা হ’তে হবে।’

দীর্ঘ অস্থিতার পর খোলা হাওয়ায় যেমন অপরিচিত লাগে তেমনি লাগলো তাদের রাস্তায় বেরিয়ে। পথের হুগোল শব্দগুলি যত্ন আওয়াজে মূডমূড়ে, হিমেল, পরিচ্ছন্ন শূণ্যে এমনভাবে প্রতিধ্বনিত হচ্ছিলো যেমন যন্ত্রে তাদের পালিশ করা হয়েছে। বন্দুকের গুলির আওয়াজ যেন চুমকুড়ি। আর কামানের গোলা ধপ ক’রে মাটিতে প’ড়ে সশব্দে ফেটে পড়ছে, দিগন্ত চেপটে যাচ্ছে ভালপুরির মতো।

ফিলাট যতোই উন্টো বোঝাবার চেষ্টা করুক, লারা আর আমালিয়া জেদ ক’রে বলতে লাগলো যে ওগুলো সবই ফাঁকা আওয়াজ।

‘বোকার মতো কথা বোলো না, ফিলাট। নিজেই ভেবে ছাখো না। কাউকে দেখছো গুলি ছুঁড়তে? ফাঁকা আওয়াজ ছাড়া অন্য কিছু কী ক’রে হয়? কে গুলি ছুঁড়ছে তাহ’লে—যীশুর আত্মা নেমে এসেছেন নাকি? ও-সব ফাঁকা আওয়াজ—তাছাড়া আর কিছু না।’

এক রাস্তার মোড়ে কতোগুলো কসাক পাহারাওলা তাদের থামিয়ে দিলো। দাঁত বের ক’রে হাসতে-হাসতে অসভ্যের মতো তাদের মাথা থেকে পা পর্যন্ত হাত বুলিয়ে-বুলিয়ে সার্চ করলো তারা। চোয়ালের ওপর দিয়ে স্ট্র্যাপ-বাঁধা তাদের মাথার চ্যাপ্টা টুপি এক কানের উপর হেলে পড়েছে; দেখে হঠাৎ ওদের একচোখো ব’লে মনে হয়।

‘চমৎকার হ’লো,’ হাঁটতে হাঁটতে লারা ডাবলে। শহর থেকে এই

১ এটা একটা রুশীয় প্রথা: কোথাও যাবার আগে সৌভাগ্য কামনা ক’রে লোকেরা কিছুকণ থলে।

অঞ্চলটা যতোদিন বিচ্ছিন্ন হ'য়ে থাকবে ততোদিন কয়ারোভাঙ্কিকে আর দেখতে হবে না তাকে। মার জন্তাই ওর সংশ্রব পরিত্যাগ করা অসম্ভব হ'য়ে পড়েছে। সে তো আর বলতে পারে না 'মা, ওর সঙ্গে দেখাশুনো করা বন্ধ ক'রে দাও।' বললেই তো সব কথা ফাঁস হ'য়ে যাবে।

কী হবে তাহ'লে? এতো ভয় কেন তার? হা ভগবান! যা-কিছু— যা-কিছু হোক, শুধু যদি এই ব্যাপারের শেষ হয়।

ঈশ্বর! ঈশ্বর! দারুণ বিতৃষ্ণায় তার মনে হয় সে অজ্ঞান হ'য়ে যাবে। কী যেন মনে পড়ছিলো তার একটু আগে? সেই ভয়াবহ ছবিটার নাম যেন কী? এক স্থলকায় রোমক শোভা পাচ্ছে তাতে। ঐ গোপন ঘরগুলির প্রথমটায়, যেখানে এই সব-কিছুর শুরু, টাঙানো ছিলো ছবিটা। ছবির নাম 'কামিনী না পাত্র?' হ্যাঁ, ঠিক! তা-ই তো। বিখ্যাত নাকি ছবিটা। স্থলকায় যোমানট একজন জীলোক আর একটা পাত্রের মধ্যে কোনটা গ্রহণ করবে মনস্থির করতে পারছে না। প্রথম যখন ছবিটা দেখেছিলো তখনো সে সম্পূর্ণ জীলোক হয়নি। মূল্যবান শিল্পকর্মের সঙ্গে তার তুলনা চলে না। সেটা পরে হ'লো। রাজকীয় কারদায় ভোজের জগু টেবিল সাজানো হয়েছিলো।

'অমন উর্ধ্বধামে কোথায় ছুটে চলেছিস? আমি তোর সঙ্গে তাল রাখতে পারি না বাপু,' ক্রীমতী গুইশার হাঁপাচ্ছিলেন। দ্রুত হাঁটছিলো লারা। কী এক অজ্ঞান! শক্তি তার ওপর ভর করেছে, সে যেন হেঁটে চলেছে বাতাসের ওপর দিয়ে, গর্বিত এক বেগবান আকর্ষণে সে চালিত হচ্ছে।

'চমৎকার!' বন্দুকের শব্দ স্তনতে-স্তনতে সে ভাবলে। 'ধন্য তারা যারা পদদলিত। ধন্য তারা যারা বঞ্চিত। ঈশ্বর ঐ বুলেটের বেগ বৃদ্ধি করুন। আমি আর ওরা এক স্ত্রে বাঁধা।'।

২০

সিভ্‌সেন্স ড্রাজ্‌ক' ও আরেকটি ছোটো রাস্তার কোণ ঘেঁষে গ্রোমেকো ভাইদের বাড়ি। আলেকজান্ডার আলেকজান্ড্রোভিচ ও নিকোলে

আলেকজানড্রোভিচ গ্রোমেকো দুজনেই রসায়নশাস্ত্রের অধ্যাপক, একজন পেট্রভ অ্যাকাডেমিতে আছেন, অগ্নজ্ঞান বিশ্ববিদ্যালয়ে। নিকোলে বিয়ে করেননি। আলেকজাণ্ডারের স্ত্রীর নাম আনা, বিয়ের আগের পদবী ক্রুগার। তাঁর বাবা ছিলেন লোহার খনির মালিক; ইউরিয়্যাটিনের কাছে উরালে তাঁর বিশাল জমিদারিতে কয়েকটি পরিত্যক্ত অকেজো খনি ছিলো।

গ্রোমেকোদের বাড়িটি দোতলা। ওপর তলায় শোবার ঘর, খুলঘর, আলেকজাণ্ডার আলেকজানড্রোভিচের পড়ার ঘর এবং টোনিয়া ও ইউরার ঘর; এদিকটা হ'লো নিজেরা বাস করার জায়গা। একতলাটি অতিথিদের জায়গা। পেস্তা রঙের পর্দা, জলপাই রঙের আসবাবের ঢাকনা, সামুদ্রিক গাছ-পাছড়ার টব—সব নিয়ে একতলার ঘরটিকে সবুজ তন্দ্রাতুর সমুদ্রের তলদেশের মতো দেখায়।

গ্রোমেকোর ঝুঁকিবান, অতিথিবৎসল, শিল্পের সমজ্ঞান, সংগীতপ্রেমিক। প্রায়ই লোকজন ডাকেন তাঁরা, কোনো সন্ধ্যায় ঘরোয়া গানবাজনার আসর বসে, চারটি তারের বক্স ও তিনজন পিয়ানোবাদকের মিলিত অবদান পরিবেশন করা হয়।

১৯০৬ সালের জানুয়ারি মাসে সেইরকম এক সন্ধ্যা আসর বসার কথা ছিলো। টানিয়েভের ছাত্র, এক নবীন স্বরকার এই প্রথম আত্মপ্রকাশ করবেন। বেহালায় সনাটা বাজাবেন তিনি, আর তিনজন বাদক বাজাবেন চাইকভস্কির একটি তিন যন্ত্রের রচনা।

ব্যবস্থা শুরু হলো আগের দিন থেকে। বসবার ঘরে আসবাবের জায়গা বদল হ'লো। কোনায় ব'লে পিয়ানোর মিস্ত্রি একই স্বর বার-বার বাজাতে লাগলো, মুঠি-মুঠি পুঁতির মতো টুকরো হ'য়ে ছড়িয়ে পড়লো সবগুলি। রান্নাঘরের মুঁগির ছাল ছাড়ানো হচ্ছে, সবজি ধোয়া হচ্ছে, জলপাই-তেলের সঙ্গে মিশিয়ে তৈরি হচ্ছে স্ত্রীলাভের মশলা।

আনার প্রাণের বন্ধু, যাকে তিনি সব মনের কথা বলেন, সেই শুভা স্নেহিতের ভোর না-হ'তে হাজির হ'য়ে জ্বালাতন ক'রে মারছেন।

লম্বা, রোগা চেহারা, শুভার, কাটা-কাটা নাক-চোখ, মুখের ভাব কিছুটা পুরুষালি, দেখলে হঠাৎ সস্ত্রীটির কথা মনে প'ড়ে যায়—বিশেষত যখন উনি

ছাইরঙের আঁঠাখান টুপিটি মাথার একপাশে হেলিয়ে বসিয়ে রাখেন। বাড়িতেও ঐ টুপি তাঁর মাথায় থাকে, শুধু টুপির সঙ্গে আটকানো ওড়নাটা সামান্য একটু সরিয়ে রাখেন।

দুঃখ অথবা উদ্বেগের সময় দুই বন্ধু পরস্পরের ভার লাঘব করেন। ভার লাঘব করার একমাত্র উপায় হ'লো অপরকে ক্রমাগতভাবে উত্তেজিত করা ; দু'জনের কথপোকথন জালাময় হ'য়ে উঠতে-উঠতে অবশেষে আবেগের আতিশয্যে ক্রন্দনে পৰ্ব্ববসিত হয়, তারপর পুনর্মিলন।

রক্তের চাপ বৃদ্ধি পেলে ধমন জেঁকের কামড়ে উপকার পাওয়া যায়, তেমনি এই নাট্যকেনার পর দু'জনের মনেই শান্তি নামে।

বেশ কয়েকবার বিয়ে করেছেন সুরা প্লেজিদের, কিন্তু বিবাহবিচ্ছেদের সঙ্গে-সঙ্গে স্বামীদের ভুলে যান তিনি ; বিয়েটা এঁর কাছে এতো নগণ্য একটা ঘটনা যে তাঁর ব্যবহারে একক মহিলাদের মতোই নিরুত্তাপ অস্থিরতা দেখা যায়।

সুরা ছিলেন থিওজফিস্ট ; কিন্তু তা সত্ত্বেও রুশ চার্চের যাবতীয় আচার অনুষ্ঠান তাঁর নখদর্পণে, এমন কি পরম পুলকের তুরীয় অবস্থাতেও পুরোহিতকে নির্দেশ না-দিয়ে পারতেন না। 'হে প্রভু, শ্রবণ করো,' 'এখন এবং চিরকাল এইরূপে হবে,' 'মহিমাম্বিত দেবদূত,' তাঁর কর্কশ, রুক্ষ কণ্ঠস্বরে অন্তহীনভাবে বিডবিড ক'রে যেতেন তিনি।

সুরা গণিত জানতেন, ছোটো-ছোটো ভারতীয় ধর্মসম্প্রদায়ের তত্ত্বকথা জানতেন, জানতেন মস্কোর সংগীতবিদ্যালয়ের সেরা শিক্ষকদের ঠিকানা আর কে কার সঙ্গে বাস করে—কী যে জানতেন আর কী যে জানতেন না তা ভগবান ছাড়া কেউ বলতে পারে না। সেইজন্য বাড়ির সব বিশেষ ব্যাপারে তাঁর ডাক পড়ে, মধ্যস্থতা এবং ব্যবস্থাপনার ভার নেবার জন্ত।

নির্দিষ্ট সময়ে অতিথিরা আসতে শুরু করলেন। বরফ পড়ছিলো, বাইরের দরজা খোলার সঙ্গে-সঙ্গে দমকা বাতাস ব'য়ে যাচ্ছে, চঞ্চল তুষারের সহস্র পাকে সে-বাতাস জড়ানো। সেই শীতের মধ্য থেকে লম্বা বেটপ বরফের জুতো পায়ে পুরুষেরা উঠে আসছেন, ব্যতিক্রমহীনভাবে তাঁরা প্রত্যেকে যেন সচেতন হয়েছেন নিজেরদের গোঁয়ো বাড়ালের মতো চেহারা করার জন্ত, কিন্তু অপরপক্ষে

তাদের জীরা—হিমের জন্ত লাল আভায় উজ্জ্বল তাঁদের মুখ, কোর্টের বোতাম খোলা, পেছনে ঠেলে-দেওয়া শাল, চুলে তুষারকণার চুম্বকি বসানো—চতুর প্রণয়ে লীলাময়ী তাঁরা যেন বিশ্বাসঘাতকতার প্রতিমূর্তি। ‘কুই-র’ ভাইপো,^১ নবীন স্বরকারের প্রবেশের সঙ্গে সঙ্গে ফিসফিস গুঞ্জন ছড়িয়ে পড়লো।

নাচঘরের খোলা দরজার ওপিঠে ঝকঝক করছে খাবার টেবিল, শীতের রাস্তার মতো শাদা, লম্বা। চোখ ধাঁধিয়ে দেয় লাল রোয়ানবেরি-ভদকাক জ’মে-বাওয়া বোতলের ওপর আলোর খেলা, রূপোর দানিতে ফটিকের পাত্র, সাজানো পাখির মাংস আর অর্দভেঁর পাত্র মন ভোলায়, আর খিদে জাগিয়ে তোলে শক্ত পিরামিড-আকৃতিতে ভাঁজ-করা গ্রাপকিন, বাদামের গন্ধভরা বেতের ঝুড়িতে বেগনি সিনেরারিয়া^২।

এই পার্থক্য খাতি গ্রহণ করার অথকে যথালীজ অহুভব করতে পারার ইচ্ছেতে সকলে তাদের অপার্থিব খাতিগ্রহণের কাজে ঘরাষিত হ’লো। সার বেঁধে বসলো সবাই। ‘কিউ-র ভাইপো,’ বাদক পিয়ানোর সামনে তাঁর আগমন গ্রহণ করতেই আবার ফিসফিস করলো লোকেরা। বাজনা শুরু হ’লো।

সকলেই আশঙ্কা করেছিলো যে সনাটাটি যথোচিত মাত্রায় শুষ্ক, চেষ্টাকৃত এবং একঘেয়ে হবে, ভয়ানক দীর্ঘ হ’য়ে সনাটা তাদের সেই ভয় সার্থক করলো।

বিরতির সময় সমালোচক কেরিস্কেভ আর আলেকজাণ্ডার গ্রোমেকোর মধ্যে তর্ক বেধে গেলো, কেরিস্কেভ নিন্দে করছিলেন সনাটাটির গ্রোমেকো সপক্ষে যুক্তি দেখাচ্ছিলেন, আর লোকজনেরা ধূমপান করছিলো, বখা বলছিলো, বসছিলো চেয়ার সরিয়ে-সরিয়ে; তারপর পাশের ঘরের ঝকঝকে টেবিলের চাদর তাদের দৃষ্টি আকর্ষণ করলো আর তখনই বাজনা শুরু ক’রে দেওয়া ঠিক ক’রে ফেললো সকলে।

পিয়ানোবাদক তাঁর সহকারীদের ইঙ্গিত করলেন; বেহালাবাদক ও টিশকেভিচ সাড়স্বে অভিবাদন করলেন, বাজনার করণ বিলাপ শুরু হ’লো।

১ Qui : এক বিখ্যাত রুশ সাংগীতিক : ১৮০৫—১৯১৮

২ Hors-d’oeuvres : ঠাণ্ডা মাংস, মাছ ইত্যাদি নানা প্রকার ছোটো-ছোটো খাবার।

৩ একরকম ফুলের গাছ, ঘরের মধ্যে কাচের পাত্রেই বাঁচে।

ইউরা, টোনিয়া আর মিশা গর্ভন—সে অর্ধেক সময় গ্রোমেকো-বাড়িতেই কাটাতো—, তৃতীয় সারিতে ব'সে ছিলো।

‘ইয়েগোরোভনা আপনাকে ডাকছে,’ সামনে ব'সে-থাকা আলেকজাণ্ডার আলেকজানড্রোভিচের কানে ইউরা ফিসফিস করলো।

ইয়েগোরোভনা গ্রোমেকোদের শাদা চুলের বৃদ্ধা দাসী, দরজার সামনে দাঁড়িয়ে ভয়ানক উত্তেজিতভাবে ইউরার দিকে তাকিয়ে আলেকজাণ্ডার আলেকজানড্রোভিচকে লক্ষ্য ক'রে মাথা ঝাঁকানো—ইউরাকে বোঝাতে চায় যে তাঁর সঙ্গে একুনি কথা বলার তার ভয়ানক দরকার। আলেকজাণ্ডার আলেকজাণ্ড্রোভিচ ফিরে তাকিয়ে চোখ দিয়ে তাকে তিরস্কার ক'রে কাঁধ ঝাঁকালেন, কিন্তু সে দাঁড়িয়েই রইলো। কিছুক্ষণ পরে দেখা গেলো ঘরের এদিক থেকে ওদিকে ইন্ধিতে কথাবার্তা চলছে, যেন দু'জন বোবা কালার আলাপ। সবাই ঘুরে-ঘুরে দেখছিলো। আনা স্বামীর দিকে ক্রুদ্ধ দৃষ্টি হানলেন। আলেকজাণ্ডার লাল হ'য়ে গিয়ে উঠে পড়লেন, পা টিপে-টিপে ঘরের অপর প্রান্তে চ'লে গেলেন তিনি।

‘তোমার লজ্জা করা উচিত, ইয়েগোরোভনা! সত্যি—এতো তাড়াই বা কিদের? কী, হয়েছে কী?’

ইয়েগোরোভনা তাঁর কানের কাছে বিড়বিড় করলো।

‘কোন মন্টেনেগ্রো?’

‘হোটেল।’

‘তা হয়েছে কী?’

‘একুনি যেতে বলছে তাঁকে। ওঁর কে যেন মারা যাচ্ছে সেখানে।’

‘হ্যাঁ—এখন মারা যাচ্ছে। ভাবো একবার...। এখন হবে না, ইয়েগোরোভনা। এই বাজনাটা শেষ হ'লে বলবো। তার আগে পারবো না।’

‘এক ওয়েটারকে গাড়ি দিয়ে পাঠিয়েছে ওরা, ওঁকে নিয়ে যাবার জন্ত। একজন মারা যাচ্ছেন, বলছি না, বুঝতে পারছেন না? মহিলা—ভদ্রমহিলা একজন।’

‘আর আমি বলছি না, যে এখন অসম্ভব। দু'এক মিনিটে কী ক্ষতিটা

হবে শুনি ?' চিন্তিত ভাবিতে ভুরু কঁচকে, নাক ঘষতে-ঘষতে তিনি পা টিপে-টিপে নিজের জায়গায় এসে বসলেন।

বাজনার প্রথম অংশটা শেষ হ'লে, প্রশংসাসূচক আওয়াজ মিলিয়ে যাবার আগেই, তিনি বাদকদের কাছে উঠে গিয়ে টিশকেভিচকে বললেন তাঁর বাড়ি থেকে ডাক এসেছে, কোনো একটা দুর্ঘটনা ঘটেছে সেখানে, বাজনা বন্ধ করতে হবে তাঁদের। তারপর দর্শকদের দিকে ফিরে হাত তুলে তাদের চুপ করতে অনুরোধ জানালেন :

‘ভদ্রমহিলা ও ভদ্রমহোদয়গণ, তিন যন্ত্রের সুরটি বাজানো আর সম্ভব হবে না। শ্রীযুক্ত টিশকেভিচের বাড়ি থেকে হুঃসংবাদ এসেছে। আমরা সকলে তাঁকে আমাদের সমবেদনা জানাচ্ছি। তাঁকে আমাদের ছেড়ে চ'লে যেতে হবে। এই রকম একটা সময়ে তাঁকে আমি একা যেতে দিতে চাই না, আমিও তাঁর সঙ্গে যাচ্ছি—যদি কোনো কাজে লাগতে পারি। ইউরী, বাবা, সিয়নকে গিয়ে বলো তো গাড়ি বের করতে, গাড়ি আগেই প্রস্তুত ক'রে রেখেছে সে। ভদ্রমহিলা ও ভদ্রমহোদয়গণ, আমি বিদায় নেবো না—আপনাদের সকলকে থাকবার জন্ত অনুরোধ করছি আমি—আমার ফিরতে দেরি হবে না।’

হিমেল রাতে গাড়ি ক'রে বেড়াবার জন্ত ছেলেরাও তাঁর সঙ্গে নিলো।

২১

ভিসেসের মাস থেকে যদিও জীবনযাত্রা স্বাভাবিক হ'য়ে গিয়েছিলো, তবু তখনো মাঝে-মাঝেই এখানে ওখানে গুলি গোলা চলছে, আর নতুন কোনো আগুন—হামেসাই বা দেখা যায়—দেখলেই মনে হয় ভিসেসের আগুন এখনো বুঝি নেভেনি।

এতোটা রাস্তা ছেলেরা আগে কখনো গাড়িতে যায়নি। আসলে অবশ্য মস্কেনেগ্রো কাছেই—স্লেনস্কি বুলভা ছাড়িয়ে নভিনস্কি ধ'রে লাডোভায়া স্ট্রিটের অর্ধেকটা গেলেই হ'লো, কিন্তু এই বুনো ভূবার আর ফুরাশা বেন দ্রব্বকে হানচ্যুত ক'রে ছুই টুকরোয় ছিঁড়ে ফেলেছে, বেন পৃথিবীর সর্বত্র

দূরত্বের মাপ আর এক নেই। রাস্তার আগুনের^১ রোমশ, অগ্নিচ্ছন্ন ধোঁয়া, পায়ের শব্দ, স্নেজ গাড়ির করুণ আর্তনাদ—সব মিলিয়ে মনে হচ্ছিলো যেন অনন্তকাল ধরে তারা চলেছে, আর চলেছে কোনো এক ভয়ংকর রকম দূর স্থানে।

হোটেলের প্রবেশপথের বাইরে সরু, কায়দাড়ুরন্ত এক স্নেজ দাঁড়িয়ে ছিলো; ঘোড়াটা কাপড় দিয়ে ঢাকা, হাঁটুর কাছে ব্যাণ্ডেজ-করা। যাত্রীর আসনে কুঁজো হয়ে বসে চালক নিজেকে গরম রাখার চেষ্টা করছে, দস্তানা-পরা বিশাল হাতের থাবায় কাপড়ে বাঁধা মাথাটা ডোবানো।

হোটেলের বসবার ঘরটি বেশ গরম, জামা-কাপড় ছাড়বার ঘরের কাউটারের পেছনে বসে দরোয়ানটি ঢুলছিলো; ঘুলঘুলির মধ্য দিয়ে ভেসে-আসা শব্দ, জলন্ত দোঁভ আর ফুটন্ত সামোভারের আগুয়াজ তার ঘুম-পাড়ানি গানের কাজ করছে, আর মাঝে-মাঝে নিজের কোনো এক নাসিকাগর্জনে চমকে উঠছে সে।

একতাল ময়দার মতো মুখে কড়া করে রং মাখা একটি জ্বীলোক বাঁ দিকে আয়নার সামনে দাঁড়িয়ে ছিলো। এই আবহাওয়ার পক্ষে তার পশমের জামাটি মোটেও যথেষ্ট গরম নয়। কারুর নেমে আসার জন্ত অপেক্ষা করছিলো সে; আয়নার দিকে পেছন ফিরে দাঁড়িয়ে একবার কাঁধের ওপর দিয়ে মাথা ঘুরিয়ে-ঘুরিয়ে আয়নায় দেখে নিচ্ছিলো তার পেছন দিকটা ঠিক আছে কিনা।

সেই জ'মে-বাওয়া চালকটি ভেতরে ঢুকলো। তার প্রায় ফেটে-পড়া বেষ্টপ কোটের জন্ত তাকে রুটির দোকানের সাইনবোর্ডের বান্-রুটির মতো দেখাচ্ছে, তার চারপাশ থেকে বাষ্প বেরুচ্ছিলো—মিলটা তাতে আরো স্পষ্ট উঠেছে। 'আর কতোকণ, দিদিমণি?' আয়নার ধারের সেই জ্বীলোকটিকে সে প্রশ্ন করলো। আপনাদের সঙ্গে কেন যে নিজেকে জড়িয়ে-ছিলাম জানি না। ঘোড়াটা জ'মে ম'রে থাক তা তো আর চাই না।'

হোটেলের কর্মচারীরা পাগলের মতো হ'য়ে আছে; ২৩ নম্বর ঘরের ব্যাপারটা তাদের দৈমন্দিন বিরক্তিতে আরো একটি বিভ্রী সংযোজনা মাত্র।

১ খুব ঠাণ্ডা পড়লে রাস্তার মোড়ে-মোড়ে আগুন জ্বালানো হয়।

মুহুর্তে-মুহুর্তে বস্তীর তীক্ষ্ণ শব্দ বেজে উঠছে, দেয়ালের ওপরকার লম্বা বাঁজের সারির পেছনে নম্বরগুলি লাগিয়ে উঠে জানান দিচ্ছে কোন ঘরের খন্ডের এবার খেপে গেছে, অথবা দাসীকে কী চায় তা না জেনে জ্বালাতন ক'রে মারছে।

ডাক্তার তখন ঐ নেকি বুড়ি গুইশারোতাকে^১ বমির ওষুধ দিয়ে পেট ধুয়ে দিচ্ছিলেন। ঝি শ্লাশা একবার মেঝে ধুয়ে, একবার নোংরা জিনিশের বাসতি নিয়ে গিয়ে পরিষ্কার বাসতি নিয়ে আসছে। কিন্তু চাকরদের দিকে বাড় শুক হয়েছে এই গুগুগোলটা বাধার অনেক আগে ঘরের টিরাশকাকে তখনো গাড়ি দিয়ে পাঠানো হয় নি ডাক্তার আর ঐ বিচ্ছিন্নি বেহালাবাদককে নিয়ে আসার জল্প, কমারোজ্জিও আসে নি তখন, আর ২৩ নম্বর ঘরের দরজার সামনেকার করিডোরে এতো লোক জিড় করে নি।

ঝামেলা শুরু হয়েছে সেই বিকেল থেকে ; ঠাণ্ডার ঘর থেকে সিঁড়ির চত্বরে যে-সকল গলিটা চ'লে গেছে সেখান দিয়ে ডান হাতে ভরা-ট্রের ভার সামলাতে গিয়ে কুঁজো হ'য়ে শিশুর বেয়ারা আসছিলো ছুটতে-ছুটতে, এমন সময় কে যেন বিতিকিচ্ছিরিভাবে তাকে এক ধাক্কা লাগিয়ে ঘের দার ফলে ট্রেটা ছড়িয়ে পড়লো মাটির ওপর, স্থাপ উপচে গেলো, গুঁড়ো-গুঁড়ো হ'য়ে গেলো দুটো স্থাপ-প্লেট আর একটা মাংসের প্লেট।

শিশুর জোর দিয়ে বলতে লাগলো যে এর জন্ত ঝি-ই দায়ী, কতিপূরণ তাকেই দিতে হবে। তখন প্রায় এগারোটা বাজে অর্ধেক লোকের ছুটি হ'য়ে যাবার সময় হয়ে গেছে, কিন্তু ঝগড়া তখনো মিটছে না।

‘কাপুনি রোগ আছে ওর, হাত-পা স্থির রাখতে পারে না। পারতো কেবল বোতল নিয়ে ব'লে থাকতে, মেয়েমানুষের বাচ্চা, স্পল্লা মাখানো হেরিং মাছের মতো লাল হ'য়ে যায়, আর তারপর বলে কে তাকে ঠেলে ধিলো, কে ওর স্থাপ উল্টে দিলো, কে ওর বাসন ভাঙলো। কে তোকে ধাক্কা ধেরেছে শুনি, শয়তান, আত্মাখানি জেঁক, নির্লজ্জ জানোয়ার কাঁহাকার ?’

‘তোমাকে আগেই ব'লে দিয়েছি, মাট্রিওনা স্টেপানোভনা, কালোভাবে কথা বলবে।’

১। ক্রিমতী গুইশারের নামকে এইভাবে রূপ ক'রে নিয়ে নিজে ছোট্টদের কর্তৃত্বাধীনা।

‘আর এই সব ঝামেলাটা হচ্ছে কাকে নিয়ে, জিজ্ঞেস করতে পারি কি? ইস, কী আমার বাসন ভাঙবার যোগ্য লোক রে! ঐ তো বেবুশ্চটা, রাস্তাওয়ালি, ভাবদেনেওয়ালি, একসঙ্গে পাঁচ খন্দের জোঁটায় ঐ ধূর্ত মাগি—আর্গেনিক গিলে ভালোই তো করেছিলো। ওঃ, ঠাকুরকনের আবার মনটেনেগ্রোতে থাকা হয়, গলির একটা হলো বেড়ালকে দেখলে বোধ হয় চিনতেও পারবে না।’

শ্রীমতী গুইশারের ঘরের সামনেকার করিডোরে পাইচারি করছিলো ইউরা আর গর্ডন। আলেকজান্ডার আলেকজান্ড্রাভিচ এ-রকম ব্যাপার কখনোই কল্পনা করেন নি। ভেবেছিলেন সাংগীতিকের জীবনের এক পরিচ্ছন্ন ভঙ্গি দুঃখ। কিন্তু এ কী বিক্রী ব্যাপার। নোংরা এক কেলেকারি, বাচ্চাদের যোগ্য তো মোটেও নয়।

গলিতে ছেলেদের হাঁটা ধীর হ’য়ে এলো।

‘মা-ঠাকুরকনের কাছে যান না, দাদাবাবুরা,’ ভ্যালেন্টি দ্বিতীয় বার তাদের কাছে এসে নরম ধীর গলায় বলতে লাগলো। ‘ভেতরে যান, চিন্তার কিছু নেই। মা-ঠাকুরকন ভালো আছেন, ভয় পাবেন না। অনেকটা সেরে উঠেছেন এখন। এখানে দাঁড়িয়ে থাকতে পারবেন না। আজ বিকেলেই একটা কাণ্ড ঘটে গেছে, দামি-দামি সব চিনেমাটির বাসন ভেঙে গেছে। খাবার নিয়ে ছুটে-ছুটে যাওয়া-আসা করতে হয় আমাদের এখান দিয়ে, একটু সুরু তো রাস্তাটা। আপনারা ভেতরে যান।’

ছেলেরা তা-ই করলে।

ঘরের ভেতরে সাধারণত টেবিলের ওপর একটা কেরোসিনের বাতি জ্বলতো, সেটাকে এখন বাতিদান থেকে তুলে কাঠের পার্টিশনের ওপারে ঘুমোবার অংশে নিয়ে যাওয়া হয়েছে। ছারপোকার গন্ধে ভরা সেই অংশটা একটা ধূলিমলিন পর্দা দিয়ে আগল ঘর থেকে আড়াল করা। কিন্তু গুগোলের সময় পর্দাটা সরিয়ে দেওয়া হয়েছিলো, টেনে দেবার খেয়াল আর হয়নি কারো। একটা নিচু চৌকির ওপর আলোটা বসানো, পাদপ্রদীপের বাতির মতো কটকটে আলোয় ঘরটা আলোকিত।

বি ভেবেছিলো আর্গেনিক, কিন্তু শ্রীমতী গুইশার আইওডিন খেয়ে

আত্মহত্যা করার চেষ্টা করেছিলেন। কাঁচা আখরোটের খোসা যখন এতো নরম থাকে যে ছুঁলেই কালো হ'য়ে যায় তখন যে কটু, ওষুধ-ওষুধ গন্ধ থাকে আখরোটে, সেই গন্ধে ঘরটা ভ'রে আছে।

পার্টিশনের ওপারে বি ঘর মুছছিলো, আর বিছানার ওপরে শুয়ে ছিলো একটি অর্ধ-উলঙ্গ স্ত্রীলোক; চোখের জল, জল আর ঘামে তার শরীর ভিজে গেছে, লেপেটে গেছে চুল, বালতির ওপর মাথাটা ঝুলিয়ে রেখে সে চীৎকার ক'রে কাঁদছে।

ছেলেরা তখন চোখ ফিরিয়ে নিলো, সেদিকে তাকানোটা এতোই লজ্জাজনক ও অভব্য ব'লে মনে হ'লো তাদের। কিন্তু ঐটুকু দেখেই ইউরোপীয় উপলব্ধি করলো যে কোনো-কোনো বিস্তৃত, উত্তেজিত অবস্থায়, শ্রাস্তি বা পরিশ্রমের মুহূর্তে স্ত্রীলোক আর সেই স্ত্রীলোক থাকে না, যাকে দেখা যায় ভাস্করের গড়া মূর্তিতে, বরং তার সঙ্গে তখন কোনো কৃষ্টিগিরের বেশি মিল, ফুলে-গুঁঠা মাংসপেশী নিয়ে, ল্যাণ্ডট প'রে যে আসন্ন লড়াইয়ের জন্য প্রস্তুত হয়েছে।

অবশেষে সেই পর্দাটা টেনে দেবার খেয়াল হ'লো কারো।

‘ম'সিয় টিশকেভিচ, ওগো, তোমার হাত কই; তোমার হাত আমাকে দাও,’ কান্না আর বমির বেগে গলা আটকে আসছিলো স্ত্রীলোকটির। ‘ওঃ, কী ভয়ানক সময়ের মধ্যে দিয়েই না আমি গেছি। সাংঘাতিক সন্দেহই যে হয়েছিলো...ম'সিয় টিশকেভিচ, আমি ভেবেছিলাম...কিন্তু স্বপ্নের বিষয় সব বাজে, আমার আবোল-তাবোল কল্পনা।...ভাবো একবার, কী শাস্তি। আর এখন...এই তো...এই তো আমি...আমি বেঁচে আছি.....’

‘শান্ত হোন, আমেলিয়া কার্লোভনা, আমি মিনতি করছি—কী অস্বস্তিকর ব্যাপার, উঃ, কী অস্বস্তি!’

‘এবার বাড়ি যাবো,’ একটু রুদ্ধভাবে আলেকজান্ডার আলেকজান্ড্রোভিচ বাচ্চাদের বললেন। যন্ত্রণাদায়ক অস্বস্তি নিয়ে তারা প্রবেশপথের গলির দরজার সামনে দাঁড়িয়েছিলো, আর কোনদিকে তাকাতে ঠিক করতে না-পেরে তাকিয়েছিলো সোজা সামনের দিকে, বড়ো ঘরের অন্ধকার গভীরে।

• দেয়ালে ফোটোগ্রাফ ঝুলছে, স্বরলিপি-ভরা একটি বইয়ের তাক, কাগজ

আর ফ্যাশন-পত্রিকার স্তূপ নিয়ে একটি লেখার টেবিল, আর ক্রুশের কাজ-করা ঢাকনা-দেওয়া গোল টেবিলের ওপরিঠে, একটা আরামকেদারায় শুয়ে আছে একটি মেয়ে, একটি হাত তুলে দিয়েছে পিঠের দিকে, কুশানের ওপর চেপে রেখেছে তার মুখ। ভয়ানক ক্লান্ত নিশ্চয়ই মেয়েটি, নয়তো এই কলরব আর উত্তেজনার মধ্যে সে ঘুমোলো কী ক'রে ?

‘এবার আমরা যাবো,’ আলেকজান্ডার আলেকজান্ড্রাভিচ আবার বললেন। তাঁদের আসার কোনোই দরকার ছিলো না, আর বেশিক্ষণ থাকাকাটাও ভালো দেখাবে না।

‘টিশকেভিচ মশাই এলেই তাঁর কাছে বিদায় নিতে হবে।’

কিন্তু পার্টিশনের ওদিক থেকে যে বেরিয়ে এলো সে টিশকেভিচ নয়, একজন ভারি-সারি, স্থূলকায়, আত্মবিশ্বাস সম্পন্ন ভদ্রলোক। মাথার ওপর দিয়ে বাতিটা ধ'রে সে টেবিলের কাছে এগিয়ে গিয়ে টেবিলের ওপর সেটা রাখলো। আলোয় মেয়েটি জেগে গেলো। লোকটির দিকে তাকিয়ে সে একটু হাসলো, চোখ ঘুরিয়ে আড়মোড়া ভাঙলো।

লোকটিকে দেখেই মিশা চমকে উঠলো, এমন ভাবে তাকিয়ে রইলো যেন চোখ ফেরাতে পারছে না। ইউরার জামার হাতা ধ'রে টেনে তার কানে কানে কী যেন ফিসফিস করার চেষ্টা করলে সে। কিন্তু ইউরা কিছুতেই শুনবে না।—‘লোকজনের সামনে ফিসফিস কোরো না—কী ভাববে তোমাকে ?’

এদিকে সেই মেয়ে ও পুরুষটি এক মুক দৃশ্যের অভিনয় শুরু করেছে তখন কেউ কোনো কথা বলছে না, চেয়ে আছে এ ওর চোখের দিকে।

ছ'জনের গোপন বোঝাপড়া যেন ডাইনির জাহুর মতো, লোকটি যেন এক পুতুল-নাচের ওস্তাদ, আর মেয়েটি তার হাতে একটি বাধ্য পুতুল, অঙ্গুলি-হেলনে ওঠে বসে।

ক্লান্ত হাসিতে চোখ ভ'রে উঠলো তার, দুই ঠোঁট ঈষৎ ফাঁক হ'লো, কিন্তু লোকটির খুশি-খুশি দৃষ্টির উত্তরে ধূর্ত ভঙ্গিতে ষড়যন্ত্রকারীর মতো চোখ টিপলো সে। তারা ছ'জনেই খুশি—সব ভালো যার শেষ ভালো—তাদের গোপন খবর এখনো নিরাপদ, এবং শ্রীমতী গুইশারের আত্মহত্যার প্রচেষ্টা ব্যর্থ হয়েছে।

ইউরা তার চোখ দিয়ে ওদের যেন গিলে খেতে লাগলো। গলির আধো অন্ধকারে সকলের দৃষ্টির অন্তরালে দাঁড়িয়ে সে পলকহীন দৃষ্টিতে সেই আলোর গণ্ডির দিকে তাকিয়ে রইলো। বন্দিনী কন্যার সঙ্গে তার প্রভুর আচরণের দৃশ্যটি একাধারে অবর্ণনীয়ভাবে রহস্যময় আর লজ্জাজনকভাবে স্পষ্ট। সম্পূর্ণ নতুন এক অমুভব, অজস্র বিপরীত অমুভূতি ভিড় ক’রে এসে ইউরার হৃদয় যন্ত্রণায় ভারি ক’রে দিলো।

এই তো এখানে ঠিক সেই ব্যাপার ঘটছে যা নিয়ে সে, মিশা আর টোনিয়া অন্তহীনভাবে আলোচনা করেছে, ‘অপ্লীল’ আখ্যায় ভূষিত করেছে, এরই প্রবল শক্তি এমন ভয় দেখিয়েছে আর আকর্ষণ করেছে তাদের যে নিরাপদ দূরত্বে থেকে শুধুমাত্র মুখের কথা দিয়ে এড়িয়ে গেছে একে। আর এখন, সেই শক্তি, তার নিজের চোখের সামনে উপস্থিত, জ্যাস্ত, সত্য, কিন্তু তবু কেমন গোলমেলে, স্বপ্নের মতো আবরিত, নির্দয়ভাবে ধ্বংসকারী, অভিযোগকারী, অসহায়—কোথায়, ইউরার শিশুহুলভ দর্শন কোথায় গেলো, কী করবে সে এখন?

‘ঐ লোকটি কে জানো?’ রাস্তায় বেরিয়ে মিশা বললে। ইউরা, নিজের চিন্তা নিয়ে ব্যস্ত, কোনো জবাব দিলে না।

‘ঐ লোকটিই তোমার বাবাকে মদ খাওয়াতো জোর ক’রে, তোমার বাবার মৃত্যুর কারণও। সেই যে উকিল গুঁর সঙ্গে ট্রেনে যাচ্ছিলো—মনে আছে, তোমাকে বলেছিলাম আমি?’

ইউরা তখন ভাবছে সেই মেয়েটির কথা, ভবিষ্যতের কথা, বাবার কথা না, অতীতের কথা না। মিশা কী বলছে সে অমুধাবন পর্যন্ত করতে পারলো না প্রথমটায়, আর তাছাড়া এতো ঠাণ্ডা যে কথা বলাও অসম্ভব।

‘জ’মে গেছো তো, সাইমন?’ আলেকজান্ডার আলেকজান্ড্রোভিচ গাড়োয়ানের উদ্দেশে বললেন। বাড়ির দিকে রওনা হলো তারা।

তৃতীয় পরিচ্ছেদ

সুভেনটিট্‌স্কিদের বাড়িতে ক্রিসমাস উৎসব

১

এক শীতে আলেকজান্ডার আলেকজান্ড্রোভিচ আনাকে এক পুরোনো কাজ-করা আলমারি উপহার দিলেন। হঠাৎ সুবিধের দরে পেয়ে গিয়েছিলেন সেটি। আবলুশ কাঠে তৈরি, আকারে এত বড়ো যে বাড়ির কোনো দরজা দিয়েই পুরো আলমারিটি ঢোকানো গেলো না। অংশগুলি আলাদা-আলাদা করে খুলে নিয়ে আসা হ'লো; তারপর সমস্তা দেখা দিলো ওটাকে রাখবার জায়গা নিয়ে; জিনিসটার যা কাজ তাতে বসবার ঘরে রাখা শোভা পায় না, আবার যা আকৃতি তাতে শোবার ঘরে ধরানো শক্ত। শেষ পর্যন্ত সবচেয়ে ভালো শোবার ঘরটির সামনে, সিঁড়ির চত্বরের একটি অংশ আলমারির জন্ত পরিষ্কার করা হ'লো।

মার্কেল মিস্ত্রি এলো খোলা অংশগুলি জুড়ে দেবার জন্ত। তার মেয়ে মারিকাকে সঙ্গে এনেছে; ছয় বছরের বাচ্চা। তার হাতে মিষ্টি দেওয়া হ'লো। চিটচিটে আঙুলে মিষ্টিটা আঁকড়ে ধরে চুষতে-চুষতে বাবার কাজ দেখতে লাগলো সে।

প্রথমটায় কোনো গোলমাল হয়নি। কাবার্ডটা গ'ড়ে উঠলো আনার চোখের সামনে; যখন শেষ হ'য়ে এসেছে প্রায়—কেবল মাথাটা তখনো জোড়া হয়নি হঠাৎ তাঁর মাথায় মার্কেলকে সাহায্য করার খেয়াল চাপলো।

আলমারিটার মধ্যে একেবারে ঢুকে গিয়ে একটা তাকের উপর দাঁড়ালেন আনা, পা পিছলে গেলো, হুমড়ি খেয়ে পড়লেন আলমারির গায়ে। আলগা কাঠের আলের ওপর দাঁড় করানো ছিলো আলমারিটা, মার্কেল দড়ি দিয়ে ঢিলেঢোলা ক'রে জড়িয়ে রেখেছিলো—বাঁধ গেলো ছিঁড়ে। তাকগুলি মাটিতে পড়ে চারপাশে ছড়িয়ে গেলো, সেই সঙ্গে আনাও পড়লেন—মেঝের উপর একেবারে চিং হয়ে। সাংঘাতিক চোট পেলেন তিনি।

‘ও ঠাকুরন, ও মা,’ মার্কেল সবগে ছুটে এলো। ‘কেন এ-কাজ করতে গেলেন? হাড়-টাড় ভাঙেনি তো? দেখুন ন’ড়ে-চ’ড়ে দেখুন। হাড়ই হ’লে আসল, গায়ের নরম অংশে লাগলে কোনো ক্ষতি নেই। ঠাকুরের দয়ায় মাংসে আপনিই জোড়া লাগে—আর ঐ যে বলে না গায়ের মাংস তো শুধু মজা লোটবার জগুই।—চুপ, জানোয়ার কাঁহাকার।’ ক্রন্দনরত মারিষ্কার দিকে ফিরে সে বামটা মারলে। ‘নাক পরিষ্কার কর, মুখটা মুছে ফ্যাল।—মা-ঠাকুরন, আমাকে সাহায্য করার কোনো দরকার ছিলো না, আমি তো একাই কাজ শেষ ক’রে ফেলতাম, এটুকু ভরসা করতে পারলেন না আমার ওপর? হ্যাঁ, এটা অবশ্য ঠিক কথা যে আমাকে দেখে হতভাগা এক মিস্ত্রি ছাড়া আর-কিছুই মনে হয় না, কিন্তু সত্যি কথা বলতে কী জানেন, আমার আসল ব্যবসা হ’লো গিয়ে ছুতোরগিরি। সেই পেশা নিয়েই তো ব্যবসা শুরু করেছিলাম। বললে বিশ্বাস যাবেন না, কতো আসবাবই না আমার হাতদিয়ে গেছে, এই বলতে গেলে ধরুন গিয়ে—কাবার্ড, সাইডবোর্ড, গালাব কাঁজ, আখরোট কাঠের কাজ, মেহগনি। আর কতো সব বড়োলোকের বাড়ির বৌ-ঝিরা আমাকে দিয়ে কাজ করিয়েছে—এখন বললে বিশ্বাস করছে কে বলুন? আরে বলতে কী আমার নাকের তলা দিয়ে মিলিয়ে গেলো সব। কেন গেলো জানেন মা-ঠাকুরন? নেশা, কড়া নেশা গিলে-গিলেই আমার সব গেলো।’

একটা আরাম-কেন্দ্রা ঠেলতে-ঠেলতে নিয়ে এলো সে, আর ব্যথার ওপর হাত ঘষতে-ঘষতে আনা তাকে ধরে গোড়াতে-গোড়াতে চেয়ারের মধ্যে ডুবে গেলেন। মার্কেল ব্যাপৃত হ’লো আলমারির পুনরুদ্ধারের চেষ্টায়। মাথাটা বসানো হ’লে সে বললো, ‘এইবার পান্না—বাস, তারপরই একেবারে এগ-জি-বিশনে দেবার মতো চেহারা খুলবে।’

আলমারিটা পছন্দ হয়নি আনার। ওটার আকৃতি এবং আকার নাকি রাজকীয় কফিনের বেদী বা সমাধির কথা মনে করিয়ে দেয়। কুসংস্কারাচ্ছন্ন এক ভীতি তাঁকে পেয়ে বসেছিলো। আলমারিটার নাম দিয়েছিলো আঙ্কন্ডের কবর^১, আসলে বোঝাতে চেয়েছিলেন কুমার ওলেগ-এর^২ সেই ঘোড়াকে—নিজের প্রভুর মৃত্যুর কারণ যে হয়েছিলো। ধারাবাহিকভাবে পড়াশুনো না-করার দরুন আনার চিন্তাগুলি অসংলগ্ন হ'তো।

এই দুর্ঘটনার পর থেকে আনার ফুসফুস দুর্বল হ'য়ে গেলো।

২

১৯১১ সালের পুরো নভেম্বর মাসটা ফুসফুসের অসুখে শয্যাগত হ'য়ে রইলেন আনা।

ইউরা, মিশা গর্ডন আর টোনিয়া—তিনজনেরই তার পরের বছর স্নাতক পরীক্ষা দেবার কথা; ইউরা ডাক্তারিতে, টোনিয়া আইনে, আর মিশা দর্শনে।

ইউরার মনের ধ্যানধারণাগুলি মিলে-মিশে এলোমেলো হ'য়ে ছড়িয়ে আছে—তার সব-কিছু, তার মতামত, তার অভ্যাস, তার অভিক্রটি একান্ত-ভাবে তার নিজের। মনে খুব সহজে ছাপ পড়ে তার, তার সজাগ ও অভিনব দৃষ্টিভঙ্গি রীতিমতো উল্লেখযোগ্য।

যদিও শিল্পকলা ও ইতিহাস তাকে আকর্ষণ করে, জীবনের পন্থা ভেবে নিতে ইতস্তত করেনি সে। ফুর্তি অথবা বিষণ্ণতা যেমন পেশা হ'তে পারে না, তেমনি শিল্পকলাও জীবিকার উপায় হ'তে পারে না। পদার্থবিজ্ঞা এবং প্রাকৃত বিজ্ঞানের দিকে ঝাঁক ছিলো তার, ব্যবহারিক জীবনে প্রয়োজনে লাগে এমন কোনো কাজ লোকের বেছে নেওয়া উচিত এই ছিলো তার বিশ্বাস। সে চিকিৎসাবিজ্ঞা বেছে নিলে।

১ আঙ্কন্ড হলেন রশ রাষ্ট্রের প্রতিষ্ঠাতাদের অন্ততম, কিয়েভ রাজ্য পরিচালনা করতেন তিনি, সেখানেই তাঁকে সমাধিস্থ করা হয়েছিলো।

২ কিয়েভ-এর রাজকুমার। তাঁর প্রিয় অশ্বের মাশার খুলি থেকে বেরিয়েছিলো যে-সাপ, তার দংশনেই তাঁর মৃত্যু হয়।

চার বছরের কোর্গ ইউরার, প্রথম বছরে ছ'মাস সে শবব্যবচ্ছেদের ঘরে কাটালে। বিশ্ববিদ্যালয়ের বাড়ির নিচে, মাটির গভীর তলায় সেই ঘর। নেমে যেতে হয় আকাঁকা সিঁড়ি বেয়ে। সব সময় ছাত্রদের এলোমেলো ভিড় সেই ঘরে, হাড়ের টুকরো দিয়ে ঘেরা পাঠ্য বই ছড়িয়ে কেউ গভীর মনোনিবেশ সহকারে পড়াশুনো করছে, যে যার নিজের জায়গায় দাঁড়িয়ে কেউ-কেউ আপন মনে শবব্যবচ্ছেদ ক'রে চলে, কেউ বা অকাজে ঘোরাফেরা ক'রে বেড়ায়, রনিকতা করে, ঘরের পাথরের মেঝের ওপর দিয়ে পদ্মপালের মতো ঘোরাফেরা করে ইঁদুর—কেউ বা তাদের তাড়া ক'রে সময় কাটায়। শবাধারে আধো অন্ধকারে শাদা ফসফরাসের মতো জলজল করে জলে-ডোবা রমণী আর আত্মহতাকারী যুবকদের স্তব্ধ নয় দেহগুলি, এখানো তারা নষ্ট হ'য়ে যায়নি। ফিটকিরি-হুনের ইনজেকশন নবজীবন দান করেছে এই দেহগুলিকে, এনে দিয়েছে প্রতারক এক স্ত্রীশব্দ আকৃতি। শব কেটে ফেলা হয়, অংশগুলি বিচ্ছিন্ন ক'রে প্রস্তুত করা হয়, কিন্তু তবু মানবদেহের ক্ষুদ্রাতিক্ষুদ্র অংশও আপন সৌন্দর্য ধরে রাখে : দস্তার টেবিলের ওপর পাশবিক ভঙ্গিতে ছুঁড়ে-দেওয়া একটি মেয়ের সম্পূর্ণ দেহের দিকে তাকিয়ে ইউরা যতোটা বিষ্ময় অনুভব করে, ঠিক ততোটাই করে তার বিচ্ছিন্ন হাত অথবা হাতের পাতার দিকে তাকিয়ে। নিচের তলাকার সেই ঘরে কার্বলিক আর ফর্মান্ডেহাইডের গন্ধ, রহস্তে আচ্ছন্ন সেই ঘর—এই উলঙ্গ মৃতদের অজানা জীবনের, জীবন আর মৃত্যুর রহস্য ; কী অন্তরঙ্গ এখানে মৃত্যু—মাটির তলার এই ঘরে যেন মৃত্যুর আবাস, কিংবা এই ঘর যেন তার প্রধান কর্মস্থল।

রহস্তের এই স্বর অন্ত সব-কিছু ডুবিয়ে দিয়ে শবব্যবচ্ছেদে ব্যস্ত ইউরাকে অগ্ন্যম্নস্ত ক'রে তোলে। কিন্তু এ-জীবনের কতো বিচিত্র বস্তুই না বিক্ষিপ্ত করে তার মনোযোগ। এই চিন্তাবিক্ষেপ তার অভ্যাস হ'য়ে গেছে, তাকে আর তা দমাতে পারে না।

ইউরার বেশ চিন্তাশক্তি আছে, রচনাশক্তি আরো ভালো। গল্পে একটি বই লিখবে—স্থল-জীবন থেকে এই স্বপ্ন দেখেছে সে ; বই লিখবে জীবনের অসংখ্য ছবি নিয়ে, তাতে সে লুকিয়ে রাখবে, গোপন ডিনামাইটের মতো, এ পর্যন্ত সে যা কিছু দেখেছে আর ভেবেছে তার সারাংশ। এখানো এই বই

লেখার বয়সে সে পৌছয়নি ; তাই সে কবিতা লেখে । যেন এক চিত্রকর সে, যার মনের তলায় আছে এক বড়ো ছবির ভাবনা, আর তারই জন্ত ছোটো-ছোটো স্কেচ ক'রে জীবন কাটিয়ে দিচ্ছে ।

ইউরা ভাবে, পাপে জন্ম তার কবিতার, কিন্তু তবু তাদের দৃষ্টি আর স্বকীয়তা দেখে নিজেকে ক্ষমা না-ক'রেও সে পারে না। তার বিশ্বাস দৃষ্টি আর স্বকীয়তাই শিল্পকলাকে বাস্তবতা দিতে পারে, এই দুই গুণ ছাড়া শিল্প সম্পূর্ণ অর্থহীন, বাহ্যিক, সময়ের অপব্যয় মাত্র ।

তার চরিত্রগঠনে মামার প্রভাব যে কতো বেশি ইউরা তা উপলব্ধি করলো ।

নিকোলে নিকোলেভিচ এখন লোজ্জান-এ আছেন, সেখানে তাঁর কয়েকটি বই রুশ এবং অল্প কয়েকটি ভাষায় প্রকাশিত হয়েছে । এই বইগুলিতে তিনি ইতিহাসকে দেখেছেন এক পৃথক বিশ্বরূপে, এই বিশ্ব সৃষ্টি করেছে মানুষ নিজে, সময় এবং স্থিতির সাহায্যে, মৃত্যুর বিরুদ্ধে দাঁড়িয়ে ।

রচনাগুলি খৃষ্টধর্মের এক নতুন ব্যাখ্যায় অল্পপ্রাণিত, তাই শিল্প সম্বন্ধে সম্পূর্ণ নতুন এক আলোকপাত করে ।

এই মতগুলি মিশা গভনের মনে এমনকি ইউরার চাইতেও বেশি ছাপ ফেললে । এই মতের প্রভাবেই দর্শনকে নিজের বিষয় হিসেবে বেছে নিলে সে ; ধর্মশাস্ত্র বিষয়ে বক্তৃতায় সে উপস্থিত থাকে, এবং মাঝে-মাঝে এও ভাবে যে বিষয় বদলে ধর্মতত্ত্বের ক্লাশে যোগ দেবে ।

মাতুলের প্রভাবে ইউরা এগিয়ে গেলো, পরিণত হ'লো ; অপরপক্ষে মিশাকে কেমন যেন চেপে রাখলো এই প্রভাব । ইউরা বোঝে যে মিশার চরম মতামতের কারণ অনেকটাই তার জাতিগত বৈশিষ্ট্য, আর বোঝে ব'লেই মিশার অদ্ভুত পরিকল্পনাগুলিকে ভেঙে দেবার চেষ্টা থেকে সাবধানে নিরস্ত করে নিজেকে ; তবু মাঝে-মাঝে, এমন ইচ্ছেও ইউরার মনে জাগে বইকি যে মিশা আর-একটু অভিজ্ঞতানির্ভর হোক, আর-একটু জীবনের সঙ্গে ঘনিষ্ঠ ।

৩

তখন নভেম্বরের শেষ ; কলেজ থেকে বাড়ি ফিরতে একদিন খুব দেরি হ'য়ে গেলো ইউরার। ক্লাস্ট লাগছিলো, সারাদিন কিছু খায়নি। শুনলো বাড়িতে নাকি সবাই এক ত্রাসে কাটিয়েছে সেদিন বিকেলে। আনার অবস্থা খুব খারাপ হয়েছিলো। একাধিক চিকিৎসক এসেছিলেন তাঁকে পরীক্ষা করতে ; এবং এক সময়ে তাঁরা আলেকজাণ্ডার আলেকজাণ্ডার-ভিচকে এমন কি পুরোহিত ডেকে পাঠাবার জ্ঞপ্তি বলেছিলেন, পরে অবশ্য মত বদল করেন। এখন একটু ভালোর দিকে ; জ্ঞান ফিরে এসেছে, বলেছেন ইউরা বাড়ি ফেরামাত্র যেন তাকে তাঁর কাছে পাঠিয়ে দেওয়া হয়।

সারা ঘরে দেখা যাচ্ছে সে-দিনের ছলুস্থলের চিহ্ন। রাত-টেবিলে জিনিস-পত্র গুছিয়ে রাখছিলো নার্স। সেক দেবার জ্ঞপ্তি যে-তোয়ালে আর ত্রাপকিনগুলি ব্যবহৃত হয়েছিলো, ভেজা আর কুঁচকোনো অবস্থায় তারা তখনো ঘরময় ছড়িয়ে আছে। কাশির সঙ্গে বেরিয়ে-আসা রক্তে গাম্ভীর্য জল গোলাপি, ইঞ্জেকশনের ভাঙা শিশির টুকরো আর ভেজা তুলো ভাগছে সেই জলে।

আনা শুয়ে আছেন, ঘামে ভেজা তাঁর শরীর, দুই ঠোঁট শুকনো। সেদিন সকাল থেকেই তাঁর মুখ বিবর্ণ।

‘ভুল চিকিৎসা হচ্ছে না তো ?’ ইউরার হঠাৎ মনে হ’লো। ‘নিউমোনিয়ার সব লক্ষণই তো মিলে যাচ্ছে—একেবারে শেষ অবস্থায় যা-যা হয় সবই হয়েছে দেখছি।’ আনাকে সন্তোষ জ্ঞানিয়ে এই অবস্থায় সর্বদা যে-সব স্তোকবাক্য বলা হ’য়ে থাকে সব বলে নিলে ইউরা। তারপর নার্সকে ঘরের বাইরে পাঠিয়ে আনার নাড়ি টিপে ধ’রে স্টেথিস্কোপের জ্ঞপ্তি কোটের পকেটে হাত ঢোকালো। আনা মাথা নাড়লেন, যেন বোঝাতে চাইলেন, আর-কোনো দরকার নেই, সব প্রয়োজন শেষ হ’য়ে গেছে। ইউরা বুঝলো অল্প কী যেন চাইছেন উনি। অনেক কষ্টে আনা কথা বললেন।

‘ওরা বলছিলো...শেষ প্রার্থনা...মৃত্যু আমার শিরে এসে দাঁড়িয়েছে... যে-কোনো মুহূর্তে...একটা দাঁত তুলতেও ব্যথার ভয়ে কাতর হয় লোকে, নিজেকে প্রস্তুত করে...কিন্তু এ তো শুধু দাঁত নয়...তোমার সর্বস্ব, সমস্ত

জীবন...তুলে নেওয়া হবে...আর তার মানে কী? জানে না, কেউ জানে না...আর আমি বড়ো দুর্বল হ'য়ে পড়ছি, আতঙ্ক হচ্ছে আমার।'

চুপ ক'রে গেলেন। গাল বেয়ে চোখের জল গড়িয়ে পড়লো। ইউরা কিছু বললে না। একটু পরে আনাই আবার শুরু করলেন।

'তুমি বুদ্ধিমান, প্রতিভাবান...সেজ্ঞ অল্প সকলের চেয়ে তুমি আলাদা...আমাকে কিছু বলো। আমার মনকে শান্ত ক'রে দাও।'

'আমি কী বলবো,' ইউরা জবাব দিলে। চেয়ারে ব'সে ছটফট করতে লাগলো সে, একবার উঠে দাঁড়ালো, পাইচারি ক'রে বেড়ালো, তারপর ব'সে পড়লো আবার। 'প্রথমত, কাল আপনি অনেকটা সেরে উঠবেন, আমি লক্ষণ চিনি, কথা দিতে পারি আপনাকে। আর তারপর মৃত্যু, মৃত্যুর পরেও চৈতন্য থাকে কিনা, পুনরুত্থান...আপনি কি বৈজ্ঞানিক হিসেবে আমার মত জানতে চান? অল্প এক সময়ে বললে হয় না?—না?—একুনি?—বেশ, আপনার যা ইচ্ছে। কিন্তু জানেন, না-ভেবে-চিন্তে এ-সব কথা এমনভাবে বলা বড়ো কঠিন!' বললে বটে, কিন্তু তখনই, সেই অপ্রস্তুত অবস্থায় ইউরা যে-বক্তৃতাটি দিলে তা তাকেও তাক লাগালো।

'পুনরুত্থান...যে-স্থূল উপায়ে দুর্বলকে সান্ত্বনা দেবার জন্য এই ধারণার প্রচার করা হয় আমাদের তা আকর্ষণ করে না। মৃত ও জীবিতের বিষয়ে খুঁটের বাগী আমি সর্বদাই অল্প ভাবে নিয়েছি। হাজার-হাজার বছর ধ'রে যে-অসংখ্য মানুষ আসছে এই পৃথিবীতে তাদের সকলের জন্য যথেষ্ট জায়গা কোথায়? পৃথিবী তো অতো বিপুল নয়—ওই ভিড়ে হারিয়ে যাবেন ঈশ্বর, হারিয়ে যাবে যা-কিছু ভালো, যা-কিছু অর্থময়। লোভাতুর ঐ প্রাণীকুলের সমাবেশে চাপা প'ড়ে যাবে সব।

'কিন্তু জীবন এক এবং একক, কোনো সময়েই সে তার সন্তাকে হারিয়ে ফেলছে না, প্রতি মুহূর্ত সময় এবং রূপান্তরের মধ্য দিয়ে পূর্ণ করছে বিশ্বকে, নতুন ক'রে তুলছে নিজেকে। আপনি এই কথা জানতে উদ্বিগ্ন যে মৃত্যুর পর অল্প জীবন পাবেন কি পাবেন না, কিন্তু আপনি তো আগেই পেয়ে গেছেন সেই অল্প জীবন—জন্মের ক্ষণে মৃত্যুর শয্যা থেকে জেগে উঠেছিলেন আপনি, লক্ষ্যও করেন নি। ব্যথার কথা বলছিলেন—

আমাদের শরীরের তন্তুগুলি কি বুঝতে পারে কখন তারা পরস্পরের কাছ থেকে বিচ্ছিন্ন হয়? এক কথায়, প্রশ্ন হচ্ছে আপনার চেতনার পরিণতি কী? কিন্তু চেতনা কাকে বলে দেখা যাক। সচেতনভাবে ঘুমের চেষ্টা করা মানেই অনিদ্রারোগ ডেকে আনা, নিজের পরিপাকশক্তি সম্বন্ধে সচেতন হওয়ার অর্থই হ'লো হজমের গোলমাল বাধানো। চেতনাকে নিজের ওপর যখন প্রয়োগ করি চেতনা তখন তা এক রকম বিষ মাত্র। চেতনা হ'লো এমন এক আলোর রশ্মি, যা ধাবিত হয় কেবলমাত্র বাইরের দিকে, আমাদের সামনের পথ আলোকিত করে যাতে আমরা হেঁচট না খাই। রেল-এঞ্জিনের মুখের সামনে বাতির মতো এই আমাদের চেতনা—তার রেখা যদি ভিতরের দিকে ঘোরানো হয় সর্বনাশ হবে তাহ'লে।

‘এখন—আপনার এই চেতনার পরিণতি কী তাহ'লে? আপনার চেতনা, শুধু আপনার, অথু কারো নয়। আচ্ছা, আপনি আসলে কী? সেই জ্ঞানই হ'লো সার বিজ্ঞা। সেটা অনুসন্ধান করা যাক। নিজের মধ্যে আপনার কোন বস্তুকে সর্বদা আপনি “আমি” ব'লে জেনেছেন? আপনার মধ্যে কী আছে যার বিষয় আপনি সর্বদা সচেতন? আপনার বুদ্ধি? আপনার যুক্তি? আপনার রক্তবাহ?—না। স্মৃতির পথ বেয়ে যেতো দূর পারেন তাকান, দেখবেন আপনি নিজেকে চিনছেন আপনার কোনো-না-কোনো বাহ্যিক, সক্ষম আত্মপ্রকাশের ভেতর দিয়ে—নিজের হাতের কোনো কাজের ভেতর, নিজের পরিবার, অত্যাচ্ছ মানুষের সঙ্গে মধ্য দিয়ে। আর তারপর দেখুন। অত্যাচ্ছের মধ্যেই আপনি “আপনি” হ'য়ে ওঠেন, খুঁজে পান আপন আত্মাকে। এই হলেন আপনি। এই হলেন সেই আপনি যাকে নিখাসে-প্রখাসে গ্রহণ করেছে আপনার চেতনা, যা নিয়ে সে বেঁচে আছে, আর জীবন ভ'রে যাকে উপভোগ করেছে।—আপনার আত্মা, আপনার অমরতা, আপনার জীবন—সব অত্যাচ্ছের মধ্যে। আর এখন? অত্যাচ্ছের মধ্যে আপনি জীবিত ছিলেন, অত্যাচ্ছের মধ্যে আপনি জীবিত থাকবেন। কী এসে যায় যদি তাকে পরে আপনার স্মৃতি বলা হয়? তাও তো আপনি—সেই মানুষই তো ভবিষ্যতে প্রবিষ্ট হ'য়ে রূপান্তরিত হয় ভবিষ্যতেরই এক অংশে।

‘এবার শেষ কথাটি বলি। দুশ্চিন্তা করার কিছু নেই। মৃত্যু নেই। আমাদের চিন্তনীয় নয় মৃত্যু। কিন্তু আপনি প্রতিভার উল্লেখ করেছিলেন। সে তো আলাদা, সে তো একান্তভাবে আমাদের অধীন। মহত্তম, বৃহত্তম অর্থে কোনো বিশেষ ক্ষমতার অধিকারী হওয়ার অর্থ জীবনধারণের ক্ষমতার অধিকারী হওয়া।

‘মৃত্যু থাকবে না, সন্ত ইয়ন বলেছেন, কী আশ্চর্য সবল তাঁর যুক্তি। মৃত্যু থাকবে না কেননা অতীত শেষ হ’য়ে গেছে। যেন বলা হ’লো যে মৃত্যু নেই কেননা মৃত্যু ফুরিয়ে গেছে, মৃত্যু পুরাতন, তাকে নিয়ে আমরা এখন ক্লান্ত। আমাদের এখন এমন-কিছুর প্রয়োজন যা নতুন, সেই নতুনত্বই হ’লো শাস্ত্রত জীবন।’

কথা বলতে-বলতে ঘরের মধ্যে হেঁটে বেড়াচ্ছিলো ইউরা। ‘এবার যুমান,’ সে বললে, বিছানার কাছে গিয়ে হাত রাখলে আনার কপালে। একটু পরেই ধীরে-ধীরে ঘুমিয়ে পড়লেন আনা।

আশু ঘর থেকে বেরিয়ে এসে ইউরা ইয়েগোরোভনাকে বললে নাসকে ডেকে দিতে। ‘উঃ, কী সাংঘাতিক,’ সে ভাবলে; ‘কী-রকম হাতুড়ে স্বভাব হ’য়ে যাচ্ছে আমার! মদ্র পড়া, মাথায় হাত রাখা...

পরের দিন আনার অবস্থা ভালোর দিকে ফিরলো।

৪

আনা ক্রমেই সেরে উঠছিলেন। ডিসেম্বরের মাঝামাঝি বিছানা ছাড়ার চেষ্টা করলেন, কিন্তু তখনো তিনি খুবই দুর্বল। ডাক্তাররা নির্দেশ দিলেন শুয়ে থাকতে, সত্যিকার বিশ্রাম নিতে।

প্রায়ই ইউরা আর টোনিয়াকে ডেকে পাঠিয়ে আনা উরালে নিজের ছেলেবেলার গল্প বলেন। বিনভা নদীর ধারে তাঁর পিতার জমিদারি ভারিকিনোতে আনা বড়ো হয়েছেন। ইউরা বা টোনিয়া কেউই সেখানে যায় নি, কিন্তু আনার কথা শুনতে-শুনতে ইউরা সহজেই কল্পনা করতে পারতো, রাত্রির মতো কালো বারো হাজার একর বিস্তৃত দুর্ভেদ্য অনাবাদি বন,

জঙ্গলের ভিতর দিয়ে ছুরির ফলার মতো তীক্ষ্ণ আকারীকা রেখা, ক্ষিপ্ত বর্নার জলে পাথরের বিছানা, ক্রুয়েগারের দিকে ঢালু পাহাড়।

জীবনে এই প্রথম ইউরা আর টোনিয়ার জন্তু সাক্ষ্য পোষাক তৈরি করা হচ্ছিলো; ইউরার জন্তু ডিনার-জ্যাকেট, আর টোনিয়ার জন্তু হাকা সাটিনের শুধু গলাটুকু খোলা সাক্ষ্য-বস্ত্র।

সুভেনটিট্টিস্কিদের বাড়িতে সাতাশ তারিখে চিরাচরিত বড়োদিন-উৎসবে তারা এই পোষাক প'রে যাবে। স্মার্ট আর গাউন একই দিনে এসে গেলো। ইউরা আর টোনিয়া প'রে দেখলো, খুশি হ'লো খুব, আনা যখন ইয়েগোরোভনাকে পাঠালেন তাদের ডাকতে তখনো পোষাক খুললো না তারা।

ওরা যেতে আনা কসুইয়ের ওপর ভর দিয়ে একটু উঠে বসলেন, তাকিয়ে-তাকিয়ে দেখে ঘুরে দাঁড়াতে বললেন ওদের।

‘খুব সুন্দর,’ বললেন তিনি, ‘চমৎকার হয়েছে। জানতামই না যে তৈরি হয়ে গেছে। আমাকে আরেকবার ভালো ক'রে দেখতে দে, টোনিয়া। না, এই ঠিক আছে, আমার যেন মনে হচ্ছিলো যে কোমরের কাছে একটু কুঁচকে আছে।—তোমাদের ডেকেছি কেন, জানো?—কিন্তু তার আগে তোমার সঙ্গে একটা কথা বলতে চাই, ইউরা।’

‘জানি, আনা ইভানোভনা। আমি জানি আপনি চিঠিটা পড়েছেন, আমি নিজেই আপনাকে পাঠিয়ে দিয়েছিলাম। এও জানি যে নিকোলে নিকোলোভিচের সঙ্গে আপনি একমত। আপনারা দু'জনেই মনে করেন যে আমার উত্তরাধিকার প্রত্যাখ্যান করা উচিত হয়নি। একটু অপেক্ষা করুন। বেশি কথা বলা আপনার পক্ষে ভালো না। আমাকে বুঝিয়ে বলতে দিন—যদিও আমি যা বলবো তার অধিকাংশই আপনার জানা কথা।

‘প্রথম কথা: উকিলদের পক্ষে জিজ্ঞাসা-মামলা লড়তে চাওয়া খুবই স্বাভাবিক, কারণ আমার পিতার জমিদারিতে মামলার খরচ চালানো এবং খাই মেটাবার মতো যথেষ্ট অর্থ আছে। কিন্তু আসলে উত্তরাধিকার বলতে সত্যি কিছু নেই—দেনা, ঋমেলা, আর ঘরের কেলেঙ্কারি ছাড়া। সত্যিই যদি কিছু থাকতো যা থেকে অর্থলাভ হয়, তাহলে কি আপনি মনে করেন

নিজে না-নিয়ে আদালতকে উপহার দিতাম আমি? কিন্তু আসল কথাটা কী জানেন—সব ব্যাপারটাই ভুলো। কাজে-কাজেই নোংরা ঘেঁটে হাত ময়লা করার চাইতে অস্তিত্ববিহীন এই সম্পত্তির ওপর দাবি ত্যাগ করাই তো ভালো; যে-সব ভুঁইফোড় প্রতিযোগী আর ভণ্ডদের দল এর পেছনে লেগেছে তাদের হাতেই বরং সম্পত্তি থাক।

‘আপনি জানেন, একজন দাবিদার হলেন কোনো-এক শ্রীমতী আলিস, নামের সঙ্গে যিনি জিভাগো পদবী ব্যবহার করেন, ছেলেপুলে নিয়ে থাকেন প্যারিসে—এঁর কথা অনেকদিন ধরেই শুনে আসছি। কিন্তু এখন আবার আরো বহু দাবিদারের উদ্ভব হয়েছে—আপনার কথা জানিনে, আমি খুবই সম্প্রতি তাদের নাম শুনেছি।

‘মনে হয়, মা বেঁচে থাকতেই বাবা এক খেয়ালি রাজকুমারী—স্টলবুনোভা-এনরিটসির দ্বারা আকৃষ্ট হয়েছিলেন। একটি সন্তান হয় তাঁদের, ইয়েভগ্রাফ তার নাম, এখন তার দশ বছর বয়স।

‘এই রাজকুমারী নির্জনে বাস করেন। ওম্ফ-এর ঠিক বাইরে একটি বাড়ি আছে তাঁর। সেখানেই থাকেন, কখনো কোথাও বেরোন না। তাঁর অর্থাগম কী ভাবে হয় জানা যায় না। বাড়িটার ফোটো দেখেছি আমি। পাঁচটি ফরাসি জানলা আর সিমেন্টের ওপর চিত্র-বিচিত্র করা কার্নিশ নিয়ে ভারি সুন্দর বাড়িটি।

‘সম্প্রতি কিছুদিন হ’লো আমার সব সময় কেমন একটা অমুভূতি হ’তো যে বাড়িটা তার পাঁচ-পাঁচটা জানলা দিয়ে নোংরা চোখে তাকিয়ে আছে আমার দিকে, উরাল আর মস্কোর হাজার মাইল দূরত্ব ডিঙিয়ে কখনো-না-কখনো সেই শয়তান-দৃষ্টি হানা দেবে আমাকে।

‘তাই বলছিলাম, এ-সব দিয়ে আমার কী হবে—এই কাল্পনিক বিত্ত, ভুলো দাবিদার, ষেষ আর ঈর্ষা, আর ঐ সব উকিলদের দিয়ে?’

‘কিন্তু তবু বলবো ছেড়ে দেওয়াটা ঠিক হ’লো না,’ আনা বললেন। ‘তোমাদের কেন ডেকেছিলাম, জানো?’ আরো একবার প্রশ্ন ক’রে আনা আগের দিন যেখানে থেমেছিলেন সেখান থেকে কথা শুরু করলেন। ‘ওর নাম মনে রেখেছি আমি।—গতকাল যে-বনরক্ষীর কথা বলছিলাম তাকে

মনে আছে তো? তার নাম ছিলো ব্যাকাস^১। অসাধারণ নাম—নয় কি? সত্যিই ভয়ংকর ছিলো সে, শয়তানের মতো কালো, চোখের ভুরু অবধি দাড়িতে ঢাকা—ব্যাকাস নামে নিজের পরিচয় দেয়। কেমন যেন ভয়ানক তার মুখ, একবার এক ভালুকের আলিঙ্গনে ধরা পড়েছিলো সে, যুদ্ধ করে বেঁচেছে। ওখানে সবাই ঐ রকম। ঐ রকমই নাম সকলের—অর্থহীন, হুগোল, হুথ্রাব্য। ব্যাকাস, লুপাস, ফস্টাস। যখন-তখন এসে উপস্থিত হ'তো এই রকম কোনো। লোক—হয়তো অষ্টাস তার নাম—ঠাকুরদার আমলের দোনলা বন্দুকের গুলির মতো বেরিয়ে-আসা নাম—আর আমরাও তখনুনি নার্সারি থেকে দল বেঁধে বেরিয়ে চ'লে যেতাম রাস্তাঘরে। সেখানে—তোমরা ভাবতেও পারো না কী সেই রোমাঞ্চ—না জানি কে এসেছে। কে জানে হয়তো কাঠকয়লাওলাই এসেছে জ্যান্ত এক ভালুকছানা সঙ্গে ক'রে, কিংবা হয়তো এক দালাল এসেছে জমিদারির হুদুর প্রান্ত থেকে কোনো খনিজ অব্যব নমুনা নিয়ে। ঠাকুরদা সর্বদা তাদের চিরকুট দিয়ে দিতেন দপ্তরে দেবার জন্ত। কাউকে টাকা দেওয়া হ'তো, কেউ বা পেতো গম, কেউ বন্দুকের কাতিজ। বন চ'লে এসেছে ঘরের জানলায়। আর তুষার, সেই তুষার। ছাদের চেয়েও উঁচু।^১ আনার কাশি শুরু হ'লো।

‘অনেক হয়েছে, শরীর খারাপ হবে আপনার।’ ইউরা আর টোনিয়া জোর করে।

‘বাজে বোকো না, আমি খুব ভালো আছি। ই্যা, ভালো কথা। ইয়েগোরোভনা আমাকে বলছিলো তোমরা পরশু নিমন্ত্রণে যাবে কি যাবে না ঠিক করতে পারছো না। এ-সব বোকামির খবর যেন আর আমার কানে না আসে, লজ্জা করা উচিত তোমাদের। নিজেকে তুমি না ডাক্তার মনে করো, ইউরা?—তা হ'লে এই ঠিক রইলো—তোমরা যাবে এবং এ-কথার কোনো নড়চড় হবে না। ব্যাকাসের কথায় ফিরে আসা যাক। অল্প বয়সে কামারের কাজ করতো সে। কার সঙ্গে মারামারি ক'রে ভেতরে-ভেতরে জখম হয়। তাই লোহা দিয়ে নতুন নাড়িভুঁড়ি তৈরি ক'রে নিয়েছিলো সে।—ইউরা, বোকামি করো না। তা যে করা যায় না তা আমিও জানি, কিন্তু

^১ Bacchus : রোমকদের হরাদেবতা। —অনুবাদের টীকা।

সবই কি আক্ষরিক অর্থে মেনে নিতে হবে? তবে ওখানে সবাই এ-সব কথা বলতো।’

আরেকটি কাশির বেগ এসে কথায় বাধা দিলো, এবার আগের বারের চাইতে অনেক বেশি দীর্ঘস্থায়ী। কাশি হ’তেই লাগলো, দম বন্ধ হ’য়ে এলো আনার। ছুটে এগিয়ে এলো ইউরা আর টোনিয়া। কাঁধে কাঁধ ঠেকিয়ে তাঁর বিছানার পাশে দাঁড়িয়ে রইলো তারা। পরস্পরের হাতে ছোঁয়া লাগলো। কাশতে-কাশতেই আনা তাদের দুজনের হাত নিজের হাতের মুঠোয় একসঙ্গে কিছুক্ষণ আঁকড়ে রাখলেন। যখন কথা বলার ক্ষমতা ফিরে এলো, বললেন, ‘যদি আমি মরি, তোমরা একসঙ্গে থেকো। তোমরা দু’জনে দু’জনের জন্ত তৈরি হয়েছো। বিয়ে কোরো। আমি তোমাদের বিয়ে ঠিক ক’রে দিলাম।’ এই বলে আনা কঁদে ফেললেন।

৫

১৯০৬ সালের বসন্ত আসতে-আসতে কমারোভস্কির সঙ্গে তার ছয় মাসের অবৈধ প্রণয় লারার সহের সীমা অতিক্রম করলো—তখনো স্কুলের উচ্চতম শ্রেণীতে ওঠেনি সে। ধূর্ত কমারোভস্কি তার এই গ্লানিকর অবস্থার স্বেচ্ছা সন্নিবেশিত করে নিতে কস্ট করতো না, আর যখনই স্বেচ্ছা পেতো তখনই—যেন না বুঝে—লারার জীবন যে লজ্জার এ-কথা মনে করিয়ে দিতো তাকে। এই ইঙ্গিতগুলি ঠিক ততোথানি অস্থির অবিজ্ঞত অবস্থায় এনে ফেলতো লারাকে, যতোথানি ইন্দ্রিয়লোলুপ কোনো লোকের একজন স্ত্রীলোককে নিচে টেনে আনার জন্ত প্রয়োজন হয়—মেয়েটি অসহায় বোধ করে তার কামাতুর দুঃস্বপ্নের সামনে, সেই স্বপ্নের ঘোর কাটিয়ে ওঠার সঙ্গে-সঙ্গে আতঙ্কে হিম হ’য়ে যায় সে। পরস্পরবিরোধী যে-উন্মাদ জগতে লারা সারা রাত কাটায় সে-জগৎ ডাইনির জাদুর মতো অবোধ্য। সে-জগতে সব কিছু এলোমেলো, যুক্তিতর্কের বাইরে; তীব্র বেদনা সে-জগতে নিজেকে প্রকাশ করে রূপোলি হাসির ছটায়, সেখানে বাধা আর প্রত্যাখানের অর্থ সম্মতি, সেখানে অত্যাচারীর হাত আচ্ছাদিত হয় কৃতজ্ঞ চুম্বনে।

মনে হয়েছিলো এর বুঝি শেষ নেই ; কিন্তু সেই বসন্তে স্কুলের টার্ম শেষ হওয়ার মুখে একদিন ইতিহাসের পড়া তৈরি করতে-করতে সে আগামী ছুটির কথা ভাবছিলো, যখন এমনকি স্কুল আর বাড়ির পড়াও তার আর কমারোভস্কির মধ্যে বাধা সৃষ্টি করতে পারবে না, তখন হঠাৎ সে এমন এক সিদ্ধান্ত নিয়ে ফেললে যা তার সারা জীবনের গতি বদলে দিলে।

খুব গরম ছিলো সেদিন সকালবেলা, ঝোড়ো বাতাস বইছিলো। ক্লাশ-ঘরের খোলা জানলা দিয়ে মৌচাকের গুঞ্জনের মতো একঘেয়ে শহরের কলরব দূর থেকে ভেসে আসছে, উঠোনে বাচ্চারা খেলছে—শোনা যাচ্ছে তাদের চীৎকার। শ্রোভ^১-পরবে খুব বেশি ভডকা আর প্যানকেক খাবার পর যেমন মাথা ধরে যায়, তেমনি কিম ধরিয়ে দিচ্ছে মাটির আর কচি পাতার ঘাসের মতো সৌরভ।

নেপোলিয়নের মিশর-বিজয় পড়ানো হচ্ছিলো। শিক্ষক সবে ফ্রেজুস-যুদ্ধের কাহিনী পর্ষস্ত এসেছেন এমন সময় অঙ্ককার ক'রে এলো, বিদ্যুতে বজ্র চিরে গেলো, ফেটে গেলো আকাশ, ধুলো আর বালির ঢেউ বৃষ্টির গন্ধ নিয়ে ক্লাশ-ঘরের মধ্যে ভেসে এলো। স্কুলের দু'জন অল্পবয়সী মেয়ে কৃতার্থ ভঙ্গিতে দরওয়ানকে ডাকতে গেলো জানলা-দরজা বন্ধ করবার জন্ত, আর তারা দরজা খোলার সঙ্গে-সঙ্গে বাতাসের ঝাপটায় সব ক'টা ব্লটিং-কাগজ উড়ে গেলো ডেস্কের ওপর থেকে।

জানলা বন্ধ ক'রে দেওয়া হ'লো। অবিরল ধারায় বৃষ্টি পড়ছে বাইরে, ধুলোয়-ধুলোয় নোংরা। লারা তার খাতার একটা পাতা ছিঁড়ে নিলে, পাশেই ব'সে ছিলো নাভিয়া কলোগ্রিভভা, তাকে লিখলে :

‘নাভিয়া, আমি মার কাছ থেকে চ'লে গিয়ে আলাদা থাকতে চাই।

১ Shrovetide : ইস্টার-এর আগে চল্লিশ-দিন-ব্যাপী Lent-এর উপবাসের নিয়ম আছে ; Lent-এর প্রথম দিন হ'লো Ash Wednesday, তার আগের দিনটি Shrove Tuesday। শ্রোভ-মঙ্গলবার ও তার পূর্ববর্তী দিনগুলিকে শ্রোভটাইড বলা হয়, এই সব দিনে পুরোহিতের কাছে নিজের পাপাচরণ স্বীকার করা বিধেয়। পাঠকের স্মরণ্য যে রাশিয়ান গ্রীক (বা Orthodox) চার্চের অধীন, রোমান ক্যাথলিক বা প্রটেস্ট্যান্ট আচার অনুষ্ঠানের সঙ্গে তার সর্বত্র মেল না।
—অম্বাদকের টীকা।

বখাশম্ভব বেশি মাইনেতে কোনো পড়ানোর কাজ খুঁজে দিবি আমাকে ? বড়োলোকদের মধ্যে তোর চেনাশোনা তো অনেক ।’

নাডিয়া জবাব দিলে :

‘মা-বাবা লিপার জন্ত একজন গভর্নিস খুঁজছেন । তুই আমাদের কাছেই আয় না কেন ?—আশ্চর্য ভালো হয় তা হ’লে । জানিসই তো গুঁরা তোকে কত ভালোবাসেন ।’

৬

কলোগ্রিভভদের কাছে তিন বছর কাটালো লারা, যেন দুর্গে বাস করছে এমন নিরাপদে । কেউ তাকে বিরক্ত করতে আসে না, এমন কি তার ভাই আর মা-ও সে আলাদা হ’য়ে আসার পর থেকে তাকে আর ঘাঁটাতে আসে না ।

কলোগ্রিভভ একজন নতুন ধরনের তুখোড় ব্যবসায়ী । খুবই নিচু থেকে উন্নতির চরম শিখরে উঠেছেন, এখন তিনি এতোটাই ধনী যে রাজকোষের সঙ্গেও প্রতিযোগিতা চালাতে পারেন । ক্ষ’য়ে-আসা সমাজ-ব্যবস্থাকে তাঁর জীবনের দুই পরিপ্রেক্ষিতে দেখে অবজ্ঞা আর ঘৃণা করেন তিনি ; রাজনৈতিক বন্দীদের নিজের বাড়িতে আশ্রয় দিয়ে তাদের পক্ষে লড়বার জন্ত উকিল নিযুক্ত করেন ভদ্রলোক ; একটা ঠাট্টাও প্রচলিত আছে তাঁর সম্বন্ধে বিপ্লবকে দমন করবার জন্ত তিনি নাকি এতোই ব্যস্ত যে নিজেই নিজের কারখানাতে ধর্মঘটের ইন্ধন জোগান । শিকার করতে ভালোবাসেন তিনি, তাকও খুব ভালো—১৯০৫ সালের শীতে ছুটির দিনে সন্ত্রাসবাদীদের রাইফেল ছোঁড়া শেখাতেন সেরেব্রিয়ানির বনে ।

কলোগ্রিভভ যেমন তাঁর নিজস্ব ধরনে বিশিষ্ট ব্যক্তিত্বসম্পন্ন, তাঁর স্ত্রী সেরাক্সিমাও তাই । দু’জনকেই খুব ভালোবেসেছিলো লারা, আর ওদের সমস্ত পরিবারও তাকে একেবারে আপন ক’রে নিয়েছিলো ।

তিন বছর নিশ্চিন্ত জীবন যাপন করার পর একদিন তার ভাই রডিয়া একটা দরকারে তার সঙ্গে দেখা করতে এলো । লম্বা-লম্বা তার দুই পায়ের

ওপর দাঁড়িয়ে অভ্যস্ত সচেতনভাবে সামনে শিচ্ছেন ছলছিলো রডিয়া, আর নাটকীয়রকম জোর দেবার জন্তু কথা বলছিলো নাকি সুরে। সে বললে যে সেই বছরের ক্যাডেটরা^১ পরিষদ-প্রধানের বিদায় উপলক্ষ্যে কিছু টাকা তুলেছিলো, সেই টাকায় পছন্দসই কোনো উপহার কেনার জন্তু তারা রডিয়ার ওপর ভার দেয়। দুদিন আগে টাকাটা সে জুয়ো খেলে উড়িয়ে দিয়েছে—শেষ কর্দক অবশি। লারাকে সব-কিছু খুলে বলবার পর রডিয়া ধপ ক'রে একটা আরাম-কেনারায় ব'সে পড়লো, তারপর ভেঙে পড়লো কান্নায়।

বিভীষিকায় যেন জ'মে গিয়ে লারা ব'সে রইলো। ফোঁপাতে-ফোঁপাতে ব'লে চললো রডিয়া।

‘কাল রাতে আমি ভিক্টর ইপলিটোভিচের কাছে গিয়েছিলাম। এ নিয়ে আমার সঙ্গে কোনো কথা বলতেই উনি রাজি হ'লেন না, কিন্তু বললেন যদি তুমি চাও যে উনি...উনি বললেন যে যদিও তুমি আজকাল আমাদের কাউকেই আর ভালোবাসো না, তবু ওঁর ওপর তোমার ক্ষমতা এখনো এতো বেশি...লারা, লক্ষ্মীটি...শুধু তোমার মুখের একটি কথাই যথেষ্ট...বুঝতে পারছো না এর ফলে আমার কী হ'তে পারে, কী ভয়ানক লজ্জা, ক্যাডেট হিসেবে আমার সব মান-সম্মান যে এরই ওপর নির্ভর করছে।...ওঁর কাছে একবার যাও, ক্ষতিটা কী তাতে...তুমি কি চাও আমার সমস্ত জীবনটা এইভাবে নষ্ট হ'য়ে যায়?’

‘তোমার জীবন...ক্যাডেট হিসেবে তোমার মান-সম্মান,’ রাগে বিবস্ত্রিতে ঘরময় পাইচারি করতে লাগলো লারা। ‘কিন্তু আমি তো ক্যাডেট নই। আমার তো মান-সম্মান নেই। আমাকে নিয়ে যা খুশি তাই করতে পারো তোমরা। তুমি যা বলছো তার মানে কি তুমি জানো? তুমি কি বুঝতে পারছো তোমাকে দিয়ে ও কী করিয়ে নিচ্ছে? বছরের পর বছর কেটে গেছে দাসীবৃত্তি ক'রে, আর তারপর এখন কোথা থেকে এসে উপস্থিত হ'লে তুমি, এতোদিন ধ'রে যা-কিছু আমি গ'ড়ে তুলেছি তা যদি হাওয়ার উড়ে যায় তাতে তোমার কিছুই এসে যায় না। জাহান্নমে যাও! যাও, গুলি

^১ Cadet : সামরিক বিদ্যালয়ের ছাত্র।—অনুবাদের টীকা।

ছুঁড়ে আত্মহত্যা করো। আমার কী এসে যায়? কতো টাকা দরকার তোমার?’

‘ছ’শো রুবলের কিছু বেশি।—এই সাতশোই ধরো সবস্বন্ধ,।’ একটু ইতস্তত ক’রে রডিয়া কথাটা যোগ করলো।

‘রডিয়া! তুমি কি পাগল হ’লে! কী বলছো তা জানো? সাতশো রুবল তুমি জুয়ো খেলে উড়িয়েছো? জানো, আমার মতো একজন সাধারণ লোকের সং উপায়ে এই টাকাটা উপার্জন করতে কতো দিন লাগে?’

হঠাৎ ধেমে গেলো লারা; কিছুক্ষণ চুপ ক’রে থেকে যেন নিতান্ত বাইরের কোনো লোককে বলছে এমন নিরুত্তাপ গলায় বললো, ‘ঠিক আছে। আমি চেষ্টা করবো। কাল এসো। আর তোমার রিভলভারটা এনো—যেটা দিয়ে আত্মহত্যা করবে ঠিক করেছিলে। ওটা তুমি দিয়ে দেবে আমাকে। বেশি ক’রে গুলি ভ’রে এনো, ভুলো না।’

টাকাটা লারা কলোগ্রিভভের কাছ থেকে নিলো।

৭

কলোগ্রিভভদের কাছে কাজ করলেও স্থল-জীবন শেষ ক’রে বিশ্ববিদ্যালয়ের পড়া শুরু করতে কোনো অস্ববিধে হয়নি লারার। পড়াশুনোয় সে ভালো করছিলো, পরের বছর, ১৯১২ তে সে স্নাতক পরীক্ষা দেবে।

১৯১১ সালের বসন্তে লারাব ছাত্রী লিপা স্থলের গণ্ডি পেরোলো। ক্রীজেনডাক নামে এক তরুণ এঞ্জিনিয়ারের সঙ্গে ইতিমধ্যেই বাগ্‌দত্তা হয়েছে সে। অবস্থা ভালো ছেলেটির, বড়ো বংশ। লিপার মা-বাবার পছন্দ হয়েছিলো তাকে, কিন্তু এতো অল্প বয়সে মেয়ের বিয়ে দেবার তাঁদের ইচ্ছে নেই। লিপা অতিরিক্ত প্রাণে নষ্ট, এ-বাড়ির খেয়ালি আত্মাদি মেয়ে, অনেক হলুদুল করে এ নিয়ে, সববে ঝগড়া করে মা-বাবার সঙ্গে, মেঝেতে ছুঁদাম পাঠোকে।

এই ধনী গৃহে লারাকে পরিবারেরই একজন ব’লে ধ’রে নেওয়া হয়েছিলো; তাকে তার স্বপ্নের কথা কখনো কেউ মনে করিয়ে দিতো না—

কিংবা সত্যি বলতে কারোর হয়তো মনেই ছিলো না কথাটা। টাকাটা অনেক আগেই শোধ ক'রে দিতো সে, পারেনি তার গোপন খরচের জন্ত।

পাশার অজান্তে সে তার বাবাকে সাইবেরিয়ায় টাকা পাঠাতো, তার নিত্য-অভিযোগপরায়ণ, বিলাপকারিণী মা-কে সাহায্য করতো, আর পাশার বাড়িওয়ালির হাতে তার থাকা-খাওয়ার জন্ত ধার্ষ টাকা তার কিছু অংশ তুলে দিতো—পাশার যাতে কম খরচ করতে হয়। কামেরগের স্ট্রীটে আর্টস থিয়েটারের কাছে লারাই পাশাকে ঘর খুঁজে দিয়েছে।

তার চেয়ে বয়সে অল্প ছোটো পাশা, সে উন্মাদ আবেগ নিয়ে লারাকে ভালোবাসে, তার সামান্যতম ইচ্ছাও পালন করে। স্কুলে সে বিজ্ঞান পড়েছে, কিন্তু এখন লারার পরামর্শে গ্রীক ও ল্যাটিন শিখছে আর্টস ডিগ্রি নেবে ব'লে। লারার স্বপ্ন যে সামনের বছর দু'জনেই গ্র্যাজুয়েট হ'য়ে তারা বিয়ে করবে, তারপর উরালের কোনো প্রাদেশিক রাজধানীতে চ'লে যাবে স্কুল-শিক্ষকের কাজ নিয়ে।

১৯১১র গ্রীষ্মে লারা শেষ বারের জন্ত কলোগ্রিভভদের সঙ্গে ডুপ্লিয়াস্কাতে গেলো। জায়গাটার প্রতি তার স্বগভীর অহুসার, যাদের দেশ তাদের চাইতেও বেশি ভালোবাসে সে ডুপ্লিয়াস্কাতে। ঠুঁরা সেটা বুঝতেন ব'লে একটা নিয়ম আপনা থেকেই প্রচলিত হ'য়ে গিয়েছিলো। নোংরা আর গরম ট্রেন থেকে স্টেশনে নামার পর ঠেলাগাড়িতে মাল তোলা হ'লো, পরিবারের অল্প সকলে গাড়িতে উঠে বসলেন, লাল জামা আর হাত-কাটা কোট পরা ডুপ্লিয়াস্কার গাড়োয়ান সে-বছরের সব স্থানীয় খবর বলতে শুরু করলো,—তখন লারা, প্রকৃতির অসীমতায় মুক চৈতন্যহীন লারা, গ্রামের নিঃশব্দতা নিশ্বাসে-প্রশ্বাসে গ্রহণ করতে-করতে পায়ে হেঁটে বাড়ির পথ ধরলো।

পথিক আর তীর্থযাত্রীদের পায়ে-হাঁটা পথ রেল-লাইনের পাশ দিয়ে যেতে-যেতে এক জায়গায় মাঠের দিকে বেকেছে। সেখানে দাঁড়ালো লারা, চোখ বুজে বিপুল পল্লীপ্রকৃতির বিচিত্র গন্ধে মদ্রির-হওয়া বাতাস গ্রাণ ভ'রে নিশ্বাসের সঙ্গে টেনে নিলো। এ তার আত্মীয়ের চেয়ে প্রিয়, প্রেমিকের চেয়ে ভালো, বইয়ের চেয়ে বিজ্ঞ। এক মুহূর্তের জন্ত সে আবার জীবনের মানে খুঁজে পেলো। এই মাটিতে সে জন্মেছে, প্রকৃতির এই বস্ত্র আকর্ষণকে অর্থময় করবার জন্ত, প্রত্যেক জিনিসকে সঠিক নামে ডাকবার জন্ত, আর যদি সে

নিজে অক্ষম হয় তাহ'লে এই জীবনকে ভালোবেসে তার উত্তরাধিকারীদের ভেঁকে আনবে সে, তার বদলে তারাই নেবে এই দায়িত্বের ভার।

সেই গ্রীষ্মে অনেক কর্তব্যের চাপে শ্রান্ত হ'য়ে সেখানে গিয়েছিলো সে। অল্পেই ভেঙে পড়ে, মেজাজ খিটখিটে, আর তুচ্ছতম ব্যাপারেও অপমানিত বোধ করার জগ্ন যেন প্রস্তুত হ'য়েই থাকে। অত্যন্ত উদার ছিলো তার স্বভাব, অত্যন্ত বুদ্ধিমতী মেয়ে সে—এই ধরনের স্পর্শকাতরতা তার পক্ষে নিতান্তই নতুন এবং স্বভাববিরোধী।

কলোগ্রিভভরা আগের মতোই ভালোবাসেন তাকে; তাঁদের ইচ্ছে সে তাঁদের সঙ্গেই থাকে। কিন্তু লিপা এখন বড়ো হ'য়ে গেছে—লারার তাই ধারণা এ-বাড়িতে আজকাল সে নিতান্তই বাড়তি। মাইনে নিতে চায়নি, ওঁদের জোর-জবরদস্তি করতে হ'লো। এদিকে টাকাটার দরকার ছিলো তার, আর এছাড়া টাকা পাবার অগ্ন কোনো উপায়ও ছিলো না—কারণ তাঁদেরই অতিথি হ'য়ে বাস করতে-করতে স্বাধীনভাবে রোজগার করাটা অসম্ভবকর তো বটেই—সত্যি বলতে কী, অসম্ভব।

নিজের অবস্থাটা তার মনে হচ্ছিলো অসহরকম কপট, সে ভাবতো সকলেই বুঝি তাকে একটা বোঝা ব'লে মনে করছে, শুধু বাইরে ভদ্রতার মুখোশ এঁটে রেখেছে। নিজের কাছে সে নিজেই গলগ্রহস্বরূপ, সে পালাতে চায়—নিজের কাছ থেকেও, কলগ্রিভভদের কাছ থেকেও, পারলে ছুটে পালিয়ে যায় যত দ্রুত সে ছুটেতে পারে। কিন্তু তার বুদ্ধি তাকে বলছে যে প্রথমে যে-টাকা সে ধার নিয়েছিলো তা তাকে শোধ করতে হবে, অথচ সেই মুহূর্তে শোধ করার কোনো উপায়ই তার ছিলো না। তার মনে হ'তো সে যেন জামিন হ'য়ে রয়েছে—শুধু রডিয়ার বোকারামির জগ্ন তার এই দশা—এক নিরুপায় হতাশা লারার হৃদয়কে কুরে-কুরে খাচ্ছিলো। তার স্নায়ু যেন ছিঁড়ে যাচ্ছে, পদে-পদে তার সন্দেহ হয় তাকে বুঝি অপমান করা হচ্ছে। কলোগ্রিভভদের বন্ধুবান্ধবেরা যদি তার প্রতি মনোযোগ দেয় তা হ'লে লারার ধারণা হয় যে তারা তাকে গোবেচারার গোছের কোনো 'আশ্রিত' এবং অতিশয় স্থূলভ শিকার ব'লে ধন্দ্রে নিয়েছে, আর যদি তাকে লক্ষ্য না করে তাহ'লে ভাবে তাদের কাছে তার অস্তিত্বই নেই।

তার এই বিবরণ বিকারের মধ্যেও অবশ্য কলোগ্রিভদের সব আশ্রয়-প্রমোদে সাগ্রহের সঙ্গেই অংশ গ্রহণ করতো তারা। সারা গ্রীষ্ম ভরে বিরাট, সব পাটি হচ্ছিলো বাড়িতে, অল্প সকলের সঙ্গে সেও যেতো স্নান করতে, নৌকো বাইতে, নদীর ধারে মাঝরাতে চাঁদুইতাতিতে, নাচতো, বাজি পোড়াতো। শৌখিন নাটকে অভিনয় করতো, আর তার চেয়েও বেশি উৎসাহের সঙ্গে যোগ দিতো বন্দুক-ছোড়ার প্রতিযোগিতায়। ছোটো মাউজার^১ বন্দুক ব্যবহার করা হ'তো এই প্রতিযোগিতাগুলিতে। তার লক্ষ্য খুব ভালো, যদিও টিপ অভ্যাস করার জন্য সে রডিয়ার হালকা রিভলভারেই সুবিধে বোধ করতো। 'কী আপদ যে মেয়ে হ'য়ে জন্মেছি,' মনে-মনে সে হাসতো, 'নয়তো ডুয়েল-লড়িয়ে হিসেবে নাম রাখতে পারতাম।' কিন্তু নিজেকে ভুলিয়ে রাখার জন্য যতোই সে চেষ্টা করে ততোই যেন বুঝতে পারে না আসলে সে কী চায়, আর ততোই যত্না তার বেড়ে চলে।

ছুটির পরে শহরে ফিরে এসে আগের চেয়েও খারাপ লাগলো তার, অল্প অনেক কষ্টের সঙ্গে নতুন আরো একটি যুক্ত হ'লো: পাশার সঙ্গে মনান্তর (যাতে পাশার সঙ্গে সত্যি-সত্যি ঝগড়া না হয় সে বিষয়ে সে অত্যন্ত সচেতন ছিলো; পাশাকে সে মনে করতো তার শেষ আশ্রয়)। পাশার মধ্যে এক ধরনের আত্মবিশ্বাস দেখা দিচ্ছিলো; একটু উপদেশাত্মক কথাবার্তা বলতে শুরু করেছে সে, তারা তাতে মজাও পায় আবার সেই সঙ্গে যেন বিরক্তও বোধ করে।

পাশা, লিপা, কলোগ্রিভদেরা, আর তার দেনার টাকা—কতো দুর্ভাবনাই না তার মাথার মধ্যে ঘোরে। জীবন নিয়ে সে অতিষ্ঠ, বীতশ্রু হ'য়ে উঠেছে। এই জীবন উন্মাদ ক'রে তুলছে তাকে। ইচ্ছে করে এ পর্যন্ত সে যা-কিছু জেনেছে, যতো অভিজ্ঞতা সঞ্চয় করেছে, সব ভুলে যায়, সম্পূর্ণ নতুন আর অজানা এক জীবন শুরু করে। মনের এই রকম অবস্থায়, ১৯১১ সালের ক্রিসমাসের সময় সে বড়ো ভয়ানক এক শিষ্ণুতে পৌঁছলো। কলোগ্রিভদের সে ছেড়ে বাবে এবার, এফুনি, নিজে বাস্য নেবে, আর তার

^১ Mauser : জার্মানিতে উদ্ভাবিত সামরিক রাইফেল।—অনুবাদের মত।

জন্ত সে টাকা নেবে কমারোভস্কির কাছ থেকে। তাদের দু'জনের মধ্যে আগে যা-কিছু ঘটে গেছে, আর তারপর তার এই ক'বছরের স্বাধীন জীবন—এর পর, তার মনে হ'লো, কমারোভস্কির তাকে সসম্মানে সাহায্য করা উচিত, বিনা দাবিতে, বিনা শর্তে, কোনো কৈফিয়ৎ না-চেয়ে।

এই মতলব মাথায় নিয়ে সাতাশ তারিখ রাত্রে সে পেট্রোভস্কা স্ট্রিটের উদ্দেশে রওনা হ'লো। মাফের তলায় নিলো রডিয়ার রিভলভারটি, গুলি ভ'রে, সেফটি-ক্যাচ খুলে রেখে। কমারোভস্কি যদি তাকে ফিরিয়ে দেয় কিংবা কোনোরকম অপমান করে, তা হ'লে সে গুলি করবে তাকে।

রাস্তাগুলি উৎসবমুখর, কিন্তু লারা তার তীব্র উত্তেজনায় কিছুই চোখে দেখলো না, বন্দুকের গুলি ছাড়া অল্প সব বিষয়ে অচেতন থেকে হাঁটতে লাগলো। যেন ঐ গুলি এখনই তার বুকের মধ্যে ঢুকে গেছে, কাকে তাক ক'রে তা ছোঁড়া হ'লো তাতে আর কী এসে যায়। পেট্রোভস্কা স্ট্রিটের দিকে এগোতে-এগোতে সারা পথ সে গুলির শব্দ শুনলো, সেই গুলি ছোঁড়া হচ্ছে শুধু কমারোভস্কিকে নয়, তার নিজেরও উদ্দেশে, তার ভাগ্যের উদ্দেশে, আর ডুপ্লিয়াঙ্কার ঘাসের জমিতে ওক গাছটিকে লক্ষ্য ক'রে।

৮

‘আমার মাফ হোবেন না!’

এমা এর্নেস্টোভনা হাত বাড়িয়েছিলেন তাকে কোট খোলায় সাহায্য করার জন্ত; ‘ওঃ’, ‘আঃ’ ইত্যাদি শব্দ সহকারে তাকে অভ্যর্থনা জানিয়ে তিনি বললেন যে ভিক্টর ইপলিটোভিচ বাইরে গেছেন, কিন্তু লারা যেন চ'লে না যায়। তাকে অপেক্ষা করতেই হবে।

‘না, পারবো না। আমার ভাড়া আছে। কোথায় গেছেন?’

এক ক্রিসমাসের উৎসবে গেছেন উনি। ঠিকানা-লেখা চিরকুটটা হাতের মুঠোয় নিয়ে লারা তার পরিচিত নিরানন্দ রডিন কাচের নক্সা দিয়ে সাজানো

১ Muff; হাত গরম রাখার জন্ত মহিলাদের ব্যবহার্য পশমের লুত্তানাবিশেষ।

সিঁড়ি দিয়ে ক্ষত নেমে এসে মুচনয় গর্ভকে সুভেনটিটুইঙ্কিদের বাড়ির দিকে রওনা হ'লো।

দ্বিতীয়বার পথে বেরিয়ে সে প্রথম নিজের চারপাশে চোখ মেলে শহরের দিকে, শীতের রাত্রির দিকে তাকালো।

বরফের মতো ঠাণ্ডা পড়েছে। বিয়ারের ভাঙা বোতলের তলাকার টুকরোর মতো পুরু, কালো বরফের কুচিতে পথ ছেয়ে আছে। ঐ বাতাসে নিখাস নিতে কষ্ট হচ্ছিলো তার। ধূসর হিমবিন্দুতে ভারি হ'য়ে আছে বাতাস, তার মুখে খোঁচা দিয়ে-দিয়ে তাকে যেন হুডহুড়ি দিচ্ছে, তার ছাইরঙা ফার-কোটের জ'মে-যাওয়া রোঁয়ার মতো। শূন্য পথ দিয়ে দুকদুক বৃকে এগিয়ে চললো সে, শব্দটা সবাইখানার রান্নার-ধোঁয়া-ওঠা দরজাগুলিকে পাশ কাটিয়ে। কুয়াশার মধ্য থেকে হঠাৎ বেরিয়ে আসে সসেজের মতো লাল রঙের মুখ, ঘোড়া আর কুকুরের মাথা—জ'মে যাওয়া বরফ তাদের মুখে যেন দাডি গজিয়ে দিয়েছে। বরফে আর তুষারে আচ্ছাদিত বাড়িঘরের জানলাগুলি খড়ির মতো শাদা, আলো-জ্বলা ক্রিসমাস-গাছের^১ রঙিন প্রতিচ্ছবি আর উৎসবকারীদের ছায়া জানলার অনচ্ছ কাচে ভেসে বেড়াচ্ছে, যেন ম্যাজিক লণ্ঠনের খেলা বসেছে রাস্তায়।

কামেরগের স্ট্রীটে পাশা যে-বাড়িতে থাকে তার সামনে দিয়ে যেতে-যেতে লারা থামলো, প্রায় ভেঙে পড়লো সে। ‘আর পারি না। আর সহ্য হয় না,’ প্রায় শব্দ ক’রে ব’লে উঠলো সে। ‘আমি যাবো, ওকে গিয়ে সব খুলে বলবো আমি।’ নিজেকে সামলে নিয়ে জমকালো প্রবেশপথের ভারি দরজা দিয়ে সে ভেতরে ঢুকলো।

^১ Christmas tree : ক্রিসমাসের সময় প্রতি বাড়িতে ঢেঁরা কাঠ আর রঙিন কাগজের সাহায্যে গাছ তৈরি করা হয়, তাতে ঝুলিয়ে দেওয়া হয় নানা রঙের আলো আর বাড়ির লোকদের জন্ত উপহার।—অনুবাদের টীকা।

পাশা, তার মুখ টকটকে লাল, জিভ প্রায় বেরিয়ে আছে, আয়নার সামনে দাঁড়িয়ে কলার, হাতার বোতাম আর কড়া-ইট্রি-করা শার্টের বোতামের ঘরের সঙ্গে যুদ্ধ করছিলো। এক পার্টিতে যাচ্ছে সে। এমন ছেলেমানুষ যে দরজায় টোকা না-দিয়ে ঘরে ঢুকে লারা তাকে তার অর্ধনগ্ন পোষাকে দেখে ফেলায় নিতান্তই বিব্রত বোধ করলো পাশা। কিন্তু তখন লারার উত্তেজনা লক্ষ্য করলো। ভালো ক'রে দাঁড়িয়েও থাকতে পারছিলো না লারা। প্রতি পদক্ষেপে ঘাঘরার প্রান্ত ঠেলে-ঠেলে এমনভাবে এগিয়ে এলো যেন সাবধানে কোনো নালা পার হচ্ছে।

পাশা ছুটে গেলো তার কাছে। ‘কী ব্যাপার? কী হয়েছে?’

‘আমার পাশে বোসো। বোসো না, এখন না-হয় পোষাক নিয়ে মাথা না-ই ঘামালে। আমার তাড়া আছে, এক মিনিটের মধ্যেই চ’লে যেতে হবে আমাকে। আমার দস্তানায় হাত দিয়ে না। দাঁড়াও, একটুক্ষণের জন্য এদিকে না-তাকিয়ে একটু ঘুরে দাঁড়াও তো।’

পাশা তা-ই করলে। লারা প’রে ছিলো দরজির তৈরি স্ট, জ্যাকেট খুলে ঝুলিয়ে রাখলো, রিভলভারটা তার পকেটে পুরে নিলে। তারপর সোফায় ফিরে গেলো।

‘এবার তাকাতে পারো। একটা মোমবাতি জ্বলে ইলেকট্রিক আলো নিবিয়ে দাও।’

অন্ধকারে, মোমের আলোয় কথা বলতে ভালোবাসে লারা, পাশা সেজন্য সর্বদাই বাড়তি মোম রাখে কাছে। মোমদানিতে নতুন বাতি বসিয়ে জানলার তাকে রেখে জ্বলে দিলে। একটু দপদপ করলো আগুনের শিখা, ছোটো-ছোটো আলোর ফুলকি ছিটোলো, তারপর জ্বলতে লাগলো জীরের মতো ডীপ আর সোজা হ’য়ে। ঘর ভ’রে গেলো নরম আলোয়। আগুনের তাপে জানলার কাচের ঐ অংশটুকুতে বরফ গ’লে গিয়ে ছোটো, কালো, উকি দেবার মতো একটা ফুটো তৈরি হ’লো।

‘কোনো পাশা,’ লারা বললে, ‘আমি বড়ো বিপদে পড়েছি, তোমার সাহায্য চাই। ভয় পেয়ো না—কিছু জিজ্ঞেসও করো না। কখনো

ভেবো না আমরা অল্প সকলের মতো হ'তে পারি। আমার কথা উড়িয়ে দিলে চলবে না। আমি সর্বদা এক বিপদের মুখে আছি। যদি আমাকে ভালোবাসো, যদি আমার সর্বনাশ না চাও, তা হ'লে আমাদের বিয়ে আর পেছিয়ে দিয়ো না।'

'কিন্তু আমি তো বরাবরই তা-ই চেয়ে আসছি,' পাশা ব'লে উঠলো। 'যেদিন বলবে সেদিনই আমি তোমাকে বিয়ে করবো। কিন্তু কিসের জ্ঞান এই অশাস্তি তোমার—আমাকে বলো। ধাঁধায় রেখে আর আমার যত্নগা দিয়ো না।'

কিন্তু লারা তার প্রশ্নটা এড়িয়ে গিয়ে অল্প প্রশ্ন তুললো। অনেকক্ষণ ধ'রে কথা বললে তারা, কিন্তু যে-সব বিষয়ে কথা বললে তার সঙ্গে লারার বিপদের কোনোই যোগ রইলো না।

১০

সে-বছর শীতে বিশ্ববিদ্যালয়ের স্বর্ণপদক-প্রতিযোগিতার জ্ঞান ইউরো চোখের স্বাস্থ্যতত্ত্ব বিষয়ে এক প্রবন্ধ তৈরি করছিলো। সাধারণ ডাক্তারি পড়লেও চোখের গঠনতত্ত্ব বিষয়ে তাব জ্ঞান প্রায় বিশেষজ্ঞের মতো।

সৃষ্টিপ্রতিভা, শিল্পে প্রতীক এবং ভাবের যুক্তিনির্ভরতার পারস্পরিক সম্পর্কবিষয়ে আগ্রহের মতো এ-বিষয়েও তার সহজাত কৌতূহল ছিলো।

কিন্তু তার চরিত্রের অন্তান্ত লক্ষণের সঙ্গে এই আগ্রহের সামঞ্জস্য ছিলো। সৃষ্টিশীলতা, শিল্পকলার চিত্রকল্প আর ধারণার যুক্তিনির্ভর গঠনের মধ্যে সম্বন্ধ কী, তার এই চিন্তা থেকেই দৃষ্টিতত্ত্ব বিষয়ে উৎসাহ জেগেছিলো তার। সে-মুহূর্তে সে আর টোনিয়া ভাড়া-করা স্নেজে ক'রে স্ভেন টি টি স্বিদের বাড়ি চলেছে।

এক সঙ্গে একই বাড়িতে শৈশব আর বয়ঃসন্ধির ছ'বছর কাটবার পর পরস্পরের বিষয়ে কিছুই তাদের জ্ঞানতে বাকি নেই। অভ্যেস, ধরনধারণ, একের রসিকতায় অন্যের শব্দ ক'রে হেসে ওঠা, সঙ্গময় নীরবতার মুহূর্তগুলি—সবই বলতে গেলে মুখস্থ। এখনো তারা প্রায় নিঃশব্দেই গাড়িতে চলেছে,

যে যার ভাবনায় মগ্ন, ঠাণ্ডার জন্ত দু'জনেরই ঠোঁট এঁটে বন্ধ হ'য়ে আছে।

ইউরা ভাবছিলো তার প্রতিযোগিতার তারিখের কথা, ভাবছিলো লেখাটার জন্ত আরো খাটতে হবে। তারপর বর্ষশেষের উৎসবমুখরিত রাস্তার কলরোলে অন্তমনস্ক হ'য়ে গেলো সে, অল্প অনেক কথা মনে পড়লো। গর্ভনের কাছে প্রতিক্রিত আছে তার সম্পাদিত ছাত্রদের সাইক্লোস্টাইল-করা পত্রিকায় ব্রকের^১ উপর একটা লেখা দেবে ; দুই রাজধানীতেই তরুণের দল সব ব্রকে নিয়ে পাগল, বিশেষত ইউরা আর গর্ভন। কিন্তু এই চিন্তাও আজ বেশিক্ষণ ইউরার মনকে ধ'রে রাখতে পারলো না। জামার গলার সঙ্গে থুতনি ঠেকিয়ে, জ'মে-বাওয়া কান ঘষতে-ঘষতে তারা চলেছে। যে যার ভাবনায় মগ্ন, কিন্তু একটা কথা তাদের দু'জনেরই মন ভ'রে রেখেছে।

আনার শয্যাপার্শ্বের দৃশ্য তাদের দু'জনের চোখে পরস্পরের এমন রূপান্তর ঘটিয়েছে যেন এই প্রথম তারা উপহার পেয়েছে দৃষ্টিশক্তি।

ইউরার কাছে তার পুরোনো বন্ধু টোনিয়া, যাকে সে এতোদিন পর্যন্ত তার জীবনের এক অংশ ব'লে ধ'রে নিয়েছে, যার বিষয়ে কখনো কোনো ব্যাখ্যা খোঁজে নি, হঠাৎ সে আজ তার ধরা-ছোঁয়ার বাইরে এক জটিলতম সম্ভা হ'য়ে উঠেছে। সে আজ রূপান্তরিত হয়েছে নারীতে। নিজেকে ইউরা সম্রাটরূপে, বীররূপে, যুগাবতার, দ্বিধিজয়ী রূপে কল্পনা করতে পারে, কিন্তু নারীরূপে কিছুতেই পারে না।

সেই চরম, সেই কঠিনতম দায়িত্বের ভার টোনিয়া তার ক্ষীণ, দুর্বল কাঁধে নিয়েছে ভাবতে (টোনিয়ার স্বাস্থ্য অবশ্য খুবই ভালো, কিন্তু ইউরার কাছে সে এখন ক্ষীণ এবং দুর্বল) ইউরার মন স্বগভীর সহানুভূতিতে আর সলজ্জ বিন্ময়ে ভ'রে গেলো—জন্ম নিলো প্রণয়ের প্রথম আবেগ।

ইউরার প্রতি টোনিয়ার মনোভাবের পরিবর্তনও ঠিক এমনি গভীর।

ইউরার মনে হ'লো তাদের বেরুনো বোধ হয় উচিত হয়নি। আনার জন্ত

^১ ব্লক (Alexander Blok, ১৮৮০-১৯২১) : রুশ কবি, রুশীয় কাব্যে প্রতীকিতার অন্ততম প্রবর্তক। এঁর প্রথম কাব্যগ্রন্থ প্রকাশিত হয়, ১৯০৪ সালে; এঁর প্রসিদ্ধতম কবিতা, 'The Twelve'।—অনুবাদের টীকা।

উদ্বেগ বোধ করছিলো সে। ঠিক যখন রওনা হচ্ছে তখন শুনলো আনা আর অতোটা স্নহবোধ করছেন না ; তারা আনার কাছে গেলো, কিন্তু আগের মতোই তাঁর কড়া হুঁম পার্টিতে যেতেই হবে। বাইরে আবহাওয়া এখন কী রকম?—আনা জিজ্ঞেস করেছিলেন। বাইরের দিকে তাকাবার জ্ঞ তারা জানলার ধারে গেলো, ফিরে আসার সময় নেটের পর্দা টোনিয়ার নতুন পোষাকের সঙ্গে খাঁটকে গেলো, পেছনে ঝুলে রইলো বিয়ের ওড়নার মতো। মিলটা এতো স্পষ্ট যে সবাই হেসেছিলো।

ঘুরে তাকিয়ে ইউরা এখন তা-ই দেখলে, একটু আগে লারা যা দেখে গেছে। জ'মে-যাওয়া রাস্তার ওপর স্নেজ-গাড়িগুলো অস্বাভাবিক তীব্র আত্ননাদ করছে, তার অস্বাভাবিক দীর্ঘ প্রতিধ্বনি উঠছে রাস্তা আর পার্কের বরফ-ঘেরা গাছের গায়ে-গায়ে। কুয়াশায় আচ্ছন্ন জানলাগুলির মধ্য দিয়ে ভেতরে আলো দেখা যাচ্ছে, সেই আলোতে বাড়িগুলিকে মনে হচ্ছে ধোঁয়াটে স্ফটিক দিয়ে তৈরি মহামূল্যবান বাস্তু। তার ভেতরে জলজল করছে মস্কোর ক্রিসমাস-কালীন জীবন, গাছে-গাছে জলছে মোমের আলো, নানারকম ফ্যান্সি-ড্রেসে সেজে অতিথিরা ছেলেমানুষি ফুঁটিতে ম'জে আছে, খেলা হচ্ছে লুকোচুরি, কানামাছি, আরো কত কী।

ইউরার মনে হ'লো আধুনিক রাশিয়ার জীবন এবং শিল্পকলায় ক্রিসমাসের প্রকাশ হয়েছে ব্লকের মধ্যে—এই উত্তর-দেশের জীবনের ক্রিসমাস, তারা-ভরা আকাশের তলায় তার আধুনিক পথঘাট, তার বিশ-শতকী বসবার ঘরের আলোকিত গাছগুলিকে^১ ঘিরে যে-জীবন, সেই জীবনের ক্রিসমাস। ইউরা ভাবলে যে ব্লকের ওপর কোনো প্রবন্ধ লেখার দরকারই নেই, তিন প্রাচ্য জ্ঞানীর যীশুদর্শনের ওলন্দাজ চিত্রের একটি রুশীয় প্রকরণ রচনা করলেই চলবে ; সে-ছবিতে থাকবে তুষার, নেকড়ে বাঘ আর ফার গাছের অঙ্ককার বন।

কামেরগের স্ট্রিট দিয়ে যেতে-যেতে ইউরা লক্ষ্য করলে এক বাড়ির জানলার কাছে বরফের আস্তরণের এক অংশ মোমের আগুনে গ'লে গেছে। তার আলো এসে রাস্তায় পড়েছে, যেন কোনো চোখের দৃষ্টির মতো। ইচ্ছাকৃত-

^১ Christmas tree-র কথা বলা হচ্ছে।—অনুবাদের দীক্ষা।

জাবে, আগুনের ঐ লিখা যেন পথের যানবাহনের ওপর লক্ষ্য রাখছে, আর অপেক্ষা করছে কারো জন্ত।

‘টেবিলে জলছিলো একটি মোমবাতি, জলছিলো...’ ফিসফিস ক’রে নিজের মনে বললে সে। একটা কবিতার আরম্ভ—অম্পট, আকারহীন ; কিন্তু কোনো-এক দিন রূপ নেবে হয়তো, যদিও তখন আর-কিছুই মনে এলো না।

১১

স্ভেনটিট্‌স্কিদের বাড়ির ক্রিসমাসের উৎসবে এক প্রাক-পুরাণিক প্রথা পালন করা হয়। দশটার সময়, বাচ্চাকাচ্চারা বাড়ি চ’লে গেলে, তরুণ-তরুণী ও বয়স্কদের জন্ত দ্বিতীয়বার আলো জালা হয় ক্রিসমাস-গাছে, তারপর উৎসব চলে ভোর পর্যন্ত। ব্রোন্ডের আংটায় ঝোলানো পর্দা দিয়ে নাচঘর থেকে আলাদা-করা ‘পম্পীয়’ ড্রয়িং‌রুমে ব’সে সারারাত ধ’রে বয়স্করা তাস খেলেন। ভোর হ’লে একসঙ্গে প্রাতরাশ করে সকলে।

‘এতো দেরি হ’লো কেন?’ স্ভেনটিট্‌স্কির ভাইপো জর্জ হলঘর দিয়ে স্ল্যাটের পেছনে তার কাকা-কাকিমার মহলের দিকে ছুটতে-ছুটতে জিজ্ঞেস করলো। ইউরা আর টোনিয়া ওভারকোট আর টুপি খুলে নিয়ে তাদের নিমন্ত্রণকর্তার সঙ্গে দেখা করতে যাবার আগে নাচঘরের দিকে তাকালো একবার।

যারা নাচছে না, তারা পোষাকের খসখস শব্দ ক’রে, একে অন্ডের পায়ের বুড়ো আঙুল মাড়িয়ে দিচ্ছে ; দেখতে মনে হচ্ছে যেন স্তরে-স্তরে আলো দিয়ে সাজানো উষ্ণ-নিবসিত ক্রিসমাস-গাছের পাশে-পাশে একটা কালো দেয়ালের মতো তারা ন’ড়ে-চ’ড়ে বেড়াচ্ছে আর কথা বলছে।

ঘরের মাঝখানে টলতে-টলতে ঘুরপাক খাচ্ছে নাচিয়েরা। তাদের জুড়ি মেলানো বা লাইন সাজানোর ভার নিয়েছে তরুণ কোকা কর্নাকভ—আইনের ছাত্র সে, তার বাবা পাব্লিক প্রসিকিউটর-এর সহকারী। নাচের আসরে সে-ই নাট্যকল্প করছে। গলার স্বর সপ্তমে তুলে ঘরের এ-মাথা থেকে ও-মাথা

পর্যন্ত চীৎকার করছে সে : ‘মহামণ্ডল!’ ‘চীনে শেকল!’^১ আর অল্প সবাই তার নির্দেশ পালন করছে। ‘এবার ওঅল্‌জ হোক!’ — গিয়ানো-বাদকের উদ্দেশ্যে সে চীৎকার করলে। শুরু হ’লো ওঅল্‌জ; নাচের গতি ক্রমশ ধীর ক’রে এনে সঙ্গিনীকে ক্ষুদ্র থেকে ক্ষুদ্রতর বৃত্তের আকারে ঘোরাতে-ঘোরাতে নাচতে লাগলো কোকা, শেষ পর্যন্ত মনে হ’লো যে ওঅল্‌জের মিলিয়ে-মাওয়া প্রতিধ্বনির সঙ্গে তারা কোনোরকমে তাল মিলিয়ে চলছে কি চলছে না। সবাই হাততালি দিলে; আইসক্রীম আর নানা রকম ঠাণ্ডা পানীয় পরিবেশন করা হ’লো সেই মুখর, সচল, অস্থির ভিড়ের মধ্যে।

উত্তেজিত তরুণ-তরুণীরা, ঠাণ্ডা টকজামের রস^২ আর লেমনেডে চুমুক দিতে-দিতেও এক মুহূর্তের জন্য চীৎকার আর হাসি থামাচ্ছে না, অথচ ট্রে-র ওপর গ্লাস নামিয়ে রাখার সঙ্গে-সঙ্গেই আগের চাইতে আরো দৃশ্যগোচর বেশি জোরে গোলমাল শুরু ক’রে দিচ্ছে, যেন তারা এমন-কিছু খেয়েছে যাতে তাদের ক্ষুধা আরো উদ্বেল হ’য়ে উঠলো।

নাচঘরে না-থেকে ইউরা আর টোনিয়া তাদের নিয়ন্ত্রণকর্তার ঘরগুলির ভেতর দিয়ে ফ্ল্যাটের অগ্ন্যস্তরের দিকে এগিয়ে গেলো।

১৫

১২

নাচঘর আর বসবার ঘর থেকে যে-সব আসবাব সরিয়ে দেওয়া হয়েছে বাড়ির পেছন দিকের ঘরগুলি তাতে ঠাসা। সেখানে সুভেনটিটুস্কিরা তাঁদের বডোদিনির কারখানা, তাঁদের মায়াবী পাকশালা সাজিয়েছেন। ঘরভরা রঙের আর গঁদের গন্ধ, রঙিন কাগজের মোড়ক, কাগজের টুপি, আর বাড়তি মোমবাতি প্রত্যেকটি চেয়ারের ওপর স্থপীকৃত হ’য়ে আছে।

সুভেনটিটুস্কিরা স্বামী-স্ত্রীতে ব’সে উপহারের কার্ডে সাপার-টেবিলের আসন আর লটারির টিকিটের নম্বর লিখছিলেন। জর্জ তাঁদের সাহায্য করছিলো; কিন্তু অনবরত ভুল শুনে সব-কিছু গুলিয়ে ফেলছিলো ব’লে

১ বিভিন্ন নাচের ফরাসী নাম। — অমুবাদকের টীকা।

২ Cranberry : ছোটো ঘন-লাল রঙের একরকম জাম। উত্তর আমেরিয়ায় জন্মায়।

— অমুবাদকের টীকা।

বিরক্তিতে গজগজ করছিলেন তাঁরা। টোনিয়া আর ইউরার আশাতে দারুণ খুশি হ'লেন ঠঁরা, বাচ্চা অবস্থায় তাদের দেখেছেন—ভূমিকা না-ক'রে কাজে লাগিয়ে দিলেন।

‘কেলিটসাটা সেমিওভনা বোঝে না যে উৎসবের মাঝখানে, অতিথিরা যখন সব এসে গেছে তখন না-ক'রে এ-সব অনেক আগেই ক'রে রাখা উচিত ছিলো।—জর্জ কী করলে ছাখো—মিষ্টির খালি বাক্সগুলো থাকবে সোফায় আর চিনির শিরেয় ডোবানো বাদামভাজা থাকবে টেবিলে—তুমি ঠিক উন্টোটা করলে।’

‘খুব খুশি হয়েছি আনেট ভালো আছে শুনে। পিয়ের আর আমি বড় ভাবনায় ছিলাম।’

‘তা ঠিক, তবে কী জানো, আনেটের শরীর আরো খারাপ। ভালো নয়, বুঝেছো তো, আরো খারাপ। আগু-পিছু গুলিয়ে ফেলো তুমি।’

শেষ পর্বন্ত ইউরা আর টোনিয়াকে অর্ধেকটা সন্ধ্যাই জর্জ আর মৃত্তন-টিট্‌স্কিদের সঙ্গে নেপথ্যে কাটাতে হ'লো।

১৩

এতোকণ লারা ছিলো নাচঘরে। তার পরনে সান্ধ্য পোষাক নেই, এখানে কাউকে সে চেনে না, তবু থেকে গেলো, স্বপ্নচারীর মতো ওঅল্‌জ্‌ নাচলে কোকার সঙ্গে, কখনো বা নিরুদ্দেশভাবে ঘরের মধ্যে ঘুরে বেড়ালো।

ছ'একবার থমকে দাঁড়িয়ে বসবার ঘরের সামনে সে ইতস্তত করেছে, আশা করেছে কমারোভস্কি যখন দরজার দিকে মুখ ক'রে ব'সে আছে তাকে হয়তো দেখতে পাবে। কিন্তু কমারোভস্কি বা হাতে তাসগুলি ঢালের মতো ক'রে ধ'রে নিজের মুখ আড়াল ক'রে রেখেছে, হয়তো সে তাকে সত্যিই দেখতে পায়নি, কিংবা হয়তো দেখেও না-দেখার ভান করছে। আত্মগ্লানিতে লারার দম আটকে আসছিলো। নাচঘর থেকে একটি মেয়ে—লারা তাকে চেনে না—ভেতরে গেলো, আর কমারোভস্কি যে-ভঙ্গিতে তার দিকে তাকালো সে-ভঙ্গি লারা চেনে। স্তম্ভকতায় খুশি হ'য়ে হাসলো মেয়েটি, তার গাল

লাল হ'য়ে উঠলো, লজ্জায় লাল হ'য়ে গেলো লারা, প্রায় আতঁনাদ বেরিয়ে এলো তার গলা চিরে। 'নতুন শিকার', মনে-মনে বললে লারা, সেই মেয়েটি যেন আরশি, তার মধ্যে নিজেকে সে দেখতে পেলে। কমারোভস্কির সঙ্গে কথা বলার সংকল্প তখনো সে ত্যাগ করলো না, তবে ঠিক করলো যে পরে আরো সুবিধেমতো সময়ে বলবে। জোর ক'রে নিজেকে শাস্ত ক'রে লাবা নাচঘরে ফবে গেলো।

আরো তিনজনের সঙ্গে তাস খেলতে বসেছিলো কমারোভস্কি, তার বাঁ পাশে যিনি বসেছিলেন তিনি হলেন কর্নাকভ—কোকা, অর্থাৎ যে-কেতাহুরন্ত তরুণটির সঙ্গে লারা আবার নাচছিলো, তার বাবা। ছেলেটির সঙ্গে দু' একটা কথাবার্তা বলবার পরেই এই খবর সে সংগ্রহ করতে পেরেছে। ওর মা হলেন কালো পোষাক-পরা ঐ লম্বা শ্রামলা রঙের মহিলাটি, যিনি দুটি জলজলে চোখ আর বিশ্রী সাপের মতো গলা নিয়ে ক্রমাগত নাচঘর আর বসার ঘরে যাওয়া-আসা করতে-করতে লারা বাঁধছেন কান্ডাত পদে পদে তাসে ময় দ্বারীর ঝপস। এবং অবশেষে লারা জানলো যে-মেয়েটি তার মনে এমন জটিল অতুভূতি জাগিয়েছিলো সে কোকার বোন, আর তার সন্দেহ সম্পূর্ণ ভিত্তিহীন।

কোকা প্রথম যখন নিজের নাম বলেছিলো তখন তার পদবীর প্রতি মনোযোগ দেয়নি লারা, কিন্তু ওঅল্জ নাচের শেষ চেউয়ে ভাসিয়ে লারাকে একটা চেয়ারের কাছে নিয়ে যেতে-যেতে সে অভিবাদন ক'রে আবার নিজের পদবী বললে। 'কর্নাকভ, কর্নাকভ।' কী যেন মনে করিয়ে দিলো তাকে। কোনো অপ্রীতিকর ঘটনা।—হ্যাঁ, তাই তো, এইবার তার মনে পড়েছে। মস্তো আদালতে যখন রেল-কর্মচারীদের বিচার হ'লো—টিভেরজিনও তাদের মধ্যে ছিলো—সহকারী পাবলিক প্রসিকিউটর কর্নাকভ তখন এক রক্ষণশীল বক্তৃতা দেন। লারার অতুরোধে কলোগ্রিভভ তাঁকে বোঝাতে গিয়েছিলেন, কিন্তু লাভ হয়নি কিছু। ও, তা-ই—বেশ, বেশ, বেশ, কী অতুত... কর্নাকভ।

রাত প্রায় দুটো। ইউরার কান বাঁ-বাঁ করছে। মাঝে একটু বিশ্রাম গেছে, ছোটো-ছোটো কেক বিস্কুট সহযোগে চা-পানের পর নাচ শুরু হয়েছে আবার। গাছের ওপর মোমগুলি গ'লে যাচ্ছে, কিন্তু বদলাবার কথা কেউ আর ভাবছে না।

নাচঘরের মাঝখানে অন্তমনস্কভাবে দাঁড়িয়ে ইউরা টোনিয়াকে দেখছিলো : এক অপরিচিত ব্যক্তির সঙ্গে সে নাচছে। ঢেউয়ের মতো টোনিয়া একবার তার কাছে চ'লে এলো, তার সাটিনের ঘাঘরার ঝালর মাছের মতো লাফিয়ে উঠলো, তারপর টোনিয়া আবার অদৃশ্য হ'লো।

নিদারূণ উত্তেজিত হ'য়ে আছে টোনিয়া। বিশ্রামের সময় চায়ের বদলে অগ্নিনিবৃত্তি কমলালেবু খেয়ে সে তেষ্ঠা মিটিয়েছে, একের পর এক কোয়া খুলেছে, আঙুল আর ঠোঁটের কোনা মুছে চলেছে ফলের মঞ্জরীর মতো আকারের এক রুমাল দিয়ে। অনর্গল কথা বলেছে আর হেসেছে, হাতের রুমালটা কখনো বের করেছে, কখনো কোমরে গুঁজেছে, কখনো ঢুকিয়েছে জামার হাতায়, কখনো গলার ঝালরের তলায়।

এইমাত্র, তার অচেনা সঙ্গীর সঙ্গে ঘুরপাক খেতে-খেতে সে যখন ইউরার গা ঘেঁষে চ'লে গেলো, হাত বাড়িয়ে ইউরার হাতের ওপর চাপ দিয়ে মুহূর্তে হেসেছিলো টোনিয়া। তার হাতের রুমালটা ইউরার আঙুলের ফাঁকে আটকে রইলো। রুমালটা ঠোঁটে চেপে ধ'রে ইউরা চোখ বুজলো। রুমালে কমলালেবুর আর টোনিয়ার হাতের গন্ধ—ইউরাকে একই রকম মুগ্ধ করলো। ইউরার জীবনে এ একেবারে নতুন, এমন অস্বভাবি আগে কখনো হয়নি তার, এতো তীব্র, এতো তীক্ষ্ণ, যেন মাথা থেকে পায়ের গোড়ালি পর্যন্ত তাকে দীর্ণ ক'রে দিচ্ছে। এই স্ববাস যেন শিশুর মতো সরল, অন্ধকারে ফিসফিস ক'রে একটি কথা বলা হ'লো যেন—বুদ্ধি ও বন্ধুতায় ভরপুর। রুমালটা সে বারবার তার চোখে আর ঠোঁটে চেপে ধরলে, তার কোমল গন্ধে হারিয়ে ফেললে নিজেকে। ঠিক সেই মুহূর্তে বাড়ির মধ্যে থেকে বন্ধুকের গুলির শব্দ শোনা গেলো।

সকলে ঘুরে দাঁড়িয়ে বসার ঘর আর নাচঘরের মাঝখানকার পরদার দিকে তাকালো। মুহূর্তমাত্রের নিস্তব্ধতা, তারপরই কলরব শুরু হ'য়ে গেলো।

হৈ-চৈ ক'রে ছুটোছুটি করতে লাগলো কেউ-কেউ, কেউ বা কোকার পেছন-পেছন ছুটলো বসার ঘরের দিকে, কারণ সেখান থেকেই গুলির আওয়াজ এসেছে, এবং আরো অনেকে বেরিয়ে আসতে লাগলো সে-ঘর থেকে, তারা ফুঁপিয়ে কাঁদছে, তর্ক করছে, আর সকলে একসঙ্গে কথা বলছে।

‘এ ও কী করলো, এ ও কী করলো?’ কমারোভস্কি মরীয়ার মতো ব'লে চলেছে।

‘বোরিয়া, বোরিয়া, বলো, তুমি বেঁচে আছো, বলো!’ শ্রীমতী কর্নাকভ বিকারগ্রস্তের মতো চীৎকার করছিলেন। ‘ডাক্তার ডুকভ কোথায়—উনি নাকি এখানে ছিলেন শুনলাম।—ওঃ, কিন্তু কোথায়, কোথায়? কোথায় তিনি?—কী ক'রে, কী ক'রে বলতে পারলে যে তোমার কিছু হয়নি, একটু ছ'ড়ে গেছে কেবল? আমি যে ঠিক কথাই বলেছিলাম এই হ'লো তার প্রমাণ। ও-সব গুণাগুলোর কীর্তি উনি ফাঁস ক'রে নিয়েছিলেন! এখন জাখো, কী রকম লোক ওরা। ওগো, তুমি যে তোমার সত্যের জন্ত শহীদ হ'তে চলেছো!—ঐ যে নোংরা মাগিটা, ঐ যে! তোর চোখ গেলে দেবো আমি বেবুশ্চো কাঁহাকার, দেখি তুই কী ক'রে পালাস। কী বললেন, কমারোভস্কি মশাই? আপনি? আপনাকে লক্ষ্য ক'রে গুলি ছুঁড়েছিলো? না, না, এ আমি আর সহ করতে পারছি না, এষে আমার সর্বনাশের সময়, কমারোভস্কি, আপনার ঠাট্টায় কান দেবার সময় এখন আমার নেই।—কোকা, কোকা, সোনা আমার, বিশ্বাস করতে পারিস? ও তোর বাবাকে খুন করার চেষ্টা করেছিলো...হ্যাঁ...কিন্তু...ঈশ্বর আছেন! কোকা! কোকা!’

ভিড় বসবার ঘর থেকে নাচঘরে গড়িয়ে এলো। কর্নাকভ সকলের সামনে; বাঁ হাতের আঁচড়ের ওপর একটা ছাপকিন জড়াতে-জড়াতে হাসিমুখে তিনি সকলকে আশ্বাস দিচ্ছিলেন যে তাঁর কিছু হয় নি। এদের ঠিক পেছন-পেছন আর-একটি দল এলো, তারা যেন লারাকে হাতে ধ'রে হিটড়ে টেনে নিয়ে আসছে।

ইউরা স্তম্ভিত হ'য়ে গেলো।—আবার এই মেয়ে! আবারও এমন এক অসাধারণ পরিবেশ! আর আবার তার কাছাকাছি সেই পাকা-চুলওয়া ভদ্রলোক। কিন্তু এখন ইউরা লোকটিকে চেনে। এ হ'লো সেই

নাম-ডাক-ওলা উকিলটি, তার বাবার সম্পত্তির সঙ্গে যে কী ভাবে যেন জড়িত। অভিবাদন করার অবশ্য কোনো দরকার নেই। তারা দু'জনে দু'জনকে না-চেনার ভান করে। আর এই মেয়েটি...তাহ'লে এই মেয়েটিই গুলি ছুঁড়েছিলো? প্রসিকিউটর মশাইকে লক্ষ্য ক'রে? নিশ্চয়ই কোনো রাজনৈতিক কারণে? আহা, বেচারি। এবার দুর্ভোগ আছে ওর কপালে। কী গর্বিত ওর রূপ! আর ঐ ছোকরাগুলো ওকে টেনে আনছে, এমনভাবে হাত মুচড়ে দিচ্ছে যেন চোর ধরেছে।

কিন্তু তক্ষুনি বুঝলো যে সে ভুল করেছে। লারা অজ্ঞান হ'য়ে যাচ্ছিলো, ওরা ধ'রে রেখেছে তাকে। প্রায় কোলে তুলে নিয়ে যাওয়া হ'লো সব চেয়ে কাছের আরাম কেদারায়, সেখানে পৌঁছেই অজ্ঞান হ'য়ে গেলো সে।

ইউরা তাকে ধ'রে নিয়ে আসতে সাহায্য করবার জগ্ন এগিয়ে যাচ্ছিলো, কিন্তু ভাবলো যাকে গুলি ছোঁড়া হয়েছে তার দিকে প্রথমে নজর না-দিলে ভালো দেখায় না।

‘আমি কি কোনো সাহায্য করতে পারি? আমি ডাক্তার,’ কর্নাকভকে বললে সে। ‘আপনার হাতটা দেখান তো আমাকে। যাক, আপনার ভাগ্য আছে বলতে হবে। এমন কি ব্যাণ্ডেজ বাঁধারও দরকার নেই। একটু আইওডিন লাগালে অবশ্য কোনো ক্ষতি নেই।—ঐ যে ফেলিটসাটা সেমিওনোভনা, ওঁর কাছে আইওডিন আছে নিশ্চয়ই।’

ফেলিটসাটা আর টোনিয়া তার দিকেই আসছিলো। ফ্যাকাশে, স্তম্ভিত দেখাচ্ছে তাদের দু'জনকে। ইউরাকে বললে সব ছেড়ে তক্ষুনি কোট প'রে নিতে। বাড়ি থেকে খবর এসেছে, এক্ষুনি যেতে হবে তাদের।

সব চেয়ে খারাপ যা হ'তে পারে তাই আশঙ্কা করলো ইউরা; সব ভুলে সে তার টুপি আর কোট নিয়ে আসতে ছুটলো।

আনাকে তারা আর জীবিত দেখলে না। সিঁড়ি বেয়ে ছুটতে-ছুটতে উঠে তারা যখন তাঁর ঘরে গিয়ে দাঁড়ালো তার দশ মিনিট আগে আনা মারা

গেছেন। ফুলফুলে খুব বেশি জল জমে তা থেকে ইঁপানির টান ওঠে— সেটাই মৃত্যুর কারণ হ'লো। অসুখটা ঠিক সময়ে ধরা পড়েনি। প্রথম কয়েক ঘণ্টা টোনিয়া চীৎকার করলো, মেঝেতে মাথা ঠুকলো, কাউকে চিনলো না। পরদিন একটু শান্ত হ'লো বটে, কিন্তু তার বাবা অথবা ইউরা কিছু বললে জবাবে মাথা নাড়া ছাড়া আর-কিছু পারে না তখনো; মুখ খুলতে গেলেই তার শোক তাকে অভিভূত ক'রে ফেলে, এমন চীৎকার ক'রে ওঠে যেন তাকে ভূতে পেয়েছে।

আত্মার সদগতির জন্তু যে-সব প্রার্থনা করা হয়, তার ফাঁকে-ফাঁকে টোনিয়া ঘণ্টার পর ঘণ্টা মৃত্যুর পাশে ব'সে থেকেছে নতজানু হ'য়ে; তার বড়ো-বড়ো সুন্দর হাতে ফুলের তোড়া দিয়ে ঢাকা উঁচুতে রাখা কফিনের একটি কোনা মুঠো ক'রে ধ'রে রেখেছে। তার চার পাশে কাউকেই সে লক্ষ্য করছিলো না; কিন্তু যখন কোনো আপনজনের চোখে তার চোখ প'ড়ে গেছে, দ্রুত উঠে দাঁড়িয়েছে সে, ঘরের বাইরে চ'লে গিয়েছে, কোনোরকমে কান্না চাপতে-চাপতে ওপরে উঠে গিয়ে বিছানার ওপর আছড়ে প'ড়ে বালিসে মুখ গুঁজে তার ঝোড়ো শোক দমন করেছে।

মনের কষ্টে, ঘণ্টার পর ঘণ্টা দাঁড়িয়ে থাকার ভ্রমে, ঘুমের অভাবে, প্রার্থনার গম্ভীর স্বরে, দিনে-রাত্রে চোখ-বলসানো মোমের আলোতে, তার ওপর সর্দির প্রকোপে, ইউরা যেন ঘুমে, স্বর্গীর আনন্দে, শোকে আর কোমল বিহ্বলতায় স্তম্ভিত হ'য়ে ছিলো।

দশ বছর আছে তার মা যখন মারা যান তখন সে শিশু ছিলো। এখনো মনে আছে, তার সেই ভয় আর শোকের সাক্ষ্যহীন কান্না। তখন তার কাছে নিজের অস্তিত্বের কোনো মূল্য ছিলো না। এমন কি একথাটাও যেন উপলব্ধি করতে পারতো না যে ইউরা নামে কোনো স্বতন্ত্র সত্তার অস্তিত্ব আছে, কোনো মূল্য বা আকর্ষণ আছে তার। তখন বা-কিছু মূল্যবান ব'লে বোধ হ'তো সবই তার বাইরে, তার আশে-পাশে। চারপাশ থেকে এসে তার চৈতন্ত হানা দিতো সেই ঘন, অনস্বীকার্য, বহির্জগৎ, অরণ্যের মতো স্পর্শময়, মা মারা যাবার পর তাই সে অত বিচলিত হয়েছিলো, মনে হয়েছিলো তাঁর পাশে চলতে-চলতে বনের মধ্যে কখন যেন নিজেকে হারিয়ে ফেলেছে;

হঠাৎ তাকিয়ে জাখে মা নেই, সে একা। এই পৃথিবীর প্রতিটি বস্তু দিয়ে তৈরি হয়েছে ঐ বন ; যা-কিছু তার পরিচিত, সব আছে সেখানে—মেঘ আর দোকানের সাইনবোর্ড, গির্জের ঘণ্টার সোনালি চুড়ো, আর সেই সব অখারোহীরা যারা পুণ্যময়ী চিরকুমারীর গাড়ির আগে-আগে চলে, পবিত্র মূর্তির^১ প্রতি সম্মান দেখিয়ে টুপির বদলে কান-ঢাকা প'রে। সেই বনে আছে দোকানের সাইনবোর্ড, ঢাকা বারান্দা, অগম্য তারা-ভরা রাত্রির আকাশ আর মঙ্গলময় ঈশ্বর আর সাধু-সন্তরা।

নার্স যখন তাকে ভগবানের কথা শোনাতে তখন সেই উচু ও অগম্য স্বর্গ অনেক নিচে নেমে এসে যেন ঘিরে থাকতো নার্সের জামার প্রাস্তভাগ। স্বর্গ তখন খুব কাছে, হাত বাড়িয়ে তাকে ছোঁয়া যায়, খাড়ির ধারের হেজেল-ঝাড়ের মাথার মতো, যার ভালপালা টেনে সবাই বাদাম পাড়ে। স্বর্গ যেন মুখ ভোবাতো তার সোনালি রঙের ফুল-আঁকা নার্সারির মুখ ধোবার লাল গামলায়, আর সেই আগুন আর সোনা রঙে স্নান ক'রে নিজেকে রূপান্তরিত করতো গির্জের উপাসনায়—সেই গলির ছোট্ট গির্জা যেখানে সে যেতো তার নার্সের সঙ্গে। সেখানে স্বর্গের তারারা রূপান্তরিত হ'তো প্রতিমার সামনেকার আলোয়, মঙ্গলময় ঈশ্বর রূপ নিতেন মঙ্গলময় পিতার, আর সকলেই নিজ-নিজ কর্তব্য আশ্রাণ পালন করছে। কিন্তু সবচেয়ে গভীরভাবে যা অরণ্যের মতো অন্ধকারে তাকে ঘিরে থাকতো, তা হ'লো বয়স্কদেহ জগৎ, নগরের জগৎ, আর সে, তার অর্ধজাস্তব আস্থা নিয়ে, যিনি সেই সেই বনের রক্ষক সেই ঈশ্বরে বিশ্বাস করতো।

এখন সবই বদলে গেছে। স্কুল আর কলেজের এই বারো বছরে পুরাণ, ধর্মগ্রন্থ, উপকথা, আর কবিতা, ইতিহাস আর প্রকৃতিবিজ্ঞান এমনভাবে পড়েছে যেন এ-সব তার বংশের ঠিকুজি। এখন কিছুতেই আর ভয় নেই তার, জীবনের ভয় নেই, মৃত্যুর ভয় নেই ; তার অভিধানে এ-পৃথিবীতে যা-কিছু আছে সব-কিছুর, প্রতি বস্তুর নাম লেখা হ'য়ে গেছে। ইউরার মনে হয় এই বিশ্ব-ব্রহ্মাণ্ডের সে সমপদস্থ, তাই মায়ের জন্ত প্রার্থনা

^১ ইন্ডিয়ান কুমারীর মূর্তিকে জাগ্রত ব'লে মানা হ'তো; গাড়িতে ক'রে অহু ও মৃতকল্পের কাছে এই মূর্তি বহন ক'রে নেওয়া হ'তো।

শিশুকালে যে-ভাবে তার কানে বেজেছিলো, আনার জন্ত প্রার্থনা আজ আর সে-ভাবে বাজলো না। তখন বিহ্বলতায়, ভয়ে যন্ত্রণায় সে প্রার্থনা করেছিলো। এখন সে এমনভাবে উপাসনা শোনে যেন এ তার ব্যক্তিগত বার্তা, তার ওপর প্রত্যক্ষ এর প্রভাব। প্রতিটি শব্দ মন দিয়ে শোনে সে, আশা করে অল্প যে-কোনো গম্ভীর আলোচনার মতো এদেরও স্পষ্ট অর্থ থাকবে। আকাশের তেজ, যুক্তিকার শক্তি—এদের বিষয়ে তার যা অনুভূতি, তার সঙ্গে তার ধর্মচেতনার আর যোগ নেই, কেননা সেগুলিকে সে এখন শ্রদ্ধা করে নিতাস্থি তার পূর্বপুরুষ হিসেবে।

১৬

‘হে পবিত্র ঈশ্বর, হে পবিত্র ও শক্তিমান, হে পবিত্র ও চিরন্তন, আমাদের ওপর তোমার করুণা বর্ষিত হোক।’ কী হচ্ছে? সে কোথায়? কফিন নিয়ে যাওয়া হচ্ছে। তাকে এখন জাগতেই হবে। ভোর ছ’টার সময় সেই জামাকাপড়েই চেয়ারে ব’সে-ব’সে ঘুমিয়ে পড়ছিলো সে। নির্ঘাৎ জর হয়েছে তার। এখন সারা বাড়িতে তাকে খুঁজে বেড়াচ্ছে সবাই, কিন্তু লাইব্রেরির এই কোনায় বইয়ের তাকের পেছনে খোঁজ করবার কথা কেউ ভাবছেও না।

‘ইউরা! ইউরা!’ মার্কেল ডাকছিলো তাকে। কফিন বের করা হচ্ছে এখন। মার্কেলকে যেতে হবে ফুল নিয়ে, ইউরাকে খুঁজছে সাহায্যের জন্ত, কিন্তু কোথায় সে? আরো গোল বাধলো: শোবার ঘরে ফুলের মালাগুলি স্তূপাকার ক’রে রাখা ছিলো, আনতে গিয়ে মার্কেল আটকা প’ড়ে গেলো সে-ঘরে, কেননা সিঁড়ির চত্বরে সেই আলমারিটার কপাট খুলে গিয়ে শোবার ঘরের দরজাটিকে বাইরে থেকে আটকে দিয়েছে।

‘মার্কেল! মার্কেল! ইউরা!’ একতলা থেকে চীংকার করছিলো সবাই। দরজায় এক লাথি মেরে মার্কেল বাধা ডিড়োলো, কিছু ফুলের মালা নিয়ে দৌড়োলো সে।

‘হে পবিত্র ঈশ্বর, হে পবিত্র ও শক্তিমান, হে পবিত্র ও চিরন্তন,’ শব্দগুলি

ধীরে-ধীরে রাস্তার ওপর দিয়ে ব'য়ে চলেছে, সহজে মিলিয়ে যাচ্ছে না। একটি পালক যেন নরম হাত বুলিয়ে গেলো বাতাসের গায়ে, সব যেন ছলছে—ফুলের মালা, পথচারী, ও ঘোড়াদের কেশরওলা মাথা, পুরোহিতের হাতের ধুতি, আর তাদের সবার পায়ের তলায় শাদা মাটি।

‘ইউরা! হা ভগবান। যাক, শেষ পর্যন্ত পাওয়া গেলো তোমাকে,’ শুরা গ্লেক্সের তার কাঁধ ঝাঁকালেন। ‘কী হয়েছে তোমার? কফিন নিয়ে যাবে এবার। তুমি আমাদের সঙ্গে আসছো তো?’

‘হ্যাঁ, নিশ্চয়ই।’

১৭

অন্ত্যেষ্টি হ'য়ে গেলো। ঠাণ্ডায় পা ঘষতে-ঘষতে এগিয়ে এলো ভিথারির দল, দুই সারে দাঁড়ালো। কফিনের গাড়ি, ঘোড়ার গাড়ি ভরা ফুলের মালা, আর ক্যুগেরদের গাড়ি আশ্তে নড়লো, অল্প ছলে উঠলো। গির্জের আরো কাছে গাড়িগুলিকে নিয়ে এলো কোচোয়ানেরা। শুরা গ্লেক্সের চোখের জলে ভেজা মুখ নিয়ে গাড়ি থেকে নামলেন। মাথার স্যাঁৎসেতে ওড়না তুলে অম্লসন্ধানী দৃষ্টিতে গাড়ির সারের দিকে তাকালেন তিনি; শববাহীরা যেখানে অপেক্ষা করছিলো সেই গাড়ির দিকে নজর পড়তে মাথা নেড়ে ডেকে নিলেন তাদের, তারপর তাদের সঙ্গে গির্জের ভেতর মিলিয়ে গেলেন। ক্রমেই লোক বেড়ে চলেছে।

‘তা—আনা ইভানোভনা তাহ'লে গেলেন। আমাদের মধ্যে আর নেই তিনি—এর চেয়ে ভালো জায়গায় চ'লে গেলেন—বেচারি!’

‘হ্যাঁ, তাঁর জীবন তো বেঁচে নিলেন তিনি। এবার বিশ্রাম।’

‘সঙ্গে গাড়ি আছে তোমার, না কি এগারো নম্বর ধরবে?’

‘এতোকণ দাঁড়িয়ে থেকে পায়ে ঝাঁঝ ধ'রে গেছে। একটু পা টান ক'রে বস। যাক, তারপর একটা গাড়ি নিয়ে নেবো।’

‘দেখেছিলে—ফুককভ কেমন ভেঙে পড়েছিলো? আনার দিকে তাকিয়ে থাকতে-থাকতে দরদর ক'রে জল পড়ছিলো ওর গাল বেয়ে, বার-বার নাক

বাড়ছে—আর একদৃষ্টে তাকিয়ে আছে। আবার আনার স্বামীর ঠিক পাশেই দাঁড়িয়েছিলো।’

‘আরে বরাবরই তো আনার দিকে ওর নজর।’

এমনি ক’রে শহরের অপর প্রান্তে কবরখানার দিকে এগিয়ে চললো তারা। শব্দ বরফ গলতে শুরু করেছে আজ। ভারি, শুষ্ক এক দিন, বরফের শেষ, জীবনের সমাপ্তির এক দিন—এই দিন যেন অন্ত্যেষ্টির জন্তই চিহ্নিত। কবরখানার রেলিঙের ফাঁক দিয়ে নোংরা বরফের স্তূপগুলিকে দেখা যাচ্ছে—কুঁচকোনা কাপড় আর পশমের ফাঁক দিয়ে উঁকি দিচ্ছে যেন, গলানো রূপোর মতো ভেজা আর কালো বরফ যেন শোকের পোষাক প’রে আছে।

এই গির্জের কবরখানাতেই ইউরার মাকে কবর দেওয়া হয়েছিলো। সম্প্রতি ইউরা তাঁর কবরে আসেনি। সেদিকে তাকিয়ে ইউরা মুহূষ্মে ডাকলো, ‘মা!’ প্রায় তেমনি ক’রে ডাকলো যেমন ডেকেছিলো অনেক বছর আগে।

গম্ভীর ছবির মতো কয়েকটি দলে ভাগ হ’য়ে-হ’য়ে সবাই ফিরে আসতে লাগলো; পরিষ্কার ক’রে ঝাঁট-দেওয়া পথের বাঁকগুলি যেন শোকার্ত লোকদের মাপা ও ব্যথিত পদক্ষেপের সঙ্গে খাপ খায় না। টোনিয়া হাঁটছিলো তার বাবার হাতে হাত রেখে। তাদের পেছনে আসছে ক্রুগেররা। কালো পোষাকে ভালো দেখাচ্ছে টোনিয়াকে।

আলগা মাটির মতো আঁশওলা বরফ যেন হঠাৎ গজিয়ে উঠেছে মঠের গোলাপি দেয়ালের গায়ে, গির্জের চুড়োয় ক্রুশের শেকলে। মঠের উঠানের দূর কোনে দেয়াল থেকে দেয়াল পর্যন্ত কাচা কাপড় ঝুলছে—ভারি, ভেজা শার্ট, চাদর, গীচ-রঙা টেবিলের কাপড়। ইউরা চিনতে পারলে, গির্জের মঠের এই সেই অংশ যেখানে সেই রাত্রে তুষারের ঝড় তাণ্ডব করেছিলো—নতুন-নতুন বাড়িঘর উঠে চেহারা একেবারে বদলে গেছে।

একা হেঁটে চলেছে ইউরা, অগ্র সকলের আগে-আগে; মাঝে-মাঝে খেমে প’ড়ে অন্তদের এগিয়ে আসার জন্ত অপেক্ষা করছে। তার পেছন-পেছন যারা ধীরে-ধীরে এগিয়ে আসছে সেই ক্ষুদ্র গোষ্ঠীকে মৃত্যু যে-নিঃসঙ্গতার

প্রতিযোগিতায় ডেকে নিয়েছে তার উত্তরে ইউরা—জল যেমন অনিবার্ণ গতিতে নিচের দিকে গড়িয়ে যায় তেমনি অনিবার্ণভাবে আকর্ষিত হচ্ছে, তাকে টানছে তার স্বপ্ন, তার চিন্তা, নতুন সৃষ্টির, নতুন সৌন্দর্যের জন্য দেবার প্রেরণা। সে উপলব্ধি করেছে—এমনভাবে এর আগে কখনো করেনি—যে শিল্পের স্থির ও অন্তহীন ভাবনা হ'লো দুটি : শিল্প অনবরত ধ্যান করছে মৃত্যুর, আর তারই মধ্য দিয়ে সৃষ্টি করছে জীবন। সে অল্পভব করলে যে যে-কোনো মহৎ ও খাটি শিল্প সম্বন্ধে এ-কথা সত্য ; এ-কথা সত্য সেই শিল্পকর্মটিরও বিষয়ে যার নাম সন্ত ইয়নের দিব্যদর্শন, আর সেটিকে অল্প যে-সব শিল্পকর্ম যুগ-যুগ ধরে শেষ ক'রে চলেছে, তাদের বিষয়েও এ-কথা সত্য।

আনার স্মৃতিতে একটি কবিতা লেখার ভক্ত ছু'এক দিন সে একলা কাটাবে, বিশ্ববিদ্যালয় থেকে, বাড়ি থেকে, দূরে স'রে থাকবে, মানন্দ প্রত্যাশায় ইউরা সেই ছু'একটি দিনের কথা ভাবলে। জীবন তাকে হঠাৎ যে-সব খাপছাড়া উপহার দিয়েছে তাদের কথা থাকবে সেই কবিতায়—আনার চরিত্রের শ্রেষ্ঠ লক্ষণগুলির বর্ণনা ; শোকের পোষাকে টোনিয়া ; অন্ত্যেষ্টিক্রমের পর ফেরার পথে রাস্তার ঘটনা ; আর মঠের ঐ অংশে ঝুলে-থাকা ভেজা কাপড়—যেখানে শিশু ইউরা ফুঁপিয়ে-ফুঁপিয়ে কেঁদেছিলো, আর তাওব তুলছিলো তুমারের ঝড়।

চতুর্থ পরিচ্ছেদ অনিবার্যের আবির্ভাব

১

জরের ঘোরে অর্ধচেতন লারা, ফেলিটসাটা সেমিওনোভনার বিছানায় প'ড়ে ছিলো। তাকে ঘিরে ফিসফিস ক'রে কথা বলছিলো চাকর-বাকররা আর ডাক্তার ডুকভ।

বাড়ির বাকি অংশটা ফাঁকা, অন্ধকার। কেবল বসবার ঘরের দেয়ালে একটি আলো জ্বলছে, তার মুহূ আভা ছড়িয়ে পড়েছে পরস্পর-সংযুক্ত লম্বা একসারি ঘরের এ-মাথা থেকে ও-মাথা পর্যন্ত।

এই গলিতে ক্রুদ্ধ পদক্ষেপে পাইচারি করছে কমারোভস্কি—ভক্তিটা এমন যেন এটা তারই বাড়ি, এখানে সে অতিথি নয়। এক-একবার খবরের জন্ত শোবার ঘরে যায়, আর ছিটকে চ'লে আসে ক্ল্যাটের অপর প্রান্তে—সেই রূপোলি বৃদ্ধে ভরা গাছের পাশ কাটিয়ে, খাবার ঘর পার হ'য়ে—যেখানে টেবিল-ভরা অভুক্ত খাদ্য প'ড়ে আছে, আর যখনই জানল। ঘেঁষে গাড়ি যাচ্ছে, কিংবা ইঁদুর খেলে বেড়াচ্ছে বাসনের ওপর দিয়ে, সবুজ ফটিকের পানাদারগুলি তখনই বেজে উঠছে টুংটাং ক'রে।

চিন্তার ঝড় উঠেছে কমারোভস্কির বুকে। কী কলেঙ্কারি! কী লজ্জা। রাগে সে যেন টগবগ ক'রে ফুটতে লাগলো। এই ঘটনায় তার মান-সম্মান, নাম-ডাক সব যেতে বসেছে। যে-ক'রে হোক লোকের মুখ বন্ধ করতে হবে,

আর যদি ইতিমধ্যে জানাজানি হ'য়ে গিয়ে থাকে তাহ'লে থামাতে হবে গুজব, জন্মের মুহূর্তে সেই গুজবকে সে গলা টিপে মারবে।

কমারোভস্কির উত্তেজনার আরেকটি কারণ হ'লো এই যে বুনো, বেপরোয়া এই মেয়েটার জন্তু আবার এক অদম্য আকর্ষণ সে অনুভব করছে। লারা যে অস্ত্র সবার চাইতে আলাদা তা সে বরাবর জানতো। কী যেন এক অনন্ত গুণ ওর মধ্যে আছে। কিন্তু কী গভীর, কী যন্ত্রণাময়, কী অপূরণীয়ভাবেই না সে আহত করেছে ওকে, ছত্রখান ক'রে দিয়েছে ওর জীবন, আর কী অস্থির আর উদ্দাম জেদ নিয়েই না ও চেয়েছে নিজের ভাগ্যকে নতুন ক'রে গড়তে, শুরু করতে চেয়েছে নতুন জীবন।

এ-কথা সব দিক থেকেই স্পষ্ট যে লারাকে তার সাহায্য করতেই হবে—একটা ঘর ভাড়া করা যায়—কিন্তু কোনো অবস্থাতেই ওর কাছে আসা চলবে না; বরং এড়িয়ে চলতে হবে, স'রে দাঁড়াতে হবে যাতে কোনো মতেই তার আঁচটুকুও ওর গায়ে না লাগে, তা না হ'লে ঐ বুনো মেয়ে যে কখন কী ক'রে বসবে তার ঠিক নেই।

ইশ—কী ঝগড়াটো এখনো তার সামনে! এ-সব ব্যাপারের ফল কখনো শুভ হয় না। আইন তো ছেড়ে কথা কইবে না। এই তো, এখনো ভোর হয় নি, আর দু'ঘণ্টাও হয় নি ব্যাপারটা ঘটেছে, ইতি মধ্যেই দু'দুবার পুলিশ হানা দিয়ে গেছে, আর সে, কমারোভস্কি—তাকে যেতে হয়েছে রান্নাঘরে, দারোগার সঙ্গে দেখা ক'রে নরমে-গরমে বোঝাতে হয়েছে।

যতো সময় যাবে গোলমাল ততোই বাড়বে। তাদের প্রমাণ করতে হবে যে লারা, কর্নাকভকে নয়, তাকে লক্ষ্য ক'রে গুলি ছুঁড়েছিলো। কিন্তু তাতেও শেষ হবে না; লারা অভিযোগ থেকে আংশিকভাবে মুক্তি পাবে ঠিকই, কিন্তু অস্ত্র কারণগুলি তার হাজত-বাসের সপক্ষেই রায় দেবে।

সেটা বন্ধ করার জন্তু যা-কিছু করা দরকার কমারোভস্কিকে তা করতেই হবে। ব্যাপারটা যদি আদালত পর্যন্ত গড়ায় তাহ'লে এই মর্মে সে কোনো মনস্তাত্ত্বিকের অভিমত জোগাড় করবে যে গুলি ছোঁড়ার সময় নিজের কাজের দায়িত্ব নেবার মতো অবস্থা লারার ছিলো না। মামলা যদি আদালতে ওঠেই, তাহ'লে ওখানেই শেষ হ'য়ে যাওয়া চাই।

এই সব চিন্তা করতে-করতে একটু শান্ত হ'তে শুরু করলো কমারোভস্কি। রাত শেষ হ'লো। লম্বা-লম্বা আলোর রেখা ছড়িয়ে পড়লো ঘর থেকে ঘরে, চেয়ার-টেবিলের তলায় ঢুকে পড়লো চোরের মতো,—না কি নায়েবের মতো ?

লারার অবস্থা পূর্ববৎ—শোবার ঘরে শেষ বার গিয়ে এই খবর জেনে কমারোভস্কি বেবিয়ে পড়লো ; তার এক বন্ধু, রুফিনা অনিসিমোভনা ভয়েট-ভয়েটকভস্কির সঙ্গে দেখা করতে। মহিলাটি ওকালতি করেন, এক দেশত্যাগী রাজনৈতিকের স্ত্রী। আট-ঘর-ওলা ফ্ল্যাটটি এখন ভদ্রমহিলার পক্ষে বড্ড বড়ো, ভাড়া টানতে না-পেরে দুটো ঘর তিনি ভাড়া দিয়ে দিয়েছেন। একটা ঘর সম্প্রতি খালি হয়েছে, কমারোভস্কি সে-ঘরখানা লারার জন্য নিয়ে নিলে। সেই ঘরে কয়েক ঘণ্টা পরে জরবিকারে অচেতন লারাকে নিয়ে আসা হ'লো।

২

রুফিনা অনিসিমোভনা হলেন প্রগতিশীল, কুসংস্কারের চিরশত্রু তিনি, আর য'কিছু তাঁর মতে 'জীবন্ত এবং দৃঢ়' তারই তিনি সপক্ষে।

ভদ্রমহিলা তাঁর আলমারির দেয়ালে সর্বদাই এহ'ফুট^১ পরিকল্পনার কপি রাখেন—লেখকের স্বহস্তে সই করা। ঘরের দেয়ালে ফোটোগ্রাফগুলির মধ্যে একটিতে দেখা যাচ্ছে তাঁর স্বামীকে—'তার লক্ষ্মী ভয়েট'-কে—সুইৎসারল্যান্ড বেড়াতে গিয়ে চকচকে রেশমি জ্যাকেট আর পানামা টুপি প'রে প্লেথানভের^২ সঙ্গে দাঁড়িয়ে আছেন।

তাঁর অসুস্থ ভাড়াটেকে দেখেই অপছন্দ হ'লো রুফিনা অনিসিমোভনার। তাঁর মতে লারা হ'লো অসহ্য এক প্রভাবক, তার এই জ্বরের প্রকোপ ভান ছাড়া কিছু না। তিনি হলফ ক'রে বলতে পারেন যে যারা নিজেকে কল্পনা ক'রে নিয়েছে এক অপ্রকৃতিস্থ গ্রেচেন^৩ ব'লে, এক গথিক পাভাল-দুর্গে তাকে বন্দী করা হয়েছে।

১ ১৮৯১ সালে জর্জান সোভ্যাল ডেমক্রেটিক পার্টির কংগ্রেসে এই পরিকল্পনা গৃহীত হয়।

২ রুশ সাম্রাজ্য দার্শনিক, সুইৎসারল্যান্ডে অধিকাংশ জীবন কাটিয়েছিলেন।

৩ গ্রেচেন (Gretchen) : স্রোতের 'কাউন্ট'-এর নারিকা। —অনুবাদের টীকা।

খুব একটা হালকা সজীবতার সঙ্গে তাঁর অবজ্ঞা প্রকাশ করতেন তিনি : দড়াম-দড়াম ক'রে দরজা বন্ধ করতেন, উঁচু গলায় গান গাইতেন, ফ্ল্যাটে তাঁর নিজের অংশে চলতেন যেন তুফানের বেগে, আর জানলা খুলে রাখতেন সারাদিন।

ফ্ল্যাটটি ছিলো আর্বাটের^১ ওপর এক বাড়ির সবচেয়ে ওপর তলায়। সূর্যের উত্তরায়ণ শুরু হবার পর থেকে আকাশ তার বিপুল বিস্তার নিয়ে জানলা ভ'রে রাখতো—নদীর মতো আকাশ, যে-নদীতে বান ডেকেছে। শীতকালে অর্ধেকটা সময়ই আগামী বসন্তের বার্তায় ভ'রে থাকতো ফ্ল্যাটটি।

দক্ষিণের উষ্ণ বাতাস চাতাল দিয়ে ঘরে এসে ঢোকে। দূরে স্টেশনের এঞ্জিনের শব্দ ভেসে আসে যেন সিঙ্কুঘোটকের গর্জন। অসুস্থ লারা বিছানায় শুয়ে স্মৃতি নিয়ে অবসর যাপন করে।

প্রায়ই সেই দিনটির কথা তার মনে পড়ে, উরাল থেকে যেদিন তারা মস্কোতে এলো, সাত-আট বছর আগেকার সেই সন্ধ্যা, সেই অবিস্মরণীয় শৈশব।

স্টেশন থেকে শহরের অপর প্রান্তে তাদের হোটেলে যাচ্ছিলো তারা, ভাড়া-গাড়িতে, নিরানন্দ অলিগলি পার হ'য়ে। রাস্তার বাতিতে দেয়ালে-দেয়ালে একের পর এক কুঁজো ছায়া পড়ছিলো তাদের গাড়োয়ানের; বড়ো হ'তে-হ'তে দানবীয় হ'য়ে উঠছিলো সেই ছায়া, বাড়ির ছাদ ছাড়িয়ে যাচ্ছিলো; তারপর সে-ছায়া মিলিয়ে যেতে-যেতেই আবার নতুন ছায়াপাত।

সেই অন্ধকার সন্ধ্যায় মস্কো নগরীর দেড় হাজার ঘণ্টা বাজছিলো, রাস্তা দিয়ে ছুটতে-ছুটতে টংটং করছিলো ট্রামের ঘুন্টি, কিন্তু শুধু সেজ্ঞাই নয়, আলো, দোকানের সামনের চাতাল, সব যেন বধির ক'রে দিয়েছিলো লারাকে, তারাও যেন চাকার মতো, ঘণ্টার মতো সরব।

তাদের হোটেলের ঘরে ঢুকে অবিস্মৃত আকারের এক তরমুজ দেখে সে হকচকিয়ে গিয়েছিলো। গৃহপ্রবেশ উপলক্ষ্যে কমারোভস্কির এই উপহার যেন তার ক্ষমতা আর বিস্তার প্রতীক ব'লে মনে হয়েছিলো লারার। সেই

^১ খুব চওড়া এই রাস্তার একটি বাজার আছে।

অনবত্ত বস্তুটির ঘন-সবুজ স্তম্ভগোল শরীরে ছুরি বসিয়ে কমারোভস্কি যখন হু' টুকরো ক'রে ফেললে, শীতল, মধুর তার হৃদয় যখন খুলে গেলো তাদের চোখের সামনে, তখন আতঙ্কে লারার দম বন্ধ হ'য়ে এসেছিলো কিন্তু তবু 'খাবো না' বলার সাহস হয় নি। অস্বাচ্ছন্দ্যে সেই স্তবাসিত গোলাপি ফলের টুকরো তার গলায় আটকে গিয়েছিলো, তবু জোর ক'রে গিলে ফেলেছে।

সেই ব্যয়সাপেক্ষ খাণ্ড, রাজধানীর সেই নৈশ জীবন যেমন তাকে আচ্ছন্ন ক'রে ফেলেছিলো তখন, ঠিক তেমনি ভাবেই পরে কমারোভস্কি স্বয়ং তাকে আচ্ছন্ন করলে—সমস্ত কিছুই এই হ'লো আসল ব্যাখ্যা।

কিন্তু এখন কমারোভস্কি এমন বদলে গেছে যে চেনা যায় না। তার ওপর কোনো দাবি করেনি সে, কখনো অতীতের কথা মনে করিয়ে দেয় নি, আর কখনো এমন কি, দেখতেও আসেনি তাকে; নিজের দ্রব্য বজায় রেখে লারাকে সে কী ভ্রমভাবেই না এই আশ্বাস দিচ্ছে যে তাকে সাহায্য করতে সে সর্বদাই প্রস্তুত।

তার সঙ্গে দেখা করতে এসে কলোগ্রিভভ সম্পূর্ণ ভিন্ন ব্যবহার করেছিলেন। তিনি আসাতে খুশি হ'য়ে উঠেছিলো লারা। তাঁর দেহের উচ্চতা আর রূপ দিয়ে ততোটা নয়, যতোটা তাঁর সমস্ত অস্তিত্ব থেকে বিচ্ছুরিত প্রাণশক্তি আর আনন্দিত দীপ্ত হাসি দিয়ে তার এই অতিথি ঘরের অর্ধেকটাই ভ'রে ফেলেছিলেন।

লারার বিছানার পাশে ব'সে চিন্তিতভাবে হাত ঘষলেন কলোগ্রিভভ। পিটার্সবার্গে মজ্বীসভায় যখন তাঁর ডাক পড়ে তখন খেতাবধারী বয়স্ক ব্যক্তিদের সঙ্গে তিনি এমনভাবে কথা বলেন যেন তাঁরা স্কুলের ছুটু ছেলে; কিন্তু এখন তাঁর সামনে যে-মেয়েটি শুয়ে আছে সে কিছুদিন আগে পর্যন্তও তাঁর পরিবারভুক্ত ছিলো, এ তাঁর নিজের মেয়ের মতো। বাড়ির অন্ত সকলের মতো এর সঙ্গেও একটা-দুটোর বেশি কথা বলেন নি, পাশ দিয়ে যাবার সময় কখনো হয়তো তাকিয়েছেন চোখ তুলে: তাঁর এই সংক্ষিপ্ত আচরণের উত্তাপ ও মাধুর্য সকলেই উপলব্ধি করে। বয়স্ক ব্যক্তির মতো নিম্প্রহ আচরণ কলোগ্রিভভ লারার সঙ্গে করতে পারলেন না। কী ভাবে কথা শুরু করলে লারা ব্যথিত হবে না ঠিক করতে না-পেরে কলোগ্রিভভ যুছু হেসে যেন জিতাগো—২

শিশুর সঙ্গে কথা বলছেন এমন ভঙ্গিতে বললেন, ‘কী, মৎলবটা কী তোমার ? এমন নাটুকেপনার অর্থ কী বলো তো ?’

একটু থামলেন কলোগ্রিভভ, নোনা-ধরা দেয়াল আর কড়িকাঠের দিকে তাকিয়ে অহুযোগের ভঙ্গিতে মাথা নাড়লেন ।

‘ডুসেলডর্ফে’ একটা আন্তর্জাতিক প্রদর্শনী হচ্ছে—ছবি, মূর্তি, ফুল । আমি যাচ্ছি । এ-ঘরটা সঁয়াংসেতে—বুঝলে ! আর একটা নির্দিষ্ট বাসস্থান বিনা এ-ভাবে এখান থেকে ওখানে ক’দিন ঘুরে বেড়াবে ? আর এই ভয়েট জীলোকটি, তোমাকে চুপিচুপি বলি,—ইনি বড্ড বদখদ ব্যাপার । আমি চিনি এঁকে । অল্প কোথাও চ’লে যাও না । অনেকদিন তো অহুস্থ হ’য়ে শুয়ে থাকলে । এবার উঠে পড়ার সময় হয়েছে । ঘরটা বদলাও, কিছু-একটা করো, পড়াশুনোটা শেষ ক’রে ফেলো । এক ছবি-আঁকিয়ে বন্ধু আছে আমার, দু’বছরের জন্ত তুর্কিস্থানে যাচ্ছে সে । বেশ পার্টিশন-করা এক স্টুডিও আছে তার—ছোটোখাটো ফ্ল্যাটের মতো । আমার মনে হয় আসবাবপত্র স্বল্প স্টুডিওটা সে এমন কাউকে দিয়ে যাবে যে দেখাশুনো ক’রে রাখবে । ঠিক করবো নাকি ? আর-এক কথা । অনেকদিন থেকেই ভাবছি এ-কথা...এটা আমার নিতান্ত কর্তব্য... কারণ লিপা...তোমার জন্ত এখানে অল্প কিছু টাকা আছে, লিপার পাশ করার জন্ত তোমার বোনাস । না, লক্ষ্মী তো...আমি অহুরোধ করছি, জেদ কোরো না,...না, সত্যি, তোমাকে নিতেই হবে...’

লারার প্রতিবাদ, চোখের জল আর জ্বরদন্তি সম্বন্ধেও কলোগ্রিভভ যাবার আগে দশ হাজার ফ্রব্লের একটা চেক তাকে গ্রহণ করতে বাধ্য করলেন ।

সেরে উঠে, স্মলেন্‌স্কি বাজারের কাছে কলোগ্রিভভের অহুমোদিত সেই বাড়িতে উঠে গেলো লারা । বুড়োটে চেহারার এক দোতলা বাড়ির দোতলার ফ্ল্যাট । অল্প অংশে গাড়োয়ানেরা থাকে, একতলায় গুদাম । হুড়ি-ছড়ানো উঠোনে সর্বদাই বুটের খোশা আর খড়ের টুকরো ছড়ানো-ছিটোনো । বক-বকম করতে-করতে পায়রা ঘুরে বেড়ায়, সশব্দে উড়ে আসে লারার জানলার পাশে ; মাঝে-মাঝে পাখরের নালা বেয়ে উঠে আসে ইঁদুরের দল ।

৩

লারাকে নিয়ে খুবই উদ্বিগ্ন হ'য়ে আছে পাশা। ওর অল্পখ যতো দিন বেশি ছিলো তাকে দেখা করতে দেওয়া হয়নি, কেমন লেগেছে তার? লারা একজনকে খুন করতে চেষ্টা করেছিলো, এমন একজনকে, যে তার সামান্য পরিচিতি মাত্র, অথচ লারা যাকে মারতে চেয়েছিলো সে-ই কিনা পরে তাকে রক্ষা কবলে! যে-শাস্তি লারার মাথার ওপর বুলছিলো তা থেকে তাকে বাঁচালে! তারই জন্তু আবার লারা পড়াশুনো শুরু করতে পেরেছে, নিরাপদে, কোনো বিপদে না-প'ড়ে। ধাঁধাঁ লাগে পাশার, যন্ত্রণা পায় সে।

ভালো হ'য়ে উঠে পাশাকে ডেকে পাঠিয়ে লারা বলেছিলো, 'আমি খারাপ মেয়ে। আমাকে তুমি চেনো না, তুমি জানো না আমার আসল রূপ কী। কোনো একদিন তোমাকে সব বলবো। এক্ষুনি ও-বিষয়ে কথা বলতে পারবো না; তুমি তো দেখতেই পাও, যখনই বলবার চেষ্টা করি আমার কান্না এসে যায়। কিন্তু তোমাকে ছেড়ে দিতে হবে আমাকে, আমাকে তুমি ভুলে যাও। আমি তোমার যোগ্য নই।'

এ-সব কথার পরে ভয়ংকর সব দৃশ্য একের পর এক বাঁটে গেছে, প্রত্যেকটি আগেরটির চাইতে আরো অসহনীয়, মর্মবিদারক। লারা তখনো আর্বাট স্ট্রীটে ছিলো; ভয়েটকভ্‌স্কায়া যখনই গলিতে পাশার চোখের জলে ভেজা মুখ দেখতে পেতেন, ছুটে ঘরে গিয়ে সোফায় ব'সে প'ড়ে হাসতে থাকতেন যতোকণ না পেটে খিল ধ'রে যেতো তাঁর; 'ওঃ, আর পারিনি, আর পারিনি, এ যে বড্ডো বাড়াবাড়ি হ'য়ে যাচ্ছে,' চীৎকার করতেন তিনি, 'হায়, বলবান নিঃশব্দ পুরুষ। হায় শ্রামসন!'

এই আসক্তি—যা পাশাকে কলুষিত করবে—তার এই প্রেমকে সমূলে উচ্ছিন্ন আর তার যন্ত্রণার অবসান ঘটাবার জন্তু লারা একদিন বললে যে পাশার সঙ্গে তার সম্বন্ধ জন্মের মতো শেষ হ'য়ে গেছে, সে তাকে ভালোবাসে না। কিন্তু কথাটা বলতে গিয়ে লারা ফুঁপিয়ে-ফুঁপিয়ে এমন কান্দলে যে তাকে বিশ্বাস করা অসম্ভব হ'য়ে উঠলো।

মারাত্মক সেই সাত পাপের^১ প্রত্যেকটির দ্বারা লারাকে কলঙ্কিত ব'লে অহুমান করতো পাশা, তার প্রত্যেকটি কথা অবিশ্বাস করতো, চাইতো তাকে শাপান্ত করতে, ঘৃণা করতে, কিন্তু রান্ধুসে এক আবেগ নিয়ে লারাকে ভালোবাসে সে, এমন কি লারার চিন্তাগুলিকেও হিংসে করে, হিংসে করে তার জলখাবার পাত্রটিকে, তার মাথার বালিশটিকে। পাগল যদি না-হ'য়ে যেতে চায় তাহ'লে দৃঢ় হ'য়ে তাড়াতাড়ি কাজ সারতে হবে তাদের। পরীক্ষার জন্ত অপেক্ষা না-ক'রে তক্ষুনি বিয়ে ক'রে ফেলতে মনস্থির করলে তারা। বিয়ের দিন ঠিক হয়েছিলো 'লো মানডে'^২তে, কিন্তু লারার ইচ্ছেমতো আবার পিছিয়ে দেওয়া হ'লো'।

'হুইট মানডে'^৩তে তাদের বিয়ে হ'লো। ততোদিনে জানা গেছে যে তারা দু'জনেই স্নাতক পরীক্ষায় ভালোভাবে উৎরে গেছে। সব ব্যবস্থা করলেন লারার সহপাঠিনী টুসিয়ার মা, লিউডমিলা কাপিটোনোভনা চেপুর্কো। সুন্দরী মহিলা তিনি, উঁচু তার বক্ষস্থল, গানের মতো মুহূনরম গলার স্বর; ভদ্রমহিলার মাথায় যতো রাজ্যের কুসংস্কার গিজগিজ করছে— কিছু তাঁর সংগৃহীত, আর কিছু স্ব-কল্পিত।

লারা যেদিন 'বেদীমূলে আনীত হ'লো' (লারাকে সাজাতে-সাজাতে তাঁর জিপসি-স্বরে আফ্লাদি ভঙ্গিতে লিউডমিলা যেমন বলেছিলেন) সেদিন ছিলো ভয়ংকর গরম। গির্জের সোনালি চূড়োয় আর শহরের বাগানে নতুন বালি-বিছানো রাস্তায় তীব্র হলুদ রংটা চীৎকার করছিলো যেন। 'হুইট মানডে' পরব উপলক্ষ্যে গির্জের রেলিঙের ধারে বার্চগাছের চারা পোঁতা হয়েছে; রোঁদে পুড়ছে ধুলো-পড়া, গুটিয়ে-ছোটো-হ'য়ে-যাওয়া পাতাগুলি, একটু হাওয়া নেই, চোখ-ধাঁধানো সূর্যের আলো, উজ্জ্বল রেখা ফেলে-ফেলে রোঁদ যেন চোখের সামনে নাচছে। যেন হাজারটা বিয়ে হবে আজ; প্রত্যেকটি মেয়ে কনের মতো হাঙ্কা পোষাকে সেজেছে, চুল কঁকড়েছে, আর ছেলেরা সবাই

১ ষ্টিফান মতে সাতটি পাপ মারাত্মক: কাম, ক্রোধ, লোভ, মাৎসর্য, আলস্র, দম্ভ, ও অতিভোজন। —অনুবাদের টীকা

২ Low Sunday: ইস্টার দিবসের পরবর্তী পরিবার। —অনুবাদের টীকা

৩ Whit Monday: ইস্টার দিবসের পরে সপ্তম সোমবার। —অনুবাদের টীকা

তেল দিয়েছে মাথায়, উৎসব উপলক্ষ্যে পরেছে আঁটো কালো রঙের পোষাক ।
সবাই আজ উত্তেজিত, তেতে আছে তাদের সবার শরীর ।

বেদীর কাছে এগোবার জন্ত লারা কার্পেটের ওপর পা রাখতেই
লাপোড়িনা, তার আরেক বন্ধুর মা, একমুঠো রূপোর মুদ্রা তার পায়ের কাছে
ছিটিয়ে দিলেন—ওটা হ'লো প্রাচুর্যের প্রতীক ; ঐ একই কারণে লিউডমিলা
লারাকে ব'লে দিলেন যে বিয়ের মুকুট মাথায় পরার সময় খালি আঙুলে
যেন সে ক্রুশ-চিহ্ন না আঁকে—ওড়নার আঁচল, কিংবা লেসের ঝালর দিয়ে
যেন ঢেকে নেয় হাতের পাতা । আরো ব'লে দিলেন, সংসারে একাধিপত্যের
জন্ত সে যেন তার হাতের মোমবাতি উচু ক'রে ধরে । কিন্তু লারা তার
নিজের ভবিষ্যৎ পাশার কাছে বলি দেবার জন্ত যথাসম্ভব নিচু ক'রে ধ'রে
রাখলে মোমবাতি, কিন্তু তার উদ্দেশ্য সফল হ'লো না, কেননা সে যতোই
নিচু ক'রে ধরে, পাশা তার হাতের মোমবাতি আরো নিচুতে নামিয়ে নেয় ।

বিবাহোত্তর প্রাতরাশের জন্ত গির্জা থেকে তারা সোজা চ'লে এলো
স্ট্রিডিতে—পাশা নতুন ক'রে সাজিয়েছে সেটি । অতিথিরা চৈচিয়ে বললে,
'তেতো !' ঘরের অগ্ন প্রান্ত থেকে আর-এক দল একসঙ্গে জবাব দিলে, 'মিষ্টি
ক'রে দাও ।' আর বর-কনে লাজুক হেসে পরস্পরকে চুম্বন করলো ।' লিউ-
ডমিলা তাদের সম্মানে 'সেই আঙুর খেত' গানটি গাইলেন, 'ভগবান
তোমাদের দিন প্রেম ও সমন্বয়' এই পদটির পুনরাবৃত্তি করলেন বার-বার ;
আরো একটি গান গাইলেন, তার আরম্ভটা এই রকম 'খোলো কবরী, দাও
ছড়িয়ে সোনালি কেশ ।'

সবাই চ'লে যাওয়ার পর তারা যখন একা হ'লো তখন সেই আকস্মিক
নীরবতায় অস্বস্তি বোধ করতে লাগলো পাশা । রাস্তার ওপারে একটি বাতি
জ্বলছিলো ; পাশা যতো ভালো ক'রেই পর্দা টানুক না কেন আলোর স্পন্দন
একটি রেখা তবুও এসে পড়ে ঘরের মধ্যে । সেই আলোর জন্ত স্বস্তি পাচ্ছিলো না
পাশা, তার বার-বার মনে হচ্ছিলো যেন কেউ তাদের লক্ষ্য করছে ।
শিহরিত হ'য়ে পাশা উপলব্ধি করলে যে ঐ আলোর কথা সে লারার চাইতে,
তার নিজের চাইতে, লারার জন্ত তার প্রেমের চাইতেও বেশি ক'রে ভাবছে ।

সেই রাত্রে, যে-রাত্রিকে তার মনে হয়েছিলো চিরন্তন, আটপাশ (‘স্টেফানি’ বা ‘রূপসী কুমারী’ এই নামে তার সহপাঠীরা ডাকতো তাকে) একই সঙ্গে আনন্দের শিখরে আর হতাশার নিম্নতম গহ্বরে পৌঁচেছিলো। তার সন্দেহ আর অসুস্থতার সঙ্গে বদলে-বদলে চললো লারার স্বীকারোক্তি। লারাকে প্রসন্ন করলে সে, আর তার প্রত্যেকটি জবাবে এমন বিমর্ষ হ’য়ে যেতে লাগলো যে মনে হ’লো খাড়াই এক পাহাড় বেয়ে গড়াতে-গড়াতে সে প’ড়ে যাচ্ছে। তার আহত কল্পনা তাল রাখতে পারলে না লারার স্বীকারোক্তির সঙ্গে।

তার পর্যন্ত কথা বললে তারা। সেই এক রাত্রে পাশার জীবনে যে-স্বপ্নাঙ্গ আর আকস্মিক এক পরিবর্তন এলো, তার সমস্ত জীবনে আর কখনো তা ঘটে নি। নতুন মানুষ হ’য়ে জেগে উঠলো সে, এখনো তার নাম পাশা আটপাশই আছে ভাবতে প্রায় অবাক লাগলো তার।

৪

ন’ দিন পরে বন্ধু-বান্ধবেরা মিলে সেই একই ঘরে তাদের জন্ম এক বিদায়-সংবর্ধনার আয়োজন করলে। পাশা আর লারা দু’জনেই পরীক্ষায় পাশ করেছে, খুব ভালো ফল হয়েছে দু’জনেরই, আর দু’জনেই চাকরি পেয়েছে উরালের এক শহরে; পরের দিন তারা রওনা হবে।

আবার তারা মদ খেলো, গান গাইলো আর হল্লা করলো, কিন্তু এবারে সবাই তারা বয়সে তরুণ।

যে-পার্টিশন বসবাসের অংশটিকে স্টুডিও থেকে পৃথক ক’রে রেখেছে তার ওপিঠে রয়েছে একটা বড়ো বাক্স, একটা তার চেয়ে ছোটো বাক্স—সেটা লারার, একটা স্ম্যটকেস, এক বাক্স বাসন-পত্র, আর অনেকগুলো বস্তু। মাল অনেক। কিছু মালগাড়িতে পাঠিয়ে দেওয়া হচ্ছে। প্রায় সবই বাঁধাছাঁদা হ’য়ে গেছে, তবে স্ম্যটকেস আর বুড়িগুলোতে এখনো কিছু জায়গা ফাঁকা আছে। সঙ্গে নেবে ব’লে ঠিক করেছিলো এমন কিছু-একটা জিনিসের কথা প্রতি মুহূর্তেই লারার মনে প’ড়ে যাচ্ছে, কোনো-একটা বুড়িতে ভরা হচ্ছে সেটা, আর ওপরটা আবার গুছোতে হচ্ছে সমান করার জন্ত।

লারা যতোক্কে কলেজের আপিশ থেকে তার জন্ম-পত্রিকা আর অন্তান্ত দরকারি কাগজপত্র নিয়ে ফিরলো, ততোক্কে পাশা বাড়িতে অতিথিদের আপ্যায়ন করছে; লারার পেছন-পেছন চট আর শক্ত দড়ি নিয়ে এলো এক কুলি, যে-সব জিনিস মালগাড়িতে যাবে তা বাঁধা হবে। কুলিকে বিদায় দিয়ে অতিথিদের সঙ্গে দেখা করলে লারা, কাকুর সঙ্গে হাত ঝাঁকালে, কাউকে চুমু খেলে, তারপর শোবার ঘরে গেলো পোষাক বদলাতে। সে ফিরে আসতে হাততালি দিয়ে উঠলো সবাই, ব'সে পড়লো, আর তারপর সেই রকম তুমুল কলরব শুরু হ'লো যেমন হয়েছিলো কয়েকদিন আগে তাদের বিয়ের প্রাতরাশে। আরো যারা উৎসাহী তারা অগ্নদের জগ্ন ভদ্রকা টেলে দিলে; টেবিলে তাদের হাত মিলে-মিশে গেলো ছুরি-কাঁটার সঙ্গে, কুটি, নানা রকম অর্দভ আর আরো অনেক রান্না-করা খাবার সেখানে সাজানো; বক্তৃতা দিলে তারা, মদের গেলাশ শেষ হ'লেই অসন্তোষ প্রকাশ করলে, আর রসিকতার ঢেউ ব'য়ে চললো সারাক্ষণ, নেশা ধরলো সকলের।

‘অসম্ভব ক্লাস্ত,’ স্বামীর পাশে ব'সে প'ড়ে লারা বললে, ‘সব গুছিয়ে নিতে পেরেছিলে?’

‘হ্যাঁ।’

‘কিন্তু তবু আশ্চর্য ভালো লাগছে। আমি সুখী, সুখী। আর তুমি?’

‘নিশ্চয়ই। কিন্তু ও-কথা এখন থাক।’

যদিও কমারোভস্কি তরুণ নয়, তবু এই তরুণদের উৎসবে তাকে যোগ দিতে দেওয়া হয়েছে। সন্ধ্যার শেষের দিকে সে বলতে শুরু করলে তার এই দুই নবীন বন্ধু মস্কো ছেড়ে গেলে তার কতো নিঃসঙ্গ লাগবে, শহরটাকে তাব মনে হবে মরুভূমির মতো, যেন সাহারা; কিন্তু বলতে গিয়ে এতোই ভাব জেগে গেলো তার যে ফুঁপিয়ে-ফুঁপিয়ে কাদতেই শুরু ক'রে দিলে সে, তারপর আবার গোড়া থেকে বলতে শুরু করলে।

অষ্টিপভের কাছে চিঠি লেখার এবং এই বিচ্ছেদ অসহনীয়-বোধে তাদের সঙ্গে দেখা করতে উরালে যাবার অহুমতি প্রার্থনা করলে কমারোভস্কি।

‘কোনো দরকার নেই,’ উচু গলায়, অগ্নমনস্কভাবে লারা ব'লে উঠলো। ‘এ-সবের কোনোই মানে হয় না—এই চিঠি লেখা, সাহারা—এ-সব। আর

ওখানে যাবার কথা মনেও আনবেন না। আমরা এমন-কিছু দুর্লভ নই, ভগবানের দয়ায় আমাদের ছাড়া দিব্যি দিন কাটবে আপনার। পাশা, তোমারও কি তা-ই মনে হয় না? আরো অনেক নবীন বন্ধু ভাগ্যে জুটবে আপনার।’

তারপর হঠাৎ, কী বলছিলো সম্পূর্ণ ভুলে গিয়ে সে উঠে পড়ে রান্নাঘরে ছুটলো। কাবাব তৈরির পাত্রটা আলাদা-আলাদা অংশে খুলে নিয়ে খুঁদ দিয়ে মুঁড়ে বাসনের বাস্কের এক কোনায় ভরে দিলে। এ-সব করতে গিয়ে বাস্কের কোনায় খোঁচা খেয়ে হাত ছ’ড়ে গেলো তার, তারপর ধারালো কাঠের একটা টুকরোয় হাতটা ফুটো হ’তে-হ’তেও বেঁচে গেলো।

কাজে নিমগ্ন হ’য়ে লারা তার অতিথিদের কলরব আর শুনছিলো না, হঠাৎ একটা উচ্চহাসির দমক তাকে যেন তাদের কথা মনে করিয়ে দিলে। তার মনে হ’লো নেশা হ’লেই লোকেরা মাতালকে নকল করে, যতো বেশি নেশা হয় ততো বেশি চেণ্টা আর অতি-অভিনয় শুরু হ’য়ে যায়।

সেই মুহূর্তে উঠোন থেকে একটা শব্দ ভেসে এলো, পর্দা সরিয়ে লারা বুকে পড়লো।

একটা খোঁড়া ঘোড়া তার খোঁড়া পায়ের ছোটো-ছোটো লাফে উঠোনে ঘুরে বেড়াচ্ছে। কার ঘোড়া, উঠোনেই বা কী করে এলো তা বুঝতে পারলো না সে। ঘুমন্ত শহর মূতের মতো প’ড়ে আছে। প্রথম গ্রহরের ধূসর-নীল শীতলতায় সে যেন স্নান ক’বে উঠলো। সেই অগ্নি সমস্ত শব্দের থেকে আলাদা, ঘোড়ার অস্বচ্ছন্দ খুরের আওয়াজে কে জানে কোন জগতের গভীরে চলে গিয়ে, কোন আনন্দে লারা চোখ বুজলো।

দরজায় ঘুণ্টি বাজলো, কে যেন উঠে গিয়ে দরজা খুলে দিলে। কান খাড়া করলো লারা। নাড়িয়া এসেছে। লারা ছুটলো। ট্রেন থেকে নেমে সোজা চলে এসেছে, এতো তাজা, এমন মনোহারিণী যে মনে হ’লো ডুলিয়ানকার উপত্যকায় ফোটা লিলিফুলের সুবাস যেন তার শরীরে বহন ক’রে নিয়ে এসেছে সে। মুখোমুখি দাঁড়িয়ে রইলো দুই বন্ধু, আবেগের আতিশয্যে তাদের মুখে কথা ফুটলো না, শুধু কঁদতে পারলো পরস্পরকে জড়িয়ে ধ’রে।

লারার জন্ত নাড়িয়া এনেছে সমস্ত পরিবারের অভিনন্দন এবং শুভকামনা, আর এনেছে তার মা-বাবার দেওয়া উপহার। হাতব্যাগের ভেতর থেকে একটা গয়নার বাস্ক বের ক'রে ঝপ ক'রে তার ডালা খুলে খুব সুন্দর একটা গলার মালা তুলে ধরলো নাড়িয়া।

আনন্দ আর বিশ্বাসের পালা শুরু হ'লো। মাতাল হয়েছিলেন, এখন নেশার ঘোর একটু কাটিয়ে উঠেছেন, এমন একজন অতিথি বললেন :

‘এগুলো হচ্ছে গোলাপি জ্যাসিন্থ। ইয়া, ইয়া, গোলাপি, বিশ্বাস করো আর না-ই করো। এ ছাড়া আর কিছু হ'তেই পারে না। হীরের মতো মূল্যবান এই পাথর।’

কিন্তু নাড়িয়া বললে ‘পাথরগুলো হলুদ নীলা’।

টেবিলে নিজের পাশে বসিয়ে লারা নাড়িয়াকে খাওয়ালো। গলার মালাটা তার প্লেটের পাশেই রাখা, বার-বার সেদিকে না-তাকিয়ে থাকতে পারছিলো না লারা। গয়নার বাস্কের বেগনি রঙের মধ্যমলের গর্তে ডুবে আছে পাথরগুলি, কখনো মনে হচ্ছে শিশিরের ফোঁটা যেন তারা, কখনো মনে হচ্ছে এক থোবা আঙুরফল।

যাদের নেশার ঘোর একটু কেটেছিলো নাড়িয়াকে সঙ্গদান করার জন্ত তারা আবার পান করতে লাগলো। নাড়িয়ারও ঘোর লাগলো একটু পরেই।

কিছুক্ষণের মধ্যেই সবাই ঘুমিয়ে পড়লো। বেশির ভাগই লারা আর পাশার সঙ্গে স্টেশনে যাবে কাল সকালে, তাই রাত্রে থেকে গেলো। অনেকে নাড়িয়া আসার আগে থেকেই নাক ডাকাচ্ছে আর লারা তো বুঝতেই পারেনি সম্পূর্ণ অসজ্জিত অবস্থায় কখন ইরা লাগোডিনার পাশে সোফায় শুয়ে পড়েছিলো সে।

উঠোনে গলার শব্দে রাত্রে ঘুম ভেঙে গেলো তার; ঘোড়ার মালিকেরা ঘোড়াটাকে নিয়ে যেতে এসেছে। চোখ খুলে লারা আপন মনে বললো : ‘ঘরের মাঝখানে অমনভাবে ঘুরছে কেন পাশা, কী করছে?’ কিন্তু যাকে পাশা ভাবছিলো সে যখন মুখ ঘোয়ালো তখন দেখলো একটা ভূত, বসন্তের দাগ সারা মুখে, ভুরু থেকে খুতনি অবধি কাটা দাগে ভরা। বুঝলো চোর, চ্যাচাতে চাইলো, কিন্তু টু শব্দও বের করতে পারলো না গলা দিয়ে।

গলার মালাটার কথা মনে প'ড়ে গেলো তার, কহুইয়ে তব দিয়ে খুব সাবধানে একটু উচু হ'য়ে সে টেবিলে যেখানে মালাটা রেখেছিলো সেদিকে তাকালো।

ঝুটির টুকরো আর চকোলেটের খালি কাগজের মাঝখানে এখনো প'ড়ে আছে মালাটা; বোকা চোরটা দেখতে পায়নি। ও শুধু লারার অতো যত্নে গুছোনো স্ম্যটকেশটা ঘাঁটছে—লারার এতো পরিশ্রম মাটি ক'রে দিচ্ছে লোকটা; এই কথা ছাড়া অল্প কিছুই লারা যেন ভাবতে পারেন না।

তখনো ঘুমে তার চোখ জড়ানো, নেশার ঘোর কাটেনি। আরো একবার চাঁচাবার চেষ্টা করলো, কিন্তু পারলো না। শেষে ইরার পেটে হাঁটু দিয়ে গুঁতো মারলো সে, আর ইরা যন্ত্রণায় চীৎকার ক'রে ওঠার সঙ্গে-সঙ্গে তারও স্বর ফুটলো। চোরটা সব-কিছু ফেলে দিয়ে ছুটে পালালো। ছেলেরা কয়েকজন উঠে ব'সে ব্যাপারটা না-বুঝেই তাকে তাড়া করবার চেষ্টা করলে, কিন্তু তারা বাইরে যাবার আগেই চোর হাওয়া হ'য়ে গেছে।

এই গোলমালে সকলেই জেগে গেলো, লারা আর ঘুমোতে দিলো না কাউকে। কফি তৈরি ক'রে সকলকে খাইয়ে বাড়ি পাঠিয়ে দিলো সে, স্টেশনে যাবার সময় হ'লে আবার আসবে।

তারপর সে কাজে লেগে গেলো। যেন জরের ঘোরে বাজ্ঞে-বাজ্ঞে বিছানা চান্দর ঠাসলো, মাল বাঁধলো, আর পাশা আর কুলিটির বোঁকে বলতে লাগলো তারা যেন তাকে সাহায্য করার নামে তার কাজের ব্যাঘাত না ঘটায়।

সব সময়মতো গুছোনো হ'য়ে গেলো। আন্টিপভ-দম্পতি ট্রেন ফেল করলো না। ধীরে চলছে তাদের গাড়ি, যেন তাদের বন্ধুরা যে-টুপি নাড়ছিলো তার হাওয়াতে ভেসে-ভেসে। টুপি নাড়া বন্ধ ক'রে যখন তারা কী ব'লে যেন তিনবার চীৎকার করলে,—হয়তো 'ছরে'! ট্রেনের গতি তখন দ্রুত হয়েছে।

আজ তিনদিন হ'লো এই বিশ্রী আবহাওয়া চলছে, যুদ্ধ বাধার পর এই দ্বিতীয় শরৎ। প্রথম বছরের সাফল্যের পর দ্বিতীয় বছর নৈরাশ্রের বার্তা

নিয়ে এলো। ক্রসিলভের অষ্টম বাহিনী ঘাঁটি গেড়েছিলো। কার্পাখীয় পর্বত-মালায়, প্রস্তুত হয়ে ছিলো ঢল বেয়ে হাল্কেটির ওপর গড়িয়ে পড়ার জগ্ন। কিন্তু সাধারণ পশ্চাদপসরণের ভাঁটার টানে তাদেরও পিছু হটেতে হ'লো।

ডাক্তার জিঁভাগো, এতোদিন পর্যন্ত যিনি ইউর। নামেই পরিচিত ছিলেন, সম্প্রতি অধিকাংশ সময়েই ইউরি আন্ড্রিয়েভিচ ব'লে অভিহিত হন, হাসপাতালের মেয়েদের অংশে প্রসূতি বিভাগের দরজার সামনে দাঁড়িয়ে ছিলেন—তঁার স্ত্রী টোনিয়াকে তিনি এইমাত্র সেখানে নিয়ে এসেছেন। স্ত্রীর কাছে বিদায় নিয়ে এসে ধাত্রীর সঙ্গে দেখা করার জগ্ন অপেক্ষা করছেন তিনি, এমন একটা ব্যবস্থা করতে চান যাতে ঠিকমতো খবর পাওয়া যায় এবং দরকার হ'লেই ডাকা হয় তাঁকে।

নিজের হাসপাতালে ফিরে যাবার তাড়া ছিলো ইউরির। যাবার পথে আবার দু'জন রোগী দেখে যেতে হবে, আর সে কিনা তার মহামূল্য সময় এইভাবে নষ্ট ক'রে জানলা দিয়ে বাইরে তাকিয়ে আছে—দেখছে, ঝড়ে যেমন শস্তক্ষেত্র ছত্রখান হ'য়ে যায়, হেমন্তের বাতাসের ঝাপটায় বৃষ্টির বঁকা রেখাগুলি তেমনই এলোমেলো হ'য়ে যাচ্ছে।

এখনো তেমন অঙ্ককার ক'রে আসেনি। হাসপাতালের পেছনের অংশটা দেখতে পাচ্ছিলো সে, পার্কের বাসাবাড়িগুলির কাচে-ঢাকা বারান্দা আর হাসপাতালের এক অংশে পৌঁছবার জগ্ন ট্রামের শাখা-লাইন।

একষেয়েভাবে বৃষ্টি প'ড়ে চলেছে, ঝোরেও হচ্ছে না, কমছেও না, জল যেন তার এই নিম্পৃহ ভঙ্গি দিয়ে রাগিয়ে দিয়েছে বাতাসকে, এক বাড়ির লতা-গাছটিকে তাই সে এমনভাবে ঝাঁকিয়েছে যেন উপড়ে আনবে গোড়াস্বল্প, শূন্যে দৌলালো তাকে, তারপর অবজায় ছুঁড়ে ফেলে দিলো ছেঁড়া গ্রাকডার মতো।

দুই গাড়ির একটি ট্রাম বারান্দা পার হ'য়ে হাসপাতালে ঢোকবার মুখে এসে দাঁড়ালো। আহতদের নিয়ে আসা হয়েছে।

মস্কোর হাসপাতালগুলি সাংঘাতিকভাবে ঠাসা, বিশেষত লুটস্কের যুদ্ধের পর থেকে। আহত ব্যক্তির গলিতে, সিঁড়ির চাতালে শুয়ে থাকে। এই ভিড়ের জগ্ন মেয়েদের বিভাগেও অস্ববিধে হচ্ছে আজকাল।

অবশাদে হাই উঠলো ইউরির, জানলার ধার থেকে স'রে এলো সে।

কিছু যেন ভাববার নেই তার। হঠাৎ যেখানে সে কাজ করে সেই হোলি ক্রস হাসপাতালের একটা ঘটনা মনে পড়ে গেলো তার। সার্জিকাল ওয়ার্ডে একটি স্ত্রীলোক মারা গিয়েছিলো কয়েকদিন আগে। ইউরি রোগনির্ণয় করেছিলো লিভারের একিনোকক্কাস বলে, কিন্তু অল্প সবাই বললে অস্বাভাবিক তা নয়। আজ শবব্যবচ্ছেদ করার কথা ছিলো, কিন্তু ভারপ্রাপ্ত আবাসিক ছাত্রটি হ'লো পাঁড় মাতাল, ভগবান জানেন সে কী করতে কী করবে।

হঠাৎ রাত নেমে এলো। বাইরে কিছুই আর দেখা যাচ্ছে না। জানলায়-জানলায় আলো ফুটে উঠলো যেন জ্বাছকাঠির ছোয়ায়।

স্ট্রোরোগের প্রধান ডাক্তার টোনিয়ার ওয়ার্ড থেকে সেই ওয়ার্ড আর করিডরের মাঝখানকার সুরু লবি দিয়ে বেরিয়ে এলেন। স্ট্রোরোগের চিকিৎসার পক্ষে ইনি এক পৌরাণিক হস্তীবিশেষ, যখনই তাঁকে কোনো প্রশ্ন করা হয় এমনভাবে কাঁধ ঝাঁকান আর চোখ ঘোরান যেন বলতে চাইছেন যে বিজ্ঞান যতোই অগ্রসর হোক না কেন, 'there are more things in heaven and earth, Horatio ..'

ইউরির পাশ দিয়ে যেতে-যেতে মাথা নেড়ে একটু হাসলেন তিনি, মোটা-মোটা হাতের পাতার ভঙ্গিতে বুঝিয়ে দিলেন ধৈর্য অবলম্বন করা ছাড়া উপায় নেই, তারপর ধূমপান করার ক্ষুদ্র করিডর দিয়ে এগিয়ে গেলেন ওয়েটিং রুমের দিকে।

তাঁর পেছন-পেছন এলেন তাঁর সহকারিণী। একজন যতোই কঠোর-প্রকৃতি অল্পজন আবার ততোই বাচাল।

'আমি হ'লে কিন্তু বাড়ি চ'লে যেতাম,' নার্সটি ইউরিকে বললে। 'আমি বরং কাল আপনাকে হোলি ক্রসে ফোন করবো। এক্ষুনি কিছু হবে ব'লে ভো মনে হচ্ছে না। স্বাভাবিকভাবেই প্রসব হবে আশা করা যাচ্ছে, ছুরি-কাঁচি চালাবার আর দরকার হবে না। তবে সুরু পেলভিস, বাচ্চার মাথা পেছন দিকে হেলে আছে, ব্যথা নেই, তেমন খিঁচুনি হচ্ছে না। ভাবনাটা সেই জন্মই। যাই হোক, এখনো কিছুই বলা যায় না। প্রসব-যন্ত্রণা ওঠার পর ব্যথাটা কী ভাবে থাকে তার ওপরই সব নির্ভর করে। কী হবে আর না হবে তা তখন বোঝা যাবে।'

পরদিন ইউরির ফোন ধরলো হাসপাতালের দায়ওয়ান; তাকে অপেক্ষা করতে ব'লে সেই যে খোঁজ নিতে গেলো সে, ফিরে এলো ইউরিকে প্রায় দশ মিনিট মর্যাস্তিক যন্ত্রণায় ফেলে রাখার পর; এই স্বপ্ন এবং নিষ্ঠুর বার্তা, নিয়ে এলো সে: 'ওরা বললেন আপনার জীকে অনেক আগে নিয়ে এসেছেন, এখন ফিরিয়ে নিয়ে যেতে বলছেন।'

ইউরা তাকে হিংস্রভাবে বললে আরো দায়িত্বসম্পন্ন কাউকে ডেকে দিতে। অবশেষে যে-নারীটি সাড়া দিলে সে জানালো যে লক্ষণগুলি ভুল ছিলো, দু'একদিন দেরি হ'তে পারে, তবে ডাক্তার যেন সেজ্ঞা চিন্তা না করেন।

তৃতীয় দিনে শুনলো যে গত রাত থেকে যন্ত্রণা শুরু হয়েছে, জল ভাঙছে, ভোর পর্যন্ত ব্যথা এসেছে ঢেউ ভেঙে-ভেঙে।

সে তক্ষুনি হাসপাতালে ছুটলো। দরজাটা ভুলে অর্ধেক ভেজানো ছিলো, গলি দিয়ে সেদিকে এগোতে-এগোতে টোনিয়ার মর্মবিদারক চীংকার ইউরির কানে এলো; কোনো দুর্ঘটনায় ট্রেনের চাকার তলায় যে পিষ্ট হয়েছে তাকে যদি হিঁচড়ে টেনে নিয়ে যাওয়া হয় তাহ'লে সে যেমন আতর্জনাদ করবে তেমনি চীংকার করছে টোনিয়া।

টোনিয়ার সঙ্গে তাকে দেখা করতে দেওয়া হ'লো না। নিজের হাতের মুঠি কামড়ে রক্ত বের ক'রে ফেললো ইউরি, জানলার ধারে গিয়ে দাঁড়ালো; গত দু'দিনের মতো আজও বৃষ্টি প'ড়ে চ'লেছে বঁকা রেখায়।

একজন দাই বেরিয়ে এলো, আর ইউরি শুনলো নবজাত শিশুর চীংকার। 'টোনিয়া ভালো আছে, টোনিয়া ভালো আছে,' আনন্দে ইউরি নিজের মনে ব'লে উঠলো।

'ছেলে হয়েছে। ছোট্ট এক ছেলে। নিরাপদ প্রসবের জন্ত আমার অভিনন্দন জানাই।' গানের মতো গলায় দাই বললে। 'এখনো শেতরে যেতে পারবেন না আপনি। সব হ'য়ে গেলেই আপনাকে ডাকবো। তারপর জীকে নিয়ে অনেক ঝামেলা করতে হবে আপনাকে। খুব কষ্ট পেয়েছে। এই প্রথমবার কিনা। প্রথমবার সব সময়ই একটু বেশি কষ্ট হয়।'

'টোনিয়া ভালো আছে, টোনিয়া ভালো আছে,' এই চিন্তায় স্থখী ইউরির

কানে দাইয়ের কথা ঢুকছিলো না, সে যেন শুনছিলোই না যে দাইটি তাকে এমনভাবে অভিনন্দন জানাচ্ছে যেন সে-ও কিছু অংশ নিয়েছে এই ব্যাপারে। —কিন্তু সত্যি, এই ব্যাপারের সঙ্গে তার কী সম্বন্ধ? পিতা-পুত্র; বিনা পরিশ্রমে পাওয়া এই পিতৃত্বে সে গর্ব করার কিছু পেলো না, যে-পিতৃত্বের উপহার আকাশ থেকে ঝরে পড়লো তার মাথায়, তাতে নতুন কোনো অহুভূতি জন্ম নিলো না তার মনে। এ-সব তার চেতনার বাইরে। আসল যা তা হ'লো টোনিয়া, টোনিয়া—যে মৃত্যুর দরজা থেকে নিরাপদে ফিরে এসেছে।

হাসপাতালের কাছেই তার এক রোগীর বাড়ি। তাকে দেখে আধ ঘণ্টার মধ্যে ইউরি ফিরে এলো। লবি আর ঘরের দরজা আবার খুলে দেওয়া হয়েছে। কী করেছে না-জেনেই ইউরি লবির দিকে ছুটলো।

শাদা পোষাক-পরা সেই হস্তী-ডাক্তার যেন মাটি ফুঁড়ে উঠে এসে তার পথ আটকে দাঁড়ালেন।

‘কী, করছেন কী আপনি?’ রোগিণী যাতে শুনতে না পায় সেজন্ত দম আটকে ফিসফিসে গলায় তিনি বললেন। ‘মাথা-খারাপ হ’য়ে গেছে নাকি আপনার? কাঁটা ছেঁড়া, রক্ত, সেপসিসের ভয়, আর মানসিক আঘাতের কথা ছেড়েই দিলাম। বাঃ, ডাক্তারের পক্ষে এমন ব্যবহার সত্যিই চমৎকার!’

‘আমি তো...আমি সে-রকম কিছু করতে চাইনি...। দয়া ক’রে আমাকে একবার শুধু দেখতে দিন। এখান থেকে, এই ফাটলটুকু দিয়ে।’

‘সে আলাদা কথা। আচ্ছা বেশ, যদি নেহাৎই দেখতে চান। কিন্তু আমি যেন আর না দেখি...আপনার জীর যদি চোখে প’ড়ে যান তাহ’লে আমি আপনার গলা ছিঁড়ে ফেলবো, খুন-খারাপি হ’য়ে যাবে একেবারে।’

ঘরের ভেতরে শাদা পোষাক-পরা দু’জন জীলোক দাঁড়িয়ে আছে দরজার দিকে পেছন ফিরে; ধাত্রী আর নার্স। নার্সের হাতার পাতার ওপর নড়ছে আর চিঁ-চিঁ আওয়াজ করছে এক মানব-সন্তান, ঘন-লাল রঙের এক টুকরো রবারের মতো সে, একবার টান করছে নিজেকে, আবার গুটিয়ে নিচ্ছে। নাড়ি কাটার আগে নাভির ওপর কাপড় বেঁধে দিচ্ছে ধাত্রী। ঘরের মাঝখানে

এক চাকাওয়ালা সাজিকাল খাটে টোনিয়া শুয়ে আছে। বেশ উঁচু খাট। উত্তেজনায় সব-কিছুই ইউরির বাড়িয়ে-বাড়িয়ে দেখছিলো, তার কাছে খাটটাকে মনে হ'লো দাঁড়িয়ে-লেখার টেবিলের সমান উঁচু।

অনেক উঁচুতে উঠে গিয়ে, সাধারণ মানুষের পক্ষে ঘরের ছাদের অনেক বেশি কাছাকাছি পৌঁছে, তার অবসিত ব্যথার ঘোরে আচ্ছন্ন হ'য়ে টোনিয়া শুয়ে আছে। এক ভেলা যেন টোনিয়া, ইউরির মনে হ'লো, যত্নুর নদীর ওপর দিয়ে এক অজানা দেশ থেকে জীবনের মহাদেশে দেশান্তরী আত্মা বহন ক'রে নিয়ে এসে বন্দরে বিশ্রাম নিচ্ছে। এইমাত্র নামলো সেই আত্মাদের একজন; শূন্যগর্ত জাহাজ নোঙর বেঁধে বিশ্রাম নিচ্ছে। তার পরিশ্রান্ত মাস্তুল আর গলুই, তার সমস্ত সত্তা এখন বিশ্রান্ত, আর তার স্মৃতি থেকে সম্পূর্ণভাবে মুছে গেছে সেই অশ্রু তীরের ছবি, সে ভুলে গেছে তার নদী পার হওয়া, তার তীরে এসে নোঙর বাঁধার কথা।

যে-দেশে তার পতাকা সে উড়িয়ে এলো সে-দেশে আর কেউ যায় নি, তাই এখন তার সঙ্গে কথা বলার ভাষা কেউ জানে না।

ইউরির হাসপাতালে সবাই তাকে অভিনন্দন জানালো। কী দ্রুত গতিতে খবর ছড়ায় ভেবে অবাক লাগলো ইউরির।

স্টাফ-রুম—যেটা আবর্জনার গুদাম ব'লে পরিচিত—সেখানে চ'লে এলো সে। ভারাক্রান্ত হাসপাতালে এতো স্থানাভাব যে ওটাকেই ক্লোক-রুম হিসেবে ব্যবহার করা হচ্ছে। লৌকেরা এ-ঘরে বাইরে থেকে ঢোকে গলোশ পায়, ভুলে ফেলে যায় সন্দের জিনিসপত্র, আর ঘরের মেঝে ভ'রে ফেলে কাগজের কুচিতে, সিগারেটের টুকরোয়।

জানলার ধারে দাঁড়িয়ে একজন মোটাসোটা বয়স্ক আবাসিক তারপ্রাপ্ত ছাত্র একটা পাত্র আনিয়ে তুলে ধ'রে চশমার মধ্যে দিয়ে ভালো ক'রে দেখছিলো, অনচ্ছ কিছু তরল পদার্থ সেই পাত্রের মধ্যে ভরা।

‘আমার অভিনন্দন জানাচ্ছি,’ ঘুরে না-তাকিয়ে সে বললে।

‘ধন্যবাদ।’

‘আমাকে ধন্যবাদ দেওয়ার কোনো মানে হয় না। আমার সঙ্গে তো এ ব্যাপারটার কোনো যোগই ছিলো না। পিচুজ্জকিন পোস্ট-মর্টেম করেছে।

খুব চমকেছে কিন্তু সবাই—অসুখটা একিনোককাসই ছিলো। একেই ব'লে আসল রোগনির্ণয়—সবাই বলছে এ-কথা। এ ছাড়া আর অস্ত্র কথা নেই কারো মুখে।

ঠিক তক্ষুনি প্রধান চিকিৎসক ঘরে ঢুকলেন ; তাদের দু'জমকে অভিবাদন জানিয়ে বললেন ; 'উঃ, এ কী নরককুণ্ড হ'য়ে আছে এখানে। কী আবর্জনা ! ই্যা, ভালো কথা, জিভাগো, একিনোককাস-ই ছিলো অসুখটা ; ভাবো একবার আমরা সবাই ভুল করেছিলাম। আমার অভিনন্দন জানাচ্ছি তোমাকে। ই্যা, আর-এক কথা। খুব বিস্ত্রী একটা ব্যাপার হয়েছে। তোমাদের ওপর আবার নজর পড়েছে। এবার আর ঠেকাতে পারলাম না। ডাক্তারের দারুণ অভাব যে ওদের। শিগগিরই তোমাকে বারুদের গন্ধের মধ্যে গিয়ে পড়তে হবে।'

৬

ইউরিয়্যাটিনে আন্টিপভরা বেশ তাড়াতাড়িই গুছিয়ে বসলো। গুইশারদের ভালোবেসে মনে রেখেছে অনেকেই, তাই নতুন জায়গায় সংসার পাতার নানান ঝামেলা সহজেই মেটাতে পারলে লারা। চার বছর এখানে কেটে গেলো তাদের।

হাতভরা কাজ লারার, বহু ভাবনা। ঘরের কাজ দেখতে হয় তাকে, তা ছাড়া দেখতে হয় তার তিন বছরের মেয়ে কাটিয়াকে।—মাকু'টকা, তাদের লালচুলের দানীটি, যথাসাধ্য চেষ্টা করে বটে, কিন্তু সব কাজ সেয়ে উঠতে পারে না।—তার ওপর, পাশার ইচ্ছে এবং আগ্রহের অংশ নেয় লারা, আর মেয়েদের হাইস্কুলে পড়ায়। অস্বহীন কাজ করে সে, তাতেই সে সুখী। এই জীবনের স্বপ্নই সে দেখেছিলো।

ইউরিয়্যাটিন ভালো লাগে তার। এখানেই সে জন্মেছে। মস্ত নদী রিন্ভার তীরে এই জায়গা, উরালের এক রেল-লাইন তাকে ছুঁয়ে গেছে। নদীটি নাব্য, যদিও অনেকদূর উজিয়ে গেলে আর নৌকো চলে না।

ইউরিয়্যাটিনে আসন্ন শীতের একটি লক্ষণ হ'লো এই যে লোকেরা তখন

নদী থেকে নৌকো তুলে নেয় ; গাড়ি বোঝাই ক'রে নৌকোগুলি শহরে নিয়ে এনে ফেলে রাখে খিড়কির উঠোনে। খোলা বাতাসে প'ড়ে থাকে নৌকোগুলি, অপেক্ষা করে বসন্তের জন্ত। অন্তান্ত অঞ্চলে, সারস পাখির অগ্ন্যুত্তাপে উড়ে যাওয়া, বা প্রথম তুষারপাতের বা অর্থ, এখানে উঠানের ছায়ায় উপুড় হ'য়ে প'ড়ে-থাকা নৌকো দেখে লোকে ঠিক তা-ই বোঝে। আশ্চর্যের বিষয় যে-বাড়িটা ভাড়া নিয়েছিলো তার উঠোনেও এ-রকম একটা নৌকো প'ড়ে ছিলো। তার শাদা মাঙ্গুলের তলাটা হ'লো কাটিয়ার গ্রীষ্মাবাস, সেখানে ব'সে সে খেলা করে।

ইউরিয়্যাটিনের মফস্বলি ধরনধারন ভালো লাগে লারার, ভালো লাগে উত্তর-প্রদেশীয় টানে লম্বা স্বরবর্ণের উচ্চারণ, আর ফেণ্টের জুতো আর ছাইরঙা ফ্ল্যানেলের হাত-কাটা জামা-পরা সরল বিশ্বাসপরায়ণ বুদ্ধিজীবীদের।

আশ্চর্যের বিষয় পাশা, যে নাকি মস্কো-রেলওয়ে-কর্মচারীর ছেলে, দেখা গেলো অসংশোধনীয়ভাবে সে শহরে। লারার চাইতে ঢের বেশি কঠোরভাবে ইউরিয়্যাটিন-বাসীদের বিচার করে সে। তার কাছে ওরা হ'লো মূর্থ এবং বুনো ; অসহ্য লাগে তার।

পাশার এক অসাধারণ ক্ষমতা এখন আবিষ্কৃত হ'লো : যেমন দ্রুতবেগে সে পড়ে, তেমনি নিভুলভাবে সংগৃহীত সংবাদগুলি মনে রাখে। আগে বিস্তর পড়েছিলো সে—লারাকেই অবশ্য অনেকখানি ধন্যবাদ দিতে হয় সেজন্য। এই মফস্বলের নির্জন বিশ্রামে সে এখন এতোই পড়াশুনো করতে লাগলো যে এমন কি লারাও আর যথেষ্ট জানে ব'লে তার মনে হ'লো না। আর স্কুলের অন্তান্ত শিক্ষকদের ছাড়িয়ে সে অবশ্য অনেক উঁচুতে উঠে গেছে ; এখানে তার দৃষ্টি আটকে আসছে, এই তার নালিশ। এখন এই যুদ্ধের সময়ে মফস্বলের বাঁধা-ধরা সাধারণ দেশপ্রেমের সঙ্গে কিছুই মেলে না পাশার ; স্বদেশের বিষয়ে তার অল্পভূতি আরো অনেক জটিল।

কলেজে পাশার বিষয় ছিলো প্রাচীন সাহিত্য, এখানে সে লাতিন ও প্রাচীন ইতিহাস পড়ায়। কিন্তু স্কুল থেকেই বিজ্ঞানের দিকেও একটা আবেগ সঞ্চিত আছে তার মনে—পদার্থবিজ্ঞান আর গণিত—তার সেই প্রায়-বিস্তৃত আবেগ এখন আবার সজীবিত হ'লো। এই বিষয়গুলির ওপর বাড়িতে জিজ্ঞাসা—১০

যা পড়াশুনো করেছে তাতে বিশ্ববিদ্যালয়ের স্তরে উঠে গেছে সে ; তার স্বপ্ন, বিজ্ঞানের কোনো বিষয় নিয়ে পরীক্ষা দেয়, তারপর সপরিবারে চ'লে যায় গিটার্গবার্গে। রাত জেগে প'ড়ে-প'ড়ে শরীর খারাপ হ'য়ে যেতে লাগলো তার, অনিদ্রারোগে ধরলো।

জীব সঙ্গে তার সম্পর্ক হ্রাস, কিন্তু যথেষ্ট সরল নয়। তার প্রতি তার জীব কোমলতা, তাকে নিয়ে তার বাড়াবাড়ি—এ-সবে তার হাঁপ ধ'রে আসে, কিন্তু কিছু বলতে ভয় পায় সে, পাছে একটা নির্দোষ কথাও অভিযোগ ব'লে মনে হয় লারার—পাছে সে ভাবে যে পাশা তাকে এই কথাই মনে করিয়ে দিচ্ছে যে তার রক্ত পাশার চাইতে অভিজাত, কিংবা সে যে এক সময় অন্তের প্রণয়িনী ছিলো সেইদিকে ইঙ্গিত করছে। পাশার ভয় ছিলো পাছে লারা এমন সন্দেহ করে যে তার সম্বন্ধে পাশার হাস্তকর এবং অসংগত কোনো ধারণা আছে, আর এই ভয়ই বাধা সৃষ্টি করেছিলো তাদের দু'জনের মধ্যে স্বাভাবিকতায়। প্রত্যেকে তারা চেষ্টা করে অন্তর্জনের চাইতে উদার ব্যবহার করতে, আর তাইতে ব্যাপারটা আরো গোলমালে হয়ে ওঠে।

সেদিন রাত্রে তাদের বাড়িতে কয়েকজন অতিথি আসছিলেন—লারার স্কুলের প্রধান শিক্ষয়িত্রী, পাশার কয়েকজন সহ-শিক্ষক, এক সালিশি আদালতের একজন সভ্য—সেখানে পাশাকেও ডাকা হয়েছিলো সম্মতি—এবং আরো কয়েকজন। এঁরা সকলেই, পাশার মতে, বোকার চূড়ান্ত। লারা ওদের সঙ্গে কী ক'রে অতো ভালো ব্যবহার করতে পারে তা ভেবে পাশা অবাক হয়, সে কিছুতেই এ-কথা বিশ্বাস করতে পারবে না যে ওদের মধ্যে একজনকেও লারা সত্যি-সত্যি পছন্দ করে।

ওরা চ'লে যাবার পর ঘরদোর পরিষ্কার করতে, শুছোতে, রান্নাঘরে মাফু'ট্কার সঙ্গে বাসন মাজতে, অনেক সময় নিলে লারা। তারপর, কাটিয়ার গায়ে ভালো ক'রে চাপা দেওয়া আছে কিনা, পাশা ঘুমিয়েছে কিনা, এই সব দেখে-শুনে, সে তাডাতাড়ি পোষাক ছেড়ে আলো নিবিয়ে স্বামীর পাশে শুয়ে পড়লো—যে-ভাবে শিশু তার মায়ের পাশে শোয় তেমনি সহজ তার ভঙ্গি।

কিন্তু পাশা ভান করছিলো ; আসলে সে ঘুমোয়নি। আজকাল প্রায়ই

তার যা হয়, ঘুম আসছিলো না। ঘণ্টার পর ঘণ্টা জেগে-জেগে শুয়ে কাটাতে হবে বুঝে সে উঠে পড়লো, রাত-কাপড়ের ওপরেই চাপিয়ে নিলে পশমের কোট আর টুপি, তারপর বাইরে বেরলো।

পরিস্কার, শিশিরে ধোয়া রাত। বরফের পাংলা টুকরোগুলি তার পায়ের চাপে গুঁড়িয়ে যেতে লাগলো। জ'মে-যাওয়া মাটির টুকরোতে আচ্ছন্ন ঘন কালো পৃথিবীর ওপর তারায় উজ্জ্বল আকাশ থেকে গ্লান নীল আলোর শিখা এসে পড়েছে—মেথিলেটেড স্পিরিটের আগুনের মতো তার রং।

সেই শহরের এক প্রান্তে বাসা নিয়েছিলো আন্টিপতরা; অন্ত প্রান্তে নদীর বন্দর। রাস্তার একেবারে শেষের বাড়িটি তাদের, বাড়ির পেছনে মাঠ, সেই মাঠ দিয়ে চ'লে গেছে রেলের লাইন, লেভেল ক্রসিং আছে সেখানে, আর আছে সিগনালের ঘর।

উপুড় ক'রে রাখা সেই নৌকোর ওপর ব'সে আকাশের তারার দিকে তাকালো পাশা। গত কয়েক বছর ধ'রে যে-চিন্তাগুলি তার সঙ্গী, তারা নাড়া দিচ্ছে মনের মধ্যে, অশান্তি বোধ করছে সে। কখনো-না-কখনো, সে ভাবলে, এদের সমাধান তাকে খুঁজে নিতে হবে; আর তা-ই যদি হয়, তাহ'লে এখনই বা নয় কেন?

এ-ভাবে চলতে পারে না, পাশা ভাবলে। তাদের বিয়ের অনেক আগেই এ-কথা তার উপলব্ধি করা উচিত ছিলো। কেন লারা তাকে শিশুর মতো প্রশ্ন দিয়েছে, প্রাণ ভ'রে অমনভাবে তাকাতে দিয়েছে তার দিকে? তখনো তো লারা তাকে দিয়ে যাচ্ছে তা-ই করাতে পারতো। সময়মতো ব্যাপারটা চুকিয়ে ফেলার মতো বুদ্ধি কেন হয়নি তার, লারা নিজেই তো জোর করেছিলো সব শেষ ক'রে দেবার জন্ত? এ-কথা কি নিতাস্তই স্পষ্ট নয় যে লারা যাকে ভালোবাসে সে পাশা নয়, সে হ'লো সেই কর্তব্য, যার দায় সে এমন স্বেচ্ছাক্রমে পালন করছে? লারা যা ভালোবাসে তা হ'লো তার নিজের মহত্বের প্রতিচ্ছবি। কিন্তু তার এই কর্তব্য, যতোই প্রশংসনীয়, যতোই মহৎ হোক না কেন, পারিবারিক জীবনের সঙ্গে তার যোগ কোথায়? আর সবচেয়ে যা খারাপ তা হ'লো এই যে পাশা তাকে আগের মতোই ভালোবাসে। লারার মাধুর্য যেন উপচে পড়ে। কিন্তু তবু—পাশা কি নিশ্চিত জানে যে তার দিক

থেকেও প্রেম সত্যিই আছে? না কি তার প্রেমও আসলে এক অবোধ্য কৃতজ্ঞতা—নারার মধুরতা আর উদারতার জন্ত? কোনটা সত্য তা কে ব'লে দেবে?

তাহ'লে সে করবে কী? এই জীবন থেকে মুক্তি দেবে স্ত্রী ও কন্যাকে? তার নিজের মুক্তির চাইতেও সেটা দরকারি। হ্যাঁ, কিন্তু কী ক'রে? বিবাহবিচ্ছেদ? জলে ডুবে আত্মহত্যা? 'কী অসহ্য বাজে!' বিরক্তিতে পাশা নিজেই প্রতিবাদ করলে। 'যেন ও-সব কিছু সত্যিই কখনো করতে পারবো! তাহ'লে আর মনে-মনে এ-সব নাটুকেপনার মহড়া দিয়ে লাভ কী?'

আকাশে তারাদের দিকে চোখ তুলে যেন উপদেশ চাইলো সে। দপদপ করতে থাকলো তারা, ছোটো আর বড়ো, একা কোনোটা, কোথাও বা একসঙ্গে অনেকে, কেউ নীল, কারুর গায়ে রামধনু-রং। হঠাৎ মিলিয়ে গেলো সেই সব; আর দ্রুত, কর্কশ এক আলোয় স্পষ্ট হ'য়ে ফুটে উঠলো বাড়ি, উঠোন, আর নৌকোর ওপর উপবিষ্ট পাশা। কেউ যেন খোলা টর্চ দোলাতে-দোলাতে মাঠ থেকে গেটের দিকে ছুটেছে। আঙুনের ফুলকি-ছিটোনো হলুদ ধোঁয়ার মেঘ আকাশে ছড়াতে-ছড়াতে সৈন্ত-বোঝাই একটা ট্রেন লেভেল ক্রসিং পার হ'য়ে পশ্চিম দিকে চলেছে; গত এক বছর ধ'রে যে-অসংখ্য ট্রেন দিনরাত ছুটে চলেছে তাদের মধ্যে এও এক।

মুহূ হাসলো পাশা, উঠে প'ড়ে শুতে গেলো। তার প্রশ্নের জবাব মিলেছে।

৭

পাশার সিদ্ধান্ত জেনে স্তম্ভিত হ'য়ে গেলো নারা, প্রথমে যেন নিজের কানকে বিশ্বাস করতে পারলো না সে। 'নিছক পাগলামি,' সে ভাবলে—'ও প্রলাপ বকছে। আমি যদি গ্রাহ্য না করি তাহ'লেই ভুলে যাবে।'

কিন্তু দেখা গেলো গত পনেরো দিন ধ'রে পাশা প্রস্তুত হচ্ছে। রিক্রুটিং আপিশে কাগজপত্র দাখিল করেছে, স্কুলে পাশার জায়গায় আরেকজন এসেছেন, আর পাশা হুকুম পেয়েছে ওম্‌স্-এ সামরিক শিক্ষাকেন্দ্রে চ'লে যাবার জন্ত।

চাষার মেয়ের মতো চ্যাচাতে শুরু করলো লারা, পাশার হাত আঁকড়ে ধরলো, পায়ের তলায় গড়ালো। ‘পাশা, পাশা’ আর্তনাদ বেরলো তার গলা চিরে, ‘আমাদের ছেড়ে যেয়ো না। এমন কাজ কোরো না তুমি, কোরো না, এখনো সময় আছে। আমি সব ব্যবস্থা ক’রে দেবো। ভালো ক’রে স্বাস্থ্য পরীক্ষা করা হয় নি তোমার, আর তোমার ঐ হার্ট...মত বদলাতে কি লজ্জা করছে তোমার? আর তোমার এই পাগলামির কাছে তোমার পরিবারকে জলাঞ্জলি দিতে লজ্জা করছে না? তুমি হবে স্বেচ্ছাসেবক! আজীবন রডিয়াকে ঠাট্টা ক’রে এখন কি তাকেই দর্শন করছো তুমি? অফিসারের পোষাক প’রে তোমাকেও কাপ্তানি ক’রে বেড়াতে হবে, তুমিও অল্প সকলের মতো কথায়-কথায় তলোয়ার নাচাবে! পাশা, কী হয়েছে তোমার? তুমি তো সেই আগের তুমি নও, আমি যে তোমাকে চিনতে পারছি না। কী তোমাকে এমনভাবে বদলে দিলো? সত্যি ক’রে বলো, যীশুর দোহাই, বড়ো-বড়ো কথা বাদ দিয়ে আমাকে শুধু বুঝিয়ে দাও, রাশিয়া সত্যিই এই চায়?’

•

হঠাৎ সে উপলব্ধি করলো যে ব্যাপারটা আসলে তা নয়। সবটা বুঝতে না-পারলেও আসল কথাটা সে ধরতে পারলে। পাশা তার সঙ্গে লারার আচরণকে ভুল বুঝেছে। চিরদিনই পাশার প্রতি তার আসক্তি অংশত মায়ের মমতা দিয়ে ভরা, পাশা সেই মমতার বিরুদ্ধে বিদ্রোহ করেছে, বোঝে নি যে স্ত্রী-পুরুষের সাধারণ অহুভূতির চাইতে লারার এই ভালোবাসা কম নয়, বরং আরো বেশি।

ঠোট্ট কামড়ালো লারা, যেন মার খেয়ে কঁকড়ে গেলো সে, কান্না গিলে ফেলে নিঃশব্দে জিনিসপত্র গোছাতে শুরু করলো।

পাশা চলে যাবার পর লারার মনে হ’লো সমস্ত শহর যেন স্তব্ধ হ’য়ে গেছে, এমনকি আকাশেও অনেক কম কাক উড়ে বেড়াচ্ছে। ‘মা ঠাকরুন, মা ঠাকরুন,’ মাহু’টকা তার সংবিৎ ফিরিয়ে আনার চেষ্টা করলো। ‘মা, মা,’ কাটিয়া তার জামার হাতা ধ’রে টেনেই চললো।—এ তার জীবনের সবচেয়ে বড়ো পরাজয়। তার সর্বশ্রেষ্ঠ, তার উজ্জ্বলতম আশাগুলি শেষ হ’য়ে গেলো।

সাইবেরিয়া থেকে পাশা যে-সব চিঠি লিখলে তাতে তার মনোস্তাব জানতে

পারলো লারা। স্ত্রী ও মেয়ের অভাব তীব্রভাবে অনুভব করছে সে। কিন্তু কয়েক মাসের মধ্যেই পাশা এনসাইনের পদ পেলো, আর সেই রকমই আকস্মিকভাবে প্রেরিত হ'লো যুদ্ধক্ষেত্রে। যাবার পথে কাছাকাছি কোথাও ইউরিয়্যাটিন পড়লো না, আর মস্কোতেও কারো সঙ্গে দেখা করার সময় হ'লো না তার।

যুদ্ধক্ষেত্র থেকে যখন সে চিঠি লিখলো তখন মনে হ'লো তার মনের ভার আগের চাইতে হালকা হয়েছে। নিজেকে অল্প সকলের থেকে আলাদা করতে চায় সে, যাতে কোনো সামান্য আঘাতের ফলে অথবা তার পুরস্কারস্বরূপ ছুটি নিয়ে বাড়ি গিয়ে তার পরিবারের সঙ্গে সে দেখা করতে পারে। শিগগিরই স্বযোগ পেলো। ক্রসিলভের সেনাবাহিনী শত্রুপক্ষের ব্যুহ ভেদ ক'রে আক্রমণ শুরু করলো। পাশার চিঠি আসা বন্ধ হ'য়ে গেলো। প্রথমে লারা উদ্বিগ্ন বোধ করেনি। পাশার নীরবতার কারণ সামরিক অভিযান ব'লেই মনে করেছিলো—তার রেজিমেন্ট যাত্রা শুরু করাতে সে চিঠি লিখতে পারছে না। হেমন্তকালে অগ্রগতি ধীর হ'য়ে এলো; সৈন্যদল পরিখাখনন শুরু করলে, কিন্তু তবু পাশার কাছ থেকে কোনো চিঠি এলো না। এবার লারা উদ্বিগ্ন বোধ করতে লাগলো, নানারকম খোঁজ-খবর নিতে শুরু করলে সে, প্রথমে স্থানীয় ভাবে ইউরিয়্যাটিনে, তারপর চিঠিতে মস্কোতে, আর পাশার পুরোনো বন্ধুদের কাছে। কিন্তু কোনো জবাব মিললো না, মনে হ'লো কেউ কিছু খোঁজ জানে না।

স্থানীয় কয়েজন মহিলার সঙ্গে লারাও শহরের হাসপাতালের মিলিটারি বিভাগে কিছু-কিছু কাজ করতে শুরু করেছিলো। এবার সে সত্যি সত্যি কাজ শিখতে লাগলো, নার্স হবার যোগ্যতা অর্জন ক'রে স্কুল থেকে ছ মাসের ছুটি নিলো সে; তারপর মাস্কুটকার ওপর বাড়ির ভার দিয়ে, কাটিয়াকে নিয়ে মস্কোতে গেলো। মেয়েকে লিপার কাছে রাখলে সে, লিপা একাই বাস করছে তখন, কারণ তার স্বামী জার্মান নাগরিক ব'লে অস্ত্রাস্ত্র শত্রুপক্ষীয় অসামরিক ব্যক্তিদের মতো উদ্ধাতে অন্তরীণ ছিলেন।

অল্প কোনো উপায়ে পাশার খোঁজ করা অর্থহীন জেনে লারা নিজেই তার খোঁজ নেবে ঠিক করেছে। এই উদ্দেশ্য মনে রেখে, হাঙ্গেরির সীমান্তগামী

এক হাসপাতাল-গাড়িতে নার্সের চাকরি নিলো সে, পাশা তার শেষ ঠিকানা দিয়েছিলো লিঙ্কির, এই ট্রেন লিঙ্কি হ'য়ে যাবে।

৮

একটি রেড ক্রস ট্রেন, টাটিয়ানা কমিটির^১ সংগৃহীত আহতদের জ্ঞাত্বতঃপ্রণোদিতভাবে দেওয়া নানারকম সাহায্য নিয়ে আঞ্চলিক হেডকোয়ার্টারে এসে পৌঁছলো। লম্বা গাড়ি, অধিকাংশই কদাকার মালের বগি; একটিমাত্র প্রথম শ্রেণীর কামরায় মস্কোর বিশিষ্ট নাগরিকেরা এসেছেন সৈন্যদের জ্ঞাত্ব উপহার নিয়ে। তাদের মধ্যে একজন হ'লো গর্ডন। সে জানত যে তার ছেলেবেলার বন্ধু জিভাগো আঞ্চলিক হাসপাতালের সঙ্গে সংশ্লিষ্ট আছে; শুনলো হাসপাতালটা কাছেই এক গ্রামে, লাইনের ঠিক ওপারে যাবার জ্ঞাত্ব অহুমতি আদায় করলো গর্ডন, একটা ঘোড়ার গাড়ি যাচ্ছিলো গ্রামে, তাতে চ'ড়ে বসলো।

গাড়ির চালকটি বিয়েলোরুশ—অর্থাৎ লিথুয়েনীয়, ভাঙা-ভাঙা রুশ বলে। গুপ্তচরের হজুগটা এখন খুব চলতি ব'লে নিরুত্তাপ আর কেজো কথোপকথন চালালো লোকটি; তার স্মৃঢ় দেশভক্তির দাপটে নিরুত্তম হ'য়ে গর্ডন বেশির ভাগ পথ মুখ বুজে কাটালে।

প্রধান কার্যালয়ে—যেখানে সৈন্যদের ঘাঁটি সবিয়ে-সবিয়ে সবাই এমন অভ্যস্ত যে একশো মাইলের কমে দূরত্ব মাপে না—গর্ডন শুনেছিলো যে গ্রামটি বেশ কাছে, খুব বেশি হ'লে পনেরো মাইল দূর ওখান থেকে; আসলে পঞ্চাশ মাইলের কাছাকাছি।

সমস্ত পথ বাঁ দিকের স্মৃঢ় দিগন্ত থেকে গুমরোনো গর্ডন ভেসে এসেছে। ভূমিকম্পের কোনো অভিজ্ঞতা নেই গর্ডনের, তবু উপলব্ধি করলো যে আগ্নেয়গিরির গর্জন আর আকস্মিকতার সবচেয়ে ভালো তুলনা শত্রুপক্ষের কামানের আওয়াজ—রাগি, দূর-থেকে-ভেসে-আসা, ঠিকমতো চেনা যাচ্ছে

১। জার-কস্তা ডাচেস টাটিয়ানার নেতৃত্বাধীন একটি কমিটি।

না যেন। সন্ধ্যার সময় সেই দিকের আকাশে গোলাপি রঙের আভা ছড়িয়ে পড়লো, ঝিকিঝিকি জ্বললো ভোর অবধি।

পথে অনেক গ্রামের ধ্বংসাবশেষ চোখে পড়লো। কোনো গ্রাম সম্পূর্ণ জনশূন্য, কোথাও-কোথাও মাটির তলার ঘরে বাস করছে লোকেরা। যেখানে এক সময়ে ঘর-বাড়ি ছিলো, সেখানে বাড়িঘরের জায়গায় প'ড়ে আছে ধুলো আর চুন-সুরকির স্তূপ। বন্ধা পতিত জমির মতো আশুনে পোড়া এই জনবসতির দিকে এক পলক তাকিয়েই সমস্তটা দেখে নেওয়া যায়। যার-যার বাড়ির ভগ্নস্তূপের মধ্যে ব'সে বৃদ্ধারা ছাই আঁচড়ে চলেছে, খুঁড়ে-খুঁড়ে কিছু-একটা তুলে নিয়ে সরিয়ে রাখছে এক পাশে, বুঝি তারা ভাবছে যে দেয়ালগুলি এখনো বাইরের লোকের চোখ থেকে তাদের আড়াল ক'রে দাঁড়িয়ে আছে। গর্ভন যখন তাদের পাশ দিয়ে যাচ্ছে, চোখ তুলে তার দিকে এমনভাবে তাকাচ্ছিলো যেন জিজ্ঞাসা করছে কবে আবার এই পৃথিবী প্রকৃতিস্থ হবে, শান্তি নামবে, শৃঙ্খলা ফিরে আসবে তাদের জীবনে।

অন্ধকার নামলে পরে তাদের গাড়িটা একদল সৈন্যের মধ্যে গিয়ে পড়লো, বড়ো রাস্তা ছেড়ে দেবার হুকুম হ'লো তাদের ওপর। গাড়ির চালক ঘোড়ার গাড়ি চলবার নতুন রাস্তা চেনে না। বেশ কয়েক ঘণ্টা বৃত্তাকারে ঘুরে বেড়ালো তারা, কোথাও পৌঁছলো না। ভোরবেলা তারা যে-গ্রামটিতে পৌঁছলো তার নাম এবং তারা যে-গ্রাম খুঁজছে তার নাম এক, কিন্তু হাসপাতালের খোজ কেউ জানে না সেখানে। জানা গেলো একই নামে দুটি গ্রাম আছে। অবশেষে, সকালবেলায়, ঠিক গ্রামটি খুঁজে পেলো তারা। ক্যামোমিল^১ আর আইওডোকর্মের গন্ধে ভরা গ্রামের পথ দিলে যেতে-যেতে গর্ভন ঠিক করলে রাত্রি এখানে থাকবে না, দিনটা জিভাগোর সঙ্গে কাটিয়ে সেই সন্ধ্যাতেই রেল-স্টেশনে, যেখানে তাঁর অস্ত্রান্ত বন্ধুদের রেখে এসেছে, ফিরে যাবে। কিন্তু পাকচক্রে তাকে এক সপ্তাহের ওপর থেকে যেতে হ'লো।

১। সুরভি লতাশিষে, তার রস ভেবজ হিসেবে ব্যবহৃত হয়। —অনুবাদের টীকা

৯

সেনাবাহিনীর অগ্রভাগ এগোতে শুরু করলো। সেই জেলার দক্ষিণ অংশে, যেখানে গর্ডন গিয়ে উপস্থিত হ'লো, আমাদের সৈন্যদল শত্রুপক্ষের ব্যুহ ভেদ করতে সক্ষম হয়েছিলো। শত্রুপক্ষের ব্যুহে যে-ফাঁক তারা সৃষ্টি করেছে তা আরো বড়ো ক'রে তুলে পশ্চাদ্রক্ষী সৈন্যরাও অগ্রসর হয়েছিলো ; কিন্তু পেছিয়ে পড়লো তারা, অগ্রবর্তী বাহিনী তাদের থেকে বিচ্ছিন্ন হ'য়ে প'ড়ে শত্রুপক্ষের হাতে ধরা প'ড়ে গেলো। বন্দীদের মধ্যে একজন হলেন লেকটেন্যান্ট আন্টিপভ, তাঁর বাহিনী আত্মসমর্পণ করাতে তিনি ধরা দিতে বাধ্য হলেন।

সকলের ধারণা তিনি হয় বোমায় নিহত হয়েছেন, নয়তো কোনো বিস্ফোরণের ফলে মাটি-চাপা পড়েছেন। এই সংবাদ ছড়িয়েছে তাঁরই একজন বন্ধু, এনসাইন গালিউলিন, আন্টিপভ যখন অভিযানের নেতৃত্ব করছিলেন তখন পর্যবেক্ষণ-মঞ্চ থেকে দূরবীন দিয়ে দেখছিলো সে।

গালিউলিন যা দেখেছে তা আক্রমণকারী সৈন্যদলের চিরাচরিত ছবি। দ্রুত গতিতে এগিয়ে যাচ্ছে সবাই, প্রায় দৌড়ে পার হচ্ছে দুই পক্ষের মাঝখানকার অনধিকৃত জমিটুকু—হেমন্তের সেই মাঠে বাতাসে তুলছে শুকনো কাশ, আর স্তব্ধ হ'য়ে দাঁড়িয়ে আছে খোঁচা-খোঁচা গর্দের^১ ঝোপ। উদ্বেগ হ'লো অস্ট্রিয়ানদের ট্রেক থেকে বের ক'রে এনে মুখোমুখি যুদ্ধ করা, অথবা হাত-বোমা ব্যবহার ক'রে তাদের শেষ ক'রে ফেলা। যারা ছুটছিলো মাঠটা তাদের কাছে মনে হচ্ছিলো অস্তুহীন, তাদের পায়ের তলার মাটি চোরাবালির মতো স'রে-স'রে যাচ্ছে। তাদের এনসাইন ছুটছেন, প্রথমে তাদের আগে-আগে, তারপর পাশে-পাশে, রিভলভারটা মাথার ওপর দোলাচ্ছেন, 'হরে' বলতে-বলতে তাঁর মুখ কান থেকে কান পর্যন্ত ফেটে যাচ্ছে, কিন্তু সে আওয়াজ তিনি বা তাঁর সৈন্যেরা কেউই শুনতে পাচ্ছে না। মাঝে-মাঝে মাটির ওপর শুয়ে পড়ছিলো সকলে, একসঙ্গে উঠে প'ড়ে আবার ছুটেতে শুরু করছিলো চীৎকার করতে-করতে। আর প্রত্যেকবার, একজন কি দুজন, গুলিবিদ্ধ হ'য়ে, অন্তদের সঙ্গেই পড়ছিলো মাটির ওপর, কিন্তু অগতাবে—বনের মধ্যে কেটে-ফেলা গাছের মতো ট'লে পড়ছিলো তারা, আর উঠছিলো না।

১। Gorse : হলুদ ফুলে ভরা একরকম ঝোপ।—অনুবাদের টীকা

‘লক্ষ্যের বাইরে গুলি ছুঁড়েছে ওরা, গোলন্দাজদের খবর দাও,’ উদ্বিগ্নভাবে গালিউলিন তার পাশে দাঁড়ানো গোলন্দাজ বাহিনীর সেনাপতিকে বললে।—
‘না, দাঁড়াও, ঠিক আছে।’

আক্রমণকারীরা শত্রুপক্ষের প্রায় মুখোমুখি দাঁড়িয়েছে, এমন সময় গোলাবর্ষণ বন্ধ হ’য়ে গেলো। সেই আকস্মিক স্তব্ধতায় নিরীক্ষণকারীরা তাদের নিজেদের হৃৎস্পন্দন শুনতে পাচ্ছিলো, আন্টিপভের মতো তারাও যেন তাদের মৈস্তদলকে শত্রুপক্ষের ট্রেকের ধাবে এনে দাঁড় করিয়েছে, পরবর্তী কয়েক মুহূর্তের মধ্যে তাদেরও যেন প্রত্যুৎপন্নমতিত্ব আর বীরত্ব দেখিয়ে আশ্চর্য কিছু ঘটিয়ে ফেলতে হবে। ঠিক সেই মুহূর্তে তারা দেখলো ছোটো বোলো ইঞ্চির জর্মান কামান থেকে আক্রমণকারীদের ওপর গোলাবর্ষণ হ’লো। ধুলোর কালো মেঘে আর ধোঁয়ায় এর পরে কী হ’লো আর দেখা গেলো না। ‘হ্যাঁ আল্লা! শেষ! ওদের হ’য়ে গেলো,’ শাদা-ঠোটে ফিসফিস করলো গালিউলিন, তার ধারণা হ’লো এনসাইন এবং তাঁর দলের সকলেই নিহত হয়েছে। নিরীক্ষণ-মঞ্চের খুব কাছ ঘেঁষে আরো একটি গোলা চ’লে গেলো। দ্বিগুণ নিচু হ’য়ে, নিরীক্ষণকারীরা দ্রুত নিরাপদ দূরত্বে পালালো।

গালিউলিন ছিলো আন্টিপভের সঙ্গে একই গর্তে। আন্টিপভ মারা গেছেন, এ-কথা সবাই মেনে নেওয়ার পর, তাঁর বন্ধুরা গালিউলিনকে আন্টিপভের জিনিসপত্রের ভার নিয়ে তাঁর বিধবা স্ত্রীর জন্তু রেখে দিতে বললো; আন্টিপভের জিনিসপত্রের মধ্যে তাঁর স্ত্রীর অনেকগুলি ফোটোগ্রাফ ছিলো।

গালিউলিন, যার জাত-ব্যবসা হ’লো মিস্ত্রিগিরি, সম্প্রতি নতুন পদে উন্নীত হয়েছে। টিভেরজিনের ফ্ল্যাট-বাড়ির ভাড়াটে গিমাঞ্জেদিনের ছেলে গালিউলিন—সেই ইউরুপকা, যাকে স্ত্রীর অতীতে ফোরম্যান খুঁড়লেয়েভ শিক্ষানবিশ হিসেবে পেয়ে ধ’রে পেটাতো। তার সেই অতীত আক্রমণকারীর কাছেই এখন সে তার বর্তমান উন্নতির জন্তু ঋণী।

যুদ্ধের চাকরিতে এসে, নিজের ইচ্ছের বিরুদ্ধে এবং নিতান্ত অকারণে, গালিউলিন নিজেকে আবিষ্কার করেছিলো পশ্চাদভাগের এক ছোটো শহরের ঘাঁটিরক্ষকের মতো এক আয়েসি চাকরিতে। আধা-অসমর্থ কিছু লোক

নিয়ে তৈরি হয়েছে সেই ঘাঁটি ; প্রত্যেকদিন সকালে তাদের প্রায় তাদের মতোই বৃদ্ধ নির্দেশকের কাছে ড্রিল করতে হয়, যে-ড্রিল তাদের নির্দেশক এবং তারা—সকলেই ভুলে গেছে। গালিউলিনকে সেই ড্রিলের দেখাশোনা করতে হ'তো, আর লক্ষ্য রাখতে হ'তো এ্যাডজুট্যান্টের আগিশের সামনে পাহারাদারের বদলের ওপর। আর কোনো কাজ আশা করা হ'তো না তার কাছ থেকে। জগতে তার কোনো ছুঃখ নেই, এমন সময় মস্কো থেকে যে-সমস্ত নতুন লোককে তার অধীনে পাঠানো হ'লো দেখা গেলো তাদের মধ্যে তার অতি পরিচিত একটি চেহারা—পিয়ট্রু খুডলেয়েভ।

‘বেশ, বেশ, আমার পুরোনো বন্ধু,’ তিস্ত হাসলো গালিউলিন।

‘আজ্ঞে হ্যাঁ,’ সেলাম ক'রে, অ্যাটেনশন হ'য়ে দাঁড়িয়ে খুডলেয়েভ জবাব দিলে।

ব্যাপারটার ওখানেই শেষ হওয়া অসম্ভব। ড্রিলের সময় সেপাইটির একটা ভুল দেখামাত্র লেফটেন্যান্ট হুংকার দিয়ে উঠলেন, আর যেই তাঁর মনে হ'লো যে লোকটি তাঁর চোখের দিকে সোজা না-তাকিয়ে একটু পাশের দিকে তাকিয়ে আছে, অমনি তিনি তার চোয়ালে এক ঘুষি চালিয়ে দিলেন, তারপর দু'দিন তাকে কয়েদ ক'রে রাখলেন শুধু রুটি আর জল খাইয়ে।

এর পর থেকে গালিউলিনের প্রতি পদক্ষেপে যেন প্রতিহিংসা ব'রে পড়তে লাগলো। কিন্তু তাদের দু'জনের পদের এমনিই তফাৎ, রাষ্ট্র তাদের দু'জনের সম্পর্ক এমনভাবে বেঁধে দিয়েছে যে এই খেলা অত্যন্ত অসংগত হ'য়ে উঠলো ; নিতান্ত দৃষ্টিকটু হ'লো ব্যাপারটা। কী করা যায়? তারা দু'জনে এক জায়গায় থাকতে পারে না। কিন্তু অধীনস্থ দলের মধ্যে একজনকে বদলি করার কী ওজুহাত একজন অফিসার দিতে পারেন? অপর পক্ষে, নিজের বদলির জন্ত আবেদন করতে হ'লেও কী কারণ দেখাবে গালিউলিন? অবশেষে ঘাঁটিরক্ষকের কাজের অর্থহীনতা এবং একঘেষেমির অভ্যুহাতে গালিউলিন যুদ্ধক্ষেত্রে যাবার জন্ত অহুরোধ জানালো। এতে প্রশংসাই হ'লো তার, আর যখন প্রথম নতুন পদে বহাল হ'য়েই সে তার অজ্ঞাত গুণপনা প্রদর্শন করলো তখন দেখা গেলো এক চমৎকার অফিসার হবার মতো ক্ষমতা আছে তার, এবং শিগগিরই লেফটেন্যান্টের পদে উন্নীত হ'লো সে।

টিভেরজিনদের আমল থেকেই আষ্টিপভকে চিনতো গালিউলিন : ১৯০৫ সালে সে যখন টিভেরজিনের সঙ্গে ছ'মাস কাটিয়েছিলো তখন রোববারে-রোববারে ইউসুপকা তার সঙ্গে খেলতে আসতো। সেখানে দু'একবার লারার সঙ্গেও দেখা হয়েছে তার। তারপর থেকে তাদের দু'জনের কোনো খবরই সে রাখে নি। ইউরাটিন থেকে এসে আষ্টিপভ যখন রেজিমেণ্টে যোগ দিলো, তার সেই পুরোনো বন্ধুর পরিবর্তনে চমকে গিয়েছিলো গালিউলিন। যাকে সে লাজুক, দুষ্টু আর মেয়েলি ব'লে জানতো, সে এখন উদ্ধত, পণ্ডিত এক রোগবিলাসীতে পরিণত হয়েছে। বুদ্ধিমান, সাহসী, গম্ভীর পাশা বিদ্রোপে ছাড়া কথা বলে না। কখনো-কখনো তার চোখের বিপন্ন দৃষ্টির দিকে তাকিয়ে গালিউলিন শপথ ক'রে বলতে পারতো যে সেই দৃষ্টি যেন জানলা, তার মধ্য দিয়ে অল্প কিছু সে দেখতো, হয়তো এমন কোনো-এক ধারণা যা তাকে পেয়ে বসেছিলো, হয়তো জ্বী-কন্টার জন্তু আকাজ্জ। গালিউলিনের মনে হ'তো আষ্টিপভ যেন এক বহুরূপী, রূপকথার নায়কের মতো মোহগ্রস্ত। আর এখন আষ্টিপভ উধাও, গালিউলিনের হাতে এসে পড়েছে তার কাগজপত্র, তার ফোটোগ্রাফগুলি, আর তার রূপান্তরের রহস্য।

লারা যে তার স্বামীর খোঁজ করছে সে-সংবাদ গালিউলিনের কাছে পৌঁছলো। কোনো-না-কোনো সময়ে পৌঁছতোই অবশ্য। তাকে চিঠি লিখবে ঠিক করলো সে, কিন্তু এতো ব্যস্ত ছিলো যে ঠিকমতো গুছিয়ে চিঠি লেখার মতো সময় পাচ্ছিলো না, লারাকে সে আঘাতের জন্ত প্রস্তুত হবার সুযোগ দিতে চাইছিলো। আজ-কাল ক'রে দিন পেছিয়েই চলছিলো সে, হঠাৎ শুনলো লারা নিজেই যুদ্ধক্ষেত্রে এসেছে নার্স হিসেবে, কিন্তু কোন ঠিকানায় তাকে চিঠি লিখবে বুঝতে পারলো না।

১০

‘আজ ঘোড়া মিলবে?’ দুপুরবেলা জিভাগো বাড়িতে খেতে এলেই গর্ডন জিজ্ঞেস করতো। তারা বাস করছে এক গ্যালিসীয় কৃষকের কুটিরে।

‘কোনো আশা নেই। কিন্তু সে যাই হোক, কোথায় যাবে তুমি?’

ডাইনে বাঁয়ে কোথাও নড়ার উপায় নেই এখন। ভীষণ গোলমাল চলছে চারদিকে। কেউ কিছু ঠিক করতে পারছে না। দক্ষিণে কোথাও-কোথাও জার্মানদের পাশ কাটিয়ে এগিয়ে গেছে আমাদের সৈন্ত, কোথাও বা ব্যুহ ভেদ করেছে, শুনছি অতি উৎসাহী কয়েকটি বাহিনী ধরা পড়েছে। উত্তরে, জার্মানরা স্বেচ্ছা নদীর যে-অংশ পার হয়েছে সেটা এতোদিন অনতিক্রম্য ব'লে জানা ছিলো; একদল অধারোহীর কীর্তি এটা। রেলপথ উড়িয়ে দিচ্ছে, নষ্ট করছে রসদের গুদাম, আর আমার নির্জের ধারণা হ'লো ওরা ঘিরে ফেলছে আমাদের। এই তো অবস্থা, আর তুমি কিনা ঘোড়ার খোঁজ করছো।—‘কী হে কাপেকো,’ ইউরা তার আদালির দিকে ফিরলো, ‘একটু নড়ো এবার, টেবিল লাগাও। কী খাবার আছে আজ? বাছুরের ঠ্যাং? চমৎকার।’

হাসপাতাল ও অন্যান্য ব্যবস্থা নিয়ে চিকিৎসা-কেন্দ্রটি সারা গ্রাম ভ'রে ছড়িয়ে আছে, কোনো দৈব কারণে গ্রামটি এখনো নিরাপদ। দেয়াল-জোড়া পাশ্চাত্য কায়দায় জাফরি-কাটা জানলা নিয়ে ঝকঝকে বাড়িগুলি দাঁড়িয়ে আছে, একটা কাচও এমনকি ভাঙে নি।

উষ্ণ সোনালি এক হেমন্ত ঋতুর অবসান ইণ্ডিয়ান সামারে' রূপ নিয়েছে। দিনের বেলায় ডাক্তার আর অফিসাররা জানলা খুলে রাখে, জানলার তাক আর নিচু শাদা সীলিঙের ওপর থিকথিকে হ'য়ে বসে-থাকা মাছি মারে, ওপরের জামার বোতাম খুলে ঘামতে-ঘামতে চুমুক দেয় ফুটন্ত গরম বাঁধাকপির নুপে, কিংবা চায়ে।

রাত্রে ভেজা কাঠ দিয়ে জ্বালানো আগুনের সামনে ব'সে তাস পেটে তারা, ধোঁয়ায় চোখ জ্বালা করে আর কেমন ক'রে আগুন ধরাতে হয় তা না-জানার জন্তু শাপ-শাপান্ত করে আদালিদের।

রাত্রিটি নিস্তরূপ। গর্জন আর জ্বিভাগো মুখোমুখি দুই কাঠের মাচায় শুয়ে ছিলেন। তাদের মাঝখানে খাবার টেবিল আর দেয়াল-জোড়া লম্বা জানলার সারি। জানলার কাচগুলি ঘামে ভিজে উঠেছে; ঘরটা গরম, তামাকের গন্ধে

১। উত্তর য়োরোপে ও আমেরিকায় হেমন্তের শেষে কয়েকটা দিন যৌত্রস হ'য়ে ওঠে, আবহাওয়া থাকে শুকনো; এই সময়টাকে 'ইণ্ডিয়ান সামার' বলা হয়। — অনুবাদকের টীকা।

ভরা। হেমন্ত রাত্রির টাটকা বাতাসের জন্ত তারা কোনার দিকের জানলার দুটো পাট খুলে রেখেছিলো। তাদের অভ্যাসমতো কথা বলছে তারা, আর চিরাচরিতভাবে, যে-দিকে যুদ্ধের ফ্রন্ট-লাইন সেই দিগন্তে গোলাপি আভা জলজল করছে। বন্দুকের গুলির অন্তহীন শব্দকে থামিয়ে দিয়ে মাঝে-মাঝে ভেসে আসছে এক গম্ভীর আওয়াজ, একটা ভারি শেকলে-বাঁধা ট্রাককে যেন মেঝের রং চটিয়ে দিয়ে হিঁচড়ে টেনে নিয়ে যাওয়া হচ্ছে, সেই গম্ভীর আওয়াজে কঁপে কঁপে উঠছে মাটি। সেই আওয়াজকে সম্মান দেখিয়ে থেমে যাচ্ছিলো জিভাগো। ‘ওটা হ’লো বের্টা, জার্মানদের যোলো-ইঞ্চি কামান। বোমাটা ছোটোই বলতে পারো—ষাট পুড^১ ওজন।’ তারা যখন আবার কথা বলতে শুরু করলো তখন আগে কী বলছিলো তা আর জিভাগোর মনে পড়লো না।

‘সারা গ্রামে কিসের গন্ধ বলো তো?’ গর্জন জিজ্ঞেস করলো। ‘এখানে আসার সঙ্গে সঙ্গে আমি লক্ষ্য করেছি। অতিষ্ঠ ক’রে তোলা মিষ্টি গা-বমি-বমি-করা একটা গন্ধ, অনেকটা ইঁদুরের গায়ের গন্ধের মতো।’

‘কী বলছো বুঝতে পারছি। ওটা হ’লো শন—এখানে প্রচুর জন্মায়। ওই গাছটার নিজেই একটা একঘেয়ে লেগে-থাকা পচা মড়ার মতো গন্ধ আছে। তারপর যে-সব জায়গায় লড়াই হয়েছে, সেখানে অনেক মৃতদেহ শনক্ষেতের মধ্যে অদৃশ্য হ’য়ে প’ড়ে থাকে—পচতে শুরু করার আগে কেউ জানতে পায় না। অবশ্য মৃতদেহের গন্ধ এখন সর্বত্র। সেটাই তো স্বাভাবিক।—শুনছো? আবার ঐ বের্টাব গর্জন।’

গত কয়েকদিন ধ’রে তারা এই জগতের যাবতীয় বিষয় নিয়ে কথা বলেছে। যুদ্ধ এবং যুগধর্মের ওপর বন্ধুর মতামতের কথা জেনেছে গর্জন। জিভাগো তাকে বলেছে তার পক্ষে কত শক্ত হ’য়ে উঠছে এই সব মেনে নেয়া—এই পরস্পরকে নিশ্চিহ্ন ক’রে দেওয়ার নিষ্ঠুর যুক্তি, আহতদের দৃশ্য, আজকাল যে-বিশেষ ধরনের আঘাত দেয়া হচ্ছে তার ভয়াবহতা, আর আধুনিক যুদ্ধের কলাকৌশলে শুধুমাত্র ছিন্ন মাংসপিণ্ডে পরিণত হ’য়েও যারা বেঁচে থাকে তাদের অস্তিত্ব।

^১ Pud = ৩৬ পাউণ্ড .

তার সঙ্গে ঘুরতে-ঘুরতে কিছু বীভৎস দৃশ্য গর্ভনও দেখেছে। মনে হয়েছে, যখন অগ্নেরা অসম সাহসে কষ্ট লক্ষ্য করছে তখন অলসভাবে তাদের মৃত্যুভয় জয় করার জন্য অমাহুষিক চেষ্টাকে লক্ষ্য করা, কিসের বিনিময়ে কী বিপদ তারা বরণ করে নিচ্ছে—তা তাকিয়ে দেখা রীতিমতো দুর্নীতি। কিন্তু তাদের জন্য বিলাপ করাটাও কম দুর্নীতি বলে তার মনে হয় না। জীবন যখন যে-অবস্থায় থাকে কেবল সে-অনুযায়ী সরল এবং সং ব্যবহারের পক্ষপাতী সে।

যুদ্ধক্ষেত্রের ঠিক পেছনে ভ্রাম্যমাণ রেডক্রস-কেন্দ্রের প্রাথমিক চিকিৎসা-বিভাগে গিয়ে তার যে-অভিজ্ঞতা হয়েছে তা থেকে সে একথা জেনেছে যে আহতদের চোখে দেখেই অজ্ঞান হয়ে যাওয়া সম্ভব।

গোলাবর্ষণে বনের মধ্যে নষ্ট হয়ে গেছে, এমন একটি পরিষ্কার অংশে গিয়েছিলো তারা। দোমডানো কামান-গাড়িগুলি ভাঙাচোরা পিষ্ট-হয়ে-যাওয়া ছোটো ছোটো গাছপালার মধ্যে উন্টে পড়ে আছে। একটা যুদ্ধের ঘোড়া গাছে বাঁধা, বনের ঠিক ভেতরে বনবিভাগের একটি বাড়ি ছিলো; তার অর্ধেকটা ছাদ উড়ে গেছে। বনবিভাগের দপ্তর এখন প্রাথমিক চিকিৎসার কেন্দ্র হিসেবে ব্যবহৃত হয়; দুটো বড়ো ছাইরঙের তাঁবুও ফেলা হয়েছে, যে-রাস্তা দিয়ে বনে আসতে হয় তার ওপারে।

‘তোমাকে আনা উচিত হয় নি,’ জিজ্ঞাসা বললো। ‘দু-এক মাইলের মধ্যেই ট্রেন, আর আমাদের কামানের সারি ঠিক ওখানেই, বনের পেছনে। সেখানে কী হচ্ছে এখান থেকে শোনাও যাবে না। কাজেই বীরত্ব দেখাতে যেয়ো না। তুমি বীরত্ব দেখালেও বিশ্বাস করবো না আমি। আতঙ্কে জন্মে যেতে তুমি বাধ্য, সেটাই স্বাভাবিক। যে-কোনো মুহূর্তে অবস্থা বদলে যেতে পারে, ওরা হয়তো আমাদের দিকে গুলি ছুঁড়তে শুরু করবে।’

ক্লান্ত, তরুণ সৈন্যরা, প্রকাণ্ড জুতো পায়ে, ঘামে কালো হয়ে গেছে তাদের টিউনিকের কাঁধ আর বুক, রাস্তার ধারে গড়াচ্ছে, কেউ চিং হয়ে কেউ বা উপুড় হয়ে। চারদিন ভয়ানক যুদ্ধের পর সৈন্যদের মধ্যে যারা বেঁচেছে তাদের পশ্চাদ্ভাগকে শহরে পাঠানো হয়েছে কিছুদিনের বিশ্রামের জন্য। পাথরের মূর্তির মতো পড়ে আছে তারা, হাসবার বা গাল পাড়বার কিছুই

আর শক্তি নেই তাদের, রাস্তা দিয়ে যখন কয়েকটা গাড়ি দ্রুতগতিতে গড়িয়ে এলো, তখন তারা মাথাও ঘোরালো না। গুলিগোলার গাড়ি সেগুলো, স্প্রিং নেই, আহতদের গাদা ক'রে নিয়ে আসছে এখন, প্রাথমিক চিকিৎসা-কেন্দ্রের দিকে এগোবার সময় গাড়ির ঝাঁকুনিতে তাদের হাড় ভেঙে যাচ্ছিলো পাক যাচ্ছিলো পেটের অঙ্গী-তঙ্গী। সেখানে তাড়াতাড়ি ব্যাণ্ডেজ ক'রে দেওয়া হবে তাদের, তেমন-তেমন জরুরি ক্ষেত্রে অস্ত্রোপচার করা হবে। আধ ঘণ্টা আগে যখন গোলাবর্ষণে সামান্য বিরতি ঘটেছিলো তখন ট্রেনের সামনে থেকে তোলা হয়েছে তাদের, সংখ্যায় তারা ভয়াবহ। তাদের মধ্যে অর্ধেকের বেশিই অচৈতন্য।

আপিশের বারান্দার সামনে গাড়িগুলো থামলে পরে স্ট্রচার নিয়ে সিঁড়ি দিয়ে নেমে এলো আদালিরা। একজন নার্স একটা তাঁবুর দরজা তুলে দাঁড়িয়ে সেদিকে তাকিয়ে রইলো ; এখন তার ডাউটি নেই। দু'জন লোক এতোকণ তাঁবুর পেছনে বনের মধ্যে চাঁৎকার ক'রে তর্ক করছিলো, কথা বোঝা যাচ্ছিলো না, শুধু লম্বা-লম্বা তরুণ গাছগুলির মধ্যে জেগে উঠছিলো প্রতিধ্বনি, —তারা বেরিয়ে এসে রাস্তা ধ'রে আপিশের দিকে এগোলো। তাদের মধ্যে একজন, উত্তেজিত এক যুবক-লেফটেন্যান্ট, অপরজনকে গাল দিচ্ছিলো— ভ্রাম্যমাণ চিকিৎসা-কেন্দ্রের মেডিকেল অফিসার সে ; বনের পরিষ্কার অংশে কামান বসানো হয়েছিলো, লেফটেন্যান্ট জানতে চাইছিলেন কামানটা কোথায়। ডাক্তার জানতেন না, তাঁর জানার কথা নয় ; তিনি লেফটেন্যান্টকে অম্লরোধ করছিলেন চাঁৎকার থামিয়ে চ'লে যেতে—বলছিলেন, তিনি ব্যস্ত, আহতরা এনে পড়েছে ; কিন্তু অফিসারটি রেডক্রসকে, গোলন্দাজদের, সমস্ত পৃথিবীকেই শাপশাপাস্ত ক'রে চললো। জিভাগো ভাস্কারের কাছে এগিয়ে গেলো, পরস্পরকে সম্ভাষণ ক'রে আপিশের ভেতর ঢুকে গেলো তারা। লেফটেন্যান্ট উচ্চ তাতার-ঘোঁষা উচ্চারণে গাল পাড়তে-পাড়তেই ঘোড়ার জিনে চড়ে ব'সে রাস্তা ধ'রে বনের দিকে চ'লে গেলেন। সেই নার্সটি তখনো তাকিয়ে আছে।

হঠাৎ তার মুখের ভাব ভয়াবহ হ'য়ে উঠলো। ‘কী, করছো কী ? মাথা-খারাপ হ'য়ে গেছে তোমাদের ?’ অল্প আহত দু'জন সৈন্য বিনা সাহায্যে

স্ট্রোচারের মাঝখান দিয়ে হাঁটছিলো, তাদের উদ্দেশ্যে নার্সটি বললে। তাদের কাছে ছুটে এগিয়ে গেলো সে।

আদালি যে-লোকটিকে বহন ক'রে আনছিলো বিশেষরকম বীভৎসভাবে তার দেহ আহত হয়েছে। একটা বোমার টুকরো খেঁৎলে দিয়েছে তার মুখ, জিত আর ঠোঁট পরিণত হয়েছে লাল ঝোলে, লোকটিকে প্রাণে মারে নি, কিন্তু কেটে-বাওয়া গালের স্থান পূর্ণ ক'রে বোমার টুকরোটা আটকে আছে তার চোয়ালের হাড়। ক্ষীণ, অমাহুষিক স্বরে অল্প-অল্প কাৎরাচ্ছে সে, মৃত্যুকে, অরাস্তি ক'রে এই অকল্পনীয় যন্ত্রণার সমাপ্তি ঘটানোর জন্ত কাতর আবেদন ছাড়া সেই শব্দ শুনে অস্ত্র কিছু মনে হয় না।

নার্সের মনে হ'লো যে-দু'জন সৈন্য তাদের আঘাত অল্প ব'লে স্ট্রোচারের পাশে-পাশে হেঁটে আসছে তারা এতো বিচলিত হয়েছে যে খালি হাত দিয়ে ঐ লোহার টুকরোটা তুলে আনতে যাচ্ছে।

‘কক্ষনো ও-কাজ কোরো না। সার্জন করবেন, তাঁর আলাদা যন্ত্র আছে ...যদি করতেই হয়।’ (ভগবান, হে ভগবান, ওকে তুমি নাও, তোমার অস্তিত্বে সন্দেহ করতে দিয়ো না আমাকে।)

পরমুহূর্তে যখন তাকে সিঁড়ি দিয়ে নিয়ে যাওয়া হচ্ছে, লোকটি চীংকার ক'রে উঠলো, সারা শরীরে কঁপে উঠলো সে, তারপর শেষ।

এই যে লোকটি মারা গেলো সে হ'লো প্রাইভেট গিমাড্বেংদিন; বনের মধ্যে চীংকার করছিলেন যে-উত্তেজিত অফিসার তিনি তার ছেলে, লেফটেন্যান্ট গালিউলিন, নার্সটি হ'লো লারা, গর্ডন এবং জিভাগো সাক্ষী। এরা সকলে সেই এক জায়গাতেই ছিলো, একই সঙ্গে। কিন্তু তাদের মধ্যে কেউ-কেউ পরস্পরকে কোনোদিন চিনতো না, আর কেউ পরস্পরকে চিনতে পারলো না। তাদের বিষয়ে কোনো-কোনো তথ্য কোনোদিনই সঠিকভাবে জানা যাবে না, আর অস্ত্রগুলি আত্মপ্রকাশের অস্ত্র এক সুষোগের জন্ত অপেক্ষমাণ।

এই অঞ্চলে গ্রামগুলি যেন দৈব দয়ায় বেঁচে গেছে। ধ্বংসের সাগরে এই অংশটি যেন এক দুর্বোধ্য নিরাপত্তার দ্বীপ। এক সন্ধ্যায় গর্ডন আর জি ভাগো গাড়ি ক'রে বাড়ি ফিরছিলো। একটি গ্রামে দেখলেন এক তরুণ কসাককে ঘিরে ফুটিবাজ ভিড়; কসাকটি একটা তাম্রমুদ্রা শূন্যে ছুঁড়ে দিচ্ছে, শাদা দাড়ি, লম্বা কোট-পরা এক বৃদ্ধ ইহুদিকে সেটা লুফে নিতে হবে। বৃদ্ধটি কোন্সোবারই ধরতে পারছে না। তার করুণভাবে বাড়িয়ে-দেওয়া দুই হাতের নাগালের বাইরে চ'লে গিয়ে মুদ্রাটি কাদায় প'ড়ে যাচ্ছে। বৃদ্ধটি সেটা কুড়োবার জন্ত নিচু হচ্ছে, কসাকটি চড় মারছে তার পেছনে, আর দর্শকরা পেট চেপে ধ'রে লুটোপুটি খাচ্ছে হাসতে-হাসতে। ওতেই তাদের আশ্রয়। এই মুহূর্তে এটা কিছু ক্ষতিকর হচ্ছে না, কিন্তু এ থেকে কোনো গোলযোগ যে দেখা দেবে না তা নিশ্চয় ক'রে বলতে পারে না কেউ। কয়েক মিনিট পর-পর রাস্তার ওপারে তার ঝুঁড়েঘর থেকে বেরিয়ে আসছে বৃদ্ধটির স্ত্রী, হাত বাড়িয়ে দিয়ে চীৎকার করছে সে, আবার ছুটে ভেতরে ঢুকে যাচ্ছে ভয় পেয়ে। ছুটি ছোট্ট মেয়ে ঝুঁড়ের জানলা দিয়ে তাদের ঠাকুর্দাকে দেখছে আর কাঁদছে।

ড্রাইভারের মনে হ'লো ব্যাপারটা খুবই কৌতুকজনক, তাই গাড়ির গতি ধীর ক'রে দিলো যাতে যাত্রীরা দেখতে পান। কিন্তু জি ভাগো কসাকটিকে ডেকে ক'মে গাল দিলে, বৃদ্ধটিকে ও-ভাবে খেলাতে বারণ ক'রে দিলো।

‘আচ্ছা স্তর,’ তৎক্ষণাৎ জবাব দিলো লোকটি। ‘আমরা জানতাম না কিনা, এই একটু মজা করছিলাম আর কি।’

নিজদের গ্রামের কাছাকাছি না-পৌঁছনো পর্যন্ত জি ভাগো বা গর্ডন কেউ কোনো কথা বললো না।

‘সাংঘাতিক,’ ইউরি বললে। ‘এই যুদ্ধের মধ্যে হতভাগ্য ইহুদিদের যে কী সহ করতে হচ্ছে তা তুমি কল্পনাও করতে পারবে না।’ যুদ্ধটা আবার ওদেরই অঞ্চলে^১ হচ্ছে। শায়েস্তা-কর, ওদের সব সম্পত্তি নষ্ট করা, আর অজ্ঞাত দুঃখকষ্টও যেন বখেঁট নয়, এখন ওদের সহ করতে হবে

১ পশ্চিম রাশিয়ার একটি অংশে অধিকাংশ রুশ ইহুদি বাস করতো।

পগরম^২ অপমান, আর এই অভিযোগ যে তারা যথেষ্ট স্বদেশপ্রেমিক নহ্ন। তারা স্বদেশপ্রেমিক হবোই বা কেন, যখন শত্রুরা তাদের সমান-সমান অধিকার দিতে চাইছে আর আমরা অত্যাচার ছাড়া অস্ত্র কিছুই করছি না? ওদের প্রতি আমাদের এই ঘৃণার মূলে কোনো রহস্য আছে, যে-সমস্ত কারণে ওদের প্রতি আমাদের ঘৃণা সেগুলো সহ্যহৃৎতির কারণ হওয়া উচিত ছিলো—ওদের দারিদ্র্য, অত্যধিক জনসংখ্যা, ওদের দুর্বলতা, আমাদের সঙ্গে সমানে-সমানে যুদ্ধ করার অক্ষমতা। বুঝতে পারি না আমি। ভাগ্যের দোষ—তাছাড়া আর কী।’

গর্ভন কোনো জবাব দিলে না।

১২

আবার তারা শুয়ে আছে, লম্বা, নিচু জানলার দুই পাশের দুই মাচায়; রাত নেমে এসেছে, কথা বলছে তারা।

জিভাগো গর্ভনের কাছে গল্প করছে, যুদ্ধক্ষেত্রে একবার কেমনভাবে জ্বরকে দেখেছিলো।

যুদ্ধে ইউরির সেই প্রথম বসন্ত। যে-বাহিনীর সঙ্গে সে যুক্ত ছিলো সেটা কার্পেথীয় পর্বতের এক উপত্যকার মুখে হাঙ্গেরীয়দের পথ বন্ধ করে ঘাঁটি গেড়েছে তখন। বাহিনীর প্রধান কার্যালয় ছিলো সেই উপত্যকায়।

উপত্যকাটির নিচের দিকে স্টেশন। সেই জায়গার বর্ণনা দিলে জিভাগো, ফার আর পাইনের বন বৃকে নিয়ে পাহাড়, মাথায় মেঘ জ’মে আছে, ছাইরঙা স্নেট আর গ্র্যাফাইট পাথরের খাড়া চূড়োগুলি জঙ্গলের ফাঁক দিয়ে ফারের মাথায় টাকের মতো দেখায়। স্যাংসেতে, অন্ধকার এপ্রিলের এক সকাল ছিলো সেদিন, স্নেটের মতো কালো রঙের আকাশ চারপাশের পাহাড়ের মাঝখানে আটকে আছে, স্তব্ধ, হাওয়া নেই একটুও। উপত্যকার মাথার ওপর কুয়াশা জ’মে আছে, ওপরের দিকে ধোঁয়ার মতো বাষ্প উঠছে সব-কিছু

২ Pogrom : হুপরিপক্কভাবে কোনো সম্পূর্ণ গোষ্ঠী বা সম্প্রদায়ের উচ্ছেদসাধন। শব্দটি রুশ, কিন্তু ইংরেজিতেও চ’লে গেছে।—অনুবাদের টীকা।

থেকে—ধোঁয়া ছাড়ছে রেল-স্টেশনের এঞ্জিন, মাঠ থেকে উঠছে ধূসর হিম—
আর আছে ধূসর পাহাড় আর অন্ধকার বন আর অন্ধকার মেঘ।

সম্রাট তখন বেরিয়েছিলেন গালিসিয়ায় এক পরিদর্শন-সফরে, হঠাৎ শোনা গেলো তিনি যে-বিভাগের অবৈতনিক কর্নেল, সেটি তিনি পরিদর্শন করতে আসছেন। যে-কোনো মুহূর্তে এসে পড়তে পারেন তিনি। স্টেশনের প্ল্যাটফর্মে গার্ড অফ অনারের ব্যবস্থা হ'লো। কয়েক ঘণ্টার প্রতীক্ষা আর সংশয়ের পর রাজকীয় পারিষদদের নিয়ে ছুটো ট্রেন দ্রুত পার হ'য়ে গেলো, আর তার একটু পরেই জারের গাড়ি এসে ঢুকলো প্ল্যাটফর্মে।

সঙ্গে ডিউক নিকোলাসকে নিয়ে জার গ্রেনেডিয়ারদের পরিদর্শন করলেন। তাঁর শাস্ত অভিবাদনের প্রত্যেকটি শব্দের উত্তরে বালতি থেকে জল উপচে পড়ার মতো শব্দে উচ্ছ্বসিত, সজোর 'ছরে'-ধ্বনি প্রতিধ্বনি তুলতে লাগলো।

মুহূ হাসি লেগে ছিলো জারের ঠোঁটে, অস্বস্তি বোধ করছিলেন তিনি—মুদ্রা আর মেডেলের ওপর তাঁর যে-প্রতিকৃতি থাকে তার চাইতে বড়ো আর ক্লান্ত দেখাচ্ছিলো তাঁকে। সামান্য ঝুলে-পড়া মুখের ভাবটা কেমন উদাসীন। বার-বার ক্ষমাপ্রার্থীর ভঙ্গিতে গ্র্যাণ্ড ডিউকের দিকে তাকাচ্ছিলেন, বুঝতে পারছিলেন না কখন তাঁর কাছে কী আশা করা হবে, আর গ্র্যাণ্ড ডিউক সম্মানে নিচু হ'য়ে তাঁকে বিপদ থেকে উদ্ধার করছিলেন, কথা দিয়ে ততোটা নয়, যতোটা ক্রভজি আর কাঁধের ঝাঁকুনি দিয়ে।

সেই উষ্ণ ধূসর পাহাড়ি সকালে তাঁকে দেখতে-দেখতে ইউরির কষ্ট হয়েছিলো জারের জন্ত, আর এ-কথা ভেবে শিহরিত হয়েছিলো যে ঐ আত্ম-প্রত্যয়হীন সংঘম আর লজ্জাই হ'লো অত্যাচারীর গুণ, এই দুর্বলতারই অধিকার আছে নিধন করার, কি ক্ষমা করার, বন্দী করার, কি মুক্তি দেবার।

‘একটা বক্তৃতা দেওয়া উচিত ছিলো তাঁর—“আমি, আমার তরবারি, আমার জাতি—” ছিলহেল্‌মের’ মতো। অন্তত “জাতি”র বিষয় কিছু—সেটা তো নিতান্ত প্রয়োজন। কিন্তু, জানো, স্বাভাবিক রুশ-রীতি অনুযায়ী ব্যবহার করেছিলেন উনি, এই সব আজ্ঞে-বাজ্ঞে কথার একেবারে উর্ধ্বে ছিলেন। আর তাছাড়া রুশদেশে এই ধরনের অভিনয় ভাবা যায় না। তাই নয় কি?—কারণ

১ জর্মানির কাইজারের কথা বলা হচ্ছে।—অনুবাদের টীকা।

অভিনয় অভিনয়ই। এ-কথা মানতে পারি যে রোমান সম্রাটদের আমলে, “জাতি”র অস্তিত্ব ছিলো—গল, সীদীয়, ইলিরীয়—এ ছাড়াও আরো অনেক। কিন্তু তারপর থেকে এই ধারণাটাই একটা গল্পকথা হয়ে দাঁড়িয়েছে, আর আর রাজারাজড়া আর রাজনৈতিকদের বক্তৃতার বুলি: “জাতি, আমার জাতি।”

‘যুদ্ধক্ষেত্র তো এখন ছেয়ে গেছে সংবাদদাতা আর সাংবাদিকে। তারা “লক্ষ্য করে”, লৌকিক জ্ঞান-রত্ন সংগ্রহ করে, আহতদের দেখতে যায়, আর লোক-মানস সঙ্কল্পে নতুন-নতুন সব প্রতিপাদ্য তৈরি করে। ডাহ্লে-এর এক নতুন প্রকরণ আর কি, ঠিক তেমনি বাজে—ভাষার অসংযম, ভাষাতত্ত্বের পাগলামি। এই এক ধরন—আরেকটা হ’লো কাটা-কাটা কথা, “ছবি আর দৃশ্য”, অবিখ্যাস আর মানববিষেষ। এ-রকম একটা লেখা সেদিন পড়ছিলাম। এখনো আমার কাছে আছে, এই রকম—“ধূসর দিন, কালকের মতো। সকাল থেকে বৃষ্টি, কাদা। জানলা দিয়ে বাইরে তাকিয়ে আছি, রাস্তা দেখছি। কয়েদিদের অন্তহীন সারি। সারি-সারি আহত। গুলির শব্দ। আজ গুলিবর্ষণ হচ্ছে গত কালের মতো, আসছে কাল আজকের মতো, প্রতিদিন, প্রতি ঘণ্টা।” চালাক-চালাক, যুদ্ধ—নয় কি? কিন্তু বন্দুকের বিরুদ্ধে ওর আপত্তিটা কী? বন্দুকের কাছ থেকে বৈচিত্র্য আশা করাটা বড়ো অদ্ভুত। নিজের দিকে তাকায় না কেন, দিনের পর দিন একই বাক্য, কমা, তথ্যের তালিকা, এক বাঁক পোকার মতো দ্রুতগতিতে সাংবাদিকস্বভাব মানবহিতৈষণার প্রাবল্য বইয়ে চলেছে? এ-কথাটা মাথায় ঢোকে না কেন যে পুনরাবৃত্তির অভ্যাস তাকেই ছাড়তে হবে, বন্দুককে নয়—নোটবই থেকে আজ-বাজে কথা নিয়ে হিজিবিজি কাটলে, ঘটাই লেখো না কেন সবটাই অর্থহীন হয়, কারণ যতক্ষণ না মানুষ নিজে কিছু দেয় ততক্ষণ তথ্যের কোনো অস্তিত্ব থাকে না, কিছু খেয়াল, মানুষের প্রতিভা—রূপকথার, পুরাণের কিছু অংশ।’

‘একেবারে ঠিক কথা বলেছো,’ গর্ডন বলে উঠলেন। এবার আমি তোমাকে বলি আজ আমরা যে-ঘটনাটি দেখলাম সে-বিষয়ে আমার কী মনে হয়। ঐ কলাকটি—যে হতভাগ্য বৃদ্ধটিকে বোকা বানাচ্ছিলো—এ

১ Dahl: একটি বিখ্যাত ও কিছুটা অদ্ভুত ধরনের রূপ অভিধানের প্রণেতা।

ছাড়াও আরো হাজার-হাজার ঠিক এই রকমই ঘটনা—এ নিয়ে কোনো আলোচনা করে লাভ নেই। এ নিয়ে ভাবতে হয় না, শুধু কারো মুখের ওপর ঘুষি চালিয়ে দিতে হয়। কিন্তু যখন ইহুদিদের সমস্তার কথা ওঠে তখন দর্শন এসে পড়ে বৈকি। এমন নয় যে আমি কোনো নতুন কথা বলছি তোমাকে, —আমরা দু'জনেই তোমার মামার শিক্ষায় আমাদের মতামত গঠন করেছি।

‘তুমি বলছিলে, জাতি কী? ... আর এই জাতির জন্তু কে বেশি করে, যে তাদের মাথায় তুলে নাচে, না কি যে তাদের সর্বতোভাবে তুলে থেকেও শুধুমাত্র তার স্বকীর্তি দিয়ে একটি জাতিকে সার্বিক করে, অমর করে।— অবশ্য এ নিয়ে কোনো তর্ক থাকতে পারে না। ...

‘আমরা আজকাল, এই খৃষ্টের শতাব্দীতে, যে-সব জাতি নিয়ে কথা বলি, সেগুলো কী? তারা তো কেবল জাতি নয়—তারা দীক্ষিত, রূপান্তরিত, ব্যক্তিসত্তা দিয়ে গঠিত।—প্রাচীন প্রথার প্রতি আহুগত্য নয়, তাদের রূপান্তরই হ’লো আসল কথা।

‘বাইবেলে এ-বিষয়ে কী বলে?—প্রথমত, বাইবেল কোনো আইন প্রণয়ন করেনি—জোর দিয়ে কখনো বলেনি : “এটা এই রকম, আর ঐ রকম।” যীশুর বাণী শুধু একটা ইঙ্গিত, সরল, অনিশ্চিত ইঙ্গিত : “সম্পূর্ণ নতুনভাবে বাঁচতে চাও তোমরা? আত্মিক মোক্ষলাভ করতে চাও?” সবাই আনন্দিত হয়েছিলো, সবাই গ্রহণ করেছিলো, হাজার-হাজার বছর ধরে এই বাণী তাদের আকর্ষণ করেছে।

‘বাইবেলে যখন বলা হয় যে ঈশ্বরের রাজত্বে ইহুদি নেই, জেটিল’ নেই, তার মানে কি শুধুমাত্র এই যে ঈশ্বরের চোখে সবাই সমান? আমি বিশ্বাস করি না যে ও-কথা শুধু এই অর্থটুকুই বহন করছে—এ তো আগেই জানা ছিলো—গ্রীক দার্শনিক, রোমক নীতিবিদ, হিব্রু প্রবক্তা সবাই এ-কথা জানতো। বাইবেল বলছেন যে সেই নতুন জীবনে ঈশ্বরের সঙ্গে নতুন সম্বন্ধে—যার নাম স্বর্গরাজ্য—সেখানে কোনো জাতি নেই, আছে শুধু ব্যক্তি।

‘তুমি বলছিলে যে যতোকণ না তাদের অর্থবহ করা হচ্ছে ততোকণ নিছক তথ্যের কোনো অর্থ নেই। তথ্যকে মাহুষের প্রয়োজনীয় করতে হ’লে

১ যারা ইহুদি নয়, বাইবেলে তাদের নাম gentile। —অনুবাদের টীকা

যে-অর্থ ভোমাকে তাতে যোগ করতে হবে তা হ'লো এই খুঁটধর্ম, ব্যক্তিবৈশেষ্য
রহস্য...

‘তারপর আমরা কথা বলছিলাম সাধারণ রাজনৈতিকদের নিয়ে, যারা সমগ্রভাবে জীবন বা জগৎ সম্পর্কে উৎসাহী নয়, সেই ধরনের মানুষ, যারা সংকীর্ণকে সংকীর্ণ ব'লেই ভালোবাসে।—বেশ ছোটোখাটো একটা নির্দিষ্ট বিষয়ে সকলকে ভাবাতে এবং আলোচনা করতে পারলে আত্মলাভে গদগদ হ'য়ে যায় তারা—যতো সংকীর্ণ ততোই ভালো। কোনো-এক জাতি, বিশেষত আকারে যদি ছোটো হয়, আর সবচেয়ে ভালো যদি দুর্দশায় প'ড়ে থাকে, তাহ'লে তারা বেশ বিচার করতে পারে, ওজন করতে পারে, স্থির ক'রে দিতে পারে, সমাধান করতে পারে সমস্যা, তাদের করুণাকেও মুনফার কাজে খাটাতে পারে। এই ধরনের মনোভাবের পক্ষে ইহুদির চাইতে ভালো শিকার আর কী পেতে পারো? ওদের জাতীয় চিন্তাধারাই ওদের জোর ক'রে একটা জাতি ক'রে রেখেছে, জাতি ছাড়া অন্য কিছু ওরা হ'তে পারে নি—আর সব চেয়ে অভূত হ'লো এই যে এই ভয়াবহ কর্তব্যের শৃঙ্খলে শতাব্দীর পর শতাব্দী নিজেদের বেঁধে রেখেছে ওরা, যখন সমগ্র পৃথিবী ওদেরই মধ্য থেকে জেগে-ওঠা এক নতুন শক্তির প্রেরণায় অস্থির হ'য়েছে। অসাধারণ—নয় কি? এর কারণ কী? ভাবো একবার!—মধ্যযুগের থেকে, দৈনন্দিন জীবনের গুণগততা, একঘেয়েমি থেকে সেই সগৌরব মুক্তি, তাদেরই মাটিতে প্রথম অঙ্কুরিত হ'লো, তাদেরই ভাষায় ঘোষণা করলো নিজেকে, একান্তভাবে ওদের গোষ্ঠীর মধ্যে জন্ম নিলো। আর ওরা সত্যিই দেখলো, শুনলো আর ছেড়ে দিলো তাকে। কী ক'রে পারলো?—কী ক'রে তারা সেই অন্তহীন শক্তি আর হৃদয়ের আত্মাকে তাদের ছেড়ে চ'লে যেতে দিতে পারলো, যার ফলে, গৌরবের সিংহাসনে সেই শক্তি যখন সমাসীন হ'লো তখন ফেলে-দেওয়া শূন্য চামড়ার মতো পেছনে পড়ে রইলো তারা?—কার জন্য এই ইচ্ছাকৃত আত্মদান? এতে কার কী স্বার্থসিদ্ধি হয়েছিলো যার ফলে যুগযুগান্তর ধ'রে এই সব নিষ্পাপ বৃদ্ধ আর জীলোক আর শিশুরা, এই সব বুদ্ধিমান, দয়ালু, কোমল মানুষগুলিকে বিক্রপ আর অত্যাচার সহ্য করতে হচ্ছে! “জাতি”র বদ্ধ, জাতীয় সমস্যা নিয়ে যারা নিবদ্ধ রচনা করেন সেই সব লেখকদের,

যে-কোনো দেশেই, কল্পনাশক্তির আর ক্ষমতার অভাব এমন থাকে কেন বলতে পারো? ইহুদিদের বুদ্ধিজীবী নেতরাই বা কেন কখনো শব্দ “বিশ্ববিবাদ” আর ব্যঙ্গের বাইরে এগোয় না? কেন—যদি কর্তব্যের চাপ বয়লারের মতো ফেটে মরতেও হয় তাদের—তবু কেন তারা অজানা কারণে যে-সৈন্যদল প্রতিনিয়ত যুদ্ধ ক’রে-ক’রে বিনষ্ট হ’য়ে যাচ্ছে তাদের মুক্তি দেয় না? কেন তারা বলে না তাদের ‘অনেক তো হ’লো, এবার থামো। নিজের পরিচয়পত্রটিকে আঁকড়ে থেকে না, ভিড়ের মধ্যে মিশে যেয়ো না সকলে। ছড়িয়ে পড়ো। অগ্নি সকলের সঙ্গে এক হ’য়ে যাও। এই মর্ত্যভূমিতে তোমরাই প্রথম এবং শ্রেষ্ঠ খৃষ্টান। তোমরা তা-ই, তোমাদের মধ্যে যারা নিকৃষ্ট আর দুর্বল তারা যার বিরুদ্ধে নিয়ে গেছে তোমাদের”।’

১৩

পরদিন বাড়িতে খেতে এসে জিভাগো বললে, ‘কী—যাবার জন্তু তো খুব ব্যস্ত ছিলে তুমি, এবার আমরা সবাই চ’লে যাচ্ছি। “তোমার ভাগ্যেই হ’লো”, একথা বলবো না, কারণ আমরা যে আবার হেরে যাচ্ছি এটা মোটেও ভাগ্যের কথা নয়। পুকের রাস্তা খোলা আছে এখন, চাপটা আসছে পশ্চিম থেকে। পুরো চিকিৎসা-দপ্তরই স’রে যাবার ছকুম পেয়েছে। কাল বা পরশু আমরা যাচ্ছি। কোথায়, তা জানিনে।—কার্পেঙ্কো, গর্ডন-সাছেবের জামাকাপড় কাচা হয়েছে নিশ্চয়ই? সব সময়েই ঐ এক জবাব—কার্পেঙ্কো তোমাকে বলবে যে ওর বোকে কাচতে দিয়েছে, কিন্তু বোকে, বা কোথায় জিজ্ঞেস করো, তা ও জানে না, গাধা একটা।’

কার্পেঙ্কোর মিথ্যে অজুহাত বা গৃহস্থামীর জামাকাপড় ধার নেওয়ার জন্তু গর্ডনের ক্ষমাপ্রার্থনা কোনোটার দিকেই মন দিলো না জিভাগো।

‘এই হ’লো যুদ্ধের জীবন,’ সে ব’লে চললো। ‘একটা জায়গায় স্থির হ’য়ে বসার সঙ্গে-সঙ্গেই অগ্নি জায়গায় চ’লে যেতে হয়। যখন এসেছিলাম, এখানকার কিছুই যেন ভালো লাগেনি। নোংরা, দম-আটকানো, স্টোভটা ভুল জায়গায়, সীলিংটা বড্ড নিচু। আর এখন? যেখান থেকে এসেছিলাম

সে-জায়গাটা কেমন জিজ্ঞেস করলেও বোধ হয় মনে করতে পারবো না কিছু। এখন মনে হয় সারা জীবন বোধ হয় কাটিয়ে দিতে পারি এখানে, ঐ স্টোভের কোনার দিকে তাকিয়ে, টালির ওপরে রোদের আলোয় গাছের ছায়ার নাচ দেখে-দেখে।’

তাড়াহুড়ো না-ক’রে বাঁধাছাঁদা করলো তারা।

চীৎকার, বন্দুকের শব্দ আর দ্রুত পদক্ষেপের আওয়াজে তারা রাতে জেগে গেলো। রাগি, লাল আভা সারা গ্রামে ছড়িয়ে পড়েছে। জানলার পাশ ঘেঁষে চ’লে যাচ্ছে ছায়ার পর ছায়া। পার্টিশনের ওপিঠে বাড়িওলা ও তার স্ত্রী উঠে পড়ছে। ব্যাপারটা কী জানবার জন্ত ইউরি তার আদালিকে পাঠালো।

শুনলো, জার্মানরা আক্রমণ করেছে। ইউরি হাসপাতালে ছুটলো, খবরটা সত্যি ব’লেই জানা গেলো। সারা গ্রামে আগুন। ছেড়ে যাবার হুকুমের জন্ত অপেক্ষা না-ক’রেই হাসপাতাল সরিয়ে নেয়া হচ্ছে এক্ষুনি।

‘ভোরের আগেই চ’লে যাবো আমরা,’ ইউরি গর্ডনকে বললে। ‘প্রথম দলের সঙ্গে তুমি চ’লে যাও, ঘোড়ার গাড়ি তৈরিই আছে, আমি তোমার জন্ত অপেক্ষা করতে ব’লে এসেছি। আচ্ছা—ভালো থেকে। তোমাকে তুলে দিই চলো, বসার জায়গা যাতে পাও তার ব্যবস্থাটাও ক’রে দিতে হবে।’

দ্বিগুণ নিচু হ’য়ে, বাড়ির পাঁচিল ধ’রে-ধ’রে গ্রামের পথ দিয়ে তারা ছুটলো। সশব্দ, দ্রুত বন্দুকের গুলি চ’লে গেলো তাদের পাশ দিয়ে, আর চৌরাস্তা থেকে তারা দেখলো আগুনের ছাতার মতো বোমা ফেটে পড়ছে মাঠের ওপরে।

‘তুমি কী করবে?’ ছুটতে-ছুটতে গর্ডন জিজ্ঞাসাগোকে জিজ্ঞেস করলে।

‘দ্বিতীয় দলের সঙ্গে যাবো আমি। এখন ফিরে গিয়ে আমার জিনিসপত্র গুছিয়ে নিতে হবে।’

গ্রামের প্রান্তে এসে তারা বিদায় নিলো। ঘোড়ার গাড়ি আর কয়েকটা ঠেলাগাড়ি, এই হ’লো যানবাহন; একটা অস্ত্রের ঘাড়ের ওপর লাফিয়ে প’ড়ে ন’ড়ে উঠলো গাড়িগুলো, তারপর রওনা হ’লো। বজ্রকে উদ্দেশ্য ক’রে হাত নাড়তে থাকলো ইউরি, আগুনে পুড়তে-থাকা গোলাঘরের আলোয় গর্ডন তাকে আরো কিছু বেশি সময়ের জন্ত দেখতে পেলো।

আবার বাড়ির পাঁচিল বেঁধে দ্রুত এগোলো ইউরি। তার বাড়ির কয়েক গজ দূরে, একটা বোমার বিস্ফোরণে ঘুরে পড়লো সে, বোমার একটা টুকরো ছুটে এসে তার গায়ে বিঁধলো। রক্তাক্ত, অচৈতন্য হ'য়ে সে রাস্তার মাঝখানে পড়ে গেলো।

১৪

ষে-হাসপাতালে অফিসার-বিভাগে ইউরি আরোগ্য লাভ করছিলো সেটা জেনারেল হেডকোয়ার্টারের কাছেই রেল-লাইনের ধারে এক ছোটো শহরে। এর বাড়ির বাসিন্দাদের সরিয়ে দিয়ে হাসপাতাল বসানো হয়েছিলো। ফেব্রুয়ারির শেষাংশে, গরম পড়েছে সেদিন। তার বিছানার কাছের জানলার পাট খোলা ছিলো।

ডিনারের আগে রোগীরা কোনোরকমে সময় কাটাচ্ছে। শোন। যাচ্ছে একজন নতুন নার্স হাসপাতালে যোগ দিয়েছে, সেদিনই তার কাজ শুরু হবে। ইউরির উন্টো দিকের বিছানায় বসে গালিউলিন তক্ষুনি-এসে-পৌছনো খবরের কাগজে চোখ বুলোতে-বুলোতে সেন্সরের বাদ-দেয়া অংশগুলির উদ্দেশে বিরক্তি জানিয়ে চলেছে। সেদিনের ডাকে একসঙ্গে এক গোছা চিঠি এসেছে টোনিয়ার—ইউরি সেগুলো পড়ছিলো। বাতাসে চিঠি আর কাগজ উড়ে উড়ে যাচ্ছে। হালকা পায়ের আওয়াজে চোখ তুলে তাকালো সে। ভেতরে ঢুকলো লারা।

ইউরি ও গালিউলিন দু-জনেই তাকে চিনতে পারলো, যদিও কেউ আন্দাজ করতে পারলো না যে অগ্রজন চেনে, আর লারা তাদের কাউকেই চিনলো না। সে বললে: ‘কেমন আছেন? জানলাটা খোলা কেন? ঠাণ্ডা লাগছে না?’ গালিউলিনের কাছে গিয়ে জিজ্ঞেস করলে, কেমন বোধ করছে সে, নাড়ি দেখার জন্য তার হাতের কজ্জিটা নিজের হাতে তুলে নিলো, আর নিয়েই নামিয়ে রাখলো, বসে পড়লো তার বিছানায়, সংশয়চ্ছন্ন দৃষ্টিতে তাকালো তার দিকে।

‘একেবারে আশাতীত ঘটনা এটা, লারিসা ফিয়োডোরোভনা,’ গালিউলিন

বললে। ‘আমি আপনার স্বামীকে চিনতাম। একই রেজিমেন্টে ছিলাম আমরা। তার জিনিসপত্র আমি আপনার জন্ত রেখে দিয়েছি।’

‘অসম্ভব,’ লারা বলে উঠলো, ‘এ যে অসম্ভব। আপনি ঠুকে চিনতেন! কী আশ্চর্য যোগাযোগ! দয়া ক’রে শিগগির বলুন আমাকে, কেমন ক’রে হলো। বোমায় মারা গেছেন উনি, তাই নয় কি, বিস্ফোরণে চাপা পড়েছেন। দেখেছেন তো আমি জানি, আমাকে সব খুলে বলতে ভয় পাবেন না।’

কিন্তু গালিউলিনের সাহস হ’লো না। সাস্তানায়াক এক মিথ্যা বলাই স্থির করলো সে।

‘আশ্চর্য বন্দী হয়েছেন। বাহিনী নিয়ে খুব বেশি এগিয়ে গিয়েছিলেন উনি। চারপাশ থেকে ঘিরে ধ’রে তাদের বিচ্ছিন্ন ক’রে দেয়। উনি আত্মসমর্পণ করতে বাধ্য হন।’

কিন্তু লারা তার কথা বিশ্বাস করলো না। এ-রকম আশাতীতভাবে গালিউলিনের সঙ্গে দেখা হ’য়ে বিচলিত হ’য়ে পড়লো, অন্তের সামনে ভেঙে পড়ার ভয়ে তাড়াতাড়ি করিডোরে চ’লে গেলো সে।

একটু পরে, আপাত-শান্ত ভাবে সে ফিরে এলো; গালিউলিনের সঙ্গে কথা বললে পাছে আবার কেঁদে ফেলে, সেই ভয়ে লারা ইচ্ছে ক’রে তার দিকে না-তাকিয়ে ইউরির কাছে এগিয়ে গেলো। ‘কেমন আছেন? কেমন বোধ করছেন?’ নিশ্চিন্ত গলায় জিজ্ঞেস করলো সে।

তার উত্তেজনা আর চোখের জল লক্ষ্য করেছিলো ইউরি। কেন সে এতো বিচলিত বোধ করছে জিজ্ঞেস করতে ইচ্ছে করলো ইউরির, আর বলতে ইচ্ছে করলো আগে আরো দু’বার সে তাকে দেখেছে, একবার যখন সে স্কুলের ছেলে, আর একবার যখন সে কলেজের ছাত্র, কিন্তু বললো না এই ভয়ে যে হয়তো তার ব্যক্তিগত জীবনে হস্তক্ষেপ করা হবে আর সে হয়তো ভুল বুঝতে পারে তাকে। তারপর হঠাৎ তার মনে প’ড়ে গেলো কতো বছর আগের সেই ক্রিসমাসের কথা, আনার কফিন, আর টোনিয়ার চীৎকার। সে বললে:

‘ধন্যবাদ। আমি একজন ডাক্তার। আমি নিজেই নিজেকে দেখছি। আমার কিছুই দরকার নেই।’

‘আমার কথা শুনে যেন অপমানিত হয়েছেন মনে হ’লো?’ লারা অবাক হ’লো। চ্যাপ্টা নাক, নিতান্ত সাধারণ মুখের অপরিচিত লোকটির দিকে বিন্মিত দৃষ্টিতে তাকালো সে।

কয়েকদিন আবহাওয়াটা খুব খারাপ ছিলো; অনিশ্চিত বেলা, রাত্রে উষ্ণ মুখর বাতাসে ভেজা মাটির গন্ধ।

এই ক’দিন ধ’রে যুদ্ধক্ষেত্র সম্পর্কে ভীতিপ্রদ সব গুজব উড়ে আসছিলো জেনারেল হেডকোয়ার্টার্স থেকে। পিটার্সবার্গের সঙ্গে টেলিগ্রাফের বোণ ছিঁড়ে দেওয়া হচ্ছিলো বার-বার। সর্বত্র, প্রতি কোনায়-কোনায় লোকের মুখে রাজনীতি।

নার্স আন্টিপভা সকাল-বিকেল ডিউটিতে বেরিয়ে প্রত্যেকটি রোগীর সঙ্গে একটা-দুটো বাক্য বিনিময় করে, গালিউলিন আর ইউরিকেকও বাদ দেয় না। ‘লোকটি কী অভূত,’ ইউরির বিষয়ে সে ভাবতো। ‘অল্প বয়স, রুক্ষভাবী। বৌচা নাক—স্বন্দর কিছুতেই বলা যায় না। কিন্তু সত্যিকার বুদ্ধিমান, সজীব, এর মনটিকে মনোহর মনে হয়। তা থাকলে, আমার তাতে কী। আমার এখন কাজ হ’লো যতো শিগগির সম্ভব এখানকার চাকরি শেষ ক’রে মস্কোতে কাটিয়ার কাছে ফিরে যাওয়া, তারপর নার্সিঙের চাকরি থেকে বরখাস্ত হবার আবেদন জানিয়ে ইউরিয়াটিন, আবার স্থল। পাশার কী হয়েছিলো স্পষ্ট বোঝা গেছে, আর-কোনো আশা নেই, এখন যতো তাড়াতাড়ি বীর ললনার অভিনয় ছাড়া যায় ততোই ভালো। পাশার জগু খোঁজ করতে না-হ’লে এখানে কখনোই আসতাম নাকি আমি!’

কাটিয়া কেমন আছে সেখানে, পিতৃহীন কাটিয়া—বেচার! লারা ভাবে আর কাদে।

সম্প্রতি নিজের মধ্যে একটা মস্ত বড়ো বদল লক্ষ্য করছে লারা। আগে নানারকম দায়িত্ব বোধ করতো সে, পবিত্র কর্তব্য—দেশের প্রতি, সেনাবাহিনীর প্রতি, সমাজের প্রতি কর্তব্য। কিন্তু এখন যুদ্ধে হেরে গিয়ে (এই দুর্ভাগ্যই তো সব দুঃখের মূল) সবই যেন নষ্ট মনে হয়, কিছুই আর পবিত্র নেই।

সব যেন হঠাৎ বদলে গেছে—মনের ভাব, নৈতিক আবহাওয়া; কেউ

যেন জানে না কী ভাবে, কী ক্রমে। সারা জীবন ভ'রে কেউ যেন শিশুর মতো তোমাকে হাতে ধ'রে নিয়ে বেড়ালো, তারপর হঠাৎ কে যেন নিজের পায়ে নিজে দাঁড় করিয়ে দিলো তোমাকে, এখন সব নিজে জানতে হবে, চলতে হবে নিজে। কাছাকাছি এমন কোনো পরিবার, কোনো মানুষ নেই যার মতামত তুমি শ্রদ্ধা করো। এই রকম অবস্থায় কোনো পরম উদ্দেশ্যের কাছে নিজেকে ধ'রে দেবার বাগনা জাগে—মানুষের তৈরি আইন যখন ভেঙে পড়লো, তখন জীবন অথবা সত্য অথবা হৃদয়ের দ্বারা শাসিত হওয়া ছাড়া উপায় কী! সেই আগের জীবনে, চেনা, পুরোনো শাস্তিভরা যে-জীবন এখন চিরতরে বিলুপ্ত, সেখানে যে-ভাবে নিজেকে সমর্পণ করেছো, তার চেয়ে অনেক বেশি একান্তভাবে এখন দিতে হবে নিজেকে।—কিন্তু তার বেলায়, লারা নিজেকে মনে করিয়ে দেয়, কাটিয়াকে দিয়েই তাকে পূরণ করতে হবে এই শর্তহীনের প্রয়োজন, কাটিয়াই হবে তার বঁচে থাকার উদ্দেশ্য। পাশাকে সে হারিয়েছে, এখন আর মা ছাড়া লারা অগ্র কিছুর হ'তে পারবে না, তার হতভাগ্য, অনাথ সন্তানকে নিজের সমস্ত শক্তি উগাড় ক'রে দেবে সে।

ইউরি মস্কো থেকে খবর পেলো গর্ডন আর ডুডোরভ তার বিনা অহুমতিতেই তার বইটা প্রকাশ করেছে, প্রশংসা হয়েছে নাকি, মহৎ শিল্প-প্রতিভার বীজ আছে নাকি সে-বইয়ে; আরো খবর পেলো মস্কোতে ভয়ানক গোলমাল, খুব উত্তেজনা চলছে, কিছু-একটা ঘটবে শিগগিরই; জনসাধারণের মধ্যে অসন্তোষ বেড়ে চলেছে, নিদারুণ কোনো রাজনৈতিক ঘটনা ঘটলো ব'লে।

রাত গভীর হ'য়ে এসেছে। বড় ঘুম পেয়েছে ইউরির। মাঝে-মাঝে ঢুলে পড়ছে সে, আর ভাবছে যে গত কয়েকদিনের উত্তেজনা তাকে জাগিয়ে রাখছে। তন্দ্রাচ্ছন্ন ঘুমে ভরা নিশ্বাস ছড়াতে-ছড়াতে জানলার বাইরে বাতাস হাই তুলতে-তুলতে ব'য়ে যাচ্ছে। চীৎকার ক'রে অভিযোগ করছে সেই বাতাস, 'টোনিয়া, শাশা, তোমাদের অভাব বোধ করছি আমি, বাড়ি যেতে চাই আমি, আমি আমার কাজে ফিরে যেতে চাই।' বাতাসের সেই আওয়াজের সঙ্গে-সঙ্গে একবার ঘুমোলো আর একবার জাগলো

ইউরি, আনন্দ আর যত্নপা পালা ক'রে আচ্ছন্ন করতে থাকলো ডাকে—
এই অস্থির রাত্রি আর পরিবর্তনশীল আবহাওয়ার মতোই সেও যেন অশান্ত
আর উত্তাল।

লারার মনে হ'লো, পাশার স্মৃতির প্রতি গালিউলিন যে অত শ্রদ্ধা
দেখিয়েছে, তার জিনিসপত্র যত্ন ক'রে রেখেছে, তার বদলে সে কিনা এমনকি
এটুকুও তাকে জিজ্ঞেস করেনি যে সে কে, বা কোথেকে এসেছে। নিজের
ওপর বিরক্ত বোধ করলো লারা।

ভুল শোধরাবার জন্ত, অকৃতজ্ঞ ব'লে প্রমাণিত না-হবার জন্ত, লারা পরদিন
সকালে গালিউলিনের বিষয়ে যাবতীয় খোঁজ নিলে।

‘হা ঈশ্বর,’ গালিউলিনের পরিচয় পেয়ে সে ব'লে উঠলো। ‘আটাশ নম্বর
ব্রেস্ট স্ট্রীট, টিমেরজিনেরা, ১৯০৫-এর বিপ্লব, সেই শীত! ইউসুপকা? না,
তাকে দেখেছে ব'লে তো মনে পড়ে না, গালিউলিন যেন কিছু না মনে করে।
কিন্তু সেই বছর, সেই বছর, আর সেই বাড়ি! সত্যিই কখনো সেইদিন
ছিলো, অস্তিত্ব ছিলো সেই বাড়ির? কী স্পষ্ট মনে পড়ছে সব-কিছু! সেই
গুলিবর্ষণ আর—কী যেন তখন বলতো সে—‘থুটের অভিমত!’ কী প্রবল
শৈশবের প্রথম অমুভূতির অভিজ্ঞতাগুলি—কী স্মৃতিষ্ক! ‘মাপ করুন, আমাকে
মাপ করুন, লেফটেন্যান্ট, আপনার নামটা আর পদবিটা যেন কী বললেন?
ই্যা, ই্যা, আগে একবার বলেছিলেন আমাকে। ধন্যবাদ, অসিপ
গিমায়েভ্‌দিনোভিচ, আমাকে সব কথা মনে করিয়ে দেবার জন্ত ধন্যবাদ।
সেই দিনগুলি আমার মনে ফিরিয়ে আনার জন্ত আপনাকে ধন্যবাদ দিয়ে
কখনো শেষ করতে পারবো না।’

সারা দিন ‘সেই বাড়ি’র কথা ভাবলে সে, মাঝে-মাঝে নিজের মনে প্রায়
শব্দ ক'রে কথা বলে উঠলো।

ভাবো একবার, ব্রেস্ট স্ট্রীট, ২৮ নম্বর! আর এখনো ওরা গুলি ছুঁড়েছে,
কিন্তু এবার আরো কতো ভয়াবহ হ'য়ে উঠেছে ব্যাপারটা। এখন আর বলা
যায় না, ‘এবার বাচ্চারা গুলি ছুঁড়েছে।’ সেই বাচ্চারা বড়ো হ'য়ে গেছে,
সেই সব ছেলেরা সবাই এখানে, এই সৈন্যদলেই ছিলো, সেই সব সরল
লোকগুলি, যারা সেই বাড়িতে বাস করতো, সেই রকম আরো অনেক বাড়ি,

অনেক গ্রামে বাস করতো যারা, সবাই এখানে। কী আশ্চর্য, কী ভয়ানক আশ্চর্য!

শয্যাশায়ী নয় এমন রোগীরা সবাই ছুটে এলো অস্ত্রান্ত ঘর থেকে, খোঁড়া পায়ে টলতে-টলতে এলো কেউ, কেউ দৌড়তে-দৌড়তে, কেউবা লাঠিতে ভর দিয়ে হাঁটতে-হাঁটতে এলো, সবাই চীৎকার করছে :

‘পিটার্সবার্গের রাস্তায় দাঙ্গা শুরু হয়েছে! পিটার্সবার্গের সেনাবাহিনী বিজ্রোহীদের সঙ্গে যোগ দিয়েছে! বিপ্লব!’

পঞ্চম পরিচ্ছেদ

বিদায়, অতীত

১

মেলিউজ্জৈয়েভো নামে এক ছোট্ট শহরে হাসপাতাল স্থানান্তরিত হ'লো।
উর্বর কালো মাটির^১ দেশে অবস্থিত এই শহর। পঙ্কপালের মেঘের মতো
কালোরঙের ধুলোতে সারা শহর ছেয়ে আছে। পণ্টন আর কনভয় শহরের
মধ্যে দিয়ে যাবার সময় ধুলো উড়িয়ে যায় ; দুই দিকেই যাতায়াত চলে, একদল
সামনের দিকে এগোয়, আর-একদল সৈদিক থেকে আসে, - দেখে বলা মুশ্কিল
যুদ্ধ তখনো চলছে, না কি থেমে গেছে ইতিমধ্যে।

জিভাগো, নার্স আন্টিপভা আর গালিউলিন দেখলে যে প্রতিদিন নতুন
নতুন কাজের দায় গজিয়ে উঠছে ব্যাণ্ডের ছাতার মতো। যে-কোনো কাজেই
ডাক পড়ে তাদের—আর পড়ে এমন ছ-চারজনের, নতুন মহানগর থেকে
এসেছে বলে যাদের অভিজ্ঞ আর ওয়াকিবহাল ব'লে ধ'রে নেয়া হয়।

সেনা ও স্বাস্থ্য বিভাগে, পৌর প্রতিষ্ঠানে, আর সৈন্যদের রসদের দপ্তরে গোণ
কমিসার হিসেবে কাজ করছিলো তারা, এই একের পর এক দায়িত্বকে বৈচিত্র্য
ব'লেই মনে হ'তো তাদের, যেন খোলা মাঠে কোনো খেলা হচ্ছে, বা যেন
লুকোচুরি খেলা। কিন্তু তার চেয়ে অনেক বেশি ক'রে মনে হয় যে খেলা

^১ রাশিয়ার সর্বোৎকৃষ্ট শস্ত উৎপাদনকারী অংশের নাম শের্নোজ্জৈম—কালো মাটি।

ভাঙার সময় হয়েছে—নিজের কাজে, নিজের ঘরে ফেরার দিন এসেছে তাদের।

তাদের কাজের ব্যাপারে ইউরি আর আন্টিপভা প্রায়ই একত্র হয়।

২

বৃষ্টিতে কালো ধুলো কফিরঙের কান্দার রূপ নেয় আর সারা রাস্তায় ছড়িয়ে থাকে সেই কাদা, কেননা পথঘাট অধিকাংশই কাঁচা।

শহরটি খুবই ছোটো। প্রায় প্রতি রাস্তার শেষেই দেখা যায় বিবর্ণ তৃণভূমি আর অন্ধকার আকাশ, বিপ্লবে আর যুদ্ধে ভরা বিপুল পল্লীপ্রকৃতি যেন ক্রুদ্ধ দৃষ্টি মেলে তাকিয়ে আছে।

ইউরি তার স্ত্রীকে লিখলো :

‘আশে-পাশের কয়েকটি সেনাবাহিনীর ঘাঁটি দেখতে গিয়েছিলাম। শৃঙ্খলা আনার যতোই চেষ্টা হোক, যতোই চেষ্টা হোক লোকের মনে ভরসা জাগাবার, অরাজকতা বেড়েই চলেছে।

‘পুনশ্চ দিয়ে বলি (যদিও আমি আগেই হয়তো কথটা জানিয়েছি) আন্টিপভা নামে এক মহিলার সঙ্গে আমাকে একত্রে অনেক কাজ করতে হয়, ভদ্রমহিলা নার্স, উরালে জন্মেছেন, এসেছেন মস্কো থেকে।

‘তোমার মায়ের মৃত্যুর রাজিতে সেই ভয়ংকর পার্টিতে এক পাব্লিক প্রেসিকিউটরকে যে-ছাত্রীটি গুলি ছুঁড়েছিলো, তাকে মনে আছে তোমার ? পরে মামলাও হয়েছিলো বোধ হয়। মনে আছে, তোমাকে বলেছিলাম যে একবার তোমার বাবার সঙ্গে এক নোংরা হোটেলে গিয়ে মেয়েটিকে দেখেছিলাম—তখনো স্কুলের ছাত্রী সে। সেখানে কেন গিয়েছিলাম তা আর এখন মনে নেই, শুধু মনে আছে কনকনে ঠাণ্ডা এক রাত ছিল সেটা। যতদূর মনে পড়ে প্রেসনিয়া বিদ্রোহের সময় ছিলো তখন।—সেই মেয়েটিই আন্টিপভা।

‘ফিরে যাবার চেষ্টা করেছি কয়েকবার—কিন্তু ব্যাপারটা ততো সহজ নয়। কাজের জগৎ ততোটা নয়—তার ভার অনায়াসেই অস্ত্র কারো হাতে দিয়ে জ্বিভাগো—১২

বাঁওয়া যায়—মুন্সিলটা হ'লো বাঁওয়ার উপায় নিয়ে। হুস্ক কোনো ট্রেনই মেলে না, নয়তো এতো ভিড় যে তাতে চড়ার আশা হুদূরপর্যাহত।

‘এই অবস্থায় অবশ্য অনিশ্চিত কালের জ্ঞান ব'সে থাকে যায় না, তাই আমরা যারা পদত্যাগ করেছি বা যাদের চাকরি গেছে (তাদের মধ্যে আক্টিভতা ও গালিউলিনও আছে), আমরা ঠিক করেছি যা থাকে কপালে সামনের সপ্তাহে রওনা হ'য়ে পড়বো। আলাদা-আলাদা যাবো আমরা—তাতে ট্রেনে ওঠার সুযোগ মিলবে বেশি।

‘অতএব—যে-কোনোদিন আকাশ থেকে গিয়ে পড়তে পারি—টেলিগ্রাম করার চেষ্টা করবো যদিও।’

রওনা হবার আগেই অবশ্য টোনিয়ার উত্তর এলো। ভাঙা-ভাঙা বাক্যে, —স্পষ্টতই কান্নায়—চোখের জলের দাগ আর বিরতিচিহ্নের জায়গায় কালির ফোঁটায় ভরা চিঠিতে সে অল্পবোধ জানিয়েছে মস্কোতে না-ফিরে ইউরির যেন সেই আশ্চর্য নার্সটির সঙ্গে গোজা উরালে চ'লে যায়, কেননা সেই নার্সের জীবন এমনভাবে দৈবে আচ্ছন্ন আর অদ্ভুত সব ঘটনায় ভরা যে টোনিয়া তার সরল প্রকৃতি নিয়ে প্রতিযোগিতায় নামতে পারবে না।

‘শাশর ভবিষ্যতের জ্ঞান ভেবো না,’ টোনিয়া আরো লিখেছে। ‘তাকে নিয়ে কখনো লজ্জা পেতে হবে না তোমাকে। ঠিক সেই সব নীতি অহুসারেই আমি তাকে মাহুষ করবো, যেগুলি তুমি ছেলেবেলায় আমাদের বাড়িতে পালন করতে দেখেছো সবাইকে।—তোমাকে কথা দিচ্ছি।’

ইউরির তক্ষুনি জবাব লিখলো। ‘তোমার নিশ্চয়ই মাথা-খারাপ হয়েছে, টোনিয়া। এমন একটা কথা তুমি কল্পনা করতে পারলে কী ক'রে? তুমি কি জানো না—তুমি কেন যথেষ্ট গভীরভাবে উপলব্ধি করো না—যে তোমার জ্ঞান, তোমার প্রতি, আমাদের সংসারের প্রতি আমার নিয়ত সপ্রেম চিন্তার জ্ঞানই এই ভয়ংকর, সর্বগ্রাসী যুদ্ধে দুই বছর কাটাতে পারলাম আমি। কিন্তু কথা ব'লে কোনো লাভ হয় না। শিগগিরই আমরা মিলিত হবো, আবার নতুন ক'রে জীবন শুরু হবে আমাদের, তখনই সব পরিষ্কার হ'য়ে যাবে।

‘তোমার চিঠি প'ড়ে অবধি অল্প এক কারণে উদ্বিগ্ন বোধ করছি। তোমাকে এমনভাবে লেখবার সুযোগ যদি সত্যিই দিয়ে থাকি, তাহ'লে আমরা

ব্যবহার নিশ্চয়ই স্বার্থক হয়েছে—শুধুমাত্র তোমার কাছেই নয়, ভুল লেখার সুযোগ দিয়ে অস্বস্তির কাছেও আমি অপরাধী। তিনি ফিরে এলেই আমি ক্ষমা চাইবো। গ্রামের দিকে গেছেন উনি। গ্রামে-গ্রামে স্থানীয় পরিষদ নির্বাচন করা হচ্ছে (জেলাগুলিতে যা আগে থেকে ছিলো তা ছাড়াও আরো), ঠর এক বন্ধু শাসনতন্ত্রের পরিবর্তনের ব্যাপারে উপদেষ্টার কাজ করছেন—উনি গেছেন তাঁকে সাহায্য করতে।

‘এ-থবরটা হয়তো তোমার কাছে দরকারি ব’লে মনে হ’তে পারে যে যদিও আমরা একই বাড়িতে বাস করি, আজ পর্যন্ত আশ্চিন্ততার ঘর কোনটা তা আমি জানি না, জানবার কথা মনেও হয়নি কখনো।’

৩

মেলিউজ্‌ইয়েভো থেকে ছুটো বড়ো রাস্তা বেরিয়ে গেছে—একটা পূবে, আর একটা পশ্চিমে। একটা কাঁচা রাস্তা, বনের মধ্য দিয়ে জাবুশিনো পর্যন্ত চ’লে গেছে; জাবুশিনো নামে এই ছোটো শহরটি শস্তের ব্যবসা ক’রে, অনেক বিষয়ে উন্নত হ’য়েও মেলিউজ্‌ইয়েভোর শাসনাধীন। অগ্ৰটি পাকা রাস্তা, মাঠের মধ্যে দিয়ে চ’লে গেছে সবচেয়ে কাছের রেল-জংশন বিরিউচি অবধি, শীতকালে জলে শপশপে, কিন্তু গ্রীষ্মে শুকনো।

জুন মাসে জাবুশিনো স্বাধীন প্রজাতন্ত্রে পরিণত হয়েছিলো। এই প্রজাতন্ত্র স্থাপন করেছিলেন স্থানীয় ময়দা-কলের মালিক ব্লাজ্‌ইকো, তাঁর সহায় হয়েছিলো ২১২ নম্বর পল্টনের সৈন্যরা, যারা বিপ্লবের সময় সশস্ত্র যুদ্ধক্ষেত্রে পরিত্যাগ ক’রে বিরিউচির মধ্য দিয়ে জাবুশিনোতে চ’লে আসে।

এই প্রজাতন্ত্র অস্থায়ী সরকারকে স্বীকার না-ক’রে, সমস্ত রাশিয়া থেকে বিচ্ছিন্ন হ’য়ে আছে। ব্লাজ্‌ইকো ধর্মমতে ছিলেন স্বাধীনচেতা, এক সময়ে টলস্টয়ের সঙ্গে তাঁর পত্রালাপ ছিলো। স্থানীয় পরিষদের তিনি ‘সং সং’ নাম দিলেন, এই রাষ্ট্রকে ঘোষণা করলেন নতুন এক রায়রাজ্য ব’লে, যেখানে সমস্ত কাজ সকলে ভাগ ক’রে নেবে, আর যেখানে সম্পত্তিতে সকলের সমান অধিকার।

জাবুশিনোকে নিয়ে চিরকালই নানান কিংবদন্তী ও অতিরঞ্জিত গল্প চ'লে আসছে। 'দুঃসময়'র^১ ইতিহাসে উল্লেখ আছে জাবুশিনোর ; ঘম বনে ঘেরা জাবুশিনো, কিছুকাল আগেও ডাকাতে ভরা ছিলো সেই বন। ব্যবসায়ীদের প্রাচুর্য আর মাটির অবিখ্যাত উর্বরতার জন্য জাবুশিনোর খ্যাতি বহুদূর বিস্তৃত ; সেই প্রদেশের বহু লৌকিক বিশ্বাস, আচার এবং কথা বলার বিশিষ্ট ধরন জাবুশিনো থেকে এসেছে।

আজকাল কিন্তু সেই সব আশ্চর্য গল্প বলা হ'য়ে থাকে ব্রাজেইলেকার প্রধান সহকারীটির বিষয়ে। শোনা যায় তিনি মুক এবং বধির, শুধু মাঝে-মাঝে দৈব অত্মগ্রহের ফলে তাঁর বাকস্ফুটি হয়।

প্রজাতন্ত্রের আয়ু ছিলো পনেরো দিন ; জুনের শেষাংশে অস্থায়ী সরকারের বিশ্বস্ত একটি বাহিনী তার উচ্ছেদ করলে। পলাতক সৈন্যদল আবার বিরিউচিতে পশ্চাদপসরণ করলো। জংশনের দু'পাশে রেল-লাইনের ধারের কয়েক মাইল জঙ্গল এক সময় পরিষ্কার করা হয়েছিলো, বুনো ঝুঁকিরিতে আচ্ছাদিত পুরোনো গাছের গুঁড়ি, চুরির ফলে ক'মে-আসা কাঠের স্তূপ আর যারা বছরের বাঁধা সময়ে গাছ কেটে রেখে গেছে সেই সব মজুরদের নড়বড়ে কুঁড়ের মাঝখানে তারা তাঁবু গাড়লো।

৪

ঘে-হাসপাতালে ইউরি এক সময় রোগী হিসেবে গিয়েছিলো, এখন সে সেখানকার ডাক্তার। বাড়িটা হ'লো কাউন্টেন্স জাব্রিন্স্কায়ার পূর্ব-বাসস্থল। যুদ্ধের আরম্ভেই বাড়িটা তিনি রেড ক্রসকে দান করেছিলেন।

বাড়িটি শহরের সবচেয়ে ভালো পাড়াগুলির একটিতে, বড়ো রাস্তা আর 'প্লাৎজ' নামে পরিচিত পার্কের কোন ঘেঁষে ; এই পার্কে আগে সৈন্যরা কুচকাওয়াজ করতো, এখন সভাসমিতি হয়।

বাড়িটা ঘে-জায়গায় সেখান থেকে আশে-পাশের অনেকটা চোখে পড়ে ; রাস্তা আর পার্ক ছাড়াও চোখে পড়ে পাশের বাড়ির উঠান (দ্রিঙ্গ এক

^১ সন্তেরো শতকের গৃহযুদ্ধের অধ্যায়কে রুশ ইতিহাসে 'দুঃসময়' বলা হয়।

প্রাদেশিক পরিবারের বাড়ির উঠোন ; পরিবারটি প্রায় চাষাভুষোর মতো জীবনযাপন করে), আর দেখা যায় পেছন দিকের জমিতে কাউন্টসের পুরোনো বাগান।

ঐ রাজডলনে জেলায় বিস্তর সম্পত্তি ছিলো কাউন্টসের, এই বাড়িটি তিনি ব্যবহার করতেন শুধু মাঝে-মাঝে যখন শহরে আসতেন, বা যখন গ্রীষ্মকালে দূরে কাছে নামা জায়গা থেকে অতিথিরা রাজডলনেতে বেড়াতে আসতেন।

এখন বাড়িটি রূপান্তরিত হয়েছে হাসপাতালে, আর বাড়ির মালিক গ্রন্থার হ'য়ে পিটার্সবার্গে আছেন—তিনি আগে থেকেই ছিলেন সেখানে।

বিস্তর দাস-দাসীর মধ্যে মাত্র দুজন স্ত্রীলোক এখনো প'ড়ে আছে : কাউন্টসের প্রধান রাঁধুনি উষ্টিনিয়া, আর মাদমোয়াজেল ক্লারি, যিনি কাউন্টস-কন্যাদের মালুষ করেছেন। সেই মেয়েরা এখন সবাই বিবাহিত।

শাদা চুল, গোলাপি গাল আর অগোছালো চেহারা মাদমোয়াজেল ক্লারির ; ঘরে পরার চটি আর ঢলঢলে ছিঁড়ে-আসা হাউস-কোট গায়ে দিয়ে সারা হাসপাতাল ঘুরে বেড়ান ; জ্ঞাত্রিন্স্কি পরিবারে যতোটা স্বাধীনভাবে ছিলেন হাসপাতালেও ঠিক ততটাই স্বাচ্ছন্দ্য আপাতত বজায় রাখার চেষ্টা করেন তিনি। শেষের কথাগুলো গিলে ফেলে, ভাঙা-ভাঙা কুশিতে গালগল্প শোনান, অক্লান্ত করেন, নাটকে ভাব দেন আর ফেটে পড়েন কর্কশ হাসিতে। কাশির দমকে তাঁর সেই হাসি শেষ হয়।

তাঁর ধারণা হ'লো নার্স আন্টিপভাকে খুব ভালো ক'রে বুঝে ফেলেছেন তিনি, এবং নার্স ও ডাক্তার, তাঁর মতে, পরস্পরের প্রতি আকৃষ্ট হ'তে বাধ্য। লাতিন চিন্তের পরমশ্রিয় আবেগময় বড়বস্ত্রের প্রেমে আচ্ছন্ন হ'য়ে তিনি তাদের দু'জনকে একসঙ্গে দেখলে যতো খুশি হতেন তেমন বোধ হয় আর কখনো না। আঙুল নেড়ে চোখ টিপতেন তিনি, লারা তাতে অবাক হ'তো, ইউরি বিরক্ত বোধ করতো, কিন্তু সব বাতিকগ্রস্ত লোকেদের মতোই মাদমোয়াজেল ক্লারিও তাঁর নিজের ভ্রান্ত ধারণা আঁকড়ে থাকতেন, কোনোমতেই তাদের ছাড়বেন না তিনি।

উষ্টিনিয়ার চরিত্রটি আরো অদ্ভুত। তার বেচপ শরীরের গড়নটি যেন

লাউয়ের মতো, দেখলে মনে হয় মুরগি ব'লে ডিমে তা দিচ্ছে। সাধারণত বেশ মেপে-মেপে শব্দ ব্যবহার করে সে, আর কথাও বলে চটপট আর লাগসই-মতো, কিন্তু কোনো কুসংস্কারের প্রসঙ্গ পেলে তার কল্পনা আর রাশ মানে না। জাবুশিনোতেই সে জন্মেছে। স্থানীয় এক জাহুকরের মেয়ে—অগুনতি তুকতাক জানতো সে; স্টোভের ওপরে চাবির ফুটোতে বিড়বিড় ক'রে মন্ত্র না-প'ড়ে বাইতে বেরতো না—তার অল্পপস্থিতিতেও বাড়ি যাতে আগুন ও শয়তানের হাত থেকে রক্ষা পায়। এমনিতে দিবি চূপচাপ থাকে, কিন্তু একবার যদি তাতিয়ে দেওয়া যায় তাহ'লে আর তাকে ধামানো যাবে না। তার বিশ্বাসের মূলে কোনো আঘাত পড়লে সত্যের পক্ষ নিয়ে উত্তেজিত যুদ্ধে নেমে পড়তে সে দেরি করে না।

জাবুশিনো-প্রজাতন্ত্রের পঁতন সম্বন্ধে মেলিউজ্জেইয়েভোর বিপ্লব-পরিষদ সেই জেলার ওপর জাবুশিনোর বিদ্রোহী প্রভাবকে ভয় পেতো, তাই প্রতিবেদক হিসেবে একটি জনশিক্ষা আন্দোলন শুরু করেছিলো। সে-কাজের সবচেয়ে উপযোগী সময় ছিলো সন্ধ্যায়, পার্কে শান্তিপূর্ণ এবং স্বতঃস্ফূর্ত সভা বসতো তখন। এই সভাগুলিতে ছাড়াছাড়িভাবে লোক জমে, আসে সেই সব নাগরিকেরা যাদের আর-কিছু করবার নেই, যারা আগে প্রাজের অল্প প্রাপ্তে দমকলের আপিশের সামনে পরচর্চার আসরে জমায়েত হ'তো। পরিষদ উৎসাহ দেয় তাদের, স্থানীয় এবং বাইরের বক্তাদের ডেকে আনে আলোচনা চালিয়ে নেবার জন্ত। সেই সবাক্ মুক-বধিরের গল্প গাঁজাখুরি ব'লে মনে করেন অতিথিরা, এবং উদ্গ্রীব হ'য়ে থাকেন সে-কথা বলার জন্ত। কিন্তু মিস্ত্রি-মজুর ও সেপাইদের বোয়েরা, বা মেলিউজ্জেইয়েভোর এককালীন পরিচারকেরা সে-সব গল্পকে মোটেও গাঁজাখুরি ব'লে মনে করে না, আর তা নিয়ে রীতিমতো তর্ক করে।

এদের অগ্রতম হ'লে উষ্টিনিয়া। প্রথম-প্রথম তার লজ্জা করেছে, জী-স্বলভ সংযমবশত চূপ ক'রে থেকেছে, কিন্তু মেলিউজ্জেইয়েভোতে যে-সব মত অপছন্দ করা হয় তার প্রতিবাদ ক'রে-ক'রে ক্রমে সাহস বেড়েছে তার, এখন সে নিজেই একজন বক্তা।

গলার স্বরের গুঞ্জন পার্ক থেকে ভেসে আসে হাসপাতালের খোলা

জানলা দিবে, নিস্তরঙ্গ সন্ধ্যায় এমনকি শব্দগুলিও আলাদা-আলাদা ক'রে বোঝা যায়। উষ্ণিনিয়ার বক্তৃতা হ'লেই, যে-ঘরেই লোকজন থাকবে, সেখানেই ছুটে যাবেন মাদমোয়জেল ফ্যারি, তাদের অহুন্নয় করবেন শোনার জন্ত, তাঁর ভাড়া-ভাড়া উচ্চারণে সরলভাবে নকল করবেন উষ্ণিনিয়ার: 'রাসপুটি ..রাসপু ..জার...জাবুশি...বোবা-কা...দেশদ্রোহী! দেশদ্রোহী!'

তাঁর এই তেজস্বী, স্পষ্টভাষী বাক্যবীকে নিয়ে গোপন গর্ব ছিলো মাদমোয়াজেলের; যদিও চৌকাঠুকির বিরাম ছিলো না, তবু তাঁরা দু'জনে দু'জনকে ভালোবাসতেন।

৫

মস্কোতে ফেব্রার জন্ত প্রয়োজনীয় যাবতীয় দলিলপত্র সংগ্রহ করতে ইউরির দপ্তরে-দপ্তরে ঘুরছিলো; তাছাড়া বন্ধুবান্ধব ও অন্ত্যাত্ম পরিচিতদের কাছে বিদায় নিতেও বেরিয়েছিলো সে।

সে-সময়ে যুদ্ধক্ষেত্রের আঞ্চলিক শাখার নতুন কমিসার যুদ্ধে যাবার পথে মেলিউজেইয়েভোতে কয়েকদিন কাটিয়ে যাচ্ছিলেন। নিতাস্তই নাকি বালক তিনি।

যুদ্ধক্ষেত্রে নতুন কার্ধকলাপ শুরু হওয়াতে তাঁকে বহাল করা হয়েছে। আক্রমণ করার তোড়জোড় চলছে, যথান্যায় চেষ্টা চলেছে সৈন্যদের উদাসীনতা ভেঙে তাদের মধ্যে শৃঙ্খলা আনবার জন্ত। যুদ্ধবিরোধীদের জন্ত সামরিক বিচারালয় খোলা হয়েছে, এবং সম্প্রতি যে-মৃত্যুদণ্ড উঠিয়ে দেওয়া হয়েছিলো তা পুনঃ-প্রতিষ্ঠিত হয়েছে।

ইউরির কাগজপত্রে যাদের সহি লাগবে স্থানীয় শহরের মেয়র তাঁদের মধ্যে একজন। সাধারণত তাঁর আপিশের কাছে ঘেঁষা যায় না। লম্বা লাইন নেমে আসে রাস্তার অর্ধেক পর্যন্ত, আর ভেতরে এতো গোলমাল চলে যে কেউ কিছু শুনতে পায় না।

কিন্তু সে-দিনটাতে লোকজন আসা বারণ ছিলো। শান্তিপূর্ণ আপিশে ব'সে কেরানিরা চুপচাপ লিখে চলেছে, কাজের ক্রমবর্ধমান জটিলতায় তারা

অসন্তুষ্ট, বিক্রপের দৃষ্টি বিনিময় করছে পরস্পরের মধ্যে। মেয়রের ঘর থেকে ভেসে আসছে ফুতিবাজ গলার আওয়াজ। শুনে মনে হয় লোকেরা জামার বোতাম খুলে নিয়ে খাওয়া-দাওয়া করছে।

ভেতরের ঘর থেকে গালিউলিন বেরিয়ে এলো, ইউরিকে দেখে সারা শরীরে বিচিত্র ভঙ্গি ক'রে ডাকলো তাকে—প্রায় কুঁজো হ'য়ে দাঁড়িয়ে আছে গালিউলিন, যেন একুনি দৌড়ের প্রতিযোগিতায় নামবে।

ইউরিকে মেয়রের সঙ্গে দেখা করতেই হবে, অতএব সে ভেতরে গেলো। ঘরটিতে এক মনোরম বিশৃঙ্খলা বিরাজমান।

সারা শহরে যিনি উত্তেজনা সৃষ্টি করেছেন, হাল আমলের বীরপুরুষ সেই নতুন কমিসার রঙ্গমঞ্চের মাঝখানটিতে ব'সে আছেন। নিজের কর্মস্থলে না-থেকে এই কাগজ-রাজস্বের শাসকদের উদ্দেশ্যে লম্বা-চওড়া বক্তৃতা ঝাড়ছিলেন তিনি, যার সঙ্গে যুদ্ধ-সংক্রান্ত ব্যাপারের কোনোই যোগ নেই।

‘আ—এই যে আমাদের আরেক তারকা,’ মেয়র ইউরিকে পরিচয় করিয়ে দিলেন। সম্পূর্ণভাবে আত্মমগ্ন কমিসার ফিরে তাকালেন না, আর মেয়র, তাঁর সামনে ইউরি যে-সব কাগজপত্র রাখলো সেগুলো সই করার জন্তু সামান্য একটু ঘুরে বসলেন, একটা নিচু, নরম আসনের দিকে সবিনয়ে ইঙ্গিত ক'রে আবার তাঁর একান্ত নিবিষ্ট ভঙ্গিতে ফিরে গেলেন।

ইউরি ব'সে পড়লো। সে-ঘরে সেই একমাত্র ব্যক্তি যে মহুগুপদবাচ্য জীবের মতো বসেছে। অন্তরা প্রত্যেকে আপাত-অনায়াস ভঙ্গির বাড়াবাড়ি ক'রে এমনভাবে গড়াগড়ি যাচ্ছে যেন দশায় পড়েছে। মেয়র তো তাঁর টেবিলের ওপর প্রায় শুয়েই পড়েছেন, হাতের মুঠোয় থুংনি রেখে চিস্তাশীল বায়রনি কায়দায় বসেছেন তিনি। তাঁর সহকারী, বিশালাকায় এক লম্বা-চওড়া ভক্তলোক, চেয়ারের হাতলের ওপর ঝুলে আছেন, আসনের ওপর এমনভাবে তাঁর পা প'ড়ে আছে যেন একপাশে পা দিয়ে ঘোড়ায় চ'ড়ে চলেছেন তিনি। গালিউলিন একটা চেয়ারে বসেছে দুই পা ফাঁক ক'রে, চেয়ারের পিঠের ওপর ভাঁজ-ক'রে-রাখা দুই হাতের ওপর মাথাটি হেলানো, আর কমিসার তো একবার দুই হাতের ওপর ভর দিয়ে জানলার তাকে উঠছেন, একবার নামছেন লাক দিয়ে, ছোটো-ছোটো দ্রুত পদক্ষেপে ছোটোছুটি ক'রে বেড়াচ্ছেন

সারা ঘরময় লেস্তি-জড়ানো লাটুর মতো শব্দ ক'রে, একমূর্ত্ত চূপ করছেন না স্থির হ'য়ে। অনর্গল কথা বলছেন ভদ্রলোক ; কথা বলার বিষয় হ'লো বিরিউটির যুদ্ধক্ষেত্র থেকে পালিয়ে-বাওয়া সৈন্যদলের সমস্তা।

ইউরির কাছে কমিসারের যে-রকম বর্ণনা সবাই দিয়েছিলো, তিনি ঠিক সেই রকম : রোগা, সস্তাস্ত, যেন সব স্থূল থেকে বেরিয়েছেন এমনি ছেলেমানুষ, আদর্শের আশুনে মোমের মতো জ্বলছেন। খুব নাকি বড়ো ঘরের ছেলে (অনেকের ধারণা তাঁর বাবা এক সেনেটর)। ফেক্সারি মাসে ডুমাতে^১ প্রথম বারা বাহিনী নিয়ে গিয়েছিলো ইনি নাকি তাদের মধ্যে একজন। তাঁর নাম গিস্ত্জ অথবা গিস্ত্জে—ইউরি নামটা ঠিক বুঝতে পারলো না—খুব স্পষ্ট, বিস্তৃত পিটার্সবার্গের উচ্চারণে, কিন্তু ঈষৎ বাণ্টিক ঢঙে তিনি কথা বলেন।

খুব আটো টিউনিক পরেছেন তিনি। বয়স অতো কম ব'লে বোধ হয় একটু অস্বস্তি বোধ করেন, তাই বয়স্ক দেখাবার জন্তু মুখে একটা প্লেসায়ক ভাব এনে, শব্দ এপোলং^২-আটা দুই কাঁধ গুটিয়ে ইচ্ছে ক'রে কুঁজো সাজেন, দুই হাত ঢোকানো থাকে পকেটের ভেতরে ; আসলে এই চেহারায় তাঁকে দেখাতো কোনো অস্বাভাবিক প্রাথমিক ছায়ামূর্ত্তির মতো—কাঁধের কোণ থেকে পা পর্যন্ত সোজা নেমে এসেছে, দুটিমাত্র সরল রেখায় ছবিটা এঁকে ফেলা যায়।

‘রেল-স্টেশনের কাছেই এক জায়গায় এক কসাক ফৌজের ঘাঁটি পড়েছে,’ মেয়র খবর দিলেন। ‘লাল ফৌজ, বিশ্বাসী। এদের ডেকে নেওয়া হবে, বিদ্রোহীদের ঘিরে ফেলে চুকিয়ে ফেলা হবে ব্যাপারটা। কমাণ্ডার ব্যস্ত হ'য়ে পড়েছেন চটপট ওদের নিরস্ত্র ক'রে দেবার জন্তু।’

‘কসাক ! কিছুতেই না,’ দপ ক'রে জ্বলে উঠলেন কমিসার। ‘এটা ১৯০৫ সাল নয়। ও-সব ঐতিহাসিক স্মৃতিমহনের সময় আর নেই এখন। ওদের আর

১ Duma : রুশীয়ার পার্লামেন্ট। ১৯০৬ থেকে ১৯১৭ পর্যন্ত এর অস্তিত্ব ছিলো।

—অনুবাদের টীকা

২ Epauvette : সৈনিকের সন্ধানবার চিহ্ন। ইউনিকর্সের কাঁধে ধারণ করা হয়।

—অনুবাদের টীকা

আমাদের মতামত একেবারে উল্টো। আপনাদের সেনাপতিরা বড় বেশি চালাক হবার চেষ্টা করছেন।’

‘তা—এখনও কার্যত কিছু করা হয়নি। এটা একটা পরিকল্পনামাত্র, একটা প্রস্তাব।’

‘উৎসর্গ কৰ্তৃপক্ষের সঙ্গে আমাদের এই চুক্তি আছে যে অভিযান-সংক্রান্ত ব্যাপারে তাঁদের কোনো হাত থাকবে না। কসাকদের ডেকে আনার আদেশ আমি প্রত্যাহার করছি না।—ওরা আসুক।—কিন্তু আমার সাধারণ বুদ্ধি অনুযায়ী কাজ ক’রে যাবো আমি।—ওখানে ওদের একটা ছাউনি পড়েছে বোধ হয়?’

‘ও—হ্যাঁ।’ তাঁবু তো পড়েছেই। সশস্ত্র তাঁবু।’

‘চমৎকার! ওখানে যেতে চাই আমি। এই ভীতিগ্রস্ত ব্যাপারটি আমাকে দেখাতে হবে আপনাদের—গুপ্তার আড্ডা আর কি। ওরা বিদ্রোহী হ’তে পারে, গুলুন মশাইরা, ওরা পালিয়ে-যাওয়া সেপাই হ’তে পারে, কিন্তু মনে রাখবেন ওরাই হ’লো জনগণ। আর জনগণ হ’লো শিশুর মতো, ওদের চিনে নিতে হয়, ওদের মনস্তত্ত্ব বুঝতে হয়। ওদের কাজে লাগাতে হ’লে ঠিক-মতো এগুতে হবে, ওদের হাত করতে হ’লে মন গলাতে হবে আগে।

‘আমি গিয়ে ওদের সঙ্গে মন খুলে কথা বলবো, তারপর দেখবেন ওরা যে যেখান থেকে পালিয়ে এসেছে সেখানেই ফিরে যাবে আবার—সোনার মতো খাঁটি ওরা। বিশ্বাস করছেন না? বাজি?’

‘কী জানি। আশা করি আপনার কথা ঠিক হবে।’

‘ওদের বলবো: “আমার কথাই ধরো না কেন। আমি বাপের এক ছেলে, আমার মা-বাবার একমাত্র আশা, তবু আমি নিজেকে রেয়াৎ করিনি। সব দিয়েছি—নাম, পরিবার, সম্মান। দিয়েছি তোমাদেরই স্বাধীনতার জন্ত সংগ্রাম করতে, পৃথিবীর অসংখ্য জাতি যে-স্বাধীনতা ভোগ করে সেই মহত্তর স্বাধীনতা। আমি দিয়েছি, আমার মতো আরো অনেক তরুণ দিয়েছে, আর আমাদের মহান পূর্বসূরীদের কথা ছেড়েই দিচ্ছি, যারা জাতির অধিকারের দাবি নিয়ে লড়াই করেছিলেন, যাদের সশ্রম দণ্ড দিয়ে পাঠানো হয়েছে সাইবেরিয়ায় অথবা বন্দী করা হয়েছে প্ল্যুসেলবুর্গ ছুর্গে। এ সব কি আমরা

ব্যক্তিগত স্বার্থের খাতিরে করেছি? এ কি আমাদের না-করলে চলতো না? আর তোমরা—তোমরা তো এখন আর সাধারণ সেপাই নও, তোমরা হ'লে পৃথিবীর প্রথম বিপ্লবী সেনাবাহিনীর বীরবৃন্দ, কী-ভাবে তোমরা পালন করছো তোমাদের সেই মহান ব্রত?—আমাদের মাতৃভূমি যখন রক্তাক্ত, যে-শত্রু তাকে সহস্র ফণা বিস্তার ক'রে ঘিরে ধরেছে তার হাত থেকে মুক্তি পাবার জন্ত সে যখন আশ্রাণ চেষ্টা করছে. তখন একদল বাজে লোক তোমাদের বোকা বানিয়ে দিলো, তোমরা পরিণত হ'লে ইতর জনতায়, তোমরা এখন রাজনীতি বিষয়ে অচেতন, স্বৈচ্ছাচারী, গুণ্ডার দল, যারা কিছুতেই সন্তুষ্ট নয়। ছুঁচ হ'য়ে ঢুকে ফাল হ'য়ে বেরবে সেই শত্রুরা, সেই যে কথা আছে না বসতে পেলেই শুতে চাইবে ওরা।—আমি স্পষ্ট কথা বলবো, আমি লজ্জা দেবো ওদের।'

‘না, না, সেটা কিন্তু বিপজ্জনক হ'তে পারে।’ মেয়র অর্থপূর্ণভাবে তাঁর সহকারীর দিকে তাকিয়ে, সাহস ক'রে প্রতিবাদ করলেন।

এই উন্মাদ সংকল্প থেকে কমিসারকে বিচ্যুত করার জন্ত গালিউলিন যথাসাধ্য চেষ্টা করলো। ২১২ নম্বরের লোকেদের সে তো জানে, যুদ্ধক্ষেত্রে ওরা তার ফৌজেই ছিলো। কিন্তু কমিসার কারো কথায় কান দেবেন না।

ইউরি বার-বার চেষ্টা করছিলো উঠে প'ড়ে চ'লে যাবার। কমিসারের ছেলেমানুষিতে অস্বস্তি বোধ করছিলো সে, কিন্তু মেয়র আর তার সহকারীর ধূর্তামি—নিরুপস্থির দুই চতুর শঠ—তারাও কিছু ভালো নয়। একজনের বোকামির সঙ্গে অপরজনের ভণ্ডামি তাল রেখে চলছিলো, তাদের কথার তোড়—একঘেয়ে, অদরকারি, জীবন যা বাতিল ক'রে দিয়েছে—তা শুনতে-শুনতে অস্থস্থ বোধ করছিলো ইউরি।

কতোই না তীব্র হ'তে পারে সেই আকাজ্জা—মানুষের বাগাড়ম্বরের নীরস শূন্যতা থেকে পালিয়ে গিয়ে আপাত-অস্পষ্ট প্রকৃতির মধ্যে আশ্রয় নেবার ইচ্ছে, দীর্ঘ কঠিন পরিশ্রমের ভাষাহীনতার জন্ত, স্বপ্নগুণি বা সত্যকার সংগীতের জন্ত, অথবা মানুষের যে-বোঝাপড়া আবেগের চাপে স্তব্ধ হ'য়ে গেছে তার জন্ত আকাজ্জা কী তীব্রই না হ'তে পারে!

নার্স আশ্চর্যভার সঙ্গে বোঝাপড়া করতে হবে—মনে পড়লো ইউরির।

নিশ্চয়ই স্থখের হবে না, কিন্তু তার সঙ্গে দেখা করার প্রয়োজন আছে ব'লেই ইউরি খুশি—এমনকি, এই অপ্রীতির মূল্যও। এখনও বোধ হয় ফেরেননি উনি। কিন্তু স্বযোগ পাওয়া মাত্র ইউরি উঠে পড়লো, বেরিয়ে গেলো সকলের অলক্ষ্যে।

৬

নার্স ফিরেছেন। ইউরিকে এই খবর দিয়ে মাদমোয়াজ্জেল আরো জানালেন যে উনি ক্লান্ত ছিলেন, তাড়াতাড়ি খেয়ে নিয়ে নিজের ঘরে চ'লে গেছেন, ব'লে গেছেন তাঁকে যেন বিরক্ত না করা হয়। 'কিন্তু উঠে গিয়ে দরজায় টোকা দিন না,' মাদমোয়াজ্জেল পরামর্শ দিলেন। 'এখনো নিশ্চয়ই ঘুমোননি উনি।'—'ওঁর ঘর কোনটা'?—বিশ্বয়ের ঘোর কাটিয়ে ওঠার পর মাদমোয়াজ্জেল বললেন যে সবচেয়ে ওপরতলার সিঁড়ির চত্বর দিয়ে যে-গলি গেছে তার এক প্রান্তে, কাউন্টেসের সব জিনিসপত্র যে-সব ঘরে তালাবদ্ধ করা আছে সেই ঘরগুলি ছাড়িয়ে নার্সের ঘর। ইউরি সেদিকে কখনো যায়নি।

অন্ধকার হ'য়ে আসছিলো। সন্ধ্যার ছায়ায় বাইরের বাড়ি আর বেড়াগুলি যেন অনেক কাছাকাছি চ'লে এসেছে। জানলা দিয়ে লণ্ঠনের আলো বাইরে গিয়ে পড়েছে, বাগানের কোন গভীর থেকে গাছগুলি উঠে এসে দাঁড়িয়েছে সেই আলোয়। আবহাওয়াটা গরম আর চিটচিটে। লণ্ঠনের আলো উঠোনে প'ড়ে যেন গাছের বাকল দিয়ে ফোঁটা-ফোঁটা বেয়ে পড়ছে।

সিঁড়ির মাথায় এসে ইউরি থেমে পড়লো। মনে হলো, লারা পথত্ৰমে ক্লান্ত হ'য়ে ফিরে আসামাত্র তার দরজায় টোকা দেওয়াটাও অভদ্রতা হবে, শুধু অভদ্রতা নয়, অসম্মিতকর। বরং কালকের জন্ত তার বোঝাপড়া তোলা থাক। কোনো সিদ্ধান্ত বদলাবার পর মাহুঁষ অগ্রমনস্ক হ'য়ে যায়। ইউরিও আনমনা-ভাবে গলির অগ্র প্রান্তে চ'লে গেলো, পাশের বাড়ির উঠোনের দিকে একটা জানলা খোলা, সেই জানলা দিয়ে বাইরে তাকালো।

শান্ত ও গোপন শব্দে রাত্রিটি ভ'রে আছে। তার ঠিক পাশে, গলিতেই কোথাও একটা কল থেকে টিপটিপ একটানা জল প'ড়ে যাচ্ছে, ফোঁটাগুলি পূর্ণ ও মহুর। জানলার বাইরে কোথায় যেন ফিসফিস করছে কারা।

সজ্জি-খেতের কোনো অংশে শশার চারায় জল দেওয়া হচ্ছে, কুয়ো থেকে বালতি-বালতি জল তোলার সময় বনবন আওয়াজ হচ্ছে কুয়োর শেকলে।

একসঙ্গে সব ফুলের গন্ধ ভেসে এলো, মাটি যেন সারাদিন চেতনাহীন হ'য়ে থেকে এখন জেগে উঠছে।

আর কাউন্টেনের সেই বহু শতাব্দীর পুরোনো বাগান—ঝ'রে-পড়া ডালপালায় এমন আচ্ছন্ন যে চলা যায় না—সেই বাগানে পুরোনো লেবু-গাছগুলিতে স্তম্ভ ফুল ধরছে, আর তার ধুলোর মতো ঝাপসা গন্ধের বিশাল ঢেউ বাড়ির সমান উঁচু হ'য়ে ভেসে আসছে।

ডানদিকের বেড়ার ওপারের রাস্তা থেকে গোলমাল শোনা যাচ্ছে, টুকরো-টুকরো গানের কলি, একজন মাতাল মৈত্র, দরজায় ধাক্কা।

কাউন্টেনের বাগানে পাখির বাসার পেছনে এক বিশাল লাল চাঁদ উঠলো। প্রথমে সেই চাঁদের ছিলো জাবুশিনোর নতুন ইটকলের মতো রং, আন্তে-আন্তে তাতে বিরিউ চর জলের ট্যাঙ্কের হলুদ রং ধরলো।

আর জানলার ঠিক তলায়, বিবাক্ত নাইটশেডের গন্ধের সঙ্গে মিশে গেছে চীনে-চায়ের মতো তীব্র নতুন-তোলা খড়ের গন্ধ। ওখানে একটা গোরু বাঁধা; হুদ্র গ্রাম থেকে আনা হয়েছে তাকে, সারাদিন সে হেঁটেছে, ক্লান্ত সে, নিজের পালের জন্তু তার মন-কেমন করছে, নতুন কর্তীর দেওয়া খাণ্ড সে এখনও খেতে নারাজ।

‘দাঁড়া, দাঁড়া, হচ্ছেটা কী, তুঁ মারা বের করছি তোরা,’ কর্তীটি ফিসফিস ক’রে সাধাসাধি করছিলো, কিন্তু সে রেগে গিয়ে মাথা ঝাঁকচ্ছে, গলা বাড়িয়ে দিয়ে ডেকে উঠছে কাতরস্বরে, আর মেলিউজ্জিয়েভোর কালো রঙের গোলাবাড়ির পেছনে জলছে তারাগুলি, গোরুটার সঙ্গে যেন এক অদৃশ্য স্ত্রোয় বাঁধা, সমবেদনা আছে তাদের, অস্ত্র এক জগতেও যেন গোয়াল-ঘর আছে, সেখানে সকলে এই গোরুটির সমব্যথী।

প্রাণের কিষে সব-কিছুই ফেঁপে উঠছে, বাড়ছে, জাগছে। বৈচে থাকার আনন্দ, ঝিমঝরা বাতাসের মতো, মস্ত ঢেউ তুলে নির্বিচারে সব ভাসিয়ে নিয়ে গেলো—মাঠ আর শহর, দেয়াল আর বেড়া, কাঠ আর রক্তমাংসের শরীর। এই ছাপিয়ে-ওঠা বস্তুর কাছ থেকে পালাবার জন্তু ইউরি পার্কে চ’লে গেলো বক্তৃতা শুনে।

৭

ততোকণে চাঁদ উঠে গেছে উচুতে। চাঁদের আলো পার্কে পড়েছে চুনকামের মতো ঘন হ'য়ে, পাথরের বাড়িগুলোর খামেলা গাড়ি-বারান্দার সামনে ছায়া যেন চওড়া কালো কার্পেট বিছিয়ে দিয়েছে।

সভা বসেছিলো পার্কের ওপারে, ইচ্ছে করলে ইউরি প্রত্যেকটি কথা শুনতে পারতো, কিন্তু সেই দৃশ্যের মহিমা তাকে এমনভাবে অভিভূত করলো যে বক্তৃতা শোনার বদলে দমকল-আপিশের সামনের বেকিতে ব'লে সে দেখতে লাগলো।

পার্ক থেকে সরু-সরু কানা গলি বেরিয়েছে—পাড়াগাঁয়ে পথের মতো কাদায় ভোবা, ভাঙাচোরা ছোটো-ছোটো বাড়ির সারি দুই দিকে। উইলো-পাতার বেড়া কাদার মধ্য থেকে উঠে আছে, দেখতে লাগছে চিংড়িমাছের পাত্রে ঢাকনার মতো। খোলা জানলাগুলোর একচোখো ছাতি দেখা যাচ্ছে। সামনেকার ছোটো-ছোটো বাগানে, তেলতেল জুলপি আর যেমো লাল টুকটুকে মাখা নিয়ে ভুট্টাগাছগুলি দাঁড়িয়ে আছে, উঁকি মারছে জানলা দিয়ে, আর বেড়ার ওপর দিয়ে স্কুদুরে চোখ পেতে রেখেছে একক শ্লান কয়েকটি শীর্ণ হলিহক গাছ, তারা যেন একদল রাত-মজুরনি, বারা ঘরের ভেতরের গরমে ঠিকতে না-পেরে খোলা বাতাসের জন্তু বাইরে এসে দাঁড়িয়েছে।

এই চাঁদনি রাতটি যেন ঈশ্বরের করুণা অথবা দিব্যদৃষ্টির মতোই আশ্চর্য। হঠাৎ, সেই প্রদীপ্ত ও রূপকথার মতো স্তব্ধতা ভেদ ক'রে মাপা-মাপা, প্যাঁচালো, পরিচিত, সম্প্রতি-শোনা এক গলার স্বর ভেসে এলো। সুন্দর স্বর, আত্মবিশ্বাসে ভরা। শুনাই ইউরি চিনতে পারলো। কমিসার গিন্‌জ বক্তৃতা করছেন।

স্পষ্টতই, পৌরবিভাগের আহ্বানে তাঁদের প্রচারকার্যে নিজের মর্যাদা দিয়ে সাহায্য করছেন কমিসার। আবেগের সঙ্গে কথা বলছেন তিনি, মেলিউজ্‌ইয়েভো-বাসীদের তিরস্কার করছেন তাদের বিশ্বৃঙ্খলার জন্ত, বলশেভিকদের বিভেদ-সৃষ্টিকারী প্রভাবের কাছে নিজেদের ছেড়ে দেওয়ার জন্ত, এই ব'লে বোঝাচ্ছেন যে বলশেভিকরাই হ'লো জারুশিনোর বিশ্বৃঙ্খলার আসল হোতা। মেয়রের আপিশে যে-উদ্দীপনা নিয়ে বলছিলেন, এখানেও ঠিক

তেরনিভাবেই তিনি সকলকে মনে করিয়ে দিচ্ছেন শত্রুর শক্তি ও নিষ্ঠুরতার কথা, দেশের সংকটের কথা। তাঁকে উদ্ভ্যস্ত করে তোলার জন্য জনতা নানা প্রহ্ন করতে লাগলো।

বক্তাকে বাধা না-দেবার অস্থরোধের সঙ্গে পালা করে, শুরু হ'লো প্রতিবাদের চীৎকার। প্রতিবাদ ক্রমেই সজোর এবং ক্রততর হচ্ছিলো। একজন, যিনি গিন্জের সঙ্গে এসে সভাপতির আসন গ্রহণ করেছিলেন, চীৎকার করে বললেন যে শ্রোতাদের বক্তৃতা করা রীতিবিরুদ্ধ এবং জনসাধারণকে তিনি শান্তিরক্ষার অস্থরোধ জানাচ্ছেন। কয়েকজন জোর দিয়ে বললো যে একজন নাগরিকা বক্তৃতা দিতে ইচ্ছুক, তাঁকে বলতে দেওয়া হোক, অন্তেরা সবাইকে চূপ করতে বললো।

একজন জীলোক ভিড়ের মধ্য দিয়ে পথ করে ঘে-কাঠের পাটাতনটা মঞ্চের কাছ করছিলো তার দিকে এগিয়ে গেলো। মঞ্চে ওঠার চেষ্টা না-করে এক পাশে দাঁড়ালো সে। জীলোকটি সকলের পরিচিত। জনতা নীরব হ'য়ে গেলো। মনোযোগ নিবদ্ধ হ'লো তাদের। জীলোকটি উদ্ভিনিয়া।

‘আপনি জাবুশিনো বিষয়ে বলছিলেন, কমরেড কমিসার,’ সে শুরু করলো, ‘আর বলছিলেন সাবধানতার কথা, আমাদের সাবধানে থাকতে বলছিলেন, বলছিলেন যেন আমাদের কেউ ঠকাতো না পারে, কিন্তু প্রকৃতপক্ষে, আপনি নিজে—আমি যা শুনলাম, আপনি জানেন শুধু “বলশেভিক-মেনশেভিক” এই সব শব্দ নিয়ে খেলা করতে, কেবল বলেন, বলশেভিক আর মেনশেভিক। এই যে আর যুদ্ধ না-করা আর ভাই-ভাই রব, একে আমি মেনশেভিক বলি না, বলি স্বগীয়, আর সমস্ত কল-কারখানা দরিত্রের হাতে যাওয়ার কথা—সেটাও বলশেভিক নয়, সেটা মহুগ্ভ, শ্রেম, নয়। আর সেই মুক-বধিরের কথা—তার বিষয়ে আপনার সাহায্য বিনাই আমরা অনেক শুনেছি। ঐ এক মুক-বধিরকে নিয়েই সবাই কথা বলে চলে। তাঁর বিরুদ্ধে আপনাদের আপত্তিটা কী? সে চিরকাল বোবা থেকে হঠাৎ আপনাদের বিনা অহুমতিতেই কথা বলতে শুরু করলো—আপত্তিটা কি এই? কী, হয়েছে কী ভাতে? কী এমন আশ্চর্য ঘটনা এটা? এর চেয়ে ঢের বেশি বিশ্বয়কর ঘটনা ঘটেছে বলে জানা যায়। সেই বিখ্যাত গর্দভীর কথাই ধরুন না কেন।

সে বলে কিনা, “বালাম, বালাম, আমার কথা শোনো, আমি সোজাহুজি ব’লে দিচ্ছি, তুমি ও-পথে যেয়ো না, পরে পস্তাতে হবে।” তা—যার বা স্বভাব, তার কথা না-শুনে সে চলতেই থাকে। আপনার মতোই সেও ভাবলে : “একটা বোবা-কাল।” “ওর কথা শুনে কী হবে ? ও তো মাত্র একটা গর্দভী, বোবা জানোয়ার।” আর পরে কী দুঃখটাই না ভোগ করতে হ’লো সেজন্ত। আপনারা সকলেই জানেন তার পরিণতির কথা।’

‘কী ?’ কয়েকজন কোতূহলী হ’য়ে জিজ্ঞেস করলো।

‘ঐ যথেষ্ট,’ উল্টিনিয়া ঝটকা মেরে ব’লে ওঠে, ‘অতো বেশি প্রশ্ন করলে অকালে বুড়িয়ে যাবে তোমরা।’

‘না, না, তা চলবে না। তুমি বলো আমাদের !’ ভিড়ের মধ্য থেকে একজন জবরদস্তি করে।

‘ঠিক আছে, ঠিক আছে—কী—কেন—কেমন ক’রে—যতো সব লেপ্টে-খাকা ছুঁচো। লবণগুস্তে পরিণত হ’য়েছিলো সে।’

‘ভুল করছো, সোনামণি, ভুল করছো, এ তো লট। এ তো লটের বো,’ লোকেরা চীৎকার করতে লাগলো। প্রত্যেকে হেসে উঠলো। সভাপতি সভায় শৃঙ্খলারক্ষার অহুরোধ জানালেন। স্ততে গেলো ইউরি।

৮

পরের দিন সন্ধ্যায় সে লারার সঙ্গে দেখা করলো। তাকে পেলো ভাঁড়ার ঘরে ; কাপড় কাচার কল থেকে সজ-তোলা স্তুপীকৃত কাপড় তার সামনে পড়ে আছে ; ইঙ্গি করছিলো সে।

ওপর তলার পেছনদিকের যে-ঘরগুলি থেকে বাগান দেখা যায় তার একটাতে হ’লো ভাঁড়ার ঘর। সামোভার প্রস্তুত, খাবার-দাবার সাজানো,

১ ওল্ড টেস্টামেন্টে কথিত আছে, এক গর্দভী তার প্রভু বালামকে গিঠে নিয়ে পথে যেতে-যেতে সামনে এক দেবদূতকে দেখতে পেয়ে চলা থামিয়ে দেয়, আর দিব্যদৃষ্টিহীন বালাম তার জন্ত গর্দভীকে তিনবার প্রহার করে। সেই থেকে ‘বালাম’ শব্দটির অর্থ দাঁড়িয়ে গেছে অসাব্যবস্থা বা প্রযত্ন। —অনুবাদের টীকা।

সর্বদা ব্যবহারের প্লেটগুলি স্তূপ ক'রে রাখা—হাতে চালানো, চাকরদের লিফটে ক'রে সেগুলো বাসন মাজার লোকের কাছে যাবে। সেখানেও থাকে বাসনপত্র, প্লেট আর গেলাশের ফর্দ দেখে-দেখে মিলিয়ে নেওয়া হয়, লোকেরা সেখানে অবসরস্বাপন করে আর পূর্বনির্ধারিত সময়ে পরস্পরের সঙ্গে মিলিত হয়।

জানলাগুলি খোলা ছিলো। ঘরে, পুরোনো বাগানে যেমন হ'য়ে থাকে, তেমনি সেখানে মিশেছিলো লেবুফুলের আর শুকনো কঞ্চির জিরের মতো কড়া গন্ধ, আর তার সঙ্গে যুক্ত হয়েছিলো লারা যে-ছুটো লোহার ইস্ত্রি ব্যবহার করছিলো, তার কাঠকয়লার ধোঁয়ার গন্ধ—পালা ক'রে লারা ইস্ত্রি ছুটো আগুনের ওপর গরম হবার জন্তু রাখছিলো।

‘এই যে, কাল রাত্রে দরজায় টোকা দিলেন না কেন? মাদমোয়াজ্জেল আমাকে বললেন। অবশ্য সত্যি বলতে কী ঠিকই করেছিলেন। আপনাকে ঘরে ঢুকতে দিতে পারতাম না, আমি প্রায় তক্ষুনি শুয়ে পড়েছিলাম। ষাক, আছেন কেমন? কাঠকয়লার দিকে নজর রাখবেন, জামায় দাগ না লাগে।’

‘আপনাকে দেখে মনে হচ্ছে সারা হাসপাতালের কাপড় ইস্ত্রি করছেন।’

‘না, এর মধ্যে আমার নিজের অনেক আছে। দেখুন না, আপনি তো আমাকে মেলিউজ্জেইয়েভোতে আটকে গেছি ব'লে খ্যাপান। এবার কিন্তু সত্যিই ঠিক ক'রে ফেলেছি, আমি চ'লে যাচ্ছি। কাপড়-চোপড় কেটে নিয়েছি, জিনিসপত্র গুছিয়ে ফেলবো এবারে। সব শেষ হ'লেই রওনা হ'য়ে পড়বো। আমি থাকবো উরালে, আর আপনি মস্কোতে। কোনোদিন হয়তো কেউ জিজ্ঞেস করবে আপনাকে: “মেলিউজ্জেইয়েভো নামে একটা ছোট্টো শহরের কথা জানেন?”—“না, আমার তো ঠিক মনে পড়ছে না।”—“আপ্তিপভা কে?”—“জীবনেও নাম শুনি নি।”

‘তা হ'তে পারে। যাতায়াতে আপনার কোনো কষ্ট হয়নি তো? গ্রামের অবস্থা কেমন দেখলেন?’

‘সে অনেক কথা।—হা কপাল, কী তাড়াতাড়ি ঠাণ্ডা হ'য়ে যায় ইস্ত্রি। অন্তটা আমাকে একটু দিন না, কিছু যদি মনে না করেন। ঐ যে ওখানে, ঠিক উম্মনের ওপর। আর এটা একটু রেখে দেবেন ওখানে? ধন্তবাদ।—
জিভাগো—১৩

প্রত্যেকটি গ্রামের ধরন-ধারন আলাদা—লোকেরাও তো একরকম নয়। কোথাও-কোথাও লোকজন বেশ পরিশ্রমী, খুব খাটে, সেখানে অবস্থা ততো খারাপ নয়। অগ্নান্ত জায়গায় মনে হয় সবাই মাতাল, সে-সব জায়গা জনশূন্য এবং ভয়াবহ।’

‘যতো বাজে—! মাতাল হ’তে যাবে কেন? খুব বোঝেন আপনি! সে-সব জায়গায় কেউ নেই, সবাই যুদ্ধে গেছে। নতুন পরিষদের কী হলো, বিপ্লবী পরিষদ?’

‘মাতালদের বিষয়ে আপনি ভুল বললেন, তবে এ নিয়ে আমরা পরে তর্ক করবো। পরিষদ? তা নিয়ে অনেক ঝামেলা হবে। কোনো নির্দেশই কাজে খাটানো যায় না, কাজ করবার লোকই নেই কেউ। চাষিরা তো এখন শুধু বোঝে জমিজমা। রাজডলনয়ে-তে গিয়েছিলাম। কী হুন্দর জায়গা! আপনার একবার গিয়ে দেখে আসা উচিত। গত বসন্তে জায়গাটা পোড়ানো হয়েছিলো, লুটতরাজও হয়েছে অল্পস্বল্প, খামারটা পুড়ে গেছে, ঝলসে গেছে ফলের গাছগুলো, জমিদার-বাড়ির সামনের অংশটা নষ্ট হয়ে গেছে ধোঁয়ায়। জাবুশিনো আমি দেখিনি, যাইনি ওখানে। কিন্তু সবাই বলে যে ঐ মুক-বধিরের সতিাই নাকি অস্তিত্ব আছে। সে কেমন দেখতে তাও বলে, বয়স নাকি অল্প, শিক্ষিত।’

‘কাল রাত্রে পার্কে উষ্টিনিয়া গুর পক্ষ নিয়ে-তর্ক করেছে।’

‘ফিরে এসেই দেখি রাজডলনয়ে থেকে আবার একগাদা জিনিস এসেছে। কতোবার যে এ-সব বাদ দিতে বলেছি তার ঠিক নেই। যেন আমাদের নিজেদের কিছু নেই। আর আজ সকালে মেয়রের আপিশ থেকে দরোয়ান এলো চিঠি নিয়ে—রুপোর চায়ের সেট আর কাটা-কাচের গেলাশগুলো একুনি চাই, জীবন-মরণ সমস্তা নাকি—মাত্র এক রাত্রেই জন্ত, তারপর ফেরৎ পাঠিয়ে দেবে। অর্ধেক জিনিস আর জীবনেও চোখে দেখবো না। সব সময়েই বলে ধার—কেমন ধার তা আমি জানি। কোন এক অতিথি না কার জন্ত ওদের ওখানে পার্টি হচ্ছে।’

‘কার জন্ত আন্দাজ করতে পারছি। আমাদের এখানকার যুদ্ধক্ষেত্রে আঞ্চলিক শাখার নতুন কমিসার এসে পৌঁচেছেন। বারা যুদ্ধ থেকে পালিয়েছে

তাদের এবার ঘাঁটাতে চায় এরা, ওদের ঘিরে ফেলে নিরস্ত্র করবে। কমিসারটি একেবারে কোলের শিশু। এখানে সবাই চাচ্ছে কসাকদের ভাকতে, কিন্তু তিনি বলেন, না, উনি তাদের হৃদয়কে জাগিয়ে তুলবেন। জনসাধারণ নাকি শিশুর মতো—এই সব আরো কতো কী যে বলেন, মনে করেন এ-সব ছেলেখলা। গালিউলিন ঠর সঙ্গে তর্ক করার চেষ্টা করেছিলো। বলেছিলো, আগুনে হাত দিয়ে না। আমাদের নিজেদের ধরনে এ-সব ব্যাপারের মীমাংসা করতে দাও।” কিন্তু এ-সমস্ত লোকের মাথায় একটা কথা ঢুকলে আর কিছুতেই কিছু করা যায় না তো! —আমি চাই আপনি আমার কথায় একটু কান দেন। দয়া ক’রে ইস্তিটা থামান এক মিনিটের জন্য। শিগগির এখানে খুব বিস্ত্রী গোলমাল শুরু হবে, সেটা থামানো আমাদের ক্ষমতার বাইরে। আমার খুব ইচ্ছে—আপনি তার আগেই এখান থেকে চ’লে যান।’

‘কিছুই হবে না, আপনি বাড়িয়ে বলছেন। আর তাছাড়া, আমি তো চ’লেই যাচ্ছি। কিন্তু আমি তো তুড়ি মেরে চ’লে যেতে পারি না। কাজ বুঝিয়ে দিয়ে যেতে হবে ঠিকমতো, জিনিসপত্রের ফর্দ মিলিয়ে দিতে হবে। কিছু চুরি ক’রে যেন পালিয়ে যাচ্ছি এমনভাবে যেতে চাইনে। আর কাজের ভার নেবে কে? সেটাই তো সমস্যা। এই জঘন্ত ফর্দ নিয়ে আমাকে যে কী করতে হয়েছে তা আপনাকে বোঝাতে পারবো না। আর তার জন্য ধন্যবাদ হিশেবে আমাকে বলা হয় যে আমি জোচ্চোরি করেছি। জাভিনস্কায়ার জিনিসপত্র সব আমি হাসপাতালের নামে রেজিস্ট্রি করিয়ে নিয়েছিলাম, কারণ ডিক্রির মানেই তা-ই। এখন ওরা বলছে যে সেটা জাল, আমি নাকি মালিকের জন্য সব জিনিসপত্র রেখে দিতে চাই। অসহ!’

‘দয়া ক’রে বাসন-কোসন আর ছাকড়া-কানির চিন্তা বন্ধ করুন। চুলোয় যাক ও-সব, এ-রকম একটা সময়ে মাথা ঘামাবার কী একটা বিষয়! ওঃ, কাল আপনার সঙ্গে দেখা হ’লো না কেন? এমন ভালো মেজাজ ছিলো কাল, পার্থিব এবং অপার্থিব যে কোনো বিষয় আমি বুঝিয়ে দিতে পারতাম, যে-কোনো প্রশ্নের আমার জবাব তৈরি ছিলো। সত্যি, ঠাট্টা করছি না, কথাগুলো বের ক’রে দেবার জন্য গলা চুলকোচ্ছিলো আমার। আপনাকে আমি আমার দীর্ঘ কথা, আমার ছেলের, আমার নিজের কথা বলতে

চাইছিলাম...কোন পাপে একজন পরিণতবয়স্ক পুরুষ একজন পরিণতবয়স্ক মহিলার সঙ্গে কথা বললেই কোনো পরোক্ষ উদ্দেশ্য আছে বলে সন্দেহ করা হয়? গোপালার যাক উদ্দেশ্য—পরোক্ষই হোক আর যা-ই হোক। আপনি ইঙ্গি ক'রে চলুন, আমার দিকে মনোযোগ দেবেন না, আমি কথা ব'লে যাঁবো। আমি এখন অনেকক্ষণ ধ'রে কথা বলবো ঠিক করেছি।

‘কী সব হচ্ছে আজকাল একবার ভাবুন। আর আপনি আমি কিনা এই যুগেই বেঁচে আছি! কী অশ্রুতপূর্ব সব ব্যাপার ঘটছে বুঝতে পারেন? অনন্তকালের মধ্যে মাত্র একবারই এমন ব্যাপার ঘটে। একবার ভাবুন, সারা রাশিয়ার মূল উপড়ে আসছে, আপনি আর আমি আর প্রত্যেকে খোলা আকাশের তলায় এসে দাঁড়িয়েছি। আমাদের ওপর গুপ্তচরবৃত্তি করার কেউ নেই।—মুক্ত আমরা—যুক্তিতে নয়, কথায় নয়—সত্যকার মুক্তি, এ-মুক্তি আকাশ থেকে বা'রে পড়েছে, এ-মুক্তি আমাদের আশার অতীত। কোনো আকস্মিক কারণে, কোনো ভুল-বোঝাবুঝির ফলে এই মুক্তি এসেছে।

‘কী প্রকাণ্ড হ'য়ে উঠেছে সকলে, আর নিজের আকার নিয়ে কী বিব্রত। লক্ষ্য করেছেন আপনি? যেন নিজেকে নিয়ে, নিজের মহত্বের উদ্ঘাটনে অভিভূত।

‘আপনি ইঙ্গি ক'রে চলুন না। কথা বলবেন না। আপনার খারাপ লাগছে না আমার কথা শুনতে। দিন, আপনার ইঙ্গিটা বদল ক'রে দিই।

‘কাল রাত্রে পার্কের সভা লক্ষ্য করছিলাম। বিস্ময়কর দৃশ্য। দেশমাতৃকা ন'ড়ে উঠেছেন, চুপ ক'রে দাঁড়াতে পারছেন না তিনি, তিনি অস্থির, তিনি বিশ্রাম পাচ্ছেন না, কথা বলছেন, থামতে পারছেন না। শুধু যে মাহুষেরাই কথা বলছে এমন নয়। আকাশের তারা আর গাছ মিলিত হ'য়ে কথা বলে, ফুলেরা রাত্রে দর্শন আওড়ায়, পাথরের বাড়িরা সভা ডাকে। মনে হয় না যেন বাইবেলের পাতা থেকে উঠে এসেছে এ-সব? সেই সন্তদের কালের মতো। সন্ত পলের মতো—মনে পড়ে আপনার? “তোমার রসনা বাণী পাবে, তুমি হবে প্রবক্তা। উপলব্ধির শক্তির জগৎ প্রার্থনা করো।”

‘আকাশের তারা আর গাছদের সভা ডাকার কথা ব'লে আপনি যা বলতে চাইছেন বুঝতে পারছি। আমারও হয়েছে ও-রকম।’

‘আংশিকভাবে যুদ্ধ এর জন্ম দায়ী, বাকিটা করেছে বিপ্লব। যুদ্ধ এক কৃত্রিম ভাঙন আনলো জীবনে—মনে হ’লো জীবনকে যেন কিছু সময়ের জন্ম ঠেকিয়ে রাখা যাবে। সেটা বড়ো বিস্তীর্ণ। ইচ্ছেয় হোক অনিচ্ছায় হোক দীর্ঘকাল চেপে-রাখা নিশ্বাসের মতো বিদ্রোহ জেগে উঠলো, সবাই আবার সঞ্জীবিত হ’লো, নতুন জন্ম নিলো, বদলে গেলো, রূপান্তর এলো তাদের জীবনে। বলতে পারেন ছ’বার বিপ্লবের মধ্য দিয়ে গেছে সকলে, যে যার ব্যক্তিগত বিপ্লব, আর সাধারণ বিপ্লব। সমাজতন্ত্রকে আমার মনে হয় সমুদ্রের মতো—জীবনের সমুদ্র, নিজের অধিকারে প্রতিষ্ঠিত জীবন, আর এই সব আলাদা-আলাদা, একান্ত আপন, ব্যক্তিগত বিদ্রোহের স্রোত গিয়ে সেই সমুদ্রে মিশেছে। জীবন বলতে আমি যে-জীবন বোঝাতে চাইছি তা পাওয়া যায় শিল্পে, প্রতিভার দ্বারা যা রূপান্তরিত, সৃষ্টিশীলতায় যা ঐশ্বর্যশালী। কেবল এখনই লোকেরা স্থির করেছে যে বইয়ে নয়, ছবিতে নয়, নিজেদের মধ্যে, কথায় নয়, কাজে—এই জীবনের অভিজ্ঞতা অর্জন করবে।’

তার গলা হঠাৎ কেঁপে উঠলো, বোঝা গেলো ক্রমশ উত্তেজিত হ’য়ে উঠছে সে। ইঙ্গি থামিয়ে লারা গভীর, বিন্মিত চেখে তার দিকে তাকালো। তাতে সব গোলমাল হ’য়ে গেলো ইউরির, ভুলে গেলো কী বলছিলো। এক মুহূর্তের অস্বস্তিকর নীরবতার পর সে আবার শুরু করলো, যা মনে এলো, কিছু না-ভেবে তাই ব’লে গেলো।

‘সাধু ও সৃষ্টিশীল জীবনের জন্ম আজকাল আমার এমন আকাঙ্ক্ষা জাগে যে কী বলবো। আমিও চাই এই পরিবর্তনের অংশ হ’তে। কিন্তু তারপর, এই সাধারণ আনন্দের মাঝখানে, আপনার রহস্যময়, বিচ্ছিন্ন, অন্তরমনস্ক দৃষ্টির মুখোমুখি এসে দাঁড়াই, কে জানে কোন মন্ত্রমুগ্ধ জগতে সে-দৃষ্টি ঘুরে বেড়াচ্ছে। এই দৃষ্টিকে বদলে দেবার জন্ম আমি যথাসর্বস্ব দিয়ে দিতে পারি—আমি চাই আপনার মুখ আমাকে বলুক যে আপনি ভালো আছেন, আপনার জীবন নিয়ে আপনি সুখী, কারো কাছে কিছু চাইবার প্রয়োজন নেই আপনার। আপনার সত্যকার আপনজন কেউ আত্মক, আপনার বন্ধু অথবা স্বামী—সবচেয়ে ভালো হয় সে দৈনিক হ’লে—কেউ আত্মক, আমার হাতে হাতে রেখে বলুক যে আপনার ভাগ্য নিয়ে আমার বিব্রত

হবার কোনো দরকার নেই—বলুক আমাকে আপনার ভাবনা ছেড়ে দিতে। তবে অবশ্য, আমি তাকে ঘৃষি মেরে কাৎ ক'রে দিতাম। দুঃখিত, এ-কথাটা আমি বলতে চাইনি।’

তার গলার স্বর আবার তাকে ধরিয়ে দিলে। মাথা ঝাঁকালো সে, নৈরাশ্র-ভরা অস্বস্তির অল্পভূতি নিয়ে জানলার ধারে গিয়ে দাঁড়ালো। জানলার তাকে ভর দিয়ে, অশ্রুমনস্ক, অস্থির, দৃষ্টিহীন চোখে অন্ধকারে আচ্ছন্ন বাগানের দিকে তাকিয়ে নিজেকে সংযত করার চেষ্টা করলো।

ইঞ্জির তক্তার পাশ দিয়ে ঘুরে এলো লারা (টেবিলের ধারে আর অল্প জানলার তাকে সেটা ঠাঁড় করানো ছিলো), ইউরি সেখান থেকে একটু দূরে ঘরের মাঝখানে এসে দাঁড়ালো।

‘এই ভয়ই, আমি করছিলাম,’ নরম গলায়, যেন নিজের মনে সে বললে। ‘আমায় উচিত হয়নি ...না, ইউরি আন্দ্রেইয়েভিচ, আপনি এমন করবেন না। ওঃ, দেখুন একবার, আপনার জ্ঞান আমি কী কাণ্ড বাধালাম!’ তক্তার কাছে ছুটে গেলো সে, একটা ব্লাউজ পুড়ে গেছে, তীব্র গন্ধ নিয়ে সৰু ধোয়ার স্নতো বেরিয়ে আসছে ইঞ্জির তলা থেকে।

‘ইউরি আন্দ্রেইয়েভিচ,’ ইঞ্জিটাকে কাঠের ওপর ঘষতে-ঘষতে ব'লে চললো সে, ‘মাথা ঠাণ্ডা করুন, একবার মাদমোয়াজ্জেলের কাছে গিয়ে একটু জল খেয়ে আসুন, লক্ষ্মী তো, আপনি সেই আপনি হোন যাকে আমি এতোদিন পর্যন্ত জেনে এসেছি, আমি আপনাকে যে-রকম চাই, তা-ই হোন। শুনছেন ইউরি আন্দ্রেইয়েভিচ? আমি জানি, আপনি তা পারেন। আমার কথা রাখুন, আমি মিনতি করছি।’

এ ধরনের আলাপ আর হয়নি তাদের মধ্যে; এর এক সপ্তাহ পরে লারা রওনা হ'য়ে গেলো।

৯

জিভাগোও রওনা হ'লো,—আরো কিছুদিন পরে। তার ঘাবার আগের দিন রাত্রে ভীষণ ঝড় হ'লো। মিশে গেলো ঝড় আর জলধারার শব্দ; কখনো

সোজা ছাদের ওপর ভেঙে পড়ছিলো বৃষ্টি, কখনো বা হাওয়ার গতির বদলের সঙ্গে-সঙ্গে প্রতি পদক্ষেপে যেন চাবুক মারতে-মারতে ছুরন্ত বেগে ছুটে যাচ্ছিলো রাস্তার ওপর দিয়ে।

বিরামহীনভাবে একের পর এক বজ্রনাদ হচ্ছিলো, মিশে গিয়েছিলো নিয়মিত এক গর্জনে। বিদ্যুতের আলোয় যেন দূরে ছিটকে পড়ছিলো পথঘাট তাদের বীকাচোরা গাছগুলিকে বুকে নিয়ে।

সদর দরজায় সজোর ধাক্কা শুনে ঘুম ভেঙে গিয়েছিলো মাদমোয়াজ্জেল ফ্লোরির। ত্রস্ত হয়ে উঠে ব'সে তিনি কান পাতলেন। ধাক্কার আওয়াজ চলতেই লাগলো।

হাসপাতালে কি উঠে গিয়ে দরজা খুলে দেবার মতো একজন মানুষও নেই, মাদমোয়াজ্জেল ভাবলেন। তাঁর স্বভাব সং এবং কর্তব্যপরায়ণ ব'লে কি তাঁকেই সব করতে হবে, তাঁর মতো একজন বৃদ্ধাকে?

বুঝলাম, জ্যাকবিনস্ফিরা ধনী এবং অভিজাত ছিলেন, বাড়িটাও তাঁদের, কিন্তু হাসপাতালের বেলায় কী, সেটা কি জনসাধারণের নয়, একান্ত আপন নয় কি তাদের? কে এই হাসপাতাল দেখবে ব'লে তাঁরা আশা করেন? পুরুষ নার্সরা সব কোথায় উধাও হ'লো শুনি? সবাই পালিয়েছে—আদালি নেই, নার্স নেই, ডাক্তার নেই, দায়িত্বসম্পন্ন কেউ নেই। অথচ আহতরা এখনো আছে বাড়িতে; সার্জিকাল ওয়ার্ডে, আগে যেখানে ড্রয়িংরুম ছিলো, প'ড়ে আছে দু'জন পা-কাটা লোক, আর নিচের তলায় ধোপাখানার পাশে তাঁড়ার ঘরটা তো আমাশার রোগীতে ভরা। আর ঐ হতচ্ছাড়ি উষ্টিনিয়া আবার পরিদর্শনে বেরিয়েছে। ঝড় যে হবে তা নিশ্চয় খুব ভালো ক'রেই জানতো সে, কিন্তু তাতে কি যাওয়া রদ হ'লো তার? অচেনা লোকদের সঙ্গে রাত কাটানোর জন্ত একটা খুব ভালো ওজুহাত জুটলো।

যাক, ভগবানকে অনেক ধন্যবাদ যে দরজার ধাক্কা খেমেছে, বুঝেছে কেউ জবাব দেবে না, তাই দ'মে গিয়ে চ'লে গেছে। এই ঝড়বৃষ্টিতে লোকে বেরোয় কেন...না কি উষ্টিনিয়া? না, তার তো নিজের চাবি আছে।—হা ভগবান, আবার শুদ্ধ করেছে, এ যে রীতিমতো ভয়ের ব্যাপার।

কিন্তু কী শুয়োর সব ক'টা। অবশ্য জিজ্ঞাসাগো কিছু শুনতে পাবে এমন

আশা করা যায় না, কাল সে রওনা হবে, তার মন এখন চ'লে গেছে মন্সোতে অথবা মন্সোর পথে। কিন্তু গালিউলিন তো আছে। এই গোলমালের মধ্যেও নাক ডাকাতে পারছে কী ক'রে? না কি এই ভরসায় জেগে-জেগে শুয়ে আছে যে শেষ পর্যন্ত আমিই উঠে পড়বো? দুর্বল, সহায়হীন এক স্ত্রীলোকের ওপর ভরসা ক'রে আছে—তিনি উঠে নিচে গিয়ে এই ভীষণ রাত্রে, এই ভীষণ দেশে, কাকে না কাকে দরজা খুলে দেবেন।

গালিউলিন!—হঠাৎ তাঁর মনে প'ড়ে গেলো। আচ্ছা কাণ্ড—গালিউলিন! কী ভাবছিলেন তিনি, নিশ্চয়ই ঘুমের ঘোর কাটেনি তাঁর। গালিউলিন তো নেই, এতোক্ষণে বহুদূর চ'লে গেছে সে। বিরিউচি স্টেশনের সেই বীভৎস হতাকাণ্ডের পর—যখন কমিসার গিন্জকে খুন করার পর গালিউলিনকে ওরা বিরিউচি থেকে মেলিউজ্জেইয়েভো পঞ্চ সারা পথ তাড়া ক'রে এলো—গুলি ছুঁড়লো, তারপর আঁতিপাঁতি ক'রে খুঁজলো সারা শহর—সেই কাণ্ডটি ঘ'টে যাবার পর তিনি নিজেরই তো জিভাগোর সঙ্গে মিলে গালিউলিনকে মিভিলিয়ানের ছদ্মবেশে সাজিয়ে সমস্ত অঞ্চলটার প্রত্যেকটি পথ আর গ্রামের ঠিকানা বাংলা দিয়েছেন, যাতে পালাবার উপায় জানা থাকে তার।

মেলিউজ্জেইয়েভোতে ভাগিয়াস মোটরগাড়ি ছিলো, নয়তো একটা পাথরও আস্ত থাকতো না। একটা সশস্ত্র বাহিনী এই পথ দিয়ে যাচ্ছিলো, নগর-রক্ষার্থে থেমে পড়েছিলো এখানে—ঐ সব বদমাসগুলোকে শায়েস্তা করেছিলো।

ঝড়ের বেগ ক'মে এলো। অতো ঘন-ঘন আর বাজ পড়ছে না—অনেক দূর থেকে, অনেক ধীরে ভেসে আসছে। মাঝে-মাঝে থেমে যাচ্ছে বৃষ্টি, গাছের পাতা আর নর্দমা বেয়ে জল ঝ'রে পড়ার শব্দ শোনা যাচ্ছে তখন। নিঃশব্দ বিছাতের আলো ঢুকে পড়ছে মাদমোয়াজ্জেলের ঘরে, যেন কিছু খুঁজছে ব'লে সেই আলো মিলিয়ে যেতে দেরি করছে।

হঠাৎ, সামনের দরজার ধাক্কা এতোক্ষণ থেমে থাকার পর, আবার শুরু হ'লো। কারো ভয়ানক প্রয়োজন সাহায্যের, মরীয়া হ'য়ে ক্রমাগত ধাক্কা দিয়ে চলেছে। আবার বইছে ঝোড়ো বাতাস, বৃষ্টিও শুরু হ'য়ে গেলো।

‘ঘাই!’ যেই হোক না কেন, মাদমোয়াজ্জেল চীৎকার ক'রে সাড়া দিলেন, তাঁর নিজের গলার আওয়াজে নিজেরই ভয় করলো তাঁর।

কে হ'তে পারে, হঠাৎ খেয়াল হ'লো। উঠে ব'সে পায়ে চটি গলিয়ে ড্রেসিং গাউনটা গায়ে জড়িয়ে নিয়ে তাড়াতাড়ি জিভাগোকে তোলবার জন্ত এগিয়ে গেলেন; তার সঙ্গে গেলে অতোটা ভয় করবে না। কিন্তু সেও শব্দ শুনতে পেয়ে মোমবাতি হাতে নেমে আসছিলো। তাদের দু'জনের একই কথা মনে হয়েছে।

‘জিভাগো, জিভাগো, ওরা সামনের দরজায় ধাক্কাছে, একা যেতে ভয় করছে আমার,’ ফরাসীতে চীৎকার করলেন মাদমোয়াজ্জেল; তারপর রুশ ভাষায় যোগ করলেন, ‘দেখবেন, হয় লারা কিংবা লেফটেন্যান্ট গাইউল।’

শব্দ শুনে জেগে উঠে ইউরিরও মনে হয়েছিলো নিশ্চয়ই তার পরিচিত কেউ, হয় গালিউলিন পালাতে না-পেরে আশ্রয়ের জন্ত কিরে এসেছে, নয়তো নার্স আন্টিপভা, যাওয়ার পথে বাধা পেয়ে আবার চ'লে এসেছে তার কাছে।

বারান্দায় পৌঁছে মাদমোয়াজ্জেলকে মোমবাতিটা দিয়ে ইউরি ছিটকিনি নামিয়ে চাবি ঘোরালো। এক বলক বাতাসের ধাক্কা খেয়ে খুলে গেলো দরজা, মোমবাতিটা নিভে গেলো, ঠাণ্ডা বৃষ্টির ফোঁটা ঝ'রে পড়লো তাদের ওপর।

‘কে? কে? এখানে কেউ আছে?’ অন্ধকারে মুখ বাড়িয়ে একবার মাদমোয়াজ্জেল, একবার ডাক্তার চীৎকার করতে লাগলেন, কিন্তু কোনো উত্তর এলো না। হঠাৎ অগ্ন এক জায়গায় ধাক্কা শুরু হ'লো—পেছনের দরজায় না কি—তাদের এখন মনে হতো লাগলো—বাগানের ফরাসী জানলার দিকে?

‘মনে হচ্ছে বাতাস,’ ডাক্তার বললেন। ‘কিন্তু তবু নিশ্চিত হবার জন্ত একবার বরং পেছন দিকটা দেখে আসুন। আমি এখানে থাকি, যদিই বা কেউ আসে।’

মাদমোয়াজ্জেল অদৃশ্য হলেন বাড়ির ভেতর, আর ডাক্তার বাইরে গিয়ে বারান্দার ছাদের তলায় দাঁড়ালেন। অন্ধকারে অভ্যস্ত হ'য়ে গিয়েছিলো তাঁর চোখ, ভোরের প্রথম আভাস লক্ষ্য করলেন তিনি।

শহরের মাথার ওপর দিয়ে মেঘের দল উন্নতের মতো ছুটেছে, যেন কেউ

তাড়া করেছে তাদের, এতো নিচু যে প্রায় ছুঁয়ে যাচ্ছে গাছের পাতা, আর গাছগুলি সেই একই দিকে এমনভাবে বঁকে আছে যে মনে হচ্ছে তারা যেন ঝাঁটা, আকাশ পরিষ্কার করেছে তারা। বৃষ্টির চাবুক খেয়ে-খেয়ে বাড়ির কাঠের দেয়ালের ছাইরং কালো হ'য়ে গেলো।

মাদমোয়াজ্জেল ফিরে এলেন। 'কী?' ইউরি জিজ্ঞেস করলো।

'আপনি ঠিকই বলেছিলেন। কেউ নেই।' সমস্ত বাড়ি ঘুরে দেখেছেন তিনি, একটা গাছের ডাল ভাঁড়ার ঘরের জানলায় বাড়ি মেয়ে-মেয়ে একটা কাচ ভেঙে কেলছে, ঘরের মেঝে জলে কাদায় একাকার, যেটা আগে লারার ঘর ছিলো সেখানে এখন এক সমুদ্র সৃষ্টি হয়েছে, সত্যি-সত্যি সমুদ্র, এক মহানাগর বলা যায়। 'আর এদিকটায় দেখুন, একটা ভাঙা খড়খড়ি কপাটের ওপর ধাক্কা মারছে, দেখছেন? ব্যাপারটা আসলে এই।'

হু'একটা কথাবার্তার পর তারা ঘরে ফিরে গেলো, আতঙ্কটা ভিত্তিহীন প্রমাণ হওয়াতে হু'জনেই আশাহত হয়েছে।

তারা একেবারে নিশ্চিন্ত ছিলো যে দরজা খুললেই হিমে জ'মে, আপাদ-মস্তক ভিজে, লারা ভেতরে ঢুকবে, সে যখন তার জিনিসপত্র নামাবে, তখন একের পর এক প্রশ্ন করবে তারা, সে জামা কাপড় বদলে এসে বসবে রান্নাঘরের আঙুনের সামনে, কাল রাত্রে জালানো হ'লেও আজ পর্যন্ত যা তপ্ত আছে, নিজের শরীর গরম ক'রে নিতে-নিতে, কপালের চুল সরিয়ে, হেসে-হেসে সে তাদের বলবে তার অভিযানের গল্প।

তারা এতো নিশ্চিত ছিলো যে দরজা বন্ধ ক'রে দেবার পরেও তাদের বন্ধমূল ধারণার ছাপ থেকে গেলো রাস্তায়, রাস্তার মোড়ে—লারার জলে-ভেজা অশরীরী ছায়ায় মতো, তার প্রতিচ্ছবির মতো, যা তখনো হানা দিতে থাকলো তাদের।

অনেকে ভাবতো যে বিরিউটি স্টেশনে যে-সব গোলমাল হয় তার জন্ত পরোক্ষভাবে দায়ী বিরিউটির তারবার, কোলিয়া ক্রোলেঙ্কো।

কোলিয়ার বাবা মেলিউজ্জৈয়েভোতে ঘড়ি তৈরি করতেন, তার অতি শিশুকাল থেকে মেলিউজ্জৈয়েভোকে সকলেই তাকে চেনে। মাদমোয়াজ্জেল তাকে ভালো ক'রেই চিনতেন, কেননা ছেলেবেলায় কোলিয়া যখন রাজডলনয়ের চাকরদের সঙ্গে কিছুকাল কাটায়, তখন মাদমোয়াজ্জেলের তত্ত্বাবধানে তাঁর দুই ছাত্রী, কাউণ্টেসের কন্যাদের সঙ্গে খেলা করতো সে (সেই সময়ই সে ফরাসী কথা বুঝতে শেখে।)

সাইকেলের ওপর, গায়ে কোট বা মাথায় টুপি নেই, ক্যানভাসের তৈরি গ্রীষ্মের জুতো পায়ে, যে-কোনো ঋতুতে তার এই চেহারাটি সকলেরই চেনা হ'য়ে গিয়েছিলো। বুকের ওপর দুই হাত ভাঁজ ক'রে রেখে হাতল না-ধ'রে সাইকেল চালিয়ে বিরিউচির রাস্তা ধ'রে যেতে-যেতে টেলিগ্রাফের তার আর খুঁটির অবস্থা পর্যবেক্ষণ করা ছিলো তার কাজ।

মেলিউজ্জৈয়েভোর যে-ক'টা বাড়িতে টেলিফোন ছিলো, শাপা-লাইন মারফৎ তাদের যুক্ত করা হয়েছিলো বিরিউচি স্টেশনের এক্সচেঞ্জের সঙ্গে। স্টেশন-আপিশে এই লাইনের ভার ছিলো কোলিয়ার ওপর। সেখানে আকর্ষণ কাজে ডুবে থাকতে হ'তো তাকে, কারণ স্টেশনমাস্টার অনুপস্থিত থাকলে শুধু টেলিফোন আর টেলিগ্রাফই নয়, রেল-সিগনালের দায়িত্বও তারই ওপর পড়তো—সিগনালের ব্যবস্থা ছিলো ঐ একই ঘরে।

একই সঙ্গে অনেকগুলো যন্ত্রের দিকে নজর রাখতে হয় ব'লে কোলিয়ার কথা বলার এক বিশেষ ধরন হ'য়ে গিয়েছিলো; অস্পষ্ট, অসম্পূর্ণ, দুর্বোধ্য ভাষায় কথা বলতো সে, তাই ইচ্ছেমতো পারতো কোনো কথার জবাব এড়িয়ে যেতে বা কোনো কথোপকথনে অংশ গ্রহণ না-করতে। গোলমালের দিন সে নাকি তার এই স্ববিধেটারই অপব্যবহার করে।

আর এও সত্যি যে কোলিয়ার এই এড়িয়ে-যাওয়া স্বভাবের ফলে গালিউলিনের সব সন্তুষ্টি ব্যর্থ হ'য়ে গিয়েছিলো, নিজে না-বুঝে সমস্ত ব্যাপারটাকে কালান্তক ক'রে তুলেছিলো কোলিয়া।

শহর থেকে ফোন ক'রে গালিউলিন কমিসার গিৎজকে ডেকেছিলো, স্টেশনে অথবা স্টেশনের ঠিক বাইরে কোথাও তিনি ছিলেন, তাঁকে বলবে যে এক্ষুনি সে তাঁর কাছে যাচ্ছে, তিনি যেন অপেক্ষা করেন তার জন্য এবং সে

না-পৌছনো পর্যন্ত কিছু যেন না করেন। একুনি পৌছবে এমন একটা ট্রেনকে সিগনাল করতে হবে বলে ব্যস্ত আছে, এই ওজুহাতে কোলিয়া গিন্‌জকে ডেকে দিতে রাজি হ'লো না। আবার সেই সঙ্গেই সত্যি-মিথ্যে নানা ওজুহাত দেখিয়ে ট্রেনটার দেরি করিয়ে দিতে লাগলো, যে-কসাকদের বিলিউচিতে ডাকা হয়েছে তারা আসছে ঐ গাড়িতে।

তবু যখন পন্টনেরা এসে পৌছলো, তখন কোলিয়া তার অসন্তুষ্টি চাপতে পারলো না।

স্টেশনের ছায়ায় হামাগুড়ি দিয়ে ঢুকে প'ড়ে কন্ট্রোল-রুমের বিশাল জানলার ঠিক সামনে এসে এঞ্জিনটা থামলো। হলুদ স্তোয় কোম্পানির নাম লেখা সবুজ মার্জের পর্দাটা সরিয়ে দিলে কোলিয়া, জানলার পাথরের তাকের ওপরকার মস্ত বড়ো ট্রে থেকে বিরাট জলের জগটা তুলে নিয়ে মশ্ণ, ভারি মাটির গেলাশে জল ঢেলে কয়েক চুমুক জল খেলো, তারপর তাকালো বাইরে।

এঞ্জিন-ড্রাইভার তার ঘর থেকে তাকে দেখতে পেয়ে বন্ধুভাবে মাথা নাড়লো।

‘দুর্গন্ধি উকুন কাঁহাকার,’ ঘণার সঙ্গে ভাবলে কোলিয়া। ভিভ বের ক'রে ঘূষি দেখালো সে। ড্রাইভার শুধু যে তার মনোভাব বুঝলো তা-ই নয়, কাঁধ ঝাঁকিয়ে, ট্রেনটা লক্ষ্য ক'রে মাথা নেড়ে প্রায় বুঝিয়েও দিলো। ‘আমি কী করতে পারি? আমার অবস্থায় তুমি কী করতে দেখা যেতো! উমি হলেন মালিক।’—‘তবুও—তুমি একটা নোংরা জানোয়ার,’ কোলিয়াও অঙ্গভঙ্গি ক'রে জবাব দিলে।

অনিচ্ছুক, পেছিয়ে-পড়া ঘোড়াগুলিকে গাড়ি থেকে বের ক'রে নেওয়া হচ্ছিলো। কার্ঠের পাটাতনের ওপর তাদের খুরের আওয়াজ বেজে উঠছে পাথরের প্ল্যাটফর্মে। কয়েকটা লাইনের ওপর দিয়ে তাডাতে-তাডাতে নিয়ে যাওয়া হ'লো তাদের।

রেল-লাইন যেখানে শেষ হয়েছে সেখানে দুই সারি পরিত্যক্ত কার্ঠের কামরা প'ড়ে ছিলো। বৃষ্টিতে ধুয়ে গেছে তাদের রং, পোকায় কেটেছে, সঁাংসঁাং করছে ভেতরটা—তারা ফিরে যাচ্ছে বনবৃক্ষের সঙ্গে তাদের আদিম

আত্মীয়তায়। আর সেই বন শুরু হয়েছে কামরাগুলির ঠিক পেছনেই, সেখানে শ্রাওলা আর বার্চ গাছের বন মাথার ওপর মেঘের মিনার নিয়ে দাঁড়িয়ে আছে।

স্টেশনের বাইরে কসাকেরা ঘোড়ার জিনে চ'ড়ে বসেছে—যুদ্ধ-পরিত্যাগীদের শিবিরে যাচ্ছে তারা।

বিক্রোহীদের ঘিরে ফেলা হ'লো অল্প কিছুক্ষণের মধ্যেই। তাদের কুঁড়েতে রাইফেল থাকা সত্ত্বেও, অস্বারোহীদের দেখে তারা সন্ত্রস্ত হ'য়ে উঠলো, বন-বাদাড়ের মধ্যে সব সময়ই যা হয়, লোকেদের খোলা জায়গার চাইতে অনেক বেশি লম্বা দেখাচ্ছিলো। কসাকেরা বের করলো তলোয়ার।

সেই চক্রের মধ্যে ঢুকে গিয়ে গিন্‌জ একতুপ কাঠের ওপর লাফিয়ে উঠলেন, ঘিরে-ফেলা মানুষগুলির উদ্দেশে বক্তৃতা শুরু করলেন তিনি।

সৈনিকের কর্তব্য, মাতৃভূমির অর্থ এবং আরো অনেক উচ্চাঙ্গের বিষয়ে তিনি কথা বললেন। কিন্তু এই সব ধ্যান-ধারণা তাঁর শ্রোতাদের মন টানতে পারলো না। বড়ো বেশি উচ্চ স্তরের এ-সব। তারা বড় বেশি যুদ্ধ দেখে ফেলেছে, তারা ক্লান্ত, যুদ্ধ তাদের স্থূল ক'রে দিয়েছে। সব কথাই আগে শুনেছে তারা, মাসের পর মাস দক্ষিণ এবং বামপন্থী, উভয় পক্ষেরই তোষামুদে বিজ্ঞাপন শুনে-শুনে তারা অবিশ্বাসী হ'য়ে গেছে। আর তাছাড়া তারা হ'লো সাধারণ লোক, গিন্‌জের বিদেশী নাম আর বর্ণিতক উচ্চারণ তাদের ভালো লাগলো না।

গিন্‌জ বৃদ্ধে পরছিলেন যে তাঁর বক্তৃতা বড়ো বেশি লম্বা হ'য়ে যাচ্ছে, নিজের ওপর রাগ হচ্ছিলো, কিন্তু ভাবলেন ওরা যাতে তাঁকে স্পষ্টভাবে বুঝতে পারে তাই বক্তৃতাটার পুনরাবৃত্তি করা দরকার; কিন্তু যাদের উচিত ছিলো কৃতজ্ঞ হওয়া তাদের মুখে ক্লান্তি, অমনোযোগিতা বা বিরুদ্ধতা ছাড়া অল্প কোনো চিহ্ন দেখা যাচ্ছিলো না। ক্রমে ধৈর্য হারিয়ে ফেলে গিন্‌জ ঠিক করলেন সোজাস্বজি স্পষ্ট ভাষায় কথা ব'লে, এতোকণ পর্যন্ত যা করেননি, সেই ভয় দেখাবেন ওদের। শ্রোতাদের দিক থেকে যে-সব গুঞ্জন উঠছিলো তাতে কান না-দিয়ে তিনি যুদ্ধ-পরিত্যাগীদের মনে করিয়ে দিলেন যে যুদ্ধ-বিক্রোহীদের অল্প ট্রিবিউনাল খোলা হয়েছে, তাদের ওপর এই হুকুম জারি হয়েছে যে

যার কাছে যা অল্পশস্ত আছে ছেড়ে দিতে হবে, ধরিয়ে দিতে হবে নৈতাদের, নয়তো মৃত্যুদণ্ডের ব্যবস্থা হবে। যদি তারা রাজি না হয় তাহ'লে তার মানে এই যে তারা খল, বিশ্বাসঘাতক, রাজনৈতিক অর্থে অচেতন, অহমিকার দ্বারা আচ্ছন্ন কতোগুলো ইতর লোক ছাড়া আর-কিছু নয়। কিন্তু এই ধরনের কথা শোনার অভ্যেস লোকগুলোর আর ছিলো না।

কয়েক শো গলা চীৎকার ক'রে উঠলো একসঙ্গে। তার মধ্যে কয়েকটি গলা নিচু, এমন কি তাতে রাগও নেই। 'ঠিক আছে, ঠিক আছে। এবার থামুন। ঢের হয়েছে।' কিন্তু অল্প কয়েকটি আওয়াজ ঘুণায় তীক্ষ্ণ হ'য়ে উঠলো, তার শ্রোতা জুটেতে দেরি হ'লো না। জোরালো হ'য়ে উঠলো পাগলের মতো চীৎকার :

'শোনো কমরেডরা, কেমন গুল চালাচ্ছে ছাখো না! ঠিক আগেকার দিনের মতো। এখনো এই সব অফিসারদের চালাকি শেষ হয়নি! আমরা তাহ'লে বিশ্বাসঘাতক, কী বলো? আর তুমি কী হেনবাবপুতুর? ওকে নিয়ে মাথাই বা ঘামাচ্ছি কেন! আরে বুঝতে পারছো না, নিশ্চয়ই জার্মান গোয়েন্দা, আমাদের ব্যাপারে নাক গলাতে এসেছে। ওহে কুলীনের ছা—তোমার দলিলপত্র দেখাও দেখি!—হী ক'রে আছো কেন?' কসাকদের দিকে ফিরলো ওরা : 'শৃঙ্খলা ফিরিয়ে আনার জন্ত এসেছে তোমরা, তাই করো তাহ'লে, আমাদের বেঁধে ফ্যালো, বামেলা চুকে যাক।'

কিন্তু গিন্‌জের এই ভাগ্যহীন বক্তৃতা কসাকদের আরো বেশি খারাপ লাগছিলো। 'ওর কাছে আমরা সবাই শুয়ার,' বিড়বিড় করছিলো তারা। 'নিজেকে একেবারে সর্বসর্বা মনে করে।' একে-একে তারা সবাই খাঁপে তলোয়ার চুকিয়ে ফেললো। একের পর এক নামতে থাকলো ঘোড়ার শিঠি থেকে। সবাই নেমে পড়লে পর বিক্ষিপ্ত দল বেঁধে বনের পরিকৃত অংশের দিকে এগিয়ে গেলো তারা, ২১২ নম্বর বাহিনীর সঙ্গে মিশে গিয়ে জাভাবে মিলিত হ'লো।

'আপনি চ'লে যান,' উদ্ভিন্ন কসাক অফিসার গিন্‌জকে বললেন। 'চুপে-চুপে পালান, ওরা যেন আপনাকে দেখতে না পায়। আপনার গাড়ি

লেভেল-ক্রসিংয়ের ধারে দাঁড়িয়ে আছে—আপনাকে তুলে নেবার জন্ত পাঠিয়ে দিচ্ছি শিগগির।’

গিন্‌জ চলে গেলেন ; তাঁর মনে হচ্ছিলো এ-ভাবে পালিয়ে গেলে তাঁর মর্যাদাহানি হয়, তাই প্রকাশ্যেই স্টেশনের দিকে রওনা হলেন তিনি। সাংঘাতিক উত্তেজিত ছিলেন, কিন্তু আত্মাভিমান বজায় রেখে জোর ক’রে শাস্ত ধীর গতিতে হেঁটে চললেন।

স্টেশনের প্রায় কাছাকাছি পৌঁচে গেছেন তখন। বনের প্রান্তে, যেখান থেকে রেল-লাইন দেখা যায়, সেখানে দাঁড়িয়ে তিনি প্রথমবার ফিরে তাকালেন। রাইফেল নিয়ে সৈন্যরা তাঁকে অহুসরণ করেছে। ‘কী চায় ওরা?’ ভাবলেন তিনি। একটু দ্রুত গতিতে এগুলেন এবার।

অহুসরণকারীরাও তা-ই করলো। তাঁর সঙ্গে তাদের দূরত্বের কোনো বদল হ’লো না। ভাঙা কামরার দেয়ালগুলি চোখে পড়লো তাঁর, তার পেছনে লাফিয়ে প’ড়ে তিনি ছুটলেন। কসাকেরা যে-ট্রেনে এসেছে সেটা তখন সরিয়ে নেওয়া হয়েছে মেন-লাইন থেকে, রেল লাইন তাই ফাঁকা ছিলো। সেই লাইন ধ’রে ছুটে খাড়া প্ল্যাটফর্মের ওপর তিনি লাফিয়ে পড়লেন। ঠিক তখনই সৈন্যরাও দৌড়ে এলো প’ড়ে-থাকা কামরাগুলির পেছন থেকে।

কোলিয়া আর স্টেশন-মাষ্টার চীৎকার করতে-করতে তাঁকে ইঙ্গিত করছিলো স্টেশনের আপিশে ঢুকে পড়তে, সেখানে তারা তাঁকে রক্ষা করতে পারবেন।

কিন্তু আবার তাঁর অনেক পুরুষের শিকারকর আত্মমর্যাদা, তাঁর নাগরিক সম্মান, তাঁর আত্মরক্ষার পথে বাধা হ’য়ে দাঁড়ালো ; এই মর্যাদা রক্ষার জন্ত আত্মবলি দিতেও প্রস্তুত তিনি, কিন্তু এ-ক্ষেত্রে এটা বেদনাদায়কভাবে অকারণ ছিলো। উদ্ভয় হৃৎপিণ্ডের স্পন্দন নিয়ে গিন্‌জ চরম চেষ্টা করলেন ভয় কাটিয়ে উঠতে। মনে-মনে বললেন : ‘ওদের বলবো : “মাথা ঠিক করো, তাই সব, তোমরা জানো যে আমি গুলুচর নই।” কোনোরকম একটা মানবিক বা শাস্তির বাণী, হয়তো ওদের থামাবে।’

গত কয়েকমাস ধ’রে তাঁর নিষ্ঠা ও বীরত্ব অচেতনভাবে জড়িয়ে গেছে

বক্তৃতার মঞ্চ আর বিচারালয়ের সঙ্গে; চেয়ার চাই, তাতে লাফিয়ে উঠে শ্রোতাদের লক্ষ্য ক'রে ছুঁড়ে দিতে হয় তোমার আহ্বান, কর্মের ডাক। সন্দেহ নেই, গিন্‌জের একটা ট্রিবিউনালের দরকার।

স্টেশনের ঠিক দরজার মুখে, স্টেশনের ঘণ্টার তলায়, আগুন লাগলে ব্যবহার করার জন্য একটা জলের জাল ছিলো। ঢাকনা ছিলো জালাটায়, সেই ঢাকনার ওপর লাফিয়ে উঠলেন গিন্‌জ, এগিয়ে-আসা মানুষগুলির উদ্দেশ্যে যে-ক'টি কথা বললেন তা মর্মবিদারকভাবে অসংলগ্ন, যেখানে তিনি অন্যায়সে আশ্রয় নিতে পারতেন তা থেকে মাত্র দু'পা দূরে পৌঁছে তাঁর এই উন্নাদ সাহসের ভঙ্গি দেখে স্তম্ভিত হ'য়ে ওরা পথের মাঝখানে থেমে পড়লো, নামিয়ে নিলো বন্ধুক।

কিন্তু গিন্‌জ ঢাকনাটার ধারের দিকে এগিয়ে যেতেই সেটা উল্টে গেলো, জালার মধ্যে প'ড়ে গেলেন তিনি, এক পা জলে ডুবে গেলো, আর অন্য পা-টা বুলে রইলো জালার বাইরে।

জালার ওপর দুই দিকে দুই পা ছড়িয়ে অদ্ভুত ভঙ্গিতে তাঁকে ব'সে থাকতে দেখে, লোকগুলি হাসিতে ফেটে পড়লো; সামনের লোকটি গিন্‌জের গলার গুলি ছুঁড়লো। অল্প সকলে ছুটে এসে যতোকণে তাঁর গায়ে তাদের সজিনের খোঁচা বসালো তার আগেই গিন্‌জ মারা গেছেন।

১১

কোলিয়াকে ফোন ক'রে মাদমোয়াজেল বললেন ডাক্তার জিঃভাগোর জন্য মস্কোর ট্রেনে একটা ভালো আসন ঠিক করতে—ভয় দেখালেন যদি না করে তাহ'লে তার সব কথা ফাঁস ক'রে দেবেন।

কোলিয়া সদাসর্বদাই যেমন করে—আরো একটা কথোপকথন চালিয়ে যাচ্ছিলো সঙ্গে-সঙ্গে, তার যে-সমস্ত বাক্যের ভগ্নাংশ তার কথাকে অলংকৃত করছিলো তা শুনে মনে হচ্ছিলো তৃতীয় এক যন্ত্রের সাহায্যে সাংকেতিক ভাষায় ভাষায় কোনো খবর পাঠাচ্ছে সে।

‘প্ৰভ, প্ৰভ, শুনতে পাচ্ছো,—কোন বিজ্ঞোহীরা? কিসের সাহায্য?’

আপনি কী বলছেন মাদমোয়াজেল? দয়া ক'রে ছেড়ে দিন!—প্ৰভু, প্ৰভু, ছত্রিশ শূন্য এক পাঁচ।—ওঃ, ধ্যেৎ, লাইন কেটে দিলে।—হ্যালো, হ্যালো, আমি শুনতে পাচ্ছি না।—আবার আপনি নাকি, মাদমোয়াজেল? আমি তো বললামই, আমি পারবো না, স্টেশন-মাস্টারের সঙ্গে কথা বলুন। সব মিথ্যে গল্পকথা ও-সব—ছত্রিশ...ওঃ ধ্যেৎ...লাইন ছেড়ে দিন, মাদমোয়াজেল।’

আর মাদমোয়াজেল বলছিলেন :

‘আমার চোখে ধুলো দিতে যেয়ো না, প্ৰভু, প্ৰভু, মিথ্যুক কোথাকার! চিনতে আমার বাকি নেই; কাল তুমি ডাক্তারকে টেনে তুলে দেবে, খুদে-খুদে খুনে জুড়াসদের কাছ থেকে আর একটি কথাও শুনতে চাই না আমি।’

১২

ইউরি যেদিন রওনা হ'লো সেদিন খুব গুমোট করেছিলো। দু'দিন আগের মতো সেদিনও বড় আসছিলো ঠিক সেইভাবে। সূর্যমুখীর চারার খোসা-ছড়ানো স্টেশন-এলাকায় মাটির বাড়ি আর হাঁসগুলোকে কালো আকাশের তলায় শাদা আর ভয়াৰ্ত ব'লে মনে হচ্ছিলো।

স্টেশনের সামনে আর দুই পাশে বিস্তৃত চওড়া আঙিনায় ঘাস পিষে গেছে, একেবারে মুছে গেছে সেই সব অসংখ্য যাত্রীদের পায়ের তলায় যারা দিনের পর দিন অপেক্ষা করেছে ট্রেনের জন্ত।

কর্কশ ছাইরঙা পশমের কোট গায়ে বুড়ো-বুড়ো লোকেরা খবর আর গুজবের খোঁজে এ-দল থেকে ও-দলে ঘুরে-ঘুরে বেড়াচ্ছে। নিঃশব্দ চোদ্দ বছরের ছেলেরা কলুইয়ের ওপর ভর দিয়ে শুয়ে ছাল-ছাড়ানো গাছের ডাল ঘোরাচ্ছে, যেন ভেড়ার পালের ওপর নজর রাখছে তারা, তাদের ছোটো-ছোটো ভাইবোনগুলি উড়ন্ত জামা আর গোলাপি পাছা নিয়ে ছুটোছুটি করছে লোকের পায়ের ফাঁক দিয়ে, আর তাদের মায়েরা মাটির ওপর ব'সে স্বশোভনভাবে সামনে দুই পা ছড়িয়ে দিয়েছে, আটো, কাটছাঁটহীন জ্যাকেটের বুকের মধ্যে ধ'রে রেখেছে কোলের শিশুদের।

জিভাগো—১৪

‘গুলিগোলা শুক হওয়ার সঙ্গে-সঙ্গে গোক-ভেড়ার মতো ছড়িয়ে পড়েছিলো সব,’ স্টেশনে ঢোকার দরজার সামনে সারি-সারি লোক মাটিতে শুয়ে ছিলো ; এঁকে-বঁকে তাদের পাশ কাটিয়ে যেতে-যেতে স্টেশন-মাস্টার বিরক্তির সঙ্গে ইউরিকে বললেন। ‘দেখতে-না-দেখতে সব ঘাস পরিস্কার হ’য়ে গেলো ; আবার মাটি দেখতে পেলাম ; এই সব বেদের দলের আনাগোনার ফলে আজ চারমাস মাটি দেখছি না ; কেমন দেখতে তা পর্যন্ত ভুলে গেছি।— এই যে এখানে উনি পড়েছিলেন। মজার ব্যাপার কী জানেন, এই যুদ্ধে অনেক খারাপ জিনিস দেখলাম আমি, সব-কিছুই আমার স’য়ে গেছে বলা যায়। কিন্তু তবু কেন জানি দুঃখ হয়েছিলো। ব্যাপারটা এমন অর্থহীন যে বলবার নয়। ওদের কী করেছিলেন উনি ? কিন্তু ওরা তখন তো আর মানুষ ছিলো না। খুব আত্মরে ছেলে ছিলেন নাকি।—এই যে এবার ডান দিকে, আমার আপিশে চলুন দয়া ক’রে। এই ট্রেনে যাওয়ার আশা নেই, আপনাকে পিষে মেরে ফেলবে। একটা লোকাল ট্রেনে তুলে দিচ্ছে আপনাকে। ওটা তৈরি হচ্ছে এক্ষুনি। কিন্তু ট্রেনটা আসবার আগে এ-বিষয়ে কোনো কথা না ; ব্যবস্থা হবার আগেই গাড়ি ভেঙে-চুরে ফেলবে তাহ’লে। আজ রাত্রে স্থিতিচিহ্নে গাড়ি বদল করবেন।’

১৩

রেল-গুদোমের পেছন থেকে বেরিয়ে সেই গোপন গাড়িটি স্টেশনে ঢোকার সঙ্গে-সঙ্গে জনতা কাঁপিয়ে পড়লো লাইনের ওপর। মার্বেলের গুলির মতো লাইনের পাড় দিয়ে গড়িয়ে পড়লো লোকেরা। পাকা রাস্তার ওপর দুনিবার বেগে এসে পড়লো সকলে, এ ওর গায়ে ধাক্কা দিয়ে সিঁড়ির ওপর উঠে গদিতে লাফিয়ে পড়তে লাগলো, কিংবা উঠলো জানলা বেয়ে, গাড়ির ছাদে উঠে গেলো। ভালো ক’রে থামবার আগে নিমেষে ভ’রে গেলো ট্রেন, প্ল্যাটফর্মে যতোকণে এসে দাঁড়ালো ততোকণে শুধু ভিড়ে ঠাসাই নয়, গাড়ির বাইরে মাথা থেকে পা পর্যন্ত তখন লোক ঝুলছে। নেহাৎই দৈবের বশে, ইউরিও কী ক’রে যেন দুই কামরার মাঝখানের অংশটায় উঠে যেতে পেরেছিলো, আর তারপর

সেখান থেকে আরো আশ্চর্যভাবে ঢুকে যেতে পেরেছিলো ট্রেনের বারান্দায়।

সেখানেই, মালের ওপর বসে স্থানিচির পুরো পথটা তার কাটলো।

মেঘ স'রে গেছে, সূর্যের আলোয় মাঠগুলি জ্বলছে যেন, এক প্রান্ত থেকে অগ্ন প্রান্ত পর্যন্ত চাকার শব্দ ডুবিয়ে দিয়ে ঝাঁঝির ডাক প্রতিধ্বনি তুলছে।

জানলার কাছে যে-সব যাত্রী দাঁড়িয়েছিলো, অগ্নদের তারা রোদ থেকে আড়াল করেছে। তাদের প্রত্যেকের একাধিক ছায়া লগ্না হ'য়ে এসে পড়েছে মেঝেতে, গদিতে, পার্টিশনের ওপর। যেন ভিড়ের চাপে কামরা থেকে বেরিয়ে গিয়ে সেই ছায়াগুলি লাফিয়ে পড়েছে জানলা দিয়ে, উন্টো দিক দিয়ে লাফাতে-লাফাতে ছুটে চলেছে ট্রেনের চলমান ছায়ার সঙ্গে-সঙ্গে।

ইউরিকে ঘিরে চারপাশে লোকেরা চীৎকার করছে, গান গাইছে চড়া গলায়, গাল পাড়ছে, জুয়ো খেলছে। যখনই ট্রেন আসছে তখনই ভেতরকার গোলমালের সঙ্গে যোগ হচ্ছে বাইরের আক্রমণকারী ভিড়ের কলরোল। সমুদ্রের বুকে যেমন ঝড় ওঠে তেমনি তীব্র হ'য়ে উঠছে সেই শব্দ, আর তারপর, সমুদ্রের মতোই, হঠাৎ নেমে আসছে বিরতি। সেই দুর্বোধ্য স্তব্ধতার মধ্যে শোনা যাচ্ছে প্ল্যাটফর্মের ওপর ব্যস্ত পায়ের আওয়াজ, মাল-গাড়ির সামনেকার ব্যস্ততা ও বাকবিতণ্ডা, দূরের যাত্রীদের বিদায়বার্তা, মুরগির শাস্ত ডাক আর স্টেশনের বাগানে গাছের পাতার খসখস শব্দ।

আর, পথে-পাওয়া বার্তার মতো, মেলিউজ্জেইয়েভার অভিবাদনের মতো, কেবল ইউরির জগ্নই যেন ব'য়ে এলো তার সেই পরিচিত স্ববাস। কোনো-এক জানলার দিক দিয়ে, বাগান আর বুনো ফুলের অনেক ওপরের স্তর থেকে সেই গন্ধ ভেসে এলো, অগ্ন সব-কিছু ছাপিয়ে সে প্রতিষ্ঠিত হ'লো আপন শ্রেষ্ঠত্বে। ভিড়ের জগ্ন জানলার কাছে যেতে না-পেরে ইউরি গাছ দেখতে পাচ্ছিলো না; কল্পনায় দেখলে, খুব কাছেই কোথাও বেড়ে উঠছে তারা, রাক্সির মতো ঘন, ছোটো, ঝিকঝিকে মোমের ফুলের গুচ্ছ-গুচ্ছ তারা-ছিটোনো ধূলি-ধূসর পাতায় ভরা শাস্ত ডালপালা ছড়িয়ে দিয়েছে গাড়ির ছাদের ওপর দিয়ে।

পথে সর্বত্র ভিড়, কলবব, আর সর্বত্র পুষ্পিত লেবু গাছ।

তাদের গন্ধ যেন একদিকে ছড়িয়ে আছে সব জায়গায়, এগিয়ে এসে এই উত্তরগামী যাত্রীদের ধরে ফেলছে, যেন গুজবের মতো ছড়িয়ে পড়ছে প্রতি সাইডিং, সিগনাল-বাক্স, আর ছোটো-ছোটো স্টেশনগুলিকে ঘিরে-ঘিরে, আর তাদের আগেই সব জায়গায় পৌঁছে গিয়ে নিশ্চিন্ত হ'য়ে তাদের জন্ত অপেক্ষা করছে।

১৪

সেই রাতে সুখিনিচিতে এক বাধ্য, সেকেলে ধরনের কুলি অনেকগুলো অঙ্ককার লাইনের ওপর দিয়ে ইউরিকে এক অনির্ধারিত ট্রেনের সেকেণ্ড ক্লাশ কামরায় ভুলে দিলো। তক্ষুনি এসে পৌঁচেছিলো ট্রেনটি।

গার্ডের চাবি দিয়ে কামরার দরজা খুলে কুলিটি সবেমাত্র ইউরির মাল ভেতরে ঢুকিয়েছে, এমন সময় গার্ড স্বয়ং এসে মালপত্র বাইরে ফেলে দেবার চেষ্টা করলে। কিন্তু ইউরি কোনোমতে শাস্ত করলে তাকে, তারপর আর গার্ড-সাহেবকে দেখা গেলো না।

এই রহস্যময় ট্রেনটির ওপর বিশেষ নির্দেশ ছিলো; খুব কম স্টেশনে থেমে বেশ জোরে চলছিলো ট্রেনটি, একজন অস্ত্রধারী গ্রহরীণ ছিলো গাড়িতে। ট্রেনটি বলতে গেলে শূন্য।

ইউরির কামরায় মোমের বাতি জলছিলো; ছোটো টেবিলের ওপর বসানো মোমবাতিটি ফোঁটায়-ফোঁটায় গলে পড়ছে, আধো-খোলা জানলা দিয়ে ব'য়ে-আসা হাওয়ার স্রোতে কাঁপছে তার শিখা। সেই কামরায় ইউরি ছাড়া আর একজনমাত্র যাত্রী ছিলো, মোমবাতিটি তার। যাত্রীটি তরুণ, মাথাভরা চুল, হাত ও পায়ের আকার দেখে মনে হয় বেশ লম্বা। কেমন টিলেটোলাভাবে তার শরীরের অঙ্গপ্রত্যঙ্গ পরস্পরের সঙ্গে জোড়া, যেন ঠিকমতো যুক্ত নয়। জানলার ধারে, কোণের দিকের আসনে চিৎ হ'য়ে শুয়ে ছিলো সে, কিন্তু ইউরি ঢুকতে ভব্য ভঙ্গিতে উঠে বসলো।

তার আসনের তলায় একটা কাপড় পাতা, অনেকটা মেঝেতে পাতার কাপড়ের মতো দেখতে। তার একটা কোনা ন'ড়ে উঠলো, কোলা কান নিয়ে

এক কুকুর বেরিয়ে এলো তার তলা থেকে। ইউরিকে পর্যবেক্ষণ করলো, আপাদমস্তক শুঁকলো, তারপর ছুটোছুটি করে বেড়াতে লাগলো সারা কামরায়; তার শীর্ণকায় প্রভুটি যেমন আলগা ভঙ্গিতে পায়ের ওপর পা রেখে ব'সে ছিলো ঠিক তেমনিভাবে খাবা ছুঁড়তে লাগলো সে। একটু পরেই, প্রভুর নির্দেশে, আসনের তলায় ঢুকে গিয়ে আবার এক কুঁচকোনো ঝাড়নের চেহারা নিয়ে নিলো কুকুরটা।

এতোক্ষণে ইউরির চোখে পড়লো বন্ধুকের খাপ, চামড়ার কাতুঁজের খেঁট আর একটি ফুলে-ওঠা থলি তাকের ওপর রাখা আছে।

যুবকটি শিকারে গিয়েছিলো।

বড্ড বেশি কথা বলে সে, ইউরির ঠিক ঠোঁটের দিকে তাকিয়ে, অমায়িক হেসে, তক্ষুনি কথাবার্তা শুরু ক'রে দিলে।

তার গলার স্বর চড়া, স্ত্রীবা্য নয়, মাঝে-মাঝেই টিনের মতো অস্বাভাবিক স্বর বেরোচ্ছিল। তার কথা বলার ধরনের আরো একটা অদ্ভুত বিশেষত্ব হ'লো যে, স্পষ্টতই রুশ হওয়া সত্ত্বেও দীর্ঘ উ-র উচ্চারণটা সে একেবারে বিজাতীয় ঢঙে করে, ফরাসী 'উ' অথবা জার্মান 'উ'-র মতো নরম ক'রে বলে। শব্দটা উচ্চারণ করতে, বোঝাই যায়, তাকে বেশ চেষ্টা করতে হয়, অসম্ভব কষ্ট হয় তার—একটু কেমন চিঁ-চিঁ আওয়াজে অল্প সব শব্দ থেকে জোরে এই শব্দটি সে উচ্চারণ করে। মাঝে-মাঝে, বোধহয় মনোযোগ দেবার ফলে, এই দোষটা শুধরে ফেলে সে, কিন্তু তার পরেই আবার ভুল হয়।

‘এ কী অদ্ভুত,’ ইউরি ভাবলে। ‘নিশ্চয়ই এ-বিষয়ে পড়েছি, ডাক্তার হিসেবেও আমার জ্ঞান উচিত, কিন্তু ব্যাপারটা যে কী ভেবে পাচ্ছি না। মাথার কোনোরকম গোলমালের জগ্গই নিশ্চয়ই কথা বলায় এই রকম দোষ হয়।’ কারণটা যা-ই হোক, ইউরির এতো মজা লাগছিলো যে কিছুতেই হাসি চাপতে পারছিলো না। ‘বরং শুয়ে পড়া যাক,’ মনে-মনে বললে সে।

ইউরি ওপরের বাক্কে উঠে গেলো। যুবকটি মোমবাতি নিবিয়ে দেবার প্রস্তাব করলে, নয়তো ইউরির ঘুমের ব্যাঘাত হ'তে পারে। ইউরি সন্মতি জানালো, সারা কামরা ডুবে গেলো নিশ্চিহ্ন অন্ধকারে।

‘জানলাটা কি বন্ধ ক’রে দেবো?’ ইউরি জিজ্ঞেস করলো। ‘চোরের ভয় নেই তো আপনার?’

কোনো জবাব এলো না। আরো একটু জোরে প্রশ্নটার পুনরাবৃত্তি করলো সে, কিন্তু তবু জবাব নেই।

তার সঙ্গী বাইরে গেছে কিনা দেখবার জন্য ইউরি দেশলাই জালিয়ে বাকের ওপর দিয়ে ঝুঁকে পড়লো। এইটুকু সময়ের মধ্যে সে ঘুমিয়ে পড়বে সেটা অবিশ্বাস্য।

সে কিন্তু সেখানেই ব’সে আছে, খোলা চোখে, তার নিজের জায়গায়। ইউরি ঝুঁকে পড়তে সে ইউরির মুখের দিকে তাকিয়ে একটু হাসলো।

দেশলাইয়ের কাঠিটা নিভে গেলো, আরেকটা জ্বলে, সেটা নেভবার আগে ইউরি তৃতীয়বার তার প্রশ্নটি জিজ্ঞেস করলো।

‘আপনার যা ইচ্ছে,’ যুবকটি তক্ষুনি জবাব দিলে। ‘চোরে নিতে পারে এমন কিছুই আমার নেই। বরং খোলাই রাখুন। বড্ড গুমোট কাঙ্ক্ষায়।’

‘কী অসাধারণ চরিত্র!’ ইউরি ভাবলে। ‘বাতিকগ্রস্ত, সন্দেহ নেই। অন্ধকারে কথা বলে না। কী আশ্চর্য।’

১৫

গত সপ্তাহের ঘটনাগুলোর জন্যও বটে, তাড়াতাড়ি রওনা হয়েছে ব’লেও বটে, ইউরি ক্লান্ত ছিলো; আশা করেছিলো আরাম ক’রে শোবার সঙ্গে-সঙ্গেই ঘুমিয়ে পড়বে, কিন্তু অতিরিক্ত পরিশ্রান্তির জন্যই ভোর পর্যন্ত ঘুম এলো না।

অন্ধকারে পাক খেয়ে ঘুরতে লাগলো তার ভাবনাগুলি। দুই প্রধান বৃত্তে তারা ঘুরছে, যেন সমানে জট পাকাচ্ছে আর জট খুলে চলেছে দুই গোছা স্ততো।

এক বৃত্তে আছে টোনিয়ার ভাবনা, তাদের বাড়ি, আর তাদের সেই আগেকার স্থিতিশীল জীবন, যে-জীবনে সব-কিছুর, যে-কোনো সামান্যতম খুঁটি-নাটিরও, আছে নিজস্ব ছন্দ, আন্তরিকতা, উষ্ণতা। সেই জীবনের জন্য উদ্ভিগ্ন হ’য়ে আছে ইউরি, সেই জীবনকে সে নিরাপদে, সম্পূর্ণভাবে ফিরে পেতে চায়,

দুই বছরের বিচ্ছেদের পর, এক্সপ্রেস-গাড়িতে ছুটতে-ছুটতে এখনই সে সেখানে পৌঁছে যাবার জন্য ব্যাকুল বোধ করছে।

আর সেই সঙ্গে আছে, বিপ্লবের প্রতি তার আত্মগত্য ও শ্রদ্ধা—সেই বিপ্লব, মধ্যবিত্ত সমাজ যাকে গ্রহণ করেছিলো, ১৯০৫ সালে রক্তের শিখা এবং ছাত্ররা বিপ্লব বলতে যা বুঝেছিলো।

নতুন পূর্বাভাসও আছে এই অন্তরঙ্গ চিন্তার বুকে। আছে সেই সব পূর্বলক্ষণ ও শপথ, রূপ চিন্তা, শিল্প ও জীবন, সমগ্র রাশিয়ার, এবং তার, জিভাগোর ভাগ্যে যার আবির্ভাব হয়েছিলো যুদ্ধের আগে ১৯১২ থেকে ১৯১৪ সালের মধ্যে।

যুদ্ধ শেষ হ'য়ে গেছে,—এখন আবার সেই আবহাওয়ায় ফিরে গিয়ে তার পুনরুত্থান ও ধারাবাহিকতা লক্ষ্য করা—তা এই বাড়ি ফেরার মতোই আনন্দের।

তার চিন্তাধারার অপর বৃত্তটিও নতুন বিষয়ের ভাবনা আছে—কিন্তু প্রথমটি থেকে তা কতো আলাদা, কতো অন্তরকম। এই নতুনরা তার অন্তরঙ্গ নয়, পুরোনো জিনিস এগিয়ে নিয়ে আসেনি তাদের; তাদের সে বেছে নেয়নি, বাস্তবের কাছ থেকে তাদের সে পেয়েছে, ভূমিকম্পের মতো তারা আকস্মিক।

এর মধ্যে আছে রক্তপাতে আর ভয়াবহতায় ভরা এই যুদ্ধ, তার ঘরছাড়া বস্ত্র, একক রূপ, আছে তার ক্রেশ, আর আছে সাংসারিক বুদ্ধি, যা সে শিখিয়েছে। সেই ছোটো নির্জন শহরগুলি, যেখানে যুদ্ধ তাকে ফেলে রেখে গিয়েছিলো, আর সেই সব লোকেরা, যাদের সঙ্গে সে প'ড়ে ছিলো সেখানে, তারাও আছে তার চিন্তায়।

আর বিপ্লব—তাও এমন এক ব্যাপার—১৯০৫ সালে ছাত্ররা যাকে আদর্শ ব'লে মেনেছিলো সে-বিপ্লব নয়,—এই নতুন আলোড়ন, আজকের এই নবজাত যুদ্ধ, রক্তাক্ত, নির্দয়, আদিম সৈন্যদলের বিদ্রোহ—পেশাদারেরা, বলশেভিকেরা যার অধিনায়ক।

আর তার নতুন ভাবনার মধ্যে, যুদ্ধের অস্পষ্ট পটভূমিকায়, তার সম্পূর্ণ অজ্ঞাত জীবন নিয়ে আছে নার্স আন্টিপভা। কাউকে কোনোদিন দোষারোপ করেনি সে, কিন্তু তার স্তব্ধতাই যেন তিরস্কার-স্বরূপ, রহস্যময় তার সংঘম,

রহস্যময় আর কঠিন। ইউরি আজীবন আন্তরিকভাবে কামনা করেছে, শুধুমাত্র তার নিজের পরিবার অথবা বন্ধুবর্গকেই নয়, অগ্র সকলকেও যেন একই ভাবে যেন ভালোবাসতে পারে ; কিন্তু এখন সে আন্তরিকভাবে চেষ্টা করছে আটপাতাকে সেই সম্পূর্ণতার সঙ্গে ভালো না-বাসার জন্ত।

পুরো দমে ছুটে চলেছে ট্রেন। মাথার দিকে খোলা জানলা দিয়ে বাতাস ব'য়ে এসে ইউরির মাথার চুল উড়িয়ে ধুলো ছিটিয়ে দিচ্ছে। রাত্রেও, দিনের বেলাকার মতো, প্রতি স্টেশনে জনতা আসছে এগিয়ে, আর মর্মরিত হচ্ছে লেবুগাছের পাতা।

মাঝে-মাঝে ঠেলাগাড়ি কিংবা ঘোড়ার গাড়ি অন্ধকার ভেদ ক'রে গড়িয়ে আসছে স্টেশনের দিকে, গাছের মর্মরধ্বনির সঙ্গে মিশে যাচ্ছে গলার স্বর আর চাকার ঘর্ঘর শব্দ।

সেই সব মুহূর্তে ইউরির মনে হচ্ছিলো সে জানে কেন রাতের ছায়ারা মর্মরিত হয়, কেন তারা কাছাকাছি মাথা এনে পরামর্শ করে ; জানে—কী কথা তারা কানে-কানে বলে পরস্পরকে, প্রায় তাদের পাতা না-কাঁপিয়ে, ঘুমে আচ্ছন্ন অবস্থায়, আধো-আধো অস্পষ্ট ভাষণের মতো আওয়াজে। বাকের ওপর শুয়ে এ-পাশ ও-পাশ করতে-করতে ইউরি আরো ভাবছিলো—ভাবছিলো রাশিয়ায় অস্থিরতা আর উত্তেজনার ক্রমবর্ধমান বৃত্তের খবর, বিপ্লবের কথা, তার কঠিন, চরম সময়ের, আর তার ভবিষ্যৎ গৌরবের সম্ভাবনার কথা।

১৬

পরের দিন অনেক বেলা পর্যন্ত ঘুমোলো ইউরি ; যখন উঠলো তখন এগারোটা বেজে গেছে। 'প্রিন্স, প্রিন্স,' তার সঙ্গীটি নরম গলায় তার অখুশি কুকুরটিকে ডাকছিলো। ইউরি দেখে অবাক হ'লো যে কামরায় এখনো তারা একা ; অগ্র কোনো যাত্রী ওঠেনি।

কালুগা জেলা ছাড়িয়ে এসে তারা মস্কোতে প্রবেশ করেছে। স্টেশনের নামগুলি ইউরির আঁশশব চেনা।

যুদ্ধের আগেকার দিনের মতো আরামে দাড়ি কামিয়ে, হাত-মুখ ধুয়ে

প্রাতরাশের সময় কামরায় ফিরে এলো সে—তার সঙ্গী তাকে প্রাতরাশের নিমন্ত্রণ জানিয়েছিলো। এবার ইউরি ভালো করে তাকালো তার দিকে।

সবচেয়ে লক্ষণীয় মনে হ'লো লোকটির অভিভাষণ, আর এক মুহূর্তও স্থির হ'য়ে ব'সে থাকার অক্ষমতা। কথা বলতে ভালোবাসে সে, আর সবচেয়ে বেশি যা ভালোবাসে তা আলাপ অথবা ভাবের আদানপ্রদান ততোটা নয় যতোটা কথা বলার ব্যাপারটা, অক্ষর আর শব্দের উচ্চারণ। কথা বলতে-বলতে এমন ভাবে লাফায় যেন সে স্প্রিংয়ের পুতুল; অকারণে এমন হাসতে থাকে যে কানে তালি লেগে যায়, ক্ষত হাত ঘষে, আর, অল্প কোনো উপায়ে মনের ভাব বোঝাতে না-পারলে সজোরে হাঁটু চাপড়ে হুলতে-হুলতে এমন হাসি হাসতে থাকে যে একেবারে কান্না এসে যায়।

তার কথাবার্তার ধরন ঠিক গত রাতের মতোই। অদ্ভুত অসংলগ্ন লোকটি কখনো হয়তো কিছু না-বলতেই স্বীকারোক্তি শুরু করে দেয়, আবার কখনো নির্দোষতম প্রশ্নেরও জবাব দেয় না। নিজের সম্বন্ধে সে অবিখ্যাত এবং ছাড়া-ছাড়া তথ্য উদ্গার করলে। বোধহয় একটু মিথ্যেও বললে; সন্দেহ নেই, তার চরম মতবাদ দিয়ে, আর যে-কোনো সাধারণ মতামতকে অগ্রাহ্য করে, ইউরিকে সে চমৎকৃত করতে চাইছিলো।

সবই ইউরিকে কী-একটা কথা মনে করিয়ে দিচ্ছিলো।—গত শতকের নিহিলিস্টদের ভাবখানা ছিলো এই রকম, কিছু পরে ডস্টয়েভস্কির কোনো-কোনো চরিত্রের—আর, আরো সম্প্রতি, সেই সব মফস্বলের বুদ্ধিজীবীদের, যাদের বলা যায় ডস্টয়েভস্কির চরিত্রের বংশধর, যারা অনেক সময়ই রাজধানীর বুদ্ধিজীবীদের চাইতে অগ্রসর হ'তো—কেননা মফস্বলের আন্তরিকতা গুণটি রাজধানীতে সেকেলে বলে গণ্য ছিলো।

যুবকটি জানালো যে সে কোনো-এক বিখ্যাত বিপ্লবীর ভাইপো, কিন্তু তার মা-বাবা হলেন নিদারুণ প্রতিক্রিয়াশীল, যাকে বলে প্রাগৈতিহাসিক। বেশ বড়ো জমিদারি তাদের—এখন যুদ্ধক্ষেত্রের ধার ঘেঁষে পড়েছে। সেখানেই বড়ো হয়েছে সে। চিরকালই মা-বাবার সঙ্গে তার কাকার সম্বন্ধ একেবারে আদায়-কাঁচকলায়, কিন্তু কাকা তাঁদের বিরুদ্ধে কোনো কথাই মনে রাখেননি,

আর এখন নিজের প্রভাব খাটিয়ে অনেক অপ্রিয় ব্যাপার থেকে তাঁদের রক্ষা করছেন।

তার নিজের মতামত তার কাকার মতো ; জীবন, রাজনীতি বা শিল্প—সর্বক্ষেত্রেই চরমপন্থী সে। এ-কথা শুনেও ইউরির মনে প’ড়ে গেলো পিটার ভের্থেন্‌স্কি-কে^১, বামপন্থী মতামতের জন্ত ততোটা নয় যতোটা দুর্নীতি আর বড়ো-বড়ো বুলির জন্ত। ‘এর পরে বলবেন উনি একজন ফিউচারিস্ট,’ ইউরি ভাবলে ; আর সত্যিই কথাবার্তার মোড় ফিউচারিজম-এর দিকেই ঘুরে গেলো। ‘এবার খেলাধুলোর কথা আসবে, ঘোড়দোড়, স্কেটিং, ফরাসী কুস্তি’ ; সত্যি-সত্যি শিকার বিষয়ে কথা উঠলো এর পরে।

যুবকটি তার বাড়ির কাছেই শিকার করতে গিয়েছিলো। জাঁক ক’রে বললে যে সে গুলি ছোঁড়ায় ওস্তাদ, শারীরিক অক্ষমতার জন্ত সৈন্যদলে যোগ দিতে পারেনি, নয়তো ভালো নিশানার জন্ত নাম কিনতে পারতো। ইউরির কোতূহলী দৃষ্টি লক্ষ্য ক’রে সে তীব্রস্বরে বলে উঠলো : ‘সত্যি বলছেন কিছু লক্ষ্য করেননি আপনি ? আমি স্তবেছিলাম আমার অস্থবিধেটা কী তা আপনি আন্দাজ করতে পেরেছেন।’

পকেট থেকে দুটো কার্ড বের ক’রে সে ইউরির হাতে দিলে। একটা তার ভিজিটিং কার্ড। মন্ত দোনলা নাম, মাক্সিম আরিস্টারখোভিচ ক্লিন্টসভ-পগরেভশিখ—ইউরিকে অবশ্য সোজাহুজি অমুরোধ জানালে তাকে পগরেভশিখ বলে ডাকতে—কেননা ঐ নাম তার কাকার, এইভাবে কাকার গৌরব সে বহন করছে।

অন্য কার্ডটি চোকো ঘর কেটে ভাগ করা, প্রত্যেক চোখুপিতে বিভিন্ন ভঙ্গিতে ভাঁজ-করা আঙুল দিয়ে বিচিত্রভাবে যুক্ত হু’খানা হাতের ছবি আঁকা। মুঁক ও বধিরদের অক্ষর সেগুলো। এতেই সব স্পষ্ট হ’য়ে গেলো। পগরেভশিখ, হার্টম্যান অথবা অস্ট্রোগ্রাডভ স্কুলের এক অসাধারণ মেধাসম্পন্ন মুঁক-বধির ছাত্র, কান দিয়ে নয়, চোখ দিয়ে এক অবিদ্বাস্ত নৈপুণ্যের সঙ্গে সে কথা বলে, লক্ষ্য ক’রে-ক’রে সে কথা বলতে শিখেছে—এই ভাবেই অন্ত সকলে কী বলছে বুঝতে পারে সে।

^১ ডক্টরভস্কির *The Possessed* (বা *The Devils*) উপন্যাসের এক চরিত্র।

যে-অঞ্চল থেকে সে এসেছে সে-বিষয়ে এবং শিকার-বিষয়ে সে যা বলেছিলো মনে-মনে তা যোগ ক’রে নিয়ে ইউরি বললে :

‘বেয়াদপি মাপ করবেন, ইচ্ছে না-হ’লে জবাব দেবেন না--কিন্তু জাবুশিনো প্রজাতন্ত্র স্থাপনের সঙ্গে কি কোনো যোগ ছিলো আপনার ?’

‘কী ক’রে বুঝলেন ?...আপনি কি ব্রাজেইলকোকে চিনতেন ?...হ্যাঁ, হ্যাঁ ! নিশ্চয়ই যোগ ছিলো !’ সারা শরীর দুলিয়ে, হাঁটুতে চাপড় মেয়ে হাসতে-হাসতে দ্রুত, অস্পষ্টস্বরে সে বললে ।

পগরেভশিখ বললে যে তার নিজের ধ্যান-ধারণা কাজে খাটাবার জন্য ব্রাজেইলকো ওজুহাত মাত্র, আর জাবুশিনো দৈবে-পাওয়া সুর্যোগ । যুবকটির দার্শনিক ব্যাখ্যা ইউরি ঠিকমতো ধরতে পারছিলো না সব সময় ; মনে হচ্ছিলো, সেটা অংশত আনাকিজম আর অংশত মোজাহুজি শিকারির মিথ্যাভাষণ ।

দৈববাণীর মতো নিরুপস্থভাবে সে জানালো যে অদূর ভবিষ্যতে রাশিয়ায় এক সর্বনাশা আলোড়ন শুরু হবে । গোপনে-গোপনে ইউরিরও বিশ্বাস যে সেটা হওয়া নিতান্ত অসম্ভব নয়, কিন্তু যুবকের কথাবার্তায় যে-অপ্রীতিকর ফুলের ছেলের মতো ঔক্ৰুত্যা ছিলো তাতে রীতিমতো ক্ষিপ্ত বোধ করছিলো ইউরি ।

‘এক মিনিট,’ পরখ করার ধরনে সে বললে । ‘এ সবই হয়তো ঠিক, আপনি যা বলছেন তা ঘটতেও পারে । কিন্তু আমার মনে হয় যে এখন যা চলছে—এই তাগুব, অস্থিরতা, শত্রুপক্ষের চাপ—সাংবাদিক কোনো পরীক্ষা শুরু করার পক্ষে এটা ঠিক উপযুক্ত সময় নয় । একটা আলোড়নে ঝাঁপ দেবার আগে আরেকটা আলোড়ন সামলে উঠতে হবে তো দেশকে । শান্তি আর শৃঙ্খলার মতো কিছু-একটা ব্যবস্থা আগে হওয়া চাই ।’

‘এটা নিতান্ত ছেলোমাহুশি মনোভাব,’ পগরেভশিখ বললে । ‘যে-বিশৃঙ্খলা নিয়ে আপনি এতো ভাবিত সেটাও শৃঙ্খলার মতোই স্বাভাবিক ব্যাপার । এই যে ধ্বংস—এই তো হ’লো ব্যাপক সংগঠনকারী অভিপ্রায়ের উপযুক্ত প্রাথমিক অবস্থা । সমাজ এখনো ষথেষ্ট ছত্রভঙ্গ হয়নি । সম্পূর্ণভাবে ভেঙে গড়তে হবে এই সমাজকে, আর তারপর সত্যিকার বিপ্লবী এক শাসনতন্ত্র সম্পূর্ণ নতুন ভিত্তিতে আবার জুড়ে দেবে সমাজের সেই ভাঙা টুকরোগুলিকে ।

ইউরি অস্থির বোধ করলো। উঠে করিডোরে চ'লে গেলো সে।

সমস্ত বেগ সঞ্চয় ক'রে ট্রেন মঞ্চের দিকে এগোচ্ছে। গ্রীষ্মবাসে ভরা বার্চ গাছের বনের মধ্য দিয়ে ছুটে চলেছে গাড়ি। দুই পাশের ছোটো-ছোটো, ছাদহীন প্রাটকর্মগুলি দাঁড়িয়ে-থাক। স্ত্রী-পুরুষ নিয়ে দূরে-দূরে ধুলোর মেঘের মধ্যে দূলে উঠছে। বার-বার হুইসিল বাজাচ্ছে ট্রেন, সঙ্গে-সঙ্গে বাশির মতো ফাঁপা আওয়াজে বনের মধ্যে বেজে উঠছে প্রতিধ্বনি।

হঠাৎ, এই ক'দিনের মধ্যে এই প্রথমবার ইউরি স্পষ্টভাবে উপলব্ধি করলে সে কোথায়, তার কী হচ্ছে, এবং আর কয়েক ঘণ্টার মধ্যেই কী প্রতীক্ষা ক'রে আছে তার জন্ম।

তিন বছর ধ'রে পরিবর্তন, অস্থিরতা, অনিশ্চয়তা আর আলোড়ন; যুদ্ধ, বিপ্লব, ধ্বংসের দৃশ্য, মৃত্যুর দৃশ্য, গোলাবর্ষণ, পুল উড়ে যাওয়া, আগুন আর ধ্বংসাবশেষ—সব যেন হঠাৎ এক বিপুল, নিঃস্ব, অর্থহীন শূণ্যের মধ্যে মিলিয়ে গেলো। সেই দীর্ঘ বাধার পর প্রথম সত্যিকার ঘটনা হ'লো এই যে তার বাড়ি এখনো নিরাপদ আছে, তার প্রিয় ক্ষুদ্রতম পাথরটুকুও নিয়ে কোনো-এক জায়গায় অস্তিত্ব আছে তার, এই কথা জেনে এই ঘূর্ণিত ট্রেনে ক'রে তার বাড়ি ফেরা। এই হ'লো জীবনের অর্থ, এই হ'লো অভিজ্ঞতা, দুঃসাহসীরা একেই অন্বেষণ করেছেন, হৃদয়ে স্থান দিয়েছেন শিল্পীরা—এই নিজের ঘরে, স্বপ্নের কাছে ফিরে আসা, নিজের কাছে ফিরে আসা—এই হ'লো জীবনের নতুন জন্ম।

বনের পাতার জমাট ঘনতা ছাড়িয়ে ট্রেন খোলা জায়গায় এসে পড়লো। গর্ত থেকে বেরিয়ে একটা ঢালু জমি চওড়া ঢিবিতে উঠে গেছে; ঘন সবুজ আলুর খেতের সমান্তরাল রেখা টানা আছে সেখানে; তার পেছনে, ঢিবিটার একেবারে মাথায়, কাচের ফ্রেম। মাঠের উল্টো দিকে, ট্রেনের আঁকাবাঁকা লেজের পেছনে, আকাশের অর্ধেক জুড়ে আছে গভীর, লাল মেঘ: তার ফাঁক দিয়ে চাকার শলার মতো সূর্যের আলোর বেখা উঁকি দিচ্ছে, ফ্রেমের কাচের ওপর প'ড়ে অসহ্য ঔজ্জ্বল্য নিয়ে জ্বলছে সেই আলো।

হঠাৎ, উষ্ম, ভারি বৃষ্টির ফোঁটা, সূর্যের আলোয় ঝকঝক করতে-করতে, মেঘের মধ্য থেকে বেরিয়ে এলো। পাছে পেছনে প'ড়ে থাকে তাই ধ'রে

ফেলতে হবে, যেন এমনভাবে লাইনের ওপর ধাক্কা দিয়ে গর্জন করতে-করতে ছুটে চলেছে ধে-ট্রেন, বৃষ্টির গতিও ঠিক তারই মতো দ্রুত।

ইউরি ভালো ক'রে বৃষ্টি লক্ষ্য করার আগেই পাহাড়ের প্রান্তভাগে দেখা গেলো ত্রাতা খুঁটের^১ গির্জা, আর তার একটু পরেই ইউরি দেখতে পেলো গম্বুজ, চিমনি, ছাদ আর শহরের বাড়ি-ঘর।

‘মস্কো,’ কামরায় ফিরে এসে ইউরি বললে। ‘তৈরি হবার সময় হ’লো।’

পগরেভশিখ লাফিয়ে উঠলো, শিকারের থলি হাড়ে একটা পুষ্ট হাঁস বের ক'রে আনলো সে। ‘এটা আপনি নিন,’ সে বললে, ‘আমার স্মৃতি হিসেবে। এমন সুখসঙ্গে আমি খুব কম দিন কাটিয়েছি।’

জিভাগোর প্রতিবাদে কোনো ফল হ'লো না। অবশেষে সে বললে, ‘ঠিক আছে, আপনার উপহার হিসেবে এটা আমার জীকে দেবো।’

‘চমৎকার, চমৎকার, আপনার জী,’ খুশিতে বার-বার বলতে লাগলো পগরেভশিখ, যেন শব্দটা এই প্রথম শুনলো সে, এমনভাবে শরীর ঝাঁকাতো-ঝাঁকাতো হাসতে থাকলো, আর প্রিন্স লাফিয়ে বেরিয়ে এসে যোগ দিলো সেই আনন্দে।

ট্রেন ঢুকলো স্টেশনে। রাজির মতো অন্ধকার নেমে এলো কামরায়। মুক-বধির এগিয়ে দিলে ছেঁড়া কাপড়ের ফালিতে জড়ানো বুনা হাঁসটা।

১। মস্কো নগরের মধ্যস্থলে ছিলো ‘সাবু ত্রাতা’র (St. Saviour) গির্জা, নেপোলিয়নের সঙ্গে যুদ্ধে রাশিয়ার জয়ের স্মরণস্তম্ভরূপে এটি নির্মিত হয়। বিপ্লবের পরে ‘সোভিয়েট-প্রাসাদ’ (The Palace of Soviets) নির্মাণের জন্য সেই গির্জা ভেঙে ফেলা হয়, কিন্তু ‘প্রাসাদ’টি এখনো তৈরি হয়নি।

পল্লিচ্ছেদ ৬

মস্কোতে রাত্রিবাস

১

যতোকণ টেনে ব'সে ছিলো ততোকণ ইউরির মনে হয়েছে টেনই ছুটে চলেছে, সময় থেমে আছে—বেলা মাত্র দুপুর।

কিন্তু আসলে শ্বলেনস্কি স্কোয়ারের জমাট ভিড় কাটিয়ে তার ভাড়া-গাড়ি যতোকণে স্টেশন থেকে এগোলো তখন প্রায় সন্ধ্যা।

সত্যিই তা-ই কিনা কে জানে—হয়তো অগ্ন্যস্ত্র বছরের অভিজ্ঞতার প্রলেপ পড়েছিলো ইউরির স্মৃতির ওপরে—পরে যতোবার মনে করবার চেষ্টা করেছে ততোবারই মনে হয়েছে যে বাজারের চারপাশে লোকেরা ভিড় করেছিলো নেহাৎই অভ্যাসের বশে, যে তখনই এমন একটা অবস্থা হয়েছিলো যে কোথাও যাবার কোনো দরকারই আর নেই, দোকানের কপাট ভেজানো, এমনকি তালা পর্যন্ত লাগানো নয়, কেউ পরিষ্কার না-করায় নোংরা-ছড়ানো সেই পার্কে বেচাকেনা করার আর কিছুই নেই।

আরো মনে হয় যে তখনই সে দেখেছিলো তাদের—সেই রোগা, বুড়ো, ভদ্র-বেশধারী স্ত্রী-পুরুষদের, দেয়ালের গায়ে মিশে গিয়ে পথিকদের জগ্ন নিঃশব্দ তিরস্কারের প্রতিমূর্তি হ'য়ে যারা দাঁড়িয়ে থাকে, কোনো কথা না-ব'লে এমন সব জিনিস বাড়িয়ে দেয় যা কারো কোনো কাজে লাগে না—নকল ফুল, বাঁশি আর কাঁচের ঢাকনা-বসানো কফির পাত্র, সাদা পোশাকের জগ্ন কালো নেট আর সেই সব সরকারি পোশাক যার চল উঠে গেছে।

যারা আরো শাশাশিধে মাহুয, তারা আরো দরকারি জিনিসের ব্যাপারি :
র্যাশনের বাসি কালো কটির শলার মতো পিঠ, স্যাংসেতে, নোংরা চিনির
টুকরো, লেবেলের ঠিক মাঝখান দিয়ে অর্ধেক ক'রে কাটা শস্তা তামাকের
এক-এক আউন্স প্যাকেট।

এই সব অবিশ্বাস্ত জঞ্জাল সারা বাজারে ঘুরে-ঘুরে হাত-বদল করে, আর
হাতবদলের সঙ্গে-সঙ্গে দাম চ'ড়ে যায় তাদের।

গাড়িটা একটা গলিতে ঢুকলো। অন্তর্গামী স্বর্ঘ রইলো তাদের পেছনে।
তাদের সামনে দিয়ে একটা ছাকরা গাড়ির ঘোড়া চলেছে একটা শূন্য কম্পান
গাড়ি টেনে-টেনে। ধুলোর স্তম্ভ তুলে চলেছে গাড়িটা, স্বর্ঘাস্তের আলোয়
সেই ব্রোঞ্জের মতো ধুলো যেন জ্বলছে।

অবশেষে সেটাকে ছাড়িয়ে তারা আরো ক্ষত এগোলো। দেয়াল আর
পাঁচিল থেকে হেঁড়া পুরোনো খবরের কাগজ আর পোস্টারের পরিমাণ দেখে
চমৎকৃত হ'লো ইউরির। হাওয়ার ঝাপটায় একদিকে উড়ছে কাগজগুলো,
ঘোড়ার খুর, চাকা আর পায়ের চাপ তাদের আরেক দিকে ঠেলে দিচ্ছে।

কয়েকটা চৌরাস্তা পেরিয়ে গেলো তারা, এইবার ইউরির বাড়ি, দুই গলির
কোণ ঘেঁষে গাড়ি থামলো।

ইউরির দম বন্ধ হ'য়ে এলো ; গাড়ি থেকে নেমে সামনের দরজা পর্যন্ত
হেঁটে গিয়ে দরজার একপাশের ঘণ্টাটা যখন বাজাতে শুরু করলো তখন তার
বুকে হাতুড়ি পিটছে। কিছুই ঘটলো না। আবার বাজালো। তখনো
কোনো উত্তর নেই, সামান্য, উদ্ভিন্ন বিরতি দিয়ে-দিয়ে ইউরির ঘণ্টা বাজিয়ে
চললো। দরজা খুলে, দুই পাট মেলে টোনিয়াকে যখন দাঁড়িয়ে থাকতে
দেখলো তখনো সে বাজিয়েই চলেছে। ব্যাপারটা এমনই আশাতীত যে তারা
হু'জনেই স্তম্ভিত হ'য়ে গিয়েছিলো, পরস্পরের চাঁৎকার তাদের কানে ঢোকেনি।
কিন্তু টোনিয়া যে দরজা অমনভাবে খুলে রেখেছে সেটাই আশ্চর্য, প্রায়
আলিঙ্গন, তারা দুজনেই তাই সামলে উঠলো, ঝাঁপিয়ে পড়লো পরস্পরের
বুকে। একটু পরে তারা দু'জনে একসঙ্গে কথা বলতে শুরু ক'রে দিলে।

‘আগে বলো, সবাই কেমন আছে?’

‘হ্যাঁ, হ্যাঁ, কিছু ভেবো না। সব ঠিক আছে। বোকার মতো অনেক

বাজে কথা লিখেছিলাম তোমাকে, মাপ করো। কিন্তু সে-বিষয়ে পরে কথা বলবো। টেলিগ্রাম করোনি কেন? মার্কেল ওপরে নিয়ে যাবে তোমার জিনিষ-পত্র। ইয়েগোরোভনা দরজা না-খোলায় দৃষ্টিস্তা করছিলে বোধ হয়? ও গ্রামে গেছে।’

‘রোগা হ’য়ে গেছো তুমি। কিন্তু কী অল্পবয়সী দেখায় তোমাকে, কী স্নন্দর তুমি! এক মিনিট দাঁড়াও, গাড়ি-ভাড়াটা চুকিয়ে দিই।’

‘ইয়েগোরোভনা গেছে চেষ্টাচরিত্র ক’রে যদি কিছু ময়দা জোগাড় করতে পারে সেই আশায়। অস্বাস্থ্য চাকর-বাকরদের ছাড়িয়ে দেওয়া হয়েছে। শুধু একটা মেয়ে আছে, ঐ নিউশা, তুমি চেনো না তাকে, সাশার দেখাশোনা করে, তা ছাড়া আর কেউ নেই। সবাইকে বলা হয়েছে যে তুমি আসছো, তোমাকে দেখার জন্য গর্ভন, ডুবোরভ, সবাই অধীর হ’য়ে আছে।’

‘বাবা বাড়ি আছেন?’

‘তোমাকে লেখেনি কেউ?—উনি তো সকাল থেকে রাত পর্যন্ত আঞ্চলিক পরিষদে থাকেন—উনিই সভাপতি হয়েছেন। হ্যাঁ, তুমি বিশ্বাস করবে না। গাড়ির ভাড়া মিটিয়েছো? মার্কেল! মার্কেল!’

ইউরির ঝুড়ি, ট্রাক আর স্ল্যাটকেস সমেত রাস্তার মাঝখানে পথ আটকে দাঁড়িয়ে ছিলো তারা, পথচারীরা থেমে প’ড়ে তাদের মাথা থেকে পা পর্যন্ত তাকিয়ে-তাকিয়ে দেখছিলো; ফুটপাথের ধার থেকে গাড়িটা যখন স’রে এলো তখন হাঁ ক’রে চেয়ে রইলো সেদিকে, হাট ক’রে খোলা সদর দরজার দিকে তাকিয়ে এর পর কী ঘটে দেখার জন্য তারা অপেক্ষা ক’রে রইলো।

কিন্তু ইতিমধ্যেই গায়ে সূতির শার্ট আর দরোয়ানের টুপি মাথায় দিয়ে ছোটোবাবুকে স্বাগত জানাবার জন্য গেট থেকে ছুটতে-ছুটতে আসছে মার্কেল, দৌড়াতে-দৌড়াতে চীৎকার করছে সে :

‘হা আমার ভগবান, সত্যিই কি ইউরচকা! আরে বাবা, এ যে সত্যিই আমার লক্ষ্মীপোনা। ইউরি আক্সেইয়েভিচ, আমার চোখের আলো, আমাদের তা হ’লে ভোলোনি, রোজ যে তোমার জন্য প্রার্থনা করেছি আমরা। আমাদের গরব যে আর ধরে না আজ—তুমি বাড়ি ফিরে এলে!—আর তোমরা কী চাও?’ দর্শকদের উদ্দেশে মুখ-স্বামটা দিলো সে। ‘কী এমন অভূত ব্যাপার

এটা, আ? ভাগো, ভাগো সব। অমন চোখ বড়ো-বড়ো ক'রে দেখার কী আছে?’

‘কেমন আছো, . মার্কেল?’ ইউরি তাকে জড়িয়ে ধরলো। ‘আরে গর্দভচন্দ্র, টুপিটা প'রে নাও। তারপর, নতুন কী খবর, বলো। তোমার বৌ কেমন আছে? মেয়েরা কেমন?’

‘কেমন আর থাকবে? ঈশ্বরের দয়ায় বাড়-বাড়ন্ত হ'য়ে উঠছে। . আর খবর—সে তুমি নিজেই দেখতে পাবে—তুমি ষতোদিন ছিলে না, বড়ো-বড়ো কাজকর্ম করছিলে, আমরাও তখন ব্যস্ত ছিলাম। এমন গোলমালে ব্যাপার, এমন এক পাগলা-গারদ—শয়তানও এর কিনারা করতে পারবে না—পথ-ঘাট অপরিষ্কার, ছাদ ফুটো, পেট শূন্য—ঠিক লেন্টের^১ মতো—আর এ-সবই হ'লো “সংযোজন বা ক্ষতিপূরণ ব্যতিরেকে”।^২’

‘ইউরি আশ্বেইয়েভিচের কাছে তোমার নামে আমি নালিশ করবো, মার্কেল। জানো ইউরচকা, ও সব সময় এই রকম করছে। এ-রকম বোকার মতো কথাবার্তা আমি সহ্য করতে পারি না। এ-সবই হ'লো তোমাকে খুশি করার জন্ত, ও মনে করে তুমি এ-সব পছন্দ করছো,—ওরা যা বোঝায় ও তা ই বোঝে। ঠিক আছে, ঠিক আছে, মার্কেল, আমার সঙ্গে তর্ক করতে এসো না, তোমাকে আমি চিনি। তুমি লোকটি বড়ো ঘোরেল, মার্কেল। তোমার একটু কাণ্ডজ্ঞান হওয়া উচিত ছিলো এতদিনে। আমরা কি দোকানদার যে এইভাবে আমাদের মন জোগাতে চাচ্ছে!’

তার ভেতরে গেলো। মার্কেল ইউরির জিনিস-পত্র ঘরে নিয়ে এসে দরজা বন্ধ ক'রে দিলো, তারপর, যেন কোনো গোপন কথা বলছে, এমনভাবে ব'লে চললো :

‘আন্টিনা আলেকজান্ড্রাভনা রেগে আছে, কী বললো স্তনলে তো? সব সময় এই হয়। বলে, তোমার ভেতরটা একেবারে কালো, মার্কেল, বলে, ঐ উন্ননের নলের মতো কালো। ও বলে কী জানো—আজকাল নাকি প্রত্যেক শিশু, এমনকি প্রতিটি ল্যাপডগও বোঝে যে কিসে থেকে কী হচ্ছে।

১ Lont-এর সময়ে খৃষ্টানদের উপবাস বিধেয়। পৃঃ ২২-এর টীকা দেখুন।

২ ‘সংযোজন বা ক্ষতিপূরণ ব্যতিরেকে শাস্তি’—বামপন্থী সোশ্যালিস্টদের জোগান ছিলো এই।

সেটা অবশ্য ঠিকই, কিন্তু তবু ইউরচকা, বিশ্বাস করো আর না-ই করো, যারা জানে তারা সবাই মেজুনদের বইটা দেখেছে^১, একশো চল্লিশ বছর ধরে সে-বই পড়ে ছিলো পাথরের তলায়, এখন, আমি কথাটা ভেবে-চিন্তেই বলছি, ইউরচকা, এখন আমাদের গাঙের ভলে ভাসিয়ে দিচ্ছে। কিন্তু আমি একটা কথা বলতে পারি কি? ঐ যে—নিজেই দেখছো তো—আটনিয়া আলেকজান্দ্রোভনা আমার দিকে মাথা ঝাঁকচ্ছে।’

‘অবাক হচ্ছে? অনেক হয়েছে মার্কেল, এবার মালপত্র নামাও, তাহ’লেই হবে। ইউরি আন্দ্রেইয়েভিচের কিছু দরকার হ’লে তোমাকে ডাকবেন।’

২

‘ঈশ্বরকে ধন্যবাদ, ও গেছে! ঠিক আছে, ঠিক আছে, যদি চাও ওর কথা শুনতে পারো তুমি, কিন্তু আমি বলতে পারি যে এ-সব ওর ভান ছাড়া আর-কিছুই না। ওর সঙ্গে কথা ব’লে হয়তো ওকে তুমি গেলো ভূত ব’লে ভাববে, কিন্তু সারাক্ষণ তলায়-তলায় ছুরিতে শান দিচ্ছে ও—শুধু কার গলায় বসাবে তা এখনো ঠিক করতে পারেনি, হতভাগা, বদ বুড়োটা।’

‘এটা একটু বাড়াবাড়ি হ’য়ে যাচ্ছে না কি? আমার মনে হয় ও মাতাল হয়েছে শুধু—তা ছাড়া আর কিছু নয়।’

‘প্রকৃতিস্থ থাকে কখন শুনি? সে যা-ই হোক, ওকে নিয়ে আমি তিতিবিরক্ত হ’য়ে গেছি।—আমার কী ভাবনা হচ্ছে জানো, তুমি শাশাকে দেখবার আগেই হয়তো সে আবার ঘুমিয়ে পড়বে। ট্রেনে টাইফাসের উকুন থাকে ব’লে...তোমার গায়ে কোনোরকম উকুন নেই তো?’

‘মনে তো হয় না। খুব আরামে এসেছি...একেবারে যুদ্ধের আগেকার দিনের মতো। তবু, চট করে একবার হাত-মুখটা ধুয়ে নিই। পরে ভালো করে স্নান করা যাবে। কোনদিকে চলেছো? বসার ঘরের ভেতর দিয়ে যাওয়া হয় না বুঝি আজকাল?’

^১ Freemason সম্প্রদায়ের পবিত্র গ্রন্থ, *The Protocols of the Elders of Zion*-এর কথা বলা হচ্ছে।

‘ওঃ হো, তাই তো, তুমি তো জানো না। বাবা আর আমি অনেক ভাবলাম, শেষটায় একতলার একটা অংশ কৃষি-কলেজকে ভাড়া দিয়ে দিয়েছি। শীতকালে গরম রাখা এতো মুশকিল, এখনো ওরা আসেনি, তবে লাইব্রেরি, হার্বেরিয়াম আর বীজের সংগ্রহ এখানে তুলে এনেছে। আশা করি ইঁদুর হবে না—সবই তো শস্ত। তবে আপাতত ওরা খুব পরিষ্কার-পরিচ্ছন্ন রেখেছে ঘরটা। ও, ভালো কথা, আজকাল আবার ঘর বলে না, বলে থাকবার জায়গা। এই যে, এদিক দিয়ে এসো। অত আশ্বে চলছো কেন? আমরা আজকাল পেছনের মিঁড়ি দিয়ে উঠি। চ’লে এসো, আমি দেখিয়ে নিয়ে যাচ্ছি।’

‘ঐ ঘরগুলি দিয়ে দিয়েছো শুনে খুব ভালো লাগছে। যে-হাসপাতালে আমি ছিলাম সেটাও একজনের বসতবাড়িতে ছিলো। অস্থায়ী সারি সারি ঘর, রঙিন কাঠের চিহ্ন এখনো মেঝেতে লেগে আছে। টবের পাম গাছগুলি ধাবা বাড়িয়ে রেখেছে, যেন বিছানার শিয়রে ভূত বুঁকে আছে এমন দেখায় তাদের—ফ্রন্ট-লাইন থেকে নিয়ে-আসা আহতরা কেউ-কেউ চীৎকার ক’রে জেগে উঠতো মাঝে-মাঝে—তারা অবশ্য সম্পূর্ণ প্রকৃতিস্থ নয় কেউ—শেল-শক হয়েছে তাদের—গাছগুলো আমাদের সরিয়ে দিতে হ’লো। মানে, আমি বলতে চাচ্ছি যে অর্থবান লোকেরা যে-ভাবে জীবন যাপন করতো সেটা কেমন যেন অস্বাস্থ্যকর। উত্তম জিনিসের ছড়াছড়ি। অতিরিক্ত আসবাব, অনেক বেশি ঘর, স্বস্ততার বাড়াবাড়ি আর নিজেকে খুব বেশি জাহির করার চেষ্টা। আমরা যে আরো কম ঘর ব্যবহার করছি এতে আমি খুব স্তব্ধ হয়েছি। আরো ঘর ছেড়ে দেওয়া উচিত আমাদের।’

‘ঐ পুঁটলিটা কিসের? কী যেন বেরিয়ে আছে ওর ভেতর থেকে, পাখির টোঁটের মতো মনে হচ্ছে। আরে, হাঁস! কী মজা! বুনো হাঁস! কোথায় পেলো? নিজের চোখকে নিজে বিশ্বাস করতে পারছি না আমি। এ যে রাজ্যপাট পাওয়ার মতো ভাগ্যের ব্যাপার।’

‘ট্রেনে একজন এটা আমাকে দিলে। পরে বলবো তোমাকে, সে অনেক কথা। কী করবো? রান্নাঘরে রাখবো?’

‘হ্যাঁ, নিশ্চয়ই। নিউশাকে একুনি নিচে পাঠিয়ে দেবো, পালক ছাড়িয়ে

পরিস্কার ক'রে রাখবে। সবাই বলছে এই নীতে নাকি ভয়াবহ সব ব্যাপার হবে—ছুভিস্ক, ঠাণ্ডা।’

‘হ্যাঁ, এই একই কথা সবখানে। এইমাত্র ট্রেনের জানলা দিয়ে বাইরে তাকিয়ে থাকতে-থাকতে আমার মনে হ'লো সারা পৃথিবীতে এমন কী আছে যা কাজের চাইতে, পারিবারিক জীবনের শান্তির চাইতে মূল্যবান? বাকিটা তো আমাদের হাতে নেই। মনে তো হয় না খারাপ সময় আসছে। কিছু লোক বেরিয়ে পড়তে চাইছে, দক্ষিণে, ককেশাসে, নয়তো আরো দূরে কোথাও যাবার কথা ভাবছে তারা। আমি নিজে অবশ্য তা করবো না। বয়স্ক মানুষের উচিত দাঁত কামড়ে প'ড়ে থেকে দেশের ভাগ্যের অংশ গ্রহণ করা। তোমার কথা অবশ্য আলাদা। ঈশ্বরের কাছে প্রার্থনা করি তোমাকে যেন এ-সব সহ্য করতে না হয়। কোনো নিরাপদ জায়গায় তোমাকে পাঠিয়ে দেবো আমি—ধরো, ফিনল্যান্ডে।—কিন্তু সিঁড়ির ধাপে-ধাপে দাঁড়িয়ে যদি আধ ঘণ্টা ধ'রে গল্প করি আমরা, তাহ'লে আর কোনোদিনই ওপরতলায় পৌঁছতে হবে না।’

‘এক মিনিট দাঁড়াও। বলতে একেবারে ভুলে গিয়েছিলাম। তোমার জন্ত একটা আশ্চর্য সুখবর আছে। নিকোলে নিকোলেভিচ ফিরে এসেছেন।’

‘কে নিকোলে নিকোলেভিচ?’

‘কোলিয়া-মামা।’

‘টোনিয়া! সত্যি? হ'তেই পারে না। কী ক'রে তা সম্ভব?’

‘সত্যি তা-ই। উনি স্নইজ্জারল্যান্ডে ছিলেন। লণ্ডন ঘুরে ফিনল্যান্ড হ'য়ে এসেছেন।’

‘টোনিয়া। আমাদের খ্যাপাচ্ছে না তো? তোমার সঙ্গে দেখা হয়েছে ঠাঁর? কোথায় আছেন উনি? এখনই ঠাঁর দেখা পাওয়া যায় না, এই মুহূর্তে?’

‘অতো অর্ধেক হোয়ো না। গ্রামের দিকে কাদের সঙ্গে যেন আছেন উনি। পরশু ফিরে আসবেন কথা দিয়ে গেছেন। উনি অনেক বদলে গেছেন কিন্তু। তুমি নিরাশ হবে। পথে পিটার্সবার্গে থেমেছিলেন, বলশেভিক হ'য়ে গেছেন। ঠাঁর সঙ্গে তর্ক করতে-করতে বাবার গলা রীতিমতো চিরে যায়। সত্যি, প্রত্যেক ধাপেই থেমে পড়ছি আমরা। এসো। তুমিও তাহ'লে

শুনছে। যে খারাপ সময় আসছে—কী বলে লোকেরা?—পরিশ্রম, বিপদ, অনিশ্চয়তা?

‘আমি নিজে তা-ই মনে করি। কিন্তু তাতেই বা কী? আমরা একটা ব্যবস্থা ক’রেই নেবো, এখানেই তো সব-কিছুর শেষ হ’তে পারে না। অপেক্ষা করবো আমরা, দেখবো কী হয়—অন্ত সকলেও তা-ই করবে।’

‘জালানি কাঠ, আলো—এ-সব কিছুই নাকি পাওয়া যাবে না। টাকা নাকি তুলে দেবে ওরা। কোনো কিছুই আমদানি হবে না। দ্যাখো, আমরা আবার দাঁড়িয়ে পড়েছি। চ’লে এসো। শোনো, সবাই বলে আর্বাটে নাকি আশ্চর্য সব লোহার স্টোভ পাওয়া যায়। ছোটো স্টোভ। একটা খবরের কাগজ পোড়ালে একবেলার রান্না হ’য়ে যায় নাকি। ঠিকানাটা আছে আমার কাছে। সব ফুরিয়ে যাবার আগে আমাদের একটা কিনে ফেলতে হবে।’

‘ঠিক আছে। কিনবো। খুব ভালো ভেবেছো। কিন্তু ভাবো একবার, কোলিয়া-মামা! আমি ভাবতেই পারছি না।

‘আমার কী মূল্যব শুনবে? ওপরতলার একটা দিক আলাদা ক’রে নেবো আমরা, ধরো দুটো কি তিনটে পাশাপাশি ঘর, সেগুলো আমরা রাখবো আমাদের জুজু, বাবার, মামার আর নিউশার জুজু, বাকি অংশটা সব ছেড়ে দেবো। একটা পার্টিশন দিয়ে আলাদা দরজা ক’রে নেবো, ফ্ল্যাটের মতো আরকি। জানলা দিয়ে একটা পাইপের ব্যবস্থা ক’রে ঐ লোহার স্টোভটা রাখবো মাঝখানের ঘরে, কাপড় কাচা, রান্না, অতিথি আপ্যায়ন—সব ঐ এক ঘরে হবে। এইভাবে জালানি বাঁচিয়ে ঈশ্বরের দয়ায় শীতকালটা হয়তো কাটিয়ে দিতে পারবো।

‘নিশ্চয়ই পারবো। কোনো প্রশ্নই ওঠে না। এটা খুব চমৎকার ভেবেছো। —আর-একটা কথা শুনবে? আমরা গৃহপ্রবেশের উৎসব করবো। হাঁসটা রাখবো, কোলিয়া-মামাকে নিমন্ত্রণ করা হবে।’

‘আঃ, চমৎকার হবে। গর্ডনকে বলবো কিছু অ্যালকহল নিয়ে আসতে। কোনো-একটা ল্যাবরেটরি থেকে জোগাড় করতে পারবে সে। ছাখো, এই ঘরটার কথাই ভাবছিলাম আমি। ঠিক আছে? স্মার্টকেসটা নামিয়ে রাখো, তারপর নিচে গিয়ে তোমার ঝুড়ি নিয়ে এসো। গৃহপ্রবেশে ডুজোরভ

আর শুরা প্লেজিঙ্কেরকেও বলা যায়। তোমার মত আছে তো? বাথরুম কোথায় তা তো ভুলে যাওনি? গিয়ে একটু বীজাণুনাশক কিছু ঢেলে এনো গায়ে। তুমি যতোকক্ষেণে ও-সব সারবে, আমি ততোকক্ষেণে সাশাকে নিয়ে আসছি আর নিউশাকে নিচে পাঠাচ্ছি, আমরা তৈরি হ'য়ে তোমাকে ডাকবো।'

৩

মস্কোতে ইউরির কাছে প্রধানতম অভিনব বস্তু হ'লো তার ক্ষুদ্র শিশুপুত্র। তার জন্মের প্রায় সঙ্গে-সঙ্গে ইউরির ডাক পড়েছিলো, কাজেই সে প্রায় চেনেই না তাকে।

টোনিয়া তখনও হাসপাতালে—একদিন ইউরি তাকে দেখতে গেছে, তখনই ইউনিফর্ম গায়ে চড়েছে তার, অল্প কয়েকদিনের মধ্যেই মস্কো ছাড়তে হবে। বাচ্চাদের খাওয়ার সময় হ'য়ে গিয়েছিলো ব'লে তাকে ভেতরে ঢুকতে দেওয়া হ'লো না।

বাইরের ঘরে ব'সে ছিলো সে। প্রত্নতত্ত্ববিভাগের পেছনের গলির প্রান্তে নার্সারি থেকে দশ-বারোটি শিশুর তীক্ষ্ণ চীৎকার একসঙ্গে ভেসে এলো। সন্তোজ্ঞাত শিশুদের ঘাতে ঠাণ্ডা না লাগে সেজ্ঞ করিডোর থেকে বেরিয়ে এসে কয়েকটি নার্স দ্রুত এগিয়ে গেলো, পুঁটলির মতো ক'রে দুই বগলে দু-জনকে নিয়ে তাদের নিয়ে চললো যার-যার মার কাছে।

'ওয়া আ, ওয়া আ,' নির্লিপ্ত অল্পভূতিহীনভাবে কৈদে চললো বাচ্চারা, যেন এটা তাদের প্রাত্যহিক কর্তব্য। কেবল একটা গলা অগ্র সকলের স্বরকে ছাপিয়ে উঠেছিলো। সেই গলা থেকেও এই একই চীৎকার বেরুচ্ছে, 'ওয়া আ, ওয়া আ,' অগ্রদের চাইতে সে-গলাতে এমনকি বেশি যজ্ঞগার চিহ্নও নেই, কিন্তু অগ্রদের চাইতে এই শিশুর গলার স্বর আরো গভীর, কর্তব্য হিসেবে নয়, ইচ্ছে ক'রে, হিম শত্রুতা নিয়ে সে কাঁদছে।

ইউরি ইতিমধ্যেই ঠিক করেছিলো যে শব্দরের সম্মানে তার ছেলের নাম রাখবে আলেকজান্ডার—ছোটো ক'রে ডাকা যাবে সাশা ব'লে। কী কারণে যেন সে ভাবলে ঐ বিশেষ গলাটি তারই ছেলের; তখনই সেই স্বরের ওপর

চরিত্রের ছাপ পড়েছে, তার মধ্যে যেন নিহিত আছে বিশেষ একজন মানুষের ভবিষ্যৎ ব্যক্তিত্ব ও নিয়তি ; নিজস্ব শব্দের রং ধরেছে সেই স্বরে, শিশুর ‘আলেকজান্ডার’ নামের আমেজ—ইউরির তা-ই মনে হ’লো।

তুল করেনি সে। পরে দেখা গেলো সত্যিই সেই গলা সাশার। ছেলের বিষয়ে এই তথ্যটি সে প্রথম জেনেছিলো।

তারপর ছেলেকে দেখলো যুদ্ধক্ষেত্রে থাকতে টোনিয়া ঘে-ছবি পাঠিয়েছিলো তাতে, মোটামোটা, হাসিখুশি, মদনের ধনুকের মতো বাঁকা ঠোঁট, বাঁকা পা দুটি কবলের ওপর রেখে দাঁড়িয়ে আছে, এমন ভঙ্গিতে মুঠি তুলে আছে যেন চাষিদের কোনো নাচ নাচছে সে। তখন এক বছর বয়স ছিলো তার, সবে ইটতে শিখেছে ; এখন দু-বছর হয়েছে, শুরু করেছে কথা বলতে।

স্মার্টকেসটা তুলে নিয়ে জানলার ধারের তাসখেলার টেবিলের ওপর রেখে সে খুলতে শুরু করলে। আগে এই ঘর কিসের জগু ব্যবহার করা হ’তো কে জানে। এখন ঘরটা অচেনা লাগছিলো তার। টোনিয়া নিশ্চয়ই আসবাব বদলেছে, কিংবা দেয়ালের কাগজ, নয়তো অগু কোনোভাবে সাজিয়েছে ঘরটা।

দাড়ি কামাবার বাক্সটা বের করলে সে। জানলার ঠিক উল্টো দিকে গির্জাতে ঘন্টা বাঁধার থামের ফাঁকে থমকে আছে পূর্ণিমার উজ্জল চাঁদ। স্মার্টকেসের ওপরের তাকে ঘে-সব কাপড়চোপড় আর বই ছিলো তাঁদের আলো যখন তার ওপর এসে প’ড়ে ঘরের আলো বদলে দিলো, তখন ইউরি বুঝতে পারলো এখন সে কোথায়।

আগে এ-ঘরে বাড়তি জিনিসপত্র রাখা হ’তো। গাদা করা হ’তো ভাঙা চেয়ার টেবিল, এখানেই আনা রাখতেন তাঁর সংসারের হিসেবের কাগজপত্র, আর গ্রীষ্মকালে শীতবস্ত্র-ঠাসা ট্রাক। তিনি ষতোদিন বেঁচেছিলেন ততোদিন মেঝে থেকে ছাদ পর্যন্ত আজ-বাজে জিনিস বোঝাই থাকতো, বাচ্চারা এ-ঘরে ঢুকতে পেতো না। শুধু ক্রিসমাস বা ইস্টারের সময়কার উৎসবে বাড়িতে যখন বাচ্চাদের বিরাট ভিড় হ’তো আর পুরো ওপরতলাটা ছেড়ে দেওয়া হ’তো তাদের, তখন খোলা হ’তো এই ঘর—তারা নানারকম সেক্সে, শোলা দিয়ে মুখে কালো রং ক’রে, টেবিলের তলায় লুকিয়ে ডাকাত-ডাকাত খেলতো।

দাঁড়িয়ে-দাঁড়িয়ে ইউরি সে-সব কথা ভাবলো, তারপর পেছনের সিঁড়ি দিয়ে নিচে নেমে গেলো হলঘর থেকে তার ঝুড়িটা নিয়ে আসতে।

রান্নাঘরে স্টোভের সামনে উব-হাঁটু হ'য়ে ব'সে নিউশা একটা খবরের কাগজের ওপর হাঁসের পালক ছাড়াচ্ছে। ট্রাক নিয়ে যাবার জন্তু ইউরি ঘরে ঢুকতেই লাল হ'য়ে লজ্জিত স্তম্ভর ভঙ্গিতে এগ্রন থেকে পালক ঝাড়তে-ঝাড়তে উঠে দাঁড়ালো সে, ইউরিকে অভিবাদন ক'রে সাহায্য করতে এগিয়ে এলো। তাকে ধন্যবাদ জানিয়ে ইউরি বললে সে একাই পারবে, তারপর উঠে গেলো ওপরে। কয়েকটা ঘর ছাড়িয়ে একটু দূরের একটা ঘর থেকে তার স্ত্রী ডাকলে : 'এবার চ'লে এসো, ইউরা।'

সে সাশাকে দেখতে গেলো।

নার্সারি হয়েছে টোনিয়ার পুরোনো স্কুল-ঘরে। খাটের বাচ্চাটি ফোটাগ্ৰাফের বাচ্চাটির মতো অতো স্তম্ভর নয়, কিন্তু ইউরির মা, স্বর্গত মারিয়া নিকোলায়েভনা জিভাপোর জীবন্ত প্রতিমূর্তি সে, ইউরির কাছে তার মায়ের মতো ছবি আছে তাদের সকলের চাইতে তার ছেলের মুখের সঙ্গে তার মার মুখের মিল বেশি।

'এই যে বাবা, এই যে তোমার বাবা, লক্ষ্মীছেলের মতো হাত নাড়ো তো ;' টোনিয়া বলছিলো। খাটের একটা পাশ সে নিচু ক'রে দিলে যাতে ছেলেকে চুমু খেতে ইউরির অস্থবিধে না হয়।

ছোট্ট সাশা অমসৃণ গালের এই আগন্তুকটিকে—যাকে দেখে শুধু ভয়ই নয়, বিভ্রমও বোধ করছিলো সে—কাছে এসে তার ওপর ঝুঁকে পড়তে দিলো, তারপর সারা শরীরে ঝাঁকুনি দিয়ে, মার জামার সামনেটা এক হাতে ঝাঁকড়ে ধ'রে, সক্রোধে অস্ত্র হাতটি তুলে তার মুখে চড় বসিয়ে দিলে। নিজের সাহসে নিজেই ভয় পেয়ে গেলো সে, টোনিয়ার কোলে ঝাঁপিয়ে প'ড়ে ব্যাকুলভাবে কেঁদে উঠলো।

'হুই, হুই!' টোনিয়া বকলো তাকে। 'এ-রকম করতে হয় না, সাশেঙ্কা। বাবা কী ভাববেন? ভাববেন সাশা একটা হুই ছেলে। দেখি তো তুমি কেমন চুমু খেতে পারো, বাবাকে চুমু খেয়ে দাও তো। কেঁদো না, বোকা ছেলে, কিছু হয়নি!'

‘ওকে ছেড়ে দাও, টোনিয়া,’ ইউরি বললে। ‘ওকে ঘাঁটিয়ে না, আর তুমি অতো বিচলিত হচ্ছে। কেন? আমি জানি আজ্ঞে-বাজ্ঞে সব কথা ভাবছো তুমি—ভাবছো এর কোনো মানে আছে, খারাপ লক্ষণ এটা—কিন্তু ও-সব বাজ্ঞে কথা। এটা তো নিতান্ত স্বাভাবিক। শাশা তো কখনো ছাথেনি আমাকে। কাল ও ভালো ক’রে আমাকে দেখবে, তখন ভাব হবে আমাদের, তারপর দেখো কী চমৎকার জমিয়ে তুলবো ওর সঙ্গে।’

তবু, কেমন এক বিষণ্ণতা, কেমন এক অন্তর্ভুক্ত লক্ষণের অস্বাভাবিকতা নিয়ে ইউরি ঘর থেকে বেরোলো।

৪

এর পরের কয়েকদিনে ইউরি বুঝতে পারলে কতো একা সে। দোষ কারুর নয়, সে ভাবলে। যা চেয়েছিলো তা-ই তো সে পেয়েছে।

কেমন অদ্ভুত বিমর্ষ আর বিবর্ণ হ’য়ে গেছে তার বন্ধুবান্ধবেরা। তাদের মধ্যে এমন একজনও নেই নিজের দৃষ্টিভঙ্গি আর নিজের জগৎ যে অপরিবর্তিত রেখেছে। তার স্মৃতিতে আরো অনেক স্পষ্ট ছিলো তারা। অতীতে সে নিশ্চয়ই তাদের গুণাবলী অতিরঞ্জিত ক’রে দেখেছে।

সহজ ছিলো ও-ভাবে দেখা যতোদিন পর্যন্ত লোকে দরিত্রকে শোষণ ক’রে নিজেদের দোষ ত্রুটি আর বাতিককে প্রশ্রয় দিতে পেরেছে। যখন মুষ্টিমেয় কয়েকজন মানুষ উপভোগ করেছে অকর্মণ্যতা আর আলস্যের অধিকার, আর অধিকাংশ মানুষ কষ্ট পেয়েছে, তখন সত্যিকার চরিত্র ও মৌলিকতার এক ভূয়ো আদর্শ সৃষ্টি হ’তে পারতো।

কিন্তু নিয়ন্ত্রণেরা যেই জেগে উঠলো, আর ধনীরা বঞ্চিত হ’লো তাদের সুখ-সুবিধে থেকে, অমনি কী দ্রুত গতিতেই না মিশিয়ে গেলো সেই সব মানুষেরা। কী নিষ্ক্রিয়ভাবে, কী-রকম সানন্দে, স্বাধীন চিন্তার অভ্যাসকে তারা বর্জন করলো—অবশ্য সেই অভ্যাস কখনোই হয়তো সত্যি-সত্যি ছিলো না তাদের।

মাত্র যে-ক’টি লোকের সঙ্গে ইউরি স্বচ্ছন্দ হ’তে পারলো তারা হ’লো

টোনিয়া, টোনিয়ার বাবা, আর তাঁর দু-তিন জন সহকর্মী, যারা সহজ, সাধারণ কাজকর্ম করেন, বাড়াবাড়ি না-ক'রে, বড়ো-বড়ো কথা না-ব'লে বিনীত ও ভদ্র ব্যবহার করেন তাদের সঙ্গে।

ইউরি ফিরে আসার কয়েকদিন পরে, যেমন ঠিক করেছিলো তারা, হাঁস আর ভদকার সেই পার্টি দেওয়া হ'লো। ততোদিনে, পার্টিতে যারা-যারা এলেন তাদের সকলের সঙ্গেই দেখা হ'য়ে গেছে তার, তাই ভোজটা ঠিক পুনর্মিলনের হ'লো না।

এই দুর্ভিক্ষের সময় মস্ত বড়ো হাঁসটি এক অশ্রুতপূর্ব বিলাসিতা, কিন্তু সঙ্গে খাবার জন্ত কোনো রুটি না-থাকায় তার রাজকীয়তা যেন অর্থহীন, এমনকি অপ্রীতিকর ব'লে মনে হ'লো।

কাচের ছিপিওলা ওয়ুধের বোতলে অ্যালকহল এনেছিলো গর্ডন—কালো বাজারে খুব চালু জিনিস সেটি। বোতলটাকে আঁকড়ে রইলো টোনিয়া, অল্প-অল্প অ্যালকহলের সঙ্গে ইচ্ছেমতো কম বেশি জল মেশালো। মিশোলটা হয় খুব জ্বালো, নয় খুব বেশি কড়া হ'য়ে যাচ্ছিলো, আর কোনো অজানা কারণে, সমানে কড়া হ'লে যা হ'তো তার চাইতে ঢের বেশি উত্তেজক ব'লে মনে হ'লো পানীয়টাকে—সেটাও বিরক্তিকর।

কিন্তু সবচেয়ে যেটা খারাপ সেটা হ'লো এই যে বাইরের অবস্থার সঙ্গে তাদের উৎসবের সুরে কোনো মিল ছিলো না। রাস্তার ওপারের কোনো বাড়িতে কেউ এই সময় এ-ধরনের পানাহার করছে তা কল্পনা করাও অসম্ভব। বাইরে, জানলার ওপিঠে প'ড়ে আছে বোবা, অন্ধকার, ক্ষুধার্ত মন্ডো; দোকান-পাট সব বন্ধ, আর তার মধ্যে পাখির মাংস আর ভদকা! —লোকে সে-কথা এমনকি ভাবতেও ভুলে গেছে।

তাই মনে হ'লো অল্প সকলের মতো বেঁচে থাকাই বেঁচে থাকার সত্যিকার উপায়, নিজেকে নিশ্চিহ্ন ক'রে মিশিয়ে দাও অল্প সকলের জীবনে, তোমার যে-স্থখে সবাই অংশ নিতে পারে না সে-স্থখ স্থখ নয়, আর তাই হাঁস আর ভদকা, যদি তা শহরের একমাত্র হাঁস আর ভদকা হয়, তবে তারা এমনকি হাঁস আর ভদকাও থাকে না আর।

অতিথিদের কাছেও কোনো সাক্ষনা মিললো না। বেশ লাগলো গর্ডনকে,

যখন সে ভারি-ভারি বিষয় নিয়ে চিন্তা করতো, আর চিন্তাগুলিকে প্রকাশ করতো বাধো-বাধো বিমর্ষ ভাষায়; তখন সে ছিলো ইউরির প্রাণের বন্ধু, আর স্থলেও সবাই তাকে ভালবাসতো।

কিন্তু এখন গর্ডন তার নিজের সেই মানসচিত্রকে আর পছন্দ করছে না। চেষ্টা করছে সেটাকে সংশোধন করবার, কিন্তু কিছুতেই কৃতকার্য হচ্ছে না। স্মৃতিবাজ হওয়ার জন্ত বন্ধপরিষদ হয়েছে সে, একটার পর একটা তথাকথিত মজার গল্প বলে চললো, আর কেবলই বলতে লাগলো ‘কী মজা!’ ‘কী হাসির ব্যাপার!’ আগে এ-সব ভাষা তার শব্দ-চয়নের অন্তর্ভূত ছিলো না, কেননা গর্ডন কখনো জীবনটাকে একটা আমোদের ব্যাপার বলে দেখেনি।

যতক্ষণ তারা ডুডোরভের জন্ত অপেক্ষা করছিলো, ততক্ষণে গর্ডন ডুডোরভের বিয়ের বিষয়ে চলতি গুজবটা আওড়ালে। ইউরি তখনো সেটা শোনেনি।

জানা গেলো, ডুডোরভ এক বছর বিবাহিত জীবন যাপন করার পর স্ত্রীর কাছ থেকে বিচ্ছিন্ন হয়ে গেছে। গল্পটার হৃদরপর্যাহত রসিকতা হ’লো এই যে ভুলক্রমে ডুডোরভের যখন যুদ্ধক্ষেত্রে ডাক পড়েছিলো তখনই সব-কিছুর শুরু। সে যখন আর্মিতে যোগ দিয়েছে আর এদিকে কর্তারা খোঁজ খবর নিচ্ছেন তার বিষয়ে, তখন অগ্ন্যম্নস্ততার জন্ত, আর উদ্বর্তন কর্মচারীদের সেলাম রুকতে ভুলে যাওয়ার জন্ত অন্তহীন ঝামেলায় পড়তে হয়েছে তাকে।

ছাড়া পাবার পর মাসকয়েক সে সর্বত্র শুধু এপোলেনে দেখতে পেতো আর হাত ঝাঁকাতো, অসম্ভব বিক্ষিপ্ত হয়ে গেলো তার মন, প্রায় স্নায়ুরোগে ধরলো তাকে। শোনা যায়, ঠিক সেইরকম সময় ভল্গা-তীরবর্তী এক স্টেশনে দুটি মেয়ের সঙ্গে তার দেখা হয়, দুই বোন তারা, সে যে-স্টিমারে যাবে তারাও সেটার জন্তই অপেক্ষা করছিলো, চারপাশে ঘূর্ণমান ইউনিফর্ম দেখে-দেখে অগ্ন্যম্নস্ত হ’য়ে পড়েছিলো সে, তার ওপর সৈনিক জীবনের খোঁসারি চলছিলো; তারই ফলে ডুডোরভ হৃজনের মধ্যে ছোটোটির প্রেমে প’ড়ে গেলো এবং অবিলম্বে বিবাহের প্রস্তাব করলো। ‘মজার ব্যাপার, নয় কি?’ গর্ডন বললে, কিন্তু দরজার বাইরে নায়কের গলার আওয়াজ পাওয়া গেলো বলে গল্পের শেষটা ছাঁটতে হ’লো তাকে। ডুডোরভ ভেতরে এলো।

সেও বদলেছে—কিন্তু উণ্টো দিক থেকে। বহুরূপীর মতো অস্থির আর খেয়ালি ছিলো সে; এখন সে রূপান্তরিত হয়েছে একাগ্রচিত্ত পণ্ডিতে।

বালক বয়সে, এক রাজনৈতিক বন্দীর পলায়নে সাহায্য করার অভিযোগে সে যখন স্কুল থেকে বিতাড়িত হ'লো, তখন এক আর্ট-স্কুল থেকে আরেক আর্ট-স্কুলে ঘুরে বেড়িয়েছিলো সে; শেষ পর্যন্ত প্রাচীন সাহিত্য ও সংস্কৃতিই তার বিষয় হ'লো। তার বন্ধুদের পরে, যুদ্ধের মধ্যে ডিগ্রি নিলে সে, তারপর রুশ ইতিহাস ও বিশ্ব ইতিহাসের লেকচারারের পদ পেলো। সে এখন দুটি বই লিখতে ব্যস্ত—একটি 'ভীষণ ইভান'^১-এর ভূষভনীতি বিষয়ে, আর একটি 'সাঁ-জুস্ত'^২ সম্বন্ধে।

সবরকম বিষয় নিয়েই অমায়িকভাবে আলোচনা করলে সে, তার শাস্ত্র, একটু নাকি-গলার আওয়াজে একবারও ওঠানামা হ'লো না, যেন বক্তৃতা করছে এমনভাবে তার চোখের স্বপ্নালু দৃষ্টি কোনো স্থির বিন্দুতে তাকিয়ে রইলো সারাক্ষণ।

সন্ধ্যার শেষের দিকে, পার্টি যখন খুব জমে উঠেছে, সবাই চ্যাচাচ্ছে আর তর্ক করছে, তখন সবগে ঘরে ঢুকলেন শুরা প্লেজিদের; চিরাচরিতভাবে সকলকে খাপাতে শুরু ক'রে গোলমাল ও উত্তেজনার মাত্রা অনেক বাড়িয়ে দিলেন তিনি। ডুভোরভ, যে ইউরির ছেলেবেলার বন্ধু হওয়া সত্ত্বেও কখনো তাকে 'তুমি' ব'লে সম্বোধন করেনি, সে 'আপনি' ব্যবহার ক'রেই ইউরিকে অনেকবার জিজ্ঞেস করলে, 'যুদ্ধ ও শান্তি' ও 'আমার মেরুদণ্ড এক বাঁশি' মায়াকভস্কির^৩ এই কবিতা দুটি সে পড়েছে কিনা।

১। Ivan the Terrible (১৫৩০-৮৫) : মস্কোর গ্রাণ্ড ডিউক, প্রথম জার পদবীধারী বশ সম্রাট। এ'র স্বভাবে ছিলো নিদাক্ষণ নিষ্ঠুরতা ও মনস্তাপময় ধর্মবোধের মিশ্রণ; রুশ ইতিহাসে ইনি 'ভীষণ' নামে প্রখ্যাত। —অনুবাদের টীকা।

২। Saint-Just-Louis de (১৭৬৭-৯৪) : ফরাসী বিপ্লবের অন্ততম নেতা; রব'স্পীয়রের সঙ্গে গিলোটিনে নিহত হন। —অনুবাদের টীকা।

৩। Vladimir Mayakovsky (১৮৯৩-১৯৩০) : বিপ্লবোত্তর রাশিয়ার ইনি ও এসেনিন (Esenin) ছিলেন প্রধান কবি; দু'জনেই আত্মহত্যা করেন। পাস্টেরনাক-এর 'Safe Conduct'-এ মায়াকভস্কির আত্মহত্যার মর্মস্পর্শী বিবরণ আছে। —অনুবাদের টীকা।

এই সব গোলমালে ইউরির জবাব শুনতে না-পেয়ে একটু পরে সে আবার প্রশ্ন করলে : “আমার মেরুদণ্ড এক বাশি” আর “মাহুশ,” এই কবিতা দুটি পড়েছেন ?’

‘আমি তো একবার বললাম, আপনি শোনেন না কিছু। চিরকালই মায়াকভস্কি আমার ভালো লাগে। উনি হলেন ডস্টয়েভস্কির উত্তরাধিকারী। কিংবা মায়াকভস্কি যেন ডস্টয়েভস্কিরই কোনো চরিত্র, যে কবিতা লেখে— তাঁর তরুণ বিদ্রোহীদের মধ্যে কেউ, তাঁর “কাঁচা যুবক” বা ইপলিট বা রাস্কলনিকভ।’^১ কী সর্বগ্রাসী কবিত্বশক্তি। আর কী অমোঘভাবে চিরকালের মতো তাঁর বাণী তিনি ঘোষণা করেন! আর সব-কিছুর ওপরে, কী অসম সাহসে তাঁর কথা তিনি ছুঁড়ে দেন সমাজের মুখের ওপর—সমাজ ছাড়িয়ে, আর-একটু দূরে কোনো মহাশূণ্যে গিয়ে তারা পড়ে।’

কিন্তু সে-সম্ভার সবচেয়ে বড়ো আকর্ষণ অবশ্য কোলিয়া-মামা। টোনিয়া ভুল করেছিলো, উনি শহরের বাইরে ছিলেন না, ভাগ্নের সঙ্গে একই দিনে ফিরে এসেছিলেন। ইতিমধ্যে বেশ কয়েকবার দেখা হয়েছে তাঁর সঙ্গে, প্রাথমিক ‘ওঃ—আঃ’র পাট চুকেছে, তাঁর সঙ্গে সে প্রাণের স্বখে কথা বলেছে, হেসেছে।

প্রথম দেখা হ’লো একঘেয়ে, ধূসর এক রাত্রে; জলের ধুলোর মতো ঝিরিঝিরি বৃষ্টি পড়ছিলো। ইউরি তাঁর হোটেলে দেখা করতে গিয়েছিলো। তখন থেকেই হোটেলওয়ারা পোর-কর্তৃপক্ষের সুপারিশ ভিন্ন কাউকে থাকতে দিচ্ছে না, কিন্তু নিকোলে নিকোলেভিচকে সবাই চেনে, পুরোনো সংযোগ এখনো তাঁর কিছু-কিছু বজায় আছে।

হোটেলটা দেখে মনে হয় এমন এক পাগলা-গারদ, যা রোগীদেরই তত্ত্বাবধানে ছেড়ে দেওয়া হয়েছে—এমন শৃঙ্খল, বিশৃঙ্খল, আর এমনভাবে আকস্মিকের হাতে সমর্পিত।

ঝাঁট না-দেওয়া ঘরের মস্তো বড়ো জানলা দিয়ে দেখা যায় পরিত্যক্ত,

^১ ‘কাঁচা যুবক’ : ‘A Raw Youth’ উপন্যাসের প্রতি উল্লেখ; ইপলিট : ‘The Idiot’-এর এক বন্দারোগাক্রান্ত চরিত্র; রাস্কলনিকভ : ‘Crime and Punishment’-এর নায়ক।
তিনটি চরিত্রই তরুণবয়স্ক ও ত্রোহপ্রবণ।—অনুবাদের দীপিকা।

ভয়াবহ, বিশাল পার্ক তাকিয়ে আছে, হোটেলের সামনের সাধারণ এক পার্ক যেন নয় ওটা, যেন রাত্রে স্বপ্নের ঘোরে তার দেখা মেলে।

এই পুনর্মিলন ইউরির জীবনের এক দারুণ, অবিস্মরণীয় ঘটনা। তার শৈশবের দেবতাকে দেখছিলো সে,—সেই শিক্ষক, যিনি বালক-ইউরির মনের ওপর প্রভুত্ব করেছেন।

পাকা চুলে মানিয়েছে কোলিয়া-মামাকে, তাঁর টিলেটোলা বিদেশী পোষাক চমৎকার গায়ে বসেছে; বয়সের পক্ষে তিনি খুবই তরুণ এবং সুপুরুষ আছেন।

কিন্তু ঘটনাচক্রের বিশালত্ব যে তাঁর ওপর ছায়া ফেলেছে তা অস্বীকার করার উপায় নেই; তার পাশে তাঁকে অনেক ছোটো ব'লে মনে হয় কিন্তু একবারের জ্ঞাও এইভাবে তাঁকে মাপবার কথা ইউরির মনে হয়নি।

রাজনীতির কথা বলার সময় কোলিয়া-মামার শাস্ত, হালকা, নিরপেক্ষ ভঙ্গিতে ইউরি বিস্মিত হ'লো। এই সময়ে যে-কোনো রুশের চাইতে তিনি বেশি আত্মস্থ আছেন। বোঝা গেলো নতুন আগন্তুক তিনি, সেটা কেমন যেন পুরাকালীন, আর একটু অস্বস্তিকরও।

কিন্তু তাদের পুনর্মিলনের প্রথম কয়েক ঘণ্টার উত্তেজনার মুহূর্তে ও-সব ব্যাপার নিয়ে মাথা ঘামানোর অবকাশ ছিলো না। রাজনীতি থেকে খুবই ভিন্ন ধরনের কোনো-এক বস্তুর টানে তারা হাসলো আর কাঁদলো, পরস্পরের গলা জড়িয়ে ধরলো, দম বন্ধ ক'রে কথা ব'লে চললো, উত্তেজনায় নিশ্বাস আটকে এলো তাদের।

তারা যে পরস্পরের এতো কাছাকাছি আসতে পেরেছে তার প্রধান কারণ তাদের দু'জনেরই মন সৃষ্টিশীল শিল্পীর। যদিও তারা আত্মীয়, যদিও আবার অতীত জেগে উঠলো তাদের মাঝখানে, স্মৃতির ভেসে এলো, পরস্পরের জীবনের নতুন ঘটনা আর পরিবেশের কথা বললো তারা, তবু যে-মুহূর্তে সবচেয়ে মূল্যবান বিষয়ের অবতারণা হ'লো, সেই বিষয়, যা শুধু তারাই জানে যাদের সৃষ্টির ক্ষমতা আছে, সে-মুহূর্তে মিলিয়ে গেলো সব পার্থক্য, আর সংযোগ—আর তারা মামা-ভাগ্নে নয়, বয়স্ক ও তরুণ দুই মানুষ নয়—তাদের মধ্যে এখন দুই শক্তির, দুই আদিম মূলনীতির আত্মীয়তা।

দশ বছরের মধ্যে নিকোলে নিকোলেভিচ লেখার সমস্তা এবং লেখকের

কর্তব্যের অর্থ নিয়ে এতো যুক্তিযুক্তভাবে কথা বলেননি, এমন আর কারো সঙ্গে কথা বলেননি যার সঙ্গে তাঁর ধ্যানধারণার এতো বেশি সাদৃশ্য। আর ইউরিও এমন উপলব্ধি, এমন উদ্দীপনা আর উৎসাহের সম্মিলনে আসেনি।

পরস্পরের স্বতঃস্ফূর্ত অল্পভূতিকে তাদের উচিত ব'লে মনে হ'লো আর তাতেই তারা জানলো পরস্পরকে কত গভীরভাবে বোঝে তারা—এবং এ-কথা জেনে এতো বিচলিত ও উৎফুল্ল বোধ করলো যে তারা ট্যাচামেচি ক'রে ছুটোছুটি করলো ঘরের এ-মাথা থেকে ও-মাথা পর্যন্ত, চুল টানলো মাথার, গভীর নিঃশব্দতায় জানলার ধারে দাঁড়িয়ে-দাঁড়িয়ে টোকা মারলো কাচের ওপর।

এই হ'লো তাদের প্রথম দেখা; কিন্তু তারপর থেকে অগ্ন্যাগ্ন লোকজনের মাঝখানে দেখা হয়েছে তাদের, আর অগ্নদের মাঝখানে কোলিয়া-মামাকে চেনা যায় না।

তিনি যে মস্কোতে অতিথি সে-বিষয়ে পুরোমাত্রায় সচেতন ছিলেন তিনি, এবং সেটা বেশ উপভোগও করছিলেন, যদিও তাঁর দেশ ব'লে তিনি পিটার্স-বার্গকেই মানেন, না কি অগ্ন কোনো শহরকে, তা ঠিক বোঝা গেলো না। ড্রয়িংরুম-রাজনৈতিক হিসেবে সম্মানিত হ'তে তার বেশ ভালোই লাগছিলো, হয়তো ভাবছিলেন ফরাসী বিপ্লবের পরবর্তী প্যারিসে মাদাম রল'র সাল'র মতো রাজনৈতিক আড্ডা এখন মস্কোতেও থাকা উচিত।

মস্কোর পেছনের অংশের শাস্ত রাস্তার ওপরে তাঁর বান্ধবীদের অতিথি-বৎসল বাড়িতে গিয়ে তাদের এবং তাদের স্বামীদের তিনি খ্যাপাতেন তাদের সীমাবদ্ধ, প্রাদেশিক ও অপরিণত দৃষ্টিভঙ্গির জন্ত। খবর-কাগজগুলির সঙ্গে তাঁর ঘনিষ্ঠ পরিচয় আছে ব'লে এখন তিনি তেমনি গর্বিত, যেমন এককালে তাঁর গর্ব ছিলো গ্রীক পুরাণ ও বাইবেল বিষয়ে জ্ঞান আছে ব'লে।

শোনা গেলো, স্নইংজারলাণ্ডে তিনি ফেলে এসেছেন এক নিষ্পত্তিহীন প্রণয়লীলা, অনেক অসমাপ্ত কাজ, আর একটি অসমাপ্ত পুস্তক, এখানে এসেছেন একবার এই স্মৃণাবর্তে ডুব দেবার জন্ত—যদি নিরাপদে নিষ্কষেগে বেরিয়ে যেতে পারেন তাহ'লে তাঁর ইচ্ছে হ'লো সোজা পথে তাঁর প্রিয় আল্লসের দিকে পাড়ি জমানো।

মতামত বলশেভিক-ঘেঁষা, প্রায়ই ছুঁজুন বামপন্থী সমাজবিপ্লবীর নাম করেন, ষাঁদের মতামত তাঁরই মতো, মিরশকা পমর আর সিলভিয়া কোটেরি, এই ছদ্মনামে ষারা নানা পত্রিকায় লিখে থাকেন।

‘আপনি যা হয়েছেন আজকাল—সত্যিই ভয়ানক, নিকোলে নিকোলে-ভিচ!’ ইউরির খণ্ডর অসন্তোষ প্রকাশ করলেন, ‘ঐ আপনার মিরোশকার দল; একেবারে মলকুণ্ড যাকে বলে। আর আছে ঐ লিভিয়া পকরি।’

‘কোটেরি’, নিকোলে নিকোলেভিচ শুধরে দিলেন, ‘আর সিলভিয়া।’

‘পকরি হোক আর পপূরি হোক, ও এবই ব্যাপার। গোলাপকে যে-নামে ডাকো সে গোলাপই থাকবে।’

‘তবু, নামটা হ’লো কোটেরি,’ নিকোলে নিকোলেভিচ ধৈর্যসহকারে ব’লে দিলেন। এই ধরনের কথপোকথন চলতো তাঁদের মধ্যে :

‘আমাদের তর্কটা কী নিয়ে? এ তো স্পষ্টই বোঝা যাচ্ছে যে এ-কথা প্রমাণ করতে হচ্ছে ব’লে লজ্জায় লাল হ’য়ে যাচ্ছেন আপনি। সব ব্যাপারের এটাই হ’লো প্রথম কথা।— যুগ-যুগ ধ’রে লোকে অসম্ভব এক জীবনযাপন করেছে। যে-কোনো ইতিহাসের বই দেখুন। নাম যা-ই হোক—সামন্তপ্রথা, ক্রীতদাস-প্রথা, ধনতন্ত্র, বাণিজ্য—সব কিছুই অবস্থা ছিলো অস্বাভাবিক ও অস্থায়। বহুদিন ধ’রেই এ-কথা জেনেছে সকলে, পৃথিবী নিজেই প্রস্তুত করেছে সেই আলোড়নের জগ্ন যা মানুষের জীবনে আলো আনবে, প্রত্যেকটি বস্তুকে বসাবে তার উচিত জায়গায়।

‘আপনি তো খুব ভালো ক’রেই জানেন যে পুরোনো গড়ন আঁকড়ে থেকে আর কোনো লাভ নেই, মূল ভিত্তি হুঁক উপড়ে ফেলতে হবে।— তার ফলে পুরো মহলটাই হয়তো ভেঙে পড়তে পারে।— কিন্তু তাতে কী? সেটা ভয়াবহ ব’লেই যে সেটা ঘটবে না তা তো হ’তে পারে না। এ হ’লো সময়ের প্রশ্ন। অস্বীকার করবেন কী ক’রে?’

‘সেটা কথা নয়, এ-বিষয়ে আমি কিছু বলছিলাম না।’ আলেকজান্ডার আলেকজান্ড্রোভিচ মেজাজ ঠিক রাখতে পারেন না, উত্তেজিত তর্ক শুরু হ’য়ে যায় এর পর।

‘আপনার পপূরি আর মিরশকার মতো লোকেদের বিবেক ব’লে কিছু

নেই। তারা বলে এক কথা, করে আরেক কাজ। যা-ই হোক, আপনার যুক্তিটা কোথায়? এর মধ্যে তো কার্খ-কারণ সম্বন্ধ কিছু নেই। না, এক যিনিট দাঁড়ান, আমি একটা জিনিস দেখাবো আপনাকে,' বলে তিনি একটা খবরে-কাগজ খুঁজতে শুরু করেন, তাতে নাকি একটা লেখা বেরিয়েছিলো, যার বক্তব্যগুলি পরস্পরবিরোধী—লেখার টেবিলের দেওয়ালে বাড়ি মেয়ে, কলরব স্থিতি ক'রে, নিজের বাগ্মিতাকে চেতিয়ে তোলেন তিনি।

আলেকজাণ্ডার আলেকজাণ্ড্রোভিচ চাইতেন যে তাঁর কথা বলার সময় কিছু-একটা বাধা পড়ুক, তাহ'লে তাঁর আমতা-আমতা ক'রে কথা বলবার একটা কৈফিয়ৎ হয়। এই কথা বলার বাতিক তাঁকে তখনই পেয়ে বসে যখন তিনি হারানো কিছু খুঁজছেন—হয়তো অল্প-আলোর ক্লোকক্ৰমে তাঁর আরেক পাটি বরফের জুতো—কি হাতের ওপর তোয়ালে ফেলে বাথরুমের দরজার সামনে দাঁড়িয়ে আছেন, কি খেতে ব'সে একটা ভারি ডিশ অঙ্কদের দিকে এগিয়ে দিচ্ছেন, কি মদ ঢেলে দিচ্ছেন বন্ধুদের গ্লাসে।

তাঁর কথা শুনতে ভালোবাসে ইউরি। গ্রোমেকোরদের এই পরিচিত, পুরোনো মন্ডোর টানা স্বর আর নরম, ঘর্ষের র-এর উচ্চারণ ভালো লাগে তার।

আলেকজাণ্ডার আলেকজাণ্ড্রোভিচের প্রজ্ঞাপতি-টাই যে-ভাবে তাঁর গলার বাইরে ঝুলে থাকে, তাঁর নিচের ঠোঁটের ওপর, ছাঁটা গোঁফ নিয়ে ওপরের ঠোঁটটিও বেরিয়ে থাকে ঠিক সেইভাবে। এই ছুটি বস্তুতে যেন কী এক মিল আছে, আর সেজন্তাই কেন জানি তাঁর চেহারায় এক হৃদয়স্পর্শী, শিশুহৃদয়, বিশ্বাসপরায়ণ সারল্য আছে।

উৎসবের রাতে স্তরা স্ত্রিজিদের খুব দেরি ক'রে এসেছিলেন; এক সভা থেকে সোজা এসেছেন, পরনে স্যুট এবং পুরুষের টুপি। লম্বা-লম্বা পা ফেলে ঘরে ঢুকলেন তিনি, এবং আসামাত্র অভিযোগ ও দোষারোপ করতে শুরু করলেন।

'কেমন আছো তুমি, টোনিয়া? কেমন আছো, আলেকজাণ্ডার? না বলে পারছি না এই ব্যাপারটা বড়ো বিস্ত্রী। সারা মন্ডো জানে যে সে কিরেছে, সবাই কথা বলছে এ নিয়ে, আর তুমি কিনা আমাকে জানাওনি এতোদিন! জ্বিতাগো—১৬

বেশ, বেশ, আমি যথেষ্ট যোগ্য নই বোধহয়। যা-ই হোক, কোথায় সে, আমাদের ইউরা কোথায়? তার কাছে যেতে দাও আমাকে।—এই যে, আছো কেমন? আমি পড়েছি, চমৎকার, এক বর্ণও বুঝতে পারিনি, কিন্তু সমস্তটায় প্রতিভার স্বাক্ষর অত্যন্ত স্পষ্ট।—কেমন আছেন, নিকোলে নিকোলেভিচ?—একুনি আসছি তোমার কাছে, বাবা ইউরা, তোমার সঙ্গে আমার কথা বলা দরকার।—কী খবর, বাচ্চারা? আরে গোগোচকা, প্যাকপ্যাক-হাঁস—তুমিও এখানে? (কথাটা বলা হ'লো গ্রোমেকোদের এক দূর আত্মীয়কে, যে প্রত্যেক নতুন খ্যাতিমানের প্রতি ভক্তিতে বিহ্বল, যে বোকার মতো হাসে ব'লে প্যাকপ্যাক-হাঁস নাম পেয়েছে, আবার দেহের উচ্চতা ও ক্রুশতার জন্য যাকে ক্ষিতে-কুমি ব'লেও ডাকে কেউ-কেউ)। 'খুব খাওয়া-দাওয়া হচ্ছে—না? এইবার ধরবো তোমাকে। বুঝলে, তোমরা কী হারাচ্ছেো তা তোমরা জানো না। তোমরা কিছু জানো না, কিছু রাখোনি। শুধু যদি জানতে কী ঘটে যাচ্ছে, কী হচ্ছে এই পৃথিবীতে! যাও, একটা সত্যিকার জনসভা দেখে এসো, বইয়ের নয় বাস্তবের শ্রমিক, আর সৈন্যদের সভা। "জয়ী না-হওয়া পর্যন্ত মহানভাবে আমরা যুদ্ধ করবো," এ-কথা তাদের কাছে একবার ব'লেই রাখো না! তোমারই মহান সমাপ্তি ঘটিয়ে দেবে ওরা! এইমাত্র এক নাবিকের বক্তৃতা শুনছিলাম—ইউরা, তুমি বাছা একেবারে পাগল হ'য়ে যেতে। কী আবেগ! কী একাগ্রতা!'

শুধু সমানে বাধা পাচ্ছিলেন। সবাই চ্যাঁচাচ্ছে। ইউরির কাছে চ'লে গেলেন তিনি, তার হাত জড়িয়ে ধ'রে, মুখের খুব কাছে মুখ এনে চোঙের মধ্য দিয়ে কথা বলার মতো কানে-তালা-ধরানো স্বরে বললেন, 'আমার সঙ্গে চ'লে এসো, ইউরা লক্ষ্মীটি, আমি তোমাকে দেখাবো প্রকৃত জনগণকে। আদ্বিউসের মতো তুমিও ধরিজীকে অমুভব করবে, এ যে তোমাকে করতেই হবে। ও-ভাবে তাকিয়ে আছো কেন আমার দিকে? আমি হচ্ছি বুড়ো যুদ্ধের ঘোড়া—জানতে না তুমি? বেস্ট্‌জ্‌জ্‌ভ-এর^১ পুরোনো ছাত্রী আমি। জেলে গিয়েছি, ব্যারিকেডে দাঙ্গা করেছি।—কী, ভাবছো কী? কিন্তু সত্যি, জনসাধারণকে আমরা একেবারেই চিনি না। আমি এইমাত্র সেখান থেকেই

১। বেস্ট্‌জ্‌জ্‌ভ মহিলা বিশ্ববিদ্যালয়ের অধিকাংশ ছাত্রী ছিলেন বাসগঙ্গী।

আসছি, ঠিক কথাই ভেবেছি আমি। ওদের জুড়ি একটা লাইব্রেরি ক'রে দিচ্ছি।’

পান করছিলেন তিনি এবং স্পষ্টতই একটু নেশা হচ্ছিলো তাঁর। কিন্তু এদিকে ইউরির মাথাও ঘুরতে শুরু করেছে। সে এতোকণ লক্ষ্যই করেনি কী ক'রে সে ও গুরা প্লেজিদের, দু'জনে ঘরের দুই প্রান্তে চ'লে এলো; টেবিলের মাথায় দাঁড়িয়ে আছে সে, আর আপাতদৃষ্টিতে নিজের কাছে সম্পূর্ণ আশাভীতভাবে সে বক্তৃতা শুরু ক'রে দিয়েছে। সকলকে চুপ করাতে বেশ সময় লাগলো তাঁর।

‘ভদ্রমহিলা ও ভদ্রমহোদয়গণ, আমার ইচ্ছে...মিশা! গোগোচকা! টোনিয়া, কী করি বলো তো, এরা তো শুনবে না। ভদ্রমহিলা ও ভদ্রমহোদয়গণ, দু'একটা কথা আমাকে বলতে দিন আপনারা। অশ্রুতপূর্ব, অবিদ্যমান এক ঘটনার মুখোমুখি দাঁড়িয়ে আছি আমরা। তার তলায় অবলুপ্ত হবার আগে শুনুন আমি কী চাই। সেই ঘটনা যখন ঘটবে, ভগবান করুন তখন যেন পরস্পরকে না হারাই আমরা, আত্মাকে না হারাই। গোগোচকা, হাততালিটা বরং পরেই দিয়ো, আমি এখনো শেষ করিনি। ওখান থেকে চ'লে এলো, এসে মন দিয়ে শোনো।

‘যুদ্ধের এই তিন বছরে লোকের মনে এই প্রতীতি জন্মেছে যে আজ হোক বা কাল হোক যারা যুদ্ধের সঙ্গে প্রত্যক্ষভাবে যুক্ত এবং যারা তা নন— তাদের মধ্যে সব বিভেদ লুপ্ত হবে। উত্তাল হ'য়ে উঠবে রক্তের সমুদ্র, যুদ্ধের বাইরে যারা ছিলো তাদেরও রক্তে না-ডুবিয়ে ছাড়বে না। এই বন্যাই হ'লো বিপ্লব।

‘সেটা যখন ঘটবে তখন যুদ্ধে গিয়ে আমাদের যেমন মনে হয়েছিলো তেমনই আপনাদেরও মনে হবে, জীবন ধেমে গেছে, ব্যক্তিগত ব'লে আর কিছু নেই, হত্যা আর মৃত্যু ছাড়া এ-জগতে আর কিছুই ঘটছে না। এই সময় নিয়ে যখন ইতিহাস আর স্মৃতিকথা লেখা হবে তখন যদি বেঁচে থাকি আমরা, তাহ'লে সেই স্মৃতিকথা প'ড়ে জানতে পারবো এক শতাব্দী ধ'রে মানুষ যে-অভিজ্ঞতা লাভ করে সেই অভিজ্ঞতা আমরা লাভ করেছি এই পাঁচ-দশ বছরে। জানি না, জনগণ নিজে থেকে জোয়ারের মতো জেগে উঠে

স্বতঃস্ফূর্তভাবে এগিয়ে চলবে, না কি সব-কিছু শুধু ক'রে দেয়া হবে তাদের নামে। এমন বিপুল এই ঘটনা যে তার কোনো পরিচয়পত্র চাওয়া যায় না, নিজের অস্তিত্বের কোনো নাটকীয় প্রমাণ দেবার দরকার নেই এর, এমনিই একে মেনে নেবো আমরা। দানবীয় ঘটনার কারণ খুঁজতে যাওয়াটা হীনতা ও ক্ষুদ্রতা। আর সত্যি-সত্যি, কারণ বলতে তো কিছু নেই। শুধুমাত্র পারিবারিক ঝগড়ারই শুরু থাকে—পরস্পরের চুল ছিঁড়ে, বাসন ভেঙে, তারপর লোকেরা ভাবতে চেষ্টা করে শুরুটা কে করেছিলো। প্রকৃতই যা মহৎ, এই বিশ্বত্রাণাণ্ডের মতো তারও কোনো আরম্ভ নেই। তার আবির্ভাব অকস্মাৎ হয়, যেন চিরকালই সে আছে, কিংবা যেন আকাশ থেকে পড়লো।

‘আমার আরো মনে হয় যে রাশিয়ার ভাগ্যালিপি হ’লো পৃথিবীর ইতিহাসে প্রথম সোশ্যালিস্ট দেশ হওয়া। সেটা যখন হবে, দীর্ঘকাল স্তম্ভিত হ’য়ে থাকবো আমরা, সংবিৎ ফেরার পরও অর্ধচেতন হ’য়ে থাকবো, অর্ধেক স্মৃতি বিনষ্ট হ’য়ে যাবে। ভুলে যাবো ঘটনার পারস্পর্য, যা ব্যাখ্যাভীত তার কারণ খুঁজতে যাবো না। নতুন ব্যবস্থাগুলি আমাদের চারপাশে ঘিরে থাকবে, দিগন্ত-পারের বন আর মাথার ওপরে মেঘের মতোই পরিচিত হবে তারা। তা ছাড়া আর কিছুই থাকবে না।’

আরো কিছু বললে সে, ততোক্ষণে সে সম্পূর্ণভাবে শান্ত হ’য়ে এসেছে, তবু ব’সে পড়ার পরও তাকে কে কী বলছে তা ঠিকমতো শুনতে পাচ্ছিলো না, যা ইচ্ছে তাই জবাব দিচ্ছিলো। জানতো সকলেই প্রীতি জানাচ্ছে তাকে, কিন্তু যন্ত্রণাময় অস্বস্তির বোঝা চেপে বসেছিলো তার ওপর। বললে :

‘ধন্যবাদ, ধন্যবাদ। আপনাদের এই অল্পভূতিকে আমি শ্রদ্ধা করি। কিন্তু আমি তার ষোণ্য নই। অমন না-ভেবেচিন্তে ভালোবাসবেন না। আমার মনে হচ্ছে আপনারা অনেক, অনেক প্রীতি মঞ্চয় ক’রে চলেছেন, পাছে স্তবিস্রুতে এর চেয়েও আরো বেশি ভালোবাসতে হয়।’

এটাকে একটা সচেতন পরিহাস মনে ক’রে সবাই খুব হাসলো আর হাততালি দিলো, আর ইউরি, ভালোর জন্ত তার তৃষ্ণা, আর তার স্থখী হবার ক্ষমতা যতোই বড়ো হোক না কেন, জুর্ভাগ্যের পূর্বসূচনার আশঙ্কা,

আর ভবিষ্যতের ওপর কোনো হাত না থাকার জন্য অসহায়তাবোধ তার এতো তীব্র হ'য়ে উঠেছিলো যে কী বলছে সে-সবকে কোনো ধারণা ছিলো না তার।

অতিথিরা বিদায় নিচ্ছিলেন। মলিন, ক্লান্ত মুখ তাঁদের। কেউ মুখ খুলে আর কেউ বা মুখ বুজে, তাঁরা যখন হাই তুলছিলেন তখন তাঁদের ঘোড়ার মতো দেখাচ্ছিলো।

বিদায় নিতে-নিতে পর্দা সরিয়ে জানলাগুলি খুলে দিলেন তাঁরা। নোংরা, মেটে-সবুজ মেঘে-ভরা ভেজা আকাশে হলুদ ভোরের আলো ফুটে আছে। 'মনে হচ্ছে আমরা যতোকণ কথা বলেছি ততোকণে ঝড় হ'য়ে গেছে,' একজন বললেন।—'পথে বৃষ্টি পেয়েছিলাম আমি, কোনোমতে এসে পৌঁচেছি,' সমর্থন করলেন স্ত্রী।

পরিত্যক্ত পথ তখনো অন্ধকার, পালা ক'রে শোনা যাচ্ছে গাছ থেকে ক'রে পড়া জলের ফোঁটার শব্দ আর বৃষ্টিতে ভেজা চড়ুইয়ের ক্রমাগত ডাক।

সারা আকাশটাকে চিরে যেন লাঙল চালিয়ে দেয়া হ'লো, এমনি ভাবে মেঘ ডেকে উঠলো। তারপর নিস্তরতা। তারপর দেরি ক'রে-ক'রে চারবার সজোর গর্জন, যেন হেমন্তের নতুন-খোঁড়া খেত থেকে পচা আলু ছুঁড়ে দিচ্ছে কেউ।

ধূলিমলিন, ধোঁয়ায় আচ্ছন্ন ঘরের এক অংশ ফাঁকা ক'রে দিলো এই গর্জন। হঠাৎ, বৈদ্যুতিক শক্তির মতো, পরিস্ফুট হ'য়ে উঠলো জীবনের উপদানগুলি : হাওয়া আর জল, আনন্দের প্রয়োজন, মাটি, আকাশ।

অতিথিরা সারা বিদায় নিচ্ছেলেন তাঁদের গলার আওয়াজে ভ'রে উঠলো গলিটা। বাড়ির ভেতরে থাকতেই কী একটা তর্ক বেধেছিলো তাঁদের মধ্যে, রাস্তাতেও ঠিক সেই একভাবেই এখনো তর্ক চালিয়ে যাচ্ছেন তাঁরা। ক্রমে দূর থেকে নরম হ'য়ে ভেসে আসতে লাগলো তাঁদের গলা, তারপর এক সময় মিলিয়ে গেলো।

'কী দেরি হ'য়ে গেলো,' ইউরি বললে। 'চলো স্ত্রী বাই। এ-জগতে তোমাকে আর বাবাকে ছাড়া আর কাউকে ভালোবাসি না।'

অগস্ট চ'লে গেছে, সেপ্টেম্বরও শেষ হ'য়ে এলো। শীত এলো ব'লে ; আর মাহুকের জগতেও বাতাস ভারি হ'য়ে আছে এমন-কিছুতে, যা প্রকৃতির এই মৃত্যুর মতোই কঠিন। সকলের মুখে শুধু তারই কথা।

জোঁগাড় করতে হবে খাবার, আর জালানি কাঠ, কিন্তু জড়বাদের সেই বিজয়ের দিনে জড় এক নির্বাক ধারণায় পরিণত হ'য়ে গেছে ; কেউ আর 'খাবার' বা 'জালানি' বলে না—বলে 'পুষ্টি' বলে 'ইন্ধন-সংগ্রহ'।

ঘে-অজানা, পরিচিত সমস্ত বস্তু ভাসিয়ে নিয়ে চলার পথে সকল জায়গা জনশূন্য ক'রে ফেলেছে, তা যদিও শহরেরই সন্ধান ও সৃষ্টি, তবু তার সামনে শহরবাসীরা আজ শিশুর মতো অসহায়।

খোঁড়াতে-খোঁড়াতে, ঘটাতে-ঘটাতে মাহুকের দৈনন্দিন জীবন যুদ্ধ করতে-করতে এগিয়ে চলেছে অজানা গন্তব্যের দিকে, কিন্তু তৎসত্ত্বেও এখনো কথা বলে লোকেরা, নিজেদের ঠকায়। কিন্তু ইউরি বুঝতে পেরেছিলো, জেনেছিলো, সব শেষ হ'তে চলেছে, সে আর তার মতো লোকেদের ধ্বংসের আজ্ঞা ঘোষিত হ'য়ে গেছে। সামনে কঠোর পরীক্ষা, হয়তো মৃত্যু। তাদের সময় শেষ হ'য়ে এসেছে, দিনগুলি তার চোখের ওপর দিয়ে ছুটে চ'লে যাচ্ছে।

দৈনন্দিন জীবনের খুঁটিনাটি, তার কাজ, তার চিন্তা, এরাই বাঁচিয়ে রেখেছে তার বিচারবুদ্ধিকে। তার স্ত্রী, তার সন্তান, উপার্জনের প্রয়োজন, তার অভ্যাসের বিনম্র নিত্যনৈমিত্তিকতা—এতেই তার মুক্তি নিহিত।

সে উপলব্ধি করলে ভবিষ্যতের দানবীয় যন্ত্রের কাছে সে এক বামন মাত্র। সেই ভবিষ্যৎকে সে ভয়ও পায়, ভালোও বাসে, গোপনে সেই ভবিষ্যতের জন্ত সে গর্বিত, আর, যেন শেষবারের মতো, বিদায় জানাতে গিয়ে সে আগ্রহভরে লক্ষ্য করে গাছ আর মেঘ আর রাস্তার মাহুগুলিকে,—ছূর্তাগোর সঙ্গে সংগ্রামে নিযুক্ত এই রুশীয় মহানগরকে। যাতে অবস্থার উন্নতি হয় সেজন্ত সে আত্মাহুতি দিতে প্রস্তুত, কিন্তু কিছু করার ক্ষমতা তার নেই।

আর্বার্টে, রুশ চিকিৎসক-সমাজের দাওয়াইখানার কাছে, যখন সে ওস্ত

কোচইয়ার্ড স্ট্রীট পার হয়, ঠিক তখনই ঐ আকাশ আর রাস্তার লোকেরা তাকে তীব্রভাবে আকর্ষণ করে।

হাসপাতালের কাজে আবার যোগ দিয়েছে সে। হাসপাতালটার নাম এখনো হোলি ক্রস-ই আছে, যদিও ওই নামধারী গোষ্ঠীটার আর চিহ্ন নেই—এ পর্যন্ত এর চাইতে উপযোগী কোনো নামের কথা কেউ ভেবে উঠতে পারেনি।

কর্মীরা ইতিমধ্যেই বিভিন্ন দলে বিভক্ত হয়ে গেছেন। মধ্যপন্থীরা আছেন; তাঁদের স্থলস্থ ইউরির বিরক্তি উদ্রেক করে, আর তাঁরা ইউরিকে বিপজ্জনক বলে মনে করেন। আর আছেন তাঁরা, ধারা রাজনীতিতে অনেকদূর এগিয়েছেন, তাকে যথেষ্ট লাল বলে মনে করেন না তাঁরা; ইউরি অতএব কাউকেই খুশি করতে পারে না।

সাধারণ কাজের ওপরে, পরিচালক তার ঘাড়ে স্ট্যাটিস্টিক্স-এর ভার চাপিয়েছেন। অস্বহীন প্রাণমালা তার হাতে আসে, অসংখ্য ফর্ম লিখে ফেলতে হয়। মৃত্যুর হার, অস্বস্থতার হার, কর্মীদের উপার্জন, তাদের রাজনৈতিক চিন্তার মান, নির্বাচনে তাদের অংশ, জালানির, খাওয়ার, ওষুধের চিরন্তন অভাব, সব-কিছুর নিখুঁত হিসেব জানাতে হবে।

স্টাফরুমে জানলার ধারে তার পুরোনো টেবিলে বসে কাজ করে ইউরি; সব রকম আকারের আর আকৃতির ফর্ম আর চার্টে তার টেবিল স্তূপীকৃত হয়ে থাকে। একপাশে সেগুলো সরিয়ে রেখেছে সে; মাঝে-মাঝে কয়েক মুহূর্তের জগত সে ছুটি নেয়, ডাক্তারি নোট নেবার জগতই শুধু নয়, 'বামন ও মানব' নাম দিয়ে সে সময়কার বিরতিময় যে-বইটি সে রচনা করছে তার জগতও। বইটিতে গল্প রচনা, কবিতা ও আরো নানা রকম লেখা থাকবে, সব লেখাতেই তার এই অস্বভূতি ধরা পড়বে যে অর্ধেক পৃথিবী আজ নিজেকে ভুলে গিয়ে ঈশ্বর জানেন কোন ভূমিকায় অভিনয় করছে।

তার ঘরটি উজ্জ্বল; তার শাদা চুনকাম-করা দেয়ালের ওপর ক্রীম রঙের রোদদূর মনে করিয়ে দেয় 'স্বর্গারোহণ'-পরবের পরবর্তী হেমন্তের সোনালি দিনগুলিকে, যখন ভোরবেলা শিশির পড়া শুরু হয়, আর পাংলা-হায়ে-আসা বনের উজ্জল পাতার ফাঁকে-ফাঁকে লাকায় তিতির আর হরবোলা। অমন

দিনে চরম দূরত্বে উঠে যায় আকাশ, আকাশ আর মাটির মাঝখানকার স্বচ্ছ বাতাসের মধ্যে উত্তরের তুহিন ঘন-নীল দীপ্তি লুকিয়ে-লুকিয়ে ঢুকে পড়ে। এই পৃথিবীর সব-কিছু আরো স্পষ্ট দেখা যায়, আরো স্পষ্ট শোনা যায়। যে-কোনো শব্দ জন্মে যায় বরফের মতো, ধ্বনি তুলে-তুলে বিপুল স্রুদূরে মিলিয়ে যায়। যেন আগামী অনেকগুলি বছর ভ'রে জীবনের বিস্তারকে প্রকাশ করবে, এমনভাবে প্রকৃতি নিজেকে মেলে ধরে। অসহনীয় হ'তো এই স্বচ্ছতা, যদি-না তা এতো ক্ষণস্থায়ী হ'তো, যদি না আসতো স্বরাধিত সঙ্ক্যার ঠিক আগে হেমস্তের হ্রস্ব দিনের অবসানকালে।

সেই আলো এসে পড়েছে এখন স্টাককমে, প্রথম হেমস্তের সূর্যাস্তের আলো, কোনো পাকা ফলের মতো সরস, স্বচ্ছ ও সজল।

ইউরি টেবিলে ব'সে লিখছিলো, চিন্তা করার জন্তু আর কালিতে কলম ডোবাবার জন্তু খামছিলো মাঝে-মাঝে, এদিকে নিঃশব্দ পাখিরা স্টাক-কমের উঁচু জানলার পাশ দিয়ে উড়ে চ'লে যাচ্ছে—তাদের ছায়া পড়ছে কাগজের ওপর দিয়ে চলমান ইউরির হাতের ওপরে, পড়ছে ঘরের দেয়ালে, আর কর্মে-বোঝাই টেবিলটার ওপর—আর অমনি ক'রে নিঃশব্দে মিলিয়ে যাচ্ছে।

কেমিস্ট্রির ডেমন্সট্রেশনের ঘরে এলেন। মোটা মাহুষ, কিন্তু ওজনে এত কমে গেছেন যে ভাঁজে-ভাঁজে ঢিলে চামড়া বুলে আছে তাঁর। 'মেপ'ল-পাতা সবই প্রায় ঝ'রে গেলো,' শুভ্রলোক বললেন। 'ঝড়-জল কীভাবে সহ্য করে অথচ এক সকালের হিমে সব শেষ।'।

ইউরি চোখ তুলে তাকালো। যে-রহস্তময় পাখিরা জানলা দিয়ে উড়ে যাচ্ছিলো তারা আসলে মেপ'ল-পাতা। গাছ থেকে উড়ে এসে উঁচু দিয়েই উড়ে যাচ্ছে তারা, তারপর বীকা কমলারঙের তারার চেহারায় নিয়ে ঝ'রে পড়ছে দূরে ঘাসের ওপর।

'জানলায় গুড়িং লাগানো হয়েছে?'

'এখনো হয়নি।' ইউরি লিখে চললো।

'লাগাবার সময় হয়েছে বোধ হয়?'

লেখায় ডুবে ছিলো ইউরি, কোনো জবাব দিলো না।

'ঈশ, টারাসিউক চ'লে গেলো,' রাসায়নিকটি ব'লে চললেন। 'সোনার

টুকরো ছেলে, এই টারাসিউক। জুতো সেলাই থেকে চণ্ডীপাঠ—সব করতে পারে। যা কিছু চাও সব জোগাড় ক’রে আনবে সে। আর এখন জানলার কাচগুলো আমাদের নিজেদের ঠিক ক’রে নিতে হবে।

‘পুডিং নেই।’

‘তা বানিয়ে নেওয়া যায়। আমি বলে দেবো কী-কী মাল-মশলা লাগবে।’ রেড়ির তেলে আর খড়ি মিশিয়ে কী ক’রে কাচ আটকাবার পুডিং করতে হয়, তার ব্যাখ্যা করতে লাগলেন তিনি। ‘আচ্ছা, আসি এবার। আপনি এখন কাজ করছেন মনে হচ্ছে।’

অন্ত জানলার কাছে গিয়ে তাঁর বোতলের আর নমুনার সারির ওপর ঝুঁকে পড়লেন তিনি। ‘চোখের মাথাটি থাকেন আপনি,’ একটু পরে বললেন। ‘অঙ্ককার হ’য়ে আসছে। আলো তো আর দেবে না এরা। চলুন, বাড়ি যাওয়া যাক।’

‘আর মিনিট দুড়ি আমি কাজ করবো।’

‘ওর জ্বী এখানে বিয়ের কাজ করতো।’

‘কার জ্বী?’

‘টারাসিউকের।’

‘জানি।’

‘টারাসিউক যে কোথায় তা কেউ জানে না। সারা দেশয়র ডাকাতি ক’রে ঘুরে বেড়াচ্ছে। গত গ্রীষ্মে ছুবার এসেছিলো বৌয়ের কাছে, এখন আবার গেছে। মতুন জীবন তৈরি করেছে সে। ও হ’লো ঐসব সৈন্ত-বলশেভিকদেরই একজন, রাস্তায়, ট্রেনে সর্বত্রই তো তাদের দেখা যায়। ওদের বিষয়ে একটা কথা শুনবেন?—ধরুন, টারাসিউক। যে কোনো ব্যাপারে ওর বুদ্ধি খেলে। যাই করুক না কেন ভালো ক’রে করে। যুদ্ধেও তাই হ’লো ওর—যেভাবে অন্য কোনো কাজ হ’লে শিখতো ঠিক সেভাবেই যুদ্ধ করতে শিখলে। পরলা নব্বরের লক্ষ্যভেদকারী হ’লো ও। উত্তেজনার চমৎকার ওর প্রতিক্রিয়া, চোখের আর হাতের স্নন্দর সংযোগ। পুরস্কৃত করা হ’লো তাকে, সাহস বা বুদ্ধির জন্ত নয়, সবসময় লক্ষ্যভেদ করতে পারার জন্ত। যেটাই করতে যায় সেটাতেই নেশা ধ’রে যায় ওর, যুদ্ধটাকেও সেইভাবে নিলো। বন্দুক যে

মাহুকে কী করতে পারে সেটা বুঝতে পারলে সে,—শক্তি দেয়, সম্মান আনে। নিজে কমতামশালী হ'তে চাইলে সে। যার হাতে বন্দুক আছে, সে তো অস্ত্রসব মাহুকের মতো নয়। আগেকার দিনে এ-সব লোক ডাকাত হ'তো। টারাসিউকের কাছ থেকে বন্দুকটা নেবার চেষ্টা ক'রে দেখুন এখন। তারপর এলো সেই ব্লি, “মনিবের বিরুদ্ধে বন্দুক তোলা,” টারাসিউক তাই তুললে। আসল গল্পটা এই। এই হ'লো মাস্ত্রবাদ।’

‘এটা সবচেয়ে খাঁটি—একেবারে সোজামস্ত্র জীবন থেকে তুলে আনা। আপনি জানতেন না?’

রাসায়নিক তাঁর টেস্টটিউবের চোঙের কাছে ফিরে গেলেন।

‘স্টোভের বিশেষজ্ঞটিকে কেমন লাগলো আপনার?’ জিজ্ঞেস করলেন তিনি।

‘ওঁকে পাঠিয়ে দেবার জন্য আপনার কাছে আমি অত্যন্ত কৃতজ্ঞ। চমৎকার মাহু। হেগেল আর ক্রোচেকে নিয়ে ঘণ্টার পর ঘণ্টা আমরা কথা বললাম।’

‘তা তো বটেই! হাইডেলবার্গে দর্শনের ডিগ্রী নিয়েছিলেন উনি। স্টোভের কথা বলুন।’

‘সেটা ততো ভালো নয়।’

‘এখনো ধোঁয়া বেরুচ্ছে?’

‘ধোঁয়া থামে কখন?’

‘নিশ্চয়ই চিমনি ভুল বসানো হয়েছে। শুধু যদি টারাসিউক থাকতো! কিন্তু শেষ পর্যন্ত ঠিক হ'য়ে যাবে। মস্কো তো একদিনে তৈরি হয়নি। স্টোভকে কাজে লাগানো তো আর পিয়ানো বাজানো নয়, ওতে নৈপুণ্যের দরকার করে। জালানি কাঠ আছে?’

‘কোথায় পাবো?’

‘গির্জের দরওয়ানকে পাঠিয়ে দেবো। ও হ'লো এক জালানি-চোর। বেড়া তুলে টুকরো-টুকরো ক'রে জালানি তৈরি করে। তবে তার সঙ্গে আপনাকে দর-কষাকষি করতে হবে।—না থাক, বরং ইদুর-ধরাটা ভালো।’

ক্লোক-কমে গিয়ে ওভারকোট পরে তারা বেরিয়ে পড়লো।

‘ইদুর-ধরা কেন ? আমাদের বাড়িতে তো ইদুর নেই।’

‘আরে তার সঙ্গে কোনো সম্পর্ক নেই এর। আমি কাঠের কথা বলছি। ইদুর-ধরা বুড়ি কাঠের খুব বড়ো ব্যবসা ফেঁদেছে। একেবারে রীতিমতো বাণিজ্য করছে সে—আলানির জন্ত পুরো বাড়ি কিনে নেয়। আ কপাল, অন্ধকার হ’য়ে এলো, সাবধানে পা ফেলবেন। আগে হ’লে এ-পাড়ার যে-কোনো দিকে আপনাকে চোখ খুঁজে নিয়ে যেতে পারতাম, সব চেনা ছিলো, কাছেই জমেছিলাম কিনা। কিন্তু বেড়া ভাঙা শুরু হওয়ার পর থেকে এমন কি দিনের বেলাতেও পথ খুঁজে পাই না। অচেনা শহরে আছি ব’লে মনে হয়। আবার দেখুন, অদ্ভুত সব জায়গার খুব নামডাক হচ্ছে। লক্ষ্য করেছেন আপনি ? “লিটল এম্পায়ার” ধরনের ছোটো-ছোটো বাড়ি—বাগানে সবুজ গোল টেবিল আর চেয়ারগুলো প’চে-প’চে যাচ্ছে—সেই বাড়িগুলোর অস্তিত্ব এতদিন কে জানতো বলুন ! সেদিন ও-রকম একটা জায়গার পাশ দিয়ে যাচ্ছিলাম, তিন রাস্তার মোড়ে ছোট্ট ফাঁকা জায়গা—দেখি কী, লাঠি ঠুকঠুকিয়ে এক বৃদ্ধা মহিলা চলেছেন—অস্তুত একশো বছর বয়স হবে তাঁর। “নমস্কার, ঠাকুমা,” বললাম আমি, “মাছ ধরার জন্ত পোকা খুঁজছেন নাকি ?” আমি ঠাট্টা করে বলেছিলাম কথাটা, কিন্তু উনি বেশ গম্ভীরভাবে জবাব দিলেন আমার কথার। “না, পোকা না,” বললেন উনি, “ব্যাণ্ডের ছাতা খুঁজছি।” আর জানেন, সত্যি কথা, শহরটা যেন জঙ্গলে পরিণত হচ্ছে। পচা পাতা আর ব্যাণ্ডের ছাতার গন্ধ ছড়িয়ে আছে শহরে।’

“বোধহয় বুঝতে পেরেছি কোন জায়গাটার কথা বলছেন—‘রুপোলি পথ’^১ আর ‘নিঃশব্দ পথের’^২ মধ্যে নয় কি ? ওই জায়গাটার অদ্ভুত-অদ্ভুত সব ঘটনার মুখোমুখি হই আমি—হয় এমন কারো সঙ্গে দেখা হয় যাকে কুড়ি বছর দেখিনি, কিংবা কিছু একটা খুঁজে পাই। জায়গাটা নাকি ভয়ের—তা হওয়া আশ্চর্য নয়, পেছন দিকটায় তো রীতিমতো এক খরগোসের খাঁচা, ঘোরানো প্যাঁচানো রাস্তার পর রাস্তা স্কলেনস্কির কাছে দাগি চোরেদের

১। রুপোলি পথ : সেরেত্রিয়ানারা।

২। নিঃশব্দ পথ : হোল্চান্নারা।

আন্তানার দিকে চ'লে গেছে। আপনি কোথায় আছেন তো বোঝার আগেই দেখবেন আপনাকে উলঙ্গ ক'রে রেখে তারা পালিয়েছে।'

'আর ওখানে রাস্তার বাতিগুলো দেখেছেন—কিছুই আলো হয় না বলতে গেলে। ওদের যে কুস্তিগির বলা হয় সেটা নেহাৎ মিথ্যে নয়। দেখবেন ধাক্কা খাবেন না যেন।'

৬

'রুপোলি পথের ধারের চৌমাথায় সত্যিই অদ্ভুত সব ঘটনা ঘটেছে ইউরির জীবনে।

অক্টোবর-দাকার আগে, এক ঠাণ্ডা অন্ধকার রাত্রে সে দেখেছিলো পথের ওপর অচেতন হ'য়ে একটি লোক প'ড়ে আছে। ফুটপাথের সিমেন্টের ধারে, হাত-পা ছড়িয়ে ল্যাম্পপোস্টের তলায় মাথা রেখে শুয়ে ছিলো সে। ইউরি তাকে জাগাবার চেষ্টা করতে, কাংরে উঠে বিড়বিড় ক'রে তার মনিব্যাগ বিষয়ে কী যেন বললে লোকটি। তাকে মেরে-ধ'রে সর্বস্ব লুট ক'রে নিয়েছে। মাথায় মেরেছে, কিন্তু ইউরি দেখলে কোনো হাড় ভাঙেনি।

আর্বাটে ওয়ূয়ের দোকানে গিয়ে হাসপাতালে টেলিফোন করলো ইউরি, জরুরি কাজে ব্যবহৃত গাড়ি আনিয়ে এমার্জেন্সি-ওয়ার্ডে নিয়ে গেলো লোকটিকে।

দেখা গেলো আহত ব্যক্তিটি একজন নামজাদা রাজনৈতিক নেতা। ইউরি তাঁর চিকিৎসা করলে, এর পরে অনেক বছর পর্ষন্ত তার রক্ষকের কাজ করেছেন ইনি, যে-সময়ে সন্দেহে বাতাস সর্বত্র ভারি, সে-সময়ে কয়েকবার ভুল বোঝাবুঝির হাত থেকে ইনি তাকে বাঁচিয়েছেন।

৭

টোনিয়ার সংকল্প কাজে খাটানো হ'লো : সবচেয়ে ওপর তলার তিনখানা ঘরে শীতের বাসা বাঁধলো তারা।

ঠাণ্ডা, ঝোড়ো হাওয়ায় ভরা, ভারি বরফের মেঘে অন্ধকার এক রবিবার। ইউরির সেদিন ছুটি ছিলো।

সকালে আগুন ধরানো হয়েছিলো, এখন স্টোভ থেকে ধোঁয়া বেরুচ্ছে। স্যাংসেতে কাঠ নিয়ে ধ্বস্তাধ্বস্তি করছে নিউশা। স্টোভের ব্যাপার টোনিয়া কিছুই বোঝে না, সে যা-কিছু নির্দেশ দেয় তারই ফল হয় উন্টো। ইউরি স্টোভ ব্যাপারটা বোঝে, কিন্তু সে নাক গলানোমাত্র, তার স্ত্রী তাকে কাঁধে ধরে আস্তে বাইরে ঠেলে পাঠিয়ে দেয়: 'তুমি আর ঝামেলা করতে এলো না তো। আগুনে তেল ঢালবার কোনো দরকার নেই।'

'তেল ঢাললে ভালোই হ'তো, কিন্তু মুস্কিলটা এই যে তেলও নেই আগুনও নেই।'

'ছাখো, রসিকতা কোরো না। এটা মোটেও রসিকতার সময় নয়।'

স্টোভের গোলমালে সকলের সব পরিকল্পনাই ভঙুল হয়ে গেলো। সকলেই আশা করেছিলো অন্ধকার হবার আগে যে যার কাজ সেয়ে ফেলবে, বিকেলটা ফাঁকা রাখবে, কিন্তু এখন রাত্রেয় খাওয়া হতেই দেরি হয়ে যাবে, টোনিয়ার মাথা ঘষা হবে না, আরো অনেক কাজ বাতিল করতে হবে।

আগুন থেকে ক্রমশই আরো বেশি ক'রে ধোঁয়া বেরুতে লাগলো। বাতাসের বেগ যেই বাড়লো, অমনি চিমনি দিয়ে ঘরে ঢুকলো ধোঁয়া, মায়া-কাননে কালো দৈত্যের মতো ঝুল-পড়া মেঘ ঝুলে রইলো ঘরের মধ্যে।

শেষ পর্যন্ত সবাইকে ঘর থেকে বার ক'রে অল্প দুই ঘরে পাঠিয়ে দিলে ইউরি; জানলা খুলে দিলে, অর্ধেক কাঠ বের ক'রে নিয়ে বাতিটা সাজিয়ে রাখলে, টুকরো কাঠ আর বার্চগাছের ডাল ছড়িয়ে দিলে তাদের মাঝখানে।

দমকা হাওয়া ঢুকলো ঘরে, পর্দা উড়ে গেলো, কাগজ উড়ে গেলো টেবিলের ওপর থেকে, গলির একটা দরজা বাড়ি খেলো দড়াম ক'রে, আর বাকি ধোঁয়াটা নিয়ে বাতাস যেন লুকোচুরি শুরু করলো।

চিড়চিড় শব্দে আগুন ধ'রে উঠলো কাঠে। স্টোভে আগুনের শিখা গর্জন ক'রে উঠলো, বেরিয়ে এলো তপ্ত লাল ধাতুর গায়ে বস্মারোগীর মুখের লালচে ছিটের মতো। পরিকার হ'য়ে গেলো বাতাস।

ঘরটা এবার হালকা লাগছে। জানলার কাচ যেয়ে উঠছে; সেই রাসায়নিকের নির্দেশ অনুসারে পুড়িং বানিয়ে জানলা আটকে দিয়েছিলো ইউরি, একটা উষ্ণ আর তৈলাক্ত গন্ধ বেরুচ্ছে তা থেকে। কার-গাছের

বাকল পোড়ার কড়া গন্ধ, আর আশ্পানের সাবান-জলের মতো টাটকা গন্ধ ভেসে আসছে, স্টোভে যে-সব কাঠ শুকোচ্ছে তাদের গা থেকে।

হাওয়ার মতোই ঝোড়ো বেগে নিকোলে নিকোলেভিচ ঘরে ঢুকলেন।

‘দান্দা হচ্ছে রাস্তায়। অস্থায়ী সরকারের পক্ষ নিয়ে লড়াই করছে ক্যাডেটরা, আর গ্যারিসনের সেপাইরা বলশেভিকদের পক্ষ নিয়েছে। চারদিকেই লড়াই, এই বিজ্রোহের কোথায় আরম্ভ তার হিসেব মেলে না। এখানে আমার পথে মুকিলে প’ড়ে গিয়েছিলাম,—একবার বড়ো দমিত্রোভকার মোড়ে আর একবার নিকিটুস্কি দরওয়াজায়। এখন ও-সব দিকে এগোবারই উপায় নেই, ঘুরে যেতে হবে তোমাকে। চ’লে এসো ইউরির, কোটটা চাপিয়ে নাও, বেরিয়ে পড়ো। কী হচ্ছে চোখে দেখবে না! এই তো ইতিহাস! জীবনে একবারের বেশি এমন ঘটনা ঘটে না।’

কিন্তু কথা ব’লেই ঘণ্টা দুয়েক কাটিয়ে দিলেন তিনি। ডিনার খাওয়া হ’লো, বাড়ি যাবার জন্ত তৈরি হ’য়ে যখন তিনি ইউরিকে বাইরে বের করার জন্ত টানাটানি করেছেন তখন ঠিক তাঁরই মতো ভদ্রিতে, সেই এক খবর নিয়ে গর্ভনের প্রবেশ।

ব্যাপার অবশ্য অনেকদূর গড়িয়েছে। গর্ভন বললে গুলিবর্ষণ বেড়েই চলেছে, যে-সব গুলি লক্ষ্যে পৌছতে পারছে না সেগুলি এসে পথচারীদের গায়ে লাগছে। তার ধারণা, সব যানবাহন বন্ধ হ’য়ে গেছে। দৈব আশু-কূল্যে একটা গলিতে ঢুকে যেতে পেরেছিলো সে, কিন্তু সে-পথও এখন বন্ধ!

নিকোলে নিকোলেভিচ গর্ভনের কথা কিছুতেই বিশ্বাস করবেন না; বাইরে বেরিয়ে গেলেন তিনি, কিন্তু ফিরে এলেন এক মিনিট পরেই। বললেন দেয়ালের কোনা থেকে ইট আর প্লাস্টার খসিয়ে বন্দুকের গুলি অনবরত ছুটছে। বাইরে জনপ্রাণী নেই। যানবাহন বন্ধ হ’য়ে গেছে।

সেই সপ্তাহে ছোট্ট শাশার ঠাণ্ডা লাগলো।

‘একশোবার বলেছি ও যেন স্টোভের কাছে না খেলে,’ ইউরির বকাবকি করলে। ‘অত্যন্ত গরমে যেতে দেওয়া অত্যন্ত ঠাণ্ডায় যেতে দেওয়ার চাইতে অনেক বেশি খারাপ।’

গলা ব্যথা হ’য়ে অর হ’লো শাশার। অস্থ্র জিনিসটাকে নিদারুণ ভয়

পায় সাশা, ইউরি তার গলা দেখতে চাইলে বাবাকে ঠেলে দিলো সে, দাঁতে দাঁত আটকে এমন ট্যাচাতে লাগলো যে দম বন্ধ হবার জোগাড়। বোঝানো হ'লো, ভয় দেখানো হ'লো, কিন্তু কিছুতেই কোনো কাজ হ'লো না। এক অসতর্ক মুহূর্তে হাই তুলতেই ইউরি তার অসাবধানতার স্বযোগ নিলে; মুখের ভেতর চামচে ঢুকিয়ে তার লাল ল্যারিনক্স আর কোলা টনসিলটা না দেখতে পাওয়া পর্যন্ত জিভটা চেপে রাখলো ইউরি, দেখলো শাদা-শাদা দাগ হয়েছে ওখানে। চিন্তিত বোধ করলো সে।

এই একই উপায়ে একটু কফের নমুনা তুলে নিলো কোনোমতে, বাড়িতেই মাইক্রোস্কোপ ছিলো তার, পরীক্ষা ক'রে দেখলো। ভাগ্য ভালো, ডিপথেরিয়া নয়।

কিন্তু তিন দিনের দিন রাত্রে প্রচণ্ড কাশি হ'লো সাশার। জ্বর খুব বেড়ে গেলো, কষ্টে নিশ্বাস পড়ছে। তার যত্নগা লাগব করার কোনো উপায় নেই ইউরির, তাকিয়ে-তাকিয়ে দেখাটাও অসহ্য। টোনিয়া ভাবলে তার ছেলে মারা যাচ্ছে। দু-জনে পালা ক'রে তাকে কোলে নিয়ে ঘরের মধ্যে ঘুরলো তারা, তাতে বোধহয় একটু আরাম হ'লো তার।

ওর জন্ম দরকার দুধ, আর সোডার জল। কিন্তু দাঙ্গা এখন চরমে উঠেছে। কামান আর বন্দুকের গুলি একবারের জন্মও খামে না। নিজের প্রাণ বিপন্ন ক'রেও ইউরি যদি দাঙ্গার এলাকা পার হয়ে যায় তবুও তার ওদিকে রাস্তায় সে কাউকে পাবে না। কিছু-একটা নিষ্পত্তি না-হওয়া পর্যন্ত শহরটা মরে থাকবে।

শেষ পঞ্চম অবস্থাটা যে কী দাঁড়াবে তা অবজ্ঞা অত্যন্ত স্পষ্ট। চারদিক থেকেই এই ওজর কানে আসছে যে শ্রমিকরাই জিতছে। ক্যাডেটদের দল যুঝে চলেছে অবশ্য, কিন্তু পরস্পরের সঙ্গে, তাদের পরিচালকের সঙ্গে তাদের সংযোগ বিচ্ছিন্ন ক'রে দেওয়া হ'য়েছে।

সিভিৎসেস অঞ্চলটায় সেপাইরা পাহারা দিচ্ছে, শহরের ঠিক মধ্যস্থলের দিকে এগুচ্ছে তারা। একটা গলিতে গর্ত খুঁড়ে জরমান যুদ্ধক্ষেত্র থেকে আগত সৈন্যরা আর কমবয়সী শ্রমিক ছেলেরা ব'সে থাকে; সেই রাস্তায় বাগা থাকে তাদের সঙ্গে ইতিমধ্যেই বেশ আলাপ হ'য়ে গেছে তাদের, দরজার

বাইরে এসে যারা দাঁড়ায় তাদের সঙ্গে রসিকতাও করে। শহরের এই অংশে একটু চলাফেরা শুরু হয়েছে।

গর্জন আর নিকোলে নিকোলেভিচ জিভাগোদের বাড়িতে আটকে গিয়েছিলেন, তিনদিন পর ছাড়া পেলেন তাঁরা। সাশার অস্থির সময় তাঁরা কাছে ছিলেন ব'লে ইউরির ভালোই লেগেছিলো, আর তাঁরা যে বাড়ির সাধারণ বিশৃঙ্খলা আরো বাড়িয়ে দিলেন, সেজন্ত টোনিয়া তাঁদের ওপর রাগ রাখলো না। কিন্তু তাদের ভদ্রতার প্রতিদান দিতে বাধ্য বোধ ক'রে তাঁরা অস্বহীনভাবে বকবক ক'রেছেন তাদের সঙ্গে; ইউরি শ্রান্ত হ'য়ে উঠেছিলো, ওঁরা যাওয়াতে সুখী হ'লো সে।

৮

ধবর পাওয়া গেলো তাদের অতিথিরা নিরাপদে বাড়ি পৌঁচেছেন, কিন্তু শহরে শান্তি নেমেছে এমন কথা এখনো বলা যায় না। এখনো দাঙ্গা চলছে কয়েক জায়গায়, কয়েকটা তল্লাটে যাতায়াত এখনো বন্ধ। হাসপাতালে যেতে পারে না ইউরি। তার কাজ, রিসার্চের নোট আর পাণ্ডুলিপি স্টাফ-রুমের টেবিলের দেয়ালে রেখে এসেছে—সেগুলোর অভাব বোধ করে সে।

যে যার ছোট্ট পাড়াটুকুর মধ্যে সকালের দিকে বেরোতে পারে লোকেরা, একটু পথ হেঁটে যায় ঝুটি কিনতে, কিংবা কোনো ভাগ্যবান ব্যক্তি, যে এক বোতল দুধের মালিক, তাকে ঘিরে ভিড় করে, জিজ্ঞেস করে দুধটা সে কোথায় পেলো।

থেকে-থেকে সারা শহরে আবার নতুন ক'রে গোলাগুলি বর্ষণ শুরু হ'য়ে যাচ্ছে। শোনা যাচ্ছিলো দুই পক্ষে সন্ধির কথাবার্তা চলছে, সেই আলাপের গতিক বুঝে গোলা-বাক্স ছোঁড়া ক'মে আসছে বা বেড়ে যাচ্ছে।

তখন পুরোনো পাজি অল্পসারে অক্টোবরের শেষ; এক সন্ধ্যায় বিশেষ দরকার ছাড়াই ইউরি তার এক সহকর্মীর বাড়ি গেলো। পঞ্চাট প্রায় জনশূন্য; রাস্তায় বলতে গেলে কারো সঙ্গেই দেখা হ'লো না। তাড়াতাড়ি

হাটতে লাগলো সে। সবে বরফ পড়তে শুরু করেছে, পাংলা গুঁড়ো-গুঁড়ো বরফ দমকা হাওয়ায় ছড়িয়ে পড়ছে চারদিকে।

এতো অলিগলি পার হ'তে হ'লো যে সেগুলোকে যেন গুনে আর শেষ করা যায় না, ভারি হ'য়ে নামলো বরফ, বাতাস হ'য়ে উঠলো ব্লিজার্ড—সেই-রকম তুষার-ঝড়, যা মাঠের ওপর দিয়ে শিস দিয়ে ছুটতে-ছুটতে বরফের কবল বিছিয়ে দেয়, কিন্তু শহরে যেন ভ্যাবাচাকা খেয়ে অন্ধের মতো পথ হাংড়ে বেড়ায়।

নৈতিক ও নৈসর্গিক জগতে সাদৃশ্য ধরা পড়লো, হৃদয় ও নিকটবর্তী এই দুই গোলযোগে, পৃথিবীর বুকে আর আকাশে। মাঝে-মাঝে কোথাও কোথাও দল-ভাঙা প্রতিরোধ-ঘাটি থেকে গুলির ঝাঁক উড়ে আসছে। নিভে-আসা আগুনের ফুলকি উঠে যাচ্ছে ওপরে, বিলীন হয়ে যাচ্ছে দিগন্তে। আর বরফও উডছে আর ফুলকি ছড়াচ্ছে বাতাসে, ইউরির পায়ের তলায় ভেজা পাথর থেকে বরফের ধোঁয়া উঠছে।

এক খবর-কাগজওলা সগছাপা কাগজের মোটা তাড়া বগলে নিয়ে ছুটতে-ছুটতে চেষ্টাচ্ছে : 'নতুন খবর, নতুন খবর!' এক রাস্তার মোড়ে ইউরিকে ধরলে সে।

'রেজকিটা রাখো,' ইউরি বললে। ছেলেটি তাড়ার মধ্যে থেকে একটা ভেজা কাগজ বের করে তার হাতের ওপর ছুঁড়ে দিয়ে বরফের ঝড়ে উধাও হ'য়ে গেলো।

হেডলাইনগুলি পড়ার জন্য রাস্তার আলোর তলায় দাঁড়ালো ইউরি। বিশেষ সংখ্যা এটা, দেহিতে বেরিয়েছে, ছাপা হয়েছে কাগজের শুধু এক পিঠে। পিটার্সবার্গের সরকারি ঘোষণা ছাপা হয়েছে এই কাগজে : জনগণের প্রতিনিধিদের নিয়ে সোভিয়েট-সংঘ রচিত হয়েছে, শ্রমিকশ্রেণীর একনায়কত্ব স্থাপিত হ'লো রাশিয়ায়। আর আছে নব্য সরকারের প্রথম কয়েকটি আদেশ, তা ছাড়া টেলিগ্রাফে ও টেলিফোনে পাওয়া কিছু খুচরো খবর।

ব্লিজার্ডের চাবুক এসে পড়লো ইউরির চোখে, ধূসর বরফ ঝড় শব্দে চুঁইয়ে চুঁইয়ে ছাপার অক্ষর ঢেকে দিলো। কিন্তু যে-জন্ত ইউরির পড়তে অস্বীকারে হচ্ছিলো তা বরফ নয়, সেই মুহূর্তটির মহিমা অস্বত্ব করে কেঁপে জ্বালাগে—১৭

উঠছিলো সে, অগ্নিত হ'য়ে পড়ছিলো এ-কথা ভেবে যে অনাগত শতাব্দীগুলির কাছে এই মুহূর্তটি কী-রকম অর্থপূর্ণ।

তবু কাগজটা যখন পড়তেই হবে, আরেকটু উজ্জ্বল ঢাকা কোনো জায়গার সন্ধানে সে চারপাশে তাকালো। দেখলো, আবার সে এসে দাঁড়িয়েছে 'রূপোলি' ও 'নিঃশব্দ' পথের সেই মায়াবী মোড়ে, এক লম্বা পাঁচতলা বাড়ির সামনে; বাড়িটির প্রবেশ-পথ কাচের, ভেতরে প্রশস্ত হলুঘরে চমৎকার আলো জ্বলছে।

ভেতরে ঢুকলো সে, নীলিঙের আলোর তলায় দাঁড়িয়ে কাগজ পড়তে লাগলো।

ওপরে পায়ের শব্দ শোনা গেলো। ধীরে-ধীরে কে যেন সিঁড়ির অর্ধেক পর্যন্ত এলো, যেন ইতস্তত করছে এমনভাবে দাঁড়ালো, তারপর ঘুরে আবার ছুটে চলে গেলো দোতলার সিঁড়ির চাতালে। কোথায় যেন দরজা খুলে গেলো, দু'জনের গলা ভেসে এলো, তাদের প্রতিধ্বনি এতো অল্পরকম যে তা থেকে জ্ঞী কি পুরুষের গলা বোঝা অসম্ভব। তারপর দরজাটা সশব্দে বন্ধ হ'য়ে গেলো, সেই একই পায়ের শব্দ নেমে আসতে লাগলো নিচে, এবার আগের চাইতে দৃঢ়ভাবে।

কাগজে ভুবে ছিলো ইউরির, চোখ তুলে তাকাবার ইচ্ছে ছিলো না, কিন্তু আগন্তুক এমন অকস্মাৎ সিঁড়ির তলায় থেমে পড়লো যে মাথা তুলতে বাধ্য হ'লো সে।

তার সামনে দাঁড়িয়ে আছে বছর আঠারোর একটি ছেলে, মাথায় হরিণের চামড়ার টুপি, আর গায়ে হরিণের চামড়ার কোট—তার বাইরের দিকটা পশমি—সাইবেরিয়ায় লোকেরা যেমন পরে ঠিক তেমনি। শ্রামল তার গায়ের রং, কিরগিজ ছাঁদের সরু চোখ দুটি। মুখের মধ্যে কী যেন আছে যাতে তাকে অভিজাত ব'লে মনে হয়, তার একাকীত্বের হোঁয়া, স্তব্ধতার সূক্ষ্মতায় সূদূর ব'লে মনে হয় তাকে; এই ধরনটা অনেক সময় পাওয়া যায় তাদের মধ্যে, যাদের বংশে জটিলতা ও মিশ্রণ বেশি।

মনে হ'লো, ছেলেটি ইউরিকে অল্প কেউ ব'লে ভুল করেছে। কিংকর্তব্য-বিমুদ্র হ'য়ে লজ্জিত ভঙ্গিতে ইউরির দিকে তাকালো সে, যেন সে তাকে

চেনে, কিন্তু কথা বলবে কিনা ঠিক করতে পারছে না। এই ভুল বোঝার পালা শেষ ক'রে দেবার জন্ত, ঠাণ্ডা, উৎসাহহীন দৃষ্টিতে ইউরি তার দিকে তাকালো।

অপ্রস্তুত হ'য়ে ঘুরে দাঁড়ালো ছেলেটি, ঢোকবার গলির কাছে এগিয়ে গেলো। সেখানে থেমে পড়লো সে, পেছনে কাচের দরজাটা বাড়ি মেয়ে বন্ধ ক'রে বেরিয়ে যাবার আগে আরো একবার পেছন ফিরে তাকালো।

সে চ'লে যাবার কয়েক মিনিট পরে ইউরিও বেরিয়ে পড়লো। নতুন খবরে ভরপুর হ'য়ে আছে তার মন ; শুধু যে ছেলেটিকেই সে ভুলে গেলো তা নয়, যে-সহকর্মীর বাড়ির উদ্দেশ্যে বেরিয়েছিলো তাকেও ভুলে গিয়ে সোজা বাড়ির দিকে চললো। কিন্তু পথে আরেক ব্যাপারে তার মন বিক্ষিপ্ত হ'লো ; সেটা প্রাত্যহিক জীবনের অনেক খুঁটিনাটির মধ্যে একটা, সেই সময়ে যার মূল্য অপরিণীম।

বাড়ির কাছেই অন্ধকারে এক কাঠের স্তূপের ওপর হুমড়ি খেয়ে পড়লো সে। সেই রাস্তায় কী-একটা সরকারি দপ্তর আছে যেন, শহরতলির ভাঙা বাড়ির মতো দেখতে ঐ কাঠের স্তূপ নিশ্চয়ই জ্বালানি কাঠ হিসেবে আনা হয়েছে। উঠোনে সবটুকুর জায়গা হয়নি, তাই বাড়তি অংশটা ফুটপাথের ধারে রাখা আছে। বন্দুক ঘাড়ে এক সাদ্ধী পাহারা দিচ্ছে এই কাঠের পাহাড়টিকে ; উঠোনে পাইচারি করতে-করতে সে বার-বার ফটকের বাইরে তাকাচ্ছে।

ইউরি দ্বিতীয়বার চিন্তা করলো না ; পাহারাদার যেই পেছন ফিরলো, আর বাতাস শূন্যে তুললো বরফের মেঘ, অমনি স্বেচছগের সদ্যবহার ক'রে অন্ধকার দিকটায় গুঁড়ি মেয়ে এগিয়ে গেলো সে ; রাস্তার বাতির আলো এড়িয়ে সযত্নে একেবারে তলা থেকে একটা তক্তা বেছে টেনে নিলো। সেটাকে পিঠে তুলতে বেশ কষ্ট হ'লো তার, কিন্তু পরমুহূর্তেই তারটাকে আর ভার ব'লে মনে হ'লো না (কেননা নিজের বোঝা ভার নয়) ; দেয়ালের ছায়া ধ'রে-ধ'রে গুঁড়ি মেয়ে এগোলো সে, তক্তাটা নিরাপদে বাড়ি নিয়ে এলো।

একেবারে ঠিক সময়ে কাঠ মিলেছে ; তাদের জ্বালানি শেষ হ'য়ে

গিয়েছিলো। টুকরো-টুকরো ক'রে কেটে কাঠের টুকরোগুলো জমা করা হ'লো, ইউরি ঠোঁড় ধরিয়ে চূপচাপ বসলো তার সামনে। আলেকজান্ডার আলেকজান্ড্রাভিচ আরাম-কেন্দ্রা টেনে নিয়ে আগুন পোহাতে লাগলেন।

কোটের পাশ-পকেট থেকে কাগজটা বের ক'রে ইউরি তাঁর সামনে মেলে ধরলে :

‘এটা দেখেছেন? একটি কাণ্ড বটে। দেখুন একবার।’

উবু হ'য়ে ব'সে কাঠে খোঁচা দিতে-দিতে সে নিজের মনে কথা ব'লে চললো।

‘কী আশ্চর্য অস্ত্রোপচার! ছুরির এক ঘায়ে সব পুরোনো পচা ঘা কেটে দেওয়া হ'লো। অতি সহজে, কোনো ঝামেলা না-ক'রে যুগ-যুগ ধ'রে ঘে-অবিচারের অস্থরটা পেয়াম পেয়ে-পেয়ে মোটা হচ্ছিলো—এক কথায় ঘোষিত হ'য়ে গেলো তার মৃত্যুদণ্ডাজ্ঞা।’

‘এই নির্ভীকতা, কোনো-কিছুকে একেবারে শেষ পর্যন্ত চালিয়ে নিয়ে যাওয়ার এই শক্তি—এতে আছে জাতীয় চরিত্রের পরিচয়। পুশকিনের জলন্ত স্পষ্টবাদিতার, টলস্টয়ের তথ্যের প্রতি নির্ভীক আসক্তির ছোঁয়া পাই এখানে।’

‘কী বললে, পুশকিন? এক সেকেণ্ড দাঁড়াও। শেষ করতে দাও আমাকে। একসঙ্গে পড়া এবং শোনা ছুটো কাজ আমি করতে পারি না।’ আলেকজান্ডার আলেকজান্ড্রাভিচ ভাবলেন ইউরি তাঁকে লক্ষ্য ক'রে কথা বলছে।

‘প্রতিভার প্রকৃত স্বাক্ষর তো এখানেই।—মনে করুন আপনি কাউকে বললেন নতুন এক জগৎ সৃষ্টি করতে, আরম্ভ করতে নতুন এক যুগ—তাহ'লে তারা প্রথমে আপনাকে বলবে অল্প একটু জায়গা পরিষ্কার ক'রে দিতে। নতুন শতক গ'ড়ে তোলার কাজ শুরু করার আগে তারা অপেক্ষা করবে পুরোনো শতকের ধ্বংস হওয়া অবধি, জমা-খরচের হিসেব চাইবে তারা, চাইবে একটি পরিচ্ছন্ন যোগফল, খাতার একটি নতুন, পরিষ্কার পাতা।’

‘কিন্তু এখানে, ও-সব ব্যাপার নিয়ে কেউ মাথা ঘামায় না।—“এই রইলো। হয় নাও, নয় তো ছেড়ে দাও।” এই অভিনব ব্যাপার, ইতিহাসের এই বিস্ময়কর ঘটনা, এই আবির্ভাব—দৈনন্দিন জীবনের ঠিক মধ্যখানে এর

বিস্ফোরণ হ'লো, এর পরে কী হবে তা একবারের জন্তও কেউ চিন্তা করলে না। এর আরম্ভ আদিতে নয়, হঠাৎ মাঝপান থেকে এর আরম্ভ—নিয়মমাত্তিক কোনো দেরি নেই এতে, সপ্তাহের প্রথমতম কাজের দিনটিকে হুড়মুড় ক'রে এসে পড়ে, একেবারে দৈনন্দিন ব্যস্ততার মধ্যে। এই হ'লো সত্যিকার প্রতিভা। এমন অস্থানে, এমন অসময়ে এসে পড়তে পারে শুধু তা-ই, যা সত্যিকার মহৎ।

৯

শীত এলো—ঠিক সেই রকম শীত, যে-রকম আগেই ভাবা গিয়েছিলো।

এর পরের দুই বছরের শীতের মতো অতোটা ভীষণ না-হ'লেও এই শীতও তেমনি অন্ধকার, তেমনি ক্ষুধিত ও ঠাণ্ডা; এই শীত ভ'রেও দেখতে হ'লো পরিচিত সব-কিছুর ধ্বংস, জীবনের সব ভিত্তির পরিবর্তন, আর মূঠোর ফাঁক দিয়ে গ'লে চ'লে যাচ্ছে যে-জীবন, তাকে আঁকড়ে রাখার অমানুষিক প্রয়াস।

এমনি এসেছিলো তিনটি শীত ঋতু, একের পর এক, এমনি ভীষণ হ'য়ে তিন-তিন বার; এখন ভাবলে যা মনে হয় ১৯১৭-১৯১৮র শীতকালের কথা, আসলে হয়তো তা ঘটেছিলো আরো পরে। এই তিন শীতের পারস্পর্য আজ মিলে-মিশে এক হ'য়ে গেছে, তাদের আলাদা ক'রে আর ভাবা যায় না।

পুরোনো জীবন আর নতুন নিয়মগুলি এখনো পরস্পরের সঙ্গে এক হ'য়ে যেতে পারেনি। এর এক বছর বাদে যখন গৃহযুদ্ধ বাধলো তখনকার মতো তীব্র বিরোধ না-থাকলেও, পরস্পরের মধ্যে কোনো বিশেষ সংযোগও দেখা দিলো না। একটা ধাঁধার দুই অংশ যেন তারা, পাশাপাশি রাখা আছে, খাপে-খাপে ব'সে গেলেও যেতে পারে।

সর্বত্র নতুন নির্বাচন হচ্ছে: বসবাসের ব্যবস্থা, ব্যবসা-বাণিজ্য, পৌর ব্যবস্থা—সব-কিছুর জন্ত। প্রতিটি বিষয়ের জন্ত কমিসার নিয়োগ করা হয়েছে; তাদের পরনে কালো চামড়ার জ্যাকেট, হাতে অসীম ক্ষমতা, লোহার মতো হৃদয় মনের জোর, ভয়প্রদর্শনের বিভিন্ন উপায়ে ও রিভলভারে তারা লশন, খুব কম লাড়ি কামায় তারা, তার চেয়েও কম ঘুমোয়।

ঐ চোরা বুর্জোয়া-গুপ্তিকে খুব চেনে তারা, বেশির ভাগ সরকারি স্বর্ণপত্র তো ওদের দখলে ; ওদের সঙ্গে ব্যবহারে একটুও ককর্ণা দেখায় না তারা, হাসে শয়তানি ধরনে—যেন একদল ছিঁচকে চোরকে হাতে-নাতে ধ'রে ফেলেছে, তাদের ভাবখানা এইরকম।

এই বুর্জোয়ারাই এখন প্ল্যান-মাফিক নতুন ক'রে গ'ড়ে তুলছে সব : কোম্পানির পর কোম্পানি, ব্যবসার পর ব্যবসা বলশেভিক হ'য়ে যাচ্ছে।

হোলি-ক্রস হাসপাতালের এখন নাম হয়েছে দ্বিতীয় নববিধান। অনেক বদলে গেছে সেটি ; অনেকের চাকরি গেছে, আর কাজটা যথেষ্ট অর্থকরী নয় ব'লে অন্তেরা পদত্যাগ করেছেন। তাঁরা হলেন সব কেতাছুরন্ত ডাক্তার, লম্বা-চওড়া ফী হাঁকেন, কথা বলেন বেশি, সমাজের আত্মরে খোকা সব। তাঁরা কাজ ছেড়েছেন স্বার্থের খাতিরে, কিন্তু ব'লে বেড়ান তাঁরা নাগরিক হিসেবে প্রতিবাদ জানিয়েছেন, আর যারা তা করেনি তাদের অবজ্ঞার চোখে ত্যাগে। ইউরি চাকরি ছাড়েনি, থেকে গিয়েছে।

সন্ধ্যাবেলা তার সঙ্গে টোনিয়ার এই ধরনের কথাবার্তা হ'তো :

‘বুধবারের ব্যাপারটা ভুলো না কিন্তু, মেডিকেল ইউনিয়নের নিচের তলায় ছু'বস্তা জমানো আলু ওরা আমাদের জন্ত রেখে দেবে। কখন বেরুতে পারবো তোমাকে আগেই জানিয়ে দেবো আমি, একসঙ্গে বেরিয়ে স্নেজ নিতে হবে আমাদের।’

‘ঠিক আছে, এখনো অনেক সময় আছে হাতে। শুতে যাও না এখন, অনেক রাত হলো। একটু বিশ্রাম করো তো! তুমি একাই সব কাজ করতে চাও নাকি?’

‘এদিকে মড়ক লেগেছে। অত্যন্ত শ্রান্ত হ'লে অস্থখ ঠেকাবার শক্তি ক'মে যায়। তোমার আর বাবার কী ভীষণ চেহারা হয়েছে। কিছু-একটা করতেই হবে আমাদের। কী করা যায় তা যদি জানতাম! নিজেদের যথেষ্ট স্বপ্ন নিই না আমরা। টোনিয়া, শোনো—ঘুমোলে নাকি?’

‘না।’

‘নিজেকে নিয়ে ভাবনা নেই আমার, আমি ন'বার ম'রে গিয়ে বেঁচে উঠতে পারি—কিন্তু কোনো রকমে আমি যদি অস্থস্থ হ'য়ে পড়ি তাহ'লে তুমি

মাথা ঠিক রেখে—রাখবে তো ?—আমাকে কিছুতেই কিন্তু বাড়িতে রেখে না। তক্ষুনি হাসপাতালে পাঠাবার ব্যবস্থা করো।’

‘অমন কথা বোলো না, লক্ষ্মী তো। ভগবানের কাছে প্রার্থনা করো তোমাকে যেন ভালো রাখেন। যা-ই হোক, বিপদ যদি আসেই আমরা উৎরে যেতে পারবো।’

‘মনে রেখো, কেউ আর সং নেই আজকাল, বন্ধু ব’লে কিছু আর নেই। আর তার চেয়েও কম আছে কাজের লোক। কিছু যদি হয়, পিচুজ্জকিন ছাড়া কাউকে বিশ্বাস করো না। অবশ্য এখনো যদি সে থেকে থাকে সেখানে। ঘুমোলে?’

‘না।’

‘মাইনে কম ব’লে সব চ’লে গেলো, আর এখন শোনা যাচ্ছে তারা নাকি তাদের নীতি আর নাগরিকের দায়িত্ব রক্ষা করেছে। রাস্তায় দেখা হ’লে হাতও ঝাঁকায় না ভালো ক’রে, ভুরু তুলে জিজ্ঞেস করে: “ও, আপনি বুঝি এখনো ওদের ওখানে কাজ করছেন?”—“হ্যাঁ, করছি,” আমি জবাব দিয়েছি, “শুনে হয়তো অস্বস্তি হবেন না যে আমাদের দুঃখকষ্ট নিয়ে আমি গবিত, আর সে-সব কষ্ট আমাদের ওপর চাপিয়ে যারা আমাদের সম্মান জানিয়েছে তাদের আমি শ্রদ্ধা করি।”

১০

বেশির ভাগ লোকের খাতি হ’লো সেদ্ধ জোয়ার, হেরিংমাছের মাথা দিয়ে রাঁধা স্যুপ, আর হেরিংমাছের বাকি অংশ দিয়ে একটা দ্বিতীয় পদ; ময়দা অথবা রাগি সেদ্ধ ক’রে মগুও হয়। এর পরে অনেকদিন ধ’রে এই মগুই লোকের প্রধান খাতি হয়ে ছিলো।

এক অধ্যাপিকা, টোনিয়ার বন্ধু, তাকে তাদের ওলন্দাজি স্টোভে রুটি তৈরি করতে শিখিয়ে দিলেন। মতলবটা হ’লো কিছু রুটি বিক্রি ক’রে, বড়ো স্টোভটা ব্যবহার করার খরচ তুলে আনা; কুকারটা থেকে এখনো খুব ধোঁয়া বেরুচ্ছে আর তাপ তো হয়ই না বলতে গেলে।

টোনিয়ার রুটি ভালোই হ’লো, কিন্তু ব্যবসাবুদ্ধি কোনো কাজে লাগলো

না। সেই বিদ্রী কুকারটাই আবার ব্যবহার করতে হ'লো তাদের। বড় খারাপ অবস্থায় পড়েছে তারা।

একদিন সকালে ইউরি কাজে যাবার পর টোনিয়া তার নোংরা গরম কোটটি গায়ে চাপালো—এতো খারাপ হ'য়ে গেছে তার শরীর যে গরমের দিনেও এই কোটের তলায় সে কাঁপে—তারপর বেরুলো 'শিকারে'। আর মাত্র দু'খানা জ্বালানি কাঠ বাকি আছে।

আশে-পাশের গলিতে-গলিতে ঘুরতে লাগলো সে; মস্কোর বাইরে গ্রাম থেকে চাষিরা মাঝে-মাঝে এসে সেখানে তরকারি আর আলু বিক্রি করে, দেখা যায়। বড়ো রাস্তায় তাদের পুলিশে ধরবে।

যা চাইছিলো তা একটু পরেই জুটে গেলো। চাষিদের মতো জামা-পরা এক বিপুলকায় যুবক তার পেছন-পেছন একটা স্লেক্স টেনে নিয়ে এলো, সেটা দেখতে খেলনার মতো হালকা; অতি সাবধানে ওদের বাড়ির উঠোনে ঢুকলো সে।

স্লেক্সের মধ্যে থলিতে ঢাকা আছে, উনিশ শতকের ফোটোগ্রাফে বাগান-বাড়িতে যেমন থাম থাকে, তেমনি মোটা-মোটা বার্চ কাঠের বোঝা। এর দাম জানে টোনিয়া: নামেই বার্চ, কাঠটা যথাসম্ভব খারাপ; আর এতো সস্তাকাটা যে জ্বালানি হিসেবে মোটেও উপযোগী হবে না। কিন্তু গতাস্তর যখন নেই, তখন তর্ক ক'রে লাভ কী?

যুবকটি পাজাকোলা ক'রে পাঁচ-ছয় বার কাঠের বোঝা টেনে নিয়ে ওপরের ঘরে পৌঁছে দিলে; তার বদলে সে নিলো টোনিয়ার আয়নার দরজাওলা ছোটো আলমারি। নিচে নিয়ে গিয়ে স্লেক্সের মধ্যে বোঝাই ক'রে জ্বর জ্বর উপহার নিয়ে চললো। ভবিষ্যতে আলু জোগান দেবার ইঙ্গিত দিয়ে সে পিয়ানোটোর দাম জিজ্ঞেস করলে।

বাড়ি ফিরে ইউরি টোনিয়ার কাঠ কেনার বিষয়ে কোনো মন্তব্য করলে না। আলমারিটা কাটলে এর চাইতে বুদ্ধিমানের কাজ হ'তো, কিন্তু সেটা তারা প্রাণ ধ'রে কিছুতেই করতে পারতো না।

'টেবিলের ওপর তোমার একটা চিঠি আছে, জাখোনি?' টোনিয়া জিজ্ঞেস করলো।

‘হাসপাতাল থেকে যেটা এসেছে? ইয়া, আমি আগেই খবর পেয়েছি। রোগীর বাড়ি থেকে ডাক এসেছে। আমি নিশ্চয়ই যাবো। একটু বিজ্ঞান ক’রেই যাচ্ছি। কিন্তু বেশ দূর জায়গাটা। জয়ন্তন্তের কাছে কোথায় যেন। ঠিকানাটা আছে আমার কাছে।’

‘কত ফী দিতে চেয়েছে, দেখেছো? সেটা বরং দেখে নাও। এক বোতল জার্মান কন্ডাক অথবা এক জোড়া মোজা। কী বকম লোক ওরা, ভাবো তো একবার। আজকাল আমরা কী ভাবে দিন কাটাচ্ছি সে-বিষয়ে কোনো জ্ঞানই নেই মনে হচ্ছে। নতুন বড়োলাক বোধ হয়?’

‘ইয়া, নিশ্চয়ই কোনো জোগানদারের বাড়ি।’

নানাবিধ জিনিসপত্র সরবরাহ করার জন্ত যে সব উৎসাহী ব্যবসায়ী সরকারি কনট্রাক্ট পেয়েছিলেন তাদের বলা হ’তো জোগানদার অথবা দালাল। নতুন সরকার ব্যক্তিগত ব্যবসার উচ্ছেদ করেছে, কিন্তু আর্থিক সংকটের সময় কিছু-কিছু স্ববিধেও দেওয়া হচ্ছিলো।

আগেকার দিনের বিত্তবান লোক নয় এরা, কোনো পুরোনো ফার্মের বরখাস্ত-হওয়া কর্তা নয়—সে-সব লোক অবশ্য এই আঘাত সামলে উঠতে পারেননি। এরা হ’লো এক নতুন জাতের ব্যবসাদার যাদের কোথাও কোনো শিকড় নেই, যুদ্ধ আর বিপ্লব যাদের সবচেয়ে নিচের শ্রেণী থেকে ওপরে টেনে তুলেছে।

দুধ দিয়ে শালা-করা গরম জল আর স্নানকারিন পান ক’রে ইউরি তার রোগী দেখতে চ’লে গেলো।

দেয়াল থেকে দেয়াল পর্যন্ত গভীর বরফে রাস্তা ঢেকে আছে, কোথাও কোথাও তা একতলার জানলার সমান উঁচু। এর ওপর দিয়ে ন’ড়ে-চ’ড়ে বেড়াচ্ছে নিঃশব্দ আধ-মরা ছায়ারা—অল্প কিছু খাবার হাতে চলেছে কেউ, কেউবা সেটা স্নেজে টেনে নিচ্ছে। এ ছাড়া বলতে গেলে অল্প ধান-বাহন নেই।

পুরোনো দোকানের সাইনবোর্ডগুলি এখানে-সেখানে এখনো ঝুলে আছে। তলায় যে-সব ছোটো ছোটো সমবায় সমিতির দোকান খোলা হয়েছে তার সঙ্গে তাদের কোনো যোগ নেই। এই দোকানগুলি শূন্য, তালাবদ্ধ, জানলা বদ্ধ, অথবা তক্তা দিয়ে মুড়ে দেওয়া।

শুষ্ক ও তালাবদ্ধ হওয়ার কারণ শুধু মালের অভাব নয় ; জীবনের সব ক্ষেত্রে, ব্যবসাতেও, নতুন ব্যবস্থা এখনো পর্যন্ত কাগজ-কলমের ব্যাপার হ'য়েই আছে, তক্তামারা দোকানের মতো এমন একটা তুচ্ছ ব্যাপারের সঙ্গে এখনো তার যোগসূত্র স্থাপিত হয়নি।

১১

ব্রেস্ট স্ট্রিটের শেষে, ৭ভের দরওয়াজার কাছে বাড়িটা খুঁজে পেলো ইউরি।

বাড়িটা পুরোনো ইটের তৈরি একটা ব্যারাক, মাঝখানে উঠোন, উঠোনের দেয়াল বেয়ে উঠে গেছে ঢাকা কাঠের সিঁড়ি।

ভাড়াটেদের সাধারণ সভা ছিলো সেদিন ; আগে থেকে দিন ঠিক ছিলো, স্থানীয় সোভিয়েট থেকে একজন মহিলা প্রতিনিধি এসেছেন, এমন সময় বন্দুকের লাইসেন্স পরীক্ষা ও লাইসেন্স-ছুট অস্ত্রশস্ত্রের খোঁজে এক মিলিটারির কমিশন হানা দিলো সেখানে। ভাড়াটেরা ঘরে ফিরে অপেক্ষা করতে বাধ্য হ'লো, কেননা কার কখন ডাক পড়ে বলা যায় না, কিন্তু কমিশনের স্থানীয় নেতা সোভিয়েটের প্রতিনিধিকে চ'লে যেতে বারণ করলেন, তাদের খোঁজাখুঁজি বেশি সময় নেবে না, পরে সভা হ'তে পারবে।

ইউরি যখন পৌছলো তখন তাদের কাজ প্রায় হ'য়ে এসেছে, কিন্তু সে যে স্ল্যাটে যাচ্ছে সেটা তখনো সার্চ করা হয়নি। সিঁড়ির চাতালে এক রাইফেলধারী সৈন্য তাকে আটকেছিলো, কিন্তু কমিশনের নেতা তাদের বাকবিতণ্ডা শুনে হুকুম দিলেন ডাক্তার তাঁর রোগী পরীক্ষা না-করা পর্যন্ত ওখানে সার্চ করা স্থগিত রাখা হবে।

দরজা খুলে দিলে গৃহস্বামী, অতি ভদ্র একটি যুবক, স্নান জলপাই-রঙের চামড়া, আর বিষণ্ণ চোখ। স্ত্রীর অস্থখ, এই সার্চের ব্যাপার, আর চিকিৎসা-বিজ্ঞান এবং তার প্রতিনিধির প্রতি তার স্নগভীর শ্রদ্ধা, এমনি বহুবিধ ব্যাপারে উত্তেজিত আছে সে।

ডাক্তারের সময় ও অস্থবিধে বাঁচানোর জন্ত সে ছোটো ক'রে অস্থখটা বোঝাতে গেলো, কিন্তু অতো তাড়াহড়োর জন্তই সে কথা বললো অসংলগ্নভাবে, আর অনেকক্ষণ ধ'রে।

ডাক্তার যা দেখলেন তা হ'লো এক বিলাসী ক্ল্যাট আর শস্তা বেজমেন্টের^১ মিশ্রণ ; আসবাবপত্র বেশির ভাগই তাড়াহড়ো ক'রে কেনা হয়েছে, পাছে পরে টাকার দাম দ্রুত নেমে যায়, সেই ভয়ে এইভাবে টাকা খাটানো হয়েছে ; আসবাবের মধ্যে আছে কিছু-কিছু অসম্পূর্ণ সেট আর যে-সব জিনিস জোড়ে ব্যবহার করতে হয় তার একটি-একটি নমুনা ।

যুবকটির ধারণা তার স্ত্রীর অস্থিটা স্নায়বিক কোনো উত্তেজনার ফলে ঘটেছে। অনেক অপ্রাসঙ্গিক কথা টেনে এনে সে বললে যে সম্প্রতি বিচিত্র আওয়াজের এক অদ্ভুত ঘড়ি কিনেছে সে । তার কলকল যা-ভাবে বিগড়েছে তাতে মেরামত হবার আশা নেই, ঘড়ি তৈরি শিল্পের একটি (ডাক্তারকে পাশের ঘরে নিয়ে গিয়ে সে ঘড়িটা দেখিয়ে দিলে) উজ্জল নমুনা হিসেবে জলের দরে ঐ ঘড়িটা তারা কিনেছিলো । হঠাৎ, বছরের পর বছর যে-ঘড়িতে দম দেওয়া হয়নি, সে ঘড়ি নিজেকে থেকে চলতে শুরু করলো, জটিল সূরের ঘট। বাজিয়ে থেমে গেলো । অসম্ভব ভয় পেয়ে গেলো তার স্ত্রী । যুবকটি বললে, তার স্ত্রীর একেবারে দৃঢ় বিশ্বাস হ'লো যে তার আয়ু ফুরিয়ে এসেছে, আর এখন তো ঐ প'ড়ে আছে বিকারের ঘোরে ; তাকে চিনতে পারছে না, খাচ্ছে না, জলটুকু পর্যন্ত খাচ্ছে না ।

‘ও, আপনি তাহ'লে এটাকে স্নায়বিক উত্তেজনার ফল ব'লে মনে করেছেন,’ ইউরি সন্দেহের সুরে বললে । ‘আমি কি ঠুকে দেখতে পারি একবার ?’

এবার যে-ঘরটায় তারা গেলো সে ঘরের ছাদ থেকে চীনেমাটির বাতি বুলছে, প্রশস্ত জোড়াখাট পাতা, দুই পাশে মেহগনির টেবিল । খুতনি পর্যন্ত পালকের লেপ টেনে খাটের এক প্রান্তে শুয়ে আছে কালো চোখের ছোটোখাটো একটি স্ত্রীলোক । তাদের দেখে বিছানার তলা থেকে একটি হাত বের ক'রে হাত নেড়ে তাদের চ'লে যেতে বললে, তার ড্রেসিং গাউনের ডিলে হাতা খ'সে প'ড়ে গেলো বগলের কাছে । তারপর যেন ঘরে সে একা, এমনিভাবে নিচু গলায় ককণ সুরে গান গাইতে লাগলো, তাতে এতো বিচলিত

১। Basement: রোরোপে ও উত্তর আমেরিকায় অনেক বাড়িতেই মাটির তলার ঘর থাকে, সেগুলি শস্তার তাড়া পাওয়া যায় ।—অনুবাদের টীকা ।

হ'য়ে পড়লো যে কঁাদতে শুরু করে দিলে। বাচ্চার মতো ফুঁপিয়ে কঁাদতে-কঁাদতে 'বাড়ি যাবার' জন্ত মিনতি করতে লাগলো। ইউরি তার বিছানার কাছে এসে দাঁড়াতেই তার দিকে পিঠ ফিরিয়ে গুলো, কিছুতেই তাকে ছুঁতে দেবে না।

'আমার এঁকে পরীক্ষা করা উচিত,' ইউরি বললে, 'অবশ্য বিশেষ কিছু এসে যায় না তাতে। স্পষ্টই বোঝা যাচ্ছে টাইফাস হয়েছে—খুব বেশি এগিয়ে গেছে অসুখটা; বেচারি, খুব যত্নপা পাচ্ছেন নিশ্চয়ই। আমি বলি কী, হাসপাতালে পাঠিয়ে দিন। বাড়িতে যে আপনি গুঁর যখন যা দরকার তা-ই ব্যবস্থা করবেন তাতে সন্দেহ নেই, কিন্তু সবচেয়ে বেশি দরকার হ'লো প্রথম কয়েক সপ্তাহ সমানে ডাক্তারের তত্ত্বাবধানে থাকা। কোনোরকম একটা গাড়ির ব্যবস্থা কি করতে পারেন—গাড়ি, নিদেন ঠেলাগাড়ি হ'লেও হবে। খুব ভালো ক'রে ঢেকে-ঢুকে নিয়ে যেতে হবে। আমি হাসপাতালে ভর্তি করার জন্ত চিঠি দিয়ে দিচ্ছি।'

'চেষ্টা করছি, কিন্তু একটু শুশুন। যা বলছেন সে কি সত্যি? কী ভয়ানক কাণ্ড!'

'আমার তো তা-ই মনে হচ্ছে।'

'দেখুন, আমি জানি ওকে যেতে দিলে আর ফিরে পাবো না—আপনি কি এখানেই গুঁর দেখাশুনা করতে পারেন না? যতোবার আপনার পক্ষে আসা সম্ভব হয় তা-ই আসবেন—আপনি যা চান সানন্দে আমি তা-ই দেবো আপনাকে।'

'দুঃখিত, আমি তো বললাম আপনাকে, গুঁর যা দরকার তা হ'লো সারাক্ষণ ডাক্তারের তত্ত্বাবধানে থাকা। যা বলছি তাই করুন। গুঁর ভালোর জন্ত বলছি আমি।—এবার আপনি গাড়ি জোগাড় করার জন্ত মরীয়া হ'য়ে চেষ্টা ক'রে দেখুন, আমি ততোক্ষণে চিঠিটা লিখে ফেলি। লেখার জন্ত বরং আপনাদের কমিটি রুমে যাচ্ছি। বাড়ির নাম-ঠিকানার ছাপ দিতে হবে চিঠিতে, তাছাড়াও আরো দু' একটা নিয়ম কাছন আছে।'

১২

শাল আর পশমের কোট জড়িয়ে ভাড়াটেরা একে-একে ফিরে আসছে বাড়ির নিচের তাপহীন জায়গাটার, যেটা আগে ছিলো ডিমের গুদাম আর এখন হাউস-কমিটি তাদের দপ্তর হিসেবে ব্যবহার করছে।

একটি সেক্রেটারিয়েট-টেবিল আছে ঘরের এক দিকে, আর গোটা কয়েক চেয়ার। চেয়ার কম থাকায়, ডিমের পুরোনো ফাঁকা কাঠের খাঁচাগুলো উল্টে এক পাশে সারি ক'রে বেঞ্চির মতো সাজানো আছে। দূরে, ঘরের অল্প কোণে এই রকম কাঠের খাঁচার স্তূপ ছাদ পর্যন্ত উঠে গেছে। এক দিকে খড়কুটো জমা করা, ভাঙা ডিম থেকে চুঁইয়ে-পড়া ডিমের কুস্মে শক্ত হ'য়ে এঁটে জ'মে আছে। সেই স্তূপের মধ্যে কিচকিচ ক'রে ইঁদুর খেলে বেড়ায়, কখনো-কখনো দল বেঁধে নেমে আসে পাথরের মেঝের মধ্যখানে, আবার ছিটকে চ'লে যায়।

যতোবার ও-রকম হচ্ছিলো, ততোবার একটি মোটা ভাড়াটে স্ত্রীলোক আতনাদ ক'রে উঠে দাঁড়াচ্ছিলো কোনো-একটা খাঁচার ওপর; সন্তর্পণে জামাটা তুলে ধ'রে, তার ফ্যাশানদ্রুত জুতোর হিল ঝুঁকে, ইচ্ছে ক'রে কর্কশ নেশাখোরের মতো গলায় সে চীংকার করছিলো :

‘ওলিয়া, ওলিয়া, এ যে ইঁদুরে ছেয়ে আছে দেখছি। যা ভাগ, নোংরা জানোয়ার কাঁহাকার। আই-আই-আই! ঝাখো একবার, ভূতগুলো সব বোঝে, ঝাখো না কেলো ভূতগুলো কেমন বিকট ক'রে দাঁতে দাঁত ঘষছে। আই-আই-আই! এ যে ওঠার চেষ্টা করে, আমার জামার তলায় ঢুকে যাবে যে, বড়ো ভয় করছে আমার। একটু মুখ ফেরান তো, মশাইরা। মাপ করবেন—দুঃখিত, ভুলে গিয়াছিলাম, আপনারা আজকাল কমরেড নাগরিক, ভদ্রলোক আর নন।

তার লম্বা আঁঠাখান জামাটা খুলে গিয়ে বুলে পড়েছে তার থুতনি, বুক, পেটের ওপর—তিন-ভাঁজ করা থুতনিটি কাঁপছে তার, বেশমো মোড়া বুক আর পেট জমকালো। খুঁদে ব্যবসাদার আর কেরানিদের মহলে এককালে সে ছিলো রূপসী, কিন্তু এখন তার ফোলা চোখের পাতার মাঝখানে গুয়োরের মতো ছোটো-ছোটো ছুটি চোখ সৰু চিলতের মতো দেখায়। এক প্রতিবন্দী

একবার তাকে অ্যাসিড ছুঁড়ে মেরেছিলো কিন্তু লাগাতে পারেনি, শুঁধু দু-এক ফোটা ছিটকে এসে তার গালে আর ঠোঁটের কোণে লাঙল চালিয়ে দিয়ে গেছে, তাও এতো হালকা যে তাকে মানিয়ে গেছে বললে ভুল হয় না।

‘চ্যাচানি থামাও তো, খাপুগিনা। কাজ করবো কী ক’রে?’ ব’লে উঠলেন স্থানীয় সোভিয়েটের মহিলা প্রতিনিধি, তাঁকে সভাপতি করা হয়েছে, টেবিলের ধারে ব’সে আছেন তিনি।

এই বাড়িটা আর ভাড়াটেদের অনেকেই তাঁর আজন্মের চেনা। সভার আগে ফতিমা খুড়ির সঙ্গে বেসরকারিভাবে কথা বললেন তিনি; স্বামী-সন্তান নিয়ে কেয়ার-টেকার ফতিমা এককালে এই বাড়ির নোংরা বেজ্রমেণ্টেই এক কোনায় বাস করতো, কিন্তু এখন তার কাছে তার মেয়ে ছাড়া কেউ নেই, দৌতলায় ভালো দুটো ঘর তাকে দেয়া হয়েছে।

‘কী, ফতিমা, গতিক কেমন বুঝছো?’

ফতিমা অভিযোগ করলে যে এতো বড়ো বাড়ি আর এতো ভাড়াটের দেখাশুনো একেবারে একা ক’রে উঠতে পারে না সে, কোনো সাহায্যই সে পায় না কারো কাছে,—কেননা যদিও প্রতিটি পরিবারের পালা ক’রে সিঁড়ি ও দরজার সামনের অংশটুকু পরিষ্কার করার কথা, কেউই তা করে না।

‘ভেবো না ফতিমা, ওদের মজা দেখিয়ে দেবো। কিন্তু এটা কী রকম হাউস-কমিটি বলে তো? নিষ্কর্মার ঢেঁকি সব! চোর-জোচ্চোরদের ঢোকানো হয় বাড়িতে। খারাপ লোকেরা নাম না-লিখিয়ে লুকিয়ে থাকে। এটাকে তুলে দিয়ে নতুন কাউন্সিল নির্বাচন করতে হবে। তোমাকে বাড়ির ম্যানেজার ক’রে দেবো, কিন্তু কোনো-কিছু নিয়েই অস্থির হ’তে পারবে না, বলে দিচ্ছি।’

ফতিমা মিনতি করলো তাকে ছেড়ে দেবার জন্ত, কিন্তু প্রতিনিধি তার কথায় কান দিলেন না।

ঘরের চারপাশে তাকিয়ে, যথেষ্ট লোক আছে স্থির ক’রে, তিনি সবাইকে চূপ করতে বললেন, ছোটো প্রারম্ভিক বক্তৃতা দিয়ে সভার কাজ শুরু করলেন। হাউস-কমিটির মধ্যে শৈথিল্যের নিন্দে করলেন তিনি, প্রস্তাব করলেন নতুন কাউন্সিলে নির্বাচনপ্রার্থীদের নাম দেওয়া হোক, তারপর অন্ত্যন্ত বিষয়ে বললেন।

শেষ করলেন এই ব'লে :

‘কমরেডগণ, এই তো অবস্থা। খোলাখুলি বলতে গেলে, বাড়িটা বিরাট, হস্টেল হবার উপযোগী। কনফারেন্সগুলোতে যোগ দেবার জন্য যারা শহরে আসেন, তাঁদের কোথায় রাখবো ভেবে পাই না আমরা। তাই স্থির করা হয়েছে এই বাড়িটাকে স্থানীয় সোভিয়েটের হস্টেল ক’রে দেওয়া হবে, বাইরে থেকে যে সব প্রতিনিধি আসেন, তাঁরা থাকবেন এখানে। আপনারা সকলেই জানেন নির্বাসনের আগে পর্যন্ত কমরেড টিভেরজিন এখানে ছিলেন, তাঁর সম্মানার্থে এর নাম হবে টিভেরজিন হস্টেল। কোনো আপত্তি নেই তো? কবে দেওয়া হবে? তার তাড়া নেই, পুরো এক বছর আপনারদের হাতে আছে। কর্মীরা সকলেই আবার বাড়ি পাবে, অন্তেরা নিজের চেষ্টায় আয়গা খুঁজে নেবে—এক বছরের নোটস দেওয়া হ’লো।’

‘আমরা সবাই কর্মী! আমরা প্রত্যেকে! আমরা সবাই!’ চারদিক থেকে টেচিয়ে উঠলো লোকেরা। একজন হঠাৎ ফুঁপিয়ে কঁদে উঠলো : ‘এ হ’লো গ্রেট-রাশিয়ান^১ গোয়াতুমি! সব জাতি এখন সমকক্ষ! আপনি কী বলতে চাচ্ছেন তা বুঝিনি ভাববেন না!’

‘সবাই একসঙ্গে কথা বলবেন না! কার জবাব আগে দেবো? নাগরিক ভালডিরকিন, এর সঙ্গে জাতির কী সম্পর্ক? খ্রাপুগিনাব কথা ভাবুন, ওর ব্যাপারে জাতীয়তার কোনো প্রশ্ন ওঠে না, কিন্তু ওকে আমরা নিশ্চয়ই উচ্ছেদ করছি।’

‘তাই নাকি? উচ্ছেদ করার চেষ্টা ক’রেই ত্যাগো না, মজা টের পাবে। হুমড়ানো সোফা! কুঁচকোনো বিছানার চাদর কোথাকার!’ রাগের ঝোঁকে চীৎকার ক’রে প্রতিনিধিকে যতো সব বোকা-বোকা গাল পাড়তে লাগলো খ্রাপুগিনা।

‘শয়তানি!’ ফতিমা-খুড়ি বিরক্ত হ’লো। ‘লজ্জাও নেই?’

‘তুমি নাক গলাতে এসো না তো, থামো, আমার ব্যাপার আমিই ভালো বুঝবো।’ প্রতিনিধি বললেন, ‘চূপ করো, খ্রাপুগিনা, তোমার কথা

১। Great Russia; রাশিয়ার আদি, রোরোগীয় অংশ, বার মধ্যে মস্কো ও পিটার্সবার্গ (বর্তমানে লেনিনগ্রাড) অবস্থিত, ও বার অধিবাসীদের মাতৃভাষা রুশ।—অনুবাদের টীকা।

কিছুই আমার জানতে বাকি নেই, চূপ করো বলছি, নয়তো তোমাকে এফুনি ধরিয়ে দেবো—তোমার ভদকা বানানো আর চোরের আড্ডা বসানোর ব্যাপার ওরা হাতে-নাতে ধ'রে ফেলার আগেই আমি ধরিয়ে দেবো তোমাকে ।’

ইউরি যখন ঢুকলো গোলমাল তখন চরমে উঠেছে । যে-লোকটি প্রথম তার কথায় কান দিলো তাকে সে জিজ্ঞেস করলো হাউস-কমিটির কারো সঙ্গে দেখা হওয়া সম্ভব কিনা ; লোকটি মুখের সামনে হাতটা চোঙের মতো ক’রে ধ’রে গোলমালের ওপরে গলা তুলে চীৎকার করলে

‘গা-লি-উ-লি-না ! তোমাকে ডাকছে ।’

নিজের কানকে বিশ্বাস করতে পারলো না ইউরি । রোগা, বয়স্ক, একটু কুঁজো একটি জীলোক—ফতিমা খুড়ি—এগিয়ে এলো তার দিকে ; শুধু তার মুখ দেখেই ইউরি বলতে পারতো সে গালিউলিনের মা । তফুনি অবশু নিজের পরিচয় দিলো না সে, বললে

‘আপনার ভাড়াটেদের মধ্যে একজনের টাইফাস হয়েছে’ (নামটাও বললে সে) । ‘রোগটা যাতে না ছড়ায় তার জন্ত বিস্তর সাবধানতা অবলম্বন করতে হবে । আর এক কথা, রোগীকে হাসপাতালে নিতে হবে । আমি একটা ভর্তি করার জন্ত চিঠি লিখবো ; হাউস-কমিটির ছাপা চাই তাতে । কী ক’রে এবং কোথায় সেটা হ’তে পারে !’

ফতিমা ভাবলো ইউরি জিজ্ঞেস করছে, ‘রোগীকে হাসপাতালে নেবো কী করে ?’ তাই জবাব দিলে . ‘স্থানীয় সোভিয়েট থেকে কমরেড ডেমিনার জন্ত একটা গাড়ি আসছে, মানে ঐ প্রতিনিধির জন্ত । খুব ভালো লোক উনি, কমরেড ডেমিনা আরকি, আমি ঠুকে বলবো, উনি নিশ্চয়ই আপনার রোগীকে গাড়িটা দেবেন । ভাববেন না, কমরেড ডাক্তার, ঠিক পৌছে দেবো আমরা ।’

‘তা ভালো কথা । কিন্তু, আমি জিজ্ঞেস করছিলাম কী, চিঠিটা কোথায় ব’সে লিখবো । কিন্তু যদি গাড়িও থাকে...আমি কি একটা কথা জিজ্ঞেস করতে পারি, আপনি কি লেফটেন্যান্ট গালিউলিনের মা ? আমরা ফ্রন্টে একই রেজিমেন্টে ছিলাম ।’

ভয়ানকভাবে চমকে উঠে গালিউলিনা ফ্যাকাশে হ'য়ে গেলো। ইউরির হাত চেপে ধরলো সে : 'বাইরে চলো। উঠোনে গিয়ে কথা বলবো আমরা।'

দরজার বাইরে এসেই দ্রুতবেগে সে বললে : 'আন্তে কথা বলো, ঈশ্বরের দোহাই। আমার সর্বনাশ কোনো না। ইউরুপকা ভুল পথে গেছে। নিজেই ভেবে ছাখো—সে কী ছিলো? শিক্ষানবিশ, কর্মী। তার বোঝা উচিত ছিলো—সাধারণ লোকেরা যে আজকাল অনেক ভালো আছে অঙ্কেও তা দেখতে পায়, সে-কথার কেউ প্রতিবাদ করতে পারবে না। তুমি নিজে কী ভাবো তা আমি জানি না, তোমার পক্ষে সেটা ঠিক হ'তে পারে, কিন্তু ইউরুপকার পক্ষে সেটা পাপ। ভগবান তাকে ক্ষমা করুন। তার বাবা ছিলেন সাধারণ সৈন্ত, মারা গিয়েছিলেন তিনি; তার মুখ নাকি উড়ে গিয়েছিলো গুলি লেগে, আর হাত—আর পা—'

তার গলা কেঁপে উঠলো; শান্ত হবার জন্ত একটু থেমে, সে ব'লে চললো :

'এসো। আমি তোমাকে গাড়ি ডেকে দিচ্ছি। জানি, তুমি কে। কয়েকদিনের জন্ত সে এসেছিলো এখানে। আমাকে বলেছে। বলেছিলো তুমি নাকি লারা গুইশারকে চেনো। খুব ভালো মেয়ে ছিলো সে, মনে আছে আমার, আমাদের দেখতে আসতো। এখন কেমন হয়েছে জানি না—তোমাদের ভদ্রলোকদের কথা কে বলতে পারে? ভদ্রলোকেরা সব দল বেঁধে থাকবে, সেটা স্বাভাবিক। কিন্তু ইউরুপকার পক্ষে সেটা পাপ। এসো, গাড়িটাকে চেয়ে নেওয়া যাক। কমরেড ডেমিনা যে গাড়িটা তোমাকে দেবেনই সে-বিষয়ে আমি নিশ্চিত। কমরেড ডেমিনা কে জানো? ও হ'লো ওলিয়া ডেমিনা, লারার মার কাছে দরজির কাজ করতো, সেও এই এখান থেকেই বেরিয়েছে। এই—এই বাড়ি থেকে। চ'লে এসো।'

১৩

বেশ অঙ্ককার হ'য়ে এসেছে। তাদের ঘিরে আছে অঙ্ককার। শুধু ডেমিনার পকেট-টর্চের ছোট্ট গোল আলো ছুটে-ছুটে যাচ্ছে বরফের এক-একটা ঝাপট থেকে আর-একটাতো, মাত্রই চার-পাঁচ হাত দূরে, তাতে পথে আলো না-ফেলে বরং গুলিয়ে দিচ্ছে বেশি। তাদের চারপাশে অঙ্ককার, আর তারা ভাঃ জ্বিভাগো—১৮

পেছনে কেলে এসেছে সেই বাড়ি, যে-বাড়িতে অতো লোক লাগাকে চেনে, যেখানে ছেলেবেলায় অতোবার সে এসেছে, আর যেখানে, সবাই বললে, তার স্বামী আশ্চিপত মানুষ হয়েছে।

‘টর্চ ছাড়া ঠিক পথ চিনতে পারবেন তো, কমরেড ডাক্তার?’ ডেমিনা বেশ শিঠ-চাপড়ে কথা বলছিলো—‘যদি না পারেন, আমারটা ধার দিতে পারি। ছেলেবেলায় সত্যি আমি ওর প্রেমে প’ড়ে গিয়েছিলাম—লারার কথা বলছি। জানেন, ওদের একটা দরজির দোকান ছিলো, সেখানে আমি শিক্ষানবীশের কাজ করতাম। এ-বছর দেখা হয়েছে ওর সঙ্গে। ফেরার পথে মস্কোতে থেমেছিলো। আমি বললাম: “কোথায় যাচ্ছে, বোকারাম? এখানে থাকো। এসো আমাদের সঙ্গে থাকবে। তোমাকে কাজ খুঁজে দেবো আমরা।” কিন্তু কোনো লাভ হ’লো না, ও থাকবে না। ষাকগে, তার ব্যাপার সে জানে। পাশাকে বিয়ে করলো বুদ্ধি দিয়ে, হৃদয় দিয়ে নয়; তখন থেকেই এ-রকম নির্বোধ ও। চ’লে গেলো।’

‘ওকে কেমন লাগে আপনার—কী মনে হয়?’

‘সাবধান—পেছল কিন্তু। কতোবার যে ময়লা জল দরজার বাইরে ফেলতে বারণ করেছি তার ঠিক নেই—এর চেয়ে দেয়ালের সঙ্গে কথা বলা ভালো।—ওকে কী মনে হয়? কী ভাবি? কী আবার ভাববো—কিছু ভাববার সময় কোথায় আমার?—এই যে, এখানে আমি থাকি।—একটা কথা ওকে বলিনি—ওর ভাই, যুদ্ধে গিয়েছিলো সে, তাকে বোধ হয় ওরা গুলি ক’রে মেরেছে। আর তার মা, এক সময় আমার মালিক ছিলেন যখন, তখন তাঁর ঘাতে কোনো বিপদ না হয় সেদিকে লক্ষ্য রাখবো আমি। আচ্ছা, এবার ভেতরে যেতে হবে আমাকে—আসি।’

তারি বিদায় নিলো। ডেমিনার ছোট টর্চের আলো সরু পাথরের প্রবেশ-পথের ওপর লাফিয়ে প’ড়ে, দাগ-ধরা দেয়াল আর নোংরা সিঁড়িতে আলো ছড়িয়ে এগিয়ে চললো, আর ইউরিকে ঘিরে ধরলো অন্ধকার। ডানদিকে হ’লো ‘কাননবিজয়’ স্ট্রীট^১, বাঁ দিকে ‘গাড়ি-বাগান’ স্ট্রীট^২। কালো, বরফে ঢাকা

১ Sadovaya Triumfalnaya

২ Sadovaya Karetnaya

দূরেষ্টে মিশে গিয়ে তারা আর রাস্তা নেই, পাথরের বাড়ির জঙ্গল থেকে কেটে-
নেওয়া চিলতে যেন তারা, সাইবেরিয়া অথবা উরালের ঘন জঙ্গলের মধ্য দিয়ে
যেমন পথ কাটা হয়, তেমনি।

বাড়িতে আলো জ্বলছে, ভেতরটা উষ্ণ।

‘এতো দেরি হ’লো কেন?’ টোনিয়া বললে। ‘তুমি যখন বাইরে ছিলে
তখন এক অস্বাভাবিক ঘটনা ঘটেছে’, ইউরি কোনো জবাব দেবার সময়
পাবার আগেই সে আবার শুরু করলো। ‘সত্যি, একেবারে আশ্চর্য।—
তোমাকে বলতে ভুলে গিয়েছিলাম যে গতকাল বাবা অ্যালার্ম ঘড়িটা ভেঙে
ফেলেছেন—খুব বিচলিত হ’য়ে পড়েছিলেন তিনি, বাড়িতে ঐ একটা ঘড়িই
চলে। সারাবার চেষ্টা করলেন, যন্ত্রপাতি নিয়ে নাড়াচাড়া ক’রে চললেন,
কিন্তু কোনো ফল হ’লো না। ঐ যে ওখানে এক ঘড়িওলা আছে না, সে এক
অদ্ভুত দর ইঁাকলো—তিন পাউণ্ড রুটি। কী করবো ভেবে পেলাম না, বাবা
তো একেবারে মন-মরা হ’য়ে আছেন। আর ঘটনাখানেক আগে—বিশ্বাস
করবে না—হঠাৎ কী জোর বেজে উঠলো—এমন কানে-তালা-ধরানো শব্দ
যে ভয়ে হতভম্ব হ’য়ে গেলাম আমরা। ঐ অ্যালার্ম ঘড়ি! এমন কথা
কল্পনাও করতে পারো? আবার চলতে শুরু করেছে, একেবারে নিজে-নিজে।’

‘আমার টাইফাসের ঘণ্টা বাজলো,’ ইউরি হাসলো। তার টাইফাস
রোগী আর সেই স্ত্রীরা ঘড়ির কথা বললে সে।

১৪

কিন্তু ইউরির টাইফাস হ’লো অনেক পরে। ততোদিনে জিভাগোরা সঙ্ঘের
সীমা ছাড়িয়ে গেছে। আর কিছু তাদের অবশিষ্ট নেই, উপোস করছে তারা।
ষে-পার্টিনদস্তকে একবার ইউরি বাঁচিয়েছিলো, যিনি ডাকাতের হাতে
পড়েছিলেন, তাঁর সঙ্গে সে দেখা করতে গেলো। এ-ভদ্রলোক যা পারলেন
করলেন, কিন্তু গৃহযুদ্ধ শুরু হচ্ছে তখন, মন্ডোতে প্রায় থাকেনই না বলতে
গেলে; তাছাড়া, মাহুশ সে-সময়ে যে-কষ্ট সহ্য করছে সেটাকে স্বাভাবিক বলে
ধ’রে নিয়েছিলেন তিনি, আর যদিও তা প্রকাশ করতেন না তিনি নিজেও
অনাহারে ছিলেন।

ব্রেস্ট স্ট্রিটের সম্পত্তির কাছে চেষ্টা করলো ইউরি—তার সেই প্রাক্তন টাইফাস রোগী ও তার ‘জোগানদার’ স্বামী—কিন্তু মাঝখানকার মাসগুলির মধ্যে সে কোথায় উধাও হ’লো, তার স্ত্রীও পাত্তা মিললো না। ইউরি যখন গিয়েছিলো, গালিউলিনা বেরিয়ে গিয়েছিলো তখন, ভাড়াটেরাও অধিকাংশই নতুন, আর ডেমিনা যুদ্ধক্ষেত্রে।

একদিন তাকে জানানো হ’লো নির্ধারিত দামে সে কিছু জালানি কাঠ পাবে। সেগুলো আনার জন্য ভিগুভা স্টেশনে গেলো। বর্জোয়া স্ট্রিটের অন্তহীন পথ ধ’রে, তার আশাতীত সম্পদ যে-গাড়িতে ক’রে নিয়ে আসছিলো তার কোচোয়ানের ওপর দৃষ্টি রাখতে-রাখতে সে যখন হাঁটছিলো, লক্ষ্য করলো রাস্তাটা একেবারে অল্পরকম দেখাচ্ছে; দেখলো এ-পাশ থেকে ও-পাশে হেলে প’ড়ে যাচ্ছে সে, তার পা আর তাকে টানতে চাইছে না। ‘এইবার,’ সে ভাবলে, ‘আমার হ’য়ে গেলো। টাইফাস!’ সে প’ড়ে যাবার পর কোচোয়ান তাকে তুলে কাঠের স্তুপের ওপর শুইয়ে দিলে। কী ক’রে বাড়ি পৌঁছেছিলো ইউরি জানে না।

১৫

প্রায় পনেরো দিন ধ’রে থেকে-থেকে বিকারের ঘোরে কাটালো সে। স্বপ্ন দেখলো তার লেখার টেবিলের ওপর টোনিয়া দুটো রাস্তা সাজিয়ে রেখেছে, গাড়ি-বাগান স্ট্রিট বাঁ দিকে, আর ডানদিকে কানন-বিজয় স্ট্রিট, তাবপর টেবিল-ল্যাম্প জালিয়ে দিয়েছে; তার উষ্ণ কমলা-রঙের আলো রাস্তা উজ্জ্বল করেছে, এখন সে লিখতে পারে, তাই লিখছে।

অনেকদিন আগেই যা তার লেখা উচিত ছিলো, যা সে চিরকাল লিখতে চেয়েছে কিন্তু কখনো পারেনি, তাই লিখছিলো সে। সেটা লেখা এখন সহজ হ’য়ে গেছে তার কাছে, সাগ্রহে লিখছে, ঠিক যা বলতে চায় তা-ই লিখছে। শুধু মাঝে-মাঝে একটি ছেলে তার বাধা সৃষ্টি করছিলো, সরু কিরখিজ চোখ তার, বোতাম-খোলা হরিণের চামড়ার কোটের ফার-এর দিক বাইরে দিয়ে পরা—যেমন পরে উরালে কি সাইবেরিয়ায়।

সে নিশ্চিত জানে এই ছেলেটিই হ'লো তার মৃত্যুর দূত, অথবা সোজা কথায় বলতে গেলে, এই তার মৃত্যু। কিন্তু সে যদি তাকে কবিতা লিখতে সাহায্য করে তাহ'লে কী ক'রে সে তার মৃত্যু হ'তে পারে? মৃত্যু কী ক'রে কাজে লাগবে, মৃত্যুর পক্ষে সাহায্য করা কী ক'রে সম্ভব?

তার কবিতার বিষয় সমাধিও নয় পুনরুত্থানও নয়, ও-দুয়ের মাঝের দিনগুলো; কবিতার নাম 'বিক্ষোভ'।

সব সময় তার সেই তিন দিনের কথা বর্ণনা করতে ইচ্ছে করে, যে-তিনদিন ধ'রে কালো, ক্রুদ্ধ, কৃষ্ণ-কীটে পরিপূর্ণ এই পৃথিবী প্রেমের মৃত্যুহীন অবতারকে যন্ত্রণা দিয়েছে, যেমনভাবে ঢেউ উচুতে উঠে সমুদ্রের তীরে লাকিয়ে প'ড়ে তাকে ঢেকে ডুবিয়ে দেয়, তেমনি ভাবে ঢেলা ছুঁড়েছে তার গায়ে।—কেমন ক'রে তিনদিন ধ'রে পৃথিবীর বুকের ওপর দিয়ে ব'য়ে গেছে কালো ঝড়, কখনো এগিয়ে এসেছে, আবার হ'ঠে গেছে মান্না-মাঝে।

ছুটো লাইন ফিরে-ফিরে আসছিলো তার মাথার মধ্যে .

‘তোমার সাম্নিখে আমরা আনন্দিত।’

আর

‘জাগরণের লগ্ন আসন্ন।’

তার কাছে, তাকে স্পর্শ ক'রে ছিলো নরক, পুতি, অবক্ষয় ও মৃত্যু; অথচ তার একই রকম কাছাকাছি আছে বসন্ত ঋতু আর মেরী মাদলীন, আর জীবন।—এখন জাগরণের লগ্ন আসন্ন। জেগে ওঠার, উঠে পড়ার সময়। উত্থানের, পুনরুত্থানের সময়।

১৬

ইউরির অবস্থা ভালোর দিকে ফিরলো। প্রথমে নির্বোধের মতো সব-কিছুই ধরাধার ব'লে মেনে নিচ্ছিলো সে। কিছু মনে ছিলো না, একটা জিনিসের সঙ্গে অস্ত্র আর-একটার যোগসূত্র দেখতে পেতো না সে, অবাক হ'তো না কিছুতেই। তার স্ত্রী তাকে খেতে দিচ্ছিলো শাদা রুটি, মাখন, আর চিনি মেশানো চা, কফি দিচ্ছিলো। এ-সব জিনিসের অস্তিত্বই যে ছিলো না সেটা

ভুলে গিয়ে কবিতার মতো, কিংবা রূপকথার মতো, এদের আশ্বাস সে উপভোগ করতো, রোগমুক্তির পর এই পথ্য ঠিক এবং স্বাভাবিক ব'লে মনে নিয়েছিলো সে। শিগগিরই অবশ্য ভাবনা ফিরে এলো তার, অবাক হ'লো।

‘এ-সব কী ক’রে পেলো?’ টোনিয়াকে সে জিজ্ঞেস করলো।

‘তোমার গ্রানিয়া এ-সব জোগাড় ক’রে দিয়েছে।’

‘কে গ্রানিয়া?’

‘গ্রানিয়া জিভাগো।’

‘গ্রানিয়া জিভাগো?’

‘আরে ই্যা, তোমার ভাই ইয়েভগ্রাক, টমস্ক থেকে এসেছে। তোমার সং-ভাই। তোমার অস্থির সময় রোজ এসেছে।’

‘তার গায়ে কি হরিণের চামড়ার কোট ছিলো?’

‘ঠিক। তাকে দেখেছো তা হ'লে। এতদিন ধরে তো প্রায় অচৈতন্যই ছিলে। ও বলছিলো কোন বাড়িতে না কোথায় সিঁড়িতে তোমার সঙ্গে দেখা হয়েছে ওর, কিন্তু তুমি নাকি ওকে অসম্ভব ভয় পাইয়ে দিয়েছিলে। তোমাকে পুজো করে প্রায়, তোমার সব লেখা ও পড়ে। কতো জিনিসই না এনে দিয়েছে আমাদের। চাল, কিসমিস, চিনি! এখন ফিরে গেছে ও। ওর ইচ্ছে আমরাও ওখানে যাই। অদ্ভুত চরিত্র ছেলেটির, একটু রহস্যময়। সরকারের সঙ্গে কোনোরকম একটা যোগ আছে ব'লে মনে হয়। ও বলে— বলে, দু-এক বছরের জন্ত শহর ছেড়ে আমাদের “জমিতে ফেরা” উচিত। ক্র্যেগারদের জায়গাটার কথা ভাবলাম আমি। ওর কী মনে হয়, জিজ্ঞেস করেছিলাম। ও বললে খুব ভালো কথা। সেখানে সজ্জি-খেত করতে পারি আমরা, চারদিকেই তো বন। একেবারে কোনো লড়াই না-ক’রে ভেড়ার মতো মরার কোনো অর্থ হয় না।’

সে-বছর এপ্রিল মাসে জিভাগো তার পুরো সংসার নিয়ে রওনা হ'লো প্রাক্কালীন ভারিকিনো জমিদারির দিকে, উরালের সুদূর কোণে, ইউরিয়্যাটিন শহরের কাছে।

পরিচ্ছেদ ৭

যাত্রা

মার্চের শেষ। অগ্ন্যস্ত বছরের মতো এবারও মাসের শেষ কটা দিন প্রথম গরম পড়লো, কিন্তু তারপরে—এই নকল বসন্ত কেটে যাবার পরেই—আগের চেয়ে আরো বেশি ঠাণ্ডা ক’রে এলো।

যাবার জন্ত তৈরি হচ্ছিলো জিভাগোরা। বাড়িটায় চডুইয়ের মতো ঝাঁক বেঁধে লোক এসে ঢুকেছে; এই তাড়াহুড়োর কারণ লুকোবার জন্ত তারা ভাড়াটেদের বললে যে দীর্ঘটারের জন্ত বাড়িটা পরিষ্কার করা হবে, তাই তারা চলে যাচ্ছে।

যাওয়াতে ইউরির মত ছিলো না। এতদিন সে ভেবেছে যে চলে যাওয়ার কোনো মানেই হয় না, তাই অস্ফুট আপত্তিমাত্র জানিয়েছে, কিন্তু এখন অবশ্য সেই সময় এসেছে যখন সে সত্যি যা ভাবছে তা তাকে বলতেই হবে।

টোনিয়া, টোনিয়ার বাবা, আর তাকে নিয়ে এ-বিষয়ে একটা পারিবারিক বৈঠক বসেছিলো; কথাটা সেখানেই পাড়লো সে। ‘তোমরা কি ভাবছো আমার ভুল হচ্ছে?’ শেষটায় সে জিজ্ঞাসা করলো তাদের, ‘তোমরা কি বাবেই ঠিক করেছো?’

‘যতদিন না জমিজমার নতুন বাঁটোয়রা হচ্ছে আর মক্কোর বাইরে শাক-সজ্জি ফলাবার জন্ত এক টুকরো জমি পাচ্ছি আমরা, অন্তত সেই কয়েকটা

বছর যে-ভাবেই হোক আমাদের কাটিয়ে দিতে হবে—এ-কথা তো তুমিই বললে। কিন্তু ততদিন পর্যন্ত আমাদের বেঁচে থাকতে হবে তো। সেটা কী ভাবে হবে? এই আসল কথাটাই তুমি আমাদের কাছে এড়িয়ে গেছো।’

টোনিয়ার বাবা তার এই কথার সমর্থন ক’রে বললেন, ‘এটা পাগলামি ছাড়া আর-কিছুই না।’

‘বেশ,’ ইউরি হাল ছেড়ে দিলো। ‘কিন্তু যে-জিনিসটা আমাদের সবচেয়ে গীড়া দিচ্ছে, তা হ’লো অনিশ্চয়তার ভাবটা।’ অন্ধের মতো চলেছি আমরা, শূণ্ণে ঝাঁপ দিচ্ছি; যেখানে যাচ্ছি তার কথা কিছুই জানি না। আমাদের চেনা যে-তিনজন ভারিকিনোতে থাকতেন, তার মধ্যে মা আর দিদিমা তো মারাই গেছেন, আর দাছু যদি এখনো বেঁচে থাকেন তো তাঁকে নিশ্চয়ই বন্দী ক’রে রাখা হয়েছে।

‘তোমরা তো জানো, যুদ্ধের শেষ বছরে ব্যাবসাসংক্রান্ত কাজে তিনি বেশ ব্যতিব্যস্ত হ’য়ে উঠেছিলেন—কারখানা আর জঙ্গল সব বিক্রি ক’রে দিয়েছেন, আর নয়তো অন্য কারো নামে দলিল বানিয়ে রেখেছেন। কোনো মাহুষ, না কোনো ব্যাক্তের নামে বেনামি আছে, তা আমার জানা নেই। সত্যি বলতে, আমরা তো কিছুই জানি না। জমিদারি এখন কার নামে? জমিদারির মালিক কে—সে-প্রশ্ন করছি না আমি, তাতে আমার কিছুই এসে যায় না, কিন্তু এর জ্ঞান দায়ী কে—সমস্ত দায়িত্বটা এখন কার ঘাড়ে? তাছাড়া জমিদারির কাজকর্মই বা কে চালাচ্ছে এখন? এখনো কাঠ কাটা হয়? কারখানায় নিয়মিত কাজ চলছে তো? আর সবচেয়ে বড়ো কথা হ’লো, দেশের ঐ অংশের হর্তাকর্তা এখন কে? কিংবা বলা যাক, আমরা যখন সেখানে গিয়ে পৌঁছবো, তখন সেখানকার মালিক কে হবে?’

‘তোমরা ভাবছো বড়ো ম্যানেজার মিকুলিৎসিন আমাদের দেখাশুনো করবে। তারই ওপর সম্পূর্ণ নির্ভর ক’রে আছো তোমরা। কিন্তু সে কি এখনো আছে সেখানে? সে এখনো বেঁচে আছে কিনা, তাই বা কে জানে? তা ছাড়া, তার নাম ছাড়া, তার সম্বন্ধে কী জানো তোমরা? আর সেই নামটাও আমরা মনে রেখেছি এই কারণে যে তা উচ্চারণ করতে দাছুকে খুব বেগ পেতে হ’তো।

‘যাকগে। আমি কেবল একের পর এক অসুবিধেগুলোর কথাই মনে করিয়ে দিতে চাই না। তোমরাও মন স্থির ক’রে ফেলেছো, আর আমিও রাজি হয়েছি। এখন এই প্রস্তাবটাকে বাতিল ক’রে ফেলার কোনোই মানে হয় না। এক জায়গা থেকে আরেক জায়গায় যেতে হ’লে আজকাল কী করতে হয়, এখন সেই কথাটাই আমাদের জানা দরকার।’

২

কী করতে হয়, জানবার জন্ত ইউরা ইয়ারোপ্লাভস্কি স্টেশনে গেলো।

হলঘরগুলির মধ্য দিয়ে গলি চ’লে গেছে, দু-দিকে কাঠের হাত-রেলিং ; যাত্রীরা লাইন দিয়ে দাঁড়িয়ে আছে বা আস্তে-আস্তে স’রে যাচ্ছে, ইউরি তাকিয়ে তাদের শেষ দেখতে পেলো না। নিচে, পাথরের মেঝেয়, একগাদা লোক শুয়ে আছে ; সৈন্তরা যে-ছাইরঙের কোট পরে, তাই তাদের পরনে, ক্রমাগত শোনা যাচ্ছে তাদের কাশির শব্দ, কেউ-কেউ আবার সেখানেই থুতু ফেলছে, গড়াচ্ছে এদিক-ওদিক, আর কথা বলতে গিয়ে আশাতীতভাবে চ্যাচ্ছাচ্ছে ; কড়িকাঠে লেগে তার প্রতিধ্বনি কত জোরে আসবে, তা বোধহয় তারা নিজেরাও ঠিক বুঝতে পারছিলো না।

তাদের বেশির ভাগই টাইফাস-রোগী ; হাসপাতালগুলিতে অত্যন্ত ভিড় ব’লে সংকট কেটে যাবার পরদিনই তাদের ছেড়ে দেওয়া হচ্ছিলো। ডাক্তার হিসেবে ইউরি নিজেও মাঝে-মাঝে এ-রকম করতে বাধ্য হয়েছে ; কিন্তু দুর্ভাগাদের সংখ্যা যে এত বেশি, কিংবা তারা যে শেষটায় রেল-স্টেশনে এসে আশ্রয় নিতে বাধ্য হয়, সে-বিষয়ে তার কোনোই ধারণা ছিলো না।

‘প্রথম সুষোগ আপনিই পাবেন,’ শাদা এপ্রন-পরা পোর্টার তাকে বললো। ‘কিন্তু ট্রেন আছে কিনা জানবার জন্ত রোজ আপনাকে এখানে এসে খোজ নিয়ে যেতে হবে। ট্রেন আজকাল সোনার মতোই দুর্লভ হ’য়ে উঠেছে, রীতিমতো ভাগ্য লাগে ট্রেনের দেখা পেতে হ’লে। আর বলাই বাহুল্য,’ (সে বুড়ো আঙুল দিয়ে অস্ত্র দুটি আঙুল ঘষতে লাগলো) ‘অস্ত্র কিছু নয় কিংবা অস্ত্র কিছু—আপনি তো জানেন তেল না-পেলে গাড়ির চাকা গড়িয়ে যেতে

পারে না—তাছাড়া,’ (এবারে সে তার গলার কণা স্পর্শ করলে) ‘সঙ্গে একটু তদকা না থাকলে বেশি দূর আপনাকে এগোতে হবে না ।’

৩

প্রায় সেই সময়ে আলেকজান্ডার আলেকজান্ডারভিচকে কয়েকবার ডেকে নিয়ে যাওয়া হয়েছিলো ‘উচ্চতর অর্থনৈতিক পরিষদে’র উপদেষ্টা হিসেবে কাজ করবার জন্ত ; আর ইউরির ডাক পড়েছিলো কোনো এক সরকারি চাকুরের চিকিৎসা করার জন্ত—গুরুতর পীড়িত হ’য়ে পড়েছিলেন তিনি । দু-জনেই পারিশ্রমিক হিসেবে পেয়েছিলো তখনকার কারেন্সিতে যা সবচেয়ে মূল্যবান : অর্থাৎ, কতগুলো সহী-করা চিরকুট, যা দেখিয়ে নতুন-খোলা সংরক্ষিত দোকানে জিনিস পাওয়া যাবে ।

সস্ত্র সিমনের মঠের পাশে সৈন্ত-বিভাগের পুরোনো যে গুদোমঘর ছিলো, তা-ই হ’লো দোকান । মঠ আর ব্যারাকের সামনের মাঠ পেরিয়ে গেলেন ডাক্তার এবং অধ্যাপক ; নিচু একটা পাথরের দরজার ভেতর দিয়ে সরাসরি গিয়ে হাজির হলেন একটি খিলানওয়া মণিকোঠায় । ঢালু ভাবে নিচের দিকে গড়িয়ে গেছে মণিকোঠা, অল্প প্রাস্ত্র ক্রমশ চওড়া হ’য়ে গেছে, আর সেখানে আড়াআড়িভাবে দুই দেয়াল স্পর্শ ক’রে আছে একটি কাউন্টার । কাউন্টারের পেছনে একজন কর্মচারী দাঁড়িয়ে ; শাস্ত্র স্থিতিরভাবে মাপজোক ক’রে সে জিনিসপত্র হাতে তুলে দিচ্ছে, আর মোটা একটা পেন্সিল দিয়ে তার তালিকা থেকে এক-একটা জিনিসের নাম কেটে ফেলছে, আবার মাঝে-মাঝে ভাঁড়ারের পেছন থেকে জিনিসপত্র এনে তার তহবিল ভ’রে তুলছে ।

ক্রেতার সংখ্যা অল্প ছিলো ব’লে শিগগিরই তাদের পালা এলো । সহী-করা চিরকুটের দিকে তাকিয়ে মালবাবু জিজ্ঞেস করলে, ‘কিসে ক’রে নেবেন ?’ ডাক্তারের সঙ্গে-সঙ্গে অধ্যাপক মশায়ও ছোটো-বড়ো কয়েকটা বালিশের ওয়াড় বের ক’রে দিলেন, আর সেগুলো যখন ময়দা, গম, চিনি, মাকারোনি, চর্বি, সাবান, দেশলাই আর কয়েকটা কাগজের প্যাকেট দিয়ে ভর্তি ক’রে দেওয়া হ’তে লাগলো, বিস্ময়ে তাঁদের চোখ বড়ো-বড়ো হ’য়ে গেলো । পরে সেই কাগজের প্যাকেটগুলো খুলে দেখা গিয়েছিলো ভেতরে ককেশীয় পনির রয়েছে ।

মালবাবুর বদান্ধতায় দুজনে একেবারে অভিভূত হ'য়ে পড়লো। খামকা যাতে তার সময় নষ্ট না-হয়, সেইজন্য তাড়াতাড়ি বাণ্ডিলগুলো বড়ো থলিটার ঠেসে রেখে কাঁধের ওপর ঝুলিয়ে নিলো।

দুজনে মণিকোঠা থেকে বেরিয়ে এলো ঠিক যেন নেশাখোরের মতো।—কেবলমাত্র খাবারের ভাবনাতেই না, তারাও যে পৃথিবীর কাজে লেগেছে, তাদের বেঁচে থাকা যে অর্থহীন নয়, এবং বাড়ি ফিরলে টোনিয়া তাদের ওপর যে-প্রশংসা ও কৃতজ্ঞতা বর্ষণ করবে, তারা যে সত্যিই তার যোগ্য—এই কথা ভেবেই দু-জনে কী রকম যেন আচ্ছন্ন হ'য়ে রইলো।

৪

মস্কোতে ফিরে আসবার পর যাতে এই ক্ল্যাটেই এসে ওঠা যায়, সে-জন্য নাম লিখিয়ে রাখতে হবে ; তাছাড়া ভ্রমণের জন্য দলিলপত্রেরও ব্যবস্থা করতে হয়। এই সব কাজে বাড়ির পুরুষ দু-জন দিনের পর দিন সরকারি আগিশগুলোর মধ্যে অদৃশ্য হ'য়ে রইলো, এদিকে টোনিয়া গোছাতে বসলো বাড়ির সব জিনিসপত্র।

সরকারিভাবে জিভাগোদের দখলে এখন যে-তিনটে ঘর, সেগুলোর মধ্যে চলাফেরা করতে-করতে টোনিয়া সবচেয়ে ছোট জিনিসটাও বিশবার ক'রে হাতে নিয়ে বিবেচনা ক'রে আছে। নিয়ে যাবে ব'লে যে-সব জিনিস স্তূপ ক'রে রাখা হয়েছে, এটাকেও সেখানে রাখবে কিনা—এই কথাই ভাবে কেবল। তাদের মালপত্রের সামান্য অংশই কেবল নিজেদের ব্যবহারের জন্য ; বাকি সমস্ত কিছুই রাস্তায়, ও গন্তব্যস্থলে পৌছবার পর প্রথম কয়েক সপ্তাহ পর্যন্ত টাকাকড়ির কাজ চালাবে।

খোলা জানলা দিয়ে বসন্তের হাওয়া আসে ; নতুন-কাটা শাদা কটির ঈষৎ স্বাদ তাতে মাখানো যেন। নিচে, উঠোনে, ছোটোরা খেলাধুলো করে, তার ট্যাচামেচি ভেসে আসে, আর শোনা যায় মূর্গির ডাক। ঘরটার বত হাওয়া আসতে থাকে, ততই খোলা তোরঙ্গগুলোর ভেতরে বাণ্ডিল-করা শীতের পোষাকগুলো থেকে নেপথ্যলিনের গন্ধ তীব্র হ'য়ে ছড়িয়ে পড়ে।

সঙ্গে কী নিয়ে যাওয়া হবে, আর কী-কী ফেলে রেখে যাবে—অনেক ভেবে-চিন্তে সে-বিষয়ে একটা বিস্তারিত নিয়ম ঠিক করা হ'লো। আগেই যারা চ'লে গিয়েছিলো তারা স্বজন-বন্ধুদের সুবিধা-অসুবিধার কথা যা লিখেছিলো তা-ই এই নীতির ভিত্তি। কয়েকটা খুব সহজ আর জরুরি কথা মনে রেখে এই নীতি তৈরি হয়েছিলো, আর টোনিয়ার সমস্ত ক্রিয়া-কলাপই তার দ্বারা পরিচালিত। যেন বাইরে থেকে ছোটোদের চ্যাচামেটি আর চডুইয়ের কিচিরমিচিরের সঙ্গে কারো গোপন গলার স্বর জানলা দিয়ে এসে ফিশফিশিয়ে তাকে নির্দেশ দিচ্ছে।

‘পোষাক বানাবার জন্তু কাপড় নেবার আগে এটা মনে রেখো,’ গলার স্বর বললে, ‘পথে মালপত্র খুলে তন্নতন্ন ক'রে ত্যাগে, কাজেই এটা বিপজ্জনক ; তবে তৈরি পোষাকের মতো দেখালে অল্প কথা। সব জিনিসপত্র কাপড়চোপড়ের বেলায় তাই। বেশি পুরোনো না-হ'লে কোট নেয়াই ভালো। কোনো তোরঙ্গ বা বুড়ি নেয়া চলবে না (কেননা পথে কোনো কুলি পাওয়া যাবে না) ; অদরকারি কোনো কিছু যাতে চ'লে না-আসে, সেটা ভালো ক'রে দেখে নিতে হবে। কোনো মেয়ে বা ছোটো ছেলেও যাতে ব'য়ে নিয়ে যেতে পারে সেজন্তু সব-কিছু ছোটো-ছোটো বাঙিল ক'রে বেঁধে নেয়া দরকার। হুন আর তামাক খুব দরকারি জিনিস ব'লে জানা গেছে, কিন্তু সে-সব সঙ্গে নেয়ার মানেই হ'লো বু'কি নেয়া। টাকাকড়ি সব যেন কেয়েকা' হয়। দলিলপত্র নিরাপদে নিয়ে যাওয়াই হ'লো সবচেয়ে কঠিন কাজ।' ইত্যাদি-ইত্যাদি আরো অনেক কিছু।

৫

যাবার আগের দিনে তুষার-ঝড় হয়েছিলো। ঘুরপাক খেয়ে রাশি-রাশি বরফ পড়েছিলো, দেখাচ্ছিলো উড়ে-চলা ধূসর মেঘের মতো ; একবার উড়ছে, আবার শাদা ঘূর্ণি হাওয়ার মতো নেমে আসছে মাটিতে, প্রবল বেগে ব'য়ে যাচ্ছে রাস্তার দূর অন্ধকারে, আর সব-কিছু শাদায় শাদা হ'য়ে গেছে।

১ কেবলকি সরকার প্রবর্তিত কাগজের টাক।

মালপত্র বাঁধাছাঁদা শেষ। যে-সব জিনিস নিয়ে যাওয়া হ'লো না, সেগুলোহুদু আস্ত ফ্যাটটা এক বয়স্ক দম্পতির হাতে তুলে দেয়া হ'লো।— তারাই দেখাশুনো করবে। বুড়ো স্বামীটি এর আগে দোকানে কাজ করতো, সম্পর্কে তারা মস্কোর ইয়েগোরোভনার আত্মীয়। আলু আর আলানির বদলে কী-ভাবে পোষাক আর আসবাবপত্র সওয়া করতে হয়, সে-বিষয়ে এই ইয়েগোরোভনাই টোনিয়াকে গত বছর সাহায্য করেছিলো।

(মার্কেলকে বিশ্বাস করা যায় না। জঙ্গি ফাঁড়িতে দাঁড়িয়েও সেটাকে রাজনৈতিক ক্লাব হিসেবে বেছে নিয়েছিলো—সে অবশ্য এমন কথা বলেনি যে তার প্রাক্তন প্রভুরা তার রক্ত শুষে নিয়েছে। কিন্তু একটা মস্ত অভিযোগ সে এনেছে তাদের বিরুদ্ধে : এই এতগুলি বছর ধ'রে তাকে নাকি কিছুই জানতে দেয়া হয়নি, আমরা যে বানর থেকে জন্মেছি—এই তথ্য নাকি তার প্রভুরা ইচ্ছে ক'রে তার কাছে গোপন রেখেছিলো।)

শেষবারের মতো ভালো ক'রে ঘরদোরগুলো দেখে আসার সময় দম্পতিকে সঙ্গে নিলো টোনিয়া। দেখলে, চাবিগুলো ঠিকমতো লাগে কিনা তালায়, দেয়াজগুলো খুলে দেখে আবার বন্ধ ক'রে রাখলো, বাসনপত্র রাখার আলমারিটা খুলে দেখলো, ভাবতে চেষ্টা করলো শেষ মুহূর্তে আর কী-কী নির্দেশ দেয়া যায়।

চেয়ার-টেবিলগুলো ঠেলে দেয়ালের গায়ে জড়ো ক'রে রাখা হয়েছে, পর্দা নামানো, কোণে বাঙিলগুলো স্তূপ করা। ঘরগুলি খালি, একেবারে শূণ্য, শীতকালের স্বাচ্ছন্দ্য আর একটুও নেই, সবই অন্তর্ধান করেছে। খোলা জানলা দিয়ে বাইরের ঝড়ের দিকে তাকিয়ে থাকতে-থাকতে সকলের মনেই এক সময় অতীতের দুঃখ-বেদনা ভিড় ক'রে এলো। মায়ের মৃত্যুর কথা মনে-মনে ভাবলো ইউরি ; টোনিয়া আর আলেকজান্ডার আলেকজান্ডারভিচ ভাবলেন আনার মৃত্যু আর অন্ত্যেষ্টির কথা। কেন যেন তাদের মনে হ'লো এই বাড়িতে এই তাদের শেষ রাজি, আর তারা এখানে ফিরে আসবে না। এটা মনে হবার কোনোই কারণ ছিলো না, কিন্তু তবু এই কথাই মনে হ'লো প্রত্যেকের। পরস্পরকে এই ভাবনায় ভারাক্রান্ত করতে চাচ্ছিলো না ব'লে এই অমঙ্গলের আশঙ্কার কথা মুখ ফুটে অবশ্য কেউই বললো না, কিন্তু

এই ভাবনায় সকলেই তারা বিষন্ন হ'য়ে থাকলো। এই বাড়িতে যে-জীবন তারা কাটিয়েছে তার কথা মনে হ'তেই অনেক কষ্টে তারা চোখের জল চাপলো।

টোনিয়া কিন্তু এত সব সবেও মনোভাব গোপন রাখবার জন্ত আশ্রয় চেষ্টা ক'রে তত্ত্বাবধায়কের জীর সঙ্গে এক অন্তরীণ আলাপ চালিয়ে গেলো। বাড়ির দেখাশোনার ভার নিয়ে এই দম্পতি তাদের প্রতি যে-অনুগ্রহ দেখাচ্ছে সেটাকে মনে-মনে অনেকখানি ফাঁপিয়ে তুললো টোনিয়া; যাতে তাকে কিছুতেই অকৃতজ্ঞ না-দেখায় সেইজন্ত ভয়ানক উৎকণ্ঠিত হ'য়ে উঠলো, বারে-বারে ক্ষমাপ্রার্থনা করলো সে তাদের কাছে, বারে-বারে পাশের ঘরে গিয়ে জীলোকটির জন্ত নানারকম উপহার নিয়ে এলো—ব্লাউজ, রেশমি ছিটের কাপড় আর সূতির বড়ো-বড়ো টুকরো। পাংলা চৌখুপি-করা রঙিন ছিট কিংবা ফুটকি-বসানো রঙিন কাপড়ের খানগুলি ঘরের আবছায়ায় কালা দেখাচ্ছিলো; আর বিদায় নেবার আগের দিনের সন্ধ্যাবেলায় শূন্য খোলা জানলা দিয়ে রাস্তা যখন ঘরের মধ্যে ঊঁকি দিলো, তখন তাকেও অন্ধকার দেখালো কাঠকুটোর চৌখুপি আর বিন্দুর মতো বরফের ফুটকিতে।

৬

সকাল হ'তেই তারা বাড়ি ছেড়ে গেলো। অজ্ঞ ভাড়াটেদের তখন ঘুমিয়ে থাকার কথা; কিন্তু ভাড়াটের মধ্যে একজন ছিলো, যে সামাজিক ঘটনায় জটলা পাকাতে ভীষণ ভালবাসতো; সেই জেভোরোটিনাই ট্যাচামেচি ক'রে সবাইকে জাগিয়ে দিলো : 'কমরেডগণ! সন্ধ্যাই এসো তোমরা, শিগগির। প্রাক্তন^১ গ্রোমেকোদের বিদায় জানাতে হবে না ?'

সবাই দলে-দলে পেছনের দেউড়িতে এসে ভিড় ক'রে দাঁড়ালো (সামনের দরজা আজকাল তক্তা এঁটে বন্ধ ক'রে রাখা হয়), এমনভাবে অর্ধ-বৃত্ত রচনা ক'রে দাঁড়ালো যে মনে হ'লো তাদের একুনি কোটো তোলা হবে।

^১ কন্সান্সি ci-devant (পূর্ববর্তী) শব্দের রূপ প্রকরণ।

ঠাণ্ডায় কাঁপতে-কাঁপতে তারা হাই তুলতে লাগলো, কাঁধে-কেন্দ্রে-রাখা ছেঁড়াখোঁড়া পুরোনো কোট টেনে নিয়ে গারে জড়ালো ; তাড়াতাড়িতে খালি পায়ে মস্ত মাপের ফেন্ট-এর জুতো চাপিয়েছে, তাই প'রে এক-একজন থপথপিয়ে বেরোতে লাগলো ঘর থেকে ।

এই নিষিদ্ধ দিনের মধ্যেও মার্কেল কোনো-এক গোপন উপায়ে কোথেকে একরাশ চোলাই-করা বাজে জাতের ক্ষতিকর মদ জোগাড় করেছিলো ; তাই গিলে-গিলে তার অবস্থা তখন রীতিমতো মস্ত ; দেউড়ির পুরোনো রেলিঙে হেলান দিয়ে মড়ার মতো নিঃসাড়ে দাঁড়িয়ে রইলো সে ; তার ভারে রেলিঙটা নানারকম বিলী আওয়াজ করতে থাকলো, যেন একুনি ভেঙে পড়বে । সেই অবস্থাতেই সে মালপত্র ব'য়ে স্টেশনে পৌঁছে দিয়ে আসতে চাচ্ছিলো । ইউরির তার প্রস্তাব প্রত্যাখ্যান করায় সে ভীষণ চটে উঠলো । শেষটায় কোনোরকমে তার হাত এড়িয়ে তারা বেরিয়ে এলো পাশের গলিতে ।

তখনো চারদিক রীতিমতো অন্ধকার । একটুও হাওয়া নেই, রাজের চেয়েও ঘন হ'য়ে বরফ পড়ছে । বড়ো-বড়ো রোঁয়া-তোলা পালকের মতো পাংলা বরফের চাঁই অলস ভঙ্গিতে নেমে আসছে আকাশ থেকে, আর ঝুলে থাকছে অনেকক্ষণ—কোথায় যে আস্তানা নেবে তা যেন কিছুতেই ঠিক করতে পারছে না ।

আর্বাটে যখন এলো, তখন অল্প আলো ফুটেছে । মঞ্চের ওপর যেমনভাবে যবনিকা নেমে আসে, তেমনভাবে মস্ত রাস্তার মতো চওড়া একটি তুষার-পর্দা আস্তে-আস্তে নেমে আসছে এখানে, পথিকদের পা ছুঁয়ে ঝালর দোলাচ্ছে তার ; এত আস্তে তারা নামছে যে এগোচ্ছে ব'লেই মনে হচ্ছে না, বরং মনে হচ্ছে তারা যেন পেতুলামের মতো ছলে-ছলে সময় মাপছে ।

ভ্রমণকারীরা ছাড়া রাস্তায় আর-কোনো জনপ্রাণী ছিলো না । কিন্তু একটুক্কণের মধ্যেই বরফের মতো শাদা ঘোড়ায় টানা একটি গাড়ি পেছন থেকে এসে তাদের ধ'রে ফেললো ; কোচোয়ানকে দেখাচ্ছিলো ঠিক ভিজ়ে ময়দার তালের মতো । অতিকায় এক টাকার অঙ্ক পাবে জেনে (তখনকার

দিনে তার দাম এক কোপেকেরও কম) সে তাদের মালপত্রসমেত স্টেশনে পৌঁছে দিলে। কেবল ইউরি হেঁটে যেতে চেয়েছিলো ব'লে গাড়ির পেছন-পেছন হেঁটে আশার অহুমতি পেলো।

৭

সে গিয়ে দেখলো টোনিয়া তার বাবাকে নিয়ে অস্থায়ী লাইনগুলোর একটাতে দাঁড়িয়ে আছে। নিউশা আর সাশা বাইরে হাঁটতে-হাঁটতে মাঝে-মাঝে তাকিয়ে দেখছিলো বয়স্কদের সঙ্গে যোগ দেবার সময় হয়েছে কিনা। তাদের গা থেকে তীব্র কেরোসিনের গন্ধ বেরোচ্ছিলো : উকুনের হাত থেকে রেহাই পাবার জন্ত ঘাড়ে কজিতে হাঁটতে পুরু ক'রে কেরোসিনের প্রলেপ লাগিয়েছিলো তারা।

লাইনগুলো প্র্যাটফর্ম পর্যন্ত গিয়ে শেষ হয়েছে। আসলে কিন্তু লাইন থেকেও আরো আধ মাইল হেঁটে গিয়ে যাত্রীদের ট্রেনে উঠতে হবে। যথেষ্ট সংখ্যক ঝাড়ুদারের অভাবে স্টেশন নোংরা হ'য়ে আছে। প্র্যাটফর্মের সামনের রাস্তাগুলি জঞ্জাল আর বরফের জন্ত তো ব্যবহারই করা যায় না। ট্রেনগুলি আজকাল দূরে থামে।

ইউরিকে দেখে টোনিয়া হাত নাড়লো ; একটু কাছে এগিয়ে এলে সে চেষ্টা করে ব'লে দিলে কোন জায়গায় গিয়ে ভ্রমণের ছাড়পত্রগুলি শীলমোহর করিয়ে আনতে হয়।

‘দেখি, কী লিখে দিলো?’ ফিরে এসে সে জিজ্ঞেস করলো। হাত-রেলিঙের ওপর দিয়ে একরাশ কাগজপত্র বাড়িয়ে দিলো ইউরি।

‘এটাতে বিশেষ একটা বগির কথা লেখা আছে,’ টোনিয়ার পেছনে ঘে-লোকটা লাইনে দাঁড়িয়েছিলো, সে তার কাঁধের ওপর দিয়ে পড়তে-পড়তে বললো।

টোনিয়ার সামনের লোকটি ব্যাপারটা আরো বিশদ ক'রে দিলে। এই লোকটি হচ্ছে সেই ধরনের, যারা সব রকম সম্ভাব্য পরিস্থিতিতেই আইন-কাহন সম্পর্কে সবজাস্তা সাজে, নির্বিকারভাবে সে-সম্পর্কে আলোচনা করতে পারে এবং নির্বিচারে সেগুলি মেনেও নেয়।

‘এই যে ছাপটা দেখছেন,’ সে ব্যাখ্যা করলো, ‘এর জোরে আপনি ক্লাশ-ভাগ-করা যাত্রীবাহী বগিগাড়িতে বসতে পাবেন, অবশ্য গাড়িতে যদি কোনো যাত্রীবাহী বগি থাকে।’

সমস্ত দলের লোকেরা একসঙ্গে কথায় বোঁগ দিলো।

‘যাত্রীবাহী গাড়ি! তাই নাকি! আজকালকার দিনে গাড়ির পেছনে ঝুলে-ঝুলে যেতে পারলেও ভাগ্য বলে জানবেন।’

আইনবাগীশ বললেন, ‘এদের কথায় কান দেবেন না। ব্যাপারটা খুবই সোজা, চট ক’রে আপনাকে বুঝিয়ে দিচ্ছি। সমস্ত স্পেশাল গাড়িই আজকাল তুলে দেওয়া হয়েছে: একই ধরনের ট্রেন চলাফেরা করে আজকাল, সেখানে সকলের জগ্গেই সমান ব্যবস্থা; ফোজের লোক, কয়েদি, গোরু-ভেড়া-মাছ—সকলের জগ্গেই এক এবং একমাত্র গাড়ির ব্যবস্থা আজকাল। কেন এঁকে তুল বোঝাচ্ছেন?’ এবার সে ভিড়ের দিকে ফিরলো। ‘কথা বলতে পয়সা খরচ হয় না, কাজেই যা খুশি তাই বলতে পারেন। কিন্তু যা বলবেন, দয়া ক’রে স্পষ্ট ক’রে বলবেন, যাতে ইনি বুঝতে পারেন।’

‘কী বোঝানোটাই না বোঝালেন, মশাই।’ চৈচিয়ে আইনবাগীশকে থামিয়ে দেওয়া হ’লো। ‘স্পেশাল বগির জগ্গ শীলমোহর করা কাগজ তাঁর কাছে আছে, এ-কথাটা যেই উচ্চারণ করলেন তক্ষুনি তো যথেষ্ট বলে ফেললেন। কাউকে কিছু বোঝাবার আগে তার মুখের দিকে একবার তাকিয়ে দেখবেন, মশাই, যার মুখের চেহারা এ-রকম, সে কী ক’রে স্পেশাল গাড়িতে যাবে? আলাদা গাড়িটা শুধু নাবিকদেরই জগ্গ, তাদের দিয়েই গাড়িটা ভর্তি হ’য়ে যায়। নাবিকদের অভিজ্ঞ চোখ, তাছাড়া তাদের সঙ্গে বন্দুক থাকে। এঁর দিকে তাকালে তারা কী দেখবে? দেখবে একজন সম্পত্তিওলা লোক। কেবল তাই না, তার চেয়েও খারাপ—একজন ডাক্তার, আগেকার দিনে যাদের ভদ্রলোক বলতো। সে বন্দুক তুলে ধরবে, তারপর বিদায়।’

জনতার মনোযোগটা অল্প বিষয়ে চ’লে না-গেলে ডাক্তারের ব্যাপারটা আরো কতোকণ তাদের সহায়ভূতি জাগাতো বলা মুশকিল।

কিছুক্ষণ ধ’রেই কোতূহলী লোকজনেরা বড়ো-বড়ো কাচের জানলা দিয়ে
ডাঃ জিভাগো—১২

রেল-লাইনের দিকে তাকাচ্ছিলো, যার কয়েকশো গজ ছিলো ছাদ দিয়ে ঢেকে রাখা। ছাদ যেখানে শেষ হয়েছে শুধু সেখান থেকেই বরফ পড়ার দৃশ্য দেখা যায়। এতদূর থেকে দেখা যাচ্ছিলো যে মনে হচ্ছিলো যেন স্থির : মাছের জন্তু জলে রুটির গুঁড়ো ছুঁড়ে ফেললে যেমন খুব আশ্বে তা ডুবতে থাকে, তেমনি আশ্বে বরফ পড়ছিলো মাটিতে।

কতোগুলো অচেনা মূর্তি একা অথবা দল বেঁধে প্রায় আধঘণ্টা ধ'রে সেখানটার চলাফেরা করছিলো। প্রথমে মনে হয়েছিলো তারা বুঝি রেলের লোক, নিজেদের কাজকর্ম নিয়ে ব্যস্ত আছে ; কিন্তু এখন দেখা গেলো রীতিমতো একটা জনতা ছুটে এলো, আর এই ছোটো-ছোটো দলগুলি যেদিকে দৌড়োচ্ছে, সেদিকে এবার ছোট্ট এক ধোঁয়ার রাশি দেখা গেলো।

‘দরজা খুলে দে, জোচ্চোরের দল !’ লাইনের মধ্য থেকে প্রচণ্ড সোরগোল উঠলো। ভিড় ন’ড়ে উঠলো, উত্তেজিত হ’য়ে আছড়ে পড়লো দরজায় ; যারা পেছনে ছিলো, তারা সামনের লোককে টেনে নিয়ে চললো।

‘ত্যাখো, কী কাণ্ড চলছে। এখানে কিনা আমাদের বন্ধ ক’রে রেখেছে, অথচ বাইরে থেকে কতগুলি বেজন্মা ভেতরে ঢোকবার একটা রাস্তা বের ক’রে লাফিয়ে এসে লাইনে দাঁড়াচ্ছে। এই শয়তান, খোল, দরজা খোল নইলে ভেঙে একেবারে চুরমার ক’রে ফেলবো। এসো স্ত্রাঙাংরা, একটা খাঙ্কা দেওয়া যাক !’

সবজাঙ্গা আইনবাগীশ মস্তব্য করলেন, ‘এদের হিংসে করবার কিছু নেই। মজুর খাটানোর জন্তু এদের সবাইকে পেট্রোগ্রাদ থেকে জোর ক’রে ধ’রে নিয়ে আসা হয়েছে। উত্তর দিকের আস্তানা থেকে এদের ভোলোগডা পাঠানোর কথা, কিন্তু তাদের চালান করা হয়েছে পূর্ব-সীমান্তে। স্বেচ্ছায় দেশভ্রমণে বেরোয়নি এরা, এদের সঙ্গে কড়া পাহারা আছে। শিগগিরই এদের মাটি কেটে ট্রেন বানাতে হবে।’

৮

তিন দিন ধ'রে তাদের ট্রেন চলেছে, কিন্তু এখনো মক্কা থেকে খুব বেশি দূরে যেতে পারেনি। আবহাওয়া তেমনি ঠাণ্ডা। জানলার ধারে পথঘাট, বনপ্রান্তর, গ্রামের বাড়িঘরের ছাদ—সব বরফে ঢাকা।

জিভাগোরা যে সবচেয়ে ওপরের বাঙ্কের এক কোণে জায়গা পেয়েছে—এটা রীতিমতো ভাগ্যের ব্যাপার; সীলিঙের তলায় বাপসা জানলার ঠিক মুখোমুখি জমিয়ে বসেছে তারা।

টোনিয়া আগে কখনো মালগাড়িতে চলাক্কেরা করেনি। এইসব গাড়ির বগিগুলি জমি থেকে বেশ খানিকটে উঁচুতে থাকে, আর দরজাগুলি সব ভারি, গড়ানো। প্রথমবার যখন ওঠে, ইউরি টোনিয়াকে দু'হাতে ধ'রে তুলেছিলো; কিন্তু পরে ওঠা-নামার কায়দাগুলি তারা নিজেরাই শিখে নিয়েছে।

চাকাওলা আস্তাবলের চেয়ে গাড়িটাকে টোনিয়ার কোনো অংশে ভালো ব'লে মনে হয়নি। প্রথম ঝাঁকুনিতেই সে ভেবেছিলো বুঝি কামরাটার জোড়া খুলে যাবে। কিন্তু তিনদিন ধ'রে সমানে সামনে পেছনে ডাইনে-বায়ে ঝাঁকুনি খেলো তারা, যখন ঘে-রকমভাবে ট্রেন চলে, গতি বাড়ায় কি দিক বদলায় তখনই ঝাঁকুনি লাগে প্রচণ্ড। তিনটে আস্ত দিন ধ'রে ক্রত ধাতব ঘর্ষর আওয়াজ ক'রে চাকাগুলি গড়িয়ে গেলো, অনেকটা যেন কলে-চালানো পুতুলের হাতের ঢাক, তবু তারা এখনো বহাল-তব্বিতেই আছে। আসলে টোনিয়ার আশঙ্কার কোনো ভিত্তিই ছিলো না।

ট্রেনে সব মিলিয়ে তেইশটা বগি (জিভাগোরা ছিলো চোদ্দ নম্বর বগিতে)। গ্রামের স্টেশনগুলিতে যখন ট্রেন থামছিলো, গাড়ির একটা অংশই কেবল দাঁড়াছিলো ছোট্ট প্র্যাটফর্মে, কখনো সেটা সামনের অংশ, কখনো বা মধ্যভাগটাই শুধু, কখনো আবার পেছন দিকটা।

নাবিকেরা সব সামনের দিকে, সাধারণ যাত্রীরা মাঝখানে, আর পেছনের আটটা বগিতে সেই লোকগুলি, যাদের জোর ক'রে মজুর খাটতে ধ'রে নিয়ে যাওয়া হচ্ছে। সংখ্যায় তারা পাঁচশো, সব রকম বয়সের সব অবস্থার সব পেশারই লোক আছে তাদের মধ্যে।

দৃশ্যটা দেখবার মতো : পিটার্সবার্গের ধনী, চৌকশ উকিল আর শেয়ার-বাজারের দালালের পাশেই ঘোড়ার গাড়ির কোচোয়ান, মেঝের ঝাড়ুদার বাথরুমের জন্মানার, কবলমোড়া অস্থিসার তাতার সদাগর, গারদ থেকে পালিয়ে-আসা পাগল, দোকানি, সন্ন্যাসী—সবাই শোষক শ্রেণীর সঙ্গে তালগোল পাকিয়ে আছে।

গনগনে লাল লোহার চুল্লির চারপাশে কোট খুলে রেখে ঘিরে বসেছে উকিল আর শেয়ার-বাজারের দালালরা ; পরস্পরের সঙ্গে অবিচ্যম অকারণ গল্প ক'রে যাচ্ছে তারা, ঠাট্টা করছে, হাসছে। বহু শ'সালো আত্মীয়স্বজন আছে ব'লে তাদের কোনো উৎকর্ষাই নেই। প্রতিপত্তিশীল যে-আত্মীয়রা বাড়িতে আছে, তারাই তাদের জন্ত তার টানবে ; আর অবস্থা যদি একান্তই খারাপ হ'য়ে ওঠে তো এত টাকা তাদের আছে যে অনায়াসেই তারা নিজেদের মুক্তি কিনে নিতে পারবে।

অন্তেরা—পরনে তাদের বুটজুতো আর জোকা, কারো-কারো আবার খালি পা, গায়ের লম্বা জামা কি ডিলে পাংলুনের নানা জায়গায় ছেঁড়া, কারো-কারো জামায় তালি লাগানো, কারো-কারো আবার একমুখ দাড়ি গজিয়েছে—বাতাসহীন মালগাড়ির আধো-খোলা দরজার সামনে দাঁড়িয়ে আছে, ধ'রে আছে পাশে, নয়তো দরজার ওপর যে-তক্তাটা বসিয়ে পেরেক ঠুকে আটকানো হয়েছে, সেটাই ধ'রে আছে কোনোরকমে, চাষিদের দিকে যখন তাকাচ্ছে করুণ হ'য়ে আসছে তাদের চাউনি, বিষন্ন মুখে চুপচাপ তাকিয়ে আছে পথের পাশের গ্রামের দিকে, একটা কথাও বলছে না কারো সঙ্গে। প্রতিষ্ঠাপন্ন কোনো বন্ধু নেই ব'লে আশা করবারও কিছু নেই তাদের।

মজুর খাটতে জোর ক'রে ধ'রে-আনা এই লোকগুলোর সংখ্যা এত বেশি যে তাদের জন্ত আলাদা-ক'রে-রাখা কামরাগুলোয় কুলোয়নি, সেজন্ত তাদের অনেককেই সাধারণ যাত্রীদের কামরায় রাখা হয়েছিলো, এমনকি চোদ্দ নম্বরও বাদ পড়েনি।

৯

যখনই ট্রেন খামে, টোনিয়া সাবধানে উঠে বসে, যাতে সীলিঙে মাথা ঠুকে না যায়, আর নিচে তাকিয়ে দরজার ফাটল দিয়ে ছাথে বাইরে বেরোবার পক্ষে এটা উপযুক্ত জায়গা কিনা। তার বাইরে বেরোনো নির্ভর করে প্রধানত তিনটে জিনিসের ওপর—স্টেশনের আকার, ট্রেন কতোকণ খামবে, এবং বিনিময়ে লাভের সম্ভাবনা কতটুকু।

এবারেও তাই হ'লো। তার একটু তজ্জামতো এসেছিলো, ট্রেনের গতি ক'মে যেতেই জেগে উঠলো। লাইন বদলের ঘটনাং-ঘটনাং আওয়াজ, পয়েন্ট আর স্লইচের সংখ্যা, প্রবল ঝাঁকুনি আর প্রচণ্ড আওয়াজ—সব মিলিয়ে মনে হ'লো স্টেশনটা বেশ বড়ো।

চোখ রগড়ে মাথার চুল ঠিক ক'রে নিলো প্রথমে, তারপর একটা পুঁটলি ওলোটপালোট ক'রে তন্নতন্ন ক'রে খুঁজে তলা থেকে একটা তোয়ালে টেনে বার করলো; তোয়ালেটায় চিকনের কাজে ঝাঁক আছে মূর্গির ছানা, ঘোড়ার মাথা আর গাড়ির চাকা।

ইউরিও জেগে উঠেছিলো। টোনিয়াকে বাক থেকে নামতে সাহায্য করলে সে। সিগন্যাল-ঘর আর ল্যাম্পপোস্টগুলো দরজার পাশ দিয়ে পেছনে চ'লে গেলো, অনেক গাছপালা পেরিয়ে এলো ট্রেন, যে-গাছগুলি অতিথি-পরায়ণের মতো তোয়ালে-ভর্তি বরফ বাড়িয়ে দিয়েছে ট্রেনের দিকে। ট্রেন থামার অনেক আগেই নাবিকেরা একে-একে পদচিহ্নহীন বরফের ওপর লাফিয়ে নামলো, স্টেশনের কোনা দিয়ে ঘুরে দৌড়ে গেলো তারা, যেখানে চাষি-বউয়েরা বেআইনিভাবে খাবার-দাবার বেচবার জন্ত ব'সে আছে।

নাবিকদের পরনে কালো উর্দি, পায়ের কাছে পাংলুনের ডগা ঢিলে হ'য়ে এসেছে। এগোবার সময় তাদের চূড়োহীন টুপি-ফিতেগুলি চঞ্চল হ'য়ে উঠলো। তাদের পোষাক-আশাক আর এগোবার ভঙ্গির মধ্যে কেমন একটা বেহিসেবি আবহাওয়া ছিলো: যারা স্বী খেলে, তারা যখন ছুটে আসে, তখন যে-ভাবে লোকে তাদের পথ ছেড়ে দেয়, তারাও ঠিক সেইভাবে দৌড়ে এলো ভিড়ের মধ্য দিয়ে পথ ক'রে।

১। প্রথা অনুযায়ী ছোটো তোয়ালের ওপর কটি আর-মুন দিয়ে অতিথিদের অভ্যর্থনা করা হয়।

স্টেশনের দেয়ালের আড়ালে মোড়ের কাছে এক সারিতে লাইন বেঁধে দাঁড়িয়ে ছিলো পাশের গ্রামের গিন্নিরা আর বৌ-ঝিরা । উত্তেজিত হ'য়ে এমনভাবে তারা একে অন্নের পিছে লুকোবার চেষ্টা করছিলো যে মনে হচ্ছিলো তারা যেন গণকের কাছে হাত দেখাতে এসেছে । আসলে তারা এসেছিলো নানারকম খাবার বেচতে : শসা, বাড়িতে বানানো পনির, বারকোশভতি সন্ধ গো-মাংস, যাতে উষ্ণ আর সুস্বাদু থাকে সেইজন্ত তোয়ালে দিয়ে ভালগোল পাকিয়ে-রাখা প্যানকেক । ভেড়ার লোমের জামার ভেতরে শাল জড়িয়ে সারা শরীর আগাগোড়া মুড়ে রেখেছিলো তারা, কিন্তু তবু নাবিকদের ঠাট্টা-ইয়াকিতে সবাই লজ্জায় টকটকে লাল হ'য়ে উঠলো । কিন্তু তাদের ভয়ও ছিল দারুণ । কেননা ফটকাবাজার আর নিষিদ্ধ 'খোলা বাজার' ঠেকাবার জন্ত দলগুলো সাধারণত নাবিকদের দিয়েই তৈরি হ'তো ।

অবশ্য এই বিব্রত অবস্থা থেকে একটু পরেই তারা রেহাই পেলো । ট্রেন থামতেই সাধারণ যাত্রীরা এসে যেই ভিড়ে যোগ দিলো, অমনি বেচাকেনার কাজ সতেজ হ'য়ে উঠলো ।

কী সব জিনিস তারা বেচতে এনেছে, তাই দেখতে-দেখতে টোনিয়া লাইন ধ'রে এগিয়ে গেলো ; তোয়ালেটা তার কাঁধে ফেলা, দেখে মনে হবে সে বৃষ্টি স্টেশনের পেছনদিকে বরফের মধ্যে হাত মুখ ধুতে যাচ্ছে । কয়েকটি চাষি-বউ টেচিয়ে ডাকলো, 'শুনুন ! তোয়ালেটার বদলে আপনি কী চান ?' টোনিয়া কিন্তু ফিরেও তাকালো না, তার স্বামীর সঙ্গে আরো এগিয়ে চললো ।

লাইনের একেবারে শেষপ্রান্তে দাঁড়িয়ে ছিলো লাল-কাজ-করা কালো শাল গায়ে একটি জ্বীলোক, চিকনের কাজ-করা তোয়ালেটা দেখেই তার বড়ো-বড়ো চোখ জলজল ক'রে উঠলো । সাবধানে চারদিকে একবার চোখ বুলিয়ে সে সরাসরি টোনিয়ার পাশে এসে দাঁড়ালো, তারপর তার মালপত্রের ওপরকার ঢাকনা খুলে আগ্রহের সঙ্গে ফিশফিশ ক'রে বললো, 'একবার তাকিয়ে দেখুন এটার দিকে । আমি বাজি রাখতে পারি এমন জিনিস আপনি বহুকালের মধ্যে ঝাঞ্চেঁনি । কেমন লাগছে ? এ নিয়ে বোশ

ভাবতে গেলে শেষে পত্তাতে হবে, দেরি করলে আর পাবেন না। এর অর্ধেকটার বদলে তোয়ালেটা দেবেন আপনি ?’

শেষ কথাটা টোনিয়া শুনতে পায়নি। ‘তুমি কী বলতে চাচ্ছে, ল্পষ্ট ক’রে বলো।’

একটা খরগোশের অর্ধেক অংশের কথা বলছিলো জ্রীলোকটি—মাথা থেকে লাজ পর্যন্ত তার ঝলসে ভাজা, ছুঁটুকরো করা। তুলে ধরলো সেটাকে। ‘আপনার তোয়ালের বদলে এর অর্ধেকটা আমি দিতে পারি—এই কথাই আমি বলতে চাচ্ছি। তাকিয়ে আছেন কেন ? এটা কুকুরের মাংস নয়। আমার স্বামী শিকার করেন। এটা সত্যি খরগোশই।’

হাত বদল করলে জিনিস দুটো। ছ’জনেই ভাবলো বেশ জেতা গেছে ব্যবসায়। টোনিয়া মনে মনে একটু লজ্জিত হ’য়ে পড়লো—চাষি-বউকে ঠকিয়েছে ব’লেই মনে হ’লো তার। ওদিকে চাষি-বউটি নিজের ভাগে যা পড়লো তাতেই খুশি হ’য়ে তার এক বন্ধুকে ডাক দিলে ; সেই বন্ধুটিও তার পণ্য বেচে দিয়েছিলো ; ছ’জনে একসঙ্গে বাড়ির দিকে রওনা হ’লো—অনেক দূরে তাদের গ্রাম, অনেকটা পথ হেঁটে যেতে হয় ; বরফ-পড়া রাস্তা ধ’রে ছ’জনে আন্তে-আন্তে দূরে মিলিয়ে গেলো।

ঠিক এমন সময় ভিড়ের মধ্যে ভীষণ এক সোরগোল উঠলো। এক বুড়ি গলা ফাটিয়ে চাঁচাচ্ছে : ‘আরে ! আরে ! যাচ্ছে কোথায় ? আমার টাকা কই ? বেহায়া চোর কোথাকার, কখন তুই আমাকে দাম দিলি ? ভাখো একবার শ্রীমানকে, পেট-মোটা শুয়োর। ডাকলে কিনা গেছন ফিরেও তাকায় না। আরে মশাই—লোকটাকে থামাও। আমার টাকা মেরেছে। থামাও না।—ব্যাটা চোর। ঐ যে যাচ্ছে, ঐ লোকটা, ধরো, ধরো ওকে !’

‘কোন লোকটা ?’

‘ঐ লোকটা—ঐ যে পরিষ্কার ক’রে কামানো, দাঁতগুলি বেরিয়ে আছে।’

‘যে-লোকটার আঙিনে একটা গর্ভ, তার কথা বলছো ?’

‘হ্যা, হ্যা, ধরো ওটাকে, ব্যাটা তাতার !’

‘ধার কহুইয়ের কাছটার তালি-মায়া ?’

‘হ্যা, হ্যা!—হা ঈশ্বর! আমার সর্বস্ব চুরি ক’রে নিলে!’

‘এখানে এত চ্যাচামেচি কিসের?’

‘ঐ বে লোকটা যাচ্ছে, ও এসে কিছু দুধ মাংস কিনেছিলো; তারপর পেট পুরে খেয়ে দাম না-দিয়ে চ’লে গেছে ব’লে বুড়ি চ্যাচাচ্ছে।’

‘এ-সব হ’তে দেয়া তো ঠিক না! কেন তাকে ধ’রে আনছে না সবাই!’

‘ওকে ধ’রে আনবে? সারা গায়ে তার কটা কাতুর্জ বেন্ট আছে, দেখেছো? বেশি কথা বললে ও-ই এসে ধরবে তোমাকে!’

১০

যাদের জোর ক’রে মজুর খাটতে নিয়ে যাওয়া হচ্ছিলো, তাদের কয়েকজন ছিলো চোদ্দ নম্বর বগিতে। সঙ্গে পাহারাদার ছিলো ভোরোনিউক। তিনজন কেবল অন্তদের চেয়ে আলাদা জায়গায় দাঁড়িয়েছিলো, একজন হ’লো প্রোখোর প্রিটুলিয়েভ, পিটার্সবার্গের একটা সরকারি মদের দোকানে সে ছিলো খাজাকি, সবাই তা’কে ‘জাকি’ ব’লেই ডাকতো। আরেকজন হ’লো ভাসিয়া ব্রিকিন, এক লৌহ-ব্যবসায়ীর কাছে শিক্ষানবিশি করতো, বছর ষোলো বয়স; তৃতীয়জন কন্সট্যান্ট আমুরস্কি, শ্রমিক-সমবায় দলের একজন বিপ্লবী, মাথার চুল ধবধবে শাদা, পুরোনো শাসনব্যবস্থার কালে দণ্ডিত অপরাধীদের জন্ত নির্দিষ্ট সবগুলি উপনিবেশ ঘুরে এসেছে, এবং নতুন আমলের নতুন উপনিবেশগুলি আবিষ্কার ক’রে চলেছে।

প্রথম যখন তাদের ধ’রে নিয়ে আসা হয়, কেউ কাউকেই চিনতো না, এখন ক্রমশই আলাপ করতে-করতে পরস্পরের পরিচিত হ’য়ে উঠছে। ‘জাকি’ আর ভাসিয়া যে ভিয়াটকা প্রদেশের একই গ্রামের লোক, অল্পক্ষণের মধ্যেই তা বেরিয়ে পড়লো; আরো জানা গেলো, ট্রেন নাকি ঐ জেলার মধ্য দিয়ে যাবে।

প্রিটুলিয়েভের দেশ মালমিশে। মাথার চুল ঘন, মুখে ত্রণের দাগ, বেঁটে, মোটাসোটা, এক কথায় বিকট দেখতে। বগলের তলায় ঘামে কালো-হ’য়ে-থাকা তার ছাই রঙের জামাটি খলখলে স্ত্রীলোকের বডিসের মতো তার

শরীর জড়িয়ে আছে। পাথরের মূর্তির মতো চূপচাপ ঘণ্টার পর ঘণ্টা ব'সে থাকতে পারে সে, হাতের আঁব আঁচড়ায় নখ দিয়ে যতোকণ না রক্ত বেরিয়ে পেকে ওঠে।

কয়েকমাস আগে একদিন বিকেলবেলায় সে যখন নেভস্কি দিয়ে হাঁটছিলো, তখন লিটেইনি স্ট্রিটের এক সেনাবাহিনীর পাল্লায় প'ড়ে যায়। নিজের কাগজপত্র বের ক'রে দেখাতে বাধ্য হয় সে; দেখা যায় তার র‍্যাশন-বই চতুর্থ শ্রেণীর, আর চতুর্থ শ্রেণীর র‍্যাশন-বই তাদেরই দেওয়া হয় যারা শ্রমিক নয়, তা দিয়ে কোনো-কিছুই কেনা যায় না। ফলে তাকে আটকে রাখা হয়; আরো অনেককেই একই কারণে গ্রেপ্তার করা হয়েছিলো; কড়া পাহারায় ব্যারাকে নিয়ে যাওয়া হয় তাদের। তার এবং তার পূর্ববর্তী দল আর্কেঞ্জেল সীমান্তে গিয়ে পরিখা খুঁড়বে—প্রথমে তাই ঠিক হয়েছিলো। কিন্তু মাঝপথে তাদের ফিরিয়ে মস্কোর মধ্য দিয়ে পূর্ব দিকে পাঠানো হচ্ছে।

প্রিটুলিয়েভের স্ত্রী ছিলো লুগায়, সেখানে সে যুদ্ধের আগে কাজ করতো। লোকের মুখে তার দুর্দশার কথা শুনে তার স্ত্রী তাড়াতাড়ি তার খোঁজে বেরোয়, যদি ছাড়িয়ে আনা যায় এই উদ্দেশ্যে ভোলোগ্ডার দিকে আর্কেঞ্জেল জংশনে চলে যায়। প্রিটুলিয়েভদের ইউনিট কিন্তু সেখানে যায়নি; বাড়ি ব'সে থাকলেই সবচেয়ে ভালো করতো সে। আজকাল এমন হয়েছে যে কে কোথায় আছে সেটাই অনেক সময় সঠিক বুঝে ওঠা যায় না।

যুদ্ধের গোড়ার দিকে প্রিটুলিয়েভকে পিটার্সবার্গে বদলি করা হয়; সেখানে সে পেলাগিয়া টিরাগুনোভা নামে এক স্ত্রীলোকের সঙ্গে বাস করতো। যেদিন তাকে গ্রেপ্তার করা হয়, তারা দু'জনে একসঙ্গে বেড়াতে বেরিয়েছিলো, একটু আগেই পরস্পরকে বিদায়-সম্ভাষণ জানিয়ে মেয়েটি বাড়ি ফেরে আর সে যায় অন্ত্র কাজে। লিটেইনি স্ট্রিট থেকে তাকিয়ে সে তখনো পেলাগিয়ার পেছন দিকটা দেখতে পাচ্ছিলো—আন্তে-আন্তে সে ভিড়ে মিলিয়ে যাচ্ছে।

মোটামোটো মধ্যবিত্ত স্ত্রীলোক; বনেদি স্বভাবের, সুন্দর হাত, ঘন চুল—মাঝে-মাঝে খোঁপা বাঁধে, কখনো বেগী ছলোয়, কখনো বা এমনি কাঁধে ছড়িয়ে রাখে, আর নিখাসের সঙ্গে-সঙ্গে তা কেঁপে-কেঁপে ওঠে।

পেলাগিয়া এই গাড়ির মধ্যেই আছে এখন : নিজে থেকেই সে ঠিক করেছে যে প্রিটুলিয়েভকে যেখানেই নিয়ে যাওয়া হোক না কেন, সেও সঙ্গে যাবে।

বোঝা মুশকিল প্রিটুলিয়েভের মতো ভোঁতা, বিস্ত্রী চেহারার লোক কী ক'রে জীলোকদের আকৃষ্ট করতো—কিন্তু মেয়েরা যে তার সঙ্গে লেপটে থাকতো তাতে সন্দেহ নেই। সামনেরই আরেকটা কামরায় তার আরেকজন মেয়ে-বন্ধু আছে; নাম ওগ্রিস্কোভা, অস্থিসার শাদা জু-ওলা এক তরুণী; নানারকম ফন্দিফিকির ক'রে সে ট্রেনে এসে উঠেছে। 'টলানি', 'বিকটা' প্রভৃতি নানা অপ্রীতিকর সম্বোধনে প্রায়ই তাকে ভূষিত ক'রে থাকে টিয়াগুনোভা।

প্রেমে প্রতিদ্বন্দ্বী ব'লে দু'জনেই দু'জনের ওপর ঝগহস্ত, সাবধানে একে অঙ্কে এড়িয়ে চলে। ওগ্রিস্কোভা এতোকণের মধ্যে একবারও কিন্তু চোদ্দ নম্বর কামরায় পদার্পণ করেনি; তার প্রণয়ের পাত্রটির সঙ্গে কী ক'রে সে যে দেখাশোনা করতো সেটা একটা রহস্য। এমনও হ'তে পারে যে সমস্ত যাত্রীরা যখন নেমে গিয়ে এঞ্জিনে কয়লা ভরার কাজে ব্যস্ত হ'য়ে আছে, তখন সে দূর থেকেই তাকে দেখে খুশি হচ্ছিলো।

১১

ভালিয়ার ব্যাপারটা কিন্তু একেবারে অগুরুত্বম। তার বাবা যুদ্ধে মারা গেছেন; মা তাকে পিটার্সবার্গে তার মামার কাছে পাঠিয়েছিলেন কাজকর্ম শেখবার জন্ত।

আগ্রাস্কদিন মার্কেটে তার মামার এক দোকান ছিলো। গত শীতের সময় একদিন কিছু জিজ্ঞাসাবাদের জন্ত স্থানীয় সোভিয়েট থেকে তাঁকে তলব করা হ'লো। দরজা ভুল ক'রে মামাটি শ্রমিক-সংগঠনের নির্বাচনী পরিষদের আপিশে ঢুকে পড়েছিলেন। জোর করে বাদের মজুর খাটতে নিয়ে যাওয়া হচ্ছিলো তাদের ভিড়ে ভর্তি ঘরটা। একটু পরেই সৈন্তেরা এসে ঢুকলো; সবাইকে তারা সোজা সেমিয়নভস্কি ব্যারাকে রাজিবাদের জন্ত নিয়ে গেলো, পরদিন সকালবেলায় ব্যারাক থেকে সোজা রেলস্টেশনে।

একসঙ্গে এতোজন লোকের গ্রেপ্তারের খবরটা চাপা থাকেনি ; বন্দীদের পরিজনেরা বিদায় জানাতে স্টেশনে এসে ভিড় করলে। তাদের মধ্যে ছিলো ভাসিয়া আর তার মামী। এখন চোদ্দ নম্বর কামরায় যে-পাহারাদারটি আছে, সেই ভোরোনিউক সেখানেও পাহারা দিচ্ছিলো। ভাসিয়ার মামী জ্বর কাছ থেকে বিদায় নিয়ে আসবার জন্ত তাঁকে বেরোতে দেবার অহুমতি চাইলেন। কোনো জামিন না-পেয়ে পাহারাদার যখন তাঁকে ছাড়তে চাইলো না, তখন ভাসিয়াকে জামিন রেখে তার মামাকে বেরোতে দেয়া হ'লো। মামা-মামীর সঙ্গে সেই তার শেষ দেখা।

প্রথমটায় কোনো সন্দেহই করেনি ভাসিয়া। চালাকিটা ধরা পড়তেই কামরায় সে ভেঙে পড়লো ; ভোরোনিউকের পায়ে আছড়ে পড়লো, তার হাতে চুমো খেলো, ছেড়ে দেবার জন্ত বার-বার অহুনয়-বিনয় করলো, কিন্তু কোনোই ফল হ'লো না। ভোরোনিউক মানুষ হিসেবে কঠিন প্রকৃতির নয়, কিন্তু এই গোলযোগের দিনে নিয়মানুবর্তিতা বিষয়ে কঠোর না-হ'লে চলে না। যে-ক'জন লোকের তার তার ওপর আছে, তাদের জন্ত তাকে প্রাণ দিয়ে জবাবদিহি করতে হবে ; আর, এই সংখ্যা রোজ নাম ডেকে মিলিয়ে নেয়া হয়। ভাসিয়া কী ক'রে এই শ্রমিক-সংগঠনের অন্তর্ভুক্ত হ'য়ে পড়লো, সংক্ষেপে এই হ'লো তার ইতিহাস।

পাহারাদাররা সবাই সমবায়পন্থী কস্টয়এডকে একটু সম্মানের চোখে দেখতো। যে-সরকারের অধীনেই তারা কাজ করুক না কেন, কস্টয়এড অনায়াসেই খাতির জমিয়ে নিতো তাদের সঙ্গে। একাধিকবার কনভয়ের কর্তাকে ডেকে ভাসিয়ার এই অসহ্য পরিস্থিতির কথা সে বুঝিয়ে বলেছে। এটা যে একটা ভীষণরকম ভুল-বোঝাবুঝির ব্যাপার—এ-কথা কনভয়ের কর্তাও স্বীকার করেছেন ; কিন্তু যতোকণ না গম্ভ্যবান্ধলে পৌঁচছেন, ততোকণ তিনি নাকি নিরুপায় ; আইনগত কতগুলি বাধার জন্ত কিছুই নাকি তাঁর করার নেই। তবে পরে যথাসাধ্য করবেন বলে তিনি প্রতিশ্রুতি দিয়েছেন।

হৃন্দর চেহারার ছেলে ভাসিয়া, হঠাৎ শরীর ; তাকে দেখতে অনেকটা রাজা-বাদশাদের ছোকরা চাকরের মতো অথবা ছবিতে দেখা দেবদূতের

মতো। অত্যন্ত সয়ল সে; এতোটা সয়ল ও নির্দোষ ছেলে সাধারণত চোখে পড়ে না। বড়োদের পায়ের কাছে মেঝের ওপর ব'সে থাকে সে; হাঁটুতে হাত রেখে হাঁ ক'রে বড়োদের মুখের দিকে তাকিয়ে তাদের জীবনের ঘটনাবলীর গল্প শোনা—এই হ'লো তার সবচেয়ে প্রিয় কাজ। কী-ধরনের কথাবার্তা চলছে কামরায়, তা জানতে হ'লে তার মুখের দিকে তাকালেই চলে; চোঁচিয়ে হেসে ওঠা কি শব্দ ক'রে কাঁদাটাকে সে সাবধানে সংযত ক'রে রাখে, আর তার ফলে যে-ভাবে তার মুখের পেশী ন'ড়ে ওঠে, তাই থেকেই অনায়াসে বোঝা যায় কথাটা হাসির, না দুঃখের।

১২

সমবায়পন্থী কন্ট্রিএডকে জি়িভাগোরা ভিনারে আমন্ত্রণ জানিয়েছিলো। তাদের সেই কোনায় ব'সে সে জোরে শব্দ ক'রে-ক'রে খরগোশের ঠ্যাং চুষতে লাগলো। সর্দি-কাশির ভয় তার সাংঘাতিক, তাই বার কয়েক সে তার বসার জায়গা বদল ক'রে মনের মতো এই জায়গায় এসে বসলো। 'এই জায়গাটা বরং ভালো,' সে বললে। হাড় চিবানো শেষ ক'রে, চুষে-চুষে আঙুলগুলি সে পরিষ্কার ক'রে নিলো, তারপর ঝুঁকিয়ে দিয়ে হাত মুছে নিমন্ত্রণকর্তাদের ধন্যবাদ জানিয়ে বললে, 'আপনাদের জানলাটা ঠিকমতো বন্ধ হয় না, পুঁটি দিয়ে এটাকে আটকে রাখা উচিত। তারপর, যে-কথা বলছিলাম। বলা বাহুল্য, খরগোশের রোস্ট একটা মহা উপাদেয় বস্তু, কিন্তু সেই থেকে আমরা যদি এমন কোনো সিদ্ধান্ত করি যে চাষির আন্তঃ-আন্তঃ মস্ত বড়োলোক হ'য়ে উঠছে, তাহ'লে হঠোক্তি করা হবে; এমন কথা বলার জন্তু আপনারা আমাকে ক্ষমা করবেন, কিন্তু আমি অনেক কমিয়ে বললাম।'

'দেখুন এসে,' ইউরি বললে। 'ঘে-সব স্টেশনে ট্রেন থামছে একবার তাকিয়ে দেখুন। বাঁশের বেড়া, গাছপালা সবই অক্ষত দাঁড়িয়ে আছে, এখনো জ্বালানি হিসেবে ব্যবহার করা হয়নি। তারপর ঐ হাটবাজারগুলি, ঐ সব দ্বীলোকেরা, যাদের দেখা যাচ্ছে, সেই সব? জিনিসটা ভাবতেই কি

চমৎকার লাগছে না আপনার ? অস্তুত এখনো কোথাও-কোথাও জীবনের ধারা সমানভাবেই ব'য়ে চলেছে, মাহুঘেরা তা নিয়ে বেশ খুশিও আছে, সকলেই দীনদুঃখী নয়। এটাই কি সমস্ত-কিছুর একটা সংগত ব্যাখ্যা নয় ?

‘আপনি ষ্টা বলছেন তাহ'লে তো কথাই ছিলো না। কিন্তু ব্যাপারটা একেবারেই তা নয়। এ-কথা আপনি ভাবলেনই বা কেন ক'রে ? কী চলেছে, সেটা একবার গ্রামের ভেতরে গিয়ে তাকিয়ে দেখুন, রেল-লাইন থেকে পঞ্চাশ বা একশো মাইল দূরে। চাষিরা তো বিদ্রোহ করেছে, একের পর এক অফুরন্ত হামলা করছে তারা। আপনি বলবেন যে কোনোরকম বিচার না ক'রে লড়াই ক'রে চলেছে লাল শাদা ছুয়েরই সঙ্গে, হয়তো বলবেন যে যার হাতেই ক্ষমতা থাক না, তাকেই ওরা সরাতে চায় ; কী তারা চায় তা জানেনা ব'লেই যাদের হাতে শাসনভার থাকে তাদের সঙ্গেই ওদের বিরোধ। আমি কিন্তু এ-বিষয়ে আপনার সঙ্গে একমত হ'তে পারছি না। তারা কী চায়, চাষিরা আপনার-আমার চেয়ে অনেক ভালো ক'রেই জানে, কিন্তু তারা একেবারে অস্ত্র কিছু চাচ্ছে।

‘বিপ্লব এসে যখন তাদের আগিয়ে দিলে, তারা মনে-মনে ঠিক ক'রে নিলো এই তাদের স্বপ্নের পূর্ণতা, তার সেই প্রাচীন স্বপ্ন—নিজের জমিতে নিজের হাতে কাজ করার অধিকার, কোনো রাজা থাকবে না, একেবারে সম্পূর্ণ ও পূর্ণাঙ্গ স্বাধীনতা ; কারো ধার ধারতে হবে না—এমন একটা অবস্থা। কিন্তু তার বদলে কী দেখলো তারা ? জার-সাম্রাজ্যের পুরোনো অত্যাচার সরিয়ে তারা ডেকে এনেছে আরো কঠিন এক বিপ্লবী মহারাষ্ট্রকে। গ্রামগুলি যে এখন সব সময়েই ক্ষুব্ধ হ'য়ে আছে, কিছুতেই যে স্বস্তি পাচ্ছে না, এই ব্যাপারটাতে অবাক হবার কিছু আছে কি ? তার পরেও কিনা আপনি রাগ দিয়ে দিলেন যে তারা সবাই সুখী ! উহঁ, এখনো অনেক ব্যাপার আছে যার কিছুই আপনি জানেন না মশাই, সন্দেহ হয় যে আপনি তা জানতেও চান না।’

‘আচ্ছা, আচ্ছা, না-হয় আমি সব কিছু জানি না। কিন্তু সব কিছুই আমাকে জানতে হবে কেন, আর কেনই বা সব-কিছু নিয়ে মাথা ঘামিয়ে আমাকে অল্প বাধাতে হবে ? ইতিহাস আমার পরামর্শ চায়নি, বাই ঘটক

না কেন তাই আমাকে মেনে নিতে হবে, তাই এ-সব তথ্যকে আমি লক্ষ্য না করলে ক্ষতি কী? আপনি বললেন, এটাকে বাস্তবতা বলে না। কিন্তু রাশিয়াতে আজকে বাস্তবতা কোথায়? আমার বিশ্বাস সে ভয়েই ম'রে গিয়েছে। এ-কথা সত্যি যে আমি মনে করি চাষিরা স্থধী আর গ্রামেরও উন্নতি হচ্ছে—তা যদি আমি বিশ্বাস করতে না পারি তো কী করবো, বলুন? কাকেই বা বিশ্বাস করবো, বাঁচবোই বা কী নিয়ে? আমার জী-পুত্র আছে, বাঁচতে আমাকে হবেই।'

হতাশার ভঙ্গি করলো সে; স্বস্তিরের ওপর তর্কের ভার ছেড়ে দিয়ে একপাশে স'রে গিয়ে বাস্কের ওপর থেকে মাথা ঝুঁকে দেখতে লাগলো, নিচে কী হচ্ছে না হচ্ছে।

'জাঙ্কি' প্রিটুলিয়েভ আর তার বন্ধু পেলাগিয়া—দুজনেই ভাসিয়া আর পাহারাদার ভরোনিউকের সঙ্গে গভীর আলোচনায় মত্ত হ'য়ে আছে। অল্পক্ষণের মধ্যেই ট্রেন পৌঁছবে ভাসিয়া আর প্রিটুলিয়েভের গ্রামে। স্টেশন থেকে গ্রামে যেতে হ'লে কোন পথে যেতে হয় প্রিটুলিয়েভ সে কথাই মনে-মনে ভাবছিলো। ষোড়ায় গেলে যে-পথ ধরতে হয়, পায়ের-হাঁটা পথ কিন্তু সেটা নয়। আর সেই সব চেনাশোনা মায়াময় গ্রামগুলির নাম স্তনতে-স্তনতে জলজলে চোখে অশ্রুট স্বরে ভাসিয়া সেগুলির পুনরাবৃত্তি করছিলো, যেন সে-সব কোনো জাহ্নম।

"সুকনো খালে" নামতে হয়—উত্তেজনার তার গলা বুজে এলো। 'তারপরে ব্যুয়িস্কির দিকে যাবেন।'

'ঠিক বলেছো। সেখান থেকে ব্যুয়িস্কি রোড ধরলে—'

'আমিও তাই বলি—ব্যুয়িস্কি, ব্যুয়িস্কি গ্রাম—হ্যাঁ, হ্যাঁ, আমি চিনি সেটা, ওখানেই আমরা মোড় ঘুরি, বারে-বারে কেবল ডান দিকে মোড় ঘুরতে হয়। তাহ'লেই আমাদের গ্রাম ভেরেটেনিকিতে পৌঁছবেন আপনি। আপনাদের গ্রামের রাস্তা নিশ্চয়ই বাঁ দিকে, নদী থেকে দূরে, তাই না? পেলাগা নদী চেনেন তো? হ্যাঁ, চেনেন বইকি। সেটাই আমাদের নদী। কেবলই নদী ধ'রে এগোতে থাকুন, একেবারে নাক বরাবর, শেষে ডানদিকে ঝাড়া পাহাড় দেখতে পাবেন, ঐ পেলাগা নদীর ওপর ঝুলে আছে যেন, ঐখানেই আমাদের গ্রাম:

ভেরেটেনিকি! পাহাড়টার গায়েই গ্রামটা, সোজা ওপরের দিকে উঠে গেছে। এত খাড়া যে মাথা ঘুরবে আপনার, সত্যি বলছি, রীতিমতো মাথা ঘুরে যায়। নিচের দিকে এক পাথুরে খাদ আছে, ওখানকার পাথর দিয়ে জাঁতা বানানো হয়। ঐ ভেরেটেনিকিতেই মা আছেন, আর আমার দুই বোন। আলিয়া-দিদি। আরিয়া-দিদি।... মা অনেকটা আপনার মতো দেখতে, আর পলিয়া মাসি, অল্প বয়স, আর কশ্মী। ভোরোনিউক খুড়ো, দয়া করো, বীভর দোহাই, ভোরোনিউক খুড়ো, দয়া করো, ভিক্ষে চাচ্ছি, ভগবানের দোহাই.....ভোরোনিউক খুড়ো!’

‘কী? কেবল খুড়ো, খুড়ো, খুড়ো! আমাদের তোমার খুড়িমা পাওনি। কী করতে বলো আমাদের! আমরা কি পাগল? তোমাকে যদি যেতে দিই তো আমাদেরও সেই সঙ্গে পতম হ’য়ে যেতে হবে, আমেন। সোজা দেয়ালের গায়ে দাঁড় করিয়ে দেবে।’

ভাসিয়ার লাল চুলে আলতোভাবে টোকা দিতে-দিতে পেলাগিয়া টিয়াগুনোভা আনমনা হ’য়ে জানলার বাইরে তাকিয়ে থাকলো। মাঝে-মাঝে তার দিকে তাকিয়ে ঝুঁকে প’ড়ে অক্ষুটে হাসতে থাকলো, যেন সে তাকে বলতে চাচ্ছে: ‘বোকামি কোরো না। এমনভাবে সকলের সামনে ভোরোনিউকের সঙ্গে কথা ব’লে কোনো লাভ আছে! ভেবো না একটু ধৈর্য ধরো সব ঠিক হ’য়ে যাবে।’

১৩

মধ্য-রাশিয়া ফেলে ট্রেন যতই পূর্বমুখে এগোতে থাকলো, ততই অদ্ভুত সব ব্যাপার ঘটতে লাগলো। ট্রেন যেখান দিয়ে যাচ্ছে, উত্তেজনা আর বিশৃঙ্খলা সেখানটায় বেশ দানা বেঁধে উঠেছে; প্রত্যেকটা জেলার তার সশস্ত্র বাহিনীর হাতে, গ্রামের হামলাগুলি দমিয়ে ফেলা হয়েছে সম্প্রতি।

হয়তো একেবারে ফাঁকা মাঠের মধ্যেই ট্রেন থেমে গেলো, আর নিরাপত্তা বাহিনীর টহলদারেরা যাত্রীদের সব কাগজ আর মালপত্র পরীক্ষা ক’রে দেখতে শুরু ক’রে দিলে।

একবার তারা বাত্রে থামলো, কিন্তু কেউ এলো না বা কাউকেই জাগানো হ'লো না।

কোনো দুর্ঘটনা ঘটেছে কিনা ভেবে ইউরি দেখবার জন্য কামরা থেকে নেমে এলো।

চারদিকে অন্ধকার। ফারগাছে ভর্তি ফাঁকা জায়গা প'ড়ে আছে রেল-লাইনের দুপাশে; কেন যে ট্রেন থেমেছে, তার কোনো কারণ বের করা গেলো না। যাত্রীদের অনেকে বেরিয়ে এসেছিলো। পাঠকে বরফ ঝাড়তে-ঝাড়তে তাদের কেউ-কেউ ইউরিকে সংবাদ দিলে যে মুশকিল কিছুই নয়, কিন্তু ড্রাইভার আর এগোতে চাচ্ছে না, বলছে যে এই ফাঁকা জায়গাটা নাকি বিপজ্জনক এলাকা, আগে নাকি ট্রলি পাঠিয়ে খোজ-খবর নিয়ে আসা উচিত। যাত্রীদের মধ্য থেকে অনেকে তাকে বুঝিয়ে বলতে গেছে, দরকার হ'লে ঘুষ দিতেও রাজি, আর নাবিকেরাও এ-ব্যাপারে সাহায্য করতে এগিয়ে এসেছে, স্তবরাং ট্রেন যে একটু পরেই ছাড়বে তাতে আর কোনো সন্দেহ নেই।

ট্রেনের এঞ্জিনের চারপাশে যে ভূষার জ'মে গিয়েছিলো, একটু পরে-পরেই তা আলোকিত হ'য়ে উঠছিলো, যেন এঞ্জিনের ফুলকিতে বা জ্বলন্ত কয়লায় কোনো অগ্নি-উৎসব শুরু হয়ে গেছে। এই আলোয় দেখা গেলো, কয়েকটা আবছা মূর্তি এঞ্জিনের সামনে ছোটোছুটি করছে।

সবচেয়ে আগে যে ছিলো—খুব সম্ভবত সেই ড্রাইভার—পাদানির শেষ প্রান্তে পৌঁছেই দুই বগির মাঝখানে লাফিয়ে প'ড়ে হাওয়া হ'য়ে গেলো, যেন মাটি তাকে গিলে ফেলেছে। নাবিকদের মধ্যে যারা তার পেছনে ধাওয়া করেছিলো তারাও ঠিক তাই করলে : তারাও লাফ দিলে একের পর এক, তারপর অদৃশ্য হ'য়ে গেলো।

এই সব দেখে যাত্রীদের কয়েকজনের কৌতূহল জেগে উঠলো—এমন কি ইউরির পর্বস্ত। কী ব্যাপার, তারা সবাই মিলে দেখতে গেলো।

বগিগুলো পেরিয়ে খোলা রেল-লাইনের সামনে এসে দাঁড়িয়ে অদ্ভুত এক দৃশ্য দেখলো সবাই। রাস্তার পাশে বরফের ওপরে গিয়ে পড়েছিলো ড্রাইভার, দেখা গেলো ওপরের অর্ধেক কেবল বরফের বাইরে আছে, বাকি লম্বাটুকু

বরফের ভেতরে। তার অহুসরণকারীরা সবাই একটা অধ্বস্ত রচনা ক’রে তার চারপাশে দাঁড়িয়ে আছে, ঠিক ধেমন্ডভাবে শিকারীরা তাদের শিকারকে ঘিরে দাঁড়ায়। তাদেরও কোমর পর্যন্ত বরফের ভেতর ঢুকে গিয়েছে।

‘ধনুবাদ, কমরেডগণ! খাসা ঝোড়ে পাখি’ হয়েছে তোমরা,’ ড্রাইভার গলা ফাটিয়ে চ্যাচাচ্ছিলো। ‘কী চমৎকার দৃশ্য! নাবিকেরা কিনা বন্দুক উচিয়ে একজন সহকর্মীর পেছনে ধাওয়া করেছে! কেন? না, আমি শুধু বলেছিলাম যে ট্রেন থামাতেই হবে।—আপনারাই আমার সাক্ষী,—যাত্রীদের সম্বোধন করলে সে, ‘জায়গাটা কী-রকম, সে তো আপনারাই দেখতে পাচ্ছেন। যে-কেউ এখানে লাইন থেকে বন্টু খুলে নিয়ে যাবার জন্তু ঘুরে বেড়াতে পারে। জাহান্নমে যা, যত রাজ্যের বেজম্মা। তোদের চোদ্দগুটিকে ধোড়াই কেয়ার করি! তোদের জন্তুই কিনা এই সব করছি আমি, যাতে কারো বিপদ-আপদ না হয়, আর এত সব ব্যক্তি পোয়াবার জন্তু এই কিনা আমার পুরস্কার! চ’লে আয়, গুলি করবি! এই আমি দাঁড়িয়ে আছি—যাত্রীগণ, আপনারাই আমার সাক্ষী, দেখুন সবাই, মোটেই পালাচ্ছি না আমি।’

ভিড়ের মধ্য থেকে বিমূঢ় গলা শোনা গেলো। ‘আরে মশাই, ঠাণ্ডা হোন, এত গরম কেন ওরা তো আর মারতে আসছে না আপনাকে...কেউ দেবেও না মারতে...শুধু ভয় দেখাচ্ছে ওরা...’ অন্তেরা আবার উশকে দিতে শুরু করলে: ‘ঠিক হায় গাভরিলকা, এই তো চাই। বুক ফুলিয়ে দাঁড়াও, দেখি ব্যাটারা কী করে!’

নাবিকদের মধ্য থেকে প্রথম যে হামাগুড়ি দিয়ে বেরিয়ে এলো, সে হ’লো এক লালচুলো দানব, মাথাটা তার এত বড়ো যে মুখটা ভোঁতা দেখায়। যাত্রীদের দিকে ফিরে ঠাণ্ডা, হির, গাঢ় গলায় ইউক্রেনীয় টানে সে যখন কথা বলতে শুরু করলে, তার সমস্ত ভঙ্গিটাই সেই দৃশ্যের সঙ্গে বেমানান ঠেকলো।

১। ঝোড়ে পাখি বা ‘স্টর্মি পেট্রেল’: বিপ্লব শুরু করেছিলো বাস্টিক সাগরের এক নৌ-বাহিনীর বিদ্রোহ ঘোষণায়। এখানে তার প্রতি আর ঐ নামের ম্যাক্সিস গর্ক-রচিত গল্পের প্রতি ইঙ্গিত করা হয়েছে;

ডাঃ জিভাগো—২০

‘মাপ করবেন, এত থার্মিডর’ কিসের এখানে? দেখবেন মশাইরা, ঠাণ্ডায় আবার সদি বাধিয়ে বসবেন না। হাওয়াও দিচ্ছে। যে যার জায়গায় গিয়ে ব’লে আরাম করুন না কেন।’

আন্তে-আন্তে ভিড় ভেঙে গেলো। ড্রাইভার তখনও উত্তেজিত হ’য়ে ছিলো; দানবটি তার দিকে এগিয়ে এসে বলল :

‘কমরেড ড্রাইভার, তোমার হিষ্টিরিয়া ঢের সহ্য করেছি। এবার বেরিয়ে এলো বরফ থেকে। এবার গাড়ি পুরো দমে চালাতে হবে, আর যেন দেরি না হয়।’

১৪

রেল-লাইনের ওপর গুঁড়ো-গুঁড়ো মতো বরফ ছড়িয়ে দিয়েছে হাওয়া। কেউ সেগুলো পরিষ্কার করেনি ব’লে ট্রেন চলছিলো শামুকের মতো আন্তে-আন্তে, যাতে গাড়ি উণ্টে না যায়। পরদিন একটা নিম্প্রাণ, পুড়ে-ষাওয়া ধ্বংসস্থলের কাছে এসে গাড়ি থামলো। লোয়ার কেলমেসে স্টেশনের এই শুষ্ক অবশিষ্ট আছে; সামনের দিকের কালো-হ’য়ে-ষাওয়া দিকটায় ঝাপসা-ভাবে কেবল নামটা পড়া যাচ্ছে।

স্টেশন পেরিয়ে যে-গ্রাম, সেটা বরফের চাদর মুড়ি দিয়ে প’ড়ে আছে। গ্রামটাও নষ্ট হয়েছে আগুনে। শেষ বাড়িটা পুড়ে গেছে, তার পাশের বাড়িটা ঝাঁকচোরা ঝুলে-পড়া শরীর নিয়ে দাঁড়িয়ে আছে, কোনো-কোনো খুঁটি মুখ খুবড়ে প’ড়ে গেছে। ভাঙা স্নেজগাড়ি, বাঁশের বেড়া, জং-ধ’রে-ষাওয়া ধাতুর টুকরো আর বিচূর্ণ আসবাবে সমস্ত রাস্তা এলোমেলো হ’য়ে আছে; ঝুল আর ভুসোয় বরফ নিয়েছে নোংরা চেহারা, আধো-জলা কাঠের টুকরো ছড়ানো বরফের ফাঁক দিয়ে মাটির কালো-কালো দাগ দেখা যাচ্ছে :

১। Thermidor : ফরাসী বিপ্লবের পরে যে-নতুন পঞ্জিকা প্রবর্তন করা হয় তার একাদশ মাসের নাম Thermidor (নিদাঘ) = জুলাই-আগস্ট। ১৭৯৪ খ্রষ্টাব্দের ৯ই থার্মিডর বা ২৭শে জুলাই তারিখের বিপ্লবের ফলে রবস্পীয়ার ও চরমপন্থীদের পতন ঘটে। রাজনীতি-সচেতন নাবিকটি এর রূপ প্রতিশব্দ ‘আন্দোলন’ অর্থে ব্যবহার করছে। —অম্বাবাকের ঢাকা

বোধহয় আগুন নেভাবার জন্য জল ঢালা হয়েছিলো, এ-সব হ'লো তারই চিহ্ন।

জায়গাটাকে ধে-রকম মৃত দেখাচ্ছিলো, আসলে কিন্তু ততটা ম'রে যায়নি। তখনও কিছু-কিছু লোক থেকে গিয়েছিলো এদিক-ওদিক। ধ্বংসস্তূপের মধ্য থেকে স্টেশন-মাস্টার বেরিয়ে আসতেই গার্ড ট্রেন থেকে লাফিয়ে নেমে সহায়ত্বভূতি জানালেন। 'মনে হচ্ছে গ্রামে আগুন লেগেছিলো, আর স্টেশনটাও সেই সঙ্গে শেষ হ'য়ে গেছে?'

স্বাগত জানালেন স্টেশন-মাস্টার, 'আসতে আচ্ছা হোক।—হ্যাঁ, আগুন লেগেছিলো বটে, কিন্তু সেটাই সবচেয়ে মারাত্মক নয়।'

'মানে? ঠিক বুঝতে পারছি না কী বলতে চাচ্ছেন।'

'না-বোঝার চেষ্টা করাই ভালো।'

'আপনি নিশ্চয়ই স্ট্রেলনিকভের কথা বলছেন না!'

'তার কথাই তো বলছি।'

'কেন? কী করেছিলেন আপনারা?'

'আমরা কিছুই করিনি। যা করবার করেছিলো সব আশেপাশের লোকজন, কিন্তু আমরা স্মৃতির জন্য শান্তি পেলাম। ঐ যে গ্রাম দেখতে পাচ্ছেন ওদিকে—ওটা হ'লো উল্টা-নেমডিন্‌স্ক জেলার লোয়ার কেলমেন্স—ওদের জন্যই এই সব ঝামেলা!'

'কী এমন অপরাধ করেছিলো ওরা?'

'মারাত্মক মণ্ডপাপের কোনোটাই প্রায় বাকি ছিলো না। গরিব চাষিদের সমিতি বন্ধ ক'রে দিয়েছিলো, এই হ'লো এক নম্বর; লাল ফৌজকে ঘোড়া সরবরাহ করতে নারাজ হয়েছিলো, এই হ'লো দুই (তার আবার তাতার ঘোড়সোয়ার সব—এটা মনে রাখবেন), গৈর-সমাবেশের হুকুম মানেনি—তাতে অন্ততপক্ষে তিনটে অপরাধ তো হ'লো।'

'হঁ, এই ব্যাপার! বুঝতে পারছি সব। কাজে-কাজেই বাকস ফাটলো তাই না?'

'স্বভাবতই।'

'সাঁজোয়া গাড়ি এসে আক্রমণ করেছিলো?'

‘নিশ্চয়ই।’

‘খুব দুঃখের কথা। ষাক, এ আমাদের মাথা ঘামাবার ব্যাপার নয়।’

‘যাই হোক, এখন সব চুকে গিয়েছে। কিন্তু আপনার জ্ঞান যে-খবর রয়েছে, সেটাও বিশেষ সুবিধের নয়। মনে হচ্ছে আপনার এখানে কয়েকদিন অপেক্ষা করতে হবে।’

‘আপনি ঠাট্টা করছেন। আমি ফ্রন্টে সৈন্য নিয়ে যাচ্ছি।’

‘মোটাই ঠাট্টা না। সাতদিন ধরে অব্যবহৃত ব্রিজার্ড হয়েছে এখানে—বিরিট সব বরফের চাঁই পড়ে আছে লাইনের ওপর, অথচ সাফ করবার কেউ নেই। অর্ধেক গ্রামই ফাঁকা পড়ে আছে—সব পালিয়েছে। বাকি সবাইকে আমি কাজে লাগিয়ে দেবো—কিন্তু তাও যথেষ্ট নয়।’

‘ধুন্তোর আপদ! আমি করি কী এখন?’

‘সময় মতো সব সাফ করিয়ে দিচ্ছি।’

‘বরফ কত গভীর বলুন তো?’

‘মন্দ না, তবে সব জায়গায় সমান নয়। সবচেয়ে খারাপ হ’লো মাঝখানটায়। দু’মাইল লম্বা একটা খাল আছে ওখানে, সেখানেই সবচেয়ে ঝামেলায় পড়তে হবে। আরো দূরে, জঙ্গলের ধারে সবচেয়ে বেশি বরফ জমে আছে লাইনে। এখানে তো ফাঁকা গ্রাম, কাজেই হাওয়া কিছুটা উড়িয়ে নিয়েছে।’

‘জাহান্নমের গুটি! কী জগাখিচুড়ি পাকালো এখন! সব যাত্রীদের দিয়ে পরিষ্কার করাবো।’

‘আমিও ঠিক এই কথাই ভাবছিলাম।’

‘নাবিকদের ধরে-কাছেও মাড়াবো না। কিন্তু এক আস্ত মজুরবাহিনী চলেছে এই ট্রেনে—জোর করে ধরে নিয়ে যাওয়া হচ্ছে তাদের; তাছাড়া আবার স্বাধীন যাত্রীও আছে সব মিলিয়ে শো-সাতেক।’

‘এতে খুব হ’য়ে যাবে। শাবলগুলি এসে পৌছলেই কাজ শুরু করে দেবো। এখানে আবার খুব বেশি শাবল নেই, কাজেই আশেপাশের গ্রামে আনতে পাঠিয়েছি। সেগুলি এসে পৌছলো ব’লে।’

‘হা পোড়াকপাল! আমরা পেরে উঠবো মনে হয় আপনার?’

‘নিশ্চয়ই পারবো। লোকে বলে শুধু সংখ্যার জোরেই বড়ো-বড়ো

শহর দখল করা যায়—আর এ তো সামান্ত রেল-লাইন। আপনি একটুও ভাববেন না।’

১৫

তিন দিন ধ’রে চললো লাইন পরিষ্কার করার কাজ। জিভাগোদের সকলেই এমন কি নিউশা পর্যন্ত তাতে অংশ নিলে। রওনা হবার পর এই তিন দিনই তাদের সবচেয়ে ভালো কাটলো।

সমস্ত এলাকাটাই কেমন নির্জন, গোপন আর অবরুদ্ধ। কী যেন আছে এখানে, যাতে মনে প’ড়ে যায় পুগাচেভের বিজ্রোহ^১—পুশকিন যেমন ক’রে দেখেছিলেন—আর আক্সাকভের^২ লেখা বর্বর এশিয়ার বর্ণনা। সেই রহস্যময় আবহাওয়াকে আরো নিবিড় ক’রে তুলেছিলো ধ্বংসস্থপগুলো আর প’ড়ে-থাকা গ্রামবাসীদের সতর্কতা গুপ্তচরের ভয়ে ট্রেনের যাত্রীদের এড়িয়ে চলছে তারা, নিজেদের মধ্যেও কথাবার্তা বলছে না।

মজুরদের দলে-দলে ভাগ ক’রে দেয়া হয়েছিলো। স্বাধীন যাত্রীদের কাছ থেকে ধ’রে আনা মজুরদের দূরে সরিয়ে রাখা হয়েছিলো আলাদা ক’রে। সমস্ত জায়গাটা নিরাপত্তা বাহিনী দিয়ে ঘেরাও ক’রে রাখা হয়েছে।

রেল-লাইনের এক-এক অংশের ভার পড়লো এক-এক দলের হাতে। সবাইকে যার-যার অংশে পাঠিয়ে দিয়ে একসঙ্গে কাজ শুরু ক’রে দেয়া হ’লো। এক-একটা অংশের মাঝখানে টিলার মতো উঁচু তুষারের টিবি

^১ Pugachev, Yemelyan Ivanvich (১৭৪৪—৭৫): ইনি একজন ডন কসাক, সৈনিক জীবন ত্যাগ ক’রে এক কৃষক-বিপ্লবের নেতৃত্ব গ্রহণ করেন (১৭৭৩—৭৫)। পালিয়ে-বাওয়া সার্ক আর তাতার ডাকাতের দল সংগ্রহ করে তিনি স্তলগা-জীরবর্তী বহু দুর্গ ও কাসান নগর দখল করেন। অবশেষে তার অনুচরদের মধ্যেই একজন তাঁকে ধরিয়ে দেয়, সরকার তাঁর মুণ্ডচ্ছেদ করেন। পুশকিনের লেখা ‘পুগাচেভ-বিপ্লবের ইতিহাস’ ১৮৩৪ সালে প্রকাশিত হয়।—অনুবাদের টীকা।

^২ Aksakov, Sergey Timofeyevich (১৭২১—১৮৫২): মধ্য-উনিশ শতকের অন্ততম গল্প লেখক, পোগোলের বন্ধু। আক্সাকভের দুই পুত্র, Ivan Sergeyevich ও Konstatin, স্নাত্তোফিল-দলভুক্ত শক্তিশালী লেখক ছিলেন। অনুবাদের টীকা।

দলগুলিকে একে অন্তের কাছ থেকে আড়াল ক'রে রেখেছিলো, একেবারে শেষ মুহূর্তে ছাড়া সেগুলোতে হাত দেওয়াই হয়নি।

কেবল ঘুমোবার সময় ছাড়া সারা দিনই সেই খোলা জায়গায় কাটাতে হ'লো মজুরদের। হিমশীতল হ'লেও পরিষ্কার ছিলো দিনগুলি, তাছাড়া কাজের মেয়াদও লম্বা নয়, কেননা যথেষ্ট শাবল সংগ্রহ করা যায়নি। নিছক মজা হ'য়ে উঠলো বাপারটা।

ইউরির দল ধে-অংশে পড়েছিলো, সেখান থেকে দৃশ্য বড়ো সুন্দর। পুর্বদিকের গ্রামটা ক্রমশ ঢালু হ'য়ে উপত্যকার দিকে নেমে গেছে, তার পরেই টেউয়ের মতো ধাপে-ধাপে উঠে গেছে দিগন্ত পর্যন্ত।

পাহাড়ের চূড়ায় হাওয়ার ঝাপটের মধ্যে একটা বাড়ি দাঁড়িয়ে; আশে-পাশের গাছগুলো গ্রীষ্মকালে তাকে নিশ্চয়ই ছায়া দিয়েছিলো, কিন্তু এখন তাদের গায়ে লেসের মতো বরফ এমনভাবে তাদের জড়িয়ে আছে যে তাদের পক্ষে কোনো আশ্রয় দেওয়া সম্ভব হচ্ছে না।

যা-কিছু বন্ধুর ছিলো সব বরফ মস্তক ক'রে ঢেকে রেখেছে। কিন্তু তবু সেই ঘুরে-ঘুরে নেমে-আসা ধারাটিকে একটু-একটু দেখা যাচ্ছিলো, বসন্তকালে যার জলস্রোত রেলের ব্রিজের তলা দিয়ে সোজা ছুটে যায় আর এখন যার সমস্ত জলমতাকে স্থাপু ক'রে রেখেছে বরফ, ঠিক যেন কোনো শিশু তার ছোট্টো খাটে শুয়ে আছে, পালকের লেপের তলায় মাথা গুঁজে।

পাহাড়ের ওপরের ঐ বাড়িটায় কেউ থাকে কিনা, ইউরি সেই কথাই ভাবছিলো। না কি খালি প'ড়ে আছে বাড়িটা, ক্রমশ ধ্বংস হ'য়ে যাচ্ছে? হয়তো কোনো ভূমি-সমিতির ভাগে পড়েছে এখন। যারা এককালে ঐ বাড়িতে থাকতো, তাদের সকলের কী দশা হয়েছে? তারা কি বিদেশে পালিয়ে গেছে? না কি চাষিদের হাতেই মারা গেছে? না কি তারা জনপ্রিয় ছিলো ব'লে কোনো প্রয়োগশিল্পের বিশেষজ্ঞ হিসেবে সেই জেলাতেই থেকে যাবার অহুমতি পেয়েছে? আর যদি থেকেই গিয়ে থাকে তো! ষ্টেলনিকভ কি তাদের রেয়াৎ করেছে, না কি কুলাকদের দশা হয়েছে তাদের?

বাড়িটা তার কৌতূহলকে উদ্দীপ্ত ক'রে তেমনি বিষয় ও স্তব্ধ হ'য়ে

দাঁড়িয়ে থাকলো। আজকাল কোনো প্রশ্ন করাটা বেয়াদবি, এবং করলে কেউ উত্তর দেবারও প্রয়োজন বোধ করে না।

চোখ-ধাঁধানো স্তব্ধতার ওপর সূর্য ঝলমলে আভা ছড়িয়ে দিয়েছে পরিষ্কার বরফের টুকরো কেটে-কেটে তুলতে লাগলো ইউরি; মনে হ'লো শুকনো হীরের আগুন লেগেছে। ছেলেবেলার দিনগুলি মনে প'ড়ে গেলো তার। সে যেন তার বাড়ির উঠানে দাঁড়িয়ে আছে, মোটা স্ততোর টুপি মাথায়, কালো ভেড়ার চামড়া হুক দিয়ে আটকানো, হকের ঘরগুলো কৌকড়ানো লোমের মধ্যে সেলাই করা, ঠিক এমনিভাবে জলজলে বরফ কেটে-কেটে তৈরি করেছে আকাঁকা স্ফুট, উঁচু পিরামিড, বড়ো মাপের কেল্লা, গুহা-নগর কিংবা ক্রীমের মিষ্টি। সেই ফেলে-আসা স্ফুট দিনগুলি, জীবনের কী আশ্চর্য স্বাদই না ছিলো তখন, নয়ন আর জঠর তৃপ্ত হবার মতো ছিলো সব-কিছু।

কিন্তু এখন, এ-রকম অবস্থাতেও, খোলা হাওয়ায় তিন দিন ধ'রে কাজ করতে-করতে মজুররা সবাই ভরা পেটের সন্তোষ অনুভব করলে। তাতে অবশ্য অবাধ হবারও কিছু নেই। রাত্রিবেলায় প্রত্যেককে পুক, উষ, টাটকা বড়ো-বড়ো রুটি দেওয়া হ'তে লাগলো (কোথেকেই বা এ-সব আসছে, কার হুকুমে—এ-সব প্রশ্নের উত্তর কেউ জানে না); বেশ মুড়মুড়ে মুচমুচে রুটি, ওপরের অংশটা চকচকে, পাশের শক্ত অংশে চিড় খেয়ে গেছে, তলার দিকটায় কাঠকয়লায় ঝলমানোর চিহ্ন স্পষ্ট।

১৬

ছুটির দিনে পাহাড়ে চড়তে গিয়ে লোকে যেমনভাবে পাহাড়ি আশ্রয়কে ভালোবেসে ফেলে, তেমনি সেই ধ্বংস-হ'য়ে-যাওয়া স্টেশনটাকে সবাই ভালোবেসে ফেললো। জায়গাটার আকার, আয়তন, ধ্বংসের ছোটোখাটো চিহ্ন—সব ইউরির স্মৃতিতে থেকে গেলো।

বোজ সন্ধ্যাবেলায় তারা ফিরে আসে সেখানে—সূর্য যখন পুরোনো অভ্যেসের প্রতি আত্মগতাবশত টেলিগ্রাফ-আপিশের জানলার পেছনে বার্চ-গাছের আড়ালে ডুবে যায়। এমনি ক'রে সূর্য ওখানে ডুবে গেছে চিরকাল।

বাইরের দেয়ালের এক অংশ ধ্বংসে পড়ে গিয়েছিলো, ঘরের মধ্যে এলোমেলো তার ভগ্নাবশেষ জড়ো হয়ে আছে। জানলাটা কিন্তু এখনো আছে, উণ্টো দিকের কোনাটা অক্ষত, এমনকি কফি-রঙের দেয়াল-কাগজ পর্যন্ত ঠিক জায়গায় থেকে গেছে। চুল্লি, তার গোল বিবর, আর তামার ডালা, এমনকি কালো ফ্রেমেজাটা আপিশের আসবাবপত্রের ফর্দটাও ধ্বংসের কবলে পড়েনি। দুর্বিপাকের আগেকার দিনগুলোর মতোই অন্তর্গামী সূর্য ধীরে-ধীরে গড়িয়ে যায় চুল্লির ওপর, উষ্ণ বাদামি একটা আভা ছড়িয়ে দেয় কাগজের গায়ে, আর একটা হকের ওপর বার্চগাছের ছায়া ঝুলে থাকে, যেন কোনো রমণীর গলবন্ধ।

ওয়েটিংরুম ছিলো দালালের পেছনে ; সেটা ধ্বংস হয়ে গেছে, কিন্তু তার তালা-লাগানো দরজায় এখনো একটা বিজ্ঞপ্তি লটকে আছে, হয় ফেক্সারি-বিপ্লবের গোড়ার দিকে আটকানো হয়েছিলো, নয়তো সম্প্রতি লটকে দেওয়া হয়েছে। বিজ্ঞপ্তিটা এই রকম :

‘যে-সব যাত্রীর ওষুধ কিংবা ব্যাণ্ডেজ দরকার, তাঁরা আপাতত যেন উদ্বিগ্ন না হন, এই অনুরোধ করা হচ্ছে। কতগুলি অনিবার্ধ কারণে এই দরজা বন্ধ ক’রে দেওয়া হ’লো এবং এই বিজ্ঞপ্তির মধ্যে তা যাত্রীদের গোচরে আনা হচ্ছে।’

স্বাক্ষর : ভারপ্রাপ্ত চিকিৎসক

উস্ট-নামভিন্স্ক জেলা,—অমুক তমুক।

যখন রেল-লাইনের ওপরকার বিভিন্ন অংশের তুষারস্তূপ পরিষ্কার হয়ে গেলো, দেখা গেলো রেল-লাইন তীক্ষ্ণ সরল রেখায় তীরের মতো সমতলভূমির ওপর দিয়ে সুদূরে চলে গেছে। রেল-লাইনের দু-ধারে পর্বতপ্রমাণ স্তূপ-করা তুষার জলজল করছে : যেন জলের কালো দেয়ালের গায়ে কেউ গুপ্ততাকে জড়ো ক’রে দিলো।

রাস্তার ওপর একটু পরে-পরেই দল বেঁধে লোকজন দাঁড়িয়ে আছে, হাতে শাবল। এই প্রথম পরস্পরকে দেখে সবাই অবাক হয়ে গেলো : এতো লোক কাজে লেগেছিলো !

তখন বেলাশেষ, একটু পরেই অন্ধকার ক'রে আসবে। তবু আর কয়েক ঘণ্টার মধ্যেই ট্রেন ছাড়বে ব'লে মনে হ'লো। আর-একবার পরিষ্কার-করা রেল-লাইন দেখবার জন্য ইউরি আর টোনিয়া বেরিয়ে গেলো। কিন্তু তখন রেল-লাইনে আর কেউই নেই। দূরে, দিগন্তের দিকে তাকালো দুজনে, তারপর দু-একটা কথা ব'লেই ফিরে এলো।

গাড়িতে ফেরবার পথে তারা দুটি স্ত্রীলোকের ভীষণ ঝগড়ার আওয়াজ শুনতে পেলো। দুজনেই তাদের চেনা, ওগরিস্কোভা আর টিয়াগুনোভা। একদিকেই চলেছে দুজনে, কিন্তু ট্রেনের দুপাশে, শেষহীন বগির এক দিকে ওগরিস্কোভা, অল্পদিকে টিয়াগুনোভা—মাঝখানের বগির জুজু কেউই কাউকে দেখতে পারছে না। ইউরি আর টোনিয়ার ঠিক পাশাপাশি কখনোই এলো না তারা, হয় তাদের একটু আগে চ'লে গেলো পাশ কাটিয়ে, নয়তো একটু পেছিয়ে এলো।

এতো উত্তেজিত হ'য়ে পড়েছিলো তারা যে একটু পরেই ক্লান্ত হ'য়ে পড়লো, তাদের সব শক্তি সব যেন ফুরিয়ে গেছে। যেভাবে তাদের গলা সপ্তমে চড়েছিলো, এবং এখন যেমন ফিশফিশানি শুরু হয়েছে, তাই থেকেই এটা বোঝা গেলো, হয় তাদের পা আর চলছে না, নয়তো তারা ট'লে-ট'লে এগোচ্ছে কি বরফের ওপর খুবড়ে প'ড়ে যাচ্ছে। মনে হ'লো, টিয়াগুনোভা ওগরিস্কোভার পেছনে ধাওয়া করেছে, আর যখনই তাকে ধরতে পারছে, তখনই প্রচণ্ডভাবে ঘৃষি মারছে তাকে। যতোরকম গালমন্দ আছে সমস্তই ব্যবহার করলো সে, আর তার ভদ্র, স্বরেলা গলা সেই কটুক্তিগুলোর নির্লজ্জতাকে একেবারে অসীমে পৌছে দিলো; এত কর্কশ শোনালো সে-সব যে, কোনো পুরুষের কটুক্তি এতটা খারাপ লাগতো না।

'নোংরা মেয়েমানুষ কাঁহাকার! নর্দমার রাঁড়!' টিয়াগুনোভা চীৎকার ক'রে উঠলো। 'তোর ছটফটানির জালায় এক পা নড়তে পারি না আমি। কেন, আমার বুড়ো হাবড়াটাকে নিয়ে কি তোর সাধ মিটলো না যে তারপরেও আবার একটা কোলের বাচ্চাকে চোখ মারলি?'

‘ভাসিয়াও কি তোর বিয়ে-করা ভাতার যে এ-কথা বলছিল! বাঃ, চমৎকার!’

‘ওরে আন্তাকুড়ের খানকি, দিচ্ছি, দিচ্ছি তোকে বিয়ে-করা ভাতার! ফের যদি ঐ নোংরা মুখ খুলেছিল তো তোকে কোতল করবো, এই বলে রাখলাম।’

‘বেশ, বাবা, বেশ, এত ঘুষোঘুষি কেন? কী তুই চাস, সেটাই পষ্ট ক’রে বল!’

‘মর, মর তুই—জাঁহাবাজ মাগি, নষ্টামির ডিপো, বেহায়া কুত্তি তুই, ফুশলানি, বেড়ালনি!’

‘আমি তা-ই, তাই না? ঠিক আমি একটা বেড়ালনি, নয়তো কুত্তি—তোর মতো মহীয়সীর সঙ্গে তুলনা করলে তাই তো দাঁড়ায়! জন্মেছিল আন্তাকুড়ে, বিয়ে করেছিল নর্দমায়—ইহুয়ের বাচ্চা, আর তোর ছানাপোনা সব সজারু!...বাঁচাও। বাঁচাও! খুন করলে, খুন করলে আমাকে! আমার মা-বাবা নেই, আমাকে একলা পেয়ে মেরে ফেললে আমাকে—কে আছো, বাঁচাও!’

‘তাড়াতাড়ি চলো,’ টোনিয়া জোরে পা চালালো। ‘আমি আর শুনতে পারছি না এ-সব, একেবারে গা-ঘিনঘিন ক’রে উঠছে। শেষটায় ওরা ভীষণ কিছু বাধিয়ে বসবে দেখছি।’

১৮

মুহূর্তের মধ্যে আবহাওয়া আর দৃশ্য বদলে গেলো। সমতলভূমি শেষ হ’য়ে গেছে, এবার ঘুরে-ঘুরে পার্বত্য প্রদেশের ওপর দিয়ে রেল-লাইন এগিয়ে চললো। অবিশ্রাম উত্তরে বাতাস থেমে গেলো, দক্ষিণ থেকে উষ্ণ হাওয়া আসতে শুরু করলে, যেন কোন চুল্লির ঘুলঘুলি থেকে তাপ বেরোচ্ছে।

পাহাড়ের ঢালু গা থেকে হঠাৎ যেন বনের গাছপালা ছিটকে বেরিয়েছে, যখন রেল-লাইন তাদের অতিক্রম ক’রে গেলো, ট্রেনটিকে সোজা উঠতে হ’লো

ওপরে, তারপর ঘেঁই বনের মাঝখানে পৌঁছলো, অমনি আবার নিচের দিকে গড়িয়ে নামা শুরু হ'লো। বনের মধ্য দিয়ে যাবার সময় ধোঁয়া ছেড়ে, নানা রকম খাতব চীংকার ক'রে আন্তে-আন্তে যেতে থাকলো ট্রেন, যেন কিছুতেই বগিগুলোকে টেনে নিয়ে যেতে পারছে না, যেন এটা বনের কোনো থুথুরে বুড়ো পাহারাদার আন্তে-আন্তে হেঁটে যাচ্ছে যাত্রীদের পথ দেখিয়ে, আর যাত্রীরা যেন চলতে-চলতে দু-পাশে মাথা বাড়িয়ে দ্রষ্টব্য সব-কিছু দেখে নিচ্ছে।

কিন্তু তখন পর্যন্ত দেখার মতো কিছুই সেখানে ছিলো না। বনের গাছপালা তখনও তাদের শীতকালের গভীর ঘূমে-ভরা শান্তিতে আচ্ছন্ন হ'য়ে আছে। কেবল মাঝে-মাঝে হঠাৎ হয়তো ন'ড়ে উঠলো কোনো ডাল, ঝেড়ে ফেলে দিলে তার ঘাড় থেকে বরফের বোকা, যেন কেউ গলাবন্ধ খুলছে সন্তর্পণে।

বড় ঘুম পেয়েছিলো ইউরির। ক'টা দিন সে কেবল বাঁকে শুয়ে-শুয়ে ঘুমোলো, নয়তো জেগেই শুয়ে থাকলো, ভাবলো মনে-মনে কিংবা কান পেতে শোনবার চেষ্টা করলো সব-কিছু। কিন্তু শোনার মতো কিছুই ছিলো না তখনও।

১৯

ইউরি যতোক্ষণ ভরপুর ঘুমোচ্ছে, ততোক্ষণে রাশিয়ার সর্বত্র ঝ'রে পড়া বিপুল পরিমাণ তুষারপুঞ্জকে উষ্ণ ক'রে গলিয়ে দিচ্ছে বসন্ত ঋতু : যেদিন তারা মস্কো ছেড়েছিলো, সেদিন থেকে শুরু ক'রে ক্রমাগত যে তুষারপাত ঘটেছে, যা তারা পথে দেখতে-দেখতে এসেছে, সব গ'লে যেতে লাগলো ; গ'লে গেলো সেই সব বরফও, যা তারা তিনদিন ধ'রে রেল-লাইন থেকে সরিয়েছে : পুঙ্, ঘন স্তরবিজ্ঞান ক'রে যতো বরফ পড়েছিলো—পার্বত্য অঞ্চল থেকে শুরু ক'রে সমতল এলাকা। যেদিকেই চোখ যাক কেবল বরফ, আর বরফ—সব গলতে শুরু করলো এবার।

প্রথমে বরফ গলতে থাকলো গোপনে, সন্তর্পণে, ভেতর দিক থেকে। কিন্তু যখন সেই গ'লে-বাওয়ার বিরাট কাজ অর্ধেক হ'য়ে গেলো, তখন আর তা লুকিয়ে রাখা গেলো না। ক্রমশ স্পষ্ট হ'য়ে উঠতে লাগলো সেই অলৌকিক রূপান্তর। ভেতর থেকে কলহরে জলস্রোত বেরিয়ে এলো। দুর্ভেদ্য গভীরতা থেকে আড়মোড়া ভেঙে জাগলো অরণ্য, আর অরণ্যের সব-কিছু।

জলধারার চলাফেরার মতো জায়গার কোনো অভাব ছিলো না। নিজেকে সে ছুঁড়ে মারলো পাহাড়ের চূড়ো থেকে, কানায়-কানায় ভ'রে গেলো সব পুকুর, তারপর ছড়িয়ে পড়লো। গ'র্জে উঠলো বনের মধ্যে, ধোঁয়া তুলে প্রবল বেগে ছুটে চললো। বনের ভেতর থেকে এলোমেলো ধারায় ছুটে এলো জল, যদি কোথাও জমাট তুষার তার গতিরোধ ক'রে বসে তো তার মধ্যেই ডুবে যেতে থাকে; কখনো ছুটে আসে শোঁ-শোঁ ক'রে, কখনো বা তোলপাড় তুলে ঘুরে গিয়ে পড়ে নিচে, পিচকিরি থেকে ছিটকে বেরোনো ধারার মতো। মাটি একেবারে ভিজ়ে গেছে। স্যাঁতসেঁতে ধোঁয়াটে উচ্চতায় মাথা-তোলা প্রাচীন পাইন-গাছগুলো প্রায় যেন মেঘের গা থেকে আর্দ্রতাকে পান করে নিলে, আর শাদা-শাদা ফেনা লেগে থাকলো তাদের শেকড়ে, শুকিয়ে গেলো তারপর, যেন কোনো গৌফের গায়ে বিয়ারের ফেনা লেগে আছে।

আকাশ যেন বসন্তকে আকর্ষণ পান ক'রে নিয়ে ধোঁয়ায় অস্থির হ'য়ে রইলো; মেঘের পর মেঘ জমলো ঘন হ'য়ে। বনের গা ঘেঁষে নিচু দিয়ে মেঘ ভেসে চললো; বৃষ্টি লাফিয়ে নামলো সেই ভাসমান পাল-তোলা মেঘ থেকে, উষ্ণ বৃষ্টি, সৌন্দা বৃষ্টি, যেন তাতে মাটি আর ঘামের গন্ধ মাখানো আছে, আর এই বৃষ্টিই মাটির ওপর থেকে বরফের শেষ দুর্ভেদ্য বর্মের মতো স্তরকে ধুইয়ে দিয়ে গেলো।

আড়মোড়া ভেঙে ঘুম থেকে উঠলো ইউরি, তারপর কতুইয়ে ভর দিয়ে কান পেতে বাইরে তাকালো।

২০

খনি-অঞ্চল বতো কাছে এসে পড়ছে, ততোই বাড়ছে বসতির সংখ্যা। একটু পরে-পরেই খামতে হচ্ছে, গাড়ি একটানা বেশিক্ষণ চলে না। ছোটো-ছোটো স্টেশনগুলিতে বহু লোকজন ওঠানামা করতে শুরু ক'রে দিলে। ভালো একটা জায়গা দেখে শুয়ে-পড়ার বদলে, যারা অল্প পথ যাবে, তার যে-কোনোখানেই ব'সে পড়লো, দরজার কাছে বা বগির মধ্যখানে, আর ব'সে প'ড়েই নিচু গলায় স্থানীয় নানা বিষয় নিয়ে আলাপ শুরু ক'রে দিলে, অল্প কেউ যার একটা বর্ণণ বুঝতে পারেনা।

এই সব স্থানীয় লোকজনদের কথাবার্তা তিনদিন ধ'রে শুনে-শুনে ইউরি যে-তথ্য সংগ্রহ করলো তা এই: এখানে শাদারাই যুদ্ধে জয়লাভ করেছে, এবং হয় ইউরিয়্যাটিন দখল ক'রে ফেলেছে, নয়তো করবার মুখে। যদি সে নামটা ভুল শুনে না থাকে বা তার বন্ধুর নামে আর-কেউ থেকে না-থাকে, তা'হলে—ইউরি জানতে পারলো—শাদাদের দলের নেতৃত্ব নিয়েছে সেই গালিউলিন, যাকে সে শেষ দেখেছিলো মেলিউজ্জেইয়েভোতে।

এই অসমর্থিত জনরবে তার পরিবারের লোকেরা যাতে শঙ্কিত হ'য়ে না ওঠে, সেজন্ত আপাতত সে খবরটা গোপন রাখলো।

২১

রাত্রি গভীর হবার আগেই ইউরির ঘুম ভেঙে গেলো। অস্পষ্ট এক স্মৃতির আবেশে জেগে উঠলো সে। ট্রেন নিম্পন্দ দাঁড়িয়ে আছে। শাদা রাত্রির চকচকে অস্পষ্টতায় সারা স্টেশন স্নান করেছে যেন। এই উজ্জ্বল অন্ধকারের মধ্যে সূক্ষ্ম ও প্রবল কিছু-একটা ছিলো যা এক বিশাল, উন্মুক্ত ভূদৃশ্যের ইঙ্গিত দেয়, যেন কোনো পাহাড়ের চূড়ায় এই স্টেশনটি দাঁড়িয়ে আছে।

প্ল্যাটফর্ম ধ'রে লোকজনেরা গাড়ি পাশ দিয়ে চলেছে, নরম গলায় কথা বলছে তারা, ছায়ার মতো নিঃশব্দ তাদের চলাফেরা। যুদ্ধের আগে ঘুমন্ত যাত্রীদের কথা মনে রেখে লোকেরা এমনভাবে চলাফেরা করতো; এখানে সেই ভাবের প্রকাশ দেখে ইউরি বিচলিত হ'লো।

আসলে কিন্তু সে ভুল বুঝেছিলো। চ্যাচামেচি, হৈ-চৈ তেমনি চলেছে ; অজ্ঞাত প্রাটিকর্মে যেমন, এখানেও তেমনি চীৎকৃত কণ্ঠস্বর আর জুতোর প্রবল শব্দ। কিন্তু কাছেই একটা জলপ্রপাত ছিলো, যার সতেজ স্বাধীনতা রাত্রির পরিধিকে ঘেঁষে বাড়িয়ে দিয়েছে ; আসলে এর শব্দই ইউরিকে ঘুমের মধ্যে স্থখে ভ'রে দিয়েছিলো। জল পড়ার বিরতিহীন ঝঝ'র অল্প সব শব্দকে ডুবিয়ে দিয়েছে, এই অলীক নীরবতা সেইজন্তেই।

বর্ণাটির অস্তিত্বের কথা ইউরি অবশ্য জানেই না, তবু তাই জুড়িয়ে দিলো তার মন, আর তারপর আবার সে একটু পরেই ঘুমিয়ে পড়লো।

তার বাকের ঠিক তলায় দুটি লোক কথা বলছে।

‘তা, এখনো কি ওরা কানমলা খায়নি, নাকি গোলমাল করছে এখনো ?’

‘দোকানিদের কথা জিজ্ঞেস করছেন আপনি ?’

‘হ্যাঁ, গমের কারবারিদের কথা জিজ্ঞেস করছি।’

‘হাতে ক’রে খাইয়ে দাও ! যেই উদাহরণ হিসেবে কয়েকজনকে হাওয়ায় উড়িয়ে দেওয়া হ’লো, অমনি সবাই মাখনের মতো নরম হ’য়ে গেছে। জেলায় তো ফাইন বসানো হয়েছে।’

‘কত ক’রে ?’

‘চল্লিশ হাজার পুড^১।’

‘এ যে আজব গল্প !’

‘আপনাকে মিথ্যে ব’লে আমার লাভ কী ?’

‘চল্লিশ হাজার পচা কুমড়ো !’

‘চল্লিশ হাজার পুড শস্ত।’

‘বাঃ, বেশ চোকশ ব্যাপার !’

‘সবচেয়ে ভালো জাতের চল্লিশ হাজার পুড শস্ত।’

‘তা, তাতে হয়েছে কী ? এখানকার মাটি খুব ভালো। সোনা ফলে এখানে। শস্তের ব্যবসার একেবারে সেরা জায়গা। এখান থেকে, রিন্ভা হ’য়ে ইউরিনাটিন পর্যন্ত, গ্রামের পর গ্রাম, জেটির পর জেটি, সব তো কেবল পাইকেরি ব্যবসাদার।’

১ পুড=৩৬ পাউণ্ড। ১৫৮ পৃষ্ঠার পাদটীকা দ্রষ্টব্য—অনুবাদের টীকা।

‘চ্যাচাবেন না। সবাইকে জাগিয়ে তুলবেন দেখছি।’

‘বেশ।’ হাই তুললো সে।

‘ঘুমোলে কেমন হয়? ট্রেন চলতে শুরু করেছে মনে হচ্ছে।’

ট্রেন অবশ্য ষেখানেই ছিলো সেখানেই দাঁড়িয়ে থাকলো। কিন্তু পেছন থেকে দ্রুত আরেকটা ট্রেনের চলার শব্দ এগিয়ে এলো, একটু পরেই কানে-তালা-দেয়া গর্জন শোনা গেলো, যেই পাশপাশি এসে দাঁড়ালো, অমনি জলপ্রপাতের শব্দ চাপা প’ড়ে গেলো, তার পরেই একটা পুরোনো ধরনের এক্সপ্রেস গাড়ি সমান্তর রেললাইন দিয়ে গর্জন করতে-করতে চ’লে গেলো : প্রচণ্ড আওয়াজ হ’লো, সিটি দিলো, পেছনের বাতিটা চোখ মারলো ধেন, তারপরে অদৃশ্য হ’য়ে গেলো দূরে।

‘বিশ্রী ব্যাপার! কে জানে কখন এই গাড়ি ছাড়বে।’

‘আর ছাড়বে! ডের দেরি ছাড়ার।’

‘একটা বিশেষ সাঁজোয়া গাড়ি, নির্বাণ স্ট্রেলনিকভ।’

‘ও-ই হবে নির্বাণ।’

‘প্রতিবিপ্লবীদের সামনে এলেই ও একেবারে বুনো জানোয়ার হ’য়ে পড়ে।’

‘গালেইয়েভকে ধরতে যাচ্ছে।’

‘সে আবার কে?’

‘হেটমান গালেইয়েভ। লোকে বলে সে নাকি ইউরিয়্যাটিনের বাইরে একদল চেক সৈন্য নিয়ে আস্তানা গেড়েছে, কতগুলি বন্দর কেড়ে নিয়েছে সে, ব্যাটা পচা শালগম; এখনো যুঝে চলেছে। এই হ’লো হেটমান গালেইয়েভ।’

‘কখনো নাম শুনিনি তো!’

‘প্রিন্স গালিলেইয়েভও হ’তে পারে। নামটা ঠিক আমার মনে নেই।’

‘প্রিন্স-ফ্রিন্স এখন আর কেউ নেই। ও নির্বাণ আলি কুরবান। নিশ্চয়ই নামটা গুলিয়ে গেছে।’

‘তা কুরবানও হ’তে পারে।’

‘কুরবান হওয়াই সম্ভব।’

২২

সকালের দিকে ইউরি আবার জেগে গেলো। আবার মধুর একটা স্বপ্ন দেখেছে সে, তার আনন্দ আর মুক্তির রেশ রয়ে গেছে তার ভেতর।

ট্রেনটা আবার স্থির দাঁড়িয়ে আছে; হয়তো আগের স্টেশনটাতেই, কিন্তু তা নাও হ'তে পারে। আবার জলপ্রপাতের শব্দ শোনা গেলো, হয়তো আলাদা কোনো জলপ্রপাত, কিন্তু আগেরটাই বোধ হয়।

প্রায় তখনই সে আবার ঘুমিয়ে পড়লো। কিন্তু ঘুমিয়ে পড়ার আগে অস্পষ্টভাবে কাদের ছোটোছুটিব শব্দ শুনলো, বেশ উত্তেজিত শব্দ। কনভয়ের কর্তার সঙ্গে মন্ত বগড়া বাধিয়ে বসেছে কন্ট্রোল, দুজনেই প্রচণ্ড চ্যাঁচাচ্ছে, গালাগাল দিচ্ছে। বাতাস আগের চেয়েও মনোরম। নতুন কোনো-কিছুর গন্ধ আছে যেন তাতে, এমন-কিছু যা আগে ছিলো না, সে গন্ধ এমন-কিছুর, যা অতিকায়, বসন্তের সঙ্গে সম্পৃক্ত, শাদা, কালচে, নির্বন্ধক, নির্ভার, ছড়িয়ে-পড়া, যেন মে মাসের চঞ্চল তুষাররাশি, যখন ভিজে গ'লে-বাওয়া তুষার-কণা মাটিতে পড়বার সময় তাকে শাদা না-ক'রে কালো ক'রে তোলে।—‘স্বচ্ছ, কালচে-শাদা, মধুগন্ধী, চেরি-পাখি’, ইউরি ঘুমের মধ্যে আনন্দ করলে।

২৩

পরদিন সকালে টোনিয়া বললে

‘সত্যি, ইউরা, তুমি অসাধারণ, স্ববিরোধের স্তূপ একটা। কখনো একটা মাছি তোমার ঘুম ভাঙিয়ে দেয়, সকালের আগে কিছুতেই আর ঘুম আসে না, আর এখানে তুমি কিনা এই তুমুল ঝগড়ার মধ্যে প'ড়ে-প'ড়ে ঘুমোলে, আমি কিছুতেই তোমার ঘুম ভাঙাতে পারলুম না! একবার ভেবে ছাখো দিকি, প্রিটুলিয়েভ আর ভাসিয়া পালিয়েছে! টিয়াগুনোভা আর ওগরিস্‌কোভাও তা-ই। এমন একটা ব্যাপার ভাবতে পারতে তুমি! দাঁড়াও, এই শেষ নয়। ভোরোনিউকও পালিয়েছে সেই সঙ্গে। ও-ষে পালিয়েছে তাতে আর কোনো ভুল নেই, এই আমি ব'লে দিলাম। এখন

শোনো।—কী ক'রে তারা পালালো, এক সঙ্গে, না আলাদা-আলাদা, কার পরে কে পালালো—এই সব এখনো বোঝা যাচ্ছে না। অবশ্য এটা বুঝি যে ভোরোনিউক—যখন সে দেখলে অস্ত্রেরা পালিয়েছে তখন সে নিজের চামড়া ঝাঁচাবার চেষ্টা করতে বাধ্য। কিন্তু অস্ত্রেরা? তারা কি স্বেচ্ছায় এইভাবে হাওয়া হ'য়ে গেলো, নাকি অস্ত্র কারো হাত আছে এর ভেতর, কে জানে? যেমন, যদি ঐ মেয়ে দুটিকে সন্দেহ করতে হয়, টিয়াগুনোভা কি ওগরিস্কোভাকে খুন করেছে, না ওগরিস্কোভা টিয়াগুনোভাকে? কেউ জানে না। মজুর-সমবায়ের কমাণ্ডার তো পাগলের মতো ছুটোছুটি করছে ট্রেনে। “কিছুতেই ট্রেন ছাড়তে পারবে না। আইনের নামে হুকুম দিচ্ছি আমি, যতোকণ না বন্দীদের ধরতে পারা যাচ্ছে ততোকণ এক পাও নড়তে পারবে না।” এদিকে ট্রেনের কর্তা আবার চ্যাঁচাচ্ছেন : “আমি ফ্রন্টে সৈন্য নিয়ে যাচ্ছি, আপনার ঐ সব নোংরা সঙ্গোপাঙ্গোর জন্য আমি কিছুতেই সময় নষ্ট করতে পারবো না। এমন কথা তো স্বপ্নেও ভাবতে পারবো না।” কাজেই শেষটায় দুজনে মিলে কস্টগার্ডের কাছে গেলেন। “আপনি নিজে একজন সিভিলিয়ান, শিক্ষিত লোক, অথচ আপনারই পাশে ব'সে একজন সাধারণ সৈন্য—যার পা থেকে মাথা পর্যন্ত অশিক্ষায় ছাওয়া—এ-রকম মারাত্মক অসংযম ঘটিয়ে বসলো! অথচ আপনি নিজেকে পপুলিস্ট^১ বলেন!” কস্টগার্ড ছেড়ে কথা কওয়ার লোক নয়, বেশ হু-কথা শুনিয়ে দিয়েছে। “বেশ আদার তো,” ও ব'লে দিয়েছে, “বন্দীকে কিনা তার পাহারাদারের খবরদারি করতে হবে! বাঃ, চমৎকার! শুধু মশাই, যেদিন ওসব হবে, মুর্গিরা সেদিন কাকের মতো কা-কা করবে।” আমি তো যত জোরে পারি তোমায় ধাক্কাছিলাম : “ইউরা! ওঠো! কে যেন পালিয়ে গেছে!” কিন্তু কে কার কথা শোনে! যদি তোমার কানের পাশ দিয়ে বন্দুকের গুলি চ'লে যেতো তো তাও বোধ করি তুমি শুনতে পেতে না।... পরে সব বিশদভাবে বলবো!... আরে, ত্যাখো-ত্যাখো! বাবা, ইউরা, ত্যাখো, কী সুন্দর!’

১ পপুলিস্ট : পপুলিস্টরা হ'লো বামপন্থী আদর্শবাদী, যারা 'জনসাধারণের মধ্যে কাজ করবার' জন্য নিজের জীবন উৎসর্গ ক'রে দিতো।

জানলার একটা পাল্লা কে খুলে নিয়েছে ; সেখান দ্বিগ্নে দেখা বসন্ত-বস্তায় গ্রামের আগাগোড়া ছেয়ে গিয়েছে । কোথায় কোন নদী তার তীর ছাপিয়ে একেবারে রেল-লাইন পর্যন্ত এগিয়ে এসেছে, মনে হচ্ছে ট্রেন যেন তার ওপর দিয়েই আস্তে-আস্তে ভেসে চলেছে ।

জলের সমতলের এখানে-ওখানে এক অদ্ভুত ধাতব নীল আভা ; এ ছাড়া বাকি সমস্ত অংশের ওপর ভোরবেলার উষ্ণ মসৃণ রোদ ছড়িয়ে আছে, চকচকে আলোর আভা, যেমন মসৃণ তেমনি তেলতেলে, যেন কোনো খানসামা মাংসের পিঠের ওপর পালক দিয়ে গলানো মাখন মাখিয়ে দিয়েছে ।

এই তীরহীন বস্তায় যেন শাদা মেঘের মিনার ডুবে আছে, মাঠে, ডোবা, ঝোপঝাড়ের সঙ্গে-সঙ্গে তাদেরও খিলান যেন ডুবে গিয়েছে জলের তলায় ।

আর সেই বস্তার মাঝখানে কোথায় যেন সরু এক টুকরো জমি তার গাছপালা নিয়ে দাঁড়িয়ে আছে, জলে ছায়া পড়ে দ্বিগুণ দেখাচ্ছে গাছের সংখ্যা, পৃথিবী আর আকাশ এর মাঝখানে কে যেন তাদের বন্দী ক'রে রেখেছে ।

‘ঐ ত্রাখো একদল হাঁস,’ আলেকজাণ্ডার আলেকজাণ্ড্রাভিচ বললেন ।

‘কোনখানে ?’

‘বীপের কাছে, ডান দিকটায় । যাঃ, সব উড়ে গেলো । আমরা ওদের ভয় পাইয়ে দিয়েছি ।’

‘ঐ তো, এবার আমি দেখতে পেয়েছি,’ ইউরি বললে । ‘পরে এক সময় আপনার সঙ্গে আলাপ করতে হবে, আলেকজাণ্ডার আলেকজাণ্ড্রাভিচ । এখন না, পরে কখনো ...তবে, ঐ সব জোর ক'রে ধ'রে-আনা মজুররা এবং মেয়ে দুটি যে শেষ পর্যন্ত একটা সিদ্ধান্ত নিতে পেরেছে, সেজ্ঞা আমি বেশ খুশি হয়েছি । খুন-টুন কিছু হয়নি, এ আমি ঠিক জানি । তারা কেবল ছুটেছে—ঠিক জলের মতো ।’

শাদা উত্তুরে রাত্রি শেষ হ'য়ে যাচ্ছে । স্পষ্ট দেখা যাচ্ছে সব-কিছু, ঐ যে পাহাড়, ঐ তো অরণ্যদেশ, আর গিরিসংকট ; কিন্তু তা সত্ত্বেও তারা যেন

কিছুতেই নিজেদের বিশ্বাস করতে পারছে না, যেন কেবলমাত্র রূপকথাতেই তাদের অস্তিত্ব আছে, বাস্তবে নয়।

নোতুন পাতার শ্রামলতা আসছে বনের ডালপালায়, কোনো-কোনো স্থানে আবার চেরিফুলের পুষ্পিত লাভণ্য। যেখানে সরু এক শৈলস্তবক ছোটো খাড়া পাহাড়ে গিয়ে শেষ হয়েছে, সেই ঝোলানৌ খাড়া পাহাড়ের তলায় বন।

ঝোপঝাড়ের পেছনে যেখানে গিরিসংকট, জলপ্রপাতটি সেখানে—খুব বেশি দূরে না, তবু ঝোপঝাড়ের জন্তু অস্পষ্টভাবে চোখে পড়ে। পালিয়ে-যাওয়া সেই বাধ্যতামূলক মজুরটি, তার নাম ভাসিয়া ব্রিকিন, ওদিকে তাকিয়ে-তাকিয়ে স্থখে আর ভয়ে একেবারে ক্লান্ত হ'য়ে পড়লো।

আশেপাশে দ্বিতীয় আর-কিছুই নেই যার সঙ্গে এই জলপ্রপাতের তুলনা হ'তে পারে। আর দ্বিতীয়রহিত ব'লেই তার মধ্য থেকে এক স্রুত ভয়ংকরতা লক্ষ্য করা গেলো; সেই জন্তুই বোধহয় জীবন আর সচেতনতায় এটা সজীব প্রাণীতে রূপান্তরিত হ'য়ে গেছে, যেন এটাই হ'লো এই অঞ্চলের ড্যাগন কিংবা পাখা-মেলা সাপ, যারা এই অঞ্চলে প্রভু আদায় ক'রে আসছে, এবং গ্রামে-গ্রামে শিকার ক'রে বেড়িয়েছে।

অর্ধেক নেমেই ধারালো একটা পাথরের ওপর আছড়ে প'ড়ে দু-ভাগে ভাগ হ'য়ে গেছে এই জলপ্রপাতটি। ওপরের ভাগটা যেন একেবারে নিশ্চল, কিন্তু নিচের দুটি স্তম্ভই অল্পস্বল্প দুলছে আশেপাশে, যেন জলপ্রপাতটি অনবরত পিছলে যাচ্ছে নিজের জায়গা থেকে, ফিরে আসছে আবার আগের জায়গায়, কাঁপছে কেবল, কিন্তু পরক্ষণেই আবার ফিরে পাচ্ছে তার স্বৈর্য।

ভাসিয়া তার ভেড়ার চামড়া ঝোপের ধারে মাটিতে ছড়িয়ে দিয়ে তার ওপর শুয়েছিলো। আলো যখন আরো স্পষ্ট হ'য়ে উঠলো, তারি পাখাওলা বড়ো এক পাখি উড়ে এলো পাহাড় থেকে, বন ঘিরে মন্থণ বৃন্তের আকারে উড়লো একটুক্ষণ, তারপরে যেখানে শুয়েছিলো তার কাছেই একটা পাইনগাছে গিয়ে বসলো। মুগ্ধ হ'য়ে সে তাকালো তার ঘননীল গলা আর ধূসর-নীল বৃকের দিকে, ফিশফিশ ক'রে অস্ফুট স্বরে উচ্চারণ করলো তার ইউরাল নাম 'রণজু। তারপর উঠে ব'সে ভেড়ার চামড়াটা কুড়িয়ে নিয়ে কাঁধের ওপর ফেলে দিয়ে ফাঁকা জায়গাটা পেরিয়ে গেলো তার সঙ্গীর সঙ্গে কথা বলতে।

‘এসো, পলিয়া মাসি। মাগো, কী ঠাণ্ডা হ’য়ে গেছে। তুমি! তোমার দাঁত ঠোকাঠুকির শব্দ পর্যন্ত শুনতে পাচ্ছি আমি! বারে, কিসের দিকে তাকিয়ে দেখছে। তুমি, এতো ভয় পেয়েছে। কেন? যেতেই হবে আমাদের, কোনো-একটা গ্রামে গিয়ে পৌঁছতে হবে, এই ব’লে রাখছি। নিজেই ভেবে আঁখো তুমি। গ্রামের লোকেরা আমাদের লুকিয়ে রাখবে, তাদের নিজেদের লোকের কোনো বিপদ হোক, এটা নিশ্চয়ই তারা চাইবে না। দু-দিন ধ’রে কিছুই খাইনি আমরা, এখানেই তো মরতে হবে শেষটায়। ভোরোনিউক খুড়ো নিশ্চয়ই ভীষণ শোরগোল তুলেছে এতক্ষণে, সবাই নিশ্চয়ই এখন আমাদের খোঁজ করছে। আমাদের যেতেই হবে, মাসি। সোজা ভাষায়, ছুটতে হবে প্রাণপণে। তোমাকে নিয়ে যে কী করবো আমি তো কিছুই বুঝতে পারছি না, মাসি। গোটা দু-তিন দিন একটা কথাও বলো নি। বড্ড বেশি ভাবো তুমি, সত্যি, এতো কী ভাবো? এতো অস্থখী হবার কী আছে? তুমি তো আর ইচ্ছে ক’রে কেটি মাসিকে ট্রেন থেকে ফেলে দাও নি। কেটি ওগ্রিকোভাকে ধাক্কা দাওনি তুমি, তুমি কেবল তার পোষাকের এক অংশ হাতে ধরেছিলে, তাও দৈবাৎ—আমি স্বচক্ষে দেখেছি। ঘাসের ওপর থেকে উঠে দাঁড়িয়ে—স্পষ্ট দেখেছি আমি—ছুটতে আরম্ভ ক’রে দিয়েছিলো। সে আর প্রিটুলিয়েভ খুড়ো নিশ্চয়ই আমাদের ধ’রে ফেলবে। আবার আমরা সবাই একজায়গায় থাকবো। আসল কথাটা হ’লো, এতো মুষড়ে প’ড়ো না, তাহ’লেই দেখবে আবার কথা বলতে পারবে।’

টিয়াগুনোভা উঠে দাঁড়ালো। ভাসিয়ার হাত ধ’রে নরম স্বরে বললো, ‘চলো, এগোই।’

খাড়া পাহাড় বেয়ে বগিগুলি যখন উঠছিলো, কাঠগুলি তখন কঁ্যাচকঁ্যাচ শুরু ক’রে দিলে। টিলার নিচেই ছিলো এক ঘন ঝোপ, তার আগা অবশ্য রেল-লাইন পর্যন্ত পুরোপুরি পৌঁছায় নি। তারো নিচে মাঠ। বস্তার জল এইমাত্র স’রে গিয়েছে, কেবল প’ড়ে আছে বালি আর কাঠের টুকরো,

অপরিচ্ছন্ন হ'য়ে আছে সব। পাহাড়ের কোনো উঁচু অংশে বোধহয় এই কাঠগুলি জড়ো করা ছিলো, সেখান থেকে জলে ভেসে এসেছে।

পাহাড়ের তলার সেই কচি ঝোপ তখনো বেন শীতের মতো রিক্ত হ'য়ে আছে। মোমবাতির চর্বির মতো কুঁড়িগুলো ছড়িয়ে আছে, আর তাদের মধ্যে এমন একটা কিছু ছিলো, যা বাকি সব-কিছুর সঙ্গে ঠিক-খাপ খাচ্ছিলো না, বেন তা অতিরিক্ত এবং অপরিচ্ছন্ন; হয়তো ময়লা কিংবা কোনো প্রদাহ তাদের ঐভাবে ফাঁপিয়েছে; আর এই অপরিচ্ছন্নতা, আতিশয্য আর ময়লা হ'লো জীবনের চিহ্ন, যা ইতিমধ্যেই এগিয়ে এসে গাছপালার সবুজ পাতার আগুন জালিয়ে দিয়েছে।

এখানে-সেখানে শহিদের মতো সোজা মাথা তুলে দাঁড়িয়ে আছে বার্চগাছ, তার যুগল ভাঁজ-খোলা পাতার দাঁত আর তীক্ষ্ণ তীর ছিন্নভিন্ন করেছে তাকে, আর কেবল তার দিকে তাকিয়েই তার গন্ধ পাবে ষে-কেউ: গালা তৈরির জন্তু যে চকচকে রজন ব্যবহার করা হয়, ঠিক তার গন্ধই ছড়িয়ে দিচ্ছে।

বল্গায় ভেসে-যাওয়া কাঠগুলো যেখানটায় জড়ো করা যেতে পারতো, ট্রেন অলঙ্করণ পরেই সেখানে এসে দাঁড়ালো। রেল-লাইন যেখানে মোড় বঁেকেছে, সেখান থেকে বনের একটা কাটা অংশ চোখে পড়ে; কাঠকুটো আর গাছপালার ছাল-চামড়া সব সেখানটায় স্তূপ করা, তা ছাড়া মাঝখানে সব বড়ো মাপের কাঠ জড়ো ক'রে রাখা। এঞ্জিন ব্রেক কষতেই ট্রেন কঁপে উঠে পাহাড়ের বাঁকের কাছে থেমে গেলো; পাহাড় সেখানটায় গোল হ'য়ে একটু ঝুঁকে আছে।

এঞ্জিন থেকে বেরিয়ে এলো, ছোটো-ছোটো তীক্ষ্ণ আওয়াজ; জালানি নেবার জন্তুই যে ট্রেন থেমেছে, এ-তথ্যটা যাত্রীদের জানাবার জন্তু এত সব সংকেতের কিন্তু দরকার ছিলো না।

দরজাগুলি খুলে যেতেই পিলপিল ক'রে বেরিয়ে এলো লোকেরা— প্রায় একটা ছোটো শহরের জনসংখ্যা; কেবলমাত্র নাবিকরাই তাদের কামরায় থেকে গেলো, বেসামরিক সকল কর্তব্য থেকে তাদের রেহাই দেওয়া হয়েছিলো।

কয়লা-ঘর ভরাবার মতো ষথেষ্ট জালানি সেই ফাঁকা জায়গায় ছিলো

না। বড়ো-বড়ো কাঠগুলির কয়েকটাকে ঠিক মাপসই ক'রে কেটে নেবার প্রয়োজন হ'লো। এজিন-ঘরের লোকদের অগ্রাগ্র যন্ত্রপাতির মধ্যে করাতও ছিলো; শ্বেচ্ছাসেবকদের প্রতি দু'জনকে করাত দেওয়া হ'লো একটি ক'রে, যাদের মধ্যে ইউরি আর তার শ্বশুরমশায়ও ছিলেন।

কামরার দরজা দিয়ে মুখ বাড়িয়ে দাঁত বের ক'রে হাসছিলো নাবিকেরা। রংকটদের মধ্যে এক অভূত জগাখিচুড়ি পাকিয়েছে: একদিকে আছে মধ্যবয়সী মজুর, যারা চটপট জরুরি ট্রেনিং নিয়ে বেরিয়ে এসেছে, অগ্র দিকে আছে নৌ-বাহিনীর কলেজ থেকে স্নাত পাশ-করা তরুণেরা, যাদের দেখে মনে হচ্ছিলো কেউ যেন ভুল ক'রে তাদের ভারিক্চিচালের বাবামশায়দের মধ্যে ঢুকিয়ে দিয়েছে। যাতে ভাবনার হাত থেকে রেহাই পায়, সেইজন্ত বড়ো নাবিকদের সঙ্গে ঠাট্টা-ইয়ার্কি ক'রে চলছিলো তারা। সবাই ভালো ক'রে জানে তাদের দুঃখের দিন আসন্ন।

ঠাট্টা আর অট্টহাসি কর্মীদলকেও অহুসরণ করলে।

‘ও দাছ! কাজে আমি মোটেই গাফিলি করছি না, আসলে আমার বয়স এখনো কচি আছে, আমার নানি আমাকে কিছুতেই ছাড়তে চাচ্ছে না।’
‘মার্খা! দেখো, তোমার ঘাগরায় যেন আবার করাত চালিয়ে না, শেষটায় ঠাণ্ডা লাগিয়ে বসবে!’ ‘এই ছুঁড়ি, বনে ঘাসনে, বরং আয়, আমার বৌ হবি।’

২৬

ফাঁকা জায়গায় কতগুলি গাছ ডালপালাস্বক প'ড়ে ছিলো; তারই একটার কাছে গিয়ে ইউরি আর আলেকজাণ্ডার আলেকজাণ্ডোভিচ করাত চালাতে শুরু ক'রে দিলেন।

তখন বসন্ত; ছ-মাস আগে বরফে চাপা পড়ার সময় যেমনটি ছিলো, তেমনি চেহারা নিয়ে তার তলা থেকে বেরিয়ে আসছে পৃথিবী। সৌন্দ্য গন্ধ বনের মধ্যে, তাছাড়া গত বছরের পাতা জ'মে স্তূপ হ'য়ে আছে, ঠিক যেন একটা কাঁট-না-দেওয়া ঘর যেখানে লোকেরা বহু বছরের জ'মে থাকা চিঠি, রসিদপত্র আর নানারকম বিল ছিঁড়ে-ছিঁড়ে ফেলে দিয়েছে।

‘এতো তাড়াহুড়ো করবেন না, ক্লান্ত হ’য়ে পড়বেন,’ ইউরি আস্তে কিন্তু শক্ত হাতে করাত চালাতে-চালাতে বললো। ‘এখন একটু জিরিয়ে নিলে কেমন হয়?’

করাত চালানোর কর্কশ আওয়াজে বন ভ’রে উঠলো। দূরে, অনেক দূরে, কোনখানে এক নাইটিঙ্গেল গলা সাধছে; অনেকক্ষণ বিরতি দিয়ে-দিয়ে, থাশ উঠছে শিস দিয়ে, যেন কেউ বাঁশিতে ফুঁ দিলো; এমন কি এঞ্জিনের বাষ্প পর্যন্ত তেমনি কঁপে-কঁপে আকাশে ফেনিয়ে উঠছে, কোনো নার্সারি-ঘরের স্টোভে যেমন ক’রে দুধ টগবগিয়ে ওঠে।

‘তখন তুমি কী বলতে যাচ্ছিলে আমাকে?’ আলেকজান্ডার আলেকজান্ড্রোভিচ জিজ্ঞেস করলেন। ‘মনে নেই? সেই যখন স্বীপের পাশ দিয়ে যাচ্ছিলাম, ‘যখন হাঁসেরা উড়ে গিয়েছিলো আর তুমি বললে পরে এক সময় আমাকে বলবে!’

‘ও, হ্যাঁ...কিন্তু আমি ঠিক বুঝতে পারছি না সংক্ষেপে কী ক’রে ব্যাপারটা বলি। আমরা যেন কেবল তলিয়েই যাচ্ছি, আমি ভাবছিলাম। পুরো এলাকাটা দাঙ্গা-হাঙ্গামায় তালগোল পাকিয়ে আছে। সেখানে গিয়ে যে কী দেখবো তা আমরা কেউই জানি না। হয়তো এখনই আমাদের সব-কিছু খোলাখুলি ব’লে ফেলা উচিত, কারণ যদি কোনোরকম...। আমাদের মতামত বিষয়ে কিছুই বলতে চাচ্ছি না আমি—বসন্তকালে কোনো বনে দাঁড়িয়ে পাঁচ মিনিটে সে-কথা ব’লে ফেলা যায় না। তাছাড়া বড্ড বেশি জানি আমরা একে অন্তর্কে। আপনি, আমি, টোনিয়া এবং আমাদেরই মতো আরো অনেকে—এ-রকম সময়ে আমরাই আমাদের নিজেদের পৃথিবী গ’ড়ে তুলি, তফাৎ শুধু সে-বিষয়ে আমাদের সে-সম্পর্কে সচেতনতার মাত্রায়। আমি বলতে চাচ্ছি যে হয়তো এখনই, আগে থেকেই, আমাদের ঠিক ক’রে ফেলা উচিত কীভাবে আমরা চলাফেরা করবো, যাতে পরে পরস্পরকে লজ্জায় ফেলতে না-হয় বা কুণ্ঠিত হ’তে না হয়।’

‘তুমি কী বলতে চাচ্ছো, আমি ধরতে পেরেছি। যে-ভাবে তুমি কথাটা বললে তা আমার ভালো লেগেছে। সেই শীতের রাত্রিটা তোমার মনে আছে, যখন বরফের ঝড়ের মধ্যে তুমি কাগজ এনে আমাকে প্রথম সরকারি

নির্দেশগুলো দেখিয়েছিলে? তোমার মনে আছে কী অবিশ্বাস্তরকম ঋজু ও অনমনীয় মনোভাব প্রকাশ করা হয়েছিলো তাতে? সেই একাগ্রতাই আমাদের মুগ্ধ করেছিলো সেদিন। কিন্তু এ-সব জিনিসের আদি শুদ্ধতা থাকে শুধু সেই সব মনের মধ্যে, যেখানে তাদের প্রথম জন্ম হয়েছিলো, আর থাকে শুধু তাদের প্রথম প্রকাশের তারিখটিতেই। কিন্তু ঠিক পরের দিনই রাজনীতির কূটতর্ক তাদের উন্টিয়ে ফেলে দেয়। তোমাকে আর কী বলতে পারি আমি? আমাদের ওপর খজাহস্ত, এর দর্শন আমার বিরোধী, এই সব পরিবর্তনে আমার সম্মতি আছে কিনা, সে-কথাও আমাকে জিজ্ঞেস করা হয়নি। কিন্তু আমাকে তারা বিশ্বাস করেছে, এবং আমার নিজেরই কতগুলো কান্ড—যদি তা আমি স্বৈচ্ছায় নাও নিয়ে থাকি—আমাকে কতগুলি বাধ্যবাধকতার মধ্যে এনে ফেলেছে।

‘টোনিয়া কেবলই জিজ্ঞেস করছে আমরা সময়মতো পৌঁছবো কিনা যাতে শাকসজ্জি লাগাতে পারি। আমি তা জানি না। ইউরালের মাটি আমি জানি না, আবহাওয়াও জানি না; তাছাড়া এখানকার গ্রীষ্মকালও এত ছোটো যে আমি তো ভেবেই পাই না কী করে সময়মতো সব কিছু পেকে উঠতে পারে।

‘কিন্তু আসলে তো আর শাকসজ্জি লাগাবার জন্ত এতো দূর পথ যাচ্ছি না আমরা। না, বরং সোজাহুজি সমস্তাগুলির মুখোমুখি হওয়া ভালো। আমাদের উদ্দেশ্য একেবারে অগ্র রকম। আমরা যাচ্ছি হালফ্যাশন অলুসারে বাঁচার চেষ্টা করতে, বুড়ো ক্রুয়েগেরের সম্পত্তি, তার কারখানা, যন্ত্রপাতি সব-কিছুর অপব্যয়ের অংশীদার হ’তে চলেছি আমরা। তার সম্পত্তির পুনরুদ্ধার আমাদের লক্ষ্য নয়, কিন্তু, অগ্র সকলের মতোই, ঠিক তেমনি অবিশ্বাস্ত বিশ্বস্থলভাবে, ঐ সম্পত্তি উড়িয়ে দেবো আমরা, সাহায্য করবো সেই সমবেত অপব্যয়ে, যাতে হাজার-হাজার টাকার বিনিময়ে ছু-চার পয়সায় দিন গুজরান হয়। উপহার পেলেও আগেকার শর্তে এ-সম্পত্তি ফিরিয়ে নেবো তা নয়, এমনও নয় আমার সমান ওজনের সোনা পেলেও নেবো না। তা হবে উল্লেখ হ’য়ে পালানো কি বর্ণমালা ভুলে যাবার চেষ্টা করার মতো নিবৃদ্ধি। না, সম্পত্তিরক্ষার যুগ রাশিয়া থেকে উধাও হ’য়ে

গেছে, আর তাছাড়া, আমরা গ্রোমেকোরা সম্পত্তি বাড়াবার আগ্রহ এক পুরুষ আগেই হারিয়ে ফেলেছি।’

২৭

গাড়ির ভেতর এত গুমোট আর ঠাশাঠাশি যে ঘুমোনো চলে না। ইউরির বালিস ঘামে ভিজ়ে গেলো। যাতে অন্তদের ঘুম না ভাঙে, সেইজন্ত সাবধানে সে তার বাক থেকে নেমে এসে কামরার দরজা টেনে খুলল।

চটচটে ভিজ়ে তাপ এসে আঘাত করলো তার মূখে, যেন সে ভাঁড়ারে চলতে-চলতে মাকড়শার জালে আটকে গেছে। ‘কুয়াশা,’ মনে মনে ভাবলো সে, ‘কাল তাহ’লে আঙনের মতো গরম পড়বে। সেইজন্তেই এখন একটুও হাওয়া নেই, এমন দম-আটকানো গুমোট হ’য়ে আছে।

স্টেশনটা বেশ বড়ো, বোধহয় কোনো জংশন। কুয়াশা, স্তব্ধতা—তার ওপর একটা শূন্যতার ভাব, কেমন অবহেলার অস্বভূতি যেন ট্রেনটা পথ হারিয়েছে, সবাই ভুলে গেছে ট্রেনটাকে। নিশ্চয়ই ট্রেনটা স্টেশন-ইয়ার্ডের পেছনে দাঁড়িয়ে আছে, এতো পেছনে যে অপর প্রান্তে যেখানে লাইনগুলোর কাটাকুটি শেষ হয়েছে, সেখানে পৃথিবী হঠাৎ ইঁ ক’রে আস্ত স্টেশনটাকেই গিলে ফ্যালে, তাহ’লেও ট্রেনের কোনো যাত্রী কিছুই জানতে পাবে না।

দূর থেকে ভেসে-আসা ক্ষীণ দুটি শব্দ শোনা গেলো।

পেছনে, যেখান থেকে আওয়াজ এলো, সেখানে ছলছল ছন্দে শব্দ হচ্ছে, যেন কেউ কাপড় নিংড়োচ্ছে অনেকক্ষণ ধ’রে, বা কোনো ভারি ভিজ়ে নিশেনকে খুঁটির গায়ে আছড়ে মারছে হাওয়া।

সামনে থেকে একটানা একটা গমগমে আওয়াজ আসছে দেখে ইউরি, যুদ্ধের অভিজ্ঞতা ছিলো বলে, কান খাড়া করলে। শাস্ত হ’য়ে সেই প্রতিধ্বনিময়, নিচু, চাপা আওয়াজ শুনে গোলন্দাজ-বাহিনী বলেই সিদ্ধান্ত করলে।

‘যা ভেবেছি, একেবারে ফ্রন্টে এসে পড়েছি আমরা,’ গাড়ি থেকে নামতে-নামতে আপন মনেই সে ঘাড় নাড়লো। তারপর কয়েক পা এগিয়ে গেলো

সামনের দিকে। দুটি বগির পরেই ট্রেন শেষ হ'য়ে গেছে; বাকি বগিগুলোকে খুলে নিয়ে এঞ্জিন চ'লে গেছে।

‘তাই ওরা এতো হৈ চৈ করছিলো কাল। নিশ্চয়ই বুঝতে পেরেছিলো এখানে আসা মাত্রই সোজা ফ্রণ্টে নিয়ে যাওয়া হবে তাদের।’

সামনের বগির দিকে এগিয়ে গেলো সে, উদ্দেশ্য, রেললাইন পেরিয়ে গিয়ে স্টেশনটাকে ভালো ক'রে দেখবে, কিন্তু রাইফেল হাতে এক সাজী তার গতিরোধ ক'রে দাঁড়ালো।

‘এদিকে কোথায় যাচ্ছে? পাশ আছে?’ নরম গলায় সে জিজ্ঞেস করলে।

‘এটা কোন স্টেশন?’

‘স্টেশন যাই হোক, তুমি কে?’

‘আমি মস্কোর একজন ডাক্তার। সপরিবারে এই ট্রেনের যাত্রী। এই আমার সব কাগজপত্র।’

‘ও-সব কাগজ ইয়েতে ঢুকিয়ে রাখো। আমি এতই বোকা যে অন্ধকারে ওগুলো পড়বার চেষ্টা করবো? কুয়াশা—দেখতে পাচ্ছে না? তুমি কী-রকম ডাক্তার, সেটা বোঝবার জন্য কাগজ-ফাগজ লাগে না। কত ডাক্তারকে দেখলুম আমাদের তাক ক'রে ঐ বারো-ইঞ্চি বন্দুকগুলো ছুঁড়তে। ইচ্ছে করলেই তোমার মাথা ভেঙে ফেলতে পারি, কিন্তু তার বিশেষ তাড়া নেই। বরং আস্ত থাকতে-থাকতে গাড়িতে ফিরে যাও, সেটাই ভালো হবে।’

‘আমাকে নিশ্চয়ই আর কোনো লোক বলে ভুল করেছে,’ ইউরী ভাবলো। তবে তর্ক ক'রে যে কোনো লাভ নেই, এটা তো স্পষ্ট। বরং একটা-কিছু ঘ'টে যাবার আগেই তার পরামর্শ শোনা ভালো। ইউরী ফিরে চললো।

তার পেছনে গোলাবারুদের আওয়াজ ধেমে গেলো। পেছন হ'লো পুবদিকে, যেখানে রাশি-রাশি কুয়াশার ভেতর সূর্য উঠেছে, স্নানভাবে ঊঁকি দিচ্ছে ভেসে-চলা ছায়ার মধ্য দিয়ে, ঠিক যেন স্নানের জায়গায় বাষ্প ঢাকা-পড়া কোনো উলঙ্গ মানুষ^১।

১ উক্ত প্রসঙ্গে (spa) আরোগ্যকামী স্নানের কথা বলা হচ্ছে।—অনুবাদের টীকা

ট্রেনের পুরো দৈর্ঘ্য হেঁটে এলো ইউরি, শেষ বগিটাকে পেরিয়ে গেলো। নরম বালির মধ্যে ক্রমশই তার পা ব'সে যাচ্ছে।

জলের সেই একটানা ছলছলানি ক্রমশ কাছে এগিয়ে এলো। জমি ঢালু হ'য়ে যাচ্ছে আস্তে-আস্তে। সামনের অস্পষ্ট ছায়াগুলি কিসের হ'তে পারে, খেমে দাঁড়িয়ে সেটা সে বুঝে নেবার চেষ্টা করলে। কুয়াশার জন্তু সেই ছায়াগুলোকে অস্বাভাবিকরকম বড়ো দেখাচ্ছিলো। আর-এক পা এগোবার পরেই তীরে-আনা নৌকোগুলির গলুই অন্ধকার ফুঁড়ে বেরিয়ে এলো। চওড়া একটা নদী তার সামনে, ছোটো-ছোটো অলস ঢেউ ছলছল ক'রে আছড়ে পড়ছে তীরের জেলে-নৌকো আর তক্তার ওপর।

নদীর ধার থেকে একটি ছায়ামূর্তি উঠে এলো।

‘এ-ভাবে ঘোরাঘুরি করার অহুমতি কে দিয়েছে তোমাকে?’ আরেকটি রাইফেলধারী সাজী তাকে জিজ্ঞেস করলো।

ইউরি ঠিক ক'রে রেখেছিলো আর কোনো প্রশ্ন জিজ্ঞেস করবে না, তবু তার মুখ দিয়ে বেরিয়ে গেলো, ‘এটা কোন নদী?’

উত্তরে বাঁশিতে ফুঁ দেবার উত্তোষ করলো সাজীটি, কিন্তু প্রথম সাজীর জন্তু সেই খাটুনিটা তার বঁচে গেলো। বাঁশি বাজিয়ে তাকেই সে ডাকতে চাচ্ছিলো, কিন্তু স্পষ্টই বোঝা গেলো প্রথম সাজীটি এতোকণ নিঃশব্দে ইউরিকে অহুমরণ করছিলো, এবার সরাসরি তার সহকর্মীর সঙ্গে যোগ দিলে। দাঁড়িয়ে-দাঁড়িয়ে কথা বলতে লাগলো দু'জনে।

‘তাতে আর কোনো সন্দেহই নেই। দেখেই ব'লে দেওয়া যায় কোন ডালের পাখি। “এটা কোন স্টেশন?” “নদীর নাম কী?” চোখে ধুলো দেবার মতলব! তুমি কী বলো? সোজা জেটিতে নিয়ে যাবো, না প্রথমে ট্রেনে?’

‘আমি বলি কী, ট্রেনেই নিয়ে যাওয়া যাক। কর্তা কী বলেন, দেখা যাক। তোমার কাগজপত্র?’ ইউরির দিকে গর্জন ক'রে উঠলো লোকটা। কাগজের তাড়াটা একেবারে খাবা দিয়ে ছিনিয়ে নিলো সে, তারপর অস্ত্র কাকে ডেকে বললো, ‘চোখে রেখো লোকটাকে,’ ব'লে প্রথম সাজীর সঙ্গে স্টেশনমুখো পা চালালো।

স্পষ্টই বোঝা গেলো, তৃতীয় লোকটা—যাকে ইউরি এতোক্ষণ খেয়াল করেনি—সে একজন জেলে। এতোক্ষণ সে বালির ওপর শুয়েছিলো, এবার ঘোঁৎ-ঘোঁৎ আওয়াজ ক’রে আড়মোড়া ভাঙলো, তারপর উঠে ব’সে ইউরির অবস্থা সম্পর্কে আলোকপাত করতে শুরু ক’রে দিলো।

‘তোমাকে যে কতবার কাছে নিয়ে যাচ্ছে, এটাই তোমার ঢের বরাং। এ বরাং তোমার মোক্ষলাভ হ’লো। কিন্তু এদের দোষ দেওয়া যায় না। এরা তাদের কাজ করছে মাত্র। জনগণ আজকাল ওপরে উঠে এসেছে, জানো তো। হয়তো শেষ পর্যন্ত এতেই ভালো হবে, কিন্তু এখন সপক্ষে বলার কিছুই নেই। একটা ভুল করেছে এরা। বিশেষ একটি লোকের জন্তে এরা হুগে হ’য়ে আছে, কেবলই তাকে খুঁজছে। তোমাকে তারা সেই লোক ব’লে ভেবেছে। তারা ভেবেছে, এই সেই লোক, এই লোকটাই শ্রমিক-রাষ্ট্রের শত্রু, এবার আমরা তাকে বাগে পেয়েছি। একটা ভুল আর কি। যদি কিছু ঘটে তো শুধু কতবার সঙ্গে দেখা করবার জেদ কোরো। ওরা দু’জনে যেন নিজের মজিমতোই তোমার গতি না করে। সবচেয়ে মুন্সিল এই যে লোকগুলো রাজনীতি-সচেতন; ভয়ের কথা সেটা—তা ঈশ্বর যদি দয়া করেন। তোমাকে ছেড়ে দেবার কথা ভাববেই না তারা। কাজেই তারা যদি বলে, “চলো,” কক্ষনো তাদের সঙ্গে যেয়ো না। বোলো যে তুমি কতবার সঙ্গে দেখা করতে চাও।’

জেলেটির কাছ থেকে ইউরি জানতে পারলো যে এইটেই হ’লো সেই বিখ্যাত জলপথ, রিনভা আর নদীর ধারের স্টেশন থেকে যেখানে যাওয়া যায় সেটা রাজ্জভিলইয়ে, ইউরিয়্যাটিনের শিল্পপ্রধান শহরতলি। আরো জানতে পারলো যে ইউরিয়্যাটিন—যা আরো কয়েক মাইল উজানে অবস্থিত ব’লে মনে হচ্ছে—সেটা এখন আবার শাদাদের হাত থেকে কেড়ে নেওয়া হয়েছে। এবং এই রাজ্জভিলইয়েতে নাকি নানারকম গোলযোগ হ’য়ে গিয়েছিলো, কিন্তু তাও এখন মোটামুটি আয়ত্তে আনা হয়েছে, আর চারদিককার এই বিপুল নিস্তরুতার কারণ হ’লো এই যে স্টেশন এলাকা থেকে সাধারণ নাগরিকদের সরিয়ে ফেলে কড়া পাহারার ব্যবস্থা করা হয়েছে। সবশেষে সে এও জানতে পারলো যে স্টেশনের কতগুলো ট্রেনের বগিকে সৈন্তবাহিনীর প্রধান

আন্তান্না হিসেবে ব্যবহার করা হচ্ছে আর তাদের মধ্যে একটা বিশেষ ট্রেন হলো আর্মি-কমিসার স্ট্রেলনিকভের, সাদ্জী দু'জন গেছে তারই কাছে খবর দিতে।

সাদ্জীরা যেদিকে প্রস্থান করেছিলো, সেদিক থেকে তৃতীয় আর-একজন সাদ্জী এসে এবার হাজির হ'লো। সে যে আগের দু'জনের একজনও নয় এটা কেবল বোঝা গেলো তখন, যখন সে চলার সময় তার রাইফেলটাকে মাটিতে হিঁচড়ে নিয়ে আসতে লাগলো, কিংবা যখন তার ওপর ভর দিয়ে চলতে শুরু করলো, যেন সে মাতাল হ'য়ে রাইফেলে ভর দিয়েই পথ ক'রে চলছে। এই সাদ্জীটি এবার ইউরিকে নিয়ে গেলো কমিসারের কাছে।

২৮

জোড়া বগির একটার মধ্য থেকে হাসি আর চলাফেরার শব্দ আসছিলো। সাদ্জীকে সংকেতবাক্য ব'লে সেই কামরাতেই ইউরিকে নিয়ে গেলো তার পাহারাদার, আর যেই তারা ঢুকলো, অমনি সব সাড়াশব্দ থেমে গেলো।

সব্ব একটা পথ দিয়ে মাঝখানের একটা বড়ো কামরায় ইউরিকে নিয়ে এলো সাদ্জীটি। পরিচ্ছন্ন ও আরামপ্রদ সেই ঘরটার ভেতর ফিটফাট পোষাক-পরা লোকেরা নিঃশব্দে কাজ ক'রে যাচ্ছিলো। স্ট্রেলনিকভের শিক্ষা ও রুচি সম্বন্ধে ইউরি একটি অল্প রকম ধারণা ক'রেছিলো, যে-স্ট্রেলনিকভ পার্টির সদস্য না হ'য়েও সৈন্যবিভাগের একজন বড়ো কর্তা, একই সঙ্গে সেই অঞ্চলের গর্ব ও বিভীষিকা।

কিন্তু তার ক্রিয়াকর্মের আশল কেন্দ্র যে অশুভ. হেড-কোয়ার্টারের কর্মচারীদের কাছাকাছি এবং সশস্ত্র আক্রমণের মধ্যে, তাতে কোনোই সন্দেহ নেই। এটা নিশ্চয়ই তার ব্যক্তিগত ঘর, নিজস্ব দপ্তর ও ঘুমোবার জায়গা।

তাই এখানে এমন নিশ্চরতা, অনেকটা যেন জলীয় চিকিৎসার হাসপাতালে শোবার মেঝেতে নরম চটি-পরা পরিচারকদের মতো নিঃশব্দ।

আগিষ্টা আসলে পুরোনো একটা ডাইনিং-কার, মেঝেয় গালচে পাতা, কয়েকটা ডেস্কও আছে।

‘এক মিনিট,’ বললে এক ছোকরা অফিসার, ঠিক দরজার ধারেই বসেছে সে। অশ্রুমনস্কভাবে মাথা নেড়ে সে পাহারাদারকে বিদায় দিলে; মেঝেতে আঁটা ধাতুর পাতের ওপর রাইফেলের কুঁদোকো হিঁচড়ে নিয়ে চললো লোকটা। তারপরে কারো পক্ষেই ইউরির অস্তিত্ব ভুলে যাবার কোনো বাধা থাকলো না, তার দিকে আর ফিরেও তাকালে না কেউ।

দরজার কাছে যেখানে সে দাঁড়িয়েছিলো, সেখান থেকে ইউরি দেখতে পাচ্ছিলো যে ঘরের একেবারে শেষ প্রান্তের একটি ডেস্কে তার পাসপোর্ট ইত্যাদি প’ড়ে আছে। যে-ভদ্রলোক ডেস্কটাকে দখল ক’রে বসেছিলেন, অল্প চাইতেই বয়সে বড়ো দেখালে তাঁকে, তাঁর ভাবভঙ্গির মধ্যে এমন সকলের একটা-কিছু ছিলো যার জন্ম তাঁকে সেকলে একজন কর্নেল ব’লে মনে হচ্ছিলো। সেনাবাহিনীর একজন পরিসংখ্যানবিদ তিনি। বিড়বিড় ক’রে আপন মনে কথা বলতে-বলতে নানারকম আকর-গ্রন্থ ঘাঁটছিলেন তিনি, নানা এলাকার মানচিত্র দেখছিলেন ভালো করে, খুঁটিয়ে-খুঁটিয়ে, মিলিয়ে রাখছিলেন, আর মাঝে-মাঝে কাঁটাকুটি ক’রে কী সমস্ত আঠা দিয়ে লাগিয়ে নিচ্ছিলেন। ঘরের প্রত্যেকটা জানলার ওপর চোখ বুলিয়ে নিয়ে তিনি বোষণা করলেন, ‘গরম পড়বে নির্ধাৎ,’ যেন এই সমস্ত কাগজপত্র ঘাঁটবার পর তিনি বাধ্য হয়েছেন এই সিদ্ধান্তে পৌঁছতে।

ছিঁড়ে-বাওয়া তার জোড়া দেবার জন্ম সেনাবাহিনীর একজন ইলেকট্রিক মিস্ত্রি মেঝের হামাগুড়ি দিচ্ছিলো। সে যখন দরজার ধারে ডেস্কটার কাছে এসেছে, তাকে জায়গা দেবার জন্ম উঠে দাঁড়ালো ছোকরা অফিসারটি। পাশের টেবিলে আর্মির চামড়ার কোট গায়ে এক মেয়ে-টাইপিস্ট টাইপ-রাইটার নিয়ে লড়াই করছে; যন্ত্রটি বিজ্রীরকম বিগড়ে গেছে। ছোকরা অফিসারটি টাইপিস্ট মেয়েটির কাছে গিয়ে দাঁড়ালো, খুঁকে প’ড়ে দেখতে লাগলো দুর্ঘটনার কারণ কী হ’তে পারে। এদিকে ইলেকট্রিক-মিস্ত্রিটি মেয়েটির ডেস্কের তলায় হামাগুড়ি দিয়ে ঢুকে নিচে থেকে পরীক্ষা করতে লাগলো। সেকলে কর্নেল উঠে দাঁড়িয়ে তাদের সঙ্গে এসে যোগ দিলেন, চারজনই ব্যস্ত হ’য়ে পড়লেন টাইপরাইটার নিয়ে।

এ-সব দেখে ইউরি একটু স্বস্তি পেলো। তার কপালে কী আছে, তা

তার চেয়ে তারাই ভালো জানে; তারা যদি মনে করতো যে লোকটা মরতে বসেছে, তাহ'লে তার সামনেই এ-রকম তুচ্ছ একটা ব্যাপার নিয়ে তারা মাথা ঘামাতো না, বা তাকে এতটা অবহেলা করতো না।

‘কিন্তু তবু, কে জানে?’ মনে-মনে ভাবলো সে, ‘এতোটা অবহেলা করছে কেন আমাকে, যেন আমার অস্তিত্বই নেই? রোজই তো বন্দুক চলছে আর মানুষ মরছে, আর এরা কিনা ঠাণ্ডা গলায় গরম পড়ার কথা বলছে—যুদ্ধের নয়, আবহাওয়ার গরম। হয়তো এর এতো বেশি দেখেছে যে একবিন্দু অহুভূতি আর অবশিষ্ট নেই।’

কোনো এক-দিকে তাকাতে হবে ব'লেই ঘরের উণ্টো দিকের জানলা দিয়ে বাইরে তাকালো ইউরি।

২৯

রেল-লাইনের এক প্রান্ত, টিলার ওপরকার স্টেশন, আর রাজ্জিলইয়ের শহরতলি তার চোখে পড়লো।

প্ল্যাটফর্ম থেকে স্টেশন-ঘর পর্যন্ত তিন ধাপ রং-না-করা কাঠের সিঁড়ি আছে।

লাইনের এক প্রান্তে পুরোনো এঞ্জিনের কবরখানা। কয়লাঘর নেই, চোঙের চেহারা হাঁটু-ঢাকা জুতোর চূড়ো বা মদের গেলাশের মতো, এমন কতগুলো এঞ্জিন গায়ে-গা ঠেকিয়ে পুরোনো লোহালকড়ের মধ্যে দাঁড়িয়ে আছে।

নিচের এই এঞ্জিনের কবরখানা আর ওপরে ঐ মানুষদের গোরস্থান, রেল-লাইনের বাঁকাচোরা দুমড়ে-যাওয়া লোহা, জংঘরা লোহার ছাত, শহরতলির দোকানপাটের বিবর্ণ সাইনবোর্ড—সব মিলিয়ে ছবিটা হ'লো জীর্ণতার, অবহেলার, যার ওপরে ভোরবেলার তাপে শাদা আকাশ ঝলসে যাচ্ছে।

মন্ডোতে ব'সে ইউরি তুলেই গিয়েছিলো অস্ত্রাশ্র শহরে এখনো কত দোকানে সাইনবোর্ড ঝুলছে, আর সামনের দেয়ালের কতখানি অংশ তাতে

ঢাকা পড়ে। এখন যে সাইনবোর্ড সে দেখতে পাচ্ছে, তার কয়েকটা এতো বড়ো যে সে ওখানে দাঁড়িয়েই পরিষ্কার পড়তে পারছে। জীর্ণ একতলা বাড়িগুলোর গড়ানো জানলার নিচে এতোদূর বুলে পড়েছে ওগুলো যে বাড়িগুলো প্রায় ঢাকা পড়ে গেছে, বাবার উচু টুপির তলায় গ্রামের ছেলেদের মুখের মতো।

পশ্চিম দিকের কুয়াশা স'রে গেছে ইতিমধ্যে; পূর্ব দিকে যেটুকু ছিলো তাও এবার নাট্যমঞ্চের যবনিকার মতো আড়মোড়া ভেঙে হেলে-চুলে স'রে গেলো।

আর ওদিকে, রাজভিলইয়ের টিলার ওপর আরো দু-এক মাইল দূরে, কোনো প্রাদেশিক রাজধানীর মতো একটা বড়ো শহর ঝাপসা দেখা গেলো, রোদে যার রং জলজলে আর দূরত্ব যার রেখাকে সরল ক'রে এনেছে। চুড়োর গায়ে লেপ্টে বসেছে যেন শহরটা, তার সারি-সারি বাড়ি আর রাস্তা নিয়ে, মাঝখান থেকে মাথা তুলেছে বড়ো একটা গির্জার গম্বুজ, শস্তা রঙিন ছবিতে মাউন্ট আথস কি মরুভূমির কোনো মঠের মতো।

ইউরি উত্তেজিত হ'য়ে ভাবতে শুরু করলো, 'ইউরিয়্যাটিন, যার কথা প্রায়ই আনা আর নাম' আশ্টিপভার কাছে শুনেছি। কী আশ্চর্য! একে যে এমনভাবে দেখতে হবে কে ভাবতে পেরেছিলো!'

ঠিক সেই মুহূর্তে সেনাবিভাগের মনোযোগ টাইপরাইটার থেকে স'রে গিয়ে অল্প একটা জানলায় গিয়ে পড়লো। দেখে ইউরিও ফিরে তাকালো।

কড়া পাহারায় একদল বন্দীকে স্টেশনের সিঁড়ির দিকে নিয়ে যাওয়া হচ্ছে। তাদের মধ্যে স্থলের পোষাক-পর্য্য একটা বালকও আছে, রক্ত ঝরছে তার মাথা থেকে। প্রাথমিক চিকিৎসা লাভের স্বযোগ অবশ্য ঘটেছে তার, কিন্তু ব্যাণ্ডেজের ভেতর থেকে রক্তের একটি ধারা চুঁইয়ে পড়ছে ব'লে সে বারে-বারে তার কালো ঘামে-ভরা মুখে হাত বুলিয়ে মুছে ফেলার চেষ্টা করছে। শোভাযাত্রার শেষভাগে লাল ফৌজের দুটি লোকের মাঝখান দিয়ে হাঁটতে-হাঁটতে সে যে শুধু তার অটল ভঙ্গি, সুন্দর চেহারা, আর এতো অল্প বয়সেই বিপ্লবে নামার জ্ঞান দৃষ্টি আকর্ষণ করেছে তা নয়, তার এবং তার দুই সঙ্গীর অস্ত্রভঙ্গিগুলো অদ্ভুতরকম অসংগত হচ্ছিলো ব'লেই চোখে পড়ছিলো সে। তাদের যা করা উচিত, ঠিক তার উল্টোটা করছিলো তারা।

ছেলেটির মাথায় এখনো স্কুলের টুপি রয়েছে। তার ব্যাণ্ডেজ-করা মাথা থেকে এটা বারে বারে খসে পড়ছিলো, কিন্তু সেটাকে খুলে হাতে না-নিয়ে সে তার মাথার ক্ষত আর ব্যাণ্ডেজটাকে উত্ত্যক্ত ক'রে টুপিটা ঠিকভাবে বসিয়ে নিচ্ছিলো, আর এই কাজে তার দুই সঙ্গী তৎপর হয়ে সাহায্য করছিলো তাকে।

কাণ্ডজ্ঞান-বহির্ভূত এই অসংগত আচরণের একটা প্রতীকী অর্থ যেন দেখতে পেলো ইউরি। তার ইচ্ছে করলো ছুটে গিয়ে ছেলেটিকে সেই কথাগুলো বলে যা তার ভেতরে টগবগ করছিলো তখন। মুক্তি যে আদব-কায়দা ও উর্দির আবহুগত্যের মধ্যে নিহিত নেই, বরং ও-সব ছুঁড়ে ফেলে দিলেই যে মুক্তি আসতে পারে, এ-কথা তার ইচ্ছে করলো চোঁচিয়ে বলে সবাইকে—ছেলেটিকে আর রেলগাড়ির ভেতরকার লোকজনদের।

সে ঘুরে দাঁড়ালো ; দ্রুত ও লম্বা পা ফেলে ঘরের মধ্যখানে এসে দাঁড়ালো ষ্ট্রেনিকভ।

ভান্ডার হিসেবে হাজার-হাজার লোকের সঙ্গে তার পরিচয় হয়েছে। অথচ এটা কী ক'রে সম্ভব যে এর আগে সে একদিনও এ-রকম সোচ্চার ব্যক্তিত্বের মুখোমুখি আসেনি ? কেন এর আগে তারা মুখোমুখি হয়নি পরস্পরের ? কী ক'রে এটা ঘটলো যে, আগে কখনো তাদের পথে-ঘাঁটে দেখা হয়নি ?

ঠিক কোনো কারণ না থাকলেও এটা তক্ষুনি স্পষ্ট বোঝা গেলো যে, এই লোকটি ইচ্ছাশক্তির এক পূর্ণ বিকাশ। তার ব্যক্তিত্ব স্বয়ংসম্পূর্ণ। তার সব-কিছুই এটা চট ক'রে বুঝিয়ে দেয় যে সে হচ্ছে তার ধরনের মধ্যে আদর্শ : তার সুবিশ্লস্ত সুন্দর মাথা, আগ্রহী পদক্ষেপ, লম্বা পা, হাঁটু-ঢাকা জুতো—যা কাদা-মাথা হ'তে পারতো, কিন্তু এখন পরিষ্কার দেখাচ্ছে—ধূসর সার্জের উর্দি—বহু আগে ইস্ত্রি-করা হ'লেও যাকে দেখাচ্ছে সেরা জাতের লিনেনের মতো এবং সস্ত-পাট-করা—সব কিছু মিলিয়ে সে উজ্জল ব্যক্তিত্বের এক নিদর্শন।

এই রকম হ'লো তার ব্যক্তিত্বের দীপ্তি, যা তাকে দিয়েছে নির্বিকার স্বাচ্ছন্দ্য, এবং পৃথিবীর যে-কোনো সম্ভাব্য পরিস্থিতিতে সহজ হবার ক্ষমতা। -
জিজ্ঞাসাগো—২২

নিঃসন্দেহে স্বরণীয় ক্ষমতার অধিকারী সে, ইউরি মনে-মনে ভাবলো, কিন্তু তাকে মৌলিকতার ক্ষমতা বলা চলে না। তার প্রত্যেকটি ভঙ্গির মধ্য থেকে প্রতিভা ফুটে বেরোচ্ছে, কিন্তু তা আসলে হয়তো অল্পকরণের মেধা।

তখনকার দিনে সকলে ইতিহাসের কোনো নায়কের প্রকরণে, কিংবা ফ্রণ্টে, রাস্তায়-ঘাটে গেরিলা যুদ্ধে খ্যাতি হ'য়ে যাঁরা লোকের কল্পনাকে উদ্দীপ্ত করেছেন, শ্রদ্ধাভাজন কোনো ব্যক্তি অথবা কৃতী কোনো কর্মরেডের মতো, বা নিছকই একে অল্পকে অল্পকরণ ক'রে, নিজেকে অল্প-কারো আদর্শে গ'ড়ে তুলতো।

ইউরির উপস্থিতিতে বিস্মিত বা উত্ত্যক্ত বোধ করলেও স্টেলনিকভ তা নম্রভাবে গোপন ক'রে রাখলো। তাকে কর্মচারীদেরই একজন ব'লে ধ'রে নিয়ে সে সকলকে উদ্দেশ্য ক'রে কথা বলতে শুরু ক'রে দিলো।

‘অভিনন্দন! আমরা তাদের হঠিয়ে দিয়েছি। যুদ্ধের গুরুত্ব ক'মে গিয়ে একে ছেলে-খেলার মতো মনে হচ্ছে, কেননা আমাদের মতো তারাও তো ঝুশ—কেবল নানারকম মূর্থতায় ঠাসা। ওরা কিছুতেই ছাড়বে না, তাই মেরে-ধ'রে আমাদেরই তাড়াতে হচ্ছে। ওদের যিনি কমাণ্ডার, তিনি আমার একজন বন্ধু। আমার চেয়েও প্রলোভিতারিয়েন ঘরে তাঁর জন্ম। একই বাড়িতে বড়ো হয়েছি আমরা। আমার জন্তে অনেক করেছেন তিনি, আমি গভীরভাবে ঋণী তাঁর কাছে। আর এখন কিনা আমি এই ব্যাপার নিয়ে আনন্দ-উচ্ছ্বাস করছি যে তাদের আমি নদী পেরিয়ে আরো দূরে তাড়িয়ে নিয়ে গেছি।—গুরিয়ান, তাড়াতাড়ি তার সারিয়ে ফ্যালো, আমাদের টেলিফোনের প্রয়োজন আছে, শুধু লোক পাঠিয়ে বা টেলিগ্রাফ ক'রেই আমরা কুলিয়ে নিতে পারবো না।—ইশ, কী ভয়ানক গরম পড়েছে, না! অবশ্য তাহ'লেও ঘণ্টাখানেক ঘুমিয়ে নিয়েছি আমি! ও, হ্যা!...’ ইউরির দিকে ঘুরে দাঁড়ালো সে, যেন এক্ষুনি তার মনে পড়লো যে এই লোকটির সঙ্গে জড়িয়ে আরো একটি অকাজ প'ড়ে আছে।

‘এই লোকটি?’ তীক্ষ্ণ চোখে তার দিকে তাকিয়ে স্টেলনিকভ ভাবলো: ‘কী বাজে! মোটেই তার মতো দেখতে নয়। গর্দভ কোথাকার!’ হেসে

উঠলো সে, ইউরিকে বললো, ‘কমরেড, ক্ষমা করবেন। গাথাগুলো আপনাকে আরেকজন ব’লে ভেবেছিলো, তাই এই ভুল। আপনি যেতে পারেন। এই কমরেডের কাগজপত্রগুলি কোথায়?—হ্যাঁ, এই যে আপনার কাগজ। একবার চোখ বুলোতে পারি কি?...জিভাগো...জিভাগো...ডাক্তার জিভাগো...মস্কো।...খাই হোক, এক মিনিটের জন্ত আমার ঘরে আসবেন? এটা হ’লো সেক্রেটারিয়েট, পাশের কামরাটা আমার। হ্যাঁ, এই পথে; বেশি দেরি হবে না এক্ষুনি ছেড়ে দেবো আপনাকে।’

৩০

ষ্টেলনিকভ আসলে কে?

সে যে এতো উঁচু পদ লাভ ক’রে বসেছে, এটা নিঃসন্দেহে উল্লেখযোগ্য, কারণ সে পার্টির সভ্য নয়, এবং যদিও মস্কোতে তার জন্ম হয়েছিলো, কেউই তাকে চিনতো না: বিশ্ববিদ্যালয় থেকে বেরিয়ে মাষ্টারি নিয়ে সে সোজা চ’লে গিয়েছিলো মফস্বল শহরে, যুদ্ধের সময় ধরা পড়েছিলো, আর নিখোঁজ হবার দরুন সবাই ভেবেছিলো সে নিহত হয়েছে। অল্প দিন হ’লো সে জার্মানির জেলখানা থেকে ফিরেছে। তাকে লোকসমক্ষে আনলো টিভেরজিন, সেই তার হ’য়ে জামিন দাঁড়ালো, কেননা এই অগ্রসর রাজনীতি-চেতনাসম্পন্ন রেলকর্মচারীর ঘরেই ছেলেবেলায় সে থেকেছিলো। নিয়োগকর্তাদের সে রীতিমতো মুগ্ধ ক’রে ফেললো: সেই আমলের বাগাড়ম্বর ও রাজনৈতিক চরমপন্থার সঙ্গে তার লাগাম-ছেঁড়া বিপ্লবী উচ্ছ্বাস খাপ খেয়ে গিয়েছিলো, আর তার আন্তরিকতা ও প্রবল গোঁড়ামি, যা কোনো ধার-করা বা উড়ে-এসে-জুড়ে-বসা ব্যাপার নয়, তা ছিলো তার নিজস্ব, তা সে সচেতনভাবে নিজের মধ্যে গুঁড়ে তুলেছিলো, তা বিকাশ লাভ করেছিলো তার জীবনের নানা ঘটনাচক্রের মধ্য দিয়ে।

কর্তৃপক্ষের বিশ্বাস যে অপাত্রে গ্রস্ত হয়নি, তা সে অচিরেই প্রমাণ ক’রে দিলে।

গত কয়েক মাসের মধ্যে সে যে-সব লড়াই করেছে, তার মধ্যে

পড়ে লোয়ার-কেলমেসের অগ্নিকাণ্ড (যেখানে বরফের জন্তু ইউরির ট্রেন আটকা পড়েছিলো), শস্তের ওপর কর দেবে না ব'লে যে-সব গুবাসোভো চাষি সশস্ত্র বিদ্রোহ করেছিলো তাদের, এবং যে-চোন্দ নম্বর পদাতিক বাহিনী রসদের কনভয় লুণ্ঠ করেছিলো তাদের অবদমন। টুর্কাটুয়ি শহরে 'রাজিন'^১ সৈন্তরা বিদ্রোহ ক'রে শাদাদের দলে যোগ দিয়েছিলো, এবং চিরকিন-উসের বিদ্রোহের দরুন একজন অহুগত কমাণ্ডার নিহত হয়েছিলেন ; এই সব বিদ্রোহ দমন করার ব্যাপারেও হাত ছিলো তার।

সর্বত্রই সে একেবারে আচমকা গিয়ে ছোঁ মেরেছিলো, আর সব অল্পসঙ্কান, বিচার, শাস্তির সিদ্ধান্ত ও তার প্রয়োগ, সব খুব দ্রুত, নির্বিকার এবং আশ্চর্য স্পৃহাভাবে সম্পন্ন করেছিলো।

যে-সব এলাকায় দলত্যাগের হিড়িক পড়েছিলো, তাদের সে চটপট আয়ত্তে এনে রংকট বাহিনীকে নতুন ক'রে গ'ড়ে তুলেছে, যার ফলে লাল ফৌজে নাম লেখাবার আগুণগুলিতে ভয়ানক কাজের চাপ পড়েছে।

অবশেষে, যখন উত্তর থেকে শাদাদের চাপ ক্রমশ বেড়ে চলেছে, এবং পরিস্থিতি মারাত্মক হ'য়ে উঠেছে, তখন স্টেলনিকভের হাতে নতুন দায়িত্ব অর্পণ করা হ'লো ; সেনাবাহিনীর পরিচালনা থেকে শুরু ক'রে সমরনীতির পরিকল্পনা এবং তা কাজে খাটানো পর্যন্ত সব কাজের ভার তার একলার ওপর এসে পড়লো। এবং তার তৎপরতা ফলপ্রসূ হলো অচিরেই।

স্টেলনিকভ ('গোলন্দাজ') জানে যে জনরব তার নতুন নাম দিয়েছে রাজস্টেলনিকভ, যার মানে হ'লো 'জল্লাদ'। শাস্ত্রভাবে এই নাম সে গ্রহণ করেছে ; কোনো কিছুতেই সে বিচলিত হয় না।

তার বাবা ছিলেন মজুর ; ১৯০৫ সালের বিপ্লবে অংশ গ্রহণ ক'রে জেলে গিয়েছিলেন। সেই সময় সে নিজে বিপ্লবী ক্রিয়াকলাপে যোগ দেয়নি ; প্রথমে তো, তার বয়স অল্প ছিলো ব'লে আর পরে এই কারণে যে বিশ্ববিদ্যালয়ে গরিব ঘরের ছেলেরা ধনীরা তুলারদের চেয়ে শ্রমসাপেক্ষ উচ্চশিক্ষাকে বেশি মূল্য দিতো এবং বেশি খাটতো। অল্প ছাত্রদের উত্তেজনা

১ স্টেনকা রাজিন ছিলেন সজেরো শতকের এক গণ-অভ্যুত্থানের অধিনায়ক।

তাকে একটুও বিচলিত করতে পারেনি। বিপুল পরিমাণ তথ্য সংগ্রহ করবার পর সে প্রথম কলাবিজ্ঞান ডিগ্রি নিলে, তারপর বিজ্ঞান ও গণিতে শিক্ষিত ক'রে তুললো নিজেকে।

সেনাবাহিনী থেকে অব্যাহতি পেয়ে সে স্বেচ্ছাসেবক হিসেবে নাম লিখিয়ে একেবারে যুদ্ধক্ষেত্রে চ'লে যায়, এবং বন্দী হয়; পরে যখন রাশিয়ার বিপ্লবের কথা শুনলো, ১৯১৭ সালে দেশে পালিয়ে এলো। স্বচ্ছ এবং সুস্থ-ভাবে বিচার করবার অসাধারণ ক্ষমতা ছিলো তার, আর ছিলো সুবিচারবোধ ও উন্নত নৈতিক চরিত্র। উংসাহী স্বভাব তার, তীক্ষ্ণ তার সম্মানবোধ।

কিন্তু বিজ্ঞান-সাধনায় নতুন আবিষ্কারের ক্ষেত্রে স্বজ্ঞা দিয়ে অনির্ণয়েক জানবার চেষ্টা তার ব্যর্থ হ'তো; ফাঁকা ভবিষ্যদৃষ্টির শূন্য স্থানকে যা চুরমার করে দেয়, সেই সব অপ্রত্যাশিত আবিষ্কারের কথা ভাববার ক্ষমতা তার নেই।

অস্ত্রের ভালো করবার জন্তু তার মনোগত আদর্শ ছাড়াও প্রয়োজন ছিলো এমন এক নীতিগর্হিত হৃদয়ের, যা বিশেষের প্রতি আকর্ষণবশত সাধারণকে দেখতে পায় না, ক্ষুদ্র কাজের মহত্ত্ব যার বৈশিষ্ট্য।

ছেলেবেলা থেকেই মহত্তম অভীষায় তার হৃদয় ভ'রে গিয়েছিলো, পৃথিবীকে এক বিশাল কর্ণক্ষেত্র ব'লে ভেবেছিলো সে; যেখানে প্রত্যেকেই নিখুঁতভাবে নিয়ম মেনে সম্পূর্ণতার জন্তু প্রতিদ্বন্দ্বিতা ক'রে চলেছে। যখন সে দেখতে পেলো তার এই ধারণা সত্য নয়, তখন সে, একবারও ভাবলে না যে পৃথিবী সম্পর্কে তার ধারণাটা হয়তো অতিরিক্ত সরলীকৃত। বরং তার অসম্ভাবকে সে লালন করলে ভেতরে-ভেতরে। এবং জীবন আর জীবনের বিকৃতিসাধক অন্তত শক্তিগুলিকে বিশ্লেষণ করার উচ্চাকাঙ্ক্ষা নিয়ে সে বিচারকের ভূমিকায় বসতে চাইলো, চাইলো জীবনের রক্ষক ও জীবনবৈরীর শাস্তিদাতা হ'য়ে উঠতে।

হতাশায় সব যখন তিস্ত হ'য়ে উঠছে, তখন বিপ্লব এসে তার হাতে হাতিয়ার তুলে দিলে।

‘জিভাগো,’ নিজের কামরায় গিয়ে বসবার পর টেলনিকভ আবার নামটা উচ্চারণ করলে, ‘জিভাগো……ব্যাবসা করেন বোধহয়। নয়তো ভদ্রলোকদের একজন……ও, ই্যা, এই তো লেখা আছে, মস্কোর ডাক্তার…ভারিকিনোতে যাচ্ছেন। এটা কিন্তু আশ্চর্য। মস্কো ছেড়ে হঠাৎ এ-রকম অজ পাড়াগাঁয় যাচ্ছেন?’

‘ঠিক সেইজন্মেই। একটু শাস্তি, বিদ্বেষ আর অজ্ঞাতবাসের জন্ত।

‘বাঃ, বেশ রোমাঞ্চিক তো! ভারিকিনো? এখানকার প্রায় সব জায়গাই আমি চিনি। ওটা হ’লো ক্র্যোগারের জমিদারি। তার সঙ্গে আপনার কোনো আত্মীয়তা নেই তো? আপনি তার উত্তরাধিকারী নন?’

‘ঠাট্টা করছেন কেন? “উত্তরাধিকারী” হওয়ার সঙ্গে এর কোনো সম্পর্ক নেই। যদিও এটা ঠিক যে আমার স্ত্রী……’

‘কাজেই, দেখলেন তো। কিন্তু আপনি যদি শাদাদের জন্ত ব্যাকুলতা বোধ করেন, তাহ’লে আপনাকে কিন্তু হতাশ হ’তে হবে। গোটা জেলাটাই বেঁটিয়ে সাক ক’রে ফেলেছি আমরা।’

‘আপনি কি এখনো ঠাট্টা করছেন আমাকে নিয়ে?’

‘আর তারপর, আপনি একজন ডাক্তার। সেনাবাহিনীর চিকিৎসা বিভাগের অফিসার। আর আমরা এখন লড়াই চালাচ্ছি। ঐ লড়াইটাই আমার আসল কাজ। আর আপনি একজন দলত্যাগী। সবুজরাও’ বনে-জঙ্গলে আশ্রয় নিচ্ছে।—আপনার দলত্যাগ করার কারণ?’

‘দু’বার আহত হয়েছিলাম, তাই অকেজো ব’লে বের ক’রে দেওয়া হয়েছে।’

‘এর পরেই নিশ্চয়ই আপনি শিক্ষা বা স্বাস্থ্য দপ্তরের শীলমোহর মারা একটি কাগজ বার ক’রে দেবেন, যাতে লেখা আছে আপনি একজন সোভিয়েট নাগরিক, কিংবা একজন “সহায়ত্বভূতিশীল” অথবা সম্পূর্ণ অহুগত। আপকালিপ্সের সময় মশাই এটা, শেষ বিচার আসন্ন। আগুন-জলা

১ এই শব্দটা ব্যবহার করা হ’তো সেই সব নৈরাশ্যবাদীদের সম্বন্ধে যারা লাল শাদা উত্তরদের সঙ্গেই যুদ্ধ করতো। এদের মধ্যে চারিদের সংখ্যাই ছিলো সবচেয়ে বেশি।

২ খৃষ্টীয় ধর্মতত্ত্বের apocalypse ও last judgement-এর ধারণা টেলনিকভ এখানে বিম্ভব বিষয়ে ব্যবহার করছে। —অনুবাদের টীকা

তলোয়ার হাতে দেবদূত নেমে আসবে, উঠে আসবে পাতাল থেকে পত্তরা—
তাদের দিন এটা—সহানুভূতিশীল বা অসুগত ভাস্করদের নয়। তবু, যেহেতু
আমি একবার বলেছি যে আপনি স্বাধীন, তাই আমার কথার খেলাপ করবো
না, কিন্তু মনে রাখবেন এই আপনার প্রথম এবং শেষ সুযোগ। আবার
আমাদের দেখা হবে ব'লে আমার মনে হচ্ছে, আর তখন কথাবার্তার
ধরন হবে একেবারে অন্তরকম। সাবধান থাকবেন।’

এই যুদ্ধঘোষণায় বা ভয়প্রদর্শনে ইউরি দ’মে গেলো না। বললে,
‘আমার বিষয়ে আপনি কী ভাবছেন, তা আমি জানি। আপনার দিক
থেকে আপনার বিচার নিভুল। কিন্তু যে-বিষয়ে আপনি আমার সঙ্গে
আলোচনা করতে চাচ্ছেন, ঠিক তা-ই নিয়ে সারাজীবন ধ’রে আমি আমার
কাল্পনিক অভিযোক্তার সঙ্গে তর্ক ক’রে যাচ্ছি; এতোদিনেও যদি কোনো
সিদ্ধান্তে না-পৌছতে পারতাম, তবে ব্যাপারটা অদ্ভুত হতো। কিন্তু মাত্র
কয়েকটা কথায় তা আমি বোঝাতো পারবো না। কাজেই যদি আমি সত্যিই
বন্দী না-হ’য়ে থাকি তো আমাকে যাবার অনুমতি দিন, আমার যুক্তিগুলো
না-জেনেই ধেতে দিন আমাকে। আর যদি বন্দী হ’য়ে থাকি তাহ’লে
আমাকে নিয়ে কী করবেন সেটা আপনাকেই স্থির করতে হবে। কেননা
আপনাকে দেবার মতো কোনো কৈফিয়তই আমার নেই।’

টেলিফোন বেজে-ওঠায় তাদের কথায় বাধা পড়লো। লাইন মেরামত
করা হ’য়ে গেছে। স্টেলনিকভ রিসিভার তুলে নিলে।

‘ধনুবাদ, গুরিয়ান। কমরেড জিভাগোকে তাঁর ট্রেনে পৌঁছে দেবার
জন্ত একজন লোক পাঠিয়ে দাও। আর কোনো হুর্ঘটনা আমি চাই না।
এবার রাজ্জভিলইয়ে চেকা পরিবহণ আপিশে লাইনটা দাও।’

জিভাগো চ’লে গেলে স্টেলনিকভ রেল-স্টেশনে টেলিফোন করলো।

‘একটা স্থলের ছেলেকে দেখলাম তাদের মধ্যে, ঐ যে ছেলেটা কেবল
তার মাথায় টুপি ঠিক করছে, হ্যাঁ, হ্যাঁ, যার মাথায় ব্যাণ্ডেজ বাঁধা। এটা
রীতিমতো লজ্জার ব্যাপার।—হ্যাঁ হ্যাঁ, তাই ঠিক।—যদি দরকার হয় তো
ভাস্কর দেখিয়ে নাও।—নিশ্চয়ই। তোমার চোখের মণির মতো দেখবে
ওকে—আমার কাছে ব্যক্তিগতভাবে দায়ী থাকলে। হ্যাঁ, দরকার হ’লে তুমি

ক্যাশনও দিয়ে। হ্যা, হ্যা, ঠিক আছে। এবার কাজের কথা শোনো।... আমার কথা শেষ হয়নি, লাইন কেটে দিয়ে না। কী জালা! আরেকজন কে জানি লাইনে আছে। গুরিয়ান! গুরিয়ান! ওরা লাইন কেটে দিয়েছে।’

তার কথা শেষ করার চেষ্টা সে খানিকক্ষণের জন্ত স্থগিত রাখলো। ‘হয়তো আমার প্রেপারেটরি স্কুলের কোনো ছাত্র,’ সে মনে-মনে ভাবলো, ‘এখন বড়ো হ’য়ে আমাদের সঙ্গেই লড়াই করছে।’ এই ছেলেটি তার ছাত্র হ’তে পারে কিনা তা বোঝার জন্ত, কতো বছর হ’লো পড়ানো ছেড়ে দিয়েছে তার হিসেব করলো। তারপর জানলা দিয়ে তাকালো বাইরে, দিগন্তের দিকে যেখানে আকাশ নেমে এসেছে, সেদিকে তাকিয়ে খুঁজতে থাকলো ইউরিয়্যাটিনের সেই এলাকাটা, যেখানে একদা সে সস্ত্রীক বাস করেছিলো। যদি তার স্ত্রী ও কন্তা এখনো সেখানে থেকে থাকে? সে কি যেতে পারে না তাদের কাছে? এই মুহূর্তে গেলেও তো হয়। হয়, কিন্তু কী ক’রে যায়? তারা যে অল্প এক জীবনের অংশ। প্রথমে এই জীবন সে শেষ ক’রে নিক, এই নতুন জীবন, তারপর সে ফিরে যাবে সেই পুরোনো জীবনে, যেটাতে বাধা পড়েছে হঠাৎ। কোনো একদিন তা-ই করবে সে। কোনো-একদিন, কিন্তু কবে? কোন দিন?

দ্বিতীয় খণ্ড

পরিচ্ছেদ ৮

আগমন

ষে-ট্রেনটা জিভাগোদের নিয়ে এসেছিলো সেটা তখনো স্টেশনের সাইডিং-এ দাঁড়িয়ে আছে, অল্প অনেক ট্রেনের পেছনে ঢাকা প'ড়ে গেছে সেটি। কিন্তু সেদিন সকালে, এই প্রথমবার, তাদের মনে হ'লো যে মস্কোর সঙ্গে তাদের সম্বন্ধ ছিন্ন হ'য়ে শেষ হ'য়ে গেছে।

এখন থেকে তারা এমন একটা অঞ্চলে এসে পড়লো, যা একেবারে আলাদা ; নতুন এই জগৎ, ভিন্ন ধরনে প্রাদেশিক, তার ভারাকর্ষণ-কেন্দ্র তারই নিজের।

সঙ্গে-সঙ্গে স্পষ্ট বোঝা গেলো যে লোকেরা এখানে মস্কো বা পিটার্সবার্গের চেয়ে বেশি ঘনিষ্ঠভাবে বসবাস করে। যদিও স্টেশন-এলাকার চারদিক ঘিরে কড়া পাহারার ব্যবস্থা করা হয়েছে, এবং সরকারিভাবে জনসাধারণের সেখানে প্রবেশও নিষিদ্ধ, তবু লোকাল-ট্রেনের যাত্রীরা কোনো দুর্জয়ের উপায়ে 'পরিত্রা' (আজকাল 'পরিত্রা' বলা হয় না ?) হ'য়ে সেখানে ঢুকে পড়েছে, ইতিমধ্যেই সবগুলি কামরায় ঠাসাঠাসি ক'রে উঠে পড়েছে তারা, দরজার সামনেও বিষম ভিড়, অনেকে আবার প্র্যাটফর্ম দাঁড়িয়ে আছে, কেউ-কেউ বা হস্তদস্ত হ'য়ে ছুটোছুটি করছে।

সকলেই সকলকে চেনে, কেউ বাদ নেই। দেখা হ'তেই একে অঙ্কে নাম ধ'রে ডাকলো বা হাত নাড়লো, আর পাশ কাটিয়ে যেতে-যেতে সকলেই

‘যুদ্ধের শেষে তিনটি মেডেল নিয়ে রীতিমতো বীরের মতো লিবেরিয়া ফিরে এলো, আর না-বললেও চলে, যুদ্ধক্ষেত্রে থেকেই বিলকুল বলশেভিক হ’য়ে ফিরলো। আপনি “আরণ্যক ভ্রাতৃত্বের” কথা শুনেছেন কখনো?’

‘কই? না তো।’

‘তাহ’লে আপনাকে গল্প বলার কোনো মানেই হয় না, অর্ধেক ব্যাপারই বুঝতে পারবেন না আপনি। আর জানলা দিয়ে ঐভাবে বাইরের ঐ রাস্তার দিকে আপনার তাকিয়ে থাকারও কোনো মানে হয় না। ঐ যে রাস্তা দেখেছেন—ওগু’লার আজকাল প্রধান বৈশিষ্ট্য কী বলুন তো? পার্টিজান—দলের লোক। আর দলের লোক কারা? গৃহযুদ্ধের সময় তারাই হ’লো বিপ্লবী পন্টনের মেরুদণ্ড। দুটি জিনিস একসঙ্গে মিলে এই শক্তির অভ্যুদয় ঘটিয়েছে: একদিকে রাজনৈতিক সংগঠন, যারা বিপ্লবের নেতৃত্ব নিজেদের কাঁধে তুলে নিয়েছে, অন্যদিকে সেনাবাহিনীর সাধারণ সৈন্য, যারা যুদ্ধে হেরে যাবার পর পুরোনো কর্তৃপক্ষের আদর্শ মানতে রাজি নয়। এই দুটো কারণেই এই দলের উদ্ভব। তাদের বেশির ভাগই হচ্ছে মাঝারি চাষি^১, তবে সব রকম লোকেরাই আছে এর মধ্যে—গরিব চাষি, আলখাল্লা-ছাড়ানো পুরুষ, বাপেদের দিকেই বন্দুক তুলেছে এমন সব কুলাকপুত্র। আনার্কিস্ট আদর্শবাদীরাও আছে, আছে এমন লোক পাসপোর্ট নেই ব’লে যারা পালিয়ে বেড়াচ্ছে; নারীঘটিত ব্যাপারে জড়িয়ে পড়েছিলো ব’লে তাড়িয়ে-দেওয়া জ্বলের ছেলেরাও কম নেই। স্বদেশে পুনর্বাসন আর স্বাধীনতা পাবার প্রতিশ্রুতি পেয়ে জর্মানি আর অস্ট্রিয়ান যুদ্ধের বন্দীরাও এসে যোগ দিয়েছে এদের সঙ্গে। জনসাধারণের এই বিপুল সৈন্যদলের একটি অংশের নাম হ’লো আরণ্যক ভ্রাতৃত্ব, আর এই ভ্রাতৃত্বের অধিনায়ক হলেন কমরেড ফরেস্টার, আর কমরেড ফরেস্টার হলেন লিবি, লিবেরিয়াস আন্ডেরসিএভিচ, আন্ডেরসিয়াস মিকুলিন্সিনের ছেলে।’

‘সত্যি বলছেন?’

১। লেনিনের ভব্ব অনুসারে চাষিরা তিন দলের—ধানী চাষি (কুলাক), সাধারণ আয়ের চাষি (মাঝারি) আর গরিব চাষি, বাদের কোনো অসিদ্ধতা নেই।

‘নিশ্চয়ই। ঠিক তাই।—কিন্তু এবার আভেরনিয়ালের কথায় ফেরা বাক। স্বীয় মৃত্যুর পর সে আবার বিয়ে করেছে। তবে দ্বিতীয় স্ত্রী, হেলেন, একেবারে শাদাশিধে সরল মাছুষ—তার স্বভাবও তাই, ইচ্ছেটাও ঐরকম। স্থল থেকেই সোজা গির্জের চ’লে গিয়েছিলো বিয়ে করতে, এখনো রীতিমতো যুবতী, কিন্তু ভান করে যেন বয়স আরো কম। খামকা কথা বলে, কেবলই কিচিরমিচির ক’রে চলেছে, যেন ভাজা মাছটি উন্টে খেতে জানে না। দেখামাত্র আপনার একটা পরীক্ষা নেবে সে “হৃদয়ত কবে জন্মেছিলেন? ত্রিভূজের দুই বাহু কখন তৃতীয় বাহুর সমান হয়?” যদি আপনাকে ঘারেল করতে পারলো তো তার খুশি আর ত্যাগে কে। কিন্তু সবুর করুন, কয়েক ঘণ্টার মধ্যেই নিজের চোখে সব দেখতে পাবেন।

‘বুড়োর নিজের আবার কিছু-কিছু অদ্ভুত বৈশিষ্ট্য আছে। সে নাবিক হ’তে চেয়েছিলো ব’লে সামুদ্রিক যন্ত্রবিজ্ঞা শিখতে শুরু করেছিলো। পরিষ্কার দাড়ি-গোঁফ কমানো, মুখে পাইপটি লেগেই আছে, আন্তে-আন্তে, বেশ সহৃদয়-ভাবে দাঁতের ফাঁক দিয়ে কথা বলে, পাইপ-খোরদের যেমন হয় তেমনি তার নিচের চোয়ালটি উচোনো, চোখ দুটি ঠাণ্ডা, ছাইবড়ের।—ও, বলতে প্রায় ভুলে যাচ্ছিলাম—সে আবার একজন সমাজতন্ত্রী বিপ্লববাদী, আঞ্চলিক প্রতিনিধি হিসেবে সংবিধানসভার^১ সভ্য নির্বাচিত হয়েছিলো।’

‘এটা তো খুব জরুরি খবর! তাহ’লে ষাপে-ব্যাটায় একেবারে আদায়-কাঁচকলায়। রাজনীতির ব্যাপারে উন্টোউন্টি।’

‘তত্ত্বের দিক দিয়ে বিরোধী বইকি, কিন্তু কাজের বেলায় অরণ্য আর ভারিকিনোর মধ্যে কোনোই বিরোধ নেই। কিন্তু সে-কথা থাক, আগে আমাদের গল্পটাই শেষ করি। টুন্টসেভ-ভগ্নীদের বাকি তিনজন—মিকুলিৎসিনের প্রথম বিবাহের শ্রালিকারী—এখনো ইউরিয়্যাটিনেই বাস করছে, কেউই বিয়ে করেনি, এখনো তারা কুমারীই আছে, কিন্তু দিনকাল বদলে গেছে এখন, এই মেয়েরাও বদলেছে।

১ কেন্দ্রসারি-বিপ্লবের পরে অস্থায়ী সরকারের অধীনে সংবিধানসভা (Constituent Assembly) গঠিত হয়েছিলো : বলশেভিকরা যখন তাতে সংখ্যাগরিষ্ঠ পেলো না, তখন তারা তা ভেঙে দিলে।

‘যুদ্ধের শেষে তিনটি মেডেল নিয়ে রীতিমতো বীরের মতো লিবেরিয়ুস ফিরে এলো, আর না-বললেও চলে, যুদ্ধক্ষেত্রে থেকেই বিলকুল বলশেভিক হ’য়ে ফিরলো। আপনি “আরণ্যক ভ্রাতৃত্বের” কথা শুনেছেন কখনো?’

‘কই? না তো।’

‘তাহ’লে আপনাকে গল্প বলার কোনো মানেই হয় না, অর্ধেক ব্যাপারই বুঝতে পারবেন না আপনি। আর জানলা দিয়ে ঐভাবে বাইরের ঐ রাস্তার দিকে আপনার তাকিয়ে থাকারও কোনো মানে হয় না। ঐ যে রাস্তা দেখছেন—ওগুলোর আজকাল প্রধান বৈশিষ্ট্য কী বলুন তো? পার্টিজান—দলের লোক। আর দলের লোক কারা? গৃহযুদ্ধের সময় তারাই হ’লো বিপ্লবী পণ্টনের মেরুদণ্ড। ছুটি জিনিস একসঙ্গে মিলে এই শক্তির অভ্যুদয় ঘটিয়েছে: একদিকে রাজনৈতিক সংগঠন, যারা বিপ্লবের নেতৃত্ব নিজেদের কাঁধে তুলে নিয়েছে, অল্পদিকে সেনাবাহিনীর সাধারণ সৈন্য, যারা যুদ্ধে হেরে যাবার পর পুরোনো কর্তৃপক্ষের আদর্শ মানতে রাজি নয়। এই দুটো কারণেই এই দলের উদ্ভব। তাদের বেশির ভাগই হচ্ছে মাঝারি চাষি^১, তবে সব রকম লোকেরাই আছে এর মধ্যে—গরিব চাষি, আলখাল্লা-ছাড়ানো পুরুষ, বাপেদের দিকেই বন্দুক তুলেছে এমন সব কুলাকপুত্র। আনার্কিস্ট আদর্শবাদীরাও আছে, আছে এমন লোক পাসপোর্ট নেই ব’লে যারা পালিয়ে বেড়াচ্ছে; নারীঘটিত ব্যাপারে জড়িয়ে পড়েছিলো ব’লে তাড়িয়ে-দেওয়া স্থলের ছেলেরাও কম নেই। স্বদেশে পুনর্বাসন আর স্বাধীনতা পাবার প্রতিশ্রুতি পেয়ে জার্মানি আর অস্ট্রিয়ান যুদ্ধের বন্দীরাও এসে যোগ দিয়েছে এদের সঙ্গে। জনসাধারণের এই বিপুল সৈন্যদলের একটি অংশের নাম হ’লো আরণ্যক ভ্রাতৃত্ব, আর এই ভ্রাতৃত্বের অধিনায়ক হলেন কমরেড ফরেস্টার, আর কমরেড ফরেস্টার হলেন লিবি, লিবেরিয়ুস আন্ডেরসিএন্ডিচ, আন্ডেরসিয়াস মিকুলিংসিনের ছেলে।’

‘সত্যি বলছেন?’

১। লেনিনের ওষু অমুসারে চাষিরা তিন দলের—খনী চাষি (কুলাক), সাধারণ আরের চাষি (মাঝারি) আর গরিব চাষি, যাদের কোনো জমিজমা নেই।

‘নিশ্চয়ই। ঠিক তা-ই।—কিন্তু এবার আন্তরসিয়ালের কথায় ফেরা বাক। দ্বীপ যুদ্ধের পর সে আবার বিয়ে করেছে। তবে দ্বিতীয় জী, হেলেন, একেবারে শাশাশিধে সবল মানুষ—তার স্বভাবও তা-ই, ইচ্ছেটাও ঐরকম। স্থল থেকেই সোজা গির্জের চ’লে গিয়েছিলো বিয়ে করতে, এখনো রীতিমতো যুবতী, কিন্তু ভান করে যেন বয়স আরো কম। থামকা কথা বলে, কেবলই কিচিরমিচির ক’রে চলেছে, যেন ভাঙ্গা মাছটি উণ্টে খেতে জানে না। দেখামাত্র আপনার একটা পরীক্ষা নেবে সে : “অভরভ কবে জন্মেছিলেন ? জিভুজের দুই বাছ কখন তৃতীয় বাছের সমান হয় ?” যদি আপনাকে ঘায়েল করতে পারলো তো তার খুশি আর জাথে কে। কিন্তু সব্ব করুন, কয়েক ঘণ্টার মধ্যেই নিজের চোখে সব দেখতে পাবেন।

‘বুড়োর নিজের আবার কিছু-কিছু অদ্ভুত বৈশিষ্ট্য আছে। সে নাবিক হ’তে চেয়েছিলো ব’লে সামুদ্রিক যন্ত্রবিজ্ঞা শিখতে শুরু করেছিলো। পরিষ্কার দাড়ি-গোঁফ কমানো, মুখে পাইপটি লেগেই আছে, আন্তে-আন্তে, বেশ সহৃদয়-ভাবে দাঁতের ফাঁক দিয়ে কথা বলে, পাইপ-খোরদের যেমন হয় তেমনি তার নিচের চোয়ালটি উচোনো, চোখ দুটি ঠাণ্ডা, ছাইরঙের।—ও, বলতে প্রায় ভুলে যাচ্ছিলাম—সে আবার একজন সমাজতন্ত্রী বিপ্লববাদী, আঞ্চলিক প্রতিনিধি হিসেবে সংবিধানসভার^১ সভ্য নির্বাচিত হয়েছিলো।’

‘এটা তো খুব জরুরি খবর ! তাহ’লে বাপে-ব্যাটার একেবারে আদায়-কাঁচকলায়। রাজনীতির ব্যাপারে উন্টোউন্টি।’

‘তব্বের দিক দিয়ে বিরোধী বইকি, কিন্তু কাজের বেলায় অরণ্য আর ভারিকিনোর মধ্যে কোনোই বিরোধ নেই। কিন্তু সে-কথা থাক, আগে আমাদের গল্পটাই শেষ করি। টুন্টসেভ-ভয়ীদের বাকি তিনজন—মিকুলিংসিনের প্রথম বিবাহের জালিকারা—এখনো ইউরিস্যাটিনেই বাস করছে, কেউই বিয়ে করেনি, এখনো তারা কুমারীই আছে ; কিন্তু দিনকাল বদলে গেছে এখন, এই মেয়েরাও বদলেছে।

^১ কেক্সারি-বিপ্লবের পরে অস্থায়ী সরকারের অধীনে সংবিধানসভা (Constituent Assembly) গঠিত হয়েছিলো : বলশেভিকরা যখন তাতে সংখ্যাধিক্য পেলো না, তখন তারা তা ভেঙে দিলে।

কানের কাছে মুখ এনে, ভাঙা গলায় চীৎকার ক'রে বলা কথার পুনরাবৃত্তি করতে থাকে।

‘ঐ-যে আশুন-লাগা বাড়িটা, ওটা হচ্ছে “দানব” সিনেমা। এখন ওট ক্যাডেটদের হাতে, অথচ আগে কিন্তু তারা আত্মসমর্পণ করেছিলো। আসলে যুদ্ধ শেষ হয়েছে, এমন কথা এখনো বলা যায় না। ঘণ্টা-ঘরের ওপরকার ঐ কালো ফুটকিগুলো লক্ষ্য করেছেন? ওরা আমাদেরই লোক, চেকদের^১ দিকে গুলি চালাচ্ছে।’

‘আমি তো কিছুই দেখতে পাচ্ছি না। আপনিই বা এতদূর থেকে দেখতে পাচ্ছেন কী ক’রে?’

‘ঐ-দিকটা জলছে, ওটা হ’লো খোখরিকি, ওখানে সব কারিগরেরা থাকে। যে-অংশে দোকানপাট আছে, সেই খলোড়েয়েভো আরো দূরে। আমাদের গাড়ির আড্ডাটা ওখানে ব’লেই আমাদের এতো খবর রাখতে হয়। ভালোর মধ্যে এই যে, আশুন কেবল শহরতলিতেই লেগেছে, শহরের মধ্যে ছড়িয়ে পড়বে ব’লে মনে হয় না।’

‘কী বললেন?’

‘বললাম যে শহরের মাঝখানটা এখনো অক্ষত আছে—গির্জা, লাইব্রেরি—ও-সব অংশে এখনো আশুন লাগেনি।...আমাদের নাম, মানে এই সামডেভইয়াটভ হ’লো আসলে সান ডোনাটো—আমরা অমনি ক’রে রুশ ক’রে নিয়েছি। লোকে বলে, আমরা নাকি ডেমিডভদের^২ বংশধর।’

‘এখনো কিছুই শুনতে পাচ্ছি না।’

‘বলছিলাম যে সামডেভইয়াটভ হ’লো সান ডোনাটোরই আরেক সংস্করণ। শুনেছি, আমরা নাকি ডেমিডভ পরিবারের একটি শাখা, ঐ প্রিন্স ডেমিডভ সান ডোনাটো আরকি। কিন্তু এটাকে হয়তো নেহাৎই পারিবারিক উপকথা

১ বহু চেক সৈন্য, ১৯১৮ থেকে ১৯২০ সাল পর্যন্ত, পূর্ব-রাশিয়া এবং সাইবেরিয়ার ঘটনাবলীতে অংশগ্রহণ করেছিলো।

২ পিটার দি গ্রেটের অনুগ্রহ লাভ ক’রে একজন ডেমিডভ ইউরাল এলাকার প্রথম খনি খোলেন। উনিশ শতকে তাঁর বংশধরেরাই ভাটিকান থেকে প্রিন্স সান ডোনাটো উপাধি লাভ করেছিলেন।

বলা ঘেতে পারে। এই জায়গাটাকে বলে স্পির্কা-র পাহাড়তলি, অনেক বাগানবাড়ি আছে এখানে, তাছাড়া বেড়াতে যাওয়া যায় এমন জায়গাও প্রচুর আছে ; সেইজন্তেই লোকে প্রায়ই এখানে খেলাধুলো হৈ-হল্লা করতে আসে। নামটা বেশ মজার, না ?’

শাখা-রেলপথ দিয়ে কাটাকুটি-করা একটি উপত্যকা প’ড়ে আছে সামনে। সার বেঁধে টেলিগ্রাফের খুঁটি চ’লে গেছে দিগন্তের দিকে—তারা যেন মস্ত মোটা বৃটজুতো-পায়ে রূপকথার দানব, আর এক রাস্তা গেছে ঘুরে-ঘুরে, দূর থেকে দেখায় কিতের মতো, যেন রেল-লাইনের সঙ্গে তার প্রতিদ্বন্দ্বিতা আছে, যেন তারা দু’জনেই অবতীর্ণ হয়েছে সৌন্দর্য-প্রতিযোগিতায়। দিগন্তরেখার কাছে গিয়ে অদৃশ হ’য়ে গেছে সেই পথ, তারপর চওড়া কোনো অধবৃন্তের আকারে ফিরে এসেছে মোড় বেকে, এবং আবার মিলিয়ে গেছে দূরে।

‘এটাই আমাদের বিখ্যাত হাই-ওয়ে। সাইবেরিয়ার ওপর দিয়ে সোজা চ’লে গেছে। আগেকার দিনের কয়েদিরা এই রাস্তাকে নিয়ে গান বেঁধেছিলো। এখন এটা পার্টির লোকদের সবচেয়ে বড়ো ঘাঁটি।...আপনার ভালোই লাগবে এখানে, বুঝেছেন ? এখানকার সব-কিছুই খারাপ নয়, ভালো দিকও আছে। কয়েকদিনেই বেশ অভ্যাস হ’য়ে যাবে জায়গাটা, তারপর চ’লে যাবার সময় দেখবেন খুব খারাপ লাগছে। শহরটির আবার কতোগুলি অদ্ভুত বৈশিষ্ট্য আছে। যেমন আমাদের জলের পাম্প। দেখবেন, চৌরাস্তার মোড়ে মেয়েরা সারি-সারি লাইন দিয়ে দাঁড়িয়ে আছে, সারাটা শীতকাল ধ’রে মনে হয় এটা যেন তাদের খোলা-হাওয়ার আড্ডাখানা।’

‘আমরা শহরে থাকবো না। ভারিকিনোতে যাচ্ছি আমরা।’

‘জানি। আপনার স্ত্রী আমাকে বলেছেন সে-কথা। কিন্তু তাহ’লেও তো ব্যাবসাসূত্রে মাঝে-মাঝে আপনাকে শহরে আসতে হবে। আপনার স্ত্রীকে দেখেই আমি আশ্চর্য ক’রে নিয়েছিলাম : বুড়ো ক্রোয়াড়ের জীবন্ত প্রতিমূর্তি যেন—হবহ একরকম দেখতে, সেই চোখ, সেই নাক, সেই কপাল—হবহ তাঁর দাঁতের মতো। এখানে কিন্তু সকলেই তাঁকে মনে ক’রে রেখেছে।’

লাল, গোল তেলের ট্যাক ভেসে উঠলো এবার দিগন্তের কাছে। মাঝে-মাঝে চোখে পড়ে কাঠের তক্তায় আঁটা বড়ো-বড়ো বিজ্ঞাপন।
জিভাগো—২৩

একটা বিজ্ঞাপনের ওপর ইউরির চোখ পড়লো, সেটা দু-জায়গায় ঝোলানো আছে; তাতে লেখা: 'মরো অ্যাণ্ড ভেটচিনকিন। ঢেঁকি-কল। বীজ-বপন যন্ত্র'।

'মরো অ্যাণ্ড ভেটচিনকিন' খুব ভালো প্রতিষ্ঠান। তাদের কৃষিসংক্রান্ত যন্ত্রপাতিগুলো খুব উচু দরের।'

'কিছু শুনতে পাচ্ছি না। কী বললেন, আবার বলুন।'

'বললাম যে, ওটা একটা ভালো প্রতিষ্ঠান। শুনতে পাচ্ছেন?—একটা ভালো প্রতিষ্ঠান। তারা কৃষিকাজের যন্ত্রপাতি বানায়। লিমিটেড কোম্পানি ওটা। আমার বাবারও শেয়ার ছিলো।'

'এই না বললেন তাঁর ঘোড়ার গাড়ির আড্ডা ছিলো?'

'তা ছিলো বইকি, কিন্তু তাতে শেয়ার কেনার বাধা কোথায়? কোথায় টাকা খাটালে লাভ হ'তে পারে, সে-সব ব্যাপারে খুবই বিচক্ষণ ছিলেন তিনি। অনেক ব্যবসাতেই টাকা ঢেলেছেন। ঐ "দানব" সিনেমাতেও তাঁর টাকা খাটছে।'

'আপনার কথা শুনে মনে হচ্ছে যে সেজ্ঞা আপনি গর্ববোধ করছেন।'

'বাবার বিচক্ষণতায়? নিশ্চয়ই, এটা তো গর্বেরই ব্যাপার।'

'কিন্তু আপনার মাক্সবাদ?'

'হা ঈশ্বর! মাক্সবাদের সঙ্গে তার সম্পর্ক কী? মাক্সবাদী বলেই কি আগাপাশতলা নির্বোধ হ'য়ে যেতে হবে? মাক্সবাদ হলো বিজ্ঞান। এ হ'লো বস্তুতাত্ত্বিক মতবাদ, ইতিহাস-দর্শনের তত্ত্ববিশেষ।'

'মাক্সবাদ বিজ্ঞান? কোনো সত্তাপরিচিত লোকের সঙ্গে এ নিয়ে তর্ক করতে যাওয়া অবশ্য বিপজ্জনক, কিন্তু তবু আমার মতে, মাক্সবাদ এখন পর্যন্ত তেমনভাবে নিজের পায়ে দাঁড়াতে পারেনি যাতে তা বিজ্ঞান হিসেবে পরিচিত হ'তে পারে। এর চেয়ে ঢের বেশি ভারসাম্য আছে বিজ্ঞানে। আপনারা বলেন মাক্সবাদ নৈব্যক্তিক। কিন্তু আমি এমন কোনো তত্ত্বের কথা জানি না যা মাক্সবাদের চেয়েও বেশি আত্মকেন্দ্রিক, বেশি তথ্যবর্জিত। সাধারণত এটাই দেখা যায় যে লোকে তাদের তত্ত্বকে কাজে খাটিয়ে পরীক্ষা ক'রে ছাখে তা ধোপে ঢেঁকে কিনা, তারা অভিজ্ঞতা থেকে

লিখতে চায় ; কিন্তু যারা কেবলমাত্র ক্ষমতালোভী, তারা নিজেদের মতবাদের অকাট্যতা নামক উপকথার প্রতিষ্ঠায় এতোটা ব্যস্ত থাকে যে, সত্যকে পৃষ্ঠপ্রদর্শন করে যতোটা সম্ভব দূরে চ'লে যায়। আমার কাছে রাজনীতির কোনোই মূল্য নেই। যারা সত্যের প্রতি উদাসীন, আমি তাদের পছন্দ করি না।’

ইউরির কথাগুলিকে সামডেভইয়াটভ ভাবলে এক বেয়াড়াগোছের রসিক লোকের বাহাদুরি নেবার চেষ্টা, তাই তার কথা শুনে সে শুধু হাসলো একটু।

তখনও কিন্তু ট্রেনের এই লাইন-বদল আর এগোনো-পেছোনো শেষ হয়নি। যতোবার গাড়ি শেষ সিগন্যালের কাছে গেলো, কোমরবন্ধে দুধের পাত্র-বাঁধা একটি জীলোক—রেলপথের সেই ছুঁচোলো মুখটায় সে তখন তার ডিউটিতে ছিলো—তার পশম বোনার কাজ ফেলে রেখে, ঝুঁকে পড়ে, সিগন্যালের হাতলে চাপ দিয়ে ট্রেনটাকে প্রত্যেকবার পেছনমুখে শহরের দিকে ফেরৎ পাঠিয়ে দিলে। গাড়ি যেই আন্তে-আন্তে পেছনে যেতে শুরু করে, অমনি সেও উঠে ব'সে গাড়ির দিকে তার ঘূষি বাগিয়ে নাড়তে শুরু করে দেয়।

ব্যাপারটাকে সামডেভইয়াটভ ব্যক্তিগতভাবে নিলে। ‘জীলোকটি কেন এ-রকম করছে?’ সে অবাক হ'য়ে ভাবলে, ‘মুখটা তো বেশ চেনা ঠেকছে। গ্লাশা টুন্টসেভা নাকি? উহ, গ্লাশা ব'লে তো মনে হচ্ছে না। এর বয়স আরো বেশি, রীতিমতো বুড়িই বলা যায়। কিন্তু যে-ই হোক না, আমার বিরুদ্ধে কী বলার আছে তার? জননী রাশিয়া এখন বিপ্লবে উত্তেজিত ব'লেই হোক, বা নবযুগের প্রসব-বেদনায় যন্ত্রণাকাতর ব'লেই হোক, এটা সত্যি যে রেলপথগুলো এখন এক জগাধিচুড়ি পাকিয়ে ব'লে আছে ; তার ফলে এই বুড়ির বরাতে নিশ্চয়ই ছুটি জুটছে কম—কাজেই তার ধারণা যেতো গণ্ডগোলের জন্ত দায়ী আমি, তাই আমাকে লক্ষ্য ক'রেই ঘূষি দেখাচ্ছে। যাক গে, সব গোঁজায় যাক! আমার যেন আর-কিছু ভাববার নেই।’

শেষটায়, অনেকক্ষণ পরে, জীলোকটি তার নিশেন নাড়তে-নাড়তে এঞ্জিন-চালককে চীৎকার করে কী যেন ব'লে দিলে ; এবার আর ট্রেনটিকে সিগন্যাল পেরিয়ে খোলা রাস্তায় যেতে সে কোনো বাধা দিলে না। কিন্তু

চোন্ধ নম্বর কামরা যখন তার আস্তানার পাশ দিয়ে গেলো, তখন মেঝের ব'সে-থাকা বাচাল ছ'জনকে লক্ষ্য ক'রে জিভ দেখিয়ে ভেংচি কাটলো সে। তাদের দেখেই সে তিরিক্দি হ'য়ে গিয়েছিলো। আবার সামডেভইয়াটভকে রীতিমতো চিন্তিত দেখা গেলো।

৫

গোল-গোল তেলের ট্যাক, টেলিগ্রাফের খুঁটি আর বিজ্ঞাপনের হোর্ডিং নিয়ে জলন্ত শহরগুলি দূরে মিলিয়ে গেলো, দেখা দিলো বন আর নিচু-নিচু পাহাড়ের দৃশ্য, আর ফাঁকে-ফাঁকে বড়ো রাস্তার ঝিলিক। তখন সামডেভইয়াটভ বললে :

‘চলুন, আমাদের জায়গায় গিয়ে বসি। আমাদের তো একটু পরেই নেমে যেতে হবে, আর তার এক স্টেশন পরেই আপনাদেরটা। লক্ষ্য রাখবেন, যাতে ভুল ক'রে না বসেন।’

‘এদিকটা আপনার খুব চেনা মনে হচ্ছে ?’

‘নিশ্চয়ই, একেবারে আমার খিড়কির উঠানের মতো। আশে-পাশের একশো মাইলের মধ্যে সব আমার চেনা। আমি ওকালতি করি তো, তাই জেনে নিতে হয়েছে। বিশ বছর ধ'রে প্র্যাকটিস করছি। প্রায়ই ব্যাবসানুত্রে বেরোতে হয়।’

‘এখনও ?’

‘নিশ্চয়ই।’

‘কিন্তু এখন যে-অবস্থা, তাতে ব্যাবসা চলে কী ক'রে ?’

‘এস্তার চলে। পুরোনো মামলা, ব্যাবসাদারি, চুক্তিভঙ্গ। কাজ নেই মানে ? কাজে ভুবে আছি, মাথার চুল খাড়া হ'য়ে যাবার জোগাড়।’

‘কিন্তু এ-সব কি বন্ধ ক'রে দেওয়া হয়নি ?’

‘বন্ধ যা হয়েছে, সে তো নামে মাত্র। কিন্তু আসলে এমন সব দাবি করা হচ্ছে যার একটার সঙ্গে আর-একটার কিছুই মেলে না। একদিকে জাতীয়করণের ধাক্কা, অন্যদিকে নগর-সোভিয়েটের জন্তু তেল জোগানো

চাই, তার ওপর প্রাদেশিক অর্থদল্লের জবরদস্তি আদায় রয়েছে। আর প্রত্যেকেই চায় বেঁচে থাকতে। তবু আর ব্যবহারের মধ্যে যখন অনেকটা তফাৎ থাকে, তখনকার সঙ্কটক্ষেণে এ-সব অভূত অব্যবস্থা ঘটবেই। ফলে এই সময়ে লোকে চায় আমার মতো মানুষকে, যে শুধু বিচক্ষণই নয়, অনেক ফাঁক-ফিকিরও জানে। ভাগ্যবান সে, যে বড্ড বেশি দেখতে পায় না। বাবা বলতেন যে মাঝে মাঝে নাকের ওপর এক-আধটা ঘুষি পড়লে কারো কোনো ক্ষতি হয় না। এই এলাকার প্রায় অর্ধেক লোকই জীবিকার জন্ত আমার ওপর নির্ভর করে আছে। এর মধ্যে আবার একদিন কাঠের জোগাড়ে ভারিকিনো যেতে হবে আমাকে। তাই ব'লে অবশ্য আজ-কালের মধ্যেই না। ঘোড়া ছাড়া যাওয়াই যায় না সেখানে—এদিকে আমার ঘোড়াটা খোঁড়া হ'য়ে প'ড়ে আছে। তা যদি না হ'তো তাহ'লে কি আমাকে এই চেরা-কাঠের স্তূপের ওপর ব'সে থাকত। খেতে-খেতে যেতে দেখতেন? কেমন গুঁড়ি মেরে-মেরে যাচ্ছে দেখুন—জানোয়ার কাঁহাকার! একে আবার রেলগাড়ি বলে! ভারিকিনোতে আমি আপনাদের কাজে লাগতে পাবি। আপনাদের ঐ মিকুলিংসিনদের আগাপাশতলার খবর আমার জানা আছে।'

‘আমারা কেন ওখানে যাচ্ছি, গিয়ে কী করবো সে সব আপনি শুনেছেন?’

‘একটু-আধটু ঝাঁচ করতে পারছি। মাতা প্রকৃতির সেই শাস্ত আত্মনাম : জমিতে ফেরো। মাথার ঘাম পায়ে ফেলে জীবিকা-নির্বাহের স্বপ্ন আরকি।’

‘তাতে দোষের কী আছে? আপনার কথা শুনে মনে হচ্ছে, ব্যাপারটা আপনার পছন্দ নয়।’

‘ছেলেমানুষি। একটা রাখালিয়া ভাব আছে অবশ্য। কিন্তু তা হ'লেই বা ক্ষতি কী?—আমার শুভেচ্ছা জানবেন। তবে কিনা আমার এতে বিশ্বাস নেই। রামরাজ্য। শিল্পকলা, কারিগরি। এই তো?’

‘আপনার কী মনে হয়? মিকুলিংসিনের কাছ থেকে কী-রকম অভ্যর্থনা পাবো আমরা?’

‘চৌকাঠ পর্যন্ত পেরোতে দেবে না, ঝাঁটা নিয়ে তাড়া করবে। অবশ্য এজন্ত ওকে দোষও দেওয়া যায় না। যা ঝগাটের মধ্যে আছে! কারখানা

বন্ধ, মজুররা ফেরার, জীবিকার কোনো উপায়ই নেই, এমনকি খাবার নেই পর্যন্ত—আর এমন সময় আপনাদের শুভাগমন! যদি আপনাদের খুনও করে, আমি অন্তত ওকে মোটেই দোষ দেবো না।’

‘এই দেখুন। আপনি একজন বলশেভিক, অথচ আপনিও স্বীকার করলেন যে যা চলছে তাকে জীবন বলা চলে না—তা হ’লো উন্নততা, এক বিকট দুঃস্বপ্ন।’

‘স্বীকার তো সব সময়েই করছি। কিন্তু এটা যে ঘটতোই, এটা যে ঐতিহাসিক কারণে অনিবার্হ ছিলো, তা কি আপনি দেখতে পাচ্ছেন না? একে মেনে নিতেই হবে আমাদের।’

‘অনিবার্হতাটা আপনি কোথায় দেখলেন?’

‘আপনি কি শিশু, না কি নেহাংই ভান করছেন? কথা শুনে তো মনে হয় যেন চাঁদ থেকে সত্ত্ব খ’সে পড়লেন। যতো রাজ্যের পেটুক আর পরগাছা স্মৃতিত মজুরদের পিঠে চেপে ব’সে তাদের মৃত্যুর দিকে ঠেলে নিয়ে যাচ্ছে, তবু আপনি ভাবছেন চিরকাল এমনি চ’লে যেতো? কতো ভাবে যে অত্যাচার আর শোষণ চলছিলো, সেটা ভেবেছেন একবার? জনসাধারণের এই রাগ, সুবিচারের জন্ত তাদের এই আকাজক্ষা, এই সত্য্যাঘেষণ—এ-সবের যার্থার্থ আপনি বুঝতে পারছেন না? না কি আপনি ভাবছেন এ-রকম মৌলিক পরিবর্তন কোনো ডুমা-র^১ মধ্য দিয়ে, লোকসভার পদ্ধতিতে সম্ভব হ’তে পারতো? ভাবছেন কি, ডিক্টেটরশিপ না-হ’লেও চলতে পারে আমাদের?’

‘আমরা দু’জনেই দু’জনকে ভুল বুঝছি, আর সেই জন্তেই একশো বছর ধ’রে তর্ক করলেও আমাদের মতের মিল হবে না। আমারও বিপ্লবী মনোভাব খুবই ছিলো, কিন্তু এখন দেখছি হিংসার দ্বারা কিছুই পাওয়া যায় না। ভালো হ’তে হবে—তবেই লোকেদের ভালোর দিকে টানা যায়। কিন্তু এ-কথা থাক। তা মিকুলিংসিনরা—আপনি যা বললেন তা-ই যদি আশা করতে হয় আমাদের তাহ’লে আমরা যাচ্ছি কেন সেখানে? বরং ফিরে যাওয়া থাক।’

‘পাগল হয়েছেন ! এটা তো ঠিক যে জগতে ওরাই একমাত্র লোক নয় । আর তারপর, মিকুলিংসিন বড্ড বেশি ভালোমাহুষ, ভালোমাহুষিটাই ওর পাপ । খুব হৈ-চৈ করবে, বাধা দেবে, কিছুতেই রাজি হবে না, তারপর এমন গ’লে যাবে যে গায়ের শাটটি স্বাক্ষর খুলে দেবে আপনাকে, শেষ কটির টুকরো ভাগ ক’রে থাকবে আপনার সঙ্গে । আমার এই হাতটাকে মেমন চিনি আমি, তেমনি কি ওকে চিনি না !’ এই ব’লে ইউরিকে সামডেভইয়াটভ মিকুলিংসিনের সব কথা খুলে বললে ।

৬

পঁচিশ বছর আগে মিকুলিংসিন পিটার্সবার্গ থেকে এখানে এসেছিলো । টেকনিকাল স্কুলের ছাত্র ছিলো সে, কী এক গণ্ডগোলার মধ্যে প’ড়ে গিয়ে পুলিশের পাহারায় এখানে অন্তরীণ হ’লো । ক্রোগারদের কারখানায় ম্যানেজারের চাকরি পেলো, তারপর বিয়ে করলো । তখন টুন্টসেভারা চার বোন ছিলো এখানে—চেখভের নাটকের চেয়ে একজন বেশি^১; আগ্রিগ্লিনা, আভডটিয়া, গ্রাফিরা (গ্রাশা) আর সেরাফিমা (সিমা) । ছোকরারা সবাই ছুটেছিলো তাদের পেছনে । মিকুলিংসিন বিয়ে করলো সবচেয়ে বড়ো বোনটিকে ।

‘কিছুদিন পরেই এক ছেলে হ’লো তাদের । স্বাধীনতা ভালোবাসে ব’লে নির্বোধ বাবা তার নাম দিলে লিবেরিয়ুস—লিবি ব’লে ডাকে সবাই —ডানপিটে ছেলে, কিন্তু অসাধারণ কতোগুলো গুণ ছিলো তার । যুদ্ধ যখন বাধলো তখন তার বয়স মাত্র পনেরো । সার্টিফিকেটে তারিখ জাল ক’রে, স্বৈচ্ছাসেবক হিসেবে সোজা যুদ্ধক্ষেত্রে চ’লে গেলো সে । তার মা আবার তারি দুর্বল মাহুষ, এই আঘাত সহ্য হ’লো না তাঁর । সেই যে বিছানা নিলো, আর উঠতে পারলো না । মারা গেলো ছ’বছর আগে, ঠিক বিপ্লবের পূর্বক্ষণটিতে ।

১ আন্টন চেখভের একটি বিখ্যাত নাটকের নাম ‘তিন বোন’ ।—অনুবাদের টীকা

‘যুদ্ধের শেষে তিনটি মেডেল নিয়ে বীতিমতো বীরের মতো লিবেরিয়ুস ফিরে এলো, আর না-বললেও চলে, যুদ্ধক্ষেত্রে থেকেই বিলকুল বলশেভিক হ’য়ে ফিরলো। আপনি “আরণ্যক ভ্রাতৃত্বের” কথা শুনেছেন কখনো?’

‘কই? না তো।’

‘তাহ’লে আপনাকে গল্প বলার কোনো মানেই হয় না, অর্ধেক ব্যাপারই বুঝতে পারবেন না আপনি। আর জানলা দিয়ে ঐভাবে বাইরের ঐ রাস্তার দিকে আপনার তাকিয়ে থাকারও কোনো মানে হয় না। ঐ যে রাস্তা দেখছেন—ওগুলোর আজকাল প্রধান বৈশিষ্ট্য কী বলুন তো? পার্টিজান—দলের লোক। আর দলের লোক কারা? গৃহযুদ্ধের সময় তারাই হ’লো বিপ্লবী পল্টনের মেরুদণ্ড। দুটি জিনিস একসঙ্গে মিলে এই শক্তির অভ্যুদয় ঘটিয়েছে: একদিকে রাজনৈতিক সংগঠন, যারা বিপ্লবের নেতৃত্ব নিজেদের কাঁধে তুলে নিয়েছে, অন্যদিকে সেনাবাহিনীর সাধারণ সৈন্য, যারা যুদ্ধে হেরে যাবার পর পুরোনো কর্তৃপক্ষের আদর্শ মানতে রাজি নয়। এই দুটো কারণেই এই দলের উদ্ভব। তাদের বেশির ভাগই হচ্ছে মাঝারি চাষি’, তবে সব রকম লোকেরাই আছে এর মধ্যে—গরিব চাষি, আলখাল্লা-ছাড়ানো পুরুষ, বাপেদের দিকেই বন্দুক তুলেছে এমন সব কুলাকপুত্র। আনার্জিস্ট আদর্শবাদীরাও আছে, আছে এমন লোক পাসপোর্ট নেই ব’লে যারা পালিয়ে বেড়াচ্ছে; নারীঘটিত ব্যাপারে জড়িয়ে পড়েছিলো ব’লে তাড়িয়ে-দেওয়া স্থলের ছেলেরাও কম নেই। স্বদেশে পুনর্বাসন আর স্বাধীনতা পাবার প্রতিশ্রুতি পেয়ে জার্মানি আর অস্ট্রিয়ান যুদ্ধের বন্দীরাও এসে যোগ দিয়েছে এদের সঙ্গে। জনসাধারণের এই বিপুল সৈন্যদলের একটি অংশের নাম হ’লো আরণ্যক ভ্রাতৃত্ব, আর এই ভ্রাতৃত্বের অধিনায়ক হলেন কমরেড ফরেস্টার, আর কমরেড ফরেস্টার হলেন লিবি, লিবেরিয়ুস আন্ডেরসিএভিচ, আন্ডেরসিয়াস মিকুলিংসিনের ছেলে।’

‘সত্যি বলছেন?’

১। লেনিনের ভাষ্য অনুসারে চাষিরা তিন দলের—ধনী চাষি (কুলাক), সাধারণ আয়ের চাষি (মাঝারি) আর গরিব চাষি, তাদের কোনো জমিজমা নেই।

‘মিশ্রয়ই। ঠিক তা-ই।—কিন্তু এবার আভেরদিয়ানের কথায় ফেরা বাক। জীবন মৃত্যুর পর সে আবার বিয়ে করেছে। তবে দ্বিতীয় স্ত্রী, হেলেন, একেবারে শাদাশিধে সয়ল মাহুস—তার স্বভাবও তা-ই, ইচ্ছেটাও ঐরকম। স্কুল থেকেই সোজা গির্জায় চ’লে গিয়েছিলো বিয়ে করতে, এখনো রীতিমতো যুবতী, কিন্তু ভান করে যেন বয়স আরো কম। খামকা কথা বলে, কেবলই কিচিরমিচির ক’রে চলেছে, যেন ভাজা মাছটি উল্টে খেতে জানে না। দেখামাত্র আপনার একটা পরীক্ষা নেবে সে : “স্বভরভ কবে জন্মেছিলেন ? ত্রিভুজের দুই বাহু কখন তৃতীয় বাহুর সমান হয় ?” যদি আপনাকে ঘায়েল করতে পারলো তো তার খুশি আর ছাথে কে। কিন্তু সবুর করুন, কয়েক ঘণ্টার মধ্যেই নিজের চোখে সব দেখতে পাবেন।

‘বুড়োর নিজের আবার কিছু-কিছু অভূত বৈশিষ্ট্য আছে। সে নাবিক হ’তে চেয়েছিলো ব’লে সামুদ্রিক যন্ত্রবিজ্ঞা শিখতে শুরু করেছিলো। পরিকার দাড়ি-গোঁফ কমানো, মুখে পাইপটি লেগেই আছে, আন্তে-আন্তে, বেশ সহৃদয়-ভাবে দাঁতের ফাঁক দিয়ে কথা বলে, পাইপ-খোরদের যেমন হয় তেমনি তার নিচের চোয়ালটি উচোনো, চোখ দুটি ঠাণ্ডা, ছাইরঙের।—ও, বলতে প্রায় ভুলে যাচ্ছিলাম—সে আবার একজন সমাজতন্ত্রী বিপ্লববাদী, আঞ্চলিক প্রতিনিধি হিসেবে সংবিধানসভার^১ সভ্য নির্বাচিত হয়েছিলো।’

‘এটা তো খুব জরুরি খবর! তাহ’লে বাপে-ব্যাটায় একেবারে আদায়-কাঁচকলায়। রাজনীতির ব্যাপারে উল্টোউল্টি।’

‘তব্বের দিক দিয়ে বিরোধী বইকি, কিন্তু কাজের বেলায় অরণ্য আর ভারিকিনোর মধ্যে কোনোই বিরোধ নেই। কিন্তু সে-কথা থাক, আগে আমাদের গল্পটাই শেষ করি। টুন্টসেভ-ভগ্নীদের বাকি তিনজন—মিকুলিৎসিনের প্রথম বিবাহের শালিকারা—এখনো ইউরিয়্যাটিনেই বাস করছে, কেউই বিয়ে করেনি, এখনো তারা কুমারীই আছে ; কিন্তু দিনকাল বদলে গেছে এখন, এই মেয়েরাও বদলেছে।

^১ ক্রেস্তারি-বিপ্লবের পরে অস্থায়ী সরকারের অধীনে সংবিধানসভা (Constituent Assembly) গঠিত হয়েছিলো : বলশেভিকরা যখন তাতে সংখ্যাগরিষ্ঠ পেলো না, তখন তারা তা ভেঙে দিলে।

‘সবচেয়ে বড়োটি, অর্থাৎ আভডোটিয়া, পার্লিক লাইব্রেরির একজন সহকারী। রূপসী, শ্রামবর্ণা, অসম্ভব লাজুক, একটু কিছুতেই টুকটুকে লাল হয়ে ওঠে। লাইব্রেরিতে যা দুর্দশা ওর!—মায়াস্করকম চূপচাপ জায়গাটা, এদিকে বেচারির আবার বারোমাস সর্দি—হাঁচি শুরু হ’লে এমন হয় যেন মাটির তলায় লুকোতে পারলে বাঁচে।—সব স্নানুর ব্যাপার আরকি।

‘তার পরের জন—গ্লাশা—সে হ’লো পরিবারের সম্পদ। দারুণ উৎসাহ, আশ্চর্য কাজের মেয়ে, যে-কোনো কাজ করতে রাজি আছে। কমরেড ফরেস্টার, অর্থাৎ লিবি নাকি তার মাসির ধাত পেয়েছে। গ্লাশা আজ হয়তো দরজির কাজ করছে, আবার পরের দিনই মোজার কারখানায় কাজ নিলো, তারপর আরেকদিন হয়তো দেখা গেলো সে নাপতেনি হয়েছে। রেল-লাইনের মোড়ে সেই মেয়েটাকে দেখেছিলেন, যে আমাদের দেখে ঘুমি বাগাচ্ছিলো?—আরে মশাই আমি তো ভেবেছিলাম গ্লাশাই হয়তো রেল চাকরি নিয়েছে এখন। তবে গ্লাশা ব’লে মনে হয় না, কারণ ঐ মেয়েটিকে বড় বড়ো দেখাচ্ছিলো।

‘আর তারপর সকলের ছোটোটি, সিমা। সে হ’লো ওদের অভিষাপ। কতো যে গুণগোল হয় তার জ্ঞান, তার কোনো নীমা নেই। এমনিতে কিন্তু শিক্ষিত, বিস্তার পড়েছে, কবিতা আর দর্শনের দিকে ঝাঁক ছিলো। কিন্তু বিপ্লবের পর থেকে—উন্নতি, বক্তৃতা আর হৈ-চৈ মিছিলের ফলেই হয়তো—কেমন একটু মাথা-খারাপ-মতো হয়েছে তার, এখন তার বাতিক হয়েছে ধর্ম। বোনেরা কাজে বেরোবার সময় তাকে তালা বন্ধ ক’রে যায়, কিন্তু সে লাফিয়ে বেরিয়ে আসে জানলা দিয়ে, রাস্তায় গিয়ে ভিড় জমিয়ে “দ্বিতীয় আগমন” আর “সৃষ্টির অবসান” বিষয়ে বক্তৃতা শুরু ক’রে দেয়।—না, এবার আমার বকবকানি খামানো উচিত, প্রায় এসে পড়েছি বলতে গেলে। এই স্টেশনেই আমি নামবো, আপনার স্টেশন হ’লো এর ঠিক পরেরটা। এখন থেকেই বরং তৈরি হ’য়ে নিন।’

সে চ’লে যেতেই টোনিয়া ইউরিকে বললে, ‘জানি না তোমার কী মনে হচ্ছে, কিন্তু আমার মনে হয় ঈশ্বরই যেন লোকটিকে পাঠিয়েছেন আমাদের কাছে। মনে হচ্ছে আমাদের জীবনে সে কোনো অংশ নেবে, কোনো সাহায্য করবে।’

‘আমারও তাই মনে হচ্ছে। কিন্তু আমি চিন্তিত হচ্ছি কেবল এই ভেবে যে সবাই তোমাকে ক্র্যোগারের নাৎনি বলে চিনতে পারছে, আর ক্র্যোগার এতো পরিচিত ছিলেন এই এলাকায় যে তাও আমাকে ভাবিয়ে তুলছে। আমি ভারিকিনোর কথা বলতেই স্টেলনিকভও বিক্ৰীভাবে জিজ্ঞেস করে বসেছিলো যে আমরা ক্র্যোগারের উত্তরাধিকারী কিনা।

‘যাতে লোকের চোখে পড়তে না হয়, সেইজন্য আমরা মস্কো ছেড়েছি। এখন দেখছি এখানে আমরা আরো বেশি লোকের চোখে পড়বো। এমন নয় যে এ-বিষয়ে কিছু করা যাবে; তাছাড়া যা হ’য়ে গেছে তা নিয়ে বিলাপ করার মানে হয় না। কিন্তু বেশি জাঁকজমক না-দেখালেই আমরা ভালো করবো, চলন-বলনে যাতে দেমাকের ভাব না থাকে, সেদিকে নজর রাখতে হবে। সব মিলিয়ে কেন যেন একটা অমঙ্গলের আশঙ্কা মনে জাগছে...কিন্তু আমাদের নামবার সময় বোধ হয় হ’য়ে এলো। তোমার বাবাকে জাগানো যাক, তৈরি হ’তে হবে।’

৭

যাতে ট্রেনে কিছুই প’ড়ে না থাকে, সেজন্য টোরকিআনাইয়া স্টেশনের প্ল্যাটফর্মে দাঁড়িয়ে টোনিয়া সন্দের মানুষ আর লটবহর গুনে দেখছিলো বারে-বারে। বহু লোকের পায়ে-মাড়ানো স্টেশনের বালি স্থির হ’য়েই ছিলো তার পায়ের তলায়, কিন্তু তবু স্টেশনটা যাতে কিছুতেই ফস্কে না যায় সেজন্য উদ্বেগে তার মন ভ’রে ছিলো। যদিও ট্রেন তার চোখের সামনে তখন নিশ্চল দাঁড়িয়ে আছে, তবুও সে যেন চাকার গমগমে আওয়াজ শুনতে পাচ্ছিলো। এই জন্তই সে কোনো-কিছুই ভালোভাবে দেখতে, শুনতে বা বুঝতে পারছিলো না।

যে-সব যাত্রী আরো দূরে যাবে, তারা গাড়ি থেকে চেষ্টা করে বিদায়-সম্ভাষণ জানাচ্ছিলো তাকে, হাত নাড়ছিলো বারে-বারে, কিন্তু সে একটু লক্ষ্য পর্যন্ত করলে না তাদের। ট্রেন যখন ছেড়ে দিলো তখনও সে বুঝতে পারেনি যে ট্রেন চ’লে গেছে—এটা সে বুঝলো তখন, যখন সে আবিষ্কার করলো যে সে শূন্য রেল-লাইনের পাশের সবুজ মাঠ আর শূন্য আকাশের দিকে তাকিয়ে আছে।

স্টেশনটি পাথরে তৈরি, প্রবেশ-পথের দু'পাশে কতোগুলো বেঞ্চি পড়ে আছে। টোরফিআনাইয়ায় শুধু জিভাগোরাই নেমেছিলো। মাটিতে লটবহর রেখে একটা বেঞ্চিতে বসে পড়লো তারা।

স্টেশনের নীরবতা, শূন্যতা ও পরিচ্ছন্নতা তাদের অবাক ক'রে দিলে। ভিড়, ছুটোছুটি, গালি-গালাজ, এ-সব যে কিছুই নেই এটা ভারি আশ্চর্য লাগলো তাদের। এই সুদূর নির্জন প্রদেশকে এখনো ইতিহাস গ্রেপ্তার করতে পারেনি, আর সেইজন্তই রাজধানীর মতো বস্ত্র ও বর্বর হ'য়ে উঠতে আরো সময় লাগবে জীবনের।

একঝাঁক বার্চগাছের মধ্যে স্টেশনটি লুকোনো। (ট্রেন যখন এখানে এসে দাঁড়িয়েছিলো, তখন কামরার ভেতর সন্ধেবেলার মতো, অন্ধকার হ'য়ে গিয়েছিলো।) এবার সেই প্রায়-নিশ্চল গাছদের ছায়া আলগোছে তাদের মুখ, চোখ, হাতের ওপর কাঁপতে থাকলো; ছায়া ঘনিয়ে এলো স্টেশনের দেয়াল, ছাত আর মাটির ওপর, ছায়া ঘনিয়ে এলো প্লাটফর্মের পরিচ্ছন্ন, সোঁদা-হলদে বালুর ওপর, তারপর তেমনি শিরশির ক'রে কাঁপতে শুরু ক'রে দিলে। গাছপালার ঘনতায় বেশ ঠাণ্ডা ক'বে এলো, আর তেমনি ঠাণ্ডা স্বর শোনা গেলো পাখির গানের। সততার মতো সরল আর নিরলংকার সেই স্বর বনের এক প্রান্ত যেন চিরে দিলে, তারপর হাওয়া তাদের ব'য়ে নিয়ে গেলো আরো দূরে। রেল-লাইন আর গ্রামের পথ দু'জায়গায় ভেদ করেছে সেই বার্চগাছের বনকে; তার ঝুঁকে-পড়া দোলায়িত ডালপালার ডিলে, লম্বা ছায়া দু'জায়গাতেই ঘন হ'য়ে জ'মে আছে।

হঠাৎ, একসঙ্গে, দেখবার আর শোনবার ক্ষমতা ফিরে এলো টোনিয়ার। সুরময় পাখির গলা, বনভূমির বিস্তৃত নির্জনতা, আর স্তব্ধতার প্রশান্ত শ্রোত—সব একসঙ্গে আঘাত দিলে তার সংবিতে। বলবে ব'লে কতোগুলি কথা সে ঠিক ক'রে রেখেছিলো: 'আমরা যে শেষ পর্বন্ত এখানে নিরাপদে পৌঁছতে পারবো, এ-কথা আমি বিশ্বাসই করতে পারিনি, ডার্লিং। তোমার ঐ টেলনিকভ সামনাসামনি ভদ্র ব্যবহার ক'রেছে বাটে, কিন্তু ইচ্ছে করলেই টেলিগ্রাম ক'রে জানিয়ে দিতে পারতো, ট্রেন থেকে নামার সঙ্গে-সঙ্গেই যেন আমাদের গ্রেপ্তার করা হয়। ওদের ভালোমাহুধিকে মোটেই বিশ্বাস করা

যায় না, সব ওদের ভান।' কিন্তু চোখের সামনে এই মায়াবী দৃশ্য দেখে একেবারে বিপরীত কথা তার মুখ দিয়ে বেরিয়ে এলো। 'বাঃ, কী হৃন্দর,' কাঁপা গলায় চৈচিয়ে উঠলো সে। আর-কিছুই সে বলতে পারলো না। চোখে তার জল এসে গেলো।

তার কান্নার আওয়াজ পেয়ে স্টেশন-মাষ্টারের উর্দি-পরা ছোটোখাটো একজন বুড়োমাসুষ খপখপ ক'রে এগিয়ে এলেন। লাল চূড়ো-বসানা টুপির ডগা ছুঁয়ে নরম গলায় বললেন :

'স্টেশনের দেওয়াল থেকে কোনো ওষুধ এনে দিতে হবে কি মহিলাটিকে ?'

'না, না, ও কিছু না। ধন্যবাদ আপনাকে। এফুনি সামলে নেবেন উনি।' আলেকজান্ডার আলেকজান্ড্রাভিচ বললেন।

'রাস্তার উষ্মে আর উৎকর্ষার জন্ত এমন হয়—অনেক হয় এ-রকম। তার ওপর এই আফ্রিকার গরম, যা এ-দেশে প্রায় নেই। অবশ্য সবচেয়ে মারাত্মক হ'লো ইউরিয়টিনের ঘটনাগুলি।'

'আসবার সময় আমরা ট্রেন থেকে আগুন দেখেছি।'

'যদি আমার ভুল না হয়, আপনারা তো রাশিয়া^১ থেকে আসছেন, তাই না ?'

'একেবারে তার কেন্দ্র থেকে।'

'মস্কো থেকে! তাই ওঁর স্নায়ু এমন বিপদস্ত হয়েছে। এতে আর অবাক হবার কী আছে। লোকে বলে সেখানে নাকি একটা পাথরও আস্ত নেই।'

'এতোটা ধারণা অবস্থা নয় কিন্তু। লোকে একটু বাড়িয়েই বলে। তবে কিছুটা বিপদ যে গেছে, তা মিথ্যে নয়। এ আমার মেয়ে, ইনি তার স্বামী, আর এটি তাদের ছেলে। আর ঐ তার আয়া, নিউশা।'

'নমস্কার। নমস্কার। খুব সুখী হলাম। আপনাদের জন্তই অপেক্ষা করছিলাম আমি। আনফিম ইয়েফিমোভিচ সামডেভইয়াটভ সাক্ষা থেকে আমাকে ফোন করেছিলেন। বলেছিলেন, মস্কো থেকে ডাক্তার জিভাগো আসছেন সপরিবারে, আমি যেন যথাসাধ্য সাহায্য করি তাঁদের। তা, আপনি তো ডাক্তার জিভাগো ?'

^১ সোভিয়েত রাশিয়ার কথা বলা হচ্ছে (সাইবেরিয়া নয়)।

‘না, ডাক্তার জিভাগো হলেন আমার জামাই, ঐ যে উনি। আমি ডাক্তার নই, কৃষিতত্ত্বের অধ্যাপক ; আমার নাম গ্রোমেকে।’

‘কল্প মাপ করবেন। আপনার সঙ্গে পরিচিত হ’য়ে খুব ভালো লাগলো।’

‘সামডেভইয়াটভকে তাহ’লে চেনেন আপনি ?

‘আশ্চর্য কর্মী পুরুষ, আনফিম ইয়েফিমোভিচকে কে না চেনে ! আমাদের আশা-ভরসা বলতে যা-কিছু, সব হলেন উনি—আমাদের একমাত্র অবলম্বন। উনি যদি না থাকতেন, তাহ’লে অনেক আগেই মরতে হ’তো আমাদের। যথাসাধ্য সাহায্য করবেন তাঁদের, ফোনে বললেন আমাকে। আমি বললাম, ভালো কথা, তা-ই হবে। সাহায্য করবো ব’লে প্রতিশ্রুতি দিলাম। তা আপনারদের ঘোড়া লাগবে কি, বা অস্ত্র কিছু ? কোথায় যেতে চান আপনারা ?’

‘ভারিকিনো। সেটা কি অনেক দূর এখান থেকে ?’

‘ভারিকিনো ! সেই জগ্গেই আমি কেবল ভাবছিলাম আপনার মেয়েকে যেন চেনা-চেনা লাগছে ! তাহ’লে আপনারা ভারিকিনো যেতে চান ? এখন সব বুঝতে পারছি ! আমি আর ইভান এর্নেস্টোভিচ ক্রোগারের, এই দু’জন মিলে এই রাস্তা বানিয়েছিলাম। একুনি ঘোড়ার ব্যবস্থা করছি। একটা লোক ডেকে দিচ্ছি গাড়ি পাওয়া যায় কিনা খোঁজ নিতে। —ডোনাট ! ডোনাট ! এ-সব মালপত্র এখনকার মতো ওয়েটিংরুমে নিয়ে যাও। ঘোড়া পাওয়া যাবে তো ; দৌড়ে যাও চা-ঘরে ; ছাখো, কী করা যায়। সকালবেলায় ব্যাকাস ঘোরাঘুরি করছিলো এদিকে। এখনো আছে কিনা, ছাখো। বোলো, যে ভারিকিনোয় যাবার চারজন যাত্রী আছে। নতুন এসেছে, সঙ্গে মালপত্র নেই বেশি—এ-কথাও বোলো। আর একটু তাড়াতাড়ি কোরো।...এবার যদি মহিলাটিকে এই বৃদ্ধ কোনো উপদেশ দেয় তো কিছু মনে করবেন না। ইভান এর্নেস্টোভিচ ক্রোগারের সঙ্গে আপনার কী সম্বন্ধ, সে-কথা আমি ইচ্ছে ক’রেই জিজ্ঞেস করিনি। এ-বিষয়ে খুব সাবধানে কথা বলবেন। যা দিনকাল—খুব একটা দিলখোলা হওয়া সম্ভব নয় আপনার পক্ষে।

ব্যাকাসের নাম শুনে যাত্রীরা বিস্মিত হ'য়ে একে-অন্তের মুখের দিকে তাকালে। নিজেকে যে এক দুর্জয় লোহমানবে পরিণত করেছে, সেই অতিকায় কামার সম্পর্কে আনা যে-সব গল্প বলেছিলেন, সব তাদের মনে পড়লো; সেই সঙ্গে তাঁর বলা আরো বহু স্থানীয় উপকথাও একে-একে মনে পড়লো তাদের।

৮

যে-শাদা ঘোড়াটা এলো, সে আবার সত্ত্ব বাচ্চা দিয়েছে, আর তার কোচোয়ান—ঝলঝলে কানওলা বুড়োমাহুষ—চুলগুলি তার কায়দা ক'রে ফোলানো—সেও দেখতে ঠিক একটা শাদা প্যাচার মতো। কী-এক কারণে তার সব-কিছু শাদা দেখাচ্ছে: বটগাছের ছাল দিয়ে তৈরি নতুন জুতো-জোড়া এখনো কালো হ'য়ে যায়নি, আর তার লিনেনের শার্ট আর প্যাণ্ট পুরোনো হ'তে হ'তে একেবারে ঝাপসা হ'য়ে গেছে।

ঘোড়ার সেই বাচ্চাটি—কৌকড়ানো তার কেশর আর দেখতে রাজির মতো কালো—সে যেন ঠিক এক রং-করা পুতুল;

নরম হাড়গুলা পা ছুঁড়তে-ছুঁড়তে সে তার মার পেছনে ছুটে এলো।

খাদ-ভর্তি এবড়ো-খেবড়ো রাস্তার ওপর দিয়ে যখন ঝাঁকুনি খেতে-খেতে গাড়ি চললো, যাত্রীরা সবাই গাড়ির গায়ে হেলান দিয়ে থাকলো। শান্তি নেমেছে তাদের হৃদয়ে। স্বপ্ন তাদের সত্যি হ'তে চলেছে এবার, পথ প্রায় শেষ হ'য়ে এলো। স্তব্ধ, স্বচ্ছ দিনের শেষ ক্ষণটুকু অনেকক্ষণ ধ'রে দরাজ তার উদার দীপ্তি ছড়িয়ে দিলে।

পথ তাদের কখনো নিয়ে গেলো বনের ছায়ায়, কখনো খোলা মাঠে। বনের ভেতর দিয়ে যাবার সময় যতোবার গাড়ির চাকার সঙ্গে গাছের শেকড়ের ধাক্কা লাগলো, ততোবার তারা একে অন্তের গায়ের ওপর স্তুপাকারে প'ড়ে গেলো, তারপর আবার উঠে বসলো তুচ্ছ কুঁচকে, কাঁধ ঝাঁকিয়ে জড়োসড়ো হ'য়ে বসলো একসঙ্গে। কিন্তু খোলা মাঠের ওপরে যখন দিগন্ত তার হৃদয়ের পূর্ণতা থেকে তাদের অভিমানন করলে, তখন তারা জ্বালো হ'য়ে বসলো, আরাম ক'রে, মাথা উঁচু ক'রে।

পাহাড়ি দেশ। আর পাহাড়দের, সব সময়েই দেখা যায়, আত্মপ্রকাশের

ভক্তি একেবারে নিঃশব্দ। গর্বিত ছায়ামূর্তির মতো, বিশাল অন্ধকার শরীর নিয়ে গা-ঝাড়া দিয়ে ওঠে তারা দূরে, দিগন্তের কাছে, নিঃশব্দ নজর রাখে ষাট্রীদের চলাফেরার ওপর। কিন্তু স্নিগ্ধ গোলাপি আলো মাঠের ওপর দিয়ে তাদের অহুসরণ ক'রে যেতে-যেতে সান্দ্রনা দিলো তাদের, আশা জাগিয়ে রাখলো।

সব-কিছুই স্থখে ভ'রে দিলো তাদের, অবাক ক'রে দিলো—সবচেয়ে বেশি পাগলাটে বুড়ো কোচোয়ানের অবিরাম বকুনি; সেকেলে প্রবাদ, তাতারদের কথার ধরন, ভাষার স্থানীয় বৈশিষ্ট্য—এই সব-কিছুর সঙ্গে তার নিজেরও কিছু-কিছু সৃষ্টি যুক্ত হয়েছিলো, যার ফলে তার ভাষা কেবল নতুনই লাগছিলো না, অদ্ভুত ব'লেও বোধ হচ্ছিলো।

যখনই বাচ্চাটি পেছিয়ে পড়ে, ঘোড়াটি খেমে অপেক্ষা করে তার জন্তে। একটুক্কণের মধ্যেই বাচ্চাটি তার নরম ঢেউ-খেলানো লাফ দিয়ে মা-কে ধ'রে ফ্যালে; তারপর, কাছাকাছি-বসানো তার লম্বা পা ফেলে বেখাপ্লাভাবে হাঁটতে-হাঁটতে গাড়ি পর্যন্ত এসে, তার লম্বা গলা বাড়িয়ে, ছোট্ট মাথাটা গাড়ির জোয়ালের তলায় বাড়িয়ে দেয় তার মায়ের স্তন্যপান করবে ব'লে।

‘এটা কিন্তু আমি কিছুতেই বুঝতে পারছি না,’ ইউরিকে চেষ্টা করে বললো টোনিয়া; চাঁচালেও, প্রত্যেকটি শব্দ সে আলাদা ক'রে উচ্চারণ করলে, কেননা গাড়ির ঝাঁকুনিতে এমনতেই দাঁতে-দাঁতে ঠোকাঠুকি লাগছে, তার ওপর হঠাৎ যদি একটু ধাক্কা খেয়ে বসে তো জিভে কামড় প'ড়ে যেতে পারে। ‘মা আমাদের যে ব্যাকাসের কথা বলতেন, সে কি এই বুড়ো? ঐ গল্পটা মনে আছে তোমার? সেই যে, সেই কামারের গল্প, একবার লড়াই করতে গিয়ে যার নাড়িভুঁড়ি ছিঁড়ে গিয়েছিলো ব'লে সে নিজেই লোহা দিয়ে সব বানিয়ে নিয়েছিলো নতুন ক'রে?—লৌহ-জঠর ব্যাকাস। ওটা যে নিছকই গল্প তা তো বোঝাই যাচ্ছে। কিন্তু এই সত্যিকার লোকটাকে নিয়েই কি এ-সব গল্প বানানো হয়েছিলো?’

‘না, না, তা নয়। প্রথমত, তোমার কথামতোই, এটা নিছকই একটা গল্প, একটা উপকথা মাত্র, তার ওপর মা আমাদের বলেছিলেন যে তাঁর ছেলেবেলায় যখন এই উপকথা শোনেন, তখনই সেই উপকথার বয়স

একশো বছর হ'য়ে গিয়েছিলো, কিন্তু এতো জোরে কথা বোলো না, তুমি নিশ্চয়ই বুড়োর মনে কষ্ট দিতে চাও না ?'

‘ও-বুড়ো কিছুই শুনতে পাবে না, একেবারে বন্ধ কাল। আর তাছাড়া যদিই বা শোনে, কিছুই বুঝতে পারবে না—বুড়োর মাথার ঠিক নেই।’

‘ওহে, ফিয়োডর নেফিয়োভিচ!’ ঘোড়াকে লক্ষ্য ক’রে ট্যাংগালো বুড়ো, যদিও সে ও তার যাত্রীরা এটা ভালো ক’রেই জানে যে এটি মাদি ঘোড়া, তবু বোধহয় পুরুষের নাম এবং পদবী সমেত তাকে সম্বোধন করার কোনো কারণ ছিলো। ‘দৈশ, কী মারাত্মক গরম! গোল্লায় যাক সব! ঠিক যেন পারশ্বের চুল্লিতে ঢুকে-পড়া আব্রাহামের ছেলেমেয়ের অবস্থা! জোরে চল, ব্যাটা! আধপেটা শয়তান! ওরে মাজেপা^১, তোকেই বলছি—শুনছিস ?’

মাঝে-মাঝে আবার, একটুও ভূমিকা না-ক’রে, পুরোনো ছড়া আঙড়াতে শুরু করে বুড়ো ; শুনেই বোঝা গেলো আগেকার দিনে ক্রোম্বারদের কারখানাতেই এ-সব তৈরি হয়েছিলো।

‘বিদায়, কারখানার আঙিনা আর ফটক,
বিদায়, কাঁচা লোহা, ইস্পাত,
কর্তার রুটি বাসি ঠেকছে আমার,
ঘেন্না ধ’রে গেছে জলে।
তীর পেরিয়ে সাঁতার কাটিছে রাজহাঁস,
কাঁচা লোহা নেই তার, আছে পা।
না, আমি মদ খেয়ে টলছি না,
ভানিয়া চ’লে গেছে সেপাই হবে ব’লে।
মাশা, কাঁদিসনে, আমি তো হাবা নই,
হাবা নই, সংও নই আমি,
এই চললুম শহরে
সেণ্টেটিউরিখাতে কাজ করতে।’

‘ওয়ে শয়তানের ঘোড়া! জ্বাখো, জ্বাখো একবার পচা মড়াটাকে।
চাবুক দিলাম ওকে, আর ও কিনা উণ্টে কথা বলতে আসে! শোনো,

^১ পিটার দি ব্রোটার সময়ে মাজেপা ছিলেন ইউক্রেনের কসাকদের অধিনায়ক।

কেডিয়া নেফেডিয়া, একবার পষ্ট ক'রে বলো দিকিনি, তুমি যাবে কি যাবে না !
—ঐ জঙ্গল ? ওটাকে বলে 'টায়িগা',^১ ওটার কোনো শেষ নেই। আর এর
ভেতরে যতো চাষি রয়েছে তাদেরও কোনো সীমাসংখ্যা নেই, "আরণ্যক
ভ্রাতৃত্ব" রয়েছে এর মধ্যে। আঃ, ফেডিয়া নেফেডিয়া, আবার তুই থেমেছিস,
হতচ্ছাড়া কোথাকার !'

বলতে-বলতে হঠাৎ সে ফিরে তাকালো টোনিয়ার দিকে, সোজা চোখের
ওপর চোখ রাখলো।

‘ও ঠাকরন, শুনছেন, আপনার কি বুদ্ধিস্বুদ্ধি আছে কিছু ? ভেবেছিলেন
আপনি কে, তা বুঝতে পারবো না। আপনি যে খুব সোজা মনের মানুষ
তা তো দেখতেই পাচ্ছি ! চিনতে পারবো না ? না-পারলে মরণ হোক
আমার। স্পষ্ট চিনতে পেরেছি ! প্রথমটায় তো নিজের চোখকেই বিশ্বাস
হচ্ছিলো না—একেবারে গ্রিগভের জ্যান্ত ছবি (ক্র্যাগার নামটিকে বুড়ো বলে
গ্রিগভ)। ‘আপনি তার নাংনি তো, না অস্ত কিছু ? আমি না-পারলে
একজন গ্রিগভকে আর কে চিনতে পারবে ! তার কাজ ক'রেই আমার
সারা জীবন কেটেছে—তার সব কথাই জানি আমি। তার জন্ত সব ধরনের
কাজই আমি করেছি—কাঠুরে হ'য়ে খনিতে কাজ করেছি, মাটির ওপরে
কপিকলে, এমনকি আন্তাবলেও কাজ করতে হয়েছে আমাকে।—চল, চল,
শরীরটাকে একটু নড়াবার চেষ্টা কর ! এই ঝাখো, আবার ধামলো, যেন
পা ব'লে কিছু নেই ওর ! হা চীনদেশের দেবদূত ! কেন, আমি যে তোকে
কথা বলছি, তা কানে যাচ্ছে না বুঝি ?

‘হ্যা, এইমাত্র আপনি জিজ্ঞেস করছিলেন যে আমি সেই একই কামার
ব্যাকাস কিনা ! আপনি একেবারেই সোজা মনের মানুষ—ভাগর চোখ
আছে, কিন্তু মগজ নেই একটুও। আপনার ঐ ব্যাকাস—লোকে তাকে
ডাকতো পোস্টানগভ ব'লে, লৌহ-জঠর পোস্টানগভ—প্রায় দু-কুড়ি বছর
আগে তাকে কবর দেওয়া হয়েছে। কিন্তু আমার নাম হ'লো মেখনানি।
আমাদের ডাকনাম এক, কিন্তু পদবী ভিন্ন।

একটু-একটু ক'রে বুড়ো তাদের মিকুলিংসিনের খবর দিলে, তারা অবশ্য

১। সাইবেরিয়ার অকবিত্ত অরণ্য।

আগেই সে-সব সামডেভইয়াটভের কাছ থেকে শুনছিলো। মিকুলিংসিনের দ্বিতীয় স্ত্রীকে সে বললে ‘তার দুই নম্বর’, কিন্তু প্রথম জনের কথা উঠতে বললে, ‘লক্ষ্মী’, ‘স্বর্গের দেবদূত।’ দলের নেতা লিবেরিয়ুসের কথা বলতে গিয়ে সে যখন শুনলো যে তার খ্যাতি এখনো মস্কোতে পৌঁছয়নি, এবং যখন জানলো যে সেখানকার কেউ আরণ্যক ভ্রাতৃত্বের কথা জানে না, তখন সে কিছুতেই বিশ্বাস ক’রে উঠতে পারলো না সে-কথা :

‘তারা শোনেনি ? কমরেড ফরেস্টারের কথা শোনেনি ! চীনদেশের দেবদূত ! তাহ’লে তাদের কান আছে কী করতে ?’

সন্ধে এগিয়ে আসছে। তাদের ছায়া ক্রমশ বড়ো থেকে আরো বড়ো হ’য়ে উঠে, তাদের আগে-আগে ছুটে চললো। তাদের গাড়ি চলছিলো সমতলের ওপর দিয়ে, একটি গাছপালাও নেই সেদিকে। মাঝে-মাঝে এদিকে-ওদিকে কেবল কতোগুলো একলা ঝোপ চোখে পড়ছে, কোনোটা লম্বা লতানো টেপারির ঝোপ, কোথাও বা ওষধি আর কাঁটাগাছের জটিলতা ভেদ ক’রে গোছা-গোছা ফল ফুটে আছে। সূর্যাস্তের আলো প’ড়ে একেবারে মাটির সমতল থেকে আলো হ’য়ে উঠেছে ঝোপগুলো, আর যেন ভূতুড়ে উচ্চতায় উঠে দাঁড়িয়েছে তারা—ঘোড়ায় চড়া সাদা যেন ফাঁক-ফাঁক হ’য়ে দাঁড়িয়ে নিশ্চলভাবে এই সমতলভূমি পাহারা দিচ্ছে।

উপত্যকা নিজেকে ছড়িয়ে দিয়েছে অনেক দূরে, দিগন্তে। শেষ হয়েছে উঁচু একসার পাহাড়ের তলায়। পাহাড়ের তলায় কোনো জলস্রোত কিংবা খাদ আছে ব’লে অনুমান করা যায় ; পথের ওপর পাহাড় দাঁড়িয়ে আছে দেয়ালের মতো, যেন সেখানকার আকাশ দুর্গপ্রাচীর দিয়ে ঘিরে রাখা, আর এই পথ গিয়ে শেষ হবে কোনো তোরণের কাছে।

পাহাড়ের চূড়ায় লম্বা, নিচু শাদা একটি বাড়ি দাঁড়িয়ে আছে।

‘পাহাড়ের ওপরকার ঐ জায়গাটা দেখতে পাচ্ছেন ?’ ব্যাকাস বললে, ‘আপনাদের মিকুলিংসিন থাকে সেখানে। আর তার নিচে একটা খাদ আছে, তাকে বলে স্টেমা।’

পাহাড় থেকে শোনা গেলো দুটো রাইফেলের আওয়াজ, একটানা ঢাক-পেটার আওয়াজের মতো তার প্রতিধ্বনি গড়িয়ে চললো।

‘এটা আবার কী? দাদু, পার্টিজানেরা আমাদের লক্ষ্য ক’রে গুলি চালাচ্ছে না তো?’

‘না, না! পার্টিজান হবে কেন? মিকুলিংসিন গুলি ছুঁড়ে শুটমার নেকড়েদের ভয় দেখাচ্ছে।’

৯

মিকুলিংসিনের সঙ্গে তাদের প্রথম দেখা হ’লো ম্যানেজারের বাড়ির উঠোনে। বেদনাদায়ক এই দৃশ্যটি শুরু হ’লো নীরবতায়, আর তার শেষ হ’লো গুণ্ডাগোলে ভরা এমন এক বিশৃঙ্খলায় যার কোনো অর্থ হয় না।

বনের ভেতর থেকে সাক্ষ্যভ্রমণ সেরে উঠোন পেরিয়ে বাড়ির দিকে আসছিলো হেলেন, মিকুলিংসিনের স্ত্রী। তার সোনালি চুলের মতো সোনালি রঙের সূর্যাস্তের রশ্মি বনের ভেতরে গাছের শাখা-প্রশাখায় ছড়িয়ে পড়ছে। তার পরনে পাংলা গ্রীষ্মের পোষাক। হেঁটে-হেঁটে লাল হ’য়ে গেছে তার মুখ, রুমাল দিয়ে বারে-বারে মুখ মুছে চলেছে। তার খড়ের টুপি ঘাড়ে ঝুলছে, খোলা গলার ওপর দিয়ে ফিতেটা আছে ছড়িয়ে।

খাদের দিক থেকে তার দিকে এগিয়ে আসছিলো তার স্বামী; বন্দুক হাতে এইমাত্র খাদ থেকে উঠে এসেছে সে; বন্দুকের ভেতরে কিছু-একটা দোষ ধরা পড়েছে সম্প্রতি, তাই সেটা পরিষ্কার করার কথা ভাবছে এখন।

হঠাৎ, এই শান্ত দৃশ্যের মাঝখানে, ব্যাকাস সম্প্রতিভভাবে তাঁর গাড়ি নিয়ে ছুড়ি-পাথরের ওপর দিয়ে সবাইকে চমকিয়ে হড়বড় ক’রে চ’লে এলো।

যাত্রীরা নেমে পড়লো। আলেকজাণ্ডার আলেকজাণ্ডোভিচ টুপি খুলে, টুপি প’রে নিয়ে, অনেক ভনিতা ক’রে বোঝাতে শুরু ক’রে দিলেন ব্যাপারটা।

বাড়ির যারা মালিক তারা বিস্ময়ে হতবাক হ’য়ে গেলো। বেশ কিছুক্ষণ পরন্ত সত্যিই তাদের মুখে কথা ফুটলো না, এদিকে দুর্ভাগা অতিথিদের বিমূঢ়তারও কোনো সীমা নেই—লজ্জায় ম’রে যচ্ছে তারা। হাজার কথাতেও ব্যাপারটা এর চাইতে পরিষ্কার হ’তে পারতো না—যারা সরাসরি এর মধ্যে জড়িত শুধু তাদের কাছেই নয়, শাশা, নিউশা, ব্যাকাস

এদেরও কাছে। সেই মাদি ঘোড়া, তার বাচ্চা, সূর্যাস্তের সোনালি রশ্মি, আর হেলেনের মুখ আর ঘাড় ঘিরে যে-পোকাকণ্ডলো গুনগুন করছিলো— এমনকি তাদের কাছেও সেই কষ্টকর বিড়ম্বনা গিয়ে পৌঁছলো।

অবশেষে মিকুলিংসিনই কথা বললে। ‘আমি কিছুই বুঝতে পারছি না— কিছুই না, কিছুতেই বুঝতে পারবো না কিছু! কী ভেবেছেন আপনারা এটাকে?—দক্ষিণ, যেখানে শাদারা আছে,^১ যেখানে কটির কোনো অভাব নেই? আমাদেরই বেছে নিলেন কেন আপনারা? এতো জায়গা থাকতে কী জন্তে আপনারা এখানে এলেন, কেন এলেন?’

‘আমি শুধু অবাক হ’য়ে ভাবছি যে, আন্ডেরসিয়াস স্টেপানোভিচের ঘাড়ে কী বিষম দায়িত্ব তুলে দিচ্ছেন, এ-কথা কি আপনারা একবারও ভাবেননি?’

‘আমাকে বলতে দাও, হেলেন।—আমার স্ত্রী ঠিক কথা বলেছেন। আমাদের ঘাড়ে কী বোঝা চাপাতে যাচ্ছেন, সে-কথা কি একবারও ভেবেছিলেন আপনারা?’

‘কিন্তু, হা ঈশ্বর! আমাদের ভুল বুঝেছো তোমরা। কী বলছি আমরা? তোমাদের মনের শাস্তি নষ্ট ক’রে উড়ে-এসে-জুড়ে-বসার কোনো প্রশ্ন নয় এটা। আমরা অত্যন্ত ছোটোখাটো একটা জিনিস চাচ্ছি। কোনো পুরোনো, খালি, ভাঙাচোরা একটা কুঁড়েঘর শুধু চাচ্ছি আমরা, আর সামান্য এক টুকরো পোড়ো জমি, যা কেউ চায় না ব’লে এমনি প’ড়ে আছে; এটুকুও চাচ্ছি শুধু আমাদের খাবার ফলাবার জন্ত। আর—কেউ যখন দেখবে না আমাদের, এমনি সময়ে একগাড়ি বোঝাই কাঠ নিয়ে আসতে চাচ্ছি জঙ্গল থেকে। এটা কি সত্যিই বেশি কিছু চাওয়া হ’লো? একে কি চাপিয়ে দেওয়া বলে?’

‘না, কিন্তু পৃথিবীতে কি জায়গার অভাব? আমাদের সঙ্গে এর সম্পর্ক কী? এতো বড়ো সম্মান অল্প কাউকে না দিয়ে আমাদেরই বা বেছে নেওয়া হ’লো কেন?’

১। White Russianদের কথা বলা হচ্ছে।—অনুবাদের টীকা

‘তার কারণ আমরা তোমার কথা অনেক শুনেছি, আমাদের আশা ছিলো যে তুমিও আমাদের কথা শুনেছো। কাজেই একেবারে অচেনা লোকেদের মধ্যে গিয়ে পড়ছি না - এই ভরসাতেই এসেছি এখানে।’

‘ওঃ! তাহ’লে এর কারণ হলেন ক্র্যোগার! যেহেতু তাঁর সঙ্গে আপনাদের আত্মীয়তা আছে! এ-রকম সময়ে এমন একটা কথা আপনারা তুলতেই বা পারলেন কী করে?’

মিকুলিংসিনের মুখের ছাঁদ ভালো। মাথা বোঁকে ঢুল পেছনে সরিয়ে দেয় সে, মাটির ওপর বেশ শক্ত করে পা রেখে-রেখে লম্বা চালে হাঁটে; গরমের সময় গায়ে থাকে রেশমি কোমরবন্ধওলা রাশিয়ান শার্ট। আগেকার দিনে যারা ভন্নায় বোম্বটেগিরি করতো, অনেকটা সেই রকম দেখতে সে। সম্প্রতি এই ধরনের লোকেরা চিরন্তন শিক্ষার্থীর নমুনা হ’য়ে উঠেছে, প্রথমে তারা থাকে স্বপ্নদর্শী, পরে হয় স্কুলমাস্টার।

মিকুলিংসিন তার যৌবন স্বাধীনতা আন্দোলনকে উৎসর্গ করেছিলো, বিপ্লবের জগ্ন কাজ করতো সে; তার একমাত্র ভয় ছিলো এই যে বিপ্লব যখন শুরু হবে, তখন সে হয়তো বেঁচে থাকবে না, বা সেই বিপ্লব হবে বড় নয়ম,- হয়তো তার চরম স্বপ্নের মাপসইমতো রক্তাক্ত হবে না। এখন এলো সেই বিপ্লব, তার সবচেয়ে দুঃসাহসী আশাকে তা ছাড়িয়ে গেলো; কিন্তু জন্ম থেকে সর্বহারাদের বিশ্বস্ত মল্ল মিকুলিংসিন, যে কিনা প্রথম দলের সঙ্গে কর্মী-পরিষদ গ’ড়ে তুলেছিলো, আর কারখানার কর্তৃত্ব সাধারণের হাতে তুলে দেবার জগ্ন আন্দোলন করেছিলো, সেই মিকুলিংসিন কিনা দূরে প’ড়ে থাকলো হেলাফেলায়! কোথায় সে সমস্ত ঘটনাবলীর কেন্দ্রে থাকবে, না সে কিনা প’ড়ে আছে এক স্বদূর পাড়াগাঁয়ে, যেখান থেকে মজুররা সবাই পালিয়েছে, আর ঐ মজুরদের মধ্যে আবার কয়েকজন মেনশেভিকও^১ ছিলো! আর এ-সবের ওপরে কিনা আজকের এই বিতর্কিচ্ছিরি কাণ্ড! ব্যাপারটা কী? ক্র্যোগার-পরিবারের এই অনিমন্ত্রিত পরিশিষ্টকে তার মনে

^১ Menshevik : বলশেভিকদের মতোই রাশিয়ার একটি সমাজতন্ত্রী দল; বলশেভিকদের সঙ্গে তাদের তফাৎ কেবল উন্নতায়, যার চরম সীমায় বলশেভবাদ প্রতিষ্ঠিত।

হ'লো ভাগ্যের চরম পরিহাস, যেন বেশ ভেবে-চিন্তে তাকে নাজেহাল করা হচ্ছে। তার দুঃখের পেয়ালা ছাপিয়ে গেলো এবার।

‘এর মধ্যে কোনো যুক্তি নেই। এটা একেবারেই ধারণার বাইরে। বুঝতে পারছেন, কী মারাত্মক বিপদের মধ্যে ফেলবেন আমাকে? আমি বোধহয় পাগল হ'য়ে গেছি। কিছুই বুঝতে পারছি না, কিছুই না; কিছু বুঝতে পারবো ব'লেও মনে হয় না।’

‘কোন আগ্নেয়গিরির ওপর আমরা ব'সে আছি, সেটা বুঝতে পারছেন আপনারা?’

‘হেলেন, তুমি থামো একটু। আমার স্ত্রী ঠিকই বলেছেন। এমনভায়ে অবস্থা সঙিন, তার ওপর আবার আপনারা এসে জুটলেন। কুকুরের মতো দিন কাটাচ্ছি আমরা, একেবারে যেন পাগলা-গারদে আছি। আমি তো ব'সে আছি দু'মুখো আগুনের মধ্যে: একদল আমাকে অতিষ্ঠ ক'রে তুলছে যেহেতু আমার ছেলে একজন লাল, বলশেভিক, জনগণের প্রিয় নেতা, আর-একদল জানতে চাচ্ছে কেন আমি সংবিধানসভার সভা নির্বাচিত হয়েছিলাম। কেউ আমার ওপর খুশি নয়, কারো কাছে গিয়ে দাঁড়াবার জায়গা নেই আমার। আর এখন কিনা আপনারা! বেশ চমৎকার ব্যাপার। এখন কিনা আপনারদের জন্তু আমাকে বন্দুকের সামনে গিয়ে দাঁড়াতে হবে!

‘আঃ—কী বলছো! সত্যি! বড্ড বাড়াবাড়ি হ'য়ে যাচ্ছে! একটু মাথা ঠাণ্ডা করো না।’

একটু পরে সে অল্প নরম হ'য়ে বললে, ‘উঠানের মধ্যে এমনভাবে চাঁচামেচি ক'রে কোনো লাভ নেই। বরং ভেতরে যাওয়া যাক। এর কোনো স্তফল আমি অবশ্য দেখতে পাচ্ছি না, তবে সবই তো আয়নায় ঝাপসা ক'রে দেখছি। ষাই হোক, আমরা তু'কি সৈপাইও নই, বিধর্মীও নই, আপনারদের বনে পাঠিয়ে ভালুক দিয়ে খাওয়ানো না। হেলেন, আমি বলি কী, পড়ার ঘরের পাশের ঘরটায় আপাতত এঁদের থাকবার জায়গা ক'রে দেওয়া যাক। পরে দেখবো এঁদের কোথায় তোলা যায়; বাগানের মধ্যে একটা বাগাও ঠিক ক'রে দেওয়া যেতে পারে। আহ্নন, ভেতরে আহ্নন। ব্যাকাস, এঁদের মালপত্র নিয়ে এসো, একটু সাহায্য করো অতিথিদের।’

কথামতো কাজ করতে-করতে ব্যাকাস বিড়বিড় ক'রে বললে : 'হা মাতা মেরী ! এঁদের লটবহর দেখছি তীর্থযাত্রীদের মতো । ছোটো-ছোটো পুঁটলি ছাড়া কিছু নেই—একটা তোরঙ্গ পর্যন্ত না ।'

১০

সন্দের দিকে ঠাণ্ডা পড়লো । তারা হাত-মুখ ধুয়ে নিয়েছিলো, মেয়েরা বাত্নের জুতা ঘরটা গুছিয়ে ফেলেছে । শাশুর অচেতন আশা ছিলো যে তার আধো-আধো কথা শুনে সবাই উচ্ছ্বসিত হবে, আর তাই, যেন অহরোধ-রক্ষার্থে, অনর্গল ব'কে যাচ্ছিলো—কিন্তু এই একবার তাকে ফেল হ'তে হ'লো, কেউ তাকে লক্ষ্যই করলে না । তাই তার মেজাজটিও বিগড়ে আছে । সে নিরাশ হয়েছিলো কালো রঙের বাচ্চা ঘোড়াটিকে ঘরে আনা হয়নি ব'লে, তার ওপর মা যখন তাকে ধমক দিয়ে চুপ করতে বললেন সে ফুলে-ফুলে কাঁদতে শুরু ক'রে দিলে । সে জানে তার মা-বাবা তাকে দোকান থেকে কিনে এনেছেন, এবার তার ভয় হ'লো যদি তাকে দোকানে ফেরৎ পাঠিয়ে দেওয়া হয় । তার এই ভয়টা একেবারে খাঁটি, সে চাইলো অল্পদের কাছে এই ভয়ের কথা বলতে, কিন্তু সবাই এটাকে বাজে বলে উড়িয়ে দিলে—কেউ এতে মুগ্ধ হ'লো না । অচেনা জায়গায় স্বভাবতই খারাপ লাগছিলো তার, তার ওপর বয়স্করা সবাই যেন বড্ড তাড়াহুড়ো করছে, নিঃশব্দে যে যার কাজে মগ্ন হ'য়ে আছে । শাশা রীতিমতো অপমানিত বোধ করলে ; নানিরা যাকে বলে 'দাঁতখিচুনি', তাই ফলাতে শুরু ক'রে দিলো । তাকে খাইয়ে দিতে হ'লো, তারপর অনেক টানা-হেঁচড়ার পর শোয়ানো গেলো বিছানায় । অবশেষে সে যখন ঘুমিয়ে পড়লো, মিকুলিংসিনদের দাসী উক্টিনিয়া এসে নিউশাকে তার ঘরে নিয়ে গেলো খাবার জুতা, আর খেতে-খেতে তাকে বাড়ির সব গোপন খবর দিতে শুরু করলে । টোনিয়া আর অল্পদের মিকুলিংসিন সাক্ষ্য চায়ে নিমন্ত্রণ করেছিলো ।

প্রথমে ইউরির তার শ্বশুরের সঙ্গে বারান্দার খোলা হাওয়ার বেরিয়ে এলো ।

'ঈশ . কতো তারা উঠেছে !' আলেকজাণ্ডার আলেকজাণ্ডারভিচ বললেন ।

ঘুটঘুটে অন্ধকার চারদিক । মাত্র কয়েক হাত দূরে দাঁড়িয়েও পরস্পরকে

দেখতে পাওয়া যাচ্ছিলো না। পেছনের একটি জানলা থেকে আলোর রেখা এসে খাদের দিকে চ'লে গেছে ; ঠাণ্ডা স্যাঁৎসেঁতে হাওয়ায় অস্পষ্ট সব ছায়া দেখা গেলো ঢালুর কাছে—ঝোপঝাড় গাছপালা ও অগ্ন জিনিসের ঝাপসা অবয়ব মাথা চাড়া দিয়ে উঠেছে সেখানকার অন্ধকারে। কিন্তু ইউরি আর আলেকজান্ডার এই আলোর বাইরে ছিলেন, তাই তাতে আরো নিবিড় হ'য়ে উঠলো চারপাশের অন্ধকার।

‘ইউরা, কাল আমাদের প্রথম কাজ হ'লো সেই কটেজটি দেখে আসা, যেখানে আমাদের তোলবার কথা ভাবছে সে। যদি সেটা কোনোরকমে বাসযোগ্য হয় তো সঙ্গে-সঙ্গে তার মেরামতে লেগে যাবো। তারপর, যতোদিনে সেটা বাসযোগ্য হ'য়ে উঠবে, ততোদিনে বরফ গলতে শুরু করবে, তখন একটুও সময় নষ্ট না-ক'রে আমরা জমি খোঁড়ার কাজে লেগে যেতে পারবো। আমাদের কিছু আলুর বীজ দেবে ব'লেই তো বললো, তা ই না?’

‘তা-ই তো বললো। অগ্ন আরো বীজ দেবে ব'লেও কথা দিয়েছে। নিজের কানে এ-কথা বলতে শুনেছি। আর কটেজ? সেটা তো আমরা পার্কের ওপর দিয়ে আসবার সময়েই দেখেছি। কোনটা, বুঝতে পেরেছেন? পেছনদিকের ঐ কাঠের বাড়িটা, কাঁটাবনের জগু প্রায়ই চোখে পড়ে না। আমি আপনাকে দেখিয়েছিলাম, মনে আছে? চাষের পক্ষে ভালো হবে ব'লে মনে হয়েছিলো আমার। তখন ভেবেছিলাম এককালে সেখানে ফুলের বাগান ছিলো, অন্তত দূর থেকে তা-ই মনে হয়েছিলো। অবশ্য আমার ভুল হ'তেও পারে। ফুলগাছের জগু জমিতে নিশ্চয়ই অনেক সার দিতে হয়েছিলো; মনে হচ্ছে জমির অবস্থা এখনো ভালো।’

‘ঠিক বোঝা যাচ্ছে না। কাল গিয়ে একবার দেখে আসা যাবে। এখন বোধহয় আগাছার জঙ্গল হ'য়ে আছে, আর জমিও পাথরের মতো শক্ত। বাড়ির আশে-পাশে কোথাও একটা সজ্জিবাগান নিশ্চয়ই ছিলো। এখন হয়তো কাজে আসে না। কাল সেটা খুঁজে বের করতে হবে। হয়তো সকালের দিকে এখনও বরফ জ'মে থাকে মাটিতে। রাত্রে তো নির্বাণ বরফ পড়বে। সে যাই হোক—এখানে যে পৌছতে পেরেছি এই ডের, এইজন্মেই কৃতজ্ঞ থাকা উচিত। জায়গাটা বেশ ভালো। আমার বেশ লাগছে।’

‘এরা লোকও ভালো, বিশেষ ক’রে মিকুলিংসিন। তার বৌকে একটু গ্ৰাফা মনে হ’লো। তার নিজের মধ্যে কিছু-একটা আছে, যা সে পছন্দ করে না। সেজন্তাই এতো বেশি কথা বলে, আর আসলে যতোটা বোকা তার চেয়েও ঢের বেশি বোকা বানিয়ে তোলে নিজেকে। বড় ব্যস্ত হ’য়ে থাকে যাতে তার চেহারা কেউ লক্ষ্য না করে—পাছে খারাপ কোনো ধারণা হয়। আর ঐ তার টুপি খুলতে ভুলে যাওয়া, আর গলায় সেটাকে ঝুলিয়ে রাখা—এটা কিন্তু অগ্রমনস্কতা নয়, সে জানে যে ও-ভাবে তাকে ভালো দেখায়।

‘এবার আমাদের ভেতরে যাওয়া উচিত কিন্তু, নয়তো ওরা অভদ্র ভাববে।’

খাবার ঘরে টোনিয়া গৃহস্থমীদের সঙ্গে বোলানো আলোর তলায় গোল টেবিলে ব’সে চা খাচ্ছিলো। মিকুলিংসিনের অঙ্ককার পড়ার ঘর পেরিয়ে তারা খাবার ঘরে গিয়ে ঢুকলো।

পাহাড়ী পথের দিকে একটা বিশাল জানলা ঘরের, প্রায় দেয়ালের মতো চওড়া। আগে, যখন আলো ছিলো, ইউরি সেখান থেকে খাদ আর তার ওপাশের সমতলের দৃশ্য দেখেছিলো, ব্যাকাসের সঙ্গে যে-সমতল তারা পেরিয়ে এসেছে। জানলার কাছে নক্সা-আঁকার একটা টেবিল, সেটাও দেয়ালের সমান চওড়া। লম্বা হ’য়ে একটা বন্দুক প’ড়ে আছে তার ওপর, তবু ছ’পাশে প্রচুর ফাঁকা প’ড়ে আছে, তাইতে বোকা যায় টেবিলটি কতো বড়ো।

ঘরটি পার হ’য়ে যেতে-যেতে ইউরি ভাবলে জানলাটার কথা, জানলার পাশে টেবিলটি কতো বড়ো, আর কী খোলামেলা সাজানো এই বাড়ি—ভেবে আর-একবার ঈর্ষা হ’লো তার। খাবার ঘরে ঢুকে প্রথমেই সে এই কথা বললে :

‘কী সুন্দর বাড়ি আপনাদের। কী চমৎকার ঐ পড়ার ঘরটা, ব’সে কাজ করার পক্ষে নিখুঁত, একেবারে সর্বজনসুন্দর।’

‘গ্লাশে দেবো, না পেয়ালায় ? কী পছন্দ করেন, কড়া ? না পাংলা ?’

‘ইউরা, ঝাঞ্ঝো ! একটা স্টেরিওস্কোপ। আভেরসিয়াস স্টেপানোভিচের ছেলে ছেলেবেলায় বানিয়েছিলো এটা।’

‘এখনো ও বড়ো হয়নি, মাথা ও ঠাণ্ডা হয়নি—যতাই না সোভিয়েটের জন্ত জেলার পর জেলা জিতে নিক কমুখ্-এর কাছ থেকে।’

‘কমুখ্ কাকে বলে?’

‘কমুখ্ হ’লো সাইবেরীয় সরকারের সেনা-বাহিনী। সংবিধানসভার ক্ষমতা পুনরুদ্ধারের জন্ত লড়াই করছে তারা।’

‘সারাদিন শুধু তোমার ছেলের প্রশংসাই শুনলাম। নিশ্চয়ই তার জন্ত তোমাদের গর্বের সীমা নেই।’

‘স্টেরিওস্কোপের জন্ত উরালের এই ছবিগুলিও তার তোলা—নিজের বানানো ক্যামেরা দিয়ে তুলেছিলো।’

‘কী ভালো বিস্কুট! শ্রাকারিন দিয়ে তৈরি?’

‘সে কী! এই জঙ্গলে শ্রাকারিন কোথায়? এ একেবারে নির্ভেজাল চিনি দিয়ে বানানো। আপনার চায়ে চিনি দিতে দেখলেন না আমাকে?’

‘ঠিক তো! ফোটোগুলো দেখছিলাম ব’লে লক্ষ্য করিনি। আর মনে হচ্ছে যেন চা-টাও খাটি চা!’

‘নিশ্চয়ই! জুইফুলের গন্ধ-মেশানো চা।’

‘কী আশ্চর্য! পেলেন কোথায়?’

‘এক উড়ন্ত গালিচা আছে আমাদের। আমাদের এক বন্ধু—নতুন ধরনের জননেতা, ভীষণ বামপন্থী। প্রাদেশিক অর্থনৈতিক পরিষদের সরকারি প্রতিনিধি। সে আমাদের কাঠ নিয়ে যায় শহরে, আর বন্ধুবান্ধবদের কাছ থেকে ময়দা আর মাখন এনে দেয় আমাদের। সিভি, চিনিটা এদিকে দাও তো,’ (হেলেন আদর করে এই নামে ডাকে আন্ডারসিয়াসকে)। ‘আচ্ছা কেউ বলতে পারেন গ্রিবয়েডভ কোন সালে মারা যান?’

‘বোধহয় ১৭৯৫ সালে তাঁর জন্ম হয়েছিলো। কিন্তু কবে নিহত হন, সেই তারিখটা ঠিক মনে পড়ছে না।’

‘আর চা দেবো?’

‘না, ধন্যবাদ।’

‘আচ্ছা, আপনি বলুন তো। নিমওয়েগেনের সন্ধি কবে স্বাক্ষরিত হয়, আর কোন-কোন দেশ তাতে স্বাক্ষর করে?’

‘এখন এঁদের বিরক্ত কোরো না, লক্ষী তো। এখনো রাস্তার ধকল এঁরা কাটিয়ে উঠতে পারেননি।’

‘আমি যেটা জানতে চাচ্ছি, এবার সেটা বলি। কতো ধরনের লেন্স আছে বলুন তো, আর প্রতিচ্ছায়াগুলি কখনই বা সত্যিকার হয়, কখন স্বাভাবিক থাকে, আর কখনই বা উন্টে যায়?’

‘পদার্থবিজ্ঞান এতো খবর কোথেকে পেলেন আপনি?’

‘ইউরিয়্যাটিনে আমাদের খুব ভালো একজন বিজ্ঞান-শিক্ষক ছিলেন। শুধু আমাদের না, ছেলেদের স্কুলেও পড়াতেন তিনি। এতো ভালো যে কী বলবো আপনাকে—একেবারে আশ্চর্য! যখন তিনি বুঝিয়ে বলতেন, সব জলের মতো সহজ হ’য়ে যেতো। তাঁর নাম ছিলো আন্টিপভ। তাঁর স্ত্রীও ছিলেন শিক্ষয়িত্রী, মেয়েরা সবাই তাঁর নামে পাগল—সবাই প্রেমে প’ড়ে গিয়েছিলো তাঁর। স্বৈচ্ছাসেবক হ’য়ে যুদ্ধে গিয়েছিলেন আন্টিপভ—সেখানেই মারা যান। কেউ-কেউ অবশ্য বলে, আমাদের পক্ষে যিনি অভিধাপের মতো, সেই কমিসার স্ট্রেলনিকভই আসলে আন্টিপভ—ম’রে গিয়ে ফের বেঁচে উঠেছেন। অবশ্য এটা গুজবমাত্র; বোকাদের গুজব। এ-রকম কি হ’তে পারে কখনো? তা—কে জানে—হয়তো সবই সম্ভব। আরেকটু চা?’

পরিচ্ছেদ ৯

ভারিকিনো

শীতের সময়, হাতে অনেক সময় পেয়ে, ইউরি একটি দিনপঞ্জী লিখতে শুরু ক'রে দিলে। টিয়ুৎচেভ-এর একটি উদ্ধৃতি দিয়ে সে স্মৃচনা করলে :

‘কী এক গ্রীষ্ম ! কী এক গ্রীষ্ম !

ঠিক যেন জাদুমন্ত্রে পাওয়া।

আমরা চাইনি একে, এর যোগ্য নই আমরা,

তবু কেমন ক'রে পেলাম, তা-ই প্রশ্ন।’

‘গত গ্রীষ্মের দিনগুলোয় প্রায়ই আমার এই রকম বোধ হ’তো। কী আনন্দ—নিজের আর পরিজনের জন্ত সকাল থেকে সন্ধ্য পর্যন্ত কাজ ক’রে। তাদের মাথার ওপর ছাদ তৈরি ক’রে দেওয়া, তাদের আহাবের জন্ত লাঙল চালানো, নিজের একটি আলাদা পৃথিবী গ’ড়ে তোলা—ঠিক যেন রবিনসন ক্রুসো বিশ্বস্ততার অঙ্কুরণ করছে ; আর এর ভেতর দিয়ে আসে জীবন, বারে-বারে আসে, আর নিজেকেই মনে হয় নিজের জন্মদাত্রী ব’লে।

‘যখন কঠিন শারীরিক কাজের মধ্যে হাত দুটো ব্যস্ত থাকে, যখন মনের প্রয়োচনায় এমন একটি কাজে নিরত হ’য়ে আছি যা কেবল কায়িক শ্রমের মধ্য দিয়েই সফল হ’য়ে ওঠে আর এনে দেয় আনন্দ আর কৃতকার্যতার পুরস্কার, যখন ছ-ষটা ধ’রে ক্রমাগত মাটি কোঁপাচ্ছি কি হাতুড়ি চালাচ্ছি, আর আকাশের প্রাণদ নির্ধাসে শরীর ঝলসে যাচ্ছে, তখন কতো যে নতুন

চিন্তা মাথায় ঘোরাক্ষেরা করে তার কোনো ইয়ত্তা নেই। আর এই ক্ষণিক ভাবনা, স্বপ্নার উন্মাদনা, উপমার গুঞ্জন লিখে না-রাখার ফলে একটু পরেই তা যে হারিয়ে যায়, এটাকে কোনো লোকসান না-ব'লে লাভ বলাই ভালো। শহরের যে-সম্যাসী তার স্বায়ু ও কল্পনাকে কড়া কালো কফি আর তামাকের চাবুক মেয়ে চেতিয়ে তোলার চেষ্টা করে, সে পৃথিবীর সবচেয়ে কড়া ভেষজের সন্ধান জানে না, যেটা হ'লো স্বাস্থ্য আর সত্যিকার অনটন।

‘এর চেয়ে বেশি আর-কিছু আমি বলবো না, কেননা টলস্টয়ী সরলতার মতবাদ এবং “মাটির কাছে ফিরে যাও” এমন কোনো নীতিপ্রচারের কোনো উদ্দেশ্য আমার নেই; ভূমিসমস্তার কোনো স্বকল্পিত সমাধান বা এ-সম্পর্কে সমাজতন্ত্রী দৃষ্টিভঙ্গির সংশোধন—এ-সব বিষয়েও চিন্তা করছি না আমি। আমি কেবল একটি তথ্যকে প্রতিষ্ঠিত করতে চাচ্ছি; আমাদের নিজেদের কথা মনে রেখে কোনো রীতিপদ্ধতি বানিয়ে তোলাও আমার উদ্দেশ্য নয়। আমাদের ব্যাপারটা বড় বেশি আকস্মিক, তাছাড়া আমাদের অর্থনীতিও বড়ো বেশিরকম মিশ্রিত; বস্তুত আমরা মোটেও স্বাবলম্বী নই; আলু আর শাকসজ্জি—যা আমরা নিজেরা ফলাই, তা শুধু আমাদের চাহিদার একটা ছোট অংশমাত্র; বাকি সব-কিছু অগ্র কোনোখান থেকে আনতে হয়।

‘যে-ভাবে আমরা জমি ব্যবহার করছি, তা বেআইনি। আইন আমরা নিজেরাই তৈরি ক'রে নিয়েছি, কী করছি না-করছি সমস্তই রাষ্ট্রের কাছ থেকে গোপন রাখছি। যে-কাঠ আমরা কেটে আনি, তা চুরি করা; সে-চুরি রাষ্ট্রের ভাণ্ডার থেকে করা হচ্ছে বা এটা জ্যোগারদেরই সম্পত্তির অংশ—এ-সব কোনো ওজুহাতই নয়। মিকুলিংসিন আমাদের ঠাচিয়েছে, সে সব-কিছু গোপন ক'রে রাখে (তাকেও তো আমাদেরই উপায়ে জীবিকা নির্বাহ করতে হয়), আর শহর থেকে এ-জায়গাটা অনেক দূর ব'লে—ঈশ্বরকে ধন্যবাদ আমরা কী করি না করি, তা এখনো তারা জানতে পারেনি।

‘আমি যে একজন ডাক্তার, এই তথ্যটা আমি সম্বর্পণে চেপে রেখেছি, কেননা আমার স্বাধীনতা এতোটুকুও ক্ষুণ্ণ করার ইচ্ছে আমার নেই। কিন্তু সর্বদাই আশে-পাশে এমন একজন ক'রে ভালোমাহুষ থাকেন, যিনি কী ক'রে

যেন জেনে ফেলেন যে ভারিকিনোতে একজন ডাক্তার থাকেন। কাজেই আমার সঙ্গে দেখা করবার জ্ঞান লোকেরা কষ্ট ক'রে কুড়ি মাইল পথ হেঁটে আসে, দর্শনী হিসেবে সঙ্গে আনে একটি মুরগি কি গোটাকয়েক ডিম, নয়তো নিদেনপক্ষে একটু মাখন। আর শেষটায় আমাকে বাধ্য হ'য়েই ও-সব নিতে হয়, কারণ বিনি পয়সায় পাওয়া ওষুধে কোনো কাজ হয় না বলেই লোকের বিশ্বাস। সুতরাং আমার প্র্যাকটিস থেকে অল্প-স্বল্প রোজগারও হয়; কিন্তু মিকুলিংসিনের আর আমার, দু'জনেরই প্রধান অবলম্বন হ'লো সামডেভইয়াটিভ।

‘অদ্ভুত তার চরিত্র, জটিল। লোকটা যে কী, এখনো পুরোপুরি বুঝে উঠতে পারিনি। বিপ্লবের ঐকান্তিক সমর্থক সে, আর তাই ইউরিয়্যাটিন সোভিয়েটের সম্পূর্ণ আস্থার সে যোগ্য। সোভিয়েট তাকে যে-ক্ষমতা দিয়েছে তার সাহায্যে সে আমাকে বা মিকুলিংসিনকে একবারও জিজ্ঞেস না-ক'রে ভারিকিনোর সমস্ত কাঠ নিয়ে যেতে পারে। আমরা যে এ-বিষয়ে কিছুই করতে পারবো না, এটা সে ভালো ক'রেই জানে। আবার, অপর পক্ষে, সে যদি সরকারি টাকা লুণ্ঠ করতে চায় তো অনায়াসেই দু-পকেট ভর্তি করতে পারে, তাতেও কেউ চুঁ শব্দটি করবে না। এমন আর কোনো লোক নেই যাকে এ-জ্ঞান ঘুষ দিতে হবে বা যে বখরা বসাতে পারে, কাজেই কেন যে সে আমাদের—মিকুলিংসিন ও স্টেশন-মাস্টার থেকে শুরু ক'রে জেলার সকলের—স্বথ-স্ববিধের প্রতি এতোটা নজর রাখে ও সতর্ক থাকে, তা বুঝে ওঠা শক্ত। প্রতি মুহূর্তেই এ-জায়গা থেকে ও-জায়গায় ছুটোছুটি ক'রে বেড়াচ্ছে সে, আর এই ছুটোছুটি শুধু আমাদেরই জ্ঞান কোনো-কিছু জোঁগাড় করবার উদ্দেশ্যে। ডস্টয়েভস্কির ‘ভূতে-পাওয়া’^১ উপন্যাসের সঙ্গে তার যেমন অনায়াস পরিচয় আছে, ঠিক তেমনি আছে ‘কমিউনিস্ট ইস্তাহারের’ সঙ্গে; দুটো বই নিয়েই সে সমান দক্ষতার সঙ্গে আলোচনা করতে পারে। আমার মনে হয় সে যদি এমন উদার অশাস্ত-ভাবে তার জীবনটাকে জটিল ক'রে না-তুলতো তাহ'লে বৈচিত্র্যহীনতার দুবিষহতার দরুন মৃত্যু ঘটতো তার।’

১। The Possessed।—অমুবাদকের টীকা।

অল্প কিছুদিন পরে ইউরি লিখলো :

‘পুরোনো বাড়ির পেছন দিকের কাঠের তৈরি সংযোজিত অংশের দুটি ঘরে আমাদের বাসা। আনা ইভানোভনার ছেলেবেলায় ক্র্যোগার এটাকে বাড়ির বিশেষ-বিশেষ কর্মচারীর জন্ত ব্যবহার করতেন—তখন এখানে থাকতো মেয়ে-দরজি, ঘরকন্নার পরিচালিকা, আর অবশর-পাওয়া একজন নার্স।

‘আমরা এসে দেখেছিলাম জীর্ণ বাড়িটা প্রায় ধ্বংস হ’তে চলেছে, কিন্তু আমরা বেশ তাড়াতাড়িই বাড়িটা সারিয়ে নিলাম। যারা এ-সব বিষয়ের খবরাখবর রাখে তাদের সাহায্যে চুল্লিটা আবার তৈরি ক’রে নিলাম, ঐ একই চুল্লিতে দু-ঘরের কাজ চলে। চিমনিগুলোকে এমনভাবে নতুন ক’রে বসানো হ’লো যাতে আগের চেয়ে বেশি তাপ পাওয়া যায়।

‘জমির এই অংশে পুরোনো বাগান অদৃশ্য হ’য়ে গেছে—নতুন আগাছা নিশিচহ্ন ক’রে দিয়েছে তাকে। কিন্তু এবার শীত এসে যখন সব শেষ ক’রে দিলে, জীবন্ত আর মৃতকে লুকিয়ে রাখতে পারলে না, তখন তুষারের রেখার ধারে-ধারে অতীতকে আরো স্পষ্ট দেখা যাচ্ছে।

‘ভাগ্য ভালো ছিলো আমাদের। হেমন্ত এলো শুকনো আর উষ্ণ। তার ফলে বর্ষাবাদলের ঠাণ্ডা আবহাওয়া এসে পড়ার আগেই আলু খুঁড়ে তোলার সময় পাওয়া গেলো। মিকুলিংসিনকে ফিরিয়ে-দেওয়া বস্তাগুলো হিসেবে না-ধ’রেও আমরা কুড়ি বস্তা আলু পেয়েছিলাম। ভাঁড়ারের^২ সবচেয়ে বড়ো পিপেয় সেগুলি বোঝাই ক’রে রেখে তার ওপর খড় আর পুরোনো কঞ্চল বিছিয়ে ঢেকে রাখলাম। ছোটো পিপেয় রাখা হ’লো ছুন-মাখানো শসা; আর টোনিয়া জার্মান কায়দায় বাঁধাকপি জারিয়েছিলো, তাও রাখা হ’লো দুই পিপে ভর্তি ক’রে। কয়েকজোড়া তাজা বাঁধাকপি কড়িকাঠ থেকে ঝুলিয়ে দেওয়া হ’লো। শুকনো বালিতে পুঁতে রাখা হ’লো গাজর, মুলো, বীট, শালগমও তাই, আর মটরশুঁটি আর শিম দিয়ে চিলেকোঠা ভর্তি ক’রে রাখলাম। এদিকে যাতে বসন্ত পর্বন্ত চ’লে যায়, সেই অল্পপাতে প্রচুর পরিমাণে জালানি কাঠ জমিয়ে রাখা হ’লো বাইরের চালায়।

২। Cellar : মাটির তলার ঘর, ভাঁড়ার হিসেবে ব্যবহার করা হয়।—অনুবাদের টীকা।

‘ভাড়াবের শুকনো উষ্ণ নিশ্বাস ভালোবাসি, ভালোবাসি মাটির আর শেকড়ের গন্ধ, আপনি বাঁপি তোলামাত্র বরফের যে-গন্ধ আঘাত করে আপনাকে—শীতের ভোরবেলার আগেকার সেই মুহূর্তে, একটি দুর্বল কম্পমান আলো হাতে নিয়ে আপনি দাঁড়িয়ে।

‘আপনি বেরিয়ে এলেন, তখনো অন্ধকার। কঁকিয়ে উঠলো দরজা, কি হয়তো হাঁচি এলো আপনার, নয়তো পায়ের তলায় মচমচ করে উঠলো বরফ, দূরে বাঁধাকপির খেতে চমকে উঠলো খরগোসের দল, লাফিয়ে ছুটে পালালো তক্ষুনি, বরফের ওপর র’য়ে গেলো শুধু কতোগুলো কাঁটাকুটির দাগ, তাদের চ’লে যাবার চিহ্ন। দূরে কুকুরেরা ট্যাচামেচি শুক্ক’রে দিয়েছে, অনেক দেরি না-ক’রে তারা থামবে না। মোরগেরা তাদের ডাক বন্ধ করেছে, আর-কিছু বোধহয় তাদের বলার নেই। তারপর ভোর।

‘খরগোসদের মতোই বনবেড়ালের^১ পায়ের ছাপে অন্তহীন তুষার-প্রান্তর নক্সার মতো হ’য়ে আছে; পুঁতির মালার মতো ছড়িয়ে আছে অনেক আঁকাবাঁকা রেখা। বেড়ালের মতোই চলার ধরন বনবেড়ালের—একটির পর আর-একটি থাবা বাড়িয়ে দেয়, লোকে বলে, এক রাজে তারা অনেক মাইল চ’লে যায়।

‘তাদের জন্তু ফাঁদ পেতে রাখা হয়। কিন্তু এই সব সাবধানী বনবেড়ালের বদলে ধরা পড়ে বেচারা খরগোসেরা; বরফ প’ড়ে এমনিতেই অর্ধেক কবর হ’য়ে গেছে তাদের; ফাঁদ থেকে যখন তাদের বের ক’রে নেয়া হয়, তখন তারা জ’মে কাঁঠ হ’য়ে গেছে।

‘প্রথমটায়, বসন্ত আর গ্রীষ্মের দিনগুলোতে, আমাদের ভারি কষ্টে কেটেছিলো। যুদ্ধ ক’রে-ক’রে কোনোরকমে শুধু টিকে থাকা। কিন্তু এখন, শীতের এই সঙ্কটগুলোতে স্নানরা একটু এলিয়ে পড়তে পারি আরামে। সামডেভইয়াটভকে ধন্যবাদ, সে-ই আমাদের প্যারাক্সিন জোগাড় ক’রে দিয়েছিলো। তাই তো বাতির চারপাশে বসতে পারছি আমরা। মেয়েরা কেউ শেলাই করে বা পশম বোনে, আর আলেকজাণ্ডার আলেকজাণ্ডোভিচ

^১ Lynx : মার্ক্সারজাতীয় ক্ষুদ্র মাংসখী চতুষ্পদ। য়োৰোপ ও আমেরিকায় পাওয়া যায়, তীক্ষ্ণ দৃষ্টিশক্তির জন্য বিখ্যাত।—অনুবাদের টীকা।

কি আমি কিছু প'ড়ে শোনাই। চুল্লি বেশ গরম থাকে, আর আমার ওপরই তার থাকে আগুন খোঁচাবার কি কাঠ দেবার, আর আমিই তৈরি থাকি সময়মতো লোহার পাত বন্ধ ক'রে দেবার জন্ত, যাতে একটুও তাপ নষ্ট না হয়। যদি কখনো কোনো পোড়া কাঠের জন্ত তাপ পেতে অসুবিধে হয়, আমি সেই ধোঁয়া-ওঠা কাঠ হাতে নিয়ে ছুটে বেরোই, তারপর যতো দূরে সম্ভব বরফের ওপর ছুঁড়ে ফেলি। মশালের মতো উড়ে যায় কাঠটা, চারদিকে ফুলকি ছড়িয়ে পড়তে থাকে, পার্কের শাদা-শাদা চোকো ফালিগুলো আলো হ'য়ে ওঠে, তারপর শিশু দেবার মতো আওয়াজ ক'রে সেটা বরফের ঝাপটার মধ্যে মিলিয়ে যায়।

“সংগ্রাম ও শান্তি”, “ইউজেনে ওনেগিন” ও পুশকিনের অগ্ন্যাগ্ন কবিতা বারে-বারে পড়লাম আমরা। স্ত্রীদালের “লাল-কালো”, ডিকেন্সের “ডুই নগরীর উপাখ্যান” আর ক্লাইস্টের ছোটগল্পের রুশ তর্জমাও একাধিকবার পড়া হ'লো।’

৩

বসন্ত যখন আসন্ন, ইউরি লিখলো :

‘মনে হচ্ছে টোনিয়া অস্তঃসত্ত্বা। এ-কথা তাকে বলেছি আমি, কিন্তু সে কিছুতেই বিশ্বাস করে না, অথচ এ-বিষয়ে আমার কোনো সন্দেহই নেই। প্রাথমিক লক্ষণগুলিতে কিছুই ভুল হবার নেই; পরবর্তী নিশ্চিত লক্ষণগুলির জন্ত অপেক্ষা করা আমার পক্ষে নিশ্চয়োজন।

‘এ-রকম সময়ে মেয়েদের মুখের চেহারা বদলে যায়। এমন নয় যে দেখতে সে নিশ্চিভ হ'য়ে যায়, কিন্তু তখন তার চেহারার ওপর তার নিজের আর কর্তৃত্ব থাকে না। যে-ভবিষ্যৎকে সে বহন করছে, তা তাকে দখল ক'রে নিয়েছে, সে শুধুমাত্র সে আর নয়। নিজের চেহারার ওপর এই কর্তৃত্ব হারানোর ফলে তাকে শারীরিকভাবে কেমন বিমূঢ় দেখায়; তার মুখ স্নান হ'য়ে আসে, কর্কশ হ'য়ে যায় দেহের মসৃণতা, তখন চোখ জলতে থাকে অল্প এক ভাবে, যে-ভাবে সে চায় তা আর নয়; মনে হয় যেন এ-সব ব্যাপারের সঙ্গে আর তাল রাখতে না-পেরে সে হাল ছেড়ে দিয়েছে।

‘টোনিয়া আর আমার মধ্যে কখনো বিচ্ছেদ আসেনি, আর এই কর্মবহুল বছরে আমরা পরস্পরের আরো কাছে চ’লে এসেছি। আমি লক্ষ্য করেছি সে কী-রকম চটপটে, শক্তসমর্থ আর ক্লাস্তিহীন; কেমন বুদ্ধি ক’রে সব কাজ গুছিয়ে করে, যাতে দুটো কাজের মধ্যখানে সবচেয়ে কম সময় নষ্ট হয়।

‘বরাবর আমার মনে হয়েছে যে সব গর্তনক্ষারই নিষ্ফল, আর ঈশ্বর-জননী-সংক্রান্ত এই মতবাদে নিখিলমাতৃত্বের ধারণাটিকে ব্যক্ত করা হয়েছে।

‘সন্তানের জন্ম দেবার সময় সব নারীকে একই নিঃসঙ্গতা ঘিরে থাকে, যেন সবাই তাকে ত্যাগ করেছে, যেন সে একেবারে একলা। সেই চরম মুহূর্তে পুরুষের ভূমিকা এমন অবাস্তব হ’য়ে যায় যেন এই ব্যাপারের সঙ্গে তার কখনোই কোনো সম্পর্ক ছিলো না, যেন সম্পূর্ণ ব্যাপারটাই অকারণ ও অযাচিত।

‘নারী, একা নারী, সন্তানের জন্ম দিয়ে থাকে। তারাই তাকে নিয়ে যায় ওপরতলায়, জীবনের কোনো-এক উচুতলায় দোলাবার মতো কোনো শাস্ত, নিরাপদ স্থানে। একা, স্তব্ধতা ও নম্রতার মধ্যে, তারাই লালন করে শিশুকে।

“তঁার পুত্র ও তাঁর ঈশ্বরের কাছে ঐকান্তিক প্রার্থনা” করতে বলা হয়েছিলো ঈশ্বরজননীকে, এই শুভগান বসানো হয়েছিলো তাঁর মুখে : “আমার আত্মা প্রভুকে বৃহৎ করেছে, আমার প্রাণ পুলকিত হয়েছে ঈশ্বরের মধ্যে, যিনি আমার মুক্তিদাতা। কেননা তিনি সম্মান দিয়েছেন তাঁর দাসীর দীনতাকে : তাই শোনো, এখন থেকে বংশপরম্পরায় মানুষ আমাকে পুণ্যময়ী বলবে।” তাঁর নবজাত শিশুর জন্তই এ-কথা বলেছেন তিনি, তিনি তাঁকে বৃহৎ করবেন (“কেননা, সেই তিনি যিনি সর্বশক্তিমান, তিনিই আমাকে মহৎ করেছেন”) ; সেই শিশুই তাঁর গৌরব। যে-কোনো নারী বলতে পারে এ-কথা। কেননা, তাদের প্রত্যেকের কাছে ঈশ্বর তাদের শিশুর মধ্যে প্রকাশিত হয়েছেন। মহাপুরুষদের মাতারা নিশ্চয়ই এটি বিশেষভাবে অহুভব করেছেন। কিন্তু, সেই সূচনার সময়, সব নারীই তো মহাপুরুষের জননী—পরে যে জীবন তাদের হতাশ করে, সেটা তো তাদের দোষ নয়।’

‘ইউজেনে ওনেগিন’ আর কবিতাগুলি আমরা অক্ষুরন্তভাবে বারবার পড়ছি। কাল সামডেভইয়াটভ এসেছিলো, অনেক উপহারও এনেছিলো। সঙ্গে—ভালো-ভালো খাবার, আর বাতির জল তেল। আর্ট বিষয়ে অন্তহীন আলোচনা হ’লো।

‘আমার বরাবরই মনে হয়েছে যে আর্ট এমন কোনো পদার্থ নয়, যার পরিধির মধ্যে অসংখ্য ধারণা আর বহু বিচিত্র প্রকাশের অবকাশ আছে। বরং আর্ট ঠিক তার বিপরীত ব’লেই আমার মনে হয়: তা হ’লো এমন কোনো বস্তু যা নিবিড়ভাবে ঘনীভূত এবং কঠিনভাবে সীমায়িত। তাকে বলতে পারি একটি মূলনীতি, যা প্রত্যেক শিল্পকর্মে প্রবেশ করে, একটি ক্ষমতা, যা কাজ করে তার মধ্যে, একটি সত্য, যা তা থেকে বেরিয়ে আসে। একে বলা যায় না রূপকল্প, বরং এটাই হচ্ছে আশ্চর্যবস্তুর সংগোপন রহস্য। আমার কাছে এ-সবই দিনের আলোর মতো স্পষ্ট। এ আমি হাড়ে-হাড়ে অনুভব করি, কিন্তু ভাষায় প্রকাশ করা বা বুঝিয়ে বলা ভারি শক্ত।

‘কোনো শিল্পকর্ম নানা দিক থেকে আমাদের কাছে আবেদন জানাতে পারে—খীম, বিষয়বস্তু, ঘটনাবলীর জটিলতা, চরিত্রায়ণ। কিন্তু সবার আগে যা আমাদের মনে দোলা দেয় তা হ’লো শিল্পের অস্তিত্ব। “চুক্তিয়া ও শান্তি”^১ পড়তে গিয়ে রাশ্বলনিকভের চুক্তিয়ার চেয়ে বরং শিল্পের উপস্থিতির দরুনই আমরা অনেক বেশি বিচলিত হ’য়ে পড়ি।

‘শিল্পে কোনো বহুত্ব নেই। আদিবাসীর শিল্প, মিশরের শিল্প, গ্রীসের কি আমাদের নিজেদের—সব, আমার মনে হয়, আসলে একই, এক এবং অদ্বিতীয়, হাজার-হাজার বছর ধরে যা অবিকল থেকে যায়, এ হ’লো সেই। একে একটা ধারণা বলতে পারেন আপনি, কিংবা বলতে পারেন জীবন সম্বন্ধে কোনো বিবৃতি, এমন সর্বব্যাপী যে টুকরো-টুকরো কথায় একে বিভক্ত করা কিছুতেই সম্ভব হয় না। কোনো সৃষ্টিকর্মের মধ্যে যদি অল্প বহু উপাদানের সঙ্গে এর একটি কণামাত্র থাকে তো দেখা যাবে সেই এক কণা শিল্প এই অল্প সব উপকরণকে ছাপিয়ে তার সারাংশের হ’য়ে উঠেছে, হ’য়ে উঠেছে তার আত্মা আর মর্মস্থল।’

^১ ডস্টয়েভস্কির ‘Crime and Punishment’। —অনুবাদের টীকা

৫

‘ঈষৎ সর্দি, কাশি, হয়তো বা একটু জ্বর-জ্বর ভাব। নিখাসের কষ্ট গেছে সারাদিন, বাগ্‌বস্ত্রের ঈষৎ সংকোচন, গলাটা আটকে আছে যেন। লক্ষণ ভালো নয়। নিশ্চয়ই আমার হৃৎপিণ্ডই এর কারণ। মায়ের দিকের বংশগতির প্রথম সতর্কবাণী—আজীবন মার হার্টের অস্থখ ছিলো। সত্যিই কি তাই? এতো শিগগির? যদি তাই হয়, তবে তো আর দীর্ঘজীবনের ওপর ভরসা রাখা চলবে না।

‘ঘরের ভেতর একটা আবছা পোড়া গন্ধ। ইন্দ্রি করার গন্ধ। টোনিয়া ইন্দ্রি করছে; একটুকুণ যেতে-না-যেতেই চুল্লি থেকে একটি জলন্ত কয়লা এনে সে রাখছে ইন্দ্রির ভেতর, আর ইন্দ্রির ডালাটা এক পাটি দাঁতেব মতো চট ক’রে কামড়ে ধরছে তাকে। দেখে আমার কী যেন মনে পড়তে চাচ্ছে, অথচ কিছুতেই মনে ক’রে উঠতে পারছি না। স্বাস্থ্য খারাপ হ’য়ে যাওয়ায় স্মৃতি-শক্তিও নষ্ট হ’তে চলেছে।

‘সামডেভইয়াটভের উপহার-দেওয়া সাবানের আমরা সদগতি করলাম পুরো দু-দিন কাপড় কাচার ব্যবস্থা ক’রে। শাশা এই উপলক্ষ্যে ইচ্ছেমতো ছুরস্তপনা ক’রে বেড়ালো। আমি এখন লিখছি, আর সে টেবিলের তলার তক্তার ওপর চেপে ব’সে সামডেভইয়াটভের ভঙ্গির নকল করছে। সামডেভইয়াটভ যখনই আসে তাকে একবার ক’রে স্নেজ চড়িয়ে আনে; এখন ঐভাবে ব’সে সে আমাকে স্নেজ-চড়াবার ভান করছে।

‘একটু ভালো বোধ করলেই জেলা লাইব্রেরিতে গিয়ে এই অঞ্চলের জাতিতত্ত্ব প’ড়ে আসবো। সবাই বলে লাইব্রেরিটা খুব ভালো, বিস্তর ভালো বই দান পেয়েছে। লিখতে ইচ্ছে করছে খুব। কিন্তু খুব তাড়াহুড়ো করতে হবে আমাকে, কেননা আমাদের বর্তমান অবস্থা অস্থাবন করতে-না-করতেই বসন্ত এসে পড়বে, আর তখন পড়া বা লেখার জন্ত সময় পাবো না।

‘বিল্লী মাধা-ধরা—দিনে-দিনে আরো খারাপ হচ্ছে। ভালো ঘুম হয় না। সেই ধরনের ঘোলাটে স্বপ্ন দেখলাম, জেগে উঠে যার একবিন্দুও মনে থাকে না। শুধু যে-অংশটা ঘুম ভাঙিয়ে দিলে, সেটুকুই মনে থেকে গেলো। এক নারীর কণ্ঠস্বর ঘুমের মধ্যে শুনে পেলাম, এতো স্পষ্ট যেন চারদিকে প্রতিধ্বনি

তুলছে। আমি মনে ক'রে রাখলাম সেই স্বর, মনের ভেতর একটানা গুনগুন করতে থাকলো, আর আমি মনে-মনে আমাদের যত মহিলাবন্ধু আছেন, তাদের তালিকা ঝালিয়ে নিতে লাগলাম—মনে করতে চেষ্টা করলাম এমন গভীর, ভেজা, ভারি, নরম গলায় কথা বলতো কে। কিন্তু না, এই কণ্ঠস্বর তাদের কারো নয়। মনে হ'লো হয়তো টোনিয়ার, কিন্তু তার কথা শুনে-শুনে এতো অভ্যস্ত হ'য়ে গেছি যে এখন হয়তো তার গলার স্বর আর আমার কানে পৌঁছয় না। সে যে আমার স্ত্রী, এ-কথা ভুলে যাবার চেষ্টা করলাম। চেষ্টা করলাম তার থেকে যথেষ্ট পরিমাণে বিচ্ছিন্ন হ'তে, যাতে বুঝতে পারি এটা তার গলাব স্বর কিনা। কিন্তু এটা তার কণ্ঠস্বরও নয়। রহস্যই থেকে গেলো।

‘স্বপ্নের কথা যখন উঠলোই, তখন বলি। সাধারণত এটা ধ'রে নেওয়া হয় যে লোকে তারই স্বপ্ন দেখে দিনে যা তার মনের ওপর বিশেষ গভীর দাগ কেটে যায়; আমার কিন্তু ঠিক এর উল্টোটাই মনে হয়।

‘প্রায়ই আমরা স্বপ্নে তা-ই দেখি, যা ঘটবার সময় আমরা কোনো মনোযোগ দিই নি—হয়তো সেই অস্পষ্ট ভাবনাই ঘুরে এলো স্বপ্নের ভেতর, যা শেষ পর্যন্ত ভেবে নেবার গরজ ছিলো না, হয়তো বেজে উঠলো সেই সব কথা, যা আবেগহীনভাবে বলা হয়েছিলো, যা কেউ লক্ষ্য করেনি তখন : এই সবই ফিরে আসে রাত্রে, স্বপ্নের ভেতরকার রক্তমাংসের জীবন্ত চরিত্র হ'য়ে ওঠে তারা তখন, যেন জাগ্রত মুহূর্তে তাদের অবহেলা করার জগ্ন ক্ষতিপূরণ আদায় ক'রে নেয় জোর ক'রে।’

৬

‘স্বচ্ছ তুষারপাতের রাত। সব-কিছু অসাধারণ দীপ্ত ও স্নগদ্বন্ধ। মাটি, আকাশ, চাঁদ, তারা—তুষারবৃষ্টিতে সব যেন নিবিড় হ'য়ে একসূত্রে বাঁধা পড়েছে। রাস্তার ওপর গাছের ছায়া পড়েছে, এতো স্পষ্ট যে মনে হয় যেন পাথর কেটে বানানো। আপনার কেবলই মনে হবে আপনি যেন কালো-কালো অনেক ছায়াকে রাস্তা পেরোতে দেখলেন, কখনো এখানে, কখনো

ওখানে। গাছের ডালপালায় নীল লণ্ঠনের মতো বড়ো-বড়ো তারা ঝুলে আছে। গ্রীষ্মকালের প্রান্তর-ভূমি যেভাবে ডেইজি ফুলে ছেয়ে থাকে, সারা আকাশে তেমনি ছড়িয়ে আছে ছোটো-ছোটো তারা।

‘পুশকিন সম্বন্ধে আলোচনা ক’রে চলেছি আমরা। সেদিন রাতে তাঁর সেই কবিতাগুলি নিয়ে আমরা কথা বলছিলাম, যেগুলি তিনি স্কুলে পড়ার সময় লিখেছিলেন। ছন্দ-নির্বাচনের ওপর কতো কিছু নির্ভর করে!

‘যতোদিন তিনি দীর্ঘ চরণ লিখেছিলেন ততোদিন তাঁর উচ্চাশার সীমা ছিলো। আজর্জামাস-এর^১ বন্ধুদের চমক লাগিয়ে দেওয়া। পুরাণ, বাগাভবন, সাংসারিক স্ববুদ্ধি, ভোগবৃত্তি, সারল্যবর্জন—সবই অভিনয় অবশ্য, কেননা বয়স্কদের ভারিক্কি চাল বজায় রাখতে হবে, আর কাকার^২ চোখে ধুলো দেওয়াও চাই।

‘কিন্তু যে-মুহূর্তে তিনি ওশান^৩ ও পার্নির^৪ অনুকরণ করা ছেড়ে দিলেন, যে-মুহূর্তে তিনি “সারস্বোয়ে সেলোর স্মৃতিকথা”র বদলে লিখলেন “একটি ছোটো শহর” বা “আমার বোনের প্রতি—একটি চিঠি” বা “আমার দোয়াতের প্রতি” (এটি পরে কিশিনেভ-এ লেখা হয়েছিলো) অথবা “ইউডিন-কে”, তখনই পুশকিনের সম্পূর্ণতাকে আমরা পেয়ে গেলাম।’

১ Arzamas : উনিশ শতকের প্রথম ভাগে তরুণ রুশ কবিদের দ্বারা প্রতিষ্ঠিত একটি সাহিত্যিক গোষ্ঠী, পুশকিন ছাত্রাবস্থাতেই এর সদস্য হয়েছিলেন।—অনুবাদের টীকা।

২ ভাসিলি লভতিচ পুশকিন (১৭৬৭—১৮৩০) : কবি পুশকিনের পিতৃব্য। ইনি ছিলেন একজন গোঁণ কবি, আর আজর্জামাসের সভ্য।—অনুবাদের টীকা।

৩ Oasian : গেলিক উপকথার প্রখ্যাত প্রাচীন কবি। জেমস ম্যাকফারসন নামক এক স্কটিশ কবি ১৭৬০, '৬১, ও '৬৩ খৃষ্টাব্দে ইংরেজি ভাষায় তিনখানা কাব্যগ্রন্থ প্রকাশ করেন, সেগুলি ওশান-এর মূল রচনা থেকে অনুবাদ ব'লে বিজ্ঞাপিত হয়। কিন্তু ম্যাকফারসনের মৃত্যুর পরে জানা যায় সেগুলি তাঁরই মৌলিক রচনা। রোরোগীর রোমান্টিকতার এর প্রভাব উল্লেখযোগ্য।—অনুবাদের টীকা।

৪ Parny, E'variste-De'sire'de (১৭৫৩—১৮১৪) : প্রাক-রোমান্টিক ফরাসী কবি, রিইউনিয়ন দ্বীপে জন্মেছিলেন। এঁর রচনার লামারতিনের পূর্বাভাস পাওয়া যায়।—অনুবাদের টীকা।

‘যেন মুহূর্তের মধ্যে খোলা জানলা দিয়ে রাস্তা থেকে ঘরে এসে ঢুকলো হাওয়া, আলো, জীবনের কলরোল, বস্তুর পর্যাপ্ত সন্তোষ। বাস্তব, বাইরের জগতের জিনিসগুলো, নিত্য ব্যবহৃত জিনিস, তাদের নাম, সাধারণ বিশেষ্য-পদ—সব যেন ফেটে পড়লো তাঁর কবিতার মধ্যে, অধিকার ক’রে নিলো, দূর হ’লো শব্দব্যবহারের অস্পষ্টতা, নিয়ে এলো বস্তু—আরো বেশি বস্তু, সারি-সারি মিল বেঁধে দাঁড়িয়ে গেলো পৃষ্ঠার ওপর।

‘বা পরে এতো বিখ্যাত হয়েছিলো, সেই আট মাত্রার ছন্দ যেন রাশিয়ার জীবন মেপে নেবার কোনো মাপকাঠির মতো, যেন মাতৃত্বমির সমগ্র অস্তিত্বের তিনি মাপজোক নিচ্ছেন—যেমন ক’রে আমরা পায়ের ছাপ বা হাতের মাপ নিয়ে থাকি—যাতে জুতো বা দস্তানাটি ঠিক মানানসই হয়।’

‘পরে, অনেকটা একই ভাবে, কথ্য রাশিয়ানের স্পন্দন, সাধারণ ঘরোয়া ভাষার ধ্বনিসম্পদ—সব প্রতিধ্বনিত হয়েছিলো নেক্রাসভের তিন মাত্রা ও ডাক্তিলিক ছন্দে।’

৭

‘ডাক্তার বা কৃষক হিসেবে কাজের লোক হ’য়ে উঠতে চাই আমি ; কিন্তু সেই সঙ্গে এমন কাজে আত্মনিয়োগ* করতে চাই যা স্থায়ী এবং মৌলিক ব’লে পরিগণিত হবে ; চাই কোনো বৈজ্ঞানিক বই লিখতে, নয়তো কোনো শিল্পকর্ম সৃষ্টি করতে।

‘প্রত্যেক মানুষই এক-একজন ফাউন্ট হয়ে জন্মায় : পৃথিবীর সব-কিছু আলিঙ্গন করতে চায় সে, চায় তার অভিজ্ঞতায় সব-কিছু ধরা পড়ুক, জগতের সব-কিছু তার মধ্য দিয়ে উন্মোচিত হোক। ফাউন্ট যে একজন বৈজ্ঞানিক হ’য়ে উঠেছিলো, এজন্য তার পূর্ববর্তী ও সমকালীনদের ভ্রান্তিকে ধন্যবাদ। বৈজ্ঞানিক প্রগতি নামক জিনিসটা বিকর্ষণের নীতি মেনে চলে—সমসাময়িক-কালের বিভ্রান্তি ও অসত্য তত্ত্বের প্রতিক্রিয়ার ফলেই অগ্রগতি সম্ভব হ’তে পারে। ফাউন্ট যে শিল্পী হ’য়ে উঠেছিলো, তার কারণ তার পূর্বসূরীদের আদর্শ, আকৃষ্ট হ’লেই শিল্পের ক্ষেত্রে এগিয়ে যাওয়া যায়। পূর্বসূরীদের মধ্যে

যাঁদের সে সবচেয়ে প্রশংসা করে তাঁদের অহুসরণ করবার আকাঙ্ক্ষা এবং তাঁদের প্রতি শ্রদ্ধা ও অহুসরণবশতই শিল্পের অগ্রগতি সম্ভব হ'য়ে থাকে।

‘কেন আমি ডাক্তার কিংবা লেখক হিসেবে কাজে লাগতে পারছি না? কী সেটা, যা আমাকে কিছু হ'য়ে উঠতে বাধা দিচ্ছে? কষ্টে আছি, জীবনে স্থিতি নেই, কেবলই ঘুরে বেড়াচ্ছি—এগুলিকে এর যথার্থ কারণ ব'লে আমার মনে হয় না। আসল কথা—আমাদের কালে অলংকৃত ভাষার বা বাঁধা-বুলির মোহে প'ড়ে গেছি আমরা—এই সব “আগামীর উষা” “নতুন পৃথিবীর নির্মাণ” “মানবজাতির মশালবাহীর দল”—প্রথম স্তন্যে মনোহর, “কল্পনার কী ঐশ্বর্য!” কিন্তু আসলে শব্দগুলি যে এতো জাঁকালো তার কারণই এই যে এদের পেছনে কল্পনা ব'লে কিছু নেই, চিন্তাটাই দ্বিতীয় শ্রেণীর।

‘যাকে আমার অলৌকিক বলি, তা প্রতিভার স্পর্শ-পাওয়া সাধারণ ছাড়া আর-কিছুই নয়। পুশকিনই এর সবচেয়ে বড়ো উদাহরণ। শাদাশিধে খাটুনি, কর্তব্য ও দৈনন্দিন জীবনের স্তবগান—এই তো তাঁর রচনা। “বুর্জোয়া” ও “মধ্যবিত্ত”^১ এই শব্দ দুটি আজকাল গালাগাল হ'য়ে উঠেছে, কিন্তু পুশকিন তাঁর “বংশলিপি” কবিতায় এই সমালোচনার আভাস আগেই দিয়ে গিয়েছিলেন। “বুর্জোয়া—এক বুর্জোয়া—এই হলাম আমি,” আর “ওনেগিনের যাত্রা”য় আবার বলেছিলেন :

“এখন আমার স্বপ্ন হলেন গৃহিণী,
শান্ত জীবন উচ্চতম আকাঙ্ক্ষা,
মস্ত গামলাভরা বাঁধাকপির স্নায়ু।”

‘সমগ্র রুশ সাহিত্যের মধ্যে যেটা আমার সবচেয়ে ভালো লাগে, তা হ'লো পুশকিন আর চেখভের শিশুর মতো রুশীয় মানস। মানবজাতির চরম উদ্দেশ্য বা নিজেদের মোক্ষের উপায়, এ-সব গালভরা বিষয় সম্পর্কে তাঁদের যে সলজ্জ ওদাস্ত আছে, এটাই সবচেয়ে ভালো লাগে আমার। এমন নয় যে

^১ Obyvatel; Meshchanin : এই দুটি শব্দের সঠিক প্রতিশব্দ অল্প ভাষায় নেই। ওবিভাটেল শব্দের আক্ষরিক অর্থ অকেজো বা নিশ্চোরজনীয় লোক; যেখানে সে থাকে সেখানকার কোনো বাপারেই সে দায়িত্ব নেয় না। মেস্চানিন কথাটা ‘পাতি বুর্জোয়া’র কাছাকাছি। রুশ সাহিত্যের বিখ্যাত ‘superfluous man’ এই ওবিভাটেলেরই প্রতিমূর্তি।

তঁারা এ-সব বিষয়ে কিছুই ভাবেননি, বা এ সব বিষয়ে কিছুই তাঁদের বলার ছিলো না, কিন্তু তবু তাঁরা সব সময়েই ভেতরে-ভেতরে অহুভব করেছেন যে এ-সব বিষয় ঠিক তাঁদের জ্ঞান নয়। অপর পক্ষে গোগোল, টলস্টয় ও ডস্টয়েভস্কি যে-কালে জীবনের অর্থ খোঁজবার চেষ্টা করছেন, ভাবছেন এ-বিষয়ে, প্রস্তুত হচ্ছেন মৃত্যুর জ্ঞান, ঠিক সেই সময়েই এঁরা দু'জন আকৃষ্ট হয়েছেন তৎকালীন জীবনধারায়, একেবারে শেষ দিন পর্যন্ত লেখক হিসেবে সেই ব্যক্তিগত দায়িত্ব পালন ক'রে গেছেন, যা তাঁরা নিজেদের কাঁধে নিজেরা তুলে নিয়েছিলেন; আর এই দায়িত্ব সম্পূর্ণরূপে পালন করতে গিয়েই তাঁরা জীবন কাটিয়েছেন সংগোপনে, লোকচক্ষুর অন্তরালে; তাঁদের জীবন ও তাঁদের রচনা—দুটোকেই তাঁরা ভেবেছেন তাঁদের ব্যক্তিগত ব্যাপার ব'লে, একেবারেই নিজস্ব ব'লে ভেবেছেন, যেন তাতে অশ্রু কারো কিছুই এসে যায় না। আর তারপর থেকে তাঁদের এই ব্যক্তিগত ব্যাপারগুলিই সকলের অভিনিবেশের ব্যাপার হয়ে উঠেছে, নিজের ভেতরে স্থপক হ'য়ে উঠেছে তাঁদের রচনা, যেমন ক'রে পেকে ওঠে গাছ থেকে পেড়ে-আনা কাঁচা আপেল, অহুভূতি ও মাধুর্যে ক্রমশ পূর্ণ ও পরিণত।'

৮

‘বসন্তের প্রথম আভাস : বরফ গলা। ঘুমেল হাওয়ায় শ্রোভ-পরবের^১ মাখন-মাখানো প্যানকেক আর ভদকার গন্ধ। তেলতেলে ঘুমেল সূর্য বনের ওপর মিটমিটে চোখে তাকায়, ঘুমেল পাইনের ছুঁচোলো ডগাগুলো চোখের পলকের মতো পিটপিট ক'রে নড়ে, তেলতেলে ডোবা চকচক করে দুপুরবেলায়। আর পল্লী-প্রান্তর হাই তোলে, আড়মোড়া ভাঙে, পাশ ফিরে ঘুমিয়ে পড়ে আবার।

‘বসন্ত, ওনেগিনের অহুপস্থিতিতে তার পরিত্যক্ত বাড়ি, আর পাহাড়ের তলায় বর্নার ধারে লেন্সির কবর—“ইউজেনে ওনেগিনে”র সপ্তম সর্গে এই সবের বর্ণনা আছে।

“নাইটিঙ্গেল, বসন্তের প্রেমিক,

সারা রাত ধ'রে গান গায়। ফোটে বুন্দো গোলাপ।”

১ ২২ পৃষ্ঠার পাদটীকা দ্রষ্টব্য।—অম্বুবাচক।

“প্রেমিক” কেন? কেন আবার, স্বাভাবিক বলে, মানিয়ে গেছে বলে। “প্রেমিক”ই ঠিক। তাছাড়া মিলের জগ্গেও দয়কার ছিলো।^১ নাকি তিনি আসলে তখন লোকগাথার দস্যু-নাইটিঙ্গেলের কথা ভাবছিলেন? “ওডিমানটিয়ি-র পুত্র, দস্যু নাইটিঙ্গেল।”

“তার নাইটিঙ্গেল-শিম শুনে,
তার বুনো আরণ্যক আস্থানে,
থরথর ক’রে কঁপে ওঠে ঘাস,
আর ফুলেরা ঝরিয়ে দেয় পাপড়ি।
কালো বন আভূমি প্রাণত হয়,
আর সব ভালো মানুষ ম’রে প’ড়ে যায়।”

‘আমরা ভারিকিনো এসেছিলাম প্রথম বসন্তে। দেখতে-দেখতে সবুজ হ’য়ে উঠেছিলো গাছেরা—বিশেষ ক’রে মিকুলিংসিনের বাগার তলায় শুটমার খাদে—অন্টার, হেঙ্গেল, বুনো চেরি—সব সবুজ। আর তার একটু পরেই শুরু হ’য়ে গেলো নাইটিঙ্গেলের গান।

‘আর-একবার অগ্ন সব পাখিদের গানের সঙ্গে তাদের তফাৎ অনুভব ক’রে আমি অবাক হ’য়ে গেলাম। বিরাট এই ব্যবধান, নাইটিঙ্গেলের অদ্বিতীয় সম্পদের সঙ্গে অগ্নদের গানের কোনো সেতুই প্রকৃতি রচনা করেননি। কী বৈচিত্র্য আর শক্তি আর অহুরগন! টুর্গেনিভ কোথায় যেন এর উল্লেখ করেছেন—এই গান, তাকে তিনি বলেছেন অরণ্যদানবের বাশির স্বর। আবার দুটি স্বর অগ্ন অগ্নগুলি থেকে স্বতন্ত্র। একটি বিলাসী, পর্যাপ্ত, এবং লোলুপভাবে পুনরাবৃত্ত: “টিঅথ, টিঅথ, টিঅথ” একটানা স্বরের মতো বাজতে থাকে। এই স্বর শুনে শিশির-ঢাকা ঝোপঝাড় পুলকে যেন শিউরে ওঠে। অন্য স্বর গম্ভীর, একটানা আবেদন অথবা সতর্কবাণী উচ্চারণ করছে যেন, “জাগো! জাগো!”

১ ওথনীস! ওথনীস!

‘বসন্ত । বাসন্তী বীজ বোনার সময় হ’য়ে এলো । লেখার সময় একটুও নেই, এমন কি দিনপঞ্জী লেখার পর্যন্ত না । যতোদিন লিখেছি, বেশ ছিলো । আগামী শীত পর্যন্ত এটা মূলতুবি রইলো ।

‘সেদিন—আর সেটা ছিলো সত্যিই শ্রোত-পরবের দিন, বসন্তকালীন বন্যা ভরপুর চলছে তখন, জল কাদা বরফগলার মধ্য দিয়ে স্নেজ চালিয়ে রুগ্ন এক চাষি এসে হাজির । আমি বললাম যে আমি আজকাল রোগী দেখা ছেড়ে দিয়েছি; তাছাড়া এখানে দরকারমতো ওষুধপত্র বা যন্ত্রপাতিও পাওয়া যাবে না । কিন্তু তাতে কোনো ফল হ’লো না, সে একই কথা ব’লে চললো ।—

“বাঁচান আমাকে, বাঁচান । আমার চামড়া খারাপ । আমার এই রোগা শরীরটাকে একটু দয়া করুন ।” কী আর করি, হৃদয়টা তো আর পাথর নয় । জামা খুলতে বললাম তাকে, দেখলাম তার লুপাস^১ হয়েছে । জানলার তাকের ওপর এক বোতল কাবলিক ছিলো (ওটা আবার কোথেকে এলো—এমন প্রশ্ন আমাকে জিজ্ঞেস করবেন না ; ওটা বা ঐ জাতীয়, এমন আরো দু-একটা জিনিস আছে, যা না-হ’লে আমার চলেই না, সেই সবই সামডেভইয়াটভের কৃপায় পেয়েছি), তাকে পরীক্ষা করতে-করতে একবার সেই বোতলটার দিকে তাকলাম । ঠিক তখনই আমার চোখে পড়লো, বাড়ির উঠানে আরেকটা স্নেজ এসে দাঁড়িয়েছে । প্রথমে ভাবলাম বুঝি আরেকজন রোগী এলো । কিন্তু দেখা গেলো, আমার ভাই ইয়েভগ্রাফ, সোজা যেন আকাশ থেকে পড়লো । বাসার সবাই ব্যতিব্যস্ত হ’য়ে পড়লো তাকে নিয়ে—টোনিয়া, শাশা, আলেকজান্ডার আলেকজান্ড্রোভিচ ; পরে আমিও এসে যোগ দিলাম তাদের সঙ্গে । প্রথমেই তো এক পশলা প্রশ্ন বর্ষণ করা হ’লে তার ওপর । কোথেকে এলো সে ? এলোই বা কী ক’রে ? যথারীতি সব প্রশ্নই কৌশলে এড়িয়ে গেলো সে । একটু হাসলো, কাঁধ বাঁকালো, আর কথা বললো হেয়ালি ক’রে ।

‘দিন পনেরো থেকে গেলো সে, প্রায়ই ইউরিয়্যাটিনে যাওয়া-আসা করলো, তারপর এমনভাবে অদৃশ্য হ’য়ে গেলো যেন পৃথিবী তাকে গিলে

১ লুপাস হ’লো এক ধরনের চর্মরোগ ।—অমুবাদকের টীকা ।

ঠিক এখানটায় এসে ইউবির দিনলিপি বন্ধ হয়ে গেছে আর কোনোদিন সে এতে হাত দেয়নি।

ইউরিয়্যাটিন পাব্লিক লাইব্রেরির রীডিংরুমে ব'সে-ব'সে বইগুলো উন্টে-পাণ্টে দেখছিলো ইউরি। অনেকগুলি জানলা রীডিংরুমে, প্রায় শো-খানেক লোক বসতে পারে। লম্বা-লম্বা টেবিলের সারি চ'লে গেছে জানলার ধার পর্যন্ত। লাইব্রেরি বন্ধ হয় সন্ধ্যাবেলায় ; বসন্তকালে শহরে আলোর কোনো ব্যবস্থা

নেই। কিন্তু ইউরির তাতে কোনো অসুবিধেই হয় না, কেননা, কোনো কারণেই, সে ডিনারের সময় পেরিয়ে শহরে থাকে না। মিকুলিংসিনের ধারণা দেওয়া ঘোড়াটা সে সামডেভইয়াটভের সরাইখানায় রেখে আসে, তারপর সকালে পড়াশুনো করে বিকেলবেলায় ভারিকিনোর উদ্দেশ্যে ঘোড়ায় চেপে রওনা হয়ে পড়ে।

লাইব্রেরিতে পড়াশুনো শুরু করার আগে ইউরি কচিং ইউরিয়্যাটিনে আসতো। সেখানে তার করবারও কিছু ছিলো না, তার ওপর শহরটা তার অচেনা। স্থানীয় অধিবাসীরা যখন আস্তে-আস্তে রীডিং-রুম ভরিয়ে তোলে—কেউ-কেউ তারই পাশে বসে, আবার কেউ বা ঘরের অল্প প্রান্তে—তখন তার মনে হয় সে যেন চৌরাস্তায় দাঁড়িয়ে শহরটাকে জেনে ফেলছে, যেন শুধু লোকজনেরাই এই রীডিং-রুমে আসছে না, তাদের সঙ্গে-সঙ্গে ঘর-বাড়ি রাস্তাঘাটও এখানে এসে পরস্পরের সঙ্গে দেখাসাক্ষাৎ করছে।

আসল ইউরিয়্যাটিনকে, যে-ইউরিয়্যাটিন বাস্তুব, কল্পনার সামগ্রী নয়—জানলা দিয়ে দেখা যায়। ঠিক মাঝখানকার, ঘরের সবচেয়ে বড়ো জানলাটা, তার সামনেই ফোটানো জলের একটা ট্যাঙ্ক। পাঠকেরা যখন একটু বিশ্রাম নিতে চায়, তখন কেউ বারান্দায় গিয়ে দাঁড়ায় সিগারেট খেতে, নয়তো ট্যাঙ্কের চারপাশে ঘিরে দাঁড়ায়, জল খেয়ে পেয়ালার বাকি জলটুকু বেসিনে ঢেলে দেয়, জানলার কাছে ভিড় করে দাঁড়ায়, সপ্রশংস চোখে শহরের দৃশ্য ঘাখে।

ছ'জাতের পাঠক আছে ; বেশির ভাগই হ'লো স্থানীয় বুদ্ধিজীবী সম্প্রদায়ের, অথবা আর-একটু নিম্নশ্রেণীর।

বুদ্ধিজীবীদের মধ্যে বেশির ভাগই স্ত্রীলোক ; কাপড়-চোপড় ভালো না, চোখে অবহেলিত অন্ত্যজের ভঙ্গি, আর লম্বা রোগা মুখের ভাবটি ফোলা-ফোলা, যার কারণ হয় ক্ষুধা, নয়তো পাণ্ডুরোগ কি শোথ। পড়াশুনো নিয়েই চিরকাল কাটিয়েছে তারা, লাইব্রেরির কর্মচারীদেরও ব্যক্তিগতভাবে চেনে, তাই লাইব্রেরিতে তারা বাড়ির মতোই স্বচ্ছন্দ।

সাধারণ লোকেরা দেখতে ভালো, স্বাস্থ্যবান ; সবচেয়ে ভালো পোষাক পরে পরিচ্ছন্ন হয়ে আসে তারা ; একটু লাজুক সংকোচ মিশে থাকে

চলনে-বলনে, এমন একটা ভঙ্গি থাকে যে মনে হয় তারা গির্জের ঢুকছে। অগ্নদের চেয়ে তারা গোলমাল করে বেশি, নিয়মকাহ্নন জানে না ব'লে নয়, বরং কারণটা ঠিক এর উল্টো; কোনো শব্দ করা ঠিক হবে না এই উৎকণ্ঠায় সর্বক্ষণ শঙ্কিত হ'য়ে থাকে ব'লেই তারা তাদের প্রাণবন্ত পদক্ষেপ ও কণ্ঠস্বর চাপা দিতে পারে না।

জানলাগুলির ঠিক উল্টো দিকে যে-খুপরিটা আছে, লাইব্রেরিয়ান ও তার ছু'জন সহকারী সেখানে একটা পাটাতনের ওপর বসে; তাদের এই বসবার জায়গাটিকে সারা ঘর থেকে আলাদা ক'রে রাখা হয়েছে একটি কাউন্টার দিয়ে। সহকারীদের মধ্যে একজন হ'লে একটি খিটখিটে ধরনের জীলোক, গায়ে পশমি শাল, প্রতি মুহূর্তেই সে কেবল তার প্যাশ-নে চোখে দিচ্ছে আর খুলে নিচ্ছে, আপাতদৃষ্টিতে তার এই সক্রিয়তার কারণ ব'লে যেটা মনে হয় তাকে প্রয়োজন না-ব'লে মেজাজ বলাই ভালো। অগ্ন সহকারীটির পরনে কালো বড়ের রেশমি জামা; তার বোধ হয় ফুশফুশের অস্থখ আছে, কেননা তাকে সব সময়েই রুমালের ভেতর দিয়ে কথা বলতে দেখা যায়, এক মুহূর্তের জগুও ঐ রুমালটিকে সে মুখ আর নাকের ওপর থেকে সরায় না।

লাইব্রেরির কর্মচারীদের মুখ বুদ্ধিজীবীদের মতোই লম্বাটে গোছের, আর অমনি থলথলে ফোলা-ফোলা; তাদের গায়ের চামড়াও তেমনি শিথিল, কেমন একটা মেটে-ধূসর এবং সবুজের ছাপ আছে, যেন নোনা শসা বা ছাতা-পড়ার রং। পালা ক'রে প্রত্যেকেই তারা ফিশফিশ ক'রে নতুন পাঠকদের নিয়ম-কাহ্নন ব'লে দেয়, নিঃশব্দে বইয়ের স্লিপ বাছাই করে, বই নিয়ে আসে ও ফিরিয়ে নিয়ে যায়, আর তারই ফাঁকে-ফাঁকে অবসর সময়ে কোনো রিপোর্ট বা সেই জাতীয় কোনো-কিছু লেখে।

জানলার বাইরে যখন সত্যিকার শহরের দৃশ্য দেখলো ইউরি, আর ঘরের ভেতর যখন সে কাল্পনিক শহরকে অনুভব করলে, যে-শহরের অধিবাসীদের প্রায় সকলের মুখ চোখ এমন ফোলা-ফোলা যে মনে হয় যেন প্রত্যেকেই গলগল আছে, এবং যারা কোনো কারণে তাকে ইউরিয়্যাটিন স্টেশনের সিগন্যাল-ঘরের সেই অশিষ্ট জীলোকটির মুখ মনে করিয়ে দেয়, তখন, ভাবনার কোনো-এক অকারণ অহুস্বে ইউরির মনে প'ড়ে গেলো

সেই প্রথম সকালবেলাটি, যেদিন সে এসে পৌঁছলো এই শহরে, মনে পড়লো শহরের দূরগত পরিদৃশ্য, গাড়ির মেঝেতে তার পাশে ব'সে-থাকা সামডেভ-ইয়াটভকে, এবং তার মস্তব্য ও ব্যাখ্যাগুলি। শহরের অনেক দূরে থাকতেই যে-ব্যাখ্যাগুলি তাকে দেওয়া হয়েছিলো, তার সঙ্গে এই অব্যবহিত পারিপার্শ্বিকের কোনো সম্বন্ধ আবিষ্কার করার চেষ্টা করলো সে, মনে-মনে ভাবলো যে এখন তো সে এই শহরের মধ্যেই, তাই তখন এই মিলিয়ে দেখার চেষ্টা নেহাৎ নিরর্থক নয়, কিন্তু সামডেভইয়াটভ তাকে যা বলেছিলো তার বিশেষ-কিছু মনে করতে পারলো না।

১১

ইউরি বসেছিলো ঘরের এক প্রান্তে, দরজা থেকে সবচেয়ে দূরে, তার সামনে প'ড়ে আছে স্থানীয় জেলা-পরিষদের পরিসংখ্যান-সম্পর্কিত কতিপয় বিবরণ, আর এ-অঞ্চলের জাতিতত্ত্ব সম্পর্কিত কতোগুলো তথ্যনির্ভর বই। পুগাচেভ^১-বিক্রোহের ইতিহাস-সম্পর্কিত ছোটো বইয়ের জগুও সে চেষ্টা করেছিলো, কিন্তু রেশমি জামা-পরা লাইব্রেরিয়ান তাকে ফিশফিশে গলায় জানিয়েছে যে কোনো পাঠক একসঙ্গে এতগুলো বই নিতে পারে না, যদি অল্প কোনো বইয়ে তার আগ্রহ থাকে তাহ'লে এ-সব পত্রিকা ও উল্লেখগ্রন্থ তাকে ফিরিয়ে দিতে হবে।

অতএব ও-সব বাছাই-না-করা বইয়ের স্তুপেই আগের চেয়ে আরো উত্তম ও বেগ নিয়ে আত্মনিয়োগ করলে সে, যে-সব বই তার সত্যি কাজে লাগবে সেগুলি সে একপাশে সরিয়ে রাখতে লাগলো, যাতে বাকিগুলি ফিরিয়ে দিলে যেগুলি সে পড়তে চায়, সেই ইতিহাসের বইগুলো আনতে পারে। ঐ সারগ্রন্থগুলির ভেতর দিয়ে তাড়াতাড়ি চোখ বুলিয়ে পরিচ্ছেদগুলির নাম দেখে নিচ্ছিলো সে, এতো তন্ময় হ'য়ে সে তার কাজ ক'রে চললো যে একবারের জগুও আশে-পাশে তাকালো না। তাকে অশ্রমনস্ত করতে পারলো না পাঠকদের ভিড়, তার পাশের পাঠকদের সে আগেই ভালো ক'রে দেখে নিয়েছে। তার বা ও ডানদিকের পাঠকদের সে মনে-মনে চিহ্নিত ক'রে

১ ৩০২ পৃষ্ঠার পাদটীকা দেখুন। —অনুবাদক

নিয়েছে, চোখ না-তুলেই সে বুঝতে পারছে যে এখনো পাশে ব'সে আছে তারা, জানলার বাইরে যে-সব বাড়ি আর গির্জা দেখা যাচ্ছে, তারা যেমন তাদের জায়গা থেকে নড়বে না, তেমনি তার দু'পাশের পাঠকরাও যে রীতিং-রুম থেকে তার আগে বেরোবে না, এটাও সে ভালো ক'রেই জানে।

ইতিমধ্যে স্বর্ঘ্য কিন্তু তার স্থান পরিবর্তন করলো, পূর্ব কোণ থেকে শুরু ক'রে ঘরের সব দিকেই ঘুরে এলো, রোদের রেখা এখন দক্ষিণ দিকের জানলায় বলসে উঠছে, দেয়ালের পাশের পাঠকদের চোখে সোজা ছুঁড়ে মারছে তার তীক্ষ্ণ উজ্জলতা।

বারোমেসে সর্দিওলা লাইব্রেরিয়ান তার পাটাতন থেকে নেমে জানলা-গুলোর কাছে গিয়ে দাঁড়ালো। আলোকে নরম ক'রে আনার জগু কুঁচকোনো শাদা পর্দার ব্যবস্থা করা ছিলো, একটি বাদে বাকি সবগুলি পর্দাই টেনে দিলে সে। শেষ জানলাটা ছায়ায় ছিলো তখনো, তার কাছে এসে খড়খড়ি খোলার জন্য বোলানো দড়ি ধ'রে টান দিলে, কিন্তু সেই মুহূর্তেই প্রচণ্ডভাবে হাঁচি শুরু হ'য়ে গেলো তার।

সে যে মিকুলিংসিনের অন্যতম শালিকা, সামডেভইয়াটভ যাদের কথা বলেছিলো সেই টুন্টসেভ বোনদের একজন, এটা ইউরি আন্দাজ করলে যখন সে দশ-বারোবার হেঁচে নিয়েছে। সে মাথা তুলে তার দিকে তাকালো, যে-কাজটা প্রায় সব পাঠকই আগে ক'রে নিয়েছিলো।

ঘরের ভেতর একটি পরিবর্তন সে লক্ষ্য করলে এবার। ঘরের ঠিক অগ্ন্য কোণে, দেয়ালের কাছে, নতুন একজন পাঠিকা বসেছেন। আন্টিপভাকে তক্ষুনি চিনতে পারলো ইউরি। ইউরির দিকে পেছন ফিরে ব'সে আছে সে, নিচু গলায় কথা বলছে সর্দি-লাগা লাইব্রেরিয়ানের সঙ্গে, আর সেও তার টেবিলে ঝুঁকে প'ড়ে কিশফিশিয়ে জবাব দিচ্ছে। মনে হ'লো এই কথাবার্তার ফল লাইব্রেরিয়ানের দিক থেকে ভালো হ'লো, কেননা সত্যিই দেখা গেলো যে সে যেন চোখের পলকে ভালো হ'য়ে উঠলো, শুধু যে তার ঠাণ্ডা, সর্দি এই সবই অন্তর্হিত হ'লো তা নয়, তার সেই উৎকণ্ঠিত ভিত্তি ভাবটাও কেটে গেলো। লারার দিকে একবার উষ্ণ ও কৃতজ্ঞ চোখে তাকালো সে, তারপর যে-রুমালটায় সব সময় মুখ ঢেকে রাখে সেটা তুলে নিয়ে পকেটে ভ'রে জিতাগো—২৬

রাখলো। এবার যখন সে কাউন্টারের পেছনে তার আসনে গিয়ে বসলো তখন তার স্বামী চোখে-মুখে হাসি আর আত্মবিশ্বাসের চিহ্ন স্পষ্ট হুটে উঠেছে।

ষট্টিটা তুচ্ছ হ'লেও মর্মস্পর্শী, ঘরের নানা অংশের অনেকেই এটা লক্ষ্য করলে; লারার দিকে সমর্থনের ভঙ্গিতে তাকিয়ে তারাও নিঃশব্দে হাসলো একটু। এই সব ছোটোখাটো লক্ষণেই ইউরি বুঝতে পারলো যে আশ্চিন্তাকে শহরের প্রায় সকলেই চেনে, শুধু তাই নয়, পছন্দও করে।

১২

ইউরি প্রথমে ভাবলো তক্ষুনি গিয়ে ওর সঙ্গে কথা বলে। কিন্তু কেমন একটা লজ্জা এসে বাধা দিলে—হয়তো সরলতার অভাব—যা তার স্বভাবের বিরোধী, কিন্তু যা অতীতে লারার সঙ্গে যোগাযোগের সময় সে অহুভব করেছে। থাক, লারাকে বিরক্ত ক'রে কাজ নেই, নিজেও পড়া ছেড়ে উঠবে না। লারার দিকে তাকিয়ে থাকার লোভ এড়াবার জন্য তার চেয়ার সে এমনভাবে এক পাশে সরিয়ে নিলে যে তার পেছনটা পড়লো টেবিলের দিকে; বইয়ের দিকে মন দেবার চেষ্টা করলো সে, আর তাই একটা বই নিলে হাতে, আর-একটা রাখলো হাঁটুর ওপর।

কিন্তু যে-বিষয়ে পড়ছে তা থেকে হাজার মাইল দূরে প'ড়ে থাকলো তার মন। হঠাৎ সে বুঝতে পারলো তারিকিনোয় এক শীতের রাত্রে স্বপ্নে যে-গলার স্বর শুনেছিলো, সে আর কারো নয়, লারার। এই আবিষ্কার তাকে এতো অবাক ক'রে দিলে যে সে ঝাঁকুনি দিয়ে চেয়ার ঠেলে দিলে, আশে-পাশের লোকেরা চমকে উঠলো, কিন্তু ইউরি সেদিকে কোনো খেয়াল না-ক'রে একদৃষ্টে লারার দিকে তাকিয়ে থাকলো।

লারার আধখানা মুখ চোখে পড়লো তার, তাও প্রায় পেছন থেকে। ক্ষিপ্ত-লাগানো পাংলা একটা ডোরা-কাটা ব্লাউজ তার পরনে। বইয়ের মধ্যে তলিয়ে গেছে সে, ঠিক একেবারে বাচ্চা ছেলের মতো নিবিষ্ট হ'য়ে আছে বইয়ে; এমনভাবে ব'সে আছে যে তার মাথা ডান কাঁধের দিকে ঝুঁকে পড়েছে একটু। মাঝে-মাঝে চিন্তা করবার জন্য পড়া বন্ধ ক'রে কড়িকাঠ

কিংবা সামনের দিকে একটুকুণ তাকিয়ে আবার হাতে গাল ঠেকিয়ে নোট-বইয়ে লিখছে—তার পেন্সিল যেন উড়ে চলেছে কাগজের ওপর।

অনেকদিন আগে মেলউজ্জৈয়েভোতে ইউরি যা লক্ষ্য করেছিলো, আবার এখানে তা লক্ষ্য করলো সে। ‘একটা জিনিস ভারি আশ্চর্য,’ সে মনে-মনে ভাবলো, ‘ছলাকলা ও মোটেই জানে না। অতুলকে খুশি করতে বা নিজেকে হৃদয় দেখাতে চায় না। মেয়েদের জীবনের সেই দিকটাকে সে ঘূর্ণা করে, যেন নিজের রূপের জগৎ নিজেকে শাস্তি দিচ্ছে সে। কিন্তু নিজের প্রতি তার এই যে গবিত বিরুদ্ধতা, এটাই তার সব চেয়ে বড়ো আকর্ষণ।’

‘তার সব কাজই কী নিপুণ! পড়াশুনো করা মানুষের সবচেয়ে উঁচু দরের কাজ—এ-কথা ভেবে যে সে পড়াশুনো করে তা নয়, বরং ঠিক যেন তার উন্টো, তার পড়াশুনোর ভঙ্গিটা এ-রকম যেন এটা পৃথিবীর সবচেয়ে সহজ কাজ, যে-কোনো প্রাণীই যেন পড়াশুনো করতে পারে। তার কাছে পড়াশুনোটা কুয়ো থেকে জল তুলে আনা, কিংবা আলুর খোলা ছাড়ানোর মতো ব্যাপার।’

এ-সব চিন্তায় শাস্ত হ’লো তার মন। সত্যি বলতে ও-রকম শাস্তি সে ক’টিং পেয়েছে। এবার তার মনের লাফিয়ে-লাফিয়ে বিষয়াস্তরে যাওয়া বন্ধ হ’লো। একটু মুহূর্ত না-হেসে পারলো না সে, লারার উপস্থিতি তাকে ঠিক সেই ভাবেই বদলে দিলে, যেমন দিয়েছে লাইব্রেরির অস্থায়ী কর্মচারীটিকে।

চেয়ারটা ঠিকমতো বসেছে কি বসেনি, মন তার বিক্ষিপ্ত হচ্ছে কিনা, এ-সব বিষয়ে আর একটুও চিন্তা করলো না ইউরি। বরং লারার আসার আগের চেয়েও আরো বেশি মন দিয়ে দে ঘণ্টাখানেক পড়াশুনো করলে। সামনের ঐ স্তূপাকার বইগুলোর সব ক’টাই সে খুঁটিয়ে-খুঁটিয়ে দেখলো, যে-সব তার সবচেয়ে বেশি কাজে লাগবে, সেগুলো সরিয়ে রাখলো একপাশে, এমনকি একটা বই থেকে সম্পূর্ণ বিষয় নিয়ে লেখা একটি প্রবন্ধ পর্যন্ত প’ড়ে নিলো। তারপর তার মনে হ’লো আজকের মতো যথেষ্ট কাজ করা হয়েছে। বইগুলো সব জড়ো ক’রে ডেস্কে ফিরিয়ে দিয়ে এলো। এখন তার বিবেক হালকা; কোনো গুঢ় উদ্দেশ্যের কথা আর ওঠে না; এবার,

সকালবেলার এই খাটুনির পর, পুরোনো এক বন্ধুর সঙ্গে দেখা করার আর বাধা নেই, নিজেকে এটুকু স্থখের স্বাদ সে সংগতভাবেই দিতে পারে। উঠে দাঁড়িয়ে ঘরের চারদিকে তাকালো সে, কিন্তু লারাকে আর দেখা গেলো না।

যে-কাউন্টারে সে তার নিজের বইগুলো ফেরৎ দেবে ব'লে রেখেছে, সেই একই কাউন্টারে তখনও লারার ফেরৎ-দেওয়া বইগুলো প'ড়ে আছে। মাক্স বাদের পাঠ্যপুস্তক সেগুলো—আবার মাস্টারিতে যোগ দেবার আগে লারা নিশ্চয়ই রাজনীতি প'ড়ে নিচ্ছে।

বইয়ের পাতার ফাঁক দিয়ে যে অর্ডার-স্লিপের প্রাপ্ত দেখা যাচ্ছিলো, তাতে লারার ঠিকানা লেখা ছিলো। ঠিকানাটা অদ্ভুত মনে হ'লো বটে, কিন্তু তবু ইউরী একটা কাগজে সেটা টুকে নিলে 'মার্চেন্ট স্ট্রীট, স্তম্ভ-ভবনের' উল্লেখ দিচ্ছে।' এই অদ্ভুত ঠিকানার মানে সে আর-একজন পাঠককে জিজ্ঞেস ক'রে নিলে, মস্কোতে যেমন লোকজনেরা কোনো এলাকাকে সেই এলাকার গির্জের নামে ডেকে থাকে, তেমনি ইউরীয়াটিনের লোকজনেরাও স্তম্ভ-ভবনের কথা মনে রেখে কোনো বাড়ির ঠিকানা বলে।

এক অঙ্ককার অট্টালিকাব নাম স্তম্ভ-ভবন, ইম্পাতের মতো ধূসর তার রং, সামনের দেয়াল শিল্প-দেবীদের মূর্তিতে অলংকৃত, মুখোস, বীণা আর করতাল নিয়ে তাঁরা দাঁড়িয়ে আছেন। গত শতকে একজন বণিক তার নাট্যশালা হিসেবে বানিয়েছিলো এটা। তার উত্তরাধিকারীরা পরে এটা বেচে দিয়েছে বণিক-সংঘের কাছে, আর এই বণিক-সংঘের জন্তই এই রাস্তার নাম হয়েছে মার্চেন্ট স্ট্রীট, আর লোকে এই সারা এলাকাটাকেই চেনে এই বাড়ির নামের স্মৃতি। পার্টির নগর-পরিষদ এখন এই বাড়িটা ব্যবহার করে, আর বাড়ির সামনের দিকের দেয়ালের তলায়, আগে যেখানে ঝুলতো থিয়েটারের পোস্টার আর প্রোগ্রাম, সেখানে এখন সরকারি ঘোষণা ও বিবিধ বিজ্ঞপ্তি লাগিয়ে রাখা হয়।

১ স্তম্ভ-ভবন (House of Caryatids) : কারিয়াটিড শব্দটা গ্রীক; স্থাপত্যে ভারবাহী স্তম্ভরূপে ব্যবহৃত নারীমূর্তিকে কারিয়াটিড বলে। এই ধরনের মূর্তির ব্যবহার প্রাচীন ভারতীয় স্থাপত্যেও বিরল নয়। —অনুবাদের টীকা

১৩

মে মাসের গোড়ার দিকের একটি ঠাণ্ডা বিকেল, জোর হাওয়া দিচ্ছে। ইউরি গিয়েছিলো লাইব্রেরিতে ; সেখান থেকে বেরিয়ে শহরের সব কাজকর্ম সেরে বাড়ি ফেরার উত্থোগ করছে, এমন সময় হঠাৎ সে অস্তরকম ভাবে, চললো লারার সঙ্গে দেখা করতে।

পথে কয়েকবার থামতে হ'লো তাকে, হাওয়ার বেগ ধুলোবালির ঝড় তুলছে তার সামনে। রাস্তার একপাশে স'রে এসে, মাথা নিচু ক'রে চোখ কুঁচকে, ঝড় থামার অপেক্ষা করে, তারপর আবার চলতে শুরু করলে সে।

লারা থাকে মার্চেন্ট স্ট্রিটের কোনায় নীল-ধূসর অঙ্ককার তন্তু-ভবনের উন্টে দিকের বাড়িটায় ; এই বিখ্যাত বাড়িটাকে ইউরি এই প্রথম দেখলে। যেমন নাম, বাড়িটা যেন কাজেও তা-ই, ইউরির মনে তা অদ্ভুত একটা অস্বস্তিকর ছাপ ফেললো।

লম্বায় মাসুষের দেড়গুণ হবে, এমনি সব পৌরাণিক নারীমূর্তি সব চেয়ে উঁচু তলার দেয়ালের গায়ে সারি-সারি দাঁড়িয়ে আছে। দুই দমক ধুলোর ঝড়ের মাঝখানে তার মনে হ'লো যেন বাড়ির সব মেয়েরা অলিন্দে এসে দাঁড়িয়ে রেলিং-বসানো পিল্লের মধ্য দিয়ে বুঁকে প'ড়ে তাকে দেখছে।

লারার বাড়িতে ঢোকান পথ দুটো ; একটা দরজা মার্চেন্ট স্ট্রিটে, অগুটা পেছন দিকের গলিতে। সামনের দিকে যে কোনো প্রবেশপথ আছে এটা জানতো না ব'লে পেছনের দরজা দিয়েই ইউরি ঢুকলো।

সে দরজা দিয়ে ঢুকতেই ঘূর্ণি হাওয়া পেঁচিয়ে-পেঁচিয়ে ধুলো আর জঞ্জাল তুললো আকাশে, উঠোনের রাস্তাটা ঢেকে গেলো ধুলোর পর্দায়। এই কালো পর্দার মধ্য দিয়েই কয়েকটা মুরগি ডাকতে-ডাকতে বেরিয়ে এলো, একটা মোরগ তাদের পেছনে তাড়া ক'রে এসেছে—তারা এসেই ইউরির পায়ের তলা দিয়ে কৌঁ কৌঁ করতে করতে পালিয়ে গেলো।

ঘূর্ণি বাতাস থেমে যেতেই লারাকে দেখতে পেলো সে। কুয়োর পাশে দাঁড়িয়ে আছে লারা, দুই বালতি জল তুলে একটা বাঁকে ঝুলিয়ে বাঁ কাঁধে রেখেছে। চুলগুলি হেলাফেলায় একটা রুমাল দিয়ে বাঁধা, যাতে ধুলো না লাগে। পরনের ঢেউ-খেলানো ঘাগরাটা হাঁটুর কাছে নামিয়ে অস্ত্র হাতে

ধ'রে আছে। বাড়ির দিকে রওনা হ'তেই আবার এলো ঘূর্ণি হাওয়া, শুধু যে তাকে ধামিয়ে দিলে তাই নয়, হাওয়ার বেগ তার মাথায় বৈধে-রাখা ক্রমালটা উড়িয়ে নিয়ে গিয়ে বেড়ার ধারে ফেলে দিলো, তখনও সেখানটায় মুরগিরা প্রবল গলায় চ্যাচাচ্ছে।

ইউরি দৌড়ে গেলো ক্রমালটার পেছনে, তারপর সেটাকে কুড়িয়ে এনে দিলে। নিদারুণভাবে অবাক হ'য়ে গেলেন স্বাভাবিক থাকার চেষ্টা করলো লারা, এটাই তার ধরন, কখনো তার মনের ভাব সে প্রকাশ করতে চায় না, আর সেইজন্মেই কোনোরকম বিশ্বয়শূচক নাটকীয় ভঙ্গি করলো না, শুধু একটা কথা বললো: 'জিভাগো!'

'লারিসা ফিয়োডোরোভনা!'

'আপনি এখানে!'

'বালতিগুলো নামিয়ে রাখুন। আমি নিয়ে যাচ্ছি।'

'আধখানা কাজ ভালোবাসি না আমি, কিছু শুরু করলে তার শেষও করা চাই। যদি আমার সঙ্গেই দেখা করতে এসে থাকেন তাহ'লে চলুন।'

'আর কার সঙ্গে দেখা করতে আসবো?'

'তা কি আমি জানি?'

'সে যাই হোক, আমাদের ঐ বালতিগুলো নিতে দিন। আপনি কাজ করবেন আর আমি দাঁড়িয়ে-দাঁড়িয়ে দেখবো তা হ'তে পারে না।'

'একে আপনি কাজ বলেন? থাক, বালতিগুলো থাক। আপনি শুধু জল ছলকে সিঁড়ি ভেজাবেন। বরং বলুন কেন এসেছেন। আপনি এই জেলায় এসেছেন এক বছর হ'য়ে গেলো, অথচ এর আগে সময় পেলেন না দেখা করার!'

'কী ক'রে জানলেন?'

'গুজবের তো অভাব নেই। তাছাড়া আপনাকে আমি লাইব্রেরির রীডিংরুমে দেখেছি।'

'আমাকে ডাকেননি কেন?'

'আমাকে আপনি দেখতে পাননি, এমন কথা বলবেন না!'

একটু-একটু দুলতে-থাকা বালতির ভারে লারাকেও খানিকটা আন্দোলিত হ'তে হচ্ছিলো। নিচু খিলানওয়া প্রবেশ-পথ দিয়ে ইউরির আগে-আগে

চললো সে। এখানে এসে সে নিচু হ'য়ে বালতি দুটো মাটিতে রাখলো, তারপর কাঁধ থেকে বাঁক নামিয়ে, সোজা হ'য়ে দাঁড়িয়ে একটা ছোট্ট ক্রমাল দিয়ে হাত মুছতে-মুছতে বললো :

‘চলুন, আপনাকে ভেতরের পথ দিয়ে সামনের হল-ঘরটায় নিয়ে যাই। ঐ ঘরটায় আলো বেশি আসে। এক মিনিট দাঁড়াতে হবে কিন্তু। বালতিগুলোকে পেছনের সিঁড়ি দিয়ে ওপরে নিয়ে গিয়ে সব ঠিকঠাক ক'রে আসতে হবে। বেশি দেরি হবে না আমার। আমাদের সিঁড়িগুলো কেমন ছিমছাম দেখুন—লোহার সিঁড়ি, আর এমনভাবে বানানো হয়েছে যাতে খোলা হাওয়া পাওয়া যায় সব সময়। বাড়িটা পুরোনো, তার ওপর গোলা-বারুদের সৌজ্ঞেয় একে কাঁপতেও হয়েছে মাঝে-মাঝে : কোথাও-কোথাও গাঁথুনি টিলে হ'য়ে এসেছে সেটা আপনি সহজেই লক্ষ্য করতে পারবেন। ইটের গাঁথুনির কাছে যে-ফাটলটা আছে, দেখছেন? ওখানটায় আমি আর কাটিয়া বাড়ি ছেড়ে বেরোবার সময় চাবি রেখে যাই। এই তথ্যটা মনে রাখবেন। একদিন হয়তো এমন সময়ে এসে পড়লেন যখন আমি বাড়ি নেই—তখন দরজা খুলে অনায়াসে বাড়ি দখল ক'রে ব'সে থাকতে পারবেন, যতোক্ষণ আমি ফিরে না আসি। দেখলেন তো, এখানে থাকে চাবিটা কিন্তু এখন আর চাবির দরকার নেই। পেছন দিয়ে ঘরে ঢুকে ভেতর থেকে দরজাটা খুলবো এখন। এই বাড়িটার একমাত্র বিরক্তিকর ব্যাপার হ'লো মস্ত বড়ো-বড়ো ইঁদুর। পালে-পালে ইঁদুর এসে বাড়ি দখল ক'রে ব'সে আছে—কিছুতেই ক্রীমানদের হাত থেকে নিস্তার নেই। দেয়ালগুলি কী রকম পুরোনো, দেখেছেন? দেয়াল জুড়ে ফাটল আর কোকর। যতোগুলো ইঁদুরের গর্ত পেয়েছি সবগুলো বুজিয়ে দিয়েছি, কিন্তু তাতে বিন্দুমাত্র লাভ হয়নি। হয়তো একদিন আপনি এসে আমাকে সাহায্য করতে পারবেন। মেঝে আর দেয়ালের জোড়ার জায়গাগুলিতে যতোগুলি ফোঁকর আছে সবগুলি বুজিয়ে দিতে হবে। তাহ'লেই বোধহয় ইঁদুরের উৎপাত কমবে, তাই না? আচ্ছা, আপনি এই চাতালে দাঁড়িয়ে অপেক্ষা করুন, যা খুশি তাই ভাবতে পারেন দাঁড়িয়ে-দাঁড়িয়ে। আমার বেশি দেরি হবে না—এক মিনিটের মধ্যেই আপনাকে ডাকবো ভেতরে।’

তার ডাকের অপেক্ষা করতে-করতে ইউরি ইট-বের-করা দেয়াল আর ঘোরানো লোহার সিঁড়ির দিকে তাকিয়ে দেখলো। আপন মনেই বললো : ‘রীডিং-রুমে ভেবেছিলাম সে তেমনভাবে পড়াশুনায় মগ্ন হয়ে আছে, যেমনভাবে কোনো কঠিন সত্যিকার শারীরিক কাজে সে আত্মনিয়োগ করবে। কিন্তু এখন দেখছি তার উন্টোটাও সত্য : এমন অনায়াস লঘুতার সঙ্গে সে কুয়ো থেকে জল তুলে আনলো যে মনে হ’লো এটা যেন বই-পড়ার মতোই কোনো ব্যাপার। যা-কিছু সে করে, তাতেই ঠিক একই ধরনের অনায়াস স্বয়ং দেখা যায়, যেন ছেলেবেলায় সে একসঙ্গেই জীবনের সব-কিছু শুরু করেছিলো, তারপর থেকে নিজে-নিজেই সব কাজে তার অধিকার জন্মেছে, এমন তার স্বাভাবিকতা যে মনে হয় যেন কার্য-কারণ সম্বন্ধের মতোই তা অনিবার্য। এ সবই বোঝা যায় তার পিঠের রেখায়, সে যখন নিচু হয়, আর তার হাসিতে, যখন তা তার ঠোঁট দুটিকে ফাঁক ক’রে দিয়ে থুতনিকে গোল ক’রে তোলে, আর তার কথায়, তার ভাবনায়।

‘জিভাগো!’ সিঁড়ির মাথা থেকে ডাক দিলে লারা। ইউরি ওপরে উঠে এলো।

১৪

‘আমার হাত ধরুন দিকি, আর যা বলি, তাই করবেন কিন্তু। ছুটো আসবাবে ঠান্ডা অঙ্ককার ঘরের মধ্য দিয়ে যেতে হবে—হাত না-ধরলে কোনো কিছুতে ধাক্কা খেয়ে চোট লাগতে পারে।’

‘এ যে দেখছি গোলকধাঁধা। এর মধ্য দিয়ে কোনোকালে রাস্তা খুঁজে পেতাম না। তা এটা এ-রকম হ’য়ে আছে কেন? ফ্ল্যাটটা কি আবার নতুন ক’রে সাজানো হবে নাকি?’

‘না, না, সে-সব কিছু না। আসলে ফ্ল্যাটটার মালিক অগ্র কেউ, সে যে কে, আমি তা জানিও না। আমার নিজের ফ্ল্যাট স্থলবাড়িতে। স্থানীয় বসতি-বিভাগ যখন স্থল নিয়ে নিলে, তখন আমাদের আর কাটিয়াকে এ-বাড়ির একটা অংশ দেওয়া হ’লো। পুরোনো ভাড়াটেরা তাদের সব আসবাবপত্র

ফেলে রেখে চ'লে গেছে ! উঃ, কত আসবাব যে ছিলো তাদের ! আমি অন্তের জিনিস ব্যবহার করতে চাই না, তাই এই ঘর দুটোয় সব আসবাব ভ'রে রেখেছি, আর জানলায় চুনকাম করেছি যাতে রোদ্রুর ঠেকানো যায় । —আমার হাত ছাড়বেন না, তাহ'লে কিন্তু হারিয়ে যাবেন । যাক, শেষ হ'য়ে এলো, এবার ডান দিকে যেতে হবে । বাঁচা গেলো—গোলকধাঁধা পেরিয়ে এসেছি—এই দরজা আমার । এক্ষুনি আলোয় এসে পড়বো । সিঁড়ির দিকে লক্ষ্য রাখবেন ।’

লারার পেছন-পেছন ঘরে ঢুকলো ইউরি, দরজার মুখোমুখি জানলা দিয়ে এক দৃশ্য চোখে পড়লো তার । প্রথমেই দেখা যায় বাড়ির উঠোন, তারপর উঠোনের ও-পাশে সারি-সারি যে-সব বাড়ি আছে, তাদের নিচু ছাদ পেরিয়ে নদীর ধারের খোলা জায়গাটায় গিয়ে চোখ পড়ে ; ঐ খোলা জায়গাটার মালিক হ'লো মিউনিসিপ্যালিটি । ছাগল-ভেড়া চ'রে বেড়ায় সেখানে, তাদের লোম যেন পেছনে-লম্বা কোটের মতো জমিটাকে ঝাঁট দিচ্ছে । সেখানেও সেই চেনা হোডিং দেখা গেলো : ‘মরো অ্যাণ্ড ভেটচিনকিন : টেক-কল । বীজ-বপন যন্ত্র ।’

এটা দেখেই ইউরির মনে প'ড়ে গেলো মস্কো থেকে যেদিন এখানে এসে পৌঁচেছিলো । তক্ষুনি সেই দিনের কথা লারাকে বলতে শুরু ক'রে দিলে । লোকে যে স্টেলনিকভকে লারার স্বামী বলে, তা ভুলে গিয়ে ঐ সাক্ষাতেরও বিবরণ দিলে ইউরি । তার গল্পের এই অংশটা লারার মনে নাড়া দিলো ।

‘আপনি দেখেছেন ওকে ! আশ্চর্য ! এখন আর-কিছু বলবো না, কিন্তু সত্যি এটা ভারি আশ্চর্য ব্যাপার । তার সঙ্গে যে আপনার যে দেখা হবে—এটা ভাগ্য যেন আগে থেকেই ঠিক ক'রে রেখেছিলো, কোনো একদিন এ-বিষয়ে সব কথা খুলে বলবো আপনাকে, শুনে অবাক হ'য়ে যাবেন । মনে হচ্ছে ওকে আপনার খরাপ লাগেনি, বরং বোধ হয় ভালোই লেগেছে, তাই না ?’

‘মোটের ওপর ভালোই লেগেছে বলা যায় । তার ওপর বিতৃষ্ণা জাখা উচিত ছিলো আমার । কেননা সে যেখানে-যেখানে যৃত্যু আর ধ্বংস ছড়িয়ে দিয়েছে, সে-সব এলাকা পেরিয়েই আসতে হয়েছে আমাদের । ভাড়াটে তুর্কি

দস্যু, বা কোনো পাগল। খুনে বিপ্লবী—এই রকম ভেবেছিলাম স্ট্রেলনিকভকে, কিন্তু দেখলাম সে তার কোনোটাই নয়। ভালোই—কেউ যখন আমাদের ধারণার সঙ্গে ঠিক মেলে না, তাতে বোঝা যায় সে ছকে-ফেলা মানুষ নয়। যদি তা হ'তো তাহ'লে সেখানেই তার মানবত্বের পরিসমাপ্তি ঘটতো। যাকে কোনো নিয়মের মধ্যে ফেলতে পারছি না তার অন্তত একটা অংশ সত্যিকার মানুষ—অর্থাৎ অমরত্বের একটি কণা আছে তার মধ্যে।'

‘লোকে বলে ও নাকি পার্টির সভ্য নয়।’

‘আমারও তা-ই মনে হয় কিন্তু। সেই থেকে প্রায়ই আমি ভেবেছি ওর আকর্ষণ-শক্তির উৎসটা কোথায়। ওর নিস্তার নেই, ও ধ্বংস হবে—সেইটাই কারণ। আখেরে দুঃখ পেতে হবে ওকে—করতে হবে পাপের প্রায়শ্চিত্ত। যে-বিপ্লবী নিজের হাতে আইন তুলে নেয়, সে সত্যিই ভয়াবহ—ছত্রিয়দের মতো ভয়াবহ নয়, কিন্তু কিসের মতো জানেন? আয়ত্তের বাইরে চ'লে-যাওয়া যন্ত্রের মতো, কোনো চালকহীন রেলগাড়ির মতো। অগ্নি সকলের মতো স্ট্রেলনিকভও উন্মাদ। কিন্তু তাকে উন্মাদ করেছে জীবন ও যন্ত্রণা, পুঁথি-পড়া বিঘে নয়। আমি তার গোপন কথা জানি না, কিন্তু তার যে এক যন্ত্রণা আছে সে-বিষয়ে আমার সন্দেহ নেই। বলশেভিকদের সঙ্গে তার যোগাযোগ নিতান্তই আকস্মিক। যতোকণ সে বলশেভিকদের পথে চলবে ততোকণ তাকে কাজে লাগাবে তারা, কিন্তু তারপর আর সহ্য করবে না। যেই তার দরকার ফুরিয়ে যাবে তখনই তারা নির্দয়ভাবে মাড়িয়ে যাবে তাকে—যেমন আগেও অগাণ্ড যুদ্ধবিশারদকে মাড়িয়ে গেছে।

‘তাই মনে হয় আপনার?’

‘নিশ্চয়ই!’

‘কিন্তু নিস্তার পাবার কোনো উপায়ই কি ওর নেই? পালিয়ে যেতে পারে না?’

‘লারিসা ফিয়োডোরোভনা, আপনিই বলুন, পালিয়ে সে যাবে কোথায়? আগেকার দিনে পালিয়ে যাওয়া সম্ভব ছিলো, যখন ছিলো জ্বরের আমল। কিন্তু আজকাল? একবার চেষ্টা ক'রেই দেখুন না।’

‘আপনার কথা শুনে ওর জন্ত খুব কষ্ট হচ্ছে আমার। জানেন, আপনি

অনেক বদলে গেছেন। কত শাস্ত্যভাবে বিপ্লবের কথা বলতেন আগে, এমন কঠোর ছিলেন না।’

‘লারিসা ফিয়োডোরোভনা, আসল কথাটা এই যে সব-কিছুই একটা সীমা আছে। এতোদিনের মধ্যে কিছু-একটা স্পষ্ট সাফল্য দেখা দেওয়া উচিত ছিলো। কিন্তু শেষ পর্যন্ত দেখা যাচ্ছে যে, যারা এই বিপ্লবের প্রেরণা জুগিয়েছেন, তাঁরা পরিবর্তন আর তোলপাড় আর অশান্তি ছাড়া আর কিছুই চান না; বলা যায় যে অশান্তিতেই তাঁদের স্বাভাবিক নিবাস। ছোটোখাটো কিছুতে তৃপ্তি নেই তাঁদের, সবই বিশ্বব্যাপী হওয়া চাই। এই যুগসন্ধির সময়—যখন নতুন পৃথিবী আস্তে আস্তে গড়ে উঠছে—এই সন্ধিক্ষণই তাঁদের কাছে সর্বস্ব, এটাই তাঁদের শেষ লক্ষ্য। আর কিছু করার উপযুক্ত নন তাঁরা, এই একটা বিশেষ দিকেই তাঁদের শিক্ষিত করা হয়েছে, এটা ছাড়া আর-কিছুই তাঁর জানেন না। আর এই শেষহীন প্রস্তুতির অবিরাম ঘূর্ণি কেন, জানেন? তার কারণই এই যে তাঁদের সত্যিকার কোনো ক্ষমতা নেই, প্রতিভা নামক ব্যাপারটি তাঁদের নাগালের বাইরে। মানুষ জন্মায় বাঁচতে, বাঁচবার জ্ঞান প্রস্তুত হ’তে নয়। জীবন—এই যে জীবন আমরা উপহার পেয়েছি—এটাই কি নয় সবচেয়ে বড়ো, সবচেয়ে আশ্চর্য ব্যাপার? এই জীবনের বদলে কেন ডেকে আনবো এ-সব ছেলেমানুষি নাটুকেপনা, বয়ঃসন্ধির অমূলকগ্ননা, বাচ্চা ছেলের চ্যাচামেচি ছুটুমি? কিন্তু থাক এ-কথা। এবার আমার প্রশ্ন জিজ্ঞেস করার পালা। আমরা পৌঁচেছিলাম এখানকার গোলমালের দিনের সকালবেলায়। আপনি কি ছিলেন তার মধ্যে?’

‘মনে হচ্ছে তো ছিলাম! চারদিকেই দাউ-দাউ ক’রে আগুন জ্বলছিলো, এ-বাড়িটা যে পুড়ে যায়নি তা-ই আশ্চর্য। তবে খুব নাড়া খেয়েছিলো, তা তো আপনাকে আগেই বলেছি। এখনও উঠোনে একটা না-ফাটা বোমা প’ড়ে আছে। ঠিক গেটের কাছটায়। লুটপাট, গোলা-বাক্স, সব রকম ভীষণ কাণ্ড হ’য়ে গেছে—সরকার-বদলের সময় সর্বত্রই যা হ’য়ে থাকে। কিন্তু ততোদিনে আমরা এ সব ব্যাপারে রীতিমতো অভ্যস্ত হ’য়ে পড়েছিলাম, এমন নয় যে এ-সব প্রথম ঘটলো। শাদাদের সময় যা চলেছিলো তা তোমাকে ব’লে বোঝানো যাবে না।

খুন, জখম, রাহাজানি, ভয় দেখিয়ে জোর-জুলুম—তাওব বলতে যা বোঝা যায়, তাই। কিন্তু এখনো সবচেয়ে আশ্চর্য ব্যাপারটাই তো বলিনি। আমাদের গালিউলিন। চেকদের সঙ্গে সেও এসে হাজির হয়েছিলো— আর কী হ'য়ে, জানেন? গবর্নর-জেনারেল না কী।'

‘জানি। এ-কথা আমিও শুনেছি। আপনার সঙ্গে তার দেখা হয়েছিলো?’

‘প্রায়ই দেখা হ'তো। তাকে ধন্যবাদ—তার রূপায় কত লোককে যে বাঁচিয়েছি আমি, আর কত লোককে যে এ-বাড়িতে লুকিয়ে রেখেছি—তা আপনি কল্পনাও করতে পারবেন না। তা ছাড়া, সে সত্যিকার ভদ্রলোকের মতো ব্যবহার করতো, চলাফেরার ভঙ্গিতে রীতিমতো অভিজাত্য প্রকাশ পেতো। ঐ কাঁকের কইয়ের সঙ্গে তার মোটেও মিল ছিলো না—অন্তরা তো হঠাৎ গজিয়েছে, মাটি ফুঁড়ে উঠেই কেউ হয়েছে কসাক কাপ্তান, কেউ-বা পুলিশ-সার্জেন্ট, আরো কত কী! গালিউলিন যে তাদের সকলের চেয়ে আলাদা—এ-কথা বললে তাকে তার প্রাপ্য সম্মান দেওয়া হয়। কিন্তু দুঃখের কথা এই যে, ও-সব ক্ষুদে ব্যাঙাচিরাই মাতব্বরির করে, ভালো লোকেরা কিছুই করতে পারে না। গালিউলিন আমাকে অনেক সাহায্য করেছিলো, সে-জন্তু ঈশ্বর তাকে দয়া করবেন। জানেন তো, আমরা অনেকদিনের পুরোনো বন্ধু। আমি যখন খুব ছোটো, সে আমাদের বাড়ির পাশেই একটা শস্তাভাড়ার মস্ত বাসা-বাড়িতে থাকতো—অনেক ভাড়াটে ছিলো সে-বাড়িতে, আমি সব সময়েই সেখানে যাওয়া-আসা করতুম। ভাড়াটেদের মধ্যে বেশির ভাগই ছিলো রেলের লোক। অনেক দারিদ্র্য সেই ছেলেবেলাতেই দেখেছিলাম আমি। আর তাই বিপ্লবের প্রতি আমার মনোভাব একটু ভিন্ন। এটা আমার অনেক কাছের জিনিস, এর অনেক কিছুই আমি ভিতর থেকে বুঝতে পারি। কিন্তু গালিউলিনের কথা ভাবলে সত্যি অবাক হ'তে হয়, একবার ভাবুন এক দরোয়ানের ছেলে কিনা শাদাদের কর্নেল হ'য়ে বসেছে!—কিংবা বোধ হয় জেনারেলই হবে। আমাদের বাড়িতে সৈন্য হয় নি কেউ, তাই ও-সব পদ-বিভাগ আমার ঠিক জানা নেই। জানেনই তো পেশায় আমি হলাম ইতিহাসের মাস্টার।...সে যাই হোক, ব্যাপারটা হ'লো এই যে গালিউলিন আর আমি মিলে অনেককেই বাঁচাতে পেরেছিলাম। প্রায়ই গিয়ে তার

সঙ্গে দেখা করতুম আমি। আপনার কথাও বলাবলি করেছি আয়ব। যখনই যাদের হাতে ক্ষমতা এসেছে আমি তাদেরই মধ্যে পেয়েছি বন্ধু, যোগাযোগের সূত্র—সেই সঙ্গে তাদের সবার কাছ থেকে অনেক দুঃখ ও নৈরাশ্র। শুধু শস্তা উপলব্ধিই দেখা যায় যে মানুষ দুই শিবিরে বিভক্ত হ'য়ে গেছে, একের সঙ্গে অন্যের কোনো যোগাযোগই নেই। কিন্তু বাস্তব জীবনে সব-কিছুই মিলে-মিশে থাকে। যদি জীবন ভ'রে একটি মাত্র ভূমিকা থাকতো আপনার, সমাজে একটিমাত্র স্থান, একটিমাত্র ধারণার প্রতিনিধি হ'তো হ'তো আপনাকে, তাহ'লে কি একেবারে শূণ্যে পরিণত হতেন না আপনি? এই যে, তুই এলি?'

বছর আটেকের একটি বাচ্চা মেয়ে এসে ঘরে ঢুকলো। স্বন্দরভাবে বিছানি করা তার চুল। সরু চোখ দুটিতে দুষ্টবুদ্ধি জ্বলজ্বল করছে, আর হাসলে চোখ কোণের দিকে উঠে যায়। সে জানতো যে তার মার সঙ্গে এক ভদ্রলোক দেখা করতে এসেছেন, দরজার বাইরেই সে ইউরির গলা শুনেছে, কিন্তু সে ভাবলে যে একটু অবাধ হবার ভান করা উচিত তার। নমস্কার ক'রে, ইউরির দিকে অপলকে তাকিয়ে থাকলো সে নির্ভয়ে, তার দৃষ্টি থেকেই সেই একলা মেয়েটি প্রকাশিত হ'য়ে পড়লো, যে এইটুকু বয়সেই ভাবতে শিখেছে।

‘আমার মেয়ে, কাটিয়া। আশা করি আপনার সঙ্গে বন্ধুতা হবে ওর।’

‘মেলিউজ্জাইয়েভোতে ওর ছবি আমাকে দেখিয়েছিলেন। বেশ বড়ো হয়েছে তো। এতো বদলেছে যে চেনাই যায় না।’

‘তুই না বেরিয়েছিলি, কাটিয়া। কখন ফিরলি?’

‘ফাটলটার মধ্য থেকে চাবি বের ক'রে নিয়েছিলাম। জানো, কী মস্ত একটা ইঁদুর ছিলো ওর ভেতর—এই য়্যাভো বড়ো। আমার লাফ যদি তখন দেখতে! ভয়ে প্রায় ম'রেই যাচ্ছিলাম।’

চোখ বড়ো-বড়ো ক'রে মুখ গোল ক'রে এমন মজার ভঙ্গিতে সে তাকালো, যেন কোনো মাছকে জল থেকে ডাঙায় তুলে আনা হয়েছে।

‘এবার যাও তুমি। ইউরি-কাকাকে আমি এখানে থেয়ে যেতে বলবো, উছুন থেকে কাশা’ নামিয়ে তৈরি ক'রে ডাকবো তোমাকে।’

‘অনেক ধন্যবাদ, থাকতে পারলে আমি খুব খুশি হতাম। কিন্তু আমি

শহরে আসা শুরু করার পর থেকে আমরা দু'টার সময় ডিনার খাই, সব সময়েই চেষ্টা করি যাতে দেরি না হয়। বাড়ি পৌছতে তিন ঘণ্টার ওপর লাগে—প্রায় চার ঘণ্টা। সেইজন্তেই এতো তাড়াতাড়ি এসেছি আমি। শিগগিরই উঠতে হবে আমাকে।’

‘আর আধঘণ্টা আপনি থাকতে পারেন।’

‘থাকতে আমার ভালোই লাগবে।’

১৫

‘আপনি কিছু গোপন করেননি আমার কাছ থেকে, আমিও করবো না। যে-স্টেলনিকভের সঙ্গে আপনার দেখা হয়েছিলো সে আমার স্বামী—পাশা আন্টিপভ। এই পাশাকে খুঁজতেই আমি যুদ্ধক্ষেত্রে চলে গিয়েছিলাম, আর এরই মৃত্যুসংবাদ আমি খুব সংগত কারণেই বিশ্বাস করতে চাইনি।’

‘আপনি যে স্টেলনিকভকে আপনার স্বামী বলে ভাবছেন, এতে আমি অবাক হচ্ছি না। ও-রকম একটা কথা আমিও অবশ্য শুনেছিলাম আগে, কিন্তু আমার তাতে একটুও বিশ্বাস হয়নি। সেইজন্তেই এ-কথা আমার একটুও মনে ছিলো না, তাই এতো খোলাখুলিভাবে আপনাকে তার সঙ্গে দেখা হওয়ার কথা বলতে পেরেছি। এটা একটা নির্ভেজাল মিথ্যে কথা—একেবারে অর্থহীন। আমি তো দেখেছি তাকে। আপনার সঙ্গে তাকে জড়াবে কী ক’রে লোকে? তার সঙ্গে আপনার কী মিল আছে?’

‘তবু—এই কথাই সত্যি। স্টেলনিকভই হ’লো আমার স্বামী আন্টিপভ। সকলেরই এই ধারণা, আমিও তাদের সঙ্গে এ-বিষয়ে একমত। কাটিয়াও এ-কথা জানে, বাবার জন্ত তার গর্বের শেষ নেই। স্টেলনিকভ হ’লো তার ছদ্মনাম—সব সক্রিয় বিপ্লবীর মতোই তাকেও একটা নাম বানিয়ে নিতে হয়েছে। বিশেষ কোনো কারণেই হয়তো সে তার নিজের নামে কাজ করতে কিংবা বাঁচতে চায় না।

‘আর ইউরিয়্যাটিন দখল ক’রে আমাদের ওপর গোলা চালিয়েছে সে-ই। এটা সে স্পষ্ট জানতো যে আমরা এখানে আছি, কিন্তু যদি লোকে তার

আসল পরিচয় জেনে ফ্যালে, এই ভয়ে আমরা বেঁচে আছি কিনা, এটা পৰ্ব্বস্ত একবার সে জানবার চেষ্টা করেনি। অবশ্য ঐ গুলি চালানোই তার কর্তব্য। যদি সে আমাদের জিজ্ঞেস করতো তো আমি ঠিক এই তাকে করতে বলতাম। তাহ'লেও...আপনি হয়তো বলবেন আমি যে নিরাপদ আছি এবং নগর-পরিষদ যে আমাকে একটা মোটামুটি ভদ্র জায়গায় থাকতে দিয়েছে, এ থেকেই প্রমাণ হয় যে সে গোপনে আমাদের দেখাশোনা করে। কিন্তু সে যে সত্যি-সত্যি এখানে এসেও আমাদের সঙ্গে দেখা ক'রে যাবার লোভ সংবরণ ক'রে গেছে, এটা কল্পনাও করা যায় না! রোমক নাগরিকতার কোনো বিশেষ সদৃশ্য, আজকাল তো এইসব বানানো বুলি আউড়ে থাকে তারা,—কিন্তু এটা মনুষ্যত্ব নয়। ভাববেন না, আপনার মতের দ্বারা প্রভাবিত হচ্ছি। সত্যি বলতে, আপনার আমার চিন্তাধারায় কিছুই মিল নেই। তফাৎটা প্রান্তিক, ধরা-ছোঁয়ার বাইরে; আমরা অনুভব করি একভাবে, বুঝিও একভাবে, কিন্তু বড়ো-বড়ো ব্যাপারে—যাকে বলে জীবনদর্শন—সেখানে দু'জনের পক্ষে দু'দিকে থাকাই ভালো। কিন্তু স্টেলনিকভের কথায় ফিরে যাওয়া যাক।'

‘এখন ও আছে সাইবেরিয়ায়। আপনি ঠিকই বলেছেন—লোকে ওর ওপর এমন সব অপরাধ চাপায়, যা শুনে রক্ত হিম হ'য়ে যায় আমার। আমাদের সবচেয়ে শিক্ষিত ও ভালো এক সেনাবাহিনীর অধিনায়ক হিসেবে এখন সাইবেরিয়ায় আছে সে—কার সঙ্গে লড়াই করছে, জানেন? বেচারি গালিউলিনের সঙ্গে, যে তার ছেলেবেলার বন্ধু, গত জার্মান যুদ্ধে ও যার পাশাপাশি দাঁড়িয়ে লড়েছিলো। ও কে, গালিউলিন তা জানে; আমি যে ওর স্ত্রী, এও তার অজানা নেই, কিন্তু সে যে এ-কথা জামে, সেটা কখনো আমাকে অনুভব করতে দেয়নি, সযত্নে সে এই ব্যাপারটা এড়িয়ে গেছে, কিন্তু তার এই কৌশলকে আমি খুব-একটা মূল্য দিই না। আর শুনলে আপনি অবাক হবেন, স্টেলনিকভের নাম শুনলেই সে একেবারে উন্মাদ হ'য়ে যায়।

‘হ্যাঁ—ওখানেই সে আছে এখন—মানে সাইবেরিয়ায়। কিন্তু এখানে অনেক দিন কাটিয়ে গেছে, রেলগাড়ির একটা বগিতে থাকতো, যে-জায়গায় আপনার সঙ্গে দেখা হয়েছিলো। মনে-মনে শেষ দিন পৰ্ব্বস্ত এই আশা করে-

হিলাম আমি—বলা যায় না, হয়তো দৈবাৎ ওর সঙ্গে দেখা হ'য়ে যাবে। মাঝে-মাঝে সে আর্মির হেড-কোয়ার্টারে যেতো ; গণপরিষদের সৈন্যদের—হেডকোয়ার্টার যে বাড়িতে ছিলো, তাদেরটাও ছিলো সেখানেই। আর অদৃষ্টের এমনি পরিহাস যে তারই প্রবেশপথে গালিউলিনের সঙ্গে আমার দেখাশোনা হ'তো। প্রায়ই আমি যেতুম গালিউলিনের কাছে—কাউকে বাঁচাবার, কোনো ভীষণ কাণ্ড বন্ধ করার জন্ত। যেমন ধরুন, মিলিটারি অ্যাকাডেমির সেই ব্যাপারটা ; সে-সময়ে এটা তুমুল আলোড়ন তুলেছিলো—যদি মাস্টারমশাইকে ক্যাডেটরা অপছন্দ করতো তো অন্ধকারে ঘাপটি মেরে ব'সে সোজা গুলি চালিয়ে দিয়ে পরে জানাতো সে একজন বলশেভিক, কিংবা সে বলশেভিকদের পছন্দ করে। আর তারপর সেই ব্যাপারটাই ধরুন, যখন তারা ইহুদিদের মারতে শুরু করলে। তা কথাটা হচ্ছে—সব সময় এটা মনে হয় আমার—আপনি যদি শহরে থাকেন, আর বুদ্ধির কেনোরকম চর্চা করেন, তাহ'লে আপনার অর্ধেক বন্ধুবান্ধব ইহুদি হ'তে বাধ্য। তবু, যখন ইহুদিদের ওপর পগরম চলে, জঘন্য ও ভীষণ কাণ্ড শুরু হ'য়ে যায়, তখন রাগ, লজ্জা, দুঃখ শুধু নয়—আরো কিছু অসুভব করি আমরা—নিজের মধ্যে হু' টুকরো হ'য়ে যাবার কষ্ট—যেন আমাদের সমবেদনা আসছে বুদ্ধি থেকে, হৃদয় থেকে নয়—তাই কপটতার স্বাদটুকু যেন ঠেকানো যায় না।

‘যারা একদিন পৌত্তলিকতার শৃঙ্খল থেকে মানবজাতিকে মুক্তি দিয়েছিলো, সব রকম অত্যাচার ও অবিচারের বিরুদ্ধে এই মুহূর্তে যাদের অনেকেই নিজেদের উৎসর্গ করেছে, তারাই যে নিজেদের কাছ থেকে মুক্তি অর্জন করতে পারে না, তারাই যে এক্ষেত্রে এতো নির্মমভাবে অসহায়, এটা আমার কাছে রীতিমতো বিস্ময়কর ব'লে বোধ হয়। এমন এক সেকেলে ও আদিম প্রথার প্রতি আত্মগত্যের সূত্রে তারা শৃঙ্খলিত হ'য়ে আছে যে কিছুতেই তারা নিজেদের ছাড়িয়ে ওপরে উঠতে পারে না, কিছুতেই পারে না সকলের মধ্যে নিজেদের মিশিয়ে দিতে, অথচ যাদের ধর্মের প্রতিষ্ঠা তারা করেছে, তাদের যদি ভালো ক'রে জানতো তো তারা দেখতে পেতো নিজেদের সঙ্গে তাদের অনেক সাদৃশ্যই রয়েছে।

‘সত্য, উৎপীড়নই তাদের ঠেলে নিয়ে যায় এই নিষ্ফল ও সর্বশেষে ভঙ্গির

দিকে, এই লজ্জিত আত্মবাতী বিচ্ছেদের দিকে—যা থেকে দুর্ভাগ্য ছাড়া আর-কিছুই বেরিয়ে আসে না। কিন্তু আমার মনে হয়, এর অস্ত্র একটা কারণ হচ্ছে এক ধরনের মানসিক জরা, এক শতাব্দীসঞ্চিত অবলাদ যেন। অন্ধকারে ঠাট্টা ক’রে শিস দিচ্ছে যেন, ভীক কল্পনা, দৃষ্টির এই আটপোরে দারিদ্র্য—এ-সব আমার ভালো লাগে না। বুড়োরা যখন তাদের বার্ধক্য নিয়ে হা-হতাশ করে, কিংবা অস্থস্থ লোকেরা যখন তাদের রোগ নিয়ে বিষণ্ণ বিলাপে মগ্ন হয়, তখন যেমন অস্বস্তি লাগে, তেমনি লাগে তাদের এই সব ভাবভঙ্গি দেখে। আপনার কি তা-ই মনে হয় না?’

‘আমি এ নিয়ে এতোটা ভাবিনি। তবে আমার এক বন্ধু আছে—মিশা গর্ডন। সেও ঠিক আপনার মতোই কথা বলে।’

‘সে যাই হোক, আমি সেখানে এইজন্ত যেতুম, পাশাও তো সেখানে যাতায়াত করে, যদি দৈবাৎ আসা-যাওয়ার সময় দেখা হ’য়ে যায়। জারের আমলে দালানের এই অংশেই গবর্নর-জেনারেল বসতেন। এখন সেখানে দরজার ওপর একটি বিজ্ঞপ্তি ঝুলছে : “অভিযোগ।” হয়তো আপনি সেটা দেখেছেন। দেখেছেন? শহরের সবচেয়ে স্বন্দর জায়গা সেটা। তার সামনের চৌকো উঠোনে বড়ো-বড়ো তক্তা পেতে রাখা হয়েছে, সেই উঠোন পেরিয়ে গেলেই শহরের বাগান, অগুস্তি মেপল, হর্থন আর হনিসাকল্-এর গাছ সেখানে। দরজার বাইরে, রাস্তার ওপর সব সময়েই লাইন দিয়ে দাঁড়িয়ে আছে লোক-জনেরা। সেই লাইনে যোগ দিয়ে আমি অপেক্ষা করতুম। লাইন ডিঙোবার কোনো চেষ্টা করিনি আমি, আমি যে তার স্ত্রী, তা কখনোই প্রকাশ করিনি। কেননা, সব সত্ত্বেও, আমাদের নাম তো আলাদা। তাছাড়া স্বদয়-বৃত্তির কাছে আবেদন ক’রে কোনোই ফল হ’তো না সেখানে। তাদের ধরন-ধারন একেবারে আলাদা। আপনি কি জানেন যে তার বাবা পাভেল ফেরাপটোভিচ আন্টিপভ—তিনি একজন ভূতপূর্ব রাজবন্দী ও বুদ্ধ শ্রমিক—কাছেই থাকেন এখানকার; রাজপথের ওপরেই একটা উপনিবেশ আছে, এখানে তাঁকে নির্বাসিত হ’য়ে থাকতে হয়েছিলো। তাছাড়া তার বন্ধু টিভেরজিনও আছে সেখানে। তারা দু’জনেই আঞ্চলিক বিপ্লবী পরিষদের সভ্য।’ এখন আপনাকে যদি বলি যে পাশা একবারও তার বাবাকে দেখতে জিজ্ঞাসা—২৭

যায়নি, তার কাছেও নিজের পরিচয় খুলে বলেনি, তাহ'লে কি আপনি বিশ্বাস করবেন? আর তার বাবাও এটাকে মেনে নিয়েছেন, একটুও মন-ধারাপ করেননি। যদি তাঁর ছেলে “ছদ্মবেশে” লুকিয়ে থাকতে চায়, তাহ'লে এটাই তো তার পক্ষে স্বাভাবিক, আর তাহ'লে তিনি যে তার সঙ্গে দেখা করতে পারবেন না, এ নিয়ে কোনো উচ্চবাচ্য করা চলবেই না। এরা সব পাথরে বানানো মানুষ, এতো সব আদর্শ আর নিয়মকানুন আছে এদের যে কিছুতেই এদের মানুষ বলা চলে না।

‘যদি প্রমাণ করতেও পারতুম যে আমি তার স্ত্রী, তাহ'লেও কোনো স্ববিধে হ'তো না আমার। এ-রকম সময়ে, এই যুগসন্ধির সংকটমূহুর্তে, স্ত্রীকে দিয়ে কী হবে? কী এসে যায় স্ত্রীর অস্তিত্বে? দুনিয়ার মজদুর, নতুন পৃথিবী রচনা—এ-সব একটা কিছু তো বটে। কিন্তু স্ত্রী! কাকে বলে? নিছকই একটি বিপদ জীব, উকুন বা যে-কোনো পোকারই সমতুল্য, তার চেয়ে এক কানাকড়িও তার দাম বেশি নয়।

‘তার সহকারী মাঝে-মাঝে বেরিয়ে এসে জিজ্ঞেস করতো তার সঙ্গে কেন দেখা করতে চায় তারা—উত্তর শুনে তুষ্ট হ'লে মাঝে-মাঝে দু-একজনকে চুকে দিতো ভেতরে। আমি কিন্তু কখনো আমার নাম বলিনি, আর যখন সে জিজ্ঞেস করতো কেন দেখা করতে চাচ্ছি, আমি সব সময়েই বলতুম, ব্যক্তিগত কারণে। অবশ্য এটা যে নিছকই সময় নষ্ট করা, তা আমি জানতাম। সহকারীটি উত্তর শুনে কাঁধ ঝাঁকাতো, সন্দেহের চোখে তাকাতো আমার দিকে। কিন্তু ওর সঙ্গে একবারও আমার দেখা হয়নি।

‘আপনি হয়তো ভাবছেন সে আমাদের তোয়াক্কা রাখে না, বা মোটেও ভালোবাসে না আমাদের, বা হয়তো ভুলেই গেছে আমাদের কথা। এটা কিন্তু ভুল। ওকে খুব ভালো ক'রেই জানি আমি। আমি জানি ও কী চায়; জানি, আমাদের ভালোবাসে ব'লেই ও-রকম করে ও। খালি হাতে আমাদের কাছে ফিরে আসবার কথা কল্পনাও করতে পারে না। বিজয়ী বীরের বেশে আসতে চায়, গৌরবে উজ্জল হ'য়ে—সে চায় তার সেই গৌরব আমাদের পায়ের কাছে সমর্পণ করতে। আন্ত ছেলেমানুষ একটি।’

আবার কাটিয়া ঘরে এলো। তাকে অবাক ক'রে লারা তাকে শূন্যে তুলে নিয়ে দোলাতে লাগলো, কাঁড়কুড় দিয়ে চেপে ধরলো বুকে।

১৬

ঘোড়ায় চড়ে ইউরিয়্যাটিন থেকে ফিরছিলো ইউরি। অসংখ্যবার এই রাস্তা দিয়ে সে ফিরেছে। এতো অভ্যস্ত পথ যে এখন আর টেরই পায় না সেটা, বলতে গেলে চোখেও দেখতে পায় না।

একটু পরেই বনের ভেতরকার সেই চৌরাস্তায় এসে পড়বে যেখান থেকে একটা পথ সোজা চলে গেছে ভারিকিনোর দিকে, আর-একটা ঘুরে গেছে শাকমা নদীর তীরে এক জেলেদের গ্রামে। এখানেও একটা খুঁটির গায়ে কাঠের তক্তা বসিয়ে কৃষিকাজের যন্ত্রপাতির বিজ্ঞাপন এঁটে দেওয়া হয়েছে। সাধারণত যখন সে এই মোড়ে পৌঁছয়, তখন সন্দের অস্পষ্টতা নেমে আসে, আজও তা-ই হবে।

যেদিন সে প্রতিদিনের মতোই শহরে এসে বিকেলবেলায় বাড়ি ফেরার বদলে লারার বাড়িতে রাত কাটিয়ে গিয়েছিলো, তার পরে দু-মাসেরও বেশি কেটে গেছে। পরদিন বাড়ি ফিরে গিয়ে সে বলেছিলো যে একটা বিশেষ কাজে আটকা পড়ে গিয়েছিলো শহরে, তাই সামডেভইয়াটভের সরাইতেই রাত কাটিয়েছে। বেশ কিছুদিন ধ'রে—লারাকে সে নাম ধ'রে ডাকে, 'তুমি' ব'লে সম্বোধন করে, যদিও লারা তাকে এখনো ডাকে জিভাগো ব'লে। টোনিয়াকে ফাঁকি দিচ্ছে ইউরি, প্রতারণা করছে তার সঙ্গে, যে-কথাটা সে টোনিয়ার কাছ থেকে গোপন করেছে ক্রমশই সেটা গভীর ও অবৈধ হ'য়ে উঠছে, অথচ এ-রকম কিছু যে কোনোদিন ঘটতে পারে, এটা একেবারে অচিন্তনীয় ছিলো।

টোনিয়াকে পূজা করে ইউরি। টোনিয়ার মনের শাস্তি পৃথিবীর যে-কোনো জিনিসের চেয়ে তার কাছে বেশি মূল্যবান। তার সম্মানরক্ষার জন্য সে সব-কিছুই করতে পারে, এই সম্মানের ব্যাপারে সে টোনিয়া বা তার বাবার চেয়ে বেশি স্পর্শকাতর। টোনিয়ার সম্মান অক্ষুণ্ণ রাখার জন্য

যে-কোনো মানুষকে টুকরো ক'রে সে ছিঁড়ে ফেলতে পারে, আর এখন কিনা সে নিজেরই তাকে অপমান করছে।

বাড়িতে তার নিজেকে মনে হয় অপরাধী। বাড়ির কেউ সত্য কথা জানে না, তাকে আগের মতোই ভালোবাসে সবাই, সেজ্ঞ তার নৈতিক যন্ত্রণার অন্ত নেই। কোনো কথাবার্তার মধ্যে হঠাৎ নিজের অপরাধের কথা তার মনে প'ড়ে যায়, তখন আর কোনো কথাই শুনতে পায় না।

অনেক সময় খেতে ব'সে এ-কথা তার মনে পড়ে, অমনি খাবার আটকে যায় তার গলায়, চামচে নামিয়ে রেখে প্লেট ঠেলে সরিয়ে দেয় তখন। টোনিয়া অবাক হ'য়ে জিজ্ঞেস করে, 'কী হ'লো তোমার? নিশ্চয়ই কোনো দুঃসংবাদ শুনে এসেছো শহর থেকে? গ্রেপ্তার করেছে কাউকে, না কি গুলি ক'রে মেরেছে? বলো। না, না, আমি ভয় পাবো না, কথাটা ব'লে ফেললেই ভালো লাগবে তোমার। বলো।'।

সে যে আর-একজনকে ভালোবাসে, এইজ্ঞ কি তাকে বলা যায় টোনিয়ার প্রতি বিশ্বাসঘাতক? না, কোনো তুলনাই সে করেনি দু'জনের মধ্যে, কোনো নির্বাচনও না। 'মুক্ত প্রেম' নামক ব্যাপারটিতে তার বিশ্বাস নেই, ইজ্রিয়ের দ্বারা চালিত হবার 'অধিকার'কে সে অপছন্দ করে। এমন কথা বলতে বা চিন্তা করতে গেলেও তার মনে হয় সে নেমে যাবে। তার জীবনে এমন কোনো সময় আসেনি যখন সে 'উড়েছে', অথবা সে নিজেকে বিশেষ অধিকারসম্পন্ন অতিমানব ব'লেও ভাবে না। এখন সে বিবেক-দংশনে ক্ষতবিক্ষত।

'এর পর কী?' মাঝে-মাঝে নিজেকে সে জিজ্ঞেস করে। অত্যন্ত দীনভাবে সে আশা করে যে কোনো-এক আশাতীত, অসম্ভব ঘটনা তার সমস্তার সমাধান ক'রে দিয়ে যাবে।

কিন্তু এবার সব বদলে গেছে। যে-গ্রন্থির সে সৃষ্টি করেছিলো, এবার তাকে ছিন্ন করবে, এই রকম মনস্থির ক'রেই সে আজ বাড়ি ফিরছে। টোনিয়ার কাছে সব-কিছু খুলে বলবে, ক্ষমা চাইবে তার কাছে, আর সে লারার সঙ্গে দেখা করবে না।

এ-রকম অবস্থায় সব যেমন হওয়া উচিত, ঠিক তেমনটি কিন্তু হয়নি।

এখন সে মনে ক'রে দেখলো সে যে চিরকালের মতো লারার সঙ্গে সম্পর্ক ছেদ করতে যাচ্ছে, এটা তাকে স্পষ্ট ক'রে বুঝিয়ে দেওয়া হয়নি। আজ সকালে লারাকে তার সিঙ্কাস্ত জানিয়েছে, বলেছে, টোনিয়াকে সে সব খুলে বলতে চায়, এ-কথাও বলেছে, তাদের দেখাশোনা হওয়াটা আর বাঞ্ছনীয় নয়; কিন্তু এখন তার মনে হ'তে লাগলো যে সবই বড়ো বেশি নরম ক'রে জানিয়েছে, বড়ো বেশি কোমলতা ছিলো তার ভেতর, যার ফলে সমস্ত ব্যাপারটা যথেষ্টরকম স্পষ্ট হ'য়ে উঠতে পারেনি।

ইউরি যে কতদূর অস্থখী হ'য়ে আছে লারা সেটা বুঝতে পেরেছে ব'লেই এমন কোনো বেদনাদায়ক দৃশ্যের অবতারণা করেনি, যাতে সে আরো বিপর্যস্ত হ'য়ে পড়ে। যথাসম্ভব শাস্তভাবে ইউরির সব কথা শোনবার চেষ্টা করেছে লারা। সামনের দিককার একটা খালি ঘরে ব'সে তারা কথা বলছিলো। গাল বেয়ে চোখের জল গড়িয়ে পড়ছিলো লারার, কিন্তু এই অশ্রুপাতের একতিল চেতনাও তার ছিলো না—যেন তার বাড়ির উন্টো দিকের সেই দেবীমূর্তিগুলির গাল বেয়ে বৃষ্টির ফোঁটা গড়িয়ে পড়ছে, সমস্ত দৃশ্যটা তেমনি নিঃসাড় হ'য়ে গিয়েছিলো। নরম স্বরে একটি কথাই সে বারে-বারে বলেছিলো: 'আমার কথা ভেবে! না, যা তুমি ভালো মনে করো, তা-ই করো। আমি শিগগিরই সামলে উঠতে পারবো।' এ-কথা সে প্রাণ দিয়েই বলেছিলো, কোনোরকম মেকি দাক্ষিণ্যের প্রশ্ন এখানে ওঠে না; সে যে কাঁদছে এটা সে জানতে পারেনি ব'লেই তখন চোখের জল মুছে ফেলার কোনো চেষ্টা করেনি।

লারা হয়তো তাকে ভুল বুঝেছে, বোধহয় তাকে কোনো ভুল ধারণার বশবর্তী ক'রে সে চ'লে এলো, এখনো হয়তো সব আশা সে বিসর্জন দেয়নি—এ-কথা ইউরি যেই ভাবলো, অমনি সে ঘোড়া ফিরিয়ে আবার শহরে যাবার উদ্যোগ করলো; এবার তাকে সেই কথাগুলি ব'লে দিতেই হবে যা সে বলতে পারেনি তখন, আর, এই বিদায়টা আরো স্নেহভাবেই নেওয়া উচিত তার, আরো কোমলভাবে, লোকে যেমন ক'রে শেষ বিদায় নেয়, ঠিক তেমনি ক'রে তার বিদায় নেওয়া উচিত। কিন্তু নিজেকে সে সামলে নিলো কোনোরকমে, যেমন চলছিলো তেমনি চলতে লাগলো।

সূর্য ডুবে যেতেই অরণ্য ভরে গেলো ঠাণ্ডায় আর অন্ধকারে। ভিজ়ে পাতার গন্ধ ছড়িয়ে পড়লো। অনেক পোকা ভাসছে হাওয়ায়, জলে ফাৎনার মতো স্থির, তীব্র বিষন্ন গলার একটানা গুনগুন আওয়াজ শোনা যাচ্ছে। কোনোটা এসে মুখে বসলো, কোনোটা তার ঘাড়ে, ইউরি চাপড় মেরে-মেরে তাড়িয়ে দিতে লাগলো তাদের, আর তার চাপড়ের শব্দ তাল রাখতে লাগলো ঘোড়ার চলার সঙ্গে—দোলায়িত জিনের ক্ষীণ আওয়াজ, ভিজ়ে কাদার ওপর ঘোড়ার খুরের ভারি ছপছপে শব্দ, আর ঘোড়ার পায়ের তলায় শুকনো কাঠকুটোর ফেটে যাওয়ার আওয়াজ—সব-কিছুর সঙ্গে এই পোকা তাড়ানোর চাপড়ের আওয়াজও মিশে গেলো। দূরে, সূর্য যেখানে এখনো ডুবতে চাচ্ছে না, সেখানে এইমাত্র এক নাইটিঙ্গেল গান ধরলো।

‘জাগো, জাগো!’ অহুনয় করে বলতে লাগলো নাইটিঙ্গেল; ঠিক যেন ইন্সটার-রবিবারের আগে ডাক এলো দূর থেকে, ‘জাগো, আমার আত্মা, স্রুষ্টি ভেদ করো।’

হঠাৎ অত্যন্ত সহজ ও সরল একটি কথা মনে প’ড়ে গেলো ইউরির। এতো তাড়াহুড়ো করার কী দরকার? নিজেকে সে যে-প্রতিশ্রুতি দিয়েছে, সেটা তার ভাঙা উচিত নয়, কিন্তু এই স্বীকারোক্তি যে আজকেই করতে হবে এমন কথা কে বললো? এখনো সে কোনো কথাই বলেনি টোনিয়াকে, সে যদি আরেকবার শহরে গিয়ে সেখান থেকে ফিরে আসার পর সব খুলে বলে, তাহ’লে এমন কী সর্বনাশ হবে? লারার সঙ্গে কথাটা ভালো করে শেষ করবে সে, এমন স্নেহ, অমুভূতির এমন গভীরতা দিয়ে বলবে যে সব দুঃখের ক্ষতিপূরণ হ’য়ে যাবে। কী ভালো হবে, কী চমৎকার! আশ্চর্য, এই সহজ কথাটা কিনা তার আগে মনে পড়েনি।

লারার সঙ্গে আর-একবার দেখা করবার কথা ভাবতেই তার হৃৎপিণ্ড আনন্দে লাফিয়ে উঠলো। সেই প্রত্যাশার মধ্যেই সঙ্গলাভের আনন্দ পেলো সে।

কাঠের বাড়ি আর বাঁধানো রাস্তাওলা সেই শহরতলি এটাই তো তার বাড়ির পথ। আর-একটু পরেই সে এই গলি পেরিয়ে সেই পাথুরে রাস্তায় এসে পড়বে। শহরগুলির ছোটো-ছোটো বাসাগুলো বইয়ের পাতার মতো

ভেসে উঠলো তার চোখে, সব একসঙ্গে, না, আঙুল দিয়ে পাতা উন্টিয়ে যখন এক-এক ক'রে জাখে, তেমনভাবে নয়, বরং বইয়ের এক কোনায় ধ'রে সবগুলো পাতা একসঙ্গে খুলে দিলে যেমন হয়, তেমনভাবে সব মুহূর্তের মধ্যে ঝলসে উঠলো তার চোখে। এতো দ্রুত যে দম আটকে এলো। আর সব-কিছু পেরিয়ে তার বাড়ি, রাস্তার ঐ শেষ প্রান্তে, ঐ তো তার বাড়ি, বৃষ্টিভেজা মেঘ যখন সন্দের দিকে কেটে যেতে থাকে, তখন যে-সব শূন্যতা ধীরে-ধীরে বড়ো হ'য়ে ওঠে, ঠিক তারই তলায় সেই বাড়িটি যেন। ওখানে যাবার রাস্তার দু'পাশে যে-সব ছোটো-ছোটো বাড়ি আছে তাদের সে এত ভালোবাসে যে যদি পারতো তো আলতো হাতে তাদের তুলে নিয়ে চুমো খেতো সে। ছাতের ওপরকার ঐ একচোখো চিলেকোঠাগুলো—তাদেরই কি কম ভালোবাসে? আর ঐ আলোগুলি, যার সোনালি রেখা নালার জলে ঝিকমিকিয়ে ওঠে টুশটুশে জামফলের মতো! আর তার সেই বাড়ি, আকাশ-চেরা শাদা মেঘের তলায় তার সেই সুন্দর বাড়িটা। সেখানে গিয়ে সে আবার গ্রহণ করবে তাকে, দেবতার নিজের হাতে গ'ড়ে-তোলা স্তম্ভ একমুঠো সৌন্দর্যকে, যা তার আত্মার উদ্ধার। মুড়ি-দেওয়া কোনো এক ছায়ামূর্তি এসে দরজা খুলে দেবে তাকে, আর তার ঘনিষ্ঠতর প্রতিশ্রুতি—পৃথিবীর অগ্র কারো যাতে অধিকার নেই, উত্তরে খেত আলোর মতোই যা শীতল ও সংযত—তাকে এসে স্পর্শ করবে, যেমনভাবে অন্ধকার বেলাভূমিতে ঢেউ এসে আছড়ে প'ড়ে ছুঁয়ে যায়।

ইউরি লাগাম ছেড়ে দিয়ে ঝুঁকে পড়লো জিনের ওপর, তারপর ঘোড়ার গলা জড়িয়ে ধ'রে তার কঁোকড়ানো বালামচিতে মুখ ডুবিয়ে দিলো। আর এই আদরকে ঘোড়া ভাবলে তার শক্তির কাছে কাতর অহুন্নয় ব'লে, জোর কদমে ছুটে চলতে শুরু ক'রে দিলো অন্ধকার অরণ্যপথে।

তার হালকা খুর মাটিতে প্রায় না-ছুঁইয়েই ঘোড়াটি যখন ছুটেতে শুরু করেছে, তখন ইউরির মনে হ'লো, তার হৃৎপিণ্ডের সানন্দ স্পন্দন ছাড়াও বহু লোকের চীৎকার যেন 'শোনা যাচ্ছে অন্ধকারের ভেতর। কিন্তু সে ভাবলে, এটা তার কল্পনা, নিছকই কল্পনা।

কাছে কোথাও কে যেন গুলি ছুঁড়লো, বন্ধুকের আগুয়াজ তাকে বধির

ক'রে দিলো, তখনই উঠে বসলো সে, দ্রুত হাতে ছিনিয়ে নিলো লাগাম, তারপর টান দিলো গায়ের জোরে। এ-রকম পূর্ণ বেগে চলবার সময় বাধা পেয়ে থমকে একপাশে দাঁড়িয়ে গেলো ঘোড়া, তারপর দু-পা পেছিয়ে বসে পড়লো মাটিতে।

সামনেই দুই রাস্তার মোড়। 'মরো অ্যাণ্ড ভেটচিনকিন : টেকি-বল। বীজ-বপন যন্ত্র'। এই বিজ্ঞপ্তির ওপর সূর্যাস্তের ঝাপসা লাল আলো এসে পড়েছে। আর ইউরির রাস্তা আটকে দাঁড়িয়ে আছে তিনজন ঘোড়সওয়ার—স্কলের টুপি-মাথায় একটি ছেলে, দুটো কাতুজের বেন্ট-আটা জোকা পরনে ; আর একটি লোক অশ্ববাহিনীর অফিসার, তার মাথায় ফারের টুপি আর পরনে মিলিটারি ওভারকোট, আর তৃতীয় জনের পোষাক ভারি অদ্ভুত, যেন সে ফ্যান্সি-ড্রেস নাচে যোগ দিতে চলেছে, তার তুলো-ভরা মোটা পাংলুনের সঙ্গে তার কপাল-ঢাকা চওড়া পুরুষের টুপি মোটেই খাপ খাচ্ছিলো না।

'নড়বেন না, কমরেড ডাক্তার।' অফিসারের পোষাক-পরা লোকটি বললে, তিনজনের মধ্যে বয়সে সে-ই সবচেয়ে বড়ো। 'আমাদের হুকুম মেনে চললে আপনার কোনো ভয় নেই। কিন্তু অবাধ্যতা করলে—বিনা অপরাধেই—আপনাকে গুলি ক'রে মারবো আমরা। আমাদের বাহিনীতে যে-ডাক্তার ছিলেন, তিনি নিহত হ'য়েছেন, অতএব চিকিৎসক হিসেবে আপনাকে আমরা জোর ক'রে ধ'রে নিয়ে যেতে বাধ্য হচ্ছি। নেমে এসে ঐ ঘোড়ার লাগাম এই যুবকটির হাতে দিয়ে দিন। আবার আপনাকে মনে করিয়ে দিচ্ছি : আপনি যদি পালাবার চেষ্টা করেন আমরাও এক মুহূর্ত দেরি করবো না।'

'আপনিই কি কমরেড ফরেষ্টার ? মিকুলিংসিনের ছেলে লিবেরিয়ুস ?'

'না, আমি তাঁর প্রধান যোগাযোগ-সচিব, কামেনডভস্কি।'

পরিচ্ছেদ ১০

রাজপথ

রাজপথ ধ'রে একের পর এক শহর, গ্রাম আর কসাক-উপনিবেশ চ'লে গেছে। বহুদিনের পুরোনো পথ এটা : সাইবেরিয়ার এই প্রাচীনতম রাজপথ দিয়ে আগেকার দিনে ডাক যেতো। ছুরি দিয়ে ঝটিকে ছুঁটুকরো ক'রে কেটে ফেললে যেমন দেখায়, তেমনিভাবে নানা শহরকে দ্বিখণ্ড ক'রে, তাদের বড়ো রাস্তার ওপর দিয়ে, এই পথ চ'লে গেছে। আর, গ্রামের ওপর দিয়ে যাবার সময় সে গেছে উচ্ছ্বসিতের মতো ঝুঙ্কখাসে, একবারও পেছন ফিরে তাকায়নি, দু'পাশে ইতস্তত ছড়িয়ে দিয়েছে বহু উপনিবেশ, পেছনে ফেলে গেছে সরলরেখার মতো সার-বাঁধা কুঁড়েঘর, কোথাও হয়তো তারা আকার নিয়েছে বাঁকা রেখার, কোথাও আবার হঠাৎ মোড় নিয়ে সোজা হ'য়ে গেছে।

অনেকদিন আগে—তখনো খোডাটস্কোয়েতে রেল আসেনি—এই রাজপথ দিয়েই ট্রয়কায় ক'রে ডাক আনা-নেওয়া করা হ'তো। আর যেতো চা, ঝটি, আর কাঁচা-লোহা নিয়ে সদাগরি বহর ; কখনো আবার এই পথ দিয়ে, সতর্ক পাহারার ব্যবস্থা ক'রে, সার-বাঁধা কয়েদিদের সাইবেরিয়ায় নিয়ে আসা হ'তো। তালে-তালে পা ফেলে চলতো তারা, ঝমঝম ক'রে বেজে উঠতো তাদের শেল—তাদের বিনষ্ট, অসহায় আত্মা

যেন আকাশের বিহীনতের মতো ভয়ংকর—আর তাদের চারপাশে মর্মর তুলতো হৃর্ভেত্ত অন্ধকার অরণ্য।

এই রাজপথের ধারে যারা বসবাস করে তারা সবাই যেন একই পরিবারের অধিবাসী। বন্ধুত্ব আর বিবাহের সূত্রে গ্রামের সঙ্গে গ্রামের আর শহরের সঙ্গে শহরের সেতুবন্ধ রচিত হয়েছে। রাস্তা ও রেল-লাইনের সংযোগস্থলে খোঁড়াটস্কোয়ে। এখানে আছে এঞ্জিন মেরামত আর লাইনটাকে চালু রাখার প্রয়োজনীয় অগ্রাঙ্ক কল-কারখানা। সেখানে বস্তিগুলিতে গাদাগাদি করে থাকে গরিবের চেয়েও অধম লোকেরা—তারা অস্থিভোগে আর মরে। যন্ত্রবিজ্ঞান পারদর্শী যে-সব রাজনৈতিক বন্দী নির্দিষ্টকাল সশ্রম কারাদণ্ড ভোগ করেছে, খোঁড়াটস্কোয়েতে তাদের ‘স্বাধীনভাবে’ নির্ধারিত হিসেবে বসবাস ও দক্ষ কর্মী হিসেবে কাজ করার অমুমতি দেওয়া হয়।

বিপ্লবের গোড়ার দিকে এই রেলপথের ধারে ধারে যে-সব সোভিয়েট বনানো হয়েছিলো, বহুকাল আগেই সে-সব হাওয়ায় মিলিয়ে গেছে। মাঝখানে কিছুকাল সাইবেরিয়ার প্রাদেশিক সরকার শাসনভার গ্রহণ করেছিলেন, কিন্তু এখন এই গোটা অঞ্চলের শাসনকার্য পরিচালনা করেন শাদাদের সর্বোচ্চ অধিনায়ক অ্যাডমিরাল কোলচাক।

২

ভ্রমণের একটা পর্বায়ে এসে পথ কেবলই ওপরে উঠছে ঘুরে-ঘুরে। যেতাই তারা ওপরে উঠছে, ততাই গোটা এলাকার দৃশ্য তাদের চোখের সামনে আত্মপ্রকাশ করছে। এই ধীরে-ধীরে ওপরে ওঠা, যার ফলে দিগন্ত কেবলই বেড়ে যায়—মনে হয় তার যেন আর শেষ নেই। কিন্তু শেষটায় বিজ্ঞানের জগৎ যাত্রীরা যেখানটায় ঘোড়া থামালো, সেটাই পাহাড়ের চূড়ো। এবারে পথ গেছে একটি সেতুর ওপর দিয়ে, যার তলায় ঘূর্ণ তুলে কেজ্জমা নদী ছুটে চলেছে।

সেতুপেরিয়ে আবার এক মস্তণ খাড়াই। এখান থেকেই ‘ক্রুশোয়ন্ন’ নামে মঠের দেয়াল চোখে পড়ে। মঠের প্রাঙ্গণের চারদিক ঘিরে

উঁচু-নিচু খাড়াইয়ের দিকে পথ ঘুরে-ঘুরে এগিয়ে গেছে পুণ্য ক্রুশ^১ শহরের প্রান্তরেখার ভেতর দিয়ে।

শহরের মাঝখানে পৌছে আবার একবার মঠের প্রাঙ্গণকে স্পর্শ ক'রে গেছে পথ, কেননা মঠের সবুজ-রং-করা লোহার দরজাই শহরের প্রধান পার্কে যাবার রাস্তা। খিলেনওলা তোরণের গায়ে যে-বিগ্রহ আঁকা রয়েছে, তার তলায় সোনালি অক্ষরে লেখা অহুশাসন : 'হে তুমি, ভক্তির অজ্জয় জয়, হে সঞ্জীবনী ক্রুশ, আনন্দিত হও।'

লেট^২-এর শেষের পুণ্যসপ্তাহ। শীত প্রায় শেষ হ'য়ে গেছে। বরফ-গলার প্রথম চিহ্ন চোখে পড়ছে, কেননা রাস্তাঘাটগুলি কালো দেখাচ্ছে, কিন্তু বাড়ির ছাত বা উঁচু খিলেনগুলো এখনো অবশ্য লম্বা, শাদা, বুলে-থাকা বরফের টুপি প'রে আছে।

যে-সব ছোটো ছেলে ঘণ্টাবাজিয়েদের দেখবার জন্ম গির্জের ঘণ্টাঘরে উঠেছিলো, তাদের চোখে নিচের বাড়িগুলো দেখালো এলোমেলো জড়িয়ে-থাকা অনেকগুলি শাদা বাস্তবের মতো। ছোটো-ছোটো কালো মানুষ—প্রায় ফুটকির মতোই ছোট—বাড়িগুলোর মধ্য দিয়ে চলাফেরা করছে, কেউ-কেউ এসে দাঁড়িয়ে পড়ছে বাড়ির সামনে। আরো তিন শ্রেণীর 'নির্দিষ্ট বয়সের ছেলেদের' যুদ্ধে আহ্বান করা হয়েছে, দাঁড়িয়ে-দাঁড়িয়ে সেই হুকুম-নামা পড়ছে তারা; অ্যাডমিরাল কোলচাকের নির্দেশ অহুযায়ী এই বিজ্ঞপ্তিগুলো দেয়ালে-দেয়ালে এঁটে দেওয়া হয়েছে।

৩

রাত্রে অনেক অপ্রত্যাশিত ব্যাপার ঘটে গেলো। অসময়ে অস্বাভাবিক গরম করে এলো, সেই সঙ্গে আবার শুক হ'লো ইলশেগু'ড়ি—সেই বৃষ্টিধারা এতো পাংলা আর মিহি যে মনে হয় মাটিতে পড়বার আগেই

১ পুণ্য ক্রুশ : ক্রিস্টোভাজড্‌ভিজেন্‌স্‌ এর আক্ষরিক অর্থ ক্রুশোন্নয়ন-থাম।

২ ১৮৫ পৃষ্ঠার পাদটীকা দ্রষ্টব্য।

কুয়াশা হ'য়ে মিলিয়ে যাবে। এটা কিন্তু চোখের ভুল। আসলে বৃষ্টির জলে স্রোত ব'য়ে যাচ্ছে, উষ্ণ ও দ্রুত সেই স্রোত গড়িয়ে যাচ্ছে মাটির ওপর দিয়ে একেবারে কালো হ'য়ে গিয়ে চিকচিক করছে সেই মাটি—ঘামছে বেন—এবার এই জলধারা অবশিষ্ট বরফ ধুইয়ে দিয়ে মাটিকে পরিষ্কার ক'রে দেবে।

মুকুল-ধরা বেঁটে আপেলগাছগুলি হঠাৎ বাগানের বেড়ার ওপর দিয়ে তাদের ডালপালা বাড়িয়ে দিয়েছে। জলের ফোঁটা চুইয়ে পড়ছে তাদের শাখা-প্রশাখা থেকে, আর কাঠের ফুটপাতের ওপর জল পড়ার একটানা আওয়াজ সারা শহরে শোনা যায়।

ফোটোগ্রাফারের বাড়ির উঠোনে কুকুরছানা টোমিককে সারা রাত শেকল দিয়ে বেঁধে রাখা হয়েছিলো, সারা রাত ধ'রে সে বিশ্রী গলায় শুধু ট্যাচামেচি করলো। এদিকে তার এই ঘেউঘেউ আওয়াজে বোধ হয় বিরক্ত হ'য়ে গালুজিনের বাগানের কাক তারস্বরে চৈচিয়ে সমস্ত শহরটা মাং ক'রে দিলে।

পুণ্য ক্রুশ শহরের এক প্রান্তে লিয়ুবেজ্‌নভ নামক এক ব্যাবসাদারের কাছে তিন গাড়ি বোঝাই মাল এসেছিলো; লিয়ুবেজ্‌নভ কিন্তু কিছুতেই মাল খালাস ক'রে নিতে রাজি হ'লো না, বললো নিশ্চয়ই কোথাও কোনো ভুল হয়েছে, কেননা এই সব মালের জন্তু সে কখনোই অর্ডার দেয়নি। রাত অনেক হ'য়ে গিয়েছিলো ব'লে গাড়িওলারা তাকে অনেক অত্ননয় ক'রে, অন্তত রাত্রির জন্তু, মালটা জমা রাখতে বললো, কিন্তু লিয়ুবেজ্‌নভ তাদের বার-বার গালাগাল দিয়ে ভূত ঝাড়িয়ে দিলে, কিছুতেই দরজা খুলতে রাজি হ'লো না। তাদের এই ঝগড়ার আওয়াজও শহরের এক প্রান্ত থেকে অল্প প্রান্ত পর্যন্ত শোনা যাচ্ছিলো।

গির্জের হিসেবে যখন তৃতীয় প্রহর আর ঘড়িতে যখন সকাল একটা, তখন মঠের ঘন্টাগুলির মধ্যে সবচেয়ে গভীর যার আওয়াজ, সেটা থেকে এক চাপা নিচু মধুর গুঞ্জন বেরিয়ে এলো, অথচ ঘন্টাটা বিশেষ নড়ছিলো না। অন্ধকার ইলশেণ্ডারির সঙ্গে এই আওয়াজও হাওয়ায় মিশে গেলো। ঘন্টা থেকে বেরিয়ে এসে এই আওয়াজ প্রথমে হাওয়ায় ডুব দিলে, তারপর মিলিয়ে

গেলো, যেন বনস্তের বস্ত্রা নদীর তীর থেকে একটি মাটির টেলাকে ছিঁড়ে নিলে, আর সেটা জলে ডুবে গিয়ে আন্তে-আন্তে মিলিয়ে গেলো।

রাতটা ছিলো ‘মণ্ডি’^১ বৃহস্পতিবারের। বৃষ্টি পড়ছে সূক্ষ্ম জালির মতো ; তারই পেছনে, মোমবাতির কম্পিত আলোয়, কোথাও উদ্ভাসিত হ’য়ে উঠেছে একটি মুখ, কোথাও বা আলো এসে পড়েছে কপালে, কারো বা নাকের ডগায় ; দূরে ব’লে প্রায় বোঝাই যাচ্ছে না। উপবাস শেষ হ’লো, এবার গির্জের লোকেরা প্রভাতী প্রার্থনায় বসবে।

গির্জা থেকে যে-কার্ঠের ফুটপাথ বেরিয়ে এসেছে, মিনিট পনেরো পরে সেখানে পায়ের শব্দ শোনা গেলো। মুদির বৌ গালুজিনা বাড়ি ফিরে আসছে, যদিও এইমাত্র উপাসনা শুরু হ’লো। বেতলাভাবে হেঁটে আসছে সে, কখনো প্রায় দৌড়ছে যেন, আবার তারপরেই ধীর হ’য়ে এলো গতি, থামলো একটু ; শাল জড়িয়ে নিয়েছে সে মাথায়, ফার-কোটের বোতামগুলো খোল। গির্জার ভিড়ের মধ্যে দম আটকে গিয়েছিলো তার, অনেকটা মুছাঁর মতো, আর তাই সে বেরিয়ে এসেছে একটু খোলা হাওয়ার জগ্ন। কিন্তু এখন তার সংকোচ হ’লো, দুঃখও হ’লো খুব, শেষ পর্যন্ত থাকলেই হ’তো ; আর তা ছাড়া এবার নিয়ে দ্বিতীয় বছর হ’লো, সে লেট-এর সময় উপোস করেনি। তার উদ্বেগের এটাই প্রধান কারণ নয়। সেনাবাহিনীতে যোগ দেবার নির্দেশ দিয়ে আজ যে-বিজ্ঞপ্তি বেরিয়েছে, সেই বয়সের আওতায় তার গো-বেচারী ছেলে টেরিয়শকাও পড়ে।* মাথা থেকে এই চিন্তাটাকে ঝেড়ে ফেলার চেষ্টা করলো সে ; কিন্তু অন্ধকারের ভেতর সেই শাদা কাগজের বিজ্ঞপ্তিগুলো তাকে মনে করিয়ে দেবার জগ্ন প্রত্যেক মোড়ে ওৎ পেতে আছে।

মোড় বেকলেই তার বাড়ি। কিন্তু বাইরেই তার বেশি ভালো লাগলো ; গুমোট-করা সেই ঘরগুলোতে ফিরে যাবার তেমন গরজ তার হ’লো না।

১ Maundy Thursday : এই দিনে একে অস্তুর পা ধুয়ে দেয়। সন্ত রোহান-এ আছে : ‘প্রভু ও গুরু হ’য়েও আমি যখন তোমাদের পা ধুয়ে দিলাম, তখন তোমরা যেন কখনো পরস্পরের পা ধুয়ে দিতে ভুলে যোনা না।’—অনুবাদের টীকা

তার ভাবনার ঝোড়ো বিষণ্ণতা তার বুকের ওপর চেপে আছে। যদি তাকে চেষ্টা করে সব বলতে হয় এক-এক করে, তাহলে সকাল হবার আগে কিছুতেই তার কথা ফুরাবে না, আর তা ছাড়া সব কথা খুলে বলবার মতো ভাষাও নেই। কিন্তু এখানে, এই রাস্তায়, তার সব সাক্ষ্যহীন ভাবনা একসঙ্গে ভিড় করে এলো; মঠের ফটক থেকে পার্কের কোণ পর্যন্ত কয়েকবার হাঁটাধাঁটা করতে-করতে সবগুলো ভাবনার সঙ্গেই যেন যুঝে উঠতে পারলো সে।

দুইটার পরব শুকু হবার সময় হ'য়ে এলো, অথচ জনপ্রাণী নেই বাড়িতে; তাকে একা ফেলে সবাই চলে গেছে। একাই তো, একা ছাড়া আর কী? যে-মেয়েটিকে সে মানুষ করেছে সেই কসিউশা তো ধর্তব্যের মধ্যে আসে না। তাছাড়া সে কে যে তার কথা ধরতে হবে? কথায় বলে 'পরের মন, কালো বন'। হয়তো সে তার বন্ধু, হয়তো বা শত্রু কিংবা কোনো গোপন প্রতিদ্বন্দী। তাকে এই হিসেবে জানি যে সে হ'লো তার স্বামীর প্রথম স্ত্রীর পূর্ব-বিবাহের সন্তান—তার স্বামী ভ্লাস বলেছে যে সে তাকে দত্তক নিয়েছে। কিন্তু সে তো তার আত্মজাও হতে পারে? বা হয়তো সে তার মেয়েই নয় মোটে, বরং অন্য কিছু? পুরুষমানুষের মন কি কেউ কখনো দেখতে পায়? অবশ্য কসিউশাকে তার প্রাণ্য দিতেই হয়, তাব মধ্যে দোষের কিছু নেই। বুদ্ধি আছে তার, চেহারা ভালো, আদব-কায়দা জানে—হাবা-গোবা টেরিয়রশকা বা তার বাবা দু'জনের চেয়েই ঢের বেশি বুদ্ধি ধরে সে।

এই তো তার অবস্থা—পরিত্যক্ত, বিচ্ছিন্ন; এই পুণ্য সপ্তাহে তার সঙ্গী বলতে কেউ নেই। সবাই তারা ছড়িয়ে পড়েছে, যে যার নিজের কাজে বেরিয়ে গেছে প্রত্যেকেই।

কোথায় নিজের গোমুখ্য ছেলেটার দেখাশুনো করবে, তার প্রাণ বাঁচানোর চেষ্টা করবে, তা নয় তো দিব্যি মজা করে ভ্লাস এদিক-ওদিক ঘুরে বেড়াচ্ছে রাজপথে, লম্বা-চওড়া বক্তৃতা দিচ্ছে নতুন রংকটদের, চেতিয়ে তুলছে তাদের, ভীষণ সব হাতিয়ার ব্যবহার করতে উশকে তুলছে।

আর টেরিয়রশকাও বড়ো পরবের ঠিক আগে বাড়ি থেকে ছুটে বেরিয়ে

গেছে। কুটেইনি গ্রামে তাদের আত্মীয় আছে, সেখানে গেছে, বাতে হৈ-হলোড় ক'রে কোনো রকমে উষণ ভুলে থাকি যায়। হতভাগা ছেলটাকে আবার স্থল থেকেও তাড়িয়ে দিয়েছে। প্রায় প্রত্যেক ক্লাশেই তো ওকে এক বছর ক'রে বাড়তি আটকে রেখেছিলো তারা, আর এখন যেই সে আটের-ক্লাশে উঠলো তখনই কিনা তাড়িয়ে দিলো একেবারে।

ওঃ কী যে খারাপ লাগে এ-সব ভাবতে! হা ঈশ্বর! কেন সব-কিছুই এমন বেঠিক হ'য়ে যাচ্ছে? এতো হতাশ ক'রে দেয় ব্যাপারগুলো যে তার ইচ্ছে করে সব-কিছু ছেড়ে-ছুড়ে দেয়, বেঁচে-থাকার আর-কোনো ইচ্ছেই নেই তার। এতো দুর্দশার কারণটা কী? বিপ্লব? না, না, যুদ্ধ—যুদ্ধটাই সর্বশেষ। রাশিয়ার সত্যিকার পুরুষ যারা, তাদের বধ করেছে এই যুদ্ধ, এখন কতগুলো অপদার্থ রাবিশের স্তূপ ছাড়া আর কিছুই নেই।

বাবা যখন বেঁচে ছিলেন, তখন সব-কিছুই অল্প রকম ছিলো। বাবা ছিলেন ঠিকদার—ভদ্র, শিক্ষিত, মাজিত। জমি থেকেই ভালোভাবে খাওয়া-পরা চ'লে গেছে। সে, তার দুই বোন—পোলিয়া আর ওলিয়া—যেমন তাদের নামে মিল, তেমন চোখেরা, এমন সুন্দরী ছুটি মেয়ে সহজে চোখে পড়ে না। ওস্তাদ ছুতোয়েরা বাবার সঙ্গে দেখা করতে আসতো, প্রত্যেকেই কী সুন্দর দীর্ঘকায় পুরুষ। একবার সে আর তার বোনেরা—কী সব ভাবনাই যে তখন মাথায় আসতো!—ঠিক করেছিলো ছয় রঙের পশম দিয়ে গলাবন্ধ তৈরি করবে। আর, বিশ্বাস করো বা নাই করো, এতো ভালো তারা বুনতে পারতো যে তাদের বোনা গলাবন্ধ সারা এলাকায় রীতিমতো বিখ্যাত হ'য়ে উঠেছিলো। সেই তখন যেন সবই সুন্দর, সমৃদ্ধ, আর প্রায় সব-কিছুই কী যে ভালো লাগতো তার—গির্জের নানা উৎসব, নানা রকম নাচ, লোকজন, তাদের আদব-কায়দা—সবই যেন খুশিতে ভ'রে তুলতো তাকে—তাদের যে ঘর খুব নিচু, চাষি আর মজুর বংশে তার বাবা-মার জন্ম, তাতে কিছুই এসে যেতো না। আর রাশিয়াও তখন ছিলো বিবাহযোগ্য। তরুণীর মতো, তার পাণিপ্রার্থীরাও ছিলো সত্যিকার পুরুষ, তারা রুখে দাঁড়াতে পারতো তার জন্ত, এখনকার এই ইতরগুলোর সঙ্গে

তাদের কোনো তুলনাই হয় না। কিছুতেই আর সেই জোলুশ এখন নেই, সাধারণ বেসামরিক লোক ছাড়া আর কারো দেখা পাওয়াই দায়। রাতদিন কেবল উকিল আর ইহুদিদেরই খিটিমিটি কানে আসে। বেচারা ভ্লাস আর তার বন্ধুরা ভাবে যে কেবল স্বাস্থ্য পান ক'রে, বজ্রতা দিয়ে আর শুভেচ্ছা জানিয়েই সেই সোনালি দিনগুলি তারা ফিরিয়ে আনবে। কিন্তু বিগত প্রেমকে ফিরে পাবার এই কি উপায়? তার জন্তে তো পাহাড় নাড়াতে হয়!

৪

এর মধ্যে সে পার্ক পেরিয়ে বাজার পর্যন্ত ঘুরে এলো একাধিকবার। বাজার থেকে বাঁ দিকের রাস্তার মাঝামাঝি গেলেই তার বাড়ি, কিন্তু যতবারই সে বাড়ির কাছে এলো, ভেতরে যাবার কোনো তাগিদই পেলো না সে, বরং ফিরে এসে মঠের লাগোয়া সরু গলিগুলোর দিকে এগিয়ে গেলো।

বাজার যেখানটায় বসে, সে-জায়গাটা একটা বড়ো মাঠের মতো। আগেকার দিনে হাটবারে চাষিদের টানাগাডিতে ভরা থাকতো সেটা। তার একপ্রান্তে সেট হেলেন স্ট্রীট^১ : অল্পদিকে, আধো-চাঁদের মতো বাঁকানো ভাবে, সার-বাঁধা ছোটো-ছোটো দালান দাঁড়িয়ে আছে, একতলা আর দোতলা শুধু,—গুদাম, আশিশ-ঘর কি দোকান হিসেবে ব্যবহার করা হয় এদের।

তার মনে পড়লো, আগে, যখন শান্তি ছিলো, শৃঙ্খলা ছিলো, ক্রিখিয়ানভ নামে খিটখিটে, বদমেজাজি একটা লোক, বড়ো লম্বা খুল-কামিজ আর চশমা প'রে হাশ্বড়া ভঙ্গিতে তার মস্ত চার ভাঁজওলা লোহার দরজার সামনে চেয়ারে ব'সে শস্তা কাগজ পড়তো। লোকটার ব্যাবসা ছিলো চামড়া, ওট, খড়, গাড়ির চাকা আর ঘোড়ার সাঁজোয়ার।

আর সেখানে ছোট্ট একটা ঝাপসা জানলায় কয়েক জোড়া ফিতেয় মোড়া

^১ St. Helen's Street : ইয়েলেনিনস্কায়া।

বিয়ের দিনের মোমবাতি, আর কার্ডবোর্ডের বাস্কে ফুলের তোড়া দেখা যেতো, বছরের পর বছর ধরে তারা কেবল ধুলো জমিয়েছে গায়ে, আর তার পেছনে ছোট্ট ঘরটায়—যেখানে মস্ত গোলগাল মোমের তাল ছাড়া আর কোনো আসবাব বা মালপত্র থাকতো না—এক লক্ষপতি মোমবাতি-নির্মাতার হাজার-হাজার টাকার লেনদেন হ’তো। সেই মোমবাতি-নির্মাতা কোথায় থাকতো সেটা যেমন কেউ জানতো না, তেমনি যাদের সঙ্গে লেনদেন হ’তো, সেই লক্ষপতি ব্যবসায়ীর দালালদেরও চিনতো না কেউ।

এ দোকানের সারির ঠিক মাঝখানটায় গালুজিনের মস্ত মুদি-দোকান—তিনটে জানলা আছে দোকানঘরে। ঘরের ফাঁকা, ফাটল-ধরা মেঝেয় সকাল, দুপুর, রাত্রে স্তূপ হ’য়ে ব্যবহার-করা চা-পাতা জমে থাকতো; গালুজিন আর তার সহকারীরা সবাই সারাদিন ধরে চা খেতো অনবরত। গালুজিনার তখন নতুন বিয়ে হয়েছে, বয়সও কম ছিলো, মাঝে-মাঝে ইচ্ছে ক’রেই গিয়ে বসতো ক্যাশবাস্কে। তার প্রিয় রং ছিলো বেগনি। গির্জের বিশেষ প্রার্থনা-সভায় পরিধেয় পোষাকের রংও ঠিক এই, কুঁড়ি-ধরা লাইলাকের মতো। তার সেরা মখমলের পোষাক আর ফটিক পানপাত্রগুলিও এই রঙের। এই রং তার স্বথের চিহ্ন, তার স্মৃতির ভাবানুসঙ্গ। তার মনে হয় প্রাক-বিপ্লবকালীন রাশিয়ার কৌমার্যেরও প্রতীক হ’লো এই লাইলাকের রং। ক্যাশবাস্কেয় পেছনে বসতে তার এইজন্ত ভালো লাগতো যে দোকান-ঘরের মধ্যে ছড়িয়ে থাকতো এক বেগনি প্রদোষ,—স্বেতসার, চিনি আর কাচের বৈয়মের লাল-কালো নানা রকম মিষ্টির স্বগন্ধ ঠিক মিলে-মিশে যেতো তার প্রিয় বেগনি রঙের সঙ্গে।

এখানে এই মোড়ে, কাঠগোলায় উঠোনের পাশে দাঁড়িয়ে আছে পুরোনো, ধূসর, কানিশওলা জরাজীর্ণ বাড়ি, যাকে চারপাশ থেকেই দেখায় একটা ধ্বংস-যাওয়া ঘোড়ার গাড়ির কোচবাস্কেয় মতো। দোতলা বাড়ি, দু’পাশে দুটো দরজা আছে। প্রত্যেকটি তলা দু’ভাগে বিভক্ত; নিচের তলায় ডানদিকের অংশটায় হ’লো জ্বালকিঙের ওয়ুধের দোকান, আর বাঁদিকটাতে অ্যাটর্নির আপিশ। ওয়ুধের দোকানের ওপরে মস্ত পরিবার নিয়ে থাকে বুড়ো শ্মুলেভিচ, মেয়েদের পোষাক সেলাই করে সে। শ্মুলেভিচদের জিভাগো—২৮

আন্তানার পর, অ্যাটর্নির আপিশের ওপরে থাকে নানা ধরনের ভাড়াটে, যাদের নাম ও পেশার সাইনবোর্ডে সামনের দরজাটা ভর্তি হ'য়ে আছে। এখানে ঘড়ি সারানো হয়, জুতো মেরামত করা হয়; কামিন্স্কির খোদাই-করার কারখানাও এখানে, আবার জুক আর ষ্ট্রডাথ এখানে অংশীদার হিসেবে ফোটে। তোলায় দোকান চালায়।

দোতলাটা ভিড়ে ঠাশাঠাশি ব'লে ফোটোগ্রাফারের তরুণ সহকারীরা উঠোনের মস্ত কাঠের শেডে ডার্করুম বানিয়ে নিয়েছে। সহকারীদের একজন হ'লো ব্লাজিন, ফোটো তোলা শিখছে সে, আর অল্পজন হ'লো মাগিডসন, সে ছবিগুলো রিটাচ করে। ডার্করুমের জানলা দিয়ে বাতির রাগি লাল চোখের যে-রাপসা চাউনি দেখা গেলো, তাতে মনে হ'লো এখনো তারা কাজ করছে সেখানে। এই জানলার তলাতেই শেকল দিয়ে বেঁধে রাখা হয়েছে বাচ্চা কুকুরটাকে, যার নাম টোমিক, আর যার গলা-কাটানো চীৎকার সেন্ট হেলেন স্ট্রিটের পার্ক থেকেও শোনা যাচ্ছে।

‘এই তো এরা আছে, ঠাশাঠাশি ক'রে; যেন গোটা সানহেড্রিনকে কেউ বাজ্ঞে পুরে রেখেছে,’ ছাইরঙা বাড়িটার পাশ দিয়ে যেতে-যেতে গালুজিনা ভাবলে। ‘যতো নোংরা ভিথিরিদের ভিড়।’ অথচ, তক্ষুনি তার মনে হ'লো তার স্বামী যে ইহুদিদের এতো ঘৃণা করে, সেটা মোটেই ভালো নয়। তারা যদি দেশের কর্তা হ'তো তাহ'লে না-হয় এক কথা ছিলো, কিন্তু রুশ দেশের ভাগ্যবিধাতা হবার মতো প্রতিপত্তি তাদের তো নেই। অবশ্য এটা ঠিক যে যদি কেউ গিয়ে বুড়ো শম্লেভিচকে দেশের এতো বিশৃঙ্খলা আর হাদ্জামার কারণ জিজ্ঞেস করে তো সে তার কুৎসিত মুখটাকে দুমড়ে বাঁকিয়ে মুচড়ে ব'লে উঠবে, ‘এ-সবই নির্ধাৎ লিবোচ্কা'র শয়তানি।’

এই সব অর্থহীন ভাবনায় শুধু সময় নষ্ট, ওঃ! কী এসে যায় তাদের অন্তিবে? তারাই কি রাশিয়ার দুর্ভাগ্য? গোলযোগের আসল কারণ হ'লো শহরগুলো। এমন নয় যে সারাটা দেশ কয়েকটা শহরের ওপর নির্ভর ক'রে আছে, কিন্তু শহরের লোকেরা লেখাপড়া জানে, আর তাই দেখে গ্রামের

১ ষ্ট্রডাথ ভাষার লিওকে লিবোচ্কা বলে; এখানে লিও ট্রটস্কির কথা বলা হচ্ছে, তিনি ইহুদি ছিলেন।

লোকদের মুণ্ড ঘুরে গেছে ; শহরের এই শিক্ষাকে হিংসে করে তারা, সব সময়েই চেষ্টা করে তাদের নকল ক'রে চলতে, কিন্তু কিছুতেই তাদের সঙ্গে পাল্লা দিতে পারে না, আর তার ফলে লাভ হয়েছে এই যে এখন তারা না ওদের মতো, না নিজেদের মতো।

অথবা উন্টোটাও হ'তে পারে, হয়তো সব গোলমালের মূল কারণই অজ্ঞতা।—শিক্ষিত লোক দেয়ালের ভেতর দিয়েও দেখতে পায়, কী-কী ঘটতে পারে সবটা সে আগেই আঁচ ক'রে নিতে পারে, আর আমরা অন্তেরা যেন এক অন্ধকার জঙ্গলের মধ্যে প'ড়ে আছি। যখন আমাদের মুণ্ড কাটা যায় তখন আমরা শুধু এটুকু বুঝি যে টুপিটা খোঁওয়া গেলো।—এমন নয় শিক্ষিত লোকেরাই আজকাল খুব হুখে আছে। জাখো না, দুর্ভিক্ষ কী-ভাবে তাদের শহর থেকে তাড়িয়ে বেড়াচ্ছে! একবার শুধু চেষ্টা ক'রে জাখো ব্যাপারটা বুঝতে! স্বয়ং শয়তানও এর মাথামুণ্ড বুঝে উঠতে পারবে না!

কিন্তু যাই হোক না কেন, এটা সত্যি যে কেবল গ্রামের লোকেরাই জানে কী ভাবে বাঁচতে হয়। তার আত্মীয়-স্বজনদের কথাই ভাবো না কেন—সেলিটভিনেরা, সেনাবুরিনেরা, পামফিল পালিখ, মোডিখ-ভাইয়েরা। তারা নিজেদের হাত-পায়ের ওপর নির্ভর ক'রে আছে, নিজেদের বুদ্ধি সম্পর্কে আস্থা আছে, তারা নিজেদেরই নিজেদের মালিক। রাজপথ ধ'রে যে-নতুন গোলাবাড়িগুলো উঠেছে, দেখতে কী সুন্দর লাগে। পনেরো ডেসিয়াটিন^১ জোড়া চাষের জমি, ঘোড়া, ভেড়া, শূয়ার, গোরু, আর গোলাভর্তি ফসল—তিন বছরের মতো কোনো ভাবনা নেই! তাছাড়া তাদের চাষের কলগুলি!—এমনকি ফসল কাটার কল পর্যন্ত আছে তাদের! কোলচাক খুব তেল দিচ্ছে তাদের, খালি তাদের নিজের দলে টানতে চাচ্ছে, কমিসাররাও তখৈবচ, তারাও চায় যে তারা আরণ্যক সেনাদলে যোগ দিক। তারা সবাই যুদ্ধ থেকে জর্জ ক্রস^২ নিয়ে ফিরেছে, তাই সবাই তাদের দলে টানতে চায়, সবাই চায়, ওদের তারা শিক্ষাগুরু হিসেবে নিযুক্ত করুক। কমিশন পাও বা না পাও, যদি তুমি নিজের কাজটি জানো তো তোমরা চাহিদা হবেই।

১ এক ডেসিয়াটিনা : ২'৭ একর।

২ জার-শাসিত রাশিয়াতে সন্ত জর্জের ক্রুশচিক ছিলো সর্বোচ্চ সামরিক সম্মান।

কিন্তু এখন তার বাড়ি ফিরে যাওয়া উচিত। এতো রাত্রে কোনো স্ত্রীলোকের পক্ষে রাস্তায় ঘুরে বেড়ানো ভালো দেখায় না। যদি সে তার নিজের বাগানে ঘুরে বেড়াতো তো কিছু এসে যেতো না। কিন্তু বাগানটায় এতো কাদা, ঠিক যেন একটা জলা জায়গা। যাই হোক—মনে মনে ভাবলো সে—এখন আগের চেয়ে একটু ভালোই লাগছে।

আপন ভাবনায় দিশেহারা হ'য়ে, সব চিন্তার খেঁই হারিয়ে ফেলে গালুজিনা এবার বাড়ি ফিরলো। কিন্তু ভেতরে ঢোকান আগে খানিকক্ষণ সে দাঁড়িয়ে রইলো দেউড়িতে ; আরো কয়েকটা কথা তার মনে এলো আস্তে-আস্তে।

সেই সব লোকদের কথা ভাবলো সে, যারা আজকাল কর্তাগিরি ফলাচ্ছে খোড়াটস্কোয়েতে ; তারা কী-রকম লোক, তা সে অল্পবিস্তর জানে। রাজধানী থেকে বহুকাল আগে তারা রাজনৈতিক কারণে নির্বাসিত হয়েছিলো ; টিভেরজিন, আন্টিপভ, নৈরাজ্যবাদী 'কালো নিশেন'ওলা ভ্‌ডোভিচেঙ্কো, এখানকার তালানিরাতা 'পাগলা কুকুর' গরশেনি—এদেরই মতো লোক তারা সবাই। ধৃত তারা, তাছাড়া তারা জানে তারা কী চায়, এককালে তারা খুব গোলমাল পাকিয়ে তুলেছিলো, এখনো নিশ্চয়ই মনে-মনে ফন্দি আটছে নতুন কিছু গুণ্ডগোল বাধাবার জন্ত। কোনো-কিছু না-ক'রে থাকতে পারে না এরা। সারা জীবন তারা যন্ত্র নিয়ে কাটিয়েছে আর এখন তারা নিজেরাই হ'য়ে উঠেছে যন্ত্রের মতো, তেমনি ঠাণ্ডা, আর তেমনি নির্দয়। পশমের জামা আর ফতুয়া প'রে তারা ঘুরে বেড়ায়, ধূমপানের সময় হাডের তৈরি সিগারেট-হোল্ডার ব্যবহার করে, আর অস্বথ-বিস্বথ যাতে না হয় এইজন্তে জল ফুটিয়ে নিয়ে খায়। ভ্‌লাস বেচারী খামকাই তার সময় নষ্ট করছে ; এই লোকগুলো সব লণ্ডভণ্ড ক'রে যাবে, শেষ পৰ্যন্ত তারা নিজেরদের মজি মেটাবেই।

তারপর সে ভাবলে তার নিজের কথা। সে জানে সে একজন শাশাশিধে স্ত্রীলোক, কিন্তু তার নিজের মন ব'লে একটা জিনিস আছে, বুদ্ধি আছে, আর বয়সের তুলনায় যুবতী আছে এখনো। সব মিলিয়ে দেখলে মাহুষ হিসেবে সে মন্দ নয়। কিন্তু তার কোনো গুণই এই বিলী স্টিছাড়া জায়গায় কাজে লাগে না—অগ্নি কোথাও যে লাগবে তাও নয়। সেই বোকা বুড়ি সেনটেটিউরিখার বিষয়ে যে-অঙ্গীল গানটা আছে, সেটা তার মনে প'ড়ে

গেলো ; ইউরালের সর্বত্র গানটা খুব পরিচিত, কিন্তু প্রথম দুটো পংক্তিই শুধু মুখে আনা যায় :

‘সেনটেটিউরিখা, সে তার গাড়ি বেচে দিলে

আর কিনে নিলে এক বালালাইকা’....’

এর পরে নিছক অশ্লীলতা ছাড়া আর-কিছু নেই। তারা পুণ্য ক্রুশে এই গানটা গাইতো ; তার সন্দেহ হ’লো, বোধহয় তাকে লক্ষ্য ক’রেই।

শুকনো, তিন্ত একটি দীর্ঘশ্বাস ফেলে বাড়িতে ঢুকলো সে।

৫

সোজা সে চ’লে গেলো তার শোবার ঘরে, এমনকি কোট খুলে নেবার জন্ত হলঘরেও থামলো না। ঘরটার মুখ বাগানের দিকে। ঘরের ভেতরকার আর বাগানের ছায়ামূর্তিগুলোকে রাত্রি প্রায় সেইরকমই দেখায়, যেন তারা একে অণ্ডের পুনরাবৃত্তি করছে। পর্দার শিথিল ঝুলে-পড়া ছায়াগুলোকে দেখায় যেন কালো, পাতা-ঝরা আবছা গাছগুলির শিথিল ঝুলে-পড়া ছায়ারই মতো। বাগানে, যেখানে শীত প্রায় শেষ হ’য়ে এলো, তাবী বসন্তের গাঢ়-লাল দীপ্তি মাটি ফেটে বেরিয়ে এসে রাতের রেশমি অন্ধকারকে উষ্ণতা দিচ্ছে। আর এই দুই উপাদানের কোনো অল্পরূপ সংমিশ্রণের ফলে, ধূলিধূসর পর্দা-ঝোলানো ঘরটার বাতাসহীন অন্ধকারও আগতপ্রায় উৎসবের গাঢ় বেগনি আভায় কোমল হ’য়ে এলো।

কুমারী-মাতার বিগ্রহটি রূপোর উচু পাত থেকে তাঁর শ্রামল ক্রুশ হাত সরিয়ে নিয়ে তুলে দিয়েছেন ওপরে, মনে হয় যেন তাঁর গ্রীক নামের প্রথম আর শেষ অক্ষরগুলি ধ’রে আছেন, *Μηνηρ Θεοῦ*^১। বিগ্রহের বাতির রং জালিমদানার মতো, সোনার তাকে দোয়াতের মতো কালো দেখাচ্ছে তাকে— তা ছড়িয়ে দিয়েছে তারি তারাজলা আলো, নকশা-আঁকা কাচের ভেতর ফুলঝুরির মতো ছড়িয়ে গিয়ে সোনার ঘরের গালচেতে পড়ে আছে।

১. *Balalaika* : রাশিয়ার ব্যবহৃত এক ধরনের গীটার।—অনুবাদের ত্রুটি

২. ‘আঁটার খেউ’—ঈশ্বরজননী।—অনুবাদের ত্রুটি

কোট আর শাল খুলতে গিয়ে গালুজিনাকে একটু বেমোড়ে বৈকতে হ'লো, আর সঙ্গে-সঙ্গে কাঁধের তলায় পিঠের একপাশে সেই পুরোনো ব্যাথাটা চাড়া দিয়ে উঠলো। ভিত্তু গলায় চৌচিয়ে উঠলো সে, তারপর বিড়বিড় ক'রে বলতে লাগলো : 'দুঃখীজনের রক্ষাকর্ত্রী, অসহায়ের সহায়, বিশ্বের আশ্রয়, পুণ্যময়ী ঈশ্বরজননী...' প্রার্থনার মাঝামাঝি জায়গায় এসে কান্নায় ভেঙে পড়লো সে।

ব্যাথাটা ক'মে যাওয়ার পর সে কাপড় ছাড়তে শুরু ক'রে দিলে, কিন্তু পেছনের হুকটা পিছলে গিয়ে জামার নরম কুচিগুলির মধ্যে মিশে গেলো। আবার নাগাল পেতে বেশ বেগ পেতে হচ্ছিলো তাকে।

কসিউশা বলে যে-মেয়েটি তাদের বাড়িতে থাকে, সে জেগে গিয়েছিলো, এবার ঘরে এসে এলো।

'অন্ধকারে কেন, মা ? আলো আনবো ?'

'থাক। যথেষ্ট আলো আছে।'

'দেখি, আমাকে দাও, আমি খুলে দিচ্ছি। ক্লান্ত হ'য়ে যাচ্ছে।'

'আঙুলগুলো সব অকেজো হ'য়ে গেছে যেন, আমার কান্না পাচ্ছে। আর ঐ দরজিটা—লোকটা এটুকু বোঝে না কোথায় আংটাগুলো লাগালে হাতের নাগালে আসে। ব্যাটা কালো বাতুড়! আমার ইচ্ছে করছিলো সবগুলো হুক খুলে তার কুচ্ছিৎ মুখটার ওপর ছুঁড়ে দিই।'

'মঠে কী স্তম্ভর গান গাইছিলো ওরা! চারদিক এতো চুপচাপ যে বাড়ি থেকেও শোনা গেলো।'

'গান ভালোই গাইছিলো, কিন্তু আমার শরীরটা ভালো ঠেকছে না। আবার সেই ব্যাথাটা উঠেছে—এখানে, আর এখানটায়, সব জায়গায়...এমন একটা উৎপাত, কী যে করবো ভেবে পাই না!'

'সেবারে কিন্তু ষ্টিডব্লিউ হোমিওপ্যাথি ওষুধে কাজ দিয়েছিলো।'

'লোকটা এমন সব কাজ করতে বলে, যা অসম্ভব। তোমার ঐ হোমিওপ্যাথি একটি হাতুড়ে, মোটেই কাজের না। এই তো গেলো প্রথম কথা। আর দ্বিতীয়ত সে এখান থেকে চ'লেও গেছে। চ'লে গেছে সে, তোমাকে ব'লে দিচ্ছি, শহর ছেড়ে চ'লে গিয়েছে। শুধু সে-ই না, আরো

অনেকেই; তারা সকলেই—ঠিক ছুটির আগে জোট বেধে ছুটে পালিয়েছে—
যেন শিগগিরই কোনো ভূমিকম্প শুরু হবে, বা ঐ গোছের কিছু।’

‘বেশ, তাহ’লে ঐ হাঙ্গেরিয়ান ডাক্তারকে ডাকলে কেমন হয়?—ঐ যে
যুদ্ধের বন্দী লোকটা, তার চিকিৎসায় কিন্তু উপকার পেয়েছিলে।’

‘সেও কোনো কন্সের নয়। আর তাছাড়া, বললামই তো, একটি
জনপ্রাণী বাকি নেই। কেরেনি লাজোস অগ্র হাঙ্গেরিয়ানদের সঙ্গে সীমান্ত-
রেখার^১ ওপারে চ’লে গেছে। লাল ফৌজের কাজ করার জন্য জোর
ক’রে ধ’রে নিয়ে গেছে ওকে।

‘মা, এর অনেক কিছুই কিন্তু মনে-মনে বানাচ্ছে তুমি। বড্ড উত্তেজিত
আছো। তোমার মতো অবস্থায় তুচ্ছতাকে খুব কাজ হয় কিন্তু; আর
চাষিরা তো তা-ই ক’রে থাকে সচরাচর। তোমার মনে আছে সেই সেপাইয়ের
বোটির কথা, যে তোমার কানে-কানে কী যেন বলেছিলো, আর অমনি
ব্যথা সেরে গিয়েছিলো? তার নামটা যেন কী?’

‘ও, তাই বুঝি! আমাকে এক ডাহা উজ্জ্বল ঠাউরে বসেছো তুমি!
এখন যদি তুমি আমার আড়ালে “সেনটেটিউরিখা” গাইতে শুরু ক’রে দাও,
তাহ’লেও আমি অবাক হবো না।’

‘মা, এমন কথা কী ক’রে তুমি মুখে আনলে! ও-কথা মনে আনাও
পাপ। তোমার লজ্জা পাওয়া উচিত। বরং সেই জ্বীলোকটির নামটা কী,
তা আমাকে মনে করিয়ে দিলে অনেক ভালো করবে। নামটা আমার
জিভের ভগায় এসে আটকে আছে। যতোকণ না নামটা মনে করতে পারছি,
ততোকণ আমি শান্তি পাবো না।’

‘সে-বেটির যতো না শায়া-শেমিজ, নাম তার চেয়ে বেশি। কোন
নামটার কথা ভাবছো তুমি? কুবোরিখা, মেডভেডিখা আর জালিভরিখা—
এই সব নামে ওরা ডাকে তাকে। এ ছাড়া আরো যে কত আছে, তা আমি
জানিও না। সেও এখন আর এখানে নেই। চ’লে গেছে কোথাও, উধাও
হ’য়ে গেছে একেবারে।—কী সব বড়ি আর গুঁড়ো ওয়ূথ বানিয়েছিলো সে,
বা গর্ভপাতে সাহায্য করতো, এইজন্ত কেজ্জমা জেলে তাকে আটকে রাখা

১ শাদাদের অধিকৃত এলাকার বাইরে।

হয়েছিলো। বুঝতেই পারছো যে জেলখানা তার অসহ্য ঠেকলো, চম্পট দিলে সেখান থেকে, বোধ হয় পূর্বদেশের কোনোখানে আছে এখন। সবাই পালিয়েছে, এই তোমায় আমি ব'লে রাখলাম।—ভ্লাস, টেরিয়শকা আর তোমার পলিয়া মাসি—দয়ার শরীর পেলাগিয়া—সবাই, সবাই পালিয়েছে। আমরা দুই আকাট মুখ্য ছাড়া—শহরে আর একজন ভালো মেয়েমানুষ নেই। না, না, আমি ঠাট্টা করছি না। তাছাড়া কোনো ধরনের ডাক্তারি সাহায্যও পাবার উপায় নেই। যদি ভালো-মন্দ কিছু ঘটে যায়, তাহ'লে কোথাও একজন ডাক্তার পাওয়া যাবে না, টাকা বলো দয়া বলো, কিছুই জন্মেই না। তারা বলছিলো ইউরিয়াটিনে নাকি একজন ডাক্তার আছেন, মস্কোর নামজাদা প্রোফেসর, সাইবেরিয়ার এক ব্যবসাদারের ছেলে, সে-ভদ্রলোক আবার অসহ্যতা করেন। কিন্তু ঠিক যখন আমি তাঁর কাছে ধবর পাঠাবার কথা ভাবছিলাম, লাল ফৌজের লোকেরা নাকি রাস্তার বারো জায়গা দখল ক'রে ব'সে আছে।...যাও, এবার বিছানায় গিয়ে শুয়ে পড়ো, আমিও শুয়ে একটু ঘুমোবার চেষ্টা করি। হ্যা, ভালো কথা, ঐ যে তোমার বন্ধুটি, ঐ ছাত্র ব্রাজ্জিন, ও-ই তোমার মাথাটি খেয়েছে।—“না” ব'লে আর লাভ কী? এদিকে তো গাজরের মতো লাল হ'য়ে উঠেছো!—বেচারি, তাকে আমি কতগুলো ফোটো দিয়েছিলাম ডেভেলপ করার জন্য, এখন সারারাত ধ'রে সেগুলো নিয়ে তাকে ঘামতে হবে। ঐ বাড়িতে ওরা নিজেরা তো ঘুমোয়ই না, সেই সঙ্গে অল্প কাউকেও ঘুমোতে দেয় না। ওদের টোমিক সেই থেকে ঘেউ-ঘেউ করছে, সারা শহরে তার ডাক শুনতে পাওয়া যায়। আর এদিকে আপেল-গাছে ব'সে আমাদের ঐ হতচ্ছাড়া কাকটা ডেকে-ডেকে পাগল হ'য়ে গেলো। মনে হচ্ছে আরেকটা রাত না-ঘুমিয়ে কাটাতে হবে আমাকে।...আরে, হঠাৎ এতো গোমড়ামুখো হ'য়ে পড়লে কেন? এতো অভিমাত্রী হোয়ো না। মেয়েরা যদি প্রেমেরই না পড়লো তো ছাত্রেরা আছে কী জন্যে!’

৬

‘কুস্তাটা চ্যাঁচাচ্ছে কেন? গিয়ে দেখে এসো তো কী ব্যাপার। খামখা নিশ্চয়ই এ-রকম চ্যাঁচাচ্ছে না? এক মিনিট চূপ করো, লিডচকা একটু চূপ করো না—আঃ! কী ব্যাপার চলেছে আমার জানতে হবে, আর নয়তো কিছু বুঝে ওঠার আগেই হয়তো পুলিশ এসে পড়বে। উষ্টিন, এখানে থাকো, আর তুমি, সিভোরুয়ি, তুমিও। তোমাদের ছাড়াই সব ঠিক করে নিতে পারবো।’

লিডচকা কেন্দ্রীয় সমিতির প্রতিনিধি। দলের নেতা যে তাকে চূপ করতে বলেছে, এটা সে শোনেনি, তাই তার ক্লাস্তিকর বকবকানি থামালো না:

‘সাইবেরিয়ায় বুর্জোয়াদের সামরিক শাসন যে-ভাবে লুটপাট চালাচ্ছে, কেড়ে নিচ্ছে সব, জবরদস্তি করছে, আর যে-ভাবে অত্যাচার করছে আর গুলিগোলা চালাচ্ছে, তাতে এতোদিন যারা আত্মপ্রতারণা করেছিলো তাদেরও চোখ খুলে যাবে। শুধু যে মজুরদের বিরুদ্ধেই শত্রুতা করছে তা নয়, আসলে এটা তামাম মেহনতি চাষিসমাজের বিরুদ্ধেই শত্রুতাচরণ। সাইবেরিয়া আর ইউরালের মেহনতি চাষিদের এটা বুঝতেই হবে যে সৈন্যদের সঙ্গে আর শহরের প্রলেটারিয়াটের সঙ্গে, গরিব কিরগিজ আর বুর্জিয়াট চাষিদের সঙ্গে মিত্রতা করলেই ’

তাকে যে খামতে বলা হচ্ছে, লিডচকা এটা এতোকণে খেয়াল করলে। কথা থামিয়ে রুমাল দিয়ে মুখের ঘাম মুছে নিলে, তারপর বন্ধ করলো তার ফোলা-ফোলা ক্লাস্ত চোখ।

‘একটু জিরিয়ে নিন। জল খেয়ে নিন বরং,’ তার কাছে যারা ভিড় করে দাঁড়িয়েছিলো, তাদের একজন বললে।

উষ্টি নেতাটি এবার আস্থা ফিরে পাচ্ছিলেন:

‘অনর্থক এতো হৈ-ঠৈ কী জন্তে? সব ঠিক আছে। জানলায় সংকেত-বাতি জ্বলছে, আর তাছাড়া, একটু শৌখিন ভাষায় বলা যায় যে, পাহারাওলা তার চোখ দুটিকে আঠা দিয়ে জুড়ে রেখেছে চারপাশে। আলোচনাটা কেন চলবে না, আমি বুঝতে পারছি না। চালিয়ে যান কমরেড লিডচকা।’

ফোটোগ্রাফারদের উঠানে মস্ত শেডটায় ষে-জালানি কাঠ ছিলো সব একপাশে সরিয়ে রেখে শেডের ঠিক মাঝখানকার ফাঁকা জায়গাটায় বেআইনি সস্তা বসেছে। ছাত পর্যন্ত উচু ক'রে তুপাকারে কাঠ রাখা হয়েছে, যাতে প্রবেশপথের ডার্করুম থেকে কিছুই দেখা না যায়। তেমন জরুরি অবস্থায় পড়লে যাতে পালানো যায়, সেইজন্তে ঠেলা দরজা দিয়ে একটা সুড়ঙ্গপথে যাবার ব্যবস্থা আছে; সেটা গেছে মঠের পেছনে একটা নির্জন গলি পর্যন্ত।

বস্তার গায়ের রং জলপাইয়ের মতো, কানের পাশ থেকে দাড়ি নেমে এসেছে; টেকো মাথায় একটা কালো রঙের সূতির টুপি প'রে আছে সে। এক ধরনের স্নায়বিক স্বেদস্রবণে ভোগে সে, সব সময় গলগল ক'রে ঘামছে কেবল। হাতের সিগারেটটা বারে-বারে নিতে যাচ্ছে, প্যারাকিনের বাতির গরম ধোঁয়ার মধ্যে সেটাকে লোভীর মতো ধ'রে বারে-বারে জালিয়ে নিচ্ছে আবার। সামনে ছড়িয়ে-থাকা কাগজপত্রগুলির ওপর সে খুঁকে পড়লো, উদ্বিগ্নভাবে তাদের ওপর বুলিয়ে নিলে তার ক্ষীণদৃষ্টি চোখ, মনে হ'লো যেন তাদের গন্ধ শূঁকছে, তারপর আবার তার নিস্তরঙ্গ ক্লান্ত গলায় শুরু করলে :

‘শুধুমাত্র সোভিয়েটগুলির মধ্য দিয়েই শহর ও গ্রামের গরিবদের মধ্যে মৈত্রীবন্ধন সম্ভব হ'তে পারে। ষে-জন্তে সাইবেরিয়ার মজুররা বহুকাল আগেই লড়াই শুরু করেছে, ইচ্ছায় হোক, অনিচ্ছায় হোক, সাইবেরীয় চাষিদেরও এখন সেইজন্তেই লড়াই চালিয়ে যেতে হবে। এখন তাদের লক্ষ্য এক—এখন তারা ছ'জনেই চায় অ্যাডমিরাল আর হেটমানদের স্বৈরাচারের অবসান। সশস্ত্র বিপ্লবের সাহায্যে সেনাবাহিনী ও কৃষকসমাজের সোভিয়েটের সক্ষম প্রতিষ্ঠাই এখন তাদের একমাত্র আকাঙ্ক্ষা—বুর্জোয়াসমাজের এই সব অফিসার আর ভাড়াটে কসাকদের সঙ্গে লড়াই চালাতে গিয়ে বিদ্রোহীদের রীতিমতো মুখোমুখি যুদ্ধ চালাতে হবে, কেননা বুর্জোয়া সেনাবাহিনীর অস্ত্রশস্ত্রের কোনো অভাব নেই। যুদ্ধ চলবে বহুদিন ধ'রে, সহজে মিটবে না।’

আবার কথা থামিয়ে মুখ মুছে চোখ বুজলো সে। প্রচলিত নিয়ম না-মেনে শ্রোতাদের মধ্য থেকে একজন উঠে দাঁড়িয়ে হাত তুলে কথা বলবার অহুমতি চাইলো।

পার্টিজান নেতাটি—সঠিক বলতে গেলে, ট্রান্স-ইউরালীয় দলশাখার কেজ্জা গোপীর কমাণ্ডার, বক্তার ঠিক নাকের তলায় এমন ঢিলেঢোলা ভঙ্গিতে ব'সে ছিলো যে দেখলে রাগ হয়। মাঝে-মাঝে বক্তাকে রুঢ়ভাবে থামিয়ে দিচ্ছিলো সে, তার ব্যবহারে বিন্দুমাত্র শ্রদ্ধার লক্ষণ নেই। বিশ্বাস করা শক্ত যে এতো অল্প-বয়সী একজন সৈন্য—প্রায় কিশোর বলা যায়, সে হ'লো কিনা আস্ত বাহিনীর নেতা আর সবাই তার কথা শোনে, মান্ত করে। পল্টনের মস্ত কোটে হাত-পা ঢেকে সে ব'সে ছিলো; কোটের ওপরকার অংশটা তার চেয়ারের ওপর কেলে রাখা; তার ফলে তার ফোজি পোষাক দেখা যাচ্ছিলো—কাঁধের কাছে কালো দাগ, সেখান থেকে এপোলেং খুলে ফেলা হয়েছে।

তার হ'পাশে একজন ক'রে নিঃশব্দ দেহরক্ষী দাঁড়িয়ে আছে; তারাও তারই সমবয়সী, পরনে ধারে-ধারে কৌকড়ানো শাদা মেসচর্মের জামা, এখন একটু ধূসর হ'য়ে গেছে। তাদের পাথরের মতো কঠিন ও স্থলী মুখে দলপতির প্রতি অন্ধ আত্মগত্য ছাড়া আর কোনো ভাব নেই; প্রাণপণ ক'রেও আদেশপালনের জন্ত উন্মুখ হ'য়ে আছে। আলোচনায় কোনো অংশ নিলে না তারা; কোনো কথাতেই একটু বিচলিত হ'লো না, না বললে কোনো কথা, না একটু হাসলো।

তারা ছাড়া আরো বারো বা পনেরোজন লোক ছিলো ঘরে। কেউ-কেউ দাঁড়িয়ে আছে, অন্তরা মেঝের ব'সে; স্তূপ ক'রে রাখা জালানি কাঠের দেয়ালে হেলান দিয়ে বসেছে তারা, কেউ বসেছে সামনে পা ছড়িয়ে, কেউ বা হাঁটুর ওপর থুংনি চেপে আছে।

তিন-চারজন ছিলেন মাননীয় অতিথি, তাঁরা বসেছেন চেয়ারে। তাঁরা সবাই পুরোনো কর্মী, ১৯০৫ সালের বিপ্লবের হোমরা-চোমরা। তাঁদের মধ্যে একজন হ'লো টিভেরজিন, কেমন যেন বিষন্ন হ'য়ে আছে, মস্তো ছাড়ার পর অনেক বদলে গেছে সে, আর তার সঙ্গে আছে তার বন্ধু বুড়ো আষ্টিপভ, টিভেরজিন যা বলে তাতেই সায় দেয় সে। বিপ্লব যাদের পায়ে তার দৃষ্টি উপচার নৈবেদ্য দিয়েছে, সেই অল্পসংখ্যক দেবতাদের অঙ্গতম ব'লে তারা গভীরভাবে নিঃশব্দে ব'সে আছে মূর্তির মতো। রাজনৈতিক অহমিকা তাদের সব সজীবতা ও মানবিক গুণ হরণ করেছে।

যবে এমন আরো অনেকে ছিলো যারা বিশেষভাবে চোখে পড়ার মতো। তাদের মধ্যে একজন হ'লো ক্রীড়ায় নৈরাজ্যবাদের অঙ্গতম স্তম্ভ ভৌতিচেকো, 'কালো পতাকা' ব'লে সে পরিচিত। এক মুহূর্তের জ্ঞাও শাস্ত থাকতে পারে না সে, একবার এসে বসছে মেঝেতে, পরক্ষণেই উঠে দাঁড়াচ্ছে, পাইচারি করছে আঙু-পিছু, মাঝে-মাঝে শেডের মাঝখানটার এসে থেমে দাঁড়াচ্ছে। দেখতে মোটামোটা এক দৈত্যের মতো, যেমন মস্ত তার মাথা, তেমনি মুখটা, সিংহের কেশরের মতো চুল, তুর্কিযুদ্ধের সময় যদি নাও হয়, জাপানি যুদ্ধে সে একজন অফিসার ছিলো; ভাববিলাসী সে, মশগুল হ'য়ে থাকে তার অমূল কল্পনায়।

নিজে অসাধারণ ভালো আর অতিকায় ব'লে নিজের চেয়ে ছোটো মাপের কিছুই তার চোখে পড়ে না; সেইজন্তেই আশে-পাশে কী চলেছে তাতে তার বিশেষ মনোযোগ ছিলো না। ফলে প্রত্যেকটি কথার সে ভুল অর্থ করলে, তার বিরোধী দলের মতামতকে সে নিজের ব'লে ভেবে নিলে, এবং সব কথাতেই তার সম্মতি জানিয়ে দিলে।

তার পাশেই মেঝেতে বসেছিলো স্ভিরিড, ফাঁদ-ধরিয়ে। যদিও কখনো জমিতে লাঙল চালায়নি, তবু স্ভিরিডের সঙ্গে যে মাটির যোগাযোগ আছে, আর সেটা যে চাষিদেরই মতো, তা প্রকাশ পাচ্ছিলো তার বুক-খোলা ময়লা স্বতির শার্ট থেকে; বৃকের কাছটা ধ'রে রেখেছে সে, সেই সঙ্গে গলায় ঝোলানো ক্রুশটাও; মাঝে-মাঝে ক্রুশটা টানছে, কখনো সেটা দিয়ে আঁচড় কাটেছে বৃকে সে। জাতে সে আধা-বুরিয়াট^১, লেখাপড়া জানে না কিন্তু দিলখোলা; লম্বা চুলগুলি ঢেউ-খেলানো, পাংলা গৌফ, তার চেয়েও পাংলা দাড়ি। মুখে তার সব সময়ই হাসির ভাঁজ, চেহারার মধ্যে মোঙ্গোলীয় ছাপের জন্তে তাকে বয়সের তুলনায় বড়ো দেখায়।

কেন্দ্রীয় সমিতির নির্দেশ অনুসারে এক সামরিক দৌত্যকাণ্ডে সাইবেরিয়া সফরে বেরিয়েছে বক্তাটি। মনে-মনে সে একবার ভেবে নিলে এখনো কত বড়ো দেশ তাকে ভ্রমণ করতে হবে। অধিকাংশ শ্রোতা বিষয়েই তার কোনো কৌতূহল নেই। কিন্তু একজন পুরোনো বিপ্লবী ব'লে আর ছেলেবেলা থেকেই

১ সাইবেরিয়ার তুর্কী উপজাতিদের অঙ্গতম।

পদ-দরদী ব'লে, সে তার মুখোমুখি-ব'সে-থাকা তরুণ দলপতির দিকে প্রায় সত্বরের চোখে তাকালো। তার বেয়াদবি শুধু মাপ করলো তাই নয়, তার মনে হ'লো এটাই ষথার্থ বৈপ্লবিক মনোভাব। তার ঔদ্ধত্যে খুশিই হ'লো বরং, নির্লজ্জ প্রেমিকের স্থূল আচরণে মোহগ্রস্তা রমণী যে-রকম পুলকিত হয়।

দলপতিটি হ'লো মিকুলিংসিনের ছেলে লিবেরিয়ুস। বক্তা আগে ছিলো সমবায়-শ্রমিক-সংস্থার একজন সভ্য, এককালে সমাজ-বিপ্লবী হিসেবে কাজ করেছিলো, নাম কস্টয়এড আমুরস্কি। এখন সে তার মত বদলেছে, অতীতের ভুলগুলো স্বীকার ক'রে বিস্তারিত জবানবন্দীতে বিবৃতি দিয়েছে। তার ফলে শুধু কমিউনিস্ট পার্টির সভ্যপদ লাভ করেছে তাই নয়, অল্পদিন পরেই তার হাতে এই দায়িত্বপূর্ণ কাজের ভার দেওয়া হয়েছে।

যদিও সে আর যাই হোক সৈনিক নয়, তাহ'লেও তাকে এই পদে মনোনীত করা হ'লো। তার কিছুটা কারণ বোধ হয় বৈপ্লবিক ক্রিয়া-কলাপের সঙ্গে তার সুদীর্ঘ সঘন ও জ্বরের আমলের জেলখানায় তার কঠোর নিগ্রহভোগ। আর অগ্ন্য কারণ হয়তো এই যে সমবায়-সমিতির প্রাক্তন সভ্য হিসেবে সে নিশ্চয়ই সাইবেরিয়ার বিদ্রোহী অঞ্চলগুলির চাষিদের মেজাজ-মজি জানে। সে ও-সব বিষয়ে জানে ব'লে অন্যদের যে-ধারণা, এই কাজে সামরিক অভিজ্ঞতার চাইতে সেটাই বেশি জরুরি ব'লে ধরা হ'লো।

রাজনৈতিক বিশ্বাসের পরিবর্তনের সঙ্গে-সঙ্গে তার চেহারা ও স্বভাব এমনভাবে বদলে গিয়েছে যে দেখে চেনার উপায় নেই। আগে তার কখনো টাক বা দাড়ি ছিলো ব'লে কেউ মনে করতে পারে না—অবশ্য তখন এ-সমস্তই হয়তো ছদ্মবেশ ছিলো তার। পার্টির কড়া হুকুম ছিলো তার ওপর, সে যেন আত্মপরিচয় গোপন রাখে। তার গুপ্ত নাম হ'লো বেরেণ্ডে বা কমরেড লিডচ্কা।

ভ্ৰোভিচেকো যখন আগে-ভাগেই ব'লে দিলে যে কেন্দ্রীয় সমিতির যে-সব নির্দেশ এইমাত্র পড়া হ'লো সে তার সঙ্গে একমত, তখন একটুকণের জগ্নু সভ্য একটা চাঞ্চল্যের সৃষ্টি হ'লো। উদ্বেজনা খেমে গেলে, কস্টয়এড কের বলতে শুরু করলো :

‘কৃষকসমাজের ক্রমবর্ধমান আন্দোলনকে যাতে যতদূর সম্ভব ব্যবহার

করা যায়, সেইজন্তে অবিলম্বে দলের প্রাদেশিক সমিতির সীমার ভেতর যতোগুলি সক্রিয় সমবায় রয়েছে, তাদের মধ্যে যোগাযোগ স্থাপন করতে হবে।’

গোপন সাক্ষাতের জায়গা কোথায়-কোথায় আছে, সংকেতবাক্য কী, যোগাযোগের উপায় ও নানারকম সাংকেতিক ভাষা—এই সমস্ত বিষয় সে পুঙ্খানুপুঙ্খ ভাবে ব’লে দিলে।

‘শাদারা কোথায় তাদের অস্ত্রশস্ত্র, খাদ্য ও অগ্রান্ত যন্ত্রপাতি জমা ক’রে রেখেছে, আর কোন-কোন জায়গায় তারা বিপুল অর্থ জমিয়ে রেখেছে, নিরাপত্তার জগু কী ব্যবস্থা অবলম্বন করেছে, এইসব খবর সমবায়-গুলিকে জানিয়ে দিতে হবে।

‘দলের সব বিচ্ছিন্ন সেনাবাহিনীর সংগঠন, তাদের অধিনায়ক, যুদ্ধকালীন শৃঙ্খলা, বিভিন্ন চক্রান্ত, বহির্জগতের সঙ্গে যোগাযোগ, আঞ্চলিক অধিবাসীদের প্রতি করণীয় আচরণ, যুদ্ধকালীন বিপ্লবী বিচারসভা, শত্রুশিবিরে অন্তর্ঘাতী কার্যসূচির কোশল, অর্থাৎ কী ভাবে সেতু উড়িয়ে দিতে হবে, রেল-লাইন উপড়ে তুলতে হবে, নৌ-বহর ধ্বংস করতে হবে, বিভিন্ন স্টেশন ও কারখানাকে সব যন্ত্রপাতি সমেত ধ্বংস ক’রে ফেলতে হবে, সব টেলিগ্রাফ-আপিণ, খনি ও রসদ-সরবরাহ বানচাল ক’রে দিতে হবে, এই সমস্ত বিষয়ে পুঙ্খানুপুঙ্খভাবে সব ভেবে রাখতে হবে।’

লিবেরিয়ান আর সহ্য করতে পারলো না। এতোকণ ধ’রে যা বলা হ’লো, সবই তার মনে হয়েছে একজন অপেশাদারের প্রলাপ মাত্র, আসল কাজের সঙ্গে এর কোনোই সম্বন্ধ নেই।

‘চমৎকার বক্তৃতা,’ বললে লিবেরিয়ান। ‘আমার মনে থাকবে। মনে হচ্ছে এ-সবই আমাদের বিনা প্রতিবাদে মেনে নিতে হবে, যদি না আমরা লাল ফৌজের সাহায্য হারাতে চাই।

‘নিশ্চয়ই, তা-ই করতে হবে।’

‘মাসের পর মাস ধ’রে আমার বাহিনী শত্রুদের অনুসরণ করছে, লড়াই চালাচ্ছে, তাও একটা ছোটো নয়—তিন-তিনটে বাহিনী—তাদের মধ্যে আবার গোলান্দাজ বাহিনীও আছে, বোড়সওয়ার দলও আছে। এখন তাদের নিয়ে

আমি কী করবো বলো তো? ওহে লিডচ'কা, তোমার এই ছেলেরা ছবি বুলি নিয়ে আমি কী করবো, বলো তো?’

‘কী চমৎকার! কী আশ্চর্য ক্ষমতা!’ কস্টয়এড ভাবলে।

লিবারিয়ুসের রুচ স্বর টিভেরজিনের পছন্দ হয়নি, সে এবার আলোচনায় যোগ দিলে।

‘মাপ করবেন, কমরেড স্পীকার, একটা জিনিস আমি ঠিক স্পষ্ট বুঝতে পারিনি। নির্দেশগুলির একটা বোধহয় আমি ভুল লিখেছি। আমি কি প’ড়ে শোনাতে পারি—নিঃসন্দেহ হ’য়ে নেওয়াই ভালো। “বিপ্লবের সময়ে ধারা সামরিক সংগঠনের সঙ্গে যুক্ত ছিলেন এবং সৈন্য হিসেবে যুদ্ধক্ষেত্রে গিয়েছিলেন, তাঁরা সকলেই যাতে সমিতিতে যোগদান করেন, এটাই সবচেয়ে বাঞ্ছনীয়। এটা বাঞ্ছনীয় যে সমিতির সভ্যবৃন্দের মধ্যে যেন দু’একজন কমিশন-না-পাওয়া অফিসার থাকেন, আর একজন সামরিক টেকনিশিয়ান।” আমি কি শুদ্ধভাবে লিখে নিতে পেরেছি, কমরেড স্পীকার?’

‘নিখুঁতভাবে। প্রত্যেকটা কথা ঠিক আছে।’

‘তাহ’লে আমাদের একটা কথা বলার অনুরোধ দিন। ঐ যে সামরিক টেকনিশিয়ানের কথা বললেন, এটা আমার কাছে অস্বস্তিকর ঠেকেছে। আমরা যে-সব অমিকেরা ১৯০৫ সালের বিপ্লবে অংশ নিয়েছিলাম, আমরা সৈন্যদের সহজে বিশ্বাস করতে পারি না। সব সময়েই তাদের মধ্য থেকে প্রতিবিপ্লবী গজিয়ে ওঠে।’

‘ঢের হয়েছে, এবার একটা সিদ্ধান্ত নেওয়া হোক! একটা সিদ্ধান্ত গ্রহণ করা হোক এবার। অনেক দেরি হ’য়ে গেছে, বাড়ি ফেরার সময় হ’লো।’ এই ধরনের নানা রব উঠলো সভায়।

‘সংখ্যাগরিষ্ঠদের সঙ্গে আমিও একমত,’ গুরুগম্ভীর গলায় ভ্‌ডোভিচেকো ব’লে উঠলো। ‘কাব্য ক’রে বলা যায়, চারাগাছ যেমন রোপিত হবার পর মাটির ভেতর শেকড় ছড়িয়ে দেয়, তেমনিভাবে সব বেসামরিক প্রতিষ্ঠানের গণতন্ত্র মেনে চলা উচিত, তারা যেন তলা থেকে গজিয়ে ওঠে। বেড়ার খুঁটির মতো তাদের হাতুড়ি দিয়ে ঠুকে-ঠুকে পুঁতে দেওয়া যায় না। জ্যাকোবিন ডিক্টেটরশিপের দোষ ছিলো এটাই, আর

এই কারণেই থার্মিডরিয়ান^১রা গোটা কনভেনশনকে পিষে ফেলতে পেরেছিলো।

‘এটা তো দিনের আলোর মতো স্পষ্ট,’ তার বন্ধু ও সহ-ভ্রাম্যমাণ স্তম্ভিরিড তার কথায় সায় দিলে। ‘একটা বাচ্চা ছেলেও বুঝতে পারে এটা। আমাদের এ-কথা আগে ভাবা উচিত ছিলো, কিন্তু এখন বড্ড দেরি হ’য়ে গেছে। এখন আমাদের কাজ শুধু লড়াই চালিয়ে যাওয়া—শুধু ঠেলে এগোনো। একবার শুরু করার পর এখন আমরা ফিরে দাঁড়াই কী ক’রে? বিছানা যখন পেতেই ফেলেছি, তখন তাতেই শুয়ে থাকতে হবে।’

‘সিদ্ধান্ত! সিদ্ধান্ত!’ চারদিক থেকে লোকজনেরা বলতে থাকলো। আরো শানিকক্ষণ কথাবার্তা চালিয়ে গেলো তারা, কিন্তু ক্রমশই এমন সব কথা উঠতে লাগলো যার কোনো মানেই হয় না। অবশেষে ভোরবেলায় সভা ভাঙলো। যথাবিহিত সতর্কতার সঙ্গে একে-একে তারা বাড়ি চলে গেলো।

৭

রাজপথের ধারে সেই জায়গাটা ছবির মতো সুন্দর দেখায়। যেখানে কুটেইনি পোসাড আর মালি ইয়েরমোলে এই গ্রাম ছটিকে দ্বিখণ্ড ক’রে তরতরে ছোটো নদী পাজ্জিকা ব’য়ে চলে গেছে, সেখানে গ্রাম ছটির একটি নেমে এসেছে এক খাড়া টিলার গা বেয়ে, অগুটি ঠিক তার তলাকার উপত্যকায় ছড়িয়ে আছে। কোলচাক জোর ক’রে যে-সব নতুন রংকট জোগাড় করেছেন, কুটেইনিতে তাদের বিদায়-সংবর্ধনা জানানো হচ্ছিলো। আর ইয়েরমোলে-তে কর্নেল স্ট্রেসের অধীনে এক চিকিৎসক-সমিতি ইন্সটারের ছটির পর আবার নতুন ক’রে কাজ শুরু ক’রে দিয়েছে—কাকে-কাকে সেনাবাহিনীতে ভর্তি করা যায়, তাই পরীক্ষা ক’রে দেখা তাদের কাজ। এই উপলক্ষ্যে গ্রামে একদল ঘোড়সওয়ার-বাহিনী আর কসাক সৈন্য ছাউনি ফেলেছে।

^১ Thermidor: ৩০৬ পৃষ্ঠার টীকা দেখুন। ^২ই থার্মিডরের বিপ্লবের ফলে রক্ষণশীলেরা শক্তি হেড়ে নেয়। ইতিহাসে এই ঘটনার নাম ‘থার্মিডরীয় প্রতিক্রিয়া’। — অসুবাদকের টীকা।

এবারকার ঈস্টার-সপ্তাহ অসাধারণ দেরিতে পড়েছে ; আজ তার তৃতীয় দিন । এদিকে বসন্তও এবার যেন বড় তাড়াতাড়ি এসে পড়লো, গরম পড়েছে রীতিমতো, একটুও হাওয়া নেই । কুটেইনিতে খান্স আর পানীয় সাজানো অনেকগুলি টেবিল খোলা আকাশের তলায় ছড়িয়ে আছে রংকটদের জন্ত—রাজপথ থেকে একটু দূরে, যাতে যানবাহনের চলাচলে ব্যাঘাত না হয় । টেবিলগুলো একটার গায়ে একটা লাগানো, কিন্তু সরলরেখায় নয় ; শাদা কাপড়ে ঢাকা, ঢাকনার প্রান্ত এমনভাবে মাটি ছুঁয়েছে, যে দেখতে হয়েছে লম্বা শাদা আঁকাবঁকা সসেজের মতো ।

সংবর্ধনা-সভার আমোদ-প্রমোদের খরচ জোগাবার জন্ত গ্রামবাসীরা তাদের সব সংগতি ব্যয় করেছে । প্রধান খাবার হ'লো ঈস্টার-পরবের অবশিষ্টাংশ, ছোটো শুয়োরের ঠ্যাঙের নোনা পোড়া মাংস, আর কয়েকটা কুলিখ আর পাসখা^১ । টেবিল জুড়ে রয়েছে বাটি-ভর্তি জারানো ব্যাঙের ছাতা, শসা আর টক বাঁধাকপি, রেকাবিতে মোটা ক'রে কাটা বাড়িতে বানানো রুটির টুকরো, কোনো-কোনো পাত্রে আবার সুপ হ'য়ে আছে ঈস্টারের ডিম । বেশির ভাগ ডিমের রং হ'লো গোলাপি বা ফিকে নীল ।

টেবিলের চারপাশ ঘিরে কচি ঘাসের ওপর ইতস্তত ছড়িয়ে আছে ডিমের ভাঙা খোলা, শাদা রেখার মধ্যে গোলাপি আর ফিকে-নীল তাদের রং । যুবকদের শার্ট আর তরুণীদের জামার রংও গোলাপি আর ফিকে-নীল । আর নীল আকাশে আশ্তে-আশ্তে ভেসে যাচ্ছে গোলাপি রঙের কমর্নীয় মেঘ, মনে হচ্ছে আকাশও যেন চলছে তাদের সঙ্গে ।

বেশমি কোমরবন্ধের সঙ্গে গোলাপি রঙের শার্ট পরে আছে ভ্লাস গালুজিন ; রাজপথের ওপরকার ঢালু জায়গাটায় পাকস্থটকিনের বাড়ি, ডাইনে-বাঁয়ে পায়ের পাতা ফেলে হড়বড় ক'রে বাড়ির সিঁড়ি দিয়ে নেমে এলো

১ কুলিখ হ'লো একরকম গিঠে, মস্ত বান্-এর মতো দেখতে ; পাসখা একরকম মিষ্টি, বাড়ির তৈরি পনির, চিনি, আর কিশমিশ দিয়ে বানানো, আকার অনেকটা পিরামিডের মতো, ডিমের শাদা অংশের সঙ্গে চিনি মিশিয়ে তার ওপর অনেক কারিকুরি করা হয় । লেট-এর উপবাস ভাঙার সূচনা হিসেবে ঈস্টারের রবিবারে প্রাতরাশের সময় এ-সব পরিবেশন করা হয় ।

জিজ্ঞাসা—২২

সে, তারপর নৌড়ে এলো টেকিলগুলোর কাছে, আর তকুনি শুরু ক'রে দিলো তার বক্তৃতা :

‘বৎসগণ, শ্যাম্পেন নেই, অগত্যা আমাদের নিজেকে বাড়িতে তৈরি ভদকা দিয়েই তোমাদের স্বাস্থ্যপান করছি। যে-সব তরুণ আজকের দিনে সামনের দিকে পা বাড়িয়ে দিলে, কামনা করি তাদের জীবন সুখী হোক, দীর্ঘজীবী হোক তারা। আরো অনেক শুভেচ্ছা জানাবার আছে আমার। রংকট ভদ্রমহোদয়গণ! আমি আপনাদের মনোযোগ প্রার্থনা করি। আজকে যে বিপদসংকুল পথে আপনারা পা বাড়িয়েছেন, তার মূল কথাটাই হ'লো এই যে মাতৃভূমির রক্ষার্থে আপনারা রুখে দাঁড়াচ্ছেন, যে-সব দস্যু ভ্রাতৃরক্তে সমগ্র দেশ ভাসিয়ে দিতে চাচ্ছে, আপনারা তার বিরুদ্ধে প্রবল প্রতিরোধ হানতে চান। জনসাধারণ এতোকাল মনে-মনে এই আশাই পোষণ করেছে যে শান্তিপূর্ণভাবে আলোচনার দ্বারাই আমরা বিপ্লবের জয়প্রতিষ্ঠা করতে পারবো, কিন্তু বৈদেশিক মুদ্রার দাস ঐ বলশেভিকেরা জনসাধারণের সর্বোচ্চ ভরসা সংবিধান-সভাকে বেয়োনেটের পাশবিক শক্তি প্রয়োগ ক'রে ভেঙে দিয়েছে, আর এখন অসহায় জনতার রক্তধারা ব'য়ে চলেছে নদীস্রোতের মতো। হে তরুণের দল, ধারা আজকের দিনে এগিয়ে যাচ্ছেন, আপনাদেরই ওপর নির্ভর করছে আমাদের উৎপীড়িত শক্তির আত্মমর্যাদা। লজ্জায় অধোবদন হ'য়ে মুখ ঢেকে আছি আমরা, আমাদের বীর সেনাবাহিনীর কাছে আমাদের ঋণের অস্ত নেই। কেননা শুধুমাত্র লাল ফৌজই নয়, এই সুযোগে জার্মানি ও অস্ট্রিয়াও তাদের নির্লজ্জ মস্তক উঁচু ক'রে উঠে দাঁড়িয়েছে। বৎসগণ, ঈশ্বর আমাদের সঙ্গে আছেন ...’ তার কথা তখনো শেষ হয়নি, কিন্তু প্রবল উল্লাসধ্বনির মধ্যে তার গলা চাপা প'ড়ে গেলো। নির্জলা ভদকা-ভর্তি গেলাশ তুলে চৌকটের কাছে এনে সে চুমুক দিলে। কিন্তু স্বাদটা তার ভালো লাগলো না। তার চেয়ে মদ' তার বেশি ভালো লাগে, সেই সুগন্ধি স্বাদেই সে অভ্যস্ত। কিন্তু সে যে জনসাধারণের হিতার্থে আত্মত্যাগ করেছে, এই চেতনায় আত্মতৃপ্তিতে ভ'রে গেলো তার মন।

‘খুব ভালো বক্তৃতা দিতে পারেন উনি, তোমার বাবার কথা বলছি।

১ Wine জাতীয় মত্তের কথা বলা হচ্ছে ; ভদকা Spirit জাতীয়।—অমুবাদকের টীকা

তার সঙ্গে মিলিউকভের তুলনাই হয় না। মাইরি বলছি!’ টেবিলের মাতাল গলার অসংলগ্ন কথাবার্তার ভেতর থেকে গশকা রিয়াবিখ তার বন্ধু টেরিয়শকাকে জড়ানো গলায় বললে। টেরিয়শকার পুরো নাম হলো টেরেটি গালুজিন, রিয়াবিখ-এর পাশেই সে বসে ছিলো। ‘কী চমৎকার মানুষ উনি! কিন্তু উনি যে এতো খাটছেন, সবটা যে খামকাই, স্বার্থহীনভাবে, তা কিন্তু আমার মনে হয় না। বোধহয় পুরস্কার হিসেবে তোমাকে সেনাবাহিনী থেকে ছাড়িয়ে নেবেন।’

‘তোমার লজ্জা পাওয়া উচিত, গশকা! এরকম একটা কথা তুমি ভাবতে পারলে কী করে! সেনাবাহিনী থেকে আমাকে ছাড়িয়ে নেবেন, তাই না! দেখুন না একবার চেষ্টা করে! যেদিন তুমি আসবে, আমিও সেদিন কাগজপত্র সব নিয়ে আসবো, এই তোমাকে বলে রাখলাম। একই ইউনিটে আমরা কাজ করবো।...বেজন্মাগুলো আমাকে স্কুল থেকে তাড়িয়ে দিয়েছে। মাকে তো কুরে-কুরে খাচ্ছে এই ভাবনা। এখন আমি কোনো পরোয়ানা পাবো বলে মনে হয় না।...তবে, হ্যাঁ—বাবা সত্যিই বড়তা দেবার কায়দাগুলো জানেন। সব সময়ই ঠিক জুংসই কথাটা মুখে আসে তাঁর। আর সবচেয়ে অসাধারণ ব্যাপার হলো, এটা তাঁর সম্পূর্ণ স্বাভাবিক ক্ষমতা। কোনোদিন পড়াশুনো করেননি।’

‘সাক্ষাৎ পাফলুটকিনের কথা শুনেছো?’

‘শুনেছি। কিন্তু সত্যিই কি রোগটা ভীষণ ছোঁয়াচে?’

‘দূরারোগ্য। ওকে একদম শেষ না-করা পর্যন্ত, এই রোগ ওকে কুরে-কুরে খাবে। ওর নিজেরই দোষ; আমরা ওকে যেতে বারণ করেছিলাম। কার সঙ্গে মেশো, সে-বিষয়ে তো তোমাকে খুব সাবধান থাকা চাই।’

‘গশকা, ওর এখন কী হবে?’

‘বড়ো ভয়ানক ব্যাপার। ও গুলি করে মারতে চেয়েছিলো নিজেকে। বিচারের জন্ত ওকে ডেকে পাঠানো হয়েছে, এখন ইয়েরমোলেতে চিকিৎসা হচ্ছে ওর। মনে হচ্ছে, ওকে নেবে তারা। ও বলেছিলো তার আগেই ও গিয়ে বিজ্রোহীদের সঙ্গে যোগ দেবে—“লম্বাজের পাপের ওপর প্রতিশোধ নেবার জন্ত”।’

‘কিন্তু গশকা, এই যে ছোয়াচে রোগের কথা বললে, ওদের কাছে না-গেলেও তো অল্প রোগ হ’তে পারে।’

‘তুমি কী বলতে চাচ্ছে। আমি বুঝতে পেরেছি। দেখে মনে হয় তোমারও ঐ রোগ আছে। কিন্তু ওটা তো সাধারণ রোগ নয়, ওটা একটা গোপন পাপ।’

‘কেন যদি এ-রকম কথা বলেছো তো আমি তোমার নাক ভোঁতা ক’রে দেবো, গশকা। বন্ধুর সঙ্গে কি এইভাবে কথা বলতে হয়? যিনি যিনি মিথ্যুক কাঁহাকার!’

‘একটু ঠাণ্ডা হ’য়ে নাও তো, আমি ঠাট্টা করছিলাম। তোমাকে যা বলতে চাচ্ছিলাম তা হ’লো এই। ঈস্টার-পরবের সময় পাজিন্স্কে গিয়েছিলাম আমি, বাইরে থেকে এক ভদ্রলোক এসেছিলেন বক্তৃতা দিতে; নৈরাজ্যবাদী, লোকটি চমৎকার। ব্যক্তিত্বের মুক্তিলাভ বিষয়ে বক্তৃতা করলেন। আমার বেশ ভালো লাগলো, খুব খাঁটি কথা বললেন উনি। হ্যাঁ, নৈরাজ্যবাদীদের দলেই ভিড়ে যাবো আমি, যদি না গিয়েছি তো তোর মাকে—থুড়ি! ভদ্রলোক বললেন আমাদের নাকি একটি ভেতরকার শক্তি আছে, তাকে একদিন জাগতেই হবে। তাঁর মতে ধোন ব্যাপার, চরিত্র, এই সব জিনিস নাকি জাস্তব বিহীন-শক্তিরই প্রকাশ। কেমন লাগলো তোমার শুনে? লোকটা প্রতিভাবান। কিন্তু আমি দেখেছি রীতিমতো চূর হ’য়ে গেছি। চারপাশে কী চ্যাচাচ্ছে লোকগুলো, কানে তালি লাগার দশা। আর সহ্য করতে পারছি না, কাজেই এবার চূপ করো তো, টেরেস্টি, চূপ করো বলছি।’

‘ঠিক আছে, কিন্তু আমাকে শুধু একটা কথা ব’লে দে গশকা। ঐ সব সোশ্যালিস্ট বুলিগুলো এখনো ভালো বুঝে উঠতে পারিনি, যেমন ধর “সাবোটাজনিক”^১। কথাটা বলতে কী বোঝায়?

‘এ-সব বিষয়ে আমাকে একজন ওস্তাদই বলা যায়, কিন্তু টেরেস্টি, আমার

^১ Saboteur, যে সাবোটাজ করে, বা ভেতর থেকে কারখানা, যানবাহন ইত্যাদি ধ্বংস ক’রে দেয়; আত্মঘাতক। . অজ্ঞতাবশত, বা নেশার ঝোঁকে, বক্তা অল্প শব্দের সঙ্গে গুলিয়ে কেলে ভুল ব্যাখ্যা দিচ্ছে। —অমুখ্যের টীকা

মাথায় মদ চ'ড়ে গেছে, কাজেই এখন আর ঘাঁটাস নে। যে একই দলে কাজ করে, তাকে বলে “সাবোটার্নিক।” “ভাটাগা” মানে তো দল, তাই না? কাজেই সাবোটার্নিক-এর মানে হ'লো একই ভাটাগার লোক। এবার বুঝেছো হাদারাম?’

‘আমিও তাই ভেবেছিলাম—কোনো-একটা খিস্তি হবে কথাটা...তা ঐ যে বৈদ্যুতিক শক্তির কথা বলছিলে, আমিও তার কথা শুনেছি। ভাবছিলাম পিটার্সবার্গ থেকে একটা ইলেকট্রিক ল্যাডট আনতে দেবো—মাল পৌঁছেলেই টাকা দিতে হবে—বিজ্ঞাপনে দেখেছিলাম—তাতে বলেছিলো এটা ব্যবহার করলে “বীর্ষ বাড়ে”। কিন্তু ঠিক সেই সময় আর-একখানা বিপ্লব এসে হাজির, তাই অল্প সব বিষয় নিয়ে মাথা ঘামাতে হ'লো...’

টেরেস্টি তার কথা শেষ করলো না। টেবিলের চারপাশের মাতাল গলার চ্যাচামেচি ছাপিয়ে ভীষণ জোরে একটা বিস্ফোরণের আওয়াজ হ'লো কাছেই, একবার শব্দ ক'রেই থেমে গেলো প্রথমটা, তারপরে আবার আগের চেয়েও জোরে, আগের চেয়েও বিহ্বল-করা শব্দে ফেটে পড়লো। কেউ-কেউ চেয়ার ছেড়ে লাফিয়ে উঠলো, যারা সবচেয়ে কম টলছিলো এতোকণ তার রইলো দাঁড়িয়ে। অন্তরা টলতে-টলতে উঠে দাঁড়াবার চেষ্টা করলে, কিন্তু মুখ খুবড়ে প'ড়ে গেলো টেবিলের তলায়, সেখানেই নাক ডাকাতে শুরু ক'রে দিলে। মেয়েরা ভীত গলায় চৈচিয়ে উঠলো। এক হলুদুল ব্যাপার।

ভ্লাস দাঁড়িয়ে অপরাধীর সন্ধানে চারপাশে তাকালো। প্রথমটায় তার মনে হয়েছিলো বোমা ফাটার আওয়াজ গ্রাম থেকে এসেছে, এমনকি হয়তো টেবিলের কাছাকাছি কোনো জায়গা থেকে। তার ঘাড়ের শিরা ফুলে উঠলো, মুখ লাল হ'য়ে গেলো, রাগি গলায় চ্যাচাতে থাকলো সে: ‘আমাদের মধ্যে জুডাস কোন জন? এই উপদ্রবটা ঘটালো কে? হাত-বোমা নিয়ে কে খেলা করছে? কেউটোকে ধরতে পারলে নিজের হাতে শিবে মারবো, সে যদি আমার ছেলেও হয়, তবু। নাগরিকগণ, এ-রকম বিপ্লী ঠাট্টা আমরা সহিবো না। একুনি গ্রামের চারপাশ ঘিরে ফেলতে হবে। শরতানটাকে খুঁজে বের করা চাই, তাকে পালাতে দেওয়া চলবে না।’

প্রথমে সবাই শুনছিলো তার কথা, কিন্তু যখন মালি ইয়েরমোলের ডিক্লিক্ট হল থেকে কালো রঙের ধোঁয়া শুভের মতো পেঁচিয়ে আকাশে উঠতে লাগলো ধীরে-ধীরে, তাদের সকলের মনোযোগ সেদিকে আবদ্ধ হলো। সবাই একসঙ্গে দৌড়ে গেলো খাদের দিকে, কী হচ্ছে না হচ্ছে দেখবার জন্য নদীর ওপর দিয়ে তাকালে উপত্যকার দিকে।

হল-ঘরে আগুন লেগেছে। নির্বাচন-সভার কতিপয় কর্মচারী ও কর্নেল স্ট্রেসের সঙ্গে কয়েকজন রংরুট দালান থেকে ছুটে বেরিয়ে এলো—তাদের একজনের খালি পা, আর পরনে শুধু একটা পাংলুন। অস্বারোহী কসাক আর অন্যান্য সামরিক কর্মচারীরা জিনের ওপর থেকে ঝুঁকে পড়ে চাবুক নাচাচ্ছে, সাপের মতো একে-বেকে ঘুরছে তাদের ঘোড়াগুলি, গ্রামের এ-প্রান্ত থেকে ও-প্রান্ত পর্যন্ত জোর কদমে ছুটছে তারা, কাউকে খুঁজে বেড়াচ্ছে। কুটেইনির রাস্তা ধরে দৌড়ে যাচ্ছে অনেকে, বিপদ সংকেত ক’রে জোরে বেজে উঠেছে গির্জের ঘণ্টাগুলি।

দারুণ ক্ষতবেগে পরিস্থিতি ঘোরালো হ’য়ে উঠলো। সন্ধ্যাবেলায় কর্নেল স্ট্রেস তাঁর কসাক অশুচরদের নিয়ে ঘোড়ায় চড়ে কুটেইনিতে এলেন; যাকে খুঁজছিলেন, সে যে ইয়ারমোলেতে নেই, এ-বিষয়ে তাঁর যেন কোনো সন্দেহ ছিলো না; কুটেইনিতে এসেই প্রথমে সৈন্যদের নিয়ে গ্রামটা ঘিরে ফেললেন, তারপর প্রত্যেকটা কুটির আর বাড়ি তন্নতন্ন ক’রে খোঁজা হ’তে লাগলো।

রংরুটদের অর্ধেকই তখন বলতে গেলে ম’রে গেছে। সংবর্ধনা-সভাতেই থেকে গিয়েছিলো তারা, এখন সবাই নাক ডাকাচ্ছে—কেউ ঝুঁকড়ে শুয়ে আছে মাটিতে, কেউ বা টেবিলের ওপর এলিয়ে দিয়েছে মাথা। যখন জানা গেলো যে গ্রামের ভেতর সেনাবাহিনী ঢুকে পড়েছে, তখন রীতিমতো অন্ধকার হ’য়ে গেছে।

কয়েকটি ছোকরা ক্ষত পা চালিয়ে ছুটলো, তাদের মধ্যে টেরেস্টি আর গশকাও আছে। প্রথমেই যে-গোলাবাড়িটা তারা সামনে পেলো, তার খিড়কির উঠোন দিয়ে পথ ক’রে নিলো তারা, তারপর এ ওর গায়ে ধাক্কাধাক্কি ক’রে দেয়ালের তলার দিকের ছোট্ট ফোকরটাতে হামাগুড়ি

দিয়ে ভেতরে ঢুকে গেলো। এমনতেই অন্ধকার, তার ওপর যা হৈ-ঠে চারদিকে ; গোলাবাড়িটা কার তা তারা প্রথমে খেয়াল করেনি। কিন্তু এখন মাছের আঁশটে আর প্যারাকিনের ভ্যাপসা গন্ধে তারা বুঝতে পারলো যে গ্রামের দোকানঘরের গুদাম হিসেবে যে-গোলাবাড়িটা ব্যবহার করা হয়, এটা সেটাই।

কেউ তারা কোনো দোষ করেনি, এ-ভাবে লুকিয়ে তারা বোকামি করলে ; বেশির ভাগই ছুটে চ'লে এসেছে মুহূর্তের উত্তেজনায়, এতো তদকা খেয়েছে যে মাথা ঠিক রাখতে পারেনি। আবার এমন কয়েকজন এদের সঙ্গে চ'লে এসেছে কর্তারা যাদের ভালো চোখে জ্বাখেন না—ধরা পড়লে ওদেরই জন্ত দফা রফা হ'তে পারে। সেটা ভয়ের কথা। আসলে অবজ্ঞা ঐ লোকগুলো গুণ্ডার চেয়ে খারাপ কিছু নয়, কিন্তু বলা কি যায় : আজকাল তো সব-কিছুই রাজনৈতিক দিক থেকে দেখা হচ্ছে। দেশের সোভিয়েট এলাকায় গুণ্ডামি হ'লো 'কালো প্রতিক্রিয়া'র লক্ষণ, আবার শাণাদের এলাকায় ওরই নাম বলশেভিজম।

দেখা গেলো গোলাবাড়িতে শুধু তারাই আসেনি, অল্প অনেকে তাদের আগেই জুটেছে। উঠোন আর পাকা মেঝের মাঝখানের জায়গাটাতে দুই গ্রামের লোকেরাই ভিড় ক'রে আছে। কুটেইনি থেকে যারা এসেছে, তারা সবাই বন্ধ মাতাল। কেউ-কেউ নাক ডাকাচ্ছে, কেউ বা ঘুমের মধ্যে কাণ্ডে উঠছে, কারো আবার দাঁতে-দাঁত লেগে গেছে। অল্প অনেকে রীতিমতো অসুস্থ হ'য়ে পড়ছে। আলকাত্রার মতো অন্ধকার, একটু হাওয়া নেই, তার ওপর অসহ্য দুর্গন্ধ। তাদের গুপ্তস্থান যাতে বেরিয়ে না পড়ে, সেইজন্তে যারা পরে এসেছে তারা আবার দেয়ালের ফাঁকটা আটকে দিয়েছে। খানিক পরে নাকডাকার আওয়াজ আর দাঁত-কপাটি খেঁষে গেলো, মাতালেরা শান্ত হ'য়ে ঘুমিয়ে পড়লো এবার, সব নীরব হ'য়ে এলো। তারই মধ্যে নীরবতা ভাঙলো এক কোনায় এক ফিশকিশে তীব্র স্বরে—টেরেটি আর গশকা সেখানে ভয়ে জড়াজড়ি ক'রে কুঁকড়ে আছে, আর তাদের সঙ্গে আছে কসকা বলে বহমেজাজি বগড়াটে ছেলেটা, সে এসেছে ইয়েরমোলে থেকে।

‘এতো জোরে না,’ বলছিলেন কসকা। ‘উজ্বুক শয়তান কাঁহাকার, শেষটায় আমাদের ধরিয়ে দেবে দেখছি! ষ্ট্রেনের লোকজনেরা আশেপাশে ঘুরে বেড়াচ্ছে, কানে যাচ্ছে না? রাস্তার একেবারে শেষ মাথায় গিয়েছিলো ওরা, এখন ফিরে আসছে। ঐ যে, এসে পড়লো। নিঃশ্বাস নিলে আমি গলা টিপে মারবো ব’লে রাখলাম।...যাক, বেঁচে গেলি, ওরা চ’লে গেছে।... এখানে আসতে কে তোদের মাথার দিবি দিয়েছিলো, শুনি? কেন তোর লুকোতে চাচ্ছিল শুনি—উজ্বুক কাঁহাকার! তোদের তো আঙুল দিয়েও হোঁবে না!’

‘গশকা “লুকোও, লুকোও” ব’লে চ্যাচাচ্ছিলো, সেইজন্তাই আমি হামা-গুড়ি দিয়ে এখানে ঢুকেছি।’

‘গশকার তবু লুকোবার একটা কারণ আছে। তার মারা বাড়ির লোক বিপদে পড়েছে, সন্দেহ করা হচ্ছে তাদের। খোঁড়াটঙ্কোয়ের রেল-স্টেশনে তাদের আত্মীয়রা কাজ করছে, সেটা একটা জরুরি কারণ। এতো উশখুশুনি কিসের—চূপ ক’রে বোস, উজ্বুক। লোকগুলো তো সব হেগে-মুতে বসি ক’রে একাকার কাণ্ড করে বসেছে—একটু নড়লেই সব নোংরা এসে আমাদের গায়ে লাগবে। ভোটকা গন্ধ নাকু আসছে না? জানো, কেন ষ্ট্রেনে গ্রামের মধ্যে ছুটোছুটি করছে? বাইরের লোক খুঁজে বেড়াচ্ছে সে। পাজিন্স থেকে কারা যেন এসেছে, তাদের খুঁজছে?’

‘ব্যাপারটা হ’লো কী ক’রে, কসকা? এই হৈ-চৈ শুরু হ’লো কী ভাবে?’

‘সাক্কাই আরম্ভ ক’রেছে—সাক্কা পাক্কাটকিন। আমরা সবাই রংকট আপিশে দাঁড়িয়ে ছিলাম, উলঙ্গ দাঁড়িয়ে আছি সবাই লাইন দিয়ে, ডাক্তারের জন্তু অপেক্ষা করছি। যখন সাক্কার পালা এলো, সে কিছুতেই পোষাক খুলবে না। আপিশে ঢোকান সময়েই একটু মাতাল ছিলো। কেরানিটি নরম গলায় তাকে জামা খুলতে বললো, এমনকি “আপনি” বললে তাকে। সাক্কা খেঁকিয়ে উঠলো—“কিছুতেই আমি জামা খুলবো না, আমার শরীরের গোপনস্থান সবাইকে আমি দেখাতে রাজি নই।” এমন ভক্তি করলো, যেন তার লজ্জার সীমা নেই। তারপরেই কেরানিটির কাছে গিয়ে দাঁড়ালো, সোজা চোয়ালে এক ঘুবি বসিয়ে দিলে। আর তারপর—বললে বিশ্বাস

কৰবে কিনা জানি না—চোখের পাতা ফেলতে-না-ফেলতে গাফা হয়ে
পায়ে পা দিয়ে আপিশের টেবিল হাঁকড়ে উঠে ফেলে দিলে। দড়াম ক'রে
টেবিলটা আছড়ে পড়লো মেঝেতে, যা-কিছু তার ওপর ছিলো দোয়াতদান,
সৈন্তদের লিঙ্গি সব লণ্ডণ্ড হ'য়ে গেলো! তখন হৈসে চ্যাচাতে-চ্যাচাতে
ছুটে এলো: “কোনো যণ্ডাণ্ডাণ্ডকে আমি সহ্য কৰবো না। ও-সব
রক্তপাতহীন বিপ্লব চলবে না আমার সঙ্গে। সরকারি আপিশে অসম্মানকৰ
ব্যবহার আর আইন ভাঙার মজা তোমাদের টের পাইয়ে দেবো। দলের
চাই কোনটা?”

গাফা গলা ফাটিয়ে চ্যাচালো: “কমরেডগণ, তোমাদের কাপড়চোপড়
তুলে নাও—আমাদের হয়ে গেছে!” ব'লে জানলার কাছে গিয়ে ঘূষি মারলে।
আমি আমার জামা-কাপড় তুলে নিয়ে তার পেছন-পেছন ছুটলাম, দৌড়োতে
দৌড়োতেই প'রে নিলাম গায়ে। হড়মুড় ক'রে ও নেমে এলো রাস্তায়,
হাওয়ার মতো ছুটলো। আমি ছুটে গেলাম তার পেছন-পেছন, আরো
হু-একজনেও তাই কৰলে। প্রাণপণে ছুটলাম আমরা—ওরাও আমাদের
পেছন-পেছন চ্যাচাতে-চ্যাচাতে ছুটে এলো। কিন্তু যদি আমাকে জিজ্ঞাস
করো এতো সব গোলমাল কিসের জন্য—তাহ'লে আমি বলবো যে এর
কোনো মাধামুণ্ড নেই।’

‘কিন্তু বোমার ব্যাপারটা কী?’

‘কী মানে?’

‘মানে, বোমাটা ছুঁড়লো কে?—বোমাই তো, হাতবোমা বা ঐ জাতীয়
কিছু-একটা হবে।’

‘হা ঈশ্বর! তুমি নিশ্চয়ই বলতে চাচ্ছে না যে আমরা ঐ বোমা ছুঁড়েছি!’

‘তাহ'লে কে ছুঁড়লো?’

‘তা আমি কী ক'রে জানবো? নিশ্চয়ই অস্ত্র কেউ ছুঁড়েছে। কেউ
নিশ্চয়ই এ-সব হৈ-হৈ রৈ-রৈ দেখে মনে-মনে ভাবলে: “এই হৈ-চৈয়ের
ফাঁকে আস্ত জায়গাটাকেই উড়িয়ে দেওয়া যাক—তারা হয়তো ভাববে
অস্ত্র কারো কাজ এটা।” এটা নিশ্চয়ই কোনো “রাজনৈতিক” লোকের কাজ,
পাজ্জিন্ধ থেকে যে-সব “রাজনৈতিক” লোক এসেছে, নিশ্চয়ই তাদের কারো

কাণ্ড—ও-সব লোকে তো থৈ-থৈ করছে জায়গাটা।—শ্শ্শ্শ্! চূপ, আর কথা না! কানে যাচ্ছে না? স্ট্রেশের লোকেরা আবার ফিরে আসছে। এবার আমরা মারা পড়লাম। চূপ করো, বলছি!’

রাস্তা থেকে ক্রমশ গলার স্বর এগিয়ে এলো; জুতোর ভারি শব্দ, ঘোড়ার খুরের আওয়াজও শোনা গেলো।’

‘তর্ক কোরো না। আমাকে বোকা ঠাউরেছো নাকি?’ পিটার্গবার্গের কায়দায় নিখুঁতভাবে ধারালো, গভীর গলায় কর্নেল বললেন। ‘নিশ্চয়ই কেউ কথা বলছিলো ওখানে।’

ইয়েরমোলে গ্রামের মেয়র ওটভিয়াজ্জিটিন—এক বুড়ো জেলে সে—তবু তর্ক করলো :

‘আপনি ভুল শুনেছেন, হজুর। আর গ্রামের মধ্যে লোকেরা কি কথাও বলবে না? এটা তো আর কবরখানা নয়। হয়তো কথা বলছিলো কেউ, বাড়িটায় তো লোক অনেক। বাড়ি-ঘরগুলোয় তো লোকজন ঠাসা। আর মানুষ তো বোবা জানোয়ার নয়। আর নয়তো কারো ঘুমের মধ্যে শয়তান এসে ঝাঁকুনি দিচ্ছিলো।’

‘চূপ! গৈয়ো ভাঁড়ামি বন্ধ করো এবার! শয়তানই বটে! বারো হাত কাঁকরের তেরো হাত বীচি হ’য়ে উঠেছে তুমি, না? এমনি চালাক হ’তে-হ’তে বলশেভিজ্জম-এর বুলি আওড়াতে শুরু করবে—এই তো?’

‘হা ভগবান! হজুর, আপনি এ-কথা কী ক’রে বলতে পারলেন, কর্নেল সাহেব! গাঁয়ের লোকেরা এতোই অশিক্ষিত ও নির্বোধ যে প্রার্থনা-পুস্তকও পড়তে পারে না! বলশেভিক মতবাদ দিয়ে তারা করবে কী?’

‘ষতোদিন না হাতে-কলমে ধরা পড়ছে, ততোদিন তোমরা সবাই তো মুখে তাই বলো। দোকানটার আগাপাশতলা খুঁজে ঝাখো, সব জিনিসপত্র ছত্রধান, আর কাউন্টারের তলায় দেখতেও ভুলে যেয়ো না।’

‘তাই হবে, হজুর।’

‘পাফলুটকিন, রিয়নবিখ আর নেখভালেনিখকে আমার চাই—তাঁরা সে জ্যান্তই হোক আর মড়াই হোক। যদি তাদের সমুদ্রের তলা থেকেও খুঁজে আনতে হয়, তবে তাই করবে। সেই সঙ্গে গালুজিনের ছানাটাকেও চাই।’

তার বাবা যতোই স্বদেশী বক্তৃতা দিক, তাতে আমি ভুলবো না। কথা ব'লে-ব'লে বাঁদরের ল্যাজ খসিয়ে দিক সে, কিন্তু না যেন ভাবে আমরা ততোক্ষণ নাক ডাকাছি। কোনো দোকানদার বক্তৃতা দিয়ে ঘুরে বেড়াচ্ছে—তার মানেই ঘোরালো কিছু আছে ভেতরে। স্বাভাবিক নয় ব্যাপারটা, তাই সন্দেহ হয়। আমরা খবর পেয়েছি যে গালুজিনেরা রাজনৈতিক অপরাধীদের লুকিয়ে রাখে, তাছাড়া পুণ্য ক্রুশে তাদের বাড়িতে বেআইনি সভাও নাকি বসে। ওর ঐ ছোড়াটাকে চাই আমার। ওকে নিয়ে কী করবো তা আমি এখনো ঠিক করিনি। কিন্তু ওর বিরুদ্ধে যদি কিছু শোনা যায় তাহ'লে আর দু-বার না-ভেবে সোজা ঝুলিয়ে দেবো ওকে—অস্ত্রদেয়ও তাতে শিক্ষা হবে।’

অন্বেষণকারীরা দূরে চ'লে গেলো। যখন তারা বেশ কিছুটা দূরে চ'লে গেছে, কসকা ফিশফিশ ক'রে বললে, ‘শুনলে তো?’

টেরেষ্টি তখন ভয়ে আধমরা হ'য়ে গেছে। খুব নিচু গলায় জবাব দিলো, ‘শুনলাম।’ তার গলা অন্য রকম শোনালো।

‘এখন তাহ'লে সাক্ষা, গশকা, তোমার আর আমার জন্য শুধু একটা একটা জায়গাই আছে, সেটা ঐ অরণ্য। বলছি না যে চিরকালই আমাদের থাকতে হবে সেখানে—তবে যতোক্ষণ না ওদের মাথা ঠাণ্ডা হচ্ছে, ততোক্ষণ তো বটেই। তারপরে ভেবে দেখা যাবে, হয়তো আমরা ফিরে আসতেও পারবো।’

পরিলেখ ১১

আরণ্যক ভ্রাতৃত্ব

১

ইউরি বন্দী হবার পর প্রায় দু'বছর কেটে গেছে। তার স্বাধীনতার সীমা কিছু নির্দিষ্ট নেই। কোনো দেয়াল-ঘেরা জায়গায় তাকে বন্দী ক'রে রাখা হয়নি, কেউ তাকে পাহারা দেয় না, তার চলাফেরার ওপর নজর রাখার জ্ঞাতও কোনো লোক নেই। পার্টিজানবাহিনী তো কেবলই ন'ড়ে বেড়ায়; যখন যেখানে দিয়ে যায় সেখানকার স্থানীয় বাসিন্দাদের সঙ্গে কোনো দূরত্বই তারা বজায় রাখে না; বরং তাদের সঙ্গে মিশে গিয়ে নিজেদের যেন তাদের মধ্যে মিলিয়ে দেয়।

বাইরে থেকে তার এই বন্দীত্ব ও অধীনতাকে অনায়াসেই অলীক ব'লে মনে হ'তে পারে; দেখে মনে হয় আসলে সে যেন স্বাধীন মানুষ, শুধু কিছুতেই নিজের স্বাধীনতার সুযোগ নিতে পারছে না। জীবনে অনেকরকম বাধ্যবাধকতা থাকে যা স্পর্শাতীত, বাইরে থেকে দেখে যা ঠাহর করা যায় না; বরং মনে হয় এর বুঝি অস্তিত্বই নেই, এ যেন নিছক অমূলকল্পনা, নিতান্তই মিথ্যে। কিন্তু আপাতদৃষ্টিতে যতাই কাল্পনিক মনে হোক না, হাতে-পায়ে বেড়ি না-পরালেও কিংবা কেউ তাকে পাহারা না-দিলেও, ইউরিকে বাধ্য হয়েই এই পরাধীনতা মেনে নিতে হয়েছে।

তিনবার সে দল থেকে পালিয়ে যাবার চেষ্টা করেছে, কিন্তু প্রতিবারই তারা ধ'রে ফেলেছে তাকে। কোনো শাস্তি তাকে ভোগ করতে হয়নি,

কিন্তু আসলে এটা যে-আশুন নিয়ে খেলা এ-কথা বুঝেই আর পালাবার চেষ্টা করেনি সে।

এদিকে আবার সে দলপতির নেকনজরে পড়েছে : লিবেরিয়ান মিকুলিংসিন তার সঙ্গ পছন্দ করে ব'লে নিজের তাঁবুতেই ঘুমোবার ব্যবস্থা করেছে তার। ইউরির মনে হয় এটা জবরদস্তি, তারি বিরক্তিকর ঠেকে এই সঙ্গ।

২

এই সময়টুকুর মধ্যে সেনাবাহিনী কেবলই পূর্বদিকে স'রে-স'রে চলেছে। মাঝে-মাঝে এই স'রে আসাটা অগ্রগতির চেহারা নেয়, পশ্চিম সাইবেরিয়া থেকে কোলচাককে বিভাডিত করার জন্য যে-সাধারণ অভিযান চলেছিলো, এটা তখন তারই অংশ হ'য়ে ওঠে ; কিন্তু অল্প সময়ে আবার শাদারা যখন দু'পাশ থেকে আক্রমণ ক'রে লাল পন্টনকে ঘিরে ফেলার ভয় দেখায়, সেই একই পূর্বমুখী চলা তখন পরিণত হয় পলায়নে। ইউরি দীর্ঘকাল এই ব্যাপারটার কোনো মাথামুণ্ড বুঝে উঠতে পারেনি।

যে-পথ দিয়ে তারা যাচ্ছিলো, সেটা কখনো রাজপথের সমান্তরভাবে এগিয়েছে, আবার কখনো বা তাকেই অনুসরণ করেছে। পথের দু'পাশে যে-সব গ্রাম আর ছোটো-ছোটো শহর ছিলো, তারা যুদ্ধের অবস্থা বুঝে 'শাদা' কিংবা 'লাল' ব'নে যেতো। কোনো বিশেষ মুহূর্তে তারা কোন দলের অধীনে আছে, এটা তাদের চেহারা দেখে বলা খুব শক্ত ছিলো।

চাষীদের ক্ষোজ যখন কোনো বসতির মধ্য দিয়ে যায়, তখন সেখানকার অল্প সব-কিছুই মনে হয় অকিঞ্চিৎকর। রাস্তার দু'পাশের বাড়িগুলো যেন কুকড়ে মাটিতে নেমে আসে, আর ঘোড়া, ঘোড়সওয়ার, কামান, কাদার মধ্যে ছিটিয়ে-চলা মস্ত-মস্ত মানুষের ঠেলাঠেলি—এই সব-কিছুই বাড়িগুলোর চেয়ে লম্বা হ'য়ে ওঠে।

একদিন তারা যখন পাজিন্স্ক ব'লে একটি ছোটো শহরে এসে তাঁবু ফেলেছে, ইউরিকে যেতে হ'লো এক ডাক্তারখানায়—সেখানে ইংলণ্ড থেকে আনানো ওষুধপত্র নিতে হবে ; ওষুধগুলো আগে ছিলো শাদা অফিসারদের,

জেনারেল কাপ্পেল ছিলেন তাদের নেতা ; এখন কৃষকরাহিনী তা যুদ্ধজয়ের পুরস্কার হিসেবে কেড়ে নিয়েছে ।

বিবর্ণ, রুষ্টিমাখা এক বিকেলবেলা—মাত্র দুটি রঙের সমাবেশ ঘটেছে তাতে ; যেখানে আলো পড়েছে, শুধু সেই জায়গাটুকু শাদা, বাকি সমস্ত অংশ কালো । ইউরির মেজাজও ছিলো তেমনি বিবর্ণ—একেবারে কঠিনরকম সরল, রঙের কোনো স্রুতি তাকে কোমল ক'রে দিচ্ছে না ।

সেনাবাহিনীর যাওয়া-আসার ফলে রাস্তাটা একেবারে নষ্ট হ'য়ে গেছে—কালো কাদার নদী ছাড়া আর-কিছুই একে বলা যায় না এখন । মাত্র কয়েকটা জায়গায় হেঁটে পেরোনো যায়, আর সে-সব জায়গায় পৌঁছতে হ'লে কয়েকশো গজ ধ'রে বাড়িগুলোর গায়ে গা লাগিয়ে চলতে হবে । ঠিক এমনি অবস্থাতেই পেলাগিয়া টিয়াগুনোভার সঙ্গে ইউরির দেখা হ'লো ; তিন বছর আগে মস্কো থেকে আসার সময় ট্রেনে তার সঙ্গী ছিলো সে ।

পেলাগিয়াই তাকে প্রথম চিনতে পারলে । বাস্তার ওপার থেকে—খালের ওপার থেকে বললেই ঠিক হয়—ঐ যে জ্বীলোকটি তার দিকে তাকিয়ে আছে, তাকে চিনে উঠতে বেশ কয়েক মিনিট সময় লাগলো ইউরির । জ্বীলোকটির মুখের ভাব এই রকম যে ইউরি তাকে চিনতে পারলেই আলাপ করবে, আর তা না হ'লে পরিচয় দেবে না ।

অবশেষে তাকে মনে পড়লো ইউরির, সেই সঙ্গে তার মনে ভিড় ক'রে এলো ঠাশাঠাশি করা ট্রেনের মালগাড়ির ছবি, জোর ক'রে ধ'রে-আনা মজুর আর তাদের পাহারাওলারা, আর সেই জ্বীলোকটি যার কাঁধের ওপর ছিলো ভাঁজ-করা চাদর—সঙ্গে-সঙ্গে নিজের জ্বী-পুত্রের চেহারাও ঝিলিক দিয়ে গেলো তার মনের মধ্যে । সেই ভ্রমণের খুঁটিনাটি ঘটনা তীক্ষ্ণ হ'য়ে ফিরে এলো তার স্মৃতিতে, এলো তার প্রিয়জনদের মুখ, যাদের অভাব আর যেন সে সহিতে পারছে না ।

মাথা নেড়ে সে পেলাগিয়াকে ইঙ্গিত করলে রাস্তা ধ'রে এগিয়ে যেতে—সেই যেখানে পা ফেলার জ্ঞান পাথর পাতা আছে ; তারপর সেখানে হেঁটে গিয়ে, রাস্তা পেরিয়ে, তাকে সম্ভাষণ করলে ।

গত দু'বছরের অনেক খবরই পেলাগিয়া বললো তাকে । সেই ভাসিয়া ব'লে ছেলেটা, সুল্লর সরল মুখ যার, যাকে অন্যায়াভাবে জোর ক'রে মজুরির

অন্ন ধরে আনা হয়েছিলো, ইউরিরদের কামরাতেই যে উঠেছিলো, তার কথা পেলাগিয়া তাকে মনে করিয়ে দিলে। ছেলেটার গ্রামে, ভেরেটেনিকিতে, তার মায়ের সঙ্গে কিছুকাল থেকেছিলো পেলাগিয়া, কিন্তু বেশিদিন থাকতে পারেনি, গাঁয়ের লোকেরা তাকে বাইরের লোক বলে ভাবতো। শেষটার তার নামে মিথ্যে অভিযোগ আনলে তারা, সে নাকি ভাসিয়ার সঙ্গে প্রেম করছে, আর তার ফলে তাকে ঐ গ্রাম ছেড়ে চলে যেতে হ'লো, নয়তো তাকে হয়তো খুঁচিয়ে-খুঁচিয়ে মেরেই ফেলতো ওরা। তারপর সে গিয়ে আশ্রয় নেয় পুণ্য ক্রুশ শহরে, তার বিবাহিতা বোন অল্গা গালুজিনার কাছে। শেষে, পিটুলিয়েভকে নাকি আশেপাশে দেখা গেছে, এই গুজব শুনে সে পাজিন্স-এ চলে এলো সে। গুজবটা যে মিথ্যে তা প্রমাণ হ'তে দেরি হ'লো না, খুদে শহরে একেবারে অসহায় হ'য়ে পড়লো সে, কিন্তু পরে একটা কাজ জুটে গেলো।

ইতিমধ্যে দুর্ভাগ্য তার বন্ধুদেরও ধরে ফেলেছে। খাবার সরবরাহ বন্ধ করেছে বলে ভেরেটেনিকি গ্রামের ওপর জুলুম করে শোধ তুললে ওরা। শোনা গেলো ভাসিয়ার বাড়ি পুড়ে গেছে, আর তার বাড়ির কে যেন মারাও গেছে তাতে। ওদিকে পুণ্য ক্রুশে পেলাগিয়ার ভগ্নিপতি ভ্লাস গালুজিনের কোনো খবর নেই—হয় তাকে জেলে পুরেছে, নয় মেরেছে গুলি করে—কোনটা যে ঠিক, তা কেউ নিশ্চিত জানে না, আর তার বোনপোটিও অদৃশ্য হয়েছে। তার বোনের কিছুকাল আহার জোটেনি, এখন এক চাষি পরিবারে ঝিয়ের কাজ নিয়েছে, ওরা আবার তাদের আশ্রয় হয়।

ঘটনাচক্রে পেলাগিয়া বাসন ধোয়ার কাজ করছে—সেই ওষুধের দোকানেই, যেখানে ইউরিকে একুনি মাল বুঝে নিতে হবে। দোকানের সব কর্মচারী, পেলাগিয়া নিজেও, এর ফলে বেকার হ'য়ে পড়বে, কিন্তু এটা ঠেকাবার কোনো ক্ষমতাই ইউরির ছিলো না। সে যখন ওষুধপত্রের দায়িত্ব বুঝে নিলো পেলাগিয়া তার পাশেই দাঁড়িয়ে ছিলো।

ইউরির অন্ন ঠেলাগাড়ি এসেছিলো দোকানের পেছনে। বস্তা-বস্তা মাল, কাঠের বাস্ক, শিশি-বোতল, বেতের ঝুড়িতে প্যাক করা ওষুধপত্র—সব নিয়ে আসা হ'লো বাইরে।

লোকজনদের সঙ্গে-সঙ্গে, দোকানির রোগা, ঘেয়ো ঘোড়াটিও আস্তাবল থেকে কাতর চোখে এই মাল সরাবার দৃশ্যের দিকে তাকিয়ে রইলো। বৃষ্টিভেজা বেলা প'ড়ে এসেছে তখন, আকাশ একটু পরিষ্কার হয়েছে। মেঘের আড়াল থেকে অন্ত-সুর্ধ উকি দিলো, উঠোনের এদিকে-ওদিকে ছিটকে পড়লো তার গাঢ় ব্রোন্জ রঙের রশ্মি, ঘোড়ার তরল মলের ওপর দিলে পিছলে-পিছলে স'রে যেতে লাগলো। সেই তরল বিষ্ঠা এতো ভারি যে হাওয়া তাদের নড়াতে পারছে না। কিন্তু রাস্তায় বৃষ্টির জলে ঢেউ দিলো, জ'লে উঠলো সিঁদুরের মতো।

সেনাবাহিনী রাস্তা দিয়ে চলাফেরা করছে, কেউ হেঁটে, কেউ বা ঘোড়ায় চ'ড়ে। যে-সব ওষুধপত্র জোর ক'রে কেড়ে নেওয়া হ'লো তার মধ্যে পাওয়া গেলো এক বৈয়ম-ভক্তি কোর্কেন ; ঐ নেশায় পাটিজান-সর্দার সম্প্রতি আসক্ত হ'য়ে পড়েছিলেন।

৩

শীতের সময় টাইফাস, গ্রীষ্মকালে আমাশা, তার ওপর আবার পুরোদমে লড়াই চলছে ব'লে আহতের সংখ্যাও বেড়ে চলেছে ; কাজের চাপে ইউরি হাঁপ ছাড়তে পারে না।

মাঝে-মাঝে পেছোতে হয়, নানা রকম ক্ষতি মেনে নিতে হয়, কিন্তু তা সত্ত্বেও পাটিজানদের সৈন্যসংখ্যা ফেঁপেই চলেছে ক্রমশ, যখনই যে-রসতির মধ্য দিয়ে যায়, তখনই নতুন অনেক বিজ্রোহী দলে যোগ দেয়, তার ওপর শত্রু-শিবির পরিত্যাগ ক'রে আসা সৈন্তেরা তো আছেই। এই বাহিনীর সঙ্গে ইউরি যে-আঠারো মাস কাটিয়েছে তার মধ্যেই তার আয়তন দশগুণ বেড়ে গিয়েছে, পুণ্য ক্রুশের সভায় লিবেরিয়স একবার জাঁক ক'রে যা বলেছিলো, সত্যিই এখন সৈন্যসংখ্যা সেখানেই পৌঁচেছে।

নতুন, কিন্তু অভিজ্ঞ, কয়েকজন আদালি নিযুক্ত হয়েছে ইউরির, তাছাড়া আছে দু'জন প্রধান সহকারী, দু'জনেই প্রাক্তন যুদ্ধবন্দী—একজনের নাম কেরেমি লায়োস, হাঙ্গেরীয় কম্যুনিষ্ট সে, অষ্ট্রিয়ান সেনাবাহিনীতে ডাক্তার

ছিলো, আরেকজন জাতিতে জ্যোটি, আঞ্জেলার তার নাম, ডাক্তার হিসেবে কিছুটা হাতে-কলমে শিক্ষা করেছে। কেরেন্সি লায়োসের সঙ্গে ইউরির জার্মান ভাষায় কথা বলে; আঞ্জেলার কিছুটা রূপ বোঝে।

৪

সেনাবাহিনীর কোনো ডাক্তার যুদ্ধক্ষেত্রের সামরিক ক্রিয়াকলাপে অংশ নিতে পারবে না—এই হ'লো আন্তর্জাতিক রেডক্রসের নিয়ম। একবার কিন্তু ইউরি এই নিয়ম ভাঙতে বাধ্য হয়েছিলো। সে তখন যুদ্ধক্ষেত্রে ছিলো, হঠাৎ আক্রমণ শুরু হ'য়ে যাওয়ায় তাকেও সৈন্যদের ভাগ্যের অংশ নিতে হয়।

সে ছিলো এক বনের ধারে ফ্রন্ট-লাইনে, শত্রুপক্ষের গুলিগোলা ঠিক সেখানে এসে পড়ছে। গুলি শুরু হ'তেই সে মাটিতে শুয়ে পড়লো, তার পাশে ছিলো বাহিনীর টেলিফোন-অপারেটর। তাদের পেছনে বন, সামনে মাঠ, আর এই খোলা, অরক্ষিত মাঠের ওপর দিয়েই শাদারা আক্রমণ চালাচ্ছে।

শাদারা এতো কাছে এসে পড়েছে যে ইউরি তাদের মুখ পর্যন্ত দেখতে পাচ্ছিলো। সবাই ছেলেমানুষ, রাজধানীর অসামরিক পরিবার থেকে স্বেচ্ছাসেবক হিসেবে সত্তা এসে যোগ দিয়েছে; বয়সে যারা কিছু বড়ো তারা এর আগে রিজার্ভফোর্সে ছিলো। যুদ্ধের ধরনটা ঠিক ক'রে দিচ্ছে ছোকরারাই—কেউ তারা বিশ্ববিদ্যালয়ের প্রথম বার্ষিক শ্রেণীর ছাত্র, কেউ বা স্কুলের সব চেয়ে উঁচু ক্লাশে পড়ছিলো।

ইউরির চেনা কেউই ছিলো না, তবু তাদের অনেককেই তার চেনা মনে হ'লো। কয়েকজনকে দেখে মনে প'ড়ে গেলো তার স্কুলের সহপাঠীদের কথা। তাদেরই ছোটো ভাই নয় তো এরা?—অস্ত্রদের তার মনে হ'লো যেন দেখেছে কোনো থিয়েটারে গিয়ে, বা বহুকাল আগে কোনোদিন কোনো রাস্তায়। তাদের মুখ-চোখের ভাষা তাকে আকর্ষণ করলো—আপন লোক ব'লে মনে হ'লো তাদের, স্বজন যেন, তারই মতো।

তারা ভাবছে যে তার ক্ষতিব্যতির আহ্বানে সাড়া দিচ্ছে, তাই তাদের এই আনন্দময় ছুঃসাহস, যেমন তা নিশ্চয়োজন, তেমনি তা বিপদে ভরা।

জিজ্ঞাসা—৩০

অনেকখানি জায়গা জুড়ে ছড়িয়ে পড়ে এগিয়ে আসছিলো তারা, সেপাইরা বে-ভাবে কুচকাওয়াজের মাঠে তৎপরতা দেখায়, ঠিক তার চেয়েও সোজা একরোখা ভঙ্গি তাদের, মাথা তুলে হেঁটে আসছে, দৌড়োচ্ছে না, মাটিতেও গুয়ে পড়ছে না, অথচ মাঠটা অসমতল ছিলো ব'লে অনায়াসেই তারা সেখানে গা-ঢাকা দিতে পারতো। পার্টিজানদের গুলি তাদের একেবারে নিড়িয়ে দিচ্ছে।

খোলা, বিস্তৃত মাঠের মধ্যখানে একটা মরা গাছ দাঁড়িয়ে ছিলো, বাজ-পড়া পোড়া গাছ, আগুনে ঝলসানো, আর নয়তো এখানে যুদ্ধ হয়েছিলো, তার গোলাব্দর আগুন কি বোমার টুকরো গাছটাকে দগ্ধ করেছে। এগিয়ে-আসা শাদাদের মধ্যে প্রত্যেকেই গাছটার দিকে তাকাছিলো, প্রত্যেকেরই লোভ হচ্ছিলো ওটার পেছনে দাঁড়িয়ে ঠিকমতো তাক করে, কিন্তু সেই লোভ বেড়ে ফেলে দিয়ে তারপরেই আবার সামনে এগিয়ে আসছিলো তারা।

পার্টিজানদের গোলাবারুদ খুব বেশি ছিলো না, তার ওপর এক আঞ্চলিক চুক্তি অহুসারে স্পষ্ট নির্দেশ ছিলো যে কখনো কোনো বৃহৎ বাহিনীকে যেন আক্রমণ করা না হয়, গুলিতেও যেন দূরের পাল্লা চেষ্টা না করে।

ইউরির হাতে রাইফেল ছিলো না ; ঘাসের ওপর গুয়ে-গুয়ে যুদ্ধের গতি লক্ষ্য করছিলো সে। তার সব সহানুভূতি ছিলো সেই দুঃসাহসী ছেলেমানুষদের দিকে, বীরের মতো প্রাণ দিচ্ছিলো যারা। সর্বান্তঃকরণে তাদেরই জয় কামনা করছিলো ইউরি। এরা তো সেই সব পরিবার থেকেই এসেছে, যারা হয়তো মনের দিক থেকে তারই আত্মীয়—শিক্ষা, নীতিচেতনা, মূল্যবোধ—সব দিক দিয়েই তারা হয়তো তার নিকটতর।

মাঠের মধ্যে ছুটে গিয়ে তাদের হাতে আত্মসমর্পণ করলে কেমন হয় ? একটা মুক্তির উপায় তো এটা। কিন্তু না—থাক, বড্ড বিপদ এতে।

দু'হাত মাথার ওপর দিয়ে তুলে সে যখন ছুটতে থাকবে, তখন হয়তো দু'দিক থেকেই গুলি এসে লাগবে তার গায়ে, বুক-পিঠে গুলি খেয়ে পড়ে যাবে সে, পার্টিজানরা তাকে দেবে অবাধ্যতার শাস্তি, আর শাদারা ভুল বুঝে তাকে মারবে। এই ধরনের পরিস্থিতি তার জানা আছে, আগেও সে এ-রকম অবস্থায় পড়েছিলো, এই ভাবে পালিয়ে যাবার সম্ভাবনাই সে তন্নতন্ন করে

তলিরে দেখে শেষটায় নিরর্থক ব'লে ত্যাগ করতে বাধ্য হয়েছে। কাজেই তার এই দ্বিধাবিভক্ত মনোভাব নিয়ে খোলা মাঠের দিকে মুখ ক'রে সে বাসের ওপর উপড় হ'য়ে শুয়ে থাকলো, নিরস্ত্র অবস্থায় লক্ষ্য করতে লাগলো যুদ্ধের গতি কোনদিকে।

কিন্তু চারদিকে যখন মরণাঙ্কিত যুদ্ধ চলছে তখন নিষ্ক্রিয়ভাবে তাকিয়ে-তাকিয়ে দেখা অসম্ভব, তা মানুষের সহশক্তির বাইরে। বাসের হাতে সে বন্দী হ'য়ে আছে তাদের প্রতি আহুগত্যের প্রশ্ন নয়, নিজের প্রাণ বাঁচানোর কথাও নয়; কথাটা হচ্ছে—এই ঘটনাগুলির বিধান সে মেনে নেবে কিনা, তার চোখের সামনে যা হ'য়ে যাচ্ছে তার রীতিনীতি এড়িয়ে চলতে কি পারে সে? না, বাইরে প'ড়ে থাকার নিয়ম নেই, সকলে যা করছে তোমাকেও তা-ই করতে হবে। গুলি করা হচ্ছে তাকে ও তার সহকর্মীদের লক্ষ্য ক'রে। তাকেও তাই গুলি করতে হবেই।

তাই তার পাশে টেলিফোন-অপারেটরটি যখন কাংরে কেঁপে উঠে নিম্পন্দ হ'লো, ইউরি গুড়ি মেরে তার কাছে গিয়ে খুলে নিলো তার কাতুর্জ-আটা কোমরবন্ধ আর রাইফেল, তারপর নিজের জায়গায় ফিরে গিয়ে গুলির পর গুলি চালাতে শুরু ক'রে দিলো।

কিন্তু ঐ ছোকরাদের দিকে তাক করতে করুণা তাকে বাধা দিলে। তাদের গুণে যে মুগ্ধ সে। অথচ ফাঁকা গুলি বড্ড বোকামি হবে; তাই সে পোড়া মরা গাছটাকে লক্ষ্য ক'রে গুলি ছুঁড়তে লাগলো—বেছে-বেছে শুধু সে-সব মুহূর্তেই, যখন তার তাকের সামনে মানুষগুলিকে দেখা গেলো না। এই রকমই সে করেছে বার-বার, এবারেও তা-ই করলে।

ভালো ক'রে দেখে-শুনে, আন্তে-আন্তে লক্ষ্য স্থির ক'রে সে ধীরে চাপ দেয় বন্দুকের ঘোড়ায়, তাও পুরো চাপ দেয় না, যেন আসলে গুলির ছোঁড়ার ইচ্ছে নেই তার, যেন শেষটায় নিজে থেকেই আচমকা গুলি ছুটে যায়, আর এমনি ক'রেই তার পুরোনো অভ্যাস অহুযায়ী নিভুলভাবে মরা গাছের নিচের ডালপালাগুলো লক্ষ্য ক'রে গুলি চালাতে লাগলো সে, বন্দুকের গুলি দিয়েই ডালপালাগুলোকে ছিঁড়ে-ছিঁড়ে চারপাশে ছড়িয়ে দিতে লাগলো।

কিন্তু কী সর্বনাশ!—যতোই সে সাবধান হোক, কাউকে আঘাত করা

বতাই অনভিপ্রেত হোক তার, মাঝে-মাঝেই সংকটের মুহূর্তে তার বন্দকের সামনে কোনো না-কোনো ছোকরা এসে দাঁড়িয়ে যায়। দু'জন আহত হ'লো তার গুলিতে, আর-একজন গাছটার সামনে এমনভাবে প'ড়ে গেলো যে মনে হ'লো আর বেঁচে নেই।

অবশেষে শাদাদের কমাণ্ডার বুঝলেন যে আক্রমণ নিষ্ফল। তখন পশ্চাদপসরণের হুকুম হ'লো।

পার্টিজানরা সংখ্যায় অল্প। মূল বাহিনীর এক অংশ অল্প দিকে কুচকাওয়াজ ক'রে চ'লে যাচ্ছিলো, আর-এক অংশ কিছু দূরেই শত্রুপক্ষের এক বৃহৎ দলকে আক্রমণ ক'রে বসেছে। নিজেদের দুর্বলতা ফাঁশ ক'রে দিতে চায় না তারা, তাই শাদাদের পেছন-পেছন আর ধাওয়া করলো না।

বনের মধ্যে যেখানটায় ফাঁকা, সেখানে ইউরির সহকারী আঞ্জেলার তার সঙ্গে যোগ দিলে, দু'জন আদালি স্ট্রচার ব'য়ে নিয়ে এলো। আঞ্জেলারকে আহতদের দেখাশোনা করতে ব'লে ইউরি বু'কে পড়লো টেলিফোন-চালকের ওপর, ক্ষীণ আশা, হয়তো এখনো নিঃশ্বাস পড়ছে লোকটার, হয়তো এখনো তাকে বাঁচানো যাবে। কিন্তু জামা খুলে বুকে কান পেতে সে বুঝলো যে তার জ্বংপিও নিষ্পন্দ।

মৃতদেহের গলায় রেশমি স্ফতো দিয়ে একটি কবচ বাঁধা ছিলো। ইউরি খুলে নিলো সেটা। জীর্ণ, ভাঁজে-ভাঁজে ছিঁড়ে-যাওয়া এক টুকরো কাগজ ছিলো কবচের মধ্যে, একটুখানি কাপড়ের সঙ্গে শেলাই-করা।

ভাঁজ খুললো ইউরি, তার আঙুলের চাপে কাগজটা প্রায় ছিঁড়ে গেলো; তাতে নবতিতম স্তোত্র^১ থেকে উদ্ধৃতি তোলা; কোনো-কোনো শব্দ মূল স্তোত্রে নেই—লোকের মুখে বহুবার আবৃত্ত হ'তে-হ'তে বদলে গেছে, সব জনপ্রিয় প্রার্থনারই এ-দশা হয়, ক্রমশ মূল থেকে স'রে আসতে থাকে। ধর্মীয় স্নাত ভাষা রুশ অক্ষরে অমূল্যলিখিত হয়েছে।

স্তোত্রের বাণী: 'বাঁচো, পরমের সহযোগিতায়'—তা পরিণত হয়েছে

১ বাইবেলের যেটা প্রামাণ্য ইংরেজি সংস্করণ, তাতে এই স্তোত্র হ'লো একনবতিতম, উপরোক্ত উদ্ধৃতি দুয়াই (Douai) সংস্করণ থেকে গৃহীত হয়েছে, সেটা রুশ সংস্করণের নিকটতর।

শিরোনামায়: 'জীবন সহযোগ'। 'এমন কিছু যেন না থাকে তোমার বাতে দিবালোকে ধাবমান বাণে ভীত হ'তে হয়'—এই শ্লোকের বদলে লেখা আছে 'উৎসাহের কথা, 'ধাবমান যুদ্ধের বাণে তোমার ভয় নেই।' স্তোত্র যেখানে বলছেন, 'আমার নাম তার অদ্বীকৃত', সেখানে কাগজটিতে লেখা আছে, 'আমার নাম পরিণাম,' আর—'দুর্দশায় তার পার্শ্বে আমি আছি, তাকে এনে দিতে...' এর বদলে 'আছ'—'অচিরে রাত্রির অস্তরে তার সঙ্গে।'

এই শ্লোকের অলৌকিক ক্ষমতা আছে ব'লে লোকের বিশ্বাস, এটা নাকি গুলির হাত থেকে বাঁচাতে পারে। শেষ সাম্রাজ্যবাদী যুদ্ধের সময় সৈন্তরা রক্ষাকবচ হিসেবে এটা গলায় প'রে নিতো। কয়েক দশক পরে বন্দীরা এটা তাদের পোষাকে সেলাই ক'রে নিয়েছে, রাত্রে যখন তাদের জেরা করার জন্ত ডেকে নিয়ে যাওয়া হ'তো তখন জেলে ব'সে তারা এই কথাগুলোই আউড়ে যেতো বার-বার।

টেলিফোন-চালককে ত্যাগ করে ইউরি চ'লে এলো খোলা মাঠে, শাদা রক্ষীদলের যে-ছোকরাটিকে সে বধ করেছে, তাকে দেখতে। ছেলেটির হৃদয় মুখে সরলতা আর ক্ষমাশূন্য বেদনার আভাস। 'কেন একে মারলাম আমি?' ভাবলো ইউরি।

ছেলেটির কোটের বোতাম খুলে ফেললো সে। কার সতর্ক হাত যেন—বোধ হয় তার মার—কোটের লাইনিং এ টানা হাতে হৃদয়ভাবে তার নাম আর পদবি স্তোত্র তুলে দিয়েছে—সেরিগুজা রাষ্ট্রসেভিচ। সেরিগুজার শার্টের বুক খুলতেই চেনে ঝোলানো একটা ক্রুশ বেরিয়ে এলো, সেই সঙ্গে পাওয়া গেলো একটি লকেট, আর ছোট্ট চ্যাপটা একটি সোনার বাস্র, অনেকটা নস্ত্রিদানির মতো, এমনভাবে টোল-খাওয়া যেন কেউ পেরেক ঝুঁকেছে। ভেতর থেকে একটা কাগজ প'ড়ে গেলো। ইউরি ভাঁজ খুলে নিজের চোখকে যেন বিশ্বাস করতে পারলে না। সেই একই নবতিতম স্তোত্র, কিন্তু এবার তার পুরো এবং অবিকৃত শ্রান্ত উদ্ধৃতিই বজায় রাখা হয়েছে।

এমনি সময়ে সেরিগুজা কঁকিয়ে ন'ড়ে উঠলো। সে বেঁচে আছে।

পরে জানা গিয়েছিলো যে ভেতরে সামান্য একটু আঘাত লাগায় সে

অজ্ঞান হ'য়ে প'ড়ে গিয়েছিলো। তার মায়ের কবচে লেগে গুলি ফিরে গিয়েছিলো, এটাই তাকে বাঁচিয়েছে।—কিন্তু এখন এই অচেতন লোকটিকে নিয়ে কী করা যায় ?

সময় এমন, যখন বর্বরতা চরমে উঠেছে। বন্দীরা কেউই জীবন্ত অবস্থায় শিবিরে ফিরে আসে না, আহত শত্রুদের তখন-তখনই ছুরি মেরে শেষ ক'রে দেওয়া হয়।

অবশ্য অবস্থাটা এখন অস্থির—শত্রুপক্ষের লোক অনবরত পার্টিজান-দলে যোগ দিচ্ছে, আবার অনেকে চ'লে যাচ্ছে দলত্যাগ ক'রে, তাই যদি নীরস্ত গোপনতা অবলম্বন করা যায়, তাহ'লে রা-ট সেনাভিত্তিক হয়তো সম্প্রতি-যোগ-দেওয়া কোনো সৈন্য হিসেবে চালিয়ে দেওয়া সম্ভব হতে পারে।

আঞ্জেলারকে সব খুলে বললো ইউরি ; তারপর তার সাহায্যে মৃত টেলিফোন-চালকের পোষাক খুলে এনে ছেলেটিকে পরিবেশ দিলে।

আঞ্জেলার আর সে—দু'জনে মিলে সেরিওজাকে শুশ্রূষা ক'রে বাঁচিয়ে তুললো। কোলচাকের বাহিনীতে ফিরে গিয়ে লালদের সঙ্গে লড়াই করতে চায় সে—এই তথ্য সেরিওজা যদিও তাদের কাছে গোপন রাখেনি, তবু সম্পূর্ণ সেরে উঠলে তাকে তারা ছেড়ে দিলে।

৫

হেমন্তকালে পার্টিজানেরা 'শেয়াল ঘোপে' আশ্রয় নিলো। জঙ্গলে ভরা পাহাড়, তার তিন দিক দিয়ে ছুটে চলেছে এক প্রখর জলশ্রোত—ফেনা তুলে তীরের মধ্যে কামড় দিচ্ছে।

গত শীতকালটা শাদারা কাটিয়েছিলো এখানে। আশেপাশের গ্রামবাসীদের সাহায্যে তারা এখানে গর্ত খুঁড়েছিলো। তাদের অস্থায়ী কেল্লাগুলোকে ধ্বংস না-ক'রেই বসন্তকালে তারা চ'লে যায়। এখন তাদের তৈরি পরিখা আর যোগাযোগের খাত ব্যবহার করছে পার্টিজানেরা।

লিবেরিয়ুস মিকুলিংসিনের সঙ্গে ইউরি একটা ট্রেক ভাগাভাগি ক'রে নিয়েছিলো ; গত দু'রাত ধ'রে লিবেরিয়ুস একটানা বকবক ক'রে তাকে এতো জালিয়েছে যে সে ঘুমোতে পার্থক্য পাবেনি।

‘আমি শুধু অস্বাক হ’য়ে ভাবি আমার সম্মানিত বাবামশাই, আমার মহামান্য বাবামশাই এ-মুহুর্তে কী করছেন।’

‘ঈশ্বর! এই কুৎসিত ভাঁড়ামো আর সহ হয় না!’ মনে-মনে দীর্ঘশ্বাস ফেললো ইউরি। ‘লোকটা ঠিক তার বাবার মতো—যেন তারই প্রতিমূর্তি।’

‘আপনার সঙ্গে আগে যে-কথা হয়েছে তাতে বুঝছি আপনি তাঁকে ভালো ক’রে চেনেন। তাঁর সম্বন্ধে আপনার যে-ধারণা, তা প্রতিকূল নয় ব’লেই মনে হয়। আচ্ছা বলুন তো, এ-বিষয়ে আপনার বক্তব্য কী?’

‘লিবেরিয়ান আভেরসিএন্টিচ, কাল আমাদের প্রাক-নির্বাচনী সভা আছে। তারপরে আবার যে-সব আর্দালি তদকা চোলাই করেছিলো তাদের বিচার শুরু হবে—লায়োসকে আর আমাকে তাদের জবানবন্দি খুঁটিয়ে দেখতে হবে—তাও এখনো বাকি রয়ে গেছে। আর পর-পর দু’রাত আমি একফোটা ঘুমোইনি। - এই আলোচনা কি স্বগিত রাখা যায় না? আমি বড়ো ক্লান্ত।’

‘তা হোক শুধু এ-কথাটা বলুন আমার বড়ো বাবার বিষয়ে আপনার কী ধারণা।’

‘প্রথমে যে-কথা বলবো তা এই: আপনার বাবা এখনো রীতিমতো তরুণ আছেন। জানি না কেন সব সময়েই তাঁর বিষয়ে এ-ভাবে কথা বলেন আপনি। আচ্ছা, ঠিক আছে, আমি খুলে বলছি আপনাকে। অনেকবার তো বলেছি যে আপনাদের এই সমাজতন্ত্রী মতবাদের বিভিন্ন মাত্রা আর ধরন বিষয়ে বিশেষ কিছু আমি জানি না। বলশেভিক আর অস্কাঙ্ক সমাজতন্ত্রীদের মধ্যে কতটা তফাৎ তা বুঝতে পারি না আমি। রাশিয়ার বর্তমান বিশৃঙ্খলা ও গোলযোগের জন্ত যারা দায়ী, আপনার বাবা তাদেরই একজন। বিপ্লব, বিদ্রোহ—এই সব ব্যাপার তাঁর বেশ আসে, রীতিমতো বিপ্লবী চরিত্র বলা যায়। আপনার মতো তিনিও রুশ জীবনের উত্তেজনার প্রতিনিধি।’

‘এটা কি প্রশংসা, না নিন্দা?’

‘আর-একবার আমি আপনাকে অহুন্নয় করছি, এই আলোচনা আপাতত মূলতুবি থাক—পরে সুবিধেমতো কথা বলা যাবে। তাছাড়া অল্প একটা বিষয়ে আপনার দৃষ্টি আকর্ষণ করতে বাধ্য হচ্ছি: আপনি বজ্র বেশি কোকেন

খাচ্ছেন। আমার হাতে যে-জিনিস গচ্ছিত রয়েছে, আপনি তা নিঃশেষ ক'রে দিচ্ছেন সজ্ঞানে। জিনিসটা যে বিষ সে-কথা ছেড়েই দিন, আমি আপনার স্বাস্থ্যের জন্য দায়ী তাও না-হয় ভুলে থাকি গেলো, কিন্তু আপনি তো ভালোই জানেন যে কোকেন অল্প অনেক কাজের জন্য প্রয়োজনীয় ?'

‘আপনি কাল রাত্রে শিক্ষাচক্রে যাননি। আপনার সমাজচেতনা নিঃসাড়—ঠিক কোনো নিরঙ্কর চাষি-বৌ বা কোনো অচিকিৎস্তু বুর্জোয়ার মতো। অথচ আপনি একজন ডাক্তার, বিস্তর পড়াশুনো করেছেন, তার ওপর নাকি লেখনও শুনছি। এর ব্যাখ্যা আপনার মুখে শুনতে চাই।’

‘ব্যাখ্যা কিছু নেই। আমি বড্ড বোকা বোধহয়, অন্তত তা-ই মনে হয় আমার। আমার আর-কিছু হবে না। আমাকে আপনি কল্পনা করতে কাকে।’

‘রাখুন আপনার ছদ্মবিনয়। যদি এই ঠাট্টার স্বর ছেড়ে দিয়ে আপনি একবার কষ্ট ক'রে জেনে নিতেন আমাদের শিক্ষাচক্রে আমরা কী করছি, তাহ'লে হয়তো আপনার এই দেমাক আর টিকতো না।’

‘হা দেখুন। শুনুন, লিবারিয়ুস আন্ডারসিএন্ডিচ, আমি একটুও জাঁক করছি না। শিক্ষার জন্য আপনারা যা করছেন তার প্রতি গভীরতম শ্রদ্ধা আছে আমার। আপনার ক্লাশের নোটগুলি আমি প'ড়ে দেখেছি। আমি জানি সৈন্যদের নৈতিক উন্নয়ন বিষয়ে আপনার কী ধারণা—চমৎকার সেগুলো। সহকর্মী, দুর্বল, অসহায়, স্ত্রীলোক, এবং আত্মসম্মান ও শুচিতার প্রতি সৈন্যদের মনোভাব কী হওয়া উচিত, সে-বিষয়ে আপনারা যা বলেন তা তো প্রায় ডুখোবরদের^১ উপদেশের মতো। ও-ধরনের টলস্টয়বাদ আমার মুখস্থ আছে। বয়ঃসন্ধির সময় আমারও আকাজ্জা ছিলো সেই উন্নত জীবনের জন্য। এ নিয়ে আমি বিক্রপ করবো তা কি সম্ভব ?

‘কিন্তু, প্রথম কথা, অক্টোবর-বিপ্লবের পর থেকে সামাজিক উন্নয়ন বলতে যা বোঝায়, তাতে আমি ঠিক উৎসাহ পাই না। দ্বিতীয় কথা, তাকে কাজে খাটানো দূরে থাক তা নিয়ে নেহাৎ কথা বলতে গিয়েই যে-পরিমাণ রক্তের

১ যে সব সম্প্রদায় টলস্টয়ী আদর্শকে কাজে খাটাতে চেষ্টা করে, তাদের বলা হয় Dukhobor।

নদী ব'য়ে গেছে, তা দেখে আমার কিছুতেই বিশ্বাস হচ্ছে না যে উদ্দেশ্য সাধু হ'লেই যে-কোনো উপায় সমর্থনযোগ্য। আর শেষ কথা যেটা—আমলে এটাই সবচেয়ে জরুরি—যখনই আমি শুনি লোকেরা জীবনকে ভেঙে-চুরে নতুন ছাঁচে গ'ড়ে তোলার কথা বলছে, তখনই আর ধৈর্য থাকে না আমার, আমি হতাশায় তলিয়ে যাই।

‘ভেঙে-চুরে নতুন ছাঁচে জীবন গড়বে! যারা এমন কথা বলে, তারা জীবনের কিছুই বোঝেনি, কোনোদিন না—তারা হয়তো অনেক দেখেছে, অনেক কাজ করেছে, কিন্তু জীবনের স্পন্দন, তার নিঃশ্বাস তারা অনুভব করেনি কখনো। এমনভাবে তারা এর দিকে তাকায় যেন জীবন যেন একতাল কাঁচামাল, যাকে তারা গ'ড়ে-পিটে বানিয়ে তুলবে, যা তাদের চেষ্টার ফলে মহৎ হ'য়ে উঠবে। কিন্তু জীবন কোনো উপাদান নয়,—জীবন এমন কোনো বস্তু নয়, যাকে ইচ্ছেমতো বানিয়ে তোলা যায়। যদি জানতে চান'তো বলি, জীবন হ'লো নিজেকে নতুন ক'রে তোলার মূলমন্ত্র, তা অনবরত নতুন ক'রে সৃষ্টি করছে নিজেকে, বদলে যাচ্ছে, রূপান্তরিত হচ্ছে, আপনার বা আমার তত্ত্বকথার তা নাগালের বাইরে—ও-সবের সঙ্গে তার ব্যবধান অপরিণীম।’

‘তবু জানেন, যদি আমাদের সভা-সমিতিতে যোগ দেন আপনি, আমাদের এই হৃদয়, মহান, শক্তিশালী জনগণের সংস্পর্শে আসেন, তাহ'লে নিজেকে ও-রকম অক্ষম ব'লে আপনার মনে হবে না। তাহ'লে আর এই বিষাদ-রোগে ভুগবেন না আপনি। এই বিষাদের উৎস কী, তা আমি জানি। আপনি দেখছেন আমরা হেরে যাচ্ছি, সামনে তাকিয়ে আশার রেখাও দেখতে পাচ্ছেন না। কিন্তু ভয় পেতে নেই মশাই—কক্ষনো ভয় পেতে নেই। এর চেয়ে ডের বেশি মন-খারাপ-করা কথা বলতে পারি আমি—ব্যক্তিগতভাবে আমারই কথা, যা এখনো সকলকে বলা যায় না—কিন্তু তবু আমি মাথা-খারাপ ক'রে বিবেচনাশক্তি হারিয়ে বসিনি। আমরা যে হেরে যাচ্ছি সেটা বিপুলরকম অস্থায়ী ব্যাপার, শেষ পর্যন্ত কোলচাকের পরাজয় অবধারিত। আমার এই কথাগুলো ভালো ক'রে শুনে রাখুন। দেখবেন—শেষ পর্যন্ত আমরাই জিতে যাবো। অতএব মনে একটু হুঁটি আনুন!’

‘অকথ্য!’ ইউরি মনে-মনে বললো, ‘কী ক’রে কোনো মানুষ এমন নির্বোধ হ’তে পারে, এমন ছেলেমানুষ! আমাদের মনের গতি যে একেবারে উন্টোউন্টি, এ-কথাটা এতো ক’রেও ওর মগজে ঢোকাতে পারলাম না, জোর ক’রে আমাকে ধরেছে লোকটা, আমার ইচ্ছার বিরুদ্ধে আমাকে আটকে রেখেছে, অথচ সে ভাবছে যে তার হার হ’লে আমার মন-খারাপ হয়, আর তার কোনো আশা দেখলে আমাকে উৎসাহিত হ’তে হবে। এ-রকম অন্ধ কী ক’রে হ’তে পারে মানুষ? তার তো দৃঢ় ধারণা যে অক্টোবর-বিপ্লবের জয়ের ওপরেই বিশ্বের ভাগ্য নির্ভর ক’রে আছে!’

ইউরি কোনো কথা না-ব’লে শুধু কাঁধ কাঁকালো; তাতেও বোঝা গেলো যে লিবেরিয়ুসের ছেলেমানুষি তাকে এতদূর বিরক্ত করেছে যে তার পক্ষে আর ধৈর্যধারণ করা প্রায় অসম্ভব। এটা কিন্তু লিবেরিয়ুসের চোখ এড়ালো না।

‘“তুমি রেগে যাচ্ছে জুপিটার, তাতেই বোঝা যাচ্ছে তুমি ভুল করেছিলে,”’ লিবেরিয়ুস বচন আওড়ালো।

‘ঈশ্বরের দোহাই, শেষবারের মতো এটা বুঝে নিন যে আপনাদের এ-সব বুলির কোনো মানেই হয় না আমার কাছে। এই “জুপিটার”, আর “মার্ভে” আর “একবার “ক” বললে “খ” বলতেই হবে” আর “কাক্সি ব্যাটাকে খাটিয়ে নিয়েছি, কাক্সি এবার বিদায় নিক”—এই সব বাধা বুলি আপনাদের, স্থূল, রুচিহীন কথাবার্তা—এ-সবে কিছু এসে যায় না আমার। আমি “ক” বলবো কিন্তু “খ” মুখে আনবো না—যা-ই বলুন না আপনারা। আমি মানছি আপনারাই রাশিয়ার মুক্তিদাতা, তার জ্যোতি, আপনারা না-থাকলে রাশিয়া তলিয়ে যাবে হৃদশায় আর অন্ধকারে—কিন্তু তবু আপনাদের জন্ত আমার একফোটা মাথাব্যথা নাই, আমি আপনাদের পছন্দ করি না, আপনারা সবাই মিলে জাহান্নামে গেলে কিছুমাত্র আপত্তি নেই আমার।

‘আপনাদের হ’য়ে যারা মাথা ঘামান, তাঁরা সব প্রবচন হুড়িয়ে বেড়ান বটে, কিন্তু একটি প্রবাদ তাঁরা ভুলে গিয়েছেন—“ঘোড়াকে জলের ধারে নিয়ে যাওয়া যায়, কিন্তু জোর ক’রে জল খাওয়ানো যায় না।” এঁরা তাদেরই মুক্তি দিচ্ছেন, তাদেরই ওপর উপকার বর্ষণ করছেন—যাদের ও-সব

ভালো-ভালো জিনিসের জন্ত কিছুমাত্র ইচ্ছে নেই। আপনার এই ক্যাম্প আর আপনার এই সঙ্গ—এর চাইতে কোনো স্ব্থের জায়গা আমি ভাবতে পারি না বোধ হয়? তা-ই হয়তো মনে হয় আপনার? বোধ করি আমাকে বন্দী ক'রে রেখেছেন ব'লে আপনাকে আমার ধন্ত-ধন্ত বলা উচিত! যা-কিছু আমি ভালোবাসি, যার জন্ত সার্থক মনে হয় আমার জীবন—আমার জী-পুত্র, বাড়িঘর, কাল্পজর,—সব-কিছু থেকে আমাকে মুক্তি দিয়েছেন ব'লে আপনাকে বোধ হয় আমার ধন্তবাদ দেওয়া উচিত, তাই না?

‘চারপাশে রব উঠেছে যে কোনো-এক অজ্ঞাত বাহিনী—ক্লশ নয় তারা—ভারিকিনো আক্রমণ ক'রে লুটপাট, খুন-জখম চালাচ্ছে। কামেনোডভস্কি এ-কথা অস্বীকার করেনি। লোকে বলে, আপনার ও আমার পরিবারবর্গ পালাতে পেরেছে। মনে হচ্ছে পুরাণকাহিনী থেকে উঠে এসেছে একদল যোদ্ধা—চেরা চোখ তাদের, তুলোর গদিওলা জামা গায়ে, মাথায় ফারের টুপি—তারা ভীষণ বরফের মধ্যে রিনভা পেরিয়ে ঠাণ্ডা মাথায় সজলকে গুলি ক'রে মেরে ধেমনভাবে এসেছিলো। তেমনি রহস্যময়ভাবে অন্তর্হিত হ'য়ে গেছে। আপনি কি এ-বিষয়ে জানেন কিছু? এই বিবরণ কি সত্যি?’

‘বাজে, সব মিথ্যে কথা। বাজে গুজব।’

‘নৈগ্গদের নৈতিক উন্নয়ন বিষয়ে বক্তৃতা করার সময় আপনি তো নিজেকে দয়ার শরীর ব'লে ঘোষণা করেন—সত্যি যদি তা-ই হন তো আমাকে ছেড়ে দিন। গিয়ে দেখি আমার জী-পুত্রের অবস্থা কী।—তারা যে কোথায় আছে, তা পর্যন্ত জানি না। এখনো তারা বেঁচে আছে কিনা, তাই বা কে জানে। আর যদি তাতে রাজি না থাকেন, তাহ'লে ঈশ্বরের দোহাই একটু চূপ করুন, আমাকে একা থাকতে দিন। আর কোনো-কিছুতেই আমার বিন্দুমাত্র মাথাব্যথা নেই। যদি এর পরেও আপনি কথা বলতে থাকেন তো আমি কোনো জবাব দেবো না। কী ব্যাপার বলুন তো—আমার কি ঘুমোবারও অধিকার নেই?’

বাকের ওপর উপুড় হ'য়ে বালিশে মুখ গুঁজে শুয়ে পড়লো ইউরি; বসন্তের আগেই শাদাঙ্গের তারা চূড়ান্তভাবে হারিয়ে দেবে, সেই সোনালি ভবিষ্যতের কথা ব'লে লিবেরিয়স আবার তাকে সান্ত্বনা দিয়ে নিজেকে সমর্থন করার চেষ্টা

করছে—ইউরি প্রাণপণে চেষ্টা করলো তার কথা যাতে কানে না আসে। গৃহযুদ্ধ শেষ হ'য়ে যাবে, শান্তি আসবে, আসবে স্বাধীনতা আর সমৃদ্ধি, আর তখন ইউরিকে এক মুহূর্তও আটকে রাখতে সাহস করবে না কোনো লোক। কিন্তু অস্বস্ত ততোকণ পর্যন্ত ধৈর্য ধরে থাকা উচিত তার। এটা তো ঠিক, যা-কিছু ত্যাগস্বীকার, যা-কিছু প্রতীক্ষা, সব তারাই করেছে, আর কয়েক মাস দেরি করলে এমন আর কী এসে যাবে, আর তাছাড়া এখন সে যাবেই বা কোথায়? তার ভালোর জন্যই তাকে এখান থেকে একলা কোথাও যেতে দেওয়া ঠিক নয়।

‘ঠিক একটা গ্রামোফোন রেকর্ডের মতো! চুলোয় যাক লোকটা!’ তীব্র নিঃশব্দ রাগে ইউরি ভেতরে-ভেতরে ফুলতে লাগলো। ‘ধামতে পারে না! বছরের পর বছর একই জাবর কাটতে এর লজ্জা হয় না কেন? কী ক’রে এই নোংরা কোকেনখোরটা নিজের গলার আওয়াজ সহ্য করে? দিন নেই, রাত নেই—বকবক ক’রেই চলেছে। ঈশ্বর! বিল্লী লোকটা, কী জঘন্য! তুমি সাক্ষী রইলে ঈশ্বর, একদিন নির্ধাৎ ওকে খুন করবো আমি।

‘টোনিয়া, অভাগী টোনিয়া, আমার সোনামণি! কোথায় তুমি, কোনখানে? বেঁচে আছো তুমি? হা ভগবান—তখন তার সম্ভানসম্ভাবনা ছিলো! প্রসবের সময়টা কী-ভাবে কেটেছিলো? এবার কি ছেলে হয়েছে, না মেয়ে? তোমরা যারা আমার প্রিয়জন, তোমাদের কী হচ্ছে এখন? টোনিয়া, আমার চিরকালের তিরস্কার তুমি, সোনা আমার। লারা, লারা, তোমার নাম মুখে আনতে আমার সাহস হয় না, পাছে ফিনকি দিয়ে আমার প্রাণ বেরিয়ে যায়। ভগবান, ভগবান! আর ঐ নিঃসাড় জঘন্ত পশুটা এখনো একটানা কথা বলে যাচ্ছে। একদিন ও আমার সহের সীমা পেরিয়ে যাবে, আর সেদিন আমি ওকে খুন করবো, আমি ওকে খুন করবো।’

ইণ্ডিয়ান সামার^১ শেষ হ'লো, স্বচ্ছ, সোনালি হেমন্ত সেদিন। 'শেরাল কোপে'র পশ্চিম প্রান্তে শাদাদের তৈরি নিশেন-ঘরের^২ কাঠের চূড়োটা তখনো মাটির ওপর মাথা তুলে দাঁড়িয়ে আছে। বিভিন্ন কর্তব্য বিষয়ে তার হাজেরীয় সহকারী লায়োসের সঙ্গে আলোচনা করার জন্য ইউরি এই জায়গাটা ঠিক ক'রে নিয়েছে। নির্দিষ্ট সময়েই পৌছলো সে। শাদারা এখানে মাটির বাধ বানিয়েছিলো; বন্ধুর জন্য অপেক্ষা করতে-করতে ইউরি সেই ধ্বংস-পড়া বাধের ওপর দিয়ে পাইচারি করতে-করতে নিশেন-ঘরের চূড়ায় উঠে এলো। এককালে এখানে যে কামান বসানো হয়েছিলো, তার চিহ্নস্বরূপ কতগুলি শূন্য মঞ্চ পড়ে আছে, তাদের সামনে কাঠের দেয়ালে গোল-গোল গর্ত—তাতে কামানের নল বসানো হ'তো। সেই গর্তগুলি দিয়ে ইউরি দূরে নদীর ওপারে বনভূমির দিকে তাকিয়ে রইলো।

দেবদাক, সরল আর পাতা-ঝরা গাছগুলির মধ্য দিয়ে স্পষ্ট রেখায় হেমন্ত ঝাঁকা হ'য়ে রয়েছে। প্রায়-কালো, বিষন্ন, ঘন নিবিড় সরলগাছের দেয়ালগুলির ফাঁকে-ফাঁকে পাতাভরা ঝোপঝাড় বলসে উঠছে, আগুনের মতো, মদের মতো তাদের রং—যেন বনের ঘনতার মধ্যে কেউ কিছু-কিছু কাঠ কেটে নিয়ে তৈরি করেছে এক মধ্যযুগীয় প্রাসাদ, স্বর্ণখচিত তার ছাদ, সচিত্র।

বনভূমির পথের ওপর চাকার দাগ-ঝাঁকা মাটি, পরিখার ভেতরকার, ইউরির পায়ের তলাকার মাটি—জমা বরফে কঠিন হ'য়ে আছে সব। শুকনো উইলোপাতার ছোটো-ছোটো আটোপাঁটো স্তূপ জ'মে ছিলো, ধুলোর ঝড় তাদের ফালি-ফালি ক'রে উড়িয়ে ছিটিয়ে নিয়ে গেলো। ঐ কড়া ব্রাউন পাতার গন্ধ যেন হেমন্তের, আদার মতো ঝাঁঝালো সব মশলার গন্ধ; ইউরি তা ক্ষুধিতভাবে শুষে নিলো নিঃশ্বাসে। ঠাণ্ডা-করা আপেলের, শুকনো খড়কুটোর, স্যাংসেঁতে মাটির মিষ্টি-মিষ্টি ভ্রাণ, আর ঐ সেপ্টেম্বরের নীল কুয়াশা, যা সত্ত্ব নিবে-বাওয়া আগুনের মতো ধুঁইয়ে উঠছে—এই সব-কিছু মিশে গেছে সেই গন্ধের মধ্যে।

১ ১৫৭ পৃষ্ঠার পাদটীকা দ্রষ্টব্য।

২ blockhouse : বন্দুক হোড়ার স্থবিরের জন্য কোকরওলা কাঠের বাড়ি।

ইউরি টের পেলো না, লায়োস কখন তার পেছনে এসে দাঁড়িয়েছে।

‘কেমন আছেন?’ জার্মান ভাষায় লায়োস জিজ্ঞেস করলে। কাজের কথা শুরু হ’য়ে গেলো।

ইউরি বললো, ‘তিনটে কথা আছে। যে-সব আদালি ভদকা চোলাই করেছিলো, তাদের কোর্ট-মার্শাল হবে, এই হলো এক নম্বর। তারপর, আবার নতুন ক’রে যাবতীয় ওষুধপত্রের হিসেব নিতে হবে, ফীল্ড অ্যান্ডুলেন্স গাড়ে তুলতে হবে; আর তৃতীয়ত, মানসিক ব্যাধি সম্পর্কে যুদ্ধক্ষেত্রে কতদূর চিকিৎসা করা যায় সে-বিষয়ে আমার প্রস্তাবটা নিয়ে আলোচনা করা দরকার। জানি না আপনি আমার সঙ্গে একমত হবেন কিনা, কিন্তু আমার ধারণা আমরা পাগল হয়ে যাচ্ছি, আর আমাদের এই আধুনিক উন্মাদরোগ সংক্রামক।’

‘কথাটা খুব ভালো বলেছেন। এ নিয়ে আপনার সঙ্গে এক্ষুনি কথা বলবো। কিন্তু তার আগে আমি আর-একটা কথা বলতে চাই। ক্যাম্পে অসন্তোষ দেখা দিয়েছে। ভদকা যাবা চোলাই করেছিলো, তাদের দিকেই সকলের সহানুভূতি। তাছাড়া শাদাদের এলাকা থেকে আত্মীয়স্বজন পালিয়ে যাচ্ছে ব’লে উদ্ভিগ্ন হ’য়ে আছে সবাই। আপনি তো জানেন নারী, শিশু ও বৃদ্ধদের নিয়ে একটি কনভয় আসছে, যতোকণ না সেটা এসে পৌছয়, ততোকণ পাটিজানদের অনেকেই ক্যাম্প ছেড়ে যেতে রাজি হবে না।’

‘তা জানি। তাদের জগ্ন অপেক্ষা করতে হবে আমাদের।’

‘আর এই সব ঘটছে কিনা ঠিক ইলেকশনের মুখে, যাতে অনেকগুলো স্বাধীন ইউনিট মিলে জয়েন্ট-কমান্ড নির্বাচন করতে হবে, তার মধ্যে আমরাও আছি। কমরেড লিবেরিয়ুদ ছাড়া সম্ভবপর প্রার্থী তো আর দেখছি না। কিন্তু ছেলে-ছোকরাদের কেউ-কেউ আবার ভ্ভোভিচেঙ্কোর নামে ধুরো তুলেছে। যে-দল তাকে সমর্থন করেছে, তাদের মনোভাব আমাদের বিরোধী—ভদকা চোলাইয়ের ব্যাপারে যারা জড়িত, তাদের সঙ্গে যোগাযোগ আছে এদের—কেউ দোকানদারের ছেলে, কেউ বা এসেছে কুলাক-পরিবার থেকে, কেউ আবার কোলচাকের বাহিনী ত্যাগ ক’রে এই দলে যোগ দিয়েছে। সব সোরগোলেব পেছনে তাদেরই অবদান সব চেয়ে বেশি।’

‘বিচারে কী হবে ব’লে আপনার মনে হয়?’

‘আমার মনে হয় এদের প্রাণদণ্ড দেওয়া হবে, কিন্তু পরে সেটা স্থগিত রাখা হবে।’

‘এবার তাহ’লে কাজে কথায় আসা যাক। প্রথমেই ফীল্ড-অ্যান্ডুলেজের কথা।’

‘আচ্ছা। কিন্তু আগে এ-কথা ব’লে নিই যে আপনি উন্মাদরোগ নিরসনের যে-প্রস্তাব তুলেছেন তাতে আমি একটুও অবাক হইনি। আমার নিজেরও ঐরকম বিশ্বাস। এমন এক ধরনের সংক্রামক মানসিক ব্যাধির মুখোমুখি আমরা দাঁড়িয়েছি, যা ঠিক এই যুগের বৈশিষ্ট্য—সরাসরি কতগুলি ঐতিহাসিক পরিস্থিতি থেকে এই ব্যাধির সৃষ্টি হয়েছে। ক্যাম্পে এই রোগের একটি নমুনা আছে—পাম্ফিল পালিথ, আগে জারের বাহিনীতে সাধারণ সৈন্য ছিলো; লোকটার বিপ্লবী চেতনা এক চরম তারে বাঁধা, সেই সঙ্গে আবার এক সহজাত শ্রেণীচেতনাও আছে। তার অস্বপ্নের কারণ হ’লো পরিবারের জন্য উদ্বেগ—সে যদি ম’রে যায়, তাহ’লে তাদের কী হবে? কিংবা যদি এমন হয় যে শাদারা তাদের ধ’রে নিয়ে গিয়ে তার ক্রিয়াকলাপের জ্ঞান তাদের শাস্তি দেয়? খুব জটিল এই মনোভাব। আমার বিশ্বাস কনভয়ে যে-সব লোকজন আসছে, তার ভেতর তার পরিবারও আছে। রুশ ভাষাটাও তেমন ভালো জানি না যে তাকে ভালো ক’রে প্রশ্ন করতে পারি। আঞ্জেলার বা কামেনোভভস্কির কাছ থেকে আপনি জেনে নিতে পারেন। তাকে পরীক্ষা ক’রে দেখা দরকার।’

‘পালিথকে আমি ভালোই চিনি। বাহিনীর মন্ত্রণামতায় এককালে প্রায়ই পরাম্পরের মুখোমুখি হতাম আমরা। নিচু কপালওলা, কালো, নিচু প্রকৃতির মানুষ।—তার ভেতরে এমন কী ভালো আপনি দেখলেন, আমি বুঝতে পারছি না। লোকটা সব সময়েই চরম উপায়ের পক্ষপাতী, কাউকে শাস্তি দিতে বা গুলি করতে তার উৎসাহের অন্ত নেই। আমার তো ওকে দেখলেই বিতৃষ্ণা জাগতো। তবু, পরীক্ষা ক’রে দেখবো’খন।

পরিস্কার রোদ্দুরের দিন। সারা সপ্তাহ ধরে শান্ত ও শুকনো আবহাওয়া চলছে।

গুমগুম আওয়াজ ভেসে আছে মস্ত ক্যাম্পটার ওপর—অনেকটা দূর-থেকে—শোনা সমুদ্রগর্জনের মতো—প্রায়ই থাকে এ-রকম। পায়ের শব্দ, গলার আওয়াজ, কাঠের গায়ে কুড়ালের বাড়ি, কামারশালায় নেহাইয়ের ওপর হাতুড়ি পড়ছে, কুকুরের ডাক, ঘোড়ার চিঁহিঁ শব্দ, মোরগের কোক্কোরোকা—সব মিশে আছে সেই শব্দে। রোদে-পোড়া শাদা দাঁত বের-করা হাসি-খুশি লোকেদের ভিড় বনের মধ্যে চলাফেরা করছে। ডাক্তারকে যারা চিনতো তারা তাকে দেখে মাথা হেলিয়ে অভিবাদন করলে, অন্ত্রেরা কোনো দৃকপাত না-ক’রেই তার পাশ দিয়ে চ’লে গেলো।

যতোদিন না আত্মীয়স্বজনেরা এসে পৌঁছয়, ততোদিন কিছুতেই তারা ছাউনি তুলবে না ব’লে কর্তৃপক্ষকে জানিয়ে দিয়েছে; বাড়ি ছেড়ে পালিয়ে আসছে পরিজনেরা, তাদের সঙ্গে দেখা না-ক’রে তারা যাবে না। কিন্তু এখন যে-কোনো মুহূর্তেই তারা এসে পৌঁছতে পারে, তাই যাত্রার প্রস্তুতি শুরু হ’য়ে গেছে। জিনিষপত্র সব পরিস্কার ক’রে মেরামত ক’রে রাখা হচ্ছে, বাগন-কোসনের বাস্তু পেরেক ঠুঁকে ঠিকঠাক ক’রে নিচ্ছে ওরা, ক’টা গাড়ি আছে গুনে মিলিয়ে দেখা হ’লো।

বনের মাঝখানে মস্ত একটা ফাঁকা জায়গায় মাঝে-মাঝে সভা বসতো। জায়গাটা অনেকটা মাটির টিবি বা ছোটো টিলার মতো, পায়ের চাপে সব ঘাস ম’রে গেছে। এক জরুরি বিজ্ঞপ্তি ঘোষণা করার জন্ত সেদিন একটা সাধারণ সভা ডাকা হয়েছে সেখানে।

বনের অনেক গাছ এখনো হলুদ হ’য়ে যায়নি, ভেতরের দিকে সতেজ ও সবুজ র’য়ে গেছে। বিকেলের সূর্য ডুবছে বনের মধ্যে, ফাঁকে-ফাঁকে ছড়িয়ে পড়েছে রশ্মি, পাতাগুলো কাচের মতো স্বচ্ছ হ’য়ে সবুজ আঙনে জলজল করছে।

প্রধান জনসংযোগ-অধিকর্তা কামেনোডভর্স্কি তাঁর তাঁবুর বাইরে খোলা জায়গায় একরাশ কাগজপত্রে আগুন ধরিয়ে দিয়েছেন; জেনারেল কাপ্পেলের

অনেক নথিপত্র তাঁর হাতে এসে পড়েছিলো, সেই সঙ্গে পার্টিজান-বাহিনীর অনেক দলিল জড়ো করে তিনি জরুরি সাক্ষ্য করছেন। পেছনে অন্ত-স্বর্ষের আভার জন্ত গাছের পাতার মতো আগুনও স্বচ্ছ হয়ে উঠলো; আকাবাঁকা শিখাগুলোকে দেখাই যাচ্ছে না, শুধু কেঁপে-ওঠা তাপের ঢেউ বুঝিয়ে দিচ্ছে যে এখানে কোনো-কিছু জ্বলছে।

মাঝে-মাঝে পাকা জামের গুচ্ছে উজ্জল হয়ে আছে বন—গোছা-গোছা নানারকম জাম—কোনোটা ইটের মতো লাল, কোনোটার রং শাদা থেকে বেগনি হয়ে যাচ্ছে। হাওয়ায় আস্তে-আস্তে ভেসে বেড়াচ্ছে বড়ো-বড়ো ফড়িং—কাচের মতো পাখায় মৃদু আওয়াজ তুলছে, ঐ আগুন আর পাতাগুলোর মতোই স্বচ্ছ তারা।

ছেলেবেলা থেকেই স্বর্ঘ্যস্তের পটভূমিতে অরণ্য দেখতে ভালো লাগে ইউরির। এ-রকম সময়ে তার মনে হয় আলোর রশ্মি যেন তাকেও বিচ্ছিন্ন করে দেবে। যেন সপ্রাণ আত্মার নৈবেদ্য বর্নার মতো বুক থেকে বেরিয়ে এলো, যেন তার অস্তিত্বকে বিদীর্ণ করে কাঁধ হুঁড়ে পাখার মতো বেরিয়ে আসবে। জীবনের ধৈর্য-মৌলিক রূপ প্রত্যেক শিশুর মনে চিরকালের মতো গড়ে ওঠে, যা তারপর চিরকাল ধরে তার অস্তিত্বের অন্তঃপ্রতিমা বলে প্রতিভাত হয়, এখন তার পূর্ণ প্রবল, আদি শক্তি ইউরির মনে জেগে উঠলো; এই প্রকৃতি, এই বন, এই বেলাশেষের উজ্জলতা—যা-কিছু সে এই মুহূর্তে দেখতে পাচ্ছে, সব, সব এখন তেমনি আদিম প্রবলতায় এক তরুণীর প্রতিমায় রূপান্তরিত হয়ে গেলো। ‘লারা!’ চোখ বুজে নিঃশব্দে বললে সে, যেন ঐ নাম সে উচ্চারণ করছে নিখিলজীবনকে, ঈশ্বরের সমস্ত পৃথিবীকে, আর তার সামনে ছড়িয়ে-পড়া এই সমগ্র রৌদ্রোজ্জল ভূমিকে সন্মোদন করে।

কিন্তু এখনো আছে দৈনন্দিন সচল বাস্তব: রাশিয়া এখন অক্টোবর-বিপ্লবের কবলে, আর পার্টিজানদের হাতে ইউরি আছে বন্দী হয়ে। অন্যমনস্কভাবে সে কামেনোভভস্কির আগুনের কাছে গিয়ে দাঁড়ালো।

‘নথিপত্র পোড়াচ্ছেন? এখনো শেষ হয়নি?’

‘এতো আছে যে অনেকদিন ধরে পোড়ালেও জুরোবে না।’

ইউরি জুতোর ডগা দিয়ে একটা কাগজের স্তূপে নাড়া দিলো। শাদাদের জিজ্ঞাসা—৩১

হেডকোয়ার্টারের চিঠিপত্র ওগুলো। হঠাৎ তার মনে হ'লো, এর মধ্যে রাষ্ট্রসভিচের কোনো উল্লেখ কি পাওয়া যায় না? কিন্তু যা চোখে দেখা গেলো, তা ক্লাস্তিকর সাংকেতিক ভাষার পুরোনো চিঠিপত্র ছাড়া আর-কিছু না। আরেকটা স্তূপ সে লাখি মেরে ছড়িয়ে দিলে। সেটাও তেমনি বাজে লেখায় ভর্তি—পার্টিজানদের সভাগুলোর পুঙ্খানুপুঙ্খ বিবরণ শুধু।

কামেনোভভর্স্কি তাঁর পকেট থেকে একটা কাগজ বের ক'রে ইউরির হাতে তুলে দিলেন :

‘এই আপনার ডাক্তারি-বিভাগের রওনা হবার হুকুমনামা। পার্টিজানদের পরিজনদের নিয়ে যে-কনভয়টা আসছে, সেটা পৌছতে আর দেরি নেই; ক্যাম্পের মধ্যে যে-মতবিরোধ চলছে আজকেই সন্ধ্যাবেলায় তার নিষ্পত্তি হ'য়ে যাবে। কাজেই এখন যে-কোনো দিনে রওনা হবার জন্য প্রস্তুত থাকতে হবে আমাদের।’

ইউরি হুকুমনামার দিকে তাকিয়ে ক্ষুধা গলায় ব'লে উঠলো :

‘আহতদের সংখ্যা গতবারের চেয়ে অনেক বেড়েছে, অথচ আমাদের যানবাহন দিচ্ছেন অনেক কম। যারা পারবে তাদের হাঁটতেই হবে, কিন্তু তারা আর ক'জন। আর যাদের জন্য স্ট্রিচার দরকার, তাদের কী ব্যবস্থা হবে? তার ওষুধ ওষুধ-বিষুধ, বিছানাপত্র, যন্ত্রপাতি—সব-কিছু তো প'ড়েই রইলো।’

‘এতেই চালিয়ে নিতে হবে—উপায় কী। যেমন কাপড় তেমন তো জামাটা হবে। এবার আর-এক কথা। আমাদের সকলের একটা অসুস্থতা আপনার কাছে। একজন কমনরেডকে আপনি পরীক্ষা ক'রে দেখবেন কি? লোকটাকে বার-বার পরীক্ষা ক'রে দেখা গেছে, সে এই মতবাদের অসুস্থত, যোদ্ধা হিসেবেও উচুদরের। কিন্তু কিছু-একটা গোলমালে ব্যাপার আছে তার।’

‘কে, পালিখ? লায়োস বলেছে আমাদের।’

‘হ্যাঁ। যান না, গিয়ে দেখে আসুন। পরীক্ষা ক'রে দেখুন ভালো ক'রে?’

‘মানসিক অসুস্থতা?’

‘তাই তো মনে হয়। সে তো বলে প্রায়ই তার সর্বশরীরে কাঁটা দেয়। বোঝাই যাচ্ছে অলীক কল্পনা। অনিভ্রায়োগ, মাথা ধরা—এই সব আরকি।’

‘বেশ, একুনি কোনো কাজ নেই আমার, গিয়ে দেখে আসতে পারি।
সভা আরম্ভ কখন?’

‘এখনই এসে পড়বে ওরা। কিন্তু তা নিয়ে মাথাব্যথা কিদের? দেখবেন,
আমিও যাবো না ওখানে। আমাদের ছাড়াই চালিয়ে নেবে ওরা।’

‘তাহ’লে আমি গিয়ে পাম্ফিলকে দেখে আসি। অবশ্য এতো ঘুম পেয়েছে
যে চোখের পাতা খুলে রাখতে পারছি না। লিবেরিয়ুস আন্ডরসিএভিচের
কাঁধে রোজ রায়ে দর্শনের ভূত চাপে। বকবক ক’রে আমাকে প্রায় মেরে
ফেলেছে। পাম্ফিলকে কোথায় পাবো?’

‘জঙ্গাল ফেলার গর্তের পেছনে বার্চগাছের ঝাড় আছে, চেনেন?’

‘চিনি ব’লেই মনে হচ্ছে।’

‘সেখানে খোলা জায়গায় কমাগারদের কতগুলো তাঁবু দেখতে পাবেন
আপনি—তারই একটায় পাম্ফিলকে থাকতে দেওয়া হয়েছে। তার আত্মীয়-
স্বজনেরা কনভয়ে আছে—শিগগিরই এসে পড়বে। ওখানেই আপনি পাবেন
ওকে—কোনো-একটা তাঁবুতে—দলের এক অংশের নেতা সে, তার বিপ্লবী
স্বকৃতির পুরস্কারস্বরূপ এই পদ তাকে দেওয়া হয়েছে।’

৮

পাম্ফিলকে দেখতে যাবার পথে ইউরি যেন ক্লাস্তিতে ভেঙে পড়লো।
গত কয়েকরাত একেবারেই ঘুমোতে পারেনি সে—এই ক্লাস্তিকে তারই
যোগফল বলা যায়। অবশ্য এখনই পরিখায় ফিরে গিয়ে পড়ার কোনো বাধা
নেই তার, কিন্তু ভয় হ’লো পাছে লিবেরিয়ুস যে-কোনো মুহূর্তে এসে প’ড়ে
তাকে উত্তাক্ত করে। একটা ফাঁকা জায়গায় এসে দাঁড়ালো সে—আশে-
পাশের বন থেকে ঝরা পাতা সেখানে ছড়ানো। চৌখুপি-কাটা দাবার
ছকের মতো ছড়িয়ে আছে সেগুলো, সূর্যাস্তের বাঁকা রশ্মিগুলোও তেমনিভাবে
এই সোনালি কার্পেটের ওপর বিছিয়ে আছে। উজ্জলতার এই কাটাকুটিতে
যেন মাথা ঘূরে ওঠে, ঘুম পেয়ে যায়, যেমন হয় কানের কাছে একটানা
একঘেয়ে কথায় বা খুদে অক্ষরের বই পড়লে।

রেশমি সর্ষর-তোলা ঝরা পাতার ওপর ইউরি শুয়ে পড়লো, হাতের ওপর মাথা, আর গাছের তলায় জ'মে-থাকা শ্রাওলার বালিশে হাত রেখে শোয়া মাত্র ঝিমুনি এলো তার। আলো-ছায়ার যে বলকানি তাকে ঘুম পাড়িয়ে দিলে এবার সেটা তার গায়ের ওপর জাফরি-ছবি এঁকে দিলো ; শুয়ে আছে সে মাটিতে, গায়ে আলো-ছায়ার বরফি নিয়ে, যেন রোদের রেখা আর ঝরা পাতার সঙ্গে তার কোনো তফাৎ নেই, যেন মাথায় কোনো জাহুকরের টুপি প'রে সে অদৃশ হ'য়ে গেছে।

কিন্তু একটু পরেই তার ঘুমোবার প্রয়োজন আর ইচ্ছেটাই তাকে জাগিয়ে দিলে। কোনো প্রত্যক্ষ কারণে প্রত্যক্ষ ফল পাওয়া যায় শুধু একটা নির্দিষ্ট সীমানার মধ্যে, মাত্রা পেরোলে সেই কারণই উন্টো ফল ঘটিয়ে বসে। ইউরির জাগ্রত চেতনা কোনো বিশ্রাম না-পেয়ে শূন্যতার মধ্যে সক্রিয় হ'য়ে উঠলো, ভাবনাগুলো যেন জরের ঘোরে তার মাথার মধ্যে ঘুরপাক খাচ্ছে, বিগড়ে-বাওয়া এঞ্জিনের মতো ধুকধুক করছে তার মন। এই মানসিক বিশৃঙ্খলায় অস্থির হ'য়ে উঠলো সে, কিছুতেই আর শান্তি পাচ্ছে না। 'লিবেরিয়ুসটা একটা শস্যের,' রাগ হ'লো তার কথাটা ভাবতে। যেন এমনিতেই মানুষকে পাগল ক'রে দেবার মতো যথেষ্ট ব্যাপার ঘটছে না এই পৃথিবীতে, একটি স্বস্থ লোককে ধরা চাই ওর, রীতিমতো ভেবে-চিন্তে তাকে বন্দী ক'রে রেখে, তার বন্ধু সেজে, বকবকানির ঠেলায় অস্থির ক'রে তুলে, তাকে পাগল ক'রে দেওয়াও চাই। ওকে একদিন খুন করবো আমি।'

রঙিন কাপড়ের টুকরোর মতো একটি বাদামি ছিট-আঁকা প্রজাপতি পাখা নেড়ে আলোর দিক থেকে উড়ে এলো। ঘুমন্তরা চোখে দেখতে লাগলো ইউরি। নিজের গায়ের রঙের সঙ্গে মিলিয়ে, প্রজাপতিটা বেছে নিলে পাইনের বাদামি ছিট-আঁকা বাকল, বসামাত্র একেবারে অদৃশ হ'য়ে গেলো, আলো-ছায়ার খেলার মধ্যে মিলিয়ে গেলো, ইউরিরই মতো।

ইউরির মন অভ্যস্ত চিন্তার দিকে ফিরলো: তার অনেক ডাক্তারি গবেষণায় পরোক্ষভাবে ও-সবের সে উল্লেখ করেছে—অভিযোজনের উন্নত পদ্ধতির সঙ্গে উদ্বেগ ও ইচ্ছাশক্তির সম্বন্ধ; অহুকরণ, আত্মরক্ষার উপায় হিসেবে বর্ণিততা; যোগ্যতমের উত্তরন, আর সত্যি কি পরিণতি ও চেতনার

জন্ম প্রাকৃতিক নির্বাচনেরই ফল? আর অহং কাকে বলে? বিষয়ই বা কী? কী ক'রেই বা তাদের সনাক্ত করা যাবে? ডাক্তারিন থেকে শেলিং পর্যন্ত ঘুরে বেড়ালো তার ভাবনা, প্রজ্ঞাপতি থেকে আধুনিক চিত্রকলা ও ইমপ্রেশনিষ্ট ছবি পর্যন্ত। সৃষ্টি ও সৃষ্ট প্রাণীকুল, সৃষ্টিশীলতা, কৌশল, চাতুর্ধ—এই সব কথা ভাবতে-ভাবতে সে আবার ঘুমিয়ে পড়লো।

কিন্তু একটু পরেই জেগে উঠতে হ'লো। আবছা চাপা গলায় কারা যেন কথা বলছে, তাইতে তার ঘুম ভেঙেছে। যে-দু'একটা কথা তার কানে এলো, তা থেকে বুঝতে পারলে কেউ কোনো গোপন অবৈধ ষড়যন্ত্র করছে। তাকে কেউ দেখতে পায়নি, চক্রান্তকারীরা সন্দেহ করেনি তার উপস্থিতি। একটু ন'ড়ে উঠলেই তাকে প্রাণ দিতে হ'তে পারে। মড়ার মতো নিঃসাড়ে প'ড়ে থেকে ইউরি শুনতে লাগলো ওদের কথা।

কারো-কারো গলা তার চেনা। তারা আর-কেউ নয়, গশকা, সান্ধা, কস্কা আর তাদের সাক্ষরদ টেরেণ্টি গালুজিন; পার্টিজানদের একেবারে তলানি এরা, কেউ-কেউ গলগ্রহ মাত্র; সবরকম বিশৃঙ্খল। আর গোলযোগের এরাই হ'লো মূল। এদের সঙ্গে আবার জাখারও জুটেছে, আরো ভয়াবহ ঐ লোকটা, বদমায়েসের খাড়ি, ভদকার ব্যাপারে সে ধরা পড়েছিলো, কিন্তু দলের পাণ্ডাদের ধরিয়ে দিয়ে এখনকার মতো বৈচে গেছে। কিন্তু ইউরি অবাক হ'লো নিভোব্লয়িকে ওর মধ্যে দেখে; যাকে 'রৌপ্য দল' বলা হয়, তাদেরই অগ্রতম পার্টিজান সে, খোদ কমাণ্ডারের দেহরক্ষী। স্টেঙ্কা রাজিন^১ আর পুগাচেভ^২-এর ঐতিহ্য অম্লসরণ ক'রে সে হ'লো কর্তার পেয়ারের লোক, তাই সবাই তার নাম দিয়েছে 'হেটমান-এর কান'^৩। কিন্তু বোঝা যাচ্ছে সেও এই চক্রান্তে আছে।

১ স্টেঙ্কা রাজিন : কসাকবংশীয় বিদ্রোহী দস্য, সতেরো শতকে অনেকগুলো বিদ্রোহে জয়লাভ ক'রে অবশেষে বীর অমুচরদের বিশ্বাসঘাতকতায় ধরা পড়ে। এর কীর্তি ও কুর্কীর্তি রুশীয় কিংবদন্তীর অংশ। ডস্টয়েভস্কির 'Notes from Underground'-এ এর উল্লেখ আছে।
—অনুবাদের টীকা।

২ পুগাচেভ : ৩০৯ পৃষ্ঠার টীকা দেখুন।

৩ হেটম্যানের কান : দলপতির গুপ্তচর।

শত্রুপক্ষের যে-অংশ এগিয়ে এসেছে, তাদের প্রতিনিধিদের সঙ্গে বোঝাপড়া চলছে, এদের বিশ্বাসহস্তাদের সঙ্গে শত্রুপক্ষের লোকেরা এতো আস্তে কথা বলছিলো যে কিছুই শোনা যাচ্ছিলো না। তারা যে-কথা বলছিলো ইউরি তা তখনই শুধু বুঝতে পারছে যখন মাঝে-মাঝে তারা চুপ ক'রে যাচ্ছিলো।

মাতাল জাঁখারটাই কথা বলছিলো বেশি, তার সর্দি-বসা ভাঙা গলায় কুকথাও কম আঁড়াচ্ছিলো না। তাকেই দলের পাণ্ডা ব'লে মনে হ'লো।

‘এই, এবার শোনো তোমরা। আসল কথা হচ্ছে, ব্যাপারটাকে চেপে রাখা চাই। যদি কেউ টুঁ শব্দটি করেছে—দেখেছো এই ছুরি?—নাড়িভূঁড়ি ফাঁসিয়ে দেবো একেবারে, বুঝেছো তো? আমরা যে আটকা প'ড়ে আছি, তা তোমরাও জানো আমিও জানি। আর কোনো রাস্তা খোলা নেই আমাদের। যে-ক'রেই হোক, রেয়াৎ পেতে হবে এবার। এমন একটা ফন্দি খাটাতে হবে যেমনটি আগে কেউ কখনো ছা'খেনি। তাকে তারা জ্যাস্ত ধরতে চাচ্ছে। তাদের কৰ্ত্তা গুলেভয় নাকি আসছেন।’ (অত্বেরা তাকে সংশোধন ক'রে দিলো, ‘গালিউলিন’,—কিন্তু নামটা সে ধরতে পারলো না, ‘জেনারেল গালেইলেভ’ ব'লেই চালিয়ে দিলো।) ‘এই আমাদের স্বযোগ। এ-রকম আর দ্বিতীয়বার আসবে না। এই তো তাদের লোকজনেরা। এঁরাই সব খুলে বলবেন তোমাদের। তাকে জ্যাস্ত ধ'রে আনতে হবে—এই তো কথাটা? এখন বলুন আপনারা, বুঝিয়ে বলুন।’

এবার প্রতিনিধি-দলের কথা শুরু হলো। ইউরি কিছুই শুনতে পেলো না, কিন্তু নীরবতার পরিমাণ থেকে বুঝতে পারলো যে তারা খুঁটিনাটি সমেত প্রস্তাব পেশ ক'রছে। আবার বললো জাঁখার

‘শুনলে, স্ত্রাঙাংরা? দেখছো তো, ক্যায়সা একটি চীজ ইনি। ওর জন্তে আমাদের কী দায় পড়েছে বলে! আস্ত মা'য়ুষও নয় লোকটা—নিরেট বোকা, নয় তো সন্নেসি-টন্নেসি কিছু। দাঁত বের ক'রে হাসিস্নে টেরেটি। তোকে দেখিয়ে দেবো দাঁত বের করা কাকে বলে, গের্জেস কাঁহাকার। তোকে নিয়ে কথা হচ্ছে না তো! তোকে বলছি শোন—লোকটা নিশ্চয়ই সন্নেসি, তাছাড়া আর কী হবে! স্বযোগ পেলে সন্কাইকে সাধু বানিয়ে

ছাড়বে রে, একেবারে খাসি ক'রে দেবে। কী বলে সে? খিস্তি কোরো না, নেশা কোরো না, আর মেয়েমানুষ—আরে থুঃ! অমন ক'রে কী বাঁচা যায় বল তোরা! শোনো স্ত্রীভাংরা, আজ রাত্তিরে ওকে ধ'রে আমরা খালের ধারে নিয়ে যাবো। আমি ঠিক নিয়ে আসবো—ভেবো না। আসামাত্র সবাই একসঙ্গে ঝাঁপিয়ে পড়বো ওর ওপর। কাজটা শক্ত হবে না—এতে আর আছে কী বলে! মুশকিলটা এই যে ওরা তাকে জ্যান্ত ধরতে চায়। বলছে বেঁধে নিয়ে এসো। তা ঠিক আছে—আমি ভার নিচ্ছি, এই ফন্দিটা যদি ভেঙে যায় আমি নিজেই দেখে নেবো তাকে—নিজের হাতে শেষ ক'রে দেবো। হাত লাগাবার জন্ত ওদের কয়েকটা লোকও পাঠিয়ে দেবে বলছে।'

ফন্দিটা সে বোঝাতে থাকলো অশ্রুদের কাছে। কিন্তু আন্তে-আন্তে পুরো দলটি অশ্রুদিকে চ'লে গেলো—ইউরির তাদের কথা আর শুনতে পেলো না।

‘লিবেরিয়ুসকে শাদাদের হাতে ধরিয়ে দেবার মংলব আঁটছে ওরা, আর নয়তো তাকে মেয়ে ফেলবে গুয়ারগুলো।’ এমন ঘেন্না হ'লো ইউরির, এমন জঘন্ত লাগলো যে ভুলেই গেলো তার মিথাতক লিবেরিয়ুসের মৃত্যু কতবার সে নিজেই কামনা করেছে। কিন্তু এখন এটা ঠেকানো যায় কী ক'রে? কামেনোডভস্কির কাছে ফিরে গিয়ে, কোনো নাম না-ক'রে এই ষড়যন্ত্রের কথা খুলে বলবে, আর লিবেরিয়ুসকেও সাবধান ক'রে দেওয়া দরকার।

কিন্তু ইউরি ফিরে গিয়ে কামেনোডভস্কিকে দেখতে পেলো না, কাগজ পোড়াবার জায়গায় তার বদলে তার এক সহকারী ব'সে-ব'সে, আগুন যাতে ছড়িয়ে না পড়ে সেদিকে লক্ষ্য রাখছে।

ছুক্সিয়াটা ঘটতে পারেনি, আগেই ভেঙে গিয়েছিলো। কে জানে কেমন ক'রে জানাজানি হ'য়ে গেলো ষড়যন্ত্রটা, আর ফাঁস হওয়ামাত্র অপরাধীদের গ্রেপ্তার করা হ'লো। সরকারি পক্ষের গুপ্তচরের কাজ করলে—আর-কেউ না, সিভোল্লি। ইউরির বিতৃষ্ণা সীমা ছড়িয়ে গেলো।

৯

কৃষক পরিবারেরা ক্যাম্প থেকে আর একদিনের পথ দূরে আছে বলে জানা গেলো। বাহিনীর সবাই তাদের স্বাগত জানাবার জন্ত তৈরি হ'য়ে নিলে, তারা এসে পড়লেই রওনা হ'য়ে পড়বে তারা, তার জন্তও গোছগাছ চললো। পাম্ফিল পালিথকে দেখতে গেলো ইউরি।

তীব্র সামনেই কুড়োল হাতে পাওয়া গেলো তাকে। কচি বার্চগাছের মস্ত এক স্তূপ তার সামনে, গাছগুলি সে কেটে এনেছে কিন্তু এখনো ফালি করেনি। কতগুলো গাছ আবার যেখানে দাঁড়িয়ে ছিলো, সেখানেই পড়েছে; ওজনের চাপে ঘুরে পড়েছে তারা, চোখা টুকরোগুলো ভিজে মাটিতে গৈঁথে গিয়েছে। অজ্ঞ গাছগুলিকে সে অল্প দূর থেকে টেনে নিয়ে এসে স্তূপের ওপর রেখে দিচ্ছে। গাছগুলি ঠিক মাটিতেও প'ড়ে নেই, বা কোনো জায়গায় জড়ো করাও নেই; নবম ডালে ভর দিয়ে তারা শুয়ে আছে, স্প্রিঙের মতো ন'ড়ে উঠছে সব ডাল, আর থেকে-থেকে শিউরে উঠছে তাদের শরীর। মনে হ'লো তারা যেন হাত বাড়িয়ে পাম্ফিলকে বাধা দিতে চাচ্ছে; সে-ই কেটেছে তাদের, আর সেজগেই তাকে তাঁবুতে ঢুকতে দেবে না বলে তারা সবুজ পাতা আর ডালপালার জটিলতা মেলে দিয়ে তাকে আটকাতে চায়।

‘আমার বোঁ আসছে ছেলেপুলে নিয়ে,’ পাম্ফিল বুঝিয়ে বললো, ‘তাদের জন্তই কাটতে হ'লো এগুলো। তাঁবুটা ভারি নিচু, বৃষ্টি হ'লে জল পড়ে। ছাতের বর্গা করার জন্তে কাঠ কেটে আনলাম।’

‘তুমি তাদের তাঁবুতে নিয়ে যাবার অল্পমতি পাবে বলে আমার মনে হয় না, পাম্ফিল। কোনো ক্যাম্পের ভেতরে যে সাধারণ লোক বোঁ-ছেলে নিয়ে থাকতে পারে, এমন কথা কে কবে শুনেছে? নিশ্চয়ই বাইরে কোথাও কোনো ওয়াগনে থাকবে তারা; অবসর সময়ে যতো ইচ্ছে তাদের সঙ্গে তুমি দেখা করতে পারবে; কিন্তু আমার মনে হয় না তোমার তাঁবুতে তাদের থাকতে দেওয়া হবে—কিন্তু আমি এ-কথা বলতে আসিনি। শুনলাম তুমি নাকি রোগা হয়ে যাচ্ছে, খেতে, ঘুমোতে পারো না! সত্যি নাকি? দেখে তো মনে হচ্ছে ভালোই আছো। তবে চুলটা একবার ছাঁটিয়ে নিলে পারো।’

দশাসই শরীর পাম্ফিলের; ঝাঁকড়া কালো চুল আর দাঁড়ি তার

দুই ভাঁজে বিভক্ত উঁচু কপাল ; কপালের হাড়টা খুব পুরু, কপালের ছ'পাশ আংটা বা লোহার বালার মতো ফুলে উঠেছে ব'লে চোখ কোলা-কোলা, যেন সব-সময়েই জ্বলুটি ক'রে আছে।

বিপ্লবের গোড়ার দিকে এই ভয় জেগে উঠেছিলো যে, ১৯০৫ সালের মতো এবারও বুঝি এই অভ্যুত্থান পর্যবসিত হবে গর্ভপাতে, যার সঙ্গে যোগ থাকবে শুধু মুষ্টিমেয় শিক্ষিত লোকের, সমাজের গভীরতর স্তরকে হয়তো তা ছুঁতেও পারবে না ; এইজন্মেই তখন সাধারণ মানুষকে উত্থাপ্ত, চঞ্চল ও কোপাঘিত ক'রে তোলার জন্য যতোভাবে সম্ভব বিপ্লবী প্রচারকার্য চালানো হয়েছিলো।

প্রথম দিকের সেই দিনগুলোয় অত্যাশাহী বামপন্থী বুদ্ধিজীবীরা পাম্ফিলের মতো লোকেদের দুর্লভ আবিষ্কার ব'লে গণ্য করতো, কেননা কোনো উশকোনি ছাড়াই বুদ্ধিজীবী, চাকুরীজীবী ও ভদ্রলোকদের প্রতি তাদের ছিলো উন্নত বিবেচনা। তাদের অমানুষিকতাকে ধরা হ'তো শ্রেণীচেতনার বিশ্বয়কর নমুনা ব'লে ; আর তাদের বর্বরতাকে বলা হ'তো সর্বহারাদের দৃঢ়তা ও বিপ্লবী মনোভাবের অস্বাভাবিক অযোগ্য আদর্শ। এই সব গুণের জন্যই পাম্ফিলের খ্যাতি, দলের কর্তাব্যক্তি আর বাহিনীর নেতাদের সম্মুখে সে ঐ একই কারণে অর্জন করেছিলো।

এই বিমর্ষ ও অমিশুক দানব, যার আত্মা আছে ব'লে মনে হয় না, যার আগ্রহের সীমা তুচ্ছ ও সংকীর্ণ—ইউরির তাকে মনে হ'লো এক অপজাত মানুষ, ঠিক প্রকৃতিস্থ নেই।

‘তীব্র ভেতর আত্মন’, বললে পাম্ফিল।

‘না—কেন ? বাইরেই তো বেশি ভালো। তাছাড়া আমি ভেতরে যেতেও পারবো না।’

‘বেশ। আপনার যা মজি। ঐ তক্তাটার ওপর বসতে পারি আমরা।’

প্রিঙের মতো কাঁপতে-থাকা বটগাছের ওপর বসলো তারা। পাম্ফিল তার জীবনকাহিনী শোনালো ইউরিকে। ‘কথায় বলে, গল্প চটপট ফুরিয়ে যায়। কিন্তু আমার গল্প অনেক লম্বা। তিন বছর ধ'রে বললেও সব-কিছু ব'লে উঠতে পারবো না। কোনখান থেকে যে শুরু করি, তা-ই এখনো জানি না।

‘যাক, চেষ্টা তো করি। আমি, আমার বো। অল্প বয়েস ছিলো

আমাদের। ও ঘরকরা করে, আমি মাঠে খাটি। মন্দ ছিলো না জীবনটা। ছেলেপুলে হ'লো। ওরা আমাকে পন্টনের সেপাই ক'রে নিয়ে গেলো। যুদ্ধে পাঠালে আমাকে। তা, এই যুদ্ধ। যুদ্ধের কথা কী-ই বা বলি আপনাকে? আপনি তো যুদ্ধ দেখেছেন, কমরেড ডাক্তার।—তারপর, বিপ্লব। আমি আলো দেখতে পেলাম। সৈন্যদের চোখ খুলে গেলো। শত্রু যে শুধু বিদেশীরাই, তা নয়—এই স্তন্যাম আমরা। ঘরেও আমাদের শত্রু আছে। “বিশ্ববিপ্লবের সৈনিক যারা, সবাই শোনো, রাইফেল নামিয়ে ফ্যালো, বাড়ি ফিরে যাও, রুখে দাঁড়াও বুর্জোয়াদের বিরুদ্ধে! ইত্যাদি, ইত্যাদি। আপনিও তো জানেন ওসব, কমরেড ডাক্তার। তা এই চললো কিছুকাল, তারপর গৃহযুদ্ধ এলো। পার্টিজান-দলে যোগ দিলাম আমি। এবার আমাকে অনেক কথা বাদ দিয়ে যেতে হবে, নয়তো কোনো কালে শেষ করতে পারবো না। এতো সবের পর, এখন, এই মুহূর্তে আমি কী দেখতে পাচ্ছি? ব্যাটা বেজম্মা, সে পশ্চিমের ফ্রন্ট থেকে দুটো আস্ত স্টাভ রোপল্‌স্ক রেজিমেন্ট নিয়ে এসেছে, সেই সঙ্গে আবার প্রথম ওরেনবুর্গ কসাকবাহিনীকেও। আচ্ছা, আমি কি শিশু? আমি কি কিছুই বুঝি না? আমি কি পন্টনে কাজ করিনি কোনোদিন? বডো খারাপ অবস্থা ডাক্তার, বডো খারাপ অবস্থা। সব শেষ হ'য়ে গেলো আমাদের। গুয়েরটা কী করতে চাচ্ছে জানেন—ঐ নোংরা লোকগুলোকে নিয়ে আমাদের ওপর ঝাঁপিয়ে পড়তে চাচ্ছে। আমাদের ঘিরে ফেলতে চায় সে।

‘কিন্তু আমার বো আছে, ছেলেপুলে আছে। যদি সে তেরিয়া হ'য়ে এসে চড়াও হয়, তাকে তারা ঠেকাবে কী ক'রে? তারা যে নির্দোষ, এটা এটা তো ঠিক; তারা তো এ-সবের মধ্যে নেই, কিন্তু তাতে ও-ব্যাটার কী এসে যায়। আমার বোকে পাকড়াও করবে সে, তাকে বেঁধে, শেকল পরিয়ে যন্ত্রণা দেবে, সব আমার জন্য; আমার বো, ছেলেপুলে—বেধড়ক পেটাবে সবাইকে; সব ক'টা হাড় গুঁড়ো ক'রে দেবে তাদের, ছিঁড়ে ফেলবে সবাইকে এক-এক ক'রে। আর আপনি কিনা জিজ্ঞেস করছেন, কেন হে, 'রাতে ঘুমোও না কেন। ইম্পাত দিয়ে হয়তো একটা মালুষ তৈরি করা যায়, কিন্তু এ-রকম হ'লে পাগল না-হ'য়ে উপায় কী।’

‘কী অভূত লোক তুমি, পাম্বিলি। আমি ঠিক বুঝতে পারছি না তোমাকে। বছরের পর বছর তুমি তাদের ছেড়ে আছো, কোথায় আছে, কেমন আছে, কী করে না করে—কিছুই তুমি জানতে না, আর সেজন্যে কোনো উদ্বেগও ছিলো না তোমার। আর এখন, যখন তাদের সঙ্গে তোমার দেখা হবে—কোথায় তুমি খুশি হবে, না তাদের আশ্রয়ের মন্ত্র আওড়াতে বসেছো।

‘আগেকার কথা বাদ দিন, এখন সব বদলে গেছে। এখন ঐ শাদা বেজন্মাটা আমাদের পেটাচ্ছে যে। কিন্তু সে-কথা নয়, আমার কথা বলছি না—আমি তো শেষ হ’য়েই গেছি। দুম ক’রে ম’রে যাবো একদিন। কিন্তু আমি তো আমার কাঁচাকাঁচাগুলোকে পরলোকে নিয়ে যেতে পারবো না—পারবো কি? তারা তো থেকে যাবে, আর ঐ জন্তুটার হাতে ধরা পড়বে। তাদের গা থেকে ফোঁটা-ফোঁটা ক’রে রক্ত নিংড়ে নেবে ও।’

‘এই জন্যেই কি তোমার “গায়ে কাঁটা” দিয়ে ওঠে? তুমি নাকি নানা রকম সব ব্যাপার ছাখো রোজ?’

‘শুধুন, ডাক্তার। আপনাকে সব কথা বলিনি। সবচেয়ে জরুরি কথাটাই চেপে গিয়েছি। যদি চান তো এবার আসল কথাটা বলতে পারি। আপনার মুখের ওপরই ব’লে দিতে পারি কথাটা, কিন্তু তাতে আপনি আমার ওপর রেগে যাবেন না কিন্তু।

‘আপনার মতো অনেক ভদ্রলোককে খুন করেছি আমি, এই হাতে অনেক অফিসারের রক্ত লেগে আছে। বড়ো চাকুরে, বনেদি বংশ—অনেক। তা নিয়ে এতোদিন কোনো উদ্বেগ ছিলো না আমার। জলের মতো রক্ত ছিটিয়েছি। তাদের নাম কী, সংখ্যায় ক’জন—কিছুই মনে নেই আমার। কিন্তু একটি ছেলের কথা আমি কিছুতেই মন থেকে তাড়াতে পারছি না। হোঁড়াটাকে শেষ করেছি, আর এখন তা ভুলতে পারছি না কিছুতেই। তাকে মেরেছিলাম কেন? না, আমার হাসি পেয়েছিলো তাকে দেখে, তামাশা ক’রে মেরেছিলাম এভাবে খামোকা, উজ্জ্বলের মতো।

‘ক্ষেত্রয়ারি-বিপ্লবের সময়ে সেটা, কেরেনস্কির আমল চলছে। বিদ্রোহ ক’রে বসে আছি আমরা। একটা রেল-স্টেশনের কাছে; ফ্রন্ট ছেড়ে চলে এসেছি। এক অল্প-বয়সী ছোকরাকে ওরা পাঠিয়ে দিলে, আমাদের কাছে

বক্তৃতা দেবার জন্য, যাতে তার কথায় আমরা ফিরে যাই। জয় না-হওয়া অবধি যাতে লড়াই চালাই, সেই কথা বলতে এসেছিলো সে। তা সেই ছোকরা এসে আমাদের সত্বপদেশ দিতে লাগলো। একেবারে মুরগির ছানা একটা। “যবে জয় তবে যুদ্ধ শেষ”—এই ছিলো তার মুখের বুলি। এই বুলি আওড়াতে-আওড়াতে একটা জলের পিপের ওপর উঠেছিলো সে, জলের পিপেটা ছিলো রেলের প্র্যাটফর্মে। সে গিয়ে উঠলো সেখানে, কেন জানেন? যাতে তার এই যুদ্ধের ডাক উচু থেকে এসে পৌঁছয়। এমন সময় হঠাৎ ডালাটা ভিগবাজি খেয়ে উটে গেলো, সেও মোজা প’ড়ে গেলো চিংপাত হ’য়ে। তাকে দেখতে যে কী মজা লাগছিলো তা আপনি ভাবতেও পারবেন না। হাসতে-হাসতে পেটে একেবারে খিল ধ’রে গিয়েছিলো। আমার হাতে ছিলো এক রাইফেল। হাসির চোটে ভিমি লাগছিলো আমার। কিছুতেই খামতে পারছিলাম না। ছেলেটা যেন আমাকে শুড়শুড়ি দিচ্ছে! তারপর আমি রাইফেল তুলে ধরলাম, তাক ঠিক ক’রে ছুম ক’রে গুলি ক’রে দিলাম। কী ক’রে যে কী হ’য়ে গেলো বোঝাই গেলো না। ঠিক যেন কেন কেউ আমাকে ধাক্কা দিয়ে ফেলে দিলে।

‘এবার তো শুনলেন কেন আমার গায়ে কাঁটা দিয়ে ওঠে। স্বপ্নে সেই রাতের স্টেশনটা দেখতে পাই আমি। তখন সেটা ছিলো মজার ব্যাপার, কিন্তু এখন—এখন বড়ো খারাপ লাগে।’

‘কোথায় ঘটেছিলো এটা? মেলিউজেইয়েভোর কাছে বিরিউচি স্টেশনে কি?’

‘মনে পড়ছে না।’

‘জিবুসিনো বিস্কোভের মধ্যে ছিলে নাকি তুমি?’

‘মনে পড়ছে না।’

‘কোন ফ্রন্টে ছিলে? পশ্চিম ফ্রন্টে? পশ্চিমে ছিলে কি তুমি?’

‘হবে হয়তো। ঐ রকমই কোনো এক জায়গায়। পশ্চিমেও হ’তে পারে। কিছুই মনে পড়ে না।’

পরিলেখ ১২

বরফ-দেওয়া জামফল

বাচ্চকাচ্চা, মালপত্র, সব নিয়ে সৈন্যদের পরিবারের কনভয় চলেছে : অনেক দিন ধরেই মূল কৃষকবাহিনীর পেছনে আসছে তারা। তারপর ওয়াগন-গুলির পেছন-পেছন, আসছে পোষা জন্তুর দল, গোরুই প্রধানত—কয়েক হাজার হবে সংখ্যায়।

শিবিরে নারীর আবির্ভাবের সঙ্গে-সঙ্গে একটি নতুন চরিত্রেরও উদয় হলো। সে হ'লো কুবারিখা, এক সৈন্যের বোঁ, পশুর ব্যামো সারান্ন—সেই সঙ্গে, গোপনে-গোপনে, সে নাকি তুকতাকও করে—ডাইনি আরকি। ছোট্ট প্যানকেকের মতো একটা টুপি মাথার একপাশে চাপিয়ে ঘুরে বেড়ায় সে, পরনে থাকে কড়াইগুটির মতো সবুজ ওভারকোট। ও-রকম কোট পরে স্কটল্যান্ডের বন্দুকবাহিনীর সৈন্যেরা, অ্যাডমিরাল কোলচাক ব্রিটিশদের কাছ থেকে কিছু জিনিসপত্র জোগাড় করছিলেন, তারই অংশ এটা। সে কিন্তু জোর গলায় সবাইকে জানায় যে এটা সে বানিয়ে নিয়েছে কয়েদিদের টুপি আর টিলে পাজামা কেটে। অ্যাডমিরাল কোলচাক তাকে কোনো অজ্ঞাত কারণে কেজ্জমা-জ্জেলে বন্দী ক'রে রেখেছিলেন সেখান থেকে তাকে নাকি মুক্তি দিয়েছে লাল পণ্টন।

‘শেয়াল-বন’ থেকে বেরিয়ে এক নতুন জায়গায় ছাউনি ফেলেছে তারা। কোনো সামরিক বাহিনীর আস্তানা পাতার পক্ষে আশেপাশের জায়গা কতটা উপযোগী, তা দেখা হ'লেই তারা নতুন জায়গায় গিয়ে শিবির ফেলবে।

শীতটা কাটাবার উপযুক্ত আশ্রয় চাই তো ; যতোদিন তা না-পাওয়া যায় ততোদিন এখানে তাদের থাকার কথা ছিলো । কিন্তু পরিস্থিতি বদলে যাওয়ায় শীতটা তারা সেখানেই কাটাতে বাধ্য হ'লো ।

এই নতুন শিবিরের সঙ্গে আগেরটার কোনো মিল নেই । চারপাশের বন খুব ঘন, কোথাও-কোথাও আবার দুর্ভেদ্য 'টায়িগা'¹ । ক্যাম্প আর হাই-ওয়ের ওদিকে তো বন প্রায় সীমাহীন । এখানে এসে তাঁরু খাটাতে যে-ক'দিন লেগেছিলো, সেই ক'দিন হাতে বেশ সময় পেয়েছিলো ইটরি ; সেই সুযোগে বনের নানা দিকে কয়েকবার অভিযান চালিয়ে এটা সে স্পষ্টই বুঝে নিলে যে এই বনের ভেতর অনায়াসেই কেউ হারিয়ে যেতে পারে । এ-সব অভিযানের সময় দুটো জায়গা তার বিশেষ মনে ধরেছিলো, তার স্মৃতিতে র'য়ে গেলো তারা ।

একটা জায়গা শিবিরের ঠিক বাইরে, 'টায়িগা'র গায়ে লাগানো । হেমন্তের বন একেবারে রিক্ত, তার ফলে যেন খোলা দরজা দিয়ে বনের ভেতরের সব-কিছু দেখে নেওয়া যায় । মস্ত এক জামগাছ আছে এখানে, জীর্ণ, সুন্দর, আর একলা—শুধু সে-ই তার পাতা ঝরায়নি । নিচু, শুষ্ক-যাওয়া, টিবি-ছাওয়া জলাভূমির ওপর টিলার মতো একটা জায়গা আছে ; সেখানে দাঁড়িয়ে আছে গাছটি, আকাশ ছুঁয়েছে তার শরীর, শীতের ভয়-ধরানো বিষণ্ণতার বিরুদ্ধে সে তার গাঢ় লাল কঠিন জামফলের মসৃণ গোল ঢাল বাড়িয়ে ধ'রে আছে । তুহিন উষার মতো উজ্জ্বল পালকওলা ছোটো-ছোটো শীতের পাখিরা তার গায়ে ব'সে বড়ো-বড়ো জামগুলিকে গলা বাড়িয়ে ঠুকরে নেয়, তারপর মাথা উচু ক'রে গিলে ফালে ।

পাখিদের সঙ্গে গাছটার যেন কোনো প্রাণের টান আছে ; যেন এই জামগাছটি অনেকদিন নিঃশব্দে লক্ষ্য করেছে তাদের, প্রথমে কিছু করছে চায়নি, কিন্তু শেষ পর্যন্ত দয়া করতেই হ'লো : যেন বুকের বোতাম খুলে স্তন দেখিয়ে, দাই-মার মতো হেসে বললো, 'বেশ, মেনে নিলাম বাপু তোমাদের, নাও এবার—যত পারো, গেলো ।'

অল্প জায়গাটা তার চেয়েও আশ্চর্য। একটু উচুতে, একদিকে খাড়া নেমে গিয়েছে জায়গাটা। খাদের দিকে তাকালে মনে হয় তলায় নিশ্চয়ই এমন কিছু আছে যা ওপরে নেই—কোনো জলশ্রোত, বা কোনো গর্ত, আর নয়তো কোনো শুকনো, আঁচাঁটা ঘাসে-ছাওয়া বুনো মাঠ। আসলে কিন্তু সেখানেও একই জিনিসের পুনরাবৃত্তি ঘটেছে—শুধু অনেকটা নিচুতে, এই যা তফাৎ; যেন অরণ্য তার বৃক্ষচূড়াগুলিকে নামিয়ে দিয়েছে মাছুষের পায়ের তলায়, ডুবিয়ে দিয়েছে অল্প এক স্তরে। কোনোকালে বোধহয় মাটি ধ্বংসে পড়েছিলো, তাই এইরকম।

যেন এই ভীষণ, অতিকায় অরণ্য মেঘের সঙ্গে পাল্লা দিতে গিয়ে হৌচট খেয়েছে হঠাৎ, তাই টাল সামলাতে না-পেরে সব সমেত থুবে পড়ে গেছে; নেহাৎই দৈবের দয়ায় যদি শেষ মুহূর্তে সামলে না নিতো তাহলে একেবারে পাতালেই চলে যেতো হয়তো—আর তাই এখন সে নিচে দাঁড়িয়ে মর্মর তুলছে, বেশ ভালোই আছে, নিরাপদে।

কিন্তু খাদের মুখটা যে শুধু এই কারণেই স্মরণীয়, তা নয়। তার ধার ঘেঁষে দাঁড়িয়ে আছে ধ্বংস-পড়া গ্র্যানাইট পাথরের মস্ত-মস্ত চাঁই, সেগুলোই আটকে রেখেছে খাদটাকে, যেন প্রাগৈতিহাসিক খাড়া পাথরের মাথায় চ্যাপ্টা প্রস্তরখণ্ড পড়ে আছে। এই পাথুরে মঞ্চের কাছে এসেই ইউরির দৃঢ় বিশ্বাস হ'লো যে, এটার পেছনে নিশ্চয়ই কোনো মাছুষের হাত আছে, প্রকৃতির নয়—অস্তুত তার চিহ্ন স্পষ্ট। হয়তো এটা কোনো প্রাচীন মন্দির, যেখানে অজ্ঞাত প্রতিমা-পূজকেরা তাদের দেবমূর্তির উপাসনা ক'রে অর্ঘ্য সাজিয়ে দিতো।

চক্রান্তকারীদের এগারোজন পাণ্ডা আর ভদ্রকা-চোলাইকারী আদালি দু'জনকে মৃত্যুদণ্ড দেওয়া হয়েছিলো; একটি ঠাণ্ডা, বর্ষণসময় সকালবেলায় এখানেই সেই দণ্ডাজ্ঞা পালন করা হ'লো।

বাহিনীর সবচেয়ে অল্পবয়সী কুড়িজন রক্ষীর পাহারায় দণ্ডিত ব্যক্তিদের নিয়ে আসা হ'লো সেখানে। পাহারাগুলাদের মুখ-চোখ কঠিন হয়ে আছে, তাদের অনেকেই যে লিবেরিয়নের দেহরক্ষী, এটাই তার কারণ। রাইফেল হাতে অর্ধবৃত্তের আকারে তারা ঘিরে ছিলো তাদের। কহুই দিয়ে ধাক্কা দিতে-

দিতে বধ্যভূমির কিনারায় তাঁদের দ্রুত নিয়ে এলো, খাড়া পাহাড়ের তলদেশ .
ছাড়া সেখান থেকে বেরোবার আর পথ নেই ।

যে-দীর্ঘ অববোধ, অপমান আর সওয়াল-জবাব তাদের সহ করতে হয়েছে,
তার ফলে বন্দীদের মুখ থেকে মনুষ্যত্বের সব চিহ্নই লুপ্ত হ'য়ে গিয়েছিলো ।
দাড়ি-গোঁফে ভরা ক্লশ কালো চেহারা : প্রেতের মতো ভীষণ তারা
দেখতে ।

গ্রেপ্তার করার সময়েই তাদের কাছ থেকে সব অস্ত্রশস্ত্র কেড়ে নেওয়া
হয়েছিলো ; বধক্রিয়ার আগে তাদের আবার খানাতল্লাসি করার কথা কারো
মাথায় আসেনি । এই ধরনের কোনো খানাতল্লাসি যে শুধু বাহ্যিক হ'তো
তা নয়, জঘন্য ব'লেও মনে হ'তো, মৃত্যুর এতো কাছে এসে যারা দাঁড়িয়েছে
তাদের প্রতি এক গায়ে-পড়া বিক্রম হ'তো এটা ।

কিন্তু এখন রুজ্জানিটস্কি নামে ভুডোভিচেকোর এক বন্ধু, হঠাৎ শিতোব্লুয়িকে
লক্ষ্য ক'রে রক্ষীদের দিকে পর-পর তিনটে গুলি ক'রে বসলো ; ভুডোভিচেকোর
পাশে-পাশেই হাঁটছিলো সে, তার মতো সেও একজন পুরোনো নৈরাজ্যবাদী ।
হাতের টিপ তার অব্যর্থ ব'লে খ্যাতি ছিলো, কিন্তু উত্তেজনায় হাত কঁপে
ওঠায় ফস্কে গেলো এবার । যে-বিবচনা ও করুণাবশত রক্ষীরা তাদের
প্রাক্তন সঙ্গীদের খানাতল্লাসি করেনি, ঠিক সেই কারণেই এবারও তারা তার
ওপর ঝাঁপিয়ে পড়লো না বা এলোপাখাড়ি গুলি চালিয়ে তাকে এই কাজের
জগ্ন তক্ষুনি মেরে ফেললো না । রুজ্জানিটস্কির রিভলভারে তখনো তিনটে
গুলি অটুট ছিলো, কিন্তু প্রথম চেষ্টায় ব্যর্থ হ'য়ে তার মাথার ঠিক রইলো না,
উত্তেজনায় কাণ্ডজ্ঞান হারিয়ে রিভলভারটা পাথরের ওপর ছুঁড়ে ফেল
দিলে । চতুর্থবার গুলি বেরিয়ে এসে রিভলভার থেকে, পাচকোলিয়া নামে
একজন দণ্ডিত আর্দালির পায়ে লেগে, তাকে জখম ক রে গেলো ।

আর্তনাদ ক'রে উঠলো পাচকোলিয়া ; যন্ত্রণায় চ্যাচাতে-চ্যাচাতে পায়ে
হাত চেপে প'ড়ে গেলো । তার সবচেয়ে কাছে ছিলো সাক্ষা পাকিস্টান
আর কসকা গোরাজ্জিডিখ, তারা টেনে তুললো তাকে ; তাদের তখন কারোরই
মাথার ঠিক নেই, পাচকোলিয়া যদি মাটিতে প'ড়ে থাকে তো বন্ধুরা হয়তো
তাকে মাড়িয়েই চ'লে যাবে—সেটা যাতে না হয় সেজগ্ন তারা তাকে হাতে

খ'রে টেনে নিয়ে চললো। আহত পা-টা মাটিতে ফেলতে পারছিলো না পাচকোলিয়া ; দণ্ডিতদের ঘে-দিকে তাড়িয়ে নিয়ে যাওয়া হচ্ছিলো, এক পায়ে লাফিয়ে খোঁড়াতে-খোঁড়াতে সেই টিলার দিকে চললো সে, তার চাঁৎকারের আর বিরাম নেই। সেই অমানুষিক আতঁনাদ অন্তদের ভেতরেও ভয় ছড়িয়ে দিলে, এবার আর কারো আত্মসংযম রইলো না। এর পরে যা হ'লো, তা কল্পনাও করা যায় না। তিরস্কার, বিলাপ, অহুনয়, প্রার্থনা আর অভিশম্পাতের এক ঝড় উঠলো সেখানে।

টেরেস্টি গালুজিন তার স্থলের হলদে টুপিটাকে তখনো ছাড়েনি। এবার সে মাথা থেকে খুলে নিলে সেটা, তারপর হাঁটু ঘ'ষে-ঘ'ষে বাকি সকলকে অহুসরণ ক'রে সেই ভীষণ পাথরগুলির দিকে পেছনমুখো চলতে থাকলো। রক্ষীদের সামনে বার-বার মাটিতে মাথা ঠেকিয়ে সে ফুঁপিয়ে উঠলো, অর্ধচেতন গুনগুনে স্বরে তাদের অহুনয় ক'রে বলতে লাগলো, 'মাপ করো আমাকে, আমি মাপ চাইছি কমরেড, সত্যি আমি দোষ করেছিলাম, কিন্তু আর কখনো এমন করবো না, দয়া ক'রে আমাকে ছেড়ে দাও, মেরো না আমাকে। আমি তো এখনো ভালো ক'রে বাঁচিই নি। আরো কিছুদিন আমি বাঁচতে চাই, শুধু আর-একবার মাকে দেখতে চাই আমি। দয়া ক'রে ছেড়ে দাও আমাকে ভাই সব, দয়া ক'রে আমাকে মাপ ক'রে দাও। তোমরা যা বলবে তা-ই করবো আমি, সত্যি বলছি, তোমাদের পায়ের তলায় মাটিতে আমি চুমো খাবো। মা, মাগো, বাঁচাও, বাঁচাও আমাকে, এবারে আমি শেষ হ'য়ে গেলাম।'

ভিড়ের ভেতর থেকে আরেকজন কেউ জপ করছিলো : 'তোমরা খুব ভালো কমরেড, তোমাদের তো দয়ার শেষ নেই। এটা তাহ'লে কেমন ক'রে হয়? হু-হুটো যুদ্ধে আমরা পাশাপাশি দাঁড়িয়ে লড়াই করেছি, একই উদ্দেশ্য নিয়ে যুদ্ধ করেছি আমরা। আমাদের ছেড়ে দাও, ভাই সব। এই দয়ার প্রতিদান দেবো আমরা, আজীবন তোমাদের কেনা হ'য়ে থাকবো, আমাদের কাজেই তার প্রমাণ পাবে। তোমরা কি কালা, না আর-কিছু? উত্তর দিচ্ছে না কেন? না, তোমাদের মধ্যে খুঁট নেই!'

অন্তেরা সিভোয়নিকে লক্ষ্য ক'রে চ্যাচাতে শুরু ক'রে দিলো :

জিভাগো—৩২

‘জুডাস কোথাকার! বীভূত! আমরা যদি বেইমান হই তো তুই তার তিনগুণ বেইমান! মর দয় আটকে। তুই কুস্তা! যে-জারের কাছে তুই শপথ নিয়েছিলি তাকে তুই মেরেছিস, শপথ নিয়েছিলি আমাদের কাছে, অথচ শেষে সবাইকে ধরিয়ে দিলি। তোর শয়তানকে চুমো খেতে ভুলিস না, তোর আরণ্যক নেতাকে ধরিয়ে দেবার আগে তাকে চুমো খাবার কথা মনে রাখিস। তাকে তো তুই ধরিয়ে দিবিই—শুধু আগে আর পরে!’

সারা জীবন ধ’রে সে নিজের কাছে খাটি থেকেছে, এবার কবরের গা ঘেঁষে দাঁড়িয়েও ভড়োভিচেকো নিজেকে ভুললো না। মাথা উঁচু ক’রে দাঁড়িয়ে রইলো সে, হাওয়ায় এলোমেলো উড়লো তার শাদা চুল; একজন কমুন্যার^১ যে-ভাবে অল্প একজনের সঙ্গে কথা বলে তেমনিভাবে সে রুজ্জানিটস্কিকে সম্বোধন ক’রে, সবাই যাতে শুনতে পায় এমনি উঁচু গলায় বললে

‘নিজেকে ছোটো কোরো না তোমরা। তোমাদের প্রতিবাদ পৌছবে না ওদের কাছে। এই নতুন অগ্রিচিকি^২, নতুন ধরনের উৎপীড়নের এই সব ওস্তাদ কারিগর—এরা কিছুতেই তোমাদের কথা বুঝবে না! কিন্তু হতাশ হোয়ো না তাই ব’লে। ইতিহাস সত্য কথা বলবে একদিন। এই কমিসার-তন্ত্রের বর্বরদের একদিন কলকলন্তে ঝুলিয়ে দেবে মহাকাল, এদের সব কুকীর্তিকে ছিন্নভিন্ন ক’রে দেবে। বিশ্ববিপ্লবের অপ্রভাতে শহীদদের মতো প্রাণ দিচ্ছি আমরা। জয় হোক আত্মিক বিপ্লবের! জয় হোক সর্বজনীন নৈরাজ্যবাদের!’

রাইফেলধারীরা ছাড়া গুলি ছোঁড়ার আদেশটা কেউ বুঝতে পারলে না; এক সঙ্গে গর্জে উঠলো কুডিটা বন্দুক, দণ্ডিতদের অর্ধেককে একেবারে কচুকাটা করলে, প্রায় সকলেই তৎক্ষণাৎ নিহত হ’লো। যারা বাকি রইলো, তারাও আরেক ঝাঁক গুলির সামনে প’ড়ে গেলো। সবচেয়ে বেশিক্ষণ দাপাদাপি করেছিলো টেরেস্টি গালুজিন, কিন্তু শেষটায় সেও প’ড়ে রইলো নিস্পন্দভাবে।

১ Communnard (করাশি শব্দ) : ‘প্যারিস কমিউনে’ বার্তা অংশগ্রহণ করেছিলো।
—অনুবাদের টীকা।

২ Opriohniki : ‘ইজান দি টেরিবলে’র ‘নিরাপত্তা বাহিনী।’

২

শীতের জন্ত আরো উত্তরে গিয়ে আশ্রয় নেবার পরিকল্পনাটা কিন্তু সহজেই ছেড়ে দেওয়া হয়নি। হাই-ওয়ে ছাড়িয়ে, ভিট্‌স-কেজুমা জলবিভাজিকার পাশে, সব দেখে-শুনে আসার জন্ত লোক পাঠানো হয়েছিলো। ইউরিকে একা রেখে, লিবেরিয়ুগও মাঝে-মাঝে উধাও হ'য়ে যেতো।

কার্যত দেখা গেলো এখন আর পার্টিজানদের পক্ষে নতুন কোথাও গিয়ে আশ্রয় নেবার সময় নেই, যাবার মতো জায়গাও নেই কোনো। তাদের বাধাবিপত্তি তখন চরমে উঠেছে। ধ্বংস হ'য়ে যাবার ঠিক আগের মুহূর্তে শাদারা বিশৃঙ্খল আরণ্যক বাহিনীর ওপর একটা মারাত্মক আঘাত হেনে শেষবারের মতো বোঝাপড়া করার সংকল্প নিয়েছিলো; আরণ্যকদের চারপাশে ঘিরে ফেলে সবদিক থেকে চাপ দিতে লাগলো তারা। এই বেঙেনীর পরিধি একটু ছোটো হ'লে লাল ফোজের সর্বনাশ হ'য়ে যেতো। শুধু তার মস্ত আয়তনের জগ্জেই বেঁচে গেলো তারা; আসন্ন শীত 'টায়িগা'কে অভেদ্য ক'রে তুলেছিলো, সেইজগ্জে পেছন থেকে সব সৈন্ত নিয়ে এসে আরো কাছে থেকে কৃষকবাহিনীর ওপর শাদারা ঝাঁপিয়ে পড়তে পারেনি।

কিন্তু তাই ব'লে কৃষকবাহিনীর পক্ষে স্থান পরিবর্তন করাটা সম্ভব ছিলো না। সাময়িক স্বেচ্ছা পাওয়া যায় এমন কোনো নির্দিষ্ট পরিকল্পনা থাকলে তারা হয়তো শাদাদের অগ্রাহ্য ক'রেই কোনো নতুন জায়গায় গিয়ে আশ্রয় নিতো। কিন্তু এমন কোনো স্পষ্ট পরিকল্পনা ছিলো না তাদের। সহ্যের শেষ সীমায় তারা পৌঁছে গিয়েছে। কনিষ্ঠ কমান্ডারদের যতোই মন ভেঙে এলো ততোই নিম্নপদস্থদের ওপর প্রভাব ক'মে এলো তাদের। জ্যেষ্ঠরা রোজ রাতে সভায় ব'সে পরস্পরবিরোধী সমাধান নিয়ে কথা-কাটাকাটি করতে লাগলেন। শিবির স্থানান্তরিত করার পরিকল্পনা শেষটায় বাদ দিতে হ'লো, তার বদলে স্থির হ'লো 'টায়িগা'র ভেতরে বর্তমান আশ্রয়কেই স্বরক্ষিত করা হবে। এখানকার ছাউনিগুলোর একটা স্বেচ্ছা এই যে গভীর তুষারপাতের জন্ত শীতকালে অগম্য হ'য়ে উঠবে, বিশেষ ক'রে শাদাদের আবার বেশি কী নেই। সর্বাগ্রে এখন মাটি খুঁড়ে বিপুল রসদ সঞ্চয় করা চাই।

১ Ski (উচ্চারণ : স্কী বা শী) : বরফের ওপর চলার বস্তুবিশেষ; এক জোড়া ক'রে ব্যবহৃত হয়।

ক্যাম্পের কোয়াটার-মাস্টার জানালে যে ময়দা আর আলুর বড়ো অভাব। পালিত জন্তুর সংখ্যা অবশ্য অনেক; তার মানে, শীতের সময় তাদের প্রধান খাদ্য হবে দুধ আর মাংস।

গরম জ্বারও ঘাটতি ছিলো; পার্টিজানদের কেউ-কেউ তো অর্ধেক কাপড়েই চলাফেরা করতে থাকলো। ক্যাম্পে যতো কুকুর ছিলো, সব ক'টাকে মেয়ে ফেলার সিদ্ধান্ত নেওয়া হ'লো; সৈন্যদের মধ্যে যারা পশম বানাতে শিখেছিলো, তাদের ওপর কুকুরের চামড়ার জ্যাকেট তৈরির ভার পড়লো, লোমের দিকটা বাইরে দিয়ে তা-ই পরা হবে।

আহতদের আনার জন্তু ইউরিকে কোনো যানবাহনই দেওয়া হয়নি। অধিকতর জরুরি কাজের জন্তু ব্যবহার করা হচ্ছিলো গোরুর গাড়িগুলোকে। শেষবার যখন কৃষকবাহিনী জায়গা বদলেছিলো, তখন আহতদের ব'য়ে আনতে হয়েছিলো তিরিশ মাইল পথ খাটিয়ায় ক'রে।

ইউরির হাতে তখনো যে-সব ওষুধ ছিলো, তা হ'লো কুইনিন, প্লাউবার-লবণ আর আইওডিন। কিন্তু আইওডিনটা ছিলো শর্করের আকারে, ব্যাণ্ডেজ বাধা বা অস্ত্রোপচারের সময় সেটাকে কোহলে গুলে নিতে হ'তো। ভদ্রকা বানাবার বকযন্ত্র নষ্ট ক'রে ফেলা হয়েছিলো, এখন আপসোশ হচ্ছিলো সে-জন্তু, চোলাইকারীদের মধ্যে যাদের অস্ত্রদের চেয়ে কম দোষী ব'লে বিচারের সময় মাপ করা হয়েছিলো, এবার তাদের বকযন্ত্রটা সারিয়ে দিতে বলা হ'লো, আর তা যদি না পারে তো যেন নতুন ক'রে একটা বানিয়ে দেয়। এবার আবার সরকারি-ভাবে ডাক্তারি কাজের জন্তু কোহল তৈরি শুরু হ'লো। খবরটা শুনে কেউ মাথা ঝাঁকালো, কেউ বা চোখ টিপলো। আবার মাতলামো শুরু হ'য়ে গেলো, এবং সাধারণ নীতিব্রষ্টতার পেছনে তার অবদান নেহাৎ কম হ'লো না।

যে-কোহল তৈরি হচ্ছিলো তার সবটাই বিশুদ্ধ। শতকরা একশোভাগ শুদ্ধ হ'লেই তাতে কেলাসিত আইওডিন গোলা যায়, কুইনিনের আরক তৈরি করতে হ'লেও এমনি বিশুদ্ধ কোহলের দরকার হয়। শীতের সময় শিবিরে টাইফাস লেগেই ছিলো, সেই সময় কাজে লাগলো এই ওষুধ।

৩

পাম্ফিল আর তার পরিজনদের দেখতে গেলো ইউরি। পালাতে গিয়ে তার বৌ আর তিন ছেলেমেয়েকে (দুই মেয়ে আর এক ছেলে) সারা গ্রীষ্মকালটাই খোলা আকাশের তলায় ধুলোভরা রাস্তায় কাটাতে হয়েছে। পথে সব দেখে-শুনে ভয়ে আধমরা হ'য়ে গিয়েছিলো তারা, এখন নতুন আশঙ্কায় তলিয়ে আছে। চারজনরই চুল পাংলা, রোদে পুড়ে এখন শনের মতো হ'য়ে গেছে ; রোদে-জলে তা'মাটে হ'য়ে-যাওয়া মুখের ওপর ঘন ভুরু শাদা দেখায়। ছোটোদের বয়স কম ব'লে মুখে-চোখে ভালো ক'রে দুর্দশার রেখা ফোটেনি, কিন্তু মার মুখ একেবারে নিশ্রাণ। জাসে আর ক্লেশে স্বতোর মতো হ'য়ে গেছে চোঁট; দুঃখকষ্টে ও আত্মরক্ষার চেষ্টায় তার শুকনো স্ত্রী চোখমুখ যেন কঠিন হ'য়ে জ'মে আছে।

পাম্ফিল তাদের একান্ত ভক্ত, ছেলেমেয়েদের সে পাগলের মতো ভালোবাসে। ধারালো কুড়ুলের কোনা দিয়ে কুঁদে-কুঁদে সে তাদের জন্ত এতো স্বন্দর সব খেলার খরগোশ, মোরগ আর ভালুক বানিয়েছে যে তার দক্ষতা দেখে ইউরি অবাক হ'য়ে গেলো।

পরিজনেরা আসতেই সে হাসিখুশি হ'য়ে উঠেছিলো, শুরু করেছিলো স্বস্থ হ'তে। কিন্তু এখন এই মর্মে খবর ছড়ালো যে কর্তৃপক্ষের মতে শিবিরে জী-পুত্রাদির উপস্থিতি শৃঙ্খলার পক্ষে ক্ষতিকর, তাই উপযুক্ত গ্রহরীর অধীনে কিছু দূরে এক জায়গায় তাদের শীত কাটাতে পাঠিয়ে দিয়ে কর্তৃপক্ষ বেসামরিক লোকজনের অপ্রয়োজনীয় বোঝা থেকে মুক্তি পেতে চান। এই পরিকল্পনাকে কাজে খাটাবার জন্ত সত্যিকার চেষ্টা যতোটা হ'লো, তার চেয়ে ঢের বেশি হ'লো আলোচনা ; আর তাই দেখে, এটা কখনো কাজে খাটানো হবে কিনা সে-বিষয়ে রীতিমতো সন্দেহ জাগলো ইউরির ; কিন্তু এর ফলে, পাম্ফিলের মেজাজ আবার খারাপ হ'য়ে গেলো, আবার আরম্ভ হ'লো তার গায়ে 'কাঁটা দিয়ে ওঠা'।

শীত এসে পাকাপাকি জুড়ে বসার আগে শিবিরে কিছুকাল একের পর এক গুগোল গেলো—উষেগ, অনিশ্চয়তা, ভীতিকর বিশৃঙ্খলা আর অসম্ভব সব অযৌক্তিক ঘটনা।

পরিকল্পনা অমুযায়ী শাদারা তাদের সম্পূর্ণ ঘেরাও ক'রে ফেললে। ভিটসিন, কুয়ান্সি আর বাসালিগো—এই তিনজন জেনারেল ছিলেন আক্রমণের পাণ্ডা, একরোখা জেদ আর নিষ্ঠুরতার জগু তাঁরা সর্বত্র পরিচিত ছিলেন, তাঁদের নাম শুনেই শিবিরের উদ্ভাস্তরা ভয়ে কঁপে উঠলো; যে-সব শান্তিশ্রিয় লোক তখনো আশেপাশের গ্রামে ছিলো, তাদেরও এই নাম তিনটে শোনা অবধি শান্তি রইলো না।

খুব শক্ত হাতে চেপে ধরার কোনো উপায় ছিলো না শত্রুপক্ষের। তাই এই ব্যাপারে পার্টিজানদের উদ্বিগ্ন হওয়ার কিছু ছিলো না, আবার তাই ব'লে নিষ্ক্রিয় ব'সে থাকারটাও অসম্ভব ছিলো তাদের পক্ষে। ব্যাপারটাকে চুপচাপ মেনে নিলে তা নির্ধাৎ শত্রুপক্ষের মনের জোর বাড়িয়ে দেবে। এই বেষ্টনীর ভেতর যতো নিরাপদেই তারা থাকুক না কেন, নিছকই সাময়িক শক্তি-প্রদর্শনের জগুও এই অবরোধ ভেঙে বেরিয়ে পড়ার চেষ্টা করাটা জরুরি হয়ে পড়েছিলো।

এই কাজের জগু একটি শক্তিশালী বাহিনী নিয়োজিত হ'লো, সব শক্তি তারা সংহত করলে অবরোধের পশ্চিম প্রান্তে। কয়েকদিন তুমুল যুদ্ধের পর এই বাহিনী শাদাদের হারিয়ে অবরোধ ভেঙে একপাশে বেরিয়ে এলো।

এই ফাটলটা 'টায়িগা'র ভেতর শিবিরে আসার একটা পথ ক'রে দিলে, আর এই পথ দিয়ে নতুন একদল উদ্ভাস্ত হুড়মুড় ক'রে ঢুকে পড়লো এসে। এদের সঙ্গে কিন্তু পার্টিজানদের কোনোই সম্পর্ক ছিলো না। শাদাদের জ্বরদস্তিতে ভুগে পেয়ে আশেপাশের পাড়ারগাঁ থেকে সব চাষিরা বাড়িঘর ছেড়ে উদ্ভ্র'স্বে পালিয়ে এসেছে; স্বভাবতই কৃষকবাহিনীকে তারা ভাবলে তাদের রক্ষক ব'লে, সেজন্তেই তাদের দলে যোগ দিতে চাইলো।

কিন্তু শিবির তখন তার নিজের আশ্রিতদের সরাতে পারলেই বাঁচে, নবাগত আগন্তুকদের দায়িত্ব নতুন ক'রে কাঁধে নিতে রাজি হ'লো না।

পলাতকদের সঙ্গে পথেই দেখা করার জন্য লোক পাঠানো হ'লো, তাদের বলা হ'লো যে তারা যেন উষাস্তদের চিলিম্কা নদীর ধারে এক গ্রামে পাঠিয়ে দেয়। একটি ময়দা-কলের চারপাশে অনেকগুলো গোলাবাড়ি আছে বলে গ্রামটাকে 'ড'ভোরি' বলা হ'য়ে থাকে। শীতকালটা যাতে সেখানেই কাটায়, এই প্রস্তাব করা হ'লো উষাস্তদের, আরো বলা হ'লো তাদের জন্য রসদপত্র আলাদা ক'রে রাখা হয়েছে, যথাকালে পাঠিয়ে দেওয়া হবে।

এই পরিকল্পনাগুলি যখন কাজে খাটানো হচ্ছে, তখন পর-পর আপনা থেকেই এমন কতগুলো ঘটনা ঘটলো, শিবিরের কর্তৃপক্ষ যার সঙ্গে একেবারেই তাল রাখতে পারলে না।

শত্রুরা আবার সেই ফাটল বন্ধ ক'রে ফেললো, আর তার ফলে যে-বাহিনীটি আগে অবরোধ চুরমার ক'রে বেরিয়ে গিয়েছিলো, তাদের পক্ষে 'টায়িগা'য় ফেরা অসম্ভব হ'লো।

কৃষকবাহিনীর দুশ্চিন্তাকে বাড়িয়ে তোলার জন্যই যেন উষাস্ত মেয়েরা ভারি অদ্ভুত ধরনে চলাফেরা শুরু ক'রে দিলে। ঘন বন তাদের খুঁজে বের করার কাজটা কঠিন ক'রে তুলেছিলো; চরেরা যখন তাদের খুঁজে বেড়াচ্ছে ততক্ষণে মেয়ের দল জঙ্গলে চড়াও হয়েছে, কেটে ফেলছে গাছ; রাস্তা আর সাঁকো তৈরি ক'রে আশ্চর্য উদ্ভাবনীপ্রতিভার পরিচয় দিচ্ছে।

কর্তৃপক্ষের পরিকল্পনার সঙ্গে কিন্তু এ-সবের কোনোই মিল হ'লো না; লিবেরিয়ুস দেখতে পেলো তার সব প্ল্যান উন্টেপান্টে ভেঙে যাচ্ছে।

৫

রাজপথ যেখানে 'টায়িগা'র পাশ ঘেঁষে গেছে, সেখানে দাঁড়িয়ে সে যখন কোচোয়ান স্ভিরিড-এর সঙ্গে কথা বলছিলো, তখন লিবেরিয়ুসের মেজাজ যে এতো খারাপ ছিলো, তা এইজগেই। রাস্তার পাশ দিয়ে টেলিগ্রাফের তার গেছে; সেগুলো কাটা হবে কিনা, এই নিয়ে তার দলের কয়েকজন কর্মচারী

১ 'Dvory': 'Dvor' কথাটির আক্ষরিক অর্থ 'উঠান,' কিন্তু 'বাস্তুটিটা'র অর্থেও ব্যবহার হয়।

রাজপথের ওপর দাঁড়িয়ে তর্ক করছে। শেষ সিদ্ধান্ত নেবার অধিকার শুধু লিবেরিয়ুসেরই আছে, কিন্তু, সেই মুহূর্তে, স্ভিরিড-এর সঙ্গে গভীর আলোচনায় ব্যস্ত ছিলো ব'লে ইশারায় সে বারে-বারে অঙ্কদের অপেক্ষা করতে বলছিলো।

স্ভিরিডের মতো ভ্ভোভিচেঙ্কোর একমাত্র অপরাধ ছিলো এই যে প্রতিপত্তিতে সে লিবেরিয়ুসের প্রতিদ্বন্দ্বী হ'য়ে উঠে ক্যাম্পে মতভেদের সৃষ্টি করছিলো, আর এইজগ্নেই মানুষটাকে গুলি করে মারা হ'লো ব'লে মর্গাহত হয়েছিলো স্ভিরিড। সে যাতে পার্টিজান দল ছেড়ে আবার তার পুরোনো, ব্যক্তিগত ও স্বাধীন জীবনে ফিরে যেতে পারে, শুধু এইটুকু চাচ্ছিলো সে। কিন্তু সে-প্রশ্ন আর ওঠে না। যা বেছে নেবার ছিলো তা সে বেছে নিয়েছে, এখন সে যদি আরণ্যক ভ্রাতৃবৃন্দকে ছেড়ে যেতে চায় তো তারও ভ্ভোভিচেঙ্কোর দশা হবে।

বিশ্রী চলছে আবহাওয়া। তীক্ষ্ণ দামাল হাওয়া ছেঁড়া মেঘ উড়িয়ে নিচ্ছে, মিশকালো ঝুল-কালির মতো সেগুলো নিচু হ'য়ে নেমে আসছে মাটিতে। আবার সেই মেঘ থেকেই তুষার ঝ'রে পড়ছে পাগলের মতো শাদা ঝাপটায়; কিন্তু পরক্ষণেই মাটি গ্রাস ক'রে নিচ্ছে সেই শাদা চাদর, গলে গিয়ে পড়ে থাকছে শুধু ছাই, কয়লার মতো কালো মাটি জেগে উঠছে কালো আকাশের তলায়, যাকে শুধু দূরের দমকা বৃষ্টি তেরচা লম্বা নোংরা জলের ধারায় পিচকিরির মতো ভিজিয়ে দিয়ে যাচ্ছে। জল শুধে নেবার ক্ষমতা আর নেই মাটির; মেঘ যখন মাঝে-মাঝে ফটিকের মতো ঠাণ্ডা উজ্জলতা নিয়ে জানলার মতো খুলে যায়, মাটির ওপরকাব জমে-থাকা জল সাড়া দেয় তার ডাকে, তার খানাডোবার খোলা জানলাও একই উজ্জলতা নিয়ে বিকমিক ক'রে ওঠে।

ধোঁয়ার মতো বৃষ্টি পড়ে পাইনবনের ওপর, তাকে ছুঁয়ে আশ্বে চ'লে যায় ওপর দিয়ে; গাছগুলোর তেলতেলে ছুঁচের মতো মুখ অয়েলরুথের মতো জল আটকে দেয়। ঝালরের মতো ফোঁটা-ফোঁটা জল জ'মে আছে টেলিগ্রাফের তারে, পুঁতির মালার মতো জড়াঝড়ি ক'রে আছে তারা, মনে হয় কখনো যেন ঝ'রে পড়ে না।

পালিয়ে-বাওয়া জ্বীলোকদের সঙ্গে বাদের দেখা করতে পাঠানো হয়েছিলো, স্তিরিড তাদেরই একজন। গিয়ে সে কী দেখেছে, দলপতিকে তার কিছুটা আভাস দেওয়ার ইচ্ছে ছিলো তার; সব ক'টা নির্দেশই এই পরিস্থিতিতে প্রয়োগের অযোগ্য আর পরস্পরবিরোধী ব'লে যে-বিশৃঙ্খলা জেগেছে, ইচ্ছে ছিলো তার কথা কিছু বলে; ইচ্ছে ছিলো বলে, সব বিশ্বাস হারিয়ে ব'সে হতাশায় তলিয়ে যেতে-যেতে কী ভীষণ সব কাজ করেছে দুর্বলতম মেয়েরা। ক্লান্ত পায়ে বস্তা, পুঁটলি ও সস্তানের দ্বারা ভারাক্রান্ত তরুণী মায়েরা—বুকের দুধ শুকিয়ে গেছে তাদের—পথ চলতে-চলতে রাস্তার নানা বিভীষিকার চাপে বিসর্জন দিলে সব চেতনা, সন্তানকে ত্যাগ করলে, বস্তা ঝেঁকে-ঝেঁকে মাটিতে ফেলে দিলে সব শস্ত, তারপর ফিরতি পথ নিলো। ঢের ভালো—তারা বললে—এ-ভাবে বনের পশুদের হাতে হিন্নভিন্ন হবার চাইতে ঢের ভালো শত্রুর হাতে পড়া।

অগ্নি দিকে আবার, অপেক্ষাকৃত শক্তপোক্ত মেয়েমাছুষ যারা, তারা সাহস ও আত্মসংযমের এমন পরিচয় দিয়েছে, যা পুরুষদেরও ধারণার বাইরে।

এ ছাড়াও আরো অনেক কথা স্তিরিডের বলার ছিলো দলপতিকে। যেটা দমন করা হয়েছে, তার চেয়ে ঢের বেশি বিপজ্জনক একটি বিকোন্ডের ভয় শিবিরের ওপর ঝুলে আছে, এই কথা ব'লে তাকে সাবধান ক'রে দেবার ইচ্ছে ছিলো তার। কিন্তু চেঁচা ক'রেও সে কিছুতেই তাড়াতাড়ি বলতে পারছিলো না। তার ওপর তাড়া দিয়ে-দিয়ে লিবেরিয়ুস তার কথা বলার ক্ষমতা খেন প্রায় কেড়ে নিচ্ছিলো। বন্ধুরা যে তাকে হাত নেড়ে রাজপথ থেকে ডাকছে, লিবেরিয়ুসের অধৈর্যের কারণ শুধু এটাই ছিলো না, গত পনেরো দিনে এই জাতীয় সতর্কবাণী এতোবার তার কানে এসেছে যে এখন তার মুখস্থ হ'য়ে গেছে সব।

‘আমাকে সময় দিন. কমরেড চীফ। আমার আবার ঠিকমতো কথা আসে না। দাঁতে আটকে থাকে কথাগুলো, দম বন্ধ ক'রে দেয়। আমি বলি কী, একবার মেয়েদের ছাউনিতে গিয়ে ও-সব আজ্ঞে-বাজ্ঞে ব্যাপার বন্ধ করার হুকুম দিন। নয়তো ব্যাপারটা কী দাঁড়াবে শুনি, “সবাই কোলচাকের বিরুদ্ধে এক হও” ? না, মেয়েদের মধ্যে গৃহযুদ্ধ ?’

‘কী বলতে চাচ্ছে, তাড়াতাড়ি বলো, স্তিভিডি। দেখছো তো, ওরা আমাদের ডাকছে। টেনে-বুনে আর কথা বাড়িয়ে না।’

‘আর তাছাড়া ঐ মাগিটা আছে, কুবারিখা—মেয়েটা যে আসলে কী, তা শয়তানই জানে। সে বলে কী : পোষা জন্তুগুলোর চিকিৎসার জন্তু ভেটিলেটর আমি, বুঝেছো ?.....’

‘ভেটিলেটর ? ও, ভেটেরেনারি—পশুর ডাক্তার।’

‘তাই তো বলছি—পোষা পশুদের বদহজম সারিয়ে দেবার জন্তু এক মেয়ে-ভেটিলেটর ব’লে নিজেকে ভাবছে সে। কিন্তু এখন সে আর পশুদের দেখাশোনা করে না, বজ্জাত মাগি, শয়তানের মহামান্দ্ৰা জননী ! গোরুদের কাছে গিয়ে “মাস্”-এর^১ মস্ত পড়ে সে, আর অল্পবয়সী উদ্ভাস্ত বোয়েদের কাজ করতে বারণ করে। “এতো দুঃখকষ্টের জন্তু তোমরা নিজেরাই দায়ী,” এই কথা সে বলে তাদের। “ঘাগরা তুলে লাল ঝাণ্ডার পেছনে ছোট্টার এই ফল। আর কখনো এমনটি কোরো না।”’

‘কোন উদ্ভাস্তদের কথা বলছো—আমাদের ক্যাম্পের, না অন্য কোনো দল ?’

‘অন্যদের কথাই বলছি। ঐ নতুন এসেছে, আমাদের অচেনা।’

‘কিন্তু তাদের তো ডভোরিতে যাবার হুকুম দেওয়া হয়েছিলো। এখানে তারা এলো কী করে ?’

‘ডভোরি ! হ্যা, সেটা চমৎকার জায়গাই বটে ! ডভোরি জ’লে শেষ হ’য়ে গেছে, মিল-টিল যা ছিলো সব, ছাইভস্ম ছাড়া তার আর-কিছুই নেই। ওখানে গিয়ে তাই দেখেছে তারা—একটাও জ্যান্ত প্রাণী নেই, শুধু ছাই আর ধ্বংস, অর্ধেকের তো এই দেখেই মাথা খারাপ হ’য়ে গেলো—দাপাদাপি ক’রে কেঁদে-কেটে চঁচিয়ে তক্ষুনি শাদাদের কাছে চ’লে গেলো, বাকি অর্ধেক ফিরে এলো এদিকে।’

‘কিন্তু “টাস্টিগা”র ভেতর দিয়ে তারা এলো কী করে জলা পেরিয়ে ?’

১ গুটান ‘mass’ অমুঠানের কথা বলা হচ্ছে, যাতে রুটি ও হুয়া বীণ্ডর রস্তু ও মাংসে পরিণত হয় ব’লে বিশ্বাস করা হয়। এই অমুঠান বর্তমানে প্রটেক্টাক্টরা পালন করেন না, রোমান ক্যাথলিক ও অর্ধভস্ম চার্চে প্রচলিত আছে।—অমুবাদকের টীকা

‘করাত, কুড়ুল, এ-সব আছে কী করতে? পাহারা দেবার জন্তে আমাদের এখান থেকে যে-নব ছেলেছোকরা গিয়েছিলো, তারা কেউ-কেউ অবশ্য কিছুটা সাহায্য করেছে তাদের। তারা নাকি কুড়ি মাইল রাস্তা বানিয়েছে, তাই তো বললো। সাঁকোটাকো সব স্বাক্ষর। কী জাহাঁবাজ ভাবুন! এদের আবার মেয়েমানুষ বলে! এমন সব কাজ তারা করেছে, যার জন্তে তিরিশটা রোববার লাগবে আমাদের।’

‘বাঃ, চমৎকার—একেবারে কুড়ি মাইল রাস্তা। আর গর্দভচন্দ্র, এতে তোমার খুশি হবার কী আছে? শাদারা তো ঠিক এটাই চাচ্ছিলো—“টায়িগা”র ভেতর দিয়ে এক বড়ো রাস্তা! এখন শুধু গোলন্দাজদের পাঠালেই—ব্যস!’

‘একটা ফৌজ—একটা ফৌজ পাঠিয়ে দিন, তারাই শত্রুকে অল্প দিকে ব্যস্ত ক’রে রাখবে।’

‘ধন্যবাদ, নিজের ভাবনা আমি নিজেই ভাবতে পারি।’

৬

দিন ক্রমেই ছোটো হ’য়ে আসছে, পাঁচটার সময়েই অন্ধকার ক’রে এলো। কয়েকদিন আগে রাজপথের যেখানটার দাঁড়িয়ে স্তিমিরিডের সঙ্গে লিবেরিয়ুস কথা বলছিলো, সন্ধেবেলা ইউরি সে-জায়গাটা পেরিয়ে এলো। ক্যাম্পে ফিরছে সে। ছাউনির বাইরে খোলা জায়গায় যেখানে ছোটো টিলা আর জামগাছটা ক্যাম্পের সীমা নির্দেশ করছে, সেখানে এসে সে তার ‘প্রতিষন্দী’ কুবারিখার তীব্র চড়া গলা শুনতে পেলো; ঠাট্টা ক’রে সে পশুর ডাক্তারকে তার ‘প্রতিষন্দী’ ব’লে ডাকে। এক মেজাজি কুর্তিবাজ ছড়া গেয়ে শোনাচ্ছে কুবারিখা, তার গলা যেমন চড়া, তেমনি কর্কশ। সমর্থনসূচক হাসির দমক যে-ভাবে বারে-বারে তার গান থামিয়ে দেওয়া হচ্ছে, তা থেকে বোঝা গেলো যে, একদল মেয়ে-পুরুষ তার গান শুনছে। তার পরেই হঠাৎ নীরব হ’য়ে গেলো সব। তার মানে—ভিড় ভেঙে গেলো।

একলাই আছে সে, এই ভেবে কুবারিখা এবার অল্প গান ধরলো,

গলা এতো কোমল হ'য়ে এলো যেন শুধু নিজের জন্তই গাইছে। জামগাছের কাছে জলার গা বেঁধে পায়ের চলা পথ গেছে; অন্ধকারে সাবধানে চলতে-চলতে এই গান শুনে ইউরি পথের ওপর দাঁড়িয়ে পড়লো। পুরোনো একটা লোকসংগীতের মতো শোনালেও গানটা ইউরি চিনতে পারলো না; হয়তো এটা মুখে-মুখেই বেঁধে নিচ্ছে কুবারিখা।

রূপ লোকসংগীত হচ্ছে বাঁধের নদীজলের মতো। এমনিতে দেখে মনে হয় শান্ত হ'য়ে আছে, জলে শ্রোত নেই, অথচ গভীরে তার ক্রান্তিহীন প্রবাহ বস্তার মতো ব'য়ে চলেছে জলধার দিয়ে। আসলে তার নিশ্চলতা এক মায়া।

যতোরকম সম্ভবপর উপায় আছে, সব দিয়ে—পুনরাবৃত্তি, উপমা, উৎপ্রেক্ষা—সব দিয়ে তা তাব ভাবনার ধারাবাহিক উন্মোচনে বাধা জন্মাতে চায়, শ্লথ করতে চায় গতি, আর এমনি ক'রেই তা পৌছয় এক রহস্যময় চূড়োয়, যেখানে তা হঠাৎ নিজেকে অনাবৃত ক'রে দেয়। সময়ের শ্রোতকে খামিয়ে দেবার এই পাগল চেষ্টার মধ্য দিয়েই এক দুঃখী, আত্মসংবৃত্ত হৃদয় তার প্রকাশের উপায় খুঁজে বেব করে।

কিছু গান, কিছু কথা দিয়ে কুবারিখা বললে :

‘মস্ত পৃথিবীর ওপর দিয়ে ছুটছে এক খরগোশ,
শাদা বরফের ওপর দিয়ে, মস্ত পৃথিবীর ওপর দিয়ে,
ছুটছে এক কানঝোলা খরগোশ, জামগাছ পেরিয়ে,
জামগাছ পেরিয়ে যেতে-যেতে বললে সেই গাছটিকে :
‘আমি—এক কানঝোলা খরগোশ, নয় কি ভিত্তি আমার হৃদয়,
বুনো জন্তুর পায়ের ছাপে সমস্ত,
বুনো জন্তুর পায়ের ছাপ, বুনো নেকড়ের দাউ-দাউ পেট
ওগো জামগাছ, ওগো হৃন্দরী গাছ, আমাকে দয়া করো !
পাজি শত্রুরকে দিয়ে না তোমার রূপ,
পাজি শত্রুর, বদমাশ দাঁড়কাক ।
তোমার লাল-লাল জামগুলিকে ছিটিয়ে দাও হাওয়ায়,
দাও হাওয়ায় মুঠো-মুঠা ছিটিয়ে, উড়িয়ে নিক

মস্ত পৃথিবীর ওপর দিয়ে, শাদা বরফের ওপর দিয়ে,
দাঁও ছুঁড়ে, গড়িয়ে চ'লে যাক আমার বাস্তবিতার শহরে,
রাস্তার শেষ প্রান্তে, শেষ বাড়িটি পর্যন্ত,
রাস্তার শেষ বাড়ি, শেষ জানলা, সেই ঘর
যেখানে একান্তে নির্জনে সে লুকিয়ে আছে—
সে, আমার প্রেমসী, আমার কান্তা।
কানে-কানে বলো তাকে, আমার দুঃখিনী বধূকে—
একটি ভালোবাসার কথা বলো।
সেপাই আমি, বন্দী হয়েছি, মনে আমার সুখ নেই,
বাড়ির জন্তে মন-কেমন করছে—সেপাই আমি, বিদেশে প'ড়ে আছি।
আমি পালাবো এই বন্দী দশা থেকে,
যাবো ফিরে আমার লাল জামফলের কাছে, আমার প্রেমসীর কাছে।'

৭

পাম্ফিলের স্ত্রী আগাথা তার অসুস্থ গোকটিকে কুবারিখার কাছে নিয়ে এসেছে। পাল থেকে আলাদা ক'রে নেওয়া হয়েছে গোকটিকে, শিঙে দড়ি বেধে আটকে রাখা হয়েছে গাছের সঙ্গে। আগাথা ব'সে আছে গোকটার সামনের পায়ের কাছে, গাছের গুঁড়ির ওপর, আর পেছনের পায়ের কাছে, দোয়াবার টুলে ব'সে আছে কুবারিখা।

পালের অস্থ অসংখ্য গোকগুলো একটা খোলা জায়গায় ঠাশাঠাশি ক'রে আছে ; তাদের ঘিরে আছে ত্রিকোণ ফার-গাছের এক কালো বন, পাহাড়ের মতো উঁচু গাছগুলি, ছড়িয়ে-দেওয়া তলার ডালপালা থেকে এমনভাবে উঠে এসেছে যে মনে হয় যেন পুষ্ট পাছা মাটিতে ঠেকিয়ে উবু হ'য়ে ব'সে আছে।

প্রায় সব গোকই শাদা আর কালো ; সুইৎসারল্যান্ডের এক বিশেষ জাতের গোক সাইবেরিয়ান খুব জনপ্রিয়—এরা সেই জাতের। নিশ্চয় হ'য়ে প'ড়ে আছে তারা—মালিকদের চেয়ে কোনো অংশেই কম নয় তাদের এই অবসাদ ; অনাহার, অসুস্থ হ'য়ে ভ্রমণ, অসুস্থ ভিড়—সব তাদের অবসাদ ক'রে

রেখে গেছে। স্থানের অভাবে উন্নাদের মতো এ গুর গায়ের ঘেঁষাঘেঁষি ক'রে দাঁড়িয়ে থাকতে-থাকতে তারা যদি না মরত তাই ভুলে গেছে, একটা আর-একটাকে কোণঠাশা ক'রে রেখেছে, কোনোটা হয়তো অশ্রুটার ওপর চেপে ব'সে আছে, চেষ্টা ক'রে ভারি বাঁট তুলে চ্যাচাচ্ছে বাঁড়ের মতো। যে-সব বকনাবাহুর তাদের তলায় চাপা প'ড়ে গিয়েছিলো, কোনোরকমে ঠেলঠেলে তলা থেকে উঠে আসছে তারা, শূণ্ণে ল্যাজ তুলে লতাপাতা ডালপালা দুমড়ে ভেঙে বনের দিকে ছুটে যাচ্ছে। ছেলে-বুড়ো যতো রাখাল ছিলো, সবাই চাঁৎকার করতে-করতে ছুটেছে তাদের পেছনে।

আর সেই ফাঁকা জায়গার ওপরে, শীতের আকাশের শাদা-কালো মেঘগুলোকেও যেন তাদেরই মতো গাছের ডগার কঠিন বেঁটনীর মধ্যে ঠেপে দেওয়া হয়েছে, তারাও তেমনি কোণঠাশা হ'য়ে লুপ হ'য়ে আছে স্তরে-স্তরে, আর গোকদের মতো তেমনি তুমুল বিশৃঙ্খলায় মাথা ঘুরে হুমড়ি খেয়ে প'ড়ে যাচ্ছে।

দূরে যারা মজা দেখার জন্ত ভিড় করেছিলো, তারা এই তুচ্ছতাক-জানা মেয়েটিকে বিরক্ত ক'রে তুললো। ঋষ্ট চোখে তাকিয়ে সে আগাপাশতলা দেখে নিলে তাদের। কিন্তু তারা যে তাকে উদ্ভাস্ত করেছে, এ-কথা বলতে তার শিল্পী-মর্দাদায় আঘাত লাগলো। তাই এমন ভক্তি ক'রে থাকবে বলে ঠিক করলে, যাতে মনে হয় সে তাদের দেখতেই পায়নি। ভিড়ের পেছন থেকে ইউরি তাকে লক্ষ্য করতে লাগলো; সে ইউরিকে দেখতে পেলো না।

এই প্রথম ইউরি তাকে ভালো ক'রে লক্ষ্য করার স্বযোগ পেলো। সাধারণত সে যা প'রে থাকে—পদাতিক বাহিনীর খোলা টুপি আর ইংরেজ দেপাইয়ের কড়াইগুঁটির মতো সবুজ রঙের দুমড়োনো গলাবন্ধুলা টিলে কোট—তা-ই তার পরনে। কিন্তু তার মুখের আবেগে ভরা উদ্ধত ভাবটি এই প্রোটার চোখে তারুণ্যের আলো-ছায়া জেলে দিয়ে, স্পষ্ট বুঝিয়ে দিচ্ছে যে সে কী কাপড় পরে বা পরে না সে-বিষয়ে সে সম্পূর্ণ নির্বিকার।

ইউরিকে যেটা অবাক ক'রে দিলে, তা হ'লো পাম্ফিলের জীর পরিবর্তন। তার চোখ দুটি কোর্টার থেকে প্রায় বেরিয়ে আসছে, গাড়ির হাতলের মতো লম্বা আর রোগা হ'য়ে গেছে তার গলা। তার সব গোপন আতঙ্ক তাকে

গত কয়েক দিনের মধ্যে এতোটা বুড়িয়ে দিয়েছে যে ইউরি প্রথমে তাকে চিনতেই পারেনি।

‘গোরুটা মোটে দুধই দেয় না গো,’ সে বলছিলো। ‘প্রথমে ভেবেছিলাম গাভিন হয়েছে, কিন্তু তাহ’লেও তো এতোদিনে তার দুধ এসে যাওয়ার কথা, অথচ একফোটা দুধ নেই।’

‘গাভিন হয়েছে, কে বললে? ঐ তো স্পষ্টই দেখা যাচ্ছে বাঁটে মামড়ি হয়েছে। ওরুখ দেবো তোকে, গাছ-গাছড়ার রস, ওখানে মালিশ ক’রে দিস। আর তা ছাড়া মস্তুর দিয়েও ঝেড়ে দেবো।’

‘আমার আর-এক অশান্তি আমার সোয়ামি।’

‘ওকেও তুচ্ছ ক’রে দেবো—আর চ’রে বেড়াবে না। সোজা ব্যাপার! শেষে দেখবি এমন লেপটে থাকবে তোর সঙ্গে যে ছাড়াতেই পারবি না। তিন নম্বর অশান্তিটা কী?’

‘তুমি যে বললে চ’রে বেড়াচ্ছে তা কিন্তু নয়। তাহ’লে তো ভাবনাই ছিলো না। আসল মুশকিলটা এই যে সে ঝাঁকড়ে থাকে আমাদের—আমাকে, কচিকাচাগুলোকে—আর তাই তো ওর কষ্টের শেষ নেই গো। ও কী ভাবছে আমি জানি তো। ভাবছে ওরা একটা ক্যাম্পো ভেঙে দুটো কববে, আমাদের একদিকে পাঠিয়ে দেবে, আর ওকে অল্প দিকে। তারপর আমরা গিয়ে বাসালিগোর সাদ্রপান্নদের হাতে পড়বো, আর ও তখন সেখানে থাকবে না, আমাদের রন্ধে করার মতো কেউ থাকবে না সেখানে। আর ওরা আমাদের তিলে-তিলে যাতনা দেবে, আমাদের যাতনা দেখে আহ্লাদে আটখানা হবে ওরা। এই সবই ভাবছে ও, আমি তো জানি ওকে। ভয় লাগে, কখন না আত্মহত্যা ক’রে বসে।’

‘ভেবে দেখবো। যাতে তুই দুধ না পাস তার একটা উপায় আমি করবোই। কিন্তু তোর তিন নম্বর কষ্টের কথা বললি না?’

‘আর কোনো কষ্ট নেই আমার। এই দুটোই—আমার গোরু, আর আমার সোয়ামি।’

‘তোর কষ্ট বড়ো কম তো! ভেবে আঁখ, ঠাকুর কী দয়া করেছেন তোকে। কালেভদ্রে দেখা যায় তোর মতো, খড়ের গাদায় ছুঁচের মতো

তুই। মাস্তর তুটো অশান্তি, আর তার একটা কিনা সোয়ামির সোহাগ !
বেশ, বেশ। তা, এবার তবে শুরু করা যাক। গোরুটার বাবদ কী দিবি
আমাকে ?’

‘কী চাও ?’

‘একটা আস্ত পাউরুটি আর তোর ভাতারটিকে।

চারদিকে লোকেরা হেসে উঠলো।

‘ঠাট্টা করছো ?’

‘বড্ড দর হেঁকেছি, না ? ঠিক আছে, পাউরুটিটা না-হয় ছেড়ে দিচ্ছি।
শুধু সোয়ামিতেই রফা হয়ে যাক।’

হাসি আরো জোরালো হ’য়ে উঠলো।

‘নাম কী ? তোর ভাতারের নয়, গোরুটার।’

‘রূপসী।’

‘পালের অর্ধেকেরই তো তা-ই নাম। ঠিক আছে। এবার ঠাকুরের
নাম নিয়ে শুরু করি।’

মন্ত্র পড়লো সে গোরুর জন্ত। প্রথমটায় সত্যিই সে গোরুটার দিকে মন
দিয়েছিলো, কিন্তু একটু পরেই ঐ বিষয় থেকে সরে এসে ঝাড়ফুঁক বিষয়ে
আগাধাকে আস্ত এক বক্তৃতা শুনিতে দিলে। য়োরোপীয় রাশিয়া থেকে
প্রথম সাইবেরিয়ায় এসে ইউরী যে-ভাবে কোচোয়ান ব্যাকাসের লম্বা-চওড়া
কথা শুনেছিলো, তেমনি মন্ত্রমুগ্ধের মতো শুনতে লাগলো সে।

কুবারিখা বলেছিলো :

‘মার্গেস্টা-মাসি, এসো, পায়ের ধুলো দাও আমাদের বাড়িতে। বৃধবারে
এসো তুমি, এসে বিদেশ কোরো আপদবালাই, বিদেশ কোরো শাপমগ্নি, আর
খোঁসপাচড়া আর মামড়ি। ওরে বাটা দাদ, ঐ বাছুরটার বাঁট ছেড়ে পালা
দেখি ! রূপসী, ঠিক হ’য়ে দাঁড়া, কাজ কর ঠিকমতো, উল্টে দিসনে হাঁড়ি।
টিলার মতো চূপচাপ দাঁড়িয়ে থাক, ঝরক ছুধ আর ব’য়ে যাক ধারা। ভয়, ভয়,
তোর তেজ কোথায়, নিয়ে যা সব ব্যামো, নিয়ে যা মামড়ি, ফণিমনসায় ফেলে
দিয়ে আয়। তাকেই বলি ডাইনি-মন্তর, যার রাজার মতো তেজ।

‘বুঝলে তো আগাধা, সব কিছুই জ্ঞানতে হয়—ডাক দেওয়া, তাড়িয়ে

দেওয়া, পালাবার মস্তর আবার ভালো থাকার মস্তর—সব। সব হালচাল জেনে নিতে হয় প্রথমে। যেমন তুই—তুই এখন ওদিকে তাকিয়ে বলবি: “ওখানে একটা বন আছে।” কিন্তু আসলে ওখানে কী আছে, না ওখানে এখন দেবদূতের সঙ্গে শয়তানের চেলাদের লড়াই চলছে—ঠিক যেমন তোদের মরদরা লড়ছে বাসালিগোর সঙ্গে।

‘নয়তো—আর-একটা নমুনা নে। যেদিকে বলছি, সেদিকে তাকা দিকি। তুমি বাছা ভুল দিকে তাকাছো—চোখ, চোখ ছুটো লাগাও, মাথার পেছনে নয়, ঠিক আমার আঙুল বরাবর তাকাও। হ্যাঁ, এই তো ঠিক! এখন, বল দিকিনি, ওটা কী হ’তে পারে ব’লে তোর মনে হচ্ছে? হাওয়ায় দুটো গাছের বুড়ি জড়িয়ে গেছে, এই তো? আর নয়তো কোনো পাখি বাসা বাঁধছে—বড়ো জোর এই তুই ভাবতে পারিস। আসলে কিন্তু কোনোটাই না। আসলে ওটা হচ্ছে শয়তানের এক খাঁটি খেলনা, জ্বলার পেত্নি তার মেয়ের জন্তু মালা গাঁথছে। যেই শুনেছে লোকজনের পায়ের শব্দ, অমনি ভয়ের চোটে আধাখঁেচড়া রেখে চ’লে গেছে। কিন্তু দেখে নিস, কোনো-এক রাস্তিরে এসে শেষ ক’রে যাবে—ছাড়বে না।

‘নয় তো তোদের ঐ লাল ঝাণ্ডার কথাই ধর না। তোরা তো এটাকে নিশেন ব’লেই জানিস, তাই না? কিন্তু জানিস, ওটা নিশেনই নয়। আসলে ওটা হ’লো করালী দেবীর লাল ক্রমাল—ওটা দিয়েই লোভ দেখায় সে। কী ক’রে লোভ দেখায়? না, ওটা নাড়ে, মাথা ছুলিয়ে ডাকে, চোখ টেপে, ছেলে-ছোকরাদের উশকে দেয় এগিয়ে আসতে, যাতে এসে ওরা ম’রে যায়, আর তারপর সে পাঠিয়ে দেয় দুভিক্ষ আর মহামারী; আসলে ব্যাপারটা হ’লো এই। আর তোরা কিনা তাকে বিশ্বাস করিস। তোরা কিনা ভাবিস এটা হ’লো নিশেন, তোরা ভাবিস এটা বলছে: “যতো গরিব-গরবা সন্সোহারা আছে, সবাই তোমরা আমার কাছে চ’লে এসো।”

‘আজকাল বাছা সব-কিছুই জানতে-শুনতে হয়, কিছুই বাদ দেওয়া যায় না, পাখি, হুড়ি, লতাপাতা—সব-কিছুকেই চিনতে হয়। যেমন ঐ পাখিটা—ওটা হ’লো কিচমিচে পাখি। আর ঐ জানোয়ারটা হ’লো ভাম।

‘তারপর ধর আরেকটা কথা। যদি কাউকে তোর মনে ধ’রে থাকে, জিতাগো—৩৩

একবার তার নামটা ব'লে ফ্যাল। তোর জন্ত তাকে হা-পিত্যেশ করিয়ে ছাড়বো, তা সে যেই হোক না কেন। চাস তো এখানকার রাজা ঐ বনদেবতাকেই ধ'রে এনে দেবো, আর নয় তো কোলচাক, কি রাজপুত্র ইতান'—যাকে খুশি। ভাবছিস, জাঁক করছি? মোটেই না! তবে শোন, সব খুলে বলি তোকে। পেছন-পেছন ঘূর্ণিহাওয়া তুষারঝড় আর ঝকঝকে বরফ ছুটিয়ে দিয়ে যখন শীত আসবে, ও-রকম একটা বরফের খামে ছুরি বিঁধিয়ে দেবো আমি, একেবারে বাঁট পর্যন্ত, তারপর যখন সেটা যে বরফের ভেতর থেকে বের ক'রে আনবো, দেখবি ওটা রক্তে একেবারে লাল হ'য়ে আছে। শুনেছিস কখনো এমন কথা? তবেই ঠাখ! আর তুই কিনা ভাবছিলি আমি খামকা জাঁক করছি! এখন বল দেখি, হাওয়া আর বরফ দিয়ে যে তুষার-স্তুভ তৈরি হয়, তার ভেতর থেকে রক্ত বেরোয় কী ক'রে? সেই কথাই তো তোকে বলছি, বাছা। ঐ ঘূর্ণিহাওয়া শুধু হাওয়া আর বরফই নয়, আসলে ও হ'লো এক ডাইনি-বাঘ, পরির চোরাই মাল—তার একরত্তি ছানাকে হারিয়েছে সে, খুঁজে বেড়াচ্ছে তাকে—তার খোঁজে সে মাঠে-ঘাটে কৈদে বেড়ায়। তার গায়েই আমি ছুরি বসাই ব'লে ছুরির ফলায় রক্ত লেগে থাকে। ঐ ছুরি দিয়ে যে-কোনো লোকের পায়ের ছাপ কেটে নিতে পারি আমি, তারপর রেশমি স্ত্রীতো দিয়ে তোদের ঘাগরায় শেলাই ক'রে দিতে পারি, আর ঐ লোকটা—কোলচাক কি ষ্টেলনিকভ কি নতুন কোনো জ্বর, যে-ই হোক না কেন সে—তোর পায়ের-পায়ে ঘুরবে সে সব সময়। আর তুই কিনা ভাবছিলি আমি মিছে কথা বলছি! ভাবছিলি এটা হ'লো: “যতো গরিবগববা আর সন্মোহারা আছো—সবাই চ'লে এসো আমার কাছে।”

‘আরো অনেক ব্যাপার আছে। যেমন স্বর্গগো থেকে পাথরবৃষ্টি, যেই কেউ ঘর ছেড়ে বেরোয়, অমনি তার ওপর বৃষ্টির মতো পাথর পড়তে থাকে। নয়তো ধর, আকাশ দিয়ে যে-ঘোড়সওয়ারের দল চ'লে যায় বাড়ির ছাতে খুব ঠেকিয়ে—অনেকেই তো দেখেছে তাদের। নয়তো যেমন আগেকার দিনের ডাইনিরা বচন দিতো: “এই মেয়েটার মধ্যে গম আছে, ওর মধ্যে

মধু, আর ওটার মধ্যে কাঠবেড়ালির লোম।” তারপর লোকে যেমন ক’রে গয়নার বাক্স খোলে, তেমনি ক’রে বীরপুরুষেরা ফেঁড়ে দিতো কাঁধ, আর তলোয়ার দিয়ে কাঁধের হাড় থেকে বের ক’রে নিতো মধুর চাক, গমের কুনকে, কি আস্ত একটা কাঠবেড়ালি।’

যতো রকম দৃঢ় ও প্রবল অল্পভূতি পৃথিবীতে এখানে-ওখানে আমরা দেখতে পাই, তাদের কোনোটাই করুণার স্পর্শরহিত নয়। যতো বেশি আমরা ভালোবাসি, ততোই ভালোবাসার জনকে বলি দিচ্ছি ব’লে মনে হয়। মাঝে-মাঝে কোনো নারীর প্রতি কোনো পুরুষের করুণা সীমা ছাড়িয়ে যায়, তখন কল্পনায় সেই নারীকে সে সম্ভবপর সমস্ত ঘটনা থেকে সরিয়ে নিয়ে এমন অবস্থায় স্থাপন করে, যা বাস্তবে ঘটতেই পারে না। চারদিকের বাতাস, প্রকৃতির বিধান, আর অতীত সব শতাব্দী—এদের সকলের দয়ার ওপর সেই নারী নির্ভর করছে—এমনি তখন মনে হয় তার।

ইউরির অন্তত এটুকু পড়াশুনো ছিলো যা থেকে সে ধরতে পারলে যে, কুবারিখার শেষ কথাগুলো নভগোরড কি ইপাটিয়েভোর কোনো প্রাচীন বিবরণীর আরম্ভ, কিন্তু পুঁথি লেখার ভুল আর ডাইনি-পুস্তক ও ওষাদের পুনরাবৃত্তির ফলে তা এতোটা বিকৃত হয়েছে যে তার মূল অর্থ আর একটুও অবশিষ্ট নেই। কিন্তু তা-ই যদি হয়, তাহলে কেন এই আবোলতাবোল চিত্রকল্পগুলি তার মনটাকে আঁকড়ে ধরে এমনভাবে নাড়া দিয়ে গেলো, যেন কোনো সত্য ঘটনার কথা বলা হচ্ছে?

...অর্ধেক অনাবৃত ছিলো লারার ঝাঁক কাঁধ। যেন কোনো গোপন সিন্দূকের চাবি ঘুরে গেলো, এমনিভাবে তলোয়ার উঠে চিরে দিলে তার কাঁধের হাড়, আর অমনি খুলে গেলো তার আত্মার দেবরাজ, গোপন ব’লে যা-কিছু তার ছিলো সব প্রকাশ ক’রে দিলো। আশ্চর্য সব শহরের স্থিতি, গ্রাম, রাস্তা, ঘর-বাড়ি সব স্থিতি চলচ্চিত্রের মতো ভাঁজের পর ভাঁজ খুলে বেরিয়ে এলো, লাটাই থেকে ক্ষিতের মতো দ্রুত বেরিয়ে এলো তারা, এলোমেলো।

কী তীব্র সে তাকে ভালোবাসে, আর কী যোগ্য তারা তার ভালোবাসার—ঠিক যেমন সে চিরকাল ভেবেছে, ঠিক যেমন সে চেয়েছে, স্বপ্নে, চিন্তায়, জীবনে, অবিকল তা-ই, শুধু তা-ই। এতো লাভাণ্য কে দিলে

তাকে ? তা কি এমন কিছু যার কোনো নাম দেওয়া যায় ? তা কি কোনো বিশেষ গুণ, যাকে গুণের তালিকা থেকে আলাদা ক'রে নেওয়া যায় ? না, না, হাজারবার না ! তুলনাহীন সেই সরল আর দ্রুত রেখা, যা দিয়ে এক টানে স্রষ্টা রচনা করলেন তাকে ; আর তা-ই একমাত্র তা-ই তার সৌন্দর্যের কারণ । স্নান করাবার সময় যে-ভাবে কোনো শিশুকে চাদরে জড়িয়ে নেওয়া হয়, ঠিক তেমনি সেই স্বর্ণীয় রেখায় সম্পূর্ণ ক'রে, ইউরির আত্মার কাছে তাকে তুলে দেওয়া হলো ।

আর এখন—এখন কী ঘটছে তার নিজের মধ্যে ? কোথায় সে আছে এখন ? না, সাইবেরিয়ার এক জঙ্গলে পার্টিজানদের সঙ্গে, যাদের ঘিরে ফেলা হয়েছে চারদিক থেকে, যে-নিয়তির অংশ তাকেও নিতে হবে । কী অবিশ্বাস, কী অযৌক্তিক এই সংকট । মাথার ভেতর কুয়াশা নেমে এলো, কুয়াশা নামলো তার চোখে । সব ঝাপসা হ'য়ে গেলো । প্রত্যাশিত তুষারপাতের বদলে মুহূর্তে নেমে এলো গুঁড়ি-গুঁড়ি বৃষ্টি । শহরের রাস্তার এ-মাথা থেকে ও-মাথা পর্যন্ত কেউ মস্ত এক নিশেন উড়িয়ে দিলে যেমন হয়, তেমনি বনের কাছে সেই খোলা জায়গার এ-প্রান্ত থেকে ও-প্রান্ত পর্যন্ত এক অতিকায়, বিস্ময়কর, অদ্বিতীয় দেবী-প্রতিমার মুখ শূন্য ভেসে উঠলো । কাদলো সেই মূর্তি, বৃষ্টি তাকে চুষন ক'রে তার ওপর জল ঝরিয়ে দিলো ।

‘এবার যা,’ ডাইনি বললে আগাথাকে । ‘মন্ত্র প'ড়ে দিয়েছি তোমার গোকুর জন্তে, আন্তে-আন্তে সেরে উঠবে । ঠাকুরের মায়ের পায়ে পেলাম ঠুকিস, তাঁরই মধ্যে আলো, তাঁরই মধ্যে বাসা বেঁধে আছে জ্যান্ত অক্ষরে লেখা বই ।’

৮

লড়াই চলছিলো ‘টায়িগা’র পশ্চিম কিনারে । কিন্তু ‘টায়িগা’টি মস্ত ব'লে এই সংঘর্ষগুলিকে সব সময়েই সেই এলাকারই সীমান্তযুদ্ধ ব'লে মনে হয় ; ক্যাম্পটা তার ঠিক মাঝখানে লুকোনো, তার জনসংখ্যা এতো যে যতোজনই লড়াই করতে থাক না, সর্বদাই মনে হয় আরো ঢের বেশি লোক র'য়ে গেছে ।

সুদূর যুদ্ধের চ্যাচামেচি কচিং পৌছয় ক্যাম্পে। আচমকা একদিন জঙ্গলের ভেতর কয়েকটা গুলির শব্দ গ'র্জে উঠলো, তারপর চোখের পলকে তা ভ'রে গেলো অবিচ্ছিন্ন গুলিবর্ষণের দ্রুত ও কর্কশ শব্দে। লোকেরা চকিত হ'য়ে উঠে দাঁড়ালো, দ্রুত ছুটলো তাঁবু অথবা ওয়াগনের দিকে ; সবাই একসঙ্গে হাতিয়ার সংগ্রহের চেষ্টা করতে গিয়ে চারদিকেই বিশৃঙ্খলা জা'গিয়ে তুললো।

পরে প্রমাণ হ'লো বিপদসংকেতটি মিথ্যে। কিন্তু ততোক্ণে যেদিক থেকে গুলির শব্দ এসেছিলো, পার্টিজানেরা দলে-দলে সেদিকে ছুটে গিয়েছে।

হাত-পা কাটা রক্তাক্ত একটা মানুষের ধড় মাটিতে প'ড়ে আছে—সবাই তাকে ঘিরে দাঁড়ালো। লোকটির বাঁ পা আর ডান হাত উড়ে গিয়েছে। কো'রে যে সে তার ঐ বাকি শরীরটুকু টেনে হিঁচড়ে ক্যাম্পে এসেছে তা কল্পনাই করা গেলো না। তার ছিন্ন হাত আর পায়ের একটু অংশ তখনো তার পিঠে বাঁধা, ভীষণ রক্তপাতের চিহ্ন তার সর্বত্র, সেই সঙ্গে ছোট্ট একটা কাঠের তক্তাও দেখা গেলো ; লম্বা এক বিজ্ঞপ্তি তাতে উৎকীর্ণ, এস্তার গালি-গালাজসমেত তাতে বলা হয়েছে যে লাল ফৌজের অমুক-অমুক বাহিনী ঠিক এই জাতীয় নৃশংসতা করেছিলো ব'লে এইভাবে প্রতিশোধ নেওয়া হ'লো—যে-বাহিনীর কথা তাতে লেখা, আরণ্যক ব্রাহ্মত্বের সঙ্গে তার কোনোই সম্পর্ক নেই। তাতে আবার এটাও যোগ করা ছিলো যে অমুক তারিখের মধ্যে যদি পার্টিজানেরা সবাই আত্মসমর্পণ ক'রে জেনারেল ভিটসিনের বাহিনীর হাতে সব অস্ত্রশস্ত্র তুলে না দেয়, তাহ'লে তাদেরও এমনি দশা হবে।

ভিটসিনের তদন্ত ও পিটুনি সেপাইরা নির্ধাতন ও নরহত্যার কী-রকম তাগুব চালিয়ে যাচ্ছে, অবিশ্রাম রক্তপাতে মুর্ছিতের মতো প'ড়ে থাকলেও থেমে-থেমে ক্ষীণ গলায় মুমূর্ষু লোকটি তা এক-এক ক'রে বলে গেলো। তার নিজের প্রাণদণ্ডাজ্ঞা নাকি রদ করা হয়েছিলো ; যাতে তাকে ক্যাম্পে পাঠিয়ে পার্টিজানদের ভেতর ভয় ঢুকিয়ে দেওয়া যায়, সেইজন্য তাকে ফাঁসিকাঠে না-ঝুলিয়ে তারা তার হাত-পা কেটে নিয়েছে। পার্টিজানদের বাঁটির কাছাকাছি পর্ষস্ত তারা ব'য়ে নিয়ে এসেছিলো তাকে, তারপর তাকে

নামিয়ে দিয়ে বৃকে হেঁটে ষাবার ছকুম দিলে, বারে-বারে বন্দুকের ফাঁকা আওয়াজ ক'রে তাকে উশকে তুলতে লাগলো।

ঠোট প্রায় নাড়তেই পারছিলো না লোকটি। তার চারপাশের লোকেরা তার কথা শোনার জন্য তার ওপর ঝুঁকে পড়লো। বলছিলো সে :

‘শোনো, কমরেডরা। সে কিন্তু জোর ক'রে ঢুকে পড়েছে।’

‘দলে-দলে টহলদারী সেপাই বেরিয়ে পড়েছে। মস্ত লড়াই চলেছে এখন। ওকে আমরা ধরবো।’

‘একটা ফাঁকা জায়গা আছে ওদিকে। আচমকা তোমাদের ওপর ঝাঁপিয়ে পড়তে চায় সে। আমি জানি আর কথা কইতে পারছি না, বন্ধুরা। এবার গেলাম।’

‘একটু জিরিয়ে নাও। এই, চেষ্টা করো না।—দেখছো না ওর কষ্ট হচ্ছে—কমাই কোথাকার।’

আবার বলতে শুরু করলো লোকটি :

‘ভয় দেখাতে চাচ্ছিলো আমাকে, ব্যাটা শয়তান! বলেছিলো . “যদি না বলিস তুই কে, তাহলে তোকে নিজের রক্তে নাইতে হবে।” কিন্তু কী ক'রে আমি তাকে বলি যে, আমি এক দলছুট সেপাই—সত্যি তাই? তার হাত থেকে পালিয়ে তোমাদের কাছে আসছিলাম আমি।’

‘শুধুই বলছো—সে, সে। কে সে, যে তোমাকে ভয় দেখাচ্ছিলো?’

‘একটু দম নিতে দাও...সব বলছি একে-একে। কাপ্তানটি হ'লো বেকেশিন। আর ষ্ট্রেসে হলেন কর্নেল। ভিটসিনের লোক ওরা। ওরা যে কেমন, তা তোমরা এখানে জানো না। সারাটা শহর যন্ত্রণায় কাৎরাচ্ছে। জ্যান্ত সেদ্ধ ক'রে ফ্যালাে সবাইকে। ফালি-ফালি ক'রে কেটে ফ্যালাে মাছ। ঝুঁটি ধ'রে টেনে নিয়ে ভেতরে ঢোকায়, এতো অন্ধকার যে বোঝাই যায় না কোথায় আছি। অন্ধকারে হাংড়ে-হাংড়ে শেষে বোঝা যায় যে একটা রেলের বগির ভেতর খাঁচায় পুরে দিয়েছে। চল্লিশজনেরও বেশি লোক হবে খাঁচাটার, সবাই নেংটি প'রে আছে। একটু পরে-পরেই এসে দরজা খুলে থাকে সামনে পায় তাকেই পাকড়ে নিয়ে চ'লে যায়—আর যাওয়া মানেনই যাওয়া। যেমনভাবে জবাই করার সময় মুগিকে ধ'রে নেয়, তেমনি

এসে নিয়ে যায় টেনে-হিঁচড়ে। ঠাকুরের দিবিয়া—সব সত্যি বলছি। কাউকে ফাঁসিকাঠে ঝোলায়, কাউকে পেটায় লোহার ডাঙা দিয়ে, আবার কাউকে বা জেরা করে। মেয়ে পাট ক'রে দেয়, ফালি-ফালি ক'রে কেটে ছুন ছিটিয়ে দেয় কাটা ঘায়ে, টগবগে গরম জল ঢেলে দেয় গায়ে। বুঝি করলে কি পাইখানা করলে জোর ক'রে তা খাইয়ে দেয়। আর বাচ্চাদের আর মেয়েদের যে কী করে—হা ঠেংখর !'

নাভিখান উঠলো বেচারার। একবার যন্ত্রণায় চীৎকার ক'রে উঠে, তার বিবৃতি শেষ না-করেই ম'রে গেলো। তক্ষুনি তা বুঝতে পারলো সবাই, মাথার টুপি খুলে ফেলে নিজেদের গায়ে ক্রুশচিহ্ন আঁকলো।

সেদিনই সন্ধ্যে নাগাদ এর চেয়েও ভয়াবহ আর-একটি ঘটনার খবর ক্যাম্পে ছড়িয়ে গেলো।

মুম্বু লোকটির চারপাশে যে-ভিড় জমেছিলো, তার মধ্যে পাম্ফিলও ছিলো। স্বচক্ষে সে দেখেছিলো তাকে, স্বকর্ণে শুনেছিলো তার কথা, পড়েছিলো সেই ভয়-দেখানো বিজ্ঞপ্তি।

সে ম'রে গেলে তার পরিবারের কী দশা হবে, এই ভয় আবার নতুন ক'রে চরমে উঠলো পাম্ফিলের। কল্পনায় সে স্পষ্ট দেখতে পেলো তিলে-তিলে যন্ত্রণা দেওয়া হচ্ছে তাদের, কষ্টে তাদের মুখ-চোখ দুমড়ে যাচ্ছে, কাংরে উঠছে তারা, প্রাণের ভয়ে চৈতিয়ে উঠছে দয়ার জগ্ন। অসহ্য উৎকর্ষার চাপে সে চাইলো তাদের আর তার নিজের ভাবী যন্ত্রণা শেষ ক'রে দিতে। অগত্যা নিজের হাতেই তাদের বধ করলো সে—ক্ষুরের মতো ধারালো কুড়ুল দিয়ে কেটে ফেললো তার বোঁকে, আর তিন-তিনটে ছেলেমেয়েকে। ঐ কুড়ুল দিয়েই সে কাঠের খেলনা তৈরি করেছে তার দুই মেয়ে আর অতি আদরের ছোটো ছেলেটির জগ্ন।

সবচেয়ে আশ্চর্যের কথা এই যে পাম্ফিল নিজে আত্মহত্যা করলেন না। সে কি অল্প উপায়ের কথা ভাবছে—ভেবে অবাক হ'লো ইউরি। আর কিসের প্রত্যাশা করছিলো সে? আর কোন উদ্দেশ্য ছিলো তার, কোন পরিকল্পনা, তার জীবন যে শেষ হ'য়ে গেছে, এটা তো স্পষ্ট। আর এটাও স্পষ্ট যে সে বন্ধ উন্মাদ হ'য়ে গেছে।

লিবেরিয়ান, ইউরি আর সমর-পরিষদের অন্তান্ত সভ্যরা যখন তাকে নিয়ে কী করা যায় আলোচনা করতে বসলো, সে তখন স্বাধীনভাবে ক্যাম্পের চারপাশে ঘুরে বেড়াচ্ছে ; মাথা ঝুঁকে পড়েছে বৃকের ওপর, ঘোলাটে হলদে চোখ দুটো জ্বলজ্বল করছে অস্বাভাবিকভাবে, আর অমাহুষিক অপরাজেয় এক বেদনা যেন নির্জীব ও অস্পষ্ট হাসির রেখা ফুটিয়ে তুলেছে তার মুখে—যা আর কখনো তাকে ছেড়ে যাবে না।

কেউ বেদনাবোধ করলে না তার জন্ত। সবাই তাকে এড়িয়ে-এড়িয়ে চলতে লাগলো। কেউ কেউ বললো, কোনো বিচার না-ক'রেই ওকে সোজা মেরে ফেলা হোক, কিন্তু এই মতের সমর্থক পাওয়া গেলো না।

আর-কিছুই তার করার ছিলো না পৃথিবীতে। সকালবেলা সে ক্যাম্প ছেড়ে উধাও হ'য়ে গেলো, পাগলা কুকুরের মতো পালাতে চাইলো নিজের কাছ থেকে।

৯

কড়া শীত এলো ধারালো বরফ নিয়ে। আপাতবিচ্ছিন্ন ছেঁড়া-ছেঁড়া শব্দ আর ছায়ামূর্তি ভেসে উঠলো তুহিন কুয়াশায়—একটুকুণ তারা স্থির হ'য়ে দাঁড়ায়, তারপর কৈপে ছড়িয়ে প'ড়ে মিলিয়ে যায়। যাকে দেখে পৃথিবী অভ্যস্ত, এ যেন সেই স্বর্ঘই নয়, বরং যেন তার কোনো-এক নকল। গোল, লাল বলের মতো সে বুলে থাকে বনে, আর—যেন স্বপ্ন, যেন রূপকথা—এমনভাবে অনমনীয় ধীরতায় ছড়িয়ে পড়ে অস্থির পাথরের মতো হলুদ আলোকরেখা, মধু-র মতো পুরু সেই রশ্মিগুলো আটকে যায় গাছে-গাছে, তারপর তাদের সঙ্গেই জমাট বেঁধে যায় মধ্য-শুভ্রে।

তলার নরম প্যাড-লাগানো পশমি জুতোয় ঢাকা অদৃশ্য পা আন্তে নরমভাবে মাটি ছুঁয়ে সব দিকে ন'ড়ে বেড়ায়, অথচ প্রত্যেক পদক্ষেপে খচমচ ক'রে ওঠে রাগি বরফ ; এই সব পায়ের মালিক যারা, সেই কান-মাথা-ঢাকা লোমের জ্যাকেট পরা দেহগুলো আলাদাভাবে আকাশের প্রাণীর মতো যেন ভেসে বেড়ায় হাওয়ায়।

বন্ধু-বান্ধবেরা থেমে, মুখের কাছে মুখ এনে কথা বলে ; জানের সময়কার মতো দগদগে লাল সেই মুখগুলো, গালের দাড়ি কাঁটাঝোপের মতো দেখায়। ঘন চটচটে আঠার মতো ধোঁয়া বেরিয়ে আসে তাদের মুখ থেকে, শীতে কুকড়োনো কাটা-কাটা কথার তুলনায় মুখগুলোকে বড্ড বড়ো মনে হয়।

পায়ে চলার পথে চলতে-চলতে ইউরির সঙ্গে লিবেরিয়ুসের দেখা হ'লো। তাকে দেখামাত্র ইউরি তাকে ডাক দিলে।

‘এই যে, অতিথিবর ! আমার গর্তে একবার আসবেন আজ সন্ধেবেলায়। ওখানেই থাকবেন রাত্তিরে। অনেক কথা আছে। তা ছাড়া খবরও আছে কিছু।’

‘আর্দালি কিরেছে নাকি ? ভারিকিনোর কোনো খবর এলো ?’

‘আপনার বা আমার আত্মীয়স্বজনের কোনো খবর নেই। তা থেকে অবশ্য আমি এই ভরসা পাচ্ছি যে তারা নিশ্চয়ই সময়মতো পালাতে পেরেছে, নয়তো কোনো-না কোনো খবর পাওয়া যেতো। রাত্রে এ-বিষয়ে কথা বলবো। আপনার জন্ত অপেক্ষা করবো কিন্তু।’

সন্ধেবেলায় দেখা করতে এসে ইউরি আবার তার প্রশ্ন করলে :

‘কী খবর ওদের ? কী শুনেছেন আপনি, শুধু এটুকু আমাকে ব'লে দিন।’

‘নিজেরটা নিয়েই ব্যস্ত আছেন দেখছি। যতদূর জানি, তারা বেশ নিরাপদেই আছে, বহাল-তব্বিতে। কিন্তু আসল কথা হ'লো খুব ভালো-ভালো খবর পাওয়া যাচ্ছে। ঠাণ্ডা ভীল* আছে—খাবেন ?’

‘না, ধন্যবাদ। এবার সব খুলে বলুন দেখি, অল্প কথা তুলবেন না যেন।’

‘একটুও খাবেন না ? ঠিক ? আমি কিন্তু এক কামড় খেয়ে নিচ্ছি। অবশ্য রুটি আর শাকসব্জি—এ-সবই আমাদের বেশি দরকার এখন। খুব বেরি-বেরি হচ্ছে। শীতের আগে আরো বাদাম আর জাম জমিয়ে রাখা উচিত ছিলো—মেয়েরা ছিলো, ওরা তুলে দিতো। ই্যা, যে-কথা বলছিলাম। আমাদের অবস্থা এখন চমৎকার ! সব সময়েই যে-ভবিষ্যদ্বাণী করতাম, তা সত্যি হ'তে চলেছে এবার। ফাঁড়া কেটে গেছে। কোলচাকের বাহিনী

*Veal = বাচ্চের মাংস। —অনুবাদের টীকা

পেঁচিয়ে যাচ্ছে সব দিক থেকে। ছত্রভঙ্গ হ'য়ে পড়ছে তারা। এবার দেখলেন তো? কী বলতাম আপনাকে সব সময়? মনে আছে কী-রকম বিলাপ করতেন আপনি?’

‘আমি আবার কখন বিলাপ করতাম?’

‘আগাগোড়াই তো তা-ই করছেন। বিশেষত ভিটসিন যখন আমাদের চেপে ধরেছিলো, তখন।’

আবার সেই হেমন্তের স্মৃতি ফিরে এলো ইউরির মনে; বিদ্রোহীদের গুলি ক'রে মারা, পামফিলের স্ত্রী-পুত্র হত্যা, অর্থহীন খুনোখুনিতে ভরা বিরাট বিশৃঙ্খলা তার সীমাহীন ধারাবাহিকতা নিয়ে তার মনে ভিড় ক'রে এলো। শাদা আর লাল দুই দলের নৃশংসতা প্রতিযোগিতা করছে পরস্পরের সঙ্গে—বর্বরতা আরো বর্বরতার জন্ম দিচ্ছে। তার নাকে, তার গলায়—সর্বত্র রক্তের গন্ধ; এই গন্ধ তার দম বন্ধ ক'রে দিলে যেন; গা গুলিয়ে উঠলো বমির বেগে, মাথায় যেন ঘোর লাগলো, ঝাপসা দেখলো চোখে। না, না, বিলাপ নয়, একেবারে ভিন্ন ব্যাপার, কিন্তু লিবেরিয়ুসকে তা সে বোঝায় কী ক'রে?

মশাল জ্বলছে গর্তটিতে, ধাতুর বাতিদানের ওপর বসানো জলন্ত কাঠ আসলে। কাঠকয়লার স্বগন্ধ ছড়িয়ে পড়ছে তা থেকে। কাঠটা পুড়ে যেতেই তলার জলপাত্রে ছাই প'ড়ে গেলো; নতুন আর-একটা কাঠ জালিয়ে দিলো লিবেরিয়ুস।

‘দেখলেন তো কী জ্বালাতে হয় আমাকে? তেল আর একটুও নেই। এদিকে কাঠ তো শুকিয়ে খটখটে হ'য়ে আছে, চটপট ছাই হ'য়ে যায়। সত্যি, একটুও মাংস খাবেন না? দিই একটু? হ্যাঁ, ঐ বেরি-বেরির কথা। আপনি দেরি করছেন কেন বলুন তো? আপনি মীটিং ডেকে বেরি-বেরির চিকিৎসা বিষয়ে বক্তৃতা দিতে চান?’

‘ঈশ্বরের দোহাই, এভাবে কষ্ট দেবেন না আমাকে। বাড়ির লোকেদের খবর ঠিক কী জানেন, তা-ই বলুন।’

‘মে তো বললাম আপনাকে। নিশ্চিত কোনো খবর পাওয়া যায়নি। কিন্তু অবশেষে কী খবর এসেছে, তা এখনো বলিনি আপনাকে। গৃহযুদ্ধ শেষ হ'য়ে গেছে। একেবারে নিশ্চিহ্ন হ'য়ে গেছে কোলচাক। লাল ফৌজের

প্রধান অংশ তার গেছনে ছুটেছে, পুঁবমুখো ধাওয়া ক'রে নিয়ে যাচ্ছে তাকে, রেল-লাইন ধ'রে সোজা সমুদ্রের দিকে। আরেক ভাগ এদিকে ছুটে আসছে, এবার আমরা সবাই এক জোট হ'য়ে শাদাদের যে-অংশ নানাদিকে টুকরো-টুকরো হ'য়ে ছড়িয়ে তাদের কোণঠাসা ক'রে চেপে ধরবো। দক্ষিণ রাশিয়ার কোথাও আর শত্রু নেই। কী আপদ, তবু আপনি খুশি নন? এ-খবর বুঝি ষথেষ্ট ব'লে মনে হচ্ছে না।'

‘খুব খুশি হয়েছি আমি, কিন্তু আমাদের জ্বী-পুজেরা কোথায়!’

‘ভারিকিনোতে যে নেই, এটাই ভাগ্যের কথা। কামেনোভভস্কি আপনাকে যে-আজ্ঞাবি খবর দিয়েছিলো, সেটা বিশ্বাসযোগ্য ব'লে প্রমাণ পাওয়া যায়নি।—মনে আছে তো গত গ্রীষ্মের শুজব—ভারিকিনোর ওপর সেই রহস্যময় অজানাদের উৎপাত?—খবরটা যে বাজে, সে আমি আগেই জানতাম। কিন্তু তাহ'লেও গ্রামে আর লোক নেই। তাই মনে হয় হয়তো শেষ পর্যন্ত সত্যিই কিছু-একটা ঘটেছিলো; তারা যে সময়মতো পালাতে পেরেছে, এটা ভাগ্যের কথা—হ্যাঁ, তারা যে পালিয়ে গেছে, এটা তো স্পষ্ট। এখনো যে-কজন লোক সেখানে আছে, তাদের তা-ই ধারণা—অন্তত আমার লোকেরা এসে তো এই কথাই বললে।’

‘আর ইউরিয়্যাটিন? সেখানে কী হয়েছে? এখন সেটা কার দখলে?’

‘ওটাও আরেকটা গাঁজাখুরি গল্প। খবরটা বোধ হয় সত্যি নয়।’

‘কী খবর?’

‘তারা বলে যে শাদারা নাকি এখনো আছে দেখানে, কিন্তু তা একেবারেই অসম্ভব। দেখাচ্ছি আপনাকে, নিজেই আপনি দেখে নিন।’

আরেকটা কাঠ বাতিদানে বসালো সে, তারপর একটা ছেঁড়া ম্যাপ বের ক'রে। আলোচ্য জেলাটাকে ওপরে ধ'রে পেন্সিল-হাতে বোঝাতে লাগলো ব্যপারটা।

‘এই দেখুন। এই যে-অংশগুলো দেখছেন, শাদাদের হাঠিয়ে দেওয়া হয়েছে এ-সব জায়গা থেকে—এই—এই—এই—। সারা তল্লাটেই ওরা নেই আর। বুঝেছেন?’

‘বুঝেছি।’

‘কাজেই আর যেখানেই তারা থাকুক ইউরিয়্যাটিনের ধারে-কাছে নেই। থাকলে—রাস্তাঘাট খবরাখবর যখন বন্ধ, ধরা না-প’ড়ে আর উপায় ছিলো। ছেলেমানুষেও বোঝে এটা—আর তাদের কমাণ্ডাররা কি এতো বোকা যে বুঝবে না? আরে! কোট চাপাচ্ছেন কেন? যাচ্ছেন কোথায়?’

‘এক্সুনি আসছি। বড্ড ধোঁয়া এখানে, মাথা ধ’রে গেছে। খোলা হাওয়ায় ঘুরে আসি একটু।’

গর্তের বাইরে একটা তক্তা প’ড়ে ছিলো, মাঝে-মাঝে সেটা আসনের কাজ করে। বাইরে এসে ইউরি সেটার ওপর থেকে বরফ ঝেড়ে ফেলে হাঁটুতে কনুই ঠেকিয়ে হু-হাতে মাথা চেপে ব’সে পড়লো।

এই ‘টায়িগা’, এই শিবির, কৃষকবাহিনীতে কাটানো এই দেড় বছর সময়—সব তার মন থেকে মুহূর্তে অপসৃত হ’লো। এ-সব কথা নিশ্চিহ্নে ভুলে গেলো সে। প্রিয়জনের স্মৃতি ভিড় ক’রে এলো তার মনে, অল্প সব-কিছুকে সরিয়ে দিলে। সে ভাবতে চেষ্টা করলো কী দশা হয়েছে তাদের; একের পর এক অনেক ছবি ভেসে উঠলো তার চোখের সামনে—প্রতিটি ছবি আগেরটির চাইতে আরো বেশি ভয়াবহ।

এই বুঝি শাশাকে কোলে নিয়ে বরফের ঝড় ঠেলে এক মাঠের মধ্য দিয়ে চলেছে টোনিয়া। গভীর তুষারে পা ডুবে গেছে তার, আর ঐভাবে দাঁড়িয়ে সে বারে-বারে কবল দিয়ে ঢেকে রাখবার চেষ্টা করছে শাশাকে; গায়ের সবটুকু শক্তি প্রয়োগ ক’রে সে তুষারের ভেতর থেকে পা টেনে তুলতে চাইলো, কিন্তু ঝড় তাকে ধাক্কা দিয়ে ফেলে দিলে; টাল সামলাতে না-পেরে সে প’ড়ে গেলো। তারপর উঠে দাঁড়ালো আবার—দুর্বল তার পা, আর বুঝি দাঁড়াবার ক্ষমতা নেই। হাওয়া তাকে ক্রমাগত ঠেলছে, ঘুষি মারছে, ধাক্কা দিচ্ছে, আর বরফ তাকে আচ্ছন্ন ক’রে ফেলছে। আরে, ভুলে যাচ্ছি তো—সঙ্গে তার দু’টা বাচ্চা, শাশা আর নতুন শিশুটি। তার দুটো হাতই ব্যস্ত তাদের নিয়ে—চিলিমকার সেই পলাতকদের মতো সেও দুঃখে উষ্মেগে উৎকর্ষায় ভেঙে পড়ছে, এবার সে পাগল হ’য়ে যাবে, আর সহ্য হয় না।

টোনিয়ার দুই হাতই জোড়া, অঞ্চ কাছে-পিঠে এমন কেউ নেই যে তাকে সাহায্য করে। শাশার বাবা তো অদৃশ্য হ’য়ে গেছেন—কেউ জানে

না তিনি কোথায়। দূরে সে, চিরকালই সে দূরে রয়েছে, সারা জীবন সে তাদের কাছ থেকে দূরে স'রে আছে। কেমনতরো বাবা সে? কোনো সত্যিকার বাবা কি পারতো এমনভাবে দূরে স'রে থাকতে? আর টোনিয়ার নিজের বাবারই বা কী হ'লো? আলেকজান্ডার আলেকজান্ডারিভিচ কোথায়? আর নিউশা? অগু যারা ছিলো, তারা? জিজেস না-করাই ভালো, না-ভাবাই ভালো এ-বিষয়ে।

ইউরি উঠে দাঁড়িয়ে গর্তে ঢোকার জন্তু দাঁড়ালো। হঠাৎ এমন সময় অগু কথা মনে পড়লো তার, সে মনস্থির ক'রে নিলো, আর সে ফিরবে না লিবেরিয়ুসের কাছে।

তার স্ত্রী, এক ব্যাগ বিস্কুট, এবং আরো কতগুলো জিনিস—সব সে অনেক দিন আগে লুকিয়ে রেখেছিলো এক গোপন জায়গায়, যদি কোনো দিন পালাবার স্বযোগ আসে, তখন কাজে লাগবে। ক্যাম্পের ঠিক বাইরেই এক মস্ত পাইনগাছের তলায় বরফের ভেতরে সে পুঁতে রেখেছিলো ওগুলো। গাছটা খুঁজে বের করতে যাতে ভুল না-হয়, সেজন্তু গাছের গায়ে দাগ কেটেও দিয়েছিলো। এবার সে ফিরে চললো সেদিকে; যেখানে সে পুঁতে রেখেছে তার সম্পত্তি, চললো সে সেদিকে পায়ের-চলার পথ ধরে।

পূর্ণিমার চাঁদ উঠেছে আকাশে, রাতটি স্বচ্ছ। সান্স্টিরা কোথায় দাঁড়িয়ে পাহারা দেয়, তা সে জানতো। প্রথমে কিছুক্ষণ সে সহজেই এড়িয়ে গেলো তাদের। কিন্তু সেই টিলা আর জামগাছওলা খোলা জায়গাটার কাছে আসতেই একজন টহলদারি সান্স্টি তাকে চেষ্টা করে ডাকলে, তারপর স্ত্রীর ওপরে সোজা হ'য়ে দাঁড়িয়ে দ্রুত চলে এলো তার কাছে:

‘হকুমদার! না থামো তো গুলি করবো। কে তুমি? ইশারা!’

‘তোমার আবার হ'লো কী হঠাৎ? চেনো না আমাকে? আমি ক্যাম্পের ডাক্তার, জিভাগো।’

‘দুঃখিত, কমরেড ডাক্তার। চিনতে পারিনি ব'লে দোষ নেবেন না। কিন্তু ডাক্তার হোন আর যা-ই হোন, আপনার এগোনো চলবেন না। হকুম হচ্ছে হকুম।’

‘যা তুমি ভালো বোঝো। ইশারা হ'লো “লাল সাইবেরিয়া” আর জবাব—“দালালদের নিপাত হোক”।’

‘এই তো বেশ বলেছেন। আচ্ছা, চ’লে যান তাহ’লে। কিন্তু এতো রাস্তিরে কিসের পেছনে ছুটছেন? কারো অস্থখ?’

‘বড্ড তেঁটা পেয়েছে, ঘুমোতে পারছি না। তাই ভাবলাম বাইরে খোলা হাওয়ায় বেড়িয়ে একটু বরফ খেয়ে আসি। তারপরেই হঠাৎ বরফ-ঢাকা জামগাছটা চোখে পড়লো। গিয়ে কয়েকটা জাম তুলে আনবো।’

‘ভদ্রলোকদের বোকামি তো একেই বলে! শীতের সময় জাম পেড়ে আনার কথা কে কবে শুনেছে! তিন বছর ধ’রে ভদ্রলোকদের মগজ থেকে এ-সব বাজে ব্যাপার ঝেঁটিয়ে তাড়াবার চেষ্টা করছি, কিন্তু ওদের আর বদল নেই। যাকগে, যান মশাই, গিয়ে আপনার জাম পেড়ে আনুন, ডাহা উন্মাদ। আমার কী?’

যেমন দ্রুত সে এগোচ্ছিলো, তেমনি দ্রুত চ’লে গেলো সাস্তীটি—সোজা বুক টান ক’রে দাঁড়ালো সে তার লম্বা স্বীর ওপর, তারপর পায়ের ছাপ-না-পড়া তুষাররাশির ওপর দিয়ে মিলিয়ে গেলো দূরে, পেরিয়ে গেলো পাংলা চুলের চেয়েও হৃদয় শীতের ঝোপঝাড়।

এই মাত্র যে-জামগাছের সে নাম বললে, পায়ে-চলা পথ ধ’রে ইউরি সেই গাছের তলায় পৌঁছলো।

অর্ধেকটা তার বরফ-ঢাকা, বাকি অর্ধেকটা ছেয়ে আছে জ’মে-বাওয়া জামে আর পাতায়। দুই শাদা ডাল সে বাড়িয়ে দিয়েছে আমন্ত্রণের ভঙ্গিতে। লারার দৃপ্ত দুই শ্বেত বাহুর কথা তার মনে প’ড়ে গেলো, আঁকড়ে ধরলো সে ডাল দুটিকে, টেনে নিয়ে এলো তার কাছে। যেন তার ডাকে সাড়া দিয়ে গাছটি তুষার ঝরিয়ে দিলো তার গায়ে। অর্থহীনভাবে সে ফিশফিশ ক’বে ব’লে উঠলো :

‘পাবোই আমি তোমাকে, প্রিয়া আমার, আমার রূপসী, আমার জামগাছ, আমার প্রাণ।’

স্বচ্ছ রাত্রির আকাশে পূর্ণিমার চাঁদ জেগে আছে। ‘টায়িগা’র আরো ভেতরে গিয়ে ঢুকলো সে, চিহ্নিত গাছটার কাছে গিয়ে খুঁড়ে বার ক’রে নিলো তার সব জিনিস, তারপর ক্যাম্প ছেড়ে চ’লে গেলো।

পরিচ্ছেদ ১৩

স্বস্ত-ভবনের উল্টোদিকে

ইউরিয়্যাটিন শহরের প্রধান অংশের বাড়ি আর গির্জাগুলির ধার দিয়ে একে-বেকে ঢালু হ'য়ে যে-রাস্তাটি গড়িয়ে গেছে তার নাম মার্চেন্ট স্ট্রীট।

ভারবাহী নারীমূর্তি নিয়ে একটি ছাইরঙা বাড়ি দাঁড়িয়ে আছে একটি। বাইরের দিকের মস্ত চৌকো পাথরগুলোর নিচের অংশ সজ-লাগানো সরকারি খবরের কাগজে আর ঘোষণাপত্রে কালো হ'য়ে আছে। লোকেরা ছোটো-ছোটো দল বেঁধে দাঁড়িয়ে আছে তার সামনে, নিঃশব্দে পড়ছে কাগজগুলো।

কিছুদিন আগে তুমারবৃষ্টি হ'য়ে গেছে, এখন আবহাওয়া শুকনো আর কুয়াশাচ্ছন্ন। আজ এখনো বেলা পড়েনি, অথচ কিছুদিন আগেও এমনি সময়ে অন্ধকার নেমে আসতো। শীত চ'লে গেছে; তার জায়গা নিয়েছে আলো—সন্ধে পর্যন্ত রেশ থাকে তার। উত্তেজক, আশঙ্কাজনক, ভীতিকর এই আলো।

শাদা পল্টন চ'লে গেছে, শহর দখল ক'রেছে লালেরা। শেষ হয়েছে যুদ্ধের ভয়াবহতা, গোলাবর্ষণ আর রক্তপাত। শীতঋতুর সমাপ্তি ও বসন্তের দীর্ঘতার মতো সেটাও আশঙ্কাজনক।

দেয়ালে আঁটা একটি ইস্তাহার, দীর্ঘতর দিনের আলোয় যা এখনো পড়া যাচ্ছে, তা ঘোষণা করছে :

‘ইউরিয়্যাটিন নোভিয়েটের খাতদপ্তরে শ্রমিক-পত্র প্রাপ্তব্য; মূল্য ৫০ রুবল; ঠিকানা: ৫ নং অক্টোবর স্ট্রীট (পূর্বে গবর্নর-জেনারেল স্ট্রীট), ২৩৭ নং কামরা। শুধু যোগ্য ব্যক্তিদেরই এই পত্র দেওয়া হইবে।’

‘শ্রমিক-পত্র যাহার নাই, অথবা যে কেহ এই পত্রে সমস্ত জ্ঞাতব্য তথ্য লিপিবদ্ধ করে নাই অথবা ইহা হইতেও গুরু অপরাধ, যদি কেহ অসত্য তথ্য লিপিবদ্ধ করিয়া থাকে, তাহা হইলে সে-ব্যক্তি যুদ্ধকালীন বিধান অনুযায়ী কঠিনতম দণ্ডে দণ্ডিত হইবে। ইউরিয়্যাটিন কর্মসমিতির পত্রিকার এই বৎসরের ৮৬,৬০১৩) নং সংখ্যায় শ্রমিক-পত্র ব্যবহারের সঠিক নিয়মাবলী সবিস্তারে প্রকাশিত হইয়াছে এবং ইউরিয়্যাটিন খাণ্ডদপ্তর, ১৩৭ নং কামরায় জনসাধারণের জ্ঞাতার্থে বিজ্ঞাপিত হইয়াছে।’

আরেকটি ইস্তাহার ঘোষণা করেছে যে শহরে খাণ্ড-সরবরাহ প্রচুর। বুর্জোয়াদের এই মর্মে অভিযোগ করা হয়েছে যে তারাই এই খাণ্ড মজুত রাখছে; উদ্দেশ্য, বন্টনের অব্যবস্থার ফলে আরজকতা সৃষ্টি করা। এইভাবে শেষ হয়েছে ঘোষণা পত্রটি: ‘যাহাকে মজুত করিতে দেখা যাইবে তাহাকে তৎক্ষণাৎ হত্যা করা হইবে।’ তৃতীয় ঘোষণাপত্রটি এই:

‘যাহারা শোষণক্রেণীর অন্তর্ভুক্ত নহেন তাঁহাদের ক্রেতা-সমিতির সদস্য হইবার অধিকার দেওয়া হইল। এই বিষয়ে অপরাপর জ্ঞাতব্য খাণ্ডদপ্তর, ইউরিয়্যাটিন সোভিয়েট, ৫ অক্টোবর স্ট্রীট (পূর্বে গবর্নর-জেনারেল স্ট্রীট) ১৩৭ নং কামরায় জানা যাইবে।’

সেনাবিভাগের সদস্যদের সাবধান ক’রে দেওয়া হয়েছে:

‘যে-কেহ তাহার অধিকারভুক্ত অস্ত্রশস্ত্র সরকারকে সমর্পণ করিতে অসমর্থ হইবে, অথবা নূতন অনুমতিপত্র ব্যতীত শস্ত্র অবস্থায় অবস্থান করিবে, তাহাকে আইন অনুসারে কঠিনতম দণ্ড দেওয়া হইবে। নূতন অনুমতিপত্র ইউরিয়্যাটিন বিপ্লবী-সমর-সমিতি, ৬ অক্টোবর স্ট্রীট, ৬৩ নং কামরায় প্রাপ্য।’

২

সেই বাড়িটির সামনেকার ভিড়ে এসে যোগ দিলে একজন হাঙাতে বুনো চেহারার লোক, ধুলোবালিতে কালো হ’য়ে গেছে গায়ের রং, লাঠির আগায় একটি বার্চ-ছালের তৈরি থলে ঝোলানো। মাথাভরা লম্বা চুল তার, এখনো শাদার ছিটে লাগেনি, কিন্তু খোঁচা-খোঁচা লালচে দাড়ি ধূসর হ’য়ে

আসছে। লোকটি ডাক্তার ইউরি জিভাগো। তার পশমি কোটটি নিশ্চয়ই রাস্তায় খুলে নেওয়া হয়েছিলো তার গা থেকে, বা খাবারের জন্তু নিজেই বাঁধা দিয়েছে। গায়ের পাংলা, ছেঁড়া, হাতা-কাটা জামাটি নিশ্চয়ই অন্য কারো সঙ্গে বদল করেছিলো।

ধলিতে প'ড়ে আছে শুধু কুটির টুকরো, যা শহরতলির এক গ্রামে কেউ ভিক্ষে দিয়েছিলো তাকে, আর এক টুকরো শুয়োরের মাংসের চর্বি। আরো আগেই ইউরিয়াটিনে পৌঁচেছে, কিন্তু শহরের উপকণ্ঠ থেকে মার্চেন্ট স্ট্রিটের এই কোনায় আসতে পুরো এক ঘণ্টা সময় লাগলো তার; এতো দুর্বল সে, গত কয়েকদিনের পথ চলা তাকে এমন ক্লান্ত ক'রে দিয়েছে। মাঝে-মাঝেই থেমে পড়েছে, যে-শহরকে আবার কখনো দেখতে পাবার আশা তার ছিলো না, হাঁটু ভেঙে ব'সে সেই শহরের পাথরকে চুষন করা থেকে নিজেকে জোর ক'রে বিরত করেছে; বন্ধুকে পাওয়ার মতো এই শহরকে দেখতে পেয়ে স্বখে ভ'রে গেছে তার মন।

সাইবেরিয়ার মধ্য দিয়ে পায়ে হেঁটে যতোটা এসেছে, তার প্রায় অর্ধেকটা রাস্তাই রেলপথ অনুসরণ করেছে সে—সারা রেল-পথ এখন অকেজো, অবহেলিত ও তুষারচ্ছন্ন। শাদাদের দ্বারা পরিত্যক্ত ট্রেনগুলো একের পর এক দাঁড়িয়ে আছে অব্যবহৃত অবস্থায়, কোলচাকের পরাজয়, কয়লার অভাব আর তুষারপতনের ফলে তাদের চলাচল বন্ধ হয়েছে। মাইলের পর মাইল জুড়ে, নিরবিচ্ছিন্ন বরফে ডুবে যেন চিরকালের মতো শুক্ক হ'য়ে আছে এই সব ট্রেন। এর মধ্যে কোনো-কোনোটা সশস্ত্র ডাকাতদলের দুর্গের কাজ করছে, লুকোনার জায়গা হয়েছে পালিয়ে-যাওয়া চোর, গুণ্ডা অথবা রাজনৈতিক আশ্রয়প্রার্থীদের; তখনকার দিনে এরাই ছিলো অনৈচ্ছিক বাড়িগুলোর দল। কিন্তু বেশির ভাগ ট্রেনই পরিণত হয়েছে সমবায়-কবরখানায়। ঠাণ্ডায় ও টাইফাসে যারা ম'রে গেছে তাদের সর্বজনীন কবরের কাজ করেছে। রেল-পথের ধার জুড়ে তখন উদ্গম হ'য়ে উঠেছে টাইফাস, উজোড় হ'য়ে যাচ্ছে আশেপাশের গ্রামের পর গ্রাম।

‘মামুষই মামুষের কাছে নেকড়ে বাঘ,’ এ-কথা যদি কখনো সত্য হ'য়ে থাকে তাহ'লে সে-সময়েই হয়েছিলো। এক বাত্মী অপর বাত্মীকে দেখলে জিভাগো—৩৪

পালিয়ে গেছে, পাছে অচেনা লোকটি তাকে খুন করে সেই ভয়ে অনেকে আগেই খুন ক'রে বসেছে। নরমাংসভোজনের কথাও শোনা গেছে মাঝে-মাঝে। মানবিক সভ্যতার সব নিয়মই স্থগিত ছিলো, লোকেরা মানতো শুধু জঙ্গলের আইন, দেখতো গুহাবাসীর প্রাগৈতিহাসিক স্বপ্ন।

ইউরি মাঝে-মাঝেই দেখেছে, নিঃসঙ্গ সব ছায়া চোরের মতো উঠে আসছে ডোবার মধ্য থেকে, বা ছুটে চলেছে তার আগে-আগে। যতোটা সম্ভব তাদের এড়িয়ে যাবার চেষ্টা করেছে সে, কিন্তু অনেককে চেনা-চেনা ঠেকেছে। মনে হয়েছে এদের সবাইকেই সে পার্টিজানদের ক্যাম্পে দেখেছে। একবার তো সেটা সত্যই প্রমাণিত হ'য়ে গেলো। ট্রেনের একটি বিদেশগামী ঘুমোবার কামরা বরফে চাপা প'ড়ে ছিলো; তার ভেতর থেকে ছুটে বেরিয়ে, মলত্যাগ ক'রে ষে-ছেলেটি আবার ভেতরে ঢুকে গেলো, সে সত্যিই আরণ্যক ভ্রাতৃত্বের এক সদস্য। আর-কেউ নয়—টেরেস্টি গালুজিন—যাকে গুলি ক'রে মেরে ফেলা হয়েছে বলে সবাই জানতো। আসলে সে আহত হ'য়ে—জ্ঞান হারিয়ে ফেলে। চেতনা ফিরে এলে বধ্যভূমি থেকে গুড়ি মেরে মেরে পালিয়েছিলো সে, যা না শুকোনো পথস্ত লুকিয়ে ছিলো জঙ্গলে, এখন চাপা-পড়া গাড়িতে লুকিয়ে থেকে, মহাশয়মাত্রেয়ই ছায়াদর্শনে পালিয়ে গিয়ে, ছদ্মনামে তার দেশে, পুণ্য ক্রুশ গ্রামের দিকে এগোচ্ছে।

যাত্রাপথে ইউরির যে সব অভিজ্ঞতা হয়েছে, সে সবই অলৌকিকের মতো আশ্চর্য, যেন অজ্ঞ কোনো-এক গ্রহের জীবন থেকে উপড়ে-আনা টুকরো-টুকরো কতগুলো ঘটনা কী ক'রে পৃথিবীতে এসে ছিটকে পড়েছে। শুধু প্রকৃতি ছিলো মানুষের ইতিহাসের প্রতি একনিষ্ঠ, শুধু তাতে দেখা গেলো সেই রূপটি, সমকালীন শিল্পীরা যা চিত্রিত করেছেন।

কখনো-কখনো সন্ধ্যার রং হ'তো ফিকে-ধূসর, গভীর গোলাপি। সেই সব শান্ত সন্ধ্যায় অন্তরাগের আভাষ বার্চগাছগুলিকে মনে হ'তো যেন কালো, সন্ধ্যা এক বর্ণলিপি। শাদা তুষারের শাদা বরফের খাড়াই দিয়ে ব'য়ে যেতো কালো বর্না, ওপরে ভাসতো বরফের মিহি সর। সেই খাড়াইয়ের চূড়োগুলি ক'য়ে গেছে বর্নার জলে, ছোপ পড়েছে কালো রঙের। তেমনি,

আর ছ'এক ঘণ্টার মধ্যে, নেমে আসবে ইউরিয়্যাটনের এই সন্ধ্যাটি—স্বচ্ছ, ধূসর, তুষারস্পৃষ্ট, উইলো-ঝোপের মতো কোমল।

স্বস্ত-ভবনের গায়ে আটা বিজ্ঞপ্তিগুলো পড়ার জন্তই এসেছিলো ইউরি, কিন্তু রাস্তার ওপারের বাড়িটির চারতলার জানলার দিকে বারবার চোখ যাচ্ছিলো তার। এই ঘরেই পুরোনো ভাড়াটেদের পরিত্যক্ত আসবাবপত্র গুদোম করা আছে। এককালে চুনকাম করা হয়েছিলো; এখন ধারে ধারে বরফে ঢাকা প'ড়ে গেলেও ইউরি দেখতে পাচ্ছিলো যে কাচটা স্বচ্ছ; শাদা রংটা বোঝাই যাচ্ছে, ধুয়ে গেছে। এর মানে কী? পুরোনো ভাড়াটেরা কি ফিরে এসেছে? না কি লারা চলে গেছে, নতুন ভাড়াটে এসেছে ফ্ল্যাটে, সব-কিছু একেবারে বদলে গেছে?

অসহ্য মনে হ'লো এই অনিশ্চয়তা। রাস্তা পার হ'য়ে ইউরি সিঁড়ি বেয়ে ওপরে উঠলো—তার সেই চিরপরিচিত সিঁড়ি। ক্যাম্পে থাকার সময় কতোবারই না এই সিঁড়ির প্রত্যেকটি ধাপ, ছাঁচে ঢালা লোহার তৈরি জালি-কাটা ধাপের প্রত্যেকটি পাক মনে পড়েছে তার। এক জায়গায় ফুটো দিয়ে একতলার গুদোমঘরটা দেখা যায়, পুরোনো চেয়ার, ভাঙা বালতি আর টিনের টব জমা করা আছে সেখানে। সেখানে পৌঁছে ইউরি দেখলে সবই আগের মতো আছে। অতীতের প্রতি আত্মগত্যের জন্ত সেই সিঁড়িকে ধন্যবাদ দিতে ইচ্ছে করলো ইউরির।

এককালে ঘুন্টি ছিলো দরজায়, কিন্তু ইউরি যাবার আগেই সেটা ভেঙে গিয়েছিলো, বাজতো না। দরজায় টোকা দিতে যাবে, এমন সময় চোখে পড়লো দুটো আংটায় আটকানো একটা তাল। ঝুলছে দরজায়; পুরোনো এক কাঠের কপাটের ধোপে ইঁকুপ দিয়ে কোনোমতে আংটাগুলো লাগানো আছে, সেই খোপের দেয়ালের কারুকর্ম ধ্বংসে পড়েছে জায়গায়-জায়গায়। আগেকার দিনে এমন বর্বরতা সহ্য করতো না কেউ। ঠিক তালার ঠিক চাবি থাকতো, সেটা কাজও করতো, বা কোনো মিস্ত্রি ডাকিয়ে সারিয়ে নেওয়া হ'তো সেটা। এই তুচ্ছ লক্ষণটিও ব'লে দিচ্ছে যে সব-কিছুই সাধারণভাবে অবনতি হয়েছে,—ইউরির অল্পপস্থিতিকালে ক্ষত এগিয়ে গেছে এই অবনতি।

ইউরির নিশ্চিত মনে হ'লো যে লারা কি কাটিয়া, যদি বেঁচেও থাকে, যদি এখনো ইউরিয়াটিনেই থেকে থাকে, তবু ঐ-বাড়িতে কেউই থাকবে না। তিস্ততম হতাশার জন্তু নিজেকে তৈরি ক'রে দেয়ালের ফোকরে চাবি আছে কিনা দেখবে স্থির করলো ইউরি, সেই ফোকর যেখানে একটা ইঁদুর কাটিয়াকে কী ভয়ই না পাইয়ে দিয়েছিলো। এবারেও কোনো ইঁদুরের গায়ে হাত দিয়ে ফেলার ভয়ে দেয়ালে একবার লাথি মেরে নিলো ইউরি। কিছু পাবার বিন্দু-মাত্র আশাও তার মনে ছিলো না। একটা ইট দিয়ে ফোকরের মুখটা বন্ধ করা। সেটা সরিয়ে হাত ঢোকালো সে। কী আশ্চর্য—একটা চাবি আর চিঠি আছে তার ভেতরে। বেশ বড়ো একটা কাগজে লেখা চিঠি। চিঠি নিয়ে শিঁড়ির বাতাসে জানালার কাছে চ'লে গেলো ইউরি। আরো আশ্চর্য, আরো অবিখ্যাত কথা—চিঠিটা তাকে উদ্দেশ্য ক'রে লেখা। তাড়াতাড়ি পড়লো :

‘ভগবান। এতো সুখও কপালে ছিলো। শুনছি তুমি ফিরে এসেছো। শহরের কাছে তোমাকে দেখে একজন ছুটে এসেছিলো আমাকে খবর দিতে। ধ'রে নিচ্ছি তুমি সোজা ভারিকিনোতে যাবে, তাই আমিও সেখানেই যাচ্ছি কাটিয়াকে নিয়ে। তবু, চাবিটা পুরোনো জায়গাতে রেখে দিয়ে যাচ্ছি। আমার জন্তু অপেক্ষা করো, চ'লে যেয়ো না। দেখতেই পাবে সামনের দিকের ঘরগুলো ব্যবহার করছি আজকাল। ক্ল্যাটটা বলতে গেলে ফাঁকাই, কিছু-কিছু আসবাব বিক্রি করতে হয়েছে আমাকে। সামান্য কিছু খাবার রেখে গেলাম, বেশির ভাগই আলুসেদ্ধ। সসপ্যানের মুখ ঢেকে কিছু-একটা চাপা দিয়ে দিয়ে, ইঁদুর না আসে। আনন্দে পাগল হ'য়ে আছি।’

কাগজটার শেষ প্রান্ত অবধি পড়লো সে, উল্টো পিঠের লেখাটা আর লক্ষ্য করলো না। চিঠিটা ঠোঁটে ছোঁয়ালো, ভাঁজ ক'রে চাবিটার সঙ্গে পকেটে পুরলো। বিরাট আনন্দের সঙ্গে-সঙ্গে তীব্র এক বেদনাও অহুভব করলো সে। লারা যখন ভারিকিনোতে গেছে, সে-বিষয়ে আর কিছু লেখারও প্রয়োজন বোধ করেনি, তখন নিশ্চয়ই ইউরির বাড়ির লোকেরা আর সেখানে নেই। এইজন্তু উদ্বেগ শুধু নয়, অসহ্য মন-খারাপ লাগলো ইউরির, যেন আঁতে ঘা লাগলো ওদের কথা শুনে। কেমন আছে ওরা, কোথায় আছে,

সে-বিষয়ে একটা কথাও লোক বলেনি কেন?—যেন ওদের কোনো অস্তিত্বই নেই।

কিন্তু অন্ধকার ক’রে আসছে, আলো থাকতে থাকতে অনেক কাজ সেবে নিতে হবে তাকে। সবচেয়ে জরুরি হ’লো স্তম্ভ-ভবনের দেয়ালে আঁটা আইন-কাছনগুলো পড়া। তখনকার দিনে আইন-কাছন না-জানাটা মুখের কথা ছিলো না, তার ফলে প্রাণসংশয় হ’তে পারতো। ফ্ল্যাটের ভেতরে না ঢুকে খলেটাও নামিয়ে না-রেখেই, সে নেমে গেলো নিচে, রাস্তা পার হ’য়ে বিভিন্ন ঘোষণাপত্রে ঢাকা দেয়ালের মস্ত অংশটায় চোখ বুলিয়ে গেলো।

৩

আছে সংবাদপত্রের প্রবন্ধ, সভার বক্তৃতার বিবরণ, আর আছে নতুন-জারি-করা আইন-কাছন। ইউরি শিরোনামাগুলি দেখে নিলো। ‘সম্পত্তির যাচাই, করদার্য, দাবিঘোষণা।’ ‘শ্রমিক-সংসদের প্রতিষ্ঠা।’ ‘কারখানা ও কর্মসমিতির প্রতিষ্ঠা।’ আগে যে-সব আইন প্রচলিত ছিলো, তার বদলে নব্য কর্তৃপক্ষ এই শহরে এসেই নতুন আইন প্রণয়ন করেছেন। নিশ্চয়ই এগুলোর উদ্দেশ্য হ’লো সকলকে মনে করিয়ে দেওয়া যে বর্তমান শাসকরা কিছুতেই আপোষ করবে না—যদি বা শাদাদের অধীনে থাকার সময় লোকেরা তা ভুলে গিয়ে থাকে। কিন্তু এ-সবের অন্তহীন একঘেয়েমি আর অন্তহীন পুনরাবৃত্তি ইউরির মাথা ঘুরিয়ে দিলে। কোন্ যুগে ঘোষিত হয়েছিলো এগুলো? প্রথম বিপ্লবের যুগে? না কি শাদাদের কোনো বিদ্রোহের পরে শাসনপ্রণালীর পুনঃপ্রতিষ্ঠার কালে? এগুলো কি গতবছর লেখা হয়েছিলো? না কি তার আগের বছর? জীবনে শুধু একবার এই ঐকান্তিকতা ও আপোষহীন ভাষা তাকে উদ্দীপিত করেছিলো। এও কি সম্ভব যে সেই এক মুহূর্তের চিন্তাহীন উদ্দীপনার ফল সারাজীবন ধরে ভুগতে হবে তাকে? অপরিবর্তনীয়, কর্কশ, বিকৃতবুদ্ধি চীৎকার আর দাবি, যা ক্রমেই আরো প্রাণহীন, অর্থহীন আর অসম্ভব হ’য়ে উঠছে, বছরের পর বছর কি এ ছাড়া অস্ত সে কিছু শুনবে না?

এও কি সম্ভব যে মুহূর্তের অতি সংবেদনশীল উদারতার ফলে চিরকালের জন্য নিজেকে দাসে পরিণত ক'রে ফেলেছে সে ?

একটা খবরের টুকরোর ওপর চোখ পড়লো তার

‘হুভিক্কের সংবাদ স্থানীয় সমিতিগুলির অবিশ্বাস অকর্মণ্যতারই প্রমাণ দেয়। সর্বত্র চুরি, জুয়াচুরি ও টাকা লইয়া জুয়াখেলা বিপুল বেগে চলিতেছে। —আমাদের কারখানা ও কর্মসমিতিগুলি করিতেছে কী ? ইউরিয়টিন ও রাজভিলইয়েব ব্যবসায়িক অঞ্চলগুলিতে পাইকেরি খানাতল্লাসি, কঠোরতম উপায়ে ভীতি প্রদর্শন, এবং প্রত্যেকটি দালালের তৎক্ষণাৎ হত্যাসাধন ঘাইয়া আমরা হুভিক্কের হাতে হইতে বক্ষা পাইতে পারি।’

‘এ-রকম অন্ধ হওয়াটা ভাগ্যের কথা বইকি।’ ইউরি ভাবলে। ‘পৃথিবী থেকে বহুকাল আগেই ঋটি অদৃশ হ’য়ে যাওয়া সত্ত্বেও ঋটির কথা বলতে পারা ! আইনের ফলে সব পুঁজিবাদী আর ব্যবসায়ীরা নিঃশেষ হ’য়ে যাওয়ার এতো পরেও তাদের কথা বলা ! কোনো চাষি অথবা গ্রামের অস্তিত্ব না-থাকা সত্ত্বেও তাদের বিষয়ে কথা বলা ! ওদের কি স্মৃতি ব’লে কিছু নেই, নিজেদের পরিকল্পনা আর কর্মপদ্ধতির কথাও মনে নেই কি ? ওরা কি ভুলে গেছে যে সেই কর্মপদ্ধতি কাজে লাগিয়ে একটা পাথরও আর আস্ত রাখেনি ওরা ! কী অদ্ভুত লোক সব—বছরের পর বছর জোরো প্রলাপ ব’কে যাচ্ছে—কখনো মাথা ঠাণ্ডা হ’লো না—বকছে এমন সব ব্যাপার নিয়ে, যার অস্তিত্ব নেই, এমন সব বিষয় নিয়ে যা বহু আগেই নিশ্চিহ্ন হ’য়ে গেছে। যে-সত্য তাদের চারদিকে ছড়িয়ে আছে তার বিষয়ে এই অদ্ভুত মানুষগুলো কিছুই জানে না, কিছুই দেখতে পায় না।’

মাথা ঘুরছিলো ইউরির। হঠাৎ অজ্ঞান হ’য়ে রাস্তার ওপর প’ড়ে গেলো সে। যখন জ্ঞান ফিরে এলো, লোকেরা তাকে ধরাধরি ক’রে সে যেখানে যেতে চায় সেখানে নিয়ে যেতে চাইলো, ইউরি সকলকে ধন্যবাদ দিয়ে জানালো যে সে উন্টোদিকেই থাকে, তাকে শুধু রাস্তাটা পার হ’তে হবে।

৪

আবার সিঁড়ি বেয়ে উঠলো ইউরি, এবারে লারার ক্যামেরার দরজাটা খুললো। সিঁড়ির চাতালে তখনো আলো, সে বেরিয়ে যাবার সময় যা ছিলো তার চাইতে খুব বেশি অন্ধকার করেনি। সূর্যদেব সময় দিচ্ছিল তাকে—এতে মন ভালো লাগলো তার।

তালার চাবি ঘোরানোর শব্দ হ'তেই ভেতরে গোলমাল শুরু হ'য়ে গেলো। বসতিহীন ক্যামেরাটিকে তাকে অভ্যর্থনা জানালো টিনের বাসনের উটে পড়ার ঠনঠন শব্দ ক'রে। তাক থেকে মেঝের ওপর লাফিয়ে চারপাশে ছড়িয়ে পড়লো ইউরের দল। ওরা হাজার-হাজার জন্মেছে নিশ্চয়ই। এই কদম্বতার সামনে অসুস্থ আর অসহায় লাগলো ইউরির, ঠিক করলো রাতটুকুর জন্য এমন একটা ঘরে আশ্রয় নেবে যেখানে ভাঙা কাচ দিয়ে ইউরের গর্ত বন্ধ করা যায় আর দরজাগুলোও ভালোভাবে বন্ধ হয়।

ক্যামেরার বাঁ দিকে—যে-দিকটা তার অজানা—একটা অন্ধকার গলি ঘুরে পার হ'য়ে যে ঘরটায় গিয়ে পৌঁছলো সেটা স্পষ্টতই লারার; বেশ আলো ঘরটায়; রাত্তার দিকে খোলা দুটো জানলার উল্টোদিকে সারি-সারি নারীমূর্তির ওপর গেঁথে তোলা স্বস্ত-ভবন; সে-দিকে পিঠ ফিরিয়ে ছোটো-ছোটো দল দাঁড়িয়ে-দাঁড়িয়ে ঘোষণাগুলো পড়ছে।

ঘরের ভেতরকার আলোও ঠিক বাইরের আলোর মতো, প্রথম বসন্তের সেই স্নিগ্ধ, নতুন সন্ধ্যার আলো, সেই আলোর ভরা ঘর যেন রাত্তারই এক অংশ : তফাৎ এইটুকু যে ভেতরটা আর একটু বেশি ঠাণ্ডা।

সেদিন বিকেলে শহরের দিকে আসতে-আসতে ইউরি হঠাৎ কেমন দুর্বল বোধ করেছিলো, আর সেই অবস্থাতেই যে-ভাবে দু'এক ঘণ্টা আগেও হেঁটেছে, তাতে ইউরির মনে হয়েছিলো তার অসুখ করেছে। এখন এই বাড়ির মধ্যে আর রাত্তায় একই রকম আলো সমান আকস্মিকতার সঙ্গে নতুনভাবে উদ্দীপিত করলো তাকে। পথিকদের সঙ্গে একই হিমেল হাওয়ায় স্নান ক'রে তাদের আত্মীয় ব'লে মনে হ'লো তার, মনে হ'লো শহরের মেজাজের সঙ্গে, পৃথিবীর জীবনের সঙ্গে, এক স্বরে বাঁধা তার মন। এতে তার ভয় দূর হ'য়ে গেলো। অসুস্থ হ'য়ে পড়ার আশঙ্কা আর হানি

দিলো না। বসন্ত-সন্ধ্যার এই স্বচ্ছতা, এই সর্বব্যাপী আলো যেন এক মঙ্গল-চিহ্ন, হৃদয় ও হৃদয় পরাহত সব আশার সার্থকতার অঙ্গীকার। সব ঠিক হ'য়ে যাবে, জীবনে সে যা চেয়েছিলো তা-ই পাবে, সবাইকে খুঁজে বের ক'রে সকলকে একত্র করবে সে, ঘটবে পুনর্মিলন, ভেবে-চিন্তে সব ঠিক ক'রে ফেলবে সে, ঠিক-ঠিক কথা ভেবে বের করবে। এখনো যা-কিছু অনাগত, হাতে-হাতে তার প্রাণ পাবার জন্য তার লাবাকে দেখার আনন্দের আশায় অপেক্ষা ক'রে ব'সে রইলো সে।

আগেকার অবসাদের জায়গা নিলো এক বন্য উত্তেজনা আর দুর্বীর অস্থিরতা। আসলে তার সাম্প্রতিক দুর্বলতার চাইতেও এই উদ্দীপনা তার আসন্ন অস্থিরতার বেশি নিশ্চিত লক্ষণ।

বাশা বীধার আগে চুল ছাঁটা, দাড়ি কামানো দরকার। শহরে আসার পথে নাপিতের খোঁজ সে আগেই করেছিলো। কিন্তু আগে যে-সব নাপিতের দোকান চিনতো তার মধ্যে কয়েকটা খালি প'ড়ে আছে, কয়েকটাতে হাত-বদল হ'য়ে অগ্র ব্যাবসা চলছে আর বাদবাকি সব বন্ধ। নিজের কোনো ক্ষুর নেই তার। কাঁচিতেও কাজ চলতো, কিন্তু লারার ড্রেসিংটেবিলের সব কিছু ওলোট-পালোট ক'রে তাড়াছড়ায় কোনো কাঁচি সে খুঁজে পেলো না।

এবারে মনে পড়লো স্পাস্কি স্ট্রীটে একটা দরজির দোকান ছিলো। যদি এখনো সেটার অস্তিত্ব থাকে আর দোকান বন্ধ হবার আগে গিয়ে পৌঁছতে পারে তাহ'লে একটা কাঁচি ধার নেওয়া যায়।

৫

স্বতি ভুল করেনি তার। দোকানটা আছে এখনো, রাস্তার ওপরে প্রবেশ-পথ আর পুরো সামনের অংশটা জুড়ে একটি জানলা দেখা যাচ্ছে। রাস্তার লোকেদের দৃষ্টির সামনে বসে শেলাই করে দরজি-মেয়েরা। একেবারে ঘরের ভেতর অবধি সোজা দেখা যায়।

ঘরটি স্ত্রীলোকে ভর্তি—সবাই শেলাই করছে। নিয়মিত কর্মী ছাড়াও বোধহয় স্থানীয় বয়স্ক মহিলারা অনেকে আছেন, যারা শেলাই করতে জানেন ;

সেই ছাইরঙা বাড়ির দেয়ালের ঘোষণাপত্রে ষে-ঐমিকপত্রের উল্লেখ আছে তার যোগ্যতা অর্জন করবার জন্য চাকরি নিয়েছেন।

পেশাদারদের থেকে সহজেই পৃথক করা যায় তাঁদের। দরজির দোকানটা আর্মির পোষাক ছাড়া কিছু বানায় না : তুলো-পোরা ট্রাউজার আর জ্যাকেট, আর ইউরি পার্টিজানদের যেমন পরতে দেখেছে তেমনি নানা জাতের কুর্বের চামড়ার তৈরি নানা-রঙা ফারের কোট। এই কাজ ফার-বিক্রেতাদেরই সাজে, অ-পেশাদারদের পক্ষে তা বিশেষ কষ্টকর ; শেলাইর কলের তেতর দিয়ে শক্ত করে ভাঁজ করা কাপড়ের ধারগুলি যখন ঠেলে দেয় তারা, তখন তাদের সব ক'টা আঙুল বুড়ো আঙুলের মতো দেখায়।

জানলায় টোকা দিয়ে ইউরি ইঙ্গিতে বললে যে সে ভেতরে যেতে চায়। ওরাও ইঙ্গিতে জানালে যে কোনো ব্যক্তিগত অর্ডার নেওয়া হয় না। ইউরি চেঁচা ছাড়লো না। মেয়েরা হাত নেড়ে চ'লে যেতে বললে তাকে, এখান থেকে সে চ'লে যাক এখন, জরুরি কাজ আছে তাদের। একজন মুখে বিন্ময়ের ভাব ফুটিয়ে, হাতের পাতা সোজা করে দুটি হাত নৌকোর মতো করে বিরক্ত ভঙ্গিতে ভুরু তুলে জিজ্ঞেস করলো, কী চায় সে, কী !' ইউরি আঙুল নেড়ে কাঁচি দিয়ে কাটার ভঙ্গি করলো। কেউ কিছু বুঝতে পারলো না। ওরা স্থির করলে যে অসভ্যতা করছে লোকটা, তাদের নকল করছে, মজা করছে তাদের নিয়ে। সেই জানলার বাইরে অমন ছিন্ন, জাঁর্ণ অবস্থায় দাঁড়িয়ে, এই অভূত ব্যবহারে তাকে পাগলের মতো দেখাচ্ছিলো। মেয়েগুলো হাসতে-হাসতে তাকে হাত নেড়ে বলছিলো। অবশেষে সে ঠিক করলো বাড়িটা ঘুরে উঠোনের মধ্য দিয়ে গিয়ে পেছনের দরজায় টোকা দেবে।

৬

দরজা খুলে দিলো কালো, বয়স্ক, কঠোর চেহারার একটা স্ত্রীলোক, যার ঘন রঙের পোষাক দেখে মনে হয় সে-ই প্রধান দরজি।

‘আচ্ছা ছিনে জেঁক তো ভুমি ! আমরা ব্যস্ত আছি দেখতে পাচ্ছো না !
আচ্ছা বাপু, বলো, কী চাও ভুমি, ব'লে ক্যালো সেটা !’

‘কাঁচি চাই একটা, আপনি অবাক হবেন না। আমার চুল-দাড়ি ছাঁটার জন্য একটা কাঁচি ধার পেলে ভালো হয়। এখানে ব’সেই ছেঁটে নিয়ে তক্ষুনি ফিরিয়ে দিতে পারি। এক মিনিটও সময় লাগবে না। দয়া ক’রে দেন যদি।’

স্ত্রীলোকটি অবাক হ’লো ; দেখে মনে হ’লো ঠিক বিশ্বাসও করতে পারছে না। লোকটা আদৌ প্রকৃতিস্থ কিনা স্পষ্টতই তাতে সন্দেহ হচ্ছিলো তার।

‘অনেক দূর থেকে এইমাত্র এসে পৌঁচেছি। চুল ছাঁটাতে চাই, কিন্তু একটাও নাপিতের দোকান খোলা নেই। তাই ভাবলাম নিজেই ছাঁটি, কিন্তু কাঁচি নেই আমার। একটা কাঁচি ধার দিতে পারেন?’

‘ঠিক আছে। আপনার চুল ছেঁটে দিচ্ছি, কিন্তু সাবধান! অন্য কোনো মংলব যদি থেকে থাকে—কোনো রাজনৈতিক কারণে যদি চেহারা বদলে ছদ্মবেশ নিতে চান—আপনার নামে নালিশ করলে তখন দোষ দেবেন না। আপনার জন্য তো আর নিজেদের প্রাণ বিপন্ন করতে পারি না আমরা।’

‘হা ভগবান! বলছেন কী আপনি?’

ভেতরে ঢুকিয়ে যে-ঘরটায় তাকে নিয়ে যাওয়া হ’লো সেটা সিন্দুকের চাইতে বড়ো নয় ; পরমুহূর্তেই নিজেকে দেখলো ঠিক নাপিতের দোকানের মতোই চেয়ারে ব’সে আছে, গায়ে জড়ানো চাদর খুতনির তলায় আটকানো। ঘরের বাইরে গিয়ে একটা কাঁচি, চিরুনি, ক্লিপ, চামাটি আর ক্ষুর নিয়ে ফিরে এলো স্ত্রীলোকটি।

‘আমার বয়সে সব রকম কাজ করেছি,’ খদ্দের বিন্ময় লক্ষ্য ক’রে সে বললে। ‘একসময় চুল ছাঁটতাম আমি। যুদ্ধে যখন নাস’ ছিলাম, তখন চুল ছাঁটতে আর দাড়ি কামাতে শিখেছিলাম। আচ্ছা, এবার প্রথমে দাড়িটা কেটে ফেলা যাক, তারপর কামানো যাবে।’

‘আমার চুলটা খুব ছোটো ক’রে ছেঁটে দেবেন।’

‘যা পারি করবো। আচ্ছা, আপনি একজন শিক্ষিত লোক হ’য়ে এমন ভান করছেন কেন বলুন তো? যেন জানেন না যে আজকাল আমাদের দশ দিনে হপ্তা হয়, আর আজ হ’লো মাসের সতেরো তারিখ, আর নাপিতেরা যে-সব দিনে ছুটি পায় যাতে সাত সংখ্যাটি আছে।’

‘মতি বলছি আমি জানতাম না কিছুই। আমি তো আপনাকে বললাম, অনেক দূর থেকে এইমাত্র এসে পৌঁছলাম। ভান করবো কেন বলুন?’

‘নড়বেন না, কেটে যাবে। ও, এই এসে পৌঁছলেন? কিসে এলেন?’

‘আমার দুই পায়ে চড়ে।’

‘হাই-ওয়ে ধরে?’

‘খানিকটা তা-ই, আর খানিকটা এসেছি রেল-লাইন ধরে। কতো ট্রেনই যে দেখলাম—সব বরফ-চাপা পড়ে আছে। নবাবি ট্রেন, স্পেশাল ট্রেন—যতো রকম ট্রেনের কথা ভাবতে পারেন।’

‘এই যে, আর একটু ছাটলেই—বাস, শেষ হ’য়ে যাবে। পারিবারিক কাজে এলেন?’

‘না, না, তা নয়! আগেকার ঋণ-সমবায়-সমিতির ইন্সপেক্টর ছিলাম আমি—ট্যুর করতে হ’তো। আমাকে কাজে পাঠালে পূর্ব-সাইবেরিয়ান—বাস, সেখানেই আটকে গেলাম। জানেনই তো, ট্রেন পাওয়ার কোনো আশাই তখন ছিলো না। হাঁটা ছাড়া গতি নেই। ছয় সপ্তাহ লাগলো। পথে যে কী দেখেছি আর কী দেখিনি, তা আপনাকে এখন বলতে পারবো না।’

‘আমি যদি আপনি হতাম তাহলে কিন্তু কিছুই বলতাম না। দু’একটা জিনিস আপনাকে শিখিয়ে দিতে হবে দেখছি। আগে নিজের চেহারাটা দেখে নিন একবার। এই যে আয়না। চাদরের ভেতর থেকে হাতটা বের ক’রে ধরুন এটা। ঠিক আছে?’

‘আরো ছোটো চেয়েছিলাম। আর-একটু ছাঁটা যায় না?’

‘আরো ছোটো করলে ভালো থাকবে না। যা বলছিলাম, কিছু যেন বলতে শুরু করবেন না। মুখ বন্ধ রাখা অনেক ভালো। ঋণ-সমবায়-সমিতি নবাবি ট্রেন, ইন্সপেক্টরগিরি—ও-সব ভুলে যান। এখন ও-সবের সময় নয়। কতো ঝামেলাই যে পোহাতে হ’তে পারে আপনাকে, তার ঠিক নেই। বরং এমন ভাব দেখাবেন যেন আপনি একজন ডাক্তার কি স্কুল-মাস্টার। এই নিন—এবারে দাড়ি ছাঁটা হ’য়ে গেলো। এবার ভালো ক’রে কামাতে হবে। একবার সাবান বুলোলেই দশ বছর বয়স ক’মে যাবে আপনার। কেংলির জলটা ফুটিয়ে আনি।’

‘এ কে ? ইউরি ভাবলে । কেমন যেন মনে হচ্ছিলো যে জীলোকটির সঙ্গে একটা ষোগ আছে তার—কী যেন দেখেছে, কি শুনেছে, কার কথা যেন মনে করিয়ে দিচ্ছে—কিন্তু কার কথা তা কিছুতেই মনে করতে পারলো না ।

গরম জল নিয়ে এলো জীলোকটি ।

‘এইবারে কামানো যাক । যা বলছিলাম, একটা কথাও মুখে না-আনা ভালো । কথা যদি রূপো হয়, তাহ’লে নীরবতা হ’লো সোনা । এ একেবারে চিরকালের সত্য । আর আপনার ঐ স্পেশাল ট্রেন আর ঋণ-সমবায়-সমিতি—বরং অল্প কোনো কথা ভাবুন, বলুন আপনি একজন ডাক্তার কি একজন শিক্ষক । যা-কিছু দেখেছেন নিজের মনে চেপে রাখুন । কাকে চমক লাগাবেন আজকাল ? লাগছে না তো ?’

‘একটু লাগছে ।’

‘হ্যাঁ, একটু লাগে তা জানি—কিন্তু উপায় কী ? একটু ধৈর্য চাই, বুঝলেন ? আপনার চামড়ার ক্ষুরে অভ্যেস নেই, আর আপনার দাড়িটাও বড়ো শক্ত । এক মিনিটও সময় লাগবে না । হ্যাঁ । লোকেরা আঁখেনি এমন কিছুই নেই । সব সহ্য করতে হয়েছে তাদের । আমাদেরও অনেক কষ্ট গেছে । শাদাদের আমলে কী সব কাণ্ডই না হয়েছে ! খুন, নারীধর্ষণ, ভ্রূণহত্যা, নরহত্যা । এক খুদে কর্তা একজন আদালির ওপর অগ্রসর হ’লেন । শহরের বাইরে, ক্রাপুলস্কিদের জায়গাটার কাছে, এক বন থেকে তাকে ফাঁদ পেতে টেনে বেব ক’রে আনার জন্ত পল্টন পাঠালেন তিনি । তাকে ধরলো তারা, নিরস্ত্র ক’রে পাহারা দিতে-দিতে নিয়ে গেলো রাজ্জভিলইয়েতে । তখনকার দিনে রাজ্জভিলইয়ে এখনকার আঞ্চলিক চেকা-র মতোই ছিলো—খাঁটি একটি হত্যাভূমি । অমন মাথা ঝাঁকানো কেন ? একটু লাগছে, তাই না ? জানি বাবা, জানি । কিন্তু উপায় কী ? আপনার দাড়ি নয়তো কাঁটার ঝোপ । এই এটুকু হ’লেই হ’য়ে যায় । বাক, সেই আদালির বোয়ের একেবারে পাগলের মতো দশা । কোলিয়া ! কোলিয়া ! আমার কোলিয়ার কী হবে ! সোজা চ’লে গেলো জেনারেল গালিউলিনের কাছে । মানে—এই কথার কথা বলছি অবশ্য । সোজা তাঁর কাছে যেতে পারেনি । অনেক ধরাধরি হয় তো । ঐ পাশের রাস্তায় একজন ছিলেন, যিনি জানতেন

কীভাবে তাঁর সঙ্গে দেখা করা যাবে, অসাধারণ দয়াবতী তিনি, অত্যন্ত কোমলপ্রাণ, অল্প কারো মতো নয়, সব সময় লোকের উপকার করতেন। এখানে যে কী হ'য়ে গেছে তা ভাবতেও পারেন না, গালের ছাল ছাড়িয়ে নেওয়া, নির্ধাতন, নাটুকেপনা, মেয়েমাছুষ নিয়ে খুন-জখম। ঠিক স্প্যানিশ উপন্যাসে যেমন থাকে।'

'লারার কথা বলছে,' ইউরি মনে-মনে বললে। কিন্তু বুদ্ধিমানের মতো চূপ ক'রে রইলো সে, খুঁটিয়ে কিছু জ্ঞানতে চাইলে না। স্প্যানিশ উপন্যাস বিষয়ে তার আজগুবি মন্তব্যও যেন কী মনে করিয়ে দিলো তাকে—বিশেষত আজগুবি আর অপ্রাসঙ্গিক ব'লেই—কিন্তু কী, তা কিছুতেই ভেবে পেলো না।

'এখন অবশ্য সবই বদলে গেছে। মানতেই হবে যে এস্তার খানাভজাসি চলছে, গোয়েন্দাগিরি, গুলি ক'রে মেরে ফেলাও হচ্ছে বিস্তর। কিন্তু ভেতরকার কথাটা অন্য। প্রথমত, নতুন সরকার এই সবে ক্ষমতা পেয়েছে, এখনো তো ঠিকমতো গুছিয়ে বসেনি। তারপর, যা-ই বলুন না কেন, এরা সাধারণ লোকের সপক্ষে, আর সেখানেই তাদের জোর। আমরা হলুম চার বোন, সবাই খেটে খাই। বলশেভিকদের দিকে আমাদের টান থাকাই তো স্বাভাবিক। এক বোন মারা গেছে। তার স্বামী ছিলো রাজনৈতিক পলাতক, স্থানীয় কোন কারখানায় যেন ম্যানেজারের কাজ করতো। ওদের ছেলে—আমার বোনপো আরকি—কৃষক-বাহিনীর সেনাপতি সে—রীতিমতো নামাজাদা আজকাল।

'ও—ইনি তাহ'লে লিবেরিয়ুসের মাসি,' ইউরি বুঝতে পারলো এবার। 'লিবেরিয়ুসের মাসি, মিকুলিংসিনের শালি, সেই যাকে নিয়ে এতো গল্প, যে নাপতেনি, দরজি, সিগনালওয়ালি—জুতো শেলাই থেকে চণ্ডীপাঠ পর্যন্ত যিনি করতে পারেন।' কিন্তু কিছু না-বলাই স্থির করলে সে, যাতে নিজের পরিচয়টা দিতে না হয়।

'চিরকালই জনসাধারণের ওপর টান আমার বোনপোর—সেই ছেলেবেলা থেকে। কারখানার মজুরদের মধ্যেই মানুষ হয়েছে। ভারিকিনোর কারখানার কথা শুনেছেন বোধহয়?—এই স্তাখো, কী ক'রে ফেললাম গাধার মতো!

আপনার খুতনির অর্ধেকটা মোলায়েম হয়েছে, বাকি অর্ধেকটা দাড়ি। কথা বললে এই হয়। আমাকে থামিয়ে দিলেন না কেন? এখন সাবানের ফেনাও শুকিয়ে গেছে, জলটাও ঠাণ্ডা হ'য়ে গেলো। যাই, আবার গরম ক'রে আনি।'

সে ফিরে এলে ইউরি জিজ্ঞেস করলে :

‘ভারিকিনো তো কয়েক মাইল দূরে গ্রামের মধ্যে, না? এ-সব গোলমাল বোধহয় পৌঁছয়নি ওখানে?’

‘ঠিক পৌঁছয়নি বলা যায় না। কোনো-কোনো বিষয়ে এখানকার চেয়েও খারাপ অবস্থা হয়েছিলো ওখানে। ওখানে এক সশস্ত্র বাহিনী হানা দিয়েছিলো, তারা যে কে বা কী তা কেউ জানে না। আমাদের ভাষায় কথাও বলে না তারা। তন্ন-তন্ন ক'রে খুঁজেছে সারা গ্রাম—প্রত্যেক বাড়িতে ঢুকে থাকে পেয়েছে তাকেই গুলি ক'রে চ'লে গেছে, একটি আত্মন-বহ্ননের সবুর সয়নি। বরফের ওপর প'ড়ে রইলো লাশগুলো। তখন শীতকাল। মাথা ঝাঁকানোটা থামান তো একটু, প্রায় কেটে ফেলছিলাম আপনাকে।’

‘আপনি বলছিলেন আপনার ভগ্নীপতি ভারিকিনোতে থাকতেন। এ-সব হানাহানির সময় ছিলেন উনি?’

‘না, ঈশ্বরের দয়ায় সে আর তার স্ত্রী ঠিক সময়ে চ'লে এসেছিলো—মানে, ওর দ্বিতীয় স্ত্রী। কিছু নতুন লোকও ছিলো ওখানে, মস্কো থেকে কয়েকজন এসেছিলেন। তাঁরা আরো আগে চ'লে গিয়েছিলেন। পুরুষ দু'জনের মধ্যে যার বয়স কম, একজন ডাক্তার, বাড়ির কর্তা ছিলো সে-ই—তাকে পাওয়া যাচ্ছিলো না। অবশ্য ওটা বলায় জগুই বলা, “পাওয়া যাচ্ছে না” বলা হয়েছে, ওঁদের মনে যাতে কষ্ট না হয় সেজগু। আসলে নিশ্চয়ই মারা গেছেন ভদ্রলোক—নিশ্চয়ই তাঁকে মেরে ফেলা হয়েছে। সমানে খুঁজেছেন ওঁরা, কিন্তু সে আর ফিরে আসেনি। ইতিমধ্যে অগুজন, দু'জনের মধ্যে যিনি বয়স্ক, তাঁকে ফিরে যেতে বলা হলো। ভদ্রলোক প্রোফেসর, একজন কৃষিবিদ। শুনেছি সরকারই তাঁকে ফিরিয়ে নিয়ে গেছেন। শাদারা ফিরে আসার ঠিক আগে মস্কো যাবার পথে ইউরিয়্যাটিনে থেমেছিলেন ওঁরা। আবার শুরু করলেন—কেবল মাথা নাড়ানো আর মাথা ঝাঁকানো। সত্যি, আপনি

দেখছি আমাকে দিয়ে আপনার গলাটা না-কাটিয়ে ছাড়বেন না। একেবারে পুরো পয়সাটা উত্তল ক'রে নেবেন নাপিতের কাছ থেকে !'

তাহ'লে ওরা মস্কোতে !

৭

‘মস্কোতে ! মস্কোতে !’ তৃতীয়বার সেই লোহার জালি-কাটা সিঁড়ি বেয়ে উঠতে-উঠতে প্রতি পদক্ষেপে এই কথাই তার বৃকে বাজছিলো। শূন্য স্রাট আবার অভ্যর্থনা জানালো তাকে, ইঁদুরের পালের ছটোপুটি, লুটোপুটি আর ছুটোছুটির সেই নারকীয় শব্দ দিয়ে। ইউরির পরিষ্কার বুঝলে যে এই আবর্জনা সরাতে না-পারলে, যতো ক্লান্তই হোক, সে ঘুমোতে পারবে না। রাতের মতো শুয়ে পড়ার আগে প্রথম কর্তব্য ইঁদুরের গর্তের মুখ বন্ধ করা। ভাগ্য বলতে হবে যে শোবার ঘরে বাড়ির অস্ত্রাস্ত্র অংশের চাইতে ইঁদুর কম ; সেখানে মেঝের ধারগুলো কেটে গিয়ে পাটাতনের আরো দুর্দশা হয়েছে। তাহ'লে তাড়া করতে হয়—এদিকে। অন্ধকার হ'য়ে এলো। রান্নাঘরের টেবিলে একটা বাতি আছে ঠিকই—বোধহয় সে আসবে ব'লেই কুলুঙ্গি থেকে নামিয়ে রাখা হয়েছে—অর্ধেকটা-মতো তেলে ভরা, দু'একটা কাঠি পোরা একটা দেশলাইয়ের বাক্সও কাছে আছে। কিন্তু দেশলাই আর তেল দুটোই বাঁচাতে পারলে ভালো। শোবার ঘরে ছোটো একটা বাতি খুঁজে পেলো ; তাতে যা তেল ছিলো ইঁদুরে তার বেশির ভাগটাই শেষ করেছে, অল্প একটু প'ড়ে আছে শুধু।

কোথাও-কোথাও মেঝের ধারগুলি ক্ষয়ে গেছে। ভাঙা কাচ দিয়ে নে-সব ফাটল ভরাতে এক ঘন্টার বেশি সময় লাগলো তার। দরজাটা মুখে-মুখে বন্ধ হয়, একবার বন্ধ ক'রে দিলে শোবার ঘরটা ইঁদুরের হাত থেকে রেহাই পাবে।

ঘরের এক কোণে আছে একটা ওলন্দাজি স্টোভ, তার টালির কানিশ প্রায় ছাদে ঠেকেছে। রান্নাঘরে এক বাণ্ডিল কাঠ ছিলো। ইউরি স্থির করলো লারার কিছু কাঠ অপহরণ করবে ; হাঁটু ভেঙ্গে ব'সে কাঠ বেছে নিয়ে বাঁ হাতে তাদের সামলাতে-সামলাতে উঠে এলো ইউরি। শোবার ঘরে গিয়ে

স্টোভের কাছে স্থূপ করলো সেগুলোকে, তারপর ভেতরটায় উঁকি মেঝে দেখলো, স্টোভটা কেমন চলে বা কী অবস্থায় আছে। দরজায় চাবি লাগাবার ইচ্ছে ছিলো, কিন্তু তালাটা গেছে ভেঙে; কাগজ গুঁজে শক্ত করে এঁটে দিলো; তারপর ধীরে-স্থস্থে সাজিয়ে নিয়ে আঁচ দিলো চুল্লিতে।

চুল্লিতে কাঠ দিতে দিতে হঠাৎ লক্ষ্য করলো একটা কাঠের চেরা অংশে ‘কু. উ.’ এই দুটি আত্মকর খোদাই করা। চিনতে পেরে বিস্মিত বোধ করলো সে। সেই ক্রোপারদের আমলে কারখানা থেকে যে-সব কাঠ ফেলা যেতো সেগুলো বিক্রি করা হ’তো জালানি হিসেবে, টুকরো করার আগে ছাপ দিয়ে দেওয়া হ’তো, কোথা থেকে এসেছে, সেটা বোঝানোর জন্ত। ‘কু. উ.’ মানে ভারিকিনোর কুলাবিশ উপত্যকা।

মনটা খারাপ হ’য়ে গেলো তার। এই জালানিগুলো প্রমাণ করছে সে সামডেভইয়াটভের সঙ্গে যোগাযোগ আছে লারার, সে-ই তাকে কাঠ জুগিয়েছে, যেমন এককালে ইউরির সংসারে যা-কিছু দরকার সে-ই মেটাতো। কিন্তু ওর কাছে ঋণী আছে ভাবতে তার অস্বস্তি হয়, এবং তার সঙ্গে আরো অনেক অমুভূতি মিশে তার মনের ভাবটিকে জটিল করে তুললো।

শুধু সহায়ত্বের বশবর্তী হ’য়ে সামডেভইয়াটভ লারাকে সাহায্য করেছে, এমন মনে হয় না। লোকটির ব্যবহার যেমন ঢিলেঢোলা, তেমনি লারাও ঝোঁকের মাথায় চলে—তার নারীত্বের ওটাই একটা লক্ষণ। ওদের মধ্যে কিছু ব্যাপার হয়নি তো?

শুকনো কুলাবিশ কাঠ ফুঁটিতে পুডতে লাগলো, শোঁ-শোঁ শব্দে জলে উঠলো আগুন আর সঙ্গে-সঙ্গে ইউরির অন্ধ ঈর্ষা, ক্ষীণ সন্দেহ থেকে নিশ্চিতির রূপ নিলো।

কিন্তু সব দিক দিয়েই এতো যত্নাণা ইউরির যে এক উদ্বেগকে হটিয়ে দিয়ে আর-এক উদ্বেগ তার স্থান করে নিচ্ছিলো। সন্দেহ নিরসন করার কোনো প্রয়োজন ছিলো না তার; তার মন এক বিষয় থেকে বিষয়াস্তরে লাফিয়ে-লাফিয়ে চলছিলো; পরমুহূর্তেই তার জ্বী-পুজের ভাবনা বজ্রার মতো ডুবিয়ে দিলে তার ঈর্ষাপ্রসূত কল্পনাকে।

‘তাহ’লে তোমরা মন্কোতে, আমার সোনাগণিরা?’ এখন তার মনে

হচ্ছিলো যে দরজি-মেয়েটি বুঝি এমন আশ্বাস দিয়েছে যে ওরা নিরাপদে মন্সো পৌঁচেছে। ‘আরো একবার সেই লম্বা পথ তোমরা পাড়ি দিলে, এবারে আমাকে ছাড়া। পথে কী ক’রে কী করলে? আলেকজান্ডার আলেকজান্ডারভিচকে ডেকে পাঠালো কেন? আকাদেমির চেয়ারে আবার বহাল করবে? বাড়ি খুঁজে পেলো কী ক’রে? কী বোকা আমি! বাড়িটা এখনো আছে কিনা তা পর্বস্ত জানি না। ঈশ্বর, কী কঠিন, কী কঠোর এই জীবন। শুধু যদি চিন্তা না-ক’রে থাকতে পারতাম! কেমন যেন জট পাকিয়ে যাচ্ছে ভাবনাগুলো। কী হ’লো আমার, টোনিয়া? আমার কি অসুখ করলো? কী হবে আমাদের? কী হবে তোমার, টোনিয়া, টোনিয়া, সোনামণি? আর শাশা? আর আলেকজান্ডার আলেকজান্ডারভিচ? আর আমি? হে শাপ্ত জ্যোতি, আমাকে কেন ভূমি পরিত্যাগ করলে? আমার সোনারা, কেন সব সময় আমাদের পরস্পরের কাছ থেকে দূরে স’রে থাকতে হয়? কেন তোমাদের ছিনিয়ে নেওয়া হয় আমার কাছ থেকে—সব সময়? কিন্তু আমি খুঁজে পাবো তোমাকে—যদি সারাটা পথ হেঁটে যেতে হয়, তবু। আবার দেখা হবে আমাদের, আবার একত্র হবো আমরা—সব ঠিক হ’য়ে যাবে—হবে না?

‘ধরণী দ্বিধা হ’য়ে আমাকে কেন গ্রাস করেন না—যে-আমি এমনই পিশাচ যে সর্বদা ভুলে যাই যে টোনিয়া সম্ভবসম্ভব ছিলো, নিশ্চয়ই এতোদিনে তার জন্ম হ’য়ে গেছে। এ-কথাটা এই প্রথমবার ভুললাম না। প্রসবের সময় ও কী অবস্থায় কাটিয়েছে? ভাবো একবার, মন্সো যাবার পথে ইউরিয়্যাটিনে থেমেছিলো ওরা সবাই! এ-কথা সত্যি যে লারা ওদের চিনতো না, কিন্তু একজন নিতান্ত বাইরের লোক, এক মেয়ে-দরজি, এক নাপতেনি তাদের সব খবর শুনেছে, আর লারা তার চিঠিতে ওদের বিষয়ে কিছুই লিখলে না? কী ক’রে এতো অবহেলা করতে পারলে, এমন নিলিপ্ত হ’লো কী ক’রে? সামডেভইয়াটভের বিষয়ে কিছু না-বলার মতোই এটা আশ্চর্য।’

ঘরের চারপাশে এবার এক নতুন দৃষ্টিতে তাকালো ইউরি। সব আসবাবই সেই নাম-না-জানা গাড়াটের যিনি বছরদিন ধ’রে অস্থগ্নিত ও পলাতক। এমন কিছুই নেই যা লারার রুচির পরিচয় দিতে পারে। দেয়ালের ফোঁটোগুলি জ্বিতাগো—৩৫

সবই অচেনা লোকের। তবু, হঠাৎ সেই সব স্ত্রী-পুরুষের চোখের সামনে অস্বস্তি বোধ করলো ইউরি। জবড়জং আসবাবগুলির নিশ্বাসে যেন শত্রুতা। এই শোবার ঘরে ব'সে নিজেকে পরদেশী আর অযাচিত ব'লে মনে হ'তে লাগলো তার।

কী বোকা সে! এই বাড়িটাকে সে মনে ক'রে রেখেছিলো, এর জন্ত সে কষ্ট পেয়েছে মনে-মনে! কী বোকা, এমনভাবে এই ঘরে ঢুকেছে যেন এটা একটা সাধারণ ঘর নয়, লারার জন্ত তার বাসনার অন্তঃপুর! বাইরের কারো কাছে এ-রকম মনোভাব কী বোকার মতোই না মনে হবে। শক্তিশালী, সুপুরুষ, সংসারী আর সক্ষম লোকেরা, যেমন সামডেভইয়াটভ, কতো ভিন্নভাবেই তারা দিন কাটায়, কথা বলে, কাজ করে! আমার দুর্বলতাকে কেন লারা পছন্দ করবে, কেন চাইবে আমার গোপন, অবাস্তব, রহস্যময় প্রেমের ভাষা শুনতে? লারার কি কোনো প্রয়োজন আছে তার এই অস্থিরতায়? আমি যে-ভাবে লারাকে দেখি, সেইভাবে কি সে তার নিজেকে চায়?

আমার কাছে লারা কী? আ, সে তো সোজা কথা! সে তো খুব ভালো ক'রেই জানি।

বসন্তের সন্ধ্যা...ইতস্তত শব্দ ভাসে বাতাসে। রাস্তায় ছেলেমেয়েরা খেলা করছে, কাছে থেকে, দূর থেকে ভেসে আসছে তাদের গলার আওয়াজ, যেন বোঝাতে চাইছে আদিগন্ত এখন জীবন্ত। এই বিস্তার—এ-ই তো রাশিয়া, এ-ই আমার তুলনাহীন জননী, সারা জগতে খ্যাতি ছড়িয়েছে তাঁর, শহীদ তিনি, একগুঁয়ে, বেহিসেবি, পাগলাটে, দায়িত্বজ্ঞানহীন, আরাধ্যা—রাশিয়া, কী দৃপ্ত তাঁর ভঙ্গিমা, কী সর্বনেশে, মুহূর্তে-মুহূর্তে কী অপ্রত্যাশিত! আ, বেঁচে থাকতে এতো ভালো লাগে, এতো ভালোবাসি এই জীবনকে! এই জীবনকে, তার নিছক অস্তিত্বটাকে, কৃতজ্ঞতা জানাতে ইচ্ছে করলো ইউরির—মুখোমুখি দাঁড়িয়ে, প্রত্যক্ষভাবে ধন্যবাদ জানাতে ইচ্ছে করলো।

লারা ঠিক এ-ই। জীবনের সঙ্গে কথা বলা যায় না, কিন্তু লারা তার প্রতিনিধি, তার ব্যঞ্জনা, লারা তা-ই, যা মুক প্রাণীকে উপহার দেয় বাক ও শ্রবণশক্তি।

সব, সব মিথ্যে, লারার বিষয়ে একটু আগে সে যা-কিছু ভেবেছে! তার

মাথার ঠিক ছিলো না তখন। লারা একেবারে নিখুঁত, সব অভিযোগের অতীত সে।

সজ্জ্ব অহুতাপের অশ্রুতে তার চোখ ভ'রে এলো। উহুনের মুখটা খুলে আগুনে খোঁচা দিলো সে; যে-সব জলন্ত কাঠ বিস্মৃত তাপের রূপ নিয়েছে সেগুলোকে পেছনের দিকে ঠেলে দিয়ে, যেগুলোতে তাপ ভালো ক'রে আগুন ধরেনি সেগুলো হাওয়ার দিকে সামনে টেনে নিয়ে এলো। মুখটা খোলা রেখেই আগুনের সামনে ব'সে রইলো, ভালো লাগলো আলোর খেলা, মুখে আর হাতে উষ্ণ আরাম। এই উত্তাপে আর আলোয় মাথা ঠাণ্ডা হ'লো তার। অসহভাবে লারার অভাব অহুভব করতে লাগলো সে, সেই মুহূর্তেই তাকে লারার সান্নিধ্য এনে দিতে পারে এমন কিছুর জন্ম সে আর্ত হ'য়ে উঠলো।

পকেট থেকে দুমড়োনো চিঠিটা বের করলে। যে-পাতাটা সে আগে পড়েছিলো, তার উত্তো পিঠে ভাঁজ পড়েছে এবার—হঠাৎ দেখলো সে-দিকেও কিছু লেখা আছে। কাগজটাকে টান ক'রে নিয়ে আগুনের কাঁপা আলোয় সে পড়লো :

‘জানো, তোমার বাড়ির সবাই মন্সোতে আছে। একটি ছোট্টো মেয়ে হয়েছে টোনিয়ার।’ তারপর কয়েকটা লাইন কাটা, তারপর : ‘কেটে দিলাম কারণ ও-বিষয়ে কিছু লেখাটাই বোকামি। দেখা হ'লে প্রাণের স্বখে কথা বলা যাবে। একুনি বেরোতে হচ্ছে, একটা ঘোড়া জোঁগাড় করতেই হবে। না-পেলে কী করবো জানি না। কাটিয়াকে নিয়ে এমন মুশকিল ...’ বাকিটা কালিতে মুছে গেছে, পড়া যাচ্ছে না।

‘ঘোড়াটা পেয়েছে সামডেভইয়াটভের কাছ থেকে,’ ইউরি শান্ত মনে ভাবলো। ‘যদি ওর কিছু লুকোবার থাকতো তাহ'লে এ-কথাটার উল্লেখ করতো না।’

৮

আগুন নিবে গেলে ইউরা চুল্লির নল বন্ধ ক'রে দিয়ে কিছু খেয়ে নিলে। তারপর এতো ঘুম পেয়ে গেলো যে জামা-কাপড় না-ছেড়েই সোফার ওপর শুয়ে পড়লো, আর শোয়ামাজ ঘুম। দেয়াল আর বরজার পেছনে ইহু-

বাহিনীর সশস্ত্র অভব্য, গোলমাল তার কানে ঢুকলো না। পর-পর ছোটো ছুঃস্বপ্ন দেখলো সে।

সে যেন মস্তোত্তে, এমন একটা ঘরে যার দরজাটা কাচের। দরজায় চাবি লাগানো আছে। আরো বেশি নিরাপত্তার জ্ঞান সে দরজার হাতলটা ধরে নিজের দিকে টেনে রাখছে। ছোট্ট শাশা, তার পরনে টুপিহীন স্ফুট, বাইরে থেকে ধাক্কা দিচ্ছে দরজায়, ভেতরে আসবে বলে কেঁদে-কেঁদে ম'রে যাচ্ছে সে। তার পেছনে একটি জলপ্রপাত, জলকণায় দরজাটা আবছা হ'য়ে গেছে, ভিজিয়ে দিচ্ছে শাশাকে। দারুণ গর্জন ঐ জলপ্রপাতের। হয় কোনো ফাটা পাইপ থেকে জল গড়াচ্ছে—যা তখনকার দিনে হামেশাই হ'তো, নয় ঐ কাচের দরজাটা আড়াল ক'রে রেখেছে এক আরণ্যক প্রদেশকে, সেখানে এক পাহাড়ি নদী প্রচণ্ডবেগে গর্জন করতে-করতে চলেছে অযুত বছরের হিম আর অন্ধকারে ভরা গুহার মধ্য দিয়ে।

সেই উচ্চল জলের শব্দে শাশা ভয়ে কাঁটা হ'য়ে যেতে লাগলো। তার গলার আওয়াজ ডুবিয়ে দিলো সেই শব্দ, কিন্তু ইউরির দেখতে পাচ্ছিলো কেমন ক'রে সে বার-বার, বার-বার চেষ্টা করছে, 'বাবা' বলে ডেকে উঠতে।

কষ্টে বুক ফেটে যাচ্ছিলো ইউরির। কায়মনোবাক্যে সে চাইলো ছেলেটাকে কোলে তুলে নিতে, তাকে বুকের মধ্যে লুকিয়ে নিয়ে যতো তাড়াতাড়ি পারে ছুটে পালিয়ে যেতে চাইছিলো।

চোখের জলে ভেসে যাচ্ছে ইউরি, তবু সে ছেলেকে বাইরে ফেলে রাখছে, তাকে ঠেকিয়ে দরজাটাকে চেপে রাখছে নিজের দিকে—কেন? অল্প এক রমণীর প্রতি এক মিথ্যা সদাচারের ইচ্ছায়—যে-নারী তার সন্তানের মা পর্যন্ত নয়, আর যে-কোনো মুহূর্তে অল্প দরজা দিয়ে এই ঘরে যে চ'লে আসতে পারে।

ঘামে আর চোখের জলে ভেসে জেগে উঠলো সে। 'আমার জ্বর হয়েছে, আমি অসুস্থ,' সে ভাবলে। 'টাইফাস নয় এটা। এটা হ'লো এক ধরনের অবলাদ যা এক মারাত্মক রোগের আকার নিচ্ছে, এমন কোনো রোগ যাতে প্রাণসংশয় হ'তে পারে; যে-কোনো কঠিন, হোঁয়াচে ব্যামোর মতোই হবে

এটা ; শুধু দেখা যাক কে জেতে, জীবন না মৃত্যু । কিন্তু বড়ো ঘুম পেয়েছে, কিছু ভাবতে পারছি না ।’ আবার ঘুমে ঢলে পড়লো সে ।

এবার স্বপ্ন দেখলো এক অন্ধকার শীতের সকালের ; রাস্তায় আলো জ্বলছে, নিজেকে দেখলো মস্তোর কোনো-এক ভিড়ে ভরা রাস্তায় । যানবাহন, ট্রামের ঘুন্টি আর আলো-ফোটা রাস্তায় ধূসর বরফের ওপর ল্যাম্পপোস্টের হলদে আভার স্রোতগুলো—এ-সব দেখে মনে হয় যে বিপ্লবের আগেকার সময় এটা । স্বপ্নে দেখলো একটা বড়ো ফ্ল্যাট, অনেক জানলা, কিন্তু সবই এক দিকে, বাড়িটা খুব সম্ভব তেতলার চাইতে উঁচু নয়, জানলা ঢেকে পর্দাগুলো ঘরের মেঝেতে লুটিয়ে পড়েছে ।

ভেতরে জামা-কাপড় পরে লোকেরা সব ঘুমিয়ে আছে—যেন রেলের কামরায়—আর ঘরগুলোও রেল-কামরার মতোই অপরিচ্ছন্ন, আধো-খাওয়া মাংসের ঠ্যাং, রোস্ট মুরগির ডানা, আর পিকনিকের অল্প সব খাবারদাবারের উদ্ভৃত, তেল-চিটচিটে কাগজের টুকরোর ওপর ছড়িয়ে আছে । যে-সব বন্ধু, আত্মীয়, আগন্তুক আর গৃহহীনেরা এই ফ্ল্যাটে আশ্রয় নিয়েছে, রাত্তিরে জুতো খুলে রেখেছে তারা, মেঝের ওপর জোড়ায়-জোড়ায় সে-সব জুতো শোভা পাচ্ছে । বাড়ির কত্ৰী, লারা ; কোনোমতে সে কোমরে একটা ড্রেসিংগাউন জড়িয়ে দ্রুত ও নিঃশব্দে ঘরে-ঘরে ঘুরে তাড়াতাড়ি কাজকর্ম সেরে নিচ্ছে, আর ইউরি ঘুরছে তার পায়-পায়ে, নিরানন্দ এবং অপ্রয়োজনীয় কী সব কৈফিয়ৎ বিড়বিড় ক’রে আউড়ে যাচ্ছে সে, আর মিছিমিছি ঝামেলা বাড়চ্ছে । কিন্তু তার দিকে মন দেবার মতো এক মুহূর্ত সময়ও লারার নেই, তার বিড়বিড়ানি লক্ষ্যই করছে না সে, শুধু মাঝে-মাঝে শাস্ত, কোতূহলী দৃষ্টি মেলে তাকাচ্ছে তার দিকে, হেসে উঠছে ফোটা-ফোটা রূপোর মতো অননুভবনীয় সরল ভঙ্গিতে । তাদের মধ্যে শুধু এই এক ধরনের সংযোগ অবশিষ্ট আছে । কিন্তু কী স্বদ্র, কী ঠাণ্ডা আর কী অনিবার্যরূপে আকর্ষণযোগ্য এই নারী, যার জন্ত সে তার সর্বস্ব ত্যাগ করেছে, অল্প সব-কিছুর চাইতে আরো বেশি ক’রে সে যাকে চায়, আর যার তুলনায় অল্প কিছুই কোনো মূল্য নেই ।

সে নয়, অথচ তারই মধ্যে যেন অন্য কেউ বিলাপ ক'রে-ক'রে কাঁদছে, অন্ধকারে মুহু ভাষায় জলজল করছে যেন। তার জন্য থিয় হ'লো তার আত্মা, সে নিজের শোকার্ত হ'লো নিজের জন্য।

‘আমি অস্থস্থ,’ ঘুম, বিকার আর অচৈতন্যের মাঝখানকার ফাঁকা সময়টুকুতে সে ভাবলে। ‘আমার শেষ পর্যন্ত টাইফাসই হ'লো। নিশ্চয়ই কোনো বিশেষ ধরনের টাইফাস, পাঠ্য বইয়ে যার উল্লেখ নেই। কিছু খাওয়া উচিত আমার, নয়তো অনাহারে মারা যাবো।’

কিন্তু যখনই কহুইয়ের ওপর ভর দিয়ে নিজেকে তোলবার চেষ্টা করেছে, দেখেছে তার নড়বার ক্ষমতা নেই, হয় অজ্ঞান হ'য়ে পড়েছে, নয়তো ঘুম এসে গেছে আবার।

‘কতক্ষণ এখানে শুয়ে আছি?’ একবার নিজেকে জিজ্ঞেস করলো সে। ‘এই সোফায় যখন প্রথম শুতে যাই তখন ছিলো প্রথম বসন্ত, কিন্তু এখন জানলাগুলো এমন ঘন বরফে ঢাকা যে ঘরটা একেবারে অন্ধকার হ'য়ে গেছে।’

রান্নাঘরে ইঁদুরের পাল গোলমাল করছে, শব্দ করছে প্লেটের ওপর বনবান, ছুটছে দেয়াল বেয়ে, লাফিয়ে নামছে, তাদের কক্ষণ, কুৎসিত চিঁ-চিঁ গলার আওয়াজের আর বিরাম নেই।

যখন আবার ঘুম ভাঙলো তখন বরফে ঢাকা জানলায় ভোরের অথবা সূর্যাস্তের আলো এসে পড়েছে, ফটিক-পাত্রে লাল মদের মতো জলছে সেই আলো।

একবার মনে হ'লো যেন কাছে কোথায় গলার স্বর শুনলো, পাগল হ'য়ে যাচ্ছে ভেবে ভয় পেয়ে গেলো সে। নিজের দুঃখে কৈদে সে ঈশ্বরকে অভিযোগ করলে যে তিনি তাকে বর্জন করেছেন। ‘হে শাপ্ত জ্যোতি, তুমি কেন আমাকে পরিত্যাগ করলে, নরকের অন্ধকারে কেন ঠেলে দিলে আমাকে?’

হঠাৎ সে উগলকি করলো যে সে স্বপ্নও দেখছে না, বিকারের ঘোরেও আচ্ছন্ন হ'য়ে নেই, কিন্তু সত্যি-সত্যি, স্নাত পরিষ্কার জামা গায়ে, সে শুয়ে আছে, সোফায় নয়, এইমাত্র পাতা বিছানায়; আর তার পাশে ব'সে, তার

ওপর ঝুঁকে পড়ে, নিজের চুল আর ইউরির চুলে মিশিয়ে দিয়ে, নিজের চোখের জল ইউরির চোখের জলে এক করে দিয়ে, যে কানছে সে লারা। আনন্দে ইউরি সংবিৎ হারালো।

১০

স্বর্গ তাকে বর্জন কবেছে বলে অভিযোগ করেছিলো সে কিন্তু এখন দুটি সক্ষম শুভ্র রমণীর হাত তার বিছানার ওপর সমস্ত স্বর্গের সুখ নামিয়ে আনলো। আনন্দে মাথা ঘুরতে লাগলো তার, স্বখে ভেসে গেলো সে, যেন চেতনা হারিয়ে ফেললো।

সারা জীবন ভ'রে মে খেটেছে, বাড়ির কাজ করেছে, রোগীর পরিচর্যা করেছে, শেবেছে, পড়েছে, লিখেছে। কী ভালো লাগে সব কাজ, সব যুদ্ধ, সব চিন্তার অবসান ক'রে দিতে!—একবারের জ্ঞান প্রকৃতির হ'তে, তার হাতে ছেড়ে দিতে—যেন আমার দায় মে-ই তুলে নিয়েছে—তার আশ্চর্য, সন্মুখ, সৌন্দর্যসংকারী দুটি হাতের সৃষ্টি হ'তে।

ইউরির সেরে উঠতে দেবি হ'লো না। লারা খাওয়ালে তাকে, তার সেবা করলে, তাকে পুনরুজ্জীবিত ক'রে তুললো তার যত্নে, তার তুষারশুভ্র সৌন্দর্যে, তার নিচু গলায় বলা কথাবার্তার উষ্ণ, জীবন্ত নিশ্বাসে।

তাদের সেই নিচু-গলার কথাবার্তা যতো তুচ্ছই হোক, প্লেটোর কথোপ-কথনের মতোই তা অর্থপূর্ণ।

অনেক মিল দু'জনের মধ্যে, কিন্তু বাইরের জগৎ থেকে যা তাদের বিচ্ছিন্ন করেছে, তা-ই তাদের পরস্পরের আরো বেশি অন্তরঙ্গ ক'রে তুললো। দু'জনেই ঘৃণা করে মেটাকে, যেটা আধুনিক মানুষের সবচেয়ে শোচনীয় লক্ষণ—তার চীৎকৃত পাঠ্যকেতাভি ভক্তি, তার খুঁচিয়ে-তোলা উৎসাহ, আর সেই মারাত্মক নির্জীবতা—যা শিল্পে বিজ্ঞানে অসংখ্য কর্মীরা বহুযত্নে প্রচার করছে ও কাজে খাটাচ্ছে, যাতে প্রতিভার আবির্ভাব অত্যন্তই বিরল হ'তে পারে।

পরস্পরকে খুব ভালোবাসে তারা। প্রেমের অভিজ্ঞতা অনেকের জীবনেই আসে, কিন্তু তারা বুঝতে পারে না তার মধ্যে অসাধারণ কিছু আছে।

তাদের ধ্বংসোন্মুখ মাছুষী অস্তিত্বের ওপর, চিরন্তনের নিখালের মতো, আবেগের মুহূর্তগুলো যখন নেমে আসতো, তাদের তা মনে হ'তো যেন দিব্য উদ্ভাসের জগ্নক্ষণ—তখন আরো গভীর ক'রে তারা উপলব্ধি করতো নিজেদের, এবং এই জীবনকে। আর এখানেই তাদের অসাধারণত্ব।

১১

‘নিশ্চয়ই তুমি বাড়ি ফিরে যাবে। প্রয়োজনের অতিরিক্ত একদিনও তোমাকে আটকে রাখতে চাইনে আমি। কিন্তু একবার ছাখো তো কী হচ্ছে। তুমি জানোও না যে তুমি যখন অসুস্থ ছিলে তার মধ্যে কতো পরিবর্তন হয়েছে। যে-মুহূর্তে আমরা সোভিয়েট রাশিয়ার অন্তর্গত হলাম, সে-মুহূর্তেই তার ভাঙন আমাদের গ্রাস ক'রে নিলো। এখানকার খাণ্ড পাঠানো হচ্ছে মস্কোতে—আর সেখানে এ হ'লো সমুদ্রের বুকে একবিন্দু জলের সমান—এই সব ট্রাক-বোঝাই মাল একেবারে ডুবে যাচ্ছে এক অতল গহ্বরে—আর এদিকে আমাদের জন্য কিছুই নেই। ডাক বন্ধ, যাত্রীবাহী কোনো গাড়ি নেই, সব ট্রেনেই শস্ত্র যাচ্ছে। শহরে তো দারুণ অসন্তোষ, ঠিক গায়িডা-বিরোধের সময় যেমন হয়েছিলো, আর যেন এই প্রকাশ্য অসন্তোষের জবাব হিসেবেই চেকা^১ আবার একেবারে খেপে গেছে।

‘কিন্তু কী ক'রে যাবে—এতো দুর্বল আছো! হাড়মাস এক হ'য়ে গেছে যে! সত্যি-সত্যি কি পায়ে হেঁটে যাবে ভাবছো? কোনোদিন পৌছতে পারবে না। আর-একটু সুস্থ হ'য়ে নাও, তখন ভেবে দেখা যাবে।

‘আমার মত হ'লো আপাতত একটা চাকরি নাও তুমি। নিজের যা পেশা তাই করো না—ওরা সেটা পছন্দই করবে। আঞ্চলিক স্বাস্থ্যবিভাগে কিছু-একটা পেয়ে যাবে।

১ চেকা (Cheka : রুশ ভাষায় সম্পূর্ণ নামের আজ্ঞাকরের সংযোগে রচিত) : ১৯১৭ সালের ডিসেম্বর মাসে প্রতিষ্ঠিত রুশীয় গুপ্ত পুলিশবাহিনী। প্রতিবিরোধী প্রচেষ্টা আবিষ্কৃত হবার পর এই বাহিনী বহু সহস্র নর-নারীকে সন্দেহবশত বিনা বিচারে গুলি ক'রে মারে। ১৯২১ সালে লেলিন চেকা-র বদলে বলশেভিক পুলিশের অন্ত্র একটি বাহিনী স্থাপন করেন, তার নাম OGPU। —অনুবাদের টীকা।

‘কিছু-একটা করতেই হবে তোমাকে! এমনিতেই তোমার মাননীয়কম মুন্সিল আছে।—তোমার স্বাভাবিক ছিলেন একজন সাইবেরীয় কোটিপতি, তিনি আত্মহত্যা করেছিলেন, তোমার স্ত্রী একজন স্থানীয় জমিদারের কন্যা, আর তুমি নিজেকে তো পার্টিজানদের ক্যাম্প থেকে পালিয়েছিলে। এতো সব কি এড়াতে পারবে ভেবেছো? বিপ্লবী সেনাবাহিনী ছেড়ে তুমি চ’লে এসেছিলে—তার মানে তো দেশদ্রোহ। বেকার থাকা তোমার পক্ষে বিপজ্জনক হবে। আমার নিজের অবস্থা তার চেয়ে কিছু ভালো নয় অবশ্য। আমাকেও কোনো-একটা কাজ জুটিয়ে নিতে হবে। এমনিই তো এক আশ্বেয়গিরির মুখের ওপর ব’সে আছি আমি।

‘তার মানে? স্টেলনিকভের খবর কী?’

‘তার জন্মই তো! তোমাকে তো বলেছি কতো শত্রু ওর। এখন যখন লাল ফৌজ জয় হয়েছে তখন দলভুক্ত না-হ’য়েও যে-সব সৈন্যরা অনেক ওপরে উঠেছিলো, আর জেনেও ফেলেছিলো অনেক কিছু, তাদের আর-কোনো আশা নেই।—শুধু যদি বের ক’রে দেয়, নিশ্চিহ্ন না-ক’রে ফেলে, তাহ’লেই ভাগ্য মানবো। বিশেষ ক’রে পাশার খুব বিপদ—ওকে ধ’রে ফেলা সহজ মনে হয়। সে পূর্ব-রাশিয়ায় ছিলো, জানো তো—এখন শুনি ও লুকিয়ে আছে, পালিয়ে বেড়াচ্ছে। ওকে খুঁজছে ওরা। কিন্তু এ-বিষয়ে আর কথা না। কাঁদতে ঘেন্না করে আমার, আর একটা কথাও যদি মুখে আনি তাহ’লেই চীৎকার শুরু ক’রে দেবো।’

‘ওকে খুব ভালোবাসতে তুমি? এখনো কি বাসো?’

‘জ্যাঁখো, আমি বিয়ে করেছিলাম ওকে, ও আমার স্বামী। আশ্চর্য সং, উজ্জল ওর ব্যক্তিত্ব। আমাদের বিয়ে যে সার্থক হ’লো না সেটা অনেকটা আমারই দোষে। ওর যে কখনো কোনো ক্ষতি করেছি আমি তা নয়, তা বললে মিথ্যে বলা হবে। কিন্তু ও ছিলো অনগ্রসাধারণ, অনেক বড়ো, আর—আর আমি তো নেহাৎ নিষ্কর্মা, ওর তুলনায় আমি কিছুই নই। সেটাই আমার দোষ। কিন্তু এ-বিষয়ে দয়া ক’রে কোনো কথা আর বোলো না এখন। পরে কোনো সময়ে তোমাকে আরো অনেক কথা বলবো, কথা দিচ্ছি।

‘কী সুন্দর তোমার টোনিয়া। ঠিক বতিচেলির ছবি। ওর প্রসবের

সময় আমি ছিলাম ওখানে। খুব ভাব হয়েছিলো আমাদের। কিন্তু ও-বিষয়েও কোনো কথা এখন থাক।

‘যা বলছিলাম, এসো আমরা দুজনেই চাকরি নিই। রোজ সকালে কাজে বেরিয়ে যাবো, আর মাসের শেষে কোটি-কোটি রুবলে আমাদের মাইনে আনবো। জানো তো, কিছুদিন আগে পর্যন্তও সাইবেরিয়ার নোট চলতো। তারপর বন্ধ করে দেওয়া হয়েছে—সেও আজ অনেকদিন হ’য়ে গেলো—তুমি তখন অল্পস্ব, দেশে টাকা বলতে কিছুই ছিলো না, সত্যি ছিলো না—ভাবো একবার! কোনোরকমে চালাতাম, আর এখন শুনছি এক টেন বোঝাই নোট নাকি এসেছে, অন্তত চল্লিশ টাক হবে। বড়ো কাগজে লাল আর নীল রঙে ছাপা, ছোটো-ছোটো চৌখুপি কাটা আছে। প্রত্যেকটি নীল চৌখুপির মূল্য হ’লো পঞ্চাশ হাজার আর লাল চৌখুপির মূল্য এক লাখ রুবল। বিল্ডি ছাপা, ফ্যাশাশে রংগুলোও নোংরা।’

‘হ্যাঁ, ও-রকম টাকা আমি দেখেছি। আমরা মস্কো ছাড়ার ঠিক আগেই তার প্রচলন হয়েছিলো।’

১২

‘ভারিকিনোতে এতোদিন ছিলে কেন? কেউ আছে নাকি ওখানে? আমি তো ভেবেছিলাম কাকপক্ষীও ওখানে নেই, একেবারে ফাঁকা। এতোদিন ধ’রে করলে কী?’

‘কাটিয়া আর আমি মিলে তোমার বাড়ি পরিকার করছিলাম। ভেবেছিলাম ফিরে এসেই তুমি ওখানে যাবে, আর বাড়িটার যা হাল হয়েছে, আমি চাইনি তা তোমার চোখে পড়ে।’

‘কেন, কী হয়েছে? খুব খারাপ?’

‘নোংরা, আগোছালো—আমরা সব ঠিকঠাক করলাম।’

‘কেমন সংক্ষেপে জবাব দিচ্ছো—কিছু এড়িয়ে যাচ্ছো যেন। মনে হচ্ছে কিছু গোপন করছো তুমি। তা বেশ—তোমার যা খুশি, আমি জোর করবো না। টোনিয়ার কথা কিছু বলো। বাচ্চা মেয়েটার নাম কী দিলে ওরা?’

‘মাশা—তোমার মায়ের নাম।’

‘আরো বলো ওদের কথা। সব বলো।’

‘লক্ষী তো, এখন না। আমি তো বলেছি তোমাকে, এখনো চোখের জল না-ফেলে এ-সব কথা বলতে পারি না আমি।’

‘ঐ সামডেভইয়াটভ—যে তোমাকে ঘোড়া ধার দিয়েছিলো, খুব মজার মানুষ, নয় কি?’

‘খুব।’

‘জানো তো, ওর সঙ্গে বেশ চেনা আছে আমার। আমরা যখন ওখানে ছিলাম, সব সময় আপা-ষাওয়া করতো সে। সব অচেনা চারদিকে, গুছিয়ে বসতে খুব সাহায্য করেছিলো সে।’

‘জানি, আমাকে বলেছেন উনি।’

‘তোমারও অনেক কাজে লেগেছে নিশ্চয়ই? প্রায়ই দেখা হয় তোমার সঙ্গে?’

‘এতো উপকার করেন ভদ্রলোক—একেবারে অভিভূত হ’য়ে আছি। ওকে ছাড়া কী ক’রে চলতো জানি না।’

‘বুঝতেই পারছি। বেশ বন্ধুত্ব হয়েছে বোধহয় তোমার সঙ্গে ওর। যখন ইচ্ছে চ’লে আসে হয়তো।’

‘সর্বদাই আসে। আসবে না কেন?’

‘তুমি পছন্দ করো ওকে? দুঃখিত। ও-কথাটা জিজ্ঞেস করা উচিত হয়নি; তোমাকে প্রশ্ন করার দরকার কী আমার। এটা একটু বাড়াবাড়ি হ’য়ে গেছে। আমি মাপ চাইছি।’

‘আঃ, ঠিক আছে। আমার মনে হচ্ছে তুমি যা জানতে চাও তা হ’লো আমাদের মধ্যে সত্যিকার সম্পর্কটা কী? বন্ধুত্ব ছাড়া অল্প কিছু কি আছে? নিশ্চয়ই নেই। আমার প্রভূত উপকার করেছেন উনি, আর আমি ওঁর কাছে বিশেষভাবে ঋণগ্রস্ত, কিন্তু আমার ওজনের সমান-সমান সোনাও যদি আমাকে দেন উনি, আমার অল্প নিজের প্রাণ দেন যদি, তাহ’লেও এর চাইতে বেশি কাছে তিনি পাবেন না আমাকে। ওঁর ধরনের মানুষ চিরকালই আমি অপছন্দ করেছি, এদের সঙ্গে কোনো মিল নেই আমার। এই কবিত্বকর্মা,

আত্মবিশ্বাসী, জ্বরদন্ত মানুষ—সাংসারিক ব্যাপারে মহামূল্য এয়া, কিন্তু হৃদয়ের বেলায়? সেখানে ওদের স্পর্ধিত, আত্মতৃপ্ত পুরুষালির মতো ভয়াবহ আর-কিছু ভাবতে পারি না। জীবন, প্রেম—ও-সব বিষয়ে আমার ধারণা একেবারে আলাদা। সত্যি বলতে, মানুষ হিসেবে আনফিম আমাকে আরেকজনের কথা মনে করিয়ে দেয়, যে ওঁর চেয়েও অপরিণীমরূপে বেশি স্থগা। আজ আমি যা হয়েছি, তার জগৎ ঐ লোকটাই দায়ী।

‘বুঝতে পারছি না। কী হয়েছো তুমি? কী ভাবছো তুমি? আমাকে বুঝিয়ে বলো। এ-জগতে তোমার চাইতে ভালো আর কেউ নেই।’

‘ইউরা, আমার প্রাণ, কেমন ক’রে ও-কথাটা বলতে পারলে! আমি ঠাট্টা করছি না, অথচ তুমি এমনভাবে আমার স্তুতি করছো যেন ড্রয়িংরুমে ব’সে প্রশস্তি-বিনিময় করছি আমরা। আমি কী-রকম বলো তো? আমার মধ্যে কিছু-একটা ভেঙে গেছে, আমার সারা জীবনের মধ্যেই কিছু-একটা বিকল হ’য়ে গেছে। অল্প বয়সে জীবনকে আমি আবিষ্কার ক’রে ফেলেছিলাম, আবিষ্কার করতে বাধ্য করা হয়েছিলো আমাকে—জীবনের সবচেয়ে কুৎসিত দিকটাতে আমাব চোখ খুলে দেওয়া হয়েছিলো—এক প্রোট লম্পাটের চোখ দিয়ে দেখা জীবনের এক শস্তা, বিকৃত সংস্করণ। তখনকার দিনে যাদের দেখা যেতো—সেই নিষ্কর্মা আত্মস্থখী স্বার্থপরের দল, যারা সব-কিছুই সুবিধে নিয়ে নিজেদের যে-কোনো খেয়াল চরিতার্থ করেছে—লোকটা ছিলো তাদেরই একজন।’

‘এবার বোধহয় বুঝতে পারছি। আমারও মনে হ’তো কিছু-একটা ব্যাপার আছে। কিন্তু একটু দাঁড়াও। ছেলেবেলায় তুমি কতো কষ্ট পেয়েছো তা সহজেই কল্পনা করতে পারি, সে-কষ্ট তোমার বয়সের পক্ষে অনেক বেশি, অনুমান করতে পারি তোমার নিষ্পাপ মন কী-রকম আহত হয়েছিলো, একটা খুব অল্পবয়সী মেয়ের মানিবোধ কী ভীষণ হবে, তাও বুঝি। কিন্তু এ-সবই তো এখন অতীতের কথা। আমি যা বলতে চাচ্ছি তা এই যে এ নিয়ে তুমি আর কেন দুঃখ পাবে—দুঃখ পাবে অন্তেরা—যারা তোমাকে ভালোবাসে, এই যেমন আমি। যদি সত্যি ও-কথা ভেবে এখনো তুমি কষ্ট পাও, তাহ’লে মাথার চুল ছেঁড়া উচিত আমারই—কেন আমি সে-সময়ে বাধা দিতে পারিনি,

কেন তোমার কাছে ছিলাম না! ব্যাপারটা ভারি অদ্ভুত কিন্তু। আমি পারি শুধু ঈর্ষা করতে—তীব্র ঈর্ষা, মারাত্মক—আর ঈর্ষা কাকে? এমন একজনকে যাকে আমি ঘৃণা করি, যার সঙ্গে আমার কোনো মিল নেই। আমি প্রজ্ঞা করতে পারি এমন প্রতিদ্বন্দ্বীর কাছে নিজেকেই অল্প রকম মনে হবে আমার। আমার মনে হয় কী জানো? এমন একজন লোক, যাকে আমি বুঝতে পারি, পছন্দ করি—আমি যে-মেয়েটিকে ভালোবাসি সেও যদি তাকেই ভালোবাসে, তাহ'লে আমার কোনো অভিযোগ থাকবে না, তার সঙ্গে ঝগড়া করবো না আমি। বরং বেদনাময় এক ভ্রাতৃত্ব অহুভব করবো তার সঙ্গে। অবশ্য আমার প্রেমিকাকে আমি অল্প কারো সঙ্গে ভাগ ক'রে নিতে চাইবো না। কিন্তু তাকে ছেড়ে দেবো আমি, ভোগ করবো দুঃখ—ঈর্ষা নয়, ঈর্ষার মতো কড়া আর রাগি নয় সেই ভাবটা। ঠিক এই একই ব্যাপার হবে যদি এমন কোনো শিল্পীর সঙ্গে আমার দেখা হয় যিনি, আমি যা করছি তা-ই করছেন, কিন্তু আরো ভালো ক'রে। হয়তো আমার নিজের চেষ্ঠা বন্ধ ক'রে দেবো তখন, তাঁরটা যখন আরো ভালো হচ্ছে, তখন আর ও-রকমই আর-একটার দরকার কী!

‘কিন্তু আমরা অল্প কথা বলছিলাম। অভিযোগ বা অহুতাপ করার মতো তোমার যদি কিছু না-থাকতো তাহ'লে বোধহয় এতো ভালো তোমাকে বাসতে পারতাম না। যারা কখনো হৌচট খায়নি, চলতে-চলতে একবারও প'ড়ে যায়নি, নিপ্রাণ তাদের পুণ্য, বেশি কিন্তু মূল্য নেই তার। তাদের কাছে জীবন তার সৌন্দর্যকে প্রকাশ করেনি।’

‘এই সৌন্দর্যের কথাই আমি ভাবছিলাম। সুন্দরকে দেখতে হ'লে—আমার মনে হয়—অটুট কল্পনাশক্তি চাই। দৃষ্টি চাই শিশুর মতো সরল। ঠিক তা-ই থেকে আমি বঞ্চিত হয়েছিলাম। যদি একেবারে প্রথম থেকেই অল্প একজনের শস্তা চোখ দিয়ে দেখতে না-হ'তো, তাহ'লে হয়তো জীবন বিষয়ে আমারও একটা দৃষ্টি গ'ড়ে উঠতো এতোদিনে। কিন্তু এখানেই শেষ নয় ব্যাপারটার। যেহেতু, একেবারে আরম্ভেই, আমার জীবনের মধ্যে জোর ক'রে ঢুকে পড়েছিলো ঐ লম্পট স্বার্থপর লোকটা—আসলে যে একটা মাঁহুই নয়—সেইজন্মই পরে যখন আমি বিয়ে করলাম সত্যিকার বড়ো একজন

মানুষকে, তখন যদিও আমরা দু'জনেই দু'জনকে ভালোবেসেছিলাম, সেই বিষয়ে ধ্বংস হ'য়ে গেলো।'

‘একটু দাঁড়াও—তোমার স্বামীর কথা এখনই আমাকে বলো না। না, তাকে হিংসে করছি না আমি। বলেছি তো তোমাকে, শুধু তাদেরই ওপর আমার হিংসে হয়, যারা আমার চেয়ে নিকৃষ্ট। আগে সেই অল্প লোকটির কথা বলো।’

‘কোন লোকটি?’

‘ঐ পিশাচটা। যে তোমার জীবনটাকে নষ্ট করেছে। কে সে?’

‘মঞ্জোর এক উকিল—বেশ নামজাদা। আমার বাবার বন্ধু। বাবা মারা যাবার পর আমরা যখন খুব দুর্বস্থায় পড়েছিলাম তখন সে আমার মায়ের সহায় হয়েছিলো। অবিবাহিত ধনী। সে আসলে যেমনটি, তার চেয়ে তাকে হয়তো অনেক বেশি আলোচনার যোগ্য মনে হচ্ছে—এতো কালো ক'রে আঁকছি ওকে। কিন্তু ওর চেয়ে সাধারণ আর হ'তে পারে না। চাও তো ওর নামও বলতে পারি তোমাকে।’

‘দরকার নেই। আমি জানি। একবার তাকে দেখেছিলাম।’

‘সত্যি?’

‘একদিন সন্ধ্যাবেলা—তোমাদের হোটেলে—ষে-রাতে তোমার মা বিষ খেয়েছিলেন। অনেক রাত তখন। তুমি আমি দু'জনেই তখন স্কুলে পড়ি।’

‘ও, মনে পড়েছে। অল্প একজনের সঙ্গে তুমি এসেছিলে। লবির অঙ্ককারে দাঁড়িয়ে ছিলে তোমরা। আমার নিজের কখনো মনে পড়তো কিনা জানি না, কিন্তু তুমি বোধহয় আগে একবার মনে করিয়ে দিয়েছিলে, নিশ্চয়ই মেলিউজ্জাইয়েভোতে।’

‘কমারোভস্কি ছিলো সেখানে।’

‘ছিলো বুঝি? তা হবে। ওর সঙ্গে আমাকে দেখাটা আর আশ্চর্য কী। প্রায়ই তো একসঙ্গে থাকতাম।’

‘লাল হচ্ছে কেন?’

‘তোমার মুখে কমারোভস্কির নাম শুনে। ওর নাম না শুনে-শুনে এমন অভ্যেস হ'য়ে গেছে যে চমকে উঠেছিলাম।’

‘সেই রাতে আমার সঙ্গে গিয়েছিলো আমার এক স্কুলের বন্ধু, সে আমাকে বা বলেছিলো তা এই। এর আগে অত্যন্ত এক অভূত জায়গায় কমারোভস্কিকে সে দেখেছিলো। সে ভোলেনি কথাটা, যদিও তখন সে খুব ছোটো—আমার ঐ বন্ধু—মিশা গর্ভন তার নাম—ট্রেনে যেতে-যেতে আমার কোটিপতি বাবার আত্মহত্যার দৃশ্য দেখেছিলো সে। একই ট্রেনে যাচ্ছিলো ওরা। জীবনটাকে শেষ ক’রে দেবার জন্য চলন্ত ট্রেন থেকে লাফিয়ে পড়েন আমার বাবা, প’ড়ে মারা যান। তাঁর সঙ্গে চলেছিলো তাঁর উকিল—এই কমারোভস্কি। বাবাকে নেশা ধরিয়ে ব্যাবসায় গোলমাল বাধিয়ে লাল বাতি জ্বালাব প্রাস্তে নিয়ে এসে, তাঁকে শেষ পর্যন্ত আত্মহত্যার মুখে ঠেলে দিলে লোকটা। ওর জন্তাই বাবা প্রাণ হারালেন নিজের, আর আমি অনাথ হলাম।’

‘সত্যি? কী বলছো তুমি? কী অভূত কথা। এ কি সত্যি হ’তে পারে? তাহ’লে তোমার জীবনেও ও দুঃখের ছায়া ফেলেছে! এতে আমরা দু’জনে আরো আপন হলাম, তাই নয়কি, যেন সবই আগে থেকেই ঠিক হ’য়ে ছিলো!’

‘এই সেই লোক যাকে আমি চিরকাল, অচিকিৎসরূপে, উন্মাদের মতো ঈর্ষা করবো।’

‘এ-কথা কী ক’রে বলতে পারলে? বুঝতে পারো না, ওকে আমি ভালোবাসিনি, ওকে ঘেন্না করে আমার।’

‘নিজেকে কি অতো ভালো ক’রে জানা যায়? মাহুষের চরিত্র এতো রহস্যময়, এমন আত্মবিরোধে ভরা! এই যে তোমার স্বপ্না—হয়তো এরই মধ্যে এমন কিছু আছে যা তোমাকে বেঁধে রাখবে তার সঙ্গে—যাকে তুমি স্বাধীনভাবে বাধ্য হ’য়ে ভালোবাসলে, তার সঙ্গেও অতো দৃঢ় হবে না তোমার বন্ধন।’

‘এ কী ভীষণ কথা বলছো তুমি! আর এমন ক’রে বলছো যে মনে হচ্ছে এই পাশবিক, অস্বাভাবিক কথাটাও সত্যি হ’তেও পারে বা। তুমি বললে ঐ রকমই মনে হয় আমার। কিন্তু কী জঘন্য!’

‘ভয় পেয়ো না তুমি, কান দিয়ে না আমার কথায়। আমি শুধু বলতে চেয়েছিলাম যে যা-কিছু অন্ধকার, অচেতন, যার সঙ্গে কথা বলা যায় না,

যার বিষয়ে কোনো ধারণা করা যায় না, সেগুলোকে ঠেঁষা না-ক'রে আমি পারি না। আমার হিংসে হয় তোমার চুলের বুরুশটিকে, তোমার গায়ের ঘামের বিন্দুটিকে, যে-বাতাসে তুমি নিশ্বাস নাও তার বীজাণুগুলো, যা তোমার রক্তে মিশে তাকে বিষাক্ত ক'রে তুলতে পারে—সেগুলোকেও হিংসে হয় আমার। আর ঠিক এই একই ভাবে আমি ঠেঁষা করি কমারোভস্কিকে, কোনো ছোঁয়াচে রোগের মতো ওকে আমার মনে হয়, মৃত্যু যেমন নিশ্চিত-ভাবে একদিন আমাদের বিচ্ছেদ ঘটাবে ঠিক তেমনিভাবেই ও যেন তোমাকে নিয়ে যাবে আমার কাছ থেকে। তোমার মনে হ'তে পারে যে রাশি-রাশি বাজে বকছি। কিন্তু এয় চেয়ে ভালোভাবে আমি বলতে পারি না। আমি ভালোবাসি তোমাকে—সেই ভালোবাসা স্মৃতিকে ছাড়িয়ে যায়, মনকে ছাড়িয়ে যায়, তার কোনো পরিমাণ নেই।'

১৩

'তোমার স্বামীর কথা আরো বলো। সে হ'লো—“দুর্গতির অল্পগ্রন্থে লিপিবদ্ধ সে আমার পাশে—” শেক্সপীয়র থেকে বলছি।'

'কোথায় আছে এ-কথাটা?'

'রোমিও জুলিয়েটে।'

'অনেক তো বলেছি তোমাকে—সেই যখন মেলিউজেইয়েভোতে ওকে খুঁজে বেড়াচ্ছি—তখনই শুনলাম যে পাশার চরেরা তোমাকে গ্রেপ্তার ক'রে ওর ট্রেনের কামরায় তোমাকে নিয়ে গিয়েছিলো। হয়তো বলেছি তোমাকে, কিংবা হয়তো বলেছি ব'লে ভাবছি—একবার ও যখন গাড়িতে উঠছিলো তখন ওকে দূর থেকে আমি দেখেছিলাম - যদিও ওকে ঘিরে কতো যে পাহারাদার ছিলো তা বুঝতেই পারো! দেখলাম ও একটুও বদলায়নি। সেই সুন্দর, সৎ, দৃঢ়প্রতিজ্ঞ মুখশ্রী, মুখের ভাবে ও-রকম সততা আমি জীবনে আর দেখিনি। সেই পুরুষোচিত, সরল চরিত্র, কোনোরকম ত্রাকামি বা ভানের ছায়ামাত্র নেই। কিন্তু একটা তফাৎ তবু লক্ষ্য করলাম, তাতে উষ্ণ না-হ'য়ে পারিনি।

‘কী যেন একটা দেখেছিলাম তার মুখের ভাবে—তা এমন নির্বাক যেন তার স্বভাবের সব রং ধুয়ে গেছে। একটা জীবন্ত মানুষের মুখ যেন নয় আর, হ’য়ে উঠেছে কোনো নীতি বা ধারণার প্রতিক্রিয়া। এটা লক্ষ্য ক’রে ভীষণ বিচলিত হয়েছিলাম। বুঝেছিলাম যে যার কাছে নিজেকে সে সমর্পণ করেছে তা মহৎ ও করুণাহীন, মানুষকে তা তিলে-তিলে মেরে ফ্যালে—আর ওকেও তা শেষ পর্যন্ত নিকৃতি দেবে না। মনে হয়েছিলো ও যেন চিহ্নিত, আর সেই চিহ্নটি হ’লো এই।’ কিন্তু বোধহয় আমি গুলিয়ে ফেলেছি সব। বোধহয় ওর সঙ্গে তোমার দেখা হবার কথা তুমি যা বলেছো তারই প্রভাব পড়েছে আমার ওপর। মানতেই হবে তুমি আমাকে নানাভাবে আচ্ছন্ন করেছো—পরস্পরকে ভালোবাসার কথা বাদ দিয়েই বলছি।’

‘বিপ্লবের আগে থেকেই তো তুমি ওর সঙ্গী। সে-কথা কিছু বলো।’

‘অনেকদিন আগে, তখনো আমি ছেলেমানুষ, আমার খুব বোঁক ছিলো পবিত্রের দিকে। পাশার মধ্যে আমার সেই আকাঙ্ক্ষার পূর্ণতা পেলাম। জানো, বলতে গেলে একই বাড়িতে বড়ো হয়েছি আমরা—পাশা, গালিউলিন আর আমি। পাশা যখন খুব ছোটো, তখন থেকেই ও আমাকে নিয়ে মোহিত। আমাকে দেখলেই লাল হ’য়ে উঠতো কি হ’য়ে যেতো ফ্যাকাশে। এ-ভাবে বলাটা ঠিক হচ্ছে না, কিন্তু আমি বুঝিনি বললেও মিথ্যে বলা হবে। ওর ছিলো এক সর্বগ্রাসী ছেলেমানুষি আবেগ, যা ছেলেমানুষেই লুকিয়ে রাখে—আত্মসম্মানে আঘাত লাগার ভয়ে। কিন্তু তার মুখের দিকে এক পলক তাকিয়েই সব বোঝা যেতো। ঘন-ঘন দেখাশোনা হ’তো আমাদের। তোমার আর আমার মধ্যে যতোটা মিল, ওর সঙ্গে আমার ছিলো ততোটাই তফাৎ। সেখানেই—তখনই—আমি মনে-মনে তাকে বরণ করেছিলাম। স্থির করেছিলাম বড়ো হ’য়েই এই মনোমুগ্ধকারী ছেলেটিকে আমি বিয়ে করবো। মনে-মনে ওর বাগ্‌দত্তা হ’য়ে গেলাম আমি।’

‘অসাধারণ ওর প্রতিভা, তা তো জানো। ওর বাবা ছিলেন একজন সাধারণ সিগ্‌নালম্যান, না কি রেলের গার্ড, ঠিক জানি না কী। কিন্তু পাশা—নিছক বুজির জোরে, খাটুনির জোরে আজকালকার কলেজি শিক্ষার—বলতে বাচ্চিলাম উচুতে, কিন্তু সত্যি বলতে শীর্ষস্থলে উঠলো—তাও দু-ছুটো জিতাগো—৩৬

বিষয়ে, গণিত ও প্রাচীন সাহিত্য। হাজার হোক, এ তো একটা সোজা কথা নয়!’

‘কিন্তু—যদি পরস্পরকে এতোই ভালোবাসতে তোমরা—তাহ’লে তোমাদের বিবাহিত জীবন নষ্ট হ’লো কেন?’

‘এ-কথার জবাব দেওয়া বড় শক্ত। তবু তোমাকে বলার চেষ্টা করি। কিন্তু তুমি এতো বোঝো যে তোমার কাছে কিছুই ব্যাখ্যা করাটা নিতান্ত হাশ্বকর। তুমি তো জানোই মানুষের জীবনে, রাশিয়ার জীবনে, কী ওলোট-পালোট শুরু হয়েছে, কেন ভেঙে যাচ্ছে তোমার আমার মতো অসংখ্য সংসার। হায় অদৃষ্ট, এর কি আর কোনো ব্যক্তিগত কারণ থাকে, এ কি আর মিল, অমিল, স্বভাবের পার্থক্য, প্রেম কি অপ্রেমের প্রস্ন! যা-কিছু স্থির, স্থাপিত, ঘর, সংসার, শৃঙ্খলা, দৈনন্দিন জীবন—এ-সব বলতে যা-কিছু বোঝায়, সব ধুলোর মধ্যে গুঁড়িয়ে গেলো। সারা দেশে তোলপাড়, সমাজকে পুরোপুরি ঢেলে সাজা হচ্ছে—তার ধাক্কা কেমন ক’রে সামলানো যাবে? যা-কিছু মানুষের মতো বাঁচার উপায়, সব বিধ্বস্ত, সব বিচূর্ণ। প’ড়ে আছে মানুষের নয় আত্মাটুকু, কাঁপছে, শেষ আবরণটুকু ছিন্ন তার। মানুষের আত্মার এই উলঙ্গ তেজ—তা তো কোনো বদলের ধার ধারে না, কেননা চিরকাল তা হিম, কম্পিত, তা পৌছতে চায় নিকটতম প্রতিবেশীর দিকে, যে তারই মতো হিম আর নিঃসঙ্গ। তুমি আর আমি পৃথিবীর আরম্ভে সেই আদিম দুই মানুষের মতো, যাদের কোনো আবরণ ছিলো না—তুমি আর আমি তাদেরই মতো নয়, তাদেরই মতো গৃহহীন। সেই দুই আদি মানুষের কতো হাজার বছর কেটে গেলো! এর মধ্যে যে-অপরিমাণ মহিমার সৃষ্টি হয়েছে জগতে, তুমি আর আমি তারই সর্বশেষ স্বত্তি, সেই হারিয়ে-যাওয়া ঐশ্বর্ষের স্বত্তি নিয়ে বেঁচে আছি আমরা, ভালোবাসছি, কাঁদছি, আঁকড়ে ধরছি পরস্পরকে।’

লারা একটু চূপ ক'রে থাকলো, তারপর আরো শাস্ত হ'য়ে বলতে শুরু করলো :

‘বলছি তোমাকে, শোনো। স্ট্রেলনিকভ যদি আবার পাশা আন্টিপভ হয়, যদি এই বিস্ফোভ আর বিদ্রোহ সে ত্যাগ করে, যদি সময়ের গতি উন্টে দিকে ফিরে যায়, দৈবের দয়ায় কোথাও যদি দেখতে পাই আমাদের বাড়ির জানলায় আলো জলছে, পাশার টেবিলে বইপত্রের ওপরে আলো—আর তা যদি হয় পৃথিবীর শেষতম সীমায় তাহ'লে—তাহ'লেও বুকে হেঁটে হামাগুড়ি দিয়ে আমি যাবো দেখানে। যা-কিছু আমার আছে সব ছুটে যাবে তার দিকে। অতীত, অতীতের প্রতি নিষ্ঠা—এরা এসে ডাক দিলে কিছুতেই আমি নিঃসাড় থাকতে পারবো না। তার জন্ত সব ছাড়তে পারি আমি—যতো দামিই তা হোক না কেন। এমনকি তোমাকে পর্যন্ত। এমনকি আমাদের এই ভালোবাসা—এতো স্বাভাবিক, এতো ভালো, যা এমনভাবে আমার অংশ হ'য়ে গেছে—তাও ছাড়তে পারি। আ—কমা করো আমাকে, ঠিক একথা আমি কিন্তু বলতে চাইনি। না, এটা সত্যি নয়।’

ইউরির বুকে ঝাঁপিয়ে পড়লো লারা, তার চোখে জল, কিন্তু তখনই সামলে নিলে নিজেকে, কান্না মুছে ফেলে বললে :

‘টোনিয়ার কাছে তুমি যে ফিরে যেতে চাও, তাও কি ঠিক এমনি কর্তব্যের তাগিদে নয়? হা ভগবান, কী দুঃখী আমরা! কী হবে আমাদের? কী করা উচিত এখন?’

আবার, একটু শাস্ত হ'য়ে নিয়ে বললে :

‘কিসে আমাদের স্বখ-শান্তি নষ্ট হ'য়ে গেলো, তা কিন্তু এখনো বলা হয়নি তোমাকে। পরে আমি সব স্পষ্ট বুঝতে পেরেছিলাম। সব বলছি তোমাকে। এ-গল্প শুধু আমাদেরই নয়, এমনি দুর্ভাগা যে কতো আছে, তার অন্তও নেই।’

‘বলো, লারা! কতো জানো তুমি, কতো বোঝো! সব কথা বলো।’

‘যুদ্ধের দু'বছর আগে আমাদের বিয়ে হ'লো। ঠিক যখন আমরা গুছিয়ে বসবো, ঘর বাঁধবো, তখন শুরু হ'লো যুদ্ধ। এখন মনে হয় সব-কিছুর জন্ত যুদ্ধই দায়ী—যতো দুঃখ কুহুরের পালের মতো আজও আমাদের তাড়া

ক'রে ফিরছে। আমার ছেলেবেলার দিনগুলো কেমন ছিলো, তা স্পষ্ট মনে আছে আমার। ছিলো এমন সময়, যখন গত শতাব্দীর শান্তি ছিলো আমাদের চোখে—সেটাই ছিলো সকলের স্বীকৃত। আমরা ধ'রেই নিয়েছিলাম যে বুদ্ধির পরামর্শই মাস্ত, আর বিবেক যা বলে সেটাই ঠিক—স্বাভাবিক। মানুষের হাতে মানুষ মরেছে—এটা ছিলো তখন ব্যতিক্রম, সাধারণ নিয়মের বহির্ভূত, কচিং তা ঘটতো। শুধু নাটক, খবরের কাগজ আর গোস্বেন্দা-কাহিনীতেই হত্যাকাণ্ড ঘটতো, দৈনন্দিন জীবনে নয়।

‘আর তারপরেই সেই শাস্ত, স্বরেলা, নির্দোষ জীবন থেকে এক লাফে এই খুনোখুনি, আর এই কান্না, সকলেই যেন একসঙ্গে খেপে গেলো, বর্বরের মতো, রক্তপাত হ'লো নিয়ম, প্রতিদিনের, প্রতি মুহূর্তের নিয়ম—সেটাই আইনসংগত, সেটাই পুরস্কৃত।

‘কিন্তু এরকমভাবে চললে কোনো-একদিন শান্তি পেতেই হবে। তোমার নিশ্চয়ই মনে আছে, আমার চেয়েও ভালো মনে আছে—কেমন ক'রে ক্ষ'য়ে যেতে লাগলো সব, সব-কিছু ভেঙে পড়তে লাগলো একসঙ্গে—খাবার জিনিসের সরবরাহ, ট্রেনের চলাচল, গার্হস্থ্য জীবনের ভিত্তি, সচেতন নীতিবোধ—সব।’

‘ধেমো না। এর পরে তুমি কী বলবে আমি জানি। এ-সবের মধ্য থেকে কী স্বন্দর অর্থ তুমি নিংড়ে বের করেছো! তোমার কথা শুনে আনন্দ হয়।’

‘এই সময়েই মিথ্যা এলো রাশিয়াতে—আমাদের রুশভূমিতে। যা সবচেয়ে দুঃখের, সমস্ত পাপের যা মূল, তা হ'লো এই যে ব্যক্তিগত মতামতের ওপর আর আস্থা রইলো না। আপন নীতিবোধকে মেনে চলা—তা লোকের চোখে সেকলে হ'য়ে গেলো; তারা ভাবলে যে এখন তাদের একই স্বরে কোরাস গাওয়া উচিত, অগ্নেরা যা ভাবছে সেইটেই তাদের বাঁচবার উপায়। এ-সব মতবাদ জোর ক'রে ঠেসে দেওয়া হ'লো সকলের গলার মধ্যে। দেখা দিলো চকচকে বুলির জবরদস্তি—প্রথমে জারিস্ট, তারপর বিপ্লবী বুলির।

‘মড়কের মতো ছড়িয়ে পড়লো এই পাপ। সকলের ছোঁয়াচ লাগছে।

তা পচিয়ে দিলে সব—কিছুই রইলো না যার ওপর তার ছাপ না পড়লো। আর আমাদের সংসারেও তাকে ঠেকাতে পারলাম কই। কিছু-একটা বিকল হয়ে গেলো। কোথায় আগের মতো স্বাভাবিক সহজ থাকবো, তা নয়—মুখের মতো জাঁকালো হয়ে উঠলাম পরস্পরের সঙ্গে ব্যবহারে। কথাবার্তায় মেকি স্বর লাগলো, বিক্রী চেষ্টি, বিক্রী দেখানোপনা। জগতের সব বড়ো-বড়ো ব্যাপারে চালাক-চতুর কথা না-বললে কী চলে? কেমন ক’রে এটা হ’লো যে পাশার চোখে এই মিথোটা ধরা পড়লো না—যে-পাশা সমস্ত বিষয়ে এতো বুদ্ধিমান, নিজের ওপর প্রচণ্ড দাবি করতে যার ভয় নেই, এমন নিভুলভাবে যে বুঝতে পারে কোনটা সত্য আর কোনটা ছলনামাত্র?

‘কিন্তু ঠিক এখানেই সে ভীষণ ভুল করলো, মারাত্মক ভুল। যুগধর্মকে ভুল বুঝলো সে, এই সর্বস্বশী সামাজিক পাপকে ব্যক্তিগত ও ঘরোয়া ক’রে নিলে। আমাদের বাঁধা বুলি, আমাদের অস্বাভাবিক সরকারি কঠোর শুলে সে ভাবলো যে আসলে সে নিজেই খুব সাধারণ, বলতে গেলে কিছুই-না—তাকে বোঝাবার জগ্গেই ও-রকম কথা বলছে সবাই। তুমি অবাক হবে, ইউরি, তোমার কাছে অবিখ্যাত ঠেকবে যে এ-রকম তুচ্ছ, বাজে একটা ব্যাপার আমাদের বিবাহিত জীবনের ভিত্তি টলিয়ে দিলে। তুমি ভাবতে পারবে না এগুলো কী সংঘাতিক হয়ে উঠলো, এই ছেলেমানুষিতে বিশ্বাস ক’রে কী-রকম মুঢ়ের মতো কাজ করতে লাগলো পাশা।

‘কেউ বলেনি তাকে যুদ্ধে যেতে। কেন গেলো, জানো? সে ভাবলে সে আমাদের ভার হয়ে উঠেছে, চাইলো আমাদের নিকৃতি দিতে। সেই হ’লো তার সব পাগলামির আরম্ভ। যাতে রাগের কোনো কথাই নেই তাতেও সে রেগে উঠতে লাগলো, কোনো, দান্তিক, বিগড়ে-বাওয়া সন্তুষ্টকের মতো। ঘটনার গতি দেখে তার মুখ কালো হয়, ঝগড়া করে সে ইতিহাসের সঙ্গে। আজ পঞ্চম সেই ঝগড়া যেটেনি তার। সেইজগ্গেই এমন উন্মাদের মতো তার উদ্বেজনা। তার এই মুঢ় উচ্চাশাই মৃত্যুর দিকে ঠেলে দিচ্ছে তাকে। হা ঈশ্বর—যদি আমি তাকে বাঁচাতে পারতাম!’

‘লারা—তোমার ভালোবাসার এতো জোর, এতো পবিত্রতা!

ভালোবাসো, আরো ভালোবাসো তুমি ওকে, আমি একটুও দ্বিধা করবো না।
কখনোই তোমার পথে বাধা হ'য়ে দাঁড়াবো না আমি।'

১৫

প্রায় অলক্ষিতেই যেন গ্রীষ্ম এলো সেবার, এসে চ'লে গেলো। ইউরিস সেয়ে উঠলো। মস্কো যাবার মংলব এঁটে—একটি নয়, তিন-তিনটে অস্থায়ী চাকরি নিলে সে। টাকার দাম দ্রুত ক'মে যাচ্ছে, কোনোমতেই আর কুলোতে চায় না।

কাক-ভেঁরে ঘুম থেকে ওঠে ইউরিস, তারপর বাড়ি থেকে বেরিয়ে, মার্চেন্ট স্ট্রিট ধ'রে, 'দানব' সিনেমার পাশ দিয়ে উরালের কপাকবাহিনীর প্রাক্তন ছাপাখানা—এখন যার নতুন নামকরণ হয়েছে 'লোহিত মুদ্রণালয়'—সে-পৰ্বস্ত চ'লে যায়। গোরোডক্কাইয়া স্ট্রিটের মোড়ে টাউন-হলের দরজায় বিজ্ঞপ্তি ঝুলছে 'অভিযোগ'। পার্ক পেরিয়ে বুষ্মানোভকা স্ট্রিটে ঢুকে পড়ে সে, হাসপাতালে পৌঁছে সেনাবাহিনীর বহির্বিভাগের পেছনের দরজা দিয়ে তার কর্মস্থলে প্রবেশ করে। এটাই তার আসল চাকরি।

লারার বাসা থেকে হাসপাতাল পৰ্বস্ত রাস্তাটা প্রায় আগাগোড়াই বড়ো-বড়ো ঝুঁকে-পড়া গাছের ছায়ায় ঢাকা, খাড়া ছাদওয়ালা অদ্ভুত ধরনের ছোটো-ছোটো কার্টের বাড়ি পেরিয়ে যেতে হয়, তাদের দরজাগুলোতে নানারকম কাজ করা, আর জানলার চারপাশ ঘিরে খোদাই-করা ছবি দেখা যায়। হাসপাতালের ঠিক পাশের বাড়িটা একটি বাগানের মধ্যখানে, বাড়িটারই বাগান; গোরেল্লিয়াভ নামে এক ব্যাবসাদারের বিধবা স্ত্রীর বাসভিটে এটি। মস্কোর পুরোনো জমিদার-বাড়ির মতো তার দেয়ালগুলি ক্রহিতনের হাঁচে চকচকে চোকো টালি দিয়ে ঢাকা।

সপ্তাহ হয় দশদিনে। তারই মধ্যে তিন-চারবার ক'রে মিস্সাক্সি স্ট্রিটে ইউরিসিয়াটিন স্বাস্থ্যদপ্তরের বোর্ডের সভায় ইউরিকে হাজিরা দিতে হয়।

শহরের অল্প প্রান্তে আগে জ্বরোগ-বিজ্ঞানের একটি প্রতিষ্ঠান ছিলো, সামডেভইয়াটভের বাবা তাঁর স্ত্রীর স্মৃতিরক্ষার জন্য এটি প্রতিষ্ঠা করেছিলেন, শিশুর জন্ম দিতে গিয়ে মারা গিয়েছিলেন সেই মহিলা। এখন তার নতুন নাম

হয়েছে রোজা লুক্সেমবুর্গ^১ ইনস্টিটিউট। সেখানে অল্প সময়ে নতুন ধরনে ব্যবচ্ছেদ ও চিকিৎসাশাস্ত্র পড়াবার ব্যবস্থা হয়েছে, ইউরি সেখানে রোগ-নির্ণয়ের সাধারণ লক্ষণ ও অস্ত্র নানা ঐচ্ছিক বিষয়ে বক্তৃতা দেয়।

ক্লান্ত, ক্ষুধিত হ'য়ে রাত্রে বাড়ি ফিরে সে দেখতে পায় লারা তার ঘরের কাজ নিয়ে হাবুডুবু খাচ্ছে—কখনো ছাথে রান্নায় ব্যস্ত, কখনো বা কাপড় কাচায়। ঘাগরা উঁচু ক'রে জামার হাতা গুটিয়ে নিয়ে, আলুথালু চেহারায়, এই কেজো জীবনযাত্রার গণ্ডময়তায় তার ষে-রূপ উন্মোচিত হয়, তা দেখে ইউরির তাকে মনে হয় রানীর মতো রূপসী, প্রায় ভীত হ'য়ে পড়ে সেই স্বগম্ভীর রূপের সামনে। বল-নাচে যাবার সময়, উঁচু হিলের জুতোয় আরো লম্বা হ'য়ে, লুটিয়ে-পড়া বুক-পিঠ-খোলা গাউন পরলে যা হয় তার চেয়ে আরো তীব্র এই রূপ—যেন দম আটকে আসে।

হয় সে রাঁধে, নয় কাপড় কাচে, আর সেই সাবান-গোলা জল দিয়েই মেঝে ঘষে আর নয়তো আরো শাস্তভাবে তাদের তিনজনের জন্ত জামা-কাপড় শেলাই করে বা ইস্ত্রি করে—তখন আর অতো লাল হ'য়ে ওঠে না তার মুখ। কিংবা যখন রাঁধাবাড়ী, কাপড় কাচা কি মেঝে নিকানো শেষ হ'য়ে গেছে, তখন সে কাটিয়াকে পড়াতে বসে। আর নয়তো পুনর্গঠিত নতুন স্কুলে যাতে আবার পড়াবার কাজ পায়, সেইজন্ত নতুন ক'রে রাজনৈতিক শিক্ষা অর্জন করার জন্ত পাঠ্য বইয়ে মুখ ডুবিয়ে ব'সে থাকে।

ইউরির যতোই মনে হয় লারা আর কাটিয়া তার আপন জন, ততোই সে চেষ্টা করে যাতে এই পারিবারিক জীবনকে সে তার প্রাপ্য ব'লে না ভাবে, নিজের জী-পুত্রের প্রতি কর্তব্যের কথা ভেবে ততোই কঠিনভাবে নিজেকে সংবৃত্ত করে, তার বিশ্বাসভঙ্গের বেদনাকে জাগিয়ে রাখে। এই যে তার সংঘম, এতে লারা কিংবা কাটিয়ার প্রতি অসম্মানজনক কিছু ছিল না; বরং

১ Rosa Luxemburg (১৮৭০-১৯১৯) : অস্তুতম জার্মান বিপ্লবী নেতা, ১৯০৬-এর রুশ বিপ্লবে অংশ গ্রহণ করেন। এঁর জন্ম পোলিশ রাশিয়াতে, জার্মান বিবাহ ক'রে জার্মান নাগরিক হন, খর্বাকৃতি ও ধল্ল হওয়া সত্ত্বেও—কিংবা সেইজন্তেই—এঁর মার্ক্সীয় বিপ্লববাদে অসাধারণ উগ্রতা ছিলো। বার্লিনের এক বিপ্লবের সময় গ্রেপ্তার হ'য়ে ইনি সৈন্তদের হাতে নিহত হয়েছিলেন।

তাতে ধরা পড়লো এমন একটি শ্রদ্ধা, কোনো অশিষ্ট ঘনিষ্ঠতা যার ধারে-কাছে আসতে পারে না।

কিন্তু তার এই আত্মবিরোধের বেদনা ও যন্ত্রণা তাকে মেনে নিতে হ'লো ; কোনো ক্ষত যদি কখনো না শুকায় আর মাসে-মাসেই উগ্র হ'য়ে ওঠে, সেটাকে যেমন মেনে নেয় মানুষ, তেমনি এটাতেও তার অভ্যাস হ'য়ে গেলো।

১৬

এমনি ক'রে কাটলো দু'তিন মাস। তারপর অক্টোবর মাসে ইউরি একদিন লারাকে বললো :

‘জানো ? মনে হচ্ছে আমাদের জোর ক'রে কাজ থেকে ইস্তফা দেওয়ানো হবে। চিরদিন একই ব্যাপার—বারে-বারে এই রকম হচ্ছে। প্রথমে সব-কিছুই চমৎকার।—‘এসো, চ'লে এসো। খাঁটি কাজের লোক চাই আমরা, চাই চিন্তাশক্তি, নতুন চিন্তা বিশেষ পছন্দ করি। তার চেয়ে ভালো আর কী হ'তে পারে ? এসো, তোমার কাজ করবে এসো, গবেষণা করো, সংগ্রাম চালিয়ে যাও।’

‘তারপর কাজ করতে গিয়ে তুমি দেখলে, চিন্তা বলতে ওরা বোঝে শুধু বাগাড়ম্বর—বিপ্লবের আর এই রাজত্বের গালভরা পচা প্রশংসা। আমি ক্লান্ত হ'য়ে গেছি, আর সহ্য হয় না। ও-সব আমার আসেও না ঠিক—একেবারেই আসে না।

‘হয়তো তাদের দিক থেকে তাদের মতটাই ঠিক। বলা বাহুল্য, তাদের সপক্ষে আমি নই। তবে, ওরা এক-একটি উজ্জ্বল নায়ক, আর আমি অত্যাচার ও কুসংস্কারের পক্ষপাতী এক ইতরজন—এই কথাটা আমি মেনে নিতে পারি না। নিকোলাই ভেডেনিয়াপিনের কথা তুমি শুনেছো কখনো ?’

‘বাঃ নিশ্চয়ই। তুমি আসার আগেই তাঁর কথা শুনেছি, তাছাড়া তুমি নিজেই অনেক বলেছো। সিমা টুন্টসেভা প্রায়ই বলে তাঁর কথা, সে আবার তাঁর মন্ত ভক্ত। লজ্জার কথা, আমি তাঁর বই একটিও পড়িনি। দার্শনিক প্রবন্ধ আমার তেমন ভালো লাগে না। আমার মতে আর্ট আর জীবন হ'লো আসল, মাঝে-মাঝে দর্শনের ফোড়ন দেওয়া যেতে পারে, কিন্তু দর্শনেই

বিশেষজ্ঞ হওয়া! যদি কেউ মশলা চাটনি ছাড়া আর-কিছু না খায়, এ যেন সেই রকম। এই ছাখে, আমার আজ-বাজে কথায় তোমার কথা হয়তো গুলিয়ে গেলো, দুঃখিত।’

‘না, তা নয়, আমারও ঠিক তা-ই মনে হয়। তা আমার সেই আমার কথা—তাঁর প্রভাবে আমার নষ্ট হ’য়ে যাবার কথা ছিলো। আমি যে স্বজ্ঞায় বিশ্বাস করি, ওটা আমার অন্ততম পাপ। অথচ কী হাস্যকর ছাখে—রোগনির্ণয়ের ব্যাপারে আমি নাকি আশ্চর্য—এই ব’লে ওয়াই চ্যাচামেটি করে—আর সত্যি বলতে অস্থখ ধ’রে ফেলতে সাধারণত আমার ভুল হয় না। তুমিই বলো, সমস্ত ব্যাপারটা এক পলকে বুঝে ফেলার এই যে ক্ষমতা, এ যদি স্বজ্ঞা না হয় তাহ’লে আর কী? অথচ স্বজ্ঞাকে ওরা ঘৃণা করে।

‘আর-একটা ব্যাপার নিয়ে সম্প্রতি আমি ভাবছি খুব—সে হ’লো জীবজগতে অস্থকতি, যাকে বলে মাইমেসিস। পারিপার্শ্বিকের বর্ণের সঙ্গে জীবজন্তু কী ক’রে তাদের বহিরবয়বকে মিলিয়ে নেয়, এই অস্থকরণের তত্ত্ব আমাকে মুগ্ধ করে। অন্তর ও বহির্জগতের সংঘর্ষের ওপর আশ্চর্য আলো ফ্যালে এই অস্থকরণ—আমার তা-ই ধারণা।

‘তা, আমি তো পড়াতে গিয়ে সাহস ক’রে এ-সব কথা ব’লে ফেলেছিলাম। সঙ্গে-সঙ্গে একতান উঠলো: “আদর্শবাদ, অতীন্দ্রিয়বাদ, গোটের প্রাকৃত দর্শন, নব্য শেলিংবাদ”।’

‘এখন আমার বেরিয়ে আসা উচিত। যতোদিন না তাড়িয়ে দিচ্ছে হাসপাতালে থাকবো অবশ্য, কিন্তু ঐ ইনস্টিটিউট ও স্বাস্থ্যদপ্তরের কাজে ইত্তফা দেবো ভাবছি। তুমি উদ্বিগ্ন হোয়ো না, কিন্তু মাঝে-মাঝে আমার মনে হয়, যে-কোনোদিন এরা এসে আমাকে গ্রেপ্তার ক’রে নিয়ে যেতে পারে।’

‘ভগবান না করুন! এখনো ব্যাপার ততোদূর গড়ায়নি ভাগ্যিণী। কিন্তু তুমি ঠিকই বলেছো। সাবধানের মার নাই। আমি লক্ষ্য করেছি, এই নতুন সরকারের হাতে ক্ষমতা এলেই পর-পর কতোগুলো অবস্থার মধ্য দিয়ে যেতে হয়। প্রথম অবস্থায় যুক্তির জয়—সমালোচনা, কুসংস্কারের উচ্ছেদ—ইত্যাদি।

> Schelling, Friedrich Wilhelm Joseph Von (ফ্রীডরিখ ফ্রিনহেলস রোজেক কন): ১৭৭৫-১৮৫৪, অগ্রগণ্য জার্মান রোমাণ্টিক দার্শনিক।—অনুবাদের টীকা

‘তারপর দ্বিতীয় পর্যায়। তখন শুরু হয় বিরোধীদের নিয়ে মাথাব্যথা। কোন শত্রু বন্ধুতার ভেদ ধরেছে, কে গলগ্রহ—এই সব আরকি। বেড়ে ওঠে সন্দেহ—তারপর স্পাই, বড়বন্দ, বিষেব। ঠিক বলেছো তুমি এই দ্বিতীয় পর্যায় শুরু হচ্ছে।

‘একটা দৃষ্টান্ত দিই তোমাকে। স্থানীয় বিপ্লবী বিচারসভা খোডাটস্কোয়ে থেকে দু’জন নতুন সভ্যকে বদলি করিয়ে এনেছে—তারা মজুর শ্রেণীর, আগে রাজনৈতিক বন্দী ছিলো, টিভেরজিন আর আন্টিপভ।

‘দু’জনেই খুব ভালো ক’রে চেনে আমাকে, একজন তো শাদা কথায় আমার শ্রমুর। অথচ তারা আসার পর থেকেই, এই সম্প্রতি, আমি সত্যি-সত্যি কাটিয়ার আর নিজের জন্ত প্রাণের ভয়ে কাঁপছি। আন্টিপভ অপছন্দ করে আমাকে, তারা দু’জনেই যা-খুশি তা-ই করতে পারে। বিপ্লবের উচ্চতর জায়নিষ্ঠার প্রমাণ দেবার জন্ত তারা যদি একদিন আমাকে বধ করে তাতে অবাক হবো না। এমনকি পাশাকে মেরে ফেলতেই বা কতক্ষণ।’

অল্প দিনের মধ্যেই এই আলোচনার পরিশিষ্ট ঘ’টে গেলো। হাসপাতালের পাশেই, ৪৮ নম্বর বইয়ানোভকা স্ট্রীটে, বিধবা গোরেন্সিয়াভোভার বাড়িতে একদিন রাত্রে খানাতল্লাসি হ’য়ে গেলো। বেরিয়ে পড়লো অস্ত্রশস্ত্রের এক চোরাই মালখানা, ধরা পড়লো এক প্রতিবিপ্লবী চক্রান্ত। অনেককে গ্রেপ্তার করা হ’লো, গ্রেপ্তার আর খানাতল্লাসির ঢেউ ব’য়ে গেলো একেবারে। চাপা গলার গুজব রটলো যে সন্দেহভাজন ব্যক্তিদের মধ্যে কেউ-কেউ নদী পেরিয়ে পালিয়ে গেছে। ‘তাতে তাদের লাভটা কী হবে?’ লোকে বলাবলি করলো। ‘নদী তো কতোই আছে, অসংখ্য। ধরো, তা যদি ব্লাগোভেশচেনস্ক্-এর আমুর নদী হয়, তাহ’লে অস্ত্র কথা—তুমি ঝাঁপিয়ে পড়লে আমুরে, সাঁৎরে নদী পেরোলে, দেখলে একেবারে চীনদেশে পৌঁছে গেছে!—নদীর মতো নদী হ’লো সে-ই। তার কথা একেবারে আলাদা।’

‘হাওয়া ক্রমশ ঘোরেল হ’য়ে উঠছে,’ বললো লারা। ‘নিশ্চিত থাকার দিন আমাদের ফুরোলো। নির্ধাৎ আমাদের গ্রেপ্তার করবে ওরা—তোমাকে, আর আমাকে। আর তখন কাটিয়ার কী হবে? আমি না, সেই দুঃখ

আমি সইতে পারবো না, কিছু-একটা উপায় আমাকে করতেই হবে। কিন্তু কী করা যায়? ভেবে-ভেবে আমার মাথা-খারাপ হয়ে গেলো।’

‘দেখি ভেবে-চিন্তে, কী করা যায়। অবশ্য এ-রকম অবস্থায় কী-ই বা করার আছে আমাদের? এই কষ্ট এড়ানো আমাদের সাধের বাইরে, তাই নয় কি? অদৃষ্টের হাতেই কি সব নির্ভর করছে না?’

‘রেহাই আমরা কিছুতেই পাবো না, পালাবার কোনো জায়গা নেই। কিন্তু পাদপ্রদীপের এই জোরালো আলোর বাইরে আমরা চ’লে যেতে পারি অস্তুত। যেমন ধরো ভারিকিনো—সেখানে যাওয়া যায় না? সেখানকার বাসটার কথা ভাবছি। খুব নির্জন অবস্থা, বহুদিন অযত্নে প’ড়ে আছে, কিন্তু এখানকার তুলনায় লোকচক্ষুর বাইরে তো। এদিকে শীতও এসে পড়লো। এই শীতটা ওখানে কাটালে তো ভালোই হয়। যতোদিনে ওরা আমাদের ধ’রে ফেলবে, ততোদিনে আয়ো এক বছর বাঁচতে পারবো : সেটা কি কম কথা? সামডেভইয়াটভ নিয়মিত আমাদের শহরের খবর দেবে। এমনকি, কখনো যদি লুকোতে হয়, সে হয়তো সাহায্যও করতে পারে আমাদের। তোমার কী মনে হয়? জনপ্রাণী বলতে সেখানে কিছু নেই অবশ্য, ফাঁকা একটা দুঃস্থ জায়গা, অস্তুত আমি যখন মার্চ মাসে সেখানে ছিলাম, তখন তা-ই ছিলো। তার ওপর লোকে বলে নেকড়েও নাকি আছে। এটা অবশ্য ভয়ের কথা। তা মানুষ তো আজকাল—অন্যত টিভেরজিন আর আন্টিপভের মতো মানুষ—নেকড়ের চেয়েও ঢের বেশি ভয়াবহ হয়ে উঠেছে।’

‘কী বলবো, বুঝতে পারছি না। এতোকাল তুমিই কি আমাকে মস্কো যাবার জন্য পিড়াপিড়ি করোনি, তুমিই কি বলোনি আর যেন দেরি না করি? এখন তো সহজ হ’তো মস্কো যাওয়া। আমি স্টেশনে খবর নিয়েছিলাম। কথা শুনে মনে হ’লো আজকাল ওরা আর চোরাবাজারিদের নিয়ে মাথা ঘামায় না। কাগজপত্র ঠিক না-থাকলেই যে ট্রেন থেকে নামিয়ে দেওয়া হয়, তাও নয়। ক্লাস্ত হয়ে পড়েছে, আগের চেয়ে অনেক কম বন্দুক ছোঁড়ে।

‘আমি ভাবছি মস্কো থেকে আমার চিঠিপত্রের জবাব আসছে না কেন। সেখানে যাওয়া উচিত আমার, গিয়ে দেখা উচিত ওরা কেমন আছে—এ-কথা তুমিই এতোকাল বলে এসেছো। কিন্তু তাহ’লে এখন যে ভারিকিনোর কথা

বললে, তার কী অর্থ করবো ? তুমি নিশ্চয়ই এ-রকম কোনো অজ্ঞ পাড়াগাঁয় একা থাকবে না ?’

‘না, তা থাকবে না। তোমাকে ছাড়া অসম্ভব।’

‘আর তবু তুমি আমাকে মস্কো যেতে বলছো।’

‘হ্যাঁ, তোমাকে মস্কোতে যেতেই হবে।’

‘শোনো। চমৎকার একটা প্ল্যান এসেছে মাথায়—এসো, আমরা তিনজনেই মস্কো চ’লে যাই।’

‘মস্কো ? তুমি কি উন্মাদ ? মস্কোতে গিয়ে আমি কী করবো ? না, আমাকে থাকতেই হবে, এখানেই ধারে কাছে কোথাও থাকতে হবে আমাকে। পাশার ভাগ্য নির্ধারিত হবে এখানেই। তারই জন্তু এখানে আমাকে থাকতে হবে, যদি পাশা আমাকে ফিরে চায় কখনো, তার কাছাকাছি না-থাকলে আমার চলবে না।’

‘বেশ। তাহ’লে কাটিয়ার কথা ভেবে দেখা যাক।’

‘কাটিয়াকে নিয়ে সিমার সঙ্গে কথা বলেছি—সিমা ট্রাস্টসেভা, সে মাঝে-মাঝে আমার সঙ্গে দেখা করতে আসে জানো তো।’

‘হ্যাঁ, জানি, মাঝে-মাঝে দেখছি তাকে।’

‘আমি যদি তুমি হতাম আমি কিন্তু তৎক্ষণাৎ ওর প্রেমে প’ড়ে যেতাম। তোমাদের পুরুষদের চোখ যে কোথায় থাকে বুঝি না। এমন মিষ্টি মেয়েটা !—দেখতে ভালো, লাবণ্য আছে, বুদ্ধিমতী, শিক্ষিত, আর স্বভাবও ভালো, বোঝে-সোঝে।’

‘আমি যেদিন এলাম, সিমার বোন আমার চুল ছেঁটে দিয়েছিলো—গ্লাফিরা, যে দরজির কাজ করে।’

‘জানি। ওরা দু’জনেই বড়ো বোন আভডোটিয়ার সঙ্গে থাকে, সেই যে লাইব্রেরিতে কাজ করে। বেশ ভালো ওরা, সবাই খেটে খায়। আমি ভাবছিলাম কী—যদি তেমন খারাপ অবস্থায় পড়ি, ধরো তুমি আমি দু’জনেই গ্রেপ্তার হ’য়ে গেলাম—তখন কি ওদের কাছে কাটিয়াকে রাখা যাবে না ?’

‘তা—একেবারেই যদি আর কোনো উপায় না থাকে, তাহ’লে তাই হবে। কিন্তু দেখর করুন, সে-অবস্থা কখনো না আসুক।’

‘লোকে বলে সিমা যেন কেমনতরো—তার নাকি মাথার ঠিক নেই। পুরোপুরি স্বাভাবিক তাকে মনে হয় না অবশ্য, কিন্তু তার কারণ তার গভীরতা, তার মৌলিকতা। মতামতে ওর তোমার সঙ্গে আশ্চর্য মিল। সিমা যদি কাটিয়াকে তার কাছে রেখে মানুষ করতে রাজি হয় তাহলে আমার আর ভাবনা থাকে না।’

১৭

আর-একবার ইউরি স্টেশনে গেলো, আর-একবার শূন্য হাতে তাকে ফিরে আসতে হ’লো। এখনো সব-কিছুই অনিশ্চিত। সে আর লারা এবার একেবারেই অজানার মুখোমুখি দাঁড়িয়েছে। আবহাওয়া অন্ধকার, ঠাণ্ডা, বরফ পড়ার আগে যেমন হয়। শুধু চৌমাথাগুলোতেই অনেকটা আকাশ দেখা যায়—নীতের চেহারা নিয়ে আছে সেই আকাশ।

লারার কাছে বেড়াতে এসেছিলো সিমা। দু’জনে গল্প করছিলো, কিন্তু তাকে গল্প না-ব’লে বক্তৃতা বলাই ভালো, গৃহকর্ত্রীর কাছে সিমা বক্তৃতায়ে দিচ্ছিলো, সত্যি বলতে। তাদের কথার মাঝখানে ব্যাঘাত ঘটতে চাইলো না ইউরি। একটু একলা থাকতেও ইচ্ছে করছিলো তার। পাশের ঘরে সোফায় শুয়ে পড়লো সে। দুই ঘরের মধ্যকার দরজাটা খোলা; দরজার মেঝে পর্যন্ত পর্দা ঝুললেও তাদের কথাবার্তা সে স্পষ্ট শুনতে পাচ্ছিলো।

‘আমি অবশ্য শেলাই করা ধামাবো না, কিন্তু সেদিকে তুমি নজর দিয়ে না, সিমা। আমি সব শুনছি, উৎকর্ণ হ’য়ে শুনছি। কলেজে আমি ইতিহাস আর দর্শন পড়েছিলাম। তোমার দৃষ্টিভঙ্গি আমার খুব ভালো লাগে। তাছাড়া তোমার কথা শুনলেও স্বস্তির নিশ্বাস ফেলা যায়। গত কয়েক রাত কাটিয়ার কথা ভেবে-ভেবে আমরা ঘুমোতে পারিনি। আমি ওর মা, আমাদের ভালো-মন্দ কিছু ঘটলেও ওর মঙ্গলের ব্যবস্থা করা তো আমার কর্তব্য। আমার অবশ্য শাস্তভাবে ব’সে সব দিক বিবেচনা ক’রে দেখা উচিত, কিন্তু বিবেচনা আমার তেমন আসে না। তা বুঝে, আরো বেশি খারাপ লাগে আমার। বড়ো ক্লান্ত আমি, ঘুমোতে পারি না, তাই এতো মন-খারাপ আমার। তোমার কথা

শুনলে মনে শান্তি পাই। এই জ্ঞাথো না, এখুনি হয়তো বরফ পড়বে। যখন বরফ পড়ে, তখন ব'সে-ব'সে অনেকক্ষণ ধ'রে জ্ঞানের কথা শুনতে ভালো লাগে আমার। তখন জানলার দিকে তাকালেই মনে হয় কে যেন বাগান পেরিয়ে বাড়ির দিকে আসছে। তুমি তা লক্ষ্য করেছো কখনো? তারপর, এবার তোমার কথা বলো। আমি শুনছি।'

‘কী যেন বলছিলাম আগের বারে?’

লারা কী জবাব দিলে, ইউরি ধরতে পারলো না। সিমা বলতে শুরু করলো :

“সংস্কৃতি,” “স্মরণীয় যুগ”—এ-সব কথা আমি পছন্দ করি না। ভ্রাস্তির সৃষ্টি হয় ওতে। আমি অন্তর্ভাবে বলতে চাই কথাটা। আমি তো দেখি, মানুষের মধ্যে দুই অংশ—তার কাজ, আর ভগবান। এই দুই যোগ করলেই মানুষ হয়। মানবীশ্বার বিকাশের কথা যদি ভাবো, তার প্রতিটি পর্যায়ের পেছনে কতো যুগের কীর্তি জ'মে আছে—কী দীর্ঘ, কী মন্থর সেই কাজ। এমনি এক কর্ম হ'লো মিশর। আর-একটি গ্রীস। ইহুদি প্রবক্তাদের ধর্মতত্ত্ব হ'লো তৃতীয়। সব শেষে এলো খৃষ্টধর্ম—তার স্থান নিতে পারে এমন কিছু এখনো দেখা দেয়নি; আমাদের যুগে এখনো যা-কিছু সত্য সব তারই সাধন। ক'রে চলছে।

‘তোমাকে আমি দেখাতে চাই, কোন সতেজ ও নতুন জিনিস খৃষ্টধর্ম নিয়ে এলো জগতে—যে-ধর্ম তুমি অভ্যস্ত হয়েছে তা নয়—কিন্তু একেবারে সরল, আশাতীত, প্রত্যক্ষ। শোনো, আমাদের যজ্ঞবিধির কয়েকটি মন্ত্র প'ড়ে শোনাই তোমাকে—অল্প কয়েকটা, খুব সংক্ষেপে।

‘অনেক মন্ত্র আছে, যা ইহুদি ও খৃষ্টান, সনাতন ও নববিধানের তত্ত্বকে পাশাপাশি এনে মিশিয়ে দিয়েছে। ধরো যেমন জলন্ত গুল্ম, ইহুদিদের মিশরত্যাগ, অগ্নিকুণ্ডে শিশুগণ, জোনা এবং তিমি—এই সবের সঙ্গে অক্ষতযোনি মাতার ও যীশুর পুনরুত্থানের তুলনা করা চলে।

‘পুরাতন শাস্ত্র কেন পুরোনো আর নতুন শাস্ত্র কেন নতুন—তা, আমার মনে হয়, এই সব তুলনার মধ্যে থেকে চমকপ্রদভাবে বেরিয়ে আসে। শাস্ত্রের বহু অংশে মারিয়ার অমল মাতৃদেবীর সঙ্গে ইহুদিগণের লোহিতসাগর উত্তরণের

তুলনা করা হয়েছে। যেমন এই প্লোকটি, তার আরও এই রকম : “একদিন লোহিতসাগরে এসেছিলো কুমারী-বধূর সাদৃশ্য,” তারপরে আছে : “ইজুরায়েলীয়রা পেরিয়ে যাবার পর সমুদ্র যেমন অনতিক্রম্য হ’য়ে উঠেছিলো, তেমনি এম্বাছুয়েলের জন্মের পরে অপাপবিদ্ধ অমল রইলেন।” অর্থাৎ, ইহুদিদের উত্তরণের পর সমুদ্র যেমন আবার স্থলপথে অনতিক্রম্য হ’য়ে উঠলো, ঠিক তেমনি আমাদের সদাপ্রভুর জন্মের পর মারিয়ার কোমর্ষ অক্ষুণ্ণ থেকে গেলো। একটি তুলনা টানা হ’লো দুয়ের মধ্যে।—ঘটনা হিসেবে তারা কী-রকম? দুটিই অতিপ্রাকৃত, দুটিকেই মেনে নেওয়া হয়েছে অলৌকিক ব’লে। কিন্তু এই দুই অলৌকিকের মধ্যে আবার তফাৎ আছে—দুটি যুগের ভাবনা কী-রকম বদলে গেছে, তা স্পষ্ট বুঝতে পারা যায়—কোন যুগে কোন ঘটনাকে লোকে অলৌকিক ভাবতো, তা-ই থেকেই দুটি যুগ স্পষ্ট হ’য়ে ওঠে, একটি প্রাচীন ও আদিম, অল্পটি নতুন, রোমকদের পরবর্তী, আরো অগ্রসর।

‘একদিকে আমরা পাচ্ছি এক জাতীয় নেতাকে, কুলপতি মুশা সমুদ্রকে, পথ ক’রে দিতে আদেশ দিলেন, আর তাঁর জাহ্নমগুণের আঘাতে সমুদ্র বিভক্ত হ’য়ে গিয়ে সমগ্র একটি জাতিকে—গণনায় অসংখ্য, লক্ষ-লক্ষ লোক তারা—তার মধ্য দিয়ে পার হ’তে দিলে, তারপর যেই শেষ লোকটি পেরিয়ে গেলো, অমনি আবার মিলে গেলো জলরাশি, ডুবিয়ে দিলো অহুসরণকারী মিশরীদের, তাদের তলিয়ে দিলো অতলে। পুরো ছবিটাই প্রাচীনপন্থী—জাহ্নমের আদেশ মেনে নিচ্ছে আদিভূত, রোমক সেনাবাহিনীর মতো অসংখ্য উষ্মল মাহুষের শোভাযাত্রা, এক নেতা, নেতার পেছনে সম্পূর্ণ এক জাতি। সব চোখে দেখা যায়, শোনা যায়, কানে তালা লাগায় প্রচণ্ড।

‘অন্যদিকে একটি তরুণী—অতি সাধারণ একটি মাহুষ, প্রাচীনকালে তাকে হয়তো চোখেই পড়তো না। গোপনে, শাস্তভাবে, নিঃশব্দে সে জন্ম দিচ্ছে একটি শিশুর, প্রাণকে জন্ম দিচ্ছে, তিল-তিল ক’রে গ’ড়ে তুলছে প্রাণের বিস্ময়, “নিখিলের প্রাণ”—পরবর্তী কালে তা-ই তো তাঁকে বলা হয়েছে। তার সন্তানের জন্ম শুধু যে মুশার বিধান অহুসারেই অবৈধ তা নয়, তা আবার প্রকৃতির বিধানেরও বিরুদ্ধে। প্রয়োজনবশত জন্ম দেয়নি সে, সে জন্ম দিয়েছে অলৌকিক উপায়ে, প্রেরণার দ্বারা। আর এখন থেকে জীবনের মূলে আর

বাধ্যতা ব'লে কিছু রইলো না, এখন থেকে প্রাণের মূল হ'লো সেই একই প্রেরণা—আর নতুন শাস্ত্র যা উপহার দিলে তা তো এই—সাধারণের বদলে অসাধারণ, প্রাত্যহিকের বদলে উৎসব, বাধ্যতার বদলে প্রেরণা।

‘এই পরিবর্তনের অর্থ যে কী বিরাট, তা নিশ্চয়ই বুঝতে পারছো। প্রাচীন মূল্যবোধের কাছে যা কিছুই নয়, এমনি এক ব্যক্তিগত মানবিক ঘটনাকে একটি সমগ্র জাতির অভিপ্রাণের সঙ্গে তুলনা করা হ'লো কেন? কেন তা এই মূল্য পেলো স্বর্গের কাছে?—তা যদি বুঝতে হয় তো স্বর্গের চোখ দিয়েই দেখতে হবে একে, কেননা অনন্ততার পুণ্য বিভায় এই ঘটনাটি ঘটেছিলো।

‘কী যেন বদলে গেলো পৃথিবীর। রোমের অবসান হ'লো। শেষ হ'লো সংখ্যার রাজত্ব। সার্বিকভাবে, জাতি হিসেবে বাঁচো—এই যে কর্তব্য সাজোয়া বাহিনী চাপিয়ে দিয়েছিলো, তার চিহ্ন আর রইলো না; নেতা, জাতি—এ-সব প'ড়ে রইলো অতীতে।

‘ও-সবের বদলে? বদলে এক মুক্তিভঙ্গি, ব্যক্তিবাদ। একজন মানুষের জীবনী হ'য়ে গেলো ঈশ্বর-চরিত, আর তা পূর্ণ ক'রে দিলো বিশ্বকে। দূতোৎসবের^১ মস্বে বলা হয়েছে: দেবতা হবার চেষ্টা ক'রে আদম ব্যর্থ হয়েছিলো, কিছু আদম যাতে দেবতা হ'তে পারে, সেইজন্ত ঈশ্বর এখন মানবজন্ম নিলেন।

‘এক্ষুনি আবার এ-কথায় ফিরে আসবো,’ বললো সিমা, ‘এক ফাঁকে অল্প একটা কথা ব'লে নিই।—মজুরদের অবস্থার উন্নতি, মায়েদের ভরণপোষণ, অর্থবলের সঙ্গে লড়াই—এ-সব বিষয়ে আমাদের এই বিপ্লবী যুগ যে-কৃতিত্ব দেখিয়েছে, তা যেমন আশ্চর্য, তেমনি আধুনিক, আর তেমনি স্থায়ী। কিন্তু জীবনের যে-ব্যাখ্যা আর যে-স্বথত্ব এখন প্রচারিত হচ্ছে তা অতীতের এমন হাশ্বাকর ধ্বংসাবশেষ যে বিশ্বাস করাই সত্য এ-সব কথা কেউ ঠাট্টা না-ক'রে বলতে পারে। নেতা নিয়ে, জনগণ নিয়ে এই যে বাগাড়ম্বর, সত্যি যদি তার

^১ Feast of the Annunciation: মারিয়া যে যীশুজননী হবেন এই সংবাদ যেদিন দেবদূত তাঁকে জানিয়েছিলেন, সেই দিনের স্মরণে প্রতি বছর ২৪শে মার্চ এই উৎসব পালন করা হয়।—অনুবাদের টীকা

ইতিহাসের গতি উণ্টে দেবার ক্ষমতা থাকতো, তাহ'লে তো আবার হাজার-হাজার বছর আগেকার সেই বাইবেলের রাখাল আর মহাত্মাদের আমলে গিয়ে পড়তুম। কিন্তু ভাগ্যিস তা নেই।

‘এবার বীণা আর মারিয়া মাদলীনার বিষয়ে কয়েকটা কথা—এটা কিন্তু স্বসমাচার থেকে নয়, পুণ্য সপ্তাহের একদিনের একটি প্রার্থনা থেকে নেওয়া, মঙ্গলবার কি বুধবার হবে বলেই মনে হয়। তুমি তো সবই জানো, লারিসা ফিয়োডোরোভনা, আমি শুধু তোমাকে একটা কথা মনে করিয়ে দিচ্ছি।

‘জানো তো ধর্মীয় স্লাভনী ভাষায় “সংরাগ”^১ শব্দের প্রথম অর্থ যাতনা-ভোগ, বীণার যাতনাভোগ। রুশভাষায় কথাটার অর্থ দাঁড়িয়েছিলো কাম ও কদাচার, শাস্ত্রে সেই অর্থেও ব্যবহার করা হয়েছে।—“আমার আত্মা সংরাগের ক্লতদাস, আমি যেন বহু পশুতে পরিণত,” “আমরা তো স্বর্গচ্যুত, এসো, সংবাগ বর্জন করে স্বর্গে পুনঃপ্রবেশের যোগ্যতা অর্জন করি,” ইত্যাদি, ইত্যাদি। ইন্দ্রিয়দমন ও শরীর-নিগ্রহ বিষয়ে লেটের মন্ত্রগুলো আমার ভালো লাগে না; হয়তো আমারই ভুল, কিন্তু লাগে না। অদ্ভুত নীরস ঐ কথাগুলো, নীরব আর অস্থল, অল্প সব আধ্যাত্মিক রচনায় ষে-কবিতা আছে, তার কিছুই নেই এতে। স্থূলকায় সব সম্যাসী, যারা মিজেরা নিয়ম মেনে চলতে পারেনি, ওগুলো তাদেরই লেখা বলে আমার মনে হয়। অবশ্য তারা যদি নিয়ম না-মেনে থাকে, যদি লোক ঠকিয়ে থাকে, কিংবা যদি বিবেক-মতোই চলে থাকে—তাতে আমার কিছুই এসে যাচ্ছে না, আমার ভাবনা ও-সব মস্তের তাৎপর্য নিয়ে। কী মনস্তাপ—যেন ইন্দ্রিয়ের দুর্বলতাটাই মস্ত কথা, শরীরটা মোটা না হাংলা তাতে মস্ত কিছু এসে যায়—জঘন্স! এতে ক’রে মস্ত আসন দেওয়া হয় তাকেই, যার নিজের কোনো মর্যাদা নেই—যা গোপ, কলুষিত, দ্বিতীয় শ্রেণীর।—কিছু মনে কোরো না, অনেক অবাস্তব বকলাম।’

‘আশ্চর্য নয় কি—ঠিক ঈস্টারের আগে, বীণার মৃত্যু আর পুনরুত্থানের সঙ্কল্পে, মারিয়া মাদলীনাকে স্মরণ করা হয়? এর কারণ কী, আমি জানি না, কিন্তু তাঁর প্রাণত্যাগের মুহূর্তে, পুনর্জন্মের প্রাক্কালে এই যে মাদলীনাকে

^১ সংরাগ = Passion।—অমুবাদকের টীকা

মনে করিয়ে দেওয়া হ'লো, এটা আমার মনে হয় একেবারে বখাষখ। কী-ভাবে মনে করানো হ'লো তা একবার লক্ষ্য করো—কী বিস্তৃত সংরাগ তার মধ্যে, কী নির্মম প্রত্যক্ষতা।

‘ঠিক মাদলীনার কথাই বলা হ'লো, না অথ কোনো মারিয়ার কথা, তা নিয়ে কিছুটা সংশয় আছে, কিন্তু সে যা-ই হোক, সদাপ্রভুর কাছে সে প্রার্থনা করলে :

‘“যেমন আমি আমার কেশগুচ্ছ মুক্ত ক'রে দিলাম, তেমনি আমাকে ঋণমুক্ত করো।”—অর্থাৎ “যেমন ক'রে আমি আমার চুল খুলে দিলাম, তেমনি আমাকে নিষ্কৃতি দাও আমার পাপ থেকে।” এর চেয়ে স্পষ্ট, এর চেয়ে স্পর্শসহ আর কী উপায় ছিলো ক্ষমার তৃষ্ণা ও মনস্তাপের তীব্রতাকে প্রকাশ করার ?’

‘দেই তিথির যজ্ঞবিধিতে আরো বিস্তারিত একটি অংশ আছে—সেখানে যে মারিয়া মাদলীনার কথা বলা হচ্ছে তাতে সন্দেহ নেই।’

‘আবার তার বিলাপ তার অতীতকে নিয়ে—যে-অতীতের জন্ত তার মধ্যে কলুষ যেন বদ্ধমূল—কী ভীষণ সেই বিলাপ, যেন ছোঁয়া যায়। প্রতি রাতে পাপ ফিরে আসে তার জীবনে। “কামের প্রজলন আমার অমানিশা—চাঁদ নেই, শুধু অন্ধকারে পাপের অধ্যবসায়।” মিনতি করলে সে যীশুকে, যেন তিনি গ্রহণ করেন তার অশ্রুভরা অহুতাপ, যেন তাঁকে ব্যাকুল করে তার দীর্ঘশ্বাসের আন্তরিকতা। তাহ'লেই সে তার চুল দিয়ে মুছিয়ে দিতে পারবে দিব্যতম তাঁর চরণকে। স্বর্গে যখন ঈভা ভয়ে লজ্জায় ব্যাকুল হ'য়ে উঠেছিলো, তখন সে আশ্রয় নিয়েছিলো তার চুলের প্লাবনে - মাদলীনার ইচ্ছা সেই ঈভাকে যেন প্রভুর মনে পড়ে। ‘আমাকে চুষন করতে দাও তোমার চরণে, আমার চোখের জলে ভিজিয়ে দিতে দাও তোমার চরণ, আমার কেশগুচ্ছ তা মুছিয়ে দিতে দাও। এই কেশগুচ্ছই একদিন আবৃত করেছিলো ঈভাকে, আশ্রয় দিয়েছিলো তাকে—নানা গুঞ্জে তখন ভ'রে উঠেছে তার কান, স্বর্গের স্নানীতল দিনেও যখন সে ভয় পেয়ে গেছে।’ আর তার চুল নিয়ে এতো কথার পরেই সে ব'লে উঠলো : “কে নিরুপণ করতে পারে আমার পাপের অজ্ঞতা আর তোমার বিচারের গভীরতাকে !” কী ঘনিষ্ঠতা, কী আত্মীয়তা

—ভগবানের সঙ্গে জীবনের, ভগবানের সঙ্গে মাহুকের, ভগবানের সঙ্গে নারীর !’

১৮

স্টেশন থেকে ক্লাস্ত হ’য়ে বাড়ি ফিরেছিলো ইউরি। সেদিন তার ছুটি ছিলো ; দশদিনে তো সপ্তাহ, বাকি ন-দিন যাতে বেঁচে থাক। যায়, এই অল্পে ছুটির দিনে সে প্রচুর ঘুমিয়ে নেয়। শোফায় এলিয়ে শুয়ে ছিলো সে, মাঝে-মাঝে হাত-পা ছড়িয়ে দিচ্ছিলো। কথাগুলো তার কানে বাজছিলো আসন্ন তজ্জার অস্পষ্টতার মধ্য দিয়ে, তবু ভারি ভালো লাগলো তার কথাগুলো। ‘সবই অবশ্য কোলিয়া মামার বই থেকে নিয়েছে, তবু—কী বুদ্ধি, সত্যিকার গুণী মেয়ে।’

ইউরি উঠে জানলার কাছে দাঁড়ালো। জানলা দিয়ে উঠোন দেখা যায়, পাশের ঘে-ঘরে লারা আর সিম্বা এখন আর শুনতে-না-পাওয়া কথাবার্তা বলছে, তার জানলাও এই রকম।

অন্ধকার হ’য়ে এলো, মনে হচ্ছে বরফ পড়বে। দুটো ম্যাগপাই পাখি রাস্তা থেকে উড়ে এলো, ডানা ঝাপটে-ঝাপটে দেখতে লাগলো কোথাও বসা যায় কি না, হাওয়ায় তাদের পালকগুলো ফুলে উঠলো। উড়ে এলো তারা বেড়ার গায়ে, একবার ময়লা ফেলার টিনের ওপর বসলো, তারপর মাটিতে নেমে, উঠোনের চারপাশে লাফাতে লাগলো।

‘ম্যাগপাই মানে বরফ,’ ভাবলো ইউরি। ঠিক সেই মুহূর্তে পাশের ঘরে সিম্বা চৈচিয়ে ব’লে উঠলো :

‘ম্যাগপাই মানে খবর। হয় অতিথি, নয়তো চিঠি আসবে তোমাদের।’

দরজার ঘণ্টার হাতলটা ইউরি সরিয়ে দিয়েছিলো, একটু পরেই কে যেন সেটা ধ’রে টানলে। পর্দার পেছন থেকে বেরিয়ে এসে লারা তাড়াতাড়ি হলঘর দিয়ে এগিয়ে গেলো দরজা খুলতে। সিম্বার বোন প্লাফিরার সঙ্গে তাকে কথা বলতে শুনলো ইউরি।

‘বোনের খোঁজে এসেছো ? হ্যাঁ, এখানেই আছে।’

‘না, আমি ওর ভ্রাতৃ আসিনি। অবশ্য সিম্বা যেতে চাইলে আমরা একসঙ্গেই বাড়ি ফিরতে পারি। আমি এসেছি তোমার বন্ধুর নামে এক চিঠি

নিয়ে। আমি যে এককালে ডাকঘরে কাজ করতুম, তা তার ভাগ্য বলতে হবে। চিঠিটা কতো হাত ঘুরেছে জানি না ; মস্কো থেকে পাঠানো, পাঁচ মাস লেগেছে রাস্তায়। ওরা নাকি চিঠির মালিককে খুঁজেই পায়নি। শেষটায় আমাকে জিজ্ঞেস করার কথা মনে হ'লো ওদের—আমি চিনতে পারলাম—আমার কাছে একবার চুল ছাঁটতে গিয়েছিলেন উনি।’

অনেকগুলো পাতা জোড়া মস্ত চিঠি, লেফাফাটার জীর্ণ দশা, ডাকঘরে খুলেছিলো, পাতাগুলোও ভাঁজ প'ড়ে-প'ড়ে নষ্ট হ'তে বসেছে ; চিঠি টোনিয়ার। হাতে পেয়ে ইউরি বুঝতে পারলো না চিঠিটা কেমন ক'রে তার হাতে এলো ; তা যে লারা তাকে এগিয়ে দিয়েছে সেটা লক্ষ্য করেনি। পড়তে যখন শুরু করলো, তার এটুকু বোধ ছিলো যে সে ইউরিয়্যাটিনে আছে, আছে লারার বাসায়। কিন্তু পড়তে-পড়তে সব 'চেতনা লুপ্ত হ'লো তার। সিমা বেরিয়ে এসে তাকে নমস্কার জানিয়ে বিদায় নিলে, সে কলের মতো ঠিক জবাবটি দিলো বটে, কিন্তু সে-দিকে কোনো মনই দিলে না, লক্ষ্য করলে না কখন সিমা বেরিয়ে গেলো। একটু পরে সে একেবারেই ভুলে গেলো সে কোথায় আছে।

‘ইউরা,’ টোনিয়া লিখেছে, ‘আমাদের যে মেয়ে হয়েছে, তা কি তুমি জানো ? তোমার মায়ের নাম দিয়েছি তাকে—মাশা।’

‘এখন আর-একটা কথা ব'লে নিই।—যে-সব বিখ্যাত ব্যক্তি ও অধ্যাপক ক্যাডেট-দলভুক্ত বা দক্ষিণপন্থী সমাজতন্ত্রী ছিলেন—যেমন মিলিউকভ, কিজেন্সেটের, কুস্কোভা, আরো অনেকে—তাঁদের মধ্যে তোমার কোলিয়া-মামা, আমার বাবা আর আমরাও আছি—আমাদের রাশিয়া থেকে বের ক'রে দেওয়া হচ্ছে।’

‘এটা হুঃখের কথা—বিশেষ ক'রে তুমি যখন কাছে নেই, কিন্তু মেনে না-নিয়ে উপায় কী। কী ভীষণ দিনকাল—আরো অনেক খারাপ হ'তে পারতো। আমাদের, এই নির্বাসন তো লঘুদণ্ড। সেজন্তে ধন্যবাদ ঈশ্বরকে। তুমি এখানে থাকলে তুমিও আমাদের সঙ্গে আসতে। ইউরা, তুমি কোথায় ? এই চিঠি আশ্চর্য্যভার ঠিকানায় পাঠাচ্ছি আমি, তোমাকে খুঁজে পেলে তিনিই পৌছে দেবেন। আমাদের বাড়ির সবাইকে দেশত্যাগের ছাড়পত্র দেওয়া হয়েছে, কিন্তু পরে—ঈশ্বরের দয়ায়—তোমাকে যদি খুঁজে পাওয়া যায়, তাহ'লে

তোমার ওটা কাজে লাগবে কিনা, তা জ্ঞান না ব'লে আমার স্বপ্নের অবধি নেই। তুমি যে বেঁচে আছো, আর একদিন তোমাকে ফিরে পাওয়া যাবেই—এই বিশ্বাস আমি এখনো ত্যাগ করিনি। আমার হৃদয় তা-ই বলে, আর হৃদয়ের কথায় আস্থা রাখি আমি। যখন তোমাকে পাওয়া যাবে, তখন রাশিয়ার অবস্থা হয়তো এখনকার চেয়ে শান্ত, হয়তো তুমি তোমার জগৎ আলাদা একটি ভিজ়া জোঁগাড় ক'রে নিতে পারবে, আবার আমরা একসঙ্গে এক জায়গায় থাকতে পারবো। কিন্তু এতো সুখ আমার ভাগ্যে আছে, এ-মুহূর্তে তা বিশ্বাস করতে পারছি না।

‘আসল মুশকিলটা এইখানে যে আমি তোমাকে ভালোবাসি আর তুমি আমাকে ভালোবাসো না। কেন এই শাস্তি হ'লো আমার, কী তার কারণ, তা বুঝতে, তার অর্থ আবিষ্কার করতে কেবলই চেষ্টা করি। নিজের দিকে তাকাই আমি, যতোদিন আমরা একসঙ্গে ছিলাম সব তন্ন-তন্ন ক'রে খুঁজে দেখি, নিজের বিষয়ে যা-কিছু আমি জানি, সব দেখতে চেষ্টা করি, কিন্তু কেন যে আমার এই দশা হ'লো তা কিছুতেই বুঝে উঠতে পারি না। খুঁজে পাই না এর আরম্ভ, মনে আনতে পারি না এই দুর্ভাগ্য কেমন ক'রে নিজের ওপর ডেকে আনলাম। আমার সম্বন্ধে একটা মিথ্যে ধারণা গ'ড়ে উঠেছে তোমার, তাতে স্নেহ নেই, কোনো আয়নার মধ্যে বিকৃত ক'রে তুমি দেখেছো আমাকে।

‘কিন্তু আমার কথা শোনো, আমি তোমাকে ভালোবাসি। যদি শুধু জানতে কতো আমি ভালোবাসি তোমাকে! যা-কিছু অসাধারণ আছে তোমার মধ্যে তা স্ববিধের হোক কি অস্ববিধের হোক, সব, সব আমি ভালোবাসি। যা-কিছু সাধারণ আছে তোমার মধ্যে তা অসাধারণভাবে সম্পৃক্ত হ'য়ে আছে ব'লে আমার কাছে তাও মূল্যবান। আমি ভালোবাসি তোমার মুখ, যা ভাবে-ভঙ্গিতে সুন্দর হ'য়ে ওঠে, যদিও সেই ভাবভঙ্গি বাদ দিলে হয়তো তা সাধারণই। ভালোবাসি তোমার বুদ্ধি, তোমার প্রতিভা—ইচ্ছাশক্তির বিনিময়ে যা তুমি পেয়েছো—তোমার তো ইচ্ছাশক্তি নেই। তোমার সব-কিছু ভালোবাসি আমি, আর তোমার চেয়ে ভালো এই জগতে আর কাউকে জানি না।

‘কিন্তু শোনো : তোমাকে যা বলতে চাচ্ছি তা এই। যদি তোমাকে এতো ভালো নাও বাসতুম, যদি ধরো, অশুভকর করতুম তোমাকে, তবু আমি ভাবতুম যে তোমাকে ভালোবাসি। আমি তোমার প্রতি উদাসীন, এই দারুণ কথাটা তখনো আমার কাছে গোপন থাকতো। যে-শাস্তিতে চরম অপমান, যা প্রায় মৃত্যুর মতো, শুধু সেই শাস্তি তোমার ওপর চাপিয়ে দেবার ভয়েই—আমি যে তোমাকে ভালোবাসি না, তা অচেতনভাবে না-বোঝার চেষ্টা করতুম। দু’জনের একজনও তা টের পেতো না—কখনোই না। আমার আপন হৃদয় তা গোপন রাখতো আমার কাছ থেকে, কারণ ভালো না-বাসা তো হত্যার মতো ; এ-রকম কোনো আঘাত কাউকেই দেবার মতো শক্তি আমার কখনোই হ’তো না।

‘এখনো কিছুই ঠিক নেই, কিন্তু আমরা বোধহয় প্যারিসে যাবো। ছেলেবেলায় তোমাকে যেখানে নিয়ে যাওয়া হয়েছিলো, যেখানে বাবা আর কাকা বড়ো হ’য়ে উঠেছিলেন, সেই দূর দেশে গিয়ে থাকবো আমি। বাবা তোমাকে তাঁর সম্ভাষণ জানাচ্ছেন। শাশা বেশ বড়ো হ’য়ে উঠেছে ; দেখতে তেমন ভালো হয়নি, কিন্তু বড়োসড়ো জোয়ান হয়েছে। তোমার কথা উঠলেই ও কাঁদতে থাকে, কোনো সাহুনাই মানতে চায় না। আর পারছি না আমি, কিছুতেই কান্না চাপতে পারছি না। চলি, কেমন ? তোমার গায়ে ক্রুশচিহ্ন এঁকে দিচ্ছি ; যে-অসংখ্য দিন প’ড়ে আছে সামনে, অন্তহীন যতো বিদায়ের বেলা, যতো ক্লেশ, অনিশ্চয়তা, দুঃখ, তোমার সামনে দীর্ঘ, দীর্ঘ অন্ধকার পথ—সব-কিছুর জগু প্রার্থনা থাকলো। কোনো-কিছুর জগুই দোষ দিচ্ছি না তোমাকে, আমার কোনো নালিশ নেই, তোমার ইচ্ছেমতো জীবন গ’ড়ে তোলা তুমি—শুধু ভালো থেকো, ভালো থেকো।

‘উরাল ছেড়ে আসার আগে—ঐ জায়গাটার কী ভীষণ ভবিতব্য ছিলো আমাদের !—আমার সঙ্গে লারিসা ফিয়োডোরোভনার বেশ আলাপ হয়েছিলো। সব সময় তাঁকে পাশে পেয়েছিলাম আমার দুঃখের দিনে, সম্ভানের জন্মের সময় তিনি আমার দেখাশোনা করেছিলেন, এ-জন্তে তাঁর কাছে আমি কৃতজ্ঞ। সত্যি কথা বলবো, মামুষ খুব ভালো, কিন্তু—ভগ্নামি করবো না—তাঁর স্বভাব আমার ঠিক উল্টো। জীবনকে সরল ক’রে তোলার

অন্য, সংগত সমাধান খোঁজার জগুই আমার জন্ম হয়েছিলো, আর তিনি— তিনি জন্মেছেন জীবনকে জটিল করে তুলতে, বিশৃঙ্খল করে দিতে।

‘ভগবান রক্ষা করুন তোমাকে, এবার চিঠি শেষ করি। চিঠি নিতে এসেছে ওরা, আর বাঁধাছাঁদা এখনো বাকি। ইউরা, ইউরা, আমার স্বামী, আমার প্রিয়তম, আমার সন্তানের পিতা, এ কা হ’য়ে যাচ্ছে আমাদের? আর যে কোনোদিন, কোনোদিন আমরা পরস্পরকে দেখতে পাবো না, তা কি বুঝতে পারছো তুমি? এই তো—লিখেই ফেললাম কথাটা, তুমি কি বুঝতে পারছো তার মানে কী? বোঝো কি তুমি, বুঝতে কি পারো? তাড়া দিচ্ছে ওরা, মনে হচ্ছে ওরা যেন আমাকে মৃত্যুদণ্ড দিতে এলো। ইউরা! ইউরা!’

পড়া শেষ করে ইউরি চোখ তুলে তাকালো। শূন্য হ’য়ে আছে দৃষ্টি, চোখে একফোঁটা জল নেই, সব শুকিয়ে গেছে দুঃখে, শূন্য হ’য়ে গেছে বেদনায়। কিছুই দেখতে পেলো না সে, চারপাশে কী আছে না আছে, তার কোনো বোধ থাকলো না তার।

বরফ পড়ছে বাইরে। হাওয়া তাড়িয়ে নিচ্ছে বরফগুলোকে, ক্রমশ পুরু হ’য়ে পড়ছে, আরো দ্রুতবেগে, যেন ধ’রে ফেলতে চাচ্ছে। ইউরি তাকিয়ে রইলো এমনভাবে যেন সে বরফ পড়া দেখতে পাচ্ছে না, যেন এখনো টোনিয়ার চিঠি পড়ছে। আর এই যে শুভ্রতা, বিকমিক করে উড়ে যাচ্ছে তার সামনে দিয়ে, তা যেন তুষারের ছোটো-ছোটো শুকনো নক্ষত্র নয়, যেন আসলে ছোটো-ছোটো কালো অক্ষরের ফাঁকে-ফাঁকে শূন্যতা—শাদা, আর নিঃসীম।

অজান্তে কৈদে উঠে বুক চেপে ধরলো সে। মনে হ’লো অজান হ’য়ে পড়বে। টলতে-টলতে এগিয়ে গেলো সোফার দিকে, অচেতন হ’য়ে সেটার ওপর প’ড়ে গেলো।

পরিচ্ছেদ ১৪

আবার ভারিকিনো

পুরোপুরি শীত চলছে। বরফ পড়ছে আঝোরে, তার মধ্য দিয়ে ইউরির হাসপাতাল থেকে হেঁটে ফিরলো। হল-ঘরেই লারার সঙ্গে দেখা হ'লো তার।

‘কমরোভস্কি এসেছে,’ লারার গলা ব্যাকুল শোনালো, আর যেন কোনো আশা নেই। যেন কেউ মেরেছে তাকে, এমনি উদ্ভ্রান্তভাবে দাঁড়িয়ে রইলো।

‘কোথায় সে? এখানে? এই ফ্ল্যাটে?’

‘না, না, এখানে কেন থাকবে? সকালে এসেছিলো, ব’লে গেছে রাত্রে আসবে। এক্ষুনি এসে পড়বে হয়তো। তোমার সঙ্গে কথা বলতে চায়।’

‘কিস্ত এসেছে কেন?’

‘কী যেন, কিছুই বুঝলাম না ওর কথা। বললো যে শিগগিরই ও দূর-এশিয়ায় চ’লে যাচ্ছে, যাবার আগে দেখা করতে এলো। বিশেষ ক’রে তোমার আর পাশার সঙ্গে দেখা করতে চায়। বললো যে আমরা নাকি মারাত্মক বিপদের মধ্যে আছি, তুমি, আমি, পাশা—আমরা তিনজনেই। সে-ই শুধু বাঁচাতে পারে আমাদের—যদি তার পরামর্শমতো চলি।’

‘আমি এক্ষুনি বেরিয়ে যাচ্ছি। আমি চাই না ওর সঙ্গে আমার দেখা হোক।’

লারা ভেঙে পড়লো কান্নায়। ইউরির পায়ে প’ড়ে তার হাঁটু জড়িয়ে ধরলো, কিস্ত ইউরি তাকে টেনে তুললো জোর ক’রে।

‘লক্ষ্মীটি, বেরিয়ে যেয়ো না। অন্তত আমার জন্ত থাকো,’ মিনতি করলো লারা। ‘এমন নয় যে ওর সঙ্গে একলা হ’তে আমি ভয় পাই, কিন্তু—ভাবতেও ঘেন্না করে ও-কথা। নিভৃত্তে দেখা হবে ওর সঙ্গে—এই জঘন্ততা থেকে বাঁচাও তুমি আমাকে। আর তাছাড়া, খুব কাজের লোক কমারোভস্কি, কতো কিছু জানে—সত্যিই হয়তো আমাদের কোনো সুপরামর্শ দেবার আছে ওর। আমি বুঝতে পারছি অসহ্য লাগবে তোমার ওকে, কিন্তু অন্তত খানিকক্ষণের জন্ত ও-সব ভুলে যাও লক্ষ্মীটি, এখন বেরিয়ে না। যেয়ো না।’

‘কী হয়েছে তোমার, বলো তো? এতো অধীর কেন? বলো, কী করতে চাচ্ছে তুমি? অমনভাবে লুটিয়ে পোড়ো না তো বার-বার, এই অভ্যেসটা ছাড়ো তুমি। ওঠো, অমন মন-মরা হ’য়ে থাকে না। সত্যি, এই জুজুর ভয় তোমার ছাড়া উচিত—লোকটা তোমাকে সাংঘাতিক ভয় পাইয়ে দিয়েছে তো! আমি যে তোমার সঙ্গে আছি, তা তো জানো। কথা দিলাম, আমি থাকবো। বলো তো, তোমার জন্ত ওকে অগ্নানবদনে খুনও ক’রে বসতে পারি।’

রাত নামলো আধ ঘণ্টার মধ্যেই। মিশকালো রাত। ছ’মাস আগে ইঁদুরের গর্তের সবগুলো মুখ বন্ধ ক’রে দেওয়া হয়েছিলো, আজকাল রোজই ইউরি ভালো ক’রে খুঁজে জাখে নতুন কোনো গর্ত দেখা যায় কিনা, চোখে পড়লে সময় থাকতেই বন্ধ ক’রে দেয়। একটা মস্ত লোমওলা ছলোবেড়ালকেও এই উদ্দেশ্যে বাড়িতে রেখে দেওয়া হয়েছে—কিন্তু সেটা প্রায় সব সময়েই রহস্যময় চেহারা ক’রে ধ্যানমগ্নের মতো বিমোয় শুধু। বাড়িতে ইঁদুর এখনো আছে, তবে আগের চেয়ে ঢের বেশি সাবধানে থাকে, এই আরকি।

কমারোভস্কির জন্ত অপেক্ষা করতে-করতে লারা ব্যাশন হিসেবে পাওয়া একটি কালো ক্রটিকে কয়েকটি টুকরোয় ভাগ ক’রে ফেললো, তারপর রেকাবিতে কয়েকটি সেন্দ্র-করা আলু সাজিয়ে টেবিলে রেখে দিলে। দু’জনে মিলে ঠিক করেছে যে পুরোনো খাবার ঘরটায় বসতে দেবে কমারোভস্কিকে—সেটাকে তারা এখনো খাওয়ার সময় ব্যবহার করে। সেই মস্ত, ভারি, কালো ওককাঠের টেবিল আর আলমারিটা এই ঘরের আদি আনবাবের অংশ। টেবিলের ওপর ক্যাস্টার-অয়েলের একটি বোতলে সলতে লাগানো: হাতে

নিম্নে চলাফেরার সুবিধে হয় ব'লে এটাকে তারা বাতি হিসেবে ব্যবহার করে।

ভিসেসের কালো রাজি ফুঁড়ে কমারোভস্কি এসে হাজির হ'লো, সারা গায়ে তার বরফের কুচি লেগে আছে। তার টুপি, কোট আর জুতো থেকে বরফ ঝ'রে পড়লো মেঝেতে, তারপর, গ'লে গিয়ে, মেঝের ওপর ছোটো-ছোটো জলাশয় সৃষ্টি ক'রে দিলে। তার দাড়ি-গোঁফে এমনভাবে বরফের কুচি আটকে আছে যে তাকে দেখালো ঠিক একটি ভাঁড়ের মতো (আগেকার দিনে দাড়ি-গোঁফ-কামানো চেহারা ছিলো তার)। কড়া ইজি-করা ডোরাকাটা পাংলুন তার পরনে, পুরোনো হ'লেও দেখতে ভালো। 'নমস্কার,' বা 'কেমন, ভালো তো?' এই ধরনের কোনো সম্ভাষণ করার আগে সে পকেট থেকে চিকনি বের ক'রে অনেকক্ষণ ধ'রে ভেজা চুল ঝাঁড়ে নিলো, তারপর ক্রমাল বের ক'রে মুছে নিলো গোঁফ আর তুফ। কোনো কথা না-ব'লেই তারপরে সে বাড়িয়ে দিলে তার দুই হাত, ডানহাত ইউরির দিকে, লারার দিকে বা হাত, আর এই ভঙ্গি থেকেই যেন ফুটে বেরোলো ভাবী অমঙ্গলের আশঙ্কা।

'ধ'রে নেওয়া যাক আমরা পূর্বপরিচিত,' ইউরির দিকে ফিরে তাকালো সে। 'আমি যে তোমার বাবার অন্তরঙ্গ বন্ধু ছিলাম, তা হয়তো জানো তুমি। আমার কোলে মাথা রেখেই তিনি মারা যান। তাঁর সঙ্গে তোমার কোনো মিল আছে কিনা দেখছিলাম—কিন্তু না, কোনো মিল নেই, বাবার মতো হওনি তুমি। তিনি ছিলেন দিলদরিয়া মানুষ, মেজাজে চলতেন। তোমাকে তোমার মায়ের মতো মনে হচ্ছে—মুহূ, যাকে বলে ভাবুক।'

'লারিসা ফিয়োডোরোভনা আপনার সঙ্গে দেখা করতে বলেছেন আমাকে। আমার সঙ্গে আপনার নাকি জরুরি কথা আছে? তাঁর কথামতোই দেখা করতে রাজি হয়েছি আমি, এই সান্ধ্যকালটা আমার ইচ্ছের ওপর নির্ভর করেনি, আর তাছাড়া, মনে তো হয় না আমরা পূর্বপরিচিত। তাহ'লে আমরা কি এবার কাজের কথায় আসবো? কী চান আপনি?'

'কী যে ভালো লাগছে আমার তোমাদের দু'জনকে একসঙ্গে দেখে! সব এখন বুঝতে পারছি, সব। চমৎকার জোড় মিলেছে তোমরা, একেবারে রাজশোটক যাকে বলে—কথাটা বললাম ব'লে কিছু মনে করছো না তো?'

‘দয়া ক’রে থামুন। নিজের চরকায় তেল দেন তো বাধিত হবো। আমরা আপনাদের সহায়ত্ব চাচ্ছি না। আপনি বারে-বারে সীমা ছাড়িয়ে যাচ্ছেন।’

‘অমন দপ ক’রে জ’লে উঠো না হে, যুবক। হয়তো শেষ পর্যন্ত সত্যিই তুমি বাবার খাত পেয়েছো। ঠিক এমনি ক’রে তিনি রেগে উঠতেন, একটুতেই মাথা গরম হ’য়ে যেতো। তোমরা আমার ছেলেমেয়ের মতো—আমার শুভেচ্ছা জানাচ্ছি। দুঃখের বিষয়, তোমরা সত্যি-সত্যি শিশুই আছো এখনো—এটা কিন্তু উপমা হিসেবে বলছি না—একেবারেই অজ্ঞ অবোধ আর নিশ্চিন্ত আছো। তোমরা ঠিক শিশুর মতো। এখানে এসে দিন দুয়েকের মধ্যেই তোমাদের বিষয়ে আমি যতো কথা শুনেছি, তা তোমরা নিজেরাও জানো না, এমনকি হয়তো আন্দাজ করতেও পারবে না। অজ্ঞান্বে এমন এক পাহাড়ের ওপর দিয়ে তোমরা চলেছো, আর এক পা বাড়ালেই অতল খাদ। কোনো একটা ব্যবস্থা যদি না করো তোমাদের স্বাধীনতা তো যাবেই, এমনকি প্রাণ নিয়েও টানাটানি হ’তে পারে।

‘কমিউনিস্ট রীতি ব’লে একটা ব্যাপার আছে, ইউরি আন্দ্রেইয়েভিচ, খুব কম লোকই তার সঙ্গে ভাল রেখে চলতে পারে। কিন্তু তাদের ধ্যান-ধারণাগুলোকে তোমার মতো এমন প্রকাশে কেউ অস্বীকার করে না। আগুন নিয়ে খেলা করা কেন? তাদের জগৎটাকে বিক্রপ করছো তুমি, তোমার অস্তিত্ব তাদের পক্ষে এক মূর্ত অপমান। অস্তিত্ব তোমার অতীতের কথা যদি গোপন থাকতো, তাহ’লেও না-হয় কথা ছিলো। কিন্তু মন্স্কো থেকে এমন অনেক লোক এসেছে যারা তোমার হাঁড়ির খবর সব রাখে। থেমিস^১-এর পুরুষ-ঠাকুররা আছেন তো এখানে—তোমরা একজনও তাঁদের মনোমতো নও। কমরেড আন্টিপভ আর টিভেরজিন তাঁদের নথ শানাতে লেগে গেছেন।

‘তা হোক, তুমি তো পুরুষ, ইউরি আন্দ্রেইয়েভিচ, কারো অধীনও নও, মূর্খের মতো বিপদ যদি ডেকে আনতে চাও আনবে। কিন্তু লারিসা ফিয়োডোরোভনা তো স্বাধীন নন, একটি শিশু আছে তাঁর, তিনি তো আর আকাশে মাথা ঠেকিয়ে চলতে পারেন না।

১ Themis : গ্রীক হুঁচিচারের দেবী। এখানে ব্যঙ্গ ক’রে বলা হচ্ছে।—অনুবাদের টীকা।

‘অবস্থা যে কী সংঘাতিক তা ঠেকে বোঝাবার চেষ্টায় সারা সকালটা আমি নষ্ট করেছি। আমার কথায় কানই দেন না উনি। তুমি বললে কাজ হ’তে পারে—বলবে? সম্ভানের জীবন নিয়ে ছিনিমিনি খেলার অধিকার তাঁর নেই। আমার যুক্তিগুলো শুনতেই হবে ঠেকে, মানতেই হবে।’

‘জীবনে আমি কখনো কারো ওপর নিজের মত চাপিয়ে দিইনি। যারা আমার ঘনিষ্ঠ, তাদের ওপর তো নয়ই। আপনার কথা শোনা বা না-শোনা লারিসা ফিয়োডোরোভনার ইচ্ছের ওপর নির্ভর করে—তা তাঁর ব্যক্তিগত ব্যাপার। তাছাড়া আপনি কী বলতে চাচ্ছেন, তাও আমি ঠিক বুঝতে পারছি না। আপনার তথাকথিত যুক্তিগুলো কিন্তু শুনিনি এখনো।’

‘আবার তোমার বাবার কথা মনে করিয়ে দিচ্ছে। তুমি—ঠিক তেমনি একরোখা। বেশ, তাহ’লে সব খুলে বলছি। কিন্তু ব্যাপারটা বেশ ঘোরালো, ধৈর্য ধ’রে সব শুনতে হবে, বাধা দিলে চলবে না।

‘পাটির হর্তাকর্তারা মস্ত বড়ো বদলের প্ল্যান আটছেন—ইয়া, সত্যি, কথাটা অত্যন্ত বিশ্বস্তসূত্রে আমি জানতে পেয়েছি, তুমি নিভুল ব’লে ধ’রে নিতে পারো। ওরা এখন গণতান্ত্রিক হ’তে চাচ্ছে, চাচ্ছে আইনকানুনকে কিছুটা খাতির দেখাতে—আর এই বদলটা শিগগিরই ঘ’টে যাবে, দেখো।

‘কিন্তু ঠিক সেইজন্মেই খেপে উঠছে পিটুনি পুলিশের দল—তাদের চাকরি চ’লে যাবে তো শিগগিরই। তা যাবার আগে চটপট হিসেব মিলিয়ে নিতে চাচ্ছে তারা, তাই গণতন্ত্র আসবার আগে এমন এক বীভৎসতার ঢেউ ব’য়ে যাবে, যে-রকমটি আমরাও আর আগে দেখিনি। ইউরি আন্দ্রেইয়েভিচ, তোমাকে শেষ করবে ওরা, দাগি তুমি, ওদের লিঙ্গিতে নাম আছে তোমার। সত্যি বলছি—বিশ্বাস করো—এ আমার স্বচক্ষে দেখা। সময় থাকতে প্রাণ নিয়ে পালাও।

‘কিন্তু এ পর্যন্ত শুধু ভূমিকা। এবারে আসল কথায় আসি।

‘যে-রাজনৈতিক দলগুলি এখনো অস্থায়ী সরকারকে মেনে চলছে, আর ভূতপূর্ব সংবিধানসভার সদস্যরা—এরা জোট বেঁধে প্যাসিফিক উপকূলে গিয়ে জড়ো হচ্ছে। নানা ধরনের নামজাদারা জমায়েৎ হচ্ছেন—ডুমার সভ্য, পুরোনো জেমস্টভোর পাণ্ডারা, আরো অনেক বিখ্যাত ব্যক্তি, ব্যাবসাদার,

কারখানার মালিক, সেই সঙ্গে বেচ্ছাসেবক বাহিনীর ধ্বংসাবশেষ সবাই গিয়ে সেখানে মিলছে।

‘দূরপ্রাচ্যে একটি প্রজাতন্ত্র স্থাপন করার মূল্যব আছে এদের, সোভিয়েট সরকার তা দেখেও না-দেখার ভান করছে, কেননা লাল সাইবেরিয়া আর বাইরের জগতের মধ্যখানে একটা ফালতু রাষ্ট্র থাকলে তাদের সুবিধেই। সব পার্টির লোক থাকবে সেই রিপাব্লিক সরকারে—মস্কোর জেদের জঙ্ঘ অর্ধেকেরও বেশি অবশ্য কমিউনিস্ট। সুবিধে পেলেই একটা হাঙ্গামা বাধিয়ে রিপাব্লিককে কুপোকাং করবে তারা। খুব পরিষ্কার প্র্যান, কিন্তু অন্ততপক্ষে নিখাস নেবার একটু সময় পাওয়া যাচ্ছে—এই সময়টুকুর পূর্ণ সদ্যবহার করা চাই।

‘বিপ্লবের আগে কোনো সময়ে আমি ভ্লাডিভস্টকের কয়েকটি ব্যাঙ্ক ও ব্যবসায়ীর কাজের তদারক করতাম—মেকুলভ, আর্থারভ ব্রাদার্স—আরো অনেকে। সেই স্ত্রেই তারা চেনে আমাকে, মন্ত্রীসভায় যারা যাবে বা যেতে পারে তাদের তরফ থেকে আমার কাছে লোক এসেছিলো, আমাকে বিচার-মন্ত্রীর পদ দিতে চাচ্ছে ওরা। কাজটা তারা গোপনেই করেছে, কিন্তু সোভিয়েটের বেসরকারি সম্মতি আছে। আমি তাদের আমন্ত্রণ গ্রহণ করেছি, সেখানেই চলেছি আমি এখন। যা-কিছু বললাম, সবই কিন্তু সোভিয়েট সরকারের মোন সম্মতি নিয়ে করা হচ্ছে, কিন্তু ব্যাপারটা খুব খোলাখুলি নয় ব’লেই তা নিয়ে বেশি কথা বলা বুদ্ধিমানের কাজ হবে না।

‘লারিসা ফিয়োডোরোভনাকে আর তোমাকে আমি সঙ্গে নিয়ে যেতে পারি। সেখানে তুমি সহজেই জাহাজ পাবে, বিদেশে তোমার আত্মীয়দের কাছেও চ’লে যেতে পারো। তারা যে দেশ থেকে বিতাড়িত হয়েছে, তা জানো নিশ্চয়ই? খুব হৈ-চৈ হয়োছিলো সেই ব্যাপারে, সারা মস্কো এখনো তা নিয়ে কথা বলছে।

‘ষ্টেলনিকভকে আমি বাঁচাবো, এই প্রতিশ্রুতি আমি দিয়েছি লারিসা ফিয়োডোরোভনাকে। মস্কো যাকে স্বাধীন সরকার ব’লে মেনে নিয়েছে, তার সভ্য হিসেবে আমি পূর্ব সাইবেরিয়ায় খোঁজ নিতে পারি ষ্টেলনিকভের—ঐ স্বাধীন রাজ্যে তার আসার সুবিধেও ক’রে দিতে পারি। নেহাৎই যদি

সে পালাতে না পারে, তাহ'লে আমি প্রস্তাব করবো যে মন্সো সরকার তাকে ছেড়ে দিন, তার বদলে ওদিক থেকে কাউকে ধরিয়ে দেবো ওঁদের কাছে— এমন কেউ, মন্সো থাকে খুঁজে বেড়াচ্ছে।’

কমারোভস্কির এই ব্যাখ্যা দুর্বোধ্য লাগছিলো লারার, কিন্তু যখন ইউরি আর স্টেলনিকভকে বাঁচাবার কথা সে বলতে লাগলো, তখন উৎকর্ষ হ'য়ে উঠলো। লারা একটু লাল হ'য়ে উঠে, ইউরিকে বললো :

‘সুনছো তো—তোমার পক্ষে, পাশার পক্ষে, খুব জরুরি কথা এ-সব।’

‘কিন্তু এ-সবে বিশ্বাস কী, লারা ? এ তো একটা পরিকল্পনা শুধু, তাও অর্ধসমাপ্ত, একে তুমি তথ্য ব'লে ধ'রে নিতে পারো না। আমি বলছি না যে, ভিক্টর ইগ্নলিটোভিচ আমাদের ভুল পথে নিয়ে যেতে চাচ্ছেন, কিন্তু এতোক্লপ তিনি যা বললেন তা আকাশকুসুম ছাড়া আর কী। আমার দিক থেকে ধনুবাদ দিচ্ছি আপনাকে,’ কমারোভস্কির দিকে মুখ ফেরালো সে— ‘এতো ভেবেছেন আপনি আমার কথা ! কিন্তু আপনি নিশ্চয়ই ভাবছেন না যে আপনি ওঁদের সরিয়ে ফেলার চেষ্টা করলে আমি তা সহ করবো ? আপনাকে ওঁদের নিয়ে যেতে দেবো আমি ? আর স্টেলনিকভের কথা— লারাকেই তা ভেবে দেখতে হবে।’

‘আসল কথাটা দাঁড়ালো এই,’ বললো লারা, ‘যে ওঁর সঙ্গে আমরা যাবো কি যাবো না। তোমাকে ফেলে আমি যে যাবো না, তা তো তুমি জানো, ইউরি।’

হাসপাতাল থেকে জল-মেশানো কোহল এনেছিলো ইউরি ; কমারোভস্কি আলুসেন্দ্র চিবোতে-চিবোতে তাতে চুমুক দিচ্ছে, ক্রমেই নেশা চ'ড়ে যাচ্ছে তার।

২

রাত ভারি হ'লো। বতোরারই সলতে সাফ ক'রে দেওয়া হ'লো, ততোরারই মপ্ ক'রে জ'লে ওঠে বাতিটা, ঘর উজ্জ্বল দেখায়, আর তারপরেই আগুন ম'রে আসে, ফের ছায়া আসে ঘনিয়ে। ইউরির আর লারার ঘুম পাচ্ছে ; তাদের ইচ্ছে করছে নিজেদের মধ্যে কথাবার্তা ব'লে নিয়ে শুয়ে পড়ে, কিন্তু

কমারোভস্কি আর ওঠার নাম করে না। জানলার বাইরে ডিসেম্বরের কালো অন্ধকার আর ঘরের ভেতরকার ওককাঠের ভারি আলমারিটা যেমন তাদের ক্লান্ত ক’রে তুলছিলো, কমারোভস্কির উপস্থিতিটাও ঠিক তেমনি বিরক্তিকর।

তাদের লক্ষ্য না-ক’রে তাদের মাথার ওপর দিয়ে তাকিয়ে আছে কমারোভস্কি; দূরের দিকে নিবদ্ধ তার চকচকে ভিজে চোখ, নেশা-লাগা আবছা গলা কখন থেকে শুধু জাবর কেটে চলেছে—অস্তহীন, ক্লান্তিকর। এখন তার বাতিক হয়েছে দূর-এশিয়া, ইউরিকে আর লারাকে মঙ্গোলিয়ার রাজনৈতিক গুরুত্ব বোঝাচ্ছে সে; দু’জনের একজনেরও কোনো কৌতূহল নেই এ-বিষয়ে, কোন ফাঁকে কমারোভস্কি সেটা টেনে এনেছে তাও টের পায়নি তারা—আর সেইজন্তেই আরো অর্থহীন মনে হচ্ছে সব কথা। কমারোভস্কি বলছিলো :

‘সাইবেরিয়ায় যে কতো কিছু হ’তে পারে তার অন্ত নেই—সাধে কি নতুন আমেরিকা বলা হয়। রাশিয়ার ভাবী গৌরবের আঁতুড়ঘর হবে সেখানেই, তা-ই হবে আমাদের প্রগতির মাপকাঠি, ওতেই বোঝা যাবে কতোটা আমরা এগিয়েছি গণতন্ত্রের দিকে, পেয়েছি রাজনৈতিক ও অর্থনৈতিক স্বাস্থ্য। আরো বিরাট সম্ভাবনা আছে বহির্মঙ্গোলিয়ার—আমাদের দূর-প্রাচীর প্রতিবেশী। কী জানো তোমরা তার কথা? নির্লজ্জের মতো হাই তুলছো তোমরা, চোখ ঢুলে আসছে, কিন্তু তবু বলি—মঙ্গোলিয়া মানে হ’লো প্রায় দশ লক্ষ বর্গ মাইল জোড়া জমি, আর অগণ্য খনিজ সম্পদ; একেবারে টাটকা সব জমি, তার দিকে লোভীর মতো তাকিয়ে আছে চীন, জাপান, আমেরিকা। রাশিয়ার স্বার্থকে জখম ক’রে সবাই চায় ওটা ছিনিয়ে নিতে—কিন্তু যখনই কথা উঠেছে ঐ সূদূর দেশ কোন প্রভাবমণ্ডলের অন্তর্ভূত, তখনই আমাদের প্রতিদ্বন্দ্বীরাও রাশিয়ার দাবি স্বীকার ক’রে নিয়েছে।

‘মঙ্গোলিয়া পেছিয়ে আছে ধর্মের শাসনে, সামন্ততন্ত্রে; তার লামা আর “খুটুংট”দের ওপর প্রভাব খাটিয়ে তাকে শোষণ ক’রে নিচ্ছে চীন। জাপান মিতালি করছে স্থানীয় যুবরাজদের সঙ্গে, যাদের বলা হয় “হোশুন”। লাল রাশিয়া আবার “হামজিল”দের মধ্যে বন্ধু পেয়েছে—বিস্কৃত মঙ্গোলীয় মেঘপালকদের

বিপ্লবী সংঘ সেটা। আর আমি খুশি হবে যদি স্বাধীন নির্বাচনে “হরুলটায়ি”রা জিতে যায়। মঙ্গোলিয়ার সত্যি উন্নতি হবে তাহ’লে। আর তোমাদের পক্ষে আসল কথা এই যে সীমান্ত পেরিয়ে একবার মঙ্গোলিয়াতে পা দিলেই দেখতে পাবে সারা পৃথিবী তোমাদের পায়ের তলায় প’ড়ে আছে—একেবারে বাতাসের মতো স্বাধীন তোমরা।’

তার বাগ্‌বহুল বক্তৃতা লারার আর সহ্য হ’লো না। ক্লান্তিতে, বিরক্তিতে প্রায় কান্না পেয়ে গেলো। শেষটায় তার দিকে হাত বাড়িয়ে দিয়ে, বিরুদ্ধভাব লুকোবার কোনো চেষ্টা না-ক’রে হঠাৎ ব’লে উঠলে:

‘রাত অনেক হ’লো, আপনার ঘাবার সময় হয়েছে। ঘুম পেয়েছে আমার।’

‘নিশ্চয়ই এতো রাত্রে আমাকে বাড়ি থেকে বের ক’রে দেবে না তোমরা? আতিথেয়তা আছে তো! পথ চিনে যেতে পারবো কিনা তা-ই বা কে জানে—একে অচেনা শহর, তার ওপর এই ঘুটঘুটে অন্ধকার।’

‘এ-ভাবে ঠায় ব’সে না-থেকে আগেই তা ভাবা উচিত ছিলো আপনার। কেউ আপনাকে এতো রাত অবধি থাকতে বলেনি তো।’

‘অমন চোখা-চোখা কথা বলছো কেন আমাকে? আমার থাকার কোনো জায়গা আছে কিনা, তা পর্যন্ত তোমরা একবার জিজ্ঞেস করোনি।’

‘তা নিয়ে মোটেও মাথাব্যথা নেই আমার। নিজের দেখাশোনা নিজে আপনি ভালোই করতে পারেন। এখানে রাত কাটাবার নিমন্ত্রণ বাগাতে চেষ্টা করছেন তো? তাহ’লে জেনে রাখুন, আমরা কাটিয়াকে নিয়ে যে-ঘরে শুই, সেখানে কিছুতেই থাকতে দেবো না আপনাকে, আর অগ্নি ঘরগুলো সব ইঁদুরে ভর্তি।’

‘আমার তাতে অসুবিধে হবে না।’

‘সে আপনার অভিরুচি।’

৩

‘তোমার হ’লো কী, লারা ? রাতের পর রাত ঘুমোচ্ছে না, খাচ্ছে না কিছু, সারাদিন কেমন ভূতের মতো চেহারা ক’রে ঘুরে বেড়াও। এতো কী ভাবো সব সময় বলো তো ? যতো উদ্বেগই তোমার থাক না কেন, তাদের অমনভাবে মাথায় চ’ড়ে বসতে দিতে নেই।’

‘হাসপাতালের দরওয়ান ইজুট ‘আবার এসেছিলো, জানো ? একতলার ধোঁপানির কাছে আসে সে, প্রেম করছে ওরা। একদিন আমার কাছে এসে এক খুশির খবর দিয়ে গেলো ! “আপনার মিস্টার তো হ’য়ে এলো এবার— একেবারে এখন-তখন অবস্থা।” আমি জিজ্ঞেস করলাম, “কী ক’রে জানলে।”—“ঠিক জানি, ঠিক শুনেছি আমি, পেলিকান-এ বলাবলি হচ্ছে এ নিয়ে।” পেলিকান মানে যে ইসপলকোম’, তা বোধহয় ধরতে পেরেছো তুমি।’ দু’জনে একসঙ্গে হেসে উঠলো।

ইউরি বললে, ‘ঠিক বলেছে লোকটা, এখন-তখন অবস্থার মধ্যে আছি, এই বেলা অস্থগ্ধান করা উচিত আমাদের। কিন্তু প্রস্নটা হ’লো—যাই কোথায় ? চুপি-চুপি স’রে পড়তে হবে আমাদের, তাই মস্কো যাবার কোনো কথাই ওঠে না—লোকের চোখে না-প’ড়ে তো আর মস্কোতে যাওয়ার ব্যবস্থা করা যাবে না। শোনো, লারা—তুমি প্রথমে যা বলেছিলে তা-ই করা যাক না। ভারিকিনোতেই যাই চলো, কিছুদিন গা-ঢাকা দিয়ে থাকি—অন্তত হপ্তাখানেক বা দু’এক মাস। কী বলো ?’

‘ভালো, খুব ভালো, অনেক ধন্যবাদ তোমাকে। ঈশ, কী যে ভালো লাগছে আমার। ভারিকিনোর কথা ভাবতে তোমার বিজ্রী লাগে, তা বুঝি। কিন্তু সেখানে তোমার বাড়িতে না-ই বা থাকলাম—ঐ সব শূন্য ঘর, মনের কষ্ট, অতীতের সঙ্গে তুলনা—এ তুমি সহিতে পারবে না, জানি। যা ভালোবাসি, যাকে পবিত্র ব’লে ভাবি, তার ওপর মাড়িয়ে যাওয়ার মানে কী, তা কি আমি জানি না ? অস্ত্রের দুঃখের ওপর নিজের স্বখ কি গ’ড়ে তোলা যায় কখনো ? অতো বড়ো ত্যাগ আমার জন্ত তোমাকে করতে দেবো না আমি—কিছুতেই না। কিন্তু যাকগে, সে-কথা উঠছে না আপাতত।

১ *Ispolnitelny komitet* : নগর পরিষদের কার্যকরী সমিতি।

তোমার বাড়িটার দশা এতোই খারাপ যে, ঘরগুলোকে বাসযোগ্য ক'রে তোলাই মুশকিল। আমি ভাবছিলাম মিকুলিংসিনদের বাসার কথা।’

‘তোমার সব কথাই সত্যি। এতো বুদ্ধি-বিবেচনা তোমার—কতো আর ঋণী করবে আমাকে। কিন্তু রোসো, রোজ তোমাকে জিজ্ঞেস করবো ভাবি, রোজ তুলে যাই। কমারোভস্কির খবর কী? সে কি এখনো আছে এখানে, না চ’লে গেছে? সেবার ঝগড়া ক’রে তাকে বাড়ি থেকে বের ক’রে দেওয়ার পর থেকে আর তার কোনো খবরই পাইনি।’

‘আমিও কিছুই জানি না, চাইও না জানতে। ওকে দিয়ে তোমার আবার কী দরকার?’

‘এখন আমার মনে হচ্ছে যে আমরা দু’জনে একসঙ্গে ওর প্রস্তাবকে উড়িয়ে দিয়ে ভালো করিনি। আমাদের দু’জনের অবস্থা তো এক নয়। তোমার মেয়ে আছে, তার কথা ভাবতে হবে তোমাকে। আমার বিপদের অংশ নিতে তুমি চাইতে পারো, কিন্তু তা নেবার তোমার অধিকার নেই।

‘কিন্তু শোনো—ঐ ভারিকিনোর কথা। না আছে খাবার, না কোনো আশা-ভরসা—এই অবস্থায় শীতের মধ্যে ঐ জঙ্গলে যাওয়াকে পাগলামি ছাড়া আর কী বলে! কিন্তু তা-ই না-হয় হ’লো, পাগলামি ছাড়া আর কোনো পথ যদি আমাদের না থাকে, তবে তা-ই হোক। আবার না-হয় দর্পচূর্ণ হবে আমাদের। সামডেভইয়াটভের কাছে ঘোড়া চেয়ে নেবো। বলবো ওকে—না, ওকেও না, ওর অধীনে যে-সব লোক চোরাবাজারি কারবার চালায়, তাদের কাছে ধারে চেয়ে নেবো আলু আর ময়দা—এখনো হয়তো আমাদের বিশ্বাস ক’রে কিছু দেবে ওরা। বুঝিয়ে বলবো সামডেভইয়াটভকে—উপকার করার সুযোগ নিয়ে সে যেন এক্ষুনি দেখাশুনো করতে না আসে আমাদের সঙ্গে—অন্তত ততোদিন যেন অপেক্ষা করে, যতোদিন ঘোড়াটা তার সত্যি দরকার না হয়। একটু একা থাকবো আমরা কয়েকটা দিন। চলো আমার প্রাণ, চলো। ভালো সময়ে ভালো গৃহিণী এক বছরে যতো জ্বালানি পোড়ায় তার চেয়েও বেশি আমরা এক হপ্তায় উড়িয়ে দেবো!

‘পারি না, শাস্তভাবে কথা বলতে পারছি না এখন—আমাকে তুমি ক্ষমা কোরো, লারা, আমি চাই না তোমার সঙ্গে আড়ম্বর ক’রে কথা বলতে, কিন্তু

সত্যি তো আমাদের সামনে একটার বেশি ছুটো রাস্তা আর খোলা নেই। যেমন ক'রেই বলো না কথাটা, দরজার বাইরে দাঁড়িয়ে আছে মৃত্যু, আঙুলে গোনা যায় যে-ক'টা দিন আর হাতে আছে। তা-ই যদি, তবে এসো, এরই মধ্য থেকে নিংড়ে নিই আমাদের স্বথ, সার্থকতা। কোন কাজে লাগাবো এই দিনগুলিকে? জীবনকে বিদায় বলি এসো, শেষবারের মতো একা থাকি দু'জনে—এর পরে তো আছেই বিচ্ছেদ। বিদায়—যা-কিছু ভেবেছি, ভালোবেসেছি, যে-স্বপ্ন ছিলো মনের মধ্যে এই জীবনের, যা আশা করেছি, শিক্ষা পেয়েছি বিবেকের কাছে—সেই সব-কিছুকে বিদায় বলবো এবার, বিদায় বলবো পরস্পরকে। যে-গোপন কথা শুধু রাত্রেই বলা যায়, আবার তা বলবো আমরা পরস্পরকে, পূর্বসাগরের নামের মতো বড়ো আর শান্তিতে শুভা সেই কথা। এর কি কোনো মানে নেই যে তুমি আমার জীবনের শেষ প্রান্তে দাঁড়িয়ে আছো—লারা, আমার সর্বস্ব গোপন তুমি, আমার নিষিদ্ধ দেবদূত—যুদ্ধে বিপ্লবে ছিন্নভিন্ন এই আকাশের তলায়—সেই তুমি, যে প্রথম আমার ছেলেবেলার শান্তির আকাশে দেখা দিয়েছিলে!

‘সেই রাতে—তোমার পরনে ছিলো কফিরঙের স্কুলের ইউনিফর্ম—হোটেলের ঘরে দরজার ছায়ায় তুমি দাঁড়িয়ে ছিলে—আজ তুমি যা হয়েছে সেদিনও ঠিক তা-ই ছিলে তুমি—এমনি তোলাপাড়-তোলা লাবণ্যময়ী।’

‘সেই সন্মোহন, যার বীজ সেদিন তুমি বপন করেছিলে আমার মনে, পরে তাকে কোনো নাম দিতে আমি চেষ্টা করেছি। সেই ধীরে-ধীরে নিবে-যাওয়া আলো, মিলিয়ে-যাওয়া শব্দ—তা ছড়িয়ে পড়েছিলো আমার সারা সত্তায়। তারপর থেকে তোমার মধ্য দিয়েই আমি জগৎটাকে দেখেছি, বুঝেছি।’

‘যখন তুমি—স্কুলের পোষাক পরা এক ছায়ায় মতো সেই ঘরের অন্ধ সব ছায়ায় মধ্য থেকে উঠে এলে, আমি—ছেলেমানুষ, তোমার কথা কিছুই জানি না—আমি তক্ষুনি সব বুঝে নিলাম, সাড়া দিয়ে উঠলাম প্রচণ্ড যন্ত্রণায়; এই ছোট্ট রোগা মেয়েটির মধ্যে—বিদ্যাতের ভরজের মতো—যেন নিখিলনারীক্ষ প্রবিষ্ট হ'য়ে আছে। যদি শুধুমাত্র আঙুলের ডগা দিয়েও তোমাকে স্পর্শ করতাম তখন, তাহ'লে এক ফুলকি জ্বলে উঠে সারা ঘর আলো ক'রে দিতো—হয় আমার মৃত্যু হ'তো তখনই, নয়তো চুষকের স্রোতের মতো, আমার

সমস্ত জীবন ভ'রে দিতো এক বেদনাময় দুঃখে আর আকাজ্জায়। কেঁদেও ছিলাম, জ'লে উঠেছিলাম আগুনের মতো, তারই মতো। মারাত্মক দুঃখ হয়েছিলো আমার নিজের জন্ত—ছেলেমানুষ আমি।—আরো বেশি তোমার জন্ত—তুমি বালিকা মাত্র! আমার সমস্ত বিস্মিত সত্তা প্রসন্ন করেছিলো: যদি ভালোবাসার শক্তি জেগে উঠলেই এই যজ্ঞা, তাহ'লে নারী হবার যজ্ঞা না জানি আরো কতো বেশি—কেননা নারী এই শক্তি, এই শক্তির উৎসস্থল!'

‘এই তো। এতোদিনে বললাম তোমাকে। আমি যে পাগল হ'য়ে বাইনি, এই যথেষ্ট। এরই মধ্যে আমি আছি—সর্বস্ব আছে আমার।

রাত-কাপড় না প'রেই, বিছানার ধার ঘেঁষে লারা শুয়ে ছিলো। অস্বস্থ বোধ করছিলো সে, কুঁকড়ে শুয়ে ছিলো গায়ে শাল জড়িয়ে। ইউরি ব'সে ছিলো চেয়ারে তার পাশে, অনেক থেমে-থেমে আস্তে-আস্তে কথা বলছিলো। মাঝে-মাঝে কহুইয়ে ভর দিয়ে উঠে বসছিলো লারা, থুংনিতে হাত ঠেকিয়ে হাঁ ক'রে দেখছিলো ইউরিকে, আবার কখনো ইউরির কাঁধে মাথা গুঁজে নিঃশব্দে কাঁদছিলো আনন্দে, তার চোখ দিয়ে যে জল পড়ছে তা টেরও পাচ্ছিলো না। শেষ পর্যন্ত শুয়ে-শুয়েই হাত বাড়িয়ে দিলো সে, ইউরিকে জড়িয়ে ধ'রে ভরপুর স্নেহে নিচু গলায় ব'লে উঠলো:

‘ইউরি, মণি আমার, কী বুদ্ধি তোমার, সব জানো তুমি! ইউরি, আমার সোনামণি, আমার সম্বল, আমার আশ্রয়—সবই তো তুমি;—ভগবান আমার এই পাপবাক্য ক্ষমা করুন! কী ভালো লাগছে, কী আনন্দ আমার! তা-ই চলো, আমার প্রাণ, চলো ভারিকিনোতে। সেখানে গিয়ে অল্প একটা কথা বলবো তোমাকে।’

লারা ভাবছে সে গর্ভিণী হ'য়েছে, কিন্তু ইউরির মতে তার এই ধারণা খুব সম্ভব ভুল।

‘আমি জানি, কী কথা,’ বললো ইউরি।

শীতের এক ধূসর ভোরে শহর ছাড়লো তারা। ছুটির দিন ছিলো না সেটি, লোকেরা কাজকর্মে বেরিয়েছে। চেনাশোনা অনেককেই তারা রাস্তায় দেখতে পেলো। পাহাড়ি চোমাখাগুলোর মোড়ে; অনেক বাড়িতে কুয়ো নেই; কতোগুলো পুরোনো কল আছে শুধু, মেয়েরা সেখানে জল নিতে এসে পাশে মাটিতে বাক আর বালতি রেখে লাইন দিয়ে দাঁড়িয়ে আছে। ইউরি সাবধানে তাদের পাশ কাটিয়ে গেলো, সামলে নিতে হ'লো সামডেভইয়াটভের টগবগে ধোঁয়াটে-হলুদ রঙের ঘোড়াটাকে। চড়াইয়ের পথে জল জ'মে বরফ হয়েছে, তার ওপর দিয়ে চলতে-চলতে বার-বার হড়কে যাচ্ছে স্নেজগাড়িটা, মাঝে-মাঝে ল্যাম্পপোস্টে ঠোকর খাচ্ছে।

সামডেভইয়াটভ হেঁটে আসছিলো উন্টে। দিক থেকে; পুরো কদমে ঘোড়া ছুটিয়ে তাকে পাশ কাটিয়ে চ'লে গেলো তারা—একবার পেছন ফিরে তাকিয়ে দেখলো না, সামডেভইয়াটভ তাদের বা তার ঘোড়াটাকে চিনতে পারলো কিনা, বা তাদের কিছু বলতে চায় কিনা সে। একটু পরে তারা কমারোভস্কিকে পাশ কাটিয়ে গেলো—এবারেও কোনো সম্ভাষণ করলো না।

গ্লাশা টুন্টসেভা রাস্তার ওপার থেকে চেষ্টা করে বললে:

‘কতো মিথ্যেই না বলে লোকে! শুনলাম তোমরা কাল চ'লে গেছো। কী? আলুর খোঁজে চলেছো?’ উত্তরে তারা যা বললে তা সে শুনতে পাচ্ছে না, ইঙ্গিতে এই কথা জানিয়ে হাত নেড়ে বিদায় জানালো সে।

শুধু সিমার জন্তই একবার আশ্রয় চলে হ'লো তাদের; জায়গাটা বেখাপ্পারকম ঢালু ব'লে থামতে অসুবিধে হ'লো, ঘোড়াটা অস্থির হ'য়ে উঠলো লাগাম টেনে-টেনে। আপাদমস্তক অনেকগুলো শাল জড়িয়ে নিয়েছিলো ব'লে সিমাকে দেখাচ্ছিলো তক্তার মতো শক্ত; খপখপ ক'রে রাস্তার মাঝখানে এসে তাদের বিদায় জানালো সে, শুভকামনা জানালো।

‘ফিরে এলে অনেক কথা হবে,’ সিমা বললো ইউরিকে।

অবশেষে শহরের সীমা ছাড়ালো তারা। যদিও ইউরি আগেও শীতকালে গেছে এই পথ দিয়ে, তবু শুধু গ্রীষ্মের ছবিটাই মনে ছিলো তার—এখন শ্রায় চিনতেই পারলো না।

স্নেহের সামনের দিকে খড়ের গাদার মধ্যে তারা ঢুকিয়ে দিয়েছে খাবারের খলে আর অল্প সব পোটলা-পুঁটলি, দড়ি দিয়ে বাঁধা আছে সেগুলো। ইউরি স্নেহ চালাচ্ছিলো। গাড়ির মেঝেতে হাঁটু ভেঙে টান হ'য়ে ব'সে—যেমন ক'রে এখানকার চাষিরা চালায়—আর নয়তো সামডেভইয়াটভের পশমি জুতোয় ঢোকানো পা দুটোকে সামনে ঝুলিয়ে নিয়ে ব'সে।

বিকেলে, স্বর্ধাস্তের অনেক আগেই ফুরিয়ে এলো দিন—শীতকালে যেমনটি হ'য়ে থাকে। ইউরির হাতে নির্দয় চাবুক খেয়ে, ঘোড়া ছুটে চললো তীরের বেগে। ঝড়ে-পড়া জাহাজের মতো স্নেহগাড়িটা ঝাঁকুনি খেতে লাগলো অসমতল রাস্তায়। ফার কোটের মধ্যে এমনভাবে কুঁকড়ে আছে লারা আর কাটিয়া যে তারা প্রায় নড়তে পারছে না। মোড় নেবার ছলুনিতে, থানা-খন্দের ঠোঁকরে তারা এদিক-ওদিক গড়াতে-গড়াতে বস্তার মতো খড়ের গাদায় ঢুকে যাচ্ছে; চেষ্টা দিয়ে হেসে উঠছে তারা ফুতিতে। একবার ইউরি মজা ক'রে গাড়িটাকে একেবারে বরফ-জমা প্রান্তে নিয়ে কাৎ ক'রে উল্টিয়ে ফেলে দিলে ওদের হু'জনকে। ঘোড়াটা কয়েক গজ টেনে নিয়ে গেলো গাড়িটাকে, লাগাম টেনে থামিয়ে গাড়ি সোজা করলো ইউরি; তক্ষুনি লারা আর কাটিয়া গাড়িতে উঠে ব'সে খুব ধমক দিলে তাকে, পিঠে খোঁচা দিয়ে হেসে উঠলো।

‘পার্টিজানরা আমাদের কোনখানে ধরেছিলো, দেখাবো তোমাদের,’ শহর অনেক পেছনে ফেলে আসার পর ইউরি বললে তাদের। কিন্তু এ-কথাটা সে রাখতে পারলো না। শীতে বিস্তৃত হ'য়ে গেছে বন, চারদিককার স্তব্ধতা আর শূন্যতা জায়গাটাকে এমন বদলে দিয়েছে যে চেনা যায় না। ‘এই যে, এখানে,’ মরো আর ভেটচিনকনের প্রথম সাইনবোর্ডটার কাছে এসে ভুল ক'রে চেষ্টা দিয়ে উঠলো সে। এই প্রথম সাইনবোর্ডটা ছিলো মাঠের মধ্যে; ইউরি ভুল ক'রে সেটাকে বনের ভেতরকার সাইনবোর্ড ব'লে ভাবলে—তারই কাছে বন্দী হয়েছিলো সে। রাস্তা যেখানে সাকমার দিকে বেকে গেছে, সেই মোড়ে ঝোপের ধারে আগের জায়গাতেই দ্বিতীয় সাইনবোর্ডটি দাঁড়িয়ে ছিলো; তার পাশ দিয়েই টগবগিয়ে ছুটে গেলো তাদের ঘোড়া, কিন্তু ফোঁটা-ফোঁটা বরফের জন্তু কালো আর রূপোলি হ'য়ে আছে অরণ্য, বলমলে ঝালরের মতো চোখ-খাঁধানো—তার মধ্যে ঐ সাইনবোর্ডটাকে চেনাই গেলো না।

ভারিকিনোতে যখন পৌঁছলো তখন সন্ধ্যা। পথে প্রথমেই জিভাগোদের বাড়ি পড়ে, তার সামনে এসে থামলো তারা; ভাকাতের মতো ক্ষত চুকে পড়লো ভেতরে, এখনই অন্ধকার হ'য়ে যাবে, তাই এতো তাড়া। কিন্তু ঘরে এর মধ্যেই অন্ধকার হ'য়ে গেছে, যতো ভাঙচুরের চিহ্ন আর যতো শব্দকারজনক নোংরা লেখানে ছড়িয়ে আছে, ইউরি তার অর্ধেকও তাই দেখতে পেলো না। যে-সব আসবাবের কথা তার মনে ছিলো, তার কিছু-কিছু চোখে পড়লো অবশ্য, ধ্বংসক্রিয়া সম্পূর্ণ করতে পারে এমন কেউ ছিলো না ভারিকিনোতে, কোনো ব্যবহার-করা কাপড়-চোপড় বা অল্প কিছু চোখে পড়লো না তার, কিন্তু টোনিয়ারা যখন এখান থেকে চলে যায়, তখন তো সে ছিলো না এখানে, কেমন ক'রে জানবে তারা কতোটুকু সঙ্গে নিয়ে গেছে। এদিকে লারা বলছিলো :

‘চটপট গুছিয়ে নিতে হবে আমাদের। এক্ষুনি অন্ধকার হ'য়ে যাবে। মোটে সময় নেই দাঁড়িয়ে-দাঁড়িয়ে ভাববার। এখানেই যদি আমাদের থাকতে হয় তো ঘোড়াটাকে গোলাঘরে নিয়ে যেতে হবে, খাবারগুলো পোর্টিকোতে থাক, আমি ততক্ষণে ঘরটা ঠিকঠাক ক'রে নিচ্ছি। তবে আমার কিন্তু এখানে থাকায় মত নেই। আগেই এ নিয়ে কথা হয়েছে আমাদের। তোমার কষ্ট হবে, আর সেইজন্তে, আমারও। ঘরটা কী ছিলো আগে? তোমার শোবার ঘর? না, বাচ্চাদের? ঐ তো তোমার ছেলের খাট। কাটিয়ার পক্ষে বড় ছোটো হবে এটা। ওদিকে আবার জানলাগুলো সব আস্তই আছে, দেয়ালে সীলিঙেও কোনো ফাটল নেই, আর চুল্লিটাও দেখছি আশ্চর্য-রকম আস্ত আছে। গেলো বার এসেও চুল্লিটার আমি তারিফ করেছিলাম। কী বলো, থাকবে এখানে? তুমি চাইলে আমার অমতে এসে যায় না—কোট খুলে এক্ষুনি কাজে লেগে যাচ্ছি। চুল্লিটাতে আগুন ধরানো হ'লো এক নম্বর কাজ, জ্বালানি, আরো জ্বালানি, আরো জ্বালানি—অন্তত তিন দিন ধ'রে সারা দিনরাত জ্বালিয়ে রাখতে হবে তো। কিন্তু তোমার হ'লো কী, ইউরি? একটাও কথা বলছো না?’

‘এই—না, কিছু হয়নি, ঠিক আছি আমি।...না, সত্যি, মিকুলিন্সিনদের বাগাটাই বোধহয় ভালো হবে এর চাইতে।’

আবার গাড়িতে উঠলো তারা।

মিকুলিংসিনদের দরজা তালাবদ্ধ। মুচড়ে-মুচড়ে দরজা খুললো ইউরি, তালাবদ্ধ
প্রিং ভেঙে কাঠের টুকরো ছিটকে পড়লো। এখানেও তেমনি ব্যস্তমস্ত
হ'য়ে ঢুকে পড়লো তারা, জামাকাপড় না-খুলেই, টুপি, কোট আর পশমের
জুতো প'রেই সোজা গিয়ে ঢুকলো অন্দরে।

বাড়ির কোনো-কোনো অংশের পরিচ্ছন্নতা দেখে প্রথমেই তাদের তাক
লেগে গেলো—বিশেষ ক'রে মিকুলিংসিনের পড়ার ঘরটা। নিশ্চয়ই সেদিন
পৰ্বন্ত এখানে কেউ গেছে, কিন্তু কে সে? মিকুলিংসিনরা? কিন্তু তাই যদি
হয় তারা গেলো কোথায়, আর কেনই বা চাবি না-দিয়ে দরজায় তালাবদ্ধ
ক'রে গেলো? তাছাড়া, মিকুলিংসিনরা যদি অনেকদিন ধ'রে এখানেই
থাকে, তাহ'লে—শুধু কয়েকটা কেন, সবগুলো ঘরই কি পরিষ্কার থাকতো না?
অবস্থাটা এক অজ্ঞাত আগন্তকের আভাস দিচ্ছে, কিন্তু কে হ'তে
পারে? ইউরি বা লারা কেউই এই রহস্য নিয়ে উদ্বিগ্ন হ'লো না, তার
সমাধানের জন্তও মাথা ঘামালো না তারা। অর্ধেক-লুঠ-করা বাড়ি
অনেক দেখা যায় আজকাল আর পলাতকদের সংখ্যাও প্রচুর। 'কোনো
শাদা অফিসার পালিয়ে বেড়াচ্ছে আরকি,' পরস্পরকে বললো তারা। 'যদি
সে ফিরে আসে তো তার সঙ্গে একটা বোঝাপড়া ক'রে নেওয়া যাবে। এতো
বড়ো বাড়ি—কারোরই অকুলোন হবে না।'

যেমন আগে একবার দাঁড়িয়েছিলো, তেমনি এবারেও পড়ার ঘরটির সামনে
মস্তমুগ্ধের মতো দাঁড়ালো ইউরি—এমন প্রশস্ত সেই ঘর, এমন সংবৃত আরামের
ব্যবস্থা সেই জানলার ধারের টেবিলটাতে—কতো স্বাচ্ছন্দ্য এখানে, ধৈর্যময়
ফলপ্রসূ কোনো কাজের পক্ষে কী গভীরভাবে অমূল্য।

উঠোনে অনেকগুলো আলাদা ঘর, গোলাঘরের গায়ে লাগানো আস্তাবল,
কিন্তু সেগুলো সবই তালাবদ্ধ। ইউরি আর তালাভাঙার চেষ্টা করলে না—
হয়তো সেগুলো ব্যবহারযোগ্য নেই আর। ঘোড়াটা গোলাঘরেই রাত কাটাতে
পারবে, সেটার দরজা খোলা কঠিন হ'লো না। ঘোড়াটার জিন-লাগাম খুলে
ফেলা হ'লো—জিরিয়ে নিক বেচারি—ইউরি তাকে কুয়ো থেকে জল এনে
দিলে। স্নেজ-গাড়িতে খড় ছিলো ঘোড়ার জন্ত, কিন্তু দেখা গেলো তাদের

পায়ের চাপে তা নষ্ট হ'য়ে গেছে। কিন্তু ভাগ্য ভালো—গোলাঘরের চিলেকোঠায় খড় পাওয়া গেলো খানিকটা।

জামাকাপড় না-খুলেই শুয়ে পড়লো তারা, ফার-কোটগুলোকে কবলের মতো জড়িয়ে নিলে, বাইরে সারাদিন ছোটোছুটি খেলাধুলোর পরে ছোটোরা যেমন ঘুমোয়, তেমনি গাঢ় গভীর, উপভোগ্য ঘুমের মধ্যে তারা তলিয়ে গেলো।

৬

জেগে ওঠার মুহূর্ত থেকেই ইউরি টেবিলটার দিকে তাকাতে লাগলো ঘন-ঘন—জানালার ধার থেকে তাকে লুক্ক করছে টেবিলটা। কাগজ-কলমের জন্তু তার আঙুল ঘেন চুলবুল করছে। কিন্তু সন্ধের আগে লিখতে বসবে না সে, লারা কাটিয়া শুয়ে না-পড়া পর্যন্ত অপেক্ষা করবে। ততোক্ষণ তার হাতেও কাজ থাকবে, অন্ততপক্ষে ছোটো ঘর বাসযোগ্য ক'রে তুলতে হ'লে তাও তো কম কথা নয়।

সন্ধ্যার জন্তু কেন এই অধীর প্রতীক্ষা ইউরির? না, জরুরি কোনো কাজ নেই; শুধু লেখার ইচ্ছে তাকে পেয়ে বসেছে।

কিছু তাকে লিখতেই হবে। কয়েকটা পুরোনো ভাবনা লেখা হয়নি—সেগুলোকে গুছিয়ে নিয়েই আরম্ভ করা যাক। পরে হয়তো নতুন কিছু হবে—আরো সার্থক কিছু—যদি অবশ্য লারাকে নিয়ে থেকে যেতে পারে এখানে।

‘ব্যস্ত? কী করছো?’

‘কাঠ দিচ্ছি চুল্লিতে। কী চাই?’

‘কাপড় ধোবার জন্তু একটা টব দরকার।’

‘এ-ভাবে যদি ঘর গরম করি তাহ'লে কাঠ কিন্তু শিগগিরই ফুরাবে। পুরোনো কাঠ রাখার ঘরে দেখে আসবো একবার, কিছু হয়তো থেকেও যেতে পারে সেখানে। যদি থাকে তো নিয়ে আসবো। কাল করবো এটা। টব চাই? কোথায় যেন দেখেছি একটা, নিশ্চয়ই দেখেছি, কিন্তু কোথায় তা কিছুতেই মনে করতে পারছি না।’

‘দেখেছি আমিও, কিন্তু আমারও মনে পড়ছে না কোথায়। নিশ্চয়ই এমন কোথাও, যেখানে টব থাকার কথা নয়, সেইজন্টেই মনে পড়ছে না কারো। তা থাকগে, ভেবো না। ঘর ধোয়ার জন্ত জল গরম করছি আমি। ঘর ধুয়ে যা বাকি থাকবে তা দিয়ে আমার আর কাটিয়ার কাপড়-চোপড় কেচে নেবো। তোমারগুলোও দিয়ে দিতে পারো। সঙ্গেবেলা মোটামুটি গোছগাছ ক’রে নিয়ে শোবার আগে স্নান করা যাবে।’

‘ভালো বলেছো। এনে দিচ্ছি আমার কাপড়-চোপড়। তোমার কথামতো ভারি আসবাবগুলো দেয়াল থেকে সরিয়ে নিয়েছি।’

‘ঠিক আছে। টব যখন পাওয়াই গেলো না, তখন বেসিনেই কাপড় কেচে নেবো। বেসিনটাও চিটচিটে হ’য়ে আছে, গামলাটা মেজে নিতে হবে।’

‘আলমারিগুলো খুঁজে দেখতে হবে—আগে চুল্লিটা ভালো ক’রে ধরুক। দেরাঞ্জে ডেস্কে আরো অনেক জিনিস পাচ্ছি আমি—সাবান, দেশলাই, কাগজ, পেন্সিল, কালি, কলম। টেবিলের বাতিটায় অর্ধেক-মতো প্যারাফিন আছে। মিকুলিংসিনদের প্যারাফিন ছিলো না কিন্তু—ঠিক জানি আমি—অন্ত কেউ এনেছে।’

‘কী ভাগ্য! সেই রহস্যময় লোকটির কাজ আরকি। ঠিক যেন জুল ভের্নের বই থেকে উঠে এসেছে। এই ছাখো, আবার আমরা গল্প করতে লেগেছি, এদিকে জল ফুটে গেছে।’

হুড়োহুড়ি ক’রে এ-ঘর থেকে ও-ঘরে ছুটোছুটি করতে লাগলো দু’জনে—হাত কখনো খালি নেই, চলতে-চলতে কখনো ঠুকে যাচ্ছে এ ওর গায়ে, কখনো বা কাটিয়ার ওপর হুমড়ি খেয়ে পড়ছে। কাটিয়াও যেন তাদের পায়ে-পায়ে আছে সব সময়, কিছু করার নেই বেচারাব, ধমক খেয়ে হাঁড়িমুখ ক’রে বসে আছে। ঠাণ্ডায় কাঁপছে কাটিয়া, বিশ্রী শীত তার ভালো লাগছে না।

‘হতভাগ্য এই শিশুরা আজকাল,’ মনে-মনে ভাবলো ইউরি, ‘এই বেদের মতো জীবনে কষ্ট তো ওদেরই, আমাদের সঙ্গে-সঙ্গে ওরাও বাউতুলে হ’লো।’

মুখে বললো :

‘কী? হয়েছে কী? শীত করছে? বাজে কথা!—চুল্লিতে গনগনে আগুন!’

‘চুল্লিটার হয়তো শীত করছে না, কিন্তু আমার করছে।’

‘তাহ’লে আর কী করা যায়? সঙ্গে অবধি সব্ব করো; বিরাট আগুন জ্বলে দেবো তখন, আর শুনলে তো, মা তোমাকে গরম জলে নাইয়েও দেবেন। এখন একটু খেলা করো তো লক্ষ্মী—এই নাও, ধরো।’ ঠাণ্ডা ভাঁড়ার ঘর থেকে লিবেরিয়ুসের সব পুরোনো খেলনা বের ক’রে এনে, ইউরি সেগুলো নামিয়ে দিলো মেঝেতে—কোনোটা আস্ত, কোনোটা ভাঙা, রেলগাড়ি, এঞ্জিন, খেলনা-বাড়ির সরঞ্জাম, গুটিখেলার চৌখুপি-কাটা ছক—তার খোপে-খোপে ছবি, সংখ্যা, আরো কত কী।

‘আপনি ভেবেছেন কী, ইউরি আন্দ্রেইয়েভিচ!’ বড়োদের ধরনে প্রতিবাদ জানালো কাটিয়া। ‘এগুলো যে আমার নয়। তাছাড়া আমি ছোটো আছি নাকি যে বাচ্চাদের খেলা খেলবো!’

কিন্তু পরমুহূর্তেই কাটিয়া আরাম ক’রে ব’সে পড়লো কার্পেটের মধ্যখানে, সবগুলো খেলনা মিলিয়ে বাড়ি তৈরি ক’রে ফেললো নিনার জগত। নিনা তার পুতুল, শহর থেকে সঙ্গে ক’রে সে নিয়ে এসেছে। যে-সব বাড়িতে কাটিয়া তার জীবনের অধিকাংশ কাটিয়েছে—অস্থায়ী, অগ্ন্যদের বাড়ি—তার চেয়ে এই খেলনা-বাড়ি অনেক ভালো হ’লো, ঢের বেশি গোছালো।

রাগ্নাবর থেকে কাটিয়াকে লক্ষ্য করলো লারা। ‘আঁখো একবার, জন্ম থেকেই মেয়েদের মন ঘর বাঁধার দিকে। বাড়ি, শৃঙ্খলা—এ-সবের জগত মাহুঘের ইচ্ছেটাকে কিছুতেই মেরে ফেলা যায় না। শিশুরাই ভালো, সত্যাকে তারা ভয় করে না—কিন্তু আমাদের শুধু ভয় পাছে কেউ আমাদের সেকলে ভাবে—আর সেই ভয়ে তা-ই আমরা নষ্ট করি যা আমাদের সবচেয়ে প্রিয়, প্রশংসা করি জঘন্তের, আর যার কিছুই বুঝি না তাতেও মাথা নেড়ে সাং দিই।’

‘এই নাও টব,’ অঙ্ককার পোর্টিকো থেকে আসতে-আসতে ইউরি বললো, ‘ঠিক বলেছিলে—একেবারে বেজায়গায় ছিলো, সীলিঙের ফাটলের তলায় রাখা ছিলো এটা। বোধহয় শীতের আগে থেকেই ছিলো ওখানে।’

সঙ্গে যে-রঙ্গদ নিয়ে এসেছিলো, তাই দিয়েই ভিনার তৈরি করলো লারা, যা রাঁধলো তা তিনদিনের পক্ষেও যথেষ্ট—আলুর রূপ, রোস্ট-মটনের সঙ্গে আলু—অকল্পনীয় ভোজ একেবারে। কাটিয়া বুক ছাড়িয়ে গলা পর্যন্ত খেলো, খিলখিল ক’রে হাসলো থেক-থেকে, দুষ্টুমি ক্রমেই বেড়ে চললো তার, তারপর টইটুস্থর ভরা পেট নিয়ে মার শাল জড়িয়ে কঁকড়ে ঘুমিয়ে পড়লো সোফায়।

উহুনের আঁচে তেতে উঠেছে লারা, ক্লান্তও খুব, প্রায় মেয়ের মতোই ঘুম পেয়েছে তার। রান্না ভালো হওয়ায় খুব খুশি সে। বাসন ধোবার জন্ত তাড়া না-ক’রে ব’সে একটু জিরিয়ে নিতে লাগলো। যখন বুঝলো কাটিয়া ঠিকই ঘুমিয়ে পড়েছে, তখন হাতে মাথা রেখে এলিয়ে বসলো লারা; বললো :

‘এ-সব ঘরকন্নার খাটুনি খাটতে খুবই ভালো লাগতো আমার, যদি জানতাম এর কোনো মূল্য আছে, এ-সবের মধ্য দিয়ে পৌছনো যাবে কোনোখানে। আমরা দু’জনে একসঙ্গে থাকবো ব’লেই এখানে এসেছি—এই কথাটা বার-বার আমাকে মনে করিয়ে দিয়ে, ইউরি। নয়তো—এই আমরা যা করছি—সত্যি যদি ভেবে দেখা যায়—এর কী অর্থ বলে তো, কী করছি আমরা? পরের বাড়িতে চড়াও হয়েছি আমরা, তালা ভেঙে ঢুকে দিব্যি আরাম করছি, আর এখন এই পাগলের মতো আমাদের ছটকটানি—যাতে ভুলে থাকতে পারি যে একে বাঁচা বলে না—এটা বাস্তব নয়, নাটক মাত্র, বাচ্চাদের মতো “মনে করো” খেলা। বেড়ালেরও হাসি পাবে আমাদের কাণ্ড দেখে।’

‘কিন্তু মনি, তুমিই তো জেদ করেছিলে আসার জন্ত। আমি যে সহজে রাজি হইনি, তা তো মনে আছে।’

‘ঠিক কথা, আমিই জেদ করেছিলাম। তা আমি অস্বীকার করছি না। তাই এখন আমারই দোষ বুঝি! ভাবনা-চিন্তা দ্বিধা—ও-সব তোমাকেই মানায়, আমাকে সোজা পথে চলতে হয়, অবিচল থাকতে হয় সব অবস্থায়। ঘরে এলে তুমি, তোমার ছেলের দোলনা দেখে প্রায় মুহূর্ত গেলো। ও-সব তোমারই অধিকার, কিন্তু আমার কোনো উদ্বেগ থাকতে নেই, কাটিয়ার কথা

ভাবতে নেই, ভবিষ্যৎ বিষয়ে চিন্তাও আমাকে মানায় না। যেহেতু তোমাকে ভালোবাসি, তাই অল্প সব আমাকে ত্যাগ করতে হবে।’

‘লারা, লক্ষ্মী মেয়ে, তুমি অমন ভেঙে পোড়ো না। মনে জোর আনো। ভাববার চেষ্টা করো একবার। এখনো সময় নেই তা নয়, এখনো তোমার ফিরে যাবার সময় আছে। আরো ভালোভাবে কমারোভস্কির প্রস্তাবটা ভেবে দেখতে আমিই তোমাকে বলেছিলাম। ঘোড়া আছে আমাদের, কালই আমরা ইউরিয়্যাটনে ফিরে যেতে পারি। এখনো কমারোভস্কি আছে সেখানে—দেখলাম তো তাকে—যদিও সে আমাদের দেখেছিলো ব’লে মনে হয় না। আমি জানি, এখনো তাকে খুঁজে বের করতে পারবো আমরা।’

‘আমি কিছু বলবার আগেই তুমি রেগে উঠেছো। কিন্তু বলো তো, কী এমন দোষ করলাম আমি? গা-ঢাকা দেবার জন্তুই তো এখানে আসা—নয়তো ইউরিয়্যাটনে থাকলেই হ’তো। যদি সত্যি বাঁচতে হয় তো ভেবে-চিন্তে একটা উপায় বের করতে হবে, আর কমারোভস্কি—যা-ই বলো না, সেই রকমই একটা উপায়ের কথা বলছিলো। মানুষটা জঘন্য—কিন্তু কাজের লোক, বিস্তর খোঁজ-খবর রাখে। বোকা নয় লোকটা। অল্প যে-কোনো জায়গার চাইতে এখানে আমাদের বিপদ বরং বেশি—ঢের বেশি। ভাবো একবার!—মস্ত ধু-ধু হাওয়ায় ওড়ানো মাঠের মধ্যে একেবারে একা। রাত্রে বরফ-চাপা পড়লে সকালে বরফ খুঁড়ে বেরিয়ে আসতেও পারবো না আমরা। বা ধরো, এই যে পরি-মা আছেন আমাদের—রহস্যময় এই আগন্তুকটি, যদি শেষ পর্যন্ত তিনি দহ্য হ’য়ে দেখা দিয়ে আমাদের গলা কাটেন! নিদেন একটা বন্দুকও কি আছে তোমার? আছে ব’লে মনে তো হয় না। নেই তো? তবেই ছাখো! আমার সব ভয় শুধু তোমার এই নির্ভাবনার জন্তু, আর তোমার সঙ্গে থেকে-থেকে আমিও কেমন নিশ্চিন্ত হ’য়ে যাচ্ছি। সোজা পথে আর ভাবতেই পারি না।’

‘কিন্তু কী চাও তুমি? কী করতে বলো আমাকে?’

‘কী যে বলি তা কি নিজেই জানি! আমাকে তুমি সব সময় শাসন করো, ইউরি। বার-বার শুধু এটাই আমাকে মনে করিয়ে দিয়ে যে আমি ভালোবেসে তোমার দাসী হয়েছি—চিন্তা করা, তর্ক করা, ও-সব আর আমার

জ্ঞান নয়। তাহ'লে তোমায় খুলে বলি আমি কী ভাবছি। তোমায় টোনিয়া আর আমার পাশা—ওরা দু'জনেই আমাদের চেয়ে হাজারগুণ ভালো, কিন্তু সেটা কোনো কথা নয় এখন। কথাটা হচ্ছে যে ভালোবাসার দানও অল্প যে-কোনো দানেরই মতো ; তা যেতো বড়োই হোক, তার প্রকাশের জ্ঞান বিশেষ একটি আশীর্বচনের প্রয়োজন হয়। তুমি আর আমি—আমরা যেন স্বর্গে ভালোবাসতে শিখে পৃথিবীতে নেমে এসেছি—যেন কতোটুকু আমরা শিখতে পেরেছি, এখন তারই পরীক্ষা চলছে। ইউরির, এক পরম মিলনের মত্রে এক হয়েছি আমরা—তার সীমা নেই, পরিমাণ নেই, সব সমান দামি সেখানে, সব আনন্দময়, সব আত্মায় পরিণত হয়েছে। কিন্তু এই উদ্ধাম ভালোবাসা—যা প্রতি মুহূর্তে প্রতীক্ষা করছে আমাদের—তার মধ্যে একটা আছে নিষিদ্ধ অংশ, অবাধ্য শিশুর মতো বর্বর। এক স্বেচ্ছাচারী ধ্বংসের শক্তি যেন তা, সাংসারিক শাস্তির শত্রু। যদি তাকে ভয় না করি, অবিশ্বাস না করি, তাহ'লে আমার কর্তব্যে ক্রটি হবে।'

চোখের জল চাপতে-চাপতে ইউরির গলা জড়িয়ে ধরলো লারা।

'বুঝছো তো,' আবার বলতে লাগলো লারা, 'দু'জনের এক অবস্থা নয় আমাদের। তোমাকে পাখা দেওয়া হয়েছে মেঘের ওপর দিয়ে উড়ে চলার জ্ঞান, কিন্তু আমি মেয়ে, মাটির কাছাকাছি থেকে সম্ভানকে আশ্রয় দেবো আমি—আমার ডানার তা ছাড়া আর কাজ নেই।'

লারার কথা শুনে খুব ভালো লাগলো ইউরির, কিন্তু সেই ভাবটি সে প্রকাশ করলে না, পাছে লারা তাকে সেন্টিমেন্টাল ভাবে।

'ঠিক বলেছো, লারা—এই যে আমরা যাযাবর জীবন কাটাচ্ছি এটা অবাস্তব, যেন জোর ক'রে বানিয়ে তোলা। খাঁটি সত্য এই কথাটা। কিন্তু এই জীবনটাকে আমরা তো উদ্ভাবন করিনি। সকলেরই এই দশা আজকাল—সকলেই পাগলের মতো ঠোঁকর খেতে-খেতে ছুটেছে—এটাকেই এখন বলতে পারো যুগধর্ম।

'আমিও এই নিয়ে ভাবছি সারাদিন। আমাকে যা বলবে তা-ই করবো—যদি কিছুদিন থাকতে পারি এখানে! আমি আবার চাই কাজ করতে—ইচ্ছে ম'রে যাচ্ছি আমি। না, চাষবাসের কথা বলছি না, সে-কাজ আগে

একবার ক'রে গেছি এখানে ; বাড়ির সবাই মিলে সেই কাজে লেগেছিলাম, ফল পাইনি বলতে পারবো না। কিন্তু এখন আর তেমন শক্তি নেই আমার যে আবার তার চেষ্টা করি। আমার মাথায় অল্প একটা কথা ঘুরে বেড়াচ্ছে।

‘আন্তে-আন্তে যেন শান্ত হ’য়ে আসছে দেশ। হয়তো একদিন আবার বই ছাপাও শুরু হ’য়ে যাবে।

‘এই কথাটাই ভাবছিলাম আমি। সামডেভইয়াটভের সঙ্গে কোনো-একটা বন্দোবস্ত কি করতে পারি না আমরা—তার জন্তু ভালোরকম দাম দিতে হবে অবশ্য—ছ’মাস এখানে থাকার খরচ সে যদি দেয় আমাদের, আর আমি যদি ধীরে-স্থিরে একটা বই লিখে উঠি—পাঠ্য বই, ডাক্তারি বই, নয়তো সাহিত্যিক কিছু, কবিতার বই হ’তে পারে হয়তো? কিংবা কোনো বিখ্যাত বিদেশী বইয়ের অনুবাদ—কয়েকটা ভাষা জানা আছে তো আমার। সেদিন বিজ্ঞাপন দেখছিলাম পিটার্সবার্গে এক প্রকাশক শুধু অনুবাদ ছাপাতে চাচ্ছে এখন। টাকা আছে এ-সব কাজে—ঠিক জানি আমি—আর এ-ধরনের কাজে হাত দিতে পারলে এখন খুব ভালোও লাগবে আমার।’

‘আমাকে মনে করিয়ে দিয়ে ভালো করলে ; আমিও আজ ঐ গোছেরই কিছু ভাবছিলাম। কিন্তু এখানে আমাদের ভবিষ্যৎ বিষয়ে কোনো ভরসা নেই আমার। বরং আমার কেবলই মনে হচ্ছে যে এখান থেকে আমাদের উড়িয়ে নিয়ে যাবে শিগগিরই—আরো দূরে অল্প কোথাও। কিন্তু যতোদিন এই অবসাদটুকু আছে আমাদের, ততোদিনের জন্তু—একটা কথা রাখবে আমার? মনে আছে নানা সময়ে তোমার যে-সব কবিতা আমাকে শুনিয়েছিলে? রোজ রাতে খানিকটা সময় ক’রে নিয়ে লিখে ফেলবে সেগুলো? ওর অর্ধেক তো হারিয়েই ফেলেছো, অল্পগুলো লেখা হয়নি—হয়তো এগুলোও ভুলে যাবে একদিন, আর ফিরে পাওয়া যাবে না। এ-রকম নাকি আগেও হয়েছে তোমার?’

৮

দিনের শেষে প্রচুর গরম জলে স্নান ক'রে নিলো তারা, লারা কাটিয়াকে নাইয়ে দিলে। এক স্বর্গীয় নির্মলতার অল্পভূতি নিয়ে ইউরি জানলার ধারে টেবিলে বসলো, তার পিঠ ফেরানো সেই ঘরের দিকে, যেখানে লারা—সাবানগন্ধী শরীরে বড়ো তোয়ালে জড়িয়ে, আর-একটা তুর্কি তোয়ালে দিয়ে মাথার চুল পাগড়ির মতো বিঁড়ে ক'রে বেঁধে কাটিয়াকে বিছানায় শুইয়ে কবলে ঢেকে দিচ্ছিলো। ইউরি তখন তন্নয় কাজের পূর্বস্বাদ উপভোগ করছে, আর সেই সঙ্গে স্বাধীন, শিথিল মনোযোগের সঙ্গে লক্ষ্য করছে যা-কিছু তার আশেপাশে ঘটে যাচ্ছে।

লারা এতোকণ ঘুমের ভান করছিলো শুধু, যখন সত্যিই ঘুমিয়ে পড়লো তখন রাত একটা বেজেছে। যে-রাতকাপড় প'রে সে আর কাটিয়া শুয়েছে, তাও—ধবধবে সত্ত্ব-ইন্দ্রি-করা বিছানার চাদরের মতোই—লেসে ও পরিচ্ছন্নতায় যেন ঝলমল করছে। সেই দুদিনেও লারা কলপ জোগাড় করতো—কে জানে কেমন ক'রে।

প্রাণের ও আনন্দের আশ্বাদে ইউরির চারপাশের স্তব্ধতা নিশ্চিসিত হ'য়ে উঠলো। বাতির আলো পড়েছে শাদা কাগজের ওপর কোমল আর হলদে হ'য়ে, পিছলে পড়ছে দোয়াতের কালিতে। বাইরে ছড়িয়ে আছে তুহিন রাত্রির স্নান নীলিমা। রাত্রিটিকে ভালো ক'রে দেখবে ব'লে ইউরি উঠে এলো পাশের ঠাণ্ডা, অন্ধকার ঘরটায়, জানলা দিয়ে তাকিয়ে রইলো। প্রান্তর-জোড়া তুষারের ওপর পূর্ণচাঁদের আলো পড়েছে—ডিমের শাদা অংশ বা শুকিয়ে-যাওয়া চুনকামের মতো রং তার। এই তুহিন যামিনীর রূপ যেন অনির্বচনীয়। শান্ত মন নিয়ে ফিরে এলো উষ্ণ আলো-জ্বলা ঘরে, লিখতে আরম্ভ করলো।

যে-ক'টি কবিতা তার সবচেয়ে বেশি মনে আছে যাদের আকার তার স্মৃতিতে সবচেয়ে স্পষ্ট—‘ক্রিসমাসের তারা,’ ‘শীতের রাত্রি,’ আর ঐ ধরনের আরো কয়েকটি—এগুলোর প্রতিলিপির পর প্রতিলিপি লিখে চললো ইউরি; যতোবার লেখে ততো ভালো হয় কবিতা, মূল থেকে আরো দূরে স'রে আসে। যত্নে সে বসালো অক্ষরগুলো, যাতে তার হাতের লেখার টানা ভঙ্গিতে ও সপ্রাণ মুহূর্তটি ধরা পড়ে, যাতে বাইরের চেহারা দেখেও তাকে না মনে

হয় নিজীব, ব্যঙ্গনাহীন, অনাস্থিক। এ-সব কবিতা হারিয়ে যাবে পরে, ভুলে যাবে সবাই, কেউ খুঁজ পাবে না।

এই পুরোনো, শেষ-করা কবিতাগুলি থেকে সে চ'লে এলো আরম্ভ-করা অসমাপ্ত কবিতায়, তাদের গলার আওয়াজ আয়ত্ত ক'রে নিলে সে, পরিপূরক আর-একটি কবিতার খসড়া করলে—যদিও তা শেষ করতে পারবে এমন কোনো আশাই রাখলো না। অবশেষে পুরোপুরি তেতে উঠলো তার মন, একটি নতুন কবিতা আরম্ভ করলো।

দুটি-তিনটি স্তবক রচনা করলে সে, তার কয়েকটা চিত্রকল্প তাকেই বিস্মিত ক'রে দিলো। এবার আবেশের মতো হ'য়ে উঠলো তার কাজ, সে অহুভব করলো তার আবির্ভাব, লোকে যাকে বলে প্রেরণা। যে-সব ক্ষমতার অহুবন্ধের দ্বারা শিল্পী নিয়ন্ত্রিত, এ-রকম মুহূর্তে তার সংস্থান উটে যায়—মাথার ওপর দাঁড়িয়ে যায় যেন; তখন আর কর্তৃত্ব থাকে না শিল্পীর, তাঁর প্রকাশোন্মুখ মানসিক অবস্থারও না; সব দখল ক'রে নেয় ভাষা, যা তাঁর আত্মপ্রকাশের উপায়। ভাষা—রূপ ও অর্থের বাস্তবতা যিনি—তিনিই মানুষের হ'য়ে চিন্তা ও উচ্চারণ করেন, সব হ'য়ে ওঠে সম্পূর্ণরূপে গান, বাহ ও শ্রুতিগম্য অর্থে গান নয়, তাঁর আন্তরপ্রবাহের বেগ ও ক্ষমতার বলেই সব সুরময়। তারপর, যেমন কোনো পরাক্রান্ত নদীর স্রোতে ঘূর্ণিত হয় ঢাকা, মসৃণ হ'য়ে ক্ষ'য়ে যায় প্রস্তর, তেমনি এই চলমান বাকপ্রবাহ, তার নিজেরই বিধানের বলে, সৃষ্টি করে ছন্দ ও মিল, আরো অসংখ্য রূপকল্প, গঠনশিল্প—যা এখনো অচিস্তিত, অনাবিকৃত, নামহীন, আর সেইজগতই আরো বেশি জরুরি।

এ-রকম মুহূর্তে ইউরির মনে হয় যে তার সৃষ্টির প্রধান অংশটা সম্পন্ন হচ্ছে তার দ্বারা নয়, তার উর্ধ্বতন অগ্নি কোনো শক্তি কর্তৃক—সেই শক্তি তার নিয়ন্তা, সেই মুহূর্তে জগতের চিন্তা ও কবিতা বলতে যা বোঝায়, আর ভবিষ্যতে যা-কিছু বোঝাবে - সবই সেই শক্তি ছাড়া আর-কিছু নয়। তারই ঐতিহাসিক পরিণতির পর্দায় ইউরির পরের পদক্ষেপটিকে নির্ধারিত করছে; তাকে সচল ক'রে তোলার একটি অছিলামাত্র সে, একটি কেন্দ্রবিন্দু—এই রকম মনে হয় তার।

জিভাগো—৩৯

আত্মনিগ্রহ, নিজের বিষয়ে নাস্তিবোধ-জনিত অতৃপ্তি,—এসব থেকে এই অহুত্বটি কিছুক্ষণের জন্য তাকে নিষ্কৃতি দিলো। কাগজের ওপর থেকে মুখ তুলে তাকালো সে, তাকিয়ে দেখলো নিজের চারপাশে।

তুবার-শুভ্র বালিশের ওপর ঘুমন্ত দুটি মাথা তার চোখে পড়লো। বালিশে মাথা রেখে ওরা দু'জনে ঘুমিয়ে আছে। পরিচ্ছন্ন ঘর, পরিষ্কার চাদর, এই রাত্রি, ওদের চোখ-মুখ—সব তার বিস্ময় মনে হ'লো ; বিস্ময় ঐ তুবার, আর চাঁদ, আর নক্ষত্র—সব মিলিয়ে একটি অনন্ত অর্থপূর্ণ ডেউ ব'য়ে গেলো তার বুকের মধ্য দিয়ে, জাগিয়ে তুললো সত্যের এক বিজয়ী ও আনন্দময় শুদ্ধতাবোধ।

‘ভগবান! ভগবান!’ চুপি-চুপি ব'লে উঠলো সে, ‘সত্যি কি এই সব আমারই জগৎ? কেন তুমি এতো দিলে আমাকে? কেন তুমি আমাকে অধিকার দিলে তোমার আসনের সামনে গিয়ে দাঁড়াবার? কেন অহুমতি দিলে আমাকে তোমার এই জগতের মধ্যে ভ্রমণ করতে, তোমার রত্নরাজি আর নক্ষত্রপুঞ্জের মধ্যে, কেন যেতে দিলে আমার উন্মাদ, নিরভিমান, হৃতভাগ্য প্রেমের চরণপ্রান্তে?’

রাত তিনটের সময় কাগজ থেকে চোখ তুললো ইউরি। তার স্বদূর, নিরহং তন্ময়তা থেকে ফিরে এলো সে, যেন ফিরে এলো নিজের কাছে, বাড়ির বাস্তুবে, স্ত্রী, সমর্থ, শাস্ত সে এখন। আর হঠাৎ, জানলার বাইরে দূরান্তরিত মুক্ত মাঠের শুদ্ধতাকে বিদীর্ণ ক'রে এক শব্দ উঠলো—এক শোকাক্ত নিরানন্দ চাঁৎকার।

পাশের আলো-না-জ্বলা ঘরটায় উঠে গেলো ইউরি, কিন্তু যতোক্ষণ ধ'রে সে লিখেছিলো, ততোক্ষণেই জানলার কাচ বরফে জ'মে শাদা হ'য়ে গেছে। হাওয়া ঠেঁকাবার জগৎ একটি কার্পেট ভাঁজ করা ছিলো দরজার গায়ে, সেটা ঠেলে সরিয়ে, কোট কাঁধে ফেলে সে বেরিয়ে গেলো।

চাঁদের আলোয় জ্বলজ্বল করছে তুবার, ছায়া নেই ; সেই শুভ্র আঙনে তার চোখ এমন ধাঁধিয়ে গেলো যে প্রথমে সে কিছুই দেখতে পেলো না। তারপর আবার উঠলো সেই দীর্ঘ, গাঢ়, একটানা কালার মতো আওয়াজ, দূর থেকে অম্পষ্ট হ'য়ে যেন, আর তখন ইউরির চোখে পড়লো চারটে

লম্বা-লম্বা ছায়া, পেল্লিলের আঁচড়ের মতো সরু, খাদের ঠিক পাশেই ভূষারে ঢাকা মাঠের প্রান্তে চারটে সরু-সরু ছায়া।

সার বেঁধে দাঁড়িয়ে ছিলো নেকড়েরা, মাথা তুলে, বাসাটার দিকে মুখ উচু ক'রে, চাঁদের দিকে, বা জানলার কাচের ওপর ঝালর-তোলা রূপোলি জ্যোছনার দিকে তাকিয়ে আতঁহরে কাঁদছিলো তারা। কিন্তু যে-মুহূর্তে ইউরি ওদের নেকড়ে ব'লে চিনতে পারলো, তক্ষুনি কুকুরের মতো মুখ ফিরিয়ে দৌড়ে পালালো ওরা—যেন ইউরির মনের কথা বুঝতে পেরে। কোনদিকে গেলো ইউরি তা ঠাহর করতেও পারলো না, এতো দ্রুত অদৃশ্য হ'লো ওরা।

‘যাকে বলে উটের পিঠে শেষ কুটোটি!’ মনে-মনে ভাবলো ইউরি। ‘ওদের আস্তানা কি কাছেই? হয়তো ঐ খাদের ভেতর। এদিকে সামডেভইয়াটভের ঘোড়াটা আস্তাবলে রয়েছে। নিশ্চয়ই তারই গন্ধে-গন্ধে এসেছে।’

নেকড়ের কথা ব'লে লারাকে এখনই ব্যস্ত করাটা ঠিক হবে না। যে-ঘরগুলো ঠাণ্ডা আর যেগুলো চুল্লির তাপে গরম, তাদের মাঝখানকার সবগুলো দরজা ইউরি ফিরে এসে বন্ধ ক'রে দিলো, কবল আর কাপড় গুঁজে-গুঁজে ফাটলগুলি এমনভাবে বুজিয়ে দিলো যাতে হাওয়া না আসে, তারপরে ফিরে গেলো টেবিলের ধারে। বাতির আলোয় আগের মতোই উজ্জলতা ও আমন্ত্রণ। কিন্তু তার লেখার ঝোঁক কেটে গেছে; কিছুতেই স্থির হ'তে পারছে না। নেকড়ে, নানারকম আসন্ন বিপদ, আর অনেক রকম জটিল সমস্যা—এ-সব ছাড়া আর কোনো কথাই সে ভাবতে পারলো না। ক্লান্ত লাগছে, বড়ো ক্লান্ত।

লারার ঘুম ভেঙে গেলো। ‘মণি, এখনো লিখছো?’ ঘুমে ভারি গলায় চুপি-চুপি বললে সে। জলছো তুমি, বলমল করছো—রাত্রিরে মোমবাতির মতো। এসো, আমার কাছে বোসো একটু। কী স্বপ্ন দেখলাম, বলি তোমাকে।’

ইউরি আলো নিভিয়ে দিলে।

৯

শান্ত উন্মাদনার আরেকটি দিন কেটে গেলো। বাসায় একটি টবোগ্যান^১ আবিষ্কার করেছিলো তারা, কোটে গা জড়িয়ে নিয়ে সেটাকে চালাতে লাগলো কাটিয়া; যতো নামে ততো হেসে ওঠে খিলখিল ক'রে চৈচিয়ে। কোদাল দিয়ে তুষারের চাই তুলে-তুলে ইউরি একটি ঢালু পথ তৈরি ক'রে দিয়েছিলো তাকে, বরফ জমাবার জন্ত জল ছিটিয়ে দিয়েছিলো ওপরে—সেই ঢালু বেয়ে কাটিয়ার খেলা চলছে তো চলছেই। টবোগ্যানটা দড়িতে বেঁধে অফুরন্তবার সে উঠে আসে ওপরে—আবার গড়িয়ে নেমে যায়—তার মুখের হাসি কিছুতেই মিলেয় না।

জ'মে যাচ্ছে জল, কঠিন হ'য়ে আসছে তুষার, অথচ রোদও আছে। দুপুরবেলায় তুষার ছিলো হলদে, তার ভেতরকার কমলারঙের আভাসে যেন সূর্যাস্তবেলার মধু-রঙের স্বাদ লেগে আছে।

লারার আগের দিনের কাপড় কাচা আর স্নানের ধূমে বাড়িটা আজ স্নায়ুসঁতে হ'য়ে আছে। শার্সিগুলোকে কালো ক'রে দিয়ে গরম জলের বাষ্প এখন বরফের কুচি হ'য়ে জ'মে আছে, ময়লা দাগ দেয়াল-কাগজেও দেখা যায়। ইউরি ঘুরে-ঘুরে দেখছে বাড়িটা, নিয়ে আসছে জল আর জ্বালানি, আরো নতুন-নতুন জিনিস আবিষ্কার করছে, সাহায্য করছে লারাকে তার অফুরন্ত ঘরকন্না।

হয়তো ছুটছে কোনো কাজে, হঠাৎ দু'জনের হাতে হাত ঠেকে গেলো, অমনি হাতের জিনিস নামিয়ে রেখে একে অন্ডের হাত চেপে ধরে, দুর্বল মনে হয় নিজেদের, মাথা ঝিমঝিম করে, অস্ত্র কোনো ভাবনা আর থাকে না। এমনি কেটে যায় মুহূর্তের পর মুহূর্ত। তারপর আঁকে উঠে ওরা হঠাৎ বোঝে যে অনেক সময় নষ্ট হ'য়ে গেলো, বড্ড অনেকক্ষণ একা আছে কাটিয়া, ষোড়াকে দানাপানি কিছুই দেওয়া হয়নি—আর তক্ষুনি বিবেকের তাড়ায় দু'জনে ছুটে যায় আবার, নষ্ট কাজের, নষ্ট সময়ের ক্ষতিপূরণের জন্ত।

১ Toboggan : বরফের ওপর দিয়ে গড়িয়ে নামার জন্ত ঢাকাহীন গাড়ি।

ইউরির ভালো ঘুম হয়নি, যুদ্ধ ক্লান্তি তার শরীরে, মাথার মধ্যে কেমন মধুর বিমধরা ভাব—যেমন হয় অল্প নেশা হ'লে। অধীর অপেক্ষা তার রাজির জন্ত—যে-লেখা ফেলে উঠে আসতে হ'লো তাতে ফিরে যাবার জন্ত ব্যাকুল তার মন।

তার চিন্তা আর পরিবেশের ওপর ঘোমটা টেনে দিয়েছে তার তন্দ্রালুতা—অর্ধেক কাজ সেই নেপথ্যেই হ'য়ে যাচ্ছে। সব এখন অস্পষ্টতায় স্নাত; এই অস্পষ্টতাই চরম সার্থক রূপকল্পের দিকে নিয়ে যাচ্ছে তাকে। দিনের এই টেনে-চলা শূন্যতা—তা যেন রাজির প্রস্তুতির জন্তই প্রয়োজনীয়; যেমন কবিতার প্রথম খসড়ার বিশৃঙ্খলাও কাজে লেগে যায়, এও তেমনি।

কিছুই বাকি রইলো না, তার শ্রান্ত আলস্ত সব-কিছুকেই ছুঁয়ে, বদলে দিয়ে চ'লে গেলো; আর সব-কিছু রূপান্তরিত হ'য়ে দেখা দিলো এক অভিনব রূপে।

ভারিকিনোতে বসবাস করার যে-স্বপ্ন সে দেখেছিলো, তা বুঝি আর সফল হয় না; ইউরি বুঝতে পারছিলো যে লারার সঙ্গে বিচ্ছেদের মুহূর্ত আসন্ন। তাকে হারাতে হবে লারাকে, সেই সঙ্গে ম'রে যাবে তার বাঁচার ইচ্ছা, এমনকি হয়তো অবসান হবে জীবনের। ক্লিষ্ট তার হৃদয়, তবু তীব্রতম যত্নগা ঐ রাজির জন্ত তার অধীরতায়; বেদনাকে প্রকাশ করবে বলে ব্যাকুল সে, নয়তো অস্ত্রেরা কেমন ক'রে কাঁদবে?

সারাদিন ধ'রে বারে-বারে ঐ নেকড়েগুলোকে তার মনে পড়লো। এখন আর চাঁদের আলোয় তুষার-প্রান্তরে নেকড়ে নেই ওরা, তারা হ'য়ে উঠেছে কবিতার বিষয়; যে-বৈরী শক্তি পণ করেছে ভারিকিনো থেকে তাড়াবে তাদের, ধ্বংস করবে তাকে আর লারাকেও—সেই শক্তিরই প্রতীক এখন নেকড়েগুলো।

ঐ বৈরিতার কথা ভাবতে-ভাবতে ইউরি তাকে নিজের মনে রচনা ক'রে নিতে লাগলো। সঙ্গে নাগাদ এক প্রাগৈতিহাসিক জন্ত অথবা ড্রাগনের মতো বিরাট হ'য়ে উঠলো তার অবয়ব—শুটমার জঙ্গলে সেই জন্তর পায়ের ছাপ দেখা গেছে; লারার জন্ত সে কামাতুর, আর ইউরির শোণিতের জন্ত তৃষিত।

এলো রাত্রি, ইউরি টেবিলে আলো জেলে নিলো। লারা আর কাটিয়া শুয়ে পড়লো তাড়াতাড়ি।

কাল রাত্রে ইউরি যা লিখেছিলো, তা দুটো অংশে ভাগ করা যায়। পাণ্ডুলিপির কতোগুলো পাতা খুব পরিচ্ছন্ন—আগেকার কবিতার পরিণত ও মার্জিত সংস্করণ—একেবারে ছাপার মতো অক্ষরে সে লিখেছে। আর যে-সব কবিতা নতুন আরম্ভ করেছে, তা এলোমেলোভাবে লেখা, হাতের লেখা পড়াই যায় না, অনেক কথা বাদ পড়ে গেছে, অনেক কথার অংশমাত্র বসানো।

এই হিজিবিজির পাঠোদ্ধার করতে গিয়ে নিরাশ হ'লো ইউরি, যেমন সে সাধারণত হ'য়ে থাকে। এই খসড়াগুলোই কাল রাত্রে তাকে চমকে দিয়েছিলো, কয়েকটি পংক্তি এমন আশাতীতভাবে সার্থক মনে হয়েছিলো যে প্রায় জল এসে গিয়েছিলো তার চোখে। কিন্তু এখন সেই পংক্তিগুলোই আবার পড়তে গিয়ে সে দেখতে পেলো তার মধ্যে চেষ্টার লক্ষণ, কষ্টকল্পনার উগ্রতা—বড়ো মন-খারাপ হ'য়ে গেলো তার।

সতর্ক, প্রচ্ছন্ন, বাইরে থেকে প্রায় চেনাই যায় না, সাধারণ কথ্যভাষার ছদ্মবেশে লুকিয়ে-থাকা—এমনি এক মৌলিকতার সে ধ্যান করেছে সারা জীবন। সারা জীবন সংগ্রাম করেছে এক ভাষার জন্ত, যা এমন নির্ভান ও সংবৃত যে পাঠক বা শ্রোতার কাছে বক্তব্যটিকে সরাসরি পৌঁছিয়ে দেবে, কী উপায়ে তা সম্ভব হচ্ছে তা বুঝতেই দেবে না। সারা জীবন সেই অলক্ষ্য রীতির জন্ত তার পরিশ্রম, আর সেই আদর্শ থেকে এখনো কতো দূরে আছে, তা উপলব্ধির বেদনাও তার নিত্যসঙ্গী।

যুগপৎ যত্নগা ও প্রেম, আশঙ্কা ও নির্ভয়—এই ভাবটিকে সে মূর্ত করতে চেয়েছিলো কাল; চেয়েছিলো এমনভাবে লিখতে যাতে, ভাষার সাহায্য না-নিয়েই, ভাবটি যেন নিজেই কথা ক'য়ে ওঠে; চেয়েছিলো ভাষাকে এতদূর পর্যন্ত সরল ক'রে তুলতে যেখানে তা অর্ধোচ্চারিত এক গুঞ্জনমাত্র, ঘুম-পাড়ানি গানের মতো অন্তরঙ্গ।

এখন সে-সব খসড়ার দিকে তাকিয়ে তার মনে হ'লো যে পংক্তিগুলোর মধ্যে একসাধনের জন্ত একটি ভাবসূত্র চাই, তা নেই ব'লেই এদের অসংলগ্ন

ঠেকছে। যা লিখেছিলো, সব সে কেটে বাতিল ক'রে দিলে। সেই একই লিরিকের ধরনের এবার সে নতুন ক'রে লিখতে শুরু করলে সন্ত জর্জ ও ড্যাগনের কিংবদন্তী^১। চণ্ডা, খোলামেলা পাঁচ মাত্রার ছন্দে আরম্ভ করলো, কিন্তু সেই ছন্দের যেন নিজের মধ্যেই স্বর আছে, অর্থের সঙ্গে বোগ নেই তার; সেই মোলায়েম, একঘেয়ে তালে একটু পরেই ক্লাস্তি এলো ইউরির। ছেড়ে দিলে সেই জাঁকালো ছন্দের যতিপাত; যেমন ক'রে গম্ভীর রচনায় অনাবশ্যক শব্দ ছেঁটে ফেলতে হয় তেমনি ক'রে চার মাত্রার বাঁধলে কবিতাটিকে। আরো শব্দ হ'লো লেখা, কিন্তু বেশি উপভোগ্য হ'লো কাজটি। লেখা আরো প্রাণবন্ত হ'লো, কিন্তু এখনো যেন বাগাড়ম্বর কমলো না। আরো ছোটো পংক্তির মধ্যে নিজেকে এবার বাঁধলে ইউরি। তিন মাত্রার স্বল্প পরিসরে আটোঁসাঁটো হ'য়ে বসলো কথাগুলো; এতোকপে যেন পুরোপুরি জেগে উঠলো ইউরি, তার মনের মধ্যে উৎসাহ, উত্তেজনা; পংক্তি ভরাতে সঠিক শব্দ চ'লে এলো পর-পর, সেই ছন্দেই প্ররোচনায়। যা উক্ত হ'লো না তাও সংকেতে বলা হ'য়ে গেলো। যেমন শপ্যার^২ কোনো বালাদ-গীতিকায় ঘোড়ার পায়ের শব্দ শোনা যায়, তেমনি কবিতার পাতার ওপরে ইউরি যেন অশ্বখুরধ্বনি শুনতে পেলো। স্টেপির অন্তহীনতা পেরিয়ে সন্ত জর্জ ঘোড়া ছুটিয়ে চলেছেন। দূরে, আরো দূরে—ক্রমশ ছোটো হ'য়ে যাচ্ছেন তিনি—ইউরি যেন চোখের সামনে দেখতে পেলো। যেন জরের ঘোরে দ্রুত লিখে চললো ইউরি; কথাগুলো এমন বেগে আসছে যে সে যেন তাল রাখতে পারছে না—প্রতিটি শব্দ অমোঘভাবে ঠিক জায়গায় ব'সে যাচ্ছে।

লারা যে কখন বিছানা ছেড়ে উঠে টেবিলের কাছে এসে দাঁড়িয়েছিলো, ইউরি তা দেখতে পায়নি। ঢিলে রাত-কাপড়ে বড্ড রোগা দেখালো

^১ সন্ত জর্জ : রোরোগীর পুরাত্ত্ব প্রখ্যাত ড্যাগন-নিহস্তা; ভক্ত ধুটান দৈনিকের আদর্শ-রূপে চিত্রিত। ইংলণ্ডের প্রতিপালক ইনি, রাশিয়াতেও তাঁর অগাধ প্রতিপত্তি।

—অনুবাদের টীকা।

^২ Chopin, Frederic Francois : (ফ্রেদেরিক ফ্রাঁসোয়া শপ্যা) : ১৮১০-১৮৪৯; বিখ্যাত সুরশ্রষ্টা ও শিল্পী, জাতিতে অর্ধ-পোলিশ অর্ধ-করাচী, ফ্রান্সে অধিকাংশ জীবন কাটিয়েছেন।—অনুবাদের টীকা।

লারাকে, বেশি লম্বাও মনে হ'লো। ইউরি চমকে উঠলো লারা আরো কাছে এলো যখন, বিবর্ণ তার মুখ, ভয় পেয়েছে ; হাত বাড়িয়ে চুপি-চুপি সে বললে :

‘শুনছো? কুকুর ডাকছে। একটা নয়, দুটো মনে হচ্ছে। উঃ, কী ভীষণ। কী অলঙ্কনে ডাক। আজ রাতটা কোনোরকমে কেটে যাক ; কাল সকালেই আমরা চ'লে যাবো এখান থেকে, যাবোই। আর এক মুহূর্তও থাকবো না এখানে, কিছুতেই না।’

অনেক বোঝানোর পর ঘন্টাখানেক পরে লারা শান্ত হ'য়ে ঘুমিয়ে পড়লো। ইউরি দাঁড়ালো বাইরে এসে। নেকডেরা আজ আরো কাছে এসে দাঁড়িয়েছে, কাল রাতের চেয়েও আরো কাছে। আগের চেয়েও ঢের বেশি দ্রুত বেগে উধাও হ'য়ে গেলো তারা, গেলো যে কোনদিকে, তা ইউরি এবারও ঠাহর করতে পারলে না। গায়ে-গায়ে ঘেঁষাঘেঁষি ক'রে দাঁড়িয়েছিলো ওরা, ইউরি তাদের গৌনার সময় পায়নি, কিন্তু মনে হ'লো এবার ওদেব সংখ্যা আরো বেড়ে গিয়েছে।

১০

আজ তেরোদিন হ'লো ওরা ভারিকিনোতে এসেছে। এর মধ্যে উল্লেখযোগ্য কিছুই ঘটেনি, একই রকম আছে সব। নেকডেরা আবার এসে চেষ্টা করেছিলো রাত্তিরে—সপ্তাহের মাঝামাঝি সময় অদৃশ্য হ'য়ে গিয়েছিলো, কিন্তু আবার ফিরে এসেছে শেষের দিকে। লারা এখনো তাদের কুকুর ব'লেই ভুল করলে, অলঙ্কনে ডাক শুনে আবার মনস্থির করলো চ'লে যাবে। কাজের মেয়ে সে, সারাদিন ধ'রে ভাবের উচ্ছ্বাসে ভেসে চলা তার অভ্যাস নেই, হৃদয়াবেগের বিলাসিতাও তাকে পোষায় না, সাধারণত শান্ত ও সংবৃত থাকে সে, আর মাঝে-মাঝে উদ্বেগে অস্থির হ'য়ে ওঠে।

এ-কদিন ধ'রে অনবরত একই দৃশ্য দেখছে তারা ; তাই সেদিন সকালে লারা যখন ফিরে যাবার জন্ত বাঁধাছাদা শুরু ক'রে দিলে, তখন তাদের মনে হ'লো যে এখানে আসার পর এই দেড় সপ্তাহ সময় যেন কখনোই ছিলো না।

ঘরগুলি আবার স্যাংসেঁতে আর অন্ধকার হ'য়ে আছে, এবার অবশ্য আবহাওয়া মেঘলা ব'লে। শিশির তেমন শক্ত হ'য়ে জ'মে যাচ্ছে না; নেমে-আসা কালো মেঘের দিকে তাকিয়ে মনে হয় যে-কোনো মুহূর্তে বরফ পড়া শুরু হ'তে পারে। দেহের শ্রম, মনের শ্রম, নিত্ৰাহীন রাতের পর রাত—এর ফলে ইউরি একেবারে অবসন্ন এখন। পায়ে জোর নেই, গুছিয়ে কিছু ভাবতে পারে না। শীতে কাঁপতে-কাঁপতে এ-ঘর ও-ঘর ঘুরে বেড়াচ্ছে সে, হাতে হাত ঘষছে—লারা কী ঠিক করে দেখা যাক, তখন সে সেইমতো কাজে লেগে যাবে।

নিজেকে লারা নিজেই বোঝে না। এই বিশৃঙ্খল স্বাধীনতার বদলে সে এখন চায় যে-কোনো এক দৈনিক রুটিন, চায় কাজ, বাধ্যতা—যে-কোনো মূল্য দিতে পারে তার জন্ত; তা যতো কষ্টের হোক তাতে আপত্তি নেই, শুধু সারা জীবনের মতো নির্দিষ্ট হ'লেই হ'লো। শুধু এইভাবেই এক ভদ্র, শোভন, অর্থময় জীবন পেতে পারে সে।

অভ্যেসমতো সেদিনও লারা সকালে উঠে বিছানা তুলেছে, খাঁটপাট করেছে, তৈরি করেছে ব্রেকফাস্ট। তারপর বাঁধাছাদা শুরু ক'রে ইউরিকে বললে ঘোড়ার সাজ পরাতে; আজ সে যাবেই।

তর্ক করলো না ইউরি। শহরে ফেরা বাতুলতা মাত্র, সেখানে নিশ্চয়ই পুরোদমে ধর-পাকড় চলছে এখন, কিন্তু এখানে থাকারও তেমনি পাগলামি—শীতে মরুভূমি হ'য়ে গেছে জায়গাটা, কতো বিপদ চারদিকে, তারা একা, একটা অগ্নি পর্যন্ত নেই।

আস্তাবলে বা গোলাঘরে আর একমুঠো খড় আছে কিনা সন্দেহ। অনেকদিন থাকা সম্ভব হ'লে অল্প কথা ছিলো—ইউরি তাহ'লে আশেপাশে ঘুরে-ঘুরে জোগাড় করতে পারতো। নিজেদের খাওয়া আর ঘোড়ার জাবনা—কিন্তু মাত্র কয়েকটা অনিশ্চিত দিনের জন্ত অতো খাটুনি পোষায় না। ভাবনা ঠেলে ফেলে সে গেলো ঘোড়াকে তৈরি করতে।

এ-সব কাজ ভালো আসে না তার। সামডেভইয়াটভ তাকে শিখিয়ে দিয়েছিলো কী ক'রে ঘোড়ার সাজ পরাতে হয়, কিন্তু কেবলই জ্বলে যায়। বা-ই হোক, কোনোরকমে ক'রে উঠলো কাজটি; জুড়ে নিলো জোয়াল,

পেতলে-আটা চামড়ার রশিটাকে গাড়ির ভাণ্ডায় জড়িয়ে নিলো, তারপর ঘোড়ার পেটের ওপর হাঁটুর চাপ দিয়ে তাকে পরিয়ে দিলো বকলবে আটা লাগাম। তারপর শোর্টিকোতে ঘোড়া দাঁড় করিয়ে লারাকে ডাকতে তেতরে গেলো ইউরি।

কোট প'রে নিয়ে লারা আর কাটিয়া তৈরি হ'য়ে আছে, বাঁধাছাঁদাও শেষ, কিন্তু লারার অবস্থা শোচনীয়। হাত মুচড়ে-মুচড়ে কাঁদছে সে; ইউরিকে বললে একটু ব'সে যেতে; তারপর নিজেই একটা চেয়ারে ব'সে প'ড়ে তখনি আবার উঠে দাঁড়ালো; কান্নাভরা চড়া গলায় এলোমেলো কথা বলতে লাগলো গুনগুন ক'রে—যেন হোঁচট খাচ্ছে কথাগুলোর ওপর, বাধা দিচ্ছে নিজেই নিজেকে; বার-বার জেনে নিতে চাচ্ছে ইউরি তার সঙ্গে একমত কিনা।

‘আমার কোনো দোষ নেই, কিছুতেই পারলাম না; জানি না, এটা কেমন ক'রে হ'লো, কিন্তু তুমিই বলো এতো দেরি ক'রে ফেলে এখন কি আর যাওয়া সম্ভব! একটু পরেই তো সঙ্গে হ'য়ে যাবে, তারপর ঐ ভীষণ বনের মধ্য দিয়ে অন্ধকারে যেতে হবে তো! ঠিক না? বলো! তুমি যা বলবে তা-ই করবো আমি, কিন্তু আমার মন কিছুতেই আর শায় দিচ্ছে না এখন—আমার মন বলছে এখন যাওয়া ঠিক হবে না, কিন্তু তুমি যা ভালো বোঝো তা-ই হবে। কিছু বলছো না কেন? কে জানে কেমন ক'রে অর্ধেক দিন আমরা নষ্ট করলাম। কাল আবার ভেবে দেখা যাবে। আর একটা রাত থেকে গেলে কেমন হয়? কাল রাত থাকতে উঠবো, বেরিয়ে পড়বো ভোরের আলো ফোটারাত্র—ছ'টা বা সাতটায়। কী বলো? তুমি চুল্লি জেলে আরো এক রাত লিখবে—আরো একটা রাত এখানে থাকবো আমরা—খুব ভালো হবে না? চমৎকার হবে না? হা ঈশ্বর, আমি কি আবার কোনো দোষ ক'রে ফেললাম?’

‘তুমি কিন্তু বাড়িয়ে বলছো লারা, সঙ্গে হ'তে ঢের দেরি এখনো, এখনো বেশ বেলা আছে। তবে তোমার কথাই থাক, এসো থেকে যাই। তুমি শান্ত হও, অমন অস্থির হোয়ো না। এসো, কোট ছেড়ে নিয়ে পোটলা-পুঁটলি খুলে ফেলা যাক। কাটিয়া বলছিলো ওর খিদে পেয়েছে, কিছু খেয়ে

নিলে হয় এবার। ঠিক বলেছে। তুমি, কোথাও কোনো ব্যবস্থা নেই, হয় ক'রে হঠাৎ চ'লে যাবার কোনো মানে হয় না। কিন্তু আর কেঁদো না, অমন ব্যাকুল হ'তে নেই। চুল্লিটা ধরিয়ে দিচ্ছি এখনই; কিন্তু না, স্নেজগা বধন তৈরিই আছে তখন আমাদের পুরোনো কাঠগোলা থেকে কিছু জ্বালানি নিয়ে আসি আগে—যা ছিলো সব ফুরিয়েছে। আর কেঁদো না, লার।। একুনি ফিরে আসছি আমি।'

১১

জ্বিভাগোদের কাঠগোলা পৰ্বন্ত স্নেজগাড়ির চলার দাগ অনেকগুলো পড়েছে। ইউরির আগেকার আসা-যাওয়ারই চিহ্ন এগুলো; দু'দিন আগে যখন এসেছিলো তখন থেকে চৌকাঠের ওপর ছড়িয়ে-ছিটিয়ে মাড়ানো বরফ জ'মে আছে।

সকাল থেকে মেঘলা ক'রে-ক'রে এখন আকাশ পরিষ্কার হয়েছে। ঠাণ্ডাও আগের চেয়ে বেশি। বাড়ি আর আঙিনা ঘিরে দূর পৰ্বন্ত ছড়িয়ে আছে পুরোনো বাগান, একেবারে কাঠগোলার ধার পৰ্বন্ত চ'লে এসেছে, যেন ইউরিকে একবার ভালো ক'রে দেখে নিয়ে তাকে কোনো কথা মনে করিয়ে দিতে পারে। ঘন তুষার পড়ছে এ-বছর। চৌকাঠ পৰ্বন্ত বরফে ঢাকা, দরজাটাকে তাই নিচু মনে হচ্ছে, বাড়িটাকে কুঁজো। মস্ত ব্যাঙের ছাতার মতো বরফ ঝুলছে ছাত থেকে, ইউরির মাথা প্রায় ছোঁয় আরকি। ঠিক তার ওপরেই উঠেছে প্রতিপদের চাঁদ, যেন কেউ তাকে পেরেক ঠুকে বরফের গায়ে আটকে দিয়েছে। বাঁকা চাঁদ, তীক্ষ্ণ তার ফলা, জলন্ত শিখাটি যেন ধূসর। এমন কালো হ'য়ে বিষাদ নামলো ইউরির মনে যে তখন যদিও সবেমাত্র বিকেল, রোদ্দুরও মলিন হয়নি, তবু তার মনে হ'লো যেন তার জীবনের কোনো অন্ধকার অরণ্যের মধ্যে ঘোর নিশীথে সে দাঁড়িয়ে আছে—আর এই নতুন চাঁদ, ঠিক তার চোখের সামনে উজ্জ্বল, তা যেন কোনো বিচ্ছেদের পূর্বাভাস, নিঃসঙ্গতার প্রতীক।

এতো ক্লান্ত সে যে দাঁড়াতে পৰ্বন্ত পারছে না। আগের চেয়ে অনেক কম-কম ক'রে কাঠ তুলে নিয়ে সে দরজা থেকে স্নেজে ছুঁড়ে দিতে লাগলো।

হিম কাঠে আঠার মতো বরফ লেগে আছে, দস্তানা ফুঁড়ে ঐ ঠাণ্ডা ঘেন
বঁধিলো তার হাতে। কাজ ক'রেও গরম হচ্ছে না তার শরীর; কিছু ঘেন
ভেঙে গেছে তার মধ্যে, কোনো অংশ অচল হ'য়ে গেছে। তার ভাগ্যহীন
নিয়তিকে সে অভিশাপ দিলো, আর প্রার্থনা করলো লারার জন্য—বিষাদময়ী
রূপসী কাস্তা তার—সেই নম্র ও সরল হৃদয়টিকে ভগবান ঘেন রক্ষা করেন।
আর নতুন চাঁদ স্তব্ধ হ'য়ে রইলো ছাদের ওপর, দীপ্ত কিন্তু নিস্তাপ, উদ্ভাসিত
হ'লেও তার আলো নেই।

মিকুলিংসিনদের বাড়ির দিকে মুখ ফিরিয়ে ঘোড়াটা চিঁহি শব্দে ডেকে
উঠলো, প্রথমে আস্তে, ভীকু গলায়, তারপর আরো জোরে, ঘেন নিশ্চিত হ'য়ে।

‘হঠাৎ ডাকছে?’ অবাক হ'লো ইউরি। ‘খুশিতে, না ভয় পেয়েছে?
ভয়ে নয় নিশ্চয়ই, ঘোড়ারা ভয় পেলে ডাকে না, আর নেকড়ের গন্ধ যদি পেয়ে
থাকে তাহ'লে ও তো এতো বোকা নয় যে চেষ্টা করে শত্রু ডেকে আনবে।
বাড়ি যেতে চাচ্ছে আরকি। রোসো, রোসো, এক্ষুনি যাচ্ছি আমরা।’

বড়ো-বড়ো লকড়ির সঙ্গে কিছু কুটোকাটাও নিলো সে, আর নিলো
জুতোর চামড়ার মতো কুঁচকোনো গাছের ছাল, তা-ই বিছিয়ে দিলো কাঠের
ওপর, স্নেজে বেঁধে নিলো দড়ি দিয়ে, তারপর ঘোড়ার লাগাম ধ'রে হেঁটে-
হেঁটে বাড়ির দিকে চললো।

আবার ডেকে উঠলো ঘোড়াটা, এবার দূরে অল্প একটা ঘোড়ার উত্তরে।
‘এর মানে? তবে কি ভারিকিনো যতোটা ভেবেছিলাম, ততোটা জনশূন্য নয়?’
ইউরির মাথায় এটা এলো না যে তাদের বাড়িতেই কোনো অতিথি আসতে
পারে, আসতে পারে অল্প ঘোড়ার ডাক মিকুলিংসিনের বাড়ি থেকেই।
গোলাবাড়িগুলোর পেছন দিয়ে ঘুরে আসছিলো সে, বরফে-ঢাকা জমির
খাজে ঢাকা প'ড়ে গিয়েছিলো বাড়িটা।

ধীরে-স্থস্থে—তাড়াহড়োর কী আছে?—কাঠগুলো নামিয়ে রাখলো
ইউরি, স্নেজটাকে গোলাঘরে রাখলো, তারপর ঘোড়ার সাজ খুলে তাকে
আস্তাবলে নিয়ে দূরের একটা কোণে রেখে দিলো—ঠাণ্ডা হাওয়া কম আসে
সেখানে—অল্প যে-কয়েক মূঠো খড় ছিলো তা-ই রাখলো জীবনার গামলায়
ওর সামনে।

বাড়ির দিকে হাঁটতে-হাঁটতে কেমন অবস্থি হ'লো তার। পোর্টিকোতে বড়োসড়ো একটা স্নেজ দাঁড়িয়ে আছে—চাষিদের স্নেজ মনে হয়—চিকচিকে কালো একটা বাচ্চা ষোড়া জোতা আছে তাতে, আর তার সামনে পাইচারি ক'রে ষেড়াচ্ছে তেমনি চিকচিকে ও নধর একটা অচেনা লোক, মাঝে-মাঝে সে চাপড় দিচ্ছে ঘোড়াটাকে, তার পায়ের দিকে তাকিয়ে দেখছে।

বাড়ির ভেতর থেকে একাধিক গলার আওয়াজ এলো। আড়ি পাতার কোনো ইচ্ছে ছিলো না ইউরির, আর এতো কাছেও ছিলো না যে এক-আধটার বেশি কথা শোনা যায়—তবু, নিজের অনিচ্ছাসত্ত্বেও, স্তব্ধ হ'য়ে দাঁড়িয়ে সে উৎকর্ণ হ'লো। চিনতে পারলো কমারোভস্কির গলা, লারা আর কাটিয়ার সঙ্গে সে কথা বলছে, মনে হ'লো দরজার পাশে প্রথম ঘরটিতেই আছে তারা। তর্ক চলেছে; গলার আওয়াজেই বোঝা যায় লারা অস্থির হ'য়ে কান্দছে; এই সে সায় দিচ্ছে কমারোভস্কির কথায়, আবার পর মুহূর্তে সম্ভারে প্রতিবাদ করছে।

কোনো কারণে ইউরির মনে হ'লো যে সেই মুহূর্তে তাকে নিয়েই কথা বলছে কমারোভস্কি, ইউরিকে বিশ্বাস করা যায় না—এই ধরনের কোনো কিছু তার বক্তব্য (‘হু-নোকোয় পা দিয়ে চলেছে’—এ-কথাটা স্পষ্ট শোনা গেলো যেন), লারা, না তার নিজের পরিবার—কার দিকে ইউরির টান বেশি তা বলা অসম্ভব, তার ওপর নির্ভর করা কোনোমতেই উচিত হবে না লারার, যদি না লারা ‘চোরকে বোঁচকা বাঁধতে ও গৃহস্থকে সজাগ থাকতে’ বলতে চায়, যদি না ‘হুই দিকের চাপনে বৃড়ি মরে আপনে’—এই দশা সে করতে চায় নিজের। ইউরি ভেতরে ঢুকে পড়লো।

যা ভেবেছিলো তা-ই—ডান দিকের প্রথম ঘরটিতেই ব'সে আছে তিনজনে। কমারোভস্কির ফার-কোট তার পায়ের গোড়ালি পর্যন্ত ঠেকেছে, আর কাটিয়ার কোটের কলার আঁকড়ে ধ'রে লারা সেটা আটকাবার চেষ্টা করছে, কিন্তু হক খুঁজে না-পেয়ে তাকে ধমক দিয়ে বারণ করছে নড়তে, আর কাটিয়া বলছে, ‘মা, একটু আস্তে, আমাকে দম আটকে মারবে তুমি।’ বেরোবার জন্তে তৈরি হ'য়ে দাঁড়িয়ে আছে তিনজনে, গায়ে বাইরের পোষাক। ইউরি ঘরে ঢুকতেই লারা আর কমারোভস্কি একসঙ্গে কথা বলতে-বলতে তার দিকে ছুটে এলো :

‘ছিলে কোথায় এতোক্ষণ ? এদিকে তোমার জন্তে আমরা ব’লে আছি—
ভীষণ জরুরি দরকার ।’

‘কেমন আছো, ইউরি আলেক্সেইয়েভিচ । দেখতেই পাচ্ছো, গত বারের রুট
কথা-কাটাকাটির পরেও আবার এলাম তোমাদের কাছে, তোমরা আমাকে
ডেকে আনোনি যদিও ।’

‘কেমন আছেন’ গোছের কিছু-একটা আওড়ালো ইউরি ।

‘তুমি গিয়েছিলে কোথায় ?’ আবার জিজ্ঞেস করলো লারা । ‘উনি কী
বলতে চাচ্ছেন শুনে নাও, তারপর কী করবো না করবো চটপট স্থির ক’রে
ফ্যালো । একটুও সময় নেই জানো তো । খুব শিগগির মনস্থির করা
চাই ।’

‘কিন্তু আমরা সবাই দাঁড়িয়ে আছি কেন ? বসুন, ভিক্টর ইঙ্গলিটোভিচ ।
কোথায় ছিলাম, তা তুমি জিজ্ঞেস করছো, মনি ? জানো তো কাঠ আনতে
গিয়েছিলাম, পরে ঘোড়াটার দেখাশুনো করতে হ’লো । বসুন, ভিক্টর
ইঙ্গলিটোভিচ, বসুন দয়া ক’রে ।’

‘তোমার অবাক লাগছে না ওঁকে দেখে ? তোমাকে দেখে কিন্তু মনে
হয় না একটুও অবাক হয়েছেো । অথচ উনি চ’লে গেছেন শুনে, তাঁর প্রস্তাবে
রাজি না-হওয়ার জন্ত, আপশোস করছিলাম আমরা, আর এখন তিনি
এসে ঠিক তোমার চোখের সামনে ব’সে আছেন, আর তুমি কিনা অবাকও
হচ্ছেো না একটু—তা শোনো এবারে উনি যে-কথা বলতে এসেছেন তা আরো
বেশি আশ্চর্য ।—ওকে সব খুলে বলুন, ভিক্টর ইঙ্গলিটোভিচ ।’

‘লারিসা ফিয়োডোরোভনা মনে-মনে কী ভাবছেন, জানি না । তবে
একটা কথা আমার বুঝিয়ে বলা উচিত : আমি চ’লে গেছি—এই গুজবটা
কিন্তু আমিই ইচ্ছে ক’রে রটিয়েছিলাম । আমি বাইনি, ‘আমার উদ্দেশ্য
ছিলো, আগের বারে যে-কথা নিয়ে আমরা আলোচনা করেছিলাম, তুমি
আর লারিসা ফিয়োডোরোভনা আবার তা ভালো ক’রে ভেবে ছাখো, ঠাণ্ডা
মাথায় স্থির করো কী করবে । তোমাদের স্বযোগ দেবার জন্তই থেকে
গিয়েছি আমি ।’

‘কিন্তু আর তো দেরি করা যায় না,’ কথার মাঝখানে ব’লে উঠলো

লারা। ‘যাবার পক্ষে এই হচ্ছে চমৎকার সময়। কাল সকালে...কিন্তু ভিক্টর ইগ্নলিটোভিচ নিজেই সে-কথা বলবেন তোমাকে।’

‘একটু রোসো, লারা। কোট গায়ে দাঁড়িয়ে-দাঁড়িয়ে কী করবো আমরা? বরং খুলে নিয়ে বসি একটু। হাজার হোক, কথাগুলো জরুরি, এক মিনিটে তার সমাধান হয় না। ভিক্টর ইগ্নলিটোভিচ, আমার আশঙ্কা হচ্ছে আমাদের আলোচনার মধ্যে কোনো ব্যক্তিগত প্রসঙ্গ এসে পড়ছে, তা নিয়ে কিছু বলাটা কিন্তু হাস্যকর হবে, হয়তো একটু লজ্জারও ব্যাপার। কথাটা হচ্ছে যে আমি কখনো কল্পনাও করিনি আপনার সঙ্গে চ’লে যাবো—কিন্তু লারার কথা আলাদা। কচিং কখনো এমন মুহূর্ত এসেছে যখন লারার আর আমার দুশ্চিন্তা আলাদা হ’য়ে গেছে, তখন আমাদের মনে প’ড়ে গেছে যে আমরা এক নই, দু’জন মানুষ। সেই রকম সময়ে লারাকে আমি বার-বার বলেছি যে আপনার প্রস্তাব আরো ভালো ক’রে ওর ভেবে দেখা উচিত। আর সত্যি বলতে প্রায় সব সময়ই সে ভেবেছে সে-কথা, ঘুরে-ফিরে বার-বার এই কথাই তুলেছে।’

‘কিন্তু শুধু একটি শর্তে—তোমাকেও আসতে হবে আমাদের সঙ্গে,’ লারা বাধা দিয়ে বললো।

‘আমরা আলাদা হ’য়ে গেছি, এই চিন্তা তোমার পক্ষে যতো কষ্টের, আমার পক্ষেও তা-ই। কিন্তু আমাদের হৃদয়াবেগকে সরিয়ে রেখে এই ত্যাগস্বীকার ক’রে নেয়াই হয়তো ভালো। আমার যাওয়ার কোনো প্রবল ইচ্ছাও নেই।’

‘কিন্তু এখনো তুমি কোনো কথাই শোনোনি, তুমি জানো না...ভিক্টর ইগ্নলিটোভিচ কী বলছেন, শোনো...কাল সকালে—ভিক্টর ইগ্নলিটোভিচ!’

‘লারিসা ফিয়োডোরোভনকে আগে যে-খবরটা আমি দিয়েছিলাম, উনি তার কথাই ভাবছেন। ইউরিয়্যাটিন রেল-স্টেশনের এক সাইডিঙে দূর প্রাচ্য রাষ্ট্রের একটি সরকারি ট্রেন যাবার জন্ত তৈরি হ’য়ে দাঁড়িয়ে আছে। গত কাল মস্কো থেকে এসে পৌঁছেছে ট্রেনটা, আগামী কাল পুন্নের দিকে যাত্রা করবে। ট্রেনটা আমাদের যোগাযোগ মন্ত্রী-দপ্তরের। গাড়ির অর্ধেক কামরাই স্বাগন-লী^১।’

^১ Wagon-lit: আমেরিকার পুলম্যানের সঙ্গে তুলনীয় যোরাপীয় মহাদেশের ট্রেনে আরামদায়ক শোবার কামরা।—অনুবাদের টীকা।

‘এই ট্রেনেই যেতে হবে আমাকে। আমার সহকারীদের জন্ত কয়েকটা বার্থ আমাকে আলাদা ক’রে দেওয়া হয়েছে। বিশেষ আরামে যেতে পারবো। আমরা। এমন স্বযোগ আর আসবে না। আমি জানি, তুমি ফাঁকা কথা বলো না, একবার মনস্থির ক’রে তার বদল করাও তোমার ধাতে নেই; এও স্থির করেছে। যে আমাদের সঙ্গে যাবে না। কিন্তু তবু লারিসা ফিয়োডোরোভনার কথা ভেবে তুমি কি আর-একবার চিন্তা ক’রে দেখবে না? ওঁকে তো বলতেই শুনলে যে তোমাকে ফেলে কোথাও যাবেন না উনি। এসো না তুমি আমাদের সঙ্গে, ভ্লাডিভল্টক পর্যন্ত না হোক, অন্তত ইউরিয়্যাটিন পর্যন্ত, সেখানে গিয়ে আবার ভেবে দেখা যাবে।—সত্যি কিন্তু খুব তাড়া করতে হবে এখন—এক মিনিটও আর নষ্ট করা যায় না। আমার সঙ্গে কোচোয়ান আছে—আমি নিজে কখনো গাড়ি চালাই না—আর স্নেজটায় আবার পাঁচজনের মতো জায়গা নেই। কিন্তু সামভেভইয়াটভের ঘোড়াটা তোমার হাতে আছে বোধহয়—সেটা নিয়ে কাঠ আনতে গিয়েছিলে বললে না? সাজ পরানো আছে তো এখনো?’

‘না, খুলে এসেছি।’

‘তা চটপট আবার পরিয়ে নাও তাহ’লে। আমার কোচোয়ান তোমার সঙ্গে হাত লাগাবে’খন...রোসো একটু, থাক—কী দরকার—থাক তোমার স্নেজগাড়ি, আমারটাতেই কুলিয়ে যাবে, চেপে-চুপে কোনোমতে বসাবো’খন। শুধু শিগগির—শিগগির করো—ঈশ্বরের দোহাই! পথে যা নেহাৎই লাগবে শুধু সেইরকম কয়েকটা জিনিস নিয়ে নাও সঙ্গে—যা প্রথম হাতে ঠেকে তা-ই নিয়ে নাও। একটি শিশুর জীবন-মরণ নিয়ে যখন কথা তখন মালপত্র নিয়ে হৈ-চৈ করার মানে হয় না।’

‘আপনার কথা আমি বুঝতে পারছি না, ভিক্টর ইপ্লিটোভিচ। আপনি এমনভাবে কথা বলছেন যেন আমি যেতে রাজি হয়েছি। আপনি যান, আমার শুভেচ্ছা রইলো আপনার জন্ত, আর লারা যদি চায় তো সঙ্গে যাক। এই বাড়ির জন্ত আপনাকে উদ্বিগ্ন হ’তে হবে না। আপনারা চ’লে গেলে পর সব পরিষ্কার ক’রে তালা লাগিয়ে দেবো আমি।’

‘কী বলছো তুমি, ইউরি, কী আবোল-তাবোল বকছো! তুমিও তো

বিশ্বাস করো না এ-সব কথায়। “লারা যদি চায়”—কী চমৎকার কথা একথানা! যেন তুমি জানো না যে তুমি না-গেলে কিছুতেই যাবো না আমি; তোমাকে বাদ দিয়ে আমি একা কিছুই করবো না? তুমি বাড়িতে তাল দেবে—এ-সব লম্বা-চওড়া বুলি আসে কোথেকে বলে তো!’

‘তুমি দেখছি কঠিন পণ করেছো?’ কমারোভস্কি বললো ইউরিকে। ‘তাহ’লে, লারিসা ফিয়োডোরোভনার যদি আগন্তি না থাকে, নিভুতে ছ’একটা কথা বলতে চাই তোমার সঙ্গে?’

‘নিশ্চয়ই। জরুরি কথা হ’লে রান্নাঘরেও যেতে পারি আমরা। তুমি রাগ করবে না তো, মশি?’

• ১২

‘স্ট্রেলনিকভ ধরা পড়েছিলো, বিচারের পর গুলি ক’রে মারা হয়েছে তাকে।’

‘কী ভীষণ কথা! আপনি ঠিক জানেন?’

‘তাই তো শুনলাম। কথাটা সত্য ব’লেই আমার বিশ্বাস।’

‘লারাকে বলবেন না কিন্তু। ও পাগল হ’য়ে যাবে।’

‘না, না, তা বলবো না। সেইজন্তই তো তোমার সঙ্গে একা কথা বলতে চাইলাম। এ-রকম যখন অবস্থা, তখন ওর আর কাটিয়ার তো সমূহ বিপদ। ওদের বাঁচাতে চাই আমি, আর সেইজন্তই তোমার সাহায্য চাচ্ছি। আমাদের সঙ্গে কিছুতেই যাবে না তুমি? কিছুতেই না?’

‘কিছুতেই না। আমি তো বলেছি আপনাকে।’

‘কিন্তু লারা যে যেতে চাচ্ছে না তোমাকে ফেলে। কী যে করবো বুঝতে পারছি না। তাহ’লে অস্ত্র-এক উপায় করা যাক—একবার যদি ভান করো তুমি যে হয়তো শেষ পর্যন্ত রাজি হ’তেও পারো—অন্তত তা-ই যদি বুঝতে দাও ওকে, তাহ’লে সমস্তার সমাধান হয়। তোমার কাছে বিদায় নিয়ে সে চ’লে যাচ্ছে—তা এখানেই হোক আর ইউরিয়্যাটিন স্টেশনেই হোক—এ আমি ভাবতেই পারি না। তুমি ওকে বোঝাবে যে তুমি শেষ পর্যন্ত আসবেই, এখন না হোক পরে, যখন অন্য কোনো সুযোগে তোমার বাবার ব্যবস্থা জিজ্ঞাসো—৪০

আমি ক'রে দেবো। তোমাকে ভান করতে হবে যেন এতে তুমি অনিচ্ছুক নও। যদি মিথ্যে শপথও করতে হয়, তবু তোমাকে বিশ্বাস জাগাতে হবে ওর মনে। অবশ্য আমার দিক থেকে ফাঁকা কথা নয় এটা—আমি শপথ ক'রে বলছি যে যখনই তুমি ইচ্ছেটি শুধু প্রকাশ করবে, তখনই তোমার এশিয়াতে যাবার সুবিধে ক'রে দেবো আমি, সেখান থেকে যেখানে যেতে চাও যেতে পারবে।—কিন্তু লারিসা ফিয়োডোরোভনার মনে এটুকু বিশ্বাস জাগাতে হবে যে তুমি অন্তত আমাদের স্টেশনে তুলে দিতে আসছো। এটুকু করতেই হবে তোমাকে—যে ক'রে হোক করতেই হবে। ধরো, তুমি যদি বলো তোমার স্নেজ-গাড়িটা তৈরি ক'রে নিতে চলেছো, আর আমাদের যদি বলো আগেই বেরিয়ে পড়তে—তোমার জন্য অপেক্ষা না-ক'রে এগিয়ে যেতে—যদি বলো তৈরি হ'য়ে নিয়েই তুমি ধ'রে ফেলবে আমাদের—তাহ'লে কেমন হয় ?

'স্টেলনিকভের খবরটা এতো ভীষণ, সত্যি বলতে কী আপনার সব কথা ঠিক ধরতে পারিনি। কিন্তু আপনি ঠিকই বলেছেন। এ-কালের যুক্তি অমুসারে, স্টেলনিকভের সঙ্গে বোঝাপড়া হ'য়ে যাবার সঙ্গে-সঙ্গে লারা আর কাটিয়ার জীবনও বিপন্ন হ'লো। আমাদের মধ্যে কেউ না-কেউ গ্রেপ্তার হবেই, তাই যে-ভাবে হোক বিচ্ছেদ অনিবার্হ। সেই বিচ্ছেদ যদি আপনি ঘটান, যথাসম্ভব দূরে নিয়ে যান ওদের, তাহ'লেই হয়তো সবচেয়ে ভালো হয়। বলছি বটে, কিন্তু আসলে বোধহয় ব্যাপার একই, যা-কিছু ঘটছে সবই আপনার অমুকুল। হয়তো শেষ পর্যন্ত আমিই ভেঙে পড়বো, আপনার পায়ে প'ড়ে বলবো—বাঁচান লারাকে, বিপদের বাইরে নিয়ে যান, আমাকে জোঁগাড় ক'রে দিন স্ত্রী-পুত্রের কাছে যাবার জন্ত জাহাজের টিকিট—আর আপনার হাত থেকে এ-সব নিয়ে হয়তো কৃতার্থ বোধ করবো। কিন্তু একটু চিন্তা করার সময় দিন আমাকে। আপনার কথা শুনে একেবারে অভিভূত হ'য়ে আছি আমি। ভেঙে পড়েছি, হতভম্ব হ'য়ে গেছি, ঠিকমতো ভাবতে বা কথা বলতে পারছি না। এমনও হ'তে পারে আপনার কথায় রাজি হ'য়ে আমি এমন এক সর্বনাশা ভুল করছি যার প্রতিকার আর সম্ভব নয়, যা পরে সারাজীবন বিভীষিকার মতো মনে হবে আমার। কিন্তু এখন আমি আর-কিছুই পারি না, শুধু পারি অন্ধভাবে আপনার কথায় রাজি হ'য়ে

সেইমতো চলতে, যেন আমার নিজের ইচ্ছে ব'লে কিছু নেই।...ঠিক, ঠিক আছে, লারার ভালোর জন্তে তা-ই করবো আমি। এখনই যাচ্ছি ওর কাছে, বলছি যে স্নেজে ক'রে শিগগিরই ধ'রে ফেলবো আপনাদের—আসলে অবশ্য থেকেই যাবো।...কিন্তু একটা মুশকিল আছে। যাবেন কী ক'রে আপনারা, এখনই তো অন্ধকার ক'রে আসবে? বনের মধ্য দিয়ে পথ, নেকড়ে আছে, সাবধানে যাবেন...

‘তা জানি আমি। কিছু ভেবো না। বন্দুক আছে আমার কাছে, রিভলভারও আছে। দু'এক ফৌটা স্পিরিটও এনেছি, ঠাণ্ডা ঠেকাবার জন্ত। একটু চাই?—এস্তার আছে আমার।’

১৩

‘কী করলাম? কী করলাম? ওকে ছেড়ে দিলাম, ত্যাগ করলাম, দিয়ে দিলাম। আমাকে এখন ছুটতেই হবে ওদের পেছনে। লারা! লারা!

‘ওরা শুনতে পাচ্ছে না। বাতাস উন্টোদিকে বইছে, আর ওরা বোধহয় কথা বলছে চেষ্টিয়ে। লারা এখন স্থবী, নিশ্চিন্ত, ওর পক্ষে যথেষ্ট কারণ আছে তার। ও তো জানে না আমি তাকে কী রকম ঠকিয়েছি।

‘ও ভাবছে, ভালো হ'লো, খুব ভালো হ'লো—এর চেয়ে ভালো আর কী হ'তে পারে ওর? ইউরা, ওর অদ্ভুত জেদি ইউরা, অবশেষে নরম হয়েছে—ঈশ্বরকে ধন্যবাদ। ভালো, নিরাপদ এক জায়গায় যাচ্ছি আমরা, সেখানকার লোকদের মেজাজ আমাদের চেয়ে ঠাণ্ডা, সেখানকার আইনকাহ্নন শৃঙ্খলার ওপর ভরসা রাখা যায়। ধরো, এমনি কথার কথা বলছি, কালকের ট্রেনে ইউরি যদি নাও আসে তাহ'লে কমারোভস্কি ওকে আনাবার জন্ত আরেকটা ট্রেন পাঠাবে, দেখতে-না-দেখতে ও এসে পড়বে আমাদের কাছে। এ-মুহূর্তে ও অবশ্য আছে আস্তাবলে, তাড়াহড়ো করছে, ব্যস্ত হ'য়ে গাড়ি জুড়ে নিচ্ছে, পুরো দমে গাড়ি ছুটিয়ে আমাদের পেছন-পেছন আসবে ও, বনের মধ্যে ঢোকার আগেই আমাদের ধ'রে ফেলবে।

‘সে তো এমনি সব ভাবছে এখন। বিদায়টাও ভালো ক'রে নেওয়া হ'লো

না। শুধু একটু হাত নেড়ে পেছন ফিরে দাঁড়ালাম আমি, আপেলের টুকরোর মতো কষ্ট বিঁধে ছিলো আমার গলায়, দম আটকে দিচ্ছিলো—সেটাকে গিলে ফেলার চেষ্টা করলাম।’

পোর্টিকোতে দাঁড়িয়ে রইলো সে, পিঠের একদিকে কোট ফেলা। অস্ত্র হাত দিয়ে ছাদের ঠিক তলাকার সরু কাঠের খামটাকে এমনভাবে আঁকড়ে ধরলো যেন পিষে ফেলবে সেটাকে। হৃদয়ে সংহত হ’লো তার সমস্ত মনোযোগ। পথের একটি অংশ দেখা যাচ্ছে সেখানে, উঠছে পাহাড়ের গা বেয়ে, ছাড়া-ছাড়া বার্চগাছের পাড়-বসানো ফাঁকা জায়গাটুকুতে আড় হয়ে সূর্যাস্তের রশ্মি পড়েছে; সেখানেই যে-কোনো মুহূর্তে দেখা যাবে স্নেজ-গাড়িটিকে, যা আপাতত খাদের আড়ালে ঢাকা প’ড়ে গেছে।

‘বিদায়, বিদায়,’ সেই স্নেজের জন্তু অপেক্ষা করতে-করতে মনোহীনভাবে বার-বার বলতে লাগলো ইউরির, সন্ধ্যার হিমেল বাতাসে বের ক’রে দিলো তার বুক-হেঁড়া নিস্তরূ কথাগুলি। ‘বিদায়, আমার অনন্যা প্রিয়া, আমার চিরকালের মতো হারিয়ে-যাওয়া প্রেমসী!’

‘আসছে, আসছে ওরা,’ শুকনো ফ্যাকাশে ঠোঁটে ফিশফিশ ক’রে সে উচ্চারণ করলে, খাদ থেকে তীরের বেগে ছুটে এলো স্নেজ, একের পর এক বার্চ গাছ ছাড়িয়ে ছুটে লাগলো, গতি ক’মে এলো আন্তে-আন্তে, আর—কী আনন্দ!—শেষ গাছটির কাছে এসে হঠাৎ থেমে গেলো।

লাফিয়ে উঠলো ইউরির হৃৎপিণ্ড, এমন উন্মাদ উত্তেজনায় টিপটিপ করতে লাগলো যে তার মনে হ’লো আর দাঁড়িয়ে থাকতে পারছে না, দুর্বল লাগছে, অবসন্ন, তার কাঁধের ওপর থেকে থ’সে-পড়া কোটটির মতোই সারা শরীর যেন নেতিয়ে গেছে তার। ‘হে প্রভু, ভগবান, তুমি তাকে আমার কাছে ফিরিয়ে দেবে, এই কি তোমার ইচ্ছা? কী, ব্যাপার কী? ওখানে, ঐ সূর্যাস্তের কাছে, কী হচ্ছে এখন? এর অর্থ কী? ওরা দাঁড়িয়ে আছে কেন? না। সব শেষ। ওরা চলতে শুরু করেছে। ওরা চ’লে গেলো। শেষবারের মতো বাড়িটা দেখার জন্তুই নেমেছিলো সে। না কি দেখতে চাইছিলো আমি রওনা হয়েছি কিনা? আমি আসছি কিনা ওদের পেছনে-পেছনে? ওরা চ’লে গেলো।’

বরাতজোর থাকলে, সূর্য যদি খুব তাড়াতাড়ি ডুবে না যায় (অন্ধকারে ওদের সে দেখতে পাবে না), তাহলে আবার চকিতে দেখা যাবে ওদের, শেষবারের মতো, খাদের ওপারে, দুই রাত্রি আগে যেখানে নেকড়ে ডেকেছিলো সেই মাঠের ওপরে।

সেই মুহূর্তটুকুও এসে চ'লে গেলো। দিগন্তের নীল তুষার-রেখার ওপরে এখনো ঝুলে আছে ঘন-লাল বলের মতো সূর্য, বরফে ঢাকা জমি লোভীর মতো শুবে নিচ্ছে সেই রসালো আনারসি আলো, এমনি সময়ে পলকে দেখা দিয়ে মিলিয়ে গেলো ওদের স্নেহ। 'বিদায়, লারা, যতোদিন না স্বর্গে গিয়ে আবার তোমার দেখা পাই, ততোদিনের জন্য বিদায়, প্রিয়া আমার, আমার অমরন্ত, চিরন্তন আনন্দ। জ্ঞান কখনো তোমাকে আমি দেখবো না, আর কখনো, কখনো দেখবো না আমি তোমাকে।'

অন্ধকার হ'য়ে এলো। দেখতে-দেখতে স্নান হ'য়ে এলো বরফের ওপরে ব্রোঞ্জ-লাল সূর্যাস্তের আলো, হঠাৎ মিলিয়ে গেলো। বেগনি-হ'য়ে-জ্বালা লাইলাক-রঙের সন্ধ্যালগ্নে পূর্ণ হ'য়ে উঠলো কোমল, ছাইরঙা সূর্য, তার ধোঁয়াটে কুয়াশায় মলিন হ'য়ে গেলো পথের ধারে বাঁচগাছগুলি—যেন হালকা হাতে আঁকা হ'য়ে আছে গোলাপি আকাশের গায়ে—এমন স্নান সেই আকাশ, যেন হঠাৎ অগভীর হ'য়ে গেছে।

শোকে দৃষ্টিশক্তি তীব্র হয়েছে ইউরির, লক্ষ্য করার ক্ষমতা শতগুণে বৃদ্ধি পেয়েছে। তার চারদিককার হাওয়াটুকুকেও অনন্ত মনে হচ্ছে তার। তার জীবনে যা-কিছু ঘটলো তার সাক্ষী ও বন্ধু হিসেবে অহুকম্পার নিখাস ফেলছে এই সন্ধ্যা। এমন গোধূলি যেন আগে কখনো আসেনি, সন্ধ্যা যেন এই প্রথম নেমে এলো তার শোকে, তার নিঃসঙ্গতায় সাঙ্ঘনা দিতে। যেন ঐ উপত্যকা ঘিরে চিরকাল এমন বন ছিলো না, দিগন্তের দিকে পিঠ ফিরিয়ে ঐ যে পাহাড়গুলো দাঁড়িয়ে আছে, তার ওপর আগে জন্মায়নি গাছপালা, এইমাত্র মাটি ফুঁড়ে উঠে দাঁড়ালো ঐ তরুশ্রেণী, তাকে সাঙ্ঘনা দেবার উদ্দেশ্য নিয়ে উঠে এলো।

সেই প্রহরের স্পর্শীয় সৌন্দর্যকে ইউরির মনে হ'লো বন্ধুর ভিড়ের মতো, প্রায় যেন হাত নেড়ে সে সরিয়ে দিতে চাইলো তাদের, প্রায় কথা ব'লে

উঠলো দীর্ঘায়িত অন্তরাগের উদ্দেশে : 'ঠিক আছে—ঠিক আছি আমি—
ধন্যবাদ।'

বারান্দায় দাঁড়িয়েই বন্ধ দরজার দিকে মুখ ফেরালো সে, পৃথিবীর দিকে
পিঠ ফিরিয়ে দিলে। 'সূর্য অস্ত গেলো। আমার আলো—আমার সূর্য—
অস্ত গেলো।' কে যেন তার মনের মধ্যে বার-বার আউড়ে যাচ্ছিলো, যেন
মুখস্থ ক'রে রাখতে চায় কথাটাকে। মুখ ফুটে উচ্চারণ করবে এমন শক্তি
নেই তার।

বাড়ির ভেতরে গেলো সে। তার মনের মধ্যে ছোটো আলাপ যুগপৎ
চলছে, একটা শুকনো ব্যাবসাদারি, অল্পটা লারার উদ্দেশে বস্তার নদীর মতো।

'এবার আমি মস্কো যাবো,' ইউরি ভাবতে লাগলো। 'প্রথম কাজ হ'লো
প্রাণে বাঁচা। অনিদ্রারোগকে প্রশ্রয় দিলে চলবে না। শুতেই যাবো না
একেবারে। সারারাত কাজ, যতোকণ না ঘুমে ঢ'লে পড়ি। হ্যাঁ, আর-এক
কথা, শোবার ঘরের চুল্লিটা এখনই জালতে হবে, রাত্রে যেন জ'মে না যাই।'

কিন্তু ভেতরে-ভেতরে অল্প এক আলাপ চলছিলো। 'আর-একটুকণ
থাকবো আমি তোমার সঙ্গে, আমার অবিস্মরণীয় আনন্দ তুমি, যতোকণ
আমার বাহ, আমার হাত, আমার ঠোঁট তোমাকে ভুলে না যায়। কাদবো
আমি তোমার জন্ত, আমার শোক যেন অনন্ত হয়, তোমার যোগ্য হয়
যেন। অস্বহীন আর্তি আর বেদনার ছবিতে তোমার স্মৃতি আমি লিখে
রাখবো। তা লেখা না-হওয়া পর্যন্ত আমি থাকবো এখানেই, তারপর চ'লে
যাবো। এইভাবে রচনা করবো তোমার মূর্তিকে। কেমন ক'রে আঁকবো
তোমাকে কাগজে? যেমন, কোনো ভীষণ ঝড় সমুদ্রের তলদেশ পর্যন্ত
তোলপাড় ভুলে ব'য়ে গেলে, সমুদ্রের বড়ো-বড়ো প্রবলতম ঢেউগুলো তীরের
ওপর চিহ্ন রেখে যায়—তেমনি ক'রে আঁকবো আমি তোমাকে। বামা,
বিলুক, জলজ উদ্ভিদ, হালকা সব জঞ্জাল, অতি লঘু সেই সব জিনিস যা তলা
থেকে উপড়ে এনেছে ঝড়, বালুর ওপর আঁকাবাঁকা রেখায় ছিটিয়ে দিয়েছে।
দূরে মিলিয়ে যায় এই রেখা, বুঝিয়ে দেয় জোয়ারের জল কতোদূর উঠেছিলো।
এমনি ক'রে তোমাকে ভুলে এনেছিলো আমার জীবনের মধ্যে—আমার প্রেম,
আমার গৌরব তুমি, আর এমনি ক'রেই আমি তোমার কথা লিখবো।'

ভেতরে এসে দরজা বন্ধ ক'রে কোট খুলে ফেললো সে। সেদিনই সকালে লারা খুব ভালো ক'রে শুয়েছিলো শোবার ঘরটি, কিন্তু যাবার আগে বাঁধাছাঁদার ভাড়াছড়োয় আবার সব ওলোটপালোট হ'য়ে গেছে। সেই ঘরে এসে ইউরী যখন দেখলো বিছানা আগোছালো হ'য়ে আছে, চেয়ারে মেঝেতে বিশৃঙ্খল হ'য়ে ছড়িয়ে আছে জিনিসপত্র, তখন শিশুর মতো হাঁটু ভেঙে ব'সে পড়লো সে, খাটের শক্ত ধারটাতে বুক চেপে ধ'রে, বিছানার মধ্যে মুখ গুঁজে, হুঁপিয়ে কেঁদে উঠলো নির্বোধ বুক-ভাঙা উচ্ছ্বাসে। কিন্তু বেশিক্ষণ কাঁদলো না। একটু পরেই উঠে বসলো, তাড়াতাড়ি মুখ মুছে নিয়ে ক্লান্ত, অগ্নমনস্ক বিস্ময়ে তাকালো চারদিকে, তারপর কমারোভস্কির রেখে-যাওয়া ভদকার বোতল বের ক'রে, ছিপি খুলে একসঙ্গে আধ গেলান ঢেলে নিলে, তাতে বরফ আর ভল মিশিয়ে নিয়ে লম্বা চুমুকে লোভীর মতো খেতে লাগলো ; যেমন নিদারুণ ছিলো তার কান্নার হতাশা, প্রায় তেমনি তীব্র হ'লো এই আশ্বাদন।

১৪

ইউরীর মনে কী যেন একটা হ'য়ে যাচ্ছে, যার কোনো মানে হয় না। পাগল হ'য়ে যাচ্ছে সে। এমন অভূতভাবে জীবনযাপন সে করেনি কখনো। বাড়ির দিকে তার মন নেই, নিজের দেখাশোনা করা সে বন্ধ ক'রে দিয়েছে, রাতকে পরিণত করেছে দিনে, আর লারা চ'লে যাওয়ার পর থেকে কতোদিন কাটলো তা আর মনে আনতে পারে না।

ভদকা খাচ্ছে আর লারাকে নিয়ে লিখে চলেছে। কিন্তু যতো কেটে দিচ্ছে লেখা, যতো নতুন ক'রে লিখছে, ততোই তার কবিতার লারা দূরে স'রে যাচ্ছে লারার জীবন্ত প্রতিরূপ থেকে, যে-লারা কাটিয়ার মা, যে-লারা কন্যাকে নিয়ে দূরের পথে পাড়ি দিয়েছে, তার কাছ থেকে দূরে স'রে যাচ্ছে।

এই সংশোধন ও পুনর্লিখনের একটি কারণ এই যে ইউরী খোঁজে জোরালো ও যথার্থ ভাষা। অন্য কারণ তার আন্তর সংঘর্ষের পরামর্শ, বা তার ব্যক্তিগত অভিজ্ঞতা ও অতীতের সত্য ঘটনার স্বাধীন প্রকাশের প্রতিবন্ধক ; সে-সব ঘটনায় যারা লিপ্ত ছিলো তারা পাছে দুঃখিত বা আহত হয়, এই

ভাবনা সে কাটাতে পারে না। সেইজন্যেই বাস্তবের তপ্ত বাষ্পকে সে বের ক'রে দেয় তার কবিতা থেকে, কিন্তু তার ফলে রুগ্ন অথবা নির্জীব হওয়া দূরে থাক, তার কবিতায় দেখা দেয় এক পুনর্মিলনের বিস্তীর্ণ শান্তি, যা বিশেষের গতি ছাড়িয়ে তাকে উর্ধ্বে তুলে নেয় সার্বভৌমে, সর্বজনের অধিগম্য ক'রে তোলে। এখানে পৌছবার জন্য সচেতনভাবে চেষ্টা করেনি সে; তা এসেছে স্বতঃপ্রসূত সাস্থনার বাণীর মতো, যেন লারা তাকে বার্তা পাঠিয়েছে চলতে-চলতে, দূর থেকে সম্ভাষণ জানিয়েছে। যেমন হয় স্বপ্নে তাকে দেখলে বা কপালে তার স্পর্শ পাওয়া গেলে—এও তেমনি। ইউরি আনন্দিত হ'লো নিজের কবিতার এই উন্নয়ন দেখে।

বহু বছর ধ'রে ফাঁকে-ফাঁকে সে প্রকৃতি, দৈনন্দিন জীবন ও অন্য নানা বিষয়ে যে-সব মন্তব্য লিখে রাখছিলো—এখন, লারার জন্ম শোকসংগীত রচনা করতে-করতেই, সেইগুলিতে সে নতুন সংযোজন করতে লাগলো। বরাবর যেমন হয়েছে, এবারেও তেমনি লিখতে বসামাত্র ব্যক্তি ও সমাজের জীবন বিষয়ে চিন্তার ঢেউ উঠলো তার মনে।

আবার সে ভেবে দেখলে যে ইতিহাস সম্বন্ধে, যাকে বলা হয় ইতিহাসের দ্বারা, সে-সম্বন্ধে প্রচলিত রীতি অনুসারে সে চিন্তা করে না, উদ্ভিদজগতে সে ইতিহাসের উপমা খুঁজে পায়। শীতকালে, বরফের তলায় বনের পাতা-ঝরা গাছের শুকনো ডাল বড়োমানুষের আঁচিলের চুলেব মতোই রোগা আর দীন হ'য়ে থাকে। কিন্তু বসন্ত এলে কয়েকদিনের মধ্যেই বদলে যায় বনের চেহারা, আকাশের মেঘে মাথা ঠেকে তার, পাতার জালে লুকিয়ে থাকা বা হারিয়ে যাওয়া আমাদের পক্ষে খুবই সহজ তপন। এই রূপান্তরের সময়ে জন্তুর চাইতেও দ্রুত গতিতে এগিয়ে চলে বন, কারণ জন্তুরা উদ্ভিদের গতিতে বুদ্ধি পায় না; অথচ এই গতি চোখে দেখতে পাওয়া অসম্ভব। বন তার জায়গা বদলায় না, যদি অপেক্ষাও ক'রে থাকি তাকে নড়তে দেখবো না আমরা। যেতাই না তাকিয়ে থাকি আমরা, দেখবো বন স্থবির। সমাজ-জীবনের চিরন্তন বুদ্ধি ও অন্তর্দীপ্ত পরিবর্তনও আমাদের চোখে এইরকম নিশ্চল ব'লে মনে হয়, ইতিহাস তার বিরামহীন রূপান্তরের দ্বারা এইভাবেই এগিয়ে চলে, এই বসন্তের বনের মতো।

টলস্টয়ও ঠিক এইভাবেই ভাবতেন ; কিন্তু তাঁর চিন্তা স্পষ্ট ক'রে প্রকাশ করেননি তিনি । নেপোলিয়ন অথবা অন্য কোনো শাসক বা সেনাধ্যক্ষ ইতিহাসকে গতিশীল করেন, এ-কথা অস্বীকার করেছিলেন তিনি, কিন্তু তাঁর চিন্তাধারাকে শেষ পর্যন্ত টেনে নিয়ে যাননি । ইতিহাসের স্রষ্টা ব'লে কেউ নেই । ইতিহাস কেউ সৃষ্টি করতে পারে না ; ইতিহাস কেউ দেখতেও পায় না, যেমন দেখতে পায় না ঘাস কী ক'রে বেড়ে ওঠে । যুদ্ধ ও বিপ্লব, রাজা ও রবস্ফীয়রের দল হ'লো ইতিহাসের কিধ, তার জৈবঘটক । কিন্তু বিপ্লব যারা রচনা করে, তারা হ'লো ধর্মোন্মাদ কর্মী পুরুষ, মন তাদের একটিমাত্র পথে চলতে পারে, তাদের চিন্তের সংকীর্ণতাই প্রায় প্রতিভার পর্যায় গিয়ে পৌঁছায় । কয়েক ঘণ্টা কি কয়েক দিনের মধ্যে পুরোনো ব্যবস্থাকে উন্টে দেন তারা ; পুরোপুরি প্রলয় ঘটে মাত্র কয়েকটা সপ্তাহ, অথবা বড়ো জোর কয়েকটা বছরের মধ্যে, কিন্তু তারপর যুগের পর যুগ, শতাব্দীর পর শতাব্দী ধ'রে পবিত্রজ্ঞানে পূজা করা হয় সেই সংকীর্ণতাকে, যা সেই প্রলয় ঘটিয়েছিলো ।

লারার জন্ত বিলাপ করতে-করতে মেলিউজেইয়েভোর সেই স্তম্ভর গ্রীষ্মের জন্ত সে শোকার্ত হ'লো, যখন বিপ্লব স্বর্গ থেকে দেবতার মতো নেমে এসেছিলো মাটিতে, সেই গ্রীষ্মের দেবতার মতো, যে-গ্রীষ্মে প্রত্যেকেই তার নিজের মতো ক'রে পাগল হ'য়ে গিয়েছিলো, যখন প্রত্যেকের জীবন প্রতিষ্ঠিত ছিলো স্বাধিকারে, কোনো উন্নত নীতির সমর্থনসূচক শাস্ত্রের দৃষ্টান্ত-রূপে নয় ।

টুকরো লেখার আঁকিবুঁকির এক ফাঁকে সে তার একটা পুরোনো মতের আবার উল্লেখ করলে । শিল্পকলার ধর্মই হ'লো সৌন্দর্যের সেবা, আর সৌন্দর্য মানে রূপপরিগ্রহের আনন্দ, আর রূপ হ'লো প্রাণীজীবনের মূলসূত্র, কেননা কোনো জীবিত প্রাণী তা ভিন্ন অস্তিত্ব পেতে পারে না । অতএব প্রতিটি শিল্পকর্ম, তার মধ্যে ট্রাজেডিও পড়ে, অস্তিত্বের আনন্দে অংশ নেয় । আর তার নিজের চিন্তা ও রচনাও আনন্দ দিলো তাকে, এমন বেদনাময় অশ্রুতে তা আগুত যে তার মাথার মধ্যে টনটন করে, তাকে অবসাদে জীর্ণ ক'রে দেয় ।

সামডেভইয়াটভ তার সঙ্গে দেখা করতে এসেছিলো। সেও শুদকা এনেছিলো, আর গল্প শুনিয়েছিলো। আশ্চিপভা তার 'মেয়েকে নিয়ে কেমন ক'রে কমারোভস্কির সঙ্গে চ'লে গেছে। রেল-পথ ধ'রে ট্রলি ক'রে এসেছে সে, ইউরিকে বকাবকি করেছে ঘোড়াটার ঠিকমতো ষড় নেয়নি ব'লে, তারপর ঘোড়া নিয়ে চ'লে গেছে—'আরো তিন-চারদিনের জন্ত ওটা রেখে যান,' ইউরির এই অমরোধ উপেক্ষা ক'রে। তবে এও ব'লে গেছে যে এই সপ্তাহের মধ্যেই আবার এসে ইউরিকে চিরকালের মতো ভারিকিনো থেকে নিয়ে যাবে।

মাঝে-মাঝে নিজেকে কাজে ডুবিয়ে দেবার পর, ইউরির হঠাৎ লারাকে মনে প'ড়ে যায়, এতো স্পষ্ট যেন সে তার সামনে দাঁড়িয়ে আছে, তার এই সর্বনাশের তীব্রতা ও স্নিগ্ধতার চাপে ভেঙে পড়ে ইউরি। ছেলেবেলায় মায়ের মৃত্যুর পর কলোগ্রিভভদের বাগানের গ্রীষ্মকালীন সজ্জার মধ্যে পাখির ডাকে সে যেমন তার মায়ের গলা শুনতে পেয়েছিলো, এখনো তেমনি লারার অভ্যস্ত কণ্ঠস্বর, যা তারই জীবনের এক অবিচ্ছিন্ন অংশ, তা যেন খেলা করতে লাগলো তার সঙ্গে, সে যেন শুনলে অল্প ঘর থেকে লারা ডাকছে, 'ইউরা।'

সেই সপ্তাহের মধ্যে এই রকম বিভ্রম আরো অনেক হ'লো তার। শেষের দিকে একদিন রাত্রে তার ঘুম ভেঙে গেলো এক অদ্ভুত দুঃস্বপ্ন দেখে। দেখলে তার বাড়ির তলায় এক ড্যাগন বাসা বেঁধেছে। ইউরি চোখ খুলে দেখলো, পাহাড়ের খাড়াই থেকে একটা আলো এসে পড়েছে—রাইফেলের গুলির শব্দ ও প্রতিধ্বনি তার কানে এলো। আশ্চর্যের বিষয়, এই অস্বাভাবিক অভিজ্ঞতার কয়েক মুহূর্ত পরেই আবার ঘুমিয়ে পড়লো সে, আর সকালে উঠে মনে হ'লো ওটা নিছক স্বপ্ন।

১৫

আর দু'একদিন পরে যা ঘটলো তা এই।

ইউরি শেষ পর্যন্ত স্থির করলে যে বুদ্ধি হারালে চলবে না, যদি আত্মহত্যা করতেই হয় তাহ'লে এর চাইতে দ্রুত ও কম যন্ত্রণাদায়ক কোনো উপায় বের করতে হবে। প্রতিজ্ঞা করলে, সামডেভইয়াটভ এলেই রওনা হ'য়ে পড়বে।

সন্ধ্যা নামার একটু আগে, তখনো আলো আছে, বরফের ওপর সে পায়ের শব্দ শুনতে পেলো। দৃঢ়, সহজ পদক্ষেপে কে যেন বাড়ির দিকে এগিয়ে আসছে।

কী অভূত। কে হ'তে পারে? সামডেভইয়াটভের তো ঘোড়া আছে, পায়ে হেঁটে আসবে না সে। আর ভারিকিনো তো শূণ্য পুরী। 'আমার কাছে আসছে,' ইউরি ভাবলে : 'শহরে যাবার ডাক অথবা হুকুম এসেছে। কিংবা আমাকে গ্রেপ্তার করতে আসছে।—না, তাহ'লে দু'জন থাকতো, সঙ্গে গাড়িও থাকতো আমাকে নিয়ে যাবার জন্ত। মিকুলিন্সিন বোধহয়,' এ-কথা মনে ক'রে খুশি হ'লো সে, পায়ের শব্দও চেনা ব'লে কল্পনা করলো। তখনো সেই অজানা অতিথি দরজার ভাঙা হাতল হাংড়াচ্ছে, যেন সেখানে তাল। খুলবে ব'লে আশা করেছিলো সে; দুই ঘরের মাঝখানকার দরজা খুলে সম্পূর্ণ আত্মস্থভাবে ভেতরে ঢুকে সমস্ত দরজা আবার ভেজিয়ে দিলে, সব যেন তার পরিচিত।

দরজার দিকে পেছন দিয়ে টেবিলে ব'সে ছিলো ইউরি। উঠে দাঁড়িয়ে যখন মুখ ফেরালো আগন্তুকটি ততোক্ষণে ঘরের প্রান্তে এসে দাঁড়িয়েছে, মূতের মতো স্তব্ধ হ'য়ে দাঁড়িয়ে আছে সেখানে।

'কী চান?' সর্বপ্রথম যে-নিরপেক্ষ শব্দগুলি ইউরির মনে এলো তাই উচ্চারণ করলে সে, কোনো জবাব না-পেয়ে বিস্মিত হ'লো না।

আগন্তুকের দেহ শক্তিশালী ও স্থায়ী মুখ স্থত্রী। পরনে প্যান্ট আর ফার-এর জ্যাকেট, পায়ে ভেড়ার চামড়ার জুতো, কাঁধে রাইফেল ঝুলছে।

লোকটির আসাতে নয়, আমার সময়টার জন্তই ইউরির অবাক লাগলো। বাড়িটার বসবাসের চিহ্ন ছিলো ব'লে এর জন্ত প্রস্তুত হ'য়েই ছিলো সে। বলা বাহুল্য, বাড়ির ভাঁড়ারে যে-সব জিনিস সে দেখেছিলো এই লোকটি তার মালিক, মিকুলিন্সিনরা যে ও-সব ফেলে রেখে যায়নি তা তো সে জানেই। লোকটির চেহারা কিছু-একটা যেন চেনা-চেনা মনে হ'লো ইউরির, মনে হ'লো আগে সে একে দেখেছে।

ইউরি আশা করতে পারতো যে অতিথিটি তাকে দেখে অবাক হবে, কিন্তু তা হ'লো না। হয়তো আগেই শুনেছে যে বাড়িতে কেউ আছে, তার নামও জানে হয়তো। হয়তো, সে এমনকি ইউরিকে চিনতেও পেরেছে।

‘ও কে ?’ ও কে ?’ ইউরি মনে করার জন্ত প্রাণপাত করলে। ‘কী মুশকিল, কোথায় দেখেছি একে ? সেই যে...মে মাসের সকালবেলা, বেজায় গরম, কোন বছরে তা ঠেংর জানেন। রাজভিলইয়ে রেল-স্টেশন। কমিশারের গাড়ি...কোনো কিছু ভালো হবার আশা নেই। কাটখোটা মতামত, এক-তরফা মন, কঠোর নীতি আর নিজের সাধুতার অপরিমিত পরিতৃপ্তি।... স্টেলনিকভ !’

১৬

ঘণ্টার পর ঘণ্টা তারা কথা বললে চলেছে। ঠিক তেমনি মরীয়া হ’য়ে পাগলের মতো কথা বলছে তারা, যে-ভাবে রুশবাসী রাশিয়ানরাই শুধু বলতে পারে— বিশেষত সেই উদ্বেগে আর আতঙ্কে ভরা দিনগুলিতে যে-ভাবে কথা বলতো তারা।

বিচলিত অবস্থায় সব মানুষই কথা বলে, কিন্তু ক্রমাগত কথা বললে চলার অঙ্গ কারণও ছিলো স্টেলনিকভের।

অনবরত কথা বললো স্টেলনিকভ, অবিরাম চেষ্টা করলো কথার বিষয় যাতে ফুরিয়ে না যায় ; কিছুতেই একা হ’তে সে চায় না। কিসের ভয় তার ? নিজের বিবেকের, না তাকে ঘিরে-থাকা বেদনাময় স্মৃতির, না কি তার যন্ত্রণার কারণ সেই আত্ম-অতৃপ্তি যা মানুষকে তার নিজের কাছেই এতো ঘৃণ্য আর অসহ্য ক’রে তোলে যে লজ্জায় আত্মহত্যা করতে পারে সে ? না কি কোনো ভীষণ ও চরম সিদ্ধান্ত সে নিয়েছে, তা মনের মধ্যে পোষণ ক’রে একা থাকতে ইচ্ছে করছে না তার, সেই সিদ্ধান্ত পালন করতে দেবি করছে ইউরির কাছাকাছি থেকে, তার সঙ্গে কথাবার্তা বললে ?

তা যা-ই হোক, এটা স্পষ্ট যে কোনো বিশেষ কথা সে গোপন ক’রে রেখেছে, তা তার হ’য়ে চেপে আছে তার মনের ওপর, তাই আরো বেশি উচ্ছ্বসিত হ’য়ে প্রাণ ঢেলে কথা বলছে অল্প সমস্ত বিষয় নিয়ে।

এই যুগের এটাই ব্যাধি, এই বিপ্লবী অপ্রকৃতিস্থতা : যুগে যা বলে, বাইরে থেকে যেমনটি দেখায়, প্রত্যেকের ভেতরটা তা থেকে একেবারে আলাদা। কারো বিবেক আর নির্মল নেই। প্রত্যেকেরই এ-কথা ভাবার কারণ আছে

যে সে সব-কিছুর জন্ত অপরাধী, সে জোচ্চোর, ধরা পড়েনি এমন কোনো বদমাস। তুচ্ছতম ওজুহাত পেলেই প্রত্যেকে আত্ম-নির্ধাতনের উৎসব-চিন্তায় ভেসে যেতে পারে। নিজেকেই অসম্মান করেছে লোকেরা, দোষী বলে নিজেকেই ধরিয়ে দিচ্ছে—তা শুধু ভয়েই নয়, যেচ্ছাতেও, অতঃপর এক ধ্বংসোন্মুখ বাসনার ঝাঁকে, যেন এক অলৌকিক মুছার ঘোরে ধরা দিচ্ছে আত্ম-নিপীড়নের সেই দুঃস্বপ্ন আবেগে, একবার রাশ ছেড়ে দিলে আর থাকে থামানো যায় না।

উচ্চপদস্থ সৈনিক সে, প্রায়ই নিশ্চয় সামরিক আদালতে তাকে বিচারক হ'তে হয়েছে, আর সেই হিসেবে নিশ্চয়ই অনেক দণ্ডিত ব্যক্তির স্বীকারোক্তি পড়েছে সে, তাকে শুনতে হয়েছে অনেক এজাহার। আর এখন তার ঝাঁক হয়েছে নিজের মুখোঁস ছিঁড়ে ফেলে তার সারা জীবনকে যাচাই ক'রে দেখবে, হিসেব মেলাবে জমা-খরচের—আর সেই জোরো উত্তেজনার ঘোরে সব-কিছু বীভৎসভাবে বিকৃত ক'রে দেখছে সে।

অসংলগ্নভাবে সে কথা বলছিলো, লাফিয়ে চলছিলো এক স্বীকারোক্তি থেকে আর-এক স্বীকারোক্তিতে।

‘এই সবই ঘটেছিলো চিটা-র কাছে...দেবোজ্ঞে আলমারিতে অদ্ভুত সব জিনিস দেখে আপনি কি অবাক হয়েছিলেন? লাল পট্টন যখন পূর্ব সাইবেরিয়া দখল করলো তখন আমরা জোর ক'রে যে-সব মালপত্র কেড়ে নিয়েছিলাম, ওগুলো তারই অংশ। আমি নিজে ওগুলো ব'য়ে আনি নি এখানে, তা বোধহয় না-বললেও চলে। বিশ্বাসী অল্পচর আমি পেয়েছি সব সময়, সেদিক থেকে আমার ভাগ্য ভালো বলতে হবে। এই সব মোমবাতি, দেশলাই, কফি, চা, লেখার সরঞ্জাম—সবই হ'লো যুদ্ধের কেড়ে-নেওয়া মাল—কিছু চেক, কিছু ইংরেজ ও জাপানি। অদ্ভুত, নয় কি? “নয় কি” আমার স্ত্রী এ-কথাটা খুব বলতেন, নিশ্চয়ই লক্ষ্য করেছেন? এখানে এসে প্রথমে আপনাকে বলবো কিনা ঠিক করতে পারছিলাম না, কিন্তু এখন স্বীকার করতে বাধ্য নেই—আমি ওকে দেখতেই এসেছিলাম, আর আমার মেয়েকে। ওরা এখানে আছে এ-খবরটা খুব দেরিতে পৌঁচেছিলো, আমার কাছে। তাই দেখা হ'লো না। কানাবুঘোর যখন শুনলাম যে

আপনি ওর কাছে আছেন, আর যখন আমার কাছে আপনার নাম করা হ'লো, তখন—কেমন ক'রে তা হ'লো বলতে পারবো না কিন্তু এই ক'বছরে যে-হাজার-হাজার মুখ আমি দেখেছি তার মধ্য থেকে এক ডাক্তার জিভাগোকে তৎক্ষণাত্ মনে পড়লো আমার, সওয়ারাল-জবাবের জন্ত হাঁকে একবার আমার কাছে নিয়ে আসা হয়েছিলো।'

'তখন আমাকে গুলি ক'রে মারার হুকুম দেননি কেন, তা ভেবে কি অহুতপ্ত হয়েছিলেন?'

প্রশ্নটাকে গ্রাহ্য করলো না স্টেলনিকভ। হয়তো শুনতেও পেলো না। নিজের ভাবনায় মগ্ন হ'য়ে সে তার স্বগতোক্তি চালিয়ে যেতে লাগলো।

'স্বভাবতই—ঈর্ষান্বিত হয়েছিলাম—অবশ্য এখনো ঈর্ষান্বিত হ'য়েই আছি। তাছাড়া আর কী আশা করেন?... মাত্র কয়েকমাস আগে এই অঞ্চলে এসেছি আরো পূর্বের দিকে আমার পালাবার জায়গাগুলির খোঁজ তখন ওরা পেয়ে গেছে; মিথ্যা অভিযোগে সামরিক দণ্ড পেতে হবে আমাকে। এর কী ফল বোঝা কঠিন নয়। আমি দোষী নই। ভেবেছিলাম অবস্থাগতিক একটু ভালো হ'লে নিজের সপক্ষে যুক্তি দেখিয়ে আবার সুনাম কিংবা পাবার আশা আছে, তাই স্বযোগ থাকতে-থাকতে, আমাকে গ্রেপ্তার করবার আগেই, পালানো ঠিক করলাম। ভেবেছিলাম, আপাতত লুকিয়ে থাকবো, সন্ন্যাসীর জীবন যাপন করবো, ঘুরে বেড়াবো। হয়তো সফলও হতাম যদি না এক বাচ্চা শয়তান ন্যাকামি ক'রে আমার সব কণা জেনে ফেলে তারপর বিশ্বাসঘাতকতা করতো।

'তখন শীতকাল, সাইবেরিয়ার মধ্য দিয়ে পায়ে হেঁটে, অনাহারে, লোকচক্ষুর আড়ালে থেকে পশ্চিম দিকে পালাচ্ছিলাম। জমাট বরফের মধ্যে অথবা ট্রেনের কামরায় আমি ঘুমোতাম—সাইবেরিয়ার মেন লাইন জুড়ে বরফে চাপা-পড়া অস্তুহীন ট্রেনের সারি দাঁড়িয়ে থাকতো।

'যাই হোক, এই ছেলেটার সঙ্গে দেখা হয়েছিলো, একেবারে রাস্তার ভিখিরির হাল, বললে, পার্টিজানরা তাকে মৃত্যুদণ্ড দিয়েছিলো, কিন্তু বন্স্কের সামনে থেকে সে পালিয়েছে—অজ্ঞান কয়েদিদের সঙ্গে তাকেও লাইনে দাঁড় করিয়ে দিয়েছিলো, কিন্তু ও শুধু আহত হ'লো একটু, তারপর মৃতদেহের স্তূপের

মধ্য থেকে হামাগুড়ি দিয়ে বেরিয়ে এসে জললে পালিয়ে গেলো, সেখানে সেরে ওঠার পর অনররত এখান থেকে ওখানে সে পালিয়ে বেড়াচ্ছে, ঠিক আমারই মতো। এটা অবস্থা ওর গল্প। খারাপ ছিলো ছেলেটা, মূর্খ, স্বভাবও বিকৃত; কুঁড়েমির জন্তু স্থল থেকে ওকে তাড়িয়ে দেওয়া হয়েছিলো।’

স্টেলনিকভ যতোই খুঁটিয়ে বর্ণনা দিতে লাগলো, ইউরির ততোই মনে হ’তে লাগলো যে ছেলেটি তার চেনা।

‘তার নাম কি টেরেটি গালুজিন?’

‘হ্যাঁ, তা-ই।’

‘তাহ’লে পার্টিজানদের হাতে মৃত্যুদণ্ডাজ্ঞা বিষয়ে ও যা বলেছে সব সত্যি। একটা কথাও ওর বানানো নয়।’

‘ছেলেটার একটিমাত্র গুণ তার মাতৃভক্তি। জামিন হিসেবে গুলি ক’রে মারা হয়েছিলো তার বাবাকে, মা হাজতে, আর মায়েরও খুব সম্ভব ঐ দশাই ঘটবে এ-কথা শুনে, ছেলেটা ঠিক করলে যে মাকে উদ্ধার করার জন্য যথাসাধ্য চেষ্টা করবে। স্থানীয় থানায় চ’লে গেলো সে, ধরা দিলো, বললো তাদের জন্য কাজ করতে রাজি আছে। তারা ওকে মাপ করতে রাজি হ’লো এই শর্তে যে কোনো মূল্যবান তথ্য সে ফাঁস ক’রে দেবে। আমার লুকোবার জায়গাটির খবর সে ব’লে দিলে ওদের। কিন্তু ভাগ্যক্রমে আমি ঠিক সময়ে পালিয়ে গিয়েছিলাম।

‘প্রভূত চেষ্টার দ্বারা, অন্তহীন ঘটনাক্রমের মধ্য দিয়ে আমি সাইবেরিয়া পেরিয়ে রাশিয়ার এই অঞ্চলে পৌঁছোলাম। এখানে সকলেই আমাকে এতো ভালো ক’রে চেনে যে আমাকে এখানে খুঁজে পাবার আশা কখনোই তারা করবে না—তা-ই ভেবেছিলাম আমি। তারা কি আর এতোদূর ভাববে যে এখানে আসার মতো কলজে আছে আমার! আর সত্যিও, অনেকদিন পরিস্থিতির আশেপাশে আমাকে খুঁজে বেড়িয়েছে, আর আমি এই বাড়িতে বা এরই কাছাকাছি কোথাও—নিরাপদ ব’লে জানি এমন দু’একটি বাড়িতে লুকিয়ে থেকেছি। কিন্তু সে-সব এখন শেষ হ’য়ে গেছে। ওরা খোঁজ পেয়ে গেছে আমার। এই দেখুন না, এতদিন রাত হ’য়ে যাবে, আর রাত আমার ভালো লাগে না—বহুকাল ধ’রে রাত্রে আমি ঘুমোইনি তো।

কী বিক্রী ঘুমোতে না পারা, তা তো জানেন। যদি আমার মোমবাতি এখনো দু'একটা থেকে থাকে—এই তো, ভালো না এগুলো? খাটি চব্বির মোমবাতি!—এবার কি আরো খানিকক্ষণ কথাবার্তা বলা যায় না? আহ্নন—আরো বলা থাক—যতোকক্ষণ আপনার অসহ্য না লাগে, সারা রাত ধরে, বিলাসীর মতো, মোমের আলোয় কথা বলি আহ্নন।

‘আপনার মোমবাতি সবই আছে। মাত্র এক বাঙালি খুলেছিলাম আমি। এখানে প্যারাক্সিন খুঁজে পেয়ে তা-ই ব্যবহার করছি।’

‘কিটি আছে?’

‘না।’

‘কী খেয়ে বেঁচে আছেন তাহ’লে? কী বোকার মতো প্রশ্ন। নিশ্চয়ই আলু?’

‘ঠিক। যতো ইচ্ছে আলু। ধারা আগে এখানে ছিলেন, তাঁদের ছিলো গোছালো সংসার। আলু মজুত রাখার কায়দাটা খুব ভালো জানতেন; চমৎকার আছে সব তাঁড়ারে—প’চেও যায়নি, জ’মেও যায়নি।’

• হঠাৎ স্টেলনিকভ বিপ্লবের কথা তুললো।

১৭

‘এর কিছুই কোনো অর্থ নেই আপনার কাছে, আপনি বুঝতে পারেননি ব্যাপারটা। একেবারে অগ্র ভাবে মানুষ হয়েছেন। ছিলো অগ্র এক জগৎ—সেখানে বস্তি, ভাড়াটে বাড়ি, রেলের লাইন, শহরতলি। সেখানে ক্রন্দ, ক্ষুধা, ঘেঁষাঘেঁষি ভিড়, শ্রমিকের মহুগুত্বের অবমাননা, নারীর অপমান। আর তারই পাশে ছিলো আছুরে খোঁকাদের জগৎ, বাকবকে ছাত্র তার বাসিন্দা, আর ধনী ব্যবসায়ীর ছেলেরা; সেখানে শাস্তি পাবার ভয় নেই, পাপ সেখানে উদ্ধত ও নির্লজ্জ; যারা দরিদ্র, অপহৃত, অপমানিত, আর যে-সব মেয়েদের তুলিয়ে নিয়ে পথে বলিয়ে ছেড়েছে, তাদের চোখের জলকে কাঁধ নেড়ে বা হেসে উড়িয়ে দেয় ধনীরা; সেই পরজীবীদের রাজত্ব, যাদের একমাত্র বৈশিষ্ট্য এই যে তারা কখনো কোনো বিষয়ে চিন্তা করেনি, কখনো কিছু দেয়নি পৃথিবীকে, কোনো স্বত্তি তাদের অস্তিত্বের পেছনে রেখে যায়নি।

‘কিন্তু আমাদের কাছে জীবন মানেই অভিযান। আমাদের ভালোবেসেছি তাদের অস্ত্র অসাধ্যসাধন করেছি, আর যদি দুঃখ ছাড়া আর-কিছু তাদের না-দিয়ে থাকি, তাহ’লেও এ-কথা সত্য যে তাদের কেশাগ্রভাগেও আঘাত করতে চাইনি আমরা, আর তাদের চেয়ে নিজেরাই বেশি দুঃখ পেয়েছি।

‘কিন্তু আগে একটা কথা আপনাকে বলা আমার কর্তব্য। তারিকিনো ছেড়ে চ’লে যেতেই হবে আপনাকে; আপনার কাছে প্রাণের কোনো মূল্য যদি থাকে তাহ’লে আর দেরি করবেন না। ওরা আমার পেছন-পেছন এসে পড়লো ব’লে, আর আমার ভাগ্যে যা-ই থাক, তার মধ্যে আপনিও জড়িয়ে পড়বেন তখন। ইতিমধ্যেই জড়িত হয়েছেন আপনি, এই যে এখন আমার সঙ্গে কথা বলছেন, তাতেই। অস্ত্র সব না-হয় বাদই দিলাম, এখানে নেকড়ে প্রচুর; সেদিন রাত্রে জঙ্গল থেকে বেরোবার সময় আমাকে গুলি ক’রে-ক’রে পথ চলতে হয়েছিলো।’

‘আপনিই গুলি ছুঁড়ছিলেন তাহ’লে?’

‘হ্যাঁ, আমিই তো। আপনি নিশ্চয় শুনেছিলেন গুলির শব্দ? আর-একটা লুকোনো জায়গার দিকে চলেছিলাম, কিন্তু সেখানে পৌছোবার আগেই এমন অনেক লক্ষণ দেখতে পেলাম যাতে মনে হ’লো সে-জায়গাটার খোজ ওরা পেয়ে গেছে। যারা সেখানে ছিলো তাদের বোধহয় গুলি করা হয়েছে। বেশিক্ষণ আপনার কাছে থাকবো না। রাতটুকু কাটিয়ে সকালবেলাই চ’লে যাবো...বাই হোক, আমি পুরোনো কথায় কিরে বাই, কী বলেন?’

‘এমন নয় যে শুধু মস্কোতে বা রাশিয়াতেই ছিলো এইসব ঐশ্বরস্বায়ী-ইসলামস্বায়ী স্ট্রীট^১, যেখানে শৌখিন টুপি আর মোজা পরা লম্পট যুবকের দল ভাড়াটে গাড়িতে ভাড়াটে ছুঁড়িদের নিয়ে ঘুরে বেড়ায়। সেই রাস্তা, রাস্তার সেই নৈশ জীবন, গত শতকের নৈশ জীবন, সেই ঘোড়দৌড়ের ঘোড়া আর লম্পটের দল—পৃথিবীর সব শহরেই তাদের অস্তিত্ব ছিলো।

‘ঠিক—তা-ই ছিলো। কিন্তু উনিশ শতকে যা ঐক্য দিয়েছে, ক’রে তুলেছে একটি স্বতন্ত্র ঐতিহাসিক যুগ, তা হ’লো সোশ্যালিজম। বিপ্লব, সেই

^১ উনিশ-শতকী মস্কোর বিলাস-কেন্দ্র, লণ্ডনের পিক্যাডিলি বা কলকাতার চৌরঙ্গীর সঙ্গে তুলনীয়।

সব আত্মত্যাগী যুবক, যারা ব্যারিকেডে প্রাণ দিয়েছে, সেই সব প্রচারণক, যারা মাথা খুঁড়ে-খুঁড়ে বের করতে চেয়েছেন কেমন ক'রে ধনের পাশবিক দস্তকে দমন ক'রে দরিদ্রকে মানুষের মর্যাদা ফিরিয়ে দেওয়া যায়। এমনি ক'রে মাস্ত্রবাদের অভ্যুত্থান হ'লো। তা এসে উদ্ঘাটিত ক'রে দিলে পাণের মূল, আবিষ্কার করলো তার চিকিৎসা, হ'য়ে উঠলো বৃহত্তম যুগশক্তি।

‘শ্বেতরক্ষায়া-ইয়ামক্ষায়া স্ত্রীটে সব ছিলো—এই বীরত্ব ও কদৰ্ঘতা, বস্তু ও পাপাচার, ছিলো ঐতিহাসিক ঘোষণা আর ব্যারিকেডে মৃত্যু।

‘আপনি ভাবতে পারবেন না কী স্থানর ছিলো সে, যখন ছেলেবেলায় স্থলে পড়তো। তার কোনো ধারণা নেই আপনার। ওর স্থলের এক বন্ধু থাকতো আমাদের পাশের বাড়িতে; ভাড়াটেরা বেশির ভাগ ছিলো ব্রেস্ট রেল-লাইনের কর্মচারী—তখনকার দিনে ব্রেস্ট লাইন বলা হ'তো—তারপর অবশ্য অনেকবার নাম বদল হ'লো।—আমার বাবা—এখন তিনি ইউরিয়্যাটিন বিপ্লবী বিচারালয়ের সদস্য—বাবা ছিলেন স্টেশনের ফোরম্যান। সেই বাড়িতে যেতাম আমি, সেখানে ওকে দেখতে পেতাম। ছেলেমানুষ ছিলো তখন, কিন্তু তখনই সব-কিছু ছিলো তার মধ্যে—সেই যুগের জ্ঞাততা, সাবধানতা, অশান্তি—সব যেন পড়া যেতো তার মুখে, তার দৃষ্টিতে। যা-কিছু সেই সময়কে তার চরিত্র দিয়েছিলো—কামা, আশা, অপমান, গর্ব ও প্রতিহিংসার সবটুকু সঞ্চয়—তা যেন নিঃশেষে রূপ নিয়েছিলো ওর মধ্যে, ওর মুখের ভাবে, চলার ধরনে, সেই লজ্জা, লাবণ্য ও সাহসের কৈশোর মিশ্রণে। ওর নাম ক'রে, ওরই মুখ থেকে, সেই শতাব্দীকে যেন অভিযুক্ত করা যেতো—আপনি তো মানবেন সেটা সোজা কথা নয়। কোনো দৈব লক্ষণের মতো, নিয়তির মতো ওর চরিত্র। সেটাই ওর জন্মগত অধিকার, যাকে বলে প্রকৃতির দান, ঠিক তা-ই।’

‘কী স্থানর ক'রে আপনি বলেন ওর কথা। সেই সময়ে আমিও দেখেছিলাম ওকে, আপনি যেমন বলছেন আমিও ঠিক তেমনিভাবেই দেখেছিলাম। স্থলের মেয়ে, আবার সেই সঙ্গেই এক গোপন নাটকের নায়িকা। দেয়ালের গায়ে ওর ছায়া পড়লে মনে হ'তো সে-ছায়া এক অসহায়, সতর্ক

আত্মরক্ষার। এই রূপই আমি দেখেছিলাম, এখনো ওর সেই রূপটি মনে পড়ে। আপনি একেবারে ঠিক বলেছেন।’

‘দেখেছেন আপনি, মনে আছে আপনার? কী করলেন সেই স্থিতি নিয়ে?’

‘সেটা আবার অল্প এক গল্প।’

‘তা-ই তো। তা যাক। বুঝতে পারছেন, এই সমগ্র উনিশ শতক—প্যারিসে বিপ্লব, হেরুজেন থেকে শুরু করে দলে-দলে দেশত্যাগী, জারদের প্রাণসংহার—কোনোটা শুধু পরিকল্পিত, কোনোটা কার্ণে পরিণত—পৃথিবী জুড়ে শ্রমিক-আন্দোলন, যোরোপের পার্লামেন্ট আর বিশ্ববিদ্যালয়গুলিতে মাস্ত্রাবাদের প্রচার, চিন্তার এই নতুন পতি, তার অভিনবত্ব, তার দ্রুত সমাধান, তার ব্যঙ্গ, করুণার নামে উদ্ভাবিত করুণাহীন প্রতিকার—সব-কিছুই আত্মস্থ করেছিলেন লেনিন, তিনিই এর অবতার ও অভিব্যক্তি, তাঁরই মধ্য দিয়ে এই নতুন চিন্তা পুরোনো পৃথিবীর চুক্তির ওপর প্রতিশোধ নিলো।

‘আর তাঁরই সঙ্গে-সঙ্গে সারা জগতের চোখের সামনে উদ্ভিত হ’লো রাশিয়ার অপরিমেয় বিশাল মূর্তি, মানবজাতির সমস্ত দুঃখদুর্দশার পরিজ্ঞানের মতো অগ্নিশিখার প্রজ্জ্বলিত হ’লো রাশিয়া। কিন্তু এ-সব বলছি কেন আপনাকে? আপনার কাছে এ-সবের তো কোনো অর্থ নেই।

‘এই মেয়েরই জন্ত পড়াশুনো করে স্কুলের শিক্ষক হলাম আমি, চ’লে গেলাম অজ্ঞাতবাসে, ইউরিয়াটিনে। ওরই কথা শুনে রাশি-রাশি বই গিলেছি, পুস্তিত করেছি জ্ঞানের বোঝা—যদি কখনো ওর প্রয়োজন হয়, কখনো ওর কাজে লাগতে পারি। বিয়ের তিন বছর পরে, ওকে নতুন করে জয় করার জন্ত, আমি যুদ্ধে চ’লে গেলাম, আর যুদ্ধের পরে আমি যখন বন্দীদশা থেকে মুক্তি পেলাম, আর সবাই জানলো আমি মারা গেছি, তখন সেই স্বৰ্ণোণে আমি খাঁপ দিলাম বিপ্লবে, যতো অজ্ঞান ওর ওপর করা হয়েছে, সব বাতে শোধ করে দিতে পারি, ধুয়ে দিতে পারি সব দুঃখের স্থিতি, আর কখনো বাতে অতীতে ফিরে যেতে না হয়, কোনো ঐশ্বর্য্য-ইয়ামস্কার আর অস্তিত্ব না থাকে। আর সমস্তটা সময় ওরা কাছেই ছিলো আমার—ও, আমার মেয়ে—এই এখানেই ছিলো! ছুটে চ’লে যেতে

চেয়েছি ওদের কাছে, কতো কষ্টে সেই ইচ্ছে চেপে রাখতে হয়েছে! না, আগে আমার জীবনের ব্রত উদ্‌ঘাপন করা চাই। আর এখন—ওদের একবার শুধু চোখে দেখার জন্ত কী না দিতে পারি আমি! ও ঘরে এলে মনে হ'তো সব ক'টা জানলা খুলে গেলো, ঘর ভ'রে গেলো বাতাসে আর আলোতে।'

'আমি জানি ওকে আপনি কতো ভালোবেসেছিলেন। কিন্তু—কমা করবেন, সে আপনাকে কতোটা ভালোবেসেছিলো তা কি আপনি জানেন?'

'শুনতে পাইনি। কী বললেন?'

'আমি গিজেস করছিলাম, সে আপনাকে কতো ভালোবাসতো তা কি জানেন আপনি?—জগতে আর কাউকে অতো ভালোবাসতো না।'

'ও-কথা কেন বলছেন?'

'সে নিজেই আমাকে বলেছিলো একদিন।'

'বলেছিলো? আপনাকে?'

'হ্যাঁ, বলেছিলো।'

'কমা করবেন, আমি বুঝতে পারছি যে নির্বোধের মতো কথা বলছি, কিন্তু—যদি পারেন—যদি অসম্ভব না হয়—দয়া ক'রে বলবেন কি সে আপনাকে ঠিক কী বলেছিলো?'

'সানন্দে বলছি। বলেছিলো—মাহুঘের বা হওয়া উচিত আপনি ঠিক তা-ই, আপনার সমকক্ষ সে কোথাও জাখেনি, যে আপনি আন্তরিকতার গুণে অতুলনীয়, আপনার সঙ্গে যে-বাসা সে বেঁধেছিলো তাতে ফিরে যেতে পারলে সে পৃথিবীর শেষ প্রান্ত থেকে বৃকে হেঁটে-হেঁটে সেখানে চ'লে যায়।'

'কমা করবেন, আপনার অন্তরঙ্গ জীবনে উঁকি দিতে চাচ্ছি না, কিন্তু ঠিক কী-রকম অবস্থার মধ্যে ও-কথা সে বলেছিলো তা আপনার মনে আছে কি?'

'এই ঘরটা গুছোচ্ছিলো সে, কার্পেট ঝাড়ার জন্ত একবার বাইরে গেলো।'

'হুঃখিত, কোন কার্পেট? ছুটো তো আছে।'

‘ঐ যে—ঐ বড়োটা।’

‘ওর পক্ষে বড় ভাৰি তো ওটা—আপনি কি সাহায্য করেছিলেন?’

‘করেছিলাম।’

‘হু’জনে হু’দিক থেকে ধরলেন কার্পেটটা, পেছন দিকে অনেকখানি গা এলিয়ে সে দুই হাত উচু ক’রে দাঁড়ালো, ধুলো বাঁচাবার জন্য মুখ ফিরিয়ে চোখ কঁচকে হেসেছিলো তারপর—তা-ই না? তেমনি কি হয়নি সব? আমি-কি চিনি না ওর ধরন-ধারন! তারপর আপনারা পরস্পরের দিকে হেঁটে এগিয়ে এলেন, কার্পেটটাকে প্রথমে হু’ভাঁজ, তারপর চার ভাঁজ ক’রে—ঠাট্টা ক’রে মুখভঙ্গি করলে সে। করলে না? তা-ই করলে না?’

উঠে দাঁড়ালো তারা হু’জনে, দুই জানলার সামনে গিয়ে দুই ভিন্ন দিকে তাকিয়ে রইলো। একটু পরে স্টেলনিকভ এগিয়ে এলো ইউরির কাছে, তার দুই হাত নিজের হাতে তুলে নিয়ে চেপে ধরলো বুকের ওপর, তারপর আগের মতো দ্রুতবেগে ব’লে যেতে লাগলো :

‘কমা করবেন। বুঝতে পারছি আপনার প্রিয় এবং পবিত্র স্মৃতিগুলিকে নাড়া দিচ্ছি। কিন্তু যদি অহুমতি করেন, আরো কিছু জিজ্ঞেস করতে চাই আপনাকে। দয়া ক’রে চ’লে যাবেন না। আমাদের একা ফেলে যাবেন না। একটু পরে আমি নিজেই চ’লে যাবো। ভাবুন একবার, ছ’বছরের বিচ্ছেদ, ছ’বছর ধ’রে অমানুষিক আত্মসংযম। কিন্তু আমি সারাক্ষণ ভেবেছি যে এখনো আমরা পূর্ণ স্বাধীনতা লাভ করিনি। ভেবেছিলাম, যখন তা লাভ করবো তখন, আমার হাত বন্ধনমুক্ত হবে, আমার আমি ওদের হবে। আর এখন, আমার সব পরিকল্পনা ব্যর্থ হ’য়ে গেলো। কাল ওরা আমাদের প্রেস্তার করবে। আপনি ওর আপন, ওর প্রিয়। হয়তো কোনোদিন ওর সঙ্গে দেখা হবে আপনার...কিন্তু কী সব বলছি!...পাগল হ’য়ে গেছি আমি। ওরা আমাদের প্রেস্তার করবে, আমাদের আমার নিজের সপক্ষে একটা কথাও বলতে দেবে না। চীৎকার করতে-করতে, গাল পাড়তে-পাড়তে ওরা আসবে আমার দিকে এগিয়ে, চেপে ধরবে আমাদের। আমি কি জানি না কী-ভাবে এ-সব করা হয়!’

অবশেষে এক সময়ে ইউরি ঘুমোতে পারলো। অনেকদিন পরে রাজ্যে শোয়ামাত্র ঘুমিয়ে পড়লো সে। স্ট্রেলনিকভ সে-রাতটা থেকে গেলো ; তাকে পাশের ঘরে থাকতে দিলো ইউরি। অল্প কয়েকবার ইউরি জেগে উঠে পাশ ফিরেছে কি খুঁনি পর্যন্ত টেনে নিয়েছে কখন, কিন্তু তখনো সে অছত্তব করেছে ঘুমের পুনরুজ্জীবনী শক্তি, তখনি আবার আরামে তলিয়ে গেছে সে। ভোরের দিকে ইউরি কয়েকটি ছোটো-ছোটো ছায়াছবির মতো স্বপ্ন দেখলো, তার ছেলেবেলার স্বপ্ন, এমন স্পষ্ট ও যুক্তিযুক্ত যে তার মনে হ'লো যেন সত্যি। স্বপ্ন দেখলো, তার মায়ের আঁকা একটি জলরঙা ছবি—ইটালিয়ান রিভিয়েরার একটি স্থানের দৃশ্য—সেটি দেয়াল থেকে খ'সে প'ড়ে গেলো। চোখ খুললো ইউরি। 'না, তা তো হ'তে পারে না,' সে ভাবলো। 'এ হ'লো আশ্চর্য, লারার স্বামী, স্ট্রেলনিকভ, ব্যাংকালের ভাষায় শুটমার নেকড়েদের ভয় দেখাচ্ছে।' 'কিন্তু না, কী বাজে কথা। ও তো ছবিই। ঐ তো ওখানে, মেঝের ওপর প'ড়ে আছে।' ইউরি নিশ্চিন্ত হ'য়ে আবার স্বপ্ন দেখতে লাগলো।

খুব দেরিতে ঘুম ভাঙলো তার, বেশি ঘুমিয়ে মাথা ধ'রে গেছে। প্রথমটায় ভেবে গেলো না সে কে, বা কোথায় আছে।

তারপর মনে পড়লো : 'স্ট্রেলনিকভ আছে এখানে। বেলা হ'য়ে গেছে, এবার উঠে কাপড় প'রে নিতে হবে। সে নিশ্চয়ই উঠে পড়েছে এতোক্ষণে। যদি না উঠে থাকে, তাহ'লে ডেকে দেবো, কফি তৈরি করবো, দু'জনে খাবো একসঙ্গে ব'সে।

'পাভেল পাভলোভিচ !' ডাকলো ইউরি।

উত্তর এলো না। 'এখনো ঘুমিয়ে আছে। খুব গভীর ঘুম বলতে হবে।' তাড়াহড়ো না-ক'রে সে জামা-কাপড় প'রে নিলো, তারপর গেলো পাশের ঘরে। স্ট্রেলনিকভের ফার-এর টুপিটা প'ড়ে আছে টেবিলের ওপর, কিন্তু বাড়ির মধ্যে কোথাও সে নেই। 'হাটতে বেরিয়েছে নিশ্চয়ই। কিন্তু টুপি নেয়নি। ও-রকমই অভ্যেস ক'রে নিচ্ছে। আজই তারিকিনো ছেড়ে যাওয়া

উচিত আমার, কিন্তু এখন বড্ড দেরি হ'য়ে গেছে। আবার বড্ড দেরি ক'রে উঠেছি, রোজই হচ্ছে এই রকম।'

রান্নাঘরে উঠুন ধরিয়ে একটা বালতি নিয়ে সে কুয়োর দিকে চললো। দরজা থেকে কয়েক গজ দূরে, পথ জুড়ে প'ড়ে আছে স্ট্রেলনিকভ, একটা বরফের স্তুপের মধ্যে তার মাথা গোঁজা। নিজে থেকে গুলি করেছে সে। তার বাঁ দিকে কপালের তলায়, যেখান থেকে রক্ত গড়াচ্ছে, লাল খণ্ড হ'য়ে জ'মে আছে বরফ। রক্তের ফোঁটা ছিটকে গিয়ে গড়িয়ে পড়েছে বরফের ওপর, দেখাচ্ছে জমানো জামফলের দানার মতো।

পরিচ্ছেদ ১৫

উপসংহার

শুধু বাকি রইলো জিজ্ঞাসাগোর জীবনের শেষ আট কি দশ বছরের সংক্ষিপ্ত কাহিনী। এই কয় বছরে আরো নষ্ট হ'য়ে গেছে সে, ক্রমশ হারিয়ে ফেলেছে ডাক্তার ও লেখক হিসেবে তার জ্ঞান ও প্রতিভা : কচিং কখনো লিখতে শুরু করে বটে, কিন্তু সেই ক্ষণিকের উদ্দীপনা জ'লে উঠেই নিবে যায়, নিঃশেষ হ'য়ে যায় নিজের প্রতি ও জগতের সব-কিছুর প্রতি তার দীর্ঘায়িত উদাসীনতার মধ্যে। নিজের যে-স্বদরোগ সে আগেই নির্ণয় করেছিলো, কিন্তু সাংঘাতিক ব'লে বোঝেনি, এই কয় বছরে সেই রোগ আরো অগ্রসর হ'লো।

মস্কোতে যখন এলো, নতুন অর্থনৈতিক বিধান^১ তখন সবেমাত্র জারি হয়েছে। সোভিয়েট রাজত্বের সবচেয়ে কৃত্রিম ও অনিশ্চিত অবস্থা সেটা। পার্টিজানদের হাত থেকে পালিয়ে সে যখন ইউরিয়্যাটনে এসেছিলো, তখনকার চেয়েও শীর্ণ, অবহেলিত ও অপরিচ্ছন্ন তার এখনকার চেহারা। তার যে-সব পোষাকের কিছুমাত্রও মূল্য ছিলো, যাত্রাপথে একে-একে সেগুলোকেও খুলে দিতে হয়েছে, তার বদলে চেয়ে নিতে হয়েছে ক্রটির টুকরো বা লজ্জানিবারণের জন্ত ছেঁড়া, পুরোনো ছ'একটা কাপড়। এমনি ক'রে তার অবশিষ্ট স্মৃতি আর ফারের কোটটি থেকে কোনোমতে পেট চালিয়ে সে মস্কোতে পৌঁচেছে ছাইরঙা ভেড়ার চামড়ার টুপি, পটি, আর একটি জীর্ণ আর্মি-ওভারকোট প'য়ে। কোটের একটিও বোতাম না-ধাকায় দেখতে হয়েছে কয়েদির

১ নতুন অর্থনৈতিক বিধান (New Economic Policy) : ৬৫৬ পৃষ্ঠার পদটীকা দ্রষ্টব্য।
—অনুবাদের টীকা।

ওতারালের মতো। এই পোষাকে ইউরি সেইসব অসংখ্য সেপাইদের মধ্যে একেবারে মিশে গিয়েছিলো, শহরের পার্ক, রাস্তা আর স্টেশন দ্বারা আচ্ছন্ন করে ফেলেছে।

সে একা আসেনি। তার মতোই সেপাইদের পরিত্যক্ত পোষাক-পরা একটি স্ত্রী তরুণ কৃষক সর্বত্র তাকে অনুসরণ করছিলো। তখনো মন্সোনে এমন দু'একটি ড্রিংকম ছিলো, যেখানে সবাই তাকে মনে রেখেছে, অভ্যর্থনাও জানিয়েছে (অবশ্য তারা স্নান করে নিয়েছে কিনা সে-খবরটা কোশলে জেনে নিতে কেউ ভোলেনি। টাইফাসের মড়ক চলছে তখনো), তার সঙ্গীকে নিয়ে ইউরি সে-সব বাড়িতে এই অবস্থাতেই উপস্থিত হ'লো। সেখানেই জানতে পারলো কী-অবস্থায় প'ড়ে তার স্ত্রী-পুত্রদের রাশিয়া ত্যাগ করতে হয়েছে।

ইউরি আর সেই ছেলেটি দু'জনেই লাজুক; এতো বেশি লাজুক যে তারা একা কোথাও যায় না, পাছে অন্যদের সঙ্গে কথা বলতে হয়। ইউরির কোনো বন্ধুবান্ধবের আড্ডায় গেলেও এই দুই শীর্ণকায় মানুষ আশ্রয় নিতো এক কোনায়, যাতে সাধারণ কথাবার্তায় অংশ না নিয়ে সন্ধেটা চুপচাপ কাটাতে পারে। সর্বত্র ঐ ছেলেটি তার সঙ্গী ছিলো। দীর্ঘ, শীর্ণ দেহ আর জীর্ণ বস্ত্রে ডাক্তারকে মনে হ'তো যেন কোনো 'সত্যাস্থেবী' কৃষক, আর এই সঙ্গীটি যেন ধৈর্যশীল ও অন্ধভাবে অহুগত এক শিশু।

কে এই সঙ্গীটি?

২

ভ্রমণের শেষ পর্যায়ে ট্রেনে চড়লেও আগের দীর্ঘতর অংশে ইউরি হেঁটেই এসেছে।

পার্টিজানদের পরিত্যাগ করার পর যে-সব গ্রাম সে দেখেছিলো, গ্রাম তেমনি বিধ্বস্ত সব গ্রামের মধ্য দিয়ে এবারেও তাকে চলতে হ'লো। তফাৎ শুধু এই যে তখন ছিলো শীতকাল, আর এখন গ্রীষ্মের শেষ, তখনো উষ্ণ হেমন্তের আরম্ভ; ঋতুর জন্তাই সব একটু সহজ হ'য়ে গেছে।

অর্ধেক গ্রামই জনশূন্য, খেতগুলো পরিত্যক্ত প'ড়ে আছে, ফসল কেটে নেবার কেউ নেই, ঠিক যেন শত্রুপক্ষের আক্রমণে বিধ্বস্ত।

এই হ'লো কলাকল - গৃহযুদ্ধের ।

সেপ্টেম্বরের শেষের দিকে তিন দিন ধরে তাকে এক নদীর খাড়া পাড় ধরে হাঁটতে হয়েছিলো । নদী ছিলো তার ডানদিকে আর বাঁ দিকে বিস্তীর্ণ অনাবাদি জমি রাস্তা থেকে দিগন্তের মেঘপুঞ্জ পর্যন্ত ছড়িয়ে ছিলো । অনেকদিন পরে-পরে অরণ্য তাদের পথ আটকেছে । বেশির ভাগই ওক্, মেপ্ল আর এল্‌মের বন । গভীর খাদ বেয়ে অরণ্য মাঝে-মাঝে নেমে গেছে, নদীতে খাড়া হ'য়ে নেমে এসে পথ বন্ধ ক'রে দিয়েছে ।

পরিত্যক্ত খেতগুলিতে পাকা শস্ত ফেটে গিয়ে ছড়িয়ে পড়েছে মাটিতে । মূঠো ভ'রে তাই কুড়িয়ে নিয়েছে ইউরি, সেক্ক করার কি মণ্ড রাঁধার উপায় না-পেয়ে কাঁচাই মুখে পুরেছে, কষ্ট ক'রে শুঁড়ো করেছে দাঁত দিয়ে । তার চেয়েও অবশ্য বেশি কষ্ট হয়েছে সেই কাঁচা আধো-চিবোনো অথাত্ত হজম করতে ।

রাগি শস্তের এমন অলঙ্কুনে চেহারা সে জীবনে জাখনি—মরচে-পড়া ব্রাউন রং, মলিন-হ'য়ে-যাওয়া পুরোনো সোনার মতো । সাধারণত, ঠিক সময়ে কাটা হ'লে, আরো অনেক হালকা হয় রংটা ।

বিনা আগুনে জলতে-জলতে এই আগুন-রঙা খেতগুলি নিঃশব্দে তাদের দুঃখের কথা প্রচার করছিলো ; তাদের গ্রাহ না-ক'রে বিশাল, শান্ত আকাশ ধার ঘেঁষে চলে গেছে ; ইতিমধ্যেই শীতর্ষ সেই আকাশ, তার গায়ে ছায়া ফেলেছে লম্বা-লম্বা ফেনা-তোলা বরফের মেঘ, শাদা শরীরে কালো-কালো বিন্দু নিয়ে অস্বহীনভাবে ভেসে চলেছে ।

অনন্ত, ধীর, সমতাল গতি সব-কিছুর : নদীর ব'য়ে চলা, সেই নদীর সঙ্গে মিলিত হবার জন্ত পথের বাঁক নেওয়া, আর মেঘের সঙ্গে-সঙ্গে একই দিক ধরে হেঁটে-চলা ইউরির । রাগির খেতগুলিও স্থবির নয়, কী যেন চঞ্চল ক'রে তুলেছে তাদের, মুহূ অথচ অস্বহীন অহুসঙ্কান চলছে এ-প্রান্ত থেকে ও-প্রান্ত পর্যন্ত । ইউরির যেন বমি পেলো তাতে ।

ইদুরের এমন উপজীব আর হয়নি । অবিশ্রান্তভাবে তাদের বংশবৃদ্ধি হয়েছে, আগে কখনো এমন দেখা যায়নি । রাজে অন্ধকারে ঘিরে ধরে ইউরিকে, যখন খোলা আকাশের তলায় তাকে রাত কাটাতে হয়, তখন তার মুখ আর হাতের ওপর, তার জামার হাতা আর প্যাণ্টের ভেতরে

ছুটোছুটি ক'রে বেড়ায়। তাদের অতিভুক্ত ও অতিপ্রজ বাহিনী দিনের আলোয় ছুটোছুটি করে রাত্তার ওপর দিয়ে, কেউ মাড়িয়ে দিলে ধুকপুক বুকে চিঁ-চিঁ আওয়াজ করতে-করতে কাদার তালে পরিণত হ'য়ে যায়।

গ্রামের দোআঁশলা লোমশ কুকুরগুলো হিংস্র হ'য়ে উঠেছে; ভত্রগোছের দূরত্ব বজায় রেখে ইউরিকে অহুসরণ করছিলো তারা, পরস্পরের সঙ্গে দৃষ্টিবিনিময় করছিলো, যেন তার ওপর ঝাঁপিয়ে পড়ে তাকে টুকরো-টুকরো ক'রে ফেলার সবচেয়ে ভালো সুযোগের বিষয়ে মনস্থির করতে পারছেন না। মৃত প্রাণীর গলিত শব্দে তারা বেঁচে আছে, ইঁদুর-ভোজন থেকেও বিরত হয় না। দূর থেকে তারা চোখ রাখছিলো ইউরির ওপর, তাদের চলার ভঙ্গিতে বেশ আশ্ববিশ্বাস, যেন কিছু-একটার অপেক্ষা করছে। কে জানে কেন, কুকুরগুলো কখনোই কোনো বনের ভেতরে ঢুকছিলো না। ইউরি যতোবার কোনো বনের কাছে এসেছে, আন্তে-আন্তে কেটে পড়েছে তারা, ল্যাজ গুটিয়ে হাওয়া হ'য়ে গেছে।

অরণ্য ও প্রান্তরের একেবারে বিপরীত চেহারা ছিলো তখন। মাহুঘের দ্বারা পরিত্যক্ত হওয়ার প্রান্তরকে মনে হ'তো অনাথ, যেন মাহুঘের অল্পপস্থিতিতে অভিশপ্ত; কিন্তু মাহুঘের হাত থেকে নিষ্কৃতি পেয়ে অরণ্যের বন্দীদশা যেন ঘুচে গেছে, স্বাধীনতা পেয়ে সগর্বে বিকশিত হ'য়ে উঠেছে।

বাদাম সাধারণত পাকতে পারে না; লোকেরা, বিশেষত গ্রামের ছেলেমেয়েরা, কাঁচা বাদামই পেড়ে নেয়, আন্ত-আন্ত ভাল ভেঙে ফ্যালে। কিন্তু এখন হেমন্তের অরণ্যে ছাওয়া খাদ আর পাহাড়গুলিতে ঘন হ'য়ে আছে ধশধশে সোনালি পাতা, ধুলো পড়েছে গায়ে, রোদ্দুরে মোটা হ'য়ে উঠছে পাতাগুলো, আর তাদের মধ্যে, যেন ফিতে দিয়ে বাঁধা, ফুর্তিতে ফুলে-ফুলে আছে গোছা-গোছা বাদাম, একসঙ্গে তিন-চারটে ক'রে, সুপক, খোসা থেকে বেরোবার জন্য প্রস্তুত। পকেট আর বাকলের থলে ভর্তি ক'রে নিয়ে ইউরি সেই বাদাম ভেঙে চিবোতে-চিবোতে পথ চলেছে। পুরো এক সপ্তাহ ধ'রে এ ছাড়া আর কিছু সে খায়নি।

তার মনে হ'তো সাম্ভাব্যিক জরের ঘোরে প্রান্তরগুলি গুড়ে বাজে,

আর অরণ্যে আছে রোগমুক্তির আশ্রম—যেন অরণ্যে ঈশ্বরের আবাস,
আর খেতে ওং পেতে আছে শরতান।

৩

তার ভ্রমণের এইরকম সময়ে এক পরিত্যক্ত পুড়ে-বাওয়া গ্রামে গিয়ে পড়েছিলো সে। যে-দিকটা নদীর উল্টো দিকে, তাতে বাড়িগুলো সার বেঁধে দাঁড়িয়ে আছে। সেই বাড়ির সারি আর নদীর খাড়াই পাড়ের মাঝখানকার জমির ফালিটুকুতে বাড়ি-ঘর তোলা হয়নি।

পুড়ে কালো-হ'য়ে-বাওয়া ছ'একটা বাড়ি তখনো দাঁড়িয়ে আছে, কিন্তু সেগুলিরও বাসিন্দা নেই। ভস্মীভূত ইট-স্বরকির তুপ ছাড়া অগ্নিগুলির কিছুই অবশিষ্ট নেই, চুল্লির কালো-কালো নলগুলি তাদের মধ্যে থেকে উঁকি দিচ্ছে।

নদীর সামনেকার পাহাড়গুলিতে এতো গর্ত যে দেখতে হয়েছে মৌচাকের মতো। জাঁতার পাথরের জগ্ন পাহাড় কেটেছে গ্রামবাসীরা, এই ছিলো তাদের জীবিকা। যে-সামান্য কয়েকটি বাড়ি তখনো দাঁড়িয়ে ছিলো তাদের মধ্যে একেবারে শেষ বাড়িটির সামনে এইরকম একটা অসমাপ্ত পাথর প'ড়ে ছিলো। অগ্নি বাড়িগুলির মতো এই বাড়িটিও জনহীন।

ইউরি ভেতরে গেলো। শাস্ত সন্ধ্যা; কিন্তু দোরগোড়ায় পা রাখতেই মনে হ'লো দমকা হাওয়া ঢুকলো বাড়ির ভেতরে। মেঝেতে গড়াচ্ছে ঘাসের চাপড়া আর খড়ের গাদা, দেয়ালে বাড়ি খাচ্ছে কাগজের টুকরো; সমস্ত বাড়িটা যেন চঞ্চল হ'য়ে আছে, বেড়াচ্ছে ন'ড়ে-চ'ড়ে। সারা গ্রামটার মতো এই বাড়িটিও ইঁদুরে ভর্তি, চারদিকে ছুটোছুটি ক'রে বেড়াচ্ছে কিচমিচ করতে করতে।

ইউরি বেরিয়ে এলো। গ্রামের পেছনে, মাঠের প্রান্তে সূর্য অস্ত যাচ্ছে, উষ্ণ সোনাল ভেসে গেছে উল্টোদিকের পারে ঝোপঝাড়। নদীর নালা, তার স্নান-হ'য়ে-আশা ছায়া নদীর মধ্যভাগ পঞ্চস্ত পৌঁছেছে। ঘাসের ওপর একটা জাঁতাকলের পাথর প'ড়ে ছিলো, রাস্তা পার হ'য়ে এসে ইউরি সেটার ওপর ব'সে পড়লো।

নদীর ধার থেকে উঠে এলো একটি হালকা রঙের চুলে ভর্তি মাথা, তারপর কাঁধ দেখা গেলো, তারপর হাত। এক বালতি জল নিয়ে একজন খাড়া পথ বেয়ে ওপরে উঠছে। ইউরিকে দেখে থেমে পড়লো, তখনো মাত্র কোমর অবধি দেখা যাচ্ছে তার।

‘জল খাবেন? আমাকে যদি না মারেন, আমিও আপনাকে মারবো না।’

‘ধন্যবাদ। হ্যাঁ, একটু জল পেলে ভালো হয়। কিন্তু এখানে এসো না! ভয় কী? তোমাকে আমি মারতে যাবো কেন?’

ছেলেটি বয়সে কিশোর—খালি পা, পরনে ছেঁড়া কাপড়, উকোথুকো চেহারা।

ইউরির সহৃদয় কথা শুনেও উদ্ভিগ্ন এবং সন্দেহভাবে তার দিকে তাকিয়ে রইলো ছেলেটি। যে-কোনো কারণেই হোক, মনে হ’লো যে ক্রমশই যেন আরো বেশি উত্তেজিত হ’য়ে উঠছিলো সে। অবশেষে বালতিটা নামিয়ে রেখে ছুটে এলো ইউরির দিকে, কিন্তু মাঝপথে থেমে গিয়ে বিড়বিড় করলো:

‘না, তা নয়...তা হ’তে পারে না...আমি নিশ্চয়ই স্বপ্ন দেখছি। মাপ করুন কমবেড, একটা কথা বলি। আমার মনে হচ্ছে আপনাকে আমি চিনি। হ্যাঁ! হ্যাঁ! ঠিক তা-ই! আপনি সেই ডাক্তার না?’

‘আর তুমি?’

‘আমাকে চেনেন না?’

‘না তো।’

‘মস্কো থেকে আসার সময় এক ট্রেনে ছিলাম আমরা, একই কামরায়। আমাকে মজুরির জন্ত জোর ক’রে ধ’রে নিয়ে গিয়েছিলো।’

ছেলেটি হ’লো ভাসিয়া ব্রিকিন। ইউরির সামনে মাটির ওপর প’ড়ে গেলো সে, তার হাতে চুমু খেতে-খেতে কাঁদতে লাগলো।

এই দৃশ্য ধঃসাবশেষ তার নিজের গ্রাম ভেবেরেটেকি। তার মা মারা গেছেন। গ্রাম ধঃস হবার সময় সে পাহাড়ের গুহায় আত্মগোপন ক’রে ছিলো, কিন্তু তার মা ভেবেছিলেন তাকে বুঝি শহরে নিয়ে গেছে, শোকে পাগল হ’য়ে নদীতে ঝাঁপ দেন তিনি, তারা এখন যে-উচু পাথরটার ওপর

ব'লে কথা বলছে, ঠিক তারই ভলা দিয়ে ব'য়ে চলেছে যে-পেলগা নদী। তার দুই বোন, আলিয়া আর আরিয়া নাকি অল্প কোম জেলায় এক অনাথ আশ্রমে আছে, কিন্তু তাদের বিষয়ে সঠিকভাবে সে কিছুই জানে না। ইউরির সঙ্গে মন্সোর দিকে রওনা হ'লো সে, পথে যেতে-যেতে অনেক ভয়াবহ ঘটনার কথা বললে।

৪

‘ও হ'লো গত শীতের ফসল, নষ্ট হ'য়ে যাচ্ছে। বীজ পোতা সবে শেষ হয়েছে, এমন সময় গোলমাল শুরু হলো। পোলিয়া মাসি তখন চ'লে গেছে। পোলিয়া মাসিকে মনে আছে আপনার ?’

‘না। কখনো চিনতামও না তাঁকে। কে তিনি ?’

‘পোলিয়া মাসিকে চিনতেন না! আমাদের সঙ্গে এক ট্রেনেই তো ছিলেন! ঐ যে, খুব লম্বা-চওড়া ফর্সা পানা চেহারা, সোজা চোখের দিকে তাকিয়ে কথা বলে।’

‘ঐ যিনি শুধু চুল বাঁধতেন আর চুল খুলতেন ?’

‘হ্যা, হ্যা! ঐ যার চুল বিছানি করা ছিলো—সেই।’

‘হ্যা, মনে আছে। দাঁড়াও, এবার মনে পড়ছে, পরে সাইবেরিয়ার এক শহরে তাঁর সঙ্গে দেখা হয়েছিলো। পথের মধ্যে দেখা হ'লো আমাদের।’

‘সত্যি বলছেন! পোলিয়া মাসির সঙ্গে দেখা হয়েছিলো!’

‘আরে হ'লো কী তোমার ? ও-রকম ক'রে আমার হাত বাঁকাচ্ছে কেন ? দেখো, দেখো, আমার হাত দুটোকে ছিঁড়ে ফেলো না। মেয়েদের মতো গাল লাল হ'লো কেন তোমার !’

‘বলুন, শিগগির বলুন, কেমন আছেন উনি ? বলুন !’

‘আমি যখন দেখেছিলাম তখন তো ভালোই ছিলেন। তোমার কথা, তোমার আত্মীয়-স্বজনের কথা বললেন। তোমাদের সঙ্গে থাকতেন বলেছিলেন—না কি আমি ভুল করছি ?’

‘থাকতেন বইকি, নিশ্চয়ই থাকতেন। আমাদের সঙ্গে থাকতেন উনি। মা ঠুকে নিজের বোনের মতো ভালোবেসেছিলেন। খুব শান্ত আর

খুব কাজের মানুষ। ছুঁচের কাজ কি ভালোই না করতেন। উনি যতোদিন আমাদের সঙ্গে ছিলেন, ততোদিন আমাদের কিছুই অভাব ছিলো না। কিন্তু যতো বাজে কথা ব'লে ভেরেটেনিকিতে ওর জীবন ওরা অতিষ্ঠ ক'রে তুললো।

‘পচা খালীম নামে একটা লোক আছে গ্রামে। পোলিয়াকে বাগাবার তালে ছিলো সে। মহা নিন্দুক, তার নাকটা প'চে-প'চে খ'সে গেছে। পোলিয়া মাসি তো ওর দিকে ফিরেও তাকাবে না। ঐ জন্তু আমার ওপর রাগ ছিলো তার। তাই পোলিয়ার সঙ্গে আমার নাম জড়িয়ে যা-তা বলতে শুরু করলো। এই ভাবেই শুরু হ'লো ব্যাপারটা। শেষ পর্যন্ত এখান থেকে চ'লে যেতে হ'লো পোলিয়াকে, আর সহ করতে পারছিলো না সে। আমাদের সব দুঃখের সেই হ'লো স্ত্রপাত।

‘কাছেই এক জায়গায় একটা ভয়ানক খুন হ'লো। ব্যুরোস্কোয়ের কাছে। যে খুন হ'লো সে এক বিধবা। জঙ্গলের মধ্যে একলা একটা বাড়িতে থাকতো সে। একেবারে একা। জঙ্গলের ধার ঘেঁষে তার খেত-খামার ছিলো। ইলাস্টিক স্ট্র্যাপে আটকানো পুরুষের বুটজুতো প'রে সে ঘুরে বেড়াতো; শেকলে বেঁধে হিংস্র একটা কুকুর পুষতো বাড়িতে। শেকলটা এতো লম্বা যে চারদিকে ছুটে বেড়াতে পারতো কুকুরটা—ওটাকে ডাকতো গলান ব'লে। গেরস্তালি আর চাষবাসের কাজ একাই চালাতো বুড়ি, চাকর মজুর কিছুই ছিলো না। তারপর গত বছর নীত এসে পড়লো একেবারে আশাতীত রকম অসময়ে। খুব শিগগির বরফ পড়তে শুরু করলো, বুড়ির তখনো আলু তোলা হয়নি। তাই ভেরেটেনিকিতে এসে বললো, “আমার লোক চাই। টাকা চাও তো তা-ই দেবো, নয়তো আলুর ভাগও নিতে পারো।”

‘আমি ওর মজুর খাটতে রাজি হলাম, কিন্তু ওর খেতে পৌছে দেখি খালীম সেখানে হাজির, আমার আগেই কাজটা সে নিয়ে নিয়েছে, আর বুড়িও আমাকে তা জানাবার দরকার বোধ করেমি। যাক, এ নিয়ে খালীমের সঙ্গে ঝগড়া করতে ইচ্ছে হ'লো না, দু'জনে মিলেই ক'রে দিলাম কাজটা। বিতিকিচ্ছিরি দিন—বুড়ি, বরফ, কাদায় ধৈ-ধৈ; আমরা মাটি খুঁড়ে-খুঁড়ে আলু তুলছি, আর আগাগুলো জড়ো ক'রে পোড়াজি ধোঁয়ায়

আলু শুকোবার জন্ত। কাজ শেষ হ'লে বুড়ি আমাদের পাওনা-গণ্ডা ঠিক-ঠিক চুকিয়ে দিলে। খালীমকে বিদেয় দেওয়া হ'লো, কিন্তু আমার দিকে চোখ টিপে বুড়ি আমাকে থেকে যেতে বললে, নয়তো পরে ঘুরে আসতে।

‘আমি তো আবার ফিরে গেলাম, তখন বুড়ি বললে, “আমার বাড়তি ফসল আমি সরকারকে দেবো না, বুঝেছো? লক্ষী ছেলে তুমি। আমি জানি তুমি আমাকে ধরিয়ে দেবে না। তোমার কাছে আমি কিছুই লুকোচ্ছি না, দেখছো তো। আমি নিজেই গর্ত খুঁড়তাম, কিন্তু কী-রকম বিলী দিন বলো দিকি! এমনিতেই বড্ড দেরি ক’রে ফেলেছি আমি—শীত এসে গেলো, আমি একা পেরে উঠবো না। আমার এই গর্তটা যদি খুঁড়ে দাও ভাই, আমি তোমায় বেশ ভালো হাতেই পুষিয়ে দেবো।”

‘তা আমি তো বেশ ক’রে গর্ত খুঁড়লাম, চমৎকার একটি লুকোবার জায়গা তৈরি হ'লো, পেট চণ্ডা, মুখ সরু কলসির মতো—আঙুনের ধোঁয়ান্ন আলুগুলোকে তাতিয়ে-তাতিয়ে শুকিয়েও নিলাম—এদিকে বরষের ঝড়ের ফোঁশফোঁশানির বিরাম নেই। তারপর গর্তের মধ্যে আলু ঢেলে দিয়ে মুখটাকে মাটি দিয়ে বন্ধ ক’রে দিলাম। ছিমছাম নিখুঁত হ'লো কাজটি। আমি অবিশ্রান্ত কাউকেই বলিনি কথাটা—আমার মাকে বা বোনেদেরও না। ঈশ্বর না করুন!”

‘তা একমাসও কাটলো না। ভাকাতি হ'লো বুড়ির খামারে। বুয়িস্কোয়ের পথ পেরিয়ে যারা এলো, তারা বললে বুড়ির দরজা হাট ক’রে খোলা, যা-কিছু ছিলো কুড়িয়ে-কাচিয়ে লাফ ক’রে নিয়ে গেছে। বিধবা বুড়ির কোনো চিহ্নই নেই, আর গলান শেকল ছিঁড়ে পালিয়েছে।

১ “সামগ্রিক সাম্যবাদে”র সময়ে (মোটামুটি ১৯১৭ থেকে ১৯২১ খৃঃ পর্যন্ত) কৃষকদের ওপর হুকুম ছিলো, কসলের সবটুকু উদ্ধৃত্তই, অর্থাৎ, যা তাদের নিজেদের খাত হিসেবে বা বাজ হিসেবে ব্যবহৃত হবে না, সরকারের হাতে তুলে দিতে হবে। অনিয়মিতভাবে সেনাবাহিনী এসে জুলুম ক’রে হিনিয়ে নিয়ে যেতো ফসল, অনেক সময় তাদের প্রবল প্রতিরোধের সন্মুখীন হ’তে হ’তো। ১৯২১ সালের পর থেকে এ-অবস্থার পরিবর্তন হয়। NEP (নতুন অর্থনৈতিক বিধান—New Economic Policy) প্রবর্তিত ব্যবস্থার চাষিদের উদ্ধৃত্তের নির্দিষ্ট একটি অংশ শুধু কর হিসেবে দেয় ছিলো; কিন্তু বাকি অংশ তারা ইচ্ছে করলে বিক্রি করতে পারতো।

“আরো কিছুদিন পরে, নববর্ষের ঠিক আগে বরফ গলতে শুরু করলে ; সন্ধ্যা বাসিলের পরবের দিন খুব বৃষ্টি হ’লো, উঁচু জমির বরফ ধুয়ে গেলো তাতে ; ফাঁকা মাটি বেরিয়ে এলো । তখন গলান হঠাৎ ফিরে এলো বুড়ির বাড়িতে । যেখানে আলু পোতা ছিলো, খুঁজে বের করলো সেই জায়গাটা ; বরফ আর নেই, মাটি খুঁড়তে শুরু করলো সে । খুঁড়ছে তো খুঁড়ছেই, চারদিকে মাটি ছিটিয়ে চলেছে, এমন সময় দেখা গেলো গর্ত থেকে বেরিয়ে আছে বুড়ির দুই পা, সেই ইলাস্টিকের ফিতে-বাঁধা বুটজুতো—যেমনটি সে পরতো, বীভৎস !

‘ভেরেটেন্নিকিতে সকলেই বুড়ির জন্ত দুঃখ করলো । খাল্যামকে কেউ সম্বোধন করলো না । কী ক’রে করবে ? এমন একটা কথা ভাবাও তো যায় না । সে যদি এ-কাজ করতো তাহ’লে কি তার সাহস হ’তো তারপরেও ভেরেটেন্নিকিতে থাকার, না কি বুক ফুলিয়ে গ্রামের মধ্যে ঘুরে বেড়াতেই পারতো ? সবাই ভাবলে ও তাহ’লে নিশ্চয়ই পালিয়ে যেতো, ভেরেটেন্নিকি থেকে যেতো দূরে সম্ভব স’রে পড়তো ।

‘এই খুনটা হওয়াতে গ্রামের কুলাক’রা কিন্তু খুশি হ’লো ।

‘তার ভাবলে গ্রামে একটা গুগোল পাকিয়ে তোলার এই হ’লো একটা স্বপ্নাঙ্গ । “দেখলে তো,” বলাবলি করলে ওরা, “শহরের লোকেরা কী করলো তোমাদের ! তোমাদের শিক্ষা দেবার জন্ত ওরাই করেছে এটা, সাবধান ক’রে দিতে চায় যাতে তোমাদের ফসল বা আলু-টালু আর লুকিয়ে না রাখো । আর তোমরা হাবার দল ভাবছো কিনা জঙ্গলের ডাকাত এসে খুন করেছে ! ঐ শহরেগুলোর কথামতো চলতে গেলেই হয়েছে আরকি ! আরো অনেক মংলব আছে ওদের, তোমাদের সর্বস্ব কেড়ে নেবে, অনাহারে মারবে তোমাদের । কিশে তোমাদের মঙ্গল তা যদি জানতে চাও তাহ’লে আমাদের কথা শোনো, আমরা তোমাদের ভালো বুদ্ধি দেবো । মাথার ঘাম পায়ে ফেলে তোমরা যা উপার্জন করেছে, তা যখন ওরা নিতে আসবে তখন বোলো খুদকুঁড়ো স্বকুঁ নেই, বাড়তির কথা ছেড়েই দাও, আর গোলমাল বাধলে কাস্তে-শাবল কাজে লাগাবে । আর সাবধান—সারা গাঁয়ের ইচ্ছের বিরুদ্ধে যদি কেউ যেতে চায়—সে যেন সাবধানে পথ চ’লে ।” তা এরা তো এই সব

১ Kulak : ৩৬০ পৃষ্ঠার পাদটীকা দ্রষ্টব্য ।—অনুবাদের টীকা ।

বলাবলি করছে। মীটিংয়ের পর মীটিং ডাকছে গাঁয়ের মধ্যে—আর খালীমও ঠিক এই চেয়েছিলো। এক ঝুড়ি গল্প নিয়ে সে চ'লে গেলো শহরে। বলে কী, “তোফা সব ব্যাপার চলেছে গাঁয়ে—সে-বিষয়ে কোনো হুঁশ আছে কি আপনাদের? একটা দরিদ্র-সমিতি^১ না হ'লে তো আমাদের চলছে না। মুখের কথাটি একবার খসান—দেখুন কেমন ওদের দিয়েই পরম্পরের গলা কাটাবার বন্দোবস্ত করি।” তারপর কে জানে কোথায় কেটে পড়লো খালীম, আমাদের এদিকে আর কোনোদিন তাকে দেখা যায়নি।

‘তারপরে সব নিজে-নিজেই ঘটলো। কারো তাতে কোনো হাত ছিলো না। দোষ দেওয়া যায় না কাউকেই। শহর থেকে লাল পন্টন পাঠানো হ'লো, এখানে এসে এক বিচারালয় খুললো তারা। ওরা পড়লো আমাদের নিয়ে, ঐ খালীম ব্যাটা আমার নামে লাগিয়েছিলো তো। জুলুম-মজুরি ফাঁকি দিয়েছি আমি; পালিয়ে গিয়েছি। আর কথা কী—আমিই খুন করেছি বুড়িকে, গ্রামে ঘোঁট পাকিয়েছি—তাই ঠিক ক'রে নিলো ওরা। আমাদের ওরা কয়েদ করলে, কিন্তু কী ভাগ্যে জেলের একটা তক্তা টেনে তুলে পালিয়ে যাবার মতো বুদ্ধি এলো আমার মাথায়। পাহাড়ের গুহার লুকিয়ে রইলাম। আমার মাথার ওপরে সারাটা গ্রাম পু'ড়ে গেলো—আমি কিছুই দেখলাম না। আমার নিজের মা বরফের গর্তে ডুবে মরলেন, আমি জানতেও পারলাম না। আপনা-আপনি ঘ'টে গেলো সব। লাল পন্টনের লোকেরা ছিলো আলাদা একটা বাড়িতে, এস্তার ভদকা দিয়েছিলো ওদের, সব ব্যাটা বেহুঁশ মাতাল হ'লো। বাড়িটায় আগুন লাগলো রাত্তিরে—নেহাংই অসাবধানতার জন্ত—সেই আগুন সারা গাঁয়ে ছড়িয়ে পড়লো। টের পেয়ে গাঁয়ের লোকেরা লাফিয়ে উঠে যে যার বাড়ি ছেড়ে পালিয়ে গেলো। কিন্তু শহরেগুলো—কেউ অবশ্য আগুন ধরিয়ে দেয়নি ওদের গাঁয়ে—নিজে-নিজেই পু'ড়ে মরলো ওরা। গাঁয়ের লোকেদের কেউ পালাতে বলেনি, আগুন দেখে উধাও হ'তেও বলেনি, কিন্তু তাদের ভয় হ'লো কী জানি যদি আরো কিছু ঘটে। কুলাকরা গুজব রটালো যে প্রতি দশজনের মধ্যে একজনকে নির্ধাত গুলি ক'রে মারা হবে। আমি যখন গুহা থেকে বেরোলাম, তখন সবাই হাওয়া হ'য়ে গেছে।

^১ গ্রামে শ্রেণী-সংঘর্ষ সার্বক করার উদ্দেশ্যে স্থাপিত কমিউনিস্ট দল।

কাকপক্ষীরও দেখা পেলাম না। কে জানে তারা সব কোথায় ঘুরে বেড়াচ্ছে এখন।’

৫

১৯২২-এর বসন্তকালে ইউরি ও ভাসিয়া মস্কোতে পৌঁছলো—নতুন অর্থনৈতিক বিধান তখন সবে জারি হয়েছে। সুন্দর, উষ্ণ আবহাওয়া চলছে। মুক্তিদাতা গির্জের সোনালি চূড়া থেকে ছিটকে প’ড়ে সূর্যের আলো নিচের চত্বরটাকে মাঝে-মাঝে ছুপিয়ে দিয়েছে। সেখানে স্কুটপাতের পাথরের ফাঁকে-ফাঁকে গজিয়ে উঠেছে ঘাস।

স্বাধীন বাণিজ্যের ওপর থেকে নিষেধাজ্ঞা তুলে নেওয়া হয়েছে, একটি নির্দিষ্ট গণ্ডি পর্যন্ত ব্যবসার অধিকার পেয়েছে সবাই। আমার ব্যাপারীরা খুচরো বেচাকেনা করে ভাঙা হাটে, এইটুকুর মধ্যেই চলে মুনকা আর ফটকাবাজি। এ-সব কারবারের ফলে নতুন কোনো সম্পদের সৃষ্টি হয় না, একটুও লঘু হয় না শহরের মালিক, শুধু একশোবার হাত-বদল-হওয়া মালপত্র অর্থহীনভাবে আবার বিক্রি ক’রে অনেকের কপাল ফিরে যাচ্ছে।

যাদের বাড়িতে ছোটোখাটো লাইব্রেরি ছিলো, তারা অনেকে তাক থেকে বই পেড়ে সব একত্র ক’রে গুছিয়ে রেখেছিলেন। নগর-সমিতির কাছে তারা এই মর্মে বিজ্ঞপ্তি দিলে যে তারা একটি সমবায়-পুস্তকালয় খুলতে চায়। জায়গার জ্ঞান আবেদন করলো তারা; বিপ্লবের আরম্ভের সময় থেকে মালিকের দোকান উঠে যাবার জন্ত খালি প’ড়ে আছে, এমন কোনো গুদোমঘর ছেড়ে দেওয়া হ’লো তাদের। মাটির তলার মস্ত ঘরগুলিতে এলোমেলো স্বল্পসংখ্যক বইয়ের সংগ্রহ তারা বিক্রি করছে।

অধ্যাপকদের স্ত্রীরা, যারা আগেকার দুঃসময়ে লুকিয়ে-লুকিয়ে শাদা রুটি তৈরি ক’রে বেআইনিভাবে বিক্রি করতেন, তাঁরা আজকাল আর লুকোচুরি করেন না। সরকার জোর-দখল নেবার পরেও এতোকাল অব্যবহৃত হ’য়ে প’ড়ে ছিলো এমন কোনো-একটা দোকান-ঘরে প্রকাশ্যে ব্যবসা চালান তাঁরা। তাঁরা মত বদলেছেন, বিপ্লবকে মেনে নিয়েছেন, এখন আর ‘হ্যা’ কি ‘আচ্ছা’ বলেন না—বলেন, ‘নিশ্চয়ই।’

মন্সোতে পৌছে ইউরি বললে :

‘তোমাকে কোনো-একটা কাজে লাগতে হয়, ভাসিয়া ।’

‘আমার পড়ার ইচ্ছে ।’

‘হ্যা, সে তো বটেই ।’

‘আমার আর-একটা স্বপ্ন হ’লো স্মৃতি থেকে মায়ের ছবি আঁকা ।’

‘সে তো খুব ভালো কথা । কিন্তু তাহ’লে তো তোমাকে আঁকা শিখতে হবে । কখনো সেটা করেছে ?’

‘যখন কাকার শিকানবিশ ছিলাম, তখন ঠুর চোখের আড়ালে কাঠকয়লা দিয়ে আঁকিৰুঁকি কেটেছি ।’

‘তাহ’লে বাধা কী ? দেখি, কী করা যায় ।’

চিত্রকর হিসেবে ভাসিয়া তেমন গুণপনার পরিচয় না-দিলেও কারিগর হবার মতো মোটামুটি ক্ষমতা ছিলো তার । বন্ধুবান্ধবকে ধ’রে ইউরি ঝুগানভ ইনস্টিটিউটে ঢুকিয়ে দিলো তাকে ; সেখানে প্রথমে সাধারণ বিষয়ে পড়াশুনা ক’রে, তারপর ছাপা, বাঁধাই আর বইয়ের ডিজাইন বিষয়ে বিশেষ শিক্ষা গ্রহণ করলো সে ।

ইউরি আর ভাসিয়া কাজে সহযোগী হ’লো । চব্বিশ পৃষ্ঠার ছোটো-ছোটো পুস্তিকা লেখে ইউরি, আর ভাসিয়া টাইপ মাজিয়ে অল্প সংখ্যায় ছাপে সেগুলো, তার ইনস্টিটিউটের হাতে-কলমে কাজের মধ্যে এটাকেও ধরা হয় । তারপর তাদের বন্ধুবান্ধবেরা যে-সব পুরোনো বইয়ের দোকান খুলেছিলো, সেখানে সেগুলো দেওয়া হ’লো বিক্রির জন্ত ।

এই পুস্তিকাগুলিতে থাকে ইউরির জীবনদর্শন, ভেষজ বিষয়ে তার মতামত, রোগ ও স্বাস্থ্য সম্পর্কে তার নিজস্ব সংজ্ঞার্থ, বিবর্তন ও প্রাণীকুলের গোত্রবদল বিষয়ে তার ধারণা ; থাকে তার এই অভিমত যে ব্যক্তিত্বই প্রাণীজীবনের ভিত্তিস্বরূপ, থাকে ধর্ম ও ইতিহাস বিষয়ে চিন্তা (তার মামা ও সিমার মতের সঙ্গে তার অনেক মিল ছিলো) আর থাকে তার কবিতা, ছোটো গল্প, পুণ্যচেন্ড-প্রদেশে তার ভ্রমণের বিবরণ ।

বইগুলি যতোই সহজ এবং কথ্য ভাষার ভঙ্গিতে লেখা হোক না কেন, এগুলিকে কিছুতেই লোকরঞ্জন গ্রন্থমালা বলা চলে না । কেননা তার অগ্রসর

চিন্তাধারার অনেক মতামতই তুর্কসাপেক্ষ, আত্মমানিক এবং অপ্ৰমাণিত। তবু, তার সব রচনাই মৌলিক ও সপ্রাণ; সহজে বিক্রি হয় বইগুলো, পাঠকদের প্রশংসাও পায়।

সেই সময়ে, যখন সমস্ত বিষয়েই—এমন কি কবিতা লেখা ও সাহিত্যের অহুবাদশিল্পেও—ঝুড়ি-ঝুড়ি বিশেষজ্ঞ গজিয়ে উঠছেন, সারগর্ভ প্রবন্ধ লেখা হচ্ছে, জগতের সমস্ত বিষয়ে তাত্ত্বিক আলাচনার জন্ত তৈরি হচ্ছে বিবিধ প্রতিষ্ঠান, তখন নানারকম ‘জ্ঞানমন্দির’ ‘শিল্প-আকাদেমি’ ও ‘চিন্তানিকেতন’ চারদিকে স্থাপিত হচ্ছিলো। এই সব ভূয়ো প্রতিষ্ঠানের শতকরা পঞ্চাশটাতেই ইউরি ছিলো চিকিৎসক-উপদেষ্টা।

মস্কোতে পৌছনো মাত্রই সিভৎসেভ স্ট্রীটে তার পুরোনো বাসাটা দেখতে গিয়েছিলো ইউরি। শুনেছিলো মস্কো হ’য়ে যাবার পথে তার আত্মীয়রা সে-বাড়িতে ওঠেনি। নির্বাসনের ফলে তাদের পদমর্যাদার বদল ঘটেছে। তাদের নামে লেখা বাড়ি দেওয়া হয়েছে নতুন ভাড়াটেকে, আর তাদের জিনিসপত্রের কোনো চিহ্ন কোথাও নেই। এমনকি ইউরির সঙ্গে পরিচয় থাকাটাও বিপজ্জনক বলে মনে করা হচ্ছে, ভীষণ ব্যামোর মতো। তাকে এড়িয়ে চলছে সবাই।

মার্কেলও নেই সেখানে। সাংসারিক ব্যাপারে বেশ উন্নতি হয়েছে তার, সে এখন মূচনয় গরদের বাড়ির ম্যানেজার (যে-বাড়িতে একসময় স্ভেনটিট্‌স্কির থাকতেন)। ম্যানেজারের ফ্ল্যাটটাই দেওয়া হয়েছিলো তাকে, কিন্তু পুরোনো দরওয়ানের ঘরটাই তার বেশি পছন্দ হ’লো; সেটার মেঝে পিটোনো মাটির হ’লেও আলাদা জলের পাইপ আছে, আর আছে একটি বিশাল রাশিয়ান চুল্লি। ফ্ল্যাটগুলোতে শীত পড়লে জলের পাইপ আর তাপের যন্ত্র সব ফেটে যায়, কিন্তু দরওয়ানের বাড়িটি সব সময় উষ্ণ ও শুকনো, তাছাড়া সেখানে চক্ৰিশ ঘণ্টাই জল পাওয়া যায়।

কোনো-এক সময়ে ইউরি ও ভাসিয়ার বন্ধুতার তাপ জুড়িয়ে এলো। ভাসিয়ার পরিণতি লক্ষ্য করার মতো। ভেরেটেগ্নিকির সেই হেঁড়া-কাপড়-পরা, খোলা-পায়ের, উশকো-খুশকো ছেলেটির মতো সে আর চিন্তা করে না বা কথা বলে না। বিপ্লব যে-সত্যকে প্রচার করছে, তার স্পষ্টতা ও

স্বতঃসিদ্ধতা ক্রমেই আরো বেশি ভালো লাগছিলো তার। আর ইউরির রহস্যবৃত্ত, চিত্রকল্পবহুল কথাবার্তা তার মনে হ'তে লাগলো আন্তরিক কণ্ঠস্বর, যার ধ্বংস অনিবার্য, আর যা আপন দুর্বলতা বিষয়ে সচেতন ব'লেই অসমর্থ।

বিভিন্ন সরকারি বিভাগে ষাভায়াত করছিলো ইউরি। দুটো উদ্দেশ্য নিয়ে চেষ্টা করছিলো সে : তার পরিবারের রাজনৈতিক পুনর্বাসন, তাদের রাশিয়ায় ফিরে আসবার অসুবিধাপত্র, আর সেই সঙ্গে প্যারিস থেকে তাদের নিয়ে আসবে ব'লে তার নিজের জন্ত একটি পাসপোর্ট।

কিন্তু তার এই সব চেষ্টা কেমন অর্থহীন, উদাসীন। ভাসিয়া তা লক্ষ্য ক'রে অবাক হ'তো। বড় তাড়াতাড়ি বিশ্বাস ক'রে ফেলছে যে তার চেষ্টা ব্যর্থ হয়েছে, এর পরে আরো প্রয়াস কতো অনর্থক হবে তা বলার সময় বড়ো বেশি বিশ্বাস ক্ষুণ্ণতা তার গলায়, প্রায় যেন তৃপ্তি।

ইউরির ছিদ্রাঘেষণে ভাসিয়া ক্রমেই বেশি তৎপর হ'য়ে উঠলো, আর ইউরি যদিও উচিত সমালোচনা বিষয়ে সহনশীল, তবু তাদের সম্ভাব্যে ক্রমশ ভাঙন ধরলো। অবশেষে পরস্পরের সঙ্গে ত্যাগ করলো তারা। ষে-ঘরে তারা একসঙ্গে ছিলো সেটা ছেড়ে দিয়ে ইউরি চ'লে গেলো মুচনয় গরডে। মার্কেল সেখানে সর্বেসর্বা। যেটা এককালে স্তেনটিটস্‌বিনের ফ্ল্যাট ছিলো, তারই পেছনদিকে এক কোণায় সে ইউরির জন্ত একটু জায়গা ঠিক ক'রে দিলে। একটি ভাঙাচোরা বাথরুম আছে সেই ফ্ল্যাটে, তার লাগোয়া একটিমাত্র জানলাওলা একটি ঘর। একেবারে ধ্বংস-পড়া রান্নাঘরটি, চুকতে হয় খিড়কির দোর দিয়ে। সেখানে উঠে ষাবার পর থেকে ইউরি ভাস্কারি ছেড়ে দিলে, নিজের বিষয়ে কোনোরকম স্বত্ব আর নেয় না, নিদারুণ দারিদ্র্যে দিন কাটাতে লাগলো, ত্যাগ করলে বন্ধুবান্ধবের সংসর্গ।

৬

শীতের এক ধূসর রবিবার সেদিন। ছাদ থেকে ধোঁয়ার স্তম্ভ উঠছে, জানলা দিয়ে সরু কালো গোছার মতো পেঁচিয়ে-পেঁচিয়ে বেরিয়ে যাচ্ছে। যদিও বেআইনি হ'য়ে গেছে, তবু রান্নার চুল্লির লোহার নল দিয়ে ধোঁয়া বেরোবার রাস্তা এখনো বাড়ির জানলাই। নাগরিক জীবনের স্থখ-স্বচ্ছন্দ্য

এখনো কিরে আসেনি। মুচনয় গরুড়ের ভাড়াটেরা স্নান না-ক'রে ঘুরে বেড়ায়, ফোড়ায় কষ্ট পায়, শীতে কাঁপে, ঘন-ঘন সর্দিতে ভোগে।

রবিবার ব'লে মার্কেল চাপত্ত আর তার পরিবারবর্গ সকলেই সেদিন বাড়িতে ছিলো।

রাশিয়ার বড়ো টেবিলে খেতে বসেছে তারা। আগেকার দিনে যখন রুটির র্যাশন হয়েছিলো, তখন এই টেবিলেই ভাড়াটেদের কুপন জমা হ'তো, তোরবেলা রুটিওলার কাছে নিয়ে যাবার আগে সেগুলিকে ছিঁড়ে, কেটে, গুনে, বাছাই ক'রে, শ্রেণী-অনুযায়ী জড়িয়ে নেওয়া হ'তো, কাগজে বাঁধা হ'তো বাণ্ডিল ক'রে; আর এখানেই সকালে একটু বেলা ক'রে, রুটিওলার ঘর থেকে রুটি এলে পর, রুটি কাটা হ'তো টুকরো-টুকরো ক'রে, তারপর ওজন ক'রে নিয়ে বিলি করা হ'তো নির্ধারিত বরাদ্দ অনুসারে। কিন্তু সে-সব এখন স্মৃতিমাত্র। অন্য ধরনের খাদ্য-নিয়ন্ত্রণ র্যাশনের স্থান নিয়েছে, চাপত্তরা বেশ ভরাপেট মধ্যাহ্নভোজনে নিযুক্ত আছে, আরাম ক'রে খাচ্ছে সশব্দে চিবিয়ে-চিবিয়ে।

ঘরের অর্ধেকটা জুড়ে আছে সেই চ্যাপ্টা রাশিয়ান চুল্লি; ঠিক মধ্যাধানে জুড়ে আছে সেটা। তার ওপরে বিছানা পাতা, চারপাশে তোষক বুলছে।

দরজার ধারে বেসিনের ওপরে দেয়াল থেকে একটা কল বেরিয়ে আছে, সেটা দিয়ে সত্যি-সত্যি জল পড়ে। ঘরের দু'পাশে বেঞ্চি পাতা; তার তলায় টাঙ্ক-বাক্স, পোটলা-পুঁটলি, বাড়ির সব সম্পত্তি। টেবিলটা ঘরের বাঁ দিকে, তার ওপরে একটা বাসনের তাক আটকানো।

ঘরটা খুব গরম। গনগন ক'রে চুল্লি জলছে। তার সামনে দাঁড়িয়ে আছে মার্কেলের স্ত্রী আগাথা, জামার হাতা কনুইয়ের ওপর গুটিয়ে নিয়ে লম্বা সাঁড়াশি দিয়ে সে উত্তনের ভেতরকার হাঁড়িকুড়িগুলোকে নাড়াচাড়া করছে, দরকারমতো কোনোটাকে কাছে আনছে, আবার কোনোটাকে সরিয়ে দিচ্ছে দূরে। তার ঘর্ষাক্ত মুখ কখনো লাল হ'য়ে উঠছে উত্তনের কাছে, কখনো বা রাশিয়ার তাপে ঝাপসা দেখাচ্ছে। হাঁড়িকুড়ি একপাশে সরিয়ে দিয়ে পেছন থেকে একটা লোহার থালায় একটা "পাই"^১ বের ক'রে আনলে সে, উন্টিয়ে

^১ Pie : বাংস বা কলের সঙ্গে সরদা ও মিষ্টি মিশিয়ে কেকের আকারে "পাই" তৈরি করা হয়।—অনুবাদের টীকা।

আবার উঠনে ঠেলে দিলে আর-একটু কড়া হবার জন্ত। দুটো বালতি হাতে নিয়ে ইউরি ঘরে ঢুকলো।

‘ভালো খিদে হোক।’

‘আরাম ক’রে বোসো। আমাদের সঙ্গে খেয়ে যাও।’

‘ধন্যবাদ, আমার খাওয়া হ’য়ে গেছে।’

‘তোমার খাওয়া মানে কী, তা তো আমরা ভালোই জানি। আমাদের সঙ্গে গরম কিছু খেয়ে যাও না। নাক শিটকোবার মতো কিছু নয়—ভালো খাবার, সৈঁকা আলু, মাংসের “পাই,” “কাশা”।’

‘ধন্যবাদ, কিন্তু সত্যি...দুঃখিত, দরজাটা খোলা রেখেছি, ঘরে ঠাণ্ডা ঢুকছে। যতোটা পারি জল নিয়ে যেতে চাই। স্নানের টবটা সাফ ক’রে নিয়েছি, এখন সেটাতে আর গায়লাগুলোতে জল তুলে রাখতে হবে। আরো বার ছ’য়েক আমাকে আসতে হবে এ-ঘরে, কিন্তু তারপর অনেকক্ষণ আমি আর বিরক্ত করবো না তোমাদের। এ-ভাবে ঢুকে পড়ার জন্ত মাপ চাইছি, কিন্তু অন্য কোথাও তো জল পাবো না।’

‘ঠিক আছে, তুমি নাও না জল। সিরাপ চাইলে তা দিতে পারতাম না, তবে জলের অভাব নেই। যতো ইচ্ছে নাও—এর জন্ত আমরা এমনকি দামও নেবো না।

সবাই হেসে উঠলো।

যতোক্ণে ইউরি তার তৃতীয় ও চতুর্থ বাক জল ভরছে, ততোক্ণে অন্য রকম হ’য়ে গেছে তাদের গলার স্বর।

‘আমার জামাইরা জিজ্ঞেস করছিলো, তুমি কে? আমি বললাম, কিন্তু ওরা তো বিশ্বাসই করে না—তুমি নাও না জল, আমাদের অস্থবিধে নেই। তবে মেঝেতে ও-রকম ছিটোচ্ছো কেন বলো তো! কী নোংরা! জ’মে বরফ হ’য়ে গেলে তুমি কি আর শাবল নিয়ে এসে খোঁচাবে! আঃ—দরজাটা ঠিকমতো বন্ধ করো না—হাবা কোথাকার!—ঠাণ্ডা আসে না ঘরে! কতো টাকাই না ঢালা হয়েছিলো তোমার পেছনে! ও-সব বিত্তে এখন কোন কাজে লাগছে শুনতে পাই?’

পাঁচ অথবা ছ’বারের বার ইউরি যখন জল নিতে এলো, তখন মার্কেল জুতুটি না-ক’রে পারলো না।

‘আর ঠিক একবার, তারপর কিন্তু আর না। আরে বাবা, সব-কিছুরই একটা সীমা আছে তো। আমাদের ছোট্টো মারিনা যদি তোমার পক্ষ নিয়ে না দাঁড়াতো, তাহ’লে কবে দিতাম দরজা বন্ধ ক’রে। মারিনাকে মনে আছে তোমার? ঐ যে, টেবিলের ওদিকে শামলা-রঙের মেয়েটি ব’সে আছে।’

‘ওর মনে কষ্ট দিয়ো না বাবা,’ সব সময় ও বলে আমাদের। যেন তোমার মনে কষ্ট দিতে কারো ব’য়ে গেছে! বড়ো ডাকঘরে টেলিগ্রাফ-অপারেটরের কাজ ক’রে ও। বিদেশী ভাষা জানে দু’একটা। ও বলে, ‘উনি দুর্ভাগা,’ তোমার জন্ত বড়ো দুঃখ ওর, তোমার জন্ত ও ডুবতে পারে জলে, বাঁপ দিতে পারে আগুনে। তুমি যে চুনোপুঁটি হ’য়ে রইলে, সে যেন আমারই দোষ। দোষ তো তোমারই বাপু। বিপদের সময় বাড়িঘরদোর ফেলে সাইবেরিয়ান পালিয়ে যাওয়া উচিত হয়নি তোমার। এই আমাদের ছাখো তো—দুর্ভিক্ষের সময়, তারপর শাদারা যখন অতিষ্ঠ ক’রে তুললো—এখানেই মাটি কামড়ে প’ড়ে ছিলাম আমরা—আর তাইতেই তো বহাল-তব্বিয়ে আছি। তোমারই দোষ। টোনিয়ার দিকে ঠিকমতো মন দিতে যদি, তাহ’লে কি আজ তাকে বিদেশে-বিভূঁয়ে পথে-পথে ঘুরে মরতে হয়। তা যাক, ও-সব তোমার ব্যাপার, আমার কিছু এসে যায় না। শুধু যদি মাপ করো তো জিজ্ঞেস করতে চাই—এতো জল দিয়ে করবে কী? স্কেটিং-ফেটিং-এর’ আড্ডা খুলবে নাকি কোথাও? ওঃ, জলে-জলে পাগল ক’রে দিলে তুমি। অথচ তোমার মতো একটা মুরগির ছা’র ওপর ঠিকমতো রাগ করতেও পারি না।’

আবার হেসে উঠলো সবাই, শুধু মারিনা চারদিকে তাকিয়ে দপ ক’রে জ’লে উঠলো। তার গলার স্বর অবাক ক’রে দিলো ইউরিকে, যদিও কেন যে সে তার গলা শুনে বিচলিত হ’লো, তা ইউরি তখনো বোঝেনি।

‘বাড়িটা বড়ো নোংরা হ’য়ে আছে, মার্কেল। মেঝে ঘষতে হবে, আর আমার কিছু কাপড়চোপড় না-কাচলে আর চলে না।’

শুনে শাপভরা স্তম্ভিত।

১ স্কেটিং-এর আড্ডা (skating rink) : এক প্রকার ক্রীড়ার জন্ত নির্মিত বরফে-ঢাকা মেঝে অথবা প্রান্তর।—অনুবাদের টীকা।

‘ও-সব ধোয়া-মোছা কেউ করে না আজকাল, বুধে আমাও অস্তার। তুমি তো দেখছি এর পর চীনে লণ্ডি খুলে বসবে।’”

আগাথা বললো ‘তা আমার মেয়েটাকে বরং পাঠিয়ে দিচ্ছি। ও তোমার কাপড় কাচা, ঘর মোছা সব ক’রে দেবে, শেলাই-টেলাইও পারবে দরকার হ’লে। ওকে ভয় পাবার কিছু নেই রে, মারিনা। দেখতেই পাচ্ছিস, কী রকম সভ্যভাব্য, একটা পোকার গায়েও টোকা দেবে না।’

‘কী যে বলো, আগাথা মিথাইলোভনা! আমার ধোয়ামোছার কাজ মারিনা কেন করবে? আমার জন্ত ও ময়লা ঘাঁটবে তা হ’তে পারে না, আমিই সব ক’রে নিতে পারবো।’

‘আপনি ময়লা ঘাঁটতে পারেন, আর আমি পারি না, এই কি বলতে চান?’ মারিনা ব’লে উঠলো, ‘আর বোকামি করবেন না, ইউরি আন্ড্রেইয়েভিচ। আপনার সঙ্গে দেখা করতে গেলে তাড়িয়ে দেবেন না আশা করি।’

শিক্ষা পেলে গায়িকা হ’তে পারতো মারিনা। তার নির্মল কণ্ঠস্বরের ওঠা-নামাঙ্গ অনেকখানি-ব্যাপ্তি ও শক্তি রয়েছে। বেশি চড়ে না, তবু মনে হয় সাধারণ কথাবার্তার পক্ষে একটু কড়া। এটা যেন তার সত্যার কোনো অংশ নয়, তার কণ্ঠস্বর স্বতন্ত্রভাবে জীবন্ত ব’লে কল্পনা করা যায়। যেন তার পেছন দিক থেকে আসছে এই স্বর, বা পাশের ঘর থেকে ভেসে আসছে। তার কণ্ঠস্বর তার আশ্রয়—তার অপরা অভিভাবিকা। যে-নারীর এমন কণ্ঠ, তাকে কোনো দুঃখ বা আঘাত দিতে কেউ চাইবে না।

আর এমনি ক’রেই রোববারে-রোববারে এই জল ব’য়ে নেওয়া থেকেই মারিনা ও ইউরির মধ্যে বন্ধুতার সূত্রপাত হ’লো। প্রায়ই মারিনা এসে ইউরিকে ঘরের কাজে সাহায্য করে। একদিন সে থেকে গেলো, বাড়িতে আর ফিরলো না। এইভাবে ইউরির তৃতীয় স্ত্রী হ’লো সে, যদিও প্রথমজনের সঙ্গে ইউরির বিবাহবিচ্ছেদ হয়নি, আর এই বিয়েতেও আইনমাম্বিক কিছু করা হ’লো না। সন্তান হ’লো তাদের, মার্কেল আর আগাথা বেশ গর্বের সঙ্গেই ডাক্তারের স্ত্রী ব’লে মেয়ের পরিচয় দেয়। তার বাবা গজগজ করে গির্জাতে গিয়ে কি রেজিষ্ট্রি ক’রে ঠিকমতো বিয়ে হ’লো না ব’লে, কিন্তু আগাথা বলে,

১ খুটান বিধি অনুসারে যুগপৎ দুই পত্নী বা পতি নিষিদ্ধ।—অনুবাদের টীকা।

‘তোমার কি মাথা খারাপ হ’লো? টোনিয়া এখনও বেঁচে আছে—এ তো দুই বিয়ে ছাড়া কিছু নয়।’—‘মাথা তোমারই খারাপ হয়েছে,’ জবাব দেয় মার্কেল। ‘এর মধ্যে টোনিয়া আসছে কোথেকে? ও তো ম’রে গেছে ব’লেই ধ’রে নিতে পারো। কোনো আইন আর সহায় হবে না টোনিয়ার।’

ইউরি মাঝে-মাঝে ঠাট্টা ক’রে বলে যে তাদের হ’লো কুড়ি বালতির রোমান্স—ঠিক যেন কুড়িটি পরিচ্ছেদে বিভক্ত একটি উপন্যাস।

ইউরির ব্যবহার ক্রমেই অভূত হ’য়ে উঠছে, এলোমেলো নোংরা ক’রে রাখে ঘরবাড়ি, মেজাজ মজি খামখেয়ালের অন্ত নেই—সব ক্ষমা করে মারিনা। সে বোঝে ইউরি এখন স্বেচ্ছায় ও সজ্ঞানে ব’য়ে যেতে দিচ্ছে নিজেকে, তার আবদার, নালিশ, মেজাজ—সবই মেনে নিতে হবে।

মারিনার আহুগত্যের ওখানেই শেষ নয়। ইউরিরই দোষে একবার তার দারুণ অভাবে পড়লো। যাতে এই দুঃসময়ে ইউরিকে একা থাকতে না হয়, সেজন্ত মারিনা ডাকঘরে তার নিজের কাজটিও ছেড়ে দিলে। কিন্তু ভাগ্যক্রমে তার কাজে সকলেই এতোদূর পর্যন্ত খুশি ছিলো যে এই অনিচ্ছাকৃত কামাইয়ের পরে প্রতিবারেই ফের কাজে নেওয়া হ’তো তাকে। ইউরির মজি মেনে নিয়ে সে বাড়ি-বাড়ি ঘুরে ইউরির সঙ্গে গতর খাটে, কাঠ কেটে দেয় নানান তলার বাসিন্দাদের জন্ত। তারা অনেক এখন বেশ সচ্ছলভাবে সংসার পাতছে—তাদের মধ্যে আছে নতুন অর্থনৈতিক বিধানের আরম্ভকালীন কালো-বাজারি জোচ্চোর, আর সেই সব শিল্পী আর বিদ্বজ্জন, যারা সরকারের সঙ্গে ঘনিষ্ঠ। একদিন ইউরি আর মারিনা, কার্পেটের ওপর যাতে কাঠের গুঁড়ো না পড়ে, সেজন্ত অতি সাবধানে তাদের ফেন্ট বুট-পরা পা ফেলে-ফেলে এক ভাড়াটের ঘরে কাঠ নিয়ে যাচ্ছিলো, ভদ্রলোকটি কৌ-যেন একটা পড়ছিলেন—এমনই নিমগ্ন হ’য়ে ছিলেন তাতে যে একটু চোখ তুলে তাকাবার মতো ভদ্রতাটুকুও রক্ষা করলেন না। তাদের হুকুম করা, টাকাকড়ি দেওয়া, —সবই করছিলেন তাঁর স্ত্রী।

‘স্মোরটা কিসে নাক ডুবিয়ে ব’সে আছে,’ ইউরি ভাবলে। বইয়ের মার্জিনে নিদারুণ বেগে লিখে চলছিলেন বিদ্বান ব্যক্তিটি। কাঠের বোঝা নিয়ে তাঁর পাশ দিয়ে-যেতে-যেতে ইউরি তাঁর কাঁধের ওপর দিয়ে উকি দিলো।

টেবিলের ওপর প'ড়ে আছে ইউরির লেখা এক পুস্তিকার পুরোনো সংস্করণ।
ভালিয়া সেটা ছাপিয়েছিলো।

৭

ইউরি আর মারিনা স্পিরিডোনোভকা স্ট্রীটে বাসা নিয়েছিলো। কাছেই
ত্রিশ স্ট্রীটে গর্ডন একটা ঘর নিয়ে থাকে। মারিনা আর ইউরির এখন দুই
মেয়ে, কাপকা-র (কাপিটোলিনা) বয়স ছয়, আর ছোট্টো ক্লাজ্জকা-র (ক্লোডিয়া)
মাত্র ছ'মাস।

১৯২৯-এর গ্রীষ্মের প্রথম দিকটায় খুব গরম পড়েছিলো। কাছাকাছি
যারা থাকতো, টুপি না-প'রে, শুধু শার্ট গায়েই পরাম্পরের সঙ্গে দেখা করতে
যেতো তারা।

ষে-বাড়িতে গর্ডনের ঘর, তার গর্ডন অদ্ভুত, এক সময়ে কেতাদুরস্ত এক
দরজির দোকান ছিলো সেটা। দুই তলা জুড়ে ছিলো দোকান, ঘোরানো
সিঁড়ি দিয়ে ওপরে-নিচে সংযোগ রক্ষা হ'তো; আর ওপর থেকে নিচে
পর্বস্ত বিশাল এক ঘষা কাচের জানলা ছিলো, তার ওপর সোনালি অক্ষরে
লেখা সেই দরজির নাম, পেশা জলজল করতো।

এখন বাড়িটা তিন অংশে বিভক্ত হয়েছে। কাঠের মেঝে বসিয়ে দুই
তলার মাঝখানে আর-একটা ঘর তৈরি হয়েছে। তার জানলাটা বসবাসের
ঘরের পক্ষে অদ্ভুত, মেঝে থেকে শুরু হ'য়ে তিন ফুটমতো উঁচু সেই জানলা
অংশত সোনালি অক্ষরের অবশিষ্টে ঢাকা প'ড়ে গেছে। বাইরে থেকে,
অক্ষরগুলির ফাঁক দিয়ে যে-কোনো লোকের হাঁটু পর্যন্ত দেখা যায়। এটাই
গর্ডনের ঘর। সেই মুহূর্তে তার সঙ্গে ছিলো জিভাগো, ডুডোরভ, ছেলেপুলে
নিম্নে মারিনা। বাচ্চাদের অবশ্য কাচের মধ্য দিয়ে পুরোপুরি দেখা যাচ্ছে,
বড়োদের মতো অংশত নয়। পুরুষ তিনজনকে একা রেখে মারিনা তার
মেয়েদের নিয়ে একটু পরেই উঠে চ'লে গেলো।

ষে-সব পুরুষ একসঙ্গে স্থলে পড়েছে, কাটিয়ে এসেছে বহু বছরের বন্ধুতা,
তারা যেমন ক'রে গল্প করে, তেমনি এক অদ্ভুত, অলস গ্রীষ্মকালীন আলাপ
চলছিলো তিনজনের।

নিজের পক্ষে তুষ্ণিকর যথেষ্ট শব্দ বাদেই দখলে আছে, শুধু তারাই পারে সহজ ও সুসংবদ্ধ কথা বলতে। একমাত্র ইউরিরই সেই ক্ষমতা ছিলো।

আত্মপ্রকাশে অক্ষমতাবশত তার দুই বন্ধু কী করবে ভেবে পাচ্ছিলো না। শব্দের অভাব পূরণ করার জন্য ক্রমাগত পাইচারি করছিলো তারা, সিগারেট টানছিলো, অঙ্গভঙ্গি করছিলো আর পুনরাবৃত্তি করছিলো নিজেদের কথার, (‘ওটা—সোজা কথায় বলছি—ওটা অসং; হ্যাঁ ভাই, অসং, অসং, মানে অসং আরকি’)।

তারা বুঝতে পারছিলো না যে এই অতি-অভিনয় তাদের আবেগ অথবা আগ্রহের প্রমাণ নয়, বরং উন্টো, তাদের দৈন্ত আর সীমাবদ্ধতার ফল।

গর্ডন আর ডুডোরড দু’জনেই বিশ্ববিদ্যালয় মহলে আনাগোনা করে। তাদের সংসর্গ হ’লে মনীষী আর ভালো-ভালো বই, সাংগীতিক ও ভালো-ভালো গীতরচনা, এমন রচনা যা আজ যতো ভালো, কালকেও ততোটাই (কিন্তু সব সময়ই ভালো!) ; তারা জানতো না যে কচির দিক থেকে সাধারণ হওয়া এতো বড়ো দুর্ভাগ্য যে তার চেয়ে একেবারে কচি না-থাকা বরং ভালো।

ডুডোরড কি গর্ডন কেউই বুঝছিলো না যে ইউরিকে তারা যে উপদেশ দিচ্ছে তা তার ব্যবহারকে প্রভাবিত করার সঙ্গদয় ইচ্ছা থেকে ততোটা নয়, যতোটা স্বাধীন চিন্তাশক্তি ও সহজভাবে কথাবার্তা চালিয়ে নিয়ে যাবার অক্ষমতা থেকে। আয়ত্তের বাইরে চ’লে-বাওয়া গাড়ির মতো, সেই আলাপ কখনোই গন্তব্যে পৌঁচছিলো না। কথা চালাতে না-পেরে বার-বার হৌচট খাচ্ছিলো তারা, তাই এখন ইউরিকে নিয়ে পড়েছে, নির্দেশ-উপদেশ বর্ষণ করছে তার ওপর।

ইউরির কাছে তাদের যুক্তি, আবেগ, সহানুভূতির অস্থিরতা—এ-সবের উৎস দিনের আলোর মতো স্পষ্ট। কিন্তু সে তো বলতে পারে না, ‘বন্ধুগণ, কী অসহায়রকম সাধারণ তোমরা—তোমরা, তোমাদের গোপী, তোমাদের আওড়ানো মাতব্বরদের নাম, তোমাদের উচ্চপ্রশংসিত আর্টের ঝকঝকানি—সবই কি অসহায়রকম সাধারণ। আমার সঙ্গে একই সময়ে তোমরা বেঁচে আছো, আমার বন্ধু তোমরা—এ ছাড়া তোমাদের আর-কিছুই নেই যা সজীব ও উজ্জ্বল।’ কিন্তু এমন কথা মুখে আনা যার কী করে? তাই ওদের

মনে যাতে আঘাত না লাগে, ইউরি সবিনয়ে ওদের কথা শুনে যেতে লাগলো।

ডুডোরভ সম্প্রতি নির্বাসন থেকে ফিরেছে ; নাগরিকের সব অধিকার ফিরে পেয়েছে সে, গবেষণা ও বিশ্ববিদ্যালয়ে শিক্ষকতা করার নতুন ক'রে অহুমতি পেয়েছে।

তার নির্বাসনকালীন মানসিক অবস্থার কথা বন্ধুদের কাছে খুলে বলছিলো ডুডোরভ। ভয়ে, বা বাইরের অবস্থা বিবেচনা ক'রে, রেখে-টেকে বলছিলো না।

তার বিরুদ্ধে সরকারি পক্ষের যুক্তিসমূহ, জেলখানা ও জেল থেকে বেরোবার পর তার প্রতি ব্যবহার, আর বিশেষত প্রত্নকর্তার সঙ্গে তার প্রাণ-খোলা আলোচনা—এ-সবের ফলে—ডুডোরভ বলছিলো—‘তার মাথা সাফ হ’য়ে গেছে,’ ‘নতুন রাজনৈতিক শিক্ষা’ পেয়েছে সে, তার চোখ খুলে গেছে, এমন অনেক জিনিস সে আজকাল দেখতে শিখেছে যা আগে লক্ষ্য করেনি, মোটের ওপর হ’য়ে উঠেছে ‘ব্যক্তি হিসেবে অনেক বেশি সাবালক।’

এ-সব কথা বস্তাপচা ব’লেই গর্ডনকে মুগ্ধ করলো। মাথা নেড়ে-নেড়ে সহানুভূতি জানালো সে, ডুডোরভের সঙ্গে প্রতিটি বিষয়ে একমত হ’লো। গর্ডনকে যা সবচেয়ে নাড়া দিলে তা ডুডোরভের অহুমতির ও ভাষার তুচ্ছতা ; পাঠ্যকেতাবি গৌড়ামিভরা ভাবগুলিতে সে দেখতে পেলো সার্বিক মানবতার লক্ষণ।

ডুডোরভের ধর্মধ্বজ মামুলি বুলিগুলো সেই যুগেরই লক্ষণমাত্র। কিন্তু সেগুলো যে অমন নিভূল, অমন স্বচ্ছভাবে ধর্মের ছদ্মবেশী, ঠিক সেইজন্মই ইউরির তা অসহ্য লাগলো। সে মনে-মনে ভাবলে যে যারা মুক্ত নয়, তারা বন্ধনকেই আদর্শ ক’রে তোলে। তা-ই ছিলো মধ্যযুগে, জেহুইটরা চিরকাল এর স্বপ্নোগ নিয়েছে। সোভিয়েট বুদ্ধিজীবীদের রাজনৈতিক অতীন্দ্রিয়বাদ ইউরি সহ্য করতে পারে না, যদিও সেটাকেই ধ’রে নেওয়া হয় চরম আদর্শ ব’লে, তখনকার ভাষায় বলা হয় “যুগের সর্বোচ্চ আত্মিক অভিযান” ব’লে। কিন্তু বন্ধুদের মনে আঘাত দেবার ভয়ে এ-বিষয়েও সে নীরব রইলো।

ডুডোরভের গল্পে তার কৌতুহল উদ্রেক করলো ডুডোরভের এক নির্বাসন-সঙ্গীর কথা—একই কুঠুরিতে থাকতো তারা—বনিফাসে আলেক্সান্দ্র নামে

টিথনোভ’ সম্প্রদায়ের পুরোহিত। ক্রিষ্টিনা নামে একটি ছয় বছরের কন্যা ছিলো। আর্লেন্ডসভের, পিতার একান্ত অমুগত সে। পিতার গ্রেপ্তার ও তার পরবর্তী ঘটনাগুলো মেয়েটির মনে সাংঘাতিক আঘাত দিয়েছিলো। ‘ধর্মবাজক,’ ‘নাগরিকের অধিকারচ্যুত,’ এই লেবেলগুলোকে তার মনে হ’লো কলঙ্কচিহ্ন— যা তার বাবার নাম থেকে কোনো-একদিন মুছে ফেলার সম্ভব সে হয়তো। তার বালিকা-হৃদয়ে বন্ধপরিকর হয়। হৃদয় এই উদ্দেশ্যটি অতি অল্প বয়স থেকেই আগুনের মতো জ্বলছিলো তার মনে; আর তারই ফলে সাম্যবাদের মতো, যা তার মনে হ’লো তর্কাতীত, তার বয়সের সীমাতিক্রান্ত উন্মাদনা নিয়ে তারই শিষ্টাচার গ্রহণ করলো সে।

‘আমাকে যেতে হয় এবার,’ ইউরি বললো। ‘আমার ওপর রাগ কোরো না, মিশা। বড্ড গুমোট এখানে, আর বাইরে কী তাপ! আমার দয় আটকে আসছে।’

‘কিন্তু জানলা তো খোলা আছে, ত্যাখো, মেঝের দিকে তাকিয়ে ত্যাখোঅত্যন্ত দুঃখিত, আমরা বড্ড বেশি সিগারেট খাচ্ছিলাম। তুলেই যাই যে তুমি থাকলে আমাদের ধূমপান করা সম্ভব। এই গুমোট তো আর আমার দোষে হয়নি, জানলাটাই মূর্খের মতো বানিয়েছে। আমাকে আর-একটা ঘর খুঁজে দিলে তো পারো।’

‘আমাকে যেতেই হবে, মিশা। অনেক বকবক করা গেলো। আমাকে নিয়ে হুশিয়ার করছো তোমরা—দু’জনকেই ধন্যবাদ জানাই। না, সত্যি বানিয়ে বলছি না। আমার এক হৃদরোগ হয়েছে, স্ক্লেরসিস তার নাম। হার্টের পেশীগুলো ক্ষ’য়ে-ক্ষ’য়ে পাংলা হ’য়ে যায়—একদিন ফেটে যাবে আরকি। আর আমার এখনো চল্লিশ হয়নি, আর এমনও নয় যে পাঁড় মাতাল ছিলুম বা জীবন ভ’রে যথেষ্টাচার করেছি।’

‘যতো বাজে! তোমার জন্য শোকসংগীত গাইবার সময় হয়নি এখনো। আমাদের চাইতে ঢের বেশিদিন বাঁচবে তুমি।’

১ এই সম্প্রদায়ের পুরোহিতদের গুরু হলেন পিতামহ টিথন, রুশিয় চার্চের এক প্রধান পুরুষ, যিনি রাষ্ট্র কর্তৃক ধর্মীয় সম্পত্তি বাজেয়াপ্ত করার প্রচেষ্টার বাধা দিতে গিয়ে নিগ্রহভোগ করেন। ‘জীবিত চার্চ’—যা সেই সময়ে রাষ্ট্রের পৃষ্ঠপোষকতা কিছু পরিমাণে লাভ করেছিলো, এই সম্প্রদায় তার বিদ্রোহী।

‘হার্ট থেকে অল্পসল্প রক্তক্ষরণের অস্থখ খুব বেশি হচ্ছে আজকাল। তাতে যে সব সময়ই মৃত্যু হয় তা নয়। কেউ-কেউ টিকেও যায়। আমাদের এই যুগের একটা সাধারণ অস্থখ এটা। এর কারণ, আমার মনে হয়, প্রধানত নৈতিক। আমাদের মধ্যে অধিকাংশকেই ক্রমাগত ও নিয়মিত কপটতার মধ্যে জীবনযাপন করতে হচ্ছে। যদি দিনের পর দিন যা তুমি মনে ভাবো মুখে তার উল্টোটা বলো, যা তুমি পছন্দ করো না, তারই পায়ে পেগাম চৌকো, আর যা তোমার জীবনে অভিশাপের মতো তাই নিয়ে উল্লসিত হ’য়ে ওঠো—তাহ’লে তোমার স্বাস্থ্য ভেঙে পড়তে বাধ্য। তোমার স্নায়ুতন্ত্র তো গল্পকথা নয়, তোমার দেহেরই অংশ, আর তোমার মুখের মধ্যে যেমন দাঁত, তেমনি নির্দিষ্ট স্থানে, তোমার অভ্যস্তরেই তোমার আত্মার বসতি। তাকে’ অমান্ত্র করলে শান্তি পেতেই হবে। তোমার কথা শুনতে বড়ো কষ্ট হচ্ছিলো নিকি, যখন তুমি বলছিলে জেলের ভেতরে কী ভাবে তুমি নতুন শিক্ষালাভ করলে, সাবালক হ’য়ে উঠলে। ঠিক যেন সার্কাসের ঘোড়া, নিজেই গল্প করছে, কী ভাবে সে শিক্ষিত হ’লো।’

‘আমি ডুভোরভের পক্ষে,’ বললো গর্ডন। ‘মানুষের কথাবার্তা শুনে তোমার আর অভিযাস নেই বোঝা যাচ্ছে, কোনো কথাই তোমার কাছে ঠিক পৌঁছয় না।’

‘তা হ’তে পারে, মিশা। কিন্তু যাই হোক, আমাকে এবার যেতেই হচ্ছে। নিশ্বাসের কষ্ট হচ্ছে আমার। সত্যি বলছি, একটুও বাড়িয়ে বলছি না।’

“ ‘একটু দাঁড়াও, তুমি পালাতে চাইছো। যতোকণ না মন থেকে সোজাসৃজি সাফ একটা জবাব দিচ্ছো, ততোকণ আমরা তোমাকে যেতে দেবো না। তুমি মানো—না কি মানো না—যে এবার তোমার হালচাল বদলানো উচিত, শোধরানো উচিত নিজেকে? সে-বিষয়ে কী করছো তুমি? প্রথমত টোনিয়া আর মারিনার ব্যাপারটার একটা মিটমাট করতে হবে তোমাকে। ওরাও তো মানুষ, ওরা মেয়ে—ওদের কষ্ট আছে, অসুস্থি আছে—তোমার ভাবনাগুলোর মতো অশরীরী নয় তো যে মগজে গিয়ে ভেঙি দেখাবে। আর তারপর, তোমার মতো একজন মানুষ একেবারে গোপাল

যাবে, এও বড়ো লজ্জার কথা। গা ঝাড়া দিয়ে উঠে বসতে হবে তোমাকে, নিজেকে গুছিয়ে নিয়ে শাদা চোখে তাকাতে হবে, ছাড়তে হবে এই অর্থহীন ঔদ্ধত্য। ঠিক, ঠিক—তোমার এই দেমাকি ভাব, সকলের প্রতি তাজিল্য, —ও-সব ছাড়ো তো এবার। তার কোনো ক্ষমা নেই কিন্তু। আবার কাজ হাতে নাও, ডাক্তারি শুরু করো।’

‘আচ্ছা বেশ, জবাব দিচ্ছি কথার। সম্প্রতি আমি নিজের এই ধরনের কথা ভাবছিলাম, তাই সত্যিই কথা দিতে পারি যে বদল একটা হবে। আমার মনে হয় সবই ঠিক হ’য়ে যাবে, খুব শিগগিরই হবে। দেখো তোমরা। না, সত্যি বলছি। সব-কিছুই ভালোর দিকে এখন। আমি বেঁচে থাকতে চাই— অনির্বচনীয়, উদ্দাম সেই হচ্ছে—আর অবশ্য বেঁচে থাকা মানেই আরো সংগ্রাম, আরো এগিয়ে যাওয়া, আরো, আরো সম্পূর্ণতার জন্ত চেষ্টা ও তাতে সিদ্ধি।

‘মিশা, আগে তুমি যেমন বরাবর টোনিয়ার পক্ষ নিয়েছো, তেমনি এখন মারিনার পক্ষ নিয়ে কথা বলছো—তাতে আমি খুশি হয়েছি। কিন্তু জানো, ওদের একজনের সঙ্গেও ঝগড়া হয়নি আমার, ওদের সঙ্গে আমার কোনো লড়াই চলছে না—এই ব্যাপার নিয়ে কারো সঙ্গেই আমার লড়াই নেই। প্রথম-প্রথম তোমরা আমাকে এই ব’লে গল্পনা দিতে যে মারিনা আমাকে “আপনি” বলে, “ইউরি আক্সেইয়েভিচ” ব’লে সম্বোধন করে, আর আমি তাকে “তুমি” বলি, ডাকি “মারিনা” ব’লে—যেন সেটা আমারও খারাপ লাগতো না! কিন্তু জানো, এই অস্বাভাবিক অবস্থার পেছনে যে-সব কুরণ ছিলো তা অনেক আগেই দূর হ’য়ে গেছে; সব কিছু মসৃণ হ’য়ে গেছে এখন, সাম্য স্থাপিত হয়েছে।

‘এবার একটা ভালো খবর দিচ্ছি। প্যারিস থেকে আবার চিঠি পাচ্ছি আমি। বাচ্চারা বড়ো হচ্ছে, অনেক সমবয়সী ফরাসী বন্ধু পেয়েছে তারা; শাশা প্রায় প্রাইমারি স্কুলের গণ্ডি কাটিয়ে উঠলো, আর মাশা শিগগিরই ভর্তি হচ্ছে। জানো তো, মাশাকে আমি কখনো চোখে দেখিনি, ওরা ফরাসী নাগরিক হ’য়ে গেছে—তবু, সব-কিছু সন্দেহও, আমার কেন জানি মনে হয় যে ওরা শিগগিরই ফিরে আসবে, কোনো-না-কোনো উপায়ে সব ঠিক হ’য়ে যাবে আবার।

‘মনে হ’লো টোনিয়া আর আমার খবরমশাই মারিনার কথা, বাচ্চা দুটির কথাও জেনে গেছেন। আমি কিছু লিখিনি চিঠিতে, পাঁচ মুখ ঘুরে পৌঁছেছে আরকি খবরটা। আলেকজান্ডার আলেকজান্ড্রোভিচ ডয়ানক রেগে গেছেন—বাবা তো উনি। টোনিয়ার কথা ভেবে খুবই আঘাত পেয়েছেন নিশ্চয়ই। প্রায় পাঁচ বছর ধ’রে এ-জন্তাই আমাদের কোনো চিঠিপত্রের বিনিময় হয়নি। মস্কোতে ফেরার পর আমি ওঁদের চিঠি লিখতাম, তারপর হঠাৎ ওঁরা জবাব দেওয়া বন্ধ ক’রে দিলেন।

‘এখন, এই মাত্র ক’দিন হ’লো, ওঁরা আবার লিখতে শুরু করেছেন, ওঁরা সবাই। এমনকি বাচ্চারাও। স্নেহে ভালোবাসায় ভরা চিঠিগুলি। কোনো কারণে ব্যাপারটা মেনে নিয়েছেন ওঁরা। হয়তো অল্প কাউকে খুঁজে পেয়েছে টোনিয়া; ঈশ্বরের কাছে আমি সেই প্রার্থনাই করি। কিন্তু জানি না, আমিও লিখি মাঝে-মাঝে...কিন্তু সত্যিই আর থাকতে পারছি না আমি। চলি, নয়তো হাঁপানির টান উঠবে। চলি।’

পরদিন সকালে ভীষণ উদ্ভ্রান্ত অবস্থায় মারিনা গর্ভনের কাছে ছুটে এলো। বাচ্চাদের রেখে আসতে পারে এমন কেউ না-থাকায় কন্বলে জড়িয়ে ছোটো বাচ্চাটাকে কোলে ক’রে নিয়ে এসেছে সে, আর অল্প হাতে টানতে-টানতে এনেছে কাপকাকে, পেছন-পেছন মায়ের পায়ে-পায়ে ছুটে আসছে মেয়েটা।

‘মিশা, ইউরিকি এখানে?’ ভয়ার্ত স্বরে মারিনা জিজ্ঞেস করলো।

‘কাল রাত্রে ও বাড়ি ফেরেনি?’

‘না তো।’

‘তাহ’লে নিকির ওখানে রাত কাটিয়েছে নিশ্চয়ই।’

‘আমি ওখান থেকেই আসছি, নিকি কলেজে গেছে, কিন্তু পড়শিরা ইউরিকে চেনে, ওরা বললো উনি ওখানে যাননি।’

‘তাহ’লে গেলো কোথায়?’

মারিনা ক্লাজ্জকাকে সোফার ওপর নামিয়ে রেখে চীৎকার ক’রে ফিট হ’য়ে পড়লো।

৮

এর পরের দু'দিন গর্ডন আর ডুডোরভের মারিনাকে একা রেখে যেতে সাহস হ'লো না। পালা ক'রে পাহারা দিলে ওরা, আর ইউরিকে খুঁজে বেড়াতে লাগলো। ইউরির পক্ষে যাওয়া সম্ভব এমন সমস্ত জায়গায় খোঁজ করলো তারা—মুচনয় গরড, সিভৎসেভ স্ট্রীট, যেতো 'জ্ঞানমন্দির' আর 'চিন্তানিকেতনে' সে কাজ করেছে, তার সব বন্ধু, যাদের শুধু নামটুকুও শুনেছে, ঠিকানা জোগাড় করতে পারলেই দেখা করেছে তাদের সঙ্গে—কিন্তু কিছুতেই কোনো ফল হ'লো না।

ইউরি যে নিখোঁজ, সেনাবাহিনীকে এ-খবর তারা দিলে না। সে অবশ্য নাম রেজিস্ট্রি করেছিলো, পুলিশের পাতায় কোনো অভিযোগও ছিলো না তার বিরুদ্ধে। কিন্তু তবু, যে-মাহুষ তৎকালীন ধারণা অশুভায়া একেবারেই আদর্শ জীবন যাপন করেছে না, তার সন্ধান, একেবারে নিরুপায় না হ'লে, সেপাই লাগানো তারা সমীচীন মনে করলে না।

গর্ডন, ডুডোরভ আর মারিনা, এই তিনজনের কাছেই তৃতীয় দিনে ভিন্ন-ভিন্ন ডাকে ইউরির চিঠি এলো। তাদের এই কষ্ট আর উদ্বেগের কারণ হয়েছে ব'লে ইউরি অহুতপ্ত; ঈশ্বরের দোহাই, তাকে খুঁজে বের করার চেষ্টা যেন আর না করে তারা—কিন্তুতেই কোনো ফল হবে না, তাদের সব চেষ্টা ব্যর্থ হবে।

সে লিখেছে যে কিছুদিনের মতো সে একেবারে একা থাকতে চায়। মনকে নিবিষ্ট করতে চায় নিজের ব্যাপারে—যাতে যথাসম্ভব দ্রুত ও সম্পূর্ণভাবে নিজের জীবনটাকে নতুন ক'রে গ'ড়ে তুলতে পারে। যে-মুহূর্তে একটা পাকাপাকি কাজ পাবে, মোটামুটি নিশ্চিত হবে যে তার আগেকার বদভ্যাসগুলোকে পুরোপুরি কাটিয়ে উঠতে পারবে, সে-মুহূর্তেই সে গুপ্তবাস ছেড়ে মারিনা ও তার সন্তানদের কাছে ফিরে যাবে।

গর্ডনকে লিখেছে মারিনার জন্ত কিছু টাকা পাঠাচ্ছে। সে যেন একটা নার্স ঠিক করে বাচ্চাদের জন্ত, যাতে মারিনা আবার চাকরিতে বেরোতে পারে। সোজা মারিনার কাছে টাকা না-পাঠাবার কারণ এই যে কেউ হয়তো রশিদটা দেখে ফেলবে, ডাকাতির ভয় থাকবে মারিনার।

শিগগিরই টাকা এলো, সেই টাকার অঙ্ক এমন বা ইউরি বা তার বন্ধুরা কখনো একসঙ্গে চোখে জ্বাধেনি। নানি ভাড়া করা হ'লো, মারিনা তার ডাকঘরের কাজে যোগ দিলে আবার। তখনো খুব বিচলিত ছিলো সে। কিন্তু ইউরির খামখেয়ালের সঙ্গে পরিচয় ছিলো তার, তাই শেষ পর্যন্ত তার এই সর্বশেষ উচ্ছ্বলতাও মেনে নিলে। তারা তিনজনেই খোঁজ-খবর চালাতে লাগলো, কিন্তু শেষ পর্যন্ত এই সমাধানে আসতে হ'লো যে ইউরির কথাই ঠিক; তাকে খোঁজা একেবারে অর্থহীন। তার চিহ্নমাত্র খুঁজে পেলো না তারা।

৯

অথচ সারা সময় সে ছিলো বলতে গেলে পাশের বাড়িতে, তাদের চোখের তলায়, নাকের তলায়, যে-পাড়ায় তারা তাকে খুঁজে মরছে, তারই ঠিক মধ্যখানে।

যেদিন সে উধাও হ'লো, সেদিন গর্ডনের কাছে বিদায় নিয়ে সন্দের একটু আগে সে ব্রিগি স্ট্রিটে পৌঁচেছিলো। সোজা চলছিলো বাড়ির দিকে। কিন্তু প্রায় তক্ষুনি, বাড়ির মাত্র একশো গজের মধ্যে, তার ভাই ইয়েভগ্রাফের সঙ্গে দেখা হ'য়ে গেলো। তিন বছরেরও বেশি হ'য়ে গেছে সে তাকে জ্বাধে না, তার কোনো খবরও রাখে না। শুনলো ইয়েভগ্রাফ তক্ষুনি মাত্র মস্কোতে পৌঁচেছে, চিরাচরিতভাবে আকাশ থেকে এসে পড়েছে সে, একটু হেসে, ঠাট্টা ক'রে ইউরির সব প্রশ্ন সে এড়িয়ে গেলো। আর এদিকে যে-অল্প কয়েকটি প্রশ্ন সে ইউরিকে করলো তা থেকে ইউরির তখনকার সব অস্থবিশ্বাস সারাংশটুকু জেনে নিলো সে, আর তৎক্ষণাৎ, সন্ধ্যা, আকাবাকা, ভিড়ে ভর্তি রাস্তার মোড়গুলি পার হ'তে-হ'তে সে একটা সত্যিকার কাজের বুদ্ধি বাৎলে দিলে তার উদ্ধারের উপায় হিসেবে। ইউরির এখন কিছুদিনের মতো গুপ্তবাস করা উচিত, এই বুদ্ধিটা তারই মাথায় খেললো।

কামেরগের স্ট্রিটে—এখনো সেই নামই আছে—আর্টস থিয়েটারের কাছে ইউরির অন্ত একটা ঘর নিলো সে। চেষ্টা করতে লাগলো যাতে ইউরি এমন

কোনো হাসপাতালে ভালো কাজ পায়, যেখানে গবেষণার সুযোগ প্রচুর। দিয়ে চললো টাকা, সর্বতোভাবে সাহায্য করলো ইউরিকে। কথা দিলে যে ইউরির এই পারিবারিক ঝিরাচারের সে সমাধান ক'রে দেবে। হয় ইউরি যাবে প্যারিসে, নয়তো ওরাই তার কাছে আসবে। নিজেকে দায়িত্ব নিলো এই সব-কিছুর ব্যবস্থা করার। আগেকার মতোই, ইয়েভগ্রাফের সাহায্য পেয়ে ইউরির যেন প্রাণসঞ্চার হ'লো; বরাবরকার মতো, ভাইয়ের এই ক্ষমতার রহস্য অজানা রইলো তার কাছে; তা আন্দাজ করারও সে চেষ্টা করলে না।

১০

দক্ষিণ-মুখো ঘর ইউরির। থিয়েটারের প্রায় লাগোয়া বাড়িটা, উন্টো দিকের ছাদের সারি ছাড়িয়ে দৃষ্টি চ'লে যায়; তাদের ওদিকে ওখোটনি রিয়ান্ডের ওপর সূর্য জলজল করে, কিন্তু নিচের রাস্তায় ছায়া প'ড়ে যায়।

ইউরির কাছে ঘরটা শুধুমাত্র কাজ করার, লেখাপড়ার জায়গাই নয়, তা ছাড়াও অস্ত্র কিছু। সেই সময়ে, যখন তার কর্মশীলতা তাকে ভেতরে-ভেতরে ক্ষইয়ে দিচ্ছে, যখন ডেস্কের ওপর স্তূপীকৃত খাতাগুলোতে তার পরিকল্পনাগুলিকে কিছুতেই ধরানো যাচ্ছে না, আর তার ভেবে-রাখা বইগুলোর আকৃতি, স্টুডিওর দেয়ালের দিকে মুখ-ফেরানো চিত্রকরের অসমাপ্ত ছবির মতো, তাকে চারদিক থেকে ঘিরে রয়েছে, তখন ঐ ঘরটি তার কাছে হ'য়ে উঠেছিলো আত্মার ভোজনশালা, অযুক্তির সঞ্চয়নকক্ষ, আবিষ্কারের অফুরন্ত ভাণ্ডার।

তার ভাগ্য ভালো; হাসপাতালের সঙ্গে ইয়েভগ্রাফের কথাবার্তা টিমে লয়ে চলছে—ইউরির চাকরির ব্যাপারটা যেন অনির্দিষ্ট ভাবে স্থগিত রইলো। এই দেরির জন্ত লেখার অবকাশ জুটলো তার।

তার পুরোনো কবিতাগুলিকে বাছাই করার চেষ্টা করছে সে; কোনোটার টুকরো-টুকরো অংশ মনে আছে তার, কোনো-কোনোটার পাণ্ডুলিপি ইয়েভগ্রাফ কী ক'রে যেন জোগাড় করেছে, (কিছু-কিছু ইউরির নিজের হতাকরে, কিছু বা অন্তর্দেব করা প্রতিলিপি)। ইউরি স্বভাবতই

উত্তমের অপচয় করে। কিন্তু এই অসংবদ্ধ রচনাগুলির সামনে সে যেন অসহায় হ'য়ে পড়লো। সেগুলোকে ঠেলে রেখে নতুন লেখা শুরু ক'রে দিলে।

একটা প্রবন্ধের খসড়া করবে সে। প্রথম ভারিকিনোতে গিয়ে যে-রকমের নোট লিখতো অনেকটা সেই ধরনের, বা লিখবে কোনো কবিতার আরম্ভ বা শেষ বা মাঝামাঝি অংশ—ঠিক যেমন মনে আসে তেমনি। কখনো-কখনো এমন হয় যে আত্মকল্প ও সংক্ষেপীকরণে রচিত শট্‌হাণ্ড ব্যবহার ক'রেও নিজের চিন্তার দ্রুতগতির সঙ্গে সে তাল রাখতে পারে না।

তাড়া আছে তার। কল্পনা যখন ক্লান্ত হ'য়ে পড়ে, তখন খাতার ধারে-ধারে ছবি এঁকে সে মনকে চেতিয়ে তোলার চেষ্টা করে। ছবিতে আঁকে বারে-বারেই কাঁটাবন আর শহরের চৌরাস্তা, তাতে এই বিজ্ঞপ্তি দেখা যাচ্ছে, 'মরো আণ্ড ভেটচিনকিন। ঢেঁকি কল। বীজ-বপনযন্ত্র।'

তার প্রবন্ধ আর কবিতার ঐ একই বিষয় . শহর।

১১

পরে তার কাগজপত্রের মধ্যে এই খুঁচরো লেখাগুলি পাওয়া গিয়েছিলো :

'বাইশ সালে যখন ফিরে এলাম, মস্কো তখন জনশূন্য ও বিধ্বস্ত। বিপ্লবোত্তর প্রথম কয়েক বছরের দুঃখকষ্ট সবেমাত্র কাটিয়ে উঠেছে সে, আজো তাকে প্রায় সেইরকমই দেখছি। কিন্তু এখনো, এই অবস্থাতেও, বিরাট এক আধুনিক নগর এই মস্কো, আর নগরই হ'লো সত্যিকার আধুনিক ও সমকালীন শিল্পের প্রেরণার উৎসস্থল।'

'প্রতীকী কবিদের রচনায় (ব্লক, ভেরহারেন, ছুইটম্যান) যে-স্বচ্ছাচারী ও অসংবদ্ধ বস্তুসমাবেশ দেখা যায়, সেটা কোনো রীতিগত কৌশলমাত্র নয়। অহুভূতির এই নতুন সমাবেশ প্রত্যক্ষভাবে জীবন থেকেই আহরণ করা হয়েছে।

'এঁদের কবিতায় ছত্রে-ছত্রে যেমন চিত্রকল্পের পারস্পর্য দ্রুতবেগে এসে পড়ছে, ঠিক তেমনি ভাবেই ব্যস্ত শহরের পথ দ্রুত ছুটে চলে আমাদের সামনে দিয়ে, সঙ্গে নিয়ে চলে বিগত শতকালের ভিড় আর ক্রহাম-গাড়ি, আর আমাদের শতকের আরম্ভকালে ট্রাম, বাস আর বৈদ্যুতিক ট্রেন।

‘এই জীবনে রাখালিয়া-গানের সারল্য কোথায় পাওয়া যাবে? যখন সে-রকম চেষ্টা করা হয়, সেই নকল-সারল্যকে মনে হয় সাহিত্যিক জালিয়াতি, তার উৎস নয় গ্রামীণ প্রকৃতি, কালেজি কেতাব থেকে তা টুকে নেওয়া হয়েছে। এ-যুগের জীবন্ত ভাষা হ’লো নাগরিক।

‘এক ব্যস্ত চৌরাস্তার মোড়ে আমার বাসা। রৌদ্রালোকে আর অ্যাসফল্টের খেত উত্তাপে অন্ধ মস্কো, উচু বাড়ির জানলা থেকে বোন ছিটিয়ে, রাস্তা আর মেঘের রঙে বুক ভ’রে নিশ্বাস নিয়ে, ফুলের মতো ফুটে উঠতে-উঠতে মস্কো আমার চতুর্দিকে ঘূর্ণিত হচ্ছে, আমার মাথা ঘুরিয়ে দিচ্ছে সে, আর সেই সঙ্গে আমাকেও বাধ্য করছে তার প্রশস্তি রচনা ক’রে অল্পদের মাথা ঘুরিয়ে দিতে।

‘কোনো অপেরার পরদা ওঠার আগে উদ্বোধনী যন্ত্রসংগীতের মতো—ষে-পরদা এখনো অন্ধকার ও গোপন, কিন্তু পাদপ্রদীপের আলোয় ইতিমধ্যেই লাল হ’য়ে উঠছে—তেমনভাবে আমাদের দরজা-জানলার বাইরে আমাদের ভাবনার সঙ্গে যুক্ত হ’য়ে আছে এই অফুরান শব্দ যা আমাদের দেয়ালের বাইরে রাস্তায় ধ্বনিত হচ্ছে দিন-রাত। আমাদের দরজা-জানলার বাইরে এই শেষহীন, বিরামহীন গতি ও মর্মরধ্বনি রচনা করছে আমাদের প্রত্যেকের জন্য জীবনের উদ্দেশ্যে এক বিরাট অপরিমেয় স্তবগান। এই দিক থেকেই নগরের বিষয়ে আমি লিখতে চাই।’

জিভাগোর রচনাবলীর যে-অংশ রক্ষিত হয়েছে, তার মধ্যে কিন্তু এই ধরনের কোনো কবিতা নেই। হয়তো ‘হ্যামলেট’ এই পর্যায়ের অন্তর্ভুক্ত ছিলো।

১২

আগস্টের শেষের দিকে একদিন সকালে বটকিন হাসপাতালে (তখন সলভাটেকো হাসপাতাল নামে পরিচিত) যাবার জন্য গাজেটনি স্ট্রীটে ট্রামে উঠলো ইউরী; সেদিন তার নতুন কাজে যোগ দেবার কথা।

ট্রামের বিষয়ে কপাল ভালো ছিলো না তার; এই চলে তো এই থামে, ঝামেলার অন্ত নেই। কখনো-কখনো ঠেলাগাড়ির চাকা লাইনের ওপর উঠে

এসে ট্রামের পথ আটকে দিচ্ছে, কখনো বা ছাদে বা মেঝের তলায় ঝলক দিয়ে আওয়াজ তুলে কারেন্ট যাচ্ছে বন্ধ হ'য়ে।

সামনের পাটাতন থেকে ড্রাইভার নেমে প'ড়ে যন্ত্রপাতি হাতে ট্রামের চারদিকে ঘোরে, মাটিতে ব'সে প'ড়ে চেঁচা করে পেছনের পাটাতন আর চাকার মাঝখানকার যন্ত্রপাতি সারাতে।

এই বিচ্ছিন্ন ট্রামের জগৎ সারা লাইনে ট্র্যাফিক আটকে আছে। পুরো রাস্তাটা থেমে-বাওয়া অগাধ ট্রামে বন্ধ হ'য়ে গেলো। পেছনে আরো এসে লাইনে দাঁড়াচ্ছে—মানেজ স্কোয়ার ছাড়িয়ে ট্রামের সারি দাঁড়ালো। পেছন দিক থেকে যাত্রীরা সময় বাঁচাবার আশায় এগিয়ে আসছে সামনের দিকে, আর যে-গাড়িটা সব ঝঞ্জাটের মূল, তাতেই চেপে বসছে। সকালবেলাটা গরম, গাড়িতে ভিড়, বাতাস নেই। রাস্তায় যারা ভিড় ক'রে এক ট্রাম থেকে আরেক ট্রামে ছুটোছুটি করছে, তাদের মাথার ওপরে, আকাশের অনেক উঁচুতে, গুঁড়ি মেরে-মেরে এগোচ্ছে গাঢ় লাইলাক রঙের মেঘ। এখনই ঝড় উঠবে।

বাঁ দিকে একটা একলা আসনে জানলা ঘেঁষে ব'সে ছিলো ইউরির। নিকিটা স্ক্রিটের বাঁ দিকে সংগীত-ভবনের একটা অংশ দেখতে পাচ্ছিলো সে। মনে-মনে অগ্নি কিছু ভাবছে, আর সেই সঙ্গে ঝাপসা মনোযোগ দিয়ে লক্ষ্য করছে রাস্তায় যারা হেঁটে বা গাড়িতে চলেছে—কাউকে বাদ দিচ্ছে না।

এক বৃদ্ধা ফুটপাথ ধ'রে চলেছেন, তাঁর চুল ধূসর, হালকা খড়ের টুপিতে স্নতো দিয়ে ডেইজি আর ঘাসফুল তোলা, পরনে সেকলে ধরনের আঁটো লাইলাক রঙের পোষাক। একটা চ্যাপ্টা পোটলা হাতে নিয়ে হাঁপাচ্ছেন তিনি, চলতে-চলতে পাখা নাড়ছেন। আঁটো কাঁচুলি ও গরমের চাপে অবসন্ন হ'য়ে ঘামছেন দরদর ক'রে, একটি ছোট্ট লেসের রুমাল দিয়ে বার-বার ঠোঁট আর ভুরু মুচছেন।

ট্রাম-লাইনের সঙ্গে সমান্তর তাঁর পথ। ইতিমধ্যে কয়েকবার ইউরির দৃষ্টির বাইরে চ'লে গেছেন উনি, কেননা সারাবার জগৎ কিছুক্ষণ থেকে-থেকে ট্রামটা আবার চলতে শুরু ক'রে গুঁকে ছাড়িয়ে গেছে, কিন্তু আবার যখন নষ্ট

হ'লো তখন ট্রামটাকে ছাড়িয়ে গেছেন ভদ্রমহিলা, ইউরি আবার তাঁকে দেখতে গেলো।

ইউরির মনে পড়লো স্কুলে পড়ার সময় যে-সব পাটিগণিতের গ্রন্থলিকা জিজ্ঞেস করা-হ'তো: বিভিন্ন সময়ে, বিভিন্ন গতিতে যদি অনেকগুলো ট্রেন চলতে শুরু করে, তাহ'লে কখন এবং কী পর্দায় গন্তব্যে পৌছবে তারা, এ-সব সমস্তা সমাধানের সাধারণ নিয়মটা মনে করার চেষ্টা করলে, কিন্তু কিছুতেই মনে এলো না, আর এই স্কুলের স্থিতি থেকে অস্ত্র আরো স্থিতি জেগে উঠলো, আরো অনেক জটিল দূরকল্পনা।

এমন কয়েকজনের কথা মনো পড়লো ঘনিষ্ঠ ও সমান্তর ধারায় চলেছে যাদের জীবন, কিন্তু বিভিন্ন গতিতে; সে ভাবলে কী-রকম ঘটনাচক্রে এদের মধ্যে কেউ-কেউ অগ্নদের ছাড়িয়ে যাবে, বেঁচে থাকবে তাদের চাইতে বেশিদিন। মাহুষের আয়ুর দোড়ের পেছনে কোনো-এক আপেক্ষিক তত্ত্ব কাজ করছে ব'লে তার মনে হ'লো, কিন্তু এবারে একেবারে মাথা গুলিয়ে গেলো তার, ভাবনা ছেড়ে দিলো।

চমকে উঠলো বিহ্ব্যৎ, মেঘ ডাকলো গুরুগুরু। হতভাগা ট্রামটা আবার থেমেছে, এই নিয়ে কুড়িবার ধামলো। কুড়িনৃক্ষি স্ট্রীটের চড়াই থেকে চিড়িয়াখানায় যাবার মাঝখানে থেমেছে এবার। লাইলাক-রঙের পোষাক পরা সেই ভদ্রমহিলাকে জানলার ফ্রেমে দেখা গেলো একবার, ট্রাম ছাড়িয়ে তিনি এগিয়ে গেলেন। বৃষ্টির প্রথম মোটা ফোঁটা পড়লো রাস্তায়, ফুটপাথে আর মহিলাটির গায়ে। গাছের গায়ে চাবুক মেরে, পাতায় বাড়ি দিয়ে, ভদ্রমহিলার টুপি টেনে, স্মার্ট উড়িয়ে ব'য়ে গেলো একটা দমকা বাতাস, তারপর হঠাৎ থেমে গেলো।

অসুস্থ বোধ করছিলো ইউরি, যেন অজ্ঞান হ'য়ে যাবে। দুর্বলতা কাটিয়ে উঠে দাঁড়ালো সে, জানালার স্ট্র্যাপটা নিয়ে টানাটানি করতে লাগলো জানলাটা খোলার জন্ত। কিন্তু নাড়াতে পারলো না।

সবাই চেষ্টায়ে বলতে লাগলো যে জানলাটা একেবারে আটকানো, ঐ একই জায়গায় পেরেক দিয়ে পোঁতা, কিন্তু তার মুহূর্ত্তর ভাব কাটাবার চেষ্টায় ইউরি যেন আতঙ্কে ব্যাকুল হ'য়ে উঠলো, বুঝতে পারলো না যে সবাই চ্যাঁচাচ্ছে, আর চ্যাঁচাচ্ছে তাকে লক্ষ্য ক'রেই। তখনো জানলা খোলার চেষ্টা

ক'রে চলেছে সে, ষ্ট্রাপটা ধরে নিচের দিকে এবং নিজের দিকে আরো তিনবার সে টানলে, আর তখনই হঠাৎ এক নতুন ও মর্যাদাসিক যন্ত্রণা অনুভব করলো, বুঝতে পারলো দেহের অভ্যন্তরে কিছু-একটা ভেঙে গেছে, সে এমন কিছু-একটা ক'রে ফেলেছে, যার কোনো প্রতিকার নেই, বুঝতে পারলো যে এই শেষ। সেই মুহূর্তে চলতে শুরু করলো ট্রামটা, কিন্তু প্রেসনিয়া স্ট্রিটের কাছাকাছি অল্প একটু পথ গিয়েই আবার থেমে গেলো।

অমাহুযিক মনের জোর খাটিয়ে ইউরি উঠলো। ট্রামের গলির জমাট ভিড় ঠেলে টলতে-টলতে হোঁচট খেতে-খেতে বেরিয়ে এলো পেছন দিকের পাটাতনে; তার পথ আটকে দাঁড়ালো লোকেরা, তাকে গাল পাড়লো, কিন্তু বাইরের হাওয়ায় যেন প্রাণ ফিরে পেলো সে, মনে হ'লো হয়তো এখনো সর্বনাশ হয়নি, হয়তো সে সেরে উঠছে।

পাটাতনের ভিড় ঠেলে বেরিয়ে আসতে চেষ্টা করলো সে, আবার নতুন ক'রে ঝেঁকিয়ে উঠলো লোকেরা, গালি-গালাজ, লাথি, রাগি আওয়াজ, সব অগ্রাহ্য ক'রে সে ভিড়ের বাইরে ছিনিয়ে আনলো নিজেকে। থেমে-পড়া ট্রাম থেকে নেমে পড়লো রাস্তায়, এক পা এগোলো, আর-এক পা, আরো এক পা চলতে গিয়ে প'ড়ে গেলো পাথরের ওপরে, আর উঠলো না।

উঠলো কথার গুঞ্জন, যুক্তিতর্ক, উপদেশ। ট্রাম থেকে নেমে প'ড়ে তাকে ঘিরে দাঁড়ালো অনেকে। একটু পরেই বোঝা গেলো যে নিশ্বাস পড়ছে না, হৃৎস্পন্দন বন্ধ হ'য়ে গেছে। যারা তাকে ঘিরে দাঁড়িয়েছিলো তাদের সঙ্গে আরো একদল যোগ দিলো ফুটপাথ থেকে নেমে এসে, মৃত লোকটি চাপা পড়েনি এবং ট্রামের সঙ্গে তার মৃত্যুর কোনো যোগ নেই, এ-কথা জেনে কেউ-কেউ স্বস্তি পেলো আর কেউ-কেউ নিরাশ হ'লো। ভিড় বাড়লো; লাইলাক রঙের পোষাক-পর্যায় মহিলাও এলেন, দাঁড়ালেন একটু, মৃতদেহের দিকে তাকালেন, কথাবার্তা শুনলেন, তারপর চলে গেলেন এগিয়ে। ভদ্রমহিলা বিদেশী, কিন্তু বুঝতে পারলেন যে কিছু লোকের ইচ্ছে মৃতদেহটিকে ট্রামে তুলে হাসপাতালে নিয়ে যাওয়া হোক আর অন্যেরা বলছে এক্ষুনি ডাকা হোক সেনাবাহিনীকে। শেষপর্যন্ত কী স্থির হয় দেখার জগ্ন তিনি অপেক্ষা করলেন না।

লাইলাক-রঙের পোষাক পরা ভদ্রমহিলাটি সুইস নাগরিক; ইনি হলেন

মেলিউজ্জৈয়েভোর মাদমোয়াজেল ক্লারি, এখন অনেক, অনেক বয়েস হ'য়ে গেছে। বারো বছর ধ'রে মস্কোর কর্তৃপক্ষের কাছে দেশে ফেরবার অস্বস্তির জন্ত আবেদন ক'রে চলেছেন, সম্প্রতি তাঁর আবেদন মঞ্জুর করা হয়েছে। মস্কোতে এসেছেন ভিক্টোর জন্ত, ফিতে দিয়ে বাঁকা দলিলপত্রের পুঁটলি দিয়ে নিজেকে হাওয়া করতে-করতে এখন দূতাবাসের দিকে চলেছেন সেটা সংগ্রহ করতে। তিনি হেঁটে চললেন—দশবারের বার ছাড়িয়ে গেলেন ট্রামটাকে, জানতে পারলেন না যে জিভাগোকেও ছাড়িয়ে গেলেন তিনি, তার পরে বেঁচে রইলেন।

১৩

গলির খোলা দরজা দিয়ে দেখা যাচ্ছিলো ঘরের একটি কোনা, দেয়াল ঘেঁষে কোনাকুনিভাবে টেবিল পাতা। টেবিলের ওপর কফিন—যেন অনিপুণ-হাতে তৈরি করা ভিড়ি নৌকো—সব দিকটা, যেদিকে মৃতের পা থাকে, দরজা দিয়ে ঢুকলেই সেটা চোখে পড়ে। আগে এই টেবিলে ব'সেই ইউরির লিখতো; ঘরে আর কোনো টেবিল নেই। পাণ্ডুলিপিগুলো দেয়ালে টোকানো, আর টেবিলের ওপর কফিন। বালিশ দিয়ে উচু ক'রে দেওয়া হয়েছে ইউরির মাথা, দেখে মনে হয় যেন পাহাড়ের ঢালুতে কাং হ'য়ে আছে দেহটি।

রাশি-রাশি ফুলে সে পরিবৃত: শাদা লাইলাকের আন্ত-আন্ত গুচ্ছ (যা এই ঋতুতে ছলত), পাত্রে ও ঝুড়িতে রাখা সাইক্লোমেন ও সিনেরারিয়া। জানলার আলোকে যেন পরদার মতো আড়াল ক'রে দিচ্ছে ফুলগুলো। মৃতদেহের মুখে, হাতে আর কফিনের কাঠের আন্তরণের ওপর, পুষ্পবৃক্ষের ফাঁকে-ফাঁকে স্তোর মতো আলো এসে পড়ছে। টেবিলের ওপরকার ছায়া যেন ঝালপাতার নকশা, যেন এইমাত্র তাদের কাঁপুনি থামলো।

ততোদিনে মৃতদেহ দাহ করার প্রথাটা প্রচলিত হয়েছে। বাচ্চাদের জন্ত সবকারি মাসোহারার আশায় এবং ডাকঘরে মারিনার চাকরির কথা ভেবে স্থির করা হয়েছে যে মৃতের আত্মার জন্ত কোনো মঙ্গলপ্রার্থনা করানো হবে না; শুধু আইন-সম্মতভাবে দাহ করা হবে। যথোচিত কর্তৃপক্ষকে খবর দেওয়া হয়েছে; তাঁদের প্রতিনিধিদের যে-কোনো সময়ে আশা করা যাচ্ছে।

ইতিমধ্যে শূন্য মনে হচ্ছে ঘরটাকে, যেমন শূন্য মনে হয় কোনো ক্ল্যাট, যখন এক ভাড়াটে চ'লে গিয়েছে, অল্প ভাড়াটেও আসেনি। সেই স্তব্ধতা ব্যাহত হচ্ছিলো শুধু তখনই, যখন শোকার্ভেরা পা টিপে-টিপে মৃতের কাছে বিদায় নিতে এসে অসাবধানে পায়ের শব্দ ক'রে ফেলছিলো। সংখ্যায় তারা বেশি নয়, তবে যতোটা আশা করা গিয়েছিলো তার চেয়ে বেশি বইকি। এই প্রায় অজ্ঞাত মানুষটির মৃত্যুসংবাদ বিদ্যুৎবেগে ছড়িয়ে পড়েছে জানাশোনা মহলে। তার জীবনের বিভিন্ন সময়ে এরা অনেকেই চিনতো তাকে, যদিও পরে সকলের সঙ্গেই সংযোগ হারিয়ে ইউরী তাদের ভুলে গিয়েছিলো। তার কবিতা ও বৈজ্ঞানিক প্রবন্ধের আকর্ষণে আরো অনেক বন্ধু এসেছে যাদের সঙ্গে মানুষটির কখনো পরিচয় হয়নি। তারা এই প্রথম ও শেষবারের মতো তাকে দেখে যাচ্ছে।

ঘণ্টাগুলো স্তব্ধতায় কেটে যাচ্ছে, কোনো অল্পস্থান নেই, শুধু এক অল্পপস্থিতির চেতনায় প্রায় স্পর্শনীয়ভাবে ভারাতুর। স্তোত্রপাঠ ও সংগীতের স্থান নিয়েছে ফুল—শুধু ফুল।

এমন নয় যে ফুলগুলো শুধু বিকশিত হ'য়ে দৌরভ ছড়িয়ে দিচ্ছে। একেবারে নিঃশব্দ হ'য়ে ঢেলে দিচ্ছে স্রবাস, ঘোঁষসংগীতের মতো ঐকতানে—তাতে দ্রুত ক'রে তুলছে পচনক্রিয়া, কিন্তু এমনি ক'রে সকলকেই যেন তাদের স্রবাসিত ক্ষমতার অংশ দিচ্ছে, কোনো অল্পস্থান সম্পন্ন করছে যেন।

মরণলোকের নিকটতম প্রতিবেশী ব'লে উদ্ভিদজগৎকে ভাবা যায়। হয়তো, জীবনের যে-সব রূপান্তরে ও প্রাহেলিকায় আমরা যরণা পাই, তা সংহত হ'য়ে আছে মাটির সবুজে, কবরখানার তরুপল্লবে, আর কবরের মাটির ওপর উদ্ভিদ ফুলে ও গাছপালায়। যীশু যখন কবর থেকে উঠলেন, মারিয়া মাদলীনা তাঁকে তখনই চিনতে পারেননি, বাগানের মালি ব'লে ভুল করেছিলেন।

কামেরগের ক্ল্যাটের ক্ল্যাটে (এটাই ছিলো তার শেষ রেজিষ্ট্রি-করা ঠিকানা) যখন ইউরির মৃতদেহ নিয়ে আসা হ'লো, তখন তার মৃত্যুর খবর পেয়ে উদ্ভ্রান্ত বন্ধুরা মারিনাকে সঙ্গে নিয়ে ছুটতে-ছুটতে সিঁড়ির চাতাল থেকে খোলা

দয়জা দিয়ে ভেতরে ঢুকলো। আকস্মিক আঘাতে ও শোকে অর্থোন্নাদ মারিনা মেঝের ওপর লুটিয়ে পড়ে গেলো। মাথা ঠুকতে লাগলো গলিতে রাখা লম্বা কাঠের সিন্দুকটার গায়ে। ঐ সিন্দুকটার ওপরেই তখনকার মতো মৃতদেহ রাখা হয়েছিলো, কফিনের অর্ডার গেছে, সেটা যতোকক্ষে এসে পৌছবে, ততোকক্ষে কাঁটপাট দিয়ে পরিষ্কার করে রাখা হচ্ছে থাকার ঘরটা। চোখের জলে ভাসছে মারিনা, ফুঁপিয়ে-ফুঁপিয়ে বিড়বিড় করছে, কথা বলতে গিয়ে বিষম খাচ্ছে, হঠাৎ এক-একবার ডুকরে কঁদে উঠছে চীৎকার করে। চাষিঘরের বৌ-ঝিনের মতো কথা বলে-বলে কঁদছে সে—অচেনা লোক দেখে লজ্জা পাচ্ছে না, থমকেও যাচ্ছে না। মৃতদেহ আঁকড়ে পড়ে রইলো সে, যখন ঘরে নিয়ে স্নান করিয়ে কফিনে তোলার সময় হ'লো তখন তার কাছ থেকে সেই দেহ ছিনিয়ে নেওয়া সহজ হ'লো না।—এই সবই গতকালের কথা। আজ তার শোকের উন্মাদনা প্রশমিত হয়েছে, ক্লান্ত এক নিঃশাড়তায় আচ্ছন্ন হ'য়ে আছে সে; নিঃশব্দে ব'লে আছে, যদিও নিজের বা নিজের পারিপার্শ্বিক বিষয়ে এখনো সে সম্পূর্ণ সচেতন নয়।

আগেকার দিন-রাত্রি সারাক্ষণ সে ওখানেই ছিলো, একবারও নড়েনি। এখানেই বাচ্চাটিকে নিয়ে আসা হ'লো খাওয়ানোর জন্য, অল্পবয়সী নানির সঙ্গে কাপকাপ সেখানে এলো মা-র সঙ্গে দেখা করতে।

তাকে ঘিরে রইলো বন্ধুরা। গর্ডন আর ডুডোরভের শোক তারই সমান। মারিনার বাবা মার্কেল, তারই পাশে বেকির ওপর ব'লে সজোরে কঁদলো আর অদ্ভুত আওয়াজ করে নাক ঝাড়লো মাঝে-মাঝে। মারিনার মা-বোনেরা কঁদতে-কঁদতে বার-বার আসা-যাওয়া করছে।

কিন্তু ঐ জনতার মধ্যে দু'জন, একটি পুরুষ ও একজন মহিলা যেন সকলের চেয়ে স্বতন্ত্র। মৃতের সঙ্গে অল্প কারো চাইতে বেশি অন্তরঙ্গতার দাবি তারা করছে না। মারিনার, তার মেয়েদের বা ইউরির বন্ধুদের শোকের সঙ্গে তাদের কোনো প্রতিযোগিতাও নেই। কিন্তু তারা কোনো দাবি না-জানালেও স্পষ্ট বোঝা যাচ্ছিলো যে ইউরির ওপর তাদের বিশেষ কোনো অধিকার আছে, তাদের সেই অহুচ্চারিত ক্ষমতা আশ্চর্যভাবে

সকলেই মেনে নিয়েছিলো, কেউ কোনো প্রশ্ন বা তর্ক তোলেনি। আপাত-দৃষ্টিতে এরাই অস্ত্যোষ্টির সমস্ত ভার নিজেদের ওপর তুলে নিয়েছে, আর প্রথম থেকে প্রতিটি কাজ এমন শান্ত ও সক্ষমভাবে ক'রে যাচ্ছে যে মনে হচ্ছে এতে যেন তৃপ্তি পাচ্ছে তারা। তাদের এই আত্মস্থতা সকলেই লক্ষ্য করলো, সকলেরই ভারি অদ্ভুত লাগলো সেটা—যেন ঐ দু'জন শুধু অস্ত্যোষ্টির সঙ্গে নয়, মৃত্যুর সঙ্গেও জড়িত; প্রত্যক্ষ বা পরোক্ষভাবে মৃত্যুর জগৎ এরা দায়ী নয় অবশ্য, কিন্তু মৃত্যুর সঙ্গে এদের যেন বোঝাপড়া হ'য়ে গেছে, যেন সম্মতি দিয়েছে মৃত্যুকে, তাকে মেনে নিয়েছে মনের মধ্যে—ইউরির সম্পর্কে সেটাকে তারা প্রধানতম ঘটনা ব'লে ভাবছে না। শোকার্তদের মধ্যে অল্প দু'চারজন এদের চিনলো, অল্প কেউ-কেউ অসুস্থমান ক'রে নিলো এরা কারা—কিন্তু অধিকাংশের পক্ষেই তারা একেবারেই অচেনা।

তবু সেই পুরুষটি—যার সর্ব কোঁতুহলী কিরগিজ-ছাঁদের চোখ দেখে অগ্নদের কোঁতুহল জাগছে—সে যখনই সহজভাবে হৃন্দরী মহিলাটি নিয়ে ঘরে আসছে, তখনই সবাই, মারিনা স্ককু, যেন সর্বসম্মতিক্রমে ও বিনা প্রতিবাদে, চকিত হ'য়ে দেয়াল ঘেঁষে সাজানো চেয়ার অথবা বেঞ্চি থেকে উঠে দাঁড়াচ্ছে। বেরিয়ে গিয়ে ঘেঁষাঘেঁষি ক'রে অপেক্ষা করছে গলিতে বারান্দায়, অর্ধেক ভেজানো দরজার আড়ালে, ঐ দু'জনকে থাকতে দিয়েছে নিভৃত। এ-বিষয়ে যেন সকলেই একমত যে এ-দু'জনের শান্তভাবে ও নিরুদ্ধেগে পরামর্শ করা দরকার—অস্ত্যক্রিয়ার সঙ্গে প্রত্যক্ষভাবে যা যুক্ত, তেমনি কোনো জরুরি কাজ আছে এদের।

এবারেও তাই হ'লো। একা হ'লো দু'জনে। দেয়ালের ধারে ছুটো চেয়ারে ব'সে কাজের কথা বলতে লাগলো।

‘কী খবর পেলেন, ইয়েভগ্রাফ আক্রেইয়েভিচ ?

‘আজ রাত্রেই সংকার হবে। আধ ঘণ্টার মধ্যেই লোক আসবে মৃতদেহ তাদের সংস্থায় নিয়ে যাবার জন্ত। চারটেতে আইনমাসিক দাহক্রিয়া। ওয় কাগজপত্র কিছুই ঠিকঠাক ছিলো না; লেবর-কার্ডের মেয়াদ ফুরিয়ে গেছে, ট্রেড ইউনিয়ন কার্ড পুরোনো—বদলে নতুন কার্ড নেয়নি আর ঠান্ডাও দেয়নি অনেক বছর। সেই সবেরই ব্যবস্থা করতে হ'লো; তাই তো দেরি হ'লো

এতো। ওরা এসে নিয়ে যাবার আগে—বেশি দেরি নেই তার—আমাদেরও তৈরি হ'য়ে নিতে হবে; আপনার ইচ্ছেমতো আপনাকে এখন একা রেখে যাচ্ছি...দুঃখিত। ফোন এসেছে। আমি এক্ষুনি আসছি।'

গলিতে বেরিয়ে এলো ইয়েভগ্রাফ। অনেক অচেনা লোক ভিড় করেছে। সেখানে—ইউরির সহকর্মীরা, সহপাঠীরা, হাসপাতালের ছোকরা চাকুরের দল, মুদ্রাকর, পুস্তক-প্রকাশক—মারিনাকেও দেখলো সেখানে। ঠাণ্ডা ছিলো দিনটা, পিঠের ওপর কোট ফেলে নিয়েছে মারিনা, তারই মধ্যে মেয়ে দুটিকে ঢেকে দুই হাতে জড়িয়ে আছে তাদের। একটা কাঠের বেঞ্চির ধার বেষ্টে ব'সে ভেতরে যাবার জন্ত অপেক্ষা করছে, ঠিক যেন কোনো কয়েদির সঙ্গে দেখা করতে এসে পাহারাগুলার অহুমতির জন্ত ব'সে আছে। সামনের দরজাটা খোলা, সিঁড়ির চাতালে অনেক লোক, কেউ দাঁড়িয়ে কেউ পাইচারি করতে-করতে সিগারেট ফুঁকছে। ধাপে-ধাপে দাঁড়িয়ে কথা বলছে অল্প অনেকে। যতো নিচের দিকে, রাস্তার যতো বেশি কাছে, গলার স্বর ততোই দরাজ তাদের।

সেই বিরামহীন গুঞ্জন ছাপিয়ে কথা শোনার জন্ত বেশ চেষ্টা করতে হ'লো ইয়েভগ্রাফকে, রিসিভারে হাত চাপা দিয়ে বেশ শূশোভনরকম গলায় ইউরির মৃত্যু ও অত্যাচার ব্যবস্থার বিষয়ে প্রশ্নের জবাব দিলে সে, তারপর ভেতরে ফিরে গেলো, আবার তাদের কথাবার্তা শুরু হ'লো।

'সংস্কারের পরেই যেন উধাও হ'য়ে যাবেন না, লারিসা ফিয়োডোরোভনা। আপনি কোথায় উঠেছেন আমি জানি না। আমাকে না-জানিয়ে চলে যাবেন না কিন্তু। আমার একটি প্রার্থনা আছে আপনার কাছে, যতো শিগগির সম্ভব—কাল কি পরশু—আমার ভাইয়ের কাগজপত্রগুলি গোছানোর কাজ শুরু করতে চাই। আপনার সাহায্য চাই আমি। ওর কথা অনেক জানেন আপনি—বোধহয় সকলের চাইতে বেশি জানেন। বলছিলেন, মাত্র কয়েকদিন আগে ইকুৎস্ক থেকে এসেছেন আপনি। এখানে আপনার এসে পড়াটা নিতান্তই কাকতালীয়, অল্প কাজে এসেছিলেন, ইউরি যে এই ক্ল্যাটেই সম্প্রতি কয়েকমাস ধ'রে ছিলো, ওর মৃত্যুর খবর, কোনোটাই আপনার জানা ছিলো না। আপনার সব কথা বুঝতে পারিনি। কিন্তু বুঝিয়ে বলতে

অহরোধ করবো না। তবে দয়া ক'রে যাবার আগে আপনার ঠিকানাটা আমাকে দিয়ে যাবেন। যে-ক'দিন লাগবে পাণ্ডুলিপি বাছাই করতে সে-ক'দিন যদি আমরা এই বাড়িতেই কি অন্তত কাছাকাছি থাকতে পারি, তাহ'লেই সবচেয়ে ভালো হয়। এই বাড়িরই অল্প দুটো ঘরে ব্যবস্থা করা যায় না কি? তা যায় কিন্তু—ম্যানেজার আমার চেনা।'

‘আপনি বললেন, আমার সব কথা বুঝতে পারেননি।—না-বোঝার মতো কী আছে? মস্কোতে পৌঁছলাম, মালপত্র স্টেশনে রেখে পুরোনো মস্কোর কয়েকটি রাস্তায় পায়ে হাঁটার জন্ত বেরিয়ে পড়লাম। অর্ধেক রাস্তা তো চিনতেই পারি না, বহুকাল বাইরে থেকে ভুলে গেছি। তা যাই হোক, হাঁটছি তো হাঁটছি, কুজনেটস্কি ব্রিজ ধ'রে কুজনেটস্কি লেনে পড়লাম, তারপর হঠাৎ এমন একটা জায়গায় এসে পড়লাম যা ভীষণভাবে, অসাধারণভাবে আমার চেনা—কামেরগের স্ট্রীট। এই সেই রাস্তা যেখানে আমার স্বামী, আন্টিপভ, থাকে গুলি ক'রে মারা হয়েছে, ছাত্রাবস্থায় থাকতেন—এই বাড়িতে, এই ঘরে। যে-ঘরে আপনি আর আমি এখন ব'সে আছি। ভেতরে যাই না, আমি ভাবলাম, কে জানে, পুরোনো ভাড়াটেরা হয়তো থাকতে পারে এখনো, তাদের সঙ্গে দেখা ক'রে যাই। বুঝতেই পারছেন, সবই যে এমনভাবে বদলে গেছে আমি তার কিছুই জানতাম না—লোকেরা এমনকি ওদের নাম পর্যন্ত ভুলে গেছে—অবশ্য সেটা বুঝছি আরো পরে, তার পরের দিন আর আজ, ক্রমে-ক্রমে লোকেদের জিজ্ঞেস ক'রে-ক'রে। কিন্তু আপনি ছিলেন সেখানে। জানি না আপনাকে কেন বলছি এ-সব কথা। একেবারে ব্রজাহত হলাম আমি—দরজাটা হাট ক'রে খোলা, লোকজন গিশগিশ করছে। ঘরে একটি ককিন, এক মৃত মানুষ। কে? ভেতরে ঢুকে পড়লাম, ওপরে উঠে এসে দেখলাম। মনে হ'লো আমি পাগল হ'য়ে গেছি, প্রলাপ বকছি। কিন্তু আপনি সেখানে ছিলেন, আপনি দেখেছিলেন আমাকে, ছাথেননি? কে জানে এ-সব কথা আপনাকে বলছি কেন?’

‘দাঁড়ান লারিসা কিয়োটোরোভনা, একটু দাঁড়ান। আপনাকে তো বলেইছি যে আমি বা ইউরির, কেউই ঘৃণাকরেও জানতাম না যে এই ঘরের এমন আশ্চর্য একটি অহুসল আছে, জানতাম না যে আন্টিপভ থাকতেন

এখানে। কিন্তু আপনি এইমাত্র একটা কথা বললেন—তাতে আরো বেশি অবাক লাগছে আমার। বলছি একুনি। আষ্টিপদ, ট্বেলনিকড—যুদ্ধের গোড়ার দিকে একটা সময়ে ঠর কথা খুব শুনতাম। প্রায় যোজাই শুনতাম বলা যায়। দু’তিনবার দেখাও হয়েছে ঠর সঙ্গে, তখন অবস্থা ভাবতেও পারিনি যে ঠর নাম পারিবারিক কারণে এতো অর্থপূর্ণ হবে আমার কাছে। কিন্তু মাপ করবেন, আমি হয়তো আপনার কথা ভুল শুনেছি, মনে হ’লো আপনি বললেন, ভুল ক’রে বলেছেন হয়তো—যে ঠকে গুলি ক’রে মারা হয়েছিলো। আপনি নিশ্চয়ই জানেন যে উনি আত্মহত্যা করেছিলেন?’

‘হ্যাঁ, ও-রকম একটা কথা আমিও শুনেছি, কিন্তু বিশ্বাস করি না। পাভেল পাভলোভিচ এমন মানুষ ছিলেন না যিনি আত্মহত্যা করবেন।’

‘কিন্তু জানেন, এটা সত্যি কিন্তু, একেবারেই নিশ্চিত। ড্লাম্ভিস্টকে যাবার আগে আপনি যে-বাড়িতে ছিলেন সেই বাড়িতেই উনি গুলি করেন নিজেকে। ইউরি বলেছিলো আমার। আপনি চ’লে যাবার অল্প পরেই ঘটেছিলো এটা। ইউরি ঠর মৃতদেহ খুঁজে পায়। সে-ই কবর দেয় ঠকে। কী ক’রে হ’লো যে আপনি এটা জানতেন না?’

‘আমি অল্প কথা শুনেছিলাম। তাহ’লে...সত্যি ও নিজেকে নিজে গুলি করেছিলো? লোকেরা বলতো বটে, আমি বিশ্বাস করিনি। আর সেই এক বাড়িতে? অবিখ্যাত মনে হয়। আমার কাছে এই তথ্যটা নিতান্ত জরুরি। আপনি বোধহয় জানেন না জিজ্ঞাসাগোর সঙ্গে ওর দেখা হয়েছিলো কিনা? পরস্পরকে চেনার সুযোগ পেয়েছিলো কি ওরা?’

‘ইউরি আমাকে বলেছিলো যে একবার ঠদের বহুকণ ধ’রে কথাবার্তা হয়।’

‘এ কি সত্যি? তাহ’লে, ভালো ভালো,—ধন্যবাদ, ঈশ্বরকে ধন্যবাদ।’ ধীরে-ধীরে নিজের বুকে ক্রুশচিহ্ন আঁকলো আষ্টিপদ। ‘কী আশ্চর্য! কী-রকম মিলে গেলো বলুন তো—যেন আগে থেকেই সব ঠিক হ’য়ে ছিলো! আপনি কি কিছু মনে করবেন যদি পরে এ-বিষয়ে আরো দু’একটা কথা জিজ্ঞেস করি? প্রতিটি খুঁটিনাটি আমার আদরের সামগ্রী। কিন্তু এখন না—এখন জিজ্ঞাসাগো—৪৪

বড়ো অস্থির লাগছে আমার—একটু চুপচাপ থেকে নিজেকে সামলে নিতে চাই। আমাকে মাপ করবেন তো?’

‘নিশ্চয়ই, নিশ্চয়ই।’

‘কিছু মনে করছেন না নিশ্চয়ই?’

‘নিশ্চয়ই না।’

‘ও, হ্যাঁ। প্রায় ভুলে যাচ্ছিলাম। সৎকারের পর আমাকে চ’লে যেতে বারণ করেছিলেন আপনি। ঠিক আছে। আমি কথা দিলাম, যাবো না। আপনার সঙ্গে ফিরে আসবো এখানে। যেখানে থাকতে বলবেন, যতোদিন থাকতে বলবেন, থাকবো। ইউরির পাণ্ডুলিপি বাছাই করবো আমরা। আমি সাহায্য করবো আপনাকে। সত্যি, তাতে আপনার কিছু হুবিধে হ’তে পারে। ওর লেখা এতো ভালো ক’রে চিনি আমি, প্রতিটি টান আমার জানা, হৃদয়ের মধ্যে, বুকের রক্তের মধ্যে জেনেছি আমি, আর তারপর আপনাকে একটা অনুরোধ জানাবো, আমিও আপনার সাহায্য চাই। আপনি তো উকিল? তা-ই শুনেছিলাম না? আর না-হ’লেও এখনকার সব আইন-কাহ্নন নিয়ম আপনার জানা আছে তো? আর-এক কথা, আমি জানতে চাই খবরাখবরের জন্য কোন সরকারি বিভাগে আবেদন জানাতে হয়। এ-সব বিষয়ে ঠিক খবর দিতে পারে এমন লোক এতো কম—তা-ই নয় কি? আমি আপনার পরামর্শ চাই—একটা ভীষণ বিষয়ে, সত্যিকার ভীষণ এক ব্যাপারে। একটি শিশুর কথা বলবো আপনাকে। কিন্তু পরে, সৎকার শেষ ক’রে ফিরে এসে বলবো। জীবন ভ’রে আমাকে যেন মানুষ খুঁজে বেড়াতে হ’লো। বলতে পারেন, একটা কাল্পনিক ব্যাপারই ধরা যাক—একটি শিশুকে যদি খুঁজে বের করতে হয়, এমন একটি শিশু যার লালন-পালনের ভার অন্তদের হাতে তুলে দেওয়া হয়েছে, সারা দেশে যতো অনাথ-আশ্রম আছে, তাদের বিষয়ে সব রকম খবর পাওয়া যায় এমন কোনো জায়গা আছে কি? যে-সব শিশু হারিয়ে গেছে, বা ছিটকে পড়েছে দৈবাৎ, তাদের কোনো তালিকা কি রাখা হয় কোথাও—ও-রকম কোনো চেষ্টা কি করা হয়েছে কখনো? না—এখন কিছু বলবেন না, এখন না। পরে, পরে কথা হবে। এমন ভয় করছে আমার! এই জীবনটা এমন ভীষণ—

তাই মনে হয় না আপনার ? পরে যখন আমার মেয়ে এসে আমার সঙ্গে থাকবে তখনকার কথা আলাদা, কিন্তু এখন এই ফ্ল্যাটে আমি থাকতে পারবো না কেন ? গান-বাজনা অভিনয়ে দক্ষতা আছে কাটিরার ; চমৎকার নকল করতে পারে, আর শুধু কানে শুনে পুরোপুরি অপেরার স্বর তুলতে পারে গলায়। অসাধারণ শিশু—আপনার মনে হয় না ? কোনো নাটকের কি গান-বাজনার স্থলে মিচের ক্লাশে ভর্তি করতে চাই ওকে। যেখানে ওকে নিতে চাইবে সেখানেই দেবো, বোর্ডিঙে রাখতে চাই। সত্যি বলতে সেইজন্মেই আমি এসেছি, তারই ব্যবস্থা করতে ; সব ঠিকঠাক হ'লেই ফিরে যাবো। এমন গোলমালে সব ব্যাপার, তা-ই নয় কি ? বুঝিয়ে বলা যায় না। কিন্তু এ-বিষয়ে পরে কথা হবে। এখন একটু চুপ করি, সামলে নিই নিজেকে, চেষ্টা করি ভয় না-পাবার। তাছাড়া ইউরির বন্ধুদের অনেককণ বাইরে দাঁড় করিয়ে রেখেছি। ছ'বার মনে হ'লো যেন দরজায় টোকা শুনলাম। আর বাইরেও কী যেন হচ্ছে—সংকার সমিতির লোক এসেছে মনে হচ্ছে। একটু থাকি এখানে চুপচাপ ব'সে, কিন্তু আপনি বরং দরজা খুলে দিন, ভেতরে আসতে দিন ওঁদের। সময় হ'য়ে এলো বোধহয় ? দাঁড়ান, দাঁড়ান। কক্ষিনের পাশে একটা পা-দানি থাকা উচিত, নয়তো ইউরির নাগাল পাবে না কেউ। আমি পায়ের আঙুলে ভর দিয়ে চেষ্টা করেছিলাম—পারা যায় না। আর মারিনা মার্কেলোভনা আর বাচ্চারা—ওদের তো দরকার হবে পা-দানির। তাছাড়া, সেটাই তো নিয়ম, শাস্ত্রেও আছে : “তোমার শেষ চুষন দিয়ে আমাকে।” ওং, পারি না আর পারি না, সাংঘাতিক, সাংঘাতিক সব-কিছু। তা-ই মনে হয় না আপনার ?’

‘সবাইকে ভেতরে আসতে বলি তাহ'লে। কিন্তু তার আগে একটা কথা। এতো রহস্যময় সব কথা আপনি বলেছেন, এমন সব প্রশ্ন তুলছেন যা স্পষ্টতই আপনার পক্ষে বেদনাদায়ক, যে আপনাকে কী বলবো আমি জানি না। কিন্তু একটা কথা আপনাকে জানানো চাই। আপনার সব দুশ্চিন্তার সময় আমার সাহায্যের ওপর ভরসা রাখবেন। স্বেচ্ছায়, মনে-প্রাণে আমি আপনার সহায়তা করতে চাইছি। আর মনে রাখবেন, কখনো হতাশ হ'তে নেই, কখনো না, কখনো না—যে-অবস্থাতেই পড়ুন না কেন। আশা করা, কর্ম ক'রে যাওয়া,

জুর্ভাগ্যের কালে এই তো আমাদের কর্তব্য। কিছু না-ক'রে হতাশায় মগ্ন হওয়া মানেই কর্তব্যে অবহেলা করা। এবার শোকার্তদের ভেতরে ঢুকতে দিই। পা-দানির কথাটা ঠিক বলেছেন, একটা জোপাড় করছি।'

কিন্তু লারা আর শুনছিলো না। দরজা খুলে দেওয়ার শব্দ, গলি দিয়ে জনস্রোতের ভেতরে ঢোকার আওয়াজ, ব্যবস্থাপক আর প্রধান শোকার্তদের প্রতি ইয়েন্ডগ্রাফের নির্দেশ—কিছুই তার কানে গেলো না; ভিড়ের পা ফেলা, মারিনার কারা, পুরুষদের কাশি আর মেয়েদের অশ্রু অথবা আর্তস্বর—কিছুই শুনলো না সে।

ভিড় তাকে ঘিরে আছে, সেই একঘেয়ে শব্দে লারার যেন রমি এলো, মাথা ঘুরে উঠলো। যাতে অজ্ঞান হ'য়ে না পড়ে, সেজন্ত সবটুকু শক্তি প্রয়োগ করতে হ'লো তাকে। হৃৎপিণ্ড যেন ফেটে যাচ্ছিলো তার, মাথা ধ'রে উঠলো। চোখ বন্ধ ক'রে, স্মৃতি, ভাবনা ও অহুমানের জগতে নিজেকে সরিয়ে নিলে সে। পালিয়ে গেলো তাদের কাছে, যেন ডুবে গেলো তাদের মধ্যে কিছুক্ষণের জন্ত, কয়েক ঘণ্টার জন্ত সে-সব ভাবনা তাকে ভাসিয়ে নিয়ে গেলো এক ভবিষ্যতে, যে-ভবিষ্যৎ দেখার জন্ত সে হয়তো বেঁচে থাকবে না, সেই অনাগত কাল, যখন তার কয়েক যুগ বয়স বেড়ে গেছে, যখন বার্ধক্য তাকে ধ'রে ফেলেছে।

কেউ রইলো না। একজন মৃত, অল্পজন আত্মঘাতী হয়েছে। বেঁচে আছে শুধু সেই, যার নিহত হওয়া উচিত ছিলো, যাকে হত্যা করার চেষ্টা ক'রে সে ব্যর্থ হয়েছে, সেই আগন্তুক, যার সঙ্গে তার কোনোই মিল নেই, সেই অর্থহীন অস্তিত্বহীন লোকটা, যে তার অজ্ঞাতে তার জীবনটাকে এক পাপের শৃঙ্খল ক'রে তুলেছিলো। মাধ্যমিকতার সেই বিকট নমুনাটি এখন ছুটোছুটি ক'রে বেড়াচ্ছে এশিয়ার এমন এক পৌরাণিক অলিতে-গলিতে, যার খোঁজ রাখে শুধু ডাকটিকিট-সংগ্রাহকের দল। কাছের মানুষ, জরুরি মানুষ কেউ আর রইলো না।

ভাবো একবার! তখন ক্রিসমাসের সময়, অঞ্জলি কাকতাদুয়াটাকে গুলি করবে ব'লে সে বেরিয়েছিলো, সেদিন এই ঘরেই অন্ধকারে ব'সে কথা বলছিলো। পাশায় সঙ্গে, তখনো সে নিতান্ত বালক, আর তখনো ইউরি, যার মৃতদেহের কাছ থেকে সবাই এখন বিদায় নিচ্ছে, তার জীবনে প্রবেশ করেনি।

পাশার সঙ্গে সেই ক্রিসমাসের দিনে তার কী-কথা হয়েছিলো তা মনে করার জন্য প্রাণপণ চেষ্টা করলো লারা, কিন্তু তার মনে পড়লো শুধু সেই জানলাটি, যার তাকে জলছিলো মোমবাতি আর শারিতে জমাট বরফের একটা অংশ গলে গিয়ে গোল গর্তের মতো দেখাচ্ছিলো।

কী করে সে এখন জানবে যে যার মৃতদেহ এখন টেবিলের ওপর শুয়ে আছে, সেই ইউরি কিনা গাড়িতে যেতে-যেতে দেখেছিলো ঐ মোমবাতি, আর সেই আলো দেখার মুহূর্ত থেকেই (‘টেবিলে জলে যার মোমের বাতি, টেবিলে জলে যার’) তার ভবিষ্যৎ হাতে নিয়েছিলো তার জীবনের তার?

বিক্ষিপ্ত হ’লো লারার মন। একবার ভাবলো, ‘যাই হোক, গির্জাতে অন্ত্যেষ্টি হচ্ছে ন’ এটা বড়ো দুঃখের কথা। অন্ত্যেষ্টির প্রার্থনাটি এমন সুন্দর, এমন নির্দারুণ। অধিকাংশ মানুষই ম’রে গিয়ে তার ষোগ্য হয় না, কিন্তু ইউরি, আমার ইউরি তো পারতো তার এক মহৎ উপলক্ষ্য হ’তে। ‘যে-ক্রন্দন বন্দনায় রূপান্তরিত হয়’ সত্যি তো সে তারই ষোগ্য ছিলো।’

এ-কথা ভেবে গর্ব আর সান্ত্বনার টেউ লারার মনের ওপর দিয়ে য’য়ে গেলো—ঠিক এমনি হ’তো তার জীবনের সেই সব ক্ষণিক অবকাশে, যখন সে ইউরির কাছাকাছি ছিলো। যে-মুক্তি ও নির্লিপ্ততা ইউরিকে ঘিরে থাকতো, তারই একটি বাতাসে যেন লারার নিশ্বাস ভ’রে উঠলো। চেয়ার থেকে তল্হুনি উঠে পড়লো সে। অভাবনীয় কিছু-একটা ঘটছে তার মধ্যে। তাকে পালাতে হবে ইউরির সাহায্য নিয়ে—অস্বস্ত কিলুক্ষণের জগ্ন—খোলা হাওয়ার, মুক্তি, তার দুঃখের অবরোধের বাইরে, আবার স্বাধীনতার আনন্দ-শিহরণে। তার মনে হ’লো সেই আনন্দ আসবে ইউরির কাছে বিদায় নিয়ে আনন্দিত হ’তে পারলে—যদি শুধু কান্নার এই উপলক্ষ্য ও অধিকার সে অব্যাহতভাবে ব্যবহার করতে পারে। ব্যাকুল ব্যস্ততার চারদিকের ভিড়ের দিকে তাকালো সে, দৃষ্টিহীন অশ্রুপূর্ণ তার চোখ, যেন ডাক্তারের ওষুধ লাগিয়ে জলে ভ’রে-ভ’রে উঠছে। লোকেরা নড়াচড়া শুরু করলো, এলোমেলো হেঁটে বেরিয়ে গেলো ঘর থেকে, আঁধো-ভেজানো দরজার আড়ালে অবশেষে একা নিভৃত হ’লো সে; এগিয়ে গেলো কফিনের টেবিলটির কাছে। ক্রুশচিহ্ন এঁকে, ইয়েভগ্রাকের আনা পা-দানির ওপর উঠে দাঁড়ালো, মৃতদেহের ওপর তিনবার বড়ো ক’রে

ক্রুশচিহ্ন একে ঠোট রাখলো নীতল কপাল আর হাতের ওপর। সেই হিম কপাল একটু কেমন ছোটো মনে হ'লো তার, যেন মুঠো-করা হাত, কিন্তু সেই অল্পভূতিকে সে ঠেলে সরিয়ে দিলে মন থেকে; চেষ্টা ক'রে তা লক্ষ্য করলো না। এক মুহূর্ত স্তব্ধ হ'য়ে নিঃশব্দে দাঁড়িয়ে রইলো, কিছু না-ভেবে, না-কৈদে, খুঁকে পড়লো কফিনের ওপর, ফুল আর মৃতদেহের ওপর, তার সমস্ত সত্তা দিয়ে, মাথা, বুক, হৃদয় আর তার হৃদয়ের মতোই শক্তিশালী দুই হাত দিয়ে তাদের আড়াল ক'রে রাখলো নিজের মধ্যে।

১৫

চেপে-রাখা কায়ার আঘাতে ফুলে-ফুলে উঠলো তার সমস্ত শরীর। যতোক্ষণ পারলো চোখের জল ঠেকিয়ে রাখলো, কিন্তু কখনো-কখনো তার সামর্থ্য আর ফুলোলো না, তার ভেতর থেকে ফেটে বেরোলো কান্না, বেরিয়ে এলো, গাল বেয়ে নামলো তার জামায়, হাতে আর তার আঁকড়ে-ধ'রে-থাকা কফিনটার ওপর।

কথা বললো না সে, ভাবলো না কিছু। অনেক চিন্তা, সাধারণীকরণ, অনেক তথ্য ও প্রমিতি স্বচ্ছাচারী বেগে ছুটে চললো তার মনের ওপর দিয়ে, যেন আকাশের মেঘ, বা অতীতে তাদের নৈশ কথোপকথন। সেই সব দিনে এতেই তারা আনন্দ ও মুক্তি পেয়েছিলো, এই জ্ঞান, যা মস্তিষ্কজাত নয়, স্বজ্ঞাপ্রসূত, যা অব্যবহিতভাবে পরস্পরে সঞ্চালিত হয়।

এমনি এক জ্ঞান এখন ভ'রে তুললো লারাকে—অন্ধকার, অস্পষ্ট, মৃত্যুর অভিজ্ঞতা, মৃত্যুর জন্ত সেই প্রস্তুতি যার সামনে বর্তমানের সব অশক্তি দূর হ'য়ে যায়। সে যেন কুড়ি বার বেঁচেছে এই পৃথিবীতে, অসংখ্যবার তার ইউরিকে হারিয়েছে, সঞ্চয় করেছে এই বিষয়ে এমন হার্দ্য অভিজ্ঞতা যে এখন এই কফিনের পাশে দাঁড়িয়ে সে যা-কিছু করছে, তা-ই একেবারে সঠিক, একেবারে যথাযথ।

'আ, সেই প্রেম, সেই স্বাধীন, সেই নতুন প্রেম, এই পৃথিবীর কোনো-কিছুর সঙ্গেই যার তুলনা চলে না।' অন্তেরা যা গান গেয়ে বলে তা-ই ছিলো তাদের চিন্তায়।

বাধ্য হ'য়ে পরস্পরকে তারা ভালোবাসেনি, তারা ছিলো না 'সংস্রাণের দাস'—যা প্রেমিক-প্রেমিকাদের বিষয়ে বলা হ'য়ে থাকে। তারা পরস্পরকে ভালোবেসেছিলো, যেহেতু তা-ই ইচ্ছা করেছিলো তাদের আশেপাশে সমস্ত কিছু—গাছ, আকাশ, আকাশের মেঘ, আর তাদের পায়ের তলাকার যুক্তিকা। এই প্রেমে বেন তাদের চেয়েও বেশি প্রীত হয়েছিলো পারিশার্ভিক জগৎ—রাস্তায় দেখতে-পাওয়া অচেনা লোক, তারা রাস্তায় বেরিয়ে দেখবে ব'লে রচিত দৃশ্যচিত্র, যে-সব ঘরে তারা থেকেছে বা দেখা করেছে—এই সব-কিছুই তাদের চেয়েও বেশি প্রীত হয়েছিলো।

এই, শুধু এই মিলিয়ে দিয়েছিলো তাদের ছ'জনকে, এমন একাক্ষর ক'রে দিয়েছিলো তাদের। কখনো, তাদের মিলনের পূর্ণতম ও উদ্ভাসিতম মুহূর্তেও, কখনো তারা ভালেনি সেই উচ্চতম ও তীব্রতমের চেতনা—বিশ্বনিখিলে আনন্দবোধ, তার রূপ, তার গড়ন, তারই অংশ ও অঙ্গীভূত হবার অহুভূতি।

পূর্ণতার মধ্যে এই যে সংগতি—এই ছিলো তাদের নিশ্বাসের বাতাস। আর তারই ফলে সেই আধুনিক ফ্যাশনে ধরা দেয়নি তারা, যা মানুষকে বড় বেশি আদর দেয়, প্রকৃতির উদ্দেশ্যে তুলে ধরে পুজো করে তাকে। এই প্রমাদের ওপর স্থাপিত সমাজবিজ্ঞানকে আবার রাজনীতি নামে চালানো হয়—তাদের তা মনে হয়েছে অত্যন্ত করুণ এক ছেলেমানুষি, এমন এক ধরনের অক্ষম বাবুগিরি যার অর্থ তারা বুঝতে পারে না।

এবারে সে ইউরির কাছে বিদায় নিতে আরম্ভ করলো। সহজ তার ভাষা, সবল, প্রচলিত ও অভ্যস্ত—সেই রকম ভাষা, যা বাস্তবের বেড়া ডিঙিয়ে কেটে পড়ে, যার কোনো অর্থ হয় না—কিংবা যা ট্রাজেডির কোরাস বা স্বপ্নোক্তির মতো, বা কবিতা অথবা সংগীতের ভাষার মতোই অর্থহীন ও অর্থপূর্ণ, শুধু হৃদয়বেগের তীব্রতার প্রভাবেই সার্থক। এ-কেন্দ্রে এই ভাষাকে যা অর্থ দিচ্ছে, যা নিংড়ে বের ক'রে আনছে লারার চিন্তাহীন, সাধারণ, লঘু

শব্দগুলিকে, তা হ'লো তার চোখের জল ; চোখের জলে ভেসে-ভেসে, সীতার কেটে-কেটে তারা বেরিয়ে আসছে।

যেমন বাতাসের গায়ে জড়িয়ে-জড়িয়ে ভেজা-ভেজা রেশমি পল্লব মর্মর তোলে, তেমনি তার অশ্রুসিক্ত শব্দগুলো পরস্পরে সংলগ্ন হ'য়ে একটি যুহু, ক্ষত ও কোমল স্বরে গুঞ্জিত হ'তে লাগলো।

‘এই যে, আবার আমাদের দেখা হ'লো ইউরচকা, ভগবান আমাদের মিলিয়ে দিলেন। ভাবো একবার! কী ভীষণ! কী ভীষণ! পারি না, আর পারি না আমি! হে ভগবান! আমার কান্না কি ফরোবে না! ভাবো একবার!- আবার এলো ক্ষমা, এলো ধর্ম—একেবারে আমাদের রাস্তার ওপর! তুমি চ'লে যাচ্ছে, আমার সব শেষ হ'য়ে গেলো। আবার এক মন্ত বড়ো কিছু, যা থেকে নিস্তার নেই। জীবনের রহস্য, মৃত্যুর রহস্য, প্রতিভার সৌন্দর্য, প্রেমের সৌন্দর্য—এ-সব, ই্যা, এই সব আমরা বুঝেছিলাম। আর যে-সব বাজ্রে ব্যাপার—জগৎকে নতুন ক'রে গড়া—না, মাপ করো, ও-সব আমাদের জ্ঞান নয়।

‘বিদায়, আমার বড়ো, আমার প্রিয়, আমার আপন, আমার গর্ব। বিদায়, আমার ক্ষত, গভীর নদী, কী ভালোবেসেছিলাম সারাদিন ধ'রে তোমার জলোচ্ছাস। তোমার শীতল, গভীর ঢেউয়ে-ঢেউয়ে স্নান করতে কতো যে ভালোবেসেছিলাম আমি।

‘মনে আছে সেদিন আমরা কী-ভাবে বিদায় নিয়েছিলাম, সেই বরফ-পড়া সন্ধ্যায়? কী ভীষণ ঠকালে আমাকে বলো তো! তোমাকে ছেড়ে কখনো কি যেতাম আমি! ই্যা, জানি, সব জানি আমি, নিজের ওপর জুলুম করেছিলে তুমি—ভেবেছিলে ওতে আমার ভালো হবে। তোমার সব ভণ্ডুল হ'য়ে গেলো। কী না আমাকে সহ্য করতে হয়েছে—ভগবান! কতো না আমাকে শাস্তি পেতে হয়েছে। তুমি তার কিছুই জানো না ইউরি—কেমন ক'রেই বা জানবে। ওঃ, কী করেছি আমি, ইউরা, আমি কী করেছি! আমি যে কতো বড়ো অপরাধী তুমি জানো না। কিন্তু আমার কোনো দোষ ছিলো না। অল্পে তিন মাস আমি হাসপাতালে প'ড়ে ছিলাম, অজ্ঞান হ'য়ে ছিলাম পুরো একমাস। আর তারপর থেকে মনে হচ্ছে—কী হবে আর বঁচে থেকে।

ইউরো, আমার মনে শান্তি নেই—শুধু হুঃখ আর নয় নিয়ে বেঁচে থাকতে চাই না। কিন্তু সবচেয়ে জরুরি কথাটাই এখনো বলছি না তোমাকে। পারি না বলতে, বলবার সাধ্য নেই আমার। আমার জীবনের সেই সময়কার কথা ভাবতে গেলেই মুখের কথা ধেমের যায়, গায়ে কাঁটা দিয়ে ওঠে, এমনি ভীষণ। সেই কথাটা। আর জানো তো, আমি হয়তো ঠিক প্রকৃতিস্থও নেই আর। কিন্তু আমি মদ খরিণি—অনেকে তা-ই ধরে এ-অবস্থায়—সেটা আমি ঠেকিয়ে রাখছি কোনোরকমে—কেননা মেয়েরা যদি মাংসামি শুরু করে, সেটা কি অসম্ভব কথা নয়, একেবারে সমস্ত কিছুই অবসান কি নয় সেটা?

এমনি বিলাপ ক'রে চললো লারা, কৈদে-কৈদে কষ্ট দিতে লাগলো নিজেকে, কিন্তু হঠাৎ চোখ তুলে অবাক হ'য়ে দেখলো অনেক আগেই ঘর ভ'রে গেছে লোকজনে, ব্যস্ততা শুরু হ'য়ে গেছে। পা-দানি থেকে নেমে টলতে-টলতে কফিনের কাছ থেকে সে স'রে এলো, হাতের পাতা দিয়ে ঢেকে রাখলো চোখ, যে-কান্না এখনো সে কাঁদেনি, সেটুকু যেন শেষ ক'রে দিতে চাচ্ছে, আঙুল দিয়ে ঝেড়ে ফেলতে চাচ্ছে মেঝের ওপর।

ছ'জন লোক এগিয়ে এলো কফিনের কাছে, সেটা তুলে নিয়ে বেরিয়ে গেলো।

১৭

লারা কামেরগের স্ট্রীটে আরো কয়েকদিন রইলো, তার সহায়তায় ইউরির কাগজপত্রের বাছাই শুরু হ'লো, কিন্তু শেষ হ'লো তাকে ছাড়া। ইয়েভগ্রাকের সঙ্গে তার যা কথা ছিলো ব'লে নিলো সে, একটা জরুরি তথ্য তাকে জানানো।

একদিন লারা বেরিয়ে গিয়ে আর ফিরে এলো না। রাস্তায় নিশ্চয়ই গ্রেপ্তার করা হয়েছিলো তাকে, তখনকার দিনে প্রায়ই হ'তো ও-রকম, তারপর সে হয় ম'রে গেলো, নয়তো উধাও হ'য়ে গেলো, নয়তো এক তালিকা'র মধ্যে বিশ্বস্ত একটি সংখ্যামাত্র অবশিষ্ট রইলো তার, উত্তর রাশিয়ায় যেতো অসংখ্য মেয়েদের বা মেয়ে-পুরুষে বেশানো কনসেন্ট্রেশন ক্যাম্প ছিলো, তারই একটাতে সেই তালিকাও অসাবধানে হারিয়ে গেলো একদিন।

পরিচ্ছেদ ১৬

পরিশিষ্ট

গর্ডন, সম্প্রতি লেফটেন্যান্টের পদে উন্নীত, ও মেজর ডুভোরভ একসঙ্গে চাকরিতে ফিরছে, একজন সরকারি কাজ সেরে মস্কো থেকে, আর-একজন তিনদিনের ছুটির পর। এখন ১৯৪৩-এর গ্রীষ্ম, কৃষ্ণ বাহু ভেদ করা হ'য়ে গেছে, ওরেল শহর শত্রুর হাত থেকে মুক্তি পেয়েছে।

তাদের দেখা হয়েছে পথে, চের্নি নামে এক ছোটো শহরে তাদের রাত কাটলো। শত্রুবাহিনীর অপসারণের পথে এমন দু'একটা জায়গা থেকে গেছে যা সম্পূর্ণ ধ্বংস হয়নি, চের্নি তারই একটা, এই তথাকথিত 'মরণপ্রদেশে' অংশত বসতিপূর্ণ।

ভাঙা ইটের পাজা প'ড়ে আছে, ধুলো হ'য়ে গুঁড়িয়ে গেছে পাথর—তারই মধ্যে একটি অক্ষত গোলাঘর পেয়ে সেখানেই সে-রাতের মতো আশ্রয় নিলে তারা। ভোর হবার একটু আগে, রাত তিনটে নাগাদ চোখ লেগে এসেছিলো ডুভোরভের, কিন্তু একটু পরেই গর্ডনের নড়া-চড়ার শব্দে তার ঘুম স্বেপ্তে গেলো। ঐ খড়ের গাদা যেন জল, এমনি এলোমেলো ভঙ্গিতে নরম খড়ের গাদার ওপর দিয়ে নেমে এসে গড়াগড়ি দিচ্ছে গর্ডন। কিছু কাপড়চোপড় একটা পুঁটলিতে গুছিয়ে নিয়ে টলতে-টলতে খড়ের স্তূপের ওপর থেকে নেমে দরজার দিকে চললো সে।

‘এই সাত-সকালে যাচ্ছে কোথায় ?’

‘আমি নদীতে চললাম। কাপড়চোপড় কেচে আনি।’

‘পাগল নাকি ? আজ সন্দের মধ্যেই তো ক্যাম্পে ফিরছি। ধোপানি টানিয়ার কাছে সাক জামা-কাপড় পাবে। তাড়া কিসের ?’

‘অতোকণ আমার সবুর সহিবে না। ঘামে চিটচিটে সব কাপড়, নোংরা। চট ক’রে একটু আছড়ে ভালো ক’রে নিংড়ে নিয়ে আসি। এই গরমে দেহতে-না-দেহতে শুকিয়ে যাবে। রান ক’রে জামা কাপড় বদলে নেবো।’

‘ধার্মাণ দেখায়। হাজার হোক, তুমি একজন অফিসার।’

‘এই ভোরে আর কে আছে, সবাই তো ঘুমিয়ে। সে যা-ই হোক, আমি একটু ঝোপঝাড় খুঁজে নেবো। কেউ দেখতে পাবে না আমাকে। কথা না-ব’লে ঘুমোও তো, নয়তো আর ঘুম আসবে না।’

‘এমনিতেও আর ঘুমোবো না আমি। তোমার সঙ্গেই বাই, চলো।’

শাদা পাথরের ধ্বংসস্তূপের পাশ দিয়ে তারা নদীর দিকে এগোলো, সূর্য সবোজা উঠেছে, কিন্তু এরই মধ্যে তেতে উঠেছে জায়গাটা। এক কালে যা রাস্তা ছিলো সেখানে মাটির ওপর শুয়ে লোকেরা নাক ডাকাচ্ছে, রোদে ঘেমে লাল হ’য়ে গেছে তাদের মুখ। বেশির ভাগই স্থানীয় উষাক্ত, বৃদ্ধ, জীলোক আর শিশু, মাঝে-মাঝে ছ’একজন দলছুট লাল সেপাই দেখা যাচ্ছে, বাহিনীর সঙ্গে যোগ দেবার চেষ্টায় এগোচ্ছে তারা। তাদের ঘুমের বাতে ব্যাঘাত না হয়, সেজন্য গর্ডন আর ডুডোরস্ত সাবধানে পা ফেলে-ফেলে চললো।

‘আন্তে কথা বলো, নয়তো শহর হুকু লোক জেগে উঠবে, আমার কাপড় কাচার আর কোনো আশা থাকবে না।’

। গত রাত্রে আলোচনাই একটু নিচু গলায় চালাতে লাগলো তারা।

২

‘কী নদী এটা ?’

‘জানি না। বোধহয় জুশা।’

‘না, এটা জুশা নয়।’

‘তাহ’লে কী জানি না।’

‘জুশার ধারেই ও-সব ঘটেছিলো, জানো তো—ক্রিস্টিনার কথা বলছি।’

‘হ্যাঁ, তবে বোধহয় আরো নিচের দিকে। শোনা যায় চার্চ নাকি তাকে সন্তের পদবী দিয়েছিলো। খবরের কাগজে বা বেরিয়েছিলো তার বাইরে অল্প কোনো খবর জানতে পেরেছিলে কখনো?’

‘ঠিক যে জানতে পেরেছি তা নয়। একটা পুরোনো পাথরের বাড়ি ছিলো, আস্তাবল বলতো সবাই। একটা অশ্ব-প্রজনন কেন্দ্র ছিলো সেটা—এখন ঐতিহাসিক ব্যাপার হ’য়ে যাবে—খুব পুরোনো জায়গা, বিশাল, পুরু দেয়াল ছিলো। জার্মানরা সেটাকে পরিণত করেছিলো দুর্ভেদ্য দুর্গে; বাড়িটা ছিলো একটা পাহাড়ের মাথায়, সারা এলাকার ওপর গোলা চালিয়ে আমাদের এগোবার পথ আটকে রেখেছিলো ওরা। ঐ কেন্দ্র খবংস না-করলে চলছিলো না আমাদের। তখন ক্রিস্টিনা—অলৌকিক তার সাহস, তার বুদ্ধি—জার্মান ব্যাহ ভেদ ক’রে কেন্দ্র উড়িয়ে দিলে। তারপরে ধরা প’ড়ে গেলে জার্মানদের হাতে, ওকে ফাঁসিকাঠে ঝুলিয়ে দিলে ওরা।’

‘ওকে ক্রিস্টিনা অর্লেন্দোভা বলে কেন সবাই, ডুডোরভা বলে না কেন?’

‘আমাদের বিয়ে হয়নি তো—শুধু বাগদত্ত হয়েছিলাম। একচল্লিশের গ্রীষ্মকালে আমরা স্থির করেছিলাম যুদ্ধ শেষ হ’লে বিয়ে করবো। তারপর আর্মির অল্প সকলের মতো আমিও নানা জায়গায় ঘুরে বেড়াতে লাগলাম। অসংখ্যবার জায়গা-বদল হয়েছে আমার বাহিনীর, তার ফলে ওর সঙ্গে যোগাযোগ রাখতে পারিনি। আর কখনো চোখে দেখিনি ওকে। ওর আশ্চর্য বীরত্ব, ওর মহান মৃত্যু—অল্পদের মতো আমিও ও-সবের খবর পেয়েছি আর্মির বুলেটিন আর খবরের কাগজ থেকে। সবাই বলছে এখানেই কোথায় যেন ওর একটা স্মৃতিস্তম্ভ নির্মাণ করা হবে। শুনছি জিভাগো—জেনারেল বিনি, ইউরির ভাই—এই অঞ্চলে ঘুরে-ঘুরে ওর বিষয়ে তথ্য সংগ্রহ করছেন।’

‘দুঃখিত—এ-বিষয়ে কথা তোলা আমার উচিত হয়নি। তোমাকে কষ্ট দিলাম।’

‘না ঠিক তা নয়। কিন্তু তোমাকে আর আটকে রাখতে চাই না। তুমি জামা ছেড়ে জলে নেমে গিয়ে কাজ শুরু করো। আমি এখানে শুয়ে

যাশ চিবোতে-চিবোতে একটু ভাবি। হয়তো একটু স্থিরহেও নিতে পারি।’ -

‘একটু পরেই আবার কথাবার্তা আরম্ভ হ’লো।

‘এমন কাপড় কাচতে শিখলে কোথায়?’

‘বিপদে পড়লে বুদ্ধি বেরোয়। আমাদের ভাগ্য ভালো ছিলো না। শান্তি-শিবিরগুলির মধ্যে যেটা প্রায় নিকট, সেটাতেই পাঠানো হয়েছিলো আমাদের। শেষ পর্যন্ত বেশি লোক টেকেনি। আমাদের পৌছনো থেকেই শুরু করা যাক। ট্রেন থেকে নামলাম। বরফের মরুভূমি একেবারে। সারি-সারি সেপাই তাদের রাইফেলগুলো আমাদের দিকে উচোনো, নেকড়ে-জাতের কুসুরের পাল। দূরে জঙ্গল। সেই সময়েই অস্ত্র কয়েকটা দলকেও নিয়ে আসা হচ্ছিলো। ছড়িয়ে দেওয়া হ’লো মস্ত মাঠের মধ্যে আমাদের, এক বৃহৎ বহুভূজের আকৃতিতে দাঁড়ালাম আমরা, সকলের মুখ বাইরের দিকে যাতে কেউ কাউকে দেখতে না পায়। তারপর হকুম হ’লো হাঁটু ভেঙে ব’সে সোজা নামনের দিকে তাকিয়ে থাকার—একটু চোখ সরেছে কি মরেছে। তারপর ঘণ্টার পর ঘণ্টা ধরে নাম-ডাকা, অস্ত্রহীন, অপমানজনক একটা ব্যাপার, আর সারাটা সময় আমরা হাঁটু ভেঙে ব’সেই আছি। তারপর উঠে দাঁড়ালাম আমরা, আমাদের ছাড়া অস্ত্র সবগুলি দলকে ভিন্ন-ভিন্ন দিকে নিয়ে যাওয়া হ’লো। আমাদের বলা হ’লো: ‘এই যে। এই তোমাদের ক্যাম্প।’—একটা শূন্য তুষারাহর প্রান্তর, শুধু মধ্যখানে একটা খুঁটিতে এই নোটিশ ঝুলছে: “গুলাগ ২২ ওআই. এন. ২০”^১—এ ছাড়া আর কিছুই নেই সেখানে।’

‘আমাদের কিন্তু অতোটা কষ্ট পেতে হয়নি, বরাত কিছুটা ভালো ছিলো আমাদের। আমার ছিলো দ্বিতীয়বারের শান্তিভোগ, একবার হ’লে দ্বিতীয়বারও আপনিই হ’য়ে যায়। আর সেবারে আমি অস্ত্র এক ধারায়^২

^১ GULAG ৭২ Y N. ৭০ : শান্তি-শিবিরের সাংকেতিক চিহ্ন; শুধু পুলিশবাহিনীর দ্বারা এই শিবিরগুলি পরিচালিত হ’তো।

^২ যোকা বাজে পর্জন ও ডুভোরভ হ’লেই রাজনৈতিক অপরাধে দণ্ডিত হয়েছিলো, কিন্তু অপরাধ দণ্ডবিধির কোন ধারায় পড়ে, সেই অনুসারে শাস্তির তারতম্য হ’তো। কঠিনতম শাস্তি পেতো তারা, যারা ৫৮ ধারা অনুযায়ী দণ্ডিত হ’তো—বাদের অপরাধ সরকারের বিরুদ্ধে প্রচারণাকার্য বা অসৎক্রিয়া।

শান্তি পেয়েছিলেন, তাই ব্যবস্থাও আলাদা হয়েছিলো। ছাড়া পাবার পর আমি আবার কাজে নিযুক্ত হলাম—অধ্যাপনাতেও বাধা হ'লো না—প্রথম-বারেও তা হয়নি। আমার শান্তিটাও ছিলো সাধারণরকম—তোমার মতো দণ্ডবাহিনীতে থেঁসে দেয়নি।’

‘তা শোনো... শুধু ঐ তো ছিলো সেখানে, একটা খুঁটি আর একটা নোটিশ—“গুলাগ ২২ ওয়াই. এন. ২০।” খালি হাতে, বরফের মধ্যে আমরা চারাগাছ ভাঙতে লাগলাম, তা দিয়ে বাড়ি তৈরি করবো ব'লে। সেই আমাদের প্রথম কাজ। আর শেষ পর্যন্ত, বিশ্বাস করবে কিনা জানি না, নিজেদের ক্যাম্প নিজেরাই তৈরি ক'রে ফেললাম আমরা। নিজের কয়েদখানা নিজেরাই বানিয়ে নিলাম, বেড়া, পাহারাওয়ার ঘর, শান্তি-কুঠুরি—কিছুই বাদ গেলো না। তারপর শুরু করলাম কাঠুরের কাজ, গাছ কাটতে লাগলাম। এবং একটা স্নেজে আটকান ক'রে আমাদের জোতা হ'লো, গলা পর্যন্ত বরফে ডুবে কাঠ টানছি আমরা। অনেকদিন পর্যন্ত জানতে পারিনি যে যুদ্ধ বেধেছে। আমাদের কাছ থেকে গোপন করা হয়েছিলো খবরটা। আর তারপর হঠাৎ ডাক পড়লো। ইচ্ছে করলে দণ্ডপ্রাপ্ত বাহিনীতে যোগ দিয়ে ফ্রন্ট-লাইনে যেতে পারি, প্রাণ নিয়ে ফিরে এলে ছাড়া পাবো। তারপর? আক্রমণের পর আক্রমণ, মাইলের পর মাইল জুড়ে বৈদ্যাতিক কাঁটাতার, মাইন, কামান, মাসের পর মাস অস্বরন্ত গোলাগুলি। মৃত্যু-বাহিনী নাম হয়েছিলো আমাদের, বলতে গেলে নিশ্চিহ্ন হ'য়ে গেলো পুরো দলটি—আমি কেমন ক'রে বেঁচে গেলাম তা জানি না। আর তবু—ভেবে জ্বাখো—সেই নরকও কিছু না, কনসেন্ট্রেশন-ক্যাম্পের ভয়াবহতার তুলনায় তাও স্বর্গ, আর তার কারণ শারীরিক দুঃখকষ্ট ছাড়াও আরো অনেক কিছু।’

‘হ্যাঁ, অনেক, অনেক কষ্ট পেয়েছো তুমি!’

‘শুধু কাপড় কাচাই নয়, যা-কিছু শেখার আছে সব সেখানে শেখা হ'য়ে যায়।’

‘অসাধারণ ব্যপার, জানো। তোমার বন্দী-জীবনের তুলনাতেই শুধু নয়—তিরিশের যুগের সব-কিছু, এমনকি বই, টাকা, আরামের মধ্যে আমার বিশ্ববিদ্যালয়ের সুখের দিনগুলির তুলনাতেও, এমনকি তারও তুলনায় যুদ্ধ

মনে হয়েছিলো টাটকা বাতালের মতো, যেন পরিভ্রাণের বার্তা, যেন আমাদের নির্মল ক'রে দেবার জন্ত বড় উঠলো।

‘আমার মনে হয় সংক্ৰিয়াটাই’^১ ভুল হয়েছিলো, সকলও হয়নি। সেই ভুল স্বীকার করা হ'লো না, তাই যে-কোনো রকম ভয় দেখিয়ে মানুষকে ভুলিয়ে দেওয়া হ'লো স্বাধীনভাবে ভাবতে বা বিচার করতে, আর যার ‘অস্তিত্ব’ নেই তা-ই দেখতে হবে সকলকে, চোখ বা বলছে তার উণ্টোটা বিশ্বাস করতে হবে। আর সেইজন্মেই ঘটলো ইয়েজ্জুত সজ্জাসের তুলনাহীন নিষ্ঠুরতা, জারি হ'লো এমন এক সংবিধান, যা কখনোই কাজে খাটানো হবে না, আর এমন সব নির্বাচন হ'লো যাতে স্বাধীন ভোটের অধিকার নেই।

‘তাই, যখন যুদ্ধ বাধলো তার সত্যিকার বিপদ, সত্যিকার মৃত্যুভয়, সেই মিথ্যার অমাহুষিক শক্তির তুলনায় আশীর্বাদের মতো মনে হ'লো, মৃত অক্ষরের মারাজাল ছিন্ন ক'রে তা যেন স্বত্তি দিলো মানুষকে।

‘তোমার মতো যারা কনসেনট্রেশন ক্যাম্পে ছিলো শুধু তারাই নয়, নির্বিশেষে প্রত্যেক মানুষ এই স্বত্তি অমুভব করেছে, এই যুদ্ধ যেন মুক্তিদাতা—গভীর নিশ্বাস টেনে তার মর্যাদিক অগ্নিকুণ্ডে ঝাঁপিয়ে পড়েছে সবাই—তাতেই সত্যিকার আনন্দ, সত্যিকার উদ্দীপনা।

‘বৈপ্লবিক দশকগুলো যেন একটি শৃঙ্খল রচনা করে, যুদ্ধ তার যোগসূত্র। বিপ্লবের অন্তর্নিহিত কারণগুলি যুদ্ধ বাধলে আর প্রত্যক্ষভাবে কাজ করে না—তাদের সমাপ্তি ঘটে। কিন্তু ততোদিনে পরোক্ষ কারণগুলির ক্রিয়াকলাপ শুরু হ'য়ে গেছে; আমরা দেখছি ফলের ফল, জাতকের উপজাতক—সব দুঃখের দ্বারা শোধিত, নির্মল, বীরত্ব ভরপুর—মহান, চরম অপ্রতর্ষ কর্মের জন্য প্রস্তুত। এই বিশ্বয়কর অবিখ্যাত গুণগুলিতেই আমাদের সময়কার নীতিধর্ম বিকশিত হয়েছে।

‘আর আমি যখন এ-সবের দিকে তাকাই, তখন ক্রিষ্টিনার শহীদ-বক্তা, আমাদের ক্ষতি আর আমার নিজের ক্ষতযন্ত্রণা সত্ত্বেও, যুদ্ধের বিপুল রক্তপাত সত্ত্বেও, আমার মন আনন্দে ভ'রে যায়। সেই আত্মবলির আলো—যাতে

১ সংক্ৰিয়া = Collectivisation.—অনুবাদকের টীকা।

অলৌকিকতার মৃত্যু ও আমাদের সকলের জীবন উদ্ধাসিত—তাতে আমি বল পাই তার মৃত্যুকে স্বাক্ষর করে নিতে।

‘বেচারী তুমি যখন ঐ সব স্বপ্ননা ভোগ করছো, আমি তখন ছাড়া পেয়েছি। অল্পদিন পরে ইতিহাসের ছাত্রী হয়ে ক্রিষ্টিনা বিশ্ববিদ্যালয়ে এলো। আমি ওকে পড়াতাম। তার আগেই, প্রথমবার জেল থেকে বেরিয়েই, ‘ও যখন বালিকামাত্র, তখনই ওকে লক্ষণীয় বলে মনে হয়েছে আমার।—তোমার মনে আছে, ইউরি তখনো বেঁচে ছিলো, আমি তোমাদের দু’জনকেই বলেছিলাম ওর কথা।—সেবারে ও আমার ছাত্রী হ’লো।

‘এটা সেই সময় যখন ছাত্রমহলে শিক্ষকদের সমালোচনা করার রীতিটা সবেমাত্র প্রচলিত হয়েছে। আমার প্রধান নিম্নক হয়ে উঠলো ক্রিষ্টিনা। ওর মধ্যে অতোখানি হিংস্রতা জাগিয়ে তোলায় মতো আমি কী করেছিলাম জানি না। মাসে-মাসে সে এমন উদ্ধত আর অন্যায ব্যবহার করতো যে অন্যান্য ছাত্ররা প্রতিবাদ করে আমার পক্ষ নিতো। রসিক ছিলো খুব, “দেয়াল-পত্রিকা”র মনের স্বখে ঠাট্টা করতো আমাকে, এমন সব কাল্পনিক নাম দিতো আমাকে যার অর্থ কারোরই বুঝতে দেয়ি হ’তো না। আর তারপর হঠাৎ, একেবারে আকস্মিকভাবে, আমি বুঝতে পারলাম যে এই গভীর শত্রুতা আসলে ওর প্রেমেরই ছদ্মবেশ—আমাকে ভালোবাসে ও—প্রবল ও দুর্মর সেই প্রেম, বছরদিন ধরেই ভালোবেসেছে, আর আমিও, ওর মনের কথা কিছুই না-জেনে, সেই ভালোবাসার প্রতিদান দিয়েছি।

‘যুদ্ধের ঠিক আগে, আর যুদ্ধ যখন সবেমাত্র শুরু হয়েছে, তখন একচল্লিশ সালে আশ্চর্য এক গ্রীষ্ম আমরা কাটিয়েছিলাম। একদল ছাত্র-ছাত্রীর ওপর হুকুম হয়েছিলো মস্কোর এক শহরতলিতে যাবার জন্য—ক্রিষ্টিনা ছিলো তার মধ্যে—আমার বাহিনীরও তখন সেখানেই ছিলো আস্তানা। ওদের সামরিক শিক্ষার পটভূমিকায় গ’ড়ে উঠলো আমাদের বন্ধুতা। শহরতলির গৃহরক্ষীদের বাহিনী তৈরি হচ্ছিলো, ক্রিষ্টিনা প্যারাগুটের ব্যবহার শিখছে—মস্কোর বাড়ির ছাদ থেকেই প্রথম জার্মান বোম্বার্ক-প্লেনের সংকেত বাজলো, হ’ঠে ফিরে গেলো সেগুলো। তোমাকে বলেছি তো, এই সময়েই আমরা বাগ্‌দাদ হয়েছিলাম,

কিন্তু বলতে গেলে সঙ্গে-সঙ্গেই বিচ্ছিন্ন হ'তে হ'লো আমাদের, আমার বাহিনীর বদলির হুকুম এলো। আর কখনো ওকে দেখিনি।

‘পরে, যখন যুদ্ধের অবস্থা একটু ভালো, জার্মানরা হাজারে-হাজারে ধরা-
দিয়ে, তখন দু'তুবার আহত হবার পর আমাকে বিমান-ধ্বংসী বাহিনী থেকে
বদলি করা হ'লো সাত নম্বর স্টাফ-ডিভিশনে, সেখানে ওদের ভাষাবিদদের
দরকার ছিলো। তখনই তোমাকে পাতাল থেকে উদ্ধার ক'রে আবার বহাল
করার ব্যবস্থা করতে পারলাম।

‘ধোপানি টানিয়া ছিলো ক্রিষ্টিনার বন্ধু। ফ্রন্ট-লাইনে আলাপ হয়েছিলো
ওদের। ওর কথা খুব বলে টানিয়া। টানিয়ার হাসি লক্ষ্য করেছো তুমি ?—
সারা মুখ ভ'রে হাসে, ঠিক ইউরির মতো। একবার ভুলে যাও যে ওর নাক
চ্যাপ্টা, গালের হাড় উচু—তখনই দেখবে ও রীতিমতো হুজী। ইউরির
মতোই রুশ ধরনের চেহারা। দেশ ভ'রে এ-ই দেখা যায়।’

‘তুমি কী বলতে চাচ্ছে আমি বুঝেছি। কিন্তু না—আমি কিছু লক্ষ্য
করিনি।’

‘কী কুংসিত, বর্বর ওর ডাকনামটা—টানিয়া ফালতু। এটা নিশ্চয়ই ওর
পদবী হ'তে পারে না। ওর নামের সঙ্গে এটা জুড়ে গেলো কেমন ক'রে
কে জানে।’

‘তোমার মনে নেই ও বলেছিলো আমাদের—অজানা মা-বাবার সন্তান
ও, যাকে বলে বেজপ্রিজোর্নিয়া’। “বেজোচেরেডনয়া”—“ফালতু”—
কথাটা হয়তো ‘বেজোটাচয়া’ বা “পিতৃহীনে”র একটা অপভ্রংশ, দূর গ্রামে,
সেখানে ভাষার শুদ্ধরূপ এখনো পাওয়া যায়, সেখানে বোধহয় ঐ নামেই
ডাকা হ'তো টানিয়াকে—ছেলেবেলায় সেখানেই তো ছিলো সে। তারপর
যখন শহরে এলো—সেখানে কথাটার মানে কেউ বুঝলো না, সবই তো
সেখানে বিকৃত হ'য়ে যায়—তাই দেখছো লোকের মুখে-মুখে কথাটা কেমন
শহরে আর একেলে হ'য়ে উঠেছে।’

১ Bezprisornaya = অনাথ। নানা সময়ে, বিশেষত ১৯২২ থেকে ১৯২৫ পর্যন্ত, আবার
১৯৩২-এর সংঘর্ষের যুগে, রাশিয়ার অসংখ্য অনাথ শিশু দেখা গিয়েছিলো : তাদের মা-বাবারা
হর গৃহযুদ্ধে নিহত, নয়তো শত্রুবিলাশ (purge) বা অজ্ঞাত কারণে অন্তর্হিত। দলে-দলে দেশ ভ'রে
কুরে বেড়াতো এর, শাসনব্যবস্থার পক্ষে এটি বড় সমস্যা হ'য়ে উঠেছিলো।

জিভাগো—৪৫

৩

এই কথাবার্তা হবার কিছুদিন পরে গর্জন আর ডুডোরস্ত কারাচেস্ত শহরে এসে পৌছলো ; একেবারে ধূলিসাৎ ক'রে দেওয়া হয়েছে শহরটিকে । এখনো তাদের বাহিনীর পেছনে ছুটছে তারা, কারাচেস্তে এসে বাহিনীর ল্যাজের দিকের দু'একটা ছুটকো দলের সঙ্গে দেখা হ'য়ে গেলো তাদের, তারাও প্রধান অংশের সঙ্গে যোগ দেবার জন্ত এগোচ্ছে ।

বড্ড গরম পড়েছে এ-বছর ; প্রায় একমাস ধ'রে আবহাওয়া শান্ত, একটানা রোদধূর চলছে । নীল, নির্মেষ আকাশের তলায় ঘামতে-ঘামতে ওরেল আর ত্রিয়ানস্কের মধ্যবর্তী ত্রিয়ান্শ্চিনার উর্বর মাটি রোদে পুড়ে কফি-চকোলেটের মতো বাদামি হ'য়ে গিয়েছে ।

শহরের মধ্য দিয়ে সোজা বেরিয়ে বড়ো রাস্তাটি হাই-ওয়েতে পড়েছে । তার একদিকের সবগুলি বাড়ি বাকদে উড়ে গেছে—প'ড়ে আছে ইট-স্বরকির স্থূপ , যে-সব বাগিচা মাটির মধ্যে মিশে গেছে তাদের উপড়ে-তোলা, পুড়ে-যাওয়া, টুকরো-হ'য়ে-যাওয়া গাছগুলো এই ধ্বংসস্থূপকে ঘিরে ধরেছে । অল্পদিকের পোড়ো জমিতে বোধহয় কখনোই বাড়ি তোলা হয়নি ; আগুন আর ধ্বংসের হাত থেকে অনেকটাই রেহাই পেয়েছে তারা, কেননা ধ্বংস করার মতো কিছুই ছিলো না ।

যে-দিকটায় এক সময়ে বাড়িঘর ছিলো সেখানে গৃহহীন অধিবাসীরা তখনো থিকিথিকি জলন্ত ছাইয়ের মধ্যে ধ্বংসস্থূপের এখানে-ওখানে আতিপাতি ক'রে খুঁজে যা পাচ্ছে তাই বের ক'রে এক জায়গায় জড়ো ক'রে রাখছে । অস্ত্রেরা চটপট তখনকার জন্ত থাকবার মতো ট্রেন্স খুঁড়ছে, ঘাসের চাপড়া কেটে নিচ্ছে তার ছাউনি করবে ব'লে ।

রাস্তার ওপারের পোড়ো জমি শালা হ'য়ে আছে তাঁবুতে, ভিড় ক'রে আছে সাহায্যকারী বাহিনীর লরি আর ঘোড়ার টানা গাড়ি—মূল ইউনিট থেকে বিজিহ্ম-হওয়া ফীল্ড-অ্যাড্জুটেন্ট, দপ্তর ও ডিপোর ছোটো-ছোটো শাখা—সব হারিয়ে গিয়ে, মিশে গিয়ে যেন নিজেকেই খুঁজে নেবার চেষ্টা করছে । আর এখানেও সংযোজক বাহিনীর রোগা গলকা ছেলেগুলো—আমাশায় রক্তহীন মেটে রঙের মুখ তাদের, মাথায় ছাইবঙা টুপি, ভারি, গুটোনো কোট

পিঠে ফেলে, আবার পশ্চিম দিকে হাঁটতে শুরু করার আগে অল্প কিছু খেয়ে ঘুমিয়ে নিচ্ছে।

ধ্বংস-পড়া, উড়ে-বাওয়া এই শহরের অর্ধেকটাই পুড়ছে তখনো, দূরে-দূরে বিস্ফোরণ হচ্ছে, যে-সব মাইন দেহিতে কাজ করে সেগুলো ফাটছে এখনও পর্যন্ত। জমি খুঁড়তে-খুঁড়তে লোকেরা মাঝে-মাঝেই চমকে উঠছে, পায়ের তলায় মাটি কেঁপে উঠছে তাদের ; পিঠ সোজা ক'রে কোদালে ভর দিয়ে দেখছে সেই দিকটাতে, যেখানে বিস্ফোরণ ঘটলো।

দুসর, কালো আর ইটের মতো লাল হ'য়ে সেখানে উঠছে ধোঁয়া, আগুন আর কুচি-কুচি পাথরের মেঘ, প্রথমে ফোয়ারার মতো আকৃতি নিয়ে, তারপর অলসভাবে, যেন ভারি হ'য়ে জঞ্জাল উঠছে নিচে থেকে, তারপর পাখার মতো ছড়িয়ে প'ড়ে অবশেষে মাটির ওপরে প'ড়ে গেলো। এর পরে আবার লোকেরা মাটি খুঁড়তে লেগে যাচ্ছে।

এই ধ্বংসাবশেষের উল্টো দিকে পোড়ো জমিগুলোর মধ্যে একটা মাঠ দেখা যাচ্ছে, ঝোপের বেড়া ঘিরে আছে সেটিকে, মস্ত একটা ডাল-পালা-ছড়ানো গাছের ছায়া পড়েছে সেখানে। গাছের ছায়ায়, বেড়ার বেইনে, মাঠটিকে মনে হচ্ছে যেন অবশিষ্ট পৃথিবী থেকে বিচ্ছিন্ন, শীতল, গোপন, আচ্ছাদিত, সাক্ষ্য একটি উঠোন।

এখানে টানিয়া, সেই ধোপানি, গর্জন, ডুডোরত ও তার রেজিমেণ্টের আরো কয়েকজন লোকের সঙ্গে সকাল থেকে অপেক্ষা করছে—তাকে নিতে যে-লরিটি পাঠানো হয়েছে, তার জন্য। মাঠের ওপর প'ড়ে আছে অনেকগুলো খুড়ি-ভর্তি কাচা কাপড়-জামা—টানিয়ার ওপর তার সেগুলোর—একটার মাথায় আর-একটাকে চাপিয়ে দেওয়া হয়েছে। টানিয়া যথোচিত লক্ষ্য রাখছে তাদের ওপর, এক পা-ও নড়ছে না, অস্ত্র সকলেও সেই স্তূপের দিকে নজর রাখছে—পাছে লরিভে যাবার স্বযোগ হারায়, সেই ভয়ে।

বহুক্ষণ অপেক্ষা করছে তারা, পাঁচ ঘণ্টা হ'য়ে গেলো। আর-কিছু করার নেই ব'লে তারা ধোপানির কথাই মন দিয়ে শুনেছে ; জীবনে অনেক দেখেছে সে, আর কথাও বলতে পারে অনর্গল। সে-মুহুর্তে সে বলছিলো কী-ভাবে মেজর-জেনারেল জিতাগোর সঙ্গে দেখা হয়েছিলো তার।

‘সত্যিই দেখেছি আমি, গতকাল দেখেছি তাঁকে।’ আমাদের ওরা ধ’রে নিয়ে গেলো জেনারেলের কাছে, স্বয়ং মেজর-জেনারেল জিভাগো। উনি এখান দিয়ে যাচ্ছিলেন, ক্রিস্টিনার কথা জানতে চান তিনি, ওর বিষয়ে অনেক-কিছু জিজ্ঞেস করছিলেন। যারা ওকে স্বচক্ষে দেখেছে তাদের দেখতে চাইলেন উনি। সবাই তাই আমার কথা বললো ঠুঁকে। বললো, আমরা বন্ধু ছিলাম। উনি ওদের বললেন আমাদের ওর কাছে নিয়ে যেতে। তাই ওরা ধ’রে নিয়ে গেলো আমরা। ঠুঁকে দেখে তো কিছু ভয়-ভর লাগলো না আমার, আলাদা কিছু তো নন, আর পাঁচজনেরই মতো। চোখ দুটো চেরা, চুল কালো। ষাক, আমি যা জানি তা বললাম ঠুঁকে। আমার সব কথা শুনে ধন্যবাদ জানালেন। “আর তুমি কে?” জিজ্ঞেস করলেন আমাদের। “কোথেকে আসছো?” আমি তো আর ঠুঁকে সব কথা বলতে পারি না। জাঁক করার মতো কী-ই বা আছে আমার। আমি ছিলাম এক বেজপ্রিজোনারী—জানেনই তো তার ব্যাপার কী-রকম, বাচ্চাদের এক জেল থেকে আর-এক জেলখানায় ঘুরে বেড়িয়েছি—কোথাও স্থিতি নেই। কিন্তু উনি আমাদের ছাড়বেন না। “বলো না। লজ্জা কোরো না। লজ্জার কী আছে?” প্রথমে দু’একটা কথা বললাম, লজ্জা করছিলো, তারপর আর-একটু বেশি বললাম, আর উনি সমানে এমনভাবে মাথা নাড়তে লাগলেন যেন বলছেন, “বলো, বলো,” আমরাও তাই সাহস বেড়ে গেলো। আর এও সত্যি যে অনেক কথা বলবার আছে আমার। আপনাদের বললে হয়তো বিশ্বাস করবেন না, বলবেন, “গুল চালাচ্ছে।” ওঁর বেলাতেও তাই হ’লো। আমার কথা শেষ হ’লে উনি উঠে দাঁড়িয়ে ঘরটার এ-মাথা থেকে ও-মাথা পর্যন্ত পাইচারি করতে লাগলেন। “হা ঈশ্বর,” বললেন উনি। “কী অভূত ব্যাপার। শোনো, টানিয়া,” উনি বললেন, “এখন আমার সময় নেই, কিন্তু তোমাকে আবার খুঁজে বের করবো আমি, সে-বিষয়ে তুমি নিশ্চিত থেকে, তোমাকে আবার ডেকে পাঠাবো। কখনো ভাবিনি এমন কথা শুনবো। যেয়ো না, আরো কথা আছে,” বললেন উনি, “দু’একটা কথা পরিষ্কার ক’রে নিতে চাই। আর তারপর, কে জানে, আমি হয়তো তোমার কাকা হ’লে বলতে পারি, আর তুমি ব’নে যেতে পারো জেনারেলের

তাইনি। “তোমাকে কলেজে পড়াবো আমি,” উনি বললেন, “তোমাকে লেখাপড়া শেখাবো। যেখানে ইচ্ছে তোমার, সেখানেই পড়বে।” ঠাকুরের দ্বিধা, ঠিক এই কথাই বললেন উনি। এমন হাসাতে আর খাপাতে পারেন।’

সেই মুহূর্তে একটি লম্বা খালি গাড়ি মাঠে এসে চুকলো, গাড়িটার দুই ধার উচু-খড় নেবার জন্ত যেমন গাড়ি ব্যবহৃত হয় পোল্যান্ডে আর পশ্চিম রাশিয়ায়। গাড়ির ঘোড়া দুটোকে চালিয়ে আনছে অশ্বখান-বাহিনীর একজন সৈন্ত, আগেকার দিনে তাকে হয়তো যেসেড়ে গাড়োয়ান বলি হতো। ঘোড়ার রাশ টেনে আসন থেকে লাফিয়ে পড়লো সে, তারপর গাড়ি খুলতে শুরু করলো। টানিয়া আর ছ’একজন সৈন্ত বাদে অস্ত্র সকল তাকে ঘিরে ধরলো, মিনতি করতে লাগলো তাদের যার-যার গন্তব্যস্থানে পৌঁছিয়ে দেবার জন্ত, সঙ্গে-সঙ্গে অবশ্য এও জানিয়ে দিলে যে তাতে তার লাভ বই লোকসান হবে না। কিন্তু গাড়োয়ান রাজি হ’লো না, বললো যে ছকুমের বাইরে গাড়ি চালানোর কোনো ক্ষমতাই তার নেই। ঘোড়া দুটোকে এগিয়ে নিয়ে গেলো সে, তাকে আর দেখা গেলো না।

টানিয়া, আর অস্ত্র যারা এতোকণ মাটিতে ব’সে ছিলো, এখানে মাঠের মধ্যে ফেলে-রাখা শূন্য গাড়িটার উঠে বসলো তারা। গাড়ি আসাতে, আর গাড়োয়ানের সঙ্গে বচসার ফলে যে-আলাপে বাধা পড়েছিলো, তা আবার শুরু হ’লো তাদের।

‘তুমি কী বলেছিলে জেনারেলকে?’ জিজ্ঞেস করলো গর্জন। ‘পারো তো আমাদেরও বলো না।’

তখন টানিয়া তার ভীষণ কাহিনী তাদের শোনালো।

‘হ্যাঁ, সত্যি অনেক-কিছু বলবার আছে আমার। সবাই বলে আমার নাকি বড়ো ঘরে জন্ম। আমি জানি না কথাটা কেউ আমাকে বলেছে কিনা, না কি আমি নিজের মনেই ভেবে নিয়েছি। কিন্তু শুনেছি আমার মা ছিলেন

রাগিনা কমারোভা, রুশ মন্ত্রী কমরেড কমারোভের স্ত্রী ; কমরেড কমারোভ—
 তিনি শাদা মলোনিয়ায় লুকিয়ে ছিলেন। কিন্তু ইনি মাকি আসলে আমার
 বাবা নন। অবশ্য আমি লেখাপড়া শিখিনি, মা-বাবাকে দেখিনি কখনো,
 অনাথ আশ্রমে বড়ো হয়েছি। আমার কথা শুনে হয়তো হাসি পাবে
 আপনাদের, কিন্তু বা আমি জানি তা-ই তো আমি বলবো, আমার জায়গায়
 নিজেদের বসালে হয়তো বুঝতে পারবেন।

‘কুশিৎসি ছাড়িয়ে, কসাক-দেশের ওপারে, যেখানে সাইবেরিয়ার শেষ,
 সেই চীন সীমান্তের কাছাকাছি এ-সব ঘটেছিলো। যখন আমরা, মানে
 লালেরা, শাদাদের বড়ো ঘাটির শহরে গিয়ে পৌছলাম, তখন ঐ মন্ত্রী
 কমারোভ, উনি আমার মা-কে একটা স্পেশাল ট্রেনে তুলে দিলেন—সারা
 সংসার চাপিয়ে দিলেন তাঁর ওপর—ছকুম দিলেন চ’লে যাবার। ভীষণ ভয়
 পেয়ে গিয়েছিলেন আমার মা, ওঁকে ছাড়া এক পা নড়ারও সাহস ছিলো না
 তাঁর।

‘কিন্তু আমার কথা উনি জানতেন না, কমারোভ জানতেন না আরকি।
 আমি যে আছি তাই জানেন না তিনি। একবার যখন অনেকদিনের জুত
 ওঁদের ছাড়া ছাড়ি হয়, তখন জন্মেছিলাম আমি, মা ভয়ে ম’রে যাচ্ছিলেন
 পাছে কেউ কমারোভকে ব’লে দেয়। ছেলেপুলে ঘেমা করে কমারোভ—
 চোখে দেখলে চীৎকার ক’রে মেঝেতে পা ঠোকে। নোংরা, বিচ্ছিন্ন,
 বামেলা সহ হয় না আমার—এই ব’লে চ্যাচাতেন উনি।

‘যাই হোক, যা বলছিলাম, লালেরা যখন শহরে ঢুকতে লাগলো মা তখন
 নাগর্নয়া স্টেশনে লোক পাঠালো মারফাকে ডেকে আনতে—সিগনালওয়ালি
 মারফা। শহর থেকে তিন স্টেশন দূরে জায়গাটা। ব্যাপারটা বুঝিয়ে বলি
 আপনাদের। প্রথমে হ’লো নিজোভায়া—একেবারে নিচের দিকে ঢালুতে।
 তারপর নাগর্নয়া, একেবারে পাহাড়ের মাথায়, আর তারপর পাহাড়ের মধ্যে
 শ্রামসন-পথ। এখন বুঝতে পারছি মা কী ক’রে ঐ সিগনালওয়ালিকে
 চিনতেন। মনে হয় ঐ সিগনালওয়ালি মারফা, শহরে দুধ সজ্জি বেচতে
 আসতো। ইয়া, ঐ ভাবেই চেনাশুনো হয়েছিলো।

‘আমার মনে হয় কিছু-একটা ব্যাপার আছে বা আমি জানি না। ওরা

বোধহয় মাকে ঠকিয়েছিলো, সত্যি কথা বলেনি। ভগবান জানেন কী বলেছিলো আমার মাকে, বোধহয় বলেছিলো অল্প দিনের জন্য, মাত্র একদিন কি দু'দিনের জন্য, বতোদিন না গোলমাল মিটে সব ঠাণ্ডা হয়। জন্মের মতো যে আমাকে পরের বাড়িতে চ'লে যেতে হবে সে-কথা নিশ্চয়ই বলেনি। পরের বাড়িতে বাস্তু হ'তে হবে আমাকে। মা কি আর আপন সন্তানকে ঐ ভাবে বিসর্জন দিতে পারতেন!

‘যাক, জানেনই তো বাচ্চাদের কেমন ক’রে ভোলানো হয়। “মাসিমার কাছে বাও তো মশি, মণ্ডা দেবে তোমাকে, ভালো মাসি, মাসিকে কি ভয় পেতে আছে!” পরে কেমন চোখের জলে ভেসে গিয়েছিলাম, সেই বাচ্চা বয়সে কী-রকম কষ্ট আমাকে কুরে-কুরে খেয়েছে—সে-সব কথা বলতে শুরু না-করাই ভালো। গলায় দড়ি দিতে ইচ্ছে করতো, সেই বাচ্চা বয়সে আমি যেন পাগল হ’য়ে যাচ্ছিলাম, সেই সময়ে ঐ অবস্থা ছিলো আমার। মারফা-মাসি বোধহয় আমাকে রাখার জন্য টাকা পেয়েছিলো, অনেক টাকা।

‘সিগনাল-খামের লাগোয়া খেত-খামার ওদের—একটা গোরু, একটা ঘোড়া, নানা জাতের মুরগি, তাছাড়া মস্ত সজ্জি-খেত—সেখানে বতো ইচ্ছো জমি পাওয়া যায়, কোনো খাজনাও লাগে না—আর রেল-লাইনের ধার ঘেঁষে একটা সরকারি বাড়ি। দেশ থেকে যখন ট্রেন আসে, তখন পাহাড়ে প্রায় উঠতেই পারে না, এতো খাড়াই সেখানটা, কিন্তু যখন আপনাদের দিকে থেকে, রাশিয়া থেকে আসে তখন এতো জোরে নামে যে ব্রেক কষতে হয়। হেমন্তকালে বন যখন পাংলা হ’য়ে আসে, তখন অনেক নিচে নিজোত্তারা স্টেশনটিকে খালার মতো দেখা যায়।

‘মারফা-মাসির স্বামী ভাসিয়া মেসোকেই আমি বাপি ভাকতায়—চাবার ঘরে ঐ রকম ভাকে, জানেন তো। ভালো মানুষ ছিলেন, দিব্যি হাসিখুশি, কিন্তু বড়ো বেশি বিশ্বাস করতেন অন্যদের—নেশা করলে তো কথাই নেই। তাঁর হাঁড়ির খবর সব না জানতো এমন কেউ ছিলো না। চেনা-অচেনা বার সঙ্গেই দেখা হয় তার কাছেই প্রাণের সব কথা খুলে বলে সে।

‘কিন্তু ঐ সিগনালওয়ালিকে আমি কখনো মা ব’লে ভাকিনি। নিজের মাকে ভুলতে পারিনি ব’লেই, না কি অস্ত্র কোনো কারণে তা জানি না;

সে কিন্তু সত্যিই বড়ো সাংঘাতিক লোক ছিলো। সত্যি সাংঘাতিক।
তাই আমি ওকে মারফা-মালি ব'লে ডাকতাম।

‘দিন কাটে, বছর কেটে যায়, কতো বছর কেটে গেলো তার হিসেব জানি না। ততোদিনে ছুটে-ছুটে ট্রেনের নিশেন দেখাতে শিখেছি আমি, শিখেছি গোরু ঘরে আনতে, ঘোড়ার জোয়াল খুলে দিতে। মারফা-মালি আমায় স্ততো কাটিতে শিখিয়েছে—আর ঘরের কাজ যে সবই করি তা না-বললেও চলে। ঝাঁটপাট করা, ঘর গুছোনো, অল্পস্বল্প রাঁধা—এ-সব আমার কাছে কিছুই না, সবই করি আমি। ও হ্যা, বলতে ভুলে গিয়েছিলাম পেটিয়ার দেখাশোনার ভারও আমার ওপর। আমাদের পেটিয়ার পা দুটো শুকিয়ে গিয়েছিলো, তার বয়স তিন, কিন্তু একেবারেই হাঁটতে পারে না, আমিই তাকে কোলে-কাঁখে নিয়ে ব'য়ে বেড়াই। কতোদিন আগেকার কথা, কিন্তু এখনো আমার মনে পড়ে আমার মজবুত পা দুটোর দিকে মারফা-মালি কেমন টারি চোখে তাকাতো—আমার গা শিউরে ওঠে সে-কথা ভাবলে—যেন বলতে চায়, “আমার পেটিয়ার বদলে তোর পা দুটো কেন শুকিয়ে গেলো না, আবাগি”—যেন আমিই ছেলেটাকে ডাইনি-মন্তর দিয়েছি! ভাবতে পারেন যে পৃথিবীতে এমন হিংস্রক আর অশিক্ষিত লোকও হয়?

‘কিন্তু এখন যা বলি শুনুন। পরে যা ঘটলো তার তুলনায় এ-সব কিছুই না। আপনুরা অবাক হ'য়ে যাবেন।

‘নেপ-এর ১ সময়ে এক হাজার রুবলের দাম হ'লো এক কোপেকের সমান। ভাসিয়া-মেসো নিজোভায়াতে গিয়ে একটা গোরু বিক্রি ক'রে দুই বস্তা বোঝাই টাকা পেলো।—কেরেকি বলা হ'তো—না, ভুল বলেছি—পাভিলেবু^২—ঐ টাকাকে তা-ই বলা হচ্ছে ততোদিনে। খুব মদ খেয়ে চুর হ'লো ভাসিয়া-মেসো, নাগর্নয়াতে সঙ্কলকে ব'লে বেড়াতে লাগলো সে কতো বড়োলোক হয়েছে।

‘মনে পড়ছে, সেটা ছিলো হেমন্তকাল, সেদিন খুব হাওয়া দিচ্ছে। বাড়ির

১ NEP : নতুন অর্থনৈতিক বিধান। ৩৫৬ পৃষ্ঠার পাদটীকা সঠিক।—অনুবাদের টীকা।

২ ১৯২১-২২ সালের চরম সূত্রান্বীতির সময় দশ লক্ষ রুবলের নোটকে চলতি মুদ্রিতে ‘পাভিলেবু’ বলা হ'তো।

ছান বেন ছিঁড়ে ফেলছে বাতাস, টাল সামলানো যাচ্ছে না, আর উঠেটা দিকে হাওয়া বইছিলো ব'লে পাহাড়ের ওপর এজিন তোলা যাচ্ছে না। হঠাৎ আমি দেখলাম পাহাড়ের ওপর থেকে নেমে আসছে এক ভিথিরি বুড়ি, বাতাসে তার জামা টেনে ধরেছে, উড়িয়ে নিচ্ছে তার মাথার ক্রমাল।

‘ইটিতে-ইটিতে সে গোড়াচ্ছে আর পেট চেপে ধরছে মাঝে-মাঝে। তাকে ভেতরে নিয়ে যাবার জন্ত কাকুতি করলো সে; আমরা তাকে বেকির ওপর শুইয়ে দিলাম। - ‘ওঃ, পারি না,’ সে চ্যাচাতে লাগলো, ‘আর সইতে পারি না, আর পারি না, পেটে আমার আগুন জ্বলছে, মরণ ডাক দিয়েছে আমাকে। বীণুর দৌহাই,’ সে বললে, ‘আমাকে হাসপাতালে নিয়ে যাও তোমরা, যতো টাকা চাও দেবো।’ তা বাপি তখন উভালয়কে গাড়িতে জুতে নিলো—বোড়াটার নাম উভালয়—বুড়িকে গাড়িতে তুলে পনেরো ভেন্ট^১ দূরে হাসপাতালে নিয়ে গেলো।

‘ধানিকরণ পরে আমরা গুতে গেছি, আমি আর মারফা-মাসি, এমন সময় বাইরে উভালয়ের ডাক আর উঠোনে গাড়ির শব্দ শুনতে পেলাম। বাপির ফেরার পক্ষে একটু শিগগির ব'লে মনে হ'লো। বাই হোক, মারফা-মাসি আলো জাললো, জামা পরে নিয়ে, বাবি ধাক্কা দেবার আগেই দরজা খুলে দিলো।

‘দিলো বটে, কিন্তু দরজার বাইরে যে দাঁড়িয়ে ছিলো সে বাপি নয়, ভীষণ, কালো, অচেনা এক মানুষ। “দেখাও,” তক্ষুনি কথা বললো লোকটা, “গোন্ধ বেচে যা পেয়েছো সেই টাকা কোথায় দেখাও। তোমার বুড়াটাকে বনের মধ্যে খুন করেছি আমি,” সে বললে, “কিন্তু তুমি মেয়েমানুষ, তোমাকে প্রাণে মারবো না, যদি টাকা কোথায় আছে তা ব'লে দাও। যদি না বলো তাহ'লে কী হবে তা তো বুঝতেই পারছো। যা হবে তোমার দোষেই হবে, মনে রেখো। দেরি কোরো না—সবুর করার মতো সময় নেই আমার—শিগগির!”

‘হা ভগবান, সে কী অবস্থা আমাদের—কমরেড, ঐ অবস্থায় নিজেকেও একবার বসিয়ে দেখুন। সর্বাঙ্গে ধরধর ক'রে কাঁপছি আমরা, ভয়ে আধ-মরা

^১ ১ vent (1 vent) = ৩,৫০০ ফুট।—অনুবাসকের টীকা

হ'য়ে গেছি, একটা আওয়াজ বেরোর না গলা দিয়ে—কী সব ভয়ংকর কাণ্ড ! ভাসিয়া-মেসো খুন হয়েছে—লোকটা নিজেই বলছে যে কুড়ুল দিয়ে শেষ করেছে তাকে—সেই লোকটার সঙ্গেই এখন একা আছি আমরা—ডাকাত পড়েছে বাঁড়িতে—খুনে ডাকাত—হ্যাঁ, লোকটা যে খুনে তা তো দেখতেই পাচ্ছি।

‘আমার মনে হয় ঠিক তখনই মারফা-মাসি পাগল হ'য়ে গিয়েছিলো, স্বামীর শোকে কী-রকম কাতর, অথচ কিছুই বলতে পারছে না—তাইতেই বোধহয় পাগল হ'য়ে গেলো।

‘তা মারফা-মাসি প্রথম তো লোকটার পায়ে পড়লো। “দয়া করো আমাকে,” বলতে লাগলো সে, “আমাকে মেরো না, আমি কিছুই জানি না, কোনো টাকার কথা আমি কখনো শুনিনি, কোন টাকার কথা তুমি বলছো তা আমি কিছুই বুঝতে পারছি না।” কিন্তু ও-কথায় ভোলবার পাত্র সে নয়, শয়তানটা কি অতোই বোকা ! “ঠিক আছে,” মারফা মাসি বললে, “টাকাটা আছে ঘরের তলার ভাঁড়ারে। আমি বাঁপ খুলে দিচ্ছি।” কিন্তু লোকটা চালাকি ধ'রে ফেললো। “না, তুমি নিচে নামো, তুমি পথ চেনো, তুমি নিয়ে এসো। তুমি ভাড়া'রেই নামো আর ছাদেই চড়ে তাতে আমার কিছু এসে যায় না, আমার টাকা পেলেই হ'লো। শুধু মনে রেখো, ফাকি দেবার চেষ্টা করেছে কি মরেছো, বোকা বনবার পাত্র আমি নই।”

‘তখন মারফা-মাসি তাকে বললে : “হা ঈশ্বর, এ-রকম সন্দেহ তোমার কেন হচ্ছে জানি না। নিচে গিয়ে আমিই টাকা নিয়ে আসতাম—নিশ্চয়ই আনতাম—কিন্তু আমার পায়ে বাত, সিঁড়ি বেয়ে নামতে পারি না ঠিকমতো। আমি সিঁড়ির মাথায় দাঁড়িয়ে তোমার জন্তু আলো ধরছি। ভেবো না, আমার মেয়েকেও আমি তোমার সঙ্গে নিচে পাঠাবো,” বললে মারফা-মাসি। “মেয়ে” মানে আমি।

‘শুনুন কমরেডরা, ও-কথা শুনে আমার অবস্থাটা যে কী হ'লো তা কি ভাবতে পারেন আপনারা ? এই আমার শেষ, আমি ভাবলাম, চোখের সামনে সব অন্ধকার হ'য়ে গেলো, পায়ের ওপর আর দাঁড়িয়ে থাকতে পারছিলাম না বেন, মনে হচ্ছিলো প'ড়ে যাবো।

‘কিন্তু ঐ শয়তানটা, ওর নজর কিছুই এড়ায় না—একবার মাসির দিকে,

একবার আমার দিকে তাকিয়ে বিকট বাকা ক'রে হাসলো—যেন বলতে চাচ্ছে, “নব বুঝি আমি, আমাকে ঠকাতে পারবে না।” ও বুঝে নিলো যে মারফা-মাসির পেটের সন্তান নই আমি, তার কাছে আমার দাম কানাকড়িও নয়—তাই লোকটা করলে কী—হেঁ। মেয়ে পেটিয়াকে এক হাতে ধ'রে অঙ্গ হাতে ঝাঁপ খুললো ভাঁড়ারের। “আলো দেখাও আমাদের,” এই ব'লে সে নেমে গেলো নিচে—সিঁড়ি বেয়ে মাটির তলায় চ'লে গেলো পেটিয়াকে নিয়ে।

‘তার আগেই পাগল হ'য়ে গেছে মারফা-মাসি, কিছু বুঝতে পারছিলো না—একেবারে বন্ধ পাগল। ছোট্টো পেটিয়াকে নিয়ে লোকটা যেই নিচে নেমে গেলো অমনি ছুম ক'রে ঝাঁপ বন্ধ ক'রে চাবি লাগিয়ে তার ওপর একটা ভারি ট্রাক টেনে আনতে লাগলো আর মাথা ঝেঁকে-ঝেঁকে আমাকে ডাকতে লাগলো ঐ বিষম ভারি ট্রাকটা ধরার জন্ত। ঠিক জায়গামতো ট্রাকটা বসিয়ে তার ওপর চেপে ব'সে আহ্লাদে গ'লে যেতে লাগলো সে, একেবারে বন্ধ পাগল। সেখানে ও বলতে-না-বসতেই ডাকাতটা চীংকার ক'রে মেঝের ওপর ধাক্কাতে শুরু করলো, কী বলছিলো বোঝা যাচ্ছিলো না, পুঙ্ক কাঠ ছিলো মেঝেতে, কিন্তু তার গলার আওয়াজে বোঝা যাচ্ছিলো যে তাকে বেরিয়ে আসতে না-দিলে সে পেটিয়াকে খুন করবে। আমাদের ভয় দেখাবার জন্ত বুনো জানোয়ারের চাইতেও ভীষণ গলার চীংকার করছিলো লোকটা। “এবার তোমার পেটিয়াও গেলো,” লোকটা চ্যাচালো, কিন্তু মারফা-মাসি কিছুই বুঝতে পারছিলো না, হাসছিলো, আর চোখ টিপছিলো আমার দিকে চেয়ে, যেন বলতে চায়: ‘প্রাণের স্বখে চ্যাচাক, আমি ট্রাকের ওপর গ্যাট হ'য়ে ব'সে আছি, আর চাবিও আমার হাতেই।’ আমি যা পারি করলাম, মাসির কানের কাছে চীংকার ক'রে বললাম যে ভাঁড়ারের ঝাঁপ খুলে দিতেই হবে, পেটিয়াকে বাঁচানোই চাই, ট্রাকের ওপর থেকে তাকে ঠেলে ফেলে দেবার চেষ্টা করলাম, কিন্তু পারলাম না, আমার চাইতে মাসির গায়ে জোর অনেক বেশি, আর কোনো কথাই সে কানে নিচ্ছে না।

‘এদিকে লোকটা তো ধাক্কার পর ধাক্কা দিয়ে চলেছে মেঝের ওপর, সময় কেটে যাচ্ছে, আর মারফা-মাসি সেখানেই ব'সে-ব'সে চোখ মটকাচ্ছে, কোনো আওয়াজই কানে যাচ্ছে না তার।

‘তা খানিকক্ষণ পরে—ঈশ্বর, হা ঈশ্বর, কী যে আমি না দেখেছি এ-জীবনে, কী না সহ্য করেছি—কিন্তু ও-রকম বিভীষিকা আর দেখবো না। ষতদিন বেঁচে আছি শুনতে পাবো পেটিয়ার সেই ছোট্টো গলা—ছোট্টো পেটিয়া মাটির তলায় কী তার আর্তনাদ, সেই নিষ্পাপ শিশুকে যমদূতটা দাঁতে কামড়ে-কামড়ে মেরে ফেললো।

‘এখন আমি কী করি, এখন আমি কী করি এই পাগলি বৃদ্ধি আর খুনটাকে নিয়ে—কী করি আমি! এদিকে সময় কেটে যাচ্ছে, এ-কথা ভাবার সঙ্গে-সঙ্গেই বাইরে উডালয়ের ডাক শুনলাম; উঠোনে অতীক্ষণ গাড়িতে জোতা অবস্থায় দাঁড়িয়ে ছিলো সে। হ্যা, এই তো ঠিক হয়েছে। উডালয় ডেকে-ডেকে যেন এই কথা বলতে চাইছিলো: “চলো আমরা তাড়াতাড়ি পালিয়ে যাই, টানিয়া, লোকজন ডেকে আনি।” জানলার বাইরে তাকিয়ে দেখলাম ভোর হ’য়ে আসছে। “ঠিক আছে,” আমি ভাবলাম, “তুমি কী ভালো, উডালয়, এই কথাটা মনে করিয়ে দিলে আমাকে। তা-ই হোক। চলো যাই আমরা।” কিন্তু এ-কথা ভাবতে-না-ভাবতে আবার ডাক শুনলাম যেন বনের মধ্যে থেকে: “দাঁড়াও, তাড়াহড়ো করো না, টানিয়া, আমরা অন্য উপায়ে কাজ হাশিল করবো।” আবার বুঝতে পারলাম বনে আমি একা নই। নিচে একটা এঞ্জিনের বাঁশি বাজলো, ঠিক আমাদের বাড়ির উঠোনে মোরগের ডাকের মতো। বাঁশির শব্দে এঞ্জিনটাকে চিনতে পারলাম, নাগর্নায়ার কাছে এসে দাঁড়ায় একটু—লোকেরা ওর নাম দিয়েছে মহাজন—পাহাড়ের ওপর দিয়ে মালগাড়িগুলোকে টেনে তোলে। যে-ট্রেনটা যাচ্ছে তাতে মালগাড়ি যাত্রী-গাড়ি দু’ই আছে, রাজ রাজে ও-রকম সময়ে যায় ওটা। আমার এই চেনা এঞ্জিনের আওয়াজ শুনলাম আমি, নিচে থেকে যেন ডাকছে আমাকে। শুনতে-শুনতে বৃকের ভেতরটা লাফিয়ে উঠলো। মারফা-মাসির মতো আমারও কি মাথা খারাপ হ’য়ে গেলো, নয়তো সব পশু আর বোবা এঞ্জিন নোজা ক্লিশিতে আমার সঙ্গে কথা বলছে কেমন ক’রে?

‘বাক, ভেবে লাভ নেই, ট্রেন এগিয়ে আসছে, ভাববার আর সময় কোথায়? লঠনটা আঁকড়ে ধ’রে—তখনো ভালো ক’রে আলো কোটেনি—

পাগলের মতো ছুটলাম রেল-লাইনের দিকে, লাইনের ঠিক মধ্যখানে ঠাঁড়িয়ে ওপরে-নিচে আলো দোলাতে লাগলাম।

‘আর বেশি কী বলবার আছে? ট্রেন থামালাম, বাতাসের জন্ত আস্তে-আস্তে বাড়িলো ট্রেনটা, ভগবানকে ধন্যবাদ সেজন্ত, পায়ে হেঁটে চলছিলো বলা যায়। থামালাম, ড্রাইভার আমাকে চিনতো, তার কামরার জানলা দিয়ে গলা বাড়িয়ে কী যেন বললো, বাতাসের জন্ত শুনতে পেলাম না। চেষ্টা করে বললাম যে সিগনাল-ঘরে ডাকাত পড়েছে, খুন হয়েছে, লুট হয়েছে, বাড়িতে ডাকাত, সাহায্য চাই কমরেড খুঁড়ো, এক্ষুনি সাহায্য চাই। আর আমি যতোকণে এ-সব বলছি ততোকণে লাল ফোজের দল ট্রেন থেকে লাফিয়ে পড়েছে একের পর এক—ওটা ছিলো পন্টনের ট্রেন—হ্যাঁ তা-ই—একে-একে সব লাফিয়ে পড়লো লাইনের ওপর। “কী হয়েছে?” জিজ্ঞাস করলো ওরা; নিশুতি রাতে বনের মধ্যে খাড়া পাহাড়ের গায়ে হঠাৎ গাড়ি ঠাঁড়ালোই বা কেন আর থেমেই বা আছে কেন, কিছুই তারা বুঝতে পারছিলো না। সব ঘটনা শুনে ভাঁড়ারের ভেতর থেকে ডাকাতটাকে ওরা টেনে বের করলে, পেটিয়ার চাইতেও সরু গলায় তখন চিঁ-চিঁ করছে লোকটা ‘দয়া করো, দোহাই তোমাদের,’ বলছিলো সে, “আমাকে প্রাণে মেরো না ভাই সব, আর কখনো এমন কাজ করবো না।” কিন্তু আইনের দায়িত্বটা ওরা নিজের হাতেই নিয়ে নিলে। টানতে-টানতে লোকটাকে লাইনের ওপর এনে ফেললো, হাত-পাগুলো ক’ষে বেঁধে নিলো লাইনের সঙ্গে, তারপর ট্রেনটাকে তার ওপর দিয়ে চালিয়ে নিয়ে গেলো।

‘জামা-কাপড় আনার জন্তও আর বাড়ি ফিরলাম না আমি, এমন ভয় পেয়েছিলাম। আমাকে ট্রেনে ক’রে নিয়ে যেতে বললাম ওদের, ওরা তুলে নিলো আমাকে, ব্যস, চললাম। এর পরে আমি শুধু ঘুরে বেড়িয়েছি বেঞ্জামিনজোন্নিদের সঙ্গে—রাশিয়ার অর্ধেক ভ’রে, আর অস্ত্রাস্ত্র দেশেও—কোথায় না গিয়েছি জানি না। বাড়িয়ে বলছি না একটুও। ছেলেবেলার সেই রাশিরাশি দুঃখের পর কী সুখ, কী মুক্তিই না পেলাম! তবে এও বলবো যে সেখানেও অনেক পাপ দেখেছি, দুঃখও কম পাইনি। কিন্তু সে-সব পরের কথা, অস্ত্র এক সময়ে বলবো।...বে-বাস্তিরের কথা বলছিলাম—একজন

রেল-কর্মচারী ট্রেন থেকে নেমে ঐ বাড়িটাতে গেলেন সরকারি সম্পত্তি বুকে নেবার জন্ত, আর মারফা-মাসির কী ব্যবস্থা করা যায়, তাও তাঁকে ঠিক ক'রে দিতে হবে। কেউ-কেউ বলে মাসি আর ভালো হয়নি, পাগলা-গারদেই মারা গেছে, আবার এও শুনেছি যে সে সেরে উঠে গারদ থেকে ছাড়া পেয়েছে।'

টানিয়ার গল্প শোনার পর অনেকক্ষণ গর্জন আর ডুডোরভ নিঃশব্দে গাছের তলায় পাইচারি করলে। তারপর লরি এলো। ষড়ষড় করতে-করতে রাস্তা থেকে মোড়ে গিয়ে মাঠের মধ্যে দাঁড়ালো লরিটা, কাচা কাশড়ের বস্তাগুলো তুলে দেওয়া হ'লো। গর্জন বললে:

‘ও কে তা বুঝলে তো?—টানিয়া ধোপানির কথা বলছি।’

‘হ্যা, বুঝেছি বইকি।’

‘ইয়েভগ্রাফ ওর দেখাশোনা করবে।’ একটু চুপ ক'রে থেকে আবার বললে, ‘ইতিহাসে এ-রকম ঘটনার আরো অনেক নজির আছে। চিন্তার স্তরে যা মহৎ, সেই আদর্শ বাস্তবে নেমেই স্থূল হ'য়ে যায়। ছাখো না, গ্রীস জন্ম দিয়েছিলো রোমকে, আর রুশীয় আলোকপ্রাপ্তির সন্তান হ'লো রুশ বিপ্লব। রুকের সেই লাইনটা মনে আছে?—“আমরা, বারা রাশিয়ার ভীষণ যুগের সন্তান”—যুগের তফাৎটা এই একটি কথাতেই বোঝা যায়। রুকের সময়ে, যখন উনি এ-কথা বলেছিলেন, তখন এটা ছিলো রূপক, উৎপ্রেক্ষা। সন্তান মানে সন্তান নয়, মনীষীদের বংশধর তারা, ভীষণ মানে ভীষণ নয়, দিব্যদর্শন। সেই রূপক এখন আক্ষরিক অর্থে সত্য, সন্তানেরা বাস্তব সন্তান, আর ভীষণ মানে সত্যিই বিভীষিকা। তফাৎটা এখানেই।’

৫

এর পরে পাঁচ অথবা দশ বছর কেটে গেছে। গ্রীষ্মের এক শান্ত সন্ধ্যায় আবার মিলিত হয়েছে গর্জন আর ডুডোরভ; মস্ত উঁচু এক জানলার ধারে ব'সে আছে তারা, নিচে ছড়িয়ে আছে বিশাল শহর সন্ধ্যায় অস্পষ্ট হ'য়ে। ইউরির লেখা একটি বইয়ের পাতা ওলটাচ্ছে তারা, ইয়েভগ্রাফ সেটি সংকলন

করেছে। অনেকবার পড়েছে, বইটা প্রায় মুখস্থ তাদের। পড়ার ফাঁকে-ফাঁকে মাঝে-মাঝে ভাবনার বিনিময় করছে বা ডুবে যাচ্ছে নিজ-নিজ চিন্তায়। অঙ্ককার ক'রে এলো, ছাপার অঙ্কর আর পড়া যায় না, আলো জ্বালতে হ'লো।

ঐ নিচে মন্ডো, আদিগন্ত ছড়ানো—মন্ডো, গ্রন্থকারের মাতৃভূমি, তার জীবনে যা-কিছু ঘটেছিলো তার অর্ধাংশ—সেই মন্ডো এখন তাদের দু'জনের কাছে অল্প এক রূপে দেখা দিলো। তারা যা পড়ছিলো তার ঘটনাস্থল নয় শুধু, মন্ডো নিজেই এক দীর্ঘ কাহিনীর নায়িকা, এই সন্ধ্যায়, বই হাতে নিয়ে, তারা যেন সেই কাহিনীর অন্তে পৌঁছলো।

যুদ্ধের শেষে যে-আলোক ও মুক্তি আসন্ন ব'লে আশা করা গিয়েছিলো, জয়লাভের পরে তা আসেনি, কিন্তু অন্ততপক্ষে যুদ্ধোত্তর বছরগুলিতে স্বাধীনতার প্রতিশ্রুতি যেন ছড়িয়ে আছে বাতাসে—এ ছাড়া যুদ্ধের কোনো ঐতিহাসিক অর্থ আর নেই।

জানলার ধারে ব'সে এই দুই প্রৌঢ় বন্ধুর মনে হ'তে লাগলো যে স্বাধীনতার আত্মা যেন স্পর্শ ক'রে যাচ্ছে তাদের, নিচে, রাস্তায়, তা যেন প্রায় স্পৃহা হ'য়ে উঠেছে, আর তারা নিজেরাই প্রবেশ ক'রে যাচ্ছে ভবিষ্যতের মধ্যে, তার অংশ হ'য়ে যাচ্ছে। মনের মধ্যে একটি শান্ত আনন্দ নামলো তাদের, তার লক্ষ্য এই পুণ্যময় নগর, এই সমগ্র দেশ, এই কাহিনীতে যারা অংশ নিয়েছিলো তাদের মধ্যে এখনো যারা বেঁচে আছে, তারা, তাদের সন্তানরাও—সকলেই এই আনন্দের লক্ষ্য। আনন্দের সেই অরব সংগীত তাদের পূর্ণ ক'রে তুলে দিকে-দিকে ব্যাপ্ত হ'য়ে পড়লো। তারা এখন যা অহুভব করছে তাদের হাতের বইটির তা অজানা নেই, তার সমর্থন ও সম্মতি আছে সেখানে—এই রকম মনে হ'লো তাদের।

জিভাগোর কবিতা

অহুবাদ বুদ্ধদেব বসু

হ্যামলেট

ক্ষান্ত কলরোল । আমি বেরিয়ে আসি রক্তমঞ্চে ।
দরজার খুঁটিতে হেলান দিয়ে
দূর প্রতিধ্বনি থেকে আন্দাজ ক'রে নিতে চাই
আমার আয়ুষ্কালের আগ্নেয় ঘটনাগুলিকে ।

হাজার দূরবীনের দৃষ্টির ধারে-ধারে
আমাকে তাক ক'রে আছে রাতের অন্ধকার ।
আব্বা, পিতা, যদি সম্ভব হয়,
আমার এই পাত্র হোক হস্তান্তরিত ।

তোমার কঠিন পণ ভালোবাসি আমি,
আমার ভূমিকার অভিনয়ে আছি সন্মত ।
কিন্তু এবার এক ভিন্ন পালা শুরু হ'লো ;
এই একবারের মতো দাও আমাকে নিষ্কৃতি ।

কিন্তু অঙ্কগুলির পারস্পর্য অনড়
আর পথের শেষ আমাকে মুক্তি দেবে না ;
নিঃসঙ্গ আমি ; সব ডুবে গেলো ধর্মাত্মের শঠতায় ।
মাঠ পেরোনোর মতো সহজ নয় বেঁচে থাকা ।^১

মার্চ

রৌদ্রে ঘর্মাক্ত পৃথিবী,
বনের খাদ উন্মাদ প্রাণে ফেটে পড়ে,
বসন্ত—ঐ সৌমন্ত গয়লানি—
তার ছুই হাতে ফেনিয়ে ওঠে কান্ড ।

রোগা নীল শিরার মতো ছোটো-ছোটো ধারায়
তুষার যাচ্ছে ক্ষয়ে,
এদিকে গোয়াল-ঘরে বাড়ন্ত প্রাণ ধুইয়ে ওঠে,
শাবলের দাঁত স্বাস্থ্য আরো ধারালো ।

এই সব রাত, এই সব রাত্রি আর দিন :
ছপ্পুরবেলা জানালায় বৃষ্টির বাজনা,
ছাদে বরফ-গলার হালকা টুপটাপ,
নিঘূম ঝর্নাগুলির বকুনি .

সব কিছু উন্মুক্ত—আস্তাবল, গোয়াল ।
পায়রাগুলো ছোলা খুঁটেছে বরফে ।
এই যে টাটকা হাওয়ার গন্ধমাখা গোবর—
সে-ই অপরাধী, সেই প্রাণদাতা ।

পুণ্য সপ্তাহে

এখনো রাত, অন্ধকার নিবিড়,
পৃথিবীর সবেমাত্র সূচনা হ'লো :
আকাশে তাই নক্ষত্র অক্ষুন্ন,
প্রতিটি তারা দিনের মতো ভাস্বর,
আর পৃথিবী—মনে হয়—পারতো যদি
ক্সটার ভ'রে ঘুমিয়ে-ঘুমিয়ে শুনতো।
স্তোত্রপাঠের গুণন ।

এখনো রাত, অন্ধকার নিবিড়,
পৃথিবীর সবেমাত্র সূচনা হ'লো ;
আখো—ঐ পার্ক, মোড় থেকে চৌরাস্তা পর্যন্ত
উফতা, উফা,
সব যেন হাজার বছর দূরে এখনো ।

একেবারে নগ্ন এখনো পৃথিবী,
কোনো আবরণ নেই রাত্রে,
শুধু, স্তোত্রপাঠের প্রত্যুত্তরে
ঘণ্টা বাজিয়ে চলেছে অবিরাম ।

নদীর পাড় বেয়ে ঝ'রে-ঝ'রে পড়ে জল,
ফেনিয়ে তোলে ঘূর্ণিললোকে
শুচি-বৃহস্পতিবার^১ থেকে
পুণ্য-শনিবার পর্যন্ত ।

^১ Maundy Thursday, পুণ্য সপ্তাহের অন্তর্ভুক্ত : ১৯৭০ ৪২৯ পৃষ্ঠায় পাদটীকা
দ্রষ্টব্য ।—অনুবাদের টীকা

অরণ্যের বসন হ'লো ছিন্ন ;
 আরতির সময় ভক্তদের মতো,
 ভিড় ক'রে দেবদাক আছে দাঁড়িয়ে
 খুঁটের যাতনাতোপের^১ এই ঋতুতে ।

এদিকে শহরে
 জনসভার মতো দল বৈধে-বৈধে
 নগ্ন সব গাছ
 গির্জের রেলিঙের ফাঁক দিয়ে

তাকিয়ে আছে সভয়ে । কেন ভয় ?
 বেড়া ভেঙে লাফিয়ে ওঠে বাগান,
 পৃথিবীর ভিৎ উঠলো ট'লে :
 ভগবানকে কবর দেয়া হচ্ছে ।

ওরা দেখতে পায় সিংহদ্বারে^২ আলো,
 কালো কাফুন, সারি-সারি মোমবাতি,
 আর অনেক মুখ, কান্নায় কলঙ্কিত :
 হঠাৎ সেই মিছিল
 মৃতের আবরণ বহন ক'রে এগিয়ে আসে,
 ছুটো বার্চ গাছকে
 পথ ছেড়ে স'রে দাঁড়াতে হ'লো ।

১ বীভূত ক্রোধবর্ণকে তাঁর 'passion' বা 'যাতনাতোপ' বলা হয় । এক গুরুবারে তিনি ক্রোধবিদ্ধ হন, পরবর্তী সোমবারে তাঁর পুনরুত্থান ঘটে । বাৎসরিক ঈস্টার-পরব এই ঘটনার স্মারক ব'লে সেই সপ্তাহট 'পুণ্য' ।—অনুবাদের টীকা ।

২ ক্রীষ্টীয় গির্জাতে বেনীম অংশকে পৃথক ক'রে দিয়ে একটি অন্তরাল থাকে ; তার দ্বারকে সিংহদ্বার বলা হয় ।

গির্জের প্রাঙ্গণ প্রদক্ষিণ ক'রে
মিছিল করে যায় শানের ধার দিয়ে-দিয়ে ;
রাস্তা থেকে বারান্দায় নিয়ে আসে
বসন্ত, বাসন্তী কথাবার্তা,
আর সেই হাওয়া—যাতে খুঁটপ্রসাদের^১ স্বাদ লেগে আছে,
আর কাঠকয়লার বাসন্তী আত্মাণ ।

আর বারান্দায় জড়ো-হাওয়া খজদের দিকে
মার্চ দেয় ছড়িয়ে তার তুষার,
যেন কেউ সিন্দুকটাকে বের ক'রে এনে
খুলে, বিলিয়ে দিচ্ছে সব—
একেবারে শেষ টুকরোটি স্বপ্ন ।

ভোর পর্যন্ত গান ধামে না ।
বুক ভ'রে কৈদে নেবার পর
স্তোত্রপাঠ, শিষ্যচরিত
আরো মৃদু হ'য়ে নেমে আসে
শুভ্র, আলো-জলা রাস্তায় ।

কিন্তু মাঝরাতে মাঝবের আর সাড়া নেই, পশুরাও নিস্তব্ধ ।
কেননা বসন্তের রব তারা শুনেছে—
ঋতুবদলের লগ্ন আসামাত্র
পুনরুত্থানের যন্ত্রণার মধ্য দিয়ে
উৎপাটিত হবে মৃত্যু ।

১ খুঁটপ্রসাদ : communion বা eucharist । এই অনুষ্ঠানে পরিবেশিত রুটি ও হুয়া
খুঁটের মাংসে ও রক্তে রূপান্তরিত হয় বলে ভক্তেরা বিশ্বাস ক'রে থাকেন ।—অনুবাদকের টীকা

শাদা রাত্রি

দেখছি দূর অতীত
পিটার্সবার্গে নদীর ধারে একটি বাড়ি ।
স্টেপির এক তালুকদারের কন্যা
তোমাকে আমতে হ'লো কুর্স্ক থেকে ছাত্রী হ'তে ।

স্বন্দরী ছিলে, যুবকদের প্রিয়
সেই শাদা রাত্রি ভ'রে আমরা দু-জন
ব'সে ছিলাম তোমার জানলার পাটাতনে
স্বাইক্রেপারের চুড়ো থেকে তাকিয়ে-তাকিয়ে ।

গ্যাসের প্রজাপতির মতো রাস্তার বাতিগুলো
উষায় স্পৃষ্ট, কঁপে উঠলো ।
ঐ ঘুমন্ত দূরের মতো যুহু
আমার কথা, তোমাকে ।

আর আমরা, ভীক নিষ্ঠায়,
বাধা ছিলাম এক রহস্যে,
তীরহীন নেভা ছাড়িয়ে বিস্তীর্ণ
পিটার্সবার্গ শহরটার মতো ।

বাইরে, বহু দূরে, ঘন অরণ্যে,
বসন্তের সেই শাদা রাত্রিটিতে
নাইটিঙ্গেলেরা পূর্ণ ক'রে দিলো কানন
তাদের বন্দনার বজ্রনাদে ।

গাগল তান গড়িয়ে চলে অবিরাম,
ছোটো, নগণ্য সেই পাখির কণ্ঠ
জাগিয়ে দিলে পুলকের চঞ্চলতা
মন্ত্রমুগ্ধ অরণ্যের গভীরে।

গুড়ি মেয়ে সেখানে এলো রাত্রি,
খোলা-পায়ের বাউগুলের মতো জড়িয়ে ধরলো বেড়াগুলোকে,
তার পিছনে, জানলার পাটাতন থেকে,
ঝুলে রইলো ধোঁয়ার মতো আমাদের কথাবার্তা।

প্রতিধ্বনির নাগালের মধ্যে
বেড়া-দেয়া বাগানে
আপেলের ডাল, চেরিগাছের ডাল
সাজ প'রে নিলো শুভ্র মঞ্জরী।

আর প্রেতের মতো শাদা, গাছগুলি
ভিড় ক'রে রইলো রাস্তায়
যেন হাত নেড়ে বিদায় দিচ্ছে
সেই শাদা রাত্রিকে, যে বড্ড বেশি দেখে ফেলেছিলো।

বসন্তের বন্যা

বসন্তের বরফ-গলা প্রাবিতপথ অরণ্যের
মধ্য দিয়ে ক্লান্ত এক ঘোড়সওয়ার
উরালে কোন বিজ্ঞান চষা খেতের দিকে চলছে—
অন্তরাগের আগুন তখন মরন্ত ।

অধীর ঘোড়া লাগামে করে দংশন ,
পিছনে তার বর্নাগুলো অনেক নালায় ছড়িয়ে গিয়ে
কলস্বরে ফেনিয়ে তোলে
অশ্বখুরের প্রতিক্রিয়া ।

কিন্তু যখন অস্বাবোহী লাগাম ছেড়ে
মন্দগতি,
বসন্তের বন্যাধারা গড়িয়ে চলে
বজ্রনাদে ।

উঠলো হেসে কে যেন, ঐ কামা কার ?
পাষাণ-তলে পাষাণ হ'লো চূর্ণ ।
কম্প তুলে, ঘূর্ণিঝলে এলিয়ে পড়ে
ছিদ্রমূল বৃক্ষ ।

অন্তরাগের আগুন জ্বালায়
ডালেপালায় কয়লা-রঙা দিগন্তরে
উঠছে বোজ পাগল নাইটিঙ্গলের
কণ্ঠ, যেন উচ্চকিত ঘণ্টা ।

ঐ যেখানে অশ্রমতী লতা
এলিয়ে বৈধব্য-বাস খাদের ধারে ছুয়ে পড়ে,
সেখানে তার কণ্ঠে ফোটে সাতটি বাশি
গল্লে যেমন ডাকাত-নাইটিঙ্গেলের^১ ।

বলাৎকার ? তবে কি ছুরদৃষ্ট কোনো,
হুঃখ, জর আসন্ন ?
অরণ্যের ঝোপের ফাঁকে তীক্ষ্ণ এই ছুররা-গোলা
ছুটছে কাকে হানতে, কেউ জানবে না ?

আসামিদের গুপ্ত বাসার বিবর থেকে বেরিয়ে এসে
অরণ্যের দেবতা ঐ গানের পাখি
দিক না দেখা কৃষক-সেনার^২ পায়ে-চলা, ঘোড়ায়-চড়া
সাদ্রীদলের মুখোমুখি ।

আকাশ, মাঠ, ধরিত্রী ও অরণ্য
স্পৃষ্ট এই ষাতনা, স্মৃৎ, বেদনাময় উন্মাদনায় ;
বিরল ঐ শব্দ তারই সন্নিপাত—
আনন্দ, আর বেদনাময় উন্মাদনা ।

১ রূপায় রূপকথার প্রতি উল্লেখ ।

২ রূপায় গৃহযুদ্ধকালীন পার্টিজান-বাহিনীর কথা বলা হচ্ছে । তাদের মধ্যে অধিকাংশ ছিলো চাষি ; বনে-জঙ্গলে লুকিয়ে যুদ্ধ চালাতো তারা । —অনুবাদের টীকা

জবাবদিহি

যেমন একদিন অভূতভাবে বাধা পেয়েছিলো
তেমনি অকারণে ফিরে এলো জীবন ।
আমি আছি সেই পুরোনো চালের রাস্তাতেই,
যেমন ছিলুম সেই গ্রীষ্মের দিনে, সেই মুহূর্তে ।

একই লোকেরা, একই দুশ্চিন্তা ।
সেই যেদিন মরণসঙ্ক্যা ব্যস্ত হ'য়ে
সূর্যাস্তকে পেরেক ঠুকে ঝুলিয়ে দিলে পার্কের^১ দেয়ালে
তারপর থেকে সূর্যাস্তের তাপও তো জুড়োলো না ।

শস্তা ডোরা-কাটা স্ততির কাপড়ে
মেয়েরা এখনো জুতো ঝইয়ে ফ্যালে রাখে,
চিলেকোঠায়, লোহার ছাতের উপর
ক্রুশবিদ্ধ হয় তেমনি ।

এখানে একজন ক্লান্ত পা ফ্যালে
চৌকাঠে, বাইরে ,
আস্তে সিঁড়ি বেয়ে উঠে আসে
তয়খানা থেকে, উঠোন পেরিয়ে ।

আবার আমি ছুতোনাতা তৈরি রাখি,
আবার উদাসীন হ'য়ে যাই সব-কিছুতে ।
আরো একবার আমাদের প্রতিবেশিনী
রাস্তায় ঘুরে, একা থাকতে দেয় আমাদের ।

১ Man`ege Square : বিপ্লবকালে খণ্ডযুদ্ধের ঘটনাস্থল ।

* * *

কৈদো না, কোলা ঠোঁট ছুটি উন্টিয়ে
গুটিয়ে নিয়ো না ডাঁজ ফেলে ;
জানো না, বসন্তের জ্বর জন্ম দিয়েছে এই শুষ্কতাকে,
তুমি কান্দলে তা ফেটে যাবে ।

হাত সরিয়ে নাও আমার বুক থেকে ।
আমরা যে অতিবৈদ্যুতিক তার ।
সাবধান, নয়তো আচমকা
আবার ছ-জনে জড়িয়ে যাবো একসঙ্গে ।

কাটবে বছরের পর বছর, তুমি বিয়ে করবে ।
ভুলে যাবে এই অস্থির অবস্থা ।
নারী হওয়া মস্ত বড়ো ব্যাপার,
অগ্নদের পাগল ক'রে দেবার নামই বীরত্ব ।

আর আমি—আমার জন্ম রইলো
শ্রদ্ধা, এক আজীবন সেবকের ভক্তি,
যার লক্ষ্য সেই মহাবিশ্বয়, নারীর হাত দু-খানি,
তার পিঠ, কাঁধ, গ্রীবা ।

এই রাত্রি আমাকে এঁটে দিক
যতো না দুঃখের বলয়ের পর বলয়ে,
উন্টো দিকের টান আরো জোরালো
ভেঙে বেরোবার ইচ্ছেটাই আসল ।

শহরের গ্রীষ্ম

আধো গলায় কথাবার্তা ।
সম্পূর্ণ চুলের গুচ্ছটি
ঘাড়ের উপর থেকে তুলে নেয়া হ'লো
ক্ষিপ্ত ভঙ্গির চমকে ।

ভারি চিরুনির তলা থেকে
এক হেলমেট-পরা নারী সতর্ক চোখে তাকায়,
বিহুনি-করা চুলের বোঝা হৃদয়
মাথাটি তার পিছনে হেলানো ।

বাইরে, তপ্ত রাত
ঝড়ের দেয় সংকেত,
রাস্তায় ছড়িয়ে পড়ে লোকেরা
ব্রহ্মপায়ে বাড়ির দিকে ।

মেঘের গুরুগুরু ডাক
ছোটো, প্রতিধ্বনিতে তীক্ষ্ণ ,
জানলার পর্দাটাকে
হুলিয়ে দেয় হাওয়া ।

শব্দ নেই,
শব্দমোট।
আকাশটাকে তল্লাশ ক'রে ফেরে
বিদ্যাতের আঙুল।

আর, যখন উষায় ভরপুর হ'য়ে
উত্তপ্ত সকাল
রাত্রির বর্ষণের পর
রাস্তার খোদলের জল নিয়েছে শুকিয়ে,

তখন, আঙিকালের, স্নগন্ধি,
ফুলন্ত লেবুগাছগুলো
ক্রকুটি করে
রাত্রে তাদের ঘুম হয়নি ব'লে।

হাওয়া

এই আমার অবসান, কিন্তু তোমাকে আরো বাঁচতে হবে ।
হাওয়া, কান্নায় আর নালিশে নিরস্তর
কাঁপায় বাড়ি, ছুলিয়ে দেয় অরণ্য—
প্রত্যেকটা পাইনগাছকে আলাদা ক'রে নয়,
সব গাছ একসঙ্গে
ঐ সম্পূর্ণ সীমাহীন স্বদূর স্বন্ধ ছুলিয়ে দেয়
যেন সারি-সারি পালের জাহাজ
উপসাগরের তুফান পেরিয়ে নোঙর ফেললো বন্দরে ।
কেন কাঁপায় ? লক্ষ্যহীন আক্রোশে ?
না কি কোনো ক্ষতি করার জ্ঞান ?
না—ও যে নিজেই সম্ভ্রান্ত, তাই খুঁজে বেড়াচ্ছে
তোমার জ্ঞান এক ঘুম-পাড়ানি গান ।

নেশা

উইলো গাছ, আইভিলতায় ঘেরা,
ঝড়ের দিনে লুকিয়েছি তার তলায়,
এক চাদরেই দু-জনে রই ঢাকা,
আমার বাহুবন্ধে বাঁধা তুমি ।

ভুল হ'লো যে । ঝোপের গাছগুলো
আইভিতে নয়, কড়া নেশায় ঘেরা ।
তাহ'লে, বেশ, চাদরটাকে টেনে
নাও মাটিতে পেতে ।

ইঞ্জিনান সামার'

ক্যাষিসের মতো মোটা হ'য়ে উঠলো কালো আঙুরের পল্লব।
বাড়ির মধ্যে হাসি, কাচের রিনিঠিনি আওয়াজ।
কুটনো কুটছে ওরা, মেশাচ্ছে বাল, তৈরি করছে আচার,
লবঙ্গ তোলা হচ্ছে বৈয়মে।

অরণ্যের খুনসুটি এই সব আওয়াজ দিচ্ছে ছড়িয়ে,
গড়িয়ে চলে খাড়াই বেয়ে আস্তে—
ক্যাম্পে জলা আগুনের মতো সূষ
হেজেলের ঝোপগুলোকে বালসে দিয়েছে সেখানে।

পথ সেখানে খাদের দিকে নেমে গেছে ;
কষ্ট হয় বিধবস্ত গাছগুলোর জন্তু,
আর হেমন্ত—ঐ বুড়ো ছেঁড়া-শ্রাকড়ার ব্যাপারি
সব-কিছু ঝেঁটিয়ে নিয়ে যে নালায় ফেলছে—
তার জন্তুও কষ্ট লাগে মনে :

কষ্ট হয়, পৃথিবীটা সরল ব'লে
(য-ই বলুক না চালাক লোকেরা),
হুয়ে-পড়া ঝোপের জন্তুও কষ্ট
আর যেহেতু কিছু নেই যার শেষ নেই।

যখন চোপের সামনে সব যাচ্ছে জ'লে
আর হেমন্তের শাদা বুলকালি
মাকড়শার জালের মতো জানলা দিয়ে নেমে আসে
তখন কষ্ট, কেন তাকিয়ে থাকার কোনো অর্থ নেই ?

১৫৭ পৃষ্ঠার পাদটীকা দ্রষ্টব্য।

ডাঃ জি ভা গো

বাগানের বেড়া ডিঙিয়ে একটি পথ
বার্ষিকের মধ্যে হারিয়ে গেলো ।
বাড়ির মধ্যে জটলা আর হাসির শব্দ,
আর দূরে সেই একই হাসি, একই জটলা ।

বিলেবাড়ি

আঙিনার প্রান্ত পেরিয়ে
এসেছে দলে-দলে অতিথি,
কনের বাড়িতে ভোর অবধি
কুঁতি করবে ব'লে ।

বাড়িওলার বনাতে ছাওয়া দরজার পিছনে
গালগল্লের টুকরো
একটা থেকে সাতটা পর্যন্ত
শান্ত ।

কিন্তু ভোরবেলা
যখন মনে হয় অনন্তকাল ঘুমোনো যায়,
তখন, বিয়ের আসর থেকে বেরিয়ে,
হার্মোনিয়ম বেজে ওঠে আবার ।

গাইয়েটি আবার দেয় ছিটিয়ে
হাততালির ফোয়ারা,
পাথরের মালার ঝলমলানি ;
আন্ত দলটির হল্লোড় ।

যারা ঘুমিয়ে আছে তাদের বিছানায়
উৎসব থেকে ছিটকে
ফেটে পড়ে নাচের স্বর, কথার বকবকি—
আবার, বার-বার ।

তুম্বারের মতো শাদা একটি মেয়ে
ময়ূরের মতো নরম চ'লে আসে
সারি-সারি ভিড়ে, শিশু দেবার আওয়াজের মধ্যে,
আসে নিতম্ব ছলিয়ে।

মাথা ঝাঁকে,
ভঙ্গি তুলে ডান হাতটিতে,
নাচতে শুরু ক'রে দেয় শানের উপর
ময়ূরের মতো।

হল্লা, খেলা, ফুর্তি, থেমে যায় হঠাৎ ;
নাচের টিপ-টিপ তাল
যেন তলিয়ে যায় পাতালে,
যেন জলের মধ্যে ডুবে যায়।

উঠোনে গোলমাল উঠছে জেগে ;
কথাবার্তায়,
হাসির দমকের মধ্যে,
মিশে যাচ্ছে কেজো শব্দের প্রতিধ্বনি।

ধূসর-নীল ঘুগিহাওয়া উঠলো ,
এক ঝাঁক পায়রা
খোপ থেকে উড়াল দিয়ে
উঠে গেলো সীমান্তহীন আকাশের উচুতে।

যেন কেউ, ঘুম থেকে উঠে,
ওদের পাঠিয়ে দিলে
বর-কনের পিছন-পিছন
অনেক, অনেক বছরের আশু কামনা ক'রে।

আর জীবন মানে তো একটি মুহূর্ত শুধু,
 শুধু অন্তদের মধ্যে
 নিজের এই গ'লে যাওয়া,
 যেন উপহার দিচ্ছি ওদের কাছে—নিজেকে ;

শুধু এই বিয়ের রাত্রি
 সব ক-টা জানলার মধ্য দিয়ে রাস্তা থেকে বিক্ষোবিত,
 শুধু এক গান, এক স্বপ্ন,
 এক ধূসর-নীল পায়রা ।

হেমন্ত

আমার জীপুত্রকে ছড়িয়ে যেতে দিয়েছি আমি,
প্রিয়জন সব বিচ্ছিন্ন।
এক জীবনব্যাপী নিঃসঙ্গতায়
ভ'রে আছে প্রকৃতি আর আমার হৃদয়।

আর এখানে আমি তোমার সঙ্গে, ছোট্ট কুঠুরিতে
বাইরে, মরুর মতো জনহীন অরণ্য।
যেমন সেই গানে, তেমনি সব বাস্তবঘাট
আঁগাছায় প্রায় ছেয়ে গেলো।

দেয়ালের তক্তাগুলি বিষণ্ণ
আমাদের দু-জনকে ছাড়া আর-কিছু দেখতে পায় না ব'লে।
কিন্তু আমরা তো কখনো ভাবিনি যে উপকে যাবো বাধা।
সাধু হবে আমাদের মৃত্যু।

একটায় টেবিলে খেতে বসবো দু-জনে, উঠবো তিনটে বাজলে,
আমার হাতে বই, তুমি তুলে নেবে শেলাই।
ভোরবেলা মনে আনতে পারবে না
কখন আমরা চুমো খাওয়া থামিয়েছিলুম।

পল্লব, তোলো মর্মরধ্বনি, ছিটিয়ে দাও নিজেদের
আরো, আরো বেপরোয়া, আরো, আরো উজ্জল,
গত কালের তিক্ত পেয়লা ভ'রে দাও
আরো আরো ভ'রে দাও আজকের বেদনায়।

বাসনা, আনন্দ, ভক্তি,
 ছড়িয়ে পড়ুক সেপ্টেম্বরের কলরোলে :
 আর তুমি যাও, এই ফাটা গলার হেমস্তের মধ্যে নুকিয়ে থাকো,
 হয় উন্মাদ হ'য়ে যাও, নয় শাস্ত ।

বন যেমন পাতাগুলিকে
 তেমনি তুমি ছুঁড়ে ফ্যালো তোমার জামা-কাপড় ।
 রেশমি ফিতেওলা ড্রেসিংগাউন জড়িয়ে
 তুমি বা'রে পড়ে আমার বাহুবন্ধে ।

জীবন যখন রোগের চেয়েও বমি-পাওয়া
 আর সৌন্দর্যের শিকড় শুধু সাহস,
 তখন ধ্বংসের পথে তোমাকে পেয়েছি এক ভালো উপহার ।
 এই আমাদের পরস্পরের টান ।

একটি রূপকথা

একদা রূপকথার দেশে
ঘোড়সওয়ার
টগবগিয়ে মাড়িয়ে চলে
স্টেপির পাড়।

সামনে তার যুদ্ধ। দূরে
আঁধার এক অরণ্য
ঝাপসা ধুলোর পর্দা ছিঁড়ে
আসন্ন।

হৃদয়ে অস্থিতি, বলে
আঁচড় কেটে :
'জলের ধারে শঙ্কা, নাও
কোমর এঁটে।'

শুনলে না সে। মানলে শুধু
নিজের মন,
গাছে নিবিড় পাহাড় বেয়ে
চললো ছুটে জোর কদম ;

পাহাড় পার, মস্ত মাঠ
রইলো পিছে,
শুকিয়ে-ষাওয়া বর্নারেখার
চিহ্ন ধ'রে নামলো নিচে।

উপত্যকায় পায়ের ছাপে
জানতে
পেলো এ-পথ গেছে জলের
প্রান্তে।

সাবধানের শব্দ ওঠে
বারে-বারে ;
বধির, নিলো চালিয়ে তার
অশ্বটিকে জলের ধারে ।

* * *

ঝর্না ষেথায়
আঁকাবাঁকা অল্ল জলে,
গুহার মুখে
গন্ধকের আগুন জলে ।

উগ্র লাল ধোঁয়ায় চোখ
মেঘলা হ'লো । অকস্মাৎ
অরণ্যেরে দীর্ঘ ক'রে
উঠলো দূর আর্তনাদ ।

চমকে ওঠে অখারোহী :
'আমায় ডাকে !'
জবাব দিতে কঠিন হাতে
আঁকড়ে ধরে বর্ষাটাকে ;

মিটিমিটি চক্ষে পড়ে
এবার তার
মুণ্ড, ধড়, লম্বা ল্যাজ
জন্তুটার ।

একটি মেয়ে
বন্দী হ'য়ে প'ড়ে আছে
শকময় বপুর তিন-
ফেরতা প্যাঁচে ।

হাঁ থেকে লাল ফুলকি ওড়ে ;
 ছলছে গলা,
 যেন মেয়ের কাঁধের উপর
 চাবুক তোলা ।

রূপসীকে, রাজ্যে এক
 নিয়ম আছে,
 বলি দিতে হবে বিকট
 আরণ্যক পশুর কাছে ।

প্রজারা এই অর্ঘ্য দেয়
 অজগবে,
 বিনিময়ে দখল রাখে
 বস্ত্রিঘরে ।

অবাধ সাপ বহু সাধ
 মিটিয়ে নিতে
 রূপবতীর কণ্ঠ, বাহ
 বাঁধে কঠিন কুণ্ডলীতে ।

অস্বারোহী প্রার্থনায়
 পাঠালে চোখ উর্ধ্ব ;
 বর্শা উচু করো এবার
 যুদ্ধে ।

* * *

রুদ্ধ চোখ ।
 পাহাড় । মেঘ । জলের স্বর ।
 পাথর । 'নদী' ।
 বছর । যুগ । যুগান্তর ।

রক্তমাখা ; লোহার টুপি
লুটোয় দূরে ;
ধেঁওলে যায় সর্প, তার
ঘোড়ার খুরে ।

ছড়িয়ে আছে বর্ষা আর
অশ্ব, নাগ, বালুর 'পরে ;
মুছিত সে ; সংজ্ঞাহীন
কণ্ঠা প'ড়ে ।

স্নিগ্ধ নীল ঝামরে নামে,
দুপুর ভ'রে গুনগুনানি ।
এই মেয়ে কে ? কিসানী ? রাজ-
কণ্ঠা ? রানী ?

কখনো ঘোর পুলকে নামে
বিরামহীন অশ্রুধারা,
কখনো তার মরণঘূমে
আত্মহারা ।

কখনো তার স্বাস্থ্য ফেরে,
তাকায় চোখ একবার ;
কখনো ফের রক্তপাতে
নিঃসাড় ।

কিন্তু হুংপিও বাজে ।
কণ্ঠা, বীর, জাগবে ব'লে
বারেক কৈপে, নিদ্রাবেশে
আবার ঢলে ।

কঙ্ক চোখ।

পাহাড়। মেঘ। জলের স্বর।

পাথর। নদী।

বছর। যুগ। যুগান্তর।

অগস্ট

ঠিক তার প্রতিশ্রুতি-মতো
পরদার ফাঁক দিয়ে ভোরের আলো ঘরে এলো,
বাঁকা একটি জাফরান-রঙের রেখা
ঠেকলে এসে সোফায় ।

সূর্যের উত্তপ্ত হলুদে
ছেয়ে গেলো পাশের বন, পাড়ার বাড়ি,
আমার বিছানা, ভেজা বালিশ,
বইয়ের শেলফের পিছনে দেয়াল ।

মনে পড়ছে বালিশ কেন ভেজা ।
স্বপ্নে দেখলুম তোমরা আসছো,
একের পর এক, বনের মধ্য দিয়ে,
বিদায় দিতে আমাদের ।

শিথিল ভিড ক'রে ইঁটছিলে তোমরা ।
কিন্তু একজনের মনে পড়লো
যে পুরোনো পঁজির^১ মতো
আজ, ছুইই অগস্ট, খুঁটের রূপান্তরের^২ দিন ।

১ জুলিয়ান সীজার অব্যত সংশোধিত পঞ্জিকা রোমের বহুকাল প্রচলিত ছিলো ; কিন্তু ষোলো শতকে তাতে গুরুতর ভুল ধরা পড়ে ; তৎকালীন পোপ ত্রয়োদশ গ্রেগরি তার সংস্কারসাধন করেন । রোমান ক্যাথলিক দেশগুলি এই নতুন গ্রেগরীয় পঞ্জিকা গ্রহণ করতে দেরি করেনি, কিন্তু ইংলও ১৭৫২-র আগে তা স্বীকৃত হয়নি, আর রাশিয়া ও পূর্ব-য়োরোপের দেশগুলিতে তা প্রচলিত হয়েছে মাত্র বিংশ শতকে । জুলিয়ান পঞ্জিকে বলে 'পুরোনো', আর গ্রেগরীয় পঞ্জিকে 'নতুন' । —অনুবাদের টীকা

২ বীণা একবার তাঁর শিষ্যদের সামনে ঐশ্বর্য্যে আবির্ভূত হয়েছিলেন ; একে বলে তাঁর রূপান্তর । এর ঘটনাবলি টাবার পর্বত । —অনুবাদের টীকা

সাধারণত, এই তিথিতে, এক দহনহীন দীপ্তি
টাবর-গিরির চূড়ো থেকে ছড়িয়ে পড়ে,
আর হেমন্ত, কোনো চিহ্নের মতো স্পষ্ট,
সব দৃষ্টি নিজের দিকে টেনে নেয়।

তোমরা চলছিলে ছোটো, কম্পমান,
ভিথিরি-নগ্ন অন্ডার-বোপের মধ্য দিয়ে,
চলছিলে কবরখানার দিকে, যেখানে আদার মতো লালচে গাছপালা
মধুতে তৈরি পিঠের মতো জলজল করছে।

গাছগুলির শব্দহীন উচুতে
আকাশ তাদের মহান প্রতিবেশী ;
আর, মোরগের লম্বা টানা কণ্ঠনাদে
দূর ডাক দিয়ে যায় দূরতরকে।

গাছগুলোর ফাঁকে-ফাঁকে কবরখানার মধ্যখানে দাঁড়িয়ে
সরকারি গোমস্তার মতো মৃত্যু
আমার মৃত মুখের দিকে তাকিয়ে-তাকিয়ে
মেপে নিলে—কতো বড়ো কবর চাই আমার জন্ত।

স্পষ্ট শুনতে পেলো সবাই
কাছাকাছি, মুহূ একটি গলা ;—
ওটা আমার অতীত স্বর, প্রবক্তার,
ধ্বংস তখনো স্পর্শ করেনি তাকে :

‘বিদায়, ঐ রূপান্তরের
নীল আর সোনালি ;
নারীর একটি অস্তিম আদরে কোমল ক’রে তোলো
আমার মরণলয়ের সব তিক্ততা।

‘বিদায়, আমার কালোত্তর আয়ুষ্কাল,
বিদায়, নারী, যে-তুমি যুদ্ধে আহ্বান করেছিলে
অবমাননার পাতালকে ।
আমি—আমি তোমার যুদ্ধক্ষেত্র ।

‘বিদায় আমার উন্মুক্ত পাথর বিস্তারকে,
উড়ে চলার স্বাধীন প্রতিজ্ঞাকে বিদায় !
বিদায়, সৃষ্টিশীলতা, অলৌকিক শক্তি,
বাণীর মধ্যে উন্মোচিত বিশ্বরূপ !’

শীতের রাত্রি

তুষার ছেয়ে দেয় পৃথিবী
সকল সীমা তার ছেয়ে দেয় ;
টেবিলে জ'লে যায় মোমের বাতি,
টেবিলে জ'লে যায় ।

ষেমন ঝাঁকে-ঝাঁকে গ্রীষ্মে
আলোর দিকে ছোটো কীটেরা,
তেমনি জানালায় নিবিড় ভিড়ে
জমছে তুষারের পাপড়ি ।

হাওয়ার তাড়া খেয়ে আঁকছে
বৃত্ত, তীর ওরা জানালায় ।
টেবিলে জ'লে যায় মোমের বাতি
টেবিলে জ'লে যায় ।

আলোর উদ্ভাস সীলিঙে ,
পরস্পরে সংবদ্ধ—
হস্ত, পদতল সেখানে ছায়া ফেলে,
এবং নিয়তির স্বন্দ ।

শব্দ ক'রে দুটো জুতো
চমকে প'ড়ে যায় মেঝেতে ।
মোমের ফোঁটা-ফোঁটা অশ্রু ঝ'রে পড়ে
রাতের বাতি থেকে ঘাঘরায় ।

ধবলকেশ ঐ ধবল তুষারের
আধারে সব গেলো হারিয়ে ।
টেবিলে জ্বলে যায় মোমের বাতি,
টেবিলে জ্বলে যায় ।

হঠাৎ কোণ থেকে ঝাপট হাওয়া
ফুঁ দিলো বাতিটার আগুনে ;
তপ্ত প্রলোভন আগলো দেবদূত,
পাখায় ধূত ক্রুশচিহ্ন ।

ফেব্রুয়ারি ভ'রে বিরতিহীন
তুষার পৃথিবীকে ছেয়ে দেয়,
টেবিলে মাঝে-মাঝে মোমের বাতি জলে
টেবিলে জ্বলে যায় ।

বিচ্ছেদ

চৌকাঠ থেকে সে উকি দিলে ভিতরে,
চিনতে পারলে না নিজের বাড়ি।
সেই মেয়েটির বিদায় ছিলো উড়ে যাওয়ার মতো।
চারদিকে ধ্বংসের চিহ্ন ছড়ানো।

সব ঘর লগুভগু ;
চোখের জল আর মাথা ধরায় মিলে
তাকে দেখতে দেয় না
নিজের সর্বনাশের পরিমাণ।

সকাল থেকে একটা গর্জন চলেছে তার কানের মধ্যে।
জেগে আছে? না, স্বপ্ন দেখছে?
কেন বার-বার সমুদ্র
ঠেলে চ'লে আসে তার মনের ভাবনায়?
মেয়েটি তার প্রিয় ছিলো, আপন ছিলো
অঙ্গে-অঙ্গে,
যেমন তটরেখা সমুদ্রের ঘনিষ্ঠ
তরঙ্গে-তরঙ্গে।

যেমন ঝড়ের পরে
ঢেউ উঠে প্রাবিত করে বেগুন
তেমনি তার হৃদয়ে
মগ্ন সেই নারীর প্রতিমা

সংকটময় কালে
জীবন যখন অচিন্ত্য,
সমুদ্রের তলদেশ থেকে নিয়তির জোয়ারে
ভেসে এসেছিলো তার কাছে এই নারী।

অদৃশ্য ছিলো বাধা ।
কিন্তু, জোয়ারের টানে
কোনোমতে ফাঁড়া কাটিয়ে
সে তীরে এসে ঠেকেছিলো ।

এখন সে চ'লে গেছে ;
হয়তো যেতে চায়নি ।
এই বিচ্ছেদ গ্রাস ক'রে নেবে তাদের,
কষ্ট কুরে-কুরে খাবে, হাড়গোড়মুহুরে ।

লোকটি তাকালো তার চারদিকে ।
যাবার মুখে
সব উন্টে-পাণ্টে দিয়েছিলো সে,
দেবাজ টেনে ছুঁড়ে ফেলেছিলো সব ।

সন্ধ্যা অবধি ঘুরে-ঘুরে
দেবাজগুলোয় তুলে রাখে
ছিটিয়ে-পড়া কাটা কাপড়
আর ছিটের নকশা ,

তারপর, এক টুকরো শেলাইয়ে বেঁধে ছুঁচ
তার আঙুলে যখন ফুটে গেলো,
হঠাৎ তাকে দেখতে পেয়ে
কাদতে লাগলো নিঃশব্দে ।

মিলন

যখন ভারি হ'য়ে তুষার পড়ে ছাঁতের উপর
আর রাস্তাগুলিকে ঢেকে দেয়,
আমি বেরিয়ে পড়ি পা দুটোকে টান করতে, আর তোমাকে
একবার দেখবো ব'লে।

দরজার ধারে দাঁড়িয়ে আছো, একা,
গায়ে পাংলা কোট, টুপি নেই, রবারের জুতোটাও নেই,
চিবোচ্ছে। এক মুঠো তুষার
শান্ত হবার চেষ্টায়।

গাছগুলি, বেড়াগুলি
মিলিয়ে যায় অন্ধকার দূরে।
বরফের বৃষ্টির মধ্যে, একা,
তুমি এক কোণে দাঁড়িয়ে আছো।

মাথার রুমাল থেকে জল নেমে আসে,
চুইয়ে পড়ে জামার হাতায়,
চিকচিক করে তোমার চুলে
শিশিরের মতো।

একটি উজ্জ্বল অলকে
আলো হ'য়ে ওঠে
তোমার মুখ, মাথার রুমাল,
তোমার ছেঁড়া কোট আর তোমার দেহের গড়ন।

চোখের পলক বরফে ভিজে গেলো,
আছে দুঃখ তোমার দৃষ্টিতে।
অ্যাসিডে ডোবানো ছেনিতে
তুমি আছো আমার হৃদয়ে স্ফোদিত।

আর তোমার মুখশ্রী অকৃত বিনয়
 রইবে আমার হৃদয়ে চিরকাল,
 এই পৃথিবীর হৃদয়হীনতায়
 আর আমার এসে যায় না।

আর এইজন্মেই তুমারময় রাত্রি
 মিলিয়ে দিলো নিজের দুই প্রান্ত,
 তোমার আর আমার মধ্যে সীমান্তরেখা
 আমি টানতে পারি না।

কিন্তু আমরা কে ? কোথা থেকে এলাম ?
 —দেখছেন না, এই সব বছরগুলির
 বাকি আছে শুধু বাজে গুজব,
 আর আমরা এই পৃথিবীর কোনোখানেই নেই।

ক্রিসমাসের তান্না

কনকনে শীত ।

হাওয়া দিচ্ছে স্টেপির দিক থেকে ।

পাহাড়ের গায়ে, গুহার মধ্যে,
নবজাতক, তুমি কি শীতে কাতর ?

তাকে উষ্ণ রাখছে ষাঁড়ের নিশ্বাস ।

ঐ গুহাতেই

পোষা প্রাণীগুলোর গোয়াল ;

তাই কেমন ভাপ ঝুলে আছে জাবভাণ্ডটির উপর ।

তোশকের ঘাসের কুচি, খড়ের বীচি

গায়ের মেঘচর্ম থেকে ঝেড়ে ফেলে

আধো ঘুমের মধ্যে, শিলাখণ্ডের প্রান্ত থেকে,

মাঝরাতের দূরত্বের দিকে রাখালেরা তাকিয়ে রইলো ।

বহু দূরে বেড়া, কবরখানা, মৃতের সমাধিস্তম্ভ,

তুষারচ্ছন্ন প্রান্তর ;

বরফের মধ্যে একটা গাড়ির জোয়াল আছে প'ড়ে,

আর কবরখানার উপরকার আকাশ তারায়-তারায় আচ্ছন্ন ।

কখনো, কখনো তাকে দেখা যায়নি এর আগে—

পাহারাওয়ার কুঁড়েঘরের জানলায়

আলোর আভাসটিও লাজুক নয় এর মতো ;—

সেই তারাটি বেথলেহেমের পথ দেখিয়ে চললো ।

আকাশ থেকে, ঈশ্বর থেকে

এক পাশে স'রে দাঁড়িয়ে,

খড়ের আঁটির মতো জলতে লাগলো তারাটি,

আশুন-লাগা বাগিচার মতো উজ্জ্বল ।

উঠলো উচুতে

বিচালির স্থপ থেকে দপদপে শিখার মতো ;

ঐ নতুন তারা দেখতে পেয়ে

বিশ্ব হলো চকিত ।

তার আভা রক্তিম,

একটি সংকেত যেন ; ঐ অপূর্ব আলোর আহ্বানে

ব্যস্ত হ'য়ে এগিয়ে এলেন

তিন জ্যোতির্বিদ ।

বোঝাই-করা উপঢৌকন পিঠে নিয়ে

উটেরা তাদের পিছু-পিছু চললো ;

পাহাড়ের ঢালু বেয়ে

গাড়ি টেনে নিলে ছোটো গাধা, একটা অন্যটার চেয়ে ছোটো ।

দূরে ভেসে উঠলো সমস্ত অনাগত কাল

এক আশ্চর্য স্বপ্নাবিষ্ট মুহূর্তে :

সব আশা, ভাবনা, জগতের পর জগৎ, শতাব্দীর পর শতাব্দী,

ভাবীকালের সব চিত্রশালা, কলাভবন,

সব ভোজবাজি, জাহ্নকরের কীর্তি, পিশাচরের লক্ষরাক্ষা,

সব ক্রিসমাস-গাছ, স্বপ্ন ছেলেবেলার :

মোমবাতির দ্ব্যতি, রঙিন কাগজে তৈরি শেকল

ঝলমলে রাংতার উজ্জলতা ...

... আরো রেগে উঠলো স্টেপির হাওয়া, ছুষ্মনের মতো ব'য়ে গেলো ...

...সব আপেল, সব সোনালি বৃদ্ধ ।

পুতুরটার এক দিক ঢাকা পড়েছে অন্ডার-বোপে ;

কিন্তু যেখানে রাখালেরা দাঁড়িয়ে

সেখান থেকে একটা অংশ বাচ্ছে দেখা,

দাঁড়কাকের বাসা আর গাছগুলোর উচু মাথার কঁকে-কঁকে ।

মেঘচর্মে গা ঢেকে নিয়ে তারা বললে,
'চলো আমরাও যাই ওদের সঙ্গে,
প্রণত হই এই অলৌকিকের সামনে।'

বরফ ভেঙে চলতে-চলতে তারা গরম হ'য়ে উঠলো।
সেই উদ্ভাসিত প্রান্তরের উপর, কুটিরটিকে ঘিরে-ঘিরে
দেখা দিলো খোলা পায়ের ছাপ, কাচের মতো ঝকঝকে।
তারার আলোয় চৈচিয়ে উঠলো পাহারাদার কুকুরের পাল,
যেন ঐ পায়ের ছাপগুলো মোমবাতির টুকরোর মতো জ্বলন্ত।

তুহিন রাজিটি যেন রূপকথা।
বরফের পাড়ি থেকে, সেই ভিড়ের মধ্যে
অদৃশ্য কারা যেন নেমে-নেমে আসে।
কুকুরগুলো পিছু নেয়, ত্রুশে তাকায় চারদিকে,
গা ঘেঁষে থাকে সবচেয়ে ছোকরা রাখালটির, যেন কোনো
বিপদের আশঙ্কা ক'রে।

সেই একই পল্লীতে, একই পথ ধ'রে
কয়েকটি দেবদূত ভিড়ের মধ্যে হেঁটে চললেন,
দেহ নেই তাঁদের, কেউ দেখতে পেল না,
শুধু পায়ের চিহ্ন র'য়ে গেলো।

ভিড় জমলো দরজার ধারে পাথরটির সামনে।
ভোর হ'য়ে আসে। কেদারগাছের ডালগুলোকে স্পষ্ট দেখা যায়।
মারিয়া শুধোলেন, 'কে তোমরা?'
'আমরা একদল রাখাল, আর স্বর্গের দূত।
তোমাদের দু-জনকেই স্তুতি করতে এসেছি।'
'সবাইকে ধরবে না ঘরে। দরজার ধারে দাঁড়াও একটু।'

ভোরের আগে সেই ছাইরঙা প্রদোষে
 কাঠের জলপাত্রের পাশে দাঁড়িয়ে
 রাখাল আর গোষ্ঠপালেরা পা ঠুকতে লাগলো মাটিতে ।
 যারা এসেছে পায়ে হেঁটে, আর যারা ঘোড়ায় চড়ে, তারা
 পরস্পরকে গাল পাড়তে লাগলো,
 উটগুলো উঠলো গর্জে, গাধারা পা ছুঁড়ে জোরে ।

ভোর হ'য়ে আসে । আকাশ থেকে, কয়লার টুকরোর মতো,
 শেষ ক-টা তারাকে বেঁটিয়ে নিয়ে গেলো দিন ।
 অতো বড়ো জনতার মধ্য থেকে শুধু ঐ তিন জ্ঞানীকে
 পাথরের ফাটলের পথে মারিয়া ঘরে নিয়ে এলেন ।

তিনি ঘুমিয়ে আছেন কাঠের জাবভাণ্ডে,
 গাছের গর্ভে জ্যাংস্রার মতো উজ্জল ।
 মেঘচর্মের আচ্ছাদন নেই—
 তাঁকে উষ্ণ রাখছে গাধার ওষ্ঠ, ঘাঁড়ের নাসারন্ধ্র ।

তিন জ্ঞানী আবছায়ায় দাঁড়িয়ে
 ফিশফিশ করলেন, কথা খুঁজে পান না সহজে
 আর হঠাৎ, অন্ধকার থেকে একটি হাত বেরিয়ে এসে
 তাঁদের একজনকে জাবভাণ্ডের বাঁ দিকে ঠেলে দিলে ।
 ফিরে তাকালেন তিনি । দরজার ধার থেকে, পুণ্যকুমারীর দিকে অনিমেষ,
 অতিথির মতো,
 ক্রিসমাসের তারাটি আছে তাকিয়ে ।

প্রভুত্ব

আমার নিয়তির সর্বস্ব ছিলে তুমি ।
তারপর এলো যুদ্ধ, সর্বনাশ ।
অনেক, অনেক দিন হ'য়ে গেলো
কোনো চিহ্ন নেই, খবর নেই তোমার ।

এতকাল পরে,
আবার তোমার কণ্ঠস্বরে আমি চঞ্চল ।
সারা রাত ধ'রে পড়েছি আমি তোমাকে ।
এ যেন এক মুছ'া থেকে জেগে ওঠা ।

লোকজনের সংসর্গ চাই আমি,
যেতে চাই ভিড়ের মধ্যে, সকালের ব্যস্ততায় ।
মনে হয়, টুকরো ক'রে ভেঙে দিতে পারি সব-কিছু,
পারি ওদের ক্ষমা চাওয়াতে ।

দৌড়ে নামি সিঁড়ি দিয়ে
এই যেন প্রথম
বেরোচ্ছি তুমারে ঢাকা রাস্তায়
যার দুই দিকে ফুটপাথ জনশূন্য ।

চারদিকে আলো, গার্হস্থ্য, লোকেরা উঠে পড়ছে,
চা খাচ্ছে, ছুটছে ট্রাম ধরতে ।
কয়েকটি মিনিটের ব্যবধানে
শহরকে আর চেনা যায় না ।

কটকে ঘন হ'য়ে তুষার জমলো
 আর তার উপর ব্লিজার্ড বুনে চলেছে জাল।
 ওদের সবারই তাড়াহুড়ে। সময়মতো পৌঁছবে ব'লে,
 অর্ধেক খাবার রইলে প'ড়ে, চা শেষ হ'লো না।

ওদের প্রত্যেকের জন্ত আমার দরদ
 যেন ওদের চামড়া আমারও,
 গলমান বরফের সঙ্গে আমিও প'লে যাই,
 ভোরের সঙ্গে কুঁচকে তুলি ভুরু।

আছে আমার মধ্যে নামহীন লোকেরা,
 শিশুরা, কুনোরা, গাছপালা।
 ওরা সবাই জয় ক'রে নিয়েছে আমাকে,
 আর এই আমার একমাত্র বিজয়।

অলৌকিক ঘটনা

বেথানি থেকে জেরুসালেমে চলেছেন তিনি
বিবাদে আর আশঙ্কায় অবসন্ন।
পাহাড়ের গায়ে-গায়ে চোরকাঁটাগুলো ঝলসে যাচ্ছে রোদ্দুরে,
কাছাকাছি কোনো কুটির থেকে ধোঁয়া উঠছে না,
বাতাস তাপিত, বাঁশবন নিষ্পন্দ,
আর নিষ্পন্দ লবণসিঁদুর নিশ্চলতা।

সমুদ্রের তিস্ততার সঙ্গে
তঁার আত্মির যেন প্রতিযোগিতা,
হেঁটে চলেছেন তিনি ; ছোটো একদল মেঘ মাত্র তঁার অহুচর ;
পথের ধুলো এগিয়ে চলে শহরের দিকে,
সেখানে, কোনো এক সরাইখানায়, শিশুদের সঙ্গে দেখা হবে।

চিন্তার এমন গভীরে তিনি তলিয়ে গেলেন
যে বিমর্ষ মাঠ থেকে চিরতার গন্ধ বেরোতে লাগলো।
সব স্তব্ধ, মধ্যস্থানে তিনি দাঁড়িয়ে, একা।
জোরো প্রান্তর চাদরের মতো টান হ'য়ে প'ড়ে আছে।
ঐ তাপ, মরুভূমি, গিরগিটিগুলো,
ঝর্না আর জলস্রোত —
সব যেন মিশে গেলো পরস্পরের মধ্যে।

কাছেই একটি ডুমুর গাছ দাঁড়িয়ে ;
ফল ধরেনি, ডালপালা পল্লব ছাড়া কিছু নেই।
তাকে তিনি শুধোলেন : 'তোমাকে দিয়ে কোন সুখ হবে আমার ?
কী সার্থকতা তোমার—থামের মতো দাঁড়িয়ে আছো ওখানে !

‘আমি কুংপিপাসায় কাতর, আর তুমি নিফলা,
শিলাখণ্ডের মতো সাক্ষ্যহীন তোমার সত্তা।
কী অপ্রতিভ তুমি! কী নৈরাশ্রজনক!
আর এমনি—এমনি তুমি থাকবে অনন্তকাল।’

বজ্রাহত বিদ্যুৎবাহিকার মতো
শিউরে উঠলো অভিযন্ত তরু,
মূহুর্তে ভস্মীভূত হ’লো।

শাখা, মূল, কাণ্ড, পল্লব
যদি আর এক মুহূর্ত সময় পেতো,
তাহ’লে তাকে বাঁচাতে পারতো প্রকৃতির বিধান।
—কিন্তু অলৌকিক মানে অলৌকিক, তারই নাম ঈশ্বর।
যখন আমরা অন্ধকারে দিশেহারা
ঠিক সেই মুহূর্তেই তা খুঁজে বের করে আমাদের।

পৃথিবী

মস্কোর বাড়িগুলোর মধ্যে
ফেটে পড়ে অবাস্তবভাবে বসন্ত ।
কাপড়ের আলমারির পিছনে পাখা ঝাপটায় পোকারা,
চলে গুঁড়ি মেরে গমিকালের টুপিগুলোর উপর ।
লোমশ কোটগুলোকে ট্রাকে তুলে রাখা হ'লো ।

কাঠে তৈরি^১ দোতলা-তেতলার জানলায়
টবে ফুটলো লবঙ্গ-ফুল, দেয়াল-ফুল,
ঘরে ঘেন নিশ্বাস ফেলছে মস্ত খোলা হাওয়ার মাঠ,
চিলেকোঠায় ধুলোর মতো গন্ধ ।

ঝাপসাচোখ জানলাগুলোর সঙ্গে
মিতালি পাতায় রাস্তা,
শাদা রাত্রি আর নৃশাস্তকে
নদী বেঁধে দেয় অবিচ্ছেদ বন্ধনে ।

শোনা যাচ্ছে বাড়ির মধ্যে গলিতে
বাইরের কথাবার্তা, ব্যস্ততা,
আর গলমান বরফের ফোঁটা-ফোঁটা জলের সঙ্গে
এপ্রিলের গল্প আর মস্করা ।
মাস্তুষের হুঃখের হাজার বার্তা জানে এপ্রিল,
বেড়ান গায়ে-গায়ে ঠাণ্ডা হ'য়ে নেমে
সঙ্কেবেলাটা রটিয়ে দেয় সেই কাহিনী ।

১ মস্কোর অনেক বসতবাড়িতে একতলাটা পাথরে, আর উপরের তলাগুলো কাঠে তৈরি হ'তো ।

খোলা হাওয়ায়, ঘরোয়া আরামে
 আশ্রয় আর অস্বস্তির মিশ্রণ চলছে একই রকম ;
 সবখানেই বাতাস যেন অস্থির ।
 চৌরাস্তায়, জানলার তাকে,
 ফুটপাথে, কবরখানায়,
 সেই একই উইলো-ডালের কঞ্চি,
 একই ফুলে-গুঁঠা শাদা কুঁড়ির প্রাচুর্য ।

তাহ'লে দিগন্তে কেন কুয়াশার কায়া ?
 গোবরের গন্ধ কেন ধারালো ?
 ঐ কাজে কি ডাক আসেনি আমার
 হৃদয় যাতে হতাশ হ'য়ে না পড়ে,
 যাতে, শহরের সীমার বাইরে, পৃথিবীর
 না মনে হয় নিজেকে, নিঃসঙ্গ ?

আর তাই এই প্রথম বসন্তে
 একত্র হই আমি—আমার বন্ধুরা,
 আমাদের মিলন যেন এক ইষ্টিপত্র,
 আর সন্ধ্যা মানেই বিদায়—
 যাতে, দুঃখের ধারা গোপনে
 তাপ দিতে পারে জীবনের ঠাণ্ডায় ।

দুঃসময়

যখন শেষ সপ্তাহে
তিনি জেরুসালেমে প্রবেশ করলেন,
বজ্রনাগে জয়ধ্বনি এগিয়ে এলো,
ডাল হাতে নিয়ে ছুটলো তাঁর পিছনে জনতা ।

দিনগুলি কর্কশ হ'য়ে উঠছে ক্রমশ, হানছে ত্রাস,
প্রেমে দ্রব হয় না কোনো হৃদয়,
অবজ্ঞায় কুঁচকে থাকে ভুরু ;
এবার সমাপ্তি, এবার পরিশিষ্ট ।

আকাশ, যেন শিষ্যের মতো ভারি হ'য়ে,
এলিয়ে আছে ছাদগুলোর উপর ।
ফারিসীরা^১ খুঁজে বেড়ায় প্রমাণ,
শয়ালের মতো চাটু করছে তাঁকে ।

মন্দিরের মধ্যে, তামসী শক্তি
তাঁকে তুলে দিলে উচ্ছ্বল ইতরের হাতে—বিচারের জন্ত ।
যেমন সোচ্ছ্রাসে তাঁর বন্দনা করেছিলো গুরা,
তেমনি এবার তাঁকে শাপাস্ত করলে ।

ভিড় জমলো বাইরে,
ফটকের ফাঁকে-ফাঁকে উঁকি দিতে লাগলো ;
কী হয়, তা জানবার জন্ত ঠেলাঠেলি,
এই এগিয়ে আসে ধাক্কা, এই যায় পেছিয়ে ।

^১ Pharisee: প্রাচীন একটি ইহুদি সম্প্রদায়ের নাম। এঁরা ধর্মের লিখিত বিধান অক্ষতাবে পালন করতেন, আর সেইজন্যই এঁদের মধ্যে অহমিকা ও শাঠ্য বেশি দেখা যেতো। আধুনিক রোমায়ীরা ভাবায় এই শব্দের এক অর্থ দাঁড়িয়েছে 'বকর্থাষিক'। 'হ্যামলেট' কবিতায় যেখানে 'ধর্মাক্ষের শঠতা'র উল্লেখ আছে, সেখানেও ধর্মাক্ষ মানে ফারিসী।—অনুবাদের টীকা।

ছোট্ট ফিশকিশে একটি আওয়াজ, পোকার মতো সারা পাড়ায় ঘুরছে,
নানা দিক থেকে উড়ে এলো গুজব ।
তাঁর মনে পড়লো, অপ্নের মতো,
তাঁর শৈশব, মিশরদেশে পলায়ন ।

মনে পড়লো শূন্য প্রান্তরের মধ্যে
রাজার মতো পাহাড়, আর সেই চূড়া
যেখান থেকে, শয়তান
জগতের প্রভুত্ব দেখিয়ে তাঁকে লুপ্ত করেছিলেন :

আর কানায় সেই বিবাহ-তোজ^১,
অলৌকিক দেখে মোহিত অতিথিরা,
আর সেই সমুদ্র, যার উপর দিয়ে কুয়াশার মধ্যে,
তিনি হেঁটে গিয়ে নৌকো ধরেছিলেন—শুকনো ডাঙার মতো
তাঁর কাছে সমুদ্র ।

মনে পড়লো বস্তিতে জড়ো-হওয়া গরিবদের,
কেমন মোমবাতি হাতে ভাঁড়ারে নেমেছিলেন,
আর কেমন ক'রে, পুনরুত্থিত মানবকে উঠে দাঁড়াতে দেখে
মোমবাতিটা ভয় পেয়ে নিবে গিয়েছিলো ।

১ সন্ত ইয়নের হুমঘাচারে কথিত আছে, কানা নামক জনপদে এক বিবাহসভার বীণ
জলকে হ্রাস পরিণত করেছিলেন ।—অনুবাদের টীকা

মারিয়া মাদলীনা^১

১

যখনই রাত নামে আমার প্রলোভক পাশে এসে দাঁড়ায়।
 সে আমার ঋণ, আমার অতীতকে শোধ ক'রে দিচ্ছি।
 ঝাঁকে-ঝাঁকে লাম্পটের স্বতি
 শোষণ ক'রে নেয় আমার হৃৎপিণ্ড—
 সেই যখন পুরুষের মজির বাদি ছিলুম আমি,
 নির্বোধ—ঠিক ছিলো না মাথার—
 যখন রাস্তাটাই আমার আশ্রয় ছিলো।

সময় নেই, শুধু কয়েক মুহূর্ত অবশিষ্ট,
 তারপরেই সমাধিস্তম্ভের মৌনতা।
 পৃথিবীর অস্তিম এই প্রান্তে দাঁড়িয়ে, তোমার সামনে,
 আমার জীবনটাকে ভেঙে আমি উজোড় ক'রে দিলাম,
 কোনো-এক মর্মরপেটিকার মতো।

আমার গুরু, আমার জ্ঞাতা,
 কোথায় আজ থাকতো আমার অস্তিত্ব—
 যদি না, আমার ছলনার জালে আটকে-যাওয়া
 এক নতুন মকেলের মতো,
 আমার টেবিলে ব'সে, রাজে
 আমার জ্ঞান অপেক্ষা করতো অনন্তকাল ?

১ মারিয়া মাদলীনা : মারিয়া নামী যে-তিন নারী বীশ্বর পুনরুত্থানের সাক্ষী, ইনি তাঁদেরই একজন। পূর্বজীবনে ইনি ছিলেন গণিকা; বীশ্বর বাতনাতোপের পূর্বদিনে ইনি তাঁর মর্মরপেটিকা ভেঙে সজিত মূল্যবান সামগ্রী দ্বারা বীশ্বকে অতিবিক্ত করেন, তাঁর চরণ ধোত ক'রে আপন কেশগুলো তা মুছিয়ে দেন।—অনুবাদের টীকা

কিন্তু বলো আমাকে, এই আমি বখন
আমার নিসৌম মনত্বাপে তোমার সঙ্গে এক হ'য়ে গিয়েছি—
যেমন গাছের সঙ্গে কলমের চারা একান্ত—
তখন আর পাপের কী অর্থ,

কী অর্থ মৃত্যুর, নরকের, গন্ধকাগ্নির ?
আর হয়তো, তোমার পা দুটি আমার কোলে তুলে নিয়ে,
বীণ, আমি ক্রমশ শিখে নিচ্ছি
কেমন ক'রে, তোমার অন্ত্যেষ্টির জন্ত প্রস্তুতির সময়,
তোমার দেহটিকে নিজের মধ্যে মিলিয়ে নিতে-নিতে
ক্রুশকাষ্ঠের ফলকটিকে আলিঙ্গনে বাঁধতে হয়।

মান্নিমা মাদলীনা

২

উৎসবের আগে বাসন্তী ধোয়া-মোছার পালা ;
ভিড় থেকে দূরে স'রে গিয়ে
আমার ছোট্ট বাটি থেকে লোবান ঢেলে
তোমার পরম পুণ্যময় চরণের আমি সেবা করি ।

কোথায় তোমার পাছুকা—খুঁজে পাই না ।
আমার চোখের জল কিছু দেখতে দেয় না আমাকে ;
আমার চুলের গুচ্ছ ঝ'রে প'ড়ে
ঘোমটার মতো ঢেকে দেয় আমার দৃষ্টি ।

বীশু, তোমার পা দুটি আমার আঁচলে আছে বিগুস্ত ;
আমার চোখের জলে ধুয়ে দিয়েছি তাদের, আমার গলার মালা খুলে
নিয়েছি তাদের জড়িয়ে,
আমার খোলা চুল তোমার চরণের আবরণ ।

স্পষ্ট দেখতে পাচ্ছি সমস্ত ভাবীকাল
যেন তুমি কালের গতি রুদ্ধ করেছো ।
এ-মুহূর্তে আমার ভাবীকথনে পটুত্ব
দূরদর্শিনী ডাকিনীর মতো নিভূ'ল ।

আগামী কাল মন্দিরের গুপ্তন ছিন্ন হবে,
আমরা কাছাকাছি থাকবো ছোট্ট দল বেঁধে, স্বতন্ত্র,
আমাদের পায়ের তলায় ট'লে উঠবে মাটি
হয়তো আমাকেই করুণা ক'রে ।

প্রহরীর দল নতুন বাহ রচনা করবে,
 ফিরে যাবে অস্বারোহীরা ।
 আমার মাথার উপরে ক্রুশকাঠ, ঘূর্ণিবাত্যার মতো,
 ঠেলে উঠবে আকাশের দিকে ।

আমি পতিত হবো ওর পায়ের তলায়,
 ঠোঁট কামড়ে, মূঢ়ের মতো, নির্বাক,
 ক্রুশের শেষ প্রান্তে বিস্তীর্ণ হবে তোমার বাহ—
 তুমি কি আলিঙ্গন করবে সকলকেই ?

কার জন্ত, এই নিখিলসংসারে কার জন্ত,
 এমন উদার তোমার আলিঙ্গন ?
 কার জন্ত এতো শক্তি,
 এতো যজ্ঞা ?

এই নিখিলসংসারে
 এতো প্রাণী কোথায় ?
 কোথায় এতো জীবন,
 এতো পল্লী, নদী, অরণ্য ?

অতিবাহিত হবে ঐ ত্রিরাত্রি ,
 কিন্তু এমন শূন্যতার দিকে তারা ঠেলে দেবে আমাকে
 যে সেই ভীষণ অবকাশে
 আমি বেড়ে উঠবো পুনরুত্থান পর্যন্ত ।

গেথসেসমানে^১

দূর নক্ষত্রের উদাসীন উদ্ভাসে
পথের মোড় আলো হ'য়ে আছে ।
জলপাই-পাহাড়টিকে ঘিরে-ঘিরে উঠেছে পথ,
নিচে ব'য়ে চলে কেন্দ্রন ।

প্রান্তর মিলিয়ে গেলো
ছায়াপথে ।
ধূসরকেশ জলপাইগাছগুলোর চেঁচা, যেন বাতাসের উপর দিয়ে
হেঁটে-হেঁটে দিগন্তে গিয়ে পৌঁছবে ।

পথের ওপারে এক সজ্জিখेत ।
বেড়ার বাইরে শিষ্যদের তিনি দাঁড়াতে বললেন ।
'আমৃত্যু দুঃখময় আমার আত্মা,
তোমরা থামো এখানে, আমার সঙ্গে প্রহর জাগো ।'

যেন গুপ্তলো সব ঋণের সামগ্রী
এমনি অবাধে তিনি ত্যাগ করলেন
তাঁর নিখিলক্ষ্মতা, অলৌকিক পটুত্ব ;
এখন আমাদেরই মতো মরণশীল মানব তিনি ।

প্রলয়ের রাজত্ব সেই রজনী,
নাস্তিময় ;
সমস্ত অগৎ জনহীন হ'য়ে গেছে,
শুধু এই উজ্জান এখনো জীবনের যোগ্য ।

১ গেথসেসমানে এক উদ্ভাসের নাম : সেখানে বীণু তাঁর বাতনাতোগের পূর্বাভাস পেয়ে,
শিষ্যদের কাছে তাঁর আসন্ন মৃত্যুর বার্তা শোনান । পরের দিন প্রাতঃকালেই তিনি গৃহীত ও
কুশবিদ্ধ হন ।

তিনি তাকিয়ে দেখলেন শূন্য, কালো,
 অনাশ্রিত পাতালের দিকে ।
 তাঁর স্বেদে রক্ত হ'লো ক্ষরিত, যখন তাঁর পিতার কাছে
 প্রার্থনা করলেন,
 'এই মৃত্যুর পাত্র আমাকে উপেক্ষা করুক ।'

প্রার্থনার বলে মৃত্যুযাতনাকে শমিত ক'রে
 উদ্ধারের দ্বার পেরিয়ে তিনি বাইরে এলেন ।
 সেখানে, তন্ময় অভিভূত,
 শিথিল স্বপ্নের মতো প'ড়ে আছে ঘাসের উপর ।

তাদের ঘুম ভাঙলেন তিনি : 'ঈশ্বরের বরে আমার সমকালীন তোমরা,
 আর তোমরা কিনা এলিয়ে আছো আরামে...
 মানবপুত্রের সন্ধিক্ষণ আগত হ'লো
 পাপীদের হাতে নিজেদের তিনি অর্পণ করবেন ।'

বলামাত্র, কে জানে কোথা থেকে,
 বেরিয়ে এলো এক ইতর ভিড়—চোর, ক্রীতদাস,
 হাতে ছোরা, হাতে মশাল,
 আর পুরোভাগে জুডাস, তার চুষনের প্রতারণা নিয়ে ।

পিটার বাধা দিলেন ঘাতকদের,
 তাঁর তলোয়ারে একটি কান হ'লো ছিন্ন ।
 শুনলেন বাণী : 'কলহের নিষ্পত্তি হয় না ইম্পাতে,
 রাখো তুলে ধাপের মধ্যে তোমার তলোয়ার ।

'আমাকে বাঁচাবার জন্য, আমার পিতা
 পারতেন না কি অশ্লোহিণী বাহিনী পাঠাতে ?
 তাহ'লে কার সাধ্য আমার কেশস্পর্শ করে !
 ছত্রখান হ'তো শত্রুরা, কোনো চিহ্ন থাকতো না ।

কিন্তু জীবনগ্রন্থ সেই পাতাটিতে পৌছলো
 যেখানে আছে পুণ্যের পূর্ণতা।
 সেই লিপিকে হ'তেই হবে সার্থক,
 তবে তা-ই হোক। আমেন।

'বুকে নাও, কালের যাত্রা একটি রূপকমাত্র,
 পথে-পথে শতাব্দীগুলোতে আগুন ধরবে।
 মহাকালের দারুণ মহিমার মন্ত্র জপ ক'রে
 আমি, অপ্রতিহত, যজ্ঞগা পেরিয়ে নেমে যাবো কবরে।

'আর তৃতীয় দিনে আমাব হবে পুনরুত্থান।
 নদীর স্রোতে সারি-সারি ভেলার মতো, দলবদ্ধ অসংখ্য
 নৌকোর মতো,
 অন্ধকার থেকে আমার দিকে ভেসে আসবে শতাব্দীগুলো,
 আর আমি তাদের বিচার করবো।'

বরিস পাস্টেরনাক

মস্কো নগরে, ১৮৯০ খৃষ্টাব্দে, বরিস পাস্টেরনাক জন্মগ্রহণ করেন। পিতা লিওনিদ পাস্টেরনাক, চিত্রকর ও টেলিগ্রাফের বন্ধু; মাতা, রোজা কাউকমান-পাস্টেরনাক, হুশিয়ারী। পিতামাতার প্রথম সন্তান বরিস প্রথম যৌবনে হির করতে পারেননি তাঁর জীবনের বৃত্তি কোনটি হবে। ষোল্লক ছিলো সংস্কৃতির দিকে, কিছুকাল তার চর্চাও করলেন, এদিকে মস্কো বিশ্ববিদ্যালয়ে আইন-বিষয়ক পড়াশুনো চলছে। ছেলেবেলার ট্রেনে একবার একটি কীণকার লাঠুক বিদেশীকে দেখেছিলেন; গয়ে জানতে পারেন তিনি রাইনের মারিয়া রিলকে। বাড়িতে একদিন আবিষ্কার করলেন রিলকের কবিতার বই, কবি নিজেই লিওনিদ পাস্টেরনাককে উপহার দিয়েছিলেন। বরিস আইন ছেড়ে ভর্তি হলেন দর্শনে, তারপর হঠাৎ একদিন মা-র সঞ্চিত স্বল্প অর্থ লবণ ক'রে চ'লে এলেন জর্মানির মারবুর্গ শহরে দর্শন পড়তে। কিন্তু সেখানমেও ডিগ্রি নেওয়া হ'লো না; কিশোর প্রেমের নারিকার সঙ্গে লব্ধ ছিন্ন হ'লো; অবশিষ্ট অত্যল্প অর্থ নিয়ে ইটালিতে ভ্রমণ ক'রে স্বদেশে ফিরে এলেন। প্রথম মহাবুদ্ধ শেষ হবার পরে আর-একবার জর্মানিতে যান, তারপর অবশিষ্ট জীবন জন্মভূমিতেই অতিবাহিত করেন।

তাঁর প্রথম কাব্যগ্রন্থ 'মেঘের মধ্যে বসন্ত' ১৯১৫ সালে প্রকাশিত হয়; দ্বিতীয়, 'আমার বোন, জীবন' ১৯১৭-তে রচিত হ'য়ে প্রকাশিত হয় ১৯২২ সালে। সঙ্গে-সঙ্গে রাশিয়ার অন্ততম প্রধান তরুণ কবিরূপে স্বীকৃত হলেন তিনি; তাঁর সমবয়সী কিউবিস্ট ও ফিউচারিস্ট কবিদের সঙ্গে তাঁর বোণাবোণ ও সৌহার্দ্য ঘটলো, কিন্তু তিনি নিজে কোনো গোষ্ঠীর অন্তর্ভুক্ত হলেন না। ইংরেজিতে 'Safe Conduct' নামে অনূদিত আত্মজীবনীতে তাঁর জীবনের এই অধ্যায়ের সুন্দর বর্ণনা আছে। তাঁর এই সময়কার সাহিত্যিক সত্যীর্থ্য—এসেমিন, মারাকভস্কি, মারিনা ৭স্কেটাইরেভা, বরিস শিলনিরাক, ইউজেনে জামিরাস্টিন—১৯২৫ থেকে ১৯৪১-এর মধ্যে এরা সকলেই আত্মহত্যা

করেন বা বহুশ্রমস্বভাবে অবলুপ্ত হন ; কিন্তু বরিস পাস্টেরনাকের নিয়তি তাঁকে সত্তর বছর পর্যন্ত জীবিত ও সৃষ্টিশীল রেখেছিলো ।

যদিও কবি হিসেবে খ্যাতনামা, সোভিয়েট সমালোচকদের দাক্ষিণ্য তিনি কখনোই লাভ করেননি । ‘দুবোধ,’ ‘রীতিপ্রধান,’ ‘ব্যক্তিগত,’ ‘জনগণের সংযোগরহিত’—এই সব বিশেষণ তাঁকে দিনে-দিনে নিশ্চিনীয় ক’রে তুলছিলো । তবু, ১৯৪৫ পর্যন্ত তাঁর নতুন-নতুন কাব্য ও গল্প গ্রন্থ রচিত ও প্রকাশিত হবার বাধা ঘটেনি ; কিন্তু এর পরেই তাঁর বিষয়ে বিরুদ্ধতা এমন উদগ্র হ’য়ে উঠলো যে পাস্টেরনাক প্রায় একান্তরূপে অহুবাদ-কর্মে আত্মনিয়োগ করলেন । বহু ভাষায় অভিজ্ঞ তিনি : শেক্সপীয়র, গ্যোটে, শিলার, ভেরলেন, শেলি প্রভৃতি পাশ্চাত্য কবিদের রচনার, এবং আর্ম্যানি ও জর্জীয় ভাষার কবিতার বহু উত্তম অহুবাদ প্রণয়ন ক’রে কোনোরকমে স্বীয় জীবিকার সংস্থান ও মাতৃ-ভাষার সাহিত্যকে অনবরত সমৃদ্ধ ক’রে চললেন ; আধুনিক রুশীয় রঙ্গক্ষেত্রে তাঁরই অহুবাদে শেক্সপীয়র ও শিলারের নাটক অভিনীত হ’য়ে থাকে ; তাঁর ‘ফাউন্টে’র অহুবাদ একটি স্মরণীয় কীর্তি ।

দ্বিতীয় মহাযুদ্ধের পরবর্তী স্টালিন আমলে পাস্টেরনাক একটিও মৌলিক রচনা প্রকাশ করেননি বা করতে পারেননি । তাঁর পূর্বপ্রকাশিত পুস্তকসমূহ অপ্রকাশে প্রচ্ছন্ন হ’য়ে আছে ; তাঁর নাম উঠলে মব্য সাহিত্যিকেরা বলাবলি করেন, ‘কে পাস্টেরনাক ? ও, সেই অহুবাদক ।’ তাঁর জীবন হ’য়ে উঠলো স্বদেশেই নির্বাসিতের মতো : মস্কোর উপকণ্ঠে এক গ্রামে তাঁর বাসা, দেশ-বিদেশের পুস্তকে পরিবৃত হ’য়ে তাঁর দিন কাটে ; যে-‘পাশ্চাত্য সংস্কৃতি’ নিখিলরাশিয়ার নিয়তধিকৃত, তার সঙ্গে আশ্চর্যভাবে মানস সংযোগ রক্ষা ক’রে চলেছেন তিনি । দ্বিতীয় মহাযুদ্ধের আরম্ভকালে, যখন রুশ স্নায়ীরা একটি মুক্তির হাওয়া অহুভব করেছিলেন, তখনই ‘ডাক্তার জিভাগো’ উপন্যাসের পরিকল্পনা তাঁর মনে আসে ; হয়তো, পরবর্তী দারুণতর দুঃসময়ে, প্রকাশের আশা প্রায় না-রেখে, নিজের নির্জনের মধ্যে উপন্যাসটি তিনি লিখে আরম্ভ করেন ।

“ডাক্তার জিভাগো”-র বৈদেশিক প্রকাশ, তার নোবেল পুরস্কারপ্রাপ্তি, এবং পরবর্তী বিক্রোড ও আন্দোলন—এসব আজ কোনো পাঠকেরই অজানা :

নেই। অবজ্ঞার অপমানের চেয়েও পাণ্ডেরনাকের মনে অনেক বেশি কট্টর হ'য়ে বাজলো এই অনতিশ্রুত তর্কদীর্ঘ প্রকাক্ষতা। 'নোবেল প্রাইজ' নামক কবিতায় এই সময়কার বেদনা স্পষ্ট করলেন :

‘আমি যেন এক খাঁচায় বদ্ধ জন্তু।
বহু, স্বাধীন আলোকে আনন্দিত
আজো কোনোখানে রয়েছে মাহুঘ—কিন্তু
আমি পরিবৃত্ত শিকারির পদশব্দে।

*

*

কিন্তু বলো তো কী আমার দুঃখতি ?
আমি কি দহ্মা ? অথবা পিত্তন ধূর্ত ?
মাতৃভূমির রূপের পুণ্যশ্রুতি
জাগিয়ে, যে-আমি জগতে করেছি আর্ত ?’

*

*

(বুদ্ধদেব বহু -কৃত অনুবাদ)

পুর্স্কার প্রত্যাখ্যান করলেন, তিক্ততম মুহূর্তেও দেশত্যাগী হবার কল্পনা করলেন না ; তবু সোভিয়েটতন্ত্রের বিরুদ্ধতাকে প্রশমিত করা অসম্ভব হ'লো। সোভিয়েট লেখক-সংঘ থেকে বিতাড়িত হলেন তিনি ; তাঁর সমগ্র সাহিত্য-কৃতিতে ছয়ো দেবার জন্ত বহু লেখনী ও রসনা উদ্ধত হ'য়ে উঠলো ; যে-উপছাদ রাশিয়ার মধ্যে প্রায় কেউই পড়তে পেলো না সেটিই হ'য়ে উঠলো তাঁর কলঙ্কচিহ্ন, তাঁর নিন্দনীয়তার নিদর্শন। এই দুঃশীলতার প্রতিবাদে বহু কণ্ঠ ধ্বনিত হ'লো অন্তান্ত দেশে ও মহাদেশে ; বহু প্রখ্যাত সাহিত্যিক ও মনীষী তাঁর প্রতি শ্রদ্ধা ও সমবেদনা জানালেন ; এবং বাদামুখ্যবাদ এমনভাবে ক্ষীণ হ'তে লাগলো যেন তাঁকে নিয়ে লৌহ যবনিকার এপারে-ওপারে রাজনৈতিক মল্লযুদ্ধ চলছে। পাণ্ডেরনাকের কবিত্বভাবের পক্ষে এ যে কতো বড়ো বেদনা তা বলার কোনো ধরকার করে না।

এই অভূত সংকট থেকে মুক্ত্যর করুণা তাঁকে উদ্ধার করলো। ৩০শে মে, ১৯৬০, রাজিকালে, স্বল্পহারী রোগভোগের পর, এমন একটি জীবনের অবসান হ'লো, যার সাধুতা, সৃষ্টিশীলতা ও অবৈকল্য এই সংস্কৃত মধ্য-যুগকে সন্তোষের

একটি উদাহরণ বলে গণ্য হ'তে পারে। পেরেডেলকিনো গ্রামে, যেখানে জীবনের শেষ কুড়ি বছর তিনি কাটিয়েছিলেন, সেখানেই পার্শ্টেরনাকে শেষ নিশ্বাস ত্যাগ করলেন। জানলা দিয়ে দেখা যেতো একটি গ্রাম্য কবরখানা, তার মধ্যে অবস্থিত একটি নীলবর্ণ গির্জের ক্রুশটিই অনবরত তাঁর চোখে পড়তো ; সেখানেই, ধর্মীয় অহুষ্ঠানসমেত, তাঁর দেহকে যেন সমাধিস্থ করা হয়, এই ইচ্ছা বহুবার প্রকাশ করেছিলেন। ভাবতে ভালো লাগে যে কবির এই অস্তিম আকাঙ্ক্ষাটি অপূর্ণ থাকেনি, এবং যদিও মক্কো রেডিও ও তাস্ সংবাদ-সংঘ তাঁর মৃত্যুর বিষয়ে সচেতনভাবেই নীরব ছিলো, তবু তাঁর অন্ত্যক্রিয়ায় বহু লেখক ও শিল্পী অহুগমন করেছিলেন, পাশ্চাত্য প্রথমতো মৃতের স্বরণে প্রশস্তি-ভাষণও উচ্চারিত হয়েছিলো। পিতামাতা ছিলেন ইহুদি ধর্মাবলম্বী, কিন্তু পার্শ্টেরনাক পরিণত বয়সে বীভূকে আবিষ্কার করেন ; 'খৃষ্ট এসেছিলেন আমার কাছে, তাঁকে না-পেলে এই যুগের স্বজ্ঞা আমি সহ করতে পারতাম না,' তাঁর মূখের এই কথাটি সম্প্রতি একটি পত্রিকায় প্রকাশিত হয়েছে। "ডাক্তার জিভাগো" উপন্যাস, ও জিভাগোর কবিতাগুলি, তাঁর খৃষ্টীয় প্রেরণায় প্রোজ্জ্বল।

বুদ্ধদেব বসু

জন্ম ১৯০৮, পৈতৃক নিবাস ঢাকা জেলার অন্তর্গত বিক্রমপুর। জন্মস্থান কুমিল্লা, শৈশবে নোয়াখালিতে ছিলেন, পড়াশুনা করেন ঢাকা বিশ্ববিদ্যালয়ে। বিশ্ববিদ্যালয়ে ছাত্রাবস্থায় অজিত দত্তের সহযোগে ঢাকা থেকে 'প্রগতি' নামে মাসিকপত্র প্রকাশ করেন ; পত্রিকাটি দু'বছরের বেশি বাঁচেনি। এই পত্রিকার, এবং 'কল্লোলে' তাঁর প্রথম যৌবনের রচনা প্রকাশিত হ'য়ে রক্ষণশীল মহলে আতঙ্কের ও তরুণদের মধ্যে উৎসাহের সৃষ্টি করেছিলো। ১৯৩১ সালে তিনি যখন স্থায়ীভাবে কলকাতায় বসবাস করতে এলেন, তখন তাঁর প্রথম উপন্যাস, প্রথম কবিতার বই ও প্রথম ছোটোগল্প-গ্রন্থ প্রকাশিত হ'য়ে গেছে। ১৯৩৫ সালে 'কবিতা' পত্রিকা স্থাপন ক'রে, আজ পর্যন্ত তার সম্পাদনা ক'রে আসছেন ; আধুনিক বাংলা কবিতার কেন্দ্রস্থল ও পঁচিশ বছরের ঐতিহ্যশালী এই পত্রিকাটিকে আজ প্রায় একটি প্রতিষ্ঠান বলা যায়।

বুদ্ধদেব বসুর লেখনী যেমন অক্লান্ত, তেমনি বহুমুখী তাঁর উদ্ভব। মুখ্যত কবি ব'লে পরিচিত হ'লেও সাহিত্যের সমস্ত বিভাগেই তাঁর অবদান উল্লেখযোগ্য। কবিতা, কথাসাহিত্য, সমালোচনা ও রম্যরচনা, অহুবাদ, ছোটোদের বই, আধুনিক বাংলা সাহিত্য বিষয়ে একটি ইংরেজি গ্রন্থ,— সব মিলিয়ে বর্তমানে তাঁর গ্রন্থের সংখ্যা শতাধিক। এককালে পত্রিকাদির জন্ত ইংরেজিতেও বিস্তর লিখেছেন, তার একটি অংশ 'স্টেটসম্যান' সংবাদপত্রে প্রকাশিত অ-রাজনৈতিক বিষয়ক সম্পাদকীয় প্রবন্ধ। ১৯৩৪ থেকে ১৯৪৫ পর্যন্ত রিপন (বর্তমানে সুরেন্দ্রনাথ) কলেজে ইংরেজি সাহিত্য পড়িয়েছেন ; ১৯৫৩-৫৪-এ মার্কিন যুক্তরাষ্ট্রে অধ্যাপনা করার জন্ত আমন্ত্রিত হন ; বর্তমানে বারবপুর বিশ্ববিদ্যালয়ে তুলনামূলক সাহিত্য বিভাগের প্রধান অধ্যাপকরূপে নিযুক্ত আছেন।

তাঁর সাহিত্যকৃতির মধ্যে একটি বিশিষ্ট অংশ অধিকার ক'রে আছে তাঁর অহুবাদ। 'কালিদাসের মেঘদূত'—সম্পূর্ণ 'মেঘদূতম্'-এর পদ্ম অহুবাদ— আজকের দিনে পাঠকসমাজে পরিচিত ; 'ল্য ল্যব দ্য মাল'-এর ১০৪টি

ডাঃ জি তা গো

কবিতার অহুবাদ 'শার্ল বোদলেয়ার : তাঁর 'কবিতা' নামক পুস্তকে সংগ্রহীত হয়েছে। যা দেশে ও বিদেশে পত্রিকাদিতে প্রকাশিত হয়েছে কিন্তু গ্রন্থাকারে এখনো সঞ্চিত হয়নি, তার মধ্যে আছে হ্যোজার্লিন, মিলকে, এজরা পাউণ্ড ও অন্যান্য পাশ্চাত্য কবিদের বাংলা প্রকরণ, এবং তাঁর কয়েকটি কবিতা ও গল্পের স্বকৃত ইংরেজি অনূবাদ। বহুপূর্বে হান্স আণ্ডেরসন-ও অন্তর ওয়াইন্ডের গল্প অহুবাদ ও পিরানদেল্লোর একটি গল্পসংকলনের সম্পাদনা করেন, কিন্তু কোনো পূর্ণাঙ্গ উপন্যাসের অহুবাদে বুদ্ধদেব বহুর সহযোগ এই প্রথম ঘটলো।

*

মীনাক্ষী দত্ত (জন্ম ১৯৩৫) কলকাতার প্রেসিডেন্সি কলেজ থেকে দর্শনশাস্ত্রে এম. এ. পাশ ক'রে কিছুদিন লোরেটো হাউসে অধ্যাপনা করেন। সর্বপল্লী রাধাকৃষ্ণনের 'কঙ্কি' গ্রন্থটি তিনি বাংলায় অহুবাদ করেছেন ; নয়াদিল্লির গ্রাশনাল বুক-ট্রাষ্ট থেকে তা প্রকাশিত হচ্ছে। বর্তমানে বিভিন্ন যুগের পাশ্চাত্য প্রেমের গল্পের অহুবাদে হাত দিয়েছেন, এবং শ্রী সুবীর রায়চৌধুরীর সহযোগে, রবীন্দ্র-সমালোচনার একটি সংকলনগ্রন্থ সম্পাদনা করেছেন।

*

মানবেন্দ্র বন্দ্যোপাধ্যায় (জন্ম ১৯৩৮) জুল ভের্ন ও হান্স আণ্ডেরসনের কাহিনীর অহুবাদ গ্রন্থাকারে প্রকাশ করেছেন, তাঁর কবিতা নানা পত্রিকায় ছাপা হ'য়ে থাকে, একাধিক উপন্যাস প্রকাশসাপেক্ষ। যাদবপুর বিশ্ববিদ্যালয় থেকে তুলনামূলক সাহিত্যে এম. এ. পাশ ক'রে তিনি কিছুকাল রেজুনে শিক্ষকতা করেন ; বর্তমানে যাদবপুর বিশ্ববিদ্যালয়ের সংলগ্ন হ'য়ে আধুনিক বাংলা উপন্যাস বিষয়ে গবেষণা করছেন।

*

